作語

13)







北京大學《儒藏》編纂與研究中心

圖書在版編目(CIP)數據

儒藏. 精華編. 九/北京大學《儒藏》編纂與研究中心編. 一北京:北京大學出版社, 2011.11

ISBN 978-7-301-11727-9

I.①儒… Ⅱ.①北… Ⅲ.①儒家 Ⅳ.①B222

中國版本圖書館 CIP 數據核字(2011)第 227360 號

書 名:儒藏(精華編九)

著作責任者:北京大學《儒藏》編纂與研究中心 編

責任編輯:周粟 魏奕元

標 準 書 號: ISBN 978-7-301-11727-9/B • 0413

出版發行:北京大學出版社

地 址:北京市海淀區成府路 205 號 100871

網 址: http://www.pup.cn

電子郵箱: dianjiwenhua@163.com

電 話:郵購部 62752015 發行部 62750672 編輯部 62756449 出版部 62754962

印刷者:北京中科印刷有限公司

經 銷 者:新華書店

787毫米×1092毫米 16 開本 59 印張 797 千字 2011 年 11 月第 1 版 2011 年 11 月第 1 次印刷

定 價:500.00元

未經許可,不得以任何方式複製或抄襲本書之部分或全部内容。

版權所有,侵權必究 舉報電話: 010-62752024

電子郵箱: fd@pup. pku. edu. cn

《儒藏》精華編第九册

首席總編纂 季羨林

項目首席專家 湯一介

湯一介 靡 樸

總

編

纂

樸 孫欽善

古 安平秋 (按年齡排序)

劉大鈞 林忠軍

本

册

主

編

則的 爲儒家經典和反映儒家思想、體現儒家經世做人原 典籍的叢編。 、中國傳統文化以儒家思想爲中心。《儒藏 收書時限自先秦至清代結束。

藏》中的精要書籍。 一、《儒藏》精華編爲《儒藏》的一部分,選收《儒

互見。 漢文寫作的儒學著作,編爲海外文獻部類 寫者一律收其釋文文本。 已收入入選的個人叢書或全集者,僅存目録,並注明 分類法分類,大類、小類基本參照《中國叢書綜録》和 土文獻。傳世文獻按《四庫全書總目》經史子集四 《中國古籍善本書目》,於個別處略作調整。凡單書 三、《儒藏》精華編所收書籍,包括傳世文獻和出 出土文獻單列爲一個部類,原件以古文字書 韓國、日本、越南儒學者用 部

> 編,不改編,保持原書的完整性和獨 四、所收書籍的篇目卷次,一仍底本原 立 性 貌,不

選

勘價值的版本爲校本。 確定内容完足、精確率高的版本爲底本,精選有校 爲主,酌校異同。 五、對入選書籍進行簡要校勘。 校記力求規範、精煉 出校堅持少而精,以校正誤 以對校爲主

外,其他一律省略 例,進行規範化標點。 六、根據現行標點符號用法,結合古籍 專名號除書名號用角號(《》) 標 點通

落。 般不分段。 正文原已分段者,不作改動。千字以内的! 七、對較長的篇章,根據文字内容,適當劃分段 短文

出 及其他有關情況。 及整理時所確定的底本、校本(舉全稱後括注簡稱 介紹作者生平、該書成書背景、主要内容及影響,以 現順序前詳後略 八、各書卷端由整理者撰寫《校點說明》,簡要 重複出現的作者,其生平事蹟按

九、本書用繁體漢字豎排,小注 律排爲單行。

凡 例

《儒藏》精華編第九册

易漢學〔清〕惠 部 易 棟 類

經

115 1

易漢學

〔清〕惠 棟

校 撰點



	七十二候 三〇
	唐一行《開元大衍曆經》 二七
貞悔 六七	
貴賤 六四	
飛伏 六三	
世應 五九	
八宫卦次圖 五六	
八卦六位圖 五二	肖启
	消息 六
,	卦氣圖説 一
孔文舉書 四九	孟長卿易上 一
虞氏逸象 四四	多湾粤老一
乾爲積善 四四	
周流六虚 四二	易 美 劉子
五位相得而各有合 四一	校點説明
八卦納甲之圖 三三	
虞仲翔易 三三	巨
易漢學卷三 三三	_
漢儒傳六日七分學 三一	

附否泰所貞之辰異於他卦圖	鄭氏周易爻辰圖 八四 易漢學卷六 八四火珠林 八二	例	易漢學卷五
	辨太極圖 一〇五辨兩儀四象 一〇三辨兩樣四象 一〇三	辨河圖洛書	易漢學卷七

校點説明

惠東繼承家學專統,自幼專覽詳書,對徑、墓東繼承家學專統,自幼專覽詳書,對徑、蘇州市)人,初爲吴江縣學生員,後改歸元和籍,乾嘉學派最爲重要的代表人物之一,是乾嘉學派乾嘉學派最爲重要的代表人物之一,是乾嘉學派 東標(一六九七—一七五八),字定字,號松惠東繼承家學專統,自幼專覽詳書,對徑、

惜,或借讀手抄,校勘精審,於古書之真僞,了然 不涉獵和探究。 史、諸子、稗官野乘以及佛、道等方面的典籍,無 朱熹《四 若辨黑白」(錢大昕《潛研堂文集》)。 (一七四四),四十八歲的惠棟參加鄉試,因不 書集注》而引用《漢書》立論,爲考官所 繼 承家 他「雅愛典籍、得一善本、傾囊弗 學 傳統,自幼博 覽 群書、對經、 乾隆 九 守 年

於學術撰著。點。自是息意科場進取,精心教授門徒,並專意

對宋儒治學的不滿,如:「訓詁,漢儒其詞約, 了開風氣之先的作用。 宗 惟不及漢,且不及唐,以其臆説 義古,宋人則辭費矣,文亦近鄙。」「宋儒經學不 理和研究,許多言論中都流露出對漢學的推崇和 重小學訓詁與名物典制,對一代學術的發展起到 師,宋無經師,漢儒淺而有本,宋儒深而無本。」學 漢儒,繼承漢儒學風和傳統,溯其古而求其源, 惠棟崇尚漢學,一生萃力於漢學的發掘、 由於惠氏的倡導, 居多。」「漢有 逐 漸 形 經 其 整

成了乾嘉學派的吴派。

《四庫全書總目》著録爲八卷,而惠棟《易漢學自 之法。 《易》亦不爲無功矣。」 普遍重視與好評、"四庫全書總目》謂:「夫《易》 序》云「成書七卷」,江藩《漢學師承記》亦云七卷。 遺聞、鉤稽考證,使學者得略見漢儒之門徑,於 本爲卜筮作,而漢儒多參以占候,未必盡合周、孔 後,是爲八卷。《易漢學》受到當時及後世學者的 蓋後人將惠氏辨證《河圖》、《洛書》等内容附於書 《易漢學》是惠棟崇尚漢學的 然其時去古未遠,要必有所受之。棟采輯 代表性作 品,

早、校勘精良、續編本、匯文軒本據以翻刻、覆刻、 書》本、清乾隆四十六年至四十九年(一七八一 書》本删節較多,而《經訓堂叢書》本刊刻時 本、《清經解續編》本、清光緒二十二年(一八九 六)匯文軒刻本、《叢書集成初編》本。《四 七八四)鎮洋畢沅輯靈巖山館《經訓堂叢書》刻 《易漢學》現存主要版本有文淵閣《四庫 間 庫 較 全 全

> 書》本爲底本,校以影印文淵閣《四庫全書》本(簡 但匯文軒本錯謬較多。 「四庫本」)、《清經解續編》本(簡稱「續編本」)。 不妥和疏誤之處,敬希專家與讀者指正。 此次校點 以《經 訓堂 叢

稱

校點者 陳修亮

易漢學自序

散佚,以其説口授王父,王父授之先君子,散佚,以其説口授王父,王父授之先君子,散佚,以其説口授王父,王父授之先君子,散佚,以其説口授王父,王父授之先君子,被明取證,且使吾子孫無忘舊業云。在,猶知取證,且使吾子孫無忘舊業云。上承先漢,存什一于千百,庶後之思漢學上承先漢,存什一于千百,庶後之思漢學上承先漢,存什一于千百,庶後之思漢學上承先漢,存什一于千百,庶後之思漢學者,猶知取證,且使吾子孫無忘舊業云。是爲序。●

0

0

校説明。「玄」,原避康熙諱爲「元」,今回改,下同徑改,不再出

[「]是爲序」,四庫本作「長洲惠棟」。 矣」。 「先君子即世三年矣」,四庫本作「先君無禄即世三年

東吴徴士惠棟學

兵部侍郎兼都察院右副都御史巡撫河南提督 全省軍務兼理河道欽賜一品頂帶畢沅校刊

孟長卿易上

桂 氣 圖 ·説

數。 坤虚 正 一卦、餘六十卦、卦主六日七分、合周天之 内辟卦十二,謂之消息卦,乾盈爲息, 孟氏《卦氣 爲消,其實乾坤十二畫也。《繫辭》 圖》,以坎、離、震、兑爲四


易漢學卷

息。 横,不應漏刻。水旱相伐,風雨不節。 之一。辟卦爲君,雜卦爲臣,四正爲方伯。 蟲湧沸、羣異旁出。」此言卦氣不效,則分 錯委曲。隆冬大暑,盛夏霜雪。二分縱 氣,十二卦主十二辰,爻主七十二候,六十 正,則天地八卦孳也。《漢書》谷永對策曰:「王 至寒温,皆失其度也。《春秋命曆序》曰:●「元氣 藏器俟時,勿違卦月。謹候日辰,審察消 《周易參同契》曰:「君子居室,順陰陽節。 卦主六日七分,爻主三百六十五日四分日 十有四,凡三百有六十,當期之日。] 夫以 云:「乾之策二百一十有六,坤之策一百 二至二分,寒温風雨總以應卦爲節。 是以 一卦之策,當一期之數,則知二卦之爻, 歲之用矣。 纖芥不正,悔吝爲賊。二至改度,乖 四卦主四時,爻主二十四 四

⁰ 校説明。 曆」,原避乾隆諱爲「歷」,今回改,下同徑改,不再出

六日七分圖

《七事》云:「今春當早,夏必有 效,五徵時序。 五行言。失道妄行,則卦 者躬行道德,則卦氣理 證焉。 曆卦候,數有徵效。」郞顗 漢張衡上疏亦言:「律 氣悖亂,咎徵著郵。」後 漢儒皆用卦氣爲占驗。 毅《修華嶽碑》云: 水,以六日七分候之可知。」樊 宋、元以來,漢學日就滅 雨應卦,瀸潤萬物。」是 兼采先儒諸説,以爲左 亡,幾不知卦氣爲何物 余既列二圖于後, 兼《洪範》 風



革、夬。四月,旅、師、比、小畜、乾。五月, 睽、升、臨。正月,小過、蒙、益、漸、泰。二 未 升還從三公,周而復始 爲天子,屯爲諸侯,謙爲大夫,睽爲九卿, 坤。〕又云:「四正爲方伯,中孚爲三公,復 夷、困、剥。十月,艮、既濟、噬嗑、大過、 巽、萃、大畜、賁、觀。 九月,歸妹、无妄、明 履、遯。七月,恒、節、同人、損、否。八月, 大有、家人、井、咸、姤。 六月,鼎、豐、涣、 月,需、隨、晉、解、大壯。三月,豫、訟、蠱、 濟、蹇、頤、中孚、復。 魏《正光曆》推四正卦術曰:「十一月, 十二月,屯、謙

六日八十分日之七。」鄭康成注云:「六,以 候也。八十分爲一日,日之七者,一卦六 《易緯稽覽圖》曰:「甲子卦氣起中孚, 《易緯是類謀》曰:「冬至日在坎,春分日

在震,夏至日在離,秋分日在兑。四正之卦

月,三百六十五日四分日之一,六十而一周。」 卦有六爻,爻主一氣。共主二十四氣。 卦,卦主六日七分,八十分日之七。歲有十二 餘六十

《易》「箕子之明夷」,謂陰陽氣无。箕子,當作「荄滋」。 坎、離、震、兑,其用事自分、至之首,皆得 與 自八十有二節五卦初爻相次用事,及上爻 皆因京氏,惟《天保曆》依《易通統軌圖》, 十二分。餘皆六日七分。自《乾象曆》以降, 皆在分、至之首。皆五日十四分,四卦共少二百九 八十分日之七十三。頤、晉、井、大畜,四卦 氣漸生之始,此則太初之氣所生也。」孟喜弟子趙賓説 也。」《乾鑿度》又云:「易變而爲一。」注云:「一主北 云: 「太易之始,漠然無氣可見者,太初之氣,寒温始 曰:「太易者,未見氣也,太初者,氣之始也。」康成 於《孟氏章句》,其説《易》本於氣,《易乾鑿度》 而後以人事明之。京氏又以卦爻配期, 、中氣皆終,非京氏本旨及《七略》所傳。 唐一行「六《卦議》」曰:「十二月卦,出 方, 注

《齊曆》又以節在貞,氣在悔,非是。」 用事,《 按 中,直全卦之初,十有二節,直全卦之中。 郎 顗 齊曆》謬矣。 所 傳, 皆六日 《易》爻當 七分,不 以 日,十有二 初爻 相 次

曰: 純陰一卦,卦主六日七分,舉其成數言之, 純陰用事,至建子之月,陽氣始生。 云:『卦氣起中孚。』故離、坎、震、兑各主其 Ħ 而云『七日來復』。」孔穎達曰:「案《易緯》 《易軌》一 分,是每卦六日七分也。」李鼎祚曰:「 分,六十卦分之,六七四十二,卦别各得七 四分日之一又分爲二十分,是四百二十 一方,其餘六十卦,卦有六爻,爻别主一 1,凡主三百六十日。餘有五日四分日之 者,每日分爲八十分,五日分爲四百分, 一,以坎、震、離、兑四方正 「建戌之月,以陽氣既盡,建亥之月, 《復》卦經云:「七日來復。」康 歲十二月三百六十五日四分日 一卦 ,卦别六 隔此 成

> 來。隔坤之一卦,六爻爲六日,復來成震, 終,至十月末純坤用 爻主一日,當周天之數。 爻,爻主 來復』,是其義也。」 一陽爻生,爲七日。 一,以通閏餘 氣。 者。 其 剥卦 餘六 故言『反復其道,七日 事,坤卦將盡,則復陽 十卦 陽氣盡 餘五 三百 日 於九月之 四分日之 · 六 十


策 除之,爲四百八十七,故四百八十七者,歲 内,有七閏月者,法由兹起也。」又曰:「每 卦直六日,尚餘七分。古今曆法,一章之 法不同,而其餘分皆七。 爻主一日,歲既周而復始。] 歲數三百六十五日四分日之一,四乘而 卦直六日七分者,日以八十分爲法也。 也 《周易折中·啟蒙附論》曰:「日月之 每卦直六日,六八四十八,得四 故漢儒卦氣,每

易》曰:「旁行周合,六十四卦,月主五卦,

繋辭上》曰:「旁行而不流。」《九家

卦氣七十二候圖

日日之日十四之日百卦積之分又八之四爲法分百積餘六直十也。策七分,



■「小暑」,四庫本作「麥秋」。

£.

在李溉所傳《卦氣圖》也,其説原于《易 右李溉所傳《卦氣圖》也,其説原于《易 右李溉所傳《卦氣圖》也,其説原于《易 后。十二卦卦各六爻,爻主一候,而 局一著,故五日有一候,十五日成一氣。」 康成又云:「每一卦生三氣,則各得十五 日。十二卦卦各六爻,爻主一候,三候謂 歲之運周焉。」

氣候比之《時訓》,晚者二十有四,早者和, "知覽》載《易》家傳先師之言,所記之曰:「姤上九候,蟬始鳴。不鳴,國多妖又曰:「姤上九候,蟬始鳴。不鳴,國多妖之一,,半夏生。遲一候者,朱子發震。云:一九,半夏生。遲一候者,朱子發震。云:「《易通卦驗》,《易》家傳先師之言,所記《易通卦驗》,《易》家傳先師之言,所記《易通卦驗》,《易》家傳先師之言,所記《易通卦驗》,《過覽》載《易緯通卦驗》九百六十七卷,案,《御覽》載《易緯通卦驗》九百六十七卷,

消息

《剥·彖傳》曰:「君子尚消息盈虚,天

行也。」

食,天地盈虚,與時消息。」 《豐·彖傳》曰:「日中則昃,月盈則

《臨·彖傳》曰:「至於八月有凶,消不

教,曰 乾、坤、震、巽、坎、離、艮、兑、消、《左傳正義》:「《易》曰『伏羲作十言之久也。」

《繫辭上》曰:「變化者,進退之象也。」

息。」

荀 進 ,消卦爲退也。」 爽曰:「春夏爲變,秋冬爲化;息卦爲

從子至巳下上,故逆也。」 翔曰:「坤消從午至亥上下,故順 《説卦》曰:「數往者順,知來者逆。」仲 也。 乾息

熟則 也。」 盛長也。 消而降。 給 《九家易注·泰》卦曰:「陽息 用,給用則分散,故陰用特言消 陰言消者,起姤終乾,萬物成熟, 陽稱息者,長也,起復成巽,萬物 而升,陰

者爲帝,不純者爲王。. 息,立乾坤 《易緯乾鑿度》曰:「聖人因陰陽起消 以 統 天地。」又云:「消息卦,純

星曆,建立五行,起消息。」注:「皇侃曰: 乾者,陽生爲息,坤者,陰死爲消也。」」 《史記·曆書》太史公曰:「皇帝考定 漢書》京房上封事曰:「辛酉以來,少

> 爲辟。 陰倍力而乘消息。」●孟康曰:「房以息卦 陽,其餘卦曰少陰、少陽,爲臣下也。」 辟,君也。 消卦曰太陰,息卦 太

有讜言,以承天誠。」 典所務,王事過差,令處煖氣不效之意。 異,必有其故。 而消息不協,寒氣錯時,水漏爲變,天之降 《後漢書》陳忠上疏曰:「頃季夏大暑, 所舉有道之士,可策問 國 庶

四 正

卦也。 」 方之卦也,兑,正秋也, 説卦》曰: 「震,東方 坎者, 也 離 正北 也 者,南 方之

「少陰」、《漢書》作「太陰」。

案,震、離、兑、坎,陰陽各六爻。

荀爽以

ť

0

四時來也。」
四時來也。」
「乾坤有消息,從
用。翟玄注《文言》云:「乾坤有消息,從
十四,合二十四氣。蓋四正者,乾坤之
十四,合二十四氣。蓋四正者,乾坤之

曰: 坎冬,離夏,故兩儀生四象。」 二五之坤,成坎、離、震、兑。 四象,四時 辭上》曰: 也。 兩 兩 儀謂 儀 生 乾、 震春, 兑秋, 四 象。」仲 坤 也 乾 翔

坎以 震功 羣陰 未達,極於二月,凝涸之氣消,坎運終焉。 四氣,次主一爻。其初則二至、二分也。 春分出於震,始據萬物之元,爲主於内,則 生於地下,積而未章,至于八月,文明之質 究 化 陰包陽,故自北 孟氏章句》曰:「坎、離、震、兑,二十 焉。 而從之,極于南正 離 以 陽包陰,故 正 ,微陽動於下,升而 一,而豐· 自南 大之變窮, 正,微陰

> 静始於坎,陽九之動始于震,陰八之静始 之末,爲主於内 兼六爻,而中節之應備矣。」一行「六《卦議》」。 于離,陰六之動始于兑。故四象之變,皆 正,而天澤之施 衰,離運終焉。 ,羣陽降而承之。 仲秋陰形于兑,始 窮, 兑功究焉。 故 陽 極 循 七之 于北 萬 物

之卦,卦有六爻,爻主一氣。」日在震,夏至日在離,秋分日在兑。四正日在震,夏至日在離,秋分日在兑。四正《易緯是類謀》曰:「冬至日在坎,春分

直初九,清明於震直六二,穀雨於震直六 大寒於坎直六三,立春於坎直六四 離直六二,大暑於離直九三,立秋於離直 種於震直上六。 於坎直九五,驚蟄於坎直上六。 而主六氣,初六爻也。小寒於坎直九二, 三,立夏於震直 康成注《通卦驗》曰:「冬至坎始 九四,小滿於震 夏至於離 直 初 九,小暑 直六五,芒 春分於震 用 雨 水

直九五,大雪於兑直上六。」於兑直六三,立冬於兑直九四,小雪於兑秋分於兑直初九,寒露於兑直九二,霜降九四,處暑於離直六五,白露於離直上九。

孟康《漢書注》曰:「分卦直日之法,一 是、離、兑、坎者,是二至、二分用事之日, 震、離、兑、坎者,是二至、二分用事之日, 震、離、兑、坎者,是二至、二分用事之日, 震、離、兑、坎者,是二至、二分用事之日,

離也。」《京氏易傳》曰:「方伯分威,厥妖馬注《漢書》曰:「京房謂方伯卦,震、兑、坎、注《漢書》曰:「京房謂方伯卦,震、兑、坎、

則坎、離爲經,震、兑爲緯,此四正之卦,爲序,度畢矣。」康成云:「四維正四時之紀,《易緯乾鑿度》曰:「四維正紀,經緯仲

四仲之次序也。」

臣也。《京氏易傳》曰:「賦斂不理,兹謂禍,《京氏易傳》曰:「賦斂不理,強弱,並謂為其臣道辟而易臣,兹謂陰動。」坎、離爲經,位方伯,故云辟而易臣,兹謂陰動。」坎、離爲經,位方伯,故云辟而易臣,兹謂陰動。」 以云:「大經在歷風絕經緯。」四時不正也。又云:「大經在歷風絕經緯。」四時不正也。

夏興坎治則雹。」

《漢書》魏相奏曰:「東方之卦,不可以

十二消息

壯、夬配春,乾、姤、遯配夏,否、觀、剥配曰:「變通趣時,謂十二月消息也。泰、大曰:「變通配四時。」仲翔

通,而周於四時也。」秋,坤、復、臨配冬。 謂十二月消息相變

生變化,故變在其中矣。」曰:「謂十二消息,九六相變,剛柔相推而又云:「剛柔相推,變在其中矣。」仲翔

陰陽往來,無窮已,故通也。」「謂一冬一夏,陰陽相變易也。十二消息,又曰:「往來不窮謂之通。」荀爽曰:

鶉首、鶉火、鶉尾、壽星、大火、析木、星紀、日月所會之宿,謂諏訾、降婁、大梁、實沈、消息,法周天地而不過於十二辰也。 辰,湯》曰:「範者,法也。 圍者,周也。言乾坤易》曰:「範者,法也。 圍者,周也。言乾坤

臨也。玄枵之屬是也。」諏訾以下,謂自寅至丑,自泰

至

來也。 之時,自剥來 四,八月之時,自觀來也。 陰氣在三,七月之時,自否來也。 姤來也。陰氣在二,六月之時,自遯來也。 注《坤》六爻曰:「陰氣在 陽在上九,四月之時也。」四月於消息爲乾。 自泰來也。 月之時,自臨 正之位,而乾元所始也。陽在九二,十二 月之時,自復來也。 也。」十月於消息爲坤 干寶注《乾》六爻曰: 陽在九五,三月之時,自夬來也。 陽氣在四,二月之時,自大壯 來也。 也。 陰在上六,十月之時 陽在九三,正月之時, 初九甲子,乾納甲。天 初,五月之時,自 陽 陰氣在五,九月 在初 **允**,十一 陰 氣 在 又

尊,每月者譬一卦而位屬焉,各有所繫。」 康成注《乾鑿度》曰:「消息於雜卦爲

之初六屬姤,是也。臨、觀以下倣此。案,每月譬一卦者,如乾之初九屬復,坤

此後漢陳寵所謂「三微成著,以通三統」正,息卦受復,其色尚赤,以夜半爲朔。」以十一月爲其色尚白,以鷄鳴爲朔。周以十一月爲班,息卦受泰,物之始。其色尚黑,以寅爲正,息卦受泰,物之始。其色尚黑,以寅爲正,夏卦受泰,物之始。其色尚黑,以寅爲

微成著,一爻也,三著成體,乃泰卦也。」也。康成謂:「十日爲微,一月爲著,三此後漢陳寵所謂「三微成著,以通三統」

表二好文,坤爲文,故好文。觀表出準虎,剥表耳參漏,足履王知多權,遯表日角連理,否訴,龍角大辰,古曆字。夬表升骨履文,姤表角,臨表龍顔,泰表載與戴同。干,大壯表握角,臨表龍雞、鑿度》曰:「孔子曰:『復表日

案,十二消息皆辟卦,故舉帝王之表以

重童,與瞳同。

明曆元。」

明之。

得常。 夬陰以退,陽升而前。 落,魁臨於卯。 爲卯,卯爲開門。 剛柔並隆。陰陽交接,小往大來。 氣也,十二月建。」結正低昂。 仰以成泰,九三。 近,日以益長。 也,十一月建焉。」 兆乃滋張。播施柔暖,黎蒸 曰:「十一月黄鐘,乾初九也。」康成曰:「黄鐘,子之氣 象,故出入无疾。」立表微剛。 云:「謂出震成乾,人巽成坤,坎爲疾,十二消息不見坎 朔旦,震來受符。 負,建緯卯卯,刑德並會,相見歡喜。 而趣時。 「坤陰詘外爲小往,乾陽信内爲大來。」輻輳於寅,運 《周易參同契》曰:「朔旦爲復,初九晦至 臨爐施條,九二。 漸歷大壯,九四。俠列卯門。 翼奉《風角》曰:「木落歸本。」刑德相 陽氣始 榆莢墮落,還歸本根。二月榆 丑之大吕,康成曰:「大吕,丑之 通。 開路正光。 洗濯羽翮,九五飛龍 出 黄鐘建子, 入无疾 晝夜始分。 光耀 仲翔曰: 仲 春分 韋昭 翔

冰也。 旦,上巳。❶ 量,六四。 二、遯、乾二世。 建焉。」賓服於陰,陰爲主人。 遯去世位,六 霜最先。井底寒泉,巽初六與乾初九爲飛伏,乾爲 振索宿塵。 緯·推度災》曰:「陽本爲雄,陰本爲雌,物本爲魂。 者不生。 薺麥芽蘗,因冒以生。 八月麥生,天剛據西。 《詩 必知生八月仲者,據此時菱薺生,以爲驗也。 變陰、陽爲雌、雄、魂也。節猶氣也。太初者,氣之始也。 八月仲節,號曰太初,行三節。」宋均注曰:「本即原也。 竭,秋冬爲化。 膚,皆屬肢體。 **性》曰:** 三節者,須雌俱行,物□也。」❷剥爛肢體,六五。《雜 遯,俟時也。」栖遲昧冥。 否塞不通,六三。 萌 午爲蕤賓。康成曰:「蕤賓,午之氣也,五月 「剥,爛也。」初足、二釆、四膚。 察仲秋情。 陰伸陽詘,没陽姓名。 中而 乾健盛明,廣被四隣。 收斂其精。懷德俟時,陸續曰: 亡失至神。 消滅其形。 相干。 任畜微稚,老枯復榮。 姤始紀**序,**初六。 乾爲神。 消艮人坤。 指間稱采,釆上稱 道窮則返, 陽生物,行 化氣既 觀其權 陽終於 雄生 履

歸乎坤元。」坤元即乾元。

_

上,成爲乾卦,乾體在下。三陰爲坤,坤體 是,保,也氣上騰。」《正義》曰: 電「天地之氣, 。至十月之時,於以象十二月。陽氣之升, 。至十月之時,於陽退盡,皆伏於下,至 時。至十月之時,於陽退盡,皆伏於下,至 時。至十月之時,於陽退盡,皆伏於下,至 一月,陽之一爻始動地中,至十二月,陽 十一月,陽之一爻始動地中,至十二月,陽 十一月,陽之一爻始動地中,至十二月,陽 十一月,陽之一爻始動地中,至十二月,陽 十一月,陽之一爻始動地中,至十二月,陽 十二月,陽之一爻始動地中,至十二月,陽 十二月,陽之一爻始動地中,至十二月,陽

^{▶ 「}一一,"太平即竟"乍「窖」,● 「上巳」,四庫本作「上九」。

③ 「義」,原誤作「氣」。今據四庫本改。刻本《詩緯集證》作「乃著」。

能定其旨趣、諠諠撓撓、亦無取焉。」 世、而成坤體、坤體在下、三陽爲乾、而體在 生、而成坤體、坤體在下、三陽爲乾、而體在 生、而成坤體、坤體在下、三陽爲乾、而體在 生、而成坤體、坤體在下、三陽爲乾、而體在 生、而成坤體、坤體在下、三陽爲乾、而體在 生、而成坤體、坤體在下、三陽爲乾、而體在 上。所以十月云『地氣下降,天氣上騰』。 上。所以十月云『地氣下降,天氣上騰』。 在坤下也。十一月一陽初生而上排陰,至 在上。是陽氣五月初降,至正月爲天體,而

辟卦雜卦

凶則凶。」康成注云:「辟,天子也。天王諸也,五日,辟也,六日,宗廟。爻辭善則善,也,二日,大夫也,三日,卿也,四日,三公凡六日:七分歸閏。初用事一日,天王諸侯凡六日:七分歸閏。初用事一日,天王諸侯人

候者,言諸侯受其吉凶者,唯天子而已。」

周還用事,此始侯者,從月數也。耶? 卦氣五位,以公、辟、侯、大夫、卿,廟」,未詳。豈一卦六爻,備有此六者原、未詳。豈一卦六爻,備有此六者案、《易緯》此説與齊《天保曆》合。所謂

也,解,三公也,皆雜卦。太陽侵色,雜卦于消息也。陽」。晉、解,雜卦也,皆主二月。晉,九卿案,大壯,辟卦也。乾九四用事,故云「太

孟康曰:「房以消息卦爲辟。辟,君也。消卦又曰:「辛酉以來,少陰倍力而乘消息。」

爲臣下也。并力,雜卦氣于消息也。」 復、臨、泰、大壯、夬、乾。其餘卦曰『少陰」、『少陽』, 『太陰』,姤、遯、否、觀、剥、坤。 息卦曰『太陽』,

月,天氣鬱冒,五位四候,連失正氣。」 四正也。 案,五位,謂公、辟、侯、大夫、卿,四侯, 《後漢書》朱穆奏記梁冀曰:「今年九

中,一辰效則可也。」❷唯消息及四時 三、上九微温,六三、上九决寒,六三、上六微寒。 六日七分 度效一辰則可矣。● 原注:「雜卦九三、上六決温,九 日七分,一分效。6 效分上一時。⑤ 非太平,以其卦分效則可,☆ 陰用事,謂從否至臨。而少陽卦當效時至,則於 日,❸盡六日七分,四時七十二分也。 用事,謂從泰至遯。 位,◎比,然息之卦當勝雜卦也。 六日八十分 《易緯稽覽圖》曰:「非太平而雜卦,以其 未可責時至立效也。● 少陰卦效亦如之。小畜乾 太平之時,●太 () | () 太陽 盡其

> 以冬至日始效,復生坎七日,消息及雜卦相 得一卦。四時卦十一辰餘而從。● 冬至,廣莫風」云云。《玉海》。 各如中孚。卦上有陰,百二十日爲雨。 離、震、兑四時方伯之卦也,七十三分而從得一卦。 日之七從。八十分爲一日。 氣上達,實霜以降。』《乾元序制記》「坎初六, 之七者,一 卦六日七分,從 謂四正卦,坎 剥陰 坎常 去

易漢學卷一終

0 海》補 「一」「可」「矣」,原缺,今據影印文淵閣《四庫全書》本《玉

「一」「也」,原缺,今據《玉海》補。

「唯」,原缺,今據《玉海》補。

「之時」,原缺,今據《玉海》補。

·則於效分上」,原缺,今據《玉海》補

「七分一」,原缺,「效」原誤作「數」,今據《玉海》補改。

未可責時」,原缺,今據《玉海》補

東吴徴士惠楝學

兵部侍郎兼都察院右副都御史巡撫河南提督 全省軍務兼理河道欽賜一品頂帶畢沅校刊

孟長卿易下

推 桂 用 事日

求次卦,各加大餘六,小餘百三。 千七十五,滿乾法從大餘,中孚用事日也。 冬至大餘倍其小餘,坎用 劉洪《乾象曆》「推卦 用事 事 日 也。 日 其四正, 曰:「因 加 小餘

易漢學卷二

各因其中日,而倍其小餘。」 《魏書

其 解 四,□微分滿五從小分,小分滿氣法《新曆 坎。」「求次卦」:「加坎大餘六、小餘五 法從大餘,命以紀算,外即中孚卦用事日。 五從小分,小分滿氣法從小餘,小餘滿蔀 餘五千五百三十、小分九、微分一,微分滿 即兑卦用事日。」「求中孚卦」:「加冬至小 震卦用事日;夏至,即離卦用事 姤加離,觀加兑,如中孚加坎。」當云、如復加 命以紀算,外即 云:「滿小分法。」從小餘,小餘滿蔀 百二十九、《新曆》云,「一千四百七十三。」小分十 「因冬至大小餘,即坎卦用 ·加震,咸加離,賁加兑,亦如中孚加 • 律曆志》「推四正卦術」曰: 復卦 用 事日。 事 Ħ 大壯 法從大餘, 日,秋分, 春分,即 加震, 千五

0 「十四」下,四庫本有「微分四」三字。

 \boldsymbol{E}

坎。

六十卦用事之月

十一月未濟、蹇、頤、中孚、復

伏之時,初陽在下象之。」 頤,十一月之卦,其位在北。龜爲玄武,蟄陰象體,而初在下,象伏龜。伏龜者,靈龜陰象體,而初在下,象伏龜。伏龜者,靈龜陰多體,而初在下,象伏龜。伏龜者,靈龜

雷動地,二變成益,故云震初。● 中孚十一月,雷天地也。」仲翔曰:「巽四以風動天,震初以《易・繋辭》曰:「言行,君子之所以動

動

動地中。]

亦云:「甲子,卦氣起中孚也。」「中」,爲六十四卦之首。《易緯稽覽圖》而後復應。故楊子雲《太玄》準以爲案,冬至之卦復也,其實起于中孚,七日

議》。十有二變,而歲復初。」一行「六《卦一變。十有二變,而歲復初。」一行「六《卦而卦以地六,候以天五。五六相乘,消息事。一月之策,九、六、七、八,是爲三十。孟喜《易章句》曰:「自冬至初中孚用孟喜《易章句》曰:

象》詞也。」《稽覽圖》:中孚,十一月卦也。君子以議獄緩死。」注云:「《易・中孚・《後漢書》魯恭上疏曰:「《易》十一月,

於《咸》『憧憧往來』。《卦氣圖》自復至咸,起於《中孚》『鳴鶴在陰』,《下繫》十一爻起王伯厚《困學紀聞》曰:「《上繫》七爻

❶ 「云」,原作「之」,今據四庫本改。

至復,亦六日七分,陰陽自然之數也。」陰,九十二陽。咸至姤,凡六日七分,中孚八十八陽,九十二陰,自姤至中孚,八十八

爲改歲,周以十一月爲正,蓋本此。」字之月,陽氣始動於黃泉,故云潛龍。」王伯子之月,陽氣始動於黃泉,故云潛龍。」王伯馬季長《易‧乾》初九注曰:「初九,建

之心』。」
 也,萬物所始,吉凶之先,故曰『見天地地心,萬物所始,吉凶之先,故曰『見天地荀爽曰:「復者,冬至之卦,陽起初九,爲天不。」

一月,外卦主小寒十二月節。 十二月屯、謙、睽、升、臨屯內卦主冬至十

生。」崔憬注云:「十二月陽始浸長,而交於《易・屯・彖》曰:「屯,剛柔始交而難

「屯,難也。象草木之初生,屯然而難。从屮貫一。一,中,有寒冰之難,故言『難生』。」《説文》曰:陰,故曰『剛柔始交』。萬物萌芽,生於地

地也。尾曲。J

長育,故言屯也。」月雷伏藏地中,未得動出,雖有雲雨,非時云:「雷雨者,興養萬物。今言屯者,十二云:「雷雨者,興養萬物。今言屯者,十二

馬行先作弄四足也。」《北史》。 《易緯稽覽圖》曰:「屯,十一月,內卦。 《易緯稽覽圖》曰:「屯,十一月,內卦。 《易緯稽覽圖》曰:「屯,十一月,內卦。

❶ 「卦」,原作「外」,今據中華本《北史》改。

F崖。! | 一月之卦也。陽氣升上,陰氣欲承,萬物一《易緯乾鑿度》:「孔子曰:『升者,十

詳,似仍當作六日七分,抑或別有據也。 一月六日七分之後,復卦用事,復七日六一月六日七分之後,復卦用事,復七日六卦氣起中孚,《太玄•中首》見之。中孚十去:「七日者,非坤之七日。坤爲十月卦,云:「七日者,非坤之七日來復。」李旼注

象,升氣究而臨受之,自冬至後七日,乾精唇距中九十一度,是日晨初,大火正中,故仍不殖。」周初,先立春九日,日至營室。古乃不殖。」周初,先立春九日,日至營室。古乃不殖。」周初,先立春九日,日至營室。古乃不殖。」周初,先立春九日,日至營室。古乃不殖。」周初,先立春九日,日至營室。古唐一行「七《日度議》」曰:「《國語》曰:

始復。 之萌見,而莩穀之際離,故曰『不震不渝,脉 維,小過内卦艮。 外,矯而過正,然後返求中焉。 小過用事,小過內卦。 陽氣初蒸,土膏其動」。 升陽憤盈,土氣震發,故曰「自今至於初吉, 故受之以臨。 其滿眚,穀乃不殖』。」《新唐書・志》。 九二,乾、臨同物。 治於萬物根柢,而與萌芽俱升,木在地中之 升,坤上巽下。 七日,中孚一卦。 臨者,大也。 得地道之和澤,而 則山澤通氣,陽精闢户,甲 升氣已達,則當推而大之, 陽好節止于内,動作于 乃大寒,地統之中, 於消息,龍德在 又先立春三日,而 是以及于艮 動於地中, 田 坼 陽

也。 康成曰:「臨 當文王之時,紂爲无道,故於是卦爲 易・臨 卦斗 学性 經曰:「至于八 建 丑 而 用 事, 殷 月 之正 有 凶 月

^{● 「}彖」,原誤作「象」,今據通行本《周易》改。

卦受之,此終而復始,王命然矣。」臨自周二月用事,訖其七月,至八月而遯殷家著興衰之戒,以見周改殷正之數云。

故言宜。」和之盛,應于盛位,浸大之化,行于萬民,和之盛,應于盛位,浸大之化,行于萬民,大君之宜,吉。』臨者,大也。陽氣在内,中人,是之宜,吉。』臨者,大也。陽氣在内,中人,以

十二月,外卦主立春正月節。 正月小過、蒙、益、漸、泰小過内卦主大寒

非其次,故言象法乾坤。」過,正月之卦也,宜貞於寅,而貞於六月,坤。」康成曰:「中孚,貞於十一月子,小坤。」康成曰:「中孚,貞於六月未,法於乾一月子,小過爲陰,貞於六月未,法於乾一月子,小過爲陰,貞於十一年爲陽,貞於十

項安世《周易玩辭》曰:「小過,寅之初

然去卯不遠,亦未爲大過也。」氣也。斗方直艮,而震氣上出,疑於過矣。

《易緯乾鑿度》曰:「乾,陽也,坤,陰也。並如而交錯行。乾貞於十二月丑,其爻屯、蒙主歲,屯爲陽,貞於十二月丑,其爻屯、蒙主歲,屯爲陽,貞於十二月丑,其爻屯、蒙主歲,屯爲陽,貞於十二月丑,其爻屯、蒙主歲,屯爲陽,前於十二月丑,其爻在行,以間時而治六辰,蒙爲陰,貞於正,以奉順成其歲。歲終,次從於屯、蒙。左行,以間時而治六辰,蒙爲陰,貞於正月之行,以間時而治六辰。歲終,與漢人,以對爲高、訟。

當時本有各卦主歲之圖,而屯、蒙不貞庸,蒙用寅、戌,餘六十卦各自有日。」謂申,蒙用寅、戌,餘六十卦各自有日。」謂申,蒙用寅、戍,餘六十卦各自有日。」謂序。」書、夜各一卦,用之依次序。」書、夜各一卦,并之依次次。書、夜各一卦,并之依次。

爲反對,非占法也。義。」是也。乾、坤以下,兩卦主一歲,後人不知,造我、」是也。乾、坤以下,兩卦主一歲,後人不知,造丑、寅,故康成云:「屯、蒙之貞,違經失

也。

正月之時,陽氣上達,故屯爲物之始

干寶蒙卦注曰:「蒙於消息爲正月卦

生,蒙爲物之穉也。」

萬物 王用亨于帝,吉。』益者,正月之卦也,天氣 也。三王之郊,一用夏正。天氣三微而成 下施,萬物皆益。王用亨于帝者,言祭天 五. 爲一微,十五日爲一著,故五日有一候,十 四時之正,不易之道也。」康成注曰:「五日 小寒爲一著,至大寒爲二著,至立春爲三 著,三著而成一體,方知此之時天地交, 日 成一氣也。 通。故泰、益之卦,皆夏之正也。 『或益之十朋之龜,弗克違,永貞吉, 易緯乾鑿度》:「孔子曰、《益》之六 冬至陽始生,積十五日至 此

蔡邕《明堂月令論》曰:「《易》正月之卦 是作術。曰:「天元正月己巳,朔日立春,日是作術。曰:「天元正月己巳,朔日立春,日月 是作析。曰:「天元正月己巳,朔日立春,日月 是此泰,建宫室制度。」《月令》:「孟春令 是此泰,建宫室制度。」《月令》:「孟春之 之。」《令》曰:「兵戎不起,不可從我始。」」 案,蔡氏此論,證《易》曰:「不利爲寇,利用禦 案,蔡氏此論,證《易》與《月令》合也。 一里《詩》会。 《易・漸》卦云:「女歸吉。」漸,正月卦, 《易・漸》卦云:「女歸吉。」漸,正月卦, 正與《詩》合。

二月需、隨、晉、解、大壯需内卦主雨水正

月,外卦主驚蟄二月節。

正月中,九四在悔爲二月節歟?曆》以卦之貞悔分節氣,豈九三在貞爲大壯九三主正月,未詳。案,齊《天保

《易・解・彖》曰:「解,險以動,動而

物生震,震出險上,故免乎險也。」二月,雷以動之,雨以潤之,物咸孚甲,萬免乎險,解。」仲翔云:「險,坎,動,震。解

太陽侵色,謂大壯也。」卦,太陽侵色。」」張晏曰:「晉卦、解卦也。二月朔拜上封事,曰:『迺辛巳,蒙氣復乘二月朔拜上封事,曰:『迺辛巳,蒙氣復乘《漢書・京房傳》曰:「房以建昭三年

則歲和,王道興也。《易》曰:『靁出地奮, 批,辟也。太陽侵色,雜卦干消、息也。 壯,辟也。太陽侵色,雜卦干消、息也。 光壯始,《春秋傳》曰:「雷乘乾曰大壯。」《大術曆經》:「春分辟大壯,雷乃發聲。」郭璞注《穆天子傳》引《歸臣彊從解起。』大壯辟爲君,解三公爲臣。今月九臣彊從解起。』大壯辟爲君,解三公爲臣。今月九日至十四日,一爻。大壯用事,消息之卦也。 則歲和,王道興也。《易》曰:『靁出地奮,發聲]。 則歲和,王道興也。《易》曰:『靁出地奮,

害。 豫。 薦之上帝。』 靁者,所 謂大壯。 故《易傳》曰:『當靁 令,則靁應節,不則發動於冬,當震反潛。 靁以動之,雨以潤之。] 王者崇寬大,順春 萬物 豫内卦主春分二月。 今蒙氣不除,則其效也。」蒙氣解見《京 須靁 丽 解,資 不靁,太陽弱也。」太陽 先王 以 開 雨 發萌芽,辟陰除 以 丽 潤,故經 作樂崇德,殷 曰 :

二月卦,故以明之。 行霸,復興周室也。周四月,夏二月也。」解分壄也。雨以解過施,復從上下,象齊桓分壄也。雨以解過施,復從上下,象齊桓月辛卯夜,恒星不見,夜中,星隕如雨」。●《漢書·五行志》曰:「《莊公七年》『四

三月豫、訟、蠱、革、夬豫內卦主春分二月

中,外卦主清明二月節。

利,人君之象也。」 揚隱伏,宣盛陽之德。 孕毓根核,與荄同。歸妹内卦主秋分八月。 八月入,其卦曰歸妹,言雷復歸。 卦曰豫,言萬物隨 蟄蟲,避盛陰之害。 《漢書·五行志》曰:「雷以二月出,其 雷 出 出 地, 入能除害,出能 地,皆逸豫也。 ,則養長: 華實, 人 地, 保藏 發 興 則

至德,奉承天命,伐決小人,以安百姓,故氣,萬物畢生,靡不蒙化。譬猶王者之崇言決也。當三月之時,陽盛息,消夬陰之

^{●「}莊」《漢書》避漢明帝諱作「嚴」,今據四庫本及《春

謂之決。」

故曰『莧陸夬夬』。莧陸,三月、四月生也。」朱震《易叢説》曰:「夬,三月清明氣也,仲翔注夬卦曰:「夬,陽決陰,息卦也。」

四月旅、師、比、小畜、乾旅內卦主穀雨三

《比·象》曰:「先王以建萬國,親諸

侯。」

陽氣盛養,故封諸侯,盛養賢也。」是象。《白虎通》曰:「封諸侯以夏何?案,比,四月卦。古者封諸侯以夏,故有

陰居陽」。乾爲辟,故云「承乾命」。師案,七月辰在申,四月辰在已,故云「去在巳,去陰居陽,承乾之命。義與師同。」

亦世于七月,而息在巳。

鼓用幣,責陰之禮。」 《漢書·五行志》曰:「《昭十七年》『六月甲戌朔,日有食之』。《左氏傳》平子月甲戌朔,日有食之」。《左氏傳》平子為純乾,亡陰爻,而陰侵陽,爲災重,故是伐曰:「唯正月朔,慝未作,日有食之,於是伐曰:「唯正月朔,慝未作,日有食之,於是伐曰,冬至陽爻起初,故曰復。至建巳之月,以,冬至陽爻起初,故曰復。至建巳之月,以,冬至陽爻起初,故曰復。至建巳之月,以,冬至陽爻起初,故曰復。至建巳之月,以,尽至陽爻起初,故曰:「《昭十七年》『六

乾。」 康成注云:「巳之氣乘之也,四月於消息爲 《月令》:「孟春行夏令,則雨水不時。」

上也。」注云:「四月乾卦用事,故言陽氣在也。」注云:「四月乾卦用事,故言陽氣在夏者陽氣在上,陰氣在下,故正尊卑之義

《攝生月令》曰:「四月爲乾。」注云:

「生氣卯,死氣酉。」

五月大有、家人、井、咸、姤大有内卦主小

滿四月中,外卦主芒種五月節。

故曰大有。」有。」荀爽曰:「謂夏火王在天,萬物並生,有。」荀爽曰:「謂夏火王在天,萬物並生,《易・大有・象》曰:「火在天上,曰大

謂「蝦蟇」。朱震曰:「井,五月之卦,故有《井》九二:「井谷射鮒。」鮒、《子夏傳》

蝦蟇。」

案,二體巽,巽爲風,風主蟲,子夏以爲

蝦蟇,得之。

食。」仲翔云:「泉自下出稱井。周七月,夏先,井底寒泉。」《井》九五曰:「井冽寒泉,《周易參同契》曰:「姤始紀序,履霜最

也。」

泉,故『冽寒泉』矣。」
之五月,陰氣在下,二已變坎,十一月爲寒

霜,終至堅冰,以明漸順至也。」《九家易》云:「初六始姤,姤爲五月。盛夏《九家易》云:「初六始姤,姤爲五月。盛夏

也,故曰『以杞包瓜』。瓜生於四月,中氣故朱震《易叢説》曰:「姤,五月,夏至氣仲翔姤卦注曰:「姤,五月,南方。」

四四

六月鼎、豐、涣、履、遯鼎内卦主夏至五月

中,外卦主小暑六月節。

于内。」《京房易傳》曰:「雷與火震動曰豐,宜日中,夏至積陰生,豐當正應,吉凶見矣。」

京房上封事曰:「臣前以六月中言遯月用事,訖其七月,至八月而遯卦受之。」也。於周爲八月。」康成注云:「臨自周二翔注云:「臨與遯旁通,臨消于遯,六月卦

卦不效,法曰:『道人始去寒,涌水爲災。』

至其七月,涌水出。」

七月恒、節、同人、損、否

以時思之。」
《損・象》曰:「二簋應有時。」仲翔注
《損・象》曰:「二簋應有時。」

嗟。」《京房易傳》曰:「節建起甲申,至己坐家房房傳》曰:「節建起甲申,生月本,

八月巽、萃、大畜、賁、觀巽内卦主處暑七

月,外卦主白露八月節。

《巽》初六曰:「進退,利武人之貞。」

二. 五

「川代人と頁」。 人。巽又于消、息爲七月、八月,故曰案,四體兑,兑爲金,金主秋,立秋賞武

殺,剥則至君位矣。誅罰不由君出,在臣下之月,隕霜殺菽』。劉向以爲:周十月,今八月,隕霜殺菽』。劉向以爲:周十月,今八人,),與書・五行志》曰:「《定公元年》「十二人之貞」。

九月歸妹、无妄、明夷、困、剥歸妹内卦主

象也。」

寶曰:「雷薄于澤,八月、九月,歸藏之《歸妹・象》曰:「澤上有雷,歸妹。」干

《易緯乾鑿度》曰:「孔子曰:『泰,正

時也。」

秋成也。」 朱子發《周易叢説》曰:「困,九月霜降

能決君子也。謂之剥,言不安而已。」之時,陽氣衰消,而陰終不能盡陽,小人不《乾鑿度》曰:「陰消陽言剥。當九月

君誅不行,舒緩之應也。」
君令,而後殺也。今十月隕霜不殺草,此利落萬物,始大殺矣。明陰從陽命,臣受心。九月陰氣至五,通於天位,其卦爲剥,位。九月陰氣至五,通於天位,其卦爲剥,年》『十二月,隕霜不殺草』。劉向以爲今年》『十二月,隕霜不殺草』。劉向以爲今年》『十二月,隕霜不殺草』。

十月艮、既濟、噬嗑、大過、坤

應劭《風俗通》曰:「《易》噬嗑爲獄,十月下。」。 一定,下陰,能終其道,濟成萬物。猶殷道 失正位。 既濟爲九月,未詳。 盛德既衰,而九三 失正位。 既濟爲九月,未詳。 盛德既衰,而九三 大正位。 既濟爲九月,未詳。 盛德既衰,而九三 中衰,至于高宗,扶救衰微,三年而恶消滅。」 中衰,至于高宗,扶救衰微,三年而恶消滅。」

獄皆在廷,比順其位。」《御覽》六百四十三卷。 陽也,陽上生長。獄者,陰也,陰生刑煞。故之卦。獄從犬言聲,二犬亦存以守也。廷者,

伏乾,陰陽相和,故曰『天地之雜也』。」也。」荀爽云:「消息之卦,坤位在亥,下有也。故曰『枯楊生稊』,『枯楊生華』。」雪氣也。故曰『枯楊生稊』,『枯楊生華』。」朱子發《周易叢説》曰:「大過十月,小朱子發《

「孟喜、京房之學,其書概見於一行所集,大要皆自唐一行《開元大術曆經》朱震《易叢説》曰:

《子夏傳》而出。」

天中之策五 餘二百二十一 秒三十一大衍步發飲術

五 秒八十六 秒法一百二十 貞悔之秒法七十二 地中之策六 餘二百六十

策三 六十 刻法三百 餘百 三十 四 秒 百 \equiv 辰 法 七 百 冬至 坎十 初一 六月 中 蚯 蚓 結

除 即 如 初 法,即次候日,又加得 候 推 日 七十二候,各因 也。 以天中之策及 中節 末 餘 大 候 日 秒 小 ,凡發飲 加之,數 餘 命

皆

以

恒

氣

數 卦 除 用 如 事 推六十卦,各因中氣、 法, 日 也 各次卦 以地 用事日。 中之策及餘 大 若以 小 秒累加之, 餘 貞悔之策 命之,公

加 諸 侯 推五行用 卦,得十有二節之初,外卦用事日。 事,各因四立、大小餘命之,

即 貞 悔 春 木、夏火、秋 之策及餘 砂,減 金、 冬水 四 季 首 中 用事 氣 大小 日 也。 餘 以 即

聝

水

· 坎 九 五 月 中

獺

祭

其月 土始用 事 日

常

氣

四月

月十節

初

候

次

候

末

候

驚蟄

大上 大上 大 上 方

桃

始

菙

倉

庚

公漸

内

侯

需

外

大

夫

隨

卿

始 桂 中 卦 終卦

> 小 7寒十二月 節 公中 孚 麋

鴈 北 鄉 鵲 辟 復 始 角 巢 解

始野 侯 雊雞

屯

内

厲鷙 大 夫 疾鳥 謙 腹水 卿 堅澤 睽

大寒十二月

中

雞

始

乳

侯

屯

外

辟 臨 過侯 內小

公升

魚 上

始蟄 振蟲

立

春

坎正 六月

四節

解東

凍風

過侯

外小

大

夫

蒙

卿

益

冰

魚 辟 鴻 泰 鴈 來 萌草 侯 需 動木

鳴 爲鷹 鳩化

六

水

泉

動

— 元

夏至離初九 鹿角	有外侯大	芒種震上六 螳螂	公小	小滿霞六五 苦菜	侯	立夏四月節 螻螂	公革	穀雨震六三 萍始	侯豫	清明震六二 桐始	公解	看 方震初九 玄鳥
解	家大人夫	生鵙始	畜辟乾	秀靡草	外大夫	鳴蚯蚓	辟夬	生 其鳴	外大夫	華爲鼠鼠	辟大	發聲
鳴半夏生	卿井	鳴 無反 聲舌	有侯内大		卿比	出 王瓜生	侯旅内	排 于戴 桑 降	卿蠱	化虹始見	壯 侯豫内	好電
	秋分八月中		白露八月節		處暑七月中		立秋離九四		大暑光月中		小暑離六二	
公賁	收雷聲刀		鴻鴈來	公損	鷹祭鳥	侯恒外	涼風至	履	爲腐螢草		温風至	,)
辞觀	培養 户蟲		玄鳥歸	辟否	始天 肅地		白露降	遯	溽土 暑潤	大夫豐	居虫壁虫	
妹侯 内歸		卿大畜	養羣	侯巽内	禾乃登	卿同人	寒蟬鳴	恒	時大 行雨		學層習刀	

寒 露 · 兑九月 二 來鴻 賓鴈 水雀 爲入 蛤大 卿 黄菊

妹侯 外歸 无大 妄夫

明 花有

夷

黄草 落木 咸蟄 俯蟲

霜 降九月中

祭豺 獸乃

公困

辟

剥

始凍 水野 爲人 侯 艮内

水始冰

地

侯

艮外

既大

濟夫

卿 噬 嗑

地氣下降天氣上騰 成閉 冬塞 而

十五日。

今言畫六爻,是則中分之言。

太

物,謂其歲之八節,每

卦

生三氣

則

各

得

之移氣,周而從卦。」

康成注云:「八卦

· 生

候,十

五

日

五五

日

爲

丽

成

小雪片月中

不虹

見藏

坤 濟侯 内未

焉。」猶、由通。

史司刻漏者,

每

氣

兩箭,四十八箭。

猶是

生

公大過

辟

始 交 荔 挺 出

大雪光上六

節

不鶡

鳴鳥

虎

濟侯

外未

大夫蹇

卿

頤

七 十 候三微

著,三 成 微,十五日爲 一氣也。」又曰:「八卦之生物也,畫六爻 一著而 易緯乾鑿度》曰:「天氣三微 成一 一著,故五日有一 體。」康成注 三:

有十 氣,每三分之,七十二氣,氣間五日有餘,故 四十八箭」,是一氣易一箭 氣",氣有七日半有餘。 五日有餘,每氣 孔氏《月令》正義曰:「凡二十四氣,氣 中半分之,爲四十八 故鄭注《周禮》云『有 也。 凡二十 四

左右從樂五日,以五日爲一候也。』」前五日,商旅不行,兵甲伏匿,人主與羣臣一年有七十二候也。故《通卦驗》:『冬至之

先後之次則同。」 原于周公《時訓》。 爲《月令》焉,其上則見於《夏小正》。《夏 十二候,見於周公之《時訓》,呂不韋取 時,巡守祭享,皆用夏正,說本《周書》。故其 夏建寅,故其書始於正月, 周建子,而授民 丽 略雖異,其大要則同。豈《時訓》因《小正》 日爲候,三候爲 氣,有候應 書始於立春。《夏小正》具十二月而 小正》者,夏后氏之書,孔子得之於杞者。 加 唐一行「五《卦候議》」曰:「七十二候, 詳 朱子發《卦氣圖説》曰:「二十四氣,七 歟? 而 《左氏傳》曰:『先王之正時 無 氣,六十日爲節。 日 數。 《月令》雖頗有增益,然 至于《時訓》,乃五 二書詳 無 以 中

> 篇 仲尼贊《易》時,已有《時訓》。《七月》一 數。』氣,謂二十四氣,則中氣 死,名察庶驗,●定清濁,起五部,建氣物分 謂中氣也。 也,履端於始,舉正於中,歸餘於終。」中, 候,皆以《時訓》。」 故子雲《太玄》二十四 晚者二十有四,早者三,當以《時訓》爲定。 易家傳先師之言,所記氣候,比之《時訓》, ,則有取於《時訓》可 漢《韶》曰:『昔者黄帝,合而不 氣,關子論七十一 知 《易通 其來尚矣。 桂 驗》,

漢儒傳六日七分學

遁甲、遁,占文巡。《太玄》所謂「巡乘六甲,與斗相逢」《後漢·方術傳》曰:「其流又有風角、

● 「庶驗」,四庫本作「發斂」。

成之法。孤虚之術。」而占之。日者、挺專、折竹卜。須臾、陰陽吉凶立而占之。日者、挺專、折竹卜。須臾、陰陽吉凶立也。七政、日、月、五星之政。元氣、開闢陰陽之書,也。七政、日、月、五星之政。元氣、開闢陰陽之書,

易》,善風角、星算、六日七分。」《郎顗傳》:「父宗,字仲綏,學《京氏

傳》、六日七分。」《崔瑗傳》:「瑗明天官曆數、《京房易

《漢綏民校尉熊君碑》曰:「治歐羊與陽角、七分,皆經緯典謨,不與守文同説。」《何休傳》:「休注《孝經》、《論語》、風

同。《尚書》、六日七分。」

《隋•經籍志》:「京房《周易飛候六日

七分》八卷。」五行家。

易漢學卷二終

虞仲翔易


八卦納甲之圖

兵部侍郎兼都察院右副都御史巡撫河南提督

全省軍務兼理河道欽賜一品頂帶畢沅校刊

東吴徵士惠棟學

西。故月三日成震,時在庚西。」仲翔曰:「戊、己土朝記》曰:「日歸於西,起明于東,月歸于東,起明于已。 三十日會于壬,三日出于庚,《孔子三時夕朔旦,坎象流戊,日中則離,離象就晦夕朔旦,坎豫流戊,日中則離,離象就



=<u>.</u>

四

位 消于丙,二十九日窮于乙,滅于癸。 五 中; 甲,坤窮于乙,而皆在東。 體 乾體成。 丁,故震在西,兑在南,諸卦可以類推。 本屬東方,兑本屬西方,然月之生明必于庚,上弦必于 息坤,成震,三日之象;兑,八日之象;震 始退,而皆在西,兑上弦,艮下弦,而皆在南,乾满于 見丁者,指月之盈 在 乙在東,丙艮、丁兑,相得合火,故丙、丁 西,天壬、地癸,相得合水,故壬、癸在 二十三日也,二十九日而坤體就 ,象見于中,故坎、離在中央。」 八日見于丁,十 由是生焉。 南 日盈于甲,十六日退于辛,二十三日 也。乾盈于甲,行至辛而始退。 庚震、辛巽,相得 戊坎、己離,相得合土,故戊、己居 坤消乾,成巽,十六日也, 甲乾、乙坤、相得合木、故甲、 虚而言, 此以月所行之道言之,而納 合金,故庚、辛在 非八卦之定 震爲始生,巽爲 十五日而 出 艮, 乾 庚

> 「《易》道在天、三爻足矣」,其言旨哉! 「縣象著明莫大乎日月」,是也。仲翔述道士之言,謂于東。其遡于日乎。」《繫辭》所、云「在天成象」,又曰日所照。」《法言》曰:「月初光見西方,已後生光見東方,皆東方,任、癸在北方,所謂「乾坤括始終」也。《御覽》引東方,任、癸在北方,所謂「二八應一斤」也;甲、乙在北。 丙、丁在南方,所謂「二八應一斤」也;甲、乙在北。 丙、丁在南方,所謂「二八應一斤」也;甲、乙在

行。 癸北,故『東北 朋。二十九日消乙入坤,滅藏於癸,乙東 生,謂月三日震象出庚,故 乃終有慶」。 謂陽得其類,月朔至望,從震至乾,與時偕行,故 月三日變而 「此指説《易》道陰陽消息之大要也。 喪也。」 東北 庚西丁南,故『西南得朋』,謂二陽 坤・彖》曰: 「西南 喪朋,乃終有慶。」陽喪滅坤 成 「喪朋」。 震 出庚,至月八 謂之以坤滅乾 得朋,乃 日成 仲 與 翔 ·, 坤 乃 類 謂陽 兑 日 終復 (與類 行 爲 見

小畜》上九曰:「月幾望。」《易說》

甲,成終坤癸。 不利東北,其道窮也。」仲翔曰:「坤,西南 南方。乾十五日也,坤三十日也,艮在中,距乾、坤皆八日, 成始者也。」案,仲翔之意,艮本東北之卦,而消于丙,當在 也,萬物之所成終而所成始也。]仲翔曰: 也」,則東北喪朋矣。」《說卦》云:艮東北 於艮,喪乙滅癸,故『不利東北,其道 中」,謂西南得朋也。 卦,坎爲月,月生 棟案,六四體巽,故云「既望」。 《蹇・彖》曰:「蹇,利西南,往得中也。 艮,東北,是甲、癸之間,故萬物之所成終而 西南,故『利 艮,東北之卦,月 西南, 「萬物成 晁説是。 往 始 之卦 窮 消 得

> 物,故用大矣。」
>
> 地象窮乙,喪滅於癸。終則復始,以生萬 片、乾象盈甲,巽象退辛,艮象消丙, 生西南,庚丁。而終東北。甲癸。震象出庚, 生西南,庚丁。而終東北。甲癸。震象出庚, 生西南,庚丁。而終東北。甲癸。震象出庚,

癸,則乾始震庚也。」始。《雜卦》曰『歸妹女之終』,謂陰終坤仲翔曰:「人始生乾,而終於坤,故人之終此。以歸妹・彖》曰:「歸妹,人之終始也。」

三才言之。 也。」觀此可悟 也。」三畫謂之象,六畫謂之爻,日月在天成八卦,止以 喪乙,坎象流戊,離象就己,故在天 Ţ 謂日月在天成八卦。 ,乾象盈 《繫辭上》曰:「在天成象。」仲翔 仲翔 甲,巽象伏辛,艮象消丙,坤象 曰 「八卦乃四象所生,非庖犧之所造 震象出 庚, 兑象見 成象 曰

中則 出 曰 十日坤象滅乙。晦夕朔旦,坎象流戊,日 六日旦巽象退辛,二十三日艮象消丙,三 推,而明生焉。」 宋人作《納甲圖》,以坎、離列東、西者,誤甚。 :「謂日月縣天成八卦象。 庚,八日兑象見丁,十五日乾象盈甲,十 離 又云 ,離象就己,戊、己土位,象見於中。 「縣象著明,莫大乎日月。」仲 三日暮震 日月相 象 翔

甲、乙。 巽、離、兑。故四象生八卦。 坎、離生冬者也。」 五之坤,則生震、坎、艮,坤二五之乾,則生 又 艮、兑生夏,丙、丁。 曰:「四象生八卦。」仲翔曰:「乾二 震、巽生秋,庚、辛。 乾、坤生春,

紀。」又云:「水以土爲鬼,土鎮水不起。 雀爲火精,執平調勝負。水盛火須滅,俱 戊、己號稱五。 參同契》曰:「子、午數合三,坎子,離 三五既 和諧,八石正 朱 綱

> 既合會,本姓共宗祖。」仲翔注《説卦》云: 死歸 始萬物,故以坎、離爲終。」康成云:「言以 日,坎爲月。 「水火相通,坎戊離己,月三十一會于壬。」 日月終天地之道。」 是坎、離生冬之義。《易乾鑿度》曰:「離爲 厚土。 三性古文「姓」皆作「性」,漢碑 日月之道,陰陽之經,所以 猶然。 終

則象在其中。」 西,庚、辛。 坎、離在中,戊、己。 故八卦成列, 坤列東,甲、乙。 艮、兑列南,丙、丁。 震、巽列 矣。」仲翔曰:「象謂三才成八卦之象。 《繫辭下》曰:「八卦成列,象在 其 乾、

又注歸妹曰:「乾主壬,坤主癸,日月會此。」 己,月三十日一會於壬,故不相射 謂 坎、離。 説卦》曰:「水火 射,厭也。 不相射。」仲 水火相通,坎 《也。」仲翔 翔 戊 曰 : 離

又云:「萬物出乎震,震,東方也。」仲

三

明也。 西。 西。 翔 東。 也 見前。 言西方之卦。」「戰乎乾,乾,西北之卦也。」 中則離。 成始也。 方。」「艮,東北之卦也,萬物之所成終而 之卦,與兑正秋同義。 坎月夜中,故正 卦也。」注云:「坎二失位不正,故言 注云:「乾剛正,五月十五日晨象西北 正,故言正秋。 始乾甲,成終坤癸。 離象三爻皆正,日中正,南方之卦也。」目)。」注云:「巽陽隱初,又不見東南,巽在 曰:「出,生也。震初不見東,震初出庚,在 故西北之卦。」「坎者,水也,正北 亦不稱東南卦,與震同義。」「離也者, 故不稱 故萬物之所成終而成始者也。」 萬物皆相見,南方之卦也。」注云: 「兑,正秋也。」注云:「兑三失位不 故曰成言乎艮。」注云:「萬物 東方卦也。」「齊乎巽、巽、東南 兑象不見西, 党在南。 艮東北,甲、癸之間,説 Ē 方之 故不 北 ,暮在 成 所 北 方

甲地,是爲乾體。」蟾蜍與兔魄,日月氣雙明。 伸以 丁地。」十五乾體就,盛滿甲東方。朱子曰:「十 五日,第三節之中,月既望之時,全受日光,昏見於東方 日,第二節之中,月上弦之時,受二陽之光,昏見於南方 庚地。」八日兑受丁,上弦平如繩。 朱子曰:「八 節之中,月生明之時也。蓋始受一陽之光,昏見於西方 也。」《太玄》曰:「巡乘六甲,與斗相逢。」 |] 日出 見平明。 八,十五。 蟾蜍視卦節,兔魄吐生光。 爽,爽,明也。 孟康曰:「斗在天中,周制四方,猶宫聲處中,爲四聲綱 律,詳後圖。 生震,故震初爻納子、午,乾初子、午故也。」消息應鍾 子繼父體 「玉衡杓建,天之綱也。」如淳曰:「杓,音猋,斗端星也。」 應時。 魏伯陽《參同契》曰:「天符有進退 屈折 朱子曰:「十六日,第四節之始,始受下一 ,因母立兆基。 升降據斗樞。 故易統天心,復卦建始萌。 震庚受西方。 低下降。 十六轉受統,巽辛 《漢書・ 沈括曰: 、乾初爻交坤 朱子曰:「三日,第一 七八道已訖,七 律曆志》云: ~, 詘 爲 長

爲巽 下弦二十三。朱子曰:三十三日,第五節之中,復 光盡,體伏於東北。 復生龍。朱子曰:「三十日,第六節之終,全變三陽而 生中一陰爲艮而下弦,以平旦而没於南方丙地。」坤乙 于十五,所謂四象生八卦也。 五. 卦云。〕壬、癸配甲、乙,乾坤括始終。 三十日,東北 朔、弦、望耳。」 「乾納甲、壬,坤納乙、癸者,上下包之也。」七八數十 《易》九六、七八爻,知月行多少,蓋用納甲之法以知晦 ,九六亦相應。 《續漢書 而 成 魄,以平旦而没於西方辛地。」艮直於 律曆志》曰:「故太史待詔張隆,言能用 喪 一月六節既盡,而禪於後月,復生震 以其朋。 四者合三十,七八、九六皆合 陽氣索滅藏。」滅藏于 節盡 相 禪 沈括曰: 丙 繼體 南

以合西,日東月西。魂魄自相拘。日魂月魄。云:「日爲陽,陽精爲流珠。青龍,東方少陽也。」舉東虎。」永日爲流珠,青龍與之俱。《御覽》引古注月法鼎爐,白虎爲熬樞。郭《洞林》云:「兇爲白又云:「火記不虚作,演易以明之。偃又云:「火記不虚作,演易以明之。偃

斤,易道正不傾。」乾、坤體乃成。兑息成乾,艮消成坤。二八應一乾、坤體乃成。兑息成乾,艮消成坤。二八應一上弦兑數八,下弦艮亦八。兩弦合其精,

徵。 斗。 己。 有明。 震動,八日兑行。九二見龍,光爲見。 緯》有《潛潭巴》,義與此同。 昴、畢之上,震 六五坤承,結括終始。 三日,典守 危。巽爲進退。 巽繼其統,固濟保持。 夕惕,虧折神符。 於三,故三日出爲震。」陰以八通。陰立於八。 上,下同。 旋而右轉,嘔輪吐萌,潛潭見象。《春秋 始於東北,箕、斗之鄉,甲、癸之間,上爲箕、 昴、畢在庚。 又云:「晦、朔之間,合符行中。坎戍、離 三五德就,十五日。 陽以三立、《春秋緯・元命包》曰: 弦 艮主 期。 陽氣造端,初九潛龍。 盛衰 進止,不得 九 五. **韞養衆子,世爲類** 九四或躍,進退道 漸革,終還其初。 飛龍,天 乾體 通時。 乃成。 位 加 三月 和平 「陽立 出 注見 爲

性,轉 母。 道 祖。」 流六爻,難可察覩。 規 矩。 上九亢龍, 戰德於野。 加 相與。 陽 數已訖,訖 循環璇璣,升降上下。 故無常位,爲《易》宗 則 復起。 用九翩翩,爲 推 情 周 合

功。」戊、己黄。 皆 禀 中 宫,戊、己 之下赤,壬、癸黑,庚、辛白。皆 禀 中 宫,戊、己 之絡始終。 青赤黑白,各居一方。甲、乙青,丙、絡始終。 青赤黑白,各居一方。甲、乙青,丙、络始終。 青赤黑白,格出。 土旺四季,羅易、《繫辭下》云:「易者,象也。」仲翔云:「易謂日月,縣及云:「坎戊月精,離己日光。 日月爲又云:「坎戊月精,離己日光。日月爲

卯、酉,龍、虎自相尋。震龍、兑虎,卯東、酉西。東。輝神初變成震,三日月出庚。東、西分垂戲朱雀,郭《洞林》云:「離爲朱雀。」變化爲青垂戲朱雀,郭《洞林》云:「離爲朱雀。」變化爲青垂戲朱雀,郭《洞林》云:「 丹砂流汞父,汞、 説

《春秋保乾圖》曰:「日以圓照。」金水温太陽,赤 坤再變成兑,八日月出丁。 於丙南、乾三變成坤。坤乙三十日、東北 運將減,乾初缺成巽。 流爲汞。姹女弄明璫,月盈自合虧。 坤三變成乾。 八卦列布曜,推移不失中。」 三十日。坤生震、兑、乾,乾生巽、艮、坤。 金將化,❶繼坤生震龍。 喪其朋。 損成艮。二十三下弦,下弦水半斤。 月没於乙地、坤乙月既晦。 十五三陽備,圓 平明月見辛,乾 乾坤括始終,如上 上弦金半斤, 照 東 方甲。 十六 月出 土木 再 髓

《易》者也。「圓照東方甲」,先天之說也,納甲異東方甲」、「坤生震、兑、乾」,皆不知漢案、《龍虎經》似宋初人僞撰。如「圓照

[《]雲笈七籤》補。 《雲笈七籤》補。

坤」則尤謬也 ·乾生巽」、「坤生震」則不可。 故謂「乾生震、坎、艮」、「坤生巽、離、兑」則可, 至謂 「坤生乾」、「乾生 謂

春、夏南、秋、冬北。」 配甲、乙。 妃后大臣諸侯之象也。 息見伏,百里爲品,千里立表,萬里連紀, 漢書》李尋曰:「月者,衆陰之長,銷 弦爲繩墨,兑、艮。 朔晦正終始,壬、癸 望成君德,乾爲君。

乾位。」 象。」陸續曰:「乾爲天地之首,分甲、壬入 京房《乾》卦傳曰:「甲、壬配外、内二

外三爻壬午、申、戌。 案,乾納甲、壬,故内三爻甲子、寅、辰,

得位爲世身,九二大夫合應象。」陸績 艮,六丙也。」 京房《履》卦傳曰:「六丙屬八卦,九五

案,艮五世履,故云「六丙」。

《京氏易傳》曰:「分天、地、乾、坤之

節。 之象配庚、辛,庚陽人震,辛陰人巽。 天地陰陽之本,故分甲、乙、壬、癸,陰陽之始終。〕震、巽 位配五行,光明四通,佼一作傚,又作簡。 易立 丙、丁。 丙陽人艮,丁陰人兑。 八卦分陰陽,六 配戊、己,戊陽入坎,己陰入離。 象,益之以甲、乙、壬、癸。 陸績曰: 艮、兑之象 坎、離之象 「乾坤 卦爲 配

虚見納,受辛於内也。」 耐能。 《尚書》曰:「顨,遜也。」顨,古文巽。巽 鼎象。 《説文》曰:「顨,巽 从受、从辛,亦異讓之義也。 納辛,許叔 《易·顨》卦,爲長女,爲風者。」馬融 案,巽納辛,謂離中虚 **春庸。** 《古文尚書 重謂受辛者宜辤之。 **命**。 顨巽。 也。 堯典》曰:「女汝。 而受巽、辛,故有 从丌,从頭。 **朕** 朕。 立。 故辤字 位。 此 注

又曰:「鼎,木能巽火,故鼎之象。

中

于庚。」《唐律義疏》曰:「按禮日見于甲,月見

于庚」也。夫婦之義取諸此。 日出甲上,故稱朝。」《説文》曰:「早,从日出甲上,故稱朝。」《説文》曰:「早,从日出甲上,故稱朝。」《説文》曰:「早,从案,仲翔注《易·訟》上九曰:「乾爲甲,案,仲翔注《易·訟》上九曰:「乾爲甲,

五位相得而各有合

丙艮 位。 得 己離,相得合土,水火相逮也。 參同契》所謂 三物 而各有合。」仲翔曰:「五位,謂 丁兑,相得合火,山澤通 甲乾乙坤、相得合木、謂天地定位也。 繋辭》曰:「天數五,地數五,五 一家,都歸戊己」也。 氣也。 水火相通合土 庚震辛巽 $\overline{\mathcal{H}}$ 戊坎 位相 行之

薄而戰於乾。故五位相得而各有合。」合水,虞注《說卦》「水火不相射」,云:「乾、坤生春,艮、兑射。」虞又注《繫辭》「四生八卦」,云:「乾、坤生春,艮、兑射。」虞又注《繫辭》「水火不相射」,云:「謂坎、離。射,相得合金,雷風相薄也。天壬地癸,相得相得合金,雷風相薄也。天壬地癸,相得

丁 己 辛 癸 五位

Z

五位相得

三木二火五土四金一水

戊 庚 壬

甲

丙

而各有合

與前説合。《月令》所謂「孟春之月,其右圖,見宋本《參同契》,當是仲翔所作,

●「虞注説卦」至「皆是義也」,四庫本作「荀爽言建亥月

漢

《月令》又云:「孟春其數八,孟夏其數 謂:「土旺四季,羅絡始終。青赤黑白,各居一方。 數二,得土數五,爲成數七,木數二,得上數五,爲成 水、火,得土而成。以水數一,得土數五,故六也,火 劉歆大衍之數也。皇侃《禮記義疏》以爲金、木、 七。」蓋以 日 甲、壬、配一、九、坤合乙、癸、配二、十。 圖》及《叢説》,據仲翔「甲乾乙坤,相得合 禀中宫,戊己之功。」皆是物也。 數八,又金數四,得土數五,爲成數九。《參同契》 漢學由是日晦矣。 殊不知納甲之法,甲與乙合,生成之數, 五、己六、庚七、辛八、壬九、癸十,乾納 木」之注,以爲甲一、乙二、丙三、丁四、戊 甲 與六合。 乙, 孟夏之月,其日丙丁」是也。 土數乘木、火、金、水而成,即 兩説判然。 朱氏合而一之。 朱子發作《易 皆

> 周 流 六 虚

爲虚。 説也。 處空虚,故稱六虚。 五甲如次者也。」 流,終則復始,故周流六虚,謂甲子之旬辰 翔曰:「六虚,六位也。 甲辰 法也。 虚。 旬中無辰、巳,辰、巳爲孤,戌、亥爲虚 無午、未,午、未爲孤,子、丑爲 酉,申、酉爲孤,寅、卯爲虚。 亥爲孤,辰、巳爲虚。 棟案,「甲子之旬辰爲虚」者,六甲孤虚 《繋辭》曰:「變動不居,周流六虚。」仲 乾三畫,坤三畫,分六位,仲翔説也。 坎戊爲月,離己爲日,人在中宫,其 自中無寅、卯,寅、卯爲孤,申、酉爲 甲寅旬中無子、丑,子、丑爲孤,午、 裴駰曰:「甲子旬中無戌、亥,戌、 乾坤十二辰分六位,陸續 甲戌旬中 甲申旬中 虚。 日月周 ·無 申、 甲 午

也。

也。

坎

戊

離

己,居

甲旬,孤上坐者勝,虚上坐者負。」伍子胥曰:「凡遠行 諸事不得往。二甲、乙爲日,合而爲五行, 未爲虚。」太史公曰:「日辰不全,故有孤 説皆與仲翔合。天有五行十二辰,《參同 爻律。」乾、坤十二爻,黄鍾十二律,陰、陽各六。其 位。』《漢書・律曆志》曰:「天數五 子、丑爲辰,分而爲六位。《淮南子》謂之六 虚。」張存中《四書通證》云:「陰陽家《金匱》曰:「六 竟復更始。《易》有四正十二消息,《樂》有 契》曰:「日合五行精,月受六律紀。 五六三十度,度 其處空虚」者,此謂坎、離爲乾、坤二用 五聲十二律、《參同契》曰:「消息應鍾律。」其義 故《京房易傳》曰:「降五行,頒六 六爲虚,五爲聲,周 乾位六,坤位六,主一歲之消、息。 仲翔又謂「坎月離 中宫,旺 四季,出乾入坤, 流於六虚,虚 日,入在中宫, 一,地數 中。 器用者空。 合之位也。

府。

《律曆志》云:「天之中數五,五爲聲,聲 消息不見坎、離象。《朱子語類》解《參同契》二用,即 卦象,故云「其 流行于六位消、息之中,而消、息獨無二 則坎、離者,於五行爲土,於五聲爲宫。 乾坤用九、用六,殊誤。 坎、離者、乾、坤二用。 地者,乾、坤之象也;設位者,列陰、陽配 曰:「天地設位,而易行乎其中矣。 乾、坤六位畢矣。十一 不居,周流六虚。」始於子,終於亥,而 律,律者,著宫聲也。 不定,上下亦無常。 上宫,五聲莫大焉。 包囊萬物,爲道紀 乾、坤各六。 故推消、息,坎、離没亡。」是 處 空虚」也。 周流 幽 地之中數六,六爲 月黄鍾,乾初九,至十月 宫以九唱六,變動 易謂坎、離,日、月。 二用無爻位,十二 綱。 潛 行六虚,往來既 淪 以無制 匿 《參同 ,變化於 契》

應鍾,坤六三,而一歲終。

乾爲積善

坤,極 慶。 初。 慶。 積善 翔注 幽,六極以類降,故黜之,積善至于明,五 陰。《尚書大傳・考績訓》曰:「積不善至於 仲翔又注履上九曰:「乾爲積善,故考祥。」 福以類升,故陟之。」乾爲善,又爲福 陰爲惡,陽爲善。」朱穆奏記曰:「善道屬陽,惡道屬 漢議郎元賓碑》曰:「乾乾積善,蓋古人以 乾成于震,謂月三日。 乾爲積善,以坤牝陽,滅出復震,爲餘 積不善之家,必有餘殃。]仲翔曰 ,謂九三也。

五福攸好德,其積善之 謙卦云:「坤爲鬼害,乾爲神福。」乾乾 坤 **姤生巽,爲餘殃。」坤生于巽,謂十** 文言》曰:「積善之家,必 坤 積不善,以 ,故仲 乾 有 六日 一謂 通

> 謂 乎 ?

虞氏逸象

《荀九家》逸象三十有一,載見陸氏

也。 筮之,遇大有之乾,曰: 厲、《説文》引作「夤」。 爲物,乾純粹精,故主爲物。 武人,乾陽剛武、《春秋外傳》曰:「天事武。」爲行人, 善人,乾爲善,爲人,故爲善人。乾元,善之長也。 故曰賢人。爲君子,謂九三,三于三才爲人道。 而生人。」爲聖人,九五。 爲賢人,九二,二升坤五 鑿度》曰:「人象乾德而生。」又云:「太乙常行乾宫,降感 《釋文》,朱子采入《本義》。虞仲翔傳 如乾爲王,乾爲君,故爲王。《九家》震爲王,乾初九 五世孟氏之學,八卦取象,十倍于《九家 爲神,陽爲神。 夤,敬也。 爲人,指九三。案,康成注《乾 「同復于父,敬如君所。」」是乾爲 爲敬,九三,夕惕若厲 《左傳》:「成季之生也 其家 爲 爲

四四四

敬也。 《彖傳》曰:「乾道變化。」爲德,乾有四德。 忿。 命之謂性。 天嚴。」爲道,乾爲天,道之大原,出于天,故乾爲道。 德,亨者嘉之會。 爲福,爲禄,爲積善,爲介福 良,乾善故良。 爲愛,長人故愛。 爲忿,乾剛武爲 乾知大始。 介,大。爲先,坤「先迷,後得主」,故乾爲先。爲始 曰:「好生于陽。」爲施,陽主施。 盈,十五乾盈甲。 乾已老。 爲甲,乾納甲、《素問》曰:「天氣始于甲。」爲老,四月 治。爲高,爲宗,宗,尊也。 爲清,乾爲天,輕清者爲天。 也。」爲久,不息則久。爲畏,與「威」通。爲大明, 《尚書》曰:「若稽古帝堯。」鄭注云:「稽,同也。古,天 爲生,爲慶,陽稱慶。爲祥,善也。 爲威,爲嚴,君德威嚴。《太玄》曰:「地坎而 爲舊,爲古、《周書・周祝》曰:「天爲古。」 爲信,坎之孚也。 爲知,乾以易知。 爲肥,乾盈故肥。 爲治,乾元用九,天下 爲善,善道屬陽。 乾爲天,天尊,故爲宗。 爲大,陽稱大。爲 爲利,利四德之一。 爲好,賈逵 爲嘉,四 爲性,天 爲

謀。 傳 》: 焉。」蓋艮爲庭,爲實,坤爲旅,爲帛,乾爲百,爲玉也 八、與大衍之五十同義。《左傳》:「陳敬仲生、周史筮之、 門,乾坤易之門。爲大謀,坎心爲謀,乾稱大,故爲大 爲遠。」爲郊,位西北之郊。 本卦。爲晝,爲遠,虞注《謙·彖》曰:「天道遠,故乾 喪,故爲尸。 坤鬼。《黄帝占》以坤爲鬼門。 爲刑人,坤爲刑。爲小人,陰稱小。 喪,爲母。母喪,故稱妣。 通》引《禮·雜記》曰:「蓍,陽之老也。」坤爲妣,坤爲 爲圭,爲玉,故爲圭。 爲歲,爲朱,乾爲大赤,故爲朱。 遇乾之否,曰:「庭實旅百、奉之以玉帛,天地之美具 也。」爲至,至哉坤元。 躬、《釋詁》曰:「躬,身也。」爲身、《釋詁》曰:「身,我 爲道門,爲百,乾三爻,三十六,故百,略其奇 「畢萬筮仕,遇屯之比,辛廖占之曰:「安而能殺。」」 爲形,在地成形。 爲著。蓍數百,與乾同。《白虎 爲民,一君二民。 爲安,坤主静,故安。《左 爲尸,坤爲身,爲喪,身 爲野,與郊同義。 爲自,爲我,爲 爲頂,與首同義 爲鬼,乾神 爲姓, 爲

作富。」爲財,《禮運》曰:「天生時而地生財。」爲積 安。」爲康,猶安也。 杜預以爲坤安震殺也。《月令》「晏陰」,鄭注云:「 箋云:「旬當爲營。」此其證。 爲聚,爲重,爲厚,厚德載物。 裕,坤弱故裕。 爲營,坤爲旬,古文旬、營通。 《詩・江漢》 「來旬來宣」, 賈逵曰:「惡生于陰。」爲禮,爲義,《周書》曰:「地道 邇,爲近,《法言》曰:「近如地。」坤爲身,本諸身者最 文,故爲書,坤爲文也。 曰:「陽道常饒,陰道常乏,陰陽之道也。」爲書,地事 嗇,爲欲。 坤闔户,故閉。 從王事」,京房云:「陰爲事。」爲類,《彖傳》。 曰義。」《乾鑿度》曰: 近,故爲邇,爲近也。 爲用,爲包,爲寡,坤陰水,故爲寡。 爲過,積惡,故爲過。 爲密,兑上爻。爲恥,爲欲,坤陰吝 爲虚,乾息爲盈 「地静而 爲思,爲默,爲惡,好惡之惡。 爲富,《大戴禮 爲永,坤用六,利永貞。 理日義。」爲事,六三「或 爲下,地卑故下。 爲醜,坤爲夜。 ,坤消爲虚。《太玄》 爲基,爲致,與至 爲徐, 爲閉, 陰 《太 爲 爲 稱

玄》: 國,爲邦,坤爲土,爲民,民以土服 爲政。爲大業,《繫辭》。 户《繁辭》。 爲十年,坤數十。 後,三十日極暑。」故坤爲暑。 爲乙,坤納乙。 故乾爲寒。夏至姤初六,坤也。《稽覽圖》曰:「夏至之 復初九,乾也。《稽覽圖》曰:「冬至之後,二十日極寒。」 陰爲惡。 《章句》:「中冓,中夜。」爲惡,惡道屬陰。 帝出乎震。 爲虎、《京房易》:「坤爲虎刑。」爲黄牛。 下者謂之器。 初六。爲冥,爲晦,月晦于坤。 喪,坤喪于乙。爲殺,爲亂,爲喪期,爲積惡, 曰:「惟正月之朔,慝未作。」謂建巳之月,惡未作也,是知 大邦,爲鬼方,爲鬼,爲方,故爲鬼方。 「夜以醜之。」《詩》:「中冓之言,言之醜也。」 爲怨,爲害,爲終,代終。 爲主,主器。 爲庶政,坤衆,故爲庶,坤發于事業,故 爲缶,坤,土。 爲盍,與「闔」同。 爲諸侯,漢司徒丁恭曰: 爲土,爲田,爲邑,爲 爲輻,爲大輿,故爲輻 爲夜、爲暑、冬至 ,故爲國,爲邦。 爲户,爲闔 爲器,形而 爲死,爲 震爲帝 《春 爲年, 秋 薛 傳 君

《逸禮·王度記》曰:「諸侯封不過百里,象雷震百里。」 「古者帝王封諸侯不過百里,故利以建侯,取法于雷。」 「一夫之行也。」韋昭云:「一夫,一人也。 震一索而得男, 爲人,爲行人,爲行,爲人,故爲行人。爲士,震初 猶起也。 作之義。震爲作足。作,起也,震起,故爲作。 爲興, 行。」《晉語》曰:「一夫之行也。」爲征,猶行也。 故曰一夫。」爲元夫,爲行,韋昭曰:「震爲作足,故爲 元士。爲兄,爲夫,《晉語》司空季子論屯之震曰: 聲相應。鄭注《曲禮》曰:「雷之發聲,物無不同時應者。」 六,陰静爲八,其數三十二。 一陽動二陰,故曰百里。」 知之?1炎曰:「以其數知之。夫陽動爲九,其數三十 以制國也。」《酈炎對事》曰:「或曰:「雷震驚百里,何以 讖》曰:「雷震百里,聲相附。」宋均注:「雷動百里,故因 出,三日出震。爲逐,震爲驚走,故稱逐。爲作,東 故有諸象。爲響,爲音,震爲鼓,故爲音。 爲言,爲講,爲議,爲問,爲語,爲告,震善鳴. 爲交,爲懲,爲反,爲後,爲長子,故爲後。① 爲奔,爲奔走,爲驚衛,爲百、論語 爲應,同 爲

> 《太玄》曰爲草。爲百穀,爲百,爲稼,故爲百穀。 守,有守則從。」故爲從。爲守,守宗廟社稷。爲左, 厥咎,國多麋。」爲筐,服虔曰"「震爲竹,竹爲筐。」爲 阪。❸ 爲祭,主祭。爲鬯,長子主祭器。 震爲春,春主仁。《樂緯・稽耀嘉》曰:「仁者有惻隱之 震在卯,卯爲左。 世,❷世子。爲從、春秋傳》:「大子曰冢子,君行則 雲,爲大川,爲志,心志一也。 趾。足也。坎爲雲,上坎爲雲,下坎成雨。 爲笑,本卦。 爲樂,《春秋繁露》曰:「春,蠢也,蠢蠢然喜樂之貌。」 心,本生于木。」注云:「仁生于木,故惻隱出于自然也。」 爲緩,爲寬仁,《太玄》曰:「三八爲木。性仁,情喜。」 麋,鹿,麋鹿善鷲,震鷩之象。《京房易傳》曰:「震遂泥 爲大笑,爲陵,震爲阪生。 爲生,震春爲生,又月三日生明、 爲謀、《洪範》謀屬 爲草莽, 爲玄 阪,陵 爲

0

[「]爲長子故爲後」,四庫本作「初位在下故言後」。

[「]世」上,四庫本有「後」字。

[「]震爲阪生阪陵阪」,四庫本作「震爲九陵故爲陵」。

四八

水。 爲恤 瀆之瀆。 故爲獄。 欲,坎水爲欲。爲淫,坎水爲淫。 涕洟,爲疾,爲災,❶爲破,爲罪,爲悖,爲 卦。 經,「六經」之「經」。爲法,見《左傳》。《太玄》曰:「一 坎雨稱膏。《太玄》曰: 納、納、古作内、與「人」同義。 六爲水,類爲法。」爲、蘩,坎爲豪棘。 爲、聚,爲、習,本 也。」爲校,桎梏之類。爲弧,爲弓彈,爲穿木。 酒,爲鬼,《太玄》曰:「類爲鬼。」范望注云:「陰所聚 爲陰夜,坎月夜。 道。爲時,爲小狐,爲狼,爲爲碩,爲碩果,剥 爲童,爲童僕,爲官,爲友,爲道,爲徑路,故爲 桎梏爲穿木。 《釋言》曰:「謀,心也。」爲惕,加憂爲惕。 爲美,坎爲美脊,故美。 ,爲逖,恤、逖,皆憂也。 爲暴,坎盜爲暴。爲毒,爲虚,爲瀆,煩 爲孚,爲平,水性平。 艮爲弟,爲小子,爲賢人,九三。 爲三歲,坎上,三歲不觀。 「類爲膏。」注云:「潤萬物也。」 爲臀,爲要,爲膏, 爲悔,坎心爲悔。 爲後,❷爲人,爲 爲獄,坎爲叢棘: 爲則,法則。 爲 疑, 爲 爲 爲

> 卦。 慎、順通。爲待,爲執,爲手,故爲執。 姤卦。 背,艮爲多節,故稱背、《艮》卦云:「艮其背。」爲 尾, 三、七九六十三、三主斗。爲沫、小星。 朱誤讀虞注耳。 統。朱子發引仲翔注曰:「離、艮爲星。」離爲日,非星也 社稷,爲星,艮主斗,斗建十二辰,艮爲人,斗合于人 廬,爲牖,爲居,爲舍,與居同義。 門關宫象。爲庭,杜預注《左傳》曰:「艮爲門庭。」爲 爲篤實,見《大畜・象》。爲穴居,爲城,爲宫, 節,故爲多。 爲處,異陽居,故爲處。 爲皮。艮爲膚,故爲皮。 爲愼,爲順,艮爲弟,善事兄弟,故爲順。 爲號,爲商,異近利市三倍,故爲商。 爲厚,爲求,艮、兑同氣相求,故爲求。 爲斗,艮上值斗。《九家易》曰:「艮數 爲歸, 巽爲命,本卦。 爲利,近利市。 爲宗廟,爲 爲多,艮多 爲肱,爲 爲誥,見 爲隨, 占文 爲

[「]災」,四庫本作「失」。

^{● 「}狼」,四庫本作「猿」。● 「後」,四庫本作「役」。

爲孕。 見乎離。 震廢,故仲翔以巽爲魚也。」離爲黄,六二。爲見,相 墉,爲牀,巽木爲牀。 爲桑,爲蛇,位在已。 爲草木,剛爻爲木,柔爻爲草。 同,齊乎巽。 爲甲,日出甲上,爲甲胄,故爲甲。 魚。 郭璞曰:「魚者,震之廢氣也。」朱子發曰:「巽王則 兑爲友,朋友講習。 見《左傳》。爲飛鳥,爲甕,爲瓶。 黄,故又爲黄矢。爲罔,罔罟取諸離。爲鶴,爲鳥, 爲矢,爲黄矢,馬、王亦云離爲矢,見《釋文》。離爲 右。」《説文》曰:「右,手口相助也。」爲少知。 又,手也。兑爲口,口助手,故爲右。仲翔云:「口助稱 仲翔曰:「兑陽息二,故見。」爲右,兑在酉。 酉,右也, 刑人,兑秋爲刑。爲小,爲密,●爲見,見《雜卦》。 取象,共三百三十一。❷ 乾六十,坤八十二,震五 爲戎,戈兵,戎器。 爲飛,鳥體飛。 齊,同也。爲交,爲白茅,爲草莽, 爲朋,二陽爲朋。 爲明,嚮明而治。爲光, 爲刀,爲斧,爲資斧, 爲薪,爲帛,爲 爲孕,爲大腹,故 皆中虚之象。 爲刑,爲 以上 爲

作黄桑。艮爲指,爲狗,狗作拘。兑爲羊,羊作羔。
五.震爲旉,旉作尃,爲反生,反作阪。巽爲廣顙,廣顙世鄉壁虚造,漫無根據者也。又《説卦》異同者大略本諸經,然其授受,必有所自,非若後大略本諸經,然其授受,必有所自,非若後

孔文舉書

又觀象雲物,察應寒温,原其禍福,與神合《易》,知東南之美者,非徒會稽之竹箭也。説騁辭。曩聞延陵之理樂,今覩吾子之治説騁辭。曩聞延陵之理樂,今覩吾子之治,以融《荅虞仲翔書》曰:「示所著《易

[「]爲密」上,四庫本有「爲折」二字。

[「]三百三十一」,四庫本作「三百二十七」。

十坎四十五艮三十九巽十六離十九兑九」。 「乾六」至「兑九」,四庫本作「乾六十一坤七十七震五

契, 名,想當來翔,追蹤前烈,相見乃盡,不復 賢者,梁邱 多陳。」《藝文》五十五 叮 謂 探 以 索旁通者 卦筮寧世,劉向 Ë 方世 以 清 泛洪 聖,上 範》 昭 求

莫大陰陽,是以伏羲仰天縣象,而建八卦, 父,故零陵太守光,少治《孟氏易》,兩漢以後: 爲六十四,以 八卦從納甲而生,故云「仰天縣象」。 碑不虚,獨全焉。」又《御覽》四百十一卷引《會稽典録》 東阿王,東阿先有三十碑,銘多非實,植皆毀除之,以歆 典録》曰:「虞歆,字文肅,歷郡守,節操高厲。魏曹植 亡考故日南太守歆、北堂書鈔》一百二卷引《會稽 成,纘述其業,至臣祖父鳳爲之最密。 七十子之學,惟孟氏獨得其傳。曾祖父,故平與令 「虞固,字季鴻,少有孝行,後爲日南 受本于鳳,最有舊書,世傳其業,至臣 仲翔奏上《易注》曰:「臣聞六經之始, 通 神明,以類 、萬物。 觀變動六爻, 太守。」似又一 臣 高 臣 祖 爲

> 《易》。 在天成象,納甲止據三爻。 惟不罪戾。」 改定,以就其正。 依經立注。 枹鼓之間,講論于戎馬之上,蒙先師之説, 經疏闊。 五 宜協陰陽、致麟鳳之道矣。 下治。1聖人南面,蓋取諸離,斯誠天子所 所覽諸家解,不離流俗,義有不當,實輙悉 盡吞之。道士言《易》道在天,三爻足矣。 被鹿裘,布《易》六爻,挑其三以飮臣,臣乞 世。 又臣郡吏陳桃夢臣與道士相遇,放髮 前人通講,多玩章句, 臣生遇世亂,長于軍旅,習經于 非傳五世之學,及蒙先師 孔子曰:『乾元用九 豈臣受命,應當知經。 謹正書副上, 雖 有 之説,不 祕說,于 而 能 天 注

人皆不能荅。班固撰《孟喜傳》,不識「箕子之明夷」,占文少。桓寬《鹽鐵論》桑大夫問《易》中一事,山東文學六十自漢初以來,海内英才,其讀《易》者,解之率自漢初以來,海內英才,其讀《易》者,解之率,與到天奏曰:「經之大者,莫過于《易》。

朋。 《易》,獨推慈明,最爲知言,所不滿者,下兩條而已。仲翔 勝諸儒。 章首。 作「其子」,讀爲「荄兹」。至孝靈之際,潁川荀諝號 不及荀諝遠甚。孔子曰『可與共學,未可與適 閏、《易》有四象,所以示也。 而上爲章首,荀屬下章 美大衍四象之作,四象,謂象兩,象三,象四時及 午至申,得坤一體,爲「得朋」,,子至寅,喪坤一體,爲「喪 注《易》,大略本諸慈明升降、卦變耳。 至所説 『西南 爲知《易》,臣得其注,有愈俗儒,仲翔論兩漢之 忠差勝玄,而皆未得門而入也。 道」,豈不其然。 才,其所解釋,復不及諝。融于《易》全無發明 曰:『知變化之道者,其知神之所爲乎。』以 忠,雖各立注,忠小差玄,而皆未得其門,言 虞據納甲,以荀説爲不然也。 尤可怪笑。

又南郡太守馬融,名有俊 難以示世。」 若乃北海鄭玄,南陽宋 忠注見「羣龍」一節,獨 孔子歎《易》

易漢學卷四

東吴徵士惠楝學

兵部侍郎兼都察院右副都御史巡撫 全省軍務兼理河道欽賜一品頂帶畢沅校刊 河南!

京君明易上 附干寶❶

八卦六位圖出《火珠林》

乾屬金 | 壬戌土 | 壬申金 | 壬午火 | 甲辰土 | 甲寅木 | 甲子水

李淳風曰:「乾主甲子、壬午。 甲爲陽

陽,内子爲始,外午爲終也。」 爲陽辰之終。初爻在子,四爻在午。乾主

日之始,壬爲陽日之終,子爲陽辰之始,午

坤屬土 癸酉金 癸亥水 癸丑土 乙卯木 乙巳火 乙未土

陰,故内主未,而外主丑也。」 辰之終。坤初爻在未,四爻在丑。 之始,癸爲陰之終,丑爲陰辰之始,未爲陰 李淳風曰:「坤主乙未、癸丑。 乙爲陰 坤主

癸未同,乙巳與癸巳同,乙卯與癸卯同,乙 與甲申同,壬戌與甲戌同,論坤則乙未與 寅同,甲辰與壬辰同,壬午與甲午同,壬申 未也。故論乾則甲子與壬子同,甲寅與壬 癸得申、未者,均謂之坤,不一其乙未、癸 者,均謂之乾,不一其甲子、壬子也。乙、 丑與癸丑同,乙亥與癸亥同,乙酉與癸酉 朱震《周易叢説》曰:「甲、壬得戌、亥

[「]干寶」,四庫本作「干令升」。

震屬木 庚戌土 庚申金 庚午火 庚辰土 庚寅木 庚子水

以父授子,故主子、午,與父同也。」男,即乾之初九。甲對於庚,故震主庚。李淳風曰:「震主庚子、庚午。震爲長

¥屬木 辛卯木 辛巳火 辛未土 辛酉金 辛亥水 辛丑七

以母授女,故主丑、未,同於母也。」女,即坤之初六。乙與辛對,故巽主辛。李淳風曰:「巽主辛丑、辛未。巽爲長

坎屬水 戊子水 戊戌土 戊申金 戊午火 戊辰土 戊寅木

男,故主于中辰。」 李淳風曰:「坎主戊寅、戊申。 坎爲中

離屬火 | 己巳火 | 己未土 | 己酉金 | 己亥水 | 己丑土 | 己卯木

,女下三: T 表。· 李淳風曰:「離主己卯、己酉。 離爲中

女,故亦主于中辰。」

艮屬土 丙寅水 丙子水 丙戌土 丙申金 丙午火 丙辰土

男,乾上爻主壬對丙,用丙辰、丙戌,是第李淳風曰:「艮主丙辰、丙戌。 艮爲少

五配。」

兑屬金+丁未上+丁酉金+丁亥水+丁丑土+丁卯木+丁巳火

六配。」
女,坤上爻主癸對丁,用丁巳、丁亥,乃第女,坤上爻主癸對丁,用丁巳、丁亥。 兑爲少

五三

易漢學卷四

午。 之所在。 及《開名經》,皆以五音六屬,知人年命 右 納甲法也。 主庚子、午,巽主辛丑、未,坎主戊寅、 令》正義引《易林》云: 今《易林》無之。 巳、亥屬丁。」兇初爻,丁巳、丁亥。《禮記 爻,己卯、己酉。 辰、戌屬丙,艮初爻,丙辰、丙戌。 屬戊,坎初爻,戊寅、戊申。 巳、亥。」案、《玉策記》、《開名經》皆周秦 申,離主己卯、酉,艮主丙辰、戌,兑主丁 時書。京氏之説,本之焦氏,焦氏 圖 丑、未屬辛,巽初爻,辛丑、辛未。 載見《周易六十四卦火珠林》,●即 子、午屬庚、原注:震初爻,庚子、庚 《抱朴子》曰:「案《玉策記》 卯、酉屬己,離初 寅、申 又得 • 月

也;乾初乎、午。 坎自寅至子六位,中男也;自子順行。 震自子至戌六位,長子代父未子發曰:「乾交坤而生震、坎、艮,故

之周秦以來先師之所傳,不始于漢也。

項平菴曰:「陽卦納陽干陽支,陰卦納

始,六位時成J,則七卦可以類推。」 其位不起于未。《易》於《乾》卦言『大明終長男,離自卯至巳六位,配中男也。 女,從人者也,故民至未六位,配少男也。 女,從人者也,故良自辰至寅六位,少男也。坤交乾而生巽、

院道順, 異納丑、未, 逆傳卯、酉, 陰右行故寒, 沈氏又以震、異納庚、辛, 從下而上, 度》云「易氣從下生」, 兼乾、坤言之也, 度》云「易氣從下生」, 兼乾、坤言之也, 有獨六子耶。 陽左行故順, 異納丑、未, 逆傳卯、酉, 陰道逆。」 逆, 爻辰亦然, 朱、沈之説未盡。

^{●「}戴見」至「珠林」,四庫本作「胡一桂田京氏云降五行

陰干陰支。陽六干皆進,陰六干皆退。惟 乾納二陽,坤納二陰,包括首尾,則天地父

瘆

母之道也。」

之所由升也。」 飛於天也。四以初爲應,謂初九甲子,龍 曰:「躍者,暫起之言,既不安於地,而未能 《易·乾》九四:「或躍在淵。」干寶

甲子之事,故云。 案,乾初九甲子水,干氏以喻武王孟津

戌、亥,乾之都也,故稱「龍」焉。」 成坤。乾體純剛,不堪陰盛,故曰「龍戰」。 酉,坤上六癸酉金。 而卦成於乾。卦本乾也,陰消 寶曰:「陰在上六,十月之時也。 爻終於 《坤》上六:「龍戰于野,其血玄黄。」干

光始照,故曰『發蒙』。坎爲法律,寅爲貞 曰:「初六戊寅,坎初六戊寅木。 平明之時,天 《蒙》初六:「發蒙,利用刑人。」干寶

易漢學卷四

母道得,温和慈惠之化也。」 辛 丑,巽之宫 日日 也。 巽 爲 風 爲 順,后 誼 明,

戌。 六 則初九是庚子,六二是庚寅,六三是庚辰, 四是戊午,當是戊申。 上六是戊戌。 《朱子語類》曰:「《火珠林》占一 當是戊子。」 九五 是戊申,當是戊 屯 卦

易道 進退 下 因伏羲,暨乎神農,重乎八純, 屬於六十四所,二十四氣,分天地之數,定 人倫之理,驗日月之行,尋五行之端 生 星辰、山川、草木、蟲魚鳥獸之情狀,運 囊括,推爻考象,配卦世 死 難 ,莫不因兹而 京氏《易積算法》曰:「夫子曰: 休咎,不可 究。 迄乎西伯父子,研 執 兆矣。 隅 故考天地、 故 應,加 曰《易》 理 聖理玄微 乎星宿, 窮 通,上 『八卦 ",災祥 日 含萬

如 京 説, 則今占法所謂納 甲、 世 應、 游

> 有兩 學紀聞》。 也。 歸、 四 積算法,亦无起例可推。 官家宅之類。 爻斷法,與今下卷同,而尤詳備者。」 六親、 種,其 此條,今《京氏易傳》無之,載見《困 案胡 六神之説,皆始 及列六十四 一題云《京氏易傳》,其間 桂云: 及卜筮新 卦,定三百八 「京君明《易傳 于 西 條例,占求 伯 父子 十 論

八宫卦次圖

乾人 變世 垢 世 遯二世 否三世 觀 四 世

剥 五世 晉 用遊

離魂

大有歸魂

大 過 兑用

井

震

豫

解

恒

升

隨

既

坎

節

屯

濟 革

五六

易				兑		離		巽		坤		艮	
易漢學卷四			謙	困	涣	旅	噬嗑	小畜	夬	復	履	賁	豐
			小過用震	萃	訟用乾	鼎	頭用艮	家人	需用坎	臨	中孚用異	大畜	明夷用坤
ļ			歸妹	咸	同人	未濟	蠱	益	比	泰	漸	損	師
				蹇		蒙		无 妄		大壯		睽	
	 不上 變世	艮	不變	上世	坎	 不上 變世	震	魂爲晉	四而成	復乾性	張	一 爻上 不爲 變世	乾
	姜 五 履世		變豐	- 五 世		● 五 ⊭世		歸魂	離,則明出地上,	矣。	行成日	變 五 剥世	
	變四 睽世		變革	四世		變 四 升世		魂爲晉,歸魂於大有,則乾體復於下矣。」	明出地	乾之世爻,上九不變,	:	變四 観世	
	- 下體 成 兒 損		下體成離	三世變既濟		下體成巽			上,陽道		變,	一 三 三 世 變 香	
五七	大畜 安	大 大 大 大 大 世 一 世 一 世				變二解世		於下台	陽道復行。	、變, 力		登 二 遯世	
1	變一 實世			二 世		— 變一 豫世		欠 。 □	故遊	九返於	坤,無	變一 垢世	

坤

不上 變世 **愛**五 夬世 大 世紀 下體成乾 變二 臨世 變一 復世

《參同契》曰:

『易謂日月。』日月合爲古文易字。

故乾之用在

離

用六以九

,故坤之用

在坎。

張

行 成

曰

陰

陽

相

爲

用

用

九

以

六

:

爲需 成坎,則雲上於天,陰道復行。 坤 性 矣。 ,歸魂於比,則坤體復於下矣。」 張行成曰 坤之世爻,上六不變,六返於 「若上六變,遂成純乾 故遊魂 之卦 四而 無復

巽

噬 五世變 ■ 元 妄 變 下三 - 體成震 小畜 畜變

不上變世

離

_ 變五 渙世 變四 蒙世 | 下體成坎 變二鼎世 旅世

不上

變世

兑

變五謙世 變四 蹇世 下豐世 成良成 變二 萃世 __ 變一 困世

不上變世

各正。 又云:「凡八卦遊 坎爲性,離爲命 魂之變,乾、坤 用 坎、

命。」性命者,坎、離也。

言乾、

坤

互變,坎、

離

不

·動,故

際,各能還其

/本體

也。

經云:

「乾道

變化,各正

性

故乾、坤互變,坎、離

不動,

當

遊

魂

爲變之

坤之妙用,二用無爻位,周

流

行

六

虚。

是

案、《説文》云「秘書,日月爲易」是也。

坎、

離

者

乾、

離 用震、艮,皆爲 ,坎、離用乾、坤, 陰 陽 震、艮 互 用, 以 用巽、兑, 至 六 + 巽、兑 四 卦,

坤、皆有乾、坤之性也。 若上爻不變則皆然。 是故 其 正 諸 以坎、離 桂 祖 於 爲用 乾、

乾 者 坤。 惟乾、 坤 爲然。 坎、 離 肖 乾 坤, 故

用

案,乾用離爲晉,離用乾爲訟

坤

用

坎爲

五八

對陰陽互相爲用也。 群以世變言之,則乾與坤、坎與離、震與異、艮與兑,兩故云「震、艮用巽、兑,巽、兑用震、艮」也。 震爲小過,艮用巽、兑,巽、兑用震、艮」也。 談云「震、艮用巽、免,巽用艮爲頤。 震爲小過,艮用巽爲中孚,巽用艮爲頤。

九三復歸本體,在内卦,故曰「歸魂」。九四爲八純,本爻又在上卦,故曰「遊魂」。

世 應附遊歸

易,游魂、歸魂爲鬼易。』」人易,五世、八純八純,俗本作六世,訛。爲天『有四易,一世、二世爲地易,三世、四世爲『东房《易積算法》曰:「孔子《易》云:

卦。三畫已下爲地,四畫已上爲天。易氣《易乾鑿度》曰:「三畫成乾,六畫成

謂應。」初以四,二以五,三以上,此之以應天也。」初以四,二以五,三以上,此之應於天之上。注云"「天氣下降以感地,故地氣動升於地之中,則應於天之中,動於地之上,則從下生。動於地之下,則應於天之下,動

故爲盛也。終於上。」

又云:「天地之氣,必有終始,六位之及,皆由上下,故易始於一,易本無體,氣變而爲三,陰陽氣交,人生其中,故爲三才。革 于 四,●三,陰陽氣交,人生其中,故爲三才。革 于 四,●三,陰陽氣交,人生其中,故爲三才。革 于 四,●三,陰陽氣交,人生其中,故爲三才。革 于 四,●三,陰陽氣交,人生其中,故爲三才。革 于 四,●

初、三、五奇數,爲陽位也,二、四、上耦數,《左傳》昭五年正義曰:「卦有六位,

^{● 「}革于四」三字,原缺,今據影印文淵閣《四庫全書》本

陽。陽陰相值,爲有應,陰還值陰,陽還值值,爲相應。陽之所求者陰,陰之所求者爲,陰之所求者爲陰位也。初與四,二與五,三與上,位相爲陰位也。初與四,二與五,三與上,位相

陽,爲無應。」

也,世在四。」
・一寶《易・蒙》卦注曰:「蒙者,離宮陰

行侵陵之罪,以陷屨校之刑也。」云。以震掩巽,巽五世,故掩巽。强暴之男也,體貪狼之性,坎爲貪狼,震爲陰賊,二者相得而行,故體貪狼之性,坎爲貪狼,震爲陰賊,二者相得而行,故

於其道也。」荀爽曰:「恒,震世也。巽來乘《恒・彖》曰:「恒亨,无咎,利貞。久

長男在上,長女在下,夫婦道正,故利貞,之,震三世,下體成巽。陰陽會合,故通无咎。

久于其道也。」

《盤》下二曰:『『三月写三 匠,言。三之,雨以潤之,日以烜之,故甲宅也。」世也。二世。仲春之月,草木萌牙,雷以動性也。二世。仲春之月,草木萌牙,雷以動《解・彖》曰:「天地解而雷雨作,雷雨

拿精之帝同始祖矣。」 亨于帝。在巽之宫,三世。處震之象,是則寶曰:「聖王先成民而後致力於神,故王用寶一,與王先成民而後致力於神,故王用

行,至于五世,震五世井。改殷紂比屋之亂以養民性命,而清潔之主者也。自震化「水,殷德也,木,周德。夫井德之地也,所《井》卦曰:「改邑不改井。」干寶曰:

❶ 「二」,原誤作「三」,今據四庫本改。

邑不改井」。」俗,而不易成湯昭假之法度也。故曰『改

敗,而 也。 曰 : 位,五爲天子。 心,宜居王位,故宜日中。」 勿憂」者,勸勉之言也。 坎爲夜,離爲**晝**,以離 豐坎宫陰世在五,以其宜中而憂其 豐,亨,王假之,勿憂,宜日中。」干寶 離居之。 日中之象。 周伐殷,居王位之象也。 殷,水德。 言周德當天人之 變坎,至于天 坎象晝 側

諸夬。」《九家易》曰:「夬本坤世,五世。 易之以書契,百官以治,萬民 世,陽 之象也。 者,決也。 有伏坤,書之象也。坤爲文。上又見乾,契 《下繋》曰:「上古結繩而治,後世聖人 進 契,刻也。 成夬。 乾爲金。 取 金 百官以書治職,萬民以 決竹木,爲書契象,故法夬 以 大壯進而成夬,大壯 乾照坤,察之象也。 以察。 契明 蓋 ,坤四 下 夬 取

而作書契矣。」

不變,故謂之八。」兩卦至歸魂始變爲九。 帶和之語云:『《國語》晉公子親筮之,曰: 世而爲屯,屯六二爲世爻,震一世而爲豫, 世而爲屯,屯六二爲世爻,震一世而爲豫, 大二 一對而爲豫, 一對而爲豫, 一對而爲豫, 一對而爲豫, 一對而爲豫,

卦。」滅,故返陽道。道不復本位爲游魂,例八滅,故返陽道。道不復本位爲游魂,例八魂。」陸績曰:「爲陰極剥盡,陽道不可盡,房房《乾》傳曰:「精粹氣純,是爲游

先曾王父樸菴先生《易説》諱有聲,字律和

曰:「碩果不食,故有游歸。」

情狀。』」樸菴先生曰:「此《易緯》以游歸爲鬼易也。」云:『精氣爲物,游魂爲變,是故知鬼神之又曰:「陰陽代謝,至於游魂。《繫》

礼·彖》曰:「大明終始。」荀爽曰:

坎者,乾、坤之家,而陰、陽之府。 故曰 「大「乾起坎而終於離,坤起離而終於坎,離、

明終始」。」

水地,故曰『終于坎』。」故曰『終于離』。 坤游魂於水天,歸魂于家君曰:「乾遊魂於火地,歸魂於火天,

爲和味者也。故曰「需者,飲食之道也」。」三、我也,百穀果蓏之所生,禽獸魚鼈之所生,婦人,百穀果蓏之所生,禽獸魚鼈之所之職也,百穀果蓏之所生,禽獸魚鼈之所不實《序卦》注曰:「需,坤之游魂也。王

説,隨。 大亨貞,无咎。」荀爽曰:「隨者,震《隨・彖》曰:「隨,剛來而下柔,動而

降陰升,嫌於有咎,動而得正,故无咎。」巽,至歸魂,始復本體。動爻得正,故利貞。陽之歸魂。震歸從巽,故大通。震三世下體成

用,故天下治也。」 《蠱・彖》曰:「蠱者,巽也。異歸合震,巽三世至游荀爽曰:「蠱者,巽也。巽歸合震,巽三世至游

言『舍于離、坤』;歸魂于火天大有,故言也,故言『乾成于巽』,遊魂于火地晉,故家君曰:「乾一世内卦,四世外卦,皆巽

知巽亦成于乾。月卦也。一世内卦、四世外卦,皆乾也,『出于離,與乾相遇』。」又案,巽,本宫四

飛伏

初爻之伏巽也。」六十卦飛伏,詳《京房易傳》。曰:『冬至一陰下藏,一陽上舒。』此論復卦其究爲躁卦』,例飛伏也。太史公《律書》共究爲躁卦』,例飛伏也。《説卦》『巽伏。飛,方來也,伏,既往也。《説卦》『巽

世、應而使焉。」氣,王、相、囚、夷、胎、没、休、廢及飛、伏、氣,王、相、囚、夷、胎、没、休、廢及飛、伏、而揲之,凡十八變而成卦。 又視卦之八一《唐六典》曰:「凡《易》用四十九算,分

伏藏,冬至陽爻動,陰氣凝地。」《京房易傳》曰:「夏至起純陽,陽爻位

九變坤,下有伏震,潛龍也。」此與漢《易》異。傳》蔡墨曰:『在乾之姤曰:潛龍勿用。』初「潛龍勿用,陽在下也。」朱子發曰:「《左《乾》初九:「潛龍勿用。」《象》曰:

弼改作「嫌」。 于陽,故稱龍也。」 「消息之位,坤在於亥,下有伏乾,爲其兼

《坤》上六:「龍戰

于野。」荀

爽

⊟

伏陽,非應二也。 與鼎五同義也。 」行,得中而應乎剛。 」仲翔曰: 「剛謂應乾五(睽・彖》曰: 「説而麗乎明,柔進而上

非謂應二剛。與睽五同義也。」中,應乾五剛。亦是伏陽。巽爲進,震爲行,乎剛,是以元亨。」仲翔曰:「柔謂五,得上乎亂,是以元亨。」 (操・彖》曰:「柔進而上行,得中而應

令。坤下有伏乾,履霜堅冰,蓋言順也。冰至。」蓋言順也。」荀爽曰:「霜者,乾之命《坤・文言》曰:「《易》曰:『履霜,堅

命而成之。」乾氣加之,性而讀爲能,猶耐也。堅,象臣順君

仲翔曰:「君子謂三,伏陽也。」《困・象》曰:「君子以致命遂志。」虞

案,六三戊午火,故云「伏陽」。

爲知命,異爲命。陰陽合居,故不憂。」法宜憂。坤下有伏乾爲樂天,乾下有伏巽爽曰:「坤建於亥,乾立於巳,陰陽孤絶,其爽曰:「坤建於亥,乾立於巳,陰陽孤絶,其

一月復生,姤、巽在下,龍、蛇俱蟄。初坤初巽爲蛇,陽息初震爲龍。十月坤成,十仲翔曰:「蟄,潛藏也。龍潛而蛇藏。陰息《繫辭下》曰:「龍蛇之蟄,以全身也。」

爲身,故以全身也。」

安身默處也。」上究,則乾伏坤中,屈以求信,陽當復升,易》曰:「利用,陰道用也,謂姤時也。陰升易》曰:「利用,陰道用也,謂姤時也。陰升

貴 賤

爲大夫,三爲三公,四爲諸侯,五爲天子,《乾鑿度》曰:「初爲元士,在位卑下。二

則也。」

「以進退,君臣所以升降,萬民所以爲象上爲宗廟。宗廟,人道之終。凡此六者,陰陽

降在四,自否來。 三,公位也, 陰升在三,《坤》六三:「或從王事。」干寶曰:「陽

❶ 「含」,原漫漶不清,今據續編本補。

故曰『鞶帶」山。」「鞶帶,宗廟之服。三應於上,上爲宗廟,「鞶帶,宗廟之服。三應於上,上爲宗廟,《訟》上九:「或錫之鞶帶。」荀爽曰:

德也。」
《師》上六:「大君有命,開國承家。」干寶曰:「《離》上九曰:『王用出征,有嘉折寶曰:「《離》上九曰:『王用出征,有嘉折寶曰:「《離》上六:「大君有命,開國承家。」干

應在三,公謂三,伏陽也。」《解》上六:「公用射隼。」仲翔曰:「上

簋者,宗廟之器,故可享獻也。」荀爽曰:「二簋謂上體二陰也。上爲宗廟。《損・彖》曰:「曷之用,二簋可用享。」

圭,圭,E也。乾爲E。乾之二,故告公用圭。」翔曰:「公謂三,伏陽也。三,公位,乾爲《益》六三:「有孚中行,告公用圭。」仲

易漢學卷四

卦自否來,故稱乾。

《巽》上九:「巽在牀下。」《九家易》

孤、公、牧伯,位尊,故有異也。」有助理之功也。二,士、大夫,位卑;四,主三孤、三公、牧伯之位,佐於天子。皆同崔憬曰:「二主士、大夫位,佐於一國。四《繫辭下》曰:「二與四同功而異位。」

功,而君臣之位異者也。」「三,諸侯之位,五,天子之位。同有理人之「三,諸侯之位,五,天子之位。同有理人之又云:「三與五同功而異位。」崔憬曰:

爻 等

《繋辭下》曰:「爻有等,故曰物。」干寶

來發於爻,故總謂之物也。」四氣,六親九族,福德刑殺,衆形萬類,皆曰:「等,羣也。爻中之義,羣物交集,五星

木漸微。」壬申金,同位傷木。

水、乾之財。 土臨内象爲父母,甲辰土,乾父母。

木、乾之財。 土臨内象爲父母,甲辰土,乾父母。

木、乾之財。 土臨内象爲父母,甲辰土,乾父母。

氣爲專爻。』」兄弟爻也。「天地即父母也。」福德爲實爻,福德,即子孫也。同鬼爲繫爻,財爲制爻,天地爲義爻,陸績曰:鬼爲繋爻,財爲制爻,天地爲義爻,陸績曰:「孔子曰:『八卦

上下同曰專日。」又云:「入山當以寶日及戊子、己亥是也。下克上曰伐日,甲申、乙酉是也。生上曰義日,壬申、癸酉是也。上克下曰制日,「支干上生下曰寶日,原注:甲午、乙巳是也。下「支干上生下曰寶日,原注:甲午、乙巳是也。下

立而不墮。以保畜養,萬物蕃昌。以困舉 無報。以專從事,而有功。以義行理,名 制,子勝母曰困。 思即繁也。以勝擊殺,勝而 好民,與[實]通。子母相得曰專,母勝子曰 子曰保,與[實]通。子母相得曰專,母勝子曰 表目,若專日者大吉,以制日、伐日必死。」

據辰也。
《淮南》之説,與京房及《靈寶經》合。蓋《淮南》之説,與京房及《靈寶經》合。蓋

事,破滅死亡。」

《多同契》曰:「水以土爲鬼。」 《左傳》曰:「火、水妃也。」蓋從所勝者名《左傳》曰:「火、水妃也。」蓋從所勝者名《左傳》曰:「水以土爲官,以火爲妻。案,

《比》六三:「比之匪人。」《象》曰:「比

匪人不亦傷」,王政也。」 定體陰賊,卯未以陰氣賊害土,故爲陰賊。管、蔡 辰體陰賊,卯未以陰氣賊害土,故爲陰賊。管、蔡 辰體陰賊,卯未以陰氣賊害土,故爲陰賊。管、蔡 人體陰賊,卯未以陰氣賊害土,故爲陰賊。管、蔡 大德,卯爲木辰,同姓之國也。 爻失其位, 以其位,

爲財。與下三陽共之,故曰「不獨富也」。」五以四陰作財,卦體木六四,辛未土,乃制爻也,故巽,故『攣如』,如謂連接其鄰。鄰謂四也。體富也。」《九家易》曰:「有信,下三爻也。體富也。」《小畜》九五《象》曰:「有孚攣如,不獨

先儒皆以隨爲否上之初,初柔升上,是位,故曰官也。陰陽出門,相與交通,陰往之也。謂陽來居初,德正爲震。震爲子,得土之也。謂陽來居初,德正爲震。震爲子,得土之上,亦不失正,故曰『貞吉』而『交有功』。」

上亦不失正。 官鬼變則吉也。上本陰位,故陰往之,之位,故曰「官有渝」。水以土爲官鬼,一為於也。震初庚子水,得坤初乙未土乾之上九居坤初爲震,坤之初六升乾上

得位,父母者,京房所謂天地爻也。皇后母天下,父母兆而細曲者爲水。」孟康曰:「金水相生也。」卦遇父母然而細曲者爲水。」孟康曰:「金水相生也。」卦遇父母為位,父母者,京房所謂天地爻也。皇后母天下,父母将位,故吉。所謂康强之占,逢吉之符也。」」

貞悔

云"「卜五占用。句。二衍忒。句。」鄭氏《尚書·鴻範》曰"「曰貞曰悔。」又

曰:「二衍忒,謂貞悔也。」

屯爲貞,在豫爲悔。」晉國。」得貞屯悔豫,皆八。」韋昭曰:「震在晉國。」得貞屯悔豫,皆八。」韋昭曰:「震在《晉語》曰:「公子親筮之,曰:「尚有

《京房易傳》曰:「静爲悔,發爲貞。」

之,外卦爲悔,暮占用之。」《唐六典》曰:「凡内卦爲貞,朝占用

貞、悔二字,豈非發諸卦之凡例歟?」『有悔』。 坤六三,内卦之終,曰『可貞』。 胡氏炳文曰:「乾上九,外卦之終,曰

易漢學卷四終

東吴徴士惠棟學

兵部侍郎兼都察院右副都御史巡撫河南提督 全省軍務兼理河道欽賜一品頂帶畢沅校刊

京君明易下

五 行

方木,木生於亥,盛於卯。 康曰"「南方火,火生於寅,盛于午。」亥中有生木,東 生于已,盛于酉。 京房《易積算法》曰:「寅中有生火,孟 申中有生水、北方水、水生於申、 巳中有生金,西方金,金

易漢學卷五

水,辰,窮水也。 第木也。《説文》曰:「五行,木老於未。」 辰中有死 也。」戌中有死火,成,窮火也。未中有死木,未, 始也。申,金始也。」丑中有死金,孟康曰:「丑,窮金 辰在天門,出入候聽。亥,水始也。 通。」《汎曆樞》曰:「午亥之際爲革命,卯酉之際爲改正。 之先河也。長生訣有十二辰,見《唐六典》。 土兼於中。」此即後世術家長生缺 寅,木始也。巳,火

序四始,羅列五際。」《推度災》曰:「建四始五際而八節 盛于子。《詩緯・含神霧》曰:「集微揆著,上統玄皇,下

死於戌,三辰皆火也。 死於丑,三辰皆金也。 死於寅,三辰皆土也。 死於未,三辰皆木也。 丙剛丁柔,以至于癸。 死於辰,三辰皆水也。 《淮南·天文》曰:「凡日,甲剛乙柔, 木生于亥, 壯於卯, 火生于寅, 壯於午, 故五勝生一、壯五、 水生於申, 壯於子, 土生於午, 壯於戌, 金生於已, 壯於酉,

終九。」

案、《乾鑿度》言物有始,有壯,有究, 即

六九

生一、壯五、終九之說。

高堂隆議臘用日云:「王者各以其行之歷而祖,以其終而臘。水始於申,盛於子,終於辰,故水行之君以子祖,以辰臘,火始於寅,盛於午,終於成,故火行之君以仁祖,以戌臘,木始於亥,盛於卯,終於未,故木行之君以卯祖,以未臘,金始於已,盛於子,終於成,故火行之君以仁祖,於田,故金行之君以酉祖,以丑臘,土始於於田,故金行之君以酉祖,以丑臘,土始於未,盛於戌,終於辰,故土行之君以戌祖,以矣臘。」

慶。宜如前,以未祖丑臘。」《通典》四十四。者土之終,故以丑臘,終西復始,乃終有日窮之辰,不宜以爲歲初祖祭之行始也。日窮之辰,不宜以爲歲初祖祭之行始也。由,成德在未,故大魏以未祖。戌者,歲終南,成德在未,故大魏以未祖。戌者,歲終

翼奉上封事曰:「北方之情好也,好行

所萌生,故爲上。辰,窮水也。未,窮木也。冀氏《風

角

也。 《禮經》避之,《春秋》諱焉。 樂行姦邪,辰、未主之。「上方謂北與東也,陽氣 故日寬大也。」二陽並行,是以王者吉午、酉 爲物,喜以利刃加於萬物,故爲喜,利刃所加,無不寬大, 方之情喜也,喜行寬大,已、酉主之。「金之 猛,無所容受,故爲惡,其氣精專嚴整,故爲廉貞。」四 也,惡行廉貞,寅、午主之。 也,卯又陰賊,故爲二陰,王者忌之,不舉樂。」張晏曰 而後用,二陰並行,是以王者忌子、 也。」貪狼必待陰賊而後動,陰賊必待貪狼 氣而生,貫地而出,故爲怒,以陰氣賊害上,故爲陰賊 之情怒也,怒行陰賊,亥、卯主之。「木性受水 而潤,多所好。故多好則貪而無厭,故爲貪狼也。」東方 貪狼,申、子主之。 「子刑卯,卯刑子,相刑之日,故以爲忌。」南方之情 《詩》曰: 『吉日庚午。』上方之情樂也, 孟康曰:「水性觸 孟康曰:「火性炎 李奇曰: 「北方陰 地 떼 卯也 行,觸 惡 物

《五行休王論》《御覽》。曰:「立春: 艮 、震相、巽胎、離没、坤死、兑囚、乾廢、坎囚、艮廢、震休。 立秋: 坤王、兑相、乾 、坎囚、艮廢、震休。 立秋: 坤王、兑相、乾 、故四、艮廢、震休。 立秋: 坤王、兑相、乾 、故四、艮廢、震休。 立秋: 坤王、兑相、乾 、故四、艮廢、震休。 立秋: 坤王、兑相、乾 、故不、震四、巽廢、離休。 立冬: 、大震相、巽胎、離没、坤死、兑囚、乾廢、坎

王充《論衡》所載略同。又云:「王之衝

京風用事。」此與《休王論》之誼正合。事,人君當爵有德,封有功。 立秋坤王,也。」京房《易占》曰:「夏至離王,景風用死,相之衝囚,王相衝位,有死囚之氣

生、土囚、火死。」

《淮南・墬形》曰:「木壯、水老、火生、木囚、水死。 水壯、金老、木死。 水壯、金老、木四、水死。 金壯、死。 土壯、火老、金生、木囚、水死。 金壯、

相,故王廢,勝王囚,王所勝死。」《太玄》曰:「五行用事者王,王所生

占驗

子。夫子正月與瞿母筮,告曰:「後有五丈國,瞿年四十,今後使行遠路,畏慮恐絶無《易緯辨終備》曰:魯人商瞿使向齊

關,不能爲害,惟是克世,則爲害。」害之,如《火珠林》占法:凶神動,與世不相得,則凶,或害之。」《朱子語類》曰:「凶或《繫辭下》曰:「凡《易》之情,近而不相

太史治星望氣,及太卜蓍龜,皆以爲吉,匈得大過,爻在九五,匈奴困敗。公車方士奴縛馬前後足,不詳祥。甚哉!《易》之卦大夫與謀,參以蓍龜,不吉不行。迺者匈大美與謀,參以蓍龜,不吉不行。迺者匈

内,應克世之兆,所以敗也。」筮法》:師春曰:「大過,木兆卦也。外克奴必破。今計謀卦兆皆反謬。」程舜俞《集

故皆云吉,而實反謬也。 世」。當時諸臣以漢爲内卦,匈奴爲外卦, 丑之土。九四立世,初六爲應,故云「應克 五之土。九四立世,初六爲應,故云「應克 成震,初六辛丑土,乃震之財,故云「外克 案,大過,震游魂,故云「木兆卦」。五動又

曰:『吉,庚子歲,青蓋當人洛陽。』」張大,乃使尚廣筮并天下,遇同人之頤。對張大,乃使尚廣筮并天下,遇同人之頤。對

上六癸酉立世,六三乙卯爲應,故曰「酉應見卯」。 以,用翼奉語。鬼而帶賊,非魔何也?」」案,理以,用翼奉語。鬼而帶賊,乃終有慶。」帝曰:以文之,遇地履,曰無害。其召太史令虞履筮之,遇坤履,曰無害。其召太史令虞履筮之,遇坤履,曰無害。其以,而秦寺災,帝《南史》曰:「梁大同中,同泰寺災,帝

變魂而昇於天,能無死也。』果如其言。」晉,告之以吉。退而謂人曰:『乾爲父,天《易》善筮,有人父疾,輔和筮之,遇乾之《易》善筮,直國典略》曰:「齊趙趐輔和明邱説《三國典略》曰:「齊趙趐輔和明

爲世於金,七月建申,申、子、辰,又三五端筴拂蓍,遇動不動,既而言曰:『庚子爻云:雨月額,千里赤。蓋旱之徵也。』吾乃久,月旦雖雨,俄爾便晴。有人曰:『諺州、卜雨,聊附見首末。孟秋之月,亢陽日樂元帝《金樓子・自敘》曰:「初至荆梁元帝《金樓子・自敘》曰:「初至荆

合,必在此月。』五日庚子,果值甘雨。余合,必在此月。』五日庚子,果值甘雨。余二十八。

而吉已。元帝以比有甘雨,本此。來有它吉。」言甘雨滿我之缶,誠來有它後漢司徒魯恭引《易》曰:「有孚盈缶,終

在土宫,非直無雨,乃應開霽。」俄而星如之,遇謙之小過,既言曰:『坤、艮二象,俱二十一日將雨,其在虞淵之時。』余乃筮二十一日將雨,其在虞淵之時。』余乃筮又曰:「姚文烈善龜卜,謂余曰:『此

❶ 「今」上,原衍「金」字,今據四庫本删。

七四

乃欣然。」七百二十八。玉李,月上金波,霧生猶穀,河帶似帶,余

京氏占風雨寒温

《漢書•天文志》曰:「月爲風雨,日爲

寒温。」

温隨卦而至。」陰陽,氣有升降,陽升則温,陰升則寒,寒卦於一歲中,六日七分,一卦用事。卦有卦於一歲中,六日七分,一卦用事。卦有

各有占驗。房用之尤精。」六十四卦,更值日用事,以風雨寒温爲候,人焦延壽。 延壽字贛。其説長於災變,分人焦延壽。 延壽字贛。其説長於災變,分

康成注云:「太初之氣,寒温始生也。」 《易乾鑿度》曰:「太初者,氣之始。」鄭

四、九五坤,兑上六、坎初六復,坎九二、六三臨。」 者,坤也,復也,臨也,皆六三、上六。」「兑九 九姤,離六二、九三遯。」秋三月候卦氣者,否也, 上九、兑初九觀,兑九二、六三剥。」冬三月候卦氣 觀也,剥也,皆六三、上九。「離九四、六五否,離 也,皆九三、上九。「震九四、六五乾,震上六、離初 六三夬。」●夏三月候卦氣者,乾也,姤也,遯 六。 朱子發曰:「坎九五、上六泰,震初九、六二大壯,震 卦氣者,泰也,大壯 鄭康成注《易 通 也,夬也,皆九三、上 桂 一颗》日 : 「春三月 候

六三應上九,麴塵決寒,陽風。諸卦上有温,陰雨。六三應上六,白濁微寒,陰雨。温,陽風。九三應上六,絳赤絳一作降。決溫,陽風。九三應上六,絳赤綠一作降。決魏《正光曆》曰:「九三應上九,清淨微

和九大壯震六二六三夬」。
●「坎九」至「三夬」,四庫本作「坎六四九五泰坎上六震

陽爻者,陽風。上有陰爻者,陰雨。」

便巧仕於世也。」 肖君也。有貌濁清静,無寒温,此佞人以温,無貌濁清静,與淨通。 此賢者詘仕于不也。有貌無實,佞人也。」康成注曰:「有寒也。有貌無實,佞人也。」 康成注曰:「有寒

事明之也。 之。風雨寒温,氣也。道人佞人,以人孟長卿説《易》本于氣,而後以人事明

死,尚復何言?』」 災異,未嘗不中,今涌水已出,道人當逐臣曰:『房可謂知道,未可謂信道也。房言臣曰:『房可謂知道,未可謂信道也。房言爲災。』至其七月,涌水出。臣弟子姚平謂爲災。」至其七月,涌水出。臣弟子姚平謂不效,效,見也。法曰:『臣前以六月言遯卦京房上封事曰:「臣前以六月言遯卦

濁清静。道人去,佞人來,有貌濁清静,案,遯,六月辟卦也。道人有寒温,無貌

而無寒温,是以辟卦不效,當温反寒,而

有涌水之災。

即頭上《便宜七事》曰:「去年已來,兑 時期事,類多不效。《易傳》曰:『有貌無實, 個人也。有實無貌,道人也。』寒温爲實,清 個人也。有實無貌,道人也。』寒温爲實,清 也。是以陰寒侵犯消息。占曰:『日乘則有 此風,日蒙則有地裂。』如是三年,則致日食, 」。是以陰寒侵犯消息。占曰:『日乘則有 人。是以陰寒侵犯消息。占曰:『日乘則有 人。是以陰寒侵犯消息。占曰:『白貌無實,清 人。是以陰寒侵犯消息。占曰:『白貌無實,清 人。是以陰寒侵犯消息。占曰:『白貌無實,清 人。是以陰寒侵犯消息。占曰:『白貌無實,清 人。是以陰寒侵犯消息。占曰:『白貌無實,清 人。是以陰寒侵犯消息。占曰:『白貌無實,清 人。是以陰寒侵犯消息。占曰:『白貌無實,清 人。是以陰寒侵犯消息。上曰:『白貌無實,清 人。是以陰寒侵犯消息。上曰:『白貌無實,清 人。是以陰寒侵犯消息。皆曰:『白貌無實,清 人。」。

五十分,蒙氣復起。此陛下欲正消息,雜氣去,然少陰并力而乘消息,戊子益甚,到京房上封事曰:「乃丙戌小雨,丁亥蒙

還風 氣同力而太陽爲之疑也。」●孟 卯,太陽復侵色,至癸巳,日 危之機,不 卦之黨并力而 諸卦 ()暴風 氣以 也。 ·可不 寒温 争,消息之氣 風爲教令,言正令還也。」 察。 不效,後九十一日爲還 己丑 夜 月相 有 不 勝,彊 還 康注 薄 風 曰 此 盡 弱 風 邪 辛 安

屬土,故「厥 故「衆逆同志」。 厥風 風 亂。 雨 志 禍 折,故「傷」。 謂 心,至德 小 不 暴 厥 與雲俱 而 順 厥 起,發屋 京房易傳》 風 風 傷。 先風不 乃 異風」。 絶 厥 政悖德隱,兹爲亂。 潛 陽息至二體 經 風 起 乾 折木。 厥 一,折五 陽隱初,故「至德乃潛」。 **緯,坎、離爲經,震、兑爲緯,「絶經** 大焱發 雨 其 異風。 曰:「潛龍 ,消息無坎,故「先風不雨」。 風 一穀莖。 兑,兑爲澤,故 也,行不解, 守 義 屋 初九坤之復,坤 一, 賦 不進,兹 斂不 臣易上 勿用,衆逆同 坤反君道 「雨小」,爲毀 理 物不 坤爲 亂 兹 一政,兹 爲 上,風 于上 故爲 長 眊。 大

> 成,辟 桂 緯,四 兹謂 地 人之物,侯不朝,侯卦。 正作淫,兹謂惑。 不摇木,旱無雲,傷禾,公常於利,三爲三公。 也。 變赤而殺人。」 亂。 日時不正 不思 兹 謂 厥風微 也。 道 不 統 利 止 即 而温,生蟲蝗,害五穀,弃 辟 厥 厥 卦 温 風 風 也。 一,温即 兹謂叛。 温 疾 一,螟蟲 兹 丽 謂 蟲。 樹 無澤。 不摇 起 厥 侯專 ,害有益 風 無恒 封 榖 厥 侯 風 不

用事,當温而寒,違反時節。」郎顗詣闕拜章曰:「今立春之後,火卦

君 寒卦以寒侵。 政,或陰侵陽。] 康成注 政事,亦陰侵陽也。」 《易緯稽覽圖》曰:「侵消息者 陽者,君也; 芸 陰者 温 卦 臣 以 ,或陰專 也。 温 專

《參同契》曰:「君子居室,順陰陽節。

^{● 「}氣」,四庫本作「陰」。

介,纖 息。 藏 旱相伐,風雨 暑,盛夏霜雪。二分縱横,不應漏 出。」皆卦氣悖亂之徵。 、器俟時,勿違 介也。 纖 介不正,悔 二至改度,乖錯 不節。 卦月。 吝 爲 蝗 謹候 賊。 蟲 委 湧 憂悔吝者存 日辰,審察消 曲。 沸, 羣 刻。 隆 異旁 冬大 "乎介。 水

水。以六日七分候之可知。」 郎顗《七事》曰:「今春當旱,夏必有

樊毅《修華嶽碑》曰:「風雨應卦,瀸潤

萬物。」

易》。 大雨 爲雨 卦以《周易林》占之,其繇曰:『蟻封穴户, 御覽》十卷,又七百二十七卷 一蹇,艮下坎上。 將一作時。 ,蟻穴居,知 永平五. 東觀 漢 年, 記》 至。』上以問輔, 艮爲山,坎爲水。 Ď: 京 雨 師 將至 一沛 少雨, 一, 故 獻 以蟻 上御 Ŧ. 輔上書曰: 輔善《京 雲 爲 Ш 臺,自 興。」 出雲 氏

> 後雨; 變,得坎爲雨,得離 雨 否。 周易集林· 坎化爲巽,先雨後風。」《御覽》、《初學 外卦得陰 爲 雜 雨 不 一作象。 雨。 得 陽 巽化爲坎,先風 不雨。 占》曰:「占天 其爻發

雨雪。」《御覽》十二卷。《易通卦驗》曰:「乾得坎之蹇,則當夏

記》。

蒙氣

陽。 瀆。 曰 : 也。 云: 「再三,謂三與 蒙之比也,比音庇。 瀆不能尊陽,蒙氣不除,故曰瀆蒙也。」 再三瀆, 瀆則不 蒙,氣也。 易緯稽覽 • 蒙 圖》曰: 彖》曰:「初筮告, 比 非 四 也。 告, 陰冒 也。 「日食之比,陰 瀆蒙 乘陽 邪 陽也。」康 臣 不敬 也。」 謀 以 覆冒 荀 剛 成 故 其 得 注 曰 爽 中

下爲霧也。」不覺悟,日中不解,遂成蒙,君復不覺悟,君,先霧從夜昏起,或從夜半,或平旦,君

亂也。」《後漢書》本傳。 亂氣也,蒙之比也。蒙者,君臣上下相冒。 即顗曰:「《易内傳》曰:「久陰不雨,

而上意疑也。」
已,蒙氣復來卦,太陽侵色,此上大夫覆陽以來,蒙氣衰去。己卯,臣拜太守。迺辛以來,蒙氣衰去。己卯,臣拜太守。迺辛亦房上封事建昭三年二月朔。曰:「辛酉

益甚,到五十分,蒙氣復起。」孟 丁亥蒙氣去,然少陰并 一日爲八十分,分起夜半,是爲戊子之日, 起 在 巨西 房至陝,復上封事曰:「乃丙戌小雨, ,是臣黨盛,君 而蒙也。 蒙常以晨夜,今向中而 不勝也。」 力而 乘消 康曰:「分 息 ,戊子

《後漢書》黄瓊上疏順帝曰:「間者以

月散。原之天意,殆不虚然。」來,卦位錯繆,寒燠相干,蒙氣數興,日闇

民病。 蒙 作開,下同。下。蒙大起,日不見,若雨不雨, 起,白雲如山 日 職,公卦。 蒙日青,黑雲夾日,左右前後過日,公不任 不以次第爲夭。 不明,德不序,兹謂不聰。 解,立嗣子疑,慈謂 指雜卦。 起,日不見。 辟。辟卦,君也。 下合也。 蒙不 一日五起五解,辟不下謀,臣辟異道,臣 「京房易傳》曰:「有蜺、蒙、霧。 德不試,兹謂主窳臣夭。 君惰窳,用人 兹謂不見。 解,利邪 兹謂怙禄。 蒙如塵。 蒙起而白,君樂逸人,兹謂 行善不請于上,兹 行蔽日,公懼不道,兹 厥異蒙,其蒙先大温,已蒙 以 蒙下霧,風三 臣私禄 動欲,繼嗣不定。 食,兹 蒙三日,又大風,五 蒙日不明,温 謂 及親,兹謂 閉 上。 謂 變 蒙赤 謂 霧,上 作福 而 放 呂 而 H 俱

大臣 蒙。下專 至十二日解,兩卦。 蒙微 降。 兹謂 下,兹謂 奪日光 不解,大風發,赤雲起 上,兹謂不知。 下厝。千各反。 「孟說是。」三而起,日不見。 臣瓚曰:「京房謂之方伯卦,震、兑、坎、离也。」師古曰: 止 不試,兹謂遏。 日 力,則 攘善,兹謂盜 蔽。 明, 厭小臣,兹謂 廢忠惑佞,兹謂亡。 而 日青,青 ,公不任 日不明,有逸民,兹謂不 誣君。 惑衆在 蒙尊卦 刑,兹 而 蒙微日 蒙先 蒙微 明。 謂 位,兹謂 職,兹謂 用事 蒙微而 寒,寒必 蔽。 分威。 而有大雲蔽日,禄生 蒙黄濁,下陳 小 而 ,孟康曰: 無 而蔽日,衆不惡惡, 蒙微日 丽 小雨,已 赤, 光,有雨雲,雨不 覆 不 蒙天先清 ,雨已蒙起,微 雨,忠臣進善,君 蒙 漏言亡喜,兹謂 絀。 國。 風 而 「尊卦,乾坤也。」 不明,若解 鳴條,解復 日 乃 蒙微 明。 蒙白三辰 不 功,求於 大雨 而暴, 得明, 蒙濁 而 下 一於 H 而

> 悖。 庳。 霧,庶正蔽惡,兹謂生孽災。 不明,一温一 蒙甚 厥災風 丽 雨 温 寒,風揚塵,知佞厚之, 霧,風 君 臣 拔木,亂 故 弼 阙 五穀, 相 厥異霧。 戾 也。 已 兹謂 兹 丽 此 大

世卦起月例

皆陰雲之類云。

子也。 在 月,四陽 四 月,三陰在 世,陰主十月,六陰在亥也,陽主四月,六 主十二月,二陽在丑也。 主五月,一陰在午也; 世卦,陰 成也,陽主三月,五 胡一桂《京易起月例》曰:「一 二世卦,陰主六月,二陰在未也; 在 · 卯 也。 申 主八 也;陽主正 月,四: 五 世 陽主十一月,一陽在 陰 陽 卦,陰主九 在辰也。 在 月,三陽在寅也 三世卦,陰主七 酉 也, 月,五 世 八純 陽主二 卦,陰 陰

歸魂三世所主與三世同。」陽在巳也。遊魂四世,所主與四世卦同,

世卦、陰主七月。亦世於七月,而息來在巳,義與師同也。」三亦世於七月,而息來在巳,義與師同也。」三不上於七月,而息來在巳,我與師同也。」

卦 身 考

之身」。然則乾之九四壬申金,坎、巽、案,震爲木,六二庚寅,亦木也,故曰「震木爻,震之身也,得位無應,而以乘剛爲危。」《震》六二:「震來厲。」干寶曰:「六二

皆土也。所未詳也。 身,坤初六乙未,六四癸丑,艮初六丙辰,六四丙戌,之九五,丁酉金,皆身也。坤、艮有二名九五,丁酉金,皆身也。坤、艮有二

動。 也。 申金在囚。 色復徵,以和解鬼及虎煞,皆相制也。 下爻見丑爲牛,亥爲子,能扶身克鬼之厭,虎煞上令伏不 六爲戌刑,刑在占,故言充刑,五月白虎在卯,與月煞并 亥,在五月。爻墓充刑鬼煞俱,壬戌爲鬼墓,而 『卦象出墓氣家囚,艮爲乾墓,世主丑,故卜時五月 疾,積日危困。令卦得遯之姤,其 若依子色吉之尤。』」巽主辛丑,丑爲白虎,金 卜病得此歸嵩丘。 洞林》曰:「義興郡丞叔寶,得傷寒 變身見絶鬼潛遊。 誰能救之坤上牛,以 身在丙午,夏入辛 (林曰:

午本鬼也,變以扶身,可以伏鬼。」以世爲身也。辛亥,子也,丙午變從之,案,丙午,世也。注云:「身在丙午,夏是

以世爲身。詳本書。

以代人任患。」《御覽》五百六。郭《洞林》又次,以代人任患。」《御覽》五百六。郭《洞林》又次鬼并,卦中當有從東北田家市黑狗,畜兄周産武令吾作卦,得蹇。身在戌土,與

就,猶是漢學。 、選,蹇,是,兇宫陰也,世在四者,以五爲身,與五戊戌土。此世在四者,以五爲身,與 更,又互坎,故云「與坎鬼并」。云「東北 更,又互坎,故云「與坎鬼并」。云「東北 東北之卦,蹇從觀來,觀坤爲田,二爲 東北之卦,蹇從觀來,觀坤爲田,二爲 家,觀異爲近市,坤爲黑,艮爲狗,故云 「東北田家市黑狗」,身在戌土,戌亦狗 位,故云「畜之,以代人任患」者,艮, 東北之卦,蹇從觀來,觀坤爲田,二爲 家,觀異爲近市,坤爲黑,艮爲狗,故云 「東北田家市黑狗」,身在戌土,消九

以錢代蓍

《儀禮·士冠禮》曰:「筮與席所卦《儀禮·士冠禮》曰:「筮與席所卦者。」鄭注云:「所卦者,所以畫地記爻。以三世,今則用錢。古謂三代,今謂漢以後。以三少爲重錢,重錢則九也,三多爲交錢,交錢少爲重錢,重錢則九也,三多爲交錢,交錢,可,也,兩多一少爲單錢,則八也。案,《少爲重錢,重錢則九也,一多爲拆錢,拆錢則八也。案,《後禮·士冠禮》曰:「筮與席所卦書,以本也。」

爻,凡十八變而成卦。」
一曰單爻,二曰坼爻,三曰交爻,四曰重注云:「用四十九算,分而揲之,其變有四,注云:「用四十九算,分而揲之,其變有四,

案,此則揲蓍亦用交單重坼之説。

便,而本意尚可考。」」

明本意尚可考。」」

明本意尚可考。」

明本意尚可考。」

明本意尚可考。」

明本意尚可考。」

明本意尚可考。」

錢當揲蓍,此是以納甲附六爻。納甲乃漢《朱子語類》六十六卷。曰:「今人以三

焦贛、京房之學。」

之。」又曰:南軒語。「卜《易》卦以錢。以甲又云:「南軒家有真蓍云,破宿州時得

子起卦,始於京房。」

火 珠 林

出於孟喜《章句》。《火珠林》之用,祖於包》,其法合於《火珠林》。《卦氣圖》之用,玄》,其法本於《易緯卦氣圖》。衛先生《元玄》,其法本於《易緯卦氣圖》。衛先生《元玄》,其法本於《易緯數總義》曰:「揚子雲《太

之義也。」

文義也。」

文義也。」

文義也。」

文義也。」

文表:「《火珠林》以八卦爲主,四陰對

所載,則支干納音配合之意,似亦不廢。曰:『以某觀之,恐亦自有這法。如《左氏》筮,恐不如今日所謂《火珠林》之類否?』

京房。」

之辭,郤自别推一法,恐亦不廢道理也。」」如云得屯之比,既不用屯之辭,亦不用比

曾雜書,所以被他説動了。」 又曰:「《火珠林》猶是漢人遺法。」 又曰:七十七卷。「伊川不能答,其人 是張欽夫説,伊川之在涪也,方讀《易》,有 見張欽夫説,伊川之在涪也,方讀《易》,有 見張欽夫説,伊川之在涪也,方讀《易》,有 見張欽夫説,伊川之在涪也,方讀《易》,有 別。 以此問伊川,伊川祇,朱濟,男之

曾占得此爻也。《火珠林》亦如此。」『大横庚庚,余爲天王,夏啟以光』,亦是啟人因而記之,而聖人以入爻也。如《漢書》皆當時帝乙、高宗、箕子曾占得此爻,故後皆當時帝乙、高宗、箕子曾占得此爻,故後好」、「箕子明夷」、『高宗伐鬼方』之類,疑

錢占卦,盡用此書。」 陳振孫《書目題解》曰:「今賣卦者,擲

事者,下旬可人。| 季本曰:「《火珠林》者,出於京房,而

爲此書者,不知何人。」

説。」
今所傳京房占法,見於《火珠林》,是其遺今所傳京房占法,見於《火珠林》,是其遺《困學記聞》曰:「納甲之法,朱文公謂

易漢學卷五終

易漢學卷六

東吴徵士惠棟學


兵部侍郎兼都察院右副都御史巡撫河南提督 全省軍務兼理河道欽賜一品頂帶畢沅校刊

鄭氏周易爻辰圖

十二月爻辰圖

陽之主,陰退一辰,故貞於未。 次爻左右者,各從次數之。」坤貞於六月未,乾坤,陰 行,陽時六,康成注云:「貞,正也。初爻以此爲正, 也,並如而交錯行。 《周易乾鑿度》曰:「乾,陽也;坤,陰 乾貞於十一月子,左 右行,陰時六,以順

成其歲。歲終從於屯、蒙。」歲終則從其次,屯、



八四

同位,陰退一辰,謂左右交錯相避 以未爲貞,其爻右行,間時 又云:「陰卦與陽卦同位者、 而治六辰。」陰陽


退一辰,

鐘,初九也。下生林鐘之初六,林鐘又 圖》合。 鄭 于《周禮 • 太師》注云:「黄 棟案,《乾鑿度》之説,與《十二律相 坤 四,蕤賓又上生大吕之六四,大吕 生應鐘之六三;應鐘又上生蕤賓之九 上生太蔟之九二,太蔟又下生南吕之六 生中吕之上六。」韋昭注《周語》云:「十 五,夾鐘又下生無射之上九,無射又上 生夷則之九五,夷則又上生夾鐘之六 四也, 正月太蔟,乾九二也, 二月夾鐘, 一,南吕又上生姑洗之九三,姑洗又下 一月黄鐘,乾初九也,十二月大吕,坤六 六五也, 三月姑洗,乾九三也, 四月 又下 生

> 其誤甚矣。今作圖以正之,並附鄭氏 作《十二律圖》,六二在巳,六三在卯,六 以何妥《文言》注,以初九當十一月,九 注《易》,陸續注《太玄》,皆同前説。是 乾上九也,十月應鐘,坤六三也。」鄭氏 也,八月南吕, 六月林鐘,坤初六也,七月夷則,乾九五 中吕,坤上六也,五月蕤賓,乾九四也, 五在亥,上六在酉,是坤貞于未而左行, 五當七月,上九當九月也。 宋儒朱子發 二當正月,九三當三月,九四當五月,九 坤六二也,九月無射

八五

爻辰所值二十八宿圖



此亦誤,當云未、酉、亥、丑、卯、巳,所謂右行陰時六陽也,乾之六位。未、巳、卯、丑、亥、酉,右圖,朱子發云:「子、寅、辰、午、申、戌,

也。 兑西酉。朱雀在張二兮,離南午。」又 兮,春花震東卯。白虎在昴七兮,秋芒 參、伐。」七月。 又注季冬云:「此月之中, 月宿直東井。九月宿直奎,十月宿直營 箕,八月宿直昴、畢,六月宿直鬼,又云六 棟案,康成注《月令》云:「正月宿直尾、 時,故曰『大明終始,六位時成』。」 若以日所歷言之,則右行 云:「含元虚危,播精於子。」皆與圖合。 日歷虚、危。』《参同契》曰:「青龍處房六 室。」又云:「卯宿直房、心,二月。 營室」是也。與此不同。 舍。《明堂月令》所謂「孟春之月,日在 陰也,坤之六位。位之升降,不 而周二十八 申宿直 達 其

八六

「謂朱鳥、白虎、蒼龍、玄武四方二十八宿經緯之文。」 「開大島、白虎、蒼龍、玄武四方二十八宿經緯之文。」 「開讀如『羣公谦』之謙,古書篆作立心,與 「陳讀如『羣公谦』之謙,古書篆作立心,與 「陳讀如『羣公谦』之謙,古書篆作立心,與 下來久矣。● 陰謂此上六也,陽謂今消息用 正來久矣。● 陰謂此上六也,陽謂今消息用 正來久矣。● 陰謂此上六也,陽謂今消息用 。」《詩正義》。《繁辭》曰:「觀鳥獸之文。」陸續曰: 龍。」《詩正義》。《繁辭》曰:「觀鳥獸之文。」陸續曰: 龍。」《詩正義》。《繁辭》曰:「觀鳥獸之文。」陸續曰: 龍。」《詩正義》。《繁辭》曰:「觀鳥獸之文。」陸續曰:

水衡。」《詩正義》。《春秋元命包》曰:「東井八星主在未,上值東井。 井之水,人所汲用。缶,在未,上值東井。 井之水,人所汲用。缶,

之禮,福禄大吉。」《周禮疏》。 生育者,嫁娶之實,❷仲春之月,嫁娶男女云:「五,爻辰在卯,春爲陽中,萬物以生。

正義》。 《蠱》上九:「不事王侯,高尚其事。」《禮記 是不得事君,君猶高尚其所爲之事。」《禮記 是不得事君,君猶高尚其所爲之事。」《禮記 是不得事君,君猶高尚其所爲之事。」《禮記 是不得事君,君猶高尚其所爲之事。」《禮記

《大過》注云:「大過者,巽下兑上之

- 「來」上,四庫本有「其」字。
- 《周易鄭康成注》作「貴」。 「寶」,原缺,今據四庫本補。《四部叢刊》影印元本

八七

父,是棺槨之象。」《禮記正義》。 四陽互體爲二乾,乾爲君,爲父,二木夾君 當巽位,巽爻爲木。二木在外,以夾四陽, 計。初六在巽體,巽爲木,上六位在已,已

也。」《公羊疏》。 拘也。爻辰在巳,巳爲虵,虵蟠屈似徽纆,《坎》上六:「繫用徽纆。」注云:「繫,

正義》。《詩》云:『坎其擊缶。』則樂器亦有缶。」《詩爻也。位近丑,丑上值弁星,弁星似缶。

八八八

《明夷》六二:「明夷睇于左股。」注大寒,艮爲立春,故云近也。●案,位近丑,據《周天玉衡圖》也。丑爲

做云『睇于左股』。」《禮記正義》。
 《明夷》六二,明夷;如高,欲承九三,九三又在辰,辰得巽氣爲股。亦據《周天玉衡又下體離,離爲目。九三體在震,震東方。云:「旁視爲睇。六二辰在酉,酉在西方,云:「明夷 联 于 左股。」注

用享祀。」注云:「二據初,辰在未,未爲土,《困》九二:「困于酒食,朱韍方來,利

食象。案,未上值柳,柳爲朱鳥喙,天之厨容,主尚食 四。辰在午,時離氣赤又朱也。文王將王, 德受命當王者。 和滋味。 此二爲大夫,有地之象。未上值天厨,酒 天子制朱韍。」《儀禮疏》。 二與日爲體離,爲鎮霍,爻四爲諸侯,有明 困于酒食者,采地薄,不足已 離爲火,火色赤。四爻九 用也。

案,鄭此注本《乾鑿度》。

澤,則 言魚耳。 鼈蟹,魚之微者。 爻得正,故變而從大名 云:「丑爲鼈蟹。」《正義》云:「案,陰陽式法,丑爲鼈蟹。」 言豚耳。四辰在丑,丑爲鼈蟹。鄭注《月令》 事。天鼈在斗東。二五皆坎爻,坎爲水,水浸 上值斗,天淵十星在天鼈東。一曰大海。主灌溉溝渠之 ·三辰爲亥,爲豕。爻失正,故變而從小名 《中孚》云:「中孚,豚魚吉。」注 豚利,五亦以水灌淵,則魚利。 三體兑,兑爲澤。 四上值天淵,五 - -豚

> 魚,以喻小民也。 而爲明君賢臣恩意所供

道曰塗。震上值房、心,塗而大者,取房有 養,故吉。」《詩正義》。 《説卦》:「震爲大塗。」注云:「國

中三

三塗焉。」朱《漢上易》。 案,震在卯,卯上值房、心。

乾 鑿 度鄭氏注

體在 在丑,爲牛,牛有角,復,人表象。」 人體之章識也。名復者,初震爻也。震之 卯,日於出陽,●又初應在六四,於辰 孔子曰:「復,表日角。」注云:「表者,

戌,土也,其禽犬也。丑、未亦土也,丑禽 王充《論衡》曰:「寅,木也,其禽虎也。

0 「於」,四庫本作「初」。

爲水所害,故馬食鼠菌而腹脹。」火也,其禽馬也。水勝火,故豕食虵。火其禽虵也。子,亦水也,其禽鼠也。午,亦所服也。亥,水也,其禽豕也。巳,火也,年,未禽羊也。木勝土,故犬與牛羊爲虎

以四獸驗之,以十二辰之禽效之。」
星玄武也。天有四星之精,降生四獸之體,也。南方火也,其星朱鳥也。北方水也,其東方木也,其星蒼龍也。西方金,其星白虎東方木也,其星蒼龍也。卯,兔也。申,猴也。

《九家易》注《説卦》曰:「犬近奎星,蓋

戌宿直奎也。」

《説文》亦謂巳爲虵,象形。」爲馬之證也,季冬出土牛,丑爲牛之證也。 王伯厚曰:「吉日庚午,既差我馬,午

立於辰,據消息也,爻辰在申。在斗魁所指者。「夬,表升骨履文。」注云:「名夬者,五

剥離人表童焉。」子□□。● 六五於辰又在卯,卯酉屬也。「名剥者,五色也。● 五離爻,離爲日。童「剥,表重童占瞳字。明曆元。」注云:

易正義

《乾》九二:「見龍在田。」《正義》曰:

^{● 「}於十十次值本於析」,原缺,今據《清武英殿聚珍版

❷ 「色」,原缺,今據《易緯乾鑿度》補。


❸ 「童子□□」、《易緯乾鑿度》作「童目子」。

之月,九五爲建申之月,爲陰氣始殺,不宜 作「發見」。則九三爲建辰之月,九四爲建午 此乾之陽氣漸生,似聖人漸出,宜據十一 僅存,何極之有? 盛,上九不得言『與時偕極』。於此時陽氣 「先儒以爲九二當太蔟之月,陽氣見地,一 月之至,建巳之月已來。 此九二當據建 稱『飛龍在天』。 是陽氣發見之義。乾卦之象,其應然也。」 丑、建寅之間,於時地之萌芽初有出者,即 所云先儒者,謂康成、何妥諸人也。 輔嗣解《易》不用爻辰,孔氏《正義》黜鄭 存王,故有是説。 上九爲建戌之月,羣陰既 先儒此説 ,於理稍乖。 王

之,是建寅之月,三陽用事,三當生物之不有止息,與天時而俱行。若以消息言《正義》曰:「先儒以爲建辰之月,萬物生長,《文言》曰:「終日乾乾,與時偕行。」

行』。」初,生物不息。同於天時,故言『與時偕

附否泰所貞之辰異於他卦圖



九

漢 學

乾體所在, 乾止九。亥,又乾消息之月。 不用卦次,泰當貞於戌,否當貞於亥。 辰 亥,乾之都也。」京房曰:「戌、亥,乾本位。」《詩緯》亦以乾 曰:「消、息之位,坤在於亥,下有伏乾。」干寶曰:「戌、 爲天門,在亥也。 乾、之坤、謂泰變乾、否變坤也。 避而各貞其辰。 ,其共北 六爻者,泰得否之乾,否得泰之坤。」之 乾鑿 辰,左行相隨也。」康成云: 度》曰:「泰、否之卦,獨 泰、否、乾、坤、體氣相亂,故 謂泰貞於正月,否貞於七 各 貞其 荀爽

陰在 坤體全。 不敢敵陽,故立於正形之位 九四在亥,至泰九三而乾體備, 在東,三陰在南。 説。 西,三陽在北。 又云:「北辰共者,否貞申右行,則三 是則陰陽相比,共復乾坤之體也。」否 乾位在亥,坤位在未,今在巳者,陰實始于巳, 此坤卦「西南得朋,東北喪朋」之 泰貞寅右行,則三陽 泰六四在巳,至否六三而

,鄭于主歲卦注云: 「北辰左行,謂

辨。 説與圖不合,故鄭于卷末言:「否、泰不 從正月至六月,此 發卦圖合鄭前後注 比及月,先師不改,故亦不改也。」朱子 十二月,此月陰爻,否、泰各自相隨。」此 余特爲改正,一目了然矣。 月陽 而一之,學者幾不能 爻;否從 七 月至

易漢學卷六終

九二

東吴徴士惠楝學

兵部侍郎兼都察院右副都御史巡撫河南提督

全省軍務兼理河道欽賜一品頂帶畢沅校刊

荀 慈 明 易

乾 升 坤 降

蓋乾升坤爲坎,坤降乾爲離,成既濟定,則 坤五爲君,陰在五者,當降居乾二爲臣。 六爻得位、《繫詞》所謂「上下无常,剛柔相 荀慈明論《易》,以陽在二者,當上升

易漢學卷七

樂下復。」此亦升降之義,而弼不言升降。 《文言》曰:「《易》曰『見龍在田,利見

大人」,君德也。」仲翔曰:「陽始觸陰,當升 五爲君,時舍於二,宜利天下。」

「陽動之坤而爲坎,坤者純陰,故曰『濕』。 又曰:「水流濕,火就燥。」慈明曰:

下。」慈明曰:「謂乾九二,本出於乾,故曰 又曰:「本乎天者親上,本乎地者親 陰動之乾而成離,乾者純陽,故曰「燥」。」

利貞」之道也。坎爲性,离爲命,二者乾、坤之遊魂 易」、《乾・彖》所謂「各正性命、保合太和、

也。乾、坤變化、坎、离不動、各能還其本體,是各正之義

民、季氏之得民云:「在《易》卦、雷乘乾曰 也。此說得之京房。《左傳》史墨論魯昭公之失

《易》亦與之同。王弼泰六四注云:「乾樂上復,坤 也。慈明之説合于古之占法,故仲翔注 大壯,天之道。」言九二之大夫當升五爲 君

天」云:「御者,行也。陽升陰降,天道行也。」得其正,故曰『天下平』。」慈明注「時乘六龍以御施』。乾、坤二卦,成兩既濟,陰陽和均,而曰:「乾升於坤曰『雲行』,坤降於乾曰『雨又曰:「雲行雨施,天下平也。」慈明

天合德,謂居五也,與地合德,謂居二也。」天合德,謂居五也,與地合德,謂居二也。」又曰:「與天地合其德。」慈明曰:「與

】。 乾二成離,離爲日。 乾二之坤五爲坎,坎爲 「與日月合其明。」慈明曰:「謂坤五之

爲『大』。乾上居坤三亦爲含,故六三「含章可貞」。坤爲『弘』,坤 初居 乾四爲『光』,乾四居 坤初慈明曰:「乾二居坤五爲『含』,坤五居乾二《坤・彖》曰:「含弘光大,品物咸亨。」

三居乾上亦成兩既濟也。天地交,萬物生,故『咸

亨。

四承五,五无陽,故呼二舍於五,四得承謂二也,陽稱左。次,舍也。二與四同功,若四,「明左次,无咎。」慈明曰:「左居五位,可以王也。」

工,處坤之中,故曰『開國』。陰下之二,在 置有功,立國命家也。」宋衷曰:「陽當之 『大君』謂二。師旅已息,既上居五,當封 「『大君』謂二。師旅已息,既上居五,當封

曰:「朋謂坤,朋亡而下,則二得上居五,而《泰》九二:「朋亡,得尚于中行。」慈明

之,故无咎。」

行中和矣。」

陰當順從,今尚在二,故曰『未順命也』。」五,羣陰相承,故『无不利』也。陽當居五,未順命也。」慈明曰:「陽感至二,當升居未順命也。」慈明曰:「咸臨,吉无不利,《臨》九二《象》曰:「咸臨,吉无不利,

『有慶』也。」 「有慶」也。」 「謂二以剛居中,而來應五,故能『大曰:「謂二以剛居中,而來應五,故能『大曰:「謂二以剛居中,而來應五,故能『大曰:「謂二以剛居中,而來應五,故能『大以大亨。用見大人,勿恤,有慶也。」慈明以大亨。用見大人,勿恤,有慶也。」

翔曰:「升五得位,故『有喜』。」 九二《象》曰:「九二之孚,有喜也。」仲

下降二,與陽相應,故吉而得志。」慈明曰:「陰正居中,爲陽作階,使居五,已然五《象》曰:「貞吉升階,大得志也。」

《繋辭上》曰:「天下之理得,而易成位

於二。五爲上中,二爲下中,故曰『成位乎乎其中矣。」慈明曰:「陽位成於五,陰位成

易尚時中説

其中』也。」

漢 廮

九六

者。其言中也,有所謂中者,中正 時 也 者、大中者、中道者、中行者、行中 中、柔中者。 政鼓 時發,故皆言時。 無定而位有定,故《象》多言中少言時。乾九 也,中者,舉一爻所適之位而言之也。 而命之。 其 與五,漢儒謂之中和。 揚子《法言》曰:「立 變,則爻之中 一言「時舍」,坤六三言「時發」,一見《文言》,一見《象 變者,時 有 在 蓋乾坤消息之卦,三二皆失位,二當升坤五,三以 [二五得中,故有利見之占。」《太玄》 衆,莫尚于中和。」又云:「甄陶天下, 和 惕,不 所 乎。 謂 蓋時者,舉一卦所取之義而言之 時 用者,時義、時發、時舍、時 及 龍之潛亢,不獲其中矣。 而《蒙》之《彖》,則又合時 者,待時者 亦無定也。 然六位又謂之六虚,唯爻適 中 ·則躍 了, 其 「, 時 位之中者,惟二 近 行者,時 於中乎。」注 古者,正 者, 成 是以 者 時 剛 極 中 中

皆指二五。二尚柔中,五尚剛 曰 公, 告。三者,五所信也,故曰「有孚」。 皆指九五,所謂「告公用圭」、「告公從」者, 中,獨非一卦之中乎? 之三四、復之六四,亦稱 與五同功,而五多功,以其中也。 剛,亦得无咎。 卦之中,非也。乾之三、四,《文言》謂之不 泰之六二、夬之九五,皆以中行言之,而益 愚謂孔子晚而好《易》,讀之韋編三絶,而 而 從道也。」四 四:「中行獨復。」《象》曰:「中行獨復,以 五所比也,故曰「利用 五告之也。 稱 四爲諸侯,故或稱國,或稱公。《復》六 中行 中和莫尚于五。」故《彖傳》凡言中者, 者 古者君命臣、上命下,皆謂之 得位 以從道也,其時中之義 二與四同 應初,獨得 爲 竊謂益之「中行」, 依遷國」。 中行。 功,而二多譽;三 所復。 中,五柔二 先儒 爻辭 四 四者, 謂 非 于

爲之傳,蓋深有味于六十四卦三百八十四爲之傳,蓋深有味于六十四卦三百八十四八十四八十四之義,其于《易》也,因此,其中之義,故于《彖傳》、《象傳》言之重、義,明于孔子,乃堯、舜以來相傳之心法也。據,論語・堯曰等。其在《豐・彖》曰:「天地盈虚,與時消息。」在剥曰:「君子尚消息盈虚,在剥曰:「君子尚持息盈虚,在剥曰:「君子尚消息盈虚,如于,以文言》曰:「知進退存亡而不失其正者,其惟聖人乎!」皆時中之義也。知時中之義,其于《易》也,思過半矣。

九家逸象

健也。」爲直,項曰:「巽之躁也。」爲衣,項曰:「乾爲集解》本乾後更有四:爲龍,項安世曰:「震之陸氏《釋文》曰:「《説卦》,荀爽《九家

陽禽也,異爲鸛,鸛,陰禽也。」坎後有八:爲宫,朱 鸛。 《大過》「枯楊生梯」,仲翔曰"「巽爲楊。」不從手也。 云: 鼓。 爲漿,坎、震爲酒,皆乾之陽也。」震後有三:爲王, 也。 作「揚」,讀爲「稱揚」之「揚」,非也。 象。』《太玄》曰:「三八爲木,爲東方,爲春,類爲鼓。」注 必以啟蟄之日。」鄭注云:「蟄蟲始聞雷聲而動,鼓所取 與雷同。鵠色正白,與馽的同。」《考工記》曰:「凡冒鼓、 項曰:「爲王者,帝出乎震。」爲鵠,吴澄本作「鴻」。 案,八音離爲絲。 「乾爲蠶精而出於震,至巽、離而有絲,至坤而成帛也。」 傳》曰:「坤爲布帛。」朱震曰:「帛,當在布之下。」項曰 爲囊,爲裳,爲黄,皆據爻辭。爲帛,杜預注《左 八:爲牝,爲迷,爲方,皆據《坤·彖》及《文言》。 衣,上服也,坤爲裳,下服也。」爲言。 「如雷聲也。」巽後有二:爲楊,朱震、項安世皆 震之龍,巽之繩,兑之口,皆以乾爻故也。」坤後有 項曰:「鵠,古鶴字。爲鵠,爲鼓,皆聲之遠聞者也 項曰:「鸛,水鳥能知風雨者。」朱曰:「震爲鶴,鶴 爲漿。項曰:「酒主陽,漿主陰,故坤 巽爲木,故 項曰:「兑之決 《爲楊》

曰 坎爲水,故古刑灋、議潚之字皆從水。]又爲律、《師》初六 律銓也。」樊光曰:「坎卦水,水性平,律亦平,銓亦平也。 「師出以律。」爲可,可當爲河。 坎爲大川,故爲河。

逸象出 .説文》曰:「坷,坎坷也。」古文省作「可」,亦通。 河」爲「可」,皆古文省。 可 字多曲説,不 老屋,河字摩滅之餘,故爲可也。 可從。 爲棟,項本作棟,云:「當作 石鼓文「何」作 或云當爲坷。 「叮」,與 朱子發 此

棟。 作「虆棘」。 ·坎爲小狐。」干寶亦云。 棟在屋中,有陽之象焉,故爲棟。」爲叢棟,仲翔引 朱云: 「叢棘,獄也。」爲狐,《子夏傳》曰: 爲 蒺藜, 困坎爲蒺藜。 爲

桎梏。 爲牝牛。見本卦。 《春秋傳》曰: 純離爲牛。」艮後 後有

項曰:「皆物之險而能陷者也。」離

履、革皆無艮,艮不象虎也。」項曰: 也。」爲虎,吴澄曰: 案:「相 有三:爲鼻,管寧曰: 書謂鼻之以名爲天中,鼻有山象,故曰天中之山 「履象六三、九四 「鼻者,艮,天中之山。」裴松之 「艮主寅。 頭六四 虎,寅獸。 九五

> 虎也,「虎」當爲「膚」字之誤也。 績以兑之陽爻稱虎。先儒解《易》,皆取二象,不聞 案,艮之上九丙寅,故項依以爲説。 晉,卜徒父筮之,其卦遇蠱,曰:「獲其雄狐。」蠱艮爲狐。 膚。」是也。 爲狐。 吴澄本作「豹」,非也。《左傳》秦伐 仲翔注《易》云:「艮爲 京房以坤爲虎 刑, 艮 爲 陸

也。」兑後有二:爲常,《九家注》曰:「常,西方之神 項曰:「坎爲狐,取其心之險也, 艮爲狐,取其喙之黔

也。」朱以爲當屬坤,項以爲當作 商, 皆 臆 説。 爲

亡《説卦》。 頰。」見咸卦。 孝宣帝時, 朱子發曰:「秦漢之際、《易》 泂 内女子發老屋,

以後人所撰,其説以荀爽爲宗,朱氏遂謂爽所集,失之。 得《説卦》、古文《老子》。 至後漢荀爽《 解》,又得八卦逸象三十有 一。《九家易》,魏晉 集

今考之六十四卦,其説若印 圈 鑰,非後儒

所增也。」

九八

易漢學卷七

之義,以十篇之文解説經意。由是兖、豫改司空爽著《易傳》,據爻象承應陰陽變化故司空爽著《易傳》,據爻象承應陰陽變化故司空爽著《易解》,頗生異説。及臣悦叔父

易漢學卷七終

九 九

漢 學

易漢學卷八

東吴徵士惠楝學

辨河 . 圖洛書

兵部侍郎

兼都

察院

右副

都御史巡撫河南

提 督

務兼理河道欽賜

品頂帶畢沅校刊

圖,乃《易乾鑿度》九宫之法。其說詳鄭注。 圖》者。《後漢》:「劉瑜上書曰:《河圖》授嗣,正 此 圖》,桓譚、張衡所痛斥爲非者也。 房。」九房,疑即太乙所行之九宫。 自有《易》以來,諸《易》師未有以此爲《河 爲《河圖》,而又以生數就成數,依五方 宋姚小彭氏曰:「今所傳戴九履 至本 蓋讖緯家以 朝劉 爲《河 一之 牧以 在九

> 案,唐李鼎祚《易解》盡備前世諸儒之説, 圖之,以爲《洛書》。 作,《陳无已集》中説得分明。」雷思齊又謂:「楊次公撰 極經》,見后山陳氏《談叢》之書,則關氏亦 獨無所謂關氏者,至本朝阮逸始僞作《洞 兩易之,以五方者爲《圖》,九宫者爲《書》。 極經》,亦言《河圖》、《洛書》,如劉氏説 《洞極經》,託名於關子明。」要皆後人假託也。 不足爲證矣。」《朱子語類》亦云:「關子明《易》,阮逸 南、六西北、二西南、八東北、五居中,方 七、八、九,一北、九南、三東、七西、四東 棟案,九宮之法,一、二、三、四、五、六、 又世所傳 酮 子明 $\stackrel{\sim}{\sim}$ 而 洞

《洞極經》以此爲《洛書》, 維,皆合于十五」是也。以五乘十,即大 位與《説卦》同,《乾鑿度》所謂 「一、六相守,二、七爲朋」之説,以爲《河 衍之數,故劉牧謂之《河圖》。 而取 四四 阮 楊 子 正 逸 雲 撰 四

圖》。 陰無 八成木于東,與天三并,天九成金于西, 天一并,天七成火于南,與地二并, 地四生金于西,天五生土于中,陽無偶, 水于北,地二生火于南,天三生木于東, 火,三、八合木,四、九合金,五、十合 虞仲翔注亦云:「一、六合水,二、七合 與地四并, 地十成土于中,與天五并。」 時所出者,妄也。 未嘗指此爲《河圖》,則造此圖以爲伏 犧所造也。 土。」其説皆與《河圖》合。然康成、仲翔 圖 託之孔子,故君山辨之。 秦者胡也。」其説始于秦漢時,《河》、《洛》八十一篇皆 書》,但有兆朕,而 書之象。 妃,未得相成。地六成水于北,與 鄭康成注「大衍之數」云:「天一生 桓譚《新論》曰:「《河圖》、《洛 夫子曰:「河不出圖。」餘姚 仲翔謂八卦乃四象所生,非 不可知。」《緑圖》曰:「亡 乃知漢以來,並 未有 庖

此以爲九邱之類也,詳《象數考》。東序《河圖》,圖》,帝王之階,圖載江河、山川、州界之分野。」黎洲據下之徵。棟案,《水經注》載《春秋命曆序》曰:「《河黄宗羲以《河圖》爲九邱之類,圖出于河,爲聖人有天

辨先天後天

不敢附和

也。

後人安得見之?

雖先儒皆信其説,吾

『天地定位』,定位者,天尊地卑而乾坤定,思考,作朱子語類》曰: 『先天圖》次第是方士輩所相天圖》、"朱子語類》曰: 『先天圖》次第是方士輩所相去。」,後天爲文王卦,妄也。即以乾、坤二卦卦,後天爲文王卦,妄也。即以乾、坤二卦卦,後天爲文王卦,妄也。即以乾、坤二卦十。後天爲文王卦,妄也。即以乾、坤二卦十。後天爲文王卦,妄也。即以乾、坤二卦十。後天爲文王卦,妄也。即以乾、坤二卦,後天爲文王卦,妄也。即以乾、坤二卦。

卑

高

以

陳

而

貴

在

南

後

天

在

西北 賤 位 ,先天坤在 也 如 道 北 家 ',後天 言 先 在 天 西 乾 兇列 合。 南,震 殊 不

南,是 之定位 在 下,乾南 天 可乎? 地 坤 無 北 定 ,是天在下 位 以 矣。 此 知道家之説 又北 地 極 在 在 上 Ļ, 也。 妄 南 也。 謂 極

乎天,赫赫發乎 生焉。』乾位 莊子》曰: 『至陰肅 西 北,故至陰出 地。 肅 兩 至陽 者 ·交通 赫 乎天,坤 赫 成 和 肅 位 而 肅 物 西 出

陰德, 南,故 莊 7,猶儒 地 至陽發 家 産 之 作 孔 乎 陽 地。 孟 德』者, 《周 乾南 以 禮》亦云『天 坤北,其説 此。 道家之 不 産 合 老 作

了,至宋 老莊,必 而 出于後世道 後 盛 石 焉。 家之説。 以 後世 道家之説, 故未 聞 乎

似 案 ,蔡季通 人所造《 而 遂 攻,必非聖人之徒也。」 謂 《先天圖 納甲圖》,與《先天》相 》與《參同

學者不鳴鼓

託

爲伏羲,而

加

之文王、周公、孔子之上,

者。 《易》注。 時之舊,漢學之亡,不獨經術矣。 知有《参同》者也。 而以合之《參同契》,是不知《易》,并不 道家 别 所載 知 無 二 巽 納 所謂 列 乾坤 甲 西,坎、離 之法, 乾 蓋後 方位, 南 坤 乾、 世 北 |道家,亦非 亦 在 坤 與先天 中,詳 離 列 東 東 I 虞仲翔 坎 艮、 漢 西

家創 以 先天乎? 交感,山 位 伏羲,誕之甚,妄之甚。 先天而天弗違也。 明後天,安得指是爲 未判,四象未形,八卦 乾乾 此 先古文作先,俗作洗。 爲先天之學,而作先天八卦位,託之 又曰:「聖人作八卦 坤 澤氣 始作,六子乃索,八 曰 : 通,水火雷 有。 學者不 先天哉? 卦各有 何從生? 所爲 ,所以奉天時。 風, 退 知來,觀諸 各 卦 藏 先天者,兩 建 於密, 相 太極 然 其 錯,陰 天 則 功, 地 所謂 聖 桂 無 明 陽 定 儀 消

不 可 後天而 混濫者多矣,以「天地定位章」爲第一。」 而 儒辨》第二十五論先天八卦之非。 以 更問 知 先,觀 不 庖犧。 别造先天之位,以周、孔爲不足學, **闢。」閻若璩《潛邱劄記》引吴鸞《他石録外** 諸後, 甚矣! 知後 天則知先天矣。 異端之爲害也,不 又云:「《本義》之 捨

大成謂備物制用也。」成爲後天。小成謂八卦也,中成謂重卦,先天,神農之易中成爲中天,黄帝之易大先天,神農之易中成爲中天,黄帝之易大

辨兩儀四象

維:震 地也。 儀。 南 坤西南 兩 半農人《易説》曰:「易有太極,是生兩 春、離夏、兑秋、坎冬爲 儀 四 象,四 生 、乾西 四 象,四象 [時也。 北、艮 東北 四時 生八卦。」 爲四 有 四 四 維 正,巽 正,有 兩儀 此 天 東 四 四

> 子篤信之,吾无取焉。 分。邵子割裂太極,穿鑿陰陽,一分爲二, 分。父生子、子生孫可謂之生,不可謂之 陽生太、少,有是理乎。 畫以分陰、陽,次爲二畫以分太、少,是陰、 可,謂陰、陽生太、少不可。 非先有陰、陽,後有太、少也。 若云始爲一 太、少在陰、陽之中,有陰、陽即有太、少, 不可謂之象。 八卦以象告也。陰、陽、太、少,可謂之儀, 象,而八卦 正 二分爲四,四分爲八,所謂 [加 四維,以 出 時言之爲四 于其中。 宋儒遂以四象當之,誤矣。 不曰 時,以象言之爲四 謂陰、陽分太、少 《易》言生不言 卦而曰象者, 一倍法」,朱

抑陰、陽初生,未分太、少耶?如其然,則耶?所謂陰儀者,太陰耶?少陰耶?陰」,吾不知所謂陽儀者,太陽耶?少陽際」,吾不知所謂陽儀者,太陽耶?少陽

太陽二 所謂 陰,陰儀加一畫爲陰,生少陽,陰儀加一 是先有陰、陽,後有 其説哉. 爲陰,生太陰, 曰 曰 樂之父昔於廬山解后文恭胡公,從隱者老浮圖遊。 後序》,言"「安樂邵先生《皇極經世》之學,師承頗異。 陰生震。 畫爲離,是少陰 加畫爲兑,是太陽生兑。 文恭集後》。』康節之父,伊川丈人,名古,字天叜。 畫爲陽,生太陽,陽儀 加 胡子世福甚厚,當秉國政, 因同授《易》書。 陰、陽生太、少,太、少生八卦,誰 陰儀、陽儀者,非 曰 分,乃《邵易》,非《周易》也。 畫又加一畫爲乾,是太陽生乾,又 餘 王伯厚曰:「上蔡謝子爲晁以道《傳易堂記 四 是陰、陽 卦皆然。 生離; 上蔡之文今不傳,僅 太、少 太非少,是何物耶 又加量 生太、少矣。 加畫 邵子仕雖不耦,學業必 是太、少生八 也。 少陰〓畫又加 由 爲 爲 |載於張 是 陽, 震,是 陽 然 能 由 生 儀 棋《書 隱 掛 是 則 畫 知 少 加 少 ? 安

> 棟案、 者不聞有 多理會他底不得。」愚謂邵子一分爲二, 輕之不問。」又云:「邵子所謂《易》,程子 傳》有未盡處,當時康節傳得數甚佳,卻 故,一向隨 康節不曾説 八卦上叠成六十四卦,與邵子説異。 云三畫上叠成六畫,此賈公彦之說,亦非 之,曾程子也而肯爲異説所惑哉 但以之解《周易》,恐其 妻兄弟也。 且上蔡,程子之高弟也,邵子,又程子之 二分爲四,四分爲 《朱子 此, 他所見去。」又云: 語類 老浮圖之授受,上蔡猶 與程子,程子亦 程子非 八之説,漢唐言《易》 不 「程 子 能 说之未必然也。 理會《邵易》, ,説《易〉 . 伊 不曾問 川《易 》, 只 漢 知 之 蓋

《上方太洞 《易》莫有及《太 諸圖。 《玉清無極 唐開元中,明皇爲製序。 還虚,復歸無極」。 四陰陽配合,曰『取坎填離』,最上曰『煉神 化神」,次三五行定位,曰『五 石,爲圜者四,位五行其中。 離 士修煉之術 上公,在道家未嘗詡爲千聖不傳之祕也。 曰『玄牡之門』,次二曰『煉精化氣 權 秀水朱錫 ,權得其説 陳 摶居華 真元妙經》,著太極三五之説 洞 爾。 仙經》,衍有《無 鬯曰:「自漢以來,諸儒言 于伯陽,伯陽聞其旨于河 極 相傳受之吕嵒、嵒受之鍾 Ш 故謂 一圖》者 ,曾以《無極圖》刊諸 之《無 一, 惟 而東蜀衛琪注 自下而上, 道 極 氣朝元』,次 極圖》,乃 家者 二》、《太 煉 流 極 方 氣 有 初

> 其 周 之有也。』」《曝書亭集》。 妙,蓋以手授二程先生者,自孟氏以來,未 諸儒推演其説,南軒張氏謂:『元公自得之 更名之《太極圖》,仍不没無極之旨。 道成男,坤道成女」,最下曰『化生萬 五行定位,曰『五行各一其性』,次四曰『乾 次二曰『陰陽配合』,曰『陽動 中。 元 公取 自上 而轉易之,亦爲園者四,位 而 下,最上曰『無 陰静」,次三 極 而 太 由 物。 極」, 五 是 行

中。 節之《易》、元公之《太極》,皆出自道家。 伯厚言:『程子教人《大學》、《中庸》,而無 世之言《易》者率以是三者爲先河,而不自 公亦無手授《太極圖》之事,其説 極、太極 知其陷于虚無 愚謂道教莫盛于宋,故希夷之圖、康 錫鬯又言:「程子未曾受業于元公,元 語未嘗及。』夫程子言《易》, 而流于他道也,惜哉 備 載 集 初 王

害深矣。」
不知有『先天』,言道,初不知有『無極』。
不知有『先天』,言道,初不知有『無極』。
此所以不爲異端所惑,卓然在周、邵之上
也。」伯厚謂:「程子不言無極、太極,是性道不可得聞
之義,此説却涉禪學矣。」顧寧人曰:「夫子之教人文行忠
信,而性與天道在其中,故曰「不可得而聞」。忠恕之與
信,而性與天道在其中,故曰「不可得而聞」。忠恕之與
。
不知有『先天』,言道,初不知有『無極』。

易漢學卷八終

御纂周易折中

〔清〕李光地 劉 震

校點 撰

〇九

四

四

六九

六九

五.

御纂周易折中卷二十一 七四○ 考變占第四 七○九 明蓍策第三 七○九	考變占第四明蓍策第三	明蓍 策第 三	纂周易折中卷二十	原卦畫第二 六八三	本圖書第一 六七四	易學啓蒙 六七三	御纂周易折中卷十九 六七三	雜卦傳	序卦傳 六五九	御纂周易折中卷十八 六五九	説卦傳 六三九	御纂周易折中卷十七 六三九	文言傳 六一四 雜	御祭 周易折中卷十六 六一四 序	繋辭下傳 五七九 序	御祭,周易折中卷十五 五七九 御祭事	御纂問易折中
													雜卦 七八六	序卦 七八〇	序卦雜卦明義 七八〇	纂周易折中卷二十二 七八〇	

校點説明

痕跡。 成就起了關鍵作用。 其中如胡煦、 中》。《周易折中》按語中也無不留有李光地易學的 士李光地 爲該書總裁。 是在他們收集資料的基礎上,李光地才可以展開其 所能完成。 周易折中》由康熙敕令李光地主持編纂,故作 但《周易折中》的實際纂修,絕非李光地 素學有本,易理精詳,特命修《周易折 實際與修人員,除李氏外,尚有十一人, 何 李光地對《周易折中》所取得的學術 焯、李鼎徵等對易學 康熙御製序文云:「深知 素有研究。 大學 二人 正

> 義》、《雜卦明義》都留有其與修的痕跡。 折中》卷首凡例及最後所附《啟蒙附論》與《序卦明的是、康熙也自始至終高度關注並參與其事、《周易對《周易折中》的纂修做出了重要貢獻。值得一提取精用弘的甄別、採擇工作、從而完成該書。他們

進士。 十年入祀賢良祠。 於官。諡「文貞」。 易折中》、《性理精義》等書。 光地因薦施琅率軍統臺有功,擢升掌院學士。 村。 年,受命編纂《朱子全書》,五十二年,受命纂修《周 直隸巡撫。 七年,爲直隸巡撫。四十二年,遷吏部尚書,仍留任 康熙採納了其建議,最終收復臺灣。二十五年,李 熙重視。 福建安溪人。清代理學家、易學家。 李光地(一六四二—一七一八),字晉卿, 後因上蠟丸疏,密陳平定三藩之策,受到康 二十年,李光地奏取臺灣,疏薦施琅統兵。 四十四年冬,拜文淵閣大學士。 雍正元年,加贈太子太傅。 康熙五十七年五 康熙九 四 月,卒 三十 雍正 十五 號 年 榕

李氏爲康熙年間的重臣,其一生輔弼帝業,清

校

點

説

明

勤謹 真,無有如朕 後,康熙深爲震悼,諭朝臣 康熙晚年,李光地更是其最寵信的重臣。 慎, 始終如 者, 知朕,亦無 特 别 以國 曰:「知之(李光地)最 有過於光地者。」足見 家 統 爲 重。 李氏病逝 尤其 是

康熙與李光地之間非同尋常的君臣關係。

臣。 音學於顧炎武,問曆算於梅文鼎,皆盡其要。」「學博 子百家,下及星日、命卜之流,莫不旁涉會通。 音韻,一生提倡 年間,彙編爲《榕村全集》。 解義》、《洪範説》、《詩所》、《孝經全傳》、《古樂經》、 而精,以朱子爲依歸。」李氏精經學,通樂律、曆算、 七十五卷。 大學古本説》、《中 著述甚富,有《周易通論》、《周易觀象》、《尚書 李光地從小勤學,至老益篤。「經傳以外,凡 程朱理學,是清初有影響的理學名 庸章段論》等四十三種。 今存三十八種,計 清道光 嘗 一百 問 諸

卷首有綱領與義例。正文二十二卷,採用《周易本文,後開列纂修諸臣職名及引用姓氏、纂修凡例。《周易折中》,共二十二卷。前有康熙御製序

追求。 《序雜卦明義》。 《周易傳義大全》僅彙編前人成説而已。 爲名,已顯示出其集衆善而成一家言的學術旨趣 書雖有資於前代彙編體易學著作,但也絕非 究的集大成之作,是清代義理易學的代表作。 至明末,尤以宋元明三代爲主,堪稱宋元明易 討論而成的《啟蒙附論》,二十二卷則是康熙自 是《易學啟蒙》,二十一卷是康熙、李光地君臣 至第十八卷是對「十翼」的解說,第十九、二十卷則 義》經傳分離的形式, 説解多予以客觀 不苟,顯示出嚴謹的學術態度。 學 與朱熹《周易本義》爲主旨,反映出以宋學爲宗的易 更重要的是通 何向。 全書以折中宋代易學 在具體編纂上,往往斟 週 是書廣採前人之説,上至先秦,下 的評判與總 比 較、 前 係聯的 八卷爲經文及其解 兩大巨擘 結,指出 方法 按語部 酌 羣言,採擇 歸 其得 納總 程 分,對 頤《易 標「折 説 失 結《易》 如 優 學研 其成 往 第九 頗 明 作 傳》 中 劣。 復 與 修 的 家 爲

一浮就把它作爲研讀《周易》的必讀書加以推薦。例,對《周易》的閱讀無疑是有幫助的。現代學者馬

Ξ

石印。 對,計十四人參加了這項工作。此版在雍正、乾隆 本即武英殿内府刻本。 署、同治十年湖北崇文書局、同治十一年江西 嘉慶年間曾多次重印,版藏國子監。 頗爲精良,先後有御前校對、南書房校對、武英殿校 又有翻刻本。光緒十四年上海點石齋、上海鴻文書 刻,道光、同治兩次修補本。 另外同治六年浙江撫 的錯誤,可以說是《周易折中》最好的版本。 由王太岳對内府本作了校勘,改正了其中一些明顯 局、光緒二十八年積山書局及上海掃葉山房均曾予 《周易折中》,修成於康熙五十四年,最早的 清廷纂修《四庫全書》時,亦曾收入此書,並 因康熙極爲重視此書,校對 後又有乾隆間 書局 刻

校點者 劉 震

康熙五十四年内府刻本(以下簡稱内府本)爲校本。

此次校點,以影印文淵閣四庫全書本爲底本,以

聖祖仁皇帝御製周易折中序

微矣。 《周易折中》,上律河洛之本末,下及衆儒 微旨,或有議論已見,漸至啟後人之疑。 唯朱子兼象數、天理,違衆而定之,五百餘年 熙五十四年春告成,而傳之天下。 考定,與通經之不可易者,折中而取 大學士李光地素學有本,易理精詳,特 諸書《大全》之駁雜,奈非專經之純熟。 自弱齡,留心經義五十餘年,未嘗少輟,但 無復同異。 一寒暑,甲夜披覽,片字一畫,斟酌 易學之廣大悉備,秦漢而後無復得 至有宋以來、周、邵、程、張闡發其奧, 宋元明至於我朝,因先儒已開之 後世能 無 之。 怠。 深知 | 其精 命 之 以 康 脩 知 朕 越

> 春三月十八日。 學爲 事者,自 有 所 見敷 ! 康 熙 五. 十

四 年

正

陸氏績

公紀

宋氏衷

仲子

一作忠

虞氏

仲翔

引 用 姓 氏 鄭氏玄

康成

揚氏雄 京氏房 班氏固 劉氏向 馬氏融 孔氏安國 董氏仲舒 司馬氏遷 子雲 子政 君明 季長 孟堅 子國 子長

一名諝

慈明

荀氏爽

服氏虔

子慎

晉

范氏長生

蜀才

一名賢

干氏寶 令升

韓氏伯

康伯

王氏弼 輔嗣 姚氏信

德祐

王氏肅

子邕

翟氏子玄 未詳世次,見荀爽《九家易》。今附於此。

隋

北 魏

齊

沈氏驎士

雲禎

關氏 朗 子明

文中子

王氏通 仲淹

125

唐

陸氏玄朗 德明

孔氏穎達 仲達 作沖遠

房氏喬

玄齡

侯氏行果 李鼎祚《集解》作侯果。

韓氏愈 陸氏贄 敬輿 退之

崔氏 憬

以上二人未詳世次,見李鼎祚《集解》。

王氏凱沖

王氏逢 會之

胡

氏

瑗

翼之

安定

石氏

介

守道

徂徠

歐陽氏脩 永叔 廬陵

周子敦頤 蘇氏舜欽 子美 茂叔 濂溪

王氏安石 介甫 臨川 邵子雍

堯夫

康節

張子 載 子厚 横渠 司馬

氏

光

君實

涑水

程 程 子 子 顥 頣 伯淳 正 叔 伊川 明道

宋

劉

氏蜕

復愚

陸氏希聲

君陽遯叟

李氏鼎祚

於此。

楊氏 吕氏 繪 元素

大臨

與叔

藍田

蘇氏

軾

子瞻

東坡

代氏

淵

仲顔

句氏

微

王

一氏昭素

酸棗

范氏性 劉氏 牧 淹 長民 希文

126

李

氏

彦章

元達

閻

了氏 彦升

沈 陸 氏括 氏 佃 存中 農師

晁 氏説之 以道 嵩山

薛氏 襲氏 温其

原

深父

括蒼

集 盧 氏

氏 以上三人未詳世次、見房審權《義海》。

此。

今附於

沈 氏 該 守約

鄭

氏

剛

中

亨仲

劉

氏子暈

彦沖

屏 Ш 張

郭 朱 氏 氏 雍 震 子和 子發 白雲 漢上

程 氏 迥 可久 沙 隨

氏萬里 、氏汝諧 庭秀 舜舉 誠齋 東谷

鄭

鄭

氏

東卿

少梅

合沙

林 氏栗 黄中

王

一氏宗傳

景孟

童溪

馮

氏

當可

時行

縉雲

蘭

氏

廷瑞

惠卿

楊

郭氏

忠孝

立之

兼山

耿

氏

南仲

希道

開封

李氏

元量

楊

氏

時

中

立

龜山

游

氏

酢

定夫

廣 平

謝

氏

良佐

顯道

上蔡

尹

氏

焞

彦

朔

和

靖

樞 樵 漁仲 機仲 夾漈 梅巖

袁氏

鄭

氏

氏 氏 浚 開 德遠 去非 紫巖 小舟

李

朱子熹 元晦 紫陽

張氏 栻 敬 夫 南軒

陸氏 吕氏 九淵 祖謙 子静 伯恭 象山 東萊

李氏 項氏安世 舜臣 平父 子思 平庵 隆 Ш

趙氏 彦肅 子欽 復齋

易氏

柭

彦章

山

齋

陳氏 淳 安卿 北溪

董氏

銖

叔重

磐澗

陳氏

埴

器之

潛室

楊氏

文焕

彬夫

釋褐

潘

氏

夢旂

天錫

税

氏

與權

巽父

饒

氏

魯

仲元

雙峰

徐

氏

幾

子 與

進

齋

李氏

過

季辨

西

溪

馮

氏

椅

儀之

厚齋

蔡氏

淵

伯静

節齋

楊

氏

簡

敬仲

慈湖

黄氏

直卿

勉齋

元定 季 通 西 Ш

蔡氏

劉氏 李氏 心傳 微之

秀巖

趙氏

汝楳

潮間 壽翁 習静

錢氏

時

子是

融堂

趙氏 汝騰 茂實

魏氏了翁 徳秀 華父 希元 西山 鶴 Ш

真氏

柴氏

中行

與之

毛氏

璞

伯

玉

丘氏 富國 綺 終畆 行可 建安

旲

氏

翁氏

泳

永叔

思

齋

四

元

雷

氏

思

西仲

許氏衡

平仲

魯齋

李氏簡

蒙齋

田 氏 疇 興齋 雲閒

徐氏 (直方 立大 古爲

陳氏 王氏 友文 應鱗 伯厚 隆山 深寧叟

吴氏應回

鄭氏湘鄉

劉氏 董氏

陳氏

金

單氏渢

熊氏良輔

任重

梅邊

張氏清子

希獻

中溪

胡氏炳文

仲虎

雲峯

萬氏善

明復

楊氏

鄭氏以上五人未詳世次,或失其名字。今附於此。

齊氏

胡氏

桂

庭芳

雙湖

徐氏

之祥

麒父

方塘

鮑氏雲龍

景翔

魯齋

胡氏 覺翁

允 潛齋

襲氏 焕 幼文 泉峯

幼清 草廬 臨川

旲氏

澄

胡氏、

方平

師魯

玉 齌 熊氏

朋來

王氏

申子

巽卿

秋山

節初

余氏芑舒 黄氏瑞節 龍氏仁夫 觀樂 觀復 德新 息齋

Ŧī.

保氏 俞 董氏真卿 氏 琰 八 公孟 玉吾 季真

普庵

番陽

石澗

明

梁氏寅 蔣氏悌生 孟敬 仁叔 石門

薛氏瑄 劉氏定之 德温 主静 敬軒 保齋

胡氏居仁

叔心

敬齋

邵氏實 蔡氏清 國賢 介夫 二泉 虚 齋

陳氏琛 林氏希元 思獻 懋貞 紫峯 次崖

余氏本 子華

豐氏 金氏 寅初 實亨 復初 汝白

葉

氏

良佩

敬之

姜氏 楊氏時喬 竇 廷善 宜遷

鳳阿

趙氏 玉泉

歸氏

有光

熙甫

震川

止庵

錢氏 沈氏 本 貫 國端 肩吾 蛟門 啟新

唐氏鶴徽 元卿 凝庵

高氏萃

蘇 顧 氏 氏 濬 憲成 君禹 叔時 紫溪

涇陽

鄭氏 維織 孩如

潘氏 士藻 去華 雪松 姚氏

舜牧

奠佐

承庵

許 氏 聞至 長聖

端」,原誤作「瑞」,據《四庫全書考證》改。

高氏攀龍

存之

景逸

六

黄

氏

淳耀

藴生

陶

庵

何

氏

楷

楊氏啓新 陳氏仁錫 章氏潢 喬氏中和 谷氏家杰 方氏應祥 繆氏 江 來 陸 焦 陸 趙 方 張 1氏振奇 代氏時化 氏光大 |氏盈科 氏 氏 氏 氏 知德 銓 竑 振淵 本清 弱侯 君啟 矣鮮 雨若 還 拙侯 彦陵 明卿 孟旋 當時 庸成 文源 楚餘 澹漪 緑蘿 瞿 西 谿 唐

盧氏 汪氏 吴氏 孫氏 張氏 程氏 汪氏 葉氏 吴氏 錢氏 顧氏 徐 趙 錢 氏 氏 氏 ^日慎 澄之 象德 在漢 振芳 志 立 鵬海 中庵 質卿 敬承 砥之 徽仲 幼光 咸池 雨若 爾瞻 善伯 天章 胥 爾 讓 源 山 卓 溪 寒泉 敬 以上十人未詳世次,或失其名字。 齋

今附於此。

七

翰

林

院侍講

學

土

臣

張

廷

玉

奉旨 開 列 御 纂周 易折 中總裁: 校對分

翰

林

院

侍講

學

士

臣

陳

邦

彦

翰

林

院

侍

讀

臣

趙

熊

脩 校 録 監 造諸 臣 職名

御		總
前	文	
校		裁
對	閣	774
	大	

翰林

院

右

春

學 士 兼 吏部尚 書豆 李

光

地

坊右中允兼 待講 臣 翰林 院 編 脩 臣 何 魏 國 廷 珍

翰 林 院 編 脩 臣 吴孝 梅 瑴 成 登

舉

人

臣

貢

生

候

選

知縣臣

進

士臣

户

部

主

事

臣

翰

林

院

庶吉

士

臣

何

焯

煦

王 蘭 生

監

生臣

南

房

校

對

舉

Ĺ

臣

翰

林

院

庶吉

士臣

右春

坊

右

中

允兼

詹

事府少詹事

兼

翰林院侍講學士臣

蔣廷 錫

生員臣

生員

臣

生 蒷

臣

分

右

春

坊

右

中

允兼翰林院編脩

臣

王

圖

炳

候

補

翰

林院

侍

講

臣

楊

名

時

脩

翰林 翰 林 院 院 檢討 編 脩 臣 臣

胡

儲

在

文

李 鼎 徵

蔣

杲

陳 萬 策

王 之 鋭

陳 汝 楫

郭 珣

璣

133

	武
	英
٠	殿
	校
	對

翰 林 林 院 院 編 編 脩 脩 臣

舉 人臣

武英殿 翰 林院 繕寫

翰林院 翰林 院 編作 脩撰 編 脩 臣

> 成 徐 用 錫

文

張 起 麟

進

士

臣

留

京

食

俸

知

縣

臣

在館校對繕 寫

翰林 院 編 脩 臣

翰林院編 脩 臣

原任 翰林院檢討 臣

院 編 脩 臣

翰林

巴 李 張 常 國 實 屏 保 住

翰林

院編

脩

臣

狄

貽

孫

總監造

臣

薄

海

監造兼驍

騎

校臣

潘

允

敏

總監造

兼

佐

領

臣

劉

於義

武英殿監造

翰林院編

脩

臣

翰林院編

脩

臣

翰

林院編

脩

臣

任

蘭

枝

監

造

臣

原

任

光禄

寺署

丞

臣

伊

都

立.

陳

世

侃

候

補

翰林院待詔

臣

翰

林

院檢

討

臣

翰林

院編

脩

臣

翰林

院

編

脩

徐葆光

原

任

内

閣

中

書臣

蔣

漣

翰

林 院

檢討

臣

嵇

王

世

琛

張 閻 程 李 繆 夢 鍾 星 僑 詠 照 沅 宏

張榮 王曾 期

134

御纂周易折中凡例

混。 《大全》書,破析《本義》以從程《傳》之序。今 《傳》、朱《義》並用,而以世次先程後朱,故脩 至吕大防、晁説之、吕祖謙諸儒 是以復見古經,不至習近而忘本也 經傳次第,則亦悉依《本義》原本,庶學者由 案易學當以朱子爲主,故列《本義》於先,而 朱子《本義》所據者,祖謙本也。 費直、王弼乃以 、《易經》二篇、《傳》十篇在古元不相 傳 附經,而程子從之。 ,以爲應復其 明 初 程

異之概,皆後學所宜先知也。《大全》有綱領理之奥,易義之綱,學者讀《易》之方,説者同一、諸儒所論《易》書作述傳授,以及易

指趣,其説皆不 言,往往獨得。 子,皆於易理精邃,雖無説經全書,而大義 朱之書有源有委,合古今以爲公,非夫師 三篇,不獨與程朱之言互相發明,亦以 篇,止· 存 程 朱之説。 又歷代諸儒叙述源流,講 一可廢。 並 今案 以 世 周 次義類 子、張子、邵 叙 見 程 微

綱領並叙卷首。
 「《易》辭有義例,據夫子《彖傳》、《象傳》求之,皆可推見。自王氏《略例》以後,諸傳》求之,皆可推見。自王氏《略例》以後,諸傳》求之,皆可推見。自王氏《略例》以後,諸一、《易》辭有義例,據夫子《彖傳》、《象

立異者比也。

《易》之義理,程子爲詳也。二子實繼四聖而《易》之本義,朱子獨得也。程《傳》次之者,易道淵源,皆可覽見。列朱《義》於前者,多。今所收,上自漢晉,下迄元明,使二千年一、《大全》書所采諸家之説,惟宋元爲

子,是亦朱子之志也。 一、明諸儒,所得有淺深,所言有粹駁,並采 共有益於經者,又系朱程之後。其或所言與 朱程判然不合,而亦可以備一説、廣多聞者, 其有益於經者,又系朱程之後。其或所言與 其成於經者,以 其 義漢、晉、唐、宋、 有作,故以其書系經後。其餘漢、晉、唐、宋、

《易》之爲書,實根於象數而作,非他書專言 於聖人之道,故自程《傳》出而弼説又廢。 譚經也。 之末流,而離 易學之本根,豈可例以象數目之哉。故朱子 甚,故守理之儒者,遂鄙象數爲不足言。 案溺於象數,而枝離 爲其能破互卦、納甲、飛伏之陋,而專於理以 康節、邵子,其學有傳,所發明圖卦蓍策,皆 義理者比也。 一、漢晉間説《易》者,大抵皆淫於象數 然弼所得者,乃老莊之理,不盡合 其宗。 但自焦贛、京房以來,穿鑿太 故隋唐後惟 無根者,固可棄矣。 王弼 孤 行 至 然 今

> 以還潔静精微之舊焉。 以還潔静精微之舊焉。 《本義》之作,實參表章推重,與程子並稱。《本義》之作,實參表,但折中於朱子可矣。近代解經者,猶 。 以還潔静精微之舊焉。 《本義》之作,實參表章推重,與程子並稱。《本義》之作,實參

《傳》、《義》之外,歷代諸儒各有所發明,足以 《傳》不合者,則稍 也。 佐《傳》、《義》所未及者,又参合而研覈之,並 謂所作《本義》簡略,以義理程《傳》既備 齊治平之道,平易精實,有補學者。 教,其指趣已自不同矣。 以爲聖人説理之書,而朱以爲聖人卜筮 甚多,諸經皆然,不獨《易》也。 今經傳之説,先以《本 、朱子之學,出自程子,然文義異 爲 折 然程子所説,皆脩 中其 義》爲主,其 況《易》則 異 同之致。 朱子: 與程 同 亦 之 故 程 者

敢自信。庶幾體先賢虚公無我之意,求合乎言,朕亦時出己意,参錯其間,鑽仰高堅,何爲折中,以系於諸説之後。或前人之所未

此理殊塗同歸之宗云。

裹。 《明蓍策》、《考變占》二篇,則文既不録,圖亦 也。 之,與占筮卦變異法,總不若《啟蒙》之詳備 《本義》卦下有以卦變爲説者,故作此以 時,略撮大要,以冠篇端。 下,且又但采其《本圖書》、《原卦畫》二篇,至 使學者不見朱子極論象數之全,未免疏略。 不載,但以筮時儀節,及不同法之卦變當之, 奥,遊心有年,涣然知其不出易道。故自河 左圖之意。朕講學之外,於曆象、《九章》之 今以《啟蒙》全編,具載書後,庶幾古人右書 《大全》以圖説爲主,而采《啟蒙》以附其 今《大全》中所載圖説數條,乃作《本義》 、《啟蒙》爲朱子成書,與《本義》相表 卦變一圖,則又因 明

稍爲摹畫分析,敷暢厥旨,附於《啟蒙》之後,洛本原,先後天位置,以至大衍推迎之法,皆

目曰《啟蒙附論》。

一、夫子十翼以《序卦》、《雜卦》終編,其次第微密,錯雜成章,諸儒置而不講已久,朕因陳希夷反覆九卦之指,而思《序卦》之裁,始知聖意微妙,聖言精深,引而不對》之根,始知聖意微妙,聖言精深,引而不對》之根,始知聖意微妙,聖言精深,引而不為,以無難》明義,次於《啟蒙附論》之後而終為,《雜卦》明義,次於《啟蒙附論》之後而終論焉。

御纂周易折中卷首

綱 領 一此篇論作《易》、傳《易》源流

爲之傳。」傳即十翼也。 辭》、《説卦》、《序卦》、《雜卦》十翼。 班固 辭。孔子作《彖辭》、《象辭》、《文言》、《繫 身,遠取諸物,始畫八卦。 於地理,觀鳥獸之文,與地之宜,近取 八,其别皆六十有四。] 〇陸氏德 山》,二曰《歸藏》,三曰《周易》,其經卦 十四。文王拘於羑里,作卦辭。周公作爻 · 宓犧氏之王天下,仰則觀於天文,俯則察 『孔子晚而好《易》,讀之韋編三絶,而 《周禮》:「太卜掌三易之灋,一 自魯商瞿子木受 因而重之,爲六 明 曰《連 日 諸 皆

學焉。 《易傳》。 《易》於孔子,以授魯橋庇子庸,子庸授江 《禮》、《春秋》。 沛人 緇川楊何,寬授同郡碭田王孫,王孫授 齊田徙杜陵,號杜田生,授東武王同子中, 失《説卦》三篇。後河内女子得之。」漢興,田 不絕。《隋書》云:「秦焚書、《周易》獨以卜筮得存,惟 燔書、《易》爲卜筮之書獨不禁,故傳授者 繁雜,乃使喜從田王孫受《易》。喜爲《易 如及琅邪邴丹。後漢劉昆受施氏《易》於 禹授淮陽彭宣及沛戴崇, 伯授太山 讎及孟喜、梁邱賀,由是有施、孟、梁邱之 及洛陽周王孫、梁人丁寬、齊服生,皆著 東武孫虞子乘,子乘授齊田何子莊。 東馯臂子弓,子弓授燕周醜子家,子家授 戴賓,其子軼。 施讎傳《易》,授張禹及琅邪魯伯 漢初言《易》者,本之田生。 孟卿以《禮經》多、《春秋》 孟喜父孟 卿善爲 同授 及秦 何以 屯莫 施

傳子臨 傳之。 《易章句》,説長於災異,以授東海段 張 苑升傳梁邱《易》,以授京兆楊政,又潁 從太中大夫京房受《易》,後更事田 觟 《彖》、《象》、《繫辭》、《文言》解説 氏學,翟牧、白生不肯,曰『非也』。 傳其業。 授平陵士孫 漢成帝時,劉向典校書,考《易》説,以爲諸 前漢多京氏學。 河東姚平、河 云嘗從孟喜問《易》。 興傳梁邱《易》,弟子著録且萬人,子 、陽鴻、任安皆傳孟氏《易》。 句》,授 本以古字,號古文《易》,無章句,徒以 費直傳《易》,授琅邪 , 臨傳五鹿充宗及琅邪王駿, 充宗 京房受《易》梁人焦延壽。 同 [郡白 張及沛鄧彭祖 南乘弘、皆爲郎、博士,由 後漢戴馮、孫期、魏滿 [光及沛翟牧。 房以延壽《易》即 、齊衡咸。 王璜,爲 梁邱 後漢 上下經。 王 房爲 費 後 賀 嘉 延壽 洼 孫 是 魴 漢 本 氏 並 及 孟 Ш 丹

《易》。 將軍。 衆、北 《易》亦無章句,專説 康伯注續之。」〇孔氏穎達曰:「《繫辭》云 世所重,其《繫辭》已下,王不注,相承 唯鄭康成、王輔嗣所注行於世。 費氏興,而高氏遂微。 《易》,費、高二家不得立,民間傳之。 爲高氏學。漢初立《易》楊氏博士,宣帝復 《後漢書》云京兆陳元、扶風馬融、河 咎」、「悔亡」、唯費氏經與古文同。 校施、孟、梁邱三家之《易》,經或脱去『无 邱之《易》亡,孟、京、費之《易》人無傳者 立施、孟、梁邱之《易》,元帝又立 略同,唯京氏爲異。 易》家説皆祖 海 沛人 傳至相,相授子康 鄭 高 康 成、潁 田 相治《易》與費直同時, 何、楊 向又以中古文《易經 陰陽災異,自言出 川 永嘉之亂,施氏、梁 叔元、丁將軍 荀 及蘭 爽,並 陵母將永 而王氏爲 傳 丁大義 後漢 一京氏 范氏 費 以 南 氏 韓 T 其 鄭

《易》」,是則 重卦。 列,象在其中矣1是也。 萬物之象皆在其中。 察,以相参正,然後畫卦。 馬融、王肅、姚信等並云『伏犧得河圖 等以爲伏犧重卦,鄭康成之徒以爲神農 然重卦之人,諸儒不同,凡有四説,王輔嗣 更重之,卦有六爻,遂重爲六十四 萬物變通之理,猶自未備,故因其八卦而 卦,孫盛以爲夏禹重卦,史遷等以爲文 辭》,神農之時,已有蓋取益與噬嗑。以此 河田出 爲六十四 論之,不攻自破。 繫辭》曰『因而重之,爻在其中矣』是也。 今依輔嗣,以伏 圖,洛出書,聖人則之」,故孔安國 其言夏禹及文王重卦者,案《 卦,爲得其實。 伏犧 雖 其言神農 得河 犧既 故《繋辭》曰『八卦成 雖有萬物之象,其 圖,復須仰觀 其重卦之意,備 伏犧初畫八卦, 畫 八卦,即 重卦,亦未 「卦也。 自 而 繋 作 爲 王 俯 重 重

皆繁而無用,今所不取。 藏」者,萬物莫不歸藏於其中。「周易」者, 『「連山」者,象山之出雲,連連不絶。「歸 《歸藏》,周曰《周易》。』鄭康成又釋云: 《易贊》及《易論》云:『夏曰《連山》,殷曰 之。」〇「案:《周禮》太卜三易, 如古,爻象不足以爲教,故作《繫辭》以 素,畫卦重爻,足以垂法。後代澆訛 在《説卦》,此不具叙。 號,則『周易』稱周,取岐陽地名。 書,神農一曰連山氏,亦曰列 更無所據之文,先儒因此遂爲文質之義, 言易道周普,無所不備。] 康成雖有此釋, 山》,二曰《歸藏》,三曰《周易》。 云:『《連山》伏犧、《歸藏》黄帝。』鄭康 周原膴膴」是也。 日歸 藏氏。 既「連山」、「歸 又文王作《易》之時,正 伏犧之時,道 案:《世譜》等羣 八山氏。 藏」並 一日《連 毛詩 杜子春 黄帝 一是代 尚質 成 明 云 不

《周書》、《周禮》,題周以别餘代也。」〇「其 於殷,以此文王所演,故謂之《周易》,猶 在羑里,周德未興,猶是殷世也,故 《升》卦六四「王用亨于岐山」。武王克殷 説。二以爲騐爻辭多是文王後事。案 《易》者其有憂患乎』。 故史遷云『文王囚 世,周之盛德邪? 當文王與紂之事邪?] 乎?」又曰:『《易》之興也,其當殷之末 興也,其於中古乎,作《易》者,其有憂患 是文王所作。知者案《繫辭》云:『《易》之 制,不應云『王用亨于岐山』。又《明夷》六 之後,始追號文王爲王,若爻辭是文王所 五『箕子之明夷』。 武王觀兵之後,箕子始 被囚奴,文王不宜豫言『箕子之明夷』。又 周易》繫辭,凡有二説,一説卦辭爻辭,並 左傳》『韓宣子適魯,見易象云,「吾乃知 而演《易》」,即是「作 鄭學之徒,並依此 題周 别

《序卦》九、《雜卦》十。」鄭學之徒,並同 《繫》五、下《繫》六、《文言》七、《説卦》八、 篇。1是則《彖》、《象》、《文言》、《繫辭》,始 説,今亦依之。]○晁氏説之曰:「《漢 家。」顔師古曰:『上下經及十翼,故十二 文志》:『《易經》十二篇,施、孟、梁邱三 當隨經而分。故一家數十翼云:『上《彖》 上下二篇,則區域各别,《彖》、《象》釋卦亦 但數十翼亦有多家,既文王《易經》本分爲 翼之辭,以爲孔子所作,先儒更無異論。 意,故但言文王也。」〇「其《彖》、《象》等十 故也。然則《易》之爻辭,蓋亦是文王本 所以只言三聖,不數周公者,以父統子業 公。馬融、陸績等並同此説,今依而用之。 患也。 驗此諸説,以爲卦辭文王,爻辭周 周公之德」』。周公被流言之謗,亦 一、下《彖》二、上《象》三、下《象》四、上 得 此

《象》、《文言》雜入卦中者,自費氏始。 附卦爻而 經,宜相附近,分爻之象辭,各附當爻。 遂亡。孔穎達又謂輔嗣之意,《象》本釋 初費氏不列學官,惟行民間。 至漢末 之末與? 古經始變於費氏,而卒大亂於 費氏初變亂古制時,猶若今乾卦彖象繫卦 言》列《序篇》於其篇首,與學官書不 序傳,揚雄《法言》序篇云爾。今民間《法 揆觀其初,乃如《古文尚書》、司馬遷、班固 玄》贊與測於八十一首之下,是其明比 杜預分左氏傳於經,宋衷、范望輩散《太 王弼,惜哉! 元、鄭康成之徒學費氏,古十二篇之《易》 則又效小王之過也。」劉牧云:「『《小象》 可見也。 彖》、《象》、《文言》参解易爻,以《彖 唐李鼎祚又取《序卦》冠之卦首 傳於漢與。先儒謂費直 奈何後之儒生,尤而效之。 一同,概 專 也。 則 陳 其 以

圖,則有八卦便有六十四,疑伏犧已有 呼,他人尚何責哉!」〇「朱子門人問: 獨乾不係於爻辭,尊君也。」石守道亦曰 謂「蓋取諸離」、「蓋取諸益」者,言結繩而 卦所言,恐伏犧時已有。1日:『十三卦所 立?』曰:『此不可攷。』子善問:『據十三 六十有四」,便見不是文王漸畫。]又問: 矣。曰『《周禮》言三易經卦皆八,其别皆 重之邪? 抑伏犧已自畫邪?』「看 逐爻之下,惟乾悉屬之於後者,讓也。』嗚 伯恭父之所定,而《音訓》一篇,則其門人 ○「古文《周易》經傳十二篇,東萊吕祖 爲網罟,有離之象,非觀離而始有此也。」」 『然則六十四卦名,是伏犧元有,抑文王所 『伏犧始畫八卦,其六十四者,是文王後來 『孔子作《彖》、《象》於六爻之前,《小象》係 金華王莘叟所筆受也。某嘗以爲《易經》 先天 書

其 本爲 傳之後,學者便文取義,往往未及玩 言雖約,而所包甚廣。 爻,僅爲一事,而易之爲用,反有所局 經而遽執傳之一端以爲定説,於是一卦一 章句之近古而已也。]〇吕氏祖謙曰: 是以三復伯恭父之書而有發焉,非特爲其 無以通乎天下之故。 不立於學官。 興,言《易》者六家,獨費氏傳古文《易》,而 最 今學官所列王弼《易》,雖宗莊 馬 氏經與古文同,然則真孔氏遺書也。 東京 孟、梁邱經,或脱去「无咎」、「悔亡」,惟費 鄭氏書也。 融、鄭 見排擯,千載之後,巋然獨存,豈非天 端以見凡例 卜筮 康成皆爲費氏學,其書始 而 費氏《易》在漢諸家中最近古, 作,皆因吉凶以 劉向以中古文《易經》校施、 而已。 若是者,某蓋病之, 夫子作 然自諸 示訓 傳 だ老,其 儒 戒、故 分經 亦 盛 (書固 心全 略 「漢 河面 一行 合 其

《小象》釋周公之辭,如「潛龍勿用,陽在下 《古周易》,將以復於其舊,而其刊 哉 要指》引『天下同歸而殊塗,一 辭出於周公。 之象,爻辭多文王後事,故諸説皆以爲爻 子序述其彖之意而已,故名其篇曰《彖》。 以古爲斷。」○「文王卦下之辭謂之彖,孔 参考傳記,復定爲十二篇。 之際,覽者或以爲未安。 於經,學者遂不見古本。 作也,傳,孔子所作也。 辭,如「天行健,君子以自强不息」之類, 雷風山澤,觀卦畫則見其象也。 使文王卦下之辭不謂之彖,孔子何爲 也」之類,皆象之傳也。 知者觀其彖辭則思過半矣」。爻下辭謂 1 自 `康成、輔嗣合《彖》、《象》、《文言》 大象,卦畫是也。 經、文王、周 祖謙謹因晁氏 近世 司馬談《論 篇目 嵩 致而百慮」, 《大象》之 Ш 天地水火 色帙, 補離 現氏: 公所 言 書 合

也。 謂之《易大傳》。 恐其與文王相亂,是以不合。」則鄭未注六 《象》於《易》者,欲使學者尋省易了。 連之,何也?』俊對曰:『鄭康成合《彖》、 淳于俊曰:「今《彖》、《象》不連經文而注 註,始合經傳爲一耳。 讀之韋編三絶,而爲之傳。 篇,號《古周易》,繕寫而藏於家,巽巖李文 别之,諸卦皆然。」〇税氏與權曰:「案吕 合《彖》、《象》於經,故加『彖曰』、『象曰』以 經之前,《彖》、《象》不連經文矣,自鄭康 吕,篇第從晁,而重刻之。 成都學官,景迂晁生建中靖國辛巳并爲 汲公元豐壬戌昉刻《周易》古經十二篇於 安朱文公表出東萊吕成公《古文周易經傳 簡公紹興辛未謂 前漢六經與傳皆别行,至後漢諸 班固謂孔子晚而學《易》, 北學各有師授,經名從 魏高貴鄉公問博 逮淳熙壬寅,新 傳即 『十翼』 孔子 儒 成 作

> 頗生異説。爽著《易傳》,據爻象承 者,以爲主故也。其序有荀 列九家名氏,云: 『不知何人所集,稱荀 有一。《隋》、《唐志》十卷,唯《釋文序録》 文》引荀爽《九家集解》,得八卦逸象三十 汲公脗合。」○王氏應麟曰:「《説卦》《釋 或不見汲公蜀本與? 然成公則議 音訓》,迺謂編《古易》自晁生始。 陽變化之義,以十篇之文解説經意。 何人。』荀悦《漢紀》云:『馬融著《易解》, 玄爲《易》義注,内又有張氏、朱氏 融、鄭康成、宋衷、虞翻、陸 上下經爲非,而文公《易本義》,則篇 於李鼎祚《集解》。」 兖、豫言《易》者,咸傳荀氏學。」今其説見 績、姚信、翟 爽、京房、馬 並 豊 二 公 晁 應、陰 第與 生并 由 一不詳 是 子 爽

綱 領 一一此篇論易道精緼、經傳義例

也? 《樂》以 矣。 則知 知可 秋》推見至隱。」〇班氏固曰:「六藝之文, 故六爻相錯,可舉一以明也。 爲終始也。」〇王氏弼 不可見,則乾坤或幾乎息矣」。 言與天地 之道,相須而備,而《易》爲之原,故曰『易 可立主以定 而 書》以廣聽、《春秋》以斷事。 可以一 以 司 陰,則一陰爲之主。 『觀其彖辭,則思過半矣。』一 統論一 馬氏遷曰:「《易》本隱以之顯,《春 執 和神、《詩》以正言、《禮》以明體, 名舉也。 御也。 也。 卦之體,明其所由之主者也。 自統而尋之,物雖 由本以觀之,義雖 故舉卦之名,義有主 曰:「夫《彖》者何 五陰而一陽,則 五者蓋五常 剛柔相 卦五陽 衆 博, 則 乘,

藏。 也? 凶,舉時以觀其動静,則一體之變,由斯見 可反而用也。 者,適時之變者也。時有否泰,故用有行 下之至變,其孰能與於此 遠近相追,「愛惡相攻」,屈伸相推。 約以存博,簡以 不由乎爻也。 之 ? 卦以反對,而爻亦皆變。 存時,爻以示變。」〇「夫卦者,時 至少之地也。 所求者,陰也。 ○「夫爻者何也? 而歸之? 陽爲之主。 卦有小大,故辭有險易。 故陰爻雖賤,而爲一卦之主者,處 情僞之所爲也。 陰苟隻焉,五陽何 繁而不憂亂,變而不憂惑, 或有遺爻而舉二體者,卦體 夫陰之所求者,陽 陽苟一焉,五 時之吉,可反而凶也。 濟衆,其唯《彖》乎!.」 言乎變者也。 是故「情僞相感」, 哉 尋名以 !]是故卦 一陰何得 得 一時之制, 不 也 變者何 觀其吉 也。 同 『非天 陽之 Щ 不 故 以 其 從 爻 同

首。 者,終始之象也。 險易之象也。内外者,出處之象也。初上 之象也。承乘者,逆順之象也。 矣。夫應者,同志之象也。 險尚遠,趣時貴近。比、復好先,乾、壯惡 處者存乎内外。遠近終始,各存其會。 安危者存乎位,辨逆順者存乎承乘,明出 以象盡,象以言著。故言者,所以明象,得 以觀象,象生於意,故可尋象以觀意。 若象,盡象莫若言。言生於象,故可尋言 過不在深。觀爻思變,變斯盡矣。」〇「夫 可過也。 也。 象而忘言。 象者,出意者也,言者,明象者也。 存言者,非得象者也,存象者,非得意者 吉凶有時,不可犯也。 象生於意而存象焉,則所存者乃非其 犯時之忌,罪不在大,失其所適, 象者,所以存意,得意而忘象。 故觀變動者存乎應,察 動静有適,不 位者,爻所處 遠近者, 盡意莫 辟 意

象也。 得位失位之文,又《繋辭》但論三五、二四 以求其意,義斯見矣。」○「案《象》無 值,義無所取,蓋存象忘意之由也。 推致五行。一失其原,巧喻彌甚,縱復或 可紀矣。互體不足,遂及卦變,變又不足, 乾,案文責卦,有馬無乾,則僞説滋漫,難 義苟應健,何必乾乃爲馬。 而或者定馬於 其言也。 然則初、上者,是事之終始,無陰陽定位 則《乾》上九不得云「貴而无位」也。 同功異位,亦不及初、上,何乎? 乃得象者也。 上九《文言》云「貴而无位」,《需》上六云 處之,皆云非位,而初亦不説當位失位也。 六不得云『不當位』 也。 若以 '雖不當位」。 若以上爲陰位邪,則《需》上 言生於象而存言焉,則所存者乃非 然則忘象者乃得意者也,忘言者 爻苟合順,何必坤乃爲牛。 上爲陽位邪, 唯《乾》 忘象 初上

0

位 ? 陽定位,亦以明矣。 者也。歷觀衆卦,盡亦如之。初、上無陰 位」,未有處其位而云『潛』、有位而云『无』 也 陽位,卑爲陰位,去初、上而論位分,則三、 陽之所處,卑者,陰之所履也。 之序者也。位有尊卑,爻有陰陽。尊者, 才用之宅也。爻者,守位分之任,應貴賤 故位無常分,事無常所,非可以陰陽定也。 五各在一卦之上,亦何得不謂之陽位? 尊卑有常序,終始無常主,故《繫辭》但論 二、四各在一卦之下,亦何得不謂之陰 然事不可無終始,卦不可無六爻,初、上雖 四爻功位之通例,而不及初、上之定位也。 爻之所處則謂之位,卦以六爻爲成,則不 無陰陽本 故《乾》 初、上者,體之終始,事之先後也。 Ċ ,是終始之地也。 初 謂 之『潛」, '位者,列貴賤之地 過 五謂 統 故以尊爲 而 之『无 論之,

焉,吉凶悔吝所以不同也。」 收曰: 『敢問 之,豐卦之類是也。」〇「薛收問「一卦六爻 也。 明一爻之美,以統一卦之義,大有之類是 同斯義。一卦之體,必由一爻爲主,則指 德,故危不獲亨而見咥也。 凶之行。去六三成卦之體,而指説一爻之 危而亨也。《象》則各言六爻之義,明其吉 成卦之體,在斯一爻。故《彖》叙其應,雖 者也。故履卦六三爲兑之主,以應於乾, 論一卦之體者也。《象》者,各辨一爻之義 得 之總名,改换之殊稱。 之義」,王氏通曰:『卦也者,著天下之時 誰能過乎。二〇孔氏穎達曰:「易者,變化 也。爻也者,傚天下之動也。 六爻之義。』曰:「

六者非他也,

三才之道 不謂之六 卦體不由乎一爻,則全以二體之義 位 時成也。」○「凡《彖》者, 自天地開闢,陰陽 訟之九二,亦 趨時 有六動 明

運行,寒暑迭來,日月更出,孚萌庶類 取變化之義。鄭康成作《易贊》及《易論》 也,布以三位,象三才也。 氣,故聖人初畫八卦,設剛柔兩畫,象二氣 之力,换代之功。 毒羣品,新新不停,生生相續,莫非資變化 易者,言天地定位,不可相易。變易者,謂 也,不易三也。」崔覲、劉貞簡等並用此義, 云:『易一名而含三義,易簡一也,變易二 者,孔子曰:『上古之時,人民無别,羣物 者、常體之名、變易者、相變改之名。」故 生生之道,變而相續。」周簡子云:「不易 作八卦以通神明之德,以類萬物之情。」故 於天,俯觀 未殊,未有衣食器用之利,伏犧乃仰觀 今之所用,同鄭康成等。作《易》所以垂 云:「易者,謂生生之德,有易簡之義。 不 法於地,中觀萬物之宜,於是始 然變化運行,在陰陽二 謂之爲 『易』, 亭 教 象

《易》者,所以斷天地,理人倫,而明王 男女之始,夫婦之道,人道之興,必繇夫 物,故以坎、離爲上篇之終也。咸、恒者, 坎爲月,日月之道,陰陽之經,所以始終萬 羣生和洽,各安其性,此其作《易》垂教之 用,於是人民乃治,君親以尊,臣子以順, 度時制宜,作爲罔罟,以佃以漁,以贍民 是以畫八卦,建五氣,以立五常之行。 畫 之始而貴之也。 婦,所以奉承祖宗,爲天地之主,故爲下篇 祖宗,故爲上篇之始而尊之也。 本意也。」〇「乾坤者,陰陽之本始,萬物之 法乾坤,順陰陽以正君臣父子夫婦之義 畫卦以示,聖人之緼,因卦以發。 以明戒慎而全王道也。 二篇,文王所定。」〇周子曰:「聖人之精 ,聖人之精不可得而見; 既濟、未濟爲最終者,所 以此言之,則上下 微卦,聖人之 離爲日, 卦不 道,

其天地鬼神之奥乎。」〇邵子曰:「天變而 緼 之應,天道也,故元爲變則亨應之,利爲變 則凶,是以變中有應,應中有變也。 之, 亨則凶,凶則應之以貞。 應,則「悔吝」爲變。元則吉,吉則利 而天應之,故『吉凶悔吝』,易之應也。 人效之,故[元亨利貞」,易之變也, 人行 先,而吝者凶之本,是以君子從天不從 則應之以貞。 凶,應則吉,變則吝,應則悔也。 悔者吉之 「元亨」爲變,則「利貞」爲應,以「吉凶」爲 日」、『八月』、『三年』、『十年』之類是 事,有像象,擬一物以明意,有數象,『七 統下三者,有言象,不擬 人。」〇「《易》有意、象,立意皆所以 殆不可悉得 ·張子曰:「《大易》不言有無,言有無,諸 應中之變,人事也,故變則 而 聞。 《易》何· 物 止五 而直言以明 悔則吉,吝 經之原, 明象 變中 也。」 以 應

謀。 《春秋》前既立例,到後來書得全别,一般 衆人自有衆人用,學者自有學者用,君有 中矣。』」○「看《易》且要知 辭以觀象。故曰: [得其義,則象數在其 也,故因象以明理。理見乎辭矣, 務也,管輅、郭璞之學是也。」○「理 忽,乃尋流逐末,術家之所尚,非儒者之所 數在其中矣。必欲窮象之隱微,盡數之豪 爻,必告以君子之義。]〇程子曰:「有 子之陋也。」〇「《易》爲 之也。」〇「作《易》者,自天地幽明,至於昆 事便書得別 君用,臣有臣用,無所不通。」〇「大抵卦 有用,聖人自有聖人用,賢人自有賢人用 而後有象,有象而後有數。 始立,義既具,聖人别起義以錯綜之。 故撰德於卦,雖爻有小大,及繫 有意思,若依 君子 前 ,時,凡六爻人人 謀,不 得其義 例觀之,殊失 則 爲 則 可 無 爻 其 曲 形

觀

可

必小人也,其害陽則小人,其助陽成物則 蟲草木之微,無一而不合。」○「陰之道 其和義 君子也。 載之後,悼斯文之湮晦,將俾後人沿流而 遺經尚存,然而前儒失意以傳言,後學誦 聖人之憂患後世,可謂至矣。 故,盡事物之情,而示開物成務之道也。 也,廣大悉備,將以順性命之理,通幽明之 言而忘味,自秦 『易,變易也,隨時變易以從道也。 其爲書 器者尚其象,以卜筮者尚其占。」吉凶消長 四焉,以言者尚其辭,以動者尚其變,以 之理,進退存亡之道,備於辭。 源,此傳所以作也。「《易》有聖人之道 其 以 知 象 變,象與占在 而 則非不善也。」〇〇傳序》云: 利非不善也,其害義則不善也 玩 其辭, 而 動 下,蓋無傳矣。 則觀其變而玩其占。」 其中矣。 「君子居則 去古雖遠, 推辭考卦, 予生千 非 制 得 極

求

吉凶。 則有 順性 典禮,則辭無所不備。 也,體用一源,顯微無間。 極其數以定天下之象,著其象以定天下之 先天下而開其物,後天下而成其務。是故 萬物之情見,聖人之憂天下來世其至矣。 也,由辭以得其 近,易於近者,非知言者也。 而能通其意者也。 ○「《易》之爲書,卦爻彖象之義備,而天 太極,莫不 「兩儀」者陰陽也。 ·易有太極,是生兩儀」。 其辭,不達其意者有矣,未有 也。 .命之理,盡變化之道也。 散之在理 萬 六十四卦,三百八十四爻,皆所以 萬物之生,「負陰 殊; 有兩儀, 絪縕 統之在道,則無二致。 至微者理也,至著者 意,則 在 陰陽一道也,「太極」無 故善學者求言 交感,變化不窮。 『太極』者道 而抱陽」,莫不有 觀會 乎人焉。二 予所傳者辭 通 不 以 · 得 所以 於 必 行 也, 地 其

形一 乎 ! 之動也。 陰陽之道也,卦者陰陽之物也,爻者陰陽 起焉,易所以定吉凶 近在一身之中,暫於瞬息,微於動静,莫不 三百八十四爻互爲其用。 同,所同者九六。 是以六十四 謂 以一時而索卦,則拘於無變,非易也。 象,事固未始有窮,而爻亦未 有卦之象焉,莫不有爻之義焉。 至哉《易》 不存。時固未始有一,而卦亦未 四 之動,『與天地合其德,與日月合其明, 用,亦非易也。 事而明爻,則窒 時合其序,與鬼神合其吉凶」,然後可以 卦爻彖象之義,而 受其生,神一 其道至大而無不包,其用至神而 卦雖不同,所同者奇耦,爻雖不 故得之於精神之運,心術 發其智,情僞 而 而生大業。 不 不 通,非易 知有卦爻彖象之 遠在六合之外, 始有定位。 卦爲其體, 出焉, 也。 故《易》者 始有定 知所 萬 以 緒 與 無

《易》都無著摸,聖人便於六十四卦,只以 易,大抵古今有大闔闢、小闔 者是也。」] 〇 [《易》是陰陽屈 陽,此是占筮之法,如晝夜寒暑、屈伸往 變陰,陰變陽,老陽變爲少陰,老陰變爲 位,山澤通氣」云云者是也。 於陰,陰交於陽,是卦圖上底,如「天地定 形而上者去。」○「問: 『《易》有「交易」、 形而下者上。《春秋》以形而下者,説 天人之道也。《易》以形而上者,説出 之顯,《春秋》推見至隱」,《易》與《春 知也。」〇朱子曰:「《漢書》「《易》本隱 求,則所謂易者果何如哉? 此學者所當 已見者,可以言知,未形未見者,不可 形者也; 謂之知易也。 變易」之義如何?』曰:『「交易」是陽交 卦之有爻,卦之已見者也。 雖然、《易》之有卦,易之已 「變易」是陽 伸,隨 闢 , 今 人 説 已形 時 在 秋 以 上那 來 那 以 少

王

但

有

此六畫,而

志

教民占筮,而

以

立

事

,而大業

自

是仰觀俯察,見得盈乎天地之間,無非 則其數便自在這裏,非特河圖、洛書爲然, 其主客、善惡之辨,而吉凶見矣,故曰『八 否之或異,當者便爲善,否者便爲惡。 同。長者便爲主,消者便爲客。事則 今,乃是此道理。」〇「聖人作《易》之初,蓋 卦定吉凶』。吉凶既决定而不差,則以之 ,以成天下之事者如此。 周公,乃繫之以 [書爲特巧而著耳。於是聖人因之而 卦畫既立,便有吉凶 寫出來,至於所以爲陰陽,爲古 於其間,其時則有消 有是理,則有是象,有是象, 開 未有 此 生矣。 天下之愚,以定天下之 辭,故曰『聖人設 文字 此聖人作《易》, ,可傳。 在 自伏犧而下, 裏。 長之不 到 蓋是陰 得文 有當 桂 即 觀 象繋辭 物上。 但 物 所以見《易》之爲用,無所不該,無所不徧, 虚 理,便在裹了。 王、周公,雖自 是善惡 0 看 説 來,都能照得。 此 人如何用之耳。 故 箇 焉 圃 地 一卦一爻,足以 頭 ,合是如此處置,初不黏著 如所謂

陽

往來交錯

畫

卦。

而

圖

之官掌之,以爲占筮之用。 則觀象玩辭,動則觀變玩占,不迷於是非 既異,而其幾甚微,只爲天下之人不能 愚皆得其用。雖是有定象,有定辭,皆是 所言雖不同,其辭雖不可盡見,然皆大 得失之途。所以是書夏、商、周皆用之,其 會,所以聖人因占筮之法以曉人,使人居 蓋即占筮之中,而 而已,但所居之位不同,所處之時 明吉凶』。 略而詳,所謂 故其法若粗淺,而隨 大率天下之道,只 所以 自伏 處 占筮之用 置 是事 犧 人 而 賢 之 曉 則 文

陰

陽之理。

陰陽奇耦

潛龍」只是有箇

《易》如

鏡

相

似,看甚

包無

窮之事,此

都使得。 潛龍」之象,自天子至於庶人,看甚人 孔子説作『龍德而隱』,便是就

來

事

也死了。 也無不通,不會看底,雖文王、周公説底 上指殺説 須知得 來。 然會看底,雖孔子説也活 他是假託説,是包含説。

假託 在這裏,無所不包。」〇「《易》之有象,其取 ,謂不惹著那事,包含,是説**箇影**像

通。 然兩漢諸儒必欲究其所從,則既滯泥而不 之有所從,其推之有所用,非苟爲寓言也

而無據。 王弼 二者皆失之一偏,而不能闕其 以來,直欲推其所用,則又疏 所 略

之爲牛,《説卦》有明文矣。馬之爲健,牛 疑之過也。且以一端論之,乾之爲馬 , 坤

若屯之有馬而無乾,離之有牛而無 坤 乾

乾,是皆有不可曉者。 之六龍,則或疑於震,坤之牝馬 之爲順,在物有常理矣。 是以漢儒求之《説 至於案文責 ,則當反爲 卦,

> 行、納 卦》而 若可信。 合。 其可通者,又皆傅會穿鑿,而非有自然之 其説雖詳,然其不可通者,終不可通 唯其一二之適然而 甲、飛伏之法,参互以求,而幸其偶 不 得,則 然上無所關於義理之本原,下無 遂相 與創爲互體 無待於巧説者,爲 、變卦、五

苟應健,何必乾乃爲馬? 求於此,而欲必得之哉。 所資於人事之訓戒,則又何必苦心極力以 爻苟合順,何必 故王弼曰:

假象 坤乃爲牛?」而程子亦曰:「理無形也,故 以顯義。」此其所以 破 先儒 膠固支離

之失,而開後學玩辭玩占之方,則至矣。

所自來,但如《詩》之比興、《孟子》之譬喻 然觀其意,又似直以《易》之取象,無復有

矣。 而已。 易,而『近取諸身,遠取諸物』者,亦剩 故疑其説亦若有未盡者,因竊論之, 如此則是《説卦》之作,爲無所與於

説必已具於大卜之官,顧今不可復考,則 耦,豈容無也。 無陰陽定位,如何?』曰:『伊川説陰陽奇 有象占相渾之辭。]〇「問:『王弼説初、上 車」之類是也。」○「《易》有象辭,有占辭 象來明是義者,如『白馬翰如』、『載鬼一 地雷風之類象之是也,有只是聖人自取 也,有實取諸物之象,如乾坤六子,以 畫自有之象,如奇畫象陽,耦畫象陰是 遽欲忘之也。」○「易之象似有三様: 深求其象之所自來,然亦不可直謂假 子與吾《本義》之云者,其亦可矣,固不必 意,使足以爲訓戒,而決吉凶。 姑闕之。 以爲《易》之取象,固必有所自來,而其 六「不當位」,乃爵位之位,非陰陽之位,此 最好。」」〇「《易》只是爲卜筮而作,故 而直 據辭中之象,以求象中之 乾上九「貴而 无位」,需上 如王氏、程 有本 設 天 爲 而

《易》,教之卜筮,使吉則行之,凶則避之。 《易》只是説道理,殊不知其言吉凶悔吝皆 往往不待辭而後見吉凶。又云:「如《左氏》所 者,但用其爻而不用其辭,則知古者之占, 今之环珓相 疑。」正謂此也。 天下之志,以定天下之業,以斷天下之 此是開物成務之道。故《繫辭》云:『以 民心昧然,不知吉凶之所在,故聖人作 聖人言理,而其中因有卜筮之説,他説理 累了《易》。見夫子説許多義理,便以 焚。今人纔説《易》是卜筮之書,便以 藏》、《周易》』。 後,説從那卜筮上來作麽。」○「上古之時 有理,而其教人之意無不在也。 周禮》分明言『大卜掌三易、《連山 秦去古未遠,故《周易》亦以卜筮 i似耳。 古人於卜筮之官立之凡數 初但有占而無文,往往如 今人因《火珠林》起課 今人卻道 「》、《歸 爲 得 爲 唇 不

八

載 得此爻者,便觀此辭之吉凶。至孔子,又 者,謂不當位也。 此爻所以吉者,謂以中正也。 恐人不知其所以然,故又復逐爻解之。 《易》,本是使人卜筮,以決所行之可否,而 非是聖人作《易》,專爲説道理以教 至如《文言》之類,卻是就上面發明道理, 須見聖人本意,方可學《易》。]〇「聖人作 言依於孝,與人臣言依於忠』者。 因之以教人爲善,如嚴君平所謂「與人子 假之神明,而亦必有是理而後有是辭。 決者。使以 之辭,只是因依象類,虚設於此,以待叩 天下之動,所以 無不正,故其丁寧告戒之辭,皆依於正。 [得屯之比],既不用屯之辭,亦不用比之辭,卻 一法。」至文王、周公、方作彖爻之辭,使人 所值之辭,決所疑之事,似 正夫一,而不謬於所之 明明言之,使人易曉耳。 此爻所以凶 故卦爻 人人也。 自 謂 前 若 别

貫曲 因以 假託卦象,爲此艱深隱晦之辭乎?」〇「大 皆牽合委曲,偏主一事而言,無復包含該 文王、周公之本意。 之。後人但見孔子所説義理,而不復推本 因其吉凶訓戒之意,而推説其義理以 也。」〇「卦爻之辭,本爲卜筮者斷吉凶 戒,亦以施諸筮得此卦此爻之人,而 自可别作一書,明言義理,以詔後世,何用 而其所以言《易》者,遂遠於日用之實, 儒先生有所不免,比因玩索,偶幸及此 此,所以其説雖有義理,而無情意。 以戒夫卦爻者。 於象數,而非聖人己意之所爲。 抵《易》之書,本爲卜筮而作,故其辭必 竊自慶,以爲天啟其衷而以語人,人亦未 訓戒。 、暢旁通之妙。 至《彖》、《象》、《文言》之作,始 近世言《易》者,殊 若但如此,則聖人當 因 鄙· 卜筮爲不足言 其 雖 所 根 時 類 明 知 反 勸 而

耦,天下之萬象出於一方一圓,盡起於乾 則利,不正 占得乾卦,固是大亨,下則云『利貞』,蓋 見有深曉者。」〇「《易》中都是貞吉,不曾 弱 坤二畫。」○許氏衡曰:「初,位之下,事之 出於一動一静,天下之萬數出於一奇一 至教,寓其閒矣。大率是爲君子設,非小 居 凶者,其數居多。 或恐其愞弱昏滯,未足以趨時也。 不安於分也。 始也。以陽居之,才可以有爲矣,或恐其 「天下之萬聲出於一闔 人盜賊所得竊取而用。」 〇蔡氏元定曰: 有不貞吉,都是利貞,不曾説利不貞。 貞者,以其所處之位極。 上者難貞。 則難濟,剛健則易行。 則 不利。 易貞者,由其所適之道多, 以陰居之,不患其過越矣, 若總言之,居初者易貞 至理之權輿,聖人之 一闢,天下之萬 或諸卦柔弱而致 故六十四卦初 大抵柔 理 正 如

無不可 順,以陽承陰,則得於君而 者,陰邪陽邪? 以剛居之,則有僭逼之嫌。然又須問居五 懼」之地也。 非平易安和之所也。」○「四之位近君,「多 位,惟三爲難處。蓋上下之交,内外之際, 無過不及之謂。其才若此,故於時義爲易 位,陰陽處之,皆爲得中,中者,不偏不倚 皆陰位也。 際,其難易之不同,蓋如此。]〇「二與四, 合,時義既合,則吉可斷矣。]〇「卦爻六 之所以「多譽」,四之所以「多懼」也。 也,二,遠君之位也。其勢又不同。此二 之美,况正而得中者乎! 况不得其正乎! 爻多得免咎,而上每有不可救者。 `也,勢逆則尤忌上行,而凶咎必至。 四雖得正,而猶有不中之累, 以柔居之,則有順從之美, 以陰承陽,則得於君 二雖不正,而猶有得中 : 勢逆。 四,近君之位 勢順則 始終之 二中 而 勢

劣。 陽以 以 之諸四,多得免咎。無才而得正,則貴乎 勢不同。 者 難之將出者,則指其可由之方,事之既成 事。《傳》謂五『多功』者,此也。」○「上,事 精於此,能首出乎庶物,不問何時,克濟大 援,亦皆免咎。此又隨時之義也。]○「五 有應,故艮之諸四,皆以有應爲優,無 其凶也。 雖或取義,然終莫及上與終之重也。 之終,時之極也。 上卦之中,乃人君之位 告之, 位雖處極, 而見其可行焉, 則亦諭 則直云其吉也,勢之惡或不可 陽 , 則 示 以 可 保 之 道。 獨坤之諸四,能以柔順處之,雖無應 承陽 正 質雖 有才而不正,則貴於寡欲,故乾 以以 丽 有才,陰以得正 陰承陰,皆不得於君也。 不美,而冀其或改焉,則猶 其才之剛柔,内之應否, 也。 義之善或不必勸 諸爻之德,莫 丽 解,則但言 無 洪才,故 是故 應爲 其 然

位而 也。 無應 之。 十四卦皆以五爲君位者,此《易》之大略 剛中,上下五陰應之,大有五以柔中,上 以有應而得者,有以有應而失者,亦有 元亨少。爻之占,吉多,元吉少。元亨,大 例。」〇胡氏炳文曰:「《易》卦之占,亨多, 亦應之,又不以六爻之應例論也。]〇「六 下五陽應之,小畜四以柔得位,上下五 之使然,不可執一而定論也。 亦不應矣。然事固多變,動在因時,故 陽爻應。 下體雖相應,其實陽爻與陰爻應,陰爻與 豈非事之已成乎?」○胡氏 者,有不能不變者,《大傳》謂『其上易知』, 大抵積微而盛,過盛而衰。 有 其閒或有居此位而非君義者,有居 而吉者,有以 君 若皆陽皆陰,雖居相應之位,則 義者,斯易之變,不可滯於常 無應而 凶 者,斯皆時 一桂曰:「上 至若比五 有 不 可 他 岡 以 以 有 變

善而 也,請論心之初。 則 同也,一爻一時,則三百八十四時不同 義、時用之大。 一卦一時,則六十四時 四彖,獨於十二卦發其凡,而贊其時與 程子謂之隨時變易以從道。夫子傳六十 不善,非元也,有一息之不善,非元也。」 處充之。 善百一,大善千一,故以元爲貴。 但 之百千萬變無窮,而吾之所以 十六時各有所值。 始於乾之乾,終於未濟之未濟,則四千九 ○吴氏澄曰:「時之爲時,莫備於《易》。 ,故有無窮之事變,如人只是一動一静, 因時位不同,故有無窮之道理。此所以 奇一 而已。」〇薛氏瑄曰:「六十四卦,只 亨,元吉,大善而吉也。 即是此善之最大處,蓋有一豪之 耦,但因所遇之時,所居之位不 善不善,皆自念慮之微 引而伸,觸類而 人之行事 時其時者, 然兹事 長,時 也。 不 時 綱

> 者,有僅取其一二節者,又有取一爻爲衆 之繫爻辭,或取爻德,或取爻位,又或取本 時則有此二義,在學者細察之。]〇「周公 所承、所乘之爻,有承、乘、應與時、位 卦之時與本爻之時,又或兼取應爻,或取 如蒙、蠱等卦,則又須反其義。 此有隨時 爲《易》也。」○蔡氏清曰 爻之主者,大概不出此數端。」 而順之者,有隨時而制之者,易道只是時。 是要人如乾,坤卦卦 一辭,只是要人如坤,至 : 「乾卦卦 一辭,只 . 兼 取

領 ||| 此篇論讀《易》之法及諸家醇疵

乎?」曰:「有是夫終日乾乾 玄曰:「遠矣,吾視《易》之道, 孜焉,其畏天憫人,思及時而動乎!」繁師 王氏通曰:「《易》之憂患,業業焉,孜 可 也。」〇 何 其 劉 難

言 者。」不答。 况吾儕乎?」炫曰:「吾談之於朝 炫問《易》。 《易》,其閒易道存焉,但人見之者鮮耳。 寢食而後針藥。 講解,是爲知《易》。 後説卦。 理 時,不及其爻之才者,皆臨時参考,須先看 中言之已多,取其未嘗言者。 時,然後觀逐爻之才,一爻之中常包函 用《易》者也。] 〇程子曰:「觀《易》須 人能用《易》,是爲知《易》,如孟子可謂 如 而 、聖人作經,本欲明道,今人若不先明義 ,聖人常取其重者而爲之辭。 ,乃看得辭。」○「古之學者,皆有傳授。 ,不可治經,蓋不得傳授之意云爾。 信,存乎德行。」〇北山黄公善醫,先 ○邵子曰:「知《易》者不必引 退謂門人曰:「默而成之,不 日 --汾陰侯生善筮,先人事 聖人於《易》没身而 孟子之言,未嘗及 又有且言其 亦有《易》 ",無我敵 善 崩 數 看 而 如

功夫。 至虚 杜 見得 物成務』活法。」〇「《易》不比《詩》、《書》, 爲尤難。 微、《易》之教也」。」〇「經書難讀,而 先靠定一事説,則滯泥不通,所謂『潔静精 則陰陽吉凶,事事都有在裏面。人須是就 因帝王政事而作,《易》初未有物,只是懸 是看他卦爻未畫以前是怎模樣,卻就這 説殺了,令人看得意思局促,不見本來『開 在人則是喜怒哀樂未發之中, 空説出,當其未有 窮文意,徒費力。」○朱子曰:「看《易》 繋辭》不得。」○「《易》須是默識心 繫辭》本欲明《易》,若不先 撰。 他許多卦爻象數,是自然 静中,見得這道理周遮通瓏方好。 且《詩》則因風俗世變而 開卷之後,經文本意又多被先 蓋未開卷時,已有一重象數 卦畫,則渾然一太極 求 卦 作、《書》則 如此,不是 一旦發出 義 通 則 此 儒 大 須 上 硬 經

説出一

般道理了。

許多事變,讀《易》方知各有一 象數的當下落,方説得理不 静,如何見得。」○「看《易》若是靠定象 他是説盡天下後世無窮無 《易》之本意,只是要作卜筮用。及文王、 意思。」又曰:「説《易》得其理,則象數 占得乾卦,則大亨而利於正耳。及孔子繫 周公分爲六十四卦,添入『乾,元亨利貞』、 有許多《彖》、《象》、《文言》説話,方見得 "坤,元亨利牝馬之貞』,已是文王、周公自 箇字,便是一箇道理。 今既未盡經歷,非是此心大段 實證,則虚理易差也。」〇「今人讀 若只恁地懸空看,也没 然泝流以觀,卻須先見 然猶是就人占處說,如 看伏犧之《易》,如 人須是經歷天 盡底事理 走作。 理,精審端 虚 不然, 一,只一 明 未 甚 下 在 去 寧 囊,重興儒雅。其傳《易》者,西都則有丁 《易》,作《彖》、《象》、《文言》,則以『元 於李挺之,挺之得之穆伯長,伯長得之華 也。」〇程子曰:「邵堯夫先生之學,得之 所之説,斯乃義涉於釋氏,非爲教於孔 是有而教有。 理難窮,雖復玄之又玄,至於垂範作則,便 餘家,皆辭尚虚玄,義多浮誕。 河北學者,罕能及之。 注,獨冠古今。所以江左諸儒,並傳其學, 更相祖述,非有絶倫。 孟、京、田,東都則有荀、劉、馬、鄭。 三古。及秦亡金鏡,未墜斯文。漢 達曰:「龍出於河,則 貞』爲乾之四 Ш 於澤,則『十翼』彰其用。 希夷 陳圖南先生。 一德。」以上論讀《易》。 若論住内住外之空,就能 八卦宣其象。 其江 溯其 唯魏 業資幾聖,時 源 南

《易》,當分爲三等。

事

無

其中,固是如此。

看,便滋味長。

正。

兩

孔

氏

穎

亨利

麟

傷

歷

流

遠

義疏,十有

原夫《易》

門

就

世王輔

嗣

大體

理

四

多矣。」〇尹氏 先生淳一不雜,汪洋浩大,乃其 緒,今穆、李之言及其行事,概可見矣。 即可見矣。」〇朱子門人問『當期』,曰: 之。既以八卦之震、離、兑、坎二十四爻直 説 則八卦之乾不當在西北,坤不當在西南 申酉,巽不當侯於戌亥。若以十二卦爲主 爲巳之辟,坤不當爲亥之辟,艮不當侯於 生焉。若以八卦爲主,則十二卦之乾不當 十八卦爲之公侯卿大夫,而六日七分之説 四時,又以十二辟卦直十二月,且爲分四 焦延壽爲卦氣直日之法,乃合二説而 易》卦之位,震東、離南、兑西、坎北者爲 易》,其作《傳》只是因而寫成,熟讀玩味, 説,十二辟卦分屬十二辰者爲一説,及 不當在東北,巽不當在東南。 , 互爲矛盾。 焞 且其分四十八卦爲公侯卿 曰:「伊川先 生踐 所自得 彼此二 履 者 盡 而

説理 説。 耳。 賢人有賢人用,若一爻只作一事,則三百 丹竈之術。 説,乃康節之説。 説,以正焦氏之説也。]〇「先天圖 兑、坎者,近世許翰始正其誤。 至立踦贏 而後其説始得復明於世。」○問伊川《易》 儒既失其傳,而方外之流,陰相付授,以爲 十卦六日七分之數而益之,恐不可 亦去其震、離、兑、坎者,而但擬其六十卦 玄》次第,乃是全用焦法。 意言,本已無所據矣。 大夫,以 二贊,則正以七百二十九贊,又不足乎六 一十四爻,而後可以見其失也。 諸家於八十一首,多有作擬震、離 非希夷之説,乃孔子之説。 太多。曰:「伊川言聖人有聖人用, 附 於十二辟卦,初無 至希夷、康節,乃反之於《易》, 非康節之説,乃希夷之 不待論其 其八十一首,蓋 法 但當日諸 象 減 揚雄《太 「非某之 反 去四 而 ⟨據其 直 . . . 桂

可

是。 文,其道理只在本文,下面小字儘説,如何 得三百八十四事用也。」○□《詩》、《書》略 拔雄健之文卻可作,若《易傳》淡底文字, 前,只如此等行文,亦自難學。如其 不是那敲磕逼匝出底義理,平鋪地放在面 子此書平淡地漫漫委曲, 說得更無餘 看訓詁,解釋文義令通而已。 極好,然他解,依舊是三百八十四爻,止作 爲事,以終始言之則爲時,以高下言之則 有就事言者,有以位言者。 十四爻作人説,恐通未盡否?」曰:「也 如何可及。」〇問:「《易傳》大概將三百八 會過得他? 若《易傳》卻可脱去本文。程 十四爻,止作得三百八十四事也。 位 即是不可裝定作人說,看占得如何。 典要,唯變所適。」豈可裝定作人說。」 ,隨所作 而 看皆 通。 《繋辭》云:『不 以吉凶言之則 卻只玩味 (他峭 説得 藴 本 這

《易》,自王弼始,何晏非弼比也。清談亡 恁地 自作 晉,衍也 吉凶生。以下三句。 法,談義理者淪於空寂,而不適乎仁義 言,過矣。」○「程子言《易》,謂得其義則象 相讎相殺底人相似看。這一爻攻那一爻, 已。」○「老蘇説《易》,專得於「愛惡相 法而同於道者,則唯伊川先生程氏之書而 象辭者泥於術數,而不得其弘通簡易之 推之,道理自不可易。」〇「自秦漢以來,考 有無頓著處耳。今但作卜筮看,而以其説 不合全説作義理,不就卜筮上看,故其説 正之歸。 ○「此書近細讀之,恐程《傳》得之已多,但 太粗 兩樣。」〇王氏應麟曰:「以義 畫克那一畫,全不近人情。 東坡見他 非 求其因時立教以承三聖,不同 疏,卻添得些佛老在裏面,其 弼也。 范寗 他把這六爻似那累世 以 王 弱、 何晏 理 攻而 並 於 解 書

數在其中。 朱子以 爲 先見象數, 方説

理 顔延之《庭誥》云: ,不然事無 實證 則 馬、陸得其象數,取 虚 理 易差。 愚 嘗 得 之 觀

於物,荀、王舉其正宗,得之於心。」其説 以

荀、王爲長。 李泰發亦謂:『一行明數 而

嗣 不知其義,管輅明象而不通其理。」蓋 之學行,而 象數之説隱。 然義理象數, 自 輔

以貫之,乃爲盡善。」以上論諸家說《易》。

義

時

例

消息盈虚之謂「時」,泰、否、剥、復之類

是也。 是也。 也。 又有以象言者、井、鼎之類是也。 又 有 又有指事言者、訟、師、噬嗑、頤之類 以 理言者、履、謙、咸、恒之類 四 者 是

皆謂之「時」。

位

臣道,不及於君故也。 亦有時不以君位言者,則又以其卦義所 則如屯、泰、復、臨之初,大有、觀、大畜、 謂之無位。 未當事之人,上爲既退而在事外之人也,故 始終論者爲多,若以位論之,則初爲始進而 當時用事,故謂之有位。 也。 謂爵位之位耳。五,君位也。 位 上,皆得時而用事,蓋以其爲卦主故也。五 三、四之尊,而與五爲正應者也。 ,而初上兩爻無位,非謂 三雖非近,而位亦尊者也。 貴賤上下之謂「位」。 王弼謂 然此但言其 故朱子云:「常可類 正例耳。 初、上 無陰陽之位也,乃 四,近臣之位 則 若論 但 此四爻皆 中四爻有 以 雖 變例, 頤之 取 時之 不 如

二六

德

者。 柔,則以柔爲善也。 吉,而二五之中,則吉者獨多,以此故爾 必中,中則無不正也。」六爻當位者未必 不善,時當用 然正尤不如中之善,故程子曰:「正未 剛 柔中正 不 剛 中 正之謂 則 惟中 以 剛爲善也 與正,則無有 一德」。 剛 時 柔 當 各 不 善 用 有

例。

應比

者,則貴乎恭順小心,故剛不如柔之善。遠位,四近而承之,二遠而應之也。然近而承惟四與五比,二與五應爲最重,蓋以五爲尊惟四與五比,二與五應爲最重,蓋以五爲尊不。」(應」者,上下體相對應之爻也。「比」

御纂周易折中卷首

善。 譽,四多懼,近也。柔之爲道,不利遠者,其 剛之道利遠矣。夫子此條,實全《易》之括 要无咎,其用柔中也。」夫言柔之道不利遠, 而 可見剛之道不利近矣。又可見柔之道利近, 應者,則 夫子曰:「二與四,同 貴乎强 毅 有爲,故柔 功 而 又不 異位,二多 如 剛 之

之情矣。應」。以剛比剛,以柔比柔,則亦無相求相得相得。若以剛應剛,以柔應柔,則謂之「無相と,若以剛應剛,以柔應柔,則謂之「無人比與應,必一陰一陽,其情乃相求而

曰「或得其桷」、《巽》曰「田獲三品」、《涣》曰曰「中行告公從」、《井》曰「井甃无咎」、《漸》至「中行告公從」、《觀》曰「利用賓于王」,畜》曰「有孚惕出」、《觀》曰「外比於賢」、《小人十六卦,皆吉。《比》曰「外比於賢」、《小人十六卦,皆吉。《比》曰「外比於賢」、《小人》,以此例推之、《易》中以六四承九五者,以此例推之、《易》中以六四承九五者,

二七

故曰「終日戒」,亦皆吉辭。
穴」,曰「來連」,《既濟》則交儆於未亂之際,則相從於險難之中,故曰「往吉」,曰「出自則相從於險難之中,故曰「往吉」,曰「出自「幾望」,皆吉辭也。惟《屯》、《需》與《蹇》「幾其羣元吉」,《節》曰「安節亨」,《中孚》曰

以九二應六五者,凡十六卦,皆吉。

順之節者也。惟《比》之「自内」也、《无妄》之而凶吝者有之。如《否》之「包承」也、《同人》之「于宗,吝」也、《隨》之「愿蹇匪躬」、《既以也、皆非吉辭也。《屯》之「屯如邅如」,以一、。如》之「闚觀可醜」也、《咸》之「咸其腓,四以六二應九五、亦十六卦,則不能皆吉,順之節者也。惟《比》之「自内」也、《元妄》之原,

夫子所謂「其要无咎,其用柔中」者,信矣。而」也,皆適當上下合德之時,故其辭皆吉,《革》之「已日乃孚,征吉」也,《漸》之「飲食衎《益》之「永貞吉」也,《萃》之「引吉,无咎」也,「利有攸往」也,《家人》之「在中饋,貞吉」也,

(實)之「求婚媾」也、《頤》之「虎視眈眈」也,有比焉、然其義不如應五承五者之重也。 與上,則取應義者絕少矣。其故何也? 四, 大臣之位也,居大臣之位,則有以人事君之 大臣之位也,所述五以應上,則 大四之心矣。此其所以不相應也,然四之 大四之心矣。此其所以不相應也,然四之 大四之一矣。此其所以不相應也,然四之 大四之一,則 大四

下」、《解》之「解而拇」、《鼎》之「折足」是也。六,則反以下交小人爲累,《大過》之「不橈乎《損》之「使遄有喜」也,皆吉也。若九四應初

故其義不重。

者,不待言矣。如《豫》四爲卦主,則初「鳴」 皆以比之、應之爲吉凶焉,故五位之爲 而三「盱」。《剥》上爲卦主,則三「无咎」而五 應之例論也 「包无魚」。此又《易》之大義,不可以尋常比 ·无不利」。《復》初爲 莧陸」。 獨復」。《夬》上爲卦主,則三「壯頄」而 此皆例之常也。 《姤》初爲卦主,則二「包有魚」而 若其爻爲卦主,則羣爻 卦主,則二下仁 而 卦主 五 四 四

卦主

皆得爲卦主也。主卦之主,必皆德之善,而論位之高下,德之善惡,若卦義因之而起,則之主焉,成卦之主,則卦之所由以成者。無

傳》,當逐卦分别觀之。 他爻亦閒取焉。其成卦之主,即爲主卦之主者,必其德之善而兼得時位者也。其成卦之主,,以其德與時位,参錯主,不得爲主卦之主者,必其德與時位,参錯之,不相當者也。其成卦之主,即爲主卦之主

出庶物」者,主君道而言。也。觀《彖傳》所謂「時乘六龍以御天」、「首剛健中正,四者具備,得天德之純,故爲卦主剛健中正,四者具備,得天德之純,故爲卦主,蓋乾者天道,而五則

也。觀彖辭所謂「先迷後得主」、「得朋」、「喪柔順中正,四者具備,得坤德之純,故爲卦主地之象也。坤者臣道,而二則臣之位也。又地以介二爲卦主,蓋坤者地道,而二則

侯以安民者也。九在下,侯也,能安民者也。九五在上,能建九在下,侯也,能安民者也。九五在上,能建屯以初九、九五爲卦主,蓋卦惟兩陽,初

朋」者,皆主臣道而言。

也。六五在上,能尊師以教人者也。德,而六五應之。九二在下,師也,能教人者蒙以九二、六五爲主,蓋九二有剛中之

中也」,指五而言之也。 尤當以久而成,《彖傳》所謂「位乎天位,以正常以久而成,《彖傳》所謂「位乎天位,以正言以之,以入五爲主,蓋凡事皆當需,而王道

正也」,亦指五而言之也。則聽訟者也。《彖傳》所謂「利見大人,尚中則聽訟者也。《彖傳》所謂「利見大人,尚中訟以九五爲主,蓋諸爻皆訟者也,九五

也。六五在上,能用丈人者也。 師以九二、六五爲主,蓋九二在下,丈人

其畜,故《彖傳》曰「剛中而志行」。「柔得位而上下應之」。 九五與之合志,以成之主也。 蓋六四以一陰畜陽,故《彖傳》曰之主也。 蓋六四以一陰畜陽,故《彖傳》曰

中正,履帝位而不疚」。中正,履帝位而不疚」。故九五之辭曰「貞厲」,而《彖傳》曰「剛卦之所以名「履」也,居尊位尤當常以危懼存主也,蓋六三以一柔履衆剛之閒,多危多懼,

位得中,而應乎乾」。 能同衆陽,而九五與之應,故《彖傳》曰「柔得 同人以六二、九五爲主,蓋六二以一陰

上下應之」。 能有衆陽,故《彖傳》曰「柔得尊位,大中,而 大有以六五爲主,蓋六五以虚中居尊,

者,剛能下柔也。初、五兩爻,皆剛居柔下,隨以初九、九五爲主,蓋卦之所以爲隨之所由以爲豫者,故《彖傳》曰「剛應而志行」。豫以九四爲主,卦惟一陽,而居上位,卦

故爲卦主。

曰「用譽」也。
者,至五而功始成,故諸爻皆有戒辭,而五獨者,至五而功始成,故諸爻皆有戒辭,而五獨

臨以初九、九二爲主,《彖傳》所謂「剛浸

而長」是也。

可で削い「削い可でな」書いる。

黄以六二、上九爲主、《彖傳》所謂「柔來

剥以上九爲主,陰雖剥陽,而陽終不可而文剛」、「剛上而文柔」是也。

剥也,故爲卦主。

復以初九爲主、《彖傳》所謂「剛反者」是

也。

无妄以初九、九五爲主,蓋初九陽動之

至誠之無息也。 始,如人誠心之初動也,九五乾德之純,如人 故《彖傳》曰「剛自外來而爲

大畜以六五、上九爲主、《彖傳》所謂「剛

主」,於内指初也,又曰「剛中而應」,指五也。

上而尚賢者」是也。

頤亦以六五、上九爲主、《彖傳》所謂「養

賢以及萬民者」是也。

不過者也,九四棟而不橈者也 大過以九二、九四爲主,蓋九二剛中而

坎以二、五二陽爲主,而五尤爲主,水之

上行」。

積滿者行也。

離以二、五二陰爲主,而二尤爲主,火之

方發者明也。

主也。 咸之九四當心位,心者感之君,則四卦 然九五當背位,爲咸中之艮,感中之 而能静,則五尤卦 主也。

恒者常也,中 則常矣。 卦惟二五居 中, 止,是謂動

主也。 而六五之柔中,尤不如九二之剛中,則二卦

遯之爲遯以二陰,則初二成卦之主也,

然處之盡善者惟九五,則九五又主卦之主 也,故《彖傳》曰 「剛當位而應,與時行」也。

上,則四卦主也。 大壯之爲壯以四陽,而九四當四陽之

中天之位,則五卦主也,故《彖傳》曰「柔進而 晉以明出地上成卦,六五爲離之主,當

厚,夷人之明者也,成卦之主也。六二、六五 故《彖傳》曰「文王以之」,「箕子以之」。 皆秉中順之德,明而見夷者也,主卦之主也。 明夷以日入地中成卦,而上六積土之

正 位乎内,男正位乎外」。

家人以九五、六二爲主,故《彖傳》曰「女

睽以六五、九二爲主,故《彖傳》曰「柔進

而上行,得中而應乎剛」。

也」。蓋《彖》辭所謂「大人」者,即指五也。蹇以九五爲主,故《彖傳》曰「往得中

六三、上九,成卦之主也。然損下益上,所益衆也」,指五也。又曰「乃得中也」,指二也。解以九二、六五爲主,故《彖傳》曰「往得解以九二、六五爲主,故《彖傳》曰「往得

施之而臣受之,故九五、六二爲主卦之主。六四、初九,成卦之主也。然損上益下者,君六四、初,成卦之主也。然損上益下者,則益以損上卦下畫,益下卦下畫爲義,則

者君也,故六五爲主卦之主。

也。然五陽決陰,而五居其上,又尊位也,故夬以一陰極於上爲義,則上六成卦之主

君也。

九五爲主

一卦之主。

之德,一則與之相切近以制之,一則居尊臨也,然五陽皆有制陰之責,而惟二五以剛中姤以一陰生於下爲義,則初六成卦之主

其上以制之,故九五、九二爲主卦之主。

陽

之根也,故初六亦爲成卦之主。以地中生木爲象,則初六者巽體之主,乃木六五升之最尊者也。然升者必自下起,其卦升以六五爲主、《彖傳》曰「柔以時升」,

皆成卦之主,又皆主卦之主。謂二、五以剛中之德而皆揜於陰也,故兩爻謂二、五以剛中之德而皆揜於陰也,故兩爻

坎體之主也。 井以養民爲義,而九五養民之井以九五爲主,蓋井以水爲功,而九五

人虎變」。權,剛中正,則能盡改革之善,故其辭曰「大權,剛中正,則能盡改革之善,故其辭曰「大革以九五爲主,蓋居尊位,則有改革之

鼎以六五、上九爲主,蓋鼎以養賢爲義,

而六五尊尚上九之賢,其象如鼎之鉉耳之相

得也。

四不爲主,而初爲主。 震以二陽爲主,然震陽動於下者也,故

之象也。

故三不爲主,而上爲主。 艮亦以二陽爲主,然艮陽止於上者也,

表,而九五進居高位,有剛中之德,則九五亦義,而九五進居高位,有剛中之德,則九五亦乎女歸之象,則六二卦主也。然漸又以進爲乎女歸之象,則六二卦主也。然漸又以進爲,而諸爻惟六二應五,合

爲善,化凶而爲吉,是六五又主卦之主也。掛之主也。然六五居尊下交,則反變不善而傳》曰「无攸利,柔乘剛也」,是六三、上六成歸妹以女之自歸爲義,其德不善,故《彖

居中,則日中之德也。勿憂,宜日中」。六五之位則王之位也,柔而勿憂,宜日中」。六五之位則王之位也,柔而豐以六五爲主,蓋其《彖辭》曰「王假之,

外之象也,處中位,爲離體之主,得中麗明乎外」,又曰「止而麗乎明」。五居外體,旅於旅亦以六五爲主,故《彖傳》曰「柔得中

《彖傳》曰「剛巽乎中正而志行」,指五也。 申命行事,非居尊位者不可。故卦之主,而不得爲主卦之主。 主卦之主者,此是此,而不得爲主卦之主。 主卦之主者,惟巽雖主於二陰,然陰卦以陰爲主者,惟

中而柔外,説以利貞」。 之主。主卦之主,則二五也,故《彖傳》曰「剛之主。主卦之主,則二五也,故《彖傳》曰「剛之主。而不得爲主卦

而不窮,柔得位乎外而上同」。以成其功,亦卦義之所重,故《彖傳》曰「剛來尊不能也。然九二居内以固其本,六四承五尊以九五爲主,蓋收拾天下之散,非居

節亦以九五爲主,蓋立制度以節天下,

節,中正以通」。 亦惟居尊有德者能之,故《彖傳》曰「當位以

之時而不過也。
小過以二、五爲主,以其柔而得中,當過

「未濟亨,柔得中也」。治,六五居外體,正開治之時也,故《彖傳》曰治,六五居外體,正開治之時也,故《彖傳》曰未濟以六五爲主,蓋未濟則始亂而終

者,必歸之有德有位之人。故五之爲卦主者得之。大抵《易》者成大業之書,而成大業以上之義,皆可以據《彖傳》、爻辭而推

其爻當王也。 如此。《易》中五上兩爻,此類最多,亦非以 此則除亂本也。 上曰「王用出征」,則因 終其義者,如《師》之上曰「大君有命」,則因 之,以答乎神明之心也。 又上爻有蒙五 其承於五也。 於五也。《升》之四曰「王用亨于岐 者,皆非以其爻當王也,乃對五位而爲言耳。 獨 五之出師定亂,而至此則奏成功也。《離》之 五也。《益》之二曰「王用亨于帝」,則因 如《隨》之上曰「王用亨于西山」,則因其係於 過數卦而已。 多。 中間亦 皆其德與時稱,故王者簡 自五 有因 皆蒙五爻之義而語其 時 而外,諸爻之辭,有曰王 義 五之憂勤圖治,而至 不取五 爲王 山,則 位者,不 成效 爻而 其 而 用 因

御纂周易折中卷首

御纂周易折中卷

周易上經

氏之舊云。 氏之舊云。 氏之舊云。 氏之更定著爲經二卷,傳十卷,乃復孔 故繫之周。以其簡蹇重大,故分爲上、下兩篇。經則伏 故繫之周。以其簡蹇重大,故分爲上、下兩篇。經則伏 故繫之周。以其簡蹇重大,故分爲上、下兩篇。經則伏 故繫之周。以其簡蹇重大,故分爲上、下兩篇。經則伏 於臺合古文。吕氏又更定著爲經二卷,傳十卷,乃復孔 大二篇。中間頗爲諸儒所亂,近世晁氏始正其失,而未 大二篇。中間頗爲諸儒所亂,近世晁氏始正其失,而未 大二篇。中間頗爲諸儒所亂,近世晁氏始正其失,而未 大之舊云。

■ 乾乾上下

吃 完 亨利

乾,元亨利貞。

下者,内卦也。上者,外卦也。經文乾字,六畫卦之名也。乾者,健也,陽之性也。本註乾字,三畫卦之名也。本義、八畫者,伏羲所畫之卦也。一者,奇也,陽之數

御纂周易折中卷

也。 陽,畫一 謂之神,以性情謂之乾。乾者,萬物之始,故爲天,爲 形體謂之天,以主宰謂之帝,以功用謂之鬼神,以妙用 上古聖人始畫八卦,三才之道備矣,因而重之,以盡天 教人卜筮,而可以開物成務之精意。 必利在正固,然後可以保其終也。此聖人所以作《易》 故於筮得此卦,而六爻皆不變者,言其占當得大通,而 利,宜也。貞,正而固也。 六畫皆奇,上下皆乾,則陽之純而健之至也,故乾之名, 畫,而於八卦之上,各加八卦,以成六十四卦也。 於天也。三畫已具,八卦已成,則又三倍其畫,以成六 而其成形之大者爲天,故三奇之卦,名之曰乾,而擬之 陽,爲父,爲君。 夫天,專言之則道也,天且弗違是也。 之形體,乾者天之性情。 下之變,故六畫而成卦。 天之象,皆不易焉。 卦之吉凶,所謂「彖辭」者也。 伏羲仰觀俯察,見陰陽有奇耦之數,故畫一奇以象 故自下而上,再倍而三,以成八卦。 見陽之性健 耦以象陰。 「元亨利貞」,謂之四德。 「元亨利貞」,文王所繫之辭,以斷 見一陰一陽,有各生一陰 重乾爲乾。乾,天也。天者天 乾,健也,健而无息之謂乾 文王以爲乾道大通而至正 元,大也。 餘卦放此。 分而言之,則以 元者,萬物之 亨,通也 此卦 陽之 傳

: 七

成。 始。 用。 乾卦本以象天,天乃積諸陽氣而成,故此卦六爻,皆陽 物之象,於萬物變通之理,猶有未盡,故更重之而 三才,寫天地雷風水火山澤之象,乃謂之卦也。《繫辭 雖象陰陽之氣,未成萬物之象,未得成卦,必三畫以象 者,掛也,言懸掛物象以示於人,故謂之卦。 廣矣大矣。 善大,利主於正固。 所以健,純陰所以順。 之理。」〇《朱子語類》云:「乾只是健,坤只是順。 體,故名乾不名天也。」〇邵子曰:「不知乾,無以知 體用之稱。 畫成卦也。 云『八卦成列,象在其中矣』是也。但初有三畫,雖 發,非性何以 之用是情。」又曰:「性情二者常相参在此,情便是性之 一,備萬物之形象,窮天下之能事,故六畫成卦也。 亨者,萬物之長。 聖人作《易》本以教人,欲使人法天之用,不法天之 惟乾坤有此四德,在他卦則隨事而變焉,故 「乾者天之性情。」曰:「乾,健也。 不謂之天而謂之乾者,天者定體之名,乾者 故《説卦》云「乾、健也」。 集説孔氏穎達曰:「乾者,此卦之名。 有情。 亨貞之體,各稱其事。 健而無息,非 利者,萬物之遂。 至健者惟天,至順者惟地。] 〇 性 何以 言天之體以 健之體爲 貞者,萬 能如此。」〇 二畫之體 四德之義 5元專爲 性,健 純陽 性命 健爲 有六 有萬 物 桂 此 之

傳》之言,所以爲專以天道明乾義,以地道 成形莫大於地,可見不可就以乾坤當天地。 卦乎。」○蔡氏清曰"「成形之大者爲天,坤卦亦曰 問: 有立,健則有爲。 皆爲乾,凡至順者皆爲坤,此乾坤所以足應萬用,而《彖 占得之者,其事雖大通,而非正固,尚不能保其終,况他 大通而必利在正固,人事之當然也。乾爲《易》第一 解,惟《本義》以爲占辭。 主張也。]〇胡氏炳文曰:「「元亨利貞」,諸家便作四 意而體會之,其不同處,自不相妨。 各是發明一理耳。 爲四德,而諸卦自如其舊。二聖人之意,非有不同,蓋 者只與諸卦一般,至孔子作《彖傳》、《文言》,始以乾 作四件説。」〇又云,「元亨利貞」四字,文王本意在乾 説大亨利於正,不以分配四時,孔子見此四字好,始 了,故於此豫言之。」○問:「元亨利貞。」曰:「當初只是 象之意,恐當於大象言之。」曰:「纔設此卦時,便有此 三奇之卦,名之曰乾,而擬之於天也。」寫謂卦辭未見 ○林氏希元目: 「《本義》云: 「見陽之性健,而成形之大者爲天,故 「乾德剛健,剛以體言,健兼用言。 人而有立有爲,則志至氣至。 今學者且當虚心玩味,各隨本文之 大通而至正,此天道之本然 不可遽以己意横 明 凡至健者 坤 本立道 義也。」 陰之 剛 桂 則

大通而至正,在人容有不正者,故聖人因以爲戒。」分也,正大而天地之情可見矣,可見乾之中正也。乾道亨而且大亨也。中者不偏不倚,正者無過不及,體用之坤轉,如雷厲風行,「何天之衢」,殆不足以擬之,是不惟生,事無不立,功無不成。不見艱難,無能阻止,如乾旋生,事無不立,功無不成。不見艱難,無能阻止,如乾旋

也。 有言「不可貞」者矣。 貞,正而固 意,實有四層。 占辭,而與他卦一例,其言當矣。 案: 乾坤之「元亨利貞」,諸儒俱作四德説,惟朱子以 先也。其在六十四卦者,皆是此理。 則非宜,惟有宜者在焉,而後可以固守也,是宜在貞之 焉,而後其亨乃大也,是大在亨之先也。 固,是占辭只兩意也。 文王繫辭備此四字。 乾坤,諸卦之宗,則其「亨」無不大,而其「貞」無不宜。 合乎此者也。 永貞」,或曰「貞凶」、「貞厲」、「貞吝」者,反乎此者也。 其言「利貞者」,合乎此者也,其言「不可貞」,「勿用 德明之,實所以發文王之意。 也。 其但言「亨」,或曰「小亨」者,次乎此者 何則? 人能至健,則事當大通。 故孔子推本於天之道,性之藴,而 一時之通,其亨則小,惟有大者存 但《易》之中,有言「小亨」者矣: 元,大也。 然四字之中,雖只兩 亨,通也。利,宜也。 且以爲六十四卦詳 故其言「元亨」者 硜硜之固,固 然必宜於正 爲

之辭獨異乎諸卦之辭也。學者以是讀朱子之書,庶乎略偏全之例,非孔子之説異乎文王之説,又非其釋乾坤

初九,潛龍勿用。

不謬厥旨矣。

飛能潛,故借「龍」比君子之德也。 也。 用,當晦養以俟時。 始物之端,陽氣方萌,聖人側微,若龍之潛隱。 乾道變化,陽氣消息,聖人進退。 象以顯義。乾以龍爲象,龍之爲物,靈變不測,故以象 下爻爲初,九,陽數之盛,故以名陽爻。 而此爻變者,當觀此象而玩其占也。 下,未可施用,故其象爲「潛龍」,其占曰「勿用」,凡遇乾 吉凶,所謂爻辭者也。 謂陽爻爲九。 以下爻爲初。 本義初九者,卦下陽爻之名。 有 ·勿用」。]〇孔氏穎達曰: 天地之氣有昇降,君子之道有行藏。 者乾體 「潛龍勿用」,周公所繫之辭,以斷一爻之 陽數九爲老,七爲少,老變而少不變,故 有三 集説沈氏驎士曰:「稱龍者,假 畫,坤 潛,藏也。 「陽爻稱九,陰爻稱六。 體 有六畫, 凡畫卦者,自下而 初九在一卦之下,爲 龍,陽物也。 初九既尚潛伏,故言 餘爻放此。 理无形也,故假 陽得兼陰,故其 龍之爲物,能 未可 初陽在 程傳 上,故 其説 象 自

數九; 老陽數九,老陰數六者,以揲蓍之數,九過揲則得老陽 是推説爻象之意,非本指也。《易》本因卜筮而有象,因 以初、二、三、四四爻作舜説,何以見得如此?」曰"「此 未成其行,故曰「勿用」。」〇《朱子語類》:「問:「程《易》 潛,隱也。 ○崔氏憬曰:「九者老陽之數,動之所占,故陽稱焉 六過揲則得老陰,其少陽稱七,少陰稱八,義亦準此。」 老陰老陽皆變、《周易》以變者爲占,故稱九稱六。 節推去無限道理,此程《易》所以推説得無窮。先通得 此《易》之本指也。聖人爲《彖傳》、《象傳》、《文言》,節 下,未可施用,其象爲「潛龍」,其占曰「勿用」。 象而有占,占辭中便有道理。 者,初終之序,而變化之跡也。」〇梁氏寅曰:「夫《易 《易》本指後,推説不妨。 而得此爻者,當觀此象而玩其占,隱晦而 事,包含其意,而各隨所用。 者、潔浄精微之教也。故其取象皆假託其物,而未涉於 龍者,陽體之健,其「潛」、「見」、「惕」、「躍」、「飛」、「亢. 失《易》之本指矣。」]〇李氏舜臣曰: 陰不得兼陽,其數六。 龍,下隱地,潛德不彰,是以君子韜光待時 若便以所推説者去解《易》,則 二者老陽數九,老陰數六, 然乾純陽之卦,而取象於 如筮得乾之初九,初陽在 「六爻之象,皆取於 「勿用」可 凡遇乾 所以 也。

> 能,則其意多爲聖人而發者。故夫子於《文言》,皆以聖人明明也,獨聖人乎。如初九之「潛龍勿用」,在聖人則方居側微也,在君子則「遯世无悶」也,在學者則養正於蒙居側微也,在君子則「遯世无悶」也,在學者則養正於蒙居側微也,在君子則「遯世无悶」也,在學者則養正於蒙居,以是而推,其用何不可哉? 朱子以象占言《易》,而不欲以事論,懼人之泥而失之也。」○林氏希元曰:而不欲以事論,懼人之泥而失之也。」○林氏希元曰:而不欲以事論,懼人之泥而失之也。」○林氏希元曰: 意乾卦六爻,皆得乾道,不比他卦,故《文言》以聖人明之。比之於物,則是龍也。」

九二,見龍在田,利見大人。

行其道,君亦利見大德之臣,以共成其功,天下利見大 德已著,常人不足以當之,故值此爻之變者,但爲利見 在田」,其占爲「利見大人」。九二雖未得位,而大人之 正,出潛離隱,澤及於物,物所「利見」,故其象爲「見龍 已著。以聖人言之,舜之田漁時也 上之「大人」矣。 此人而已。 本義二,謂自下而上第二爻也。 主賓,自爲一例。若有「見龍」之德,則爲「利見」九五在 蓋亦謂在下之大人也。此以爻與占者相 程傳田,地上也。 後放此。 ,利見大德之君,以 出見於地上,其德 九二剛健 爲

爲地道,地上即田,故稱田也。]〇干氏寶曰:「二爲 剛柔,而以同德相應。 德之人,以被其澤。 之。言龍見在田之時,猶似聖人久潛稍出,雖非君位 田。「見龍在田」,是自然之象,「利見大人」,以人事託 曰「在田」。 ○孔氏穎達曰:「陽處二位,故曰九二,陽氣發見,故曰 上,在地之表,陽氣將施,聖人將顯,故曰「利見大人」。」 故亦謂之「大人」。 得位,而大人之德已著,所謂居仁由義,大人之事備矣。 ○蔡氏清曰:「凡「大人」皆是德位兼全之稱,九二雖未 夫子教於洙泗,利益天下,有人君之德,故稱「大人」。」 而有君德,故天下衆庶,利見九二之大人。先儒云,若 「見龍」。 田是地上可營爲有益之處,陽氣發在地上,故 初之與二,俱爲地道。二在初上,所以稱 大德之君,九五也,乾坤純體,不分 集説鄭氏康成曰:「二於三才

也。程傳三雖人位,已在下體之上,未離於下而尊顯君子,指占者而言。言能憂懼如是,則雖處危地而无咎地也。然性體剛健,有能乾乾惕厲之象,故其占如此。九三,君子終日乾乾,夕惕若厲,无咎。

之義也。 懼可知,雖言聖人事,苟不設戒,則何以爲教? 作《易》 者也,舜之玄德升聞時也。 儒並以「若」爲如,如似有厲,是實無厲也,理恐未盡。」 健自彊,不有止息。夕惕者,謂至向夕之時,猶懷憂惕 故稱九三。以居不得中,故不稱大人。陽而得位,故 德而在人道,君子之象。」〇孔氏穎達曰:「以陽居三位' 地而无咎。在下之人,而君德已著,天下將歸之,其危 子行此四德者,蓋乾之所謂君子也。」〇《朱子語類》: 息,戒謹恐懼,可以免咎。」〇楊氏時曰:「乾之九三,獨 ○龔氏原曰:「三居下體之上,當危懼之時,惟自彊不 咎」,是實有危也。據其上下文勢,「若」字宜爲語辭,諸 此卦九三所居之處,實有危厲。又《文言》云「雖危无 大悉備,常人皆可得而用,初無聖凡之別,但當著此爻, 竊意因時而惕,雖聖人亦有此心。」曰:「《易》之爲書,廣 人』,於九三止言「上不在天,下不在田」而已。 其曰: 故《文言》於九四,則曰「上不在天,下不在田,中不在 言[君子],蓋九三,人之位也。履正居中,在此一爻。 「君子」,在憂危之地,故「終日乾乾」。 言終竟此日,健 問"「伊川云"「雖言聖人事,苟不設戒,何以爲教?」 集説鄭氏康成曰:「三於三才爲人道,有乾 日夕不懈而兢惕,則雖處危 君

其中。」 在占中,有象無占,占在象中。 便用兢兢戒惕。二〇胡氏炳文曰:「凡卦爻有占無象,象 分象與占,九三「終日乾乾,夕惕若」,皆占辭也,而象在 如乾初、二、四、五、上,

九四,或躍在淵,无咎。

耳。 地,特未飛爾。「淵」者,上空下洞,深昧不測之所。 本義「或」者,疑而未定之辭。 安也。「或」,疑辭,謂非必也。 陰,居上之下,改革之際,進退未定之時也。 之在是,若下於田、「或躍」而起,則向乎天矣。 九陽四 二既皆稱龍,此爻雖不稱龍,即上文知其爲龍也。 猶疑或也。 也。 寶曰:「【躍」者,暫起之言。」○孔氏穎達曰:「「或」,疑 此,其占能隨時進退,則「无咎」也。 《大壯》九三「羝羊觸藩,羸其角」,而九四不言羊,知「藩 也。」〇林氏希元曰:「《本義》「進退未定之時」,通承上 決不羸1即羊也。1○李氏過曰:「躍者,未飛而習飛者 聖人之動,无不時也,舜之歷試時也。 「躍」、跳躍也。 躍於在淵,未即飛也。」○程氏迥曰:「初與 言九四陽氣漸進,似若龍體 躍不躍,唯及時以 「躍」者,无所緣而絶於 程傳「淵」,龍之所 集説干氏 故其象 欲飛 就安 亦猶 如 龍

> 退未定之時。二〇又曰:「「或躍在淵」,將進而未必於進 以上體言,四居上之下,居上欲進,居上之下,則又未必 位言,九陽爻,四陰位,陽主進,陰主退,是進退未定也。 文「九陽四陰,居上之下,改革之際」三句說。 可以免失身之辱,何咎之有哉。」 欲進以有爲,而商度之未決,蓋將待時而出,見可而 陰,本非躁進之資。又居上之下,適當改革之時。 後進也。是謂隨時進退。]○陳氏琛曰:「九四以陽居 也。未必於進,非不進也。 於進,亦進退未定也。以上下二體言,四初離下體,入 進退,則其進也非貪位,退也非沽名,可以投事幾之會 也,有如龍之「或躍在淵」焉。其象如此,占者誠能隨時 上體,是爲改革之際,亦進退末定也。 故總承之曰:「進 審進退之時,必時可進,然 蓋以爻與 是其 動

九五,飛龍在天,利見大人。

也。 下大德之人,與共成天下之事。天下固「利見」夫大德 位,故其象如此。而占法與九二同,特所「利見」者,在 本義剛健中正,以居尊位,如以聖人之德,居聖人之 上之大人爾。 程傳進位乎天位也。聖人既得天位,則「利見」在 若有其位,則爲「利見」九二在下之大人

上九,亢龍有悔。

聖人有龍德,飛騰而居天位,爲萬物所瞻覩。 就,萬物既覩,故曰「利見大人」。」〇孔氏穎達曰:「言九 精也。」其九五之謂與。 用,所以不窮也。」〇胡氏炳文曰:「九五以天德居天位 可占得此卦?]昭素曰:「何害。若臣等占得,則陛下是 日問王昭素曰:「「九五、飛龍在天、利見大人。」常人何 五陽氣盛至於天,故云「飛龍在天」。 此自然之象,猶若 清明無形,而龍在焉,飛之象也。」〇干氏寶曰:「聖功既 之德、居聖人之位」,以别於他卦。」 得乾道之純,在人則聖人也。故《本義》特曰「如以聖人 尊位,與他卦九五不同。 龍在天」之事矣。」○林氏希元曰:「此爻剛健中正,以居 剛健而純,中正而粹者也。《文言》曰:「剛健中正,純粹 「利見」此居上位之「大人」。」〇《朱子語類》云:「太祖 利見」之占。」〇鄭氏康成曰:「五於三才爲天道,天者 飛龍在天」,臣等「利見大人」。」此説得最好,此《易》之 過中則「惕」,不及中則「躍」。 二五其中乎。 集説揚氏雄曰:「龍之「潛」、「亢」,不獲中 「雲行雨施,天下平也」,則「飛 蓋乾是純陽至健之卦,九五又 故天下 故有

之君也。

中,卦有才、有時、有位不同,聖人使之無不合乎中。」 以「見」爲中,三則以「乾」、「惕」爲中,四則以「或躍」爲 饒氏魯曰"「一爻有一爻之中,如初則以「潛」爲中,二則 其内,得位於其外,餘爻則從其進退安危之會言之。]〇 總論范氏仲淹曰:「九二君之德,九五君之位,成德於 亢,如這般處,最是《易》之大義,大抵於盛滿時致戒。」 占得此爻,必須以亢滿爲戒。當極盛之時,便須慮其 德莫善於惕,而莫不善於亢也。」〇《朱子語類》云:「若 而「惕」,故「无咎」。 知進退存亡而无過,則不至於悔也。 矣。上九至於亢極,故「有悔」也。 程傳九五者,位之極。 下之意也。 本義「上」者,最上一爻之名。 「亢」者,過於上而不能 「窮高曰亢,知進忘退,故悔也。」○郭氏雍曰:「九三過 陽極於上,動必「有悔」,故其象占如 上九過而「亢」,故「有悔」。 中正者,得時之極。 有過則有悔,唯聖人 集説王氏肅曰: 過此則 然則 此

用九,見羣龍无首,吉。

百九十二陽爻之通例也。 本義用九,言凡筮得陽爻者,皆用九而不用七,蓋諸 而聖人因繫之辭,使遇此卦而 以此卦純陽而居首,故於此 六爻皆變者,即

占之。 以純剛 士朋 坤,曰見羣龍无首,吉」,蓋即純坤卦辭,「牝馬之貞」、 无首」之象,而其占爲如是則吉也。 首則吉也。 之道,以陽居乾體,純乎剛者也。 之,竊以爲凡得乾而六爻純九,得坤而六爻純六者 用六而不用八也。 蓋陽爻百九十二,皆用九而不用七,陰爻百九十二,皆 處。」〇林氏希元曰:「用九本是陽爻之通例,然於乾 六爻皆用九、故曰[見羣龍无首吉]。 用九便是行 傳 當直就此例,占其所繫之辭,不必更看所變之卦。 故就此發之。 六爻之後發之,便是指乾卦六爻用九。1〇又曰: 也。」〇又《語類》云:「荆公言用九只在上九一爻,非 先迷後得」、「東北喪朋」之意。 「无首」之「吉」,剛而能柔則吉也。 》蔡墨所謂「乾之坤曰見羣龍无首」者,可以見其一隅 目 蓋六陽皆變,剛 ,是過乎剛 「用九用六,當從歐公説,爲揲蓍變卦之凡例。 以剛爲天下先,凶之道也。 此歐陽公舊說也,而愚又嘗因其說 也。 特以乾坤二卦純陽純陰,而居篇首 「見羣龍」,謂觀諸陽之義,无爲 而 能 柔,吉之道也。 程傳用九者,處乾剛 剛柔相濟爲中,而 牝馬之利,順而能 《春秋傳》曰「乾 集説朱子答虞 故 爲 「或疑 羣 而推 **企** 也 。 皆 健 挂 健 乃 龍

> 同。 所變之卦以考其占,而别著自此至彼之象占者,正以其 坤變之乾,雖爲乾之所爲,然本自柔來,與本是乾者不 則 有不可同耳。」 變之坤,雖爲坤之所爲,然本自剛 秋傳》曰:「乾之坤曰「見羣龍无首吉」,何也? 「永貞」之利、終不可同於乾之「元亨」。 利 故乾[无首]之[吉],終不可同於坤[牝馬之貞],坤 也。 剛而能柔與 傾 而 健者,性體 來,與本是坤者不同。 自是不同。 聖人不教人即 曰 : 而《春 乾

但自乾而坤 觀乾辭與坤辭而已。 故須合本卦變卦而占之者近是。 凡卦雖全變,亦無盡棄本卦而不觀之理,不獨乾坤也 純用坤辭也,坤雖變乾,未可純用乾辭也。 本卦而觀變卦,而乾坤者天地之大義,乾雖變坤,未 則坤,坤之六爻全變則乾也。 占,其動者,則合本卦變卦之彖辭占。 辭則不論動不動 以九六名爻者取 案:爻辭雖所以發明乎卦之理,而實以爲占筮之用,故 用六,以爲皆變之占辭。 ,則陽而根陰之義也。 用 而皆用 也。 坤變乾者,合觀坤辭與乾辭而 也。 爻辭動則用,不動 此其説亦善矣。 但不動者,以本卦之彖辭 先儒之説,以爲全變則 如此則乾變坤 自坤而乾, 如乾之六爻全變 以理揆之,則 故别立用 則不用。 則 順 者,合 而 九 可 棄 桂

之道也。 守其貞而以大終,順 以發之。 **卦無之也。聖人於乾、坤發之以示例爾。然乾雖不變,** 姤 十四卦之通例。 健之義也。 雖不變,而用六之理自在,故坤「貞」能「安」,即「永貞」 而用九之理自在,故乾「元」無端,即「无首」之妙也。 者,則變易之用。學《易》者尤不可以不知 而復,則亂而圖其治可也。 蓋羣龍雖現 陰陽本自合德者,交易之機; 合觀卦辭者,宜知此意,故立用 如自 而 復 而 體健故也。 而姤 不現其首,陽而 **,**則 固非乾、坤獨有此義而諸 長 此亦因乾 而防 其因 其消 根陰 九用六之辭 動 可 坤以爲六 故 也。 丽 也 益顯 坤 自 永

■ 申坤 上下

得主,利西南得朋,東北喪朋,安貞吉。坤,元亨,利牝馬之貞,君子有攸往,先迷後咖啡

又得坤焉,則是陰之純,順之至,故其名與象皆不易也。 成形,莫大於地,此卦三畫皆耦,故名坤而象地。 註中者,三畫卦之名也。 本義一者,耦也,陰之數也。 牝馬」,順而健行者。 東北」,陽方。 陽先陰後,陽主義,陰主利。 經中者,六畫卦之名也。 「安」,順之爲也。 坤者,順也,陰之性 「貞」, 重之 陰之 一西 也 健

> 和。 貞。 之守也。 方。 行,勞於事者,臣之職也。「西南」,陰方。「東北」,陽 萬物則主於坤,生成皆地之功也。 所行,柔順而利且貞,合坤德也。陰,從陽者也,待唱而 對也,四德同而貞體則異。乾以剛固爲貞,坤則柔 東北則「喪朋」。 説王氏弼曰:「至順而後乃亨,故惟利於「牝馬之貞」。 貞」之「吉」。 有所往,則「先迷後得」而主於利。 陰必從陽,離喪其朋類,乃能成化育之功,而有「安 陰而先陽,則爲迷錯,居後乃得其常也。 牝馬柔順而健行,故取其象曰「牝馬之貞」。 遇此卦者,其占爲大亨,而利以順健爲正。 得其常則安,安於常則貞,是以吉也。 大抵能安於正則吉也。 往西南則「得朋」, 臣道亦然,君令臣 程傳坤,乾之 主利,利 君子 順 丽 如

穎達曰:「乾坤合體之物,故乾後次坤。 若龍,行地者莫若馬,故乾以龍繇,坤以馬象。]〇孔 之于反類,而後獲「安貞吉」。」〇干氏實曰:「行天者莫 爲柔,故 始生萬物,各得亨通,故云「元亨」,與乾同 北」,反西南者也,故曰「喪朋」。 「西南」,致養之地,與坤同道者也,故曰 云「利牝馬之貞」。 不云牛 陰之爲物,必離其黨. 而 云 地之爲體,亦能 馬者,牛 「得朋」。 也。 牝對 雖 「東 Æ

六

順 類》: 若在物之後,即得主利。 陰,當待唱而後和。 而 行。 於本朝,左右天子,苟非絶類忘私,其何以上得君心,合 不能獨勝其任者矣,故「西南」以「得朋」爲利。 臣代終。人臣立事建業,以有爲於下。失朋儕之助,有 於承天之正,故言「安貞吉」也。」〇張氏浚曰:「君造始 北方乾坎,二方皆陽,與坤非類,故曰「東北喪朋」。 離,二方皆陰,與坤同類,故曰「西南得朋」。東方艮震 君,卑不可先尊故也。」〇崔氏憬曰:「西方坤兑,南方巽 也,以是心行是職,非曰今日得之明日喪之也。 德以治天下哉? 貞者,終此而已。 不足以配乾矣。1.1○項氏安世曰:「牝取其順,馬取其 曰 德 君子有攸往」,此一句總起下文也。「先迷後得主利」, 亦能遠,象地之廣育也。 ,不能「行地无疆」,無以見坤之德。 : 『守得這柔順堅確,故有健象。 .而莫或有專事擅權之咎,曰「東北喪朋」。」○《朱子語 順者,坤之元。 「問:「牝馬取其柔順健行,坤順而言健,何也?」 然則「得朋」臣之職也、「喪朋」臣之心 柔順者多不能終,唯牝馬爲能終之。 行者,坤之亨。 凡有所爲,若在物之先,即迷惑。 以陰不可先唱,猶臣不可先 「先迷後得主利」者,以其至 柔順而不堅確,則亦 利者,宜此 馬 雖比 龍爲 但見君 若夫立 而已。 鈍 安

西南,坤之本方。 非順外有健也。 則全是健,若牝牛則又全是順。 從乾,則東北震、艮、坎非坤類,是爲「喪朋」。君子之出 利,故曰:[君子有攸往,先迷,後得主利。]朋,坤類也。 從乾而行, 先乎乾則 稱「君子」,皆指占者而言。 貞如牝馬之從牡則利,故曰「利牝馬之貞」。《易》中凡 而行,不入他羣,是爲「牝馬之貞」。坤道以陰從陽 乾之健,故其占亦爲「元亨」。 北地馬羣,每十牝隨一 也。」〇胡氏一桂曰:「「元亨,利牝馬之貞」,已盡坤之全 以承天之施而成其化育之功,此所謂柔順之貞,坤之德 行,故爲馬。 妻之主,後而得主,利莫大焉。]〇王氏申子曰:「乾健 處,隨寓能安,壹是皆以貞自持,蓋無往而不吉,故曰: 體,「君子」以下,則申占辭也。」又曰:「彖辭,文王所作。 先妻後。 言利在得主,不利爲主也。」○楊氏簡 「西南得朋,東北喪朋,安貞吉。」」○蔡氏清曰: 「西南得朋,東北喪朋」,後天卦位。」○俞氏琰曰:「坤順 當後而先爲迷,迷爲失道。 坤亦爲馬者,坤乾之配,乾行而坤止,則無 其健亦是順之健也,故曰「安貞」。 兑、離、巽皆坤類,是爲「得朋」。 迷而失道,後乎乾則得乾爲主 「有攸往」,謂有所行也。 牝馬 Ĕ. 君爲臣之主 順 「君先臣後,夫 而 健 者也 「若牡馬 一,夫爲 出 '~, 其 坤 牡 而 丽 坤

能配乾。 卦,地道 陽,以人事君之道也。「東北喪朋」者,絶類以從陽,涣 故先則迷,而後則得其所主。「西南得朋」者,率類以從 終爲健,故曰「利牝馬之貞」。 乾者也,坤之德即乾之德,乃柔順以承之而有終耳。 夫,臣從君而已矣。」 北皆利方、得朋、喪朋皆吉事。 也。」〇喬氏中和曰:「坤惟合乾故得主,得主故西南、東 羣朋,亡之道也。 也,妻道、臣道 順 而健者,坤之正也。]○鄭氏維嶽曰: 此皆陰道之正而能安之,所以得 也。不順則專而無成,不健則 坤道從乾,乾爲坤之主、 妻道也,臣道也,妻從 |坤 吉 有 不 配

道,而乾其主也。居「先」則無主,故「迷」,居「後」則 案:「後得主」,當以孔子《文言》爲據。 朋,在東北則利於喪朋也。 其所主矣。「利」字應屬下兩句讀,言在西南則利 得朋即得主也。 非合衆力不足以濟,於是而得朋,正所以終主之事,是 也,然亦有時而宜於得朋者,西南是坤代乾致役之地 面 稟令歸功,已無私 得主」相對。 後 「得主」也。 蓋事主者,惟知有主而已。 惟東方者受命之先,北方者告成之候, 爲人臣者而知此義,則引類相先,不爲 焉,而又何朋類之足云,故必「喪朋 「得朋」、「喪朋」正 蓋坤者,地道、 朋類非所私 與 上文 於得 臣 得

《彖傳》而皆合。故自此卦首發明之,而六十四卦臣道類上」者,皆喪朋之義也。斯義也,質之文王卦圖、孔子得朋之義也。有曰「朋亡」者,有曰「涣羣」者,有曰「絶簪」者,有曰「朋至」者,有曰「以其彙」、「以其鄰」者,皆阿黨睽孤特立,不爲崖異。故《易》卦之爻有曰「朋盍

初六,履霜,堅冰至。

準焉。

於象中矣。 健順仁義之屬明之,而无所偏主。 有淑慝之分焉。 有常,亦非人所能損益也。 冰」之將至也。夫陰陽者,造化之本,不能相无,而消 下,其端甚微,而其勢必盛,故其象如「履霜」,則 也。「霜」,陰氣所結,盛則水凍而爲冰。 本義六,陰爻之名。 非純盛也。 而参天地者,其旨深矣。不言其占者,謹微之意已可見 之分,則未嘗不致其扶陽抑陰之義焉。 其將長則爲之戒。 陰始生於下,至微也。 程傳陰爻稱六,陰之盛也。八則陽生矣, 故聖人作《易》,於其不能相无者,既以 陰之始凝而爲霜,「履霜 陰數六老而 然陽主生,陰主殺,則其類 至其消長之際,淑慝 聖人於陰之始生,以 八少,故謂陰爻爲六 蓋所以贊化 此爻陰始生於 」則當知陰 知「堅 育 長

女壯之義。」
勿用」,即閉闢之義。坤初六,姤也。『履霜堅冰至』,即忽用」,即閉闢之義。坤初六,姤也。『履霜堅冰至』,即至於盛也。 集説 王氏應麟曰:「乾初九,復也。「潛龍漸盛而至「堅冰」矣。猶小人始雖甚微,不可使長,長則

焉。 陽也,臣也、子也、妻也,陰也。 官百體,陰也。以人之倫類言之,則君也、父也、夫也, 案:陰陽之義,以在人身者言之,則心之神明,陽也, 從令。在人倫者,君父與夫之道行,而臣子妻妾聽 從而卑。自其大小尊卑之辨而順逆於此分,善惡於此 小體。君父與夫,謂之三綱而尊, 之大義,豈可以相無也哉。 君父之事,以臣子而行, 夫之家,以婦而成。 肢各逞其欲而不奉夫天官,臣子妾婦各行其私而 生,吉凶於此判矣。 陰誠慝哉? 臣子之漸言之,意深切矣。 乘而治亂所 爲理欲之交戰 於君父,則陰或至於干陽而邪始足以害正。在一身則 則陰乃與陽合德者,而何惡於陰哉? 由 順於陽則無慝矣。 階也。 而善惡所自起也,在國家則爲公私 誠使在人身者,心官爲主,而 故孔子《文言》以善惡之積、君父 然則所謂「陽淑陰慝」者,豈 然心曰大體,五官百骸則 心之神明,以身而 所謂「扶陽抑陰」者,豈 臣子與妻,主於 惟其耳目 是皆天地 之迭 運; 百 不 體 Ŧī. 稟 順 四 命 曰

不相爲表裏。六十四卦言陰陽之際,皆當以是觀之也。儆,《大學》、《中庸》謹獨之戒,與夫《春秋》名分之防,莫霜堅冰」,其大指如此,推其源流,則堯、舜、禹危微之陰必抑哉? 有以化之,斯不必抑之矣。此爻所謂「履

六二,直方大,不習无不利。

説王氏通曰:「圓者動,方者静,其見天地之心乎。」〇 故不取五應,不以君道處五也。 盡地道,在人識之耳。 於坤則先直方,由「直方」而「大」也。「直、方、大」足以 孟子所謂「至大至剛」以直也。 莫之爲而爲也,在聖人則「從容中道」也。「直、方、大」, 下,故爲坤之主。統言坤道,中正在下,地之道也。 不利。占者有其德,則其占如是也。 純者,故其德内「直」外「方」,而又盛大,不待學習而无 德合无疆,坤之 下」也。 六二柔順而中正,又得坤道之 本義柔順正固,坤之「直」也。 賦形有定,坤之「方」也。 大」,故不習而无所不利。 「不習」謂其自然,在坤道則 「直、方、大」三者形容其德用,盡地之道矣。由「直、方、 剛」,猶「貞」加「牝馬」也。 乾坤純體,以位相應,二坤之主! 言氣則先大,大,氣之體也 乾則二、五相應。 在坤體,故以「方」易 程傳二陰位,在 以

以「不習无不利」也。」〇《朱子語類》云: 也,至静也,承天而行,順物而成,初無假於脩習也,是 而德方」,方也,「含萬物而化光」,大也。坤之道,至 所爲。」○沈氏該曰:「「坤至柔而動也剛」,直也,「至静 孔氏穎達曰:「以此爻居中得位,極於地體,故盡 作而物覩者,故「時乘六龍以御天」。 而致萬國之咸寧 乾,孔子以爲得天位,行天道,而致太平之占,正是聖人 明坤道。1〇蔡氏清曰:「乾九五一爻,當得乾一卦。 能「直」能「方」能「大」、則亦「不習无不利」、卻不是要發 而不中,三又不正,惟此爻得中正,所以就這說箇「直 爻最純粹。 柔順中正,爲獨得坤道之純。]○又曰:「直不專主静,只 之極,三則不中且不正,四則不中,五則不正,惟六二之 坤道之純,是又當得一全坤也。若初則陰之微,上則陰 者,惟九五一爻足以當之。若坤之六二,柔順中正,得 爻有這箇德,不待學習而[无不利]。 人占得這箇時,若 静。]○唐氏鶴徴曰: 是存主處,故曰六二之動。 直方可分内外,不可專分動 此因自然之性,以明人事,居在此位,亦當如地 此是説坤卦之本體。 蓋五雖尊位,卻是陽爻,破了體了。 「直而大者,乾之德也。 然而本意卻是教人知道 「坤卦中惟這 坤無德,以 四 極 重 地 驁 這 方 陰 簡 之 之

者,豈無所用其心哉? 若以不習爲無藉於學,則所謂 造設之意。「不習无不利」,即所謂「坤以簡能」者是也。 設於其間,故曰「不習无不利」。習者,重習也,乃增加 謂線面體者,非線之直,不能成面之方。 成「方」,因「方」以成大,順天理之自然,而無所增加 之,則能成體之大矣。坤惟以乾之德爲德,故因「直」以 其始必以「直」爲根,其終乃以「大」爲極。 純,方固其質也,而始曰「直」終曰「大」者,蓋凡方之物, 直」。大亦乾德也,故曰「大哉乾元」。今六二得坤德之 案: 乾爲圜則坤爲方,方者坤之德,與圜爲對者也。 曰「至静而德方」。若直則乾德也,故曰「夫乾其動 一敬以直内,義以方外. 因面之方而 故數學有所 積 故 造 也

六三,含章可貞,或從王事,无成有終。

「有終」。爻有此象,故戒占者有此德,則如此占也。終含藏,故或時出而從上之事,則始雖「无成」,而後必本義六陰三陽,内含章美,可貞以守。然居下之上,不

貞」也。 得柔順之道也。 終耳。守職以終其事,臣之道也。 无悔咎也。或從上之事,不敢當其成功,惟奉事以守其 美,有善則歸之於君,乃可常而得正,上无忌惡之心,下 程傳三居下之上,得位者也。 爲事主,順命而終,故曰「无成有終」也。」〇楊氏簡曰 須唱乃應,待命乃發,含美而可正者也。 居此 也。乾九四陽居陰,坤六三陰居陽,故皆曰「或」,進 炳文曰:「陽主進,陰主退。 「三處下卦之極,而不疑於陽,應斯義者也。 不爲事始, 皆曰「或」,聖人不欲人之急於進也如此。三多凶,故 未定之際也。特其退也,曰「在淵」,曰「含章」。惟進則 乾」,主乎進也。 固宜静而有守,或有王事,則動而從之弗違也。 成」,謂持美以歸於君,不居其成功也。 「有終」,謂職分 人首於乾坤之三爻,其辭獨詳焉。] 〇俞氏琰曰: 无成无終,亦不可也。无成有終,臣之道也。」○胡氏 ,則當終其勞也。」○蔡氏清曰:「六陰三陽,亦有順 有事則從,不敢爲首,故曰「或從王事」也。不 「可貞」謂可貞固守之,又可以常久而 坤六四陰居陰,故曰「括囊」,主乎退 乾九三陽居陽,故曰「乾 爲臣之道,當含晦其章 集説王氏弼曰 故曰 「含章可 「坤道 无 聖 退

與。」
其代君以終事而不爲始也。是即安於「後得主」之貞者「乃終有慶」之意。」○陸氏振奇曰:「其不敢專成者,正「乃終有慶」之意。」○陸氏振奇曰:「其不敢專成者,正而健之意,故「无成有終」,亦「先迷後得」,「東北喪朋」,

六四,括囊,无咎,无譽。

囊口之結括,則「无咎,无譽」。」 中文結話,則「无咎而亦无譽矣。 六四重陰不中,故其象 造經如是,則无咎而亦无譽矣。 六四重陰不中,故其象 造經之地也。若晦藏其知,如括結囊口而不露,則可得 危疑之地也。若晦藏其知,如括結囊口而不露,則可得 危疑之地也。若晦藏其知,如括結囊口而不露,則可得 是之也,而无相得之義,乃上下閉隔之時,其自處以正, 是之也。 不然則有害也。 既晦藏則「无譽」矣。 集説 可之位。 翕,閉也,是天地否閉之時,賢人乃隱,不可衒 其才知也。」〇俞氏琰曰:「咎致罪,譽致疑,唯能謹密如 其才知也。」〇俞氏琰曰:「咎致罪,譽致疑,唯能謹密如 其才知也。」〇俞氏琰曰:「咎致罪,譽致疑,唯能謹密如 其才知也。」〇俞氏琰曰:「咎致罪,譽致疑,唯能謹密如 其才知也。」〇俞氏琰曰:「咎致罪,譽致疑,唯能謹密如 其才知也。」〇俞氏琰曰:「咎致罪,譽致疑,唯能謹密如 其才知也。」〇俞氏琰曰:「咎致罪,譽致疑,唯能謹密如 其才知也。」〇俞氏琰曰:「咎致罪,譽致疑,唯能謹密如 其才知也。」〇俞氏琰曰:「咎致罪,譽致疑,唯能謹密如 其才知也。」〇命氏琰曰:「咎致罪,譽致疑,唯能謹密如

六五,黄裳,元吉。

占者德必如是,則其占亦如是矣。《春秋傳》南蒯將叛,充諸内而見於外,故其象如此,而其占爲大善之吉也。本義黄,中色。裳,下飾。六五以陰居尊,中順之德,

辨也。 元吉」。 也? 位 然必敗。 筮得此爻,以爲大吉,子服惠伯曰:「忠信之事則可,不 言也。 明,或爲暗弱,在坤則爲居尊位。 尊爲天下大凶可知。 而居下則「元吉」,謂守其分也。元,大而善也。 後蒯果敗,此可以見占法矣。 中不忠,不得其色,下不共,不得其飾,事不善,不得其 職、故云【黄裳元吉」。 武氏是也,非常之變,不可言也。 臣居尊位、羿、莽是也,猶可言也。 言守中居下則元吉,不盡發其義也。 臣道,五居尊位,是臣之極貴者也。 集説孔氏穎達曰:「黄是中之色,裳是下之飾。 ,故爲之戒云「黄裳,元吉。」黄,中色,裳,下服。 且夫《易》不可以占險,三者有闕,筮雖當,未也。」 曰:廢興,理之常也,以陰居尊位,非常之變也。 或疑在《革》湯武之事猶盡言之,獨於此不言,何 五,尊位也。 黄,中之色也,裳,下之飾也, 外强内温,忠也; 在它卦六居五,或爲柔順,或爲文 後之人未達,則此義晦矣,不得不 元,大也。 和以率貞,信也,故曰「黄裳 程傳坤雖臣道,五實君 故有黄裳之戒而不盡 陰者臣道也,婦道也 以其德能如此,故 婦居尊位,女媧氏、 黄裳既元吉,則 能以中和居於臣 元,善之長也。 爻象唯 坤 守中 爲 得 居

> 屬陰也。」 秉陰德者。 在下而有陽德者。 五,坤之地道獨以屬二。下非陽之位,故乾之九二,爲 正,陽以在上爲正。 他陰陽,自有一箇道理。」〇項氏安世曰:「陰以在下爲 自是剛健底道理。 似這箇,則無不吉。 大吉也。」〇《朱子語類》云:「「黄裳元吉」,不過是説 上之人能盡柔順之道。 黄者地之色,裳者下之服,文者坤之象,皆 上非陰之位,故坤之六五,爲在上而 坤之六五,自是柔順底道理。 這是那居中處下之道。乾之九五 故二五皆中,而乾之天德獨以屬 黄,中色。 裳,是下體之服。 各隨 能 在

上六,龍戰于野,其血玄黄。

六既極矣,復進不已則必戰,故云「戰于野」。「野」,謂如是,其凶可知。程傳陰從陽者也,然盛極則抗而争。本義陰盛之極,至與陽争,兩敗俱傷,其象如此,占者

進至於外 以戰而言,則知陰不可長,長則與陽敵矣,戒陽也。」〇 薄陽,所以戰也,故《説卦》云「戰乎乾」是也。」○李氏開 曰「于野」。 孔氏穎達曰: 胡氏炳文曰:「六爻皆陰,而上卦之上曰龍,有陽也。 曰:「主龍而言,則知陰不可亢,亢則陽必伐之,戒陰也。 曰:「曰「龍戰」,則是乾來戰,不以坤敵乾也。」○馮氏椅 茅戎」、「天王狩于河陽」,同一書法也。」 言陰與陽戰,而曰「龍戰于野」,與《春秋》「王師敗績 坤,十月卦也。 也。 陰陽相傷故「其血玄黄」。」〇侯氏行果曰: 「即《説卦》云「戰乎乾」是也,戰於卦外,故 既 乾位西北,又當十月。陰窮於亥,窮陰 敵矣,必皆傷, ,故「其 血玄黄」。 集説 不 于

用六,利永貞。

例也。以此卦純陰而居首,故發之。 乾之「用九」,用陰之道也。 變者,其占如此辭。 本義「用六」,言凡筮得陰爻者,皆用六而不用八,亦通 道 自坤而變,故不足於「元亨」云。 |永貞]矣。 ,利在常永貞固。」集説孔氏穎達曰:「言坤之所用 故戒占者以「利永貞」、即乾之「利貞」也。 蓋陰柔不能固守,變而爲陽,則能 陰道柔而難常,故「用六之 程傳坤之「用六」,猶 遇此卦而六爻俱

> 柔。 故曰「乾元用九」。 以坤承乾,蓋乾者坤之君也。」○何氏楷曰:「乾道主元 无首,是以乾人坤,蓋坤者乾之藏也。 陰小於陽,而陰之極以大終。」○顧氏憲成曰:「「用九」 貞」。安者順而不動,永者健而不息。 變卦。」〇胡氏炳文曰:「坤「安貞」,變而爲乾,則爲「永 類》云:「乾吉在「无首」,坤利在「永貞」,這只是説二用 用此衆爻之六。 「永」,長也,「貞」,正也。 坤變乾,雖柔必强。 坤 坤道主貞,故言「用六永貞」。」 是柔 順,不可 陽先於陰,而陽之極不爲首。 言長能貞正也。]〇《朱子語 純 柔,故利在「水 「用六」永貞,是 乾變坤,剛而能 貞」。

Ⅲ 坎震 上下

解也。 陰陽始交,雲雷相應而未成澤,故爲屯。 暢茂盛,則塞意亡矣。天地生萬物,屯,物之始生. 也。」萬物始生,鬱結未通,故爲盈塞於天地之間。 間者惟萬物、故受之以屯。 體言之,震始交於下,坎始交於中,陰陽相交,乃成雲雷 乾、坤之後。 程傳屯、《序卦》曰:「有天地然後萬物生焉,盈天地之 又動於險中,亦屯之義,陰陽不交則爲否,始交而 以二象言之,雲雷之興,陰陽始交也。 屯者盈也,屯者物之始生 若已成澤,則爲 至通 ,故繼

屯,元亨,利貞,勿用有攸往,利建侯。未暢則爲屯。 在時,則天下屯難未亨泰之時也。

屯。 申也。其卦以震遇坎,乾坤始交而遇險陷,故其名爲 陷,爲險,其象爲雲,爲雨,爲水。屯,六畫卦之名也,難 亨,而在險則宜守正而未可遽進。 也,物始生而未通之意,故其爲字,象屮穿地始出而 其德爲動,其象爲雷。坎一陽陷於二陰之間,故其德爲 下之屯,豈獨力所能濟? 貞固,非貞固何以濟屯。 立君者遇之則吉也。 而爲成卦之主,是能以賢下人,得民而可君之象,故筮 大亨而利於正,但未可遽有所往耳。 本義震,坎,皆三畫卦之名。 五,同人之二皆如此。」「又問"《屯》「利建侯」,此占恐 主,皆説於《彖辭下》,如《屯》之初九「利建侯」,大有之 義》取初九陽居陰下爲成卦之主,何也?1曰: 『成卦之 集説《朱子語類》云:「屯是陰陽未通之時,蹇是流行 之中有蹇滯,困則窮矣。」〇「問:「彖曰「利建侯」,而《本 震動在下,坎險在上,是能動乎險中。 程傳屯有大亨之道,而處之利在 方屯之時,未可有所往也。天 必廣資輔助,故「利建侯」也。 震一陽動於二陰之下,故 故筮得之者,其占爲 又初九陽居陰下, 能動雖可以 未

《象傳》所謂「以貴下賤」、皆是主德言、非以位言也。 又曰:「「利貞,勿用有攸往」,二句一意,故《彖傳》只解 脚時之難,蹇是中閒之難,困則終窮,而難斯甚矣。」〇 清曰:「屯、蹇雖俱訓難,而義差異。困亦不同。屯是起 侯」、下震也。震長子、「震驚百里」、皆有侯象。」○蔡氏 《易》言「利建侯」者二:《豫》「建侯」,上震也,《屯》「建 遇坎而言也。非「不利有攸往」,不可輕用以往也。 陽居陰下而爲成卦之主。「元亨」,震之動,「利貞」爲震 乾、坤交而成也。震則乾、坤之始交、故先焉。 胡氏炳文曰:「屯、蒙繼乾、坤之後,上下體有震、坎、艮 侯」,即顯卦象「利建侯」之辭爲初而發。餘卦放此。」〇 明之。如「吉无不利」,則亨利之義,「磐桓」、「班如」、 之大義,爻辭則探卦辭之所指。因六爻之象之義,析而 所謂「建侯」者乃君也。」」○趙氏汝楳曰:「卦辭總一卦 得之,則所謂「建侯」者乃己也,若是卜立君者得之,則 曰是能以賢下人,得民而可君之象。」 與《乾》卦「利見大人」同例。」曰:「然。 「利貞」。」〇又曰:「《本義》所謂「以陽下陰」,及初九之 「幾不如舍」、「小正」,皆「勿用有攸往」之義。 初之「建 若是自卜爲君者 初以一

初九,磐桓,利居貞,利建侯。

以爲侯也。 民所歸,侯之象也,故其象又如此,而占者如是,則利建 正,故其占利於「居貞」。 體,而上應陰柔險陷之爻,故有「磐桓」之象。 本義「磐桓」,難進之貌。 安能濟時之屯乎? 凡人處屯難,則鮮能守正。 之初,不磐桓而遽進,則犯難矣。 之世,居下位者也。未能便往濟屯,故「磐桓」也。 以賢下人之象,有爲民歸往之象,故《象》曰:「以貴下 居屯濟屯之道也。 類卦辭。 二具坤之德,故爲地道之爻。 賤,大得民也。」」]〇項氏安世曰:「凡卦皆有主爻,皆具 專主成卦之主而言者,周公首於此爻之辭發之。 曰「利建侯」,無可疑矣。」○胡氏炳文曰:「文王卦辭,有 本卦之德。 《朱子語類》:「問「利建侯」。 爻之義。 其曰「磐桓 如乾九五具乾之德,故爲天德之爻。 初九蓋成卦之主也。 程傳初以陽爻在下,乃剛明之才,當屯難 故取建侯之義,謂求輔助也。 居屯之世,方屯於下,所宜有助,乃 ,利居貞」,則「勿用有攸往」也。 又本成卦之主,以陽下陰,爲 屯 苟无貞固之守,則將失義, 難之初,以陽在下,又居 曰:「彖辭一句,蓋取初九 屯以初九爲主,故爻辭全 一陽居二陰之下,有 故宜居正而固其志。 然居得其 集説 坤六 針主 方屯 又 動

> 例。 也。 屯也。爻之「利居貞」、即卦辭所謂「利貞、勿用有攸往. 者,以時勢未可進而不遽進也。 不寧」,主建侯者而言,不宜緩。」〇蔡氏清曰:「「居貞」 也。爻言「磐桓」,主爲侯者而言,宜緩,卦言「利建侯而 也,爻言「利建侯」者,其人也,如初之才,利建以 震,震主初。 「利貞」。 「利建侯」,又作象看,而占在其中,如「子克家. 卦言「利建侯」者,其事也,利於建初以爲侯 磐桓」,即 「勿用 有攸 爻之「磐桓」,即卦所謂 往」。 利 居貞」,即 爲侯

六二,屯如邅如,乘馬班如,匪寇婚媾,女子

貞不字,十年乃字。

從正應而復「班如」,不能進也。 於初剛,故屯難邅回。 戒占者。 則妄求者去,正應者合,而可許矣。 爲婚媾耳。 剛,故爲所難,而邅回不進。 本義「班」,分布不進之貌。「字」,許嫁也。《禮》曰: 「女子許嫁,笄而字。」六二陰柔中正,有應於上,而乘初 程傳二以陰柔居屯之世,雖正應在上,而逼 但己守正,故不之許,至於十年,數窮理極 「如」,辭也,「乘馬」,欲行也 然初非爲寇也,乃求與己 「班」,分布之義。 爻有此象,故因以 下馬 欲

獲正應而字育矣。以女子陰柔,苟能守其志節,久必獲 所以「不字」。 苟貞固不易,至於「十年」,屯極必通,乃 故爲難也。 求,柔者剛所陵。柔當屯時,固難自濟,又爲剛陽所逼 得正,有應在上,不失義者也。 爲「班」,與馬異處也。二當屯世,雖不能 計初之德如何也。 侵逼於人,何也? 通,况君子守道不回乎。 正應也。 明在南陽,義不苟合,是爲女貞。]〇《朱子語類》云" 之世,而不失其貞也。若太公在海濱,伊尹在莘野,孔 曰:「「女子貞不字,十年乃字」,蓋以二抱節守志於艱難 爲卦,非有屯難暌隔之象,則爻義有所難通者。 案:"《易》言「匪寇婚媾」者凡三:"屯二,實四,睽上也。 體 意,「屯如邅如,乘馬班如」與「賁如皤如,白馬翰如」,文 未許嫁也,卻與婚媾之義相通。伊川説作字育之字。」 耿氏解「女子貞不字」作「許嫁笄而字」。「貞不字」者, 本義》與程《傳》説不同,學者擇而從之可也。 正 相似,其下文皆接之曰「匪寇婚媾」。 「寇」,非理而至者。 設匪逼於寇難,則往求於婚媾矣。 曰:此自據二以柔近剛而爲義,更不 《易》之取義如此。 初爲賢明剛正之人,而爲寇以 二守中正,不苟合於初 然逼近於初,陰乃陽所 集説張氏 自濟,而 然則「屯如邅 「婚媾」, 詳玩辭 然賁之 居 浚 中 舍,往吝。

則於六二言之。此亦可備一説也。 則於六二言之。此亦可備一説也。 則於六二言之。此亦可備一説也。此之「乘馬班如」者,「磐桓」、「邅如」者,下卦也,雲物班布,故言「班如」者,「磐桓」、「邅如」者,下卦也,雲物班布,故言「班與」,不過指別、乘馬班如」及「白馬翰如」謂初,言「匪寇婚媾」,不過指別於六二言之。此亦可備一説也。

六三,即鹿无虞,惟入于林中,君子幾,不如

既不足以自濟,又无應援,將安之乎? 剛,柔既不能安屯,居剛而不中正則妄動,雖貪於所求: 鹿无虞,陷入林中之象。 取窮吝而已。 人也。人山林者,必有虞人以導之。无導之者,則惟 不舍,必致羞吝。戒占者宜如是也。 曰 入於林莽中。 本義陰柔居下,不中不正,上无正應,妄行取困,爲逐 「「虞」只是虞人,六三、陰柔在下而居陽位,陰不安於 君子見事之幾微,不若舍而勿逐,往則 集説《朱子語類》:「問:「即鹿 君子見幾不如舍去,若往逐 程傳六三以柔居 如 即 鹿而无虞 无虞。] 徒 陷 耐

《易》好,近寄得來,説「鹿」當作「麓」,《象辭》當作「即 以爲「即鹿无虞」,陷人林中之象。 沙隨盛稱唐人郭 陰,則貪求妄行,不中不正,又上無正應,妄行取困 嗣親手與韓康伯注底《易》本。」然難考據。」」 无虞,何以從禽也」。 問郭據何書,曰:「渠云曾得王 一,所 輔 京 麓

六四,乘馬班如,求婚媾,往吉,无不利。 陽剛中正之君,濟時之屯,則吉而无所不利也。居公卿 乃是正應己之婚媾也。若求此陽剛之婚媾,往與共輔 濟時之屯,若能求賢以自輔,則可濟矣。初陽剛之賢, 初九守正居下,以應於己,故其占爲下求婚媾則吉也。 本義陰柔居屯,不能上進,故爲「乘馬班如」之象。 之位,己之才雖不足以濟時之屯,若能求在下之賢,親 足以濟屯,故欲進而復止,「乘馬班如」也。 程傳六四以柔順居近君之位,得於上者也。 於文當言往,不可言來。 爲往,下爲來。六四下而從初,亦謂之往者,據我適人, 而用之,何所不濟哉。 集説胡氏炳文曰:「凡爻例,上 如《需》上六「三人來」,據人適 己既不足以 而其才不 然

我,可謂之來,不可謂往也。」

九五,屯其膏,小貞吉,大貞凶。

不可大事。

其膏」。 欲驟正之,求凶之道。魯昭公、高貴鄉公之事是也,故 屯也,既膏澤有所不下,是威權不在己也。 其施爲有所不行,德澤有所不下,是「屯其膏」。 有剛明之賢爲之輔,則能濟屯矣。以其无臣也,故「屯 則雖正而不免於凶。 膏」之象。占者以處小事,則守正猶可獲吉,以處大事: 於下,衆皆歸之,九五坎體,有膏潤而不得施,爲「屯其 中,雖有六二正應,而陰柔才弱,不足以 本義九五雖以陽剛中正居尊位,然當屯之時,陷於險 人君之尊,雖屯難之世,於其名位非有損也,唯 程傳五居尊得正,而當屯時,若 濟。 威權去己而 初九 人君之 得 民

作外凶 爲不可爲於不可爲之時則凶,可無慎哉?」 典。]〇梁氏寅曰:「小 齊振刷之術,人將駭懼紛散,凶 教,簡其號令,使徐就吾之經理,❶乃可得吉。 險,德澤未加於民,下焉羣陰,蒙昧未孚,唯當寬其 時勢既失而不可以强爲也。 「吉」者,以在於其位而爲所可爲也。 ,用静吉,用作凶」者。」○趙氏汝楳曰:「我 正者,以漸而正之也。 爲可爲於可爲之時則從 孰甚焉,故新國用 大正則「凶」者,以 若驟用整 小正 方 則 在 輕 政

上六,乘馬班如,泣血漣如。

哉 ? 之時 援、居則不安、動无所之、「乘馬」欲往、復 助,則屯既極可濟矣。 窮厄之甚,至於「泣血漣如」,屯之極也。 象如此。 本義陰柔无應,處屯之終,進无所之,憂懼而 也。 坎爲血卦,又爲加憂,「泣血漣如」之象也。」 圃 程傳六以陰柔居屯之終,在險之極,而 上六陰柔無應,不離於險,是安有亨之時 集説梁氏寅曰:「屯之極,乃亨 「班如」不進 若陽剛而 已,故 无應 其 有

遂流爲説之誤。何則? 其所目爲時者,一時也,其所據以爲説者,不可易也。然沿襲之久,每局於見之拘,案:卦者時也,爻者位也,此聖經之明文,而歷代諸儒所

意 哉 ! 礙而 是。 是也。 爲初逼 但取未通之象,亦不因初之爲侯也。 之乘剛但取多難之象,初不指初之爲侯也。五之屯膏 處屯之理。 澤未可以遠施,則爲之宜以漸也。 自爲二之屯,道可以有合而時宜待也。 達此義,則初自爲初之屯,德可以有爲而時未至也。 辭,可以包天下萬世之無窮。 庶民商賈之賤,其不逢年而鈍於市者,皆屯也。 所謂時者,人人有之。如屯則士有士之屯,窮居未達者 説亦多駁雜而不概於理 所阻,五爲初所逼,遂使一卦六爻,止爲一時之用,而其 之六位,皆處於斯世,而有事於屯者也。 指爲位者,一時之位 蓋同在屯卦,則皆有屯象。 義可得矣。 君臣有君臣之屯,志未就,功未成者是也。 ,則初乃卦之大梗,而《易》爲衰世之書,豈聖人 六十四卦之理,皆當以此例觀之,庶乎辭無窒 中間以承乘比應取義者,亦虚象爾。 也。 ,此談經之敝也。 如屯則定爲多難之世,而 **豈爲一時一事設哉。** 異其所處之位,則各有 其餘三爻,義皆倣 今日二爲初阻,五 五自爲五之屯, 夫是以二爲初 蓋《易》卦之 聖人繫 甚而 凡卦 苟

「徐」,原作「隨」,今據内府本改。

0

製 良坎 上下

程傳蒙、《序卦》:「屯者盈也、屯者物之始生也、物生釋小、蒙昧未發、蒙所以次屯也。爲卦艮上生、物始生釋小、蒙昧未發、蒙所以次屯也。爲卦艮上生、物始生釋小、蒙昧未發、蒙所以次屯也。爲卦艮上生、物始生釋小,

蒙,亨,匪我求童蒙,童蒙求我,初筮告,再三

瀆,瀆則不告,利貞。

意也。 其卦以坎遇艮,山下有險,蒙之地也。 爲止,其象爲山。「蒙」,昧也。 之,我求人者,當致其精 則我當求人而亨在我。 昧,謂五也。筮者明,則人當求我而其亨在人,筮者暗 遇此卦者有亨道也。「我」,二也。「童蒙」,幼穉而蒙 之主,以剛居中,能發人之蒙者,而與六五陰陽相應,故 本義良,亦三畫卦之名。 一陽止於二陰之上,故其德 故其名爲「蒙」。「亨」以下,占辭也。 人求我者,當視其可 而扣之。 物生之初、蒙昧未明也 而明者之養蒙,與 内險外止,蒙之 九二内卦 否而應

也。 之,則其受命也如響。」〇胡氏炳文曰:「有天地即有 世曰:「待其求而後教之,則其心相應而不違,致一以導 蒙,則當盡初筮之誠,而不可有再三之瀆也。]○項氏安 也。我求人,則當致其精 我之發蒙者,有初筮之誠則告之,再三煩瀆則不告之 正,又二雖剛中,然居陰,故宜有戒。 則告之,再三則瀆慢矣,故不告也。 於我也。「筮」,占決也。「初筮告」,謂至誠一意以求己 己而後應之,則能用其道。匪我求於童蒙,乃童蒙來求 剛中之德在下,爲君所信嚮,當以道自守,待君至誠求 二爲正應,而中德又同,能用二之道以發其蒙也。二以 蒙,童蒙求我」,五居尊位,有柔順之德,而方在童蒙,與 順巽於二,二乃「發蒙」者也,故主二而言。 主,而九二「發蒙」者也。「我」謂二也,二非蒙主,五 理,亨之義也。 蒙者之自養,又皆利於以 師,乾坤之後繼以屯,主震之一陽而曰「利建侯」,君道 云"「人來求我,我則當視其可否而告之。 又繼以蒙主坎之一陽而曰「童蒙求我」,師 卦才時中,乃致亨之道。 正也。 一以叩之,蓋我而求人以發 程傳「蒙」有開發之 發蒙之道,利以貞 集説《朱子語》 六五爲蒙之 蓋視其來求 「匪我求童 類 既 君

深, 得其來而使之信。 我告猶」之義同。 濱神」之「濱」同。 「不告」,與《詩・小旻》 「我龜既厭,不 君師之道皆利於貞。」〇俞氏琰曰:「「瀆」,與《少儀》「毋 啟而即通矣。 勤,安能警其惰而使之聽。 ○林氏希元曰:「童蒙不我求,則無好問願學之心,安能 瀆,故不告。 一投而即人矣。待其誠至而發之,則求道之切,一 蓋童蒙之求師,與人之求神,其道 此蒙者所以得亨也。」 我求而誠或未至,則無專心致志之 初筮則其志專一,故告。 待其我求而發之,則相信之 再三則煩 世。

初六,發蒙,利用刑人,用説桎梏,以往,吝。 化行。 發之之道,當痛懲而暫舍之,以觀其後。 治,設刑罰以齊其衆,明教化以善其俗,刑罰立而 禁以示之,使之知畏,然後從而教導之。 下,下民之蒙也。爻言發之之道,發下民之蒙,當明刑 舍,則致羞吝矣。戒占者當如是也。 本義以陰居下,蒙之甚也。 占者遇此,當發其蒙。 蒙之「桎 梏」。 始,立法居先。 雖聖人尚德而不尚刑,未嘗偏廢也。 「桎梏」謂 治蒙之初,威之以刑者,所以説去其昏 拘束也。 不 程傳初以陰暗居 去其昏蒙之「桎 自古聖王爲 若遂往 故爲政之 後 而 然 教 不

> 梏」,暫舍之以觀其後也。痛懲而不暫舍,一於嚴以往 也。」〇胡氏炳文曰:「「利用刑人」,痛懲之也。 「用説桎 於發蒙之初,「用刑人」則以爲利,「用説桎梏」則以爲吝 其桎梏,而不豫以禁之,則過此以往,不可復制矣。 爲,然後漸知善道,可得而化之也。 戾,而豫以禁之,使蒙蔽者知所戒懼,欲有所縱而不敢 小,而「用説桎梏」,縱之以往,則吝道也。」〇王氏宗傳 懲之於小,則蒙之難極矣。 故以往則可吝。 蒙雖畏而終不能發,苟免而无耻,治化不可得 而革其非心,則可以移風易俗矣。 亦當畏威以從,不敢肆其昏蒙之欲。 梏」,則善教无由而入。既以刑禁率之,雖使心未能 是不知有敬敷五教在寬之道也,故吝。」 曰:「所謂「刑人」者,正其法以示之,立其防束,曉其罪 集説王氏安石曰:「不辨之於蚤,不 當蒙之初,不能正法以懲其 苟專用刑以爲治,則 當是時也,夫苟說 然後漸能 知善道 而成矣 喻 故

是一正一反口氣,正如「師出以律,失律凶」之比爾。案:二王氏之説,則「利用刑人,用説桎梏,以往,吝」,只

九二,包蒙吉,納婦吉,子克家。

本義九二以陽剛爲內卦之主,統治羣陰,當發蒙之任

者。 中德又同,當時之任者也。 容也。二居蒙之世,有剛明之才,而與六五之君相應, 者有其德而當其事,則如是而「吉」也。 之象。又居下位而能任上事,爲「子克家」之象。故占 剛而不過,爲能有所包容之象。 則其德不弘。故雖婦人之柔闇,尚當納其所善,則其明 能發天下之蒙,成治蒙之功。 之功,乃人子克治其家也。 及也,尚曰「清問下民」,取人爲善也。二能包納,則克 廣矣。又以諸爻皆陰,故云「婦」。 堯舜之聖,天下所莫 而應於五,用於時而獨明者也。苟恃其明,專於自任, 二,二匪求五,乃曰「子克家」,何也? 功,皆在於二。以家言之,五,父也,二,子也,二能主蒙 濟其君之事,猶子能治其家也。 也。 非功也。」〇王氏申子曰:「「包蒙」者,包衆蒙而爲之主 父,正使致君如伊、周,亦臣子分内事,如子之克家耳 吉也。 然所治既廣,物性不齊,不可一 「納婦」者,受衆陰而爲之歸也。此通一卦而言也。 卦唯二陽爻,上九剛而過,唯九二有剛中之德 必廣其含容,哀矜昏愚,則 集説楊氏萬里曰:「五求 其道廣,其施博,如是則 又以陽受陰,爲「納婦」 五既陰柔,故發蒙之 概取必。 臣事君,如子事 程傳「包」,含 而爻之德

> 是,吉可知矣。」 也。居下任事,爲子能克家,言其才之有爲也。其占如 量之有容也。 之道,非九二其誰哉? 二中而不過,爲能「包蒙」,言其 剛居中,爲内卦之主,與五相應。 暗,故陰爲蒙者,而陽爲發蒙者。 陽爻,而九二爲治蒙之主。」○梁氏寅曰:「陽剛明,陰柔 五,尊也,父也。 「子克家」之象也,此以應五而言也。」○胡氏炳文曰: ·初爻統説治蒙之理,餘三、四、五皆是蒙者,治蒙只在 以陽受陰,是爲「納婦」,言其志之相得 二,卑也,子也。 當發蒙之任、盡發蒙 卦唯二陽,而九二以 處卑而 任尊者之事,

六三,勿用取女,見金夫,不有躬,无攸利。

本義六三陰柔,不中不正,女之「見金夫」而不能有其本義六三陰柔,不中不正,女之写動者也,无程傳三以陰柔處蒙蘭,不中不正,女之妄動者也。正程,不能遠從,近見九二爲羣蒙所歸,得時之盛,故應在上,不能遠從,近見九二爲羣蒙所歸,得時之盛,故應在上,不能遠從,近見九二爲羣蒙所歸,得時之盛,故應在上,不能遠從,近見九二爲羣蒙所歸,得時之盛,故應在上,不能遠從,近見九二爲羣蒙所歸,得時之盛,故意,乃見人之多金,説而從之,不能保有其身者也,不義六三陰柔,不中不正,女之「見金夫」而不能有其本義六三陰柔,不中不正,女之「見金夫」而不能有其本義六三陰柔,不中不正,女之「見金夫」而不能有其本

義也。 體,正行以待命者也。 晦求於明。六三在下卦之上,上九在上卦之上,男女之 問學而蒙者,四是也。 故亨蒙非一術。 用取女」而「无攸利」。」〇趙氏汝楳曰:「人致蒙者多端 之,教亦多術,勿取非絶之,不屑之教也。]〇林氏希元 三則自我致蒙,聖人戒之曰「勿用取女」。或發之,或擊 曰:「六三又别取一義,意因二爻取納婦一事,故發此 上不求三,而三求上,女先求男者也。女之爲 有不被教育而蒙者,初是也。 有性質未開而蒙者,五是也。 見剛夫而求之,行在不順,故「勿 有不能 如

蒙之主,若三能從之,正合彖辭「童蒙求我」之義,不 案:「金夫」本義不黏爻象,程《傳》以爲九二。 凶,王氏之説近是。 謂之不順。 蓋《易》例陰爻居下體而有求於上位者皆 然九二發 應

六四,困蒙,吝。

四以陰柔而蒙闇,无剛明之親援,无由自發其蒙,困 可羞吝也。 昏蒙者也,其可吝甚矣。 「吝」,不足也,謂可少也。 本義既遠於陽,又無正應,爲困於蒙之象。 占者如是, 能求剛明之德而親近之,則可免矣。 程 傳 集 於

> 所比所應所居皆陰,困於蒙者也。 上之陽,初、三、五皆陽位,而三、五又皆與陽應,惟六四 故曰「吝」也。」○胡氏炳文曰:「初與三比二之陽,五比 [困蒙] 也。 説 王氏弼曰:「獨遠於陽,處兩陰之中,闇莫之發,故曰 困於蒙昧,不能比賢以發其志,亦以鄙矣, 蒙豈有不可教者?

六五,童蒙,吉。

不能親師取友,其困而吝也,自取之也。」

已,此之童蒙,言其有柔中之善,純一之心。 蒙」字與卦辭 其吉可知。」○蔡氏清曰:「柔中居尊,純 一未發,此「童 也。 童蒙純一未發以聽於人,居尊位而能以童蒙自處, 所主在二,卦曰「童蒙求我」,而爻於五言之,五應二者 文曰:「屯所主在初,卦曰「利建侯」,而爻於初言之。蒙 續曰:「六五陰爻,又體艮少男,故曰「童蒙」。」○胡氏炳 苟能至誠任賢以成其功,何異乎出於己也。 之蒙,故「吉」也。童,取未發而資於人也。爲人君者, 君位,下應於二,以柔中之德,任剛明之才,足以治天下 象爲「童蒙」,而其占爲如是則吉也。 本義柔中居尊,下應九二,純 「童蒙」字小不同。 一未發,以聽於人,故其 蓋卦辭只是説蒙昧而 程傳五以柔順居 純則不雜 集説陸氏

其志同矣。』實《易》爻之通例。」 其志同矣。』實《易》爻之通例。」 其志同矣。』實《易》爻之通例。」 以六居五、九居二爲不當位,而辭多吉。蓋君以剛與,以六居五、九居二爲不當位,而辭多吉。蓋君以剛與,以六居五、九居二爲不當位,而辭多吉。蓋君以剛與,以六居五、九居二爲不當位,而辭多古。蓋君以剛與,以六居五、九居二爲不當位,而辭多古。蓋君安己之心,而無自用之失,有「初筮」之一則不二。蓋有安己之心,而無自用之失,有「初筮」之

上九,擊蒙,不利爲寇,利禦寇。

也。 之。然九居上,剛極而不中,故戒「不利爲寇」,治人之 時,人之愚蒙既極,如苗民之不率,爲寇爲亂者,當擊伐 皆然,不止爲誨人也。 本義以剛居上,治蒙過剛,故爲「擊蒙」之象。 寇者而已,去其悖道之心而已。擊之至於太甚,而我反 周公之誅三監,「禦寇」也。 蒙,乃「禦寇」也。肆爲剛暴,乃爲寇也,若舜之征有苗 太過,攻治太深,則必反爲之害。 ,則雖過於嚴密,乃爲得宜。 集説楊氏簡曰:「擊其蒙,治之雖甚,不過禦其爲 程傳九居蒙之終,是當蒙極之 秦皇漢武窮兵誅伐,「爲寇 故戒占者如此,凡事 惟捍其外誘,以全其 然取必

也乃擊之,治之以猛者也。」於蒙也能包之,治之以寬者也。上九剛極不中,其於蒙窓」。」〇昊氏澄曰:「二剛皆治蒙者,九二剛而得中,其失乎道,是擊之者又爲寇也,故戒之曰「不利爲寇,利禦失乎道,是擊之者又爲寇也,故戒之曰「不利爲寇,利禦

總論項氏安世曰:「六爻之義,初常對上,二常對五,總論項氏安世曰:「六爻之義,初常對上,二常對五, 經論項氏安世曰:「六爻之義,初常對上,二常對五, 經論項氏安世曰:「六爻之義,初常對上,二常對五, 經論項氏安世曰:「六爻之義,初常對上,二常對五, 總論項氏安世曰:「六爻之義,初常對上,二常對五, 總論項氏安世曰:「六爻之義,初常對上,二常對五, 總論項氏安世曰:「六爻之義,初常對上,二常對五, 總論項氏安世曰:「六爻之義,初常對上,二常對五,

≝ 坎乾 上下

待養而成,養物之所需者飲食也,故曰「需者飲食之道」養也,故受之以需。」需者飲食之道也。 夫物之幼穉,必程傳需,《序卦》:「蒙者蒙也,物之穉也。 物穉不可不

之下,險爲之阻,故須待而後進也。
卦》取所須之大者耳。乾健之性,必進者也,乃處坎險卦》取所須之大者耳。乾健之性,必進者也,乃處坎險爲飲食之道,所以次蒙也。卦之大意,須待之義,《序也。雲上於天,有蒸潤之象,飲食所以潤益於物,故需

需,有孚,光亨,貞吉,利涉大川。

之象。 卦九五以坎體中實,陽剛中正,而居尊位,爲有孚得 不遽進以陷於險,待之義也。「孚」,信之在中者也。 本義「需」,待也。 以卦才言之,五居君位,爲需之主,有剛 之,乾之剛健上進 不欲速而犯難也。 而「利涉大川」,正固无所不利,而涉川尤貴於能待,則 占者爲有所待而能有信,則「光亨」矣。若又得正則吉, 得貞正而吉也。 誠信充實於中。 意。 者,當辨也。 利涉大川」也。凡貞吉,有既正且吉者,有得 坎水在前,乾健臨之,將涉水而不輕進之象。 剛遇險,時節如此,只得寧耐以待之。 集説《朱子語類》云:「「需」者,寧耐之 中實,有孚也。 以此而需,何所不濟。 而遇險,未能進也,故爲需待之義。 以乾遇坎,乾健坎險,以剛遇險,而 程傳「需」者,須待也。 有孚則 雖險无難矣,故 光明而能亨通 健中正之德,而 以二體言 且如涉川 正則吉 故 Œ 其

有 ? 非所樂,其待也未必出於中誠,不免於急迫覬望之意, 前不可成者,其勢不容於不待。 希元曰:「凡人作事,皆責成於目前,其間多有阻礙而 實,而處事或有未正者,故曰「孚」,又曰「貞」。」〇林氏 故曰「利涉大川」。「有孚,光亨,貞吉」者,需之道也 終之,故曰「貞吉」。信能行此,則其待不虚,其進不溺 之,但能少待,必有「光亨」之理。若其無之,何待之 待而後進也。 川」。」〇項氏安世曰:「需非終不進也,抱實而遇險,有 者,多以不能寧耐致覆溺之禍,故《需》卦首言[利涉大 於正,則將來亦未必可成,必也所需之事,皆出於正,而 滯礙,不亦光明豁達乎! 出於真實而非虛假矣,如此則心逸日休,胸襟洒落而 義命,從容以待機會,而不切切焉以厚覬望,則其待也 故聖人特發「有孚」之義。 如此則懷抱不開,胸中許多暗昧抑塞,而不光明豁達 無光且亨之時,需而非正,無吉且利之理。 無行險僥倖之爲,則功深而效得,時 「利涉大川」者,需之效也。」○胡氏炳文曰: 故曰「需有孚光亨」。光亨者不可以盈,必敬慎以 凡待者,皆以其中有可待之實也,我實有 蓋遇事勢之未可爲,即安於 然使心安於需,而事或未出 然不容不待者,其心多 動 而事起,向者之 世有心雖 「需而無實 無 誠

所需,而今皆就緒矣,故吉。」

初九,需于郊,利用恒,无咎。

故待於郊。「郊」者、境上之地、去水遠也。「恒」、常也。 過 程傳需者以遇險,故需而後進。 又有能常於其所之象,故戒占者能如是則「无咎」也。 本義「郊」,曠遠之地,未近於險之象也。 下,最遠於險,故爲「需於郊」之象。「郊」,荒遠之地也, 梁氏寅曰:「需下三爻,以去險遠近爲吉凶。初以陽處 遠難待時,以避其害,故宜保守其常,所以「无咎」。」〇 則「无咎」也。 於郊」。「郊」,曠遠之地也。 而君子安處焉,故云「利用恒」。」 也。 集説孔氏穎達曰:「難在於坎,初九去難既遠, 不能安常,則躁動犯難,豈能需於遠而无 處於曠遠,利在安守其常 初最遠於險,故爲「需 而初九陽剛,

九二,需于沙,小有言,終吉。

是也。 進近坎,故有此象。 本義「沙」,則近於險矣。 言語之傷,亦災害之小者,漸 「需于沙」。漸近於險難,雖未至於患害,已「小有言」 程傳坎爲水,水近則有沙。 剛中能需,故得終吉,戒占者當如 二去險漸近,故爲

如此。」

吉。」 矣。 辭,九二以剛居柔,寬而得中, 中以待要會,終得其吉也。」〇胡氏炳文曰:「初最遠坎, 水旁之地,去水漸近,故難稍近而[小有言],但履健居 而无大害,終得其吉也。 需之善也。 傷,至小者也。 占1者,初九以剛居剛,恐其躁急,故雖遠險,猶有戒 「利用恒」乃无咎。 九二漸近坎,「小有言」矣,而曰 「終 凡患難之辭,大小有殊。 雖去險漸近,而未至於險,故小有言語之傷 二以剛陽之才,而居柔守中,寬裕自處 集説孔氏穎達曰:「「沙」是 小者至於有言,言語之 故雖近險而不害其爲

九三、需于泥、致寇至。

剛用剛而進逼之,是招致寇難之至也。」〇龔氏焕曰: 進逼於險,當致寇難之至也。 近而過剛不中,故其象如此。 集説 王氏申子曰:「『泥』則切近水矣,險已近,而又以 上,有進動之象,故「致寇」也。 本義泥將陷於險矣。「寇」,則害之大者。 九三去陷愈 郊、沙、泥之象,視坎水遠近而爲言者也、《易》之取象 三剛而不中,又居健體之 程傳「泥」,逼於水也,既 苟非敬慎,則致喪敗矣。

御纂周易折中卷一

六四,需于血,出自穴。

以剛競於險,適足以致凶耳。 非能競者也,若陽居之,則必凶矣。 順以從時,不競於險難,所以不至於凶也。 能安處,必失其居,故云「出自穴」。「穴」,物之所安也。 進,傷於險難者也,故云「需于血」。 終得出也。 不進,故又爲「出自穴」之象。 占者如是,則雖在傷地而 體,人乎險矣,故爲「需於血」之象。然柔得其正,需而 本義「血」者,殺傷之地。「穴」者,險陷之所。四交坎 剛之需,猶乾之健而知險也,柔之需,猶坤之簡而 啟新曰: 安不得,柔得正了,需而不進,故能出於坎陷。二〇楊氏 問:「程《傳》釋穴物之所安。」曰:「穴是陷處,唤作所 「剛者能需,柔亦能需,何也? 程傳四以陰柔之質處於險,而下當三陽之 集 説《朱子語類》: 既傷於險難,則不 蓋無中正之德,徒 剛柔皆有善惡。 以柔居陰 知阻

九五,需于酒食,貞吉。

也。

需於尊位,故有此象。占者如是而貞固,則得吉也。本義「酒食」,宴樂之具,言安以待之。九五陽剛中正,

吉。

食云哉? 險而不陷,中自持也。」 程傳五以陽剛居中得正,位乎天位,克盡其道矣。以程傳五以陽剛居中得正,位乎天位,克盡其道矣。以 是宴樂」,爻曰「需於酒食」。以治道言,使斯民樂其樂問。「《繁辭》曰「需者,飲食之道也」、《象》曰「君子以飲既得貞正而所需必遂,可謂「吉」矣。 集説 鄭氏維嶽既得真正的需不獲? 故宴安酒食以俟之,所須必得也。此而需,何需不獲? 故宴安酒食以俟之,所須必得也。此而需,何需不獲? 故宴安酒食以俟之,所須必得也。

上六,人于穴,有不速之客三人來,敬之終來。對惟九五剛健中正以居尊位,是能盡需之道者,故弊。對惟九五剛健中正以居尊位,是能盡需之道者,故外。對惟九五剛健中正以居尊位,是能盡需之道者,故外。對惟九五剛健中正以居尊位,是能盡需之道者,故外。對惟九五剛健中正以居尊位,是能盡需之道者,故以諸交處險之偏乎一義者概之,則需與蹇、困何異哉,而及爻辭,以蔽需義之全。蓋繼屯、蒙之後,既治且教,而及爻辭,以蔽需義之全。蓋繼屯、蒙之後,既治且教,而及爻辭,以蔽需義之全。蓋繼屯、蒙之後,既治且教,而及爻辭,以離至之之義,但以諸爻處險之偏乎一義者概之,則需與之人於正助之次。

本義陰居險極,无復有需,有陷而人穴之象。下應九

前,需 非意之來,敬以待之,則得「終吉」也。 不能禦而能順之,有「敬之」之象。占者當陷險中,然於 三,九三與下二陽需極並進,爲「不速客三人」之象。 也。 也。 之象。 之象。 誠盡敬以待之,雖甚剛暴,豈有侵陵之理? 故「終吉. 六既需得其安處,羣剛之來,苟不起忌疾忿競之心,至 極,久而得矣。 四柔正能需,猶可出于險,故曰出者,許其將然也。 陰皆有穴象。 三陽非皆與上應也,有「不速」之象。 上柔順,有「敬之」 則「吉」也。 志在上進,六陰位,非所止之正,故無争奪之意,「敬之」 人」,謂下之三陽。 「穴」,所安也。 六柔而當險之終,無復能需,惟人於險而已,故曰[人] 需既極矣,故皆上進。不速,不促之而自來也。 或疑以陰居三陽之上,得爲安乎? 時而後進。 「速」者,主召客之辭。「三人」,乾三陽之象。 上獨不言需,險之極無復有需也。 集説胡氏炳文曰:「「人于穴」,險極而陷 四出自穴,而上則「入于穴」,何哉? 陰止於六,乃安其處,故爲「人於穴」。 安而既 上六居險之終,終則變矣。 乾之三陽,非在下之物,需時而進者 止,後者必至。 程傳需以險在 曰:三陽乾體 「不速之客三 外卦險體,二 在需 下 上 六 上 柔

示之以敬,則知處需者貴敬也。」曰:「三居下卦之終,而示之以敬,上居上卦之終,而又之客三人來,敬之終吉」,處横逆之道也。」○谷氏家杰之客三人來,敬之終吉」,處横逆之道也。」○谷氏家杰者,言其已然也。然雖已人於險,非意之來,「敬之終者,言其已然也。然雖已人於險,非意之來,「敬之終

敬,皆可以免禍,需之時義大矣。」

敬,皆可以免禍,需之時義大矣。」

敬,皆可以免禍,需之時義大矣。」

敬,皆可以免禍,需之時義大矣。」

敬,皆可以免禍,需之時義大矣。」

敬,皆可以免禍,需之時義大矣。」

敬,皆可以免禍,需之時義大矣。」

載 乾坎 上下

能无訟乎? 又人内險阻而外剛强,所以訟也。 儒者飲食,既有所須,争訟所由起也,訟所以次需也。 儒者飲食,既有所須,争訟所由起也,訟所以次需也。 需者飲食,既有所須,争訟所由起也,訟所以次需也。

訟,有孚窒,惕中吉,終凶,利見大人,不利涉

大川。

有争辨之事,而隨其所處爲吉凶也。程傳訟之道,必剛乘險以實履陷,有「不利涉大川」之象。故戒占者必變自遯而來,爲剛來居二而當下卦之中,有「有孚」而見望」,能懼而得中之象。上九過剛居訟之極,有終極其下,下險以伺其上,又爲内險而外健,又爲加憂,且於卦皆訟之愈。九五剛健中正以居尊位,有「大人」之象。以訟之象。九五剛健中正以居尊位,有「大人」之象。以訟之象。九五剛健中正以居尊位,有「大人」之象。以訟之象。九五剛健中正以居尊位,有「大人」之象。以訟之象。九五剛健中正以居尊位,有「大人」之象。以訟之象。九五剛疾,其剛攻險,上剛以制其本義,[訟」,争辨也。上乾下坎,乾剛坎險,上剛以制其本義,[訟」,争辨也。上乾下坎,乾剛坎險,上剛以制其

利見於大人。大人則能以其剛明中正决所訟也。訟非「有孚」,亦須室塞未通。不窒則已明无訟矣。事既未實,爲「有孚」之象。「訟」者,與人争辨而待决於人,雖實,爲「有孚」之象。「訟」者,與人争辨而待决於人,雖有其孚實。中无其實,乃是誣妄,凶之道也。卦之中

凡訟之體,不可妄興,必有信實,被物止塞,而能惕懼,川」也。集說孔氏穎達曰:「「窒」,塞也。「惕」,懼也。和平之事,當擇安地而處,不可陷於危險,故「不利涉大利」,

中道

丽

止,乃得吉也。

「終凶」者,訟不可長。

若終竟訟

[纂周易折中卷

事,雖 取以剛乘險,以實履陷之象。 爲加憂之象,「終凶」,蓋取上九終極於訟之象,「利見 取義不一,如《訟》「有孚窒惕中吉」,蓋取九二中實,坎 欲濟涉險難,必不可得。」○《朱子語類》云:「大凡卦辭 和同,則可得而濟也。 然雖己有信實,而爲人之窒塞,亦須恐懼兢慎而不敢自 訟,必有由中之信而爲他人之所窒塞,不得已而興訟。 涉大川」。」○胡氏瑗曰:「「孚」者,由中之信。 大人」,蓋取九五剛健中正居尊之象,『不利涉大川』,又 川」,謂大險大難也。 安,則庶幾免於凶禍,又中道而止,則可以獲吉也。 『大 利見大人」。 復窒惕,亦有 若以訟而往涉危難,必有禍患,故「不利 凶 凡歷險涉難,必須物情相協,志氣 也。 今訟之時,物情違忤而不相得! 物 此取義不一也,然亦有不 既 有訟,須大人决之,故 人所以興

初六,不永所事,小有言,終吉。

之道利在同心,此豈相争之時哉!」爲之辨明如仲由,皆訟者之利也。「

辭不同者。」○項氏安世曰:「「利見大人」,或不與之校

如直不疑,或爲之和解如卓茂,或使其心化如王烈,或

「不利涉大川」, 涉入 取諸爻義,皆與爻中本辭協。必如此取者,此特其一例也。

卦辭如此辭極齊整,蓋所

亦有雖取爻義,而與爻本

六七

和,陰非先唱者也。 訟不可終,故「不永所事」,然後乃「吉」。凡陽唱而 至於凶,乃訟之[吉]也。 吉矣。以上有應援,而能不永其事,故雖「小有言」, 才,爲之戒曰: 若不長永其事,則雖「小有言」,「終」得 以柔弱居下,不能終極其訟者也,故於訟之初,因六之 本義陰柔居下,不能終訟,故其象占如此。 事」,故「終吉」。」○胡氏炳文曰:「初不曰「不永訟」,而 所事」之象。訟之初未深,「小有言」而已,既「不永其 而必辨明也。」〇楊氏簡曰:「訟之初,不深也,有「不永 「吉」也。 蓋訟非可長之事,以陰柔之才而訟於下,難以 有言」,我不能已而小有言也。」 曰「不永所事」,事之初,猶冀其不成訟也。「小有言」與 需不同。《需》「小有言」,人不能不小有言也。此之「小 終」得「吉」也。「有言」,災之小者也。不永其事而不 處訟之始,不爲訟先,雖不能不訟 集説王氏弼曰:「處訟之始, 程傳 陰 六

如此。「邑人三百户」,邑之小者。言自處卑約以免災本義九二陽剛爲險之主,本欲訟者也。然以剛居柔,九二,不克訟,歸而逋,其邑人三百户,无眚。

説荀氏爽曰:「二者,下體之君,君不争,則百姓無害 乎?「眚」,過也,處不當也,與知惡而爲有分也。 俞氏則以爲所居之邑,託以安居,義亦可從, 案"「三百户无眚」、《傳》、《義》皆用王氏説,荀氏、項氏 己者皆無連坐之患,故曰「其邑人三百户,无眚」。」 曰:「九二以剛居柔,故不克訟。「逋」,逃也。 百家受害,言三百户「无眚」,見安者之衆也。」○俞氏琰 百,竄而據强,災未免也。」〇項氏安世曰:「一家好訟則 其不克。若能以懼,歸竄其邑,乃可以免災。邑過三 也。」〇王氏弼曰:「以剛處訟,不能下物,自下訟上,宜 百户」,邑之至小者,若處强大,是猶競也,能「无眚」 約自處,則得无過告也。 訟而義不克也。若能知其義之不可,退歸而逋避,以寡 主,乃與五爲敵。五以中正處君位,其可敵乎? 剛不相與,相訟者也。九二自外來,以剛處險,爲訟之 患,占者如是,則「无眚」矣。 必逋者,避爲敵之地也。 [三 程傳二五相應之地,而兩 既逋則近 是爲

者,故守舊居正,則雖危而終吉。然或出而從上之事,本義「食」,猶食邑之食,言所享也。六三陰柔,非能訟六三,食舊德貞,厲終吉,或從王事,无成。

也。 則終必獲吉也。 則亦必无成功。 氏翻曰:「道无成而代有終,故曰「无成」。 吉,四亦以不克而渝得吉,訟以能止爲善也。 永,三則從上,皆非能訟者也。二爻皆以陰柔不終而得 成」,謂從上而成不在己也。 險而承乘皆剛,與居訟之時也,柔從剛者也,下從上者 「貞」,謂堅固自守。 爲訟者 居剛而應上,然質本陰柔,處險而介二剛之閒,危懼非 訟也。荷知柔而不喜訟者終吉,則知剛而好訟 守其本位本禄而已,故獲其[吉]也。]〇徐氏幾曰: 也。」〇胡氏瑗曰:「「无成」者,不敢居其成,但從王事, 起於矜功而伐善。 以成功自居也。 矣。」〇李氏簡曰:「「或從王事无成」者,謂從王事而不 自居,故能不失「舊德」,而終又獲吉也。」○胡氏炳文 人於初三兩柔爻,皆繫之以「終吉」之辭,所以勉人之無 三不爲訟 也。 「禄」者,稱德而受,食舊德謂處其 而從上九所爲,故曰 守素分而无求,則不訟矣。 占者守常而不出 夫訟生於其行之相違,而天下之訟,又 以柔而從剛,以下而從上,有功而不 「厲終吉」,謂雖處危地,能知危懼: 訟者剛健之事,故初則不 ,則善也。 「或從王事 處危,謂在 程 坤三 集説 傳 出者終凶 (素分。 同 Ξ 元 聖 義 虞 雖

競之心亦訟也。」附録徐氏幾曰:「「王事」即訟事、「无寒、過其位、毋位過其德。食必稱德而食、故寧德淨於。」「食」,猶食邑之食。九二「邑人三百食、毋食浮於德。「食」,猶食邑之食。九二「邑人三百食、毋食浮於德。「食」,猶食邑之食。九二「邑人三百年,是不與人競利也。「或從王事」者,分之所不得越,是不與人競功也。蓋不必告託之風,乃謂之訟,一有争是不與人競功也。蓋不必告託之風,乃謂之訟,一有多學德過其位,毋位過其德。食必稱德而食,故寧德浮於曰:「「食舊德」,與「位乎天德」語同。位必稱德而居,故曰:「「食舊德」,與「位乎天德」語同。位必稱德而居,故曰:「「食舊德」,與「位乎天德」語同。位必稱德而居,故曰:「「食舊德」,與「位乎天德」語同。位必稱德而居,故

成』即《彖》之「訟不可成也」。」

解,亦可備一説。義》相参,而楊氏尤爲明暢也。徐氏即以「訟不可成」爲文,大同小異,不應其義差殊,故諸家之説,可以與《本案:《本義》是戒人以不可從王事也,但此爻與坤三之案:《本義》是戒人以不可從王事也,但此爻與坤三之

九四,不克訟,復即命,渝安貞,吉。

四以 變其心,安,處於正之象。 中,故有訟象,以其居柔,故又爲不克而復就正理。 本義「即」,就也。 陽剛而居健體,不得中正,本爲訟者 命,正理也。 占者知是則 渝,變也。 「吉」也。 也,承五履三 九四剛 程 膩 渝 傳 不

即就於命,革其心,平其氣,變而爲安貞,則「吉」矣。 爲能止之義。既義不克訟,若能克其剛忿欲訟之心,復 初正應而順從,非與訟者也。 而 其不安貞爲「安貞」,則「吉」矣。 安貞,所以好訟也。若義不克訟而不訟,反就正理,變 剛健而不中正則躁動,故不安。處非中正,故不貞。不 順也。《書》云「方命圮族」,《孟子》曰「方命虐民」。夫 敵,其訟无由而興,故「不克訟」也。 「命」,謂正理,失正理爲方命,故以即命爲復也。 方,不 應初。 五,君也。 義不克訟,三居下而柔,不與之訟 四雖剛健欲訟,无與對 集説襲氏原曰:「二 又居柔以應柔,亦

以人力争訟。今不訟而即於命,變而安於貞,吉之道簡曰:「九剛四柔,有始訟終退之象。人惟不安於命,故可,故復而即命。二、四皆剛居柔,故能如此。」〇楊氏可,故復而即命。二、四皆剛居柔,故能如此。」〇楊氏克」者,蓋二以下訟上,其不克者勢也。四以上訟下,其與五訟,四與初訟,其與爲敵者强弱不同,而皆曰「不與五訟,四與初訟,其與爲敵者强弱不同,而皆曰「不

九五、訟元吉。

也。

本義陽剛中正,以居尊位,聽訟而得其平者也。占者

者也。 之盡善者也。」 琰曰:「九五以剛明之德居尊,而又中正,彖辭所謂「大 萬民之訟,至於見遜畔遜路而息争,吉孰大焉。] 〇俞 不邪,故「訟元吉」。」○趙氏汝楳曰:「大人在上,平諸 尊位,爲訟之主,用其中正,以斷枉直,中則不過,正 中正之德齊乖争之俗,[元吉]也。]〇王氏弼曰:「處得 盡善也。吉大而不盡善者有矣。 遇之、訟而有理、必獲伸矣。 人1是也。訟之有理者,見之必獲伸矣。「元吉」,乃吉 治訟得其中正,所以「元吉」也。 「元吉」,大吉而 程傳以中正居尊位 集説 王氏肅曰:「以 治 氏 則

上九,或錫之鞶帶,終朝三褫之。

善訟能勝,窮極不已,至於受服命之賞,是亦與 肆其剛强,窮極於訟,取禍喪身,固其理也。 以陽居上,剛健之極,又處訟之終,極其訟者 勝、然其所得終必失之、聖人爲戒之意深矣。 訟而能勝之,故有錫命受服之象。然以訟得之,豈 所獲,其能安保之乎? 久,故又有「終朝三褫」之象。 其占爲終訟无理,而 本義「鞶帶」,命服之飾。「褫」,奪也。 故終一 朝而二見褫奪也。 以剛居訟極,終 設或使之 也。 程 人仇争 傳九 人之 能 或 取 安

説王氏弼曰:「處訟之極,以剛居上,訟而得勝者也。

設此以戒之。」

胡氏炳文曰:「上九以剛極處訟終,卦所謂終凶者也,故以訟受錫,榮何可保? 故終朝之閒,褫帶者三也。」○

總論丘氏富國曰: ●「九五居尊、爲聽訟之主,故「訟元 問」而「終吉」。二、四、上剛也,二與五對、撰勢不敵而 德」而「終吉」。二、四、上剛也,二與五對、撰勢不敵而 不訟,四與初對,顧理不可而不訟,亦以其居柔,故二 不能抗,故有錫鞶帶之辭焉。然天下惟剛者訟,柔者不 能抗,故有錫鞶帶之辭焉。然天下惟剛者訟,柔者不 於。訟之勝者,何足敬乎?」

■■ 坤坎 上下

也。師以一陽爲衆陰之主而在下,將帥之象也。由有争也,所以次訟也。爲卦坤上坎下,以二體言之,由有争也,所以次訟也。爲卦坤上坎下,以二體言之,始前而以順行,師之義也。以爻言之,一陽而爲衆陰之地中有水,爲衆聚之象。以二卦之義言之,内險外順,地有策起,故受之以師。」師之興程,傳師,《序卦》:「訟必有衆起,故受之以師。」師之興

師,貞,丈人,吉无咎。

古者寓兵於農,伏至險於大順,藏不測於至静之中,又 從之,爲衆之象。九二以剛居下而用事,六五以柔居上 衆所畏服,則是也。 爲將也。 司馬穰苴擢自微賤,授之以衆,乃以衆心未服,請莊賈 帥師總衆,非衆所尊信畏服,則安能得人心之從? 故 而不吉者,吉且无咎,乃盡善也。「丈人」者,尊嚴之稱。 必丈人,則「吉」而「无咎」也。 從也,强驅之耳。 之道,以正爲本。 人,乃得「吉」而「无咎」。 戒占者亦必如是也。 「丈人」,長老之稱。用師之道,利於得正,而任老成之 而任之,爲人君命,將出師之象,故其卦之名曰 卦惟九二一陽居下卦之中,爲將之象。 上下五陰順而 本義「師」,兵衆也。下坎上坤,坎險坤順,坎水坤 · 丈人」矣。又如淮陰侯起於微賤,遂爲大將,蓋其謀爲 所謂「丈人」,不必素居崇貴,但其才謀德業, 故師以貞爲主。 興師動衆以毒天下,而不以 如穰苴既誅莊賈,則衆心畏服,乃 蓋有吉而有咎者,有无咎 其動雖正也,帥之者 程傳師 正,民 一師。 地。 弗

❶ 「丘」,原避孔子諱爲「邱」,今回改。 下仿此,不再出校。

御纂周易折中

好,雖是好事,也則有咎。」
咎」,謂如一件事,自家作出來好方得无罪咎,若作得不罪也,故「吉」乃「无咎」。」●○《朱子語類》云:「「吉无罪也,故「吉」乃「无咎」。」●○《朱子語類》云:「唐役動衆無功,

初六,師出以律,否臧凶。

也。 之戒。 雖善亦凶,雖使勝捷,猶凶道也。 行師之道,以號令節制爲本,所以統制於衆,不以律則 暴而動。 在邦國興師而言,合義理則是以律法也。 當謹其始,以律則吉,不臧則凶,戒占者當謹始而守法 先儒多作不。」是也。在卦之初,爲師之始,出師之道, 本義「律」,法也。「否臧」,謂不善也。 制者,皆失律也。」〇胡氏炳文曰:「初六才柔,故有否臧 曰:「「律」有二義,有出師不以義者,有行師而無號令節 且勝者,時有之矣,聖人之所戒也。 爲師之始,齊師者也。 凶」,謂殃民害義也。 程傳初,師之始也,故言出師之義,及行師之道 然以律不言吉,否臧則言凶者,律令謹嚴,出師 荷動不以義,則雖善亦凶道也。 在行師而言,「律」,謂號令節制 齊衆以律,失律則散。]〇程子 制師无法,幸而不敗 集説王氏弼曰: 晁氏曰:「否字 善,謂克勝; 謂以禁亂誅

見矣。」之常,其勝負猶未可知也,故不言吉。出而失律,凶立之常,其勝負猶未可知也,故不言吉。出而失律,凶立

t _

本義九二在下,爲衆陰所歸,而有剛中之德,上應於九二,在師中,吉无咎,王三錫命。

之在己,然因師之力而能致者,皆君所與而職當爲也。 世儒有論魯祀周公以天子禮樂,以爲周公能爲人臣不 臣之道、於事无所敢專、惟閫外之事、則專制之。 者有矣,惟師專主其事而爲衆陰所歸,故其義最大。 禮不稱,則威不重而下不信也。 得中爲吉。凡師之道,威和並至則吉也。 於三者,極也。 善,則能成功而安天下,故王錫寵命至於三也。 闌外之事,得專制之。 其事者也。居下而專制其事,惟在師則可。自古命將, 陽爲衆陰所歸,五居君位,是其正應,二乃師之主,專制 「无咎」。蓋恃專則失爲下之道,不專則无成功之理,故 五,而爲所寵任,故其象占如此。 本義九二在下,爲衆陰所歸,而有剛中之德,上應於 六五在上,既專倚任,復厚其寵數。 在師專制而得中道,故「吉」而 它卦九二爲六五所任 程 傳師卦惟九二一 既處之盡 凡事至 雖 人 制 其 蓋

❶ 「咎」,原誤作「吉」,今據内府本改。

也。 皆所當爲也。周公乃盡其職耳。子道亦然。 能爲之功,則可用人臣不得用之禮樂,是不知人臣之道 知此義,故曰「事親若曾子者可也」,未嘗以曾子之孝爲 吉无咎」,爻「在師中,吉无咎」,即卦辭意也。 師中,所以爲吉。」〇胡氏炳文曰:「卦辭「師,貞,丈人, 穎達曰:「承上之寵,爲師之主,任大役重,無功則凶,故 有餘也。蓋子之身所能爲者,皆所當爲也。 惟九二『吉无咎』。」 不及,所以爲貞。在師而中,所以爲「丈人」,故師六爻, 命。」〇《朱子語類》云:「「在師中吉」,言以剛中之德在 「吉」乃「无咎」。 「王三錫命」者,以其有功,故王三加 夫居周公之位,則爲周公之事,由其位而能爲者, 集説孔氏 惟孟子爲 中則無過 錫

六三,師或輿尸,凶。

尸」,衆主也,蓋指三也。 師旅之事,任當專一,二既以剛中之才,爲上信倚,必專 三居下卦之上,居位當任者也。不唯其才陰柔不中正. 弱志剛,不中不正,而犯非其分,故其象占如此。 其事,乃有成功,若或更使衆人主之,凶之道也。 本義「興尸」,謂師徒撓敗,與尸而歸也。 以三居下之上,故發此義。 以陰居陽,才 程傳 「輿 軍

> 取敗必矣。」 上,是二爲主將,三躐而尸之也。 不中不正,以柔居剛,是小人之才弱志剛者,而居二之 旅之事,任不專一,覆敗必矣。 命,權不出一者,皆「輿尸」也。 集説王氏申子曰:「三 軍旅何所聽命乎? 凡任將不專,偏裨擅 其

六四,師左次,无咎。

也。 衝在右,天後衝、地後衝在左。」 《易》之發此義以示後世,其仁深矣。 而完師以退,愈於覆敗遠矣。可進而退,乃爲咎也。 退,乃所當也,故「无咎」。見可而進,知難而退,師之常 知不能進而退,故「左次」。「左次」,退舍也。 師之進,以强勇也。 象如此,全師以退,賢於六三遠矣,故其占如此。 本義「左次」,謂退舍也。 陰柔不中,而居陰得正,故其 按兵家尚右,右爲前,左爲後,故八陣圖天前衝、 惟取其退之得宜,不論其才之能否也。度不能勝, 四以柔居陰,非能進 集説吴氏澄曰: 而克捷者也 量宜進 程傳 地前

子輿尸,貞凶 六五,田有禽,利執言,无咎。 長子帥師,弟

七二

子」,三、四也。又戒占者專於委任,若使君子任事,而 搏執而无咎也。「言」,語辭也。「長子」,九二也。 於已,不得已而應之,故爲「田有禽」之象,而其占利以 故往即 若輕動以毒天下,其咎大矣。「執言」,奉辭也,明其罪 穡,於義宜獵取,則獵取之。 可懷來,然後奉辭以誅之。 之道。師之興必以蠻夷猾夏寇賊姦宄,爲生民之害,不 於「凶」也。 又使小人参之,則是使之「與尸」而歸,故雖貞而亦不免 本義六五用師之主,柔 敗者,如晉荀林父邲之戰,唐郭子儀相州之敗是也。 而討之也。 亦凶也。 而爲師之主,「長子」也,若以弟子衆主之,則所爲雖 咎過。」○《朱子語類》:「問: 集説孔氏穎達曰:「陰不先唱,柔不犯物,犯而後 田有禽」也。 長子帥師」,乃是本爻有此象,又卻説「弟子與尸」,何 有功。 「弟子」,凡非長者也。自古任將不專而致 若秦皇、漢武,皆窮山林以索禽獸者也,非 程傳五君位,興師之主也,故言興師任將 猶如 任將授師之道,當以長子帥師。 田 中 順 有禽而來犯苗,若往獵之則 丽 若禽獸人於田中,侵害稼 【《易》爻取義,如《師》之五 中,不爲兵端 如此而 動,乃得「无咎」。 者 也。 二在 敵 一弟 應 无 猜 下 正 加

> 《義》訓撓敗。 也。 是「師貞」意。「長子帥師」是「丈人」意。」 主之,是自取凶咎也。」○蔡氏清曰:「田有禽,利執言 禾稼, 畋而執之宜也。 義尤切。 禽在山林, 固無事於獵取, 今入於田 長老之稱。]〇蔣氏悌生曰:「「輿尸」,程《傳》訓衆主,朱 曰:「然。」」〇胡氏炳文曰:「「長子」即象所謂「丈人」 矣。1問:「此例恐與「家人嗚嗚」而繼以「婦子嘻嘻」同。」 也?」曰: 自衆尊之,則曰「丈人」,自君稱之,則曰「長子」,皆 此 但訓作衆主,則與「長子帥師」爲反對,其 假 設 之辭 「長子帥師」可也。 也。 言若 「弟子 , 輿尸」 又使弟子衆 ,則害我 則

上六,大君有命,開國承家,小人勿用。

則是勿更用他與之謀議經畫耳。漢光武能用此義,自 今思他既一例有功,如何不及他得。 善處而无咎者也。 若以爻言,則六以柔居順之極,師既終而在无位之地, 慮遠戒也。 致驕盈,况挾其功乎! 此,未曾改入《本義》,且記取。]〇趙氏汝楳曰: 鄧禹、耿、弇、賈復數人,他不與焉。 定天下之後,一例論功行封,其所以用之在左右者,則 小人勿用」,舊時說只作論功行賞之時,不可及小人。 金帛禄位可也,不可使有國家而爲政也。 用」,❶則又戒辭也。 故紀其出師而有律。上,師之終,故紀其還師而賞功。 社稷,則不可屬之小人。]○胡氏炳文曰:「初,師之始 有將帥節制於上,未見其害。 之采邑。」〇又曰:「知勇之人,不能皆全材,用於戎行」 諸侯,師帥皆中大夫,旅帥皆下大夫。 「承家」者,大夫 君」,六五也。《周官》「軍將皆命卿」,「開國」者,出封爲 六爻中,將兵將將,伐罪賞功,靡所不載。 句,是公共得底,未分別君子、小人。在「小人勿用」, 此專言師終之義,不取爻義,蓋以其大者。 集説《朱子語類》云:「「開國承家 雖 然,亦 漢之英、彭所以亡也,聖人之深 在於謹其始焉耳。 今爲國爲家,有民人,有 此 看來「開國承家. **え**義方思 末日「小人勿 小人平時易 量 日丈 二大 一得如

> 言,正戒人當謹於其始也。」 言,正戒人當謹於其始也。」 一例賞以爵邑。若一例賞以爵邑,又恐播惡於衆,不不一例賞以爵邑。若一例賞以爵邑,又恐播惡於衆,不不一例賞以爵邑。若一例賞以爵邑,又恐播惡於衆,不不一例賞以爵邑。若一例賞以爵邑,又恐播惡於衆,不以,曰「長子」,用以行師者得其人。及其「開國承家」,

御纂周易折中卷一

❶ 「末」,原誤作「不」,今據內府本改。

御纂周易折中

御纂周易折中卷二

数 坎坤 上下

也。 有所比,比所以次師也。 親輔也。人之類必相親輔,然後能安。 程傳比,《序卦》:「衆必有所比,故受之以比。」「比」, 亦親下,故爲比也 `在地上。物之相切比無閒,莫如水之在地上,故爲比 又衆爻皆陰,獨五以陽剛居君位 爲卦上坎下坤,以二體言之, , 衆所親附, 而上 故既有衆則必

凶。 比,吉,原筮元永貞,无咎。 不寧方來,後夫

本義 [比],親輔也。 自審,有元善長永正固之德,然後可以當衆之歸而「无 人之象。故筮者得之,則當爲人所親輔。 上下五陰,比而從之,以一人而撫萬邦,以四海 其未比而有所不安者,亦將皆來歸之。 若又遲而 九五以陽剛居上之中,而得其 然必再筮以 而 仰 正

也。

人之相親固有道,然而欲比之志不可緩也。

集説

郭氏雍曰:「一陽之卦得位者,師比而已,得君位者爲

黨皆然,故當上下合志以相從。 之從上,必求此三者,則「无咎」也。人之不能自保其安 「元永貞」則「无咎」。「元」,謂有君長之道。「永」,謂 則亦以是而反觀之耳。 後至,則 不相求則睽矣。君懷撫其下,下親輔於上,親戚朋友鄉 强之至,未有能獨立者也。 凡生天地之間者,未有不相親比而能自存者也。 後,則雖夫亦「凶」矣。夫猶凶,况柔弱者乎。 「夫」,剛 時,固宜汲汲以求比。 寧,方且來求親比,得所比則能保其安。 當其不寧之 以常久。「貞」,謂得正道。上之比下,必有此三者,下 有其道,苟非其道,則有悔咎,故必推原占決其可比者 比,自爲吉道,故《雜卦》云「比樂師憂」。 凶矣。大抵人情相 立之稱。《傳》曰:「子南,夫也。」又曰:「是謂我非夫。」 而比之。 此交已固 「筮」,謂占決卜度,非謂以蓍龜也。 ,彼來已晚,而 求則合,相 若獨立自恃,求比之志,不 程傳「比」,吉道也。 比之道,由兩志相求,兩志 持 苟无相求之意,則離 得「凶」矣。 則睽,相 人相親 持相待莫先 若欲比人, 所「比」得 人相親 比,必 雖剛 速 丽 愐 可

七六

吉。

言。 比,得臣位者爲師。]〇馮氏椅曰:「萃與比,下體坤 專。 專誠,顯比之道,當致其「原筮」而謹審,所以不同 各有在也。」〇胡氏一桂曰:「六十四卦,惟蒙、比以 永貞」言於五,比下無分權者,故「元永貞」言於卦。 同,上體水澤不相遠,惟九四一爻,有分權之象,故「元 之原,義皆訓再。 ○胡氏炳文曰:「「原筮」,《本義》讀如原蠶、原廟、原田 其所處所存者何如耳。蒙之筮,問之人者也,不一則不 者皆可用,筮得此卦辭,爲人所比,與求比者皆可用,顧 字,以示占者之通例。 大公之道,而爲九五之顯比者也。」 可比不可比。 來」,指下四陰而言。 「吉」,上下相比之占,統言也。「无咎」,所比者之占。 .凶」,比人者之占,分言也。 蒙貴初而比貴原者,蓋發蒙之道,當視其「初筮」之 比之筮,問其在我者也,不再則不審。『不寧方 彼之來比不來比,吾不問也。 曰[吉],曰[无咎],曰[凶],皆占辭。 來者自來,後者自後,吾惟問 筮得蒙卦辭,蒙求亨者,與亨蒙 蒙、比卦辭,特發兩「筮 此固王者 我之 也。 筮 義 順

初六,有孚比之,无咎,有孚盈缶,終來有它

比乎? 本也。 其應,何以有吉義? 此也、外也。 若誠實充於内、物无不信、豈用飾外以求 内,若物之盈滿於缶中也。「缶」,質素之器,言若缶之 有孚誠,乃「无咎」也。「孚」,信之在中也。 誠信爲本,中心不信而親人,人誰與之? 則又有它吉也。 過》九四,《中孚》初九皆曰「有它」。 有誠信,所以比之「无咎」。及其誠信充實,則非特「无 得之也。」〇胡氏炳文曰:「與人交止於信,親比之初,能 應,終必應而「有它吉」矣。「有它吉」者,非期於必得 之未變,故以信求比,何咎之有? 盈實其中,外不加文飾,則終能來有它吉也。「它」,非 本義比之初貴乎有信,則可以「无咎」矣。 咎」,又「有它吉」。 初六不與五應,故曰「有它」。《大 素器也。 心,此則許其有它至之吉也。」 集説鄭氏汝諧曰:「五爲比之主,初最遠而 誠信中實,雖它外皆當感而來從。 居下而位卑,擴吾之信以充之,雖遠而非其 程傳初六,比之始也。 蓋幾生於應物之先,而誠出於志 「盈」,充也。 彼則戒其有它向之 故比之始,必 相比之道,以 誠信充實於 孚信,比之 若其充實、 [缶],

六二,比之自内,貞吉。

七七

道也。 本義柔順中正,上應九五,自內比外,而得其正,吉之 比之、達不變塞也。即此是正、故「吉」。」 爲之戒者。此曰「貞吉」,爻之本善也。言自内比外而 内而比外者也。凡「貞吉」,有爻之本善者,有爻非貞而 重之道,乃自失也。 之求,乃自内也,不自失也。 己以得君道合而進,乃得正而吉也。以中正之道,應上 由己也。 皆得中正,以中正之道相比者也。二處於內,「自内」謂 得其正,是以吉也。」〇谷氏家杰曰:「自内之所有者以 占者如是,則正而吉矣。 擇才而用,雖在乎上,而以身許國,必由於己。 集説梁氏寅曰:「二與五爲比,由 汲汲以求比者,非君子自 程傳二與五爲正應,

六三,比之匪人。

弼曰:「四自外比,二爲五應,近不相得,遠則無應,所與也,比於匪人,其失可知,悔吝不假言也,故可傷。 二之也,比於匪人,其失可知,悔吝不假言也,故可傷。 二之也,此於匪人,其失可知,悔吝不假言也,故可傷。 二之本義陰柔不中正,承、乘、應皆陰,所比皆非其人之象,本義陰柔不中正,承、乘、應皆陰,所比皆非其人之象,

六四,外比之,貞吉。

古。」 柔不中之人,能比於剛明中正之賢,乃得正而吉也。 宜也,五剛陽中正,賢也,居尊位,在上也,親賢從上,比 比於五,乃得貞正而吉也。 如是,則正而吉矣。 之」。外内雖異而得其所比,其義一也,故皆言「貞 也。」〇李氏過曰:「二與四皆比於五,二應五,在卦之 集説易氏祓曰:「《易》以上卦爲外,下卦爲内。 比賢從上,必以正道則吉也。 之正也,故爲「貞吉」。 以六居四,亦爲得正之義。 又陰 本義以柔居柔,外比九五,爲得其正,吉之道也。 内,故言 【比之自内】。四承五,在卦之外,故言 【外比 體亦各有内外,四與五同體,而言外比者,亦所以比五 程傳四與初不相應,而五比之,外 君臣相比,正也,相比 數説相須,其義 始備 相與 占者 而二 又

九五,顯比,王用三驅,失前禽,邑人不誠,

吉。

本義一 不追,故爲「用三驅,失前禽」,而「邑人不誠」之象。 驅爲喻,曰"「王用三驅,失前禽,邑人不誠,吉。」先王以 其能得天下之比乎? 若乃暴其小仁,違道干譽,欲以求下之比,其道亦狹矣, 澤,是人君親比天下之道也,如是天下孰不親比於上。 如誠意以待物,恕己以及人,發政施仁,使天下蒙其惠 道之善者也。人君比天下之道,當顯明其比道而已。 道,占者如是則吉也。 雖私屬亦喻上意,不相警備以求必得也。 四時之畋不可廢也,故推其仁心,爲三驅之禮,乃《禮 比而无私,如天子不合圍,開一面之網,來者不拒,去者 去者皆免矣,故曰「失前禽」也。 之仁也。只取其不用命者,不出而反人者也。 **畋圍,合其三面,前開一** 所謂「天子不合圍」也。 然來比,來者撫之,固不煦煦然求比於物。 陽居尊,剛健中正,卦之羣陰,皆來比己,顯其 故聖人以九五盡比道之正,取三 程傳五居君位,處中得正,盡比 路,使之可去,不忍盡物,好 成湯祝網,是其義也。 王者顯明其比道,天下 凡此皆吉之 若田之三 禽獸前 天子之 生 蓄

似。 疑,恐《易》之文義不如此耳。」.〇又云:「「邑人不誠」, 獸向我而出者皆免,惟被驅而人者皆獲。 禮,置旃以爲門,刈草以爲長圍,田獵者自門驅而人,禽 前禽而殺不去者,所譬頗不相類,如何?」曰:「田獵之 親己與否,在人而已。 驅,禽之去者,從而不追,來者則取之也,此王道之大, 如有聞無聲,言其自不消相告誠,又如歸市者不止,耕 去者不追,獲者譬來則取之,大意如此,無緣得一一相 比,王用三驅,失前禽」,所謂來者撫之,去者不追,與失 前禽」之義也。 **諛逢迎,求其比己也。** 人之比己也。 力,乃顯其比君之道也。 人之相比莫不然。 以臣於君言之,竭其忠誠,致其才 天下,於顯比見之矣。非惟人君比天下之道如此,大率 之一,不期誡於居邑,如是則吉也。 至公不私,无遠邇親疏之別也。 所以其民皥皥而莫知爲之者也。「邑人不誠,吉」,言其 言邑皆同。 伊川解此句不須疑,但「邑人不誠,吉」一句,似 王者所都,諸侯國中也。誠,期約也。 於鄉黨親戚,於衆人,莫不皆然,「三驅失 集説《朱子語類》:「問:「伊川解「顯 不可巧言令色,曲從苟合,以求 在朋友亦然,修身誠意以待之, 用之與否,在君而已。不可阿 邑者,居邑。《易》中所 聖人以大公无私治 故以前 高禽比

王者之仁也。」○梁氏寅曰:「九五陽剛中正,爲比之主。背己之禽也。在師則執之,王者之義也。在比能失之,象。《師》之「田有禽」,害物之禽也。《比》之「失前禽」,陽也。五言顯比,陽爲陰所比也。師比之五,皆取田者不變相似。」○胡氏炳文曰:「諸陰爻皆言比之,陰比

也。

陽剛則明而不暗,中正則公而不私,此其所以爲「顯比

以象言之,如田狩而[用三驅,失前禽],來者不拒,

回曲闇昧褊窄者,顯也,隱伏回曲闇昧褊窄而不光明正 乎?」○林氏希元曰:「顯與隱對。光明正大,而無隱伏 道,則雖私屬亦喻上意,而不待告誡,此下之比上也,亦 之網,用三驅之田,禽獸向我而人者取之,背我而 曲闇昧褊窄之病? 之我親,此其施爲舉措,何等光明正大,而豈有隱伏回 大者,隱也。王者以父母天下爲職,生養教誨,但 去者不追,此上之比下也,固「顯比」也。 者則失之。 在彼,初不屑屑焉暴其私恩小惠,違道干譽,以求百姓 分所當爲,盡其道而爲之。至於民之感恩與否,則聽其 顯比」也。 初不求於必得,至於私屬亦喻上意,不相警 上下之相比,同一顯明之道,又安有不吉 故謂之「顯比」。 譬如王 比下既得其 一者解 知吾 前 去 面

人不誡」,泯知識於大順者,狀熙皞之王化。」曰:「三驅失禽,置失得於勿恤者,狀蕩平之王心。 「邑九五之『顯比』,則亦王道得而王化行矣。」○陸氏振奇「邑人不誡」者,王化之行,凡此皆吉之道也。 王者能如

而所謂大順大化,不見其迹者又如此。 常、《本義》解「邑人不誠」,謂不相警備以求必得,似以爲,乃所以爲親之至也。近附者若不知有王者之尊,乃親,乃所以爲親之至也。近附者若不知有王者之尊,乃親,乃所以爲親之至也。近附者若不知有王者之尊,乃親,乃所以爲親之至也。近附者若不知有王者之尊,乃所以爲尊之至也。「顯比」之世,凡有血氣,莫不尊親,案:《本義》解「邑人不誠」,謂不相警備以求必得,似以案:《本義》解「邑人不誠」,謂不相警備以求必得,似以案:《本義》解「邑人不誠」,謂不相警備以求必得,似以

上六,比之无首,凶。

備以求必得焉。

夫『王用三驅,失前禽』者,王道之得。

■ 異乾 上下

所以次比也。 程傳小畜、《序卦》:「比必有所畜,故受之以小畜。」 事小,以陰故也。《彖》專以六四畜諸陽爲成卦之義,不 是以爲畜也。 位,爲五陽所説,得位,得柔巽之道也。 剛健,非能力止之也,畜道之小者也。 畜,故爲畜也。 在上之物,乃居巽下。 相比附則爲聚。 畜,止· 小畜,謂以小畜大,所畜聚者小,所畜之 然異,陰也,其體柔順,惟能以巽順柔其 聚,畜也。又相親比則志相畜。 |也,止則聚矣。 夫畜止剛健,莫如巽順,爲巽所 爲卦巽上乾下,乾 能畜羣陽之志 又四以一陰得 小 物 畜

小畜,亨,密雲不雨,自我西郊。

言二體,蓋舉其重者。

本義巽,亦三畫卦之名。一陰伏於二陽之下,故其德

也。 亦如其象云。 事,有剛而能中其志得行之象,故其占當得亨通。 所畜,故爲小畜。 爲巽爲人,其象爲風爲木。 順也,故不和,不和則不能成雨。 固而成雨。 羑里,視岐周爲西方,正小畜之時也。 雲陰物,西郊陰方,我者,文王自我也。 畜者小之象。 上巽下乾,以陰畜陽,又卦惟六四一 也。」〇《程子語録》: 交,亦當不雨。 陰氣不能固蔽,則不雨。 集説胡氏瑗曰:「陰陽交則雨澤乃施,若陽氣上升,而 和而不能成雨。 雨者,自西郊故也。 未極而施未行,故有「密雲不雨,自我西郊」之象,蓋密 郊。 「自我西郊」,是雲氣起於西郊之陰位,必 據西而言,故云「自我」。 陽倡而陰和,順也,故和。 内健外巽,二五皆陽,各居一卦之中而用 程傳雲,陰陽之氣,二氣交而和,則 猶若釜甑之氣,以物覆之,則蒸而爲水 以人觀之、雲氣之興、皆自四遠、故云 又以陰畜陽,能係而不能固,亦爲所 東北陽方,西南陰方,自陰倡,故不 「或以小畜爲臣畜君,以大畜爲君 若陰氣雖 小,陰也。 畜陽者四,畜之主也 雲之畜聚雖密而不成 能 陰,上下五陽皆爲 畜,止之之義也。 若陰先陽倡,不 筮者得之,則占 固蔽,而 文王演《易》於 不能 陽 然畜 氣 相畜 爲 雨

得密,方濕潤,下降爲雨。 位,「自我西郊」,言陽氣未應也。」○《朱子語類》:「問 是這道理,隨大小用。」」〇張氏浚曰:「臣之誠意雖通於 所畜者小,不必指定一件事。 之物,今在巽下,則爲柔所畜,故曰小畜。 此,所以有君子征凶之戒。二〇丘氏富國曰: 以卦之始終言,畜極則散,遂爲既雨既處,陰德盛 以《彖》中云「尚往也」,是指乾欲上進之象。到上九則 上,而君德未孚,若天氣未應,曰「密雲不雨」。 西郊陰 則不雨,陰先倡也。 四以柔居柔,故有此象。 陰而畜止五陽,能係其志,而不能固其志,此又畜道之 陽,反以天氣爲陰,地氣爲陽,何也? 以小畜大,一是所畜者小。 故雲雖密而不雨。」○林氏希元曰:「小畜有二義, 小,其歸一而已矣。 ·密雲不雨,自我西郊。』曰:「凡雨者皆是陰氣盛,凝結 「密雲」,陰氣也。 曰 夫物畜則止,止極則行,故小畜亦有「亨」義 不必如此。 自二至四互兑、屬西方、故曰「西郊」。 問: 小畜以柔爲主,不能固陽而止之, 天氣屬陽,地氣屬陰,今以陰畜 大畜只是所畜者大,小畜只是 凡雲自東而西則雨,自西而東 今乾上進,一陰止他不得,所 亦惟以小畜大,故所 便是君畜臣,臣畜君,皆 曰:以兩儀之分 但六四以 「乾本在 畜者 是 如 上

> 陽。 合也。 者,地氣上騰,而天氣未應,以其雲之來自我西郊,陰倡 案:此卦須明取象之意,則卦義自明。彖言「密雲不雨 又爲陰。此《蒙引》之説也,可以發朱子之所未發。」 言,則位乎下而氣上騰者爲陰, 家或以地氣上升者爲陽,天氣下應者爲陰,故於《彖傳 事擬之,則是臣子志存國家,未能得君父和合之象。諸 謂陰氣上升,「施未行」,謂陰氣未能成 陰感而陽未應,乃卦所以爲小畜之義。《彖傳》「尚往」, 氣陽也。 而陽未和故也。 「尚往」亦屬陽説,惟張氏以爲天氣未應者,於卦義極相 自四象之交言,則陰之騰上者又爲陽,陽之下降者 以四方之陰陽言之,則西方陰也,東方陽也 蓋以上下之陰陽言之,則地氣陰也,天 位乎上而氣下降者爲 雨而降也。 以人

初九,復自道,何其咎,吉。

之物,又剛健之才足以上進,而復與在上同志,其進復 是,則无咎而[吉]也。 而能自守以正,不爲所畜,故有進復自道之象。 畜。 本義下卦乾體,本皆在上之物,志欲上進,而 然初九體乾,居下得正,前遠於陰,雖與四 程傳初九陽爻而乾體 陽在 爲正應 爲陰 占者 所

「復,反也。初以場剛居健體,志欲上行,而爲四得時得故云「何其咎」,无咎之甚明也。 集説 王氏申子曰:於不如是則有咎之義。初九乃由其道而行,无有過咎,於不如是則有咎之義。初九乃由其道而行,无有過咎,於上,乃其道也,故云「復自道」。復既自道,何過咎之於上,乃其道也,故云「復自道」。復既自道,何過咎之

進也。 吾實自復於道也。」〇龔氏焕曰:「「復自道」,此復字與 位者所畜,故復。 動。 道自守,故能轉咎而爲吉。」○何氏楷曰:「天地閒氣化 四之柔而受其制,豈不失其道而有咎? ○俞氏琰曰:「復,謂返於本位也。 九牽連而内復也。《易》及諸經,無有以復爲上進 進,而自復其道焉,何咎之有? 九二「牽復」,亦謂與初 守以正,不爲所畜者,故曰「復自道」,言雖爲彼所畜,而 其咎而後言吉者,以无咎爲吉也。」 人事,皆有陰畜陽之時。 「无往不復」、「不遠復」之義同。謂復於在下之位而 復,反也。 初以陽才居陽位,潛伏於下,何咎之有? 初九以陽剛之才,位居最下,爲陰所畜,知幾不 初以陽剛居健體,志欲上行,而爲四得時 然初剛而得正,雖爲所畜而復,如 陽既爲陰所畜,便不宜過剛躁 以初九之剛,往應六 今也返而 先言何 者。」 以 正 不 自 得

案:《傳》、《義》皆以「復」爲上進,沿王弼舊説也。以大

· 1955 记 120° 高初二爻比例觀之,則王氏、龔氏諸説爲長。

九二,牽復吉。

如此也。 故吉。」○何氏楷曰:「與初相牽連而復居於下,故吉。」 以陽處陰,居下得中,上又無應,故不待畜,即與同類牽 亦既復矣。所承之三,又爲陰所畜,説輻而不進矣。二 乾,全卦而言,則一陰畜五陽也。 於乾,而反與二相牽何也? 曰:舉二體而言,則巽畜乎 是,若已然則時已變矣,尚何教誠乎? 其復則離畜矣乎? 二陽並進,則陰不能勝,得遂其復矣,故「吉」也。 同志者也。 陰所畜,俱欲上復。 陽居下體之中,五以陽居上體之中,皆以陽剛居中,爲 九牽連而復,亦吉道也。 本義三陽志同,而九二 連而復,是不自失其中者也。 集説王氏申子曰:「二所乘之初,爲陰所畜 夫同患相憂,二、五同志,故相牽 曰"凡爻之辭,皆謂如是則可以 五雖在四上,而爲其所畜,則同是 漸近於陰,以其剛中,故 占者如是則吉矣。 自能審進退而不失其中, 在《易》隨時取義,皆 五爲巽體,巽畜 程傳二以 -連而 日:遂, 能 與 復 初

九三、輿説輻、夫妻反目。

本義九三亦欲上進,然剛而不中,迫近於陰,而又非正

其夫。 也。 程 妻反目」之象。 輻」之象。 應,但以陰陽相説,而爲所係畜,不能 視,不順其夫而反制之也。 輿說去輪輻,言不能行也。 「夫妻反目」,陰制於陽者 也。又曬比而不中,爲陰畜制者也,故不能前進。 轉,輹以利軸之轉,然輻無說理,必輪破轂裂而後可說 亦作輹。 三自爲也。 日; 説輹」, 字。」〇又曰:「九三「反目」稱妻,言相敵也。 若輹則有説時,車不行則説之矣。大畜、大壯,皆作輹 輹」,剛而得中,自止而不進也,《小畜》九三「説輻」,剛 雨1稱婦,言相順也。1○胡氏炳文曰:「《大畜》九二「輿 傳三以陽爻居不得中,而密比於四,陰陽之情相求 今反制陽,如夫妻之反目也。 「反目」,謂怒目 《説文》「輹,車下横木」,非輻也。 未有夫不失道而妻能制之者也。 輹與輻,或據《左氏傳》註以 案輻,車轑也。 然以志剛,故又不能平而與之争,故又爲「夫 集説項氏安世曰:「輻,陸氏《釋文》云,本 戒占者如是,則不得 輹,車 婦人爲夫寵惑,既而遂反制 -軸轉 也。 自進,故 進 《大畜》九二「説 爲通用,何 而 故説輻反目 輻以 有所争 上九1既 有 利輪之 興 猶車 也? 也。 説 相

以行矣。」

「輿説輻」。退不安其室,故曰「夫妻反目」。動,雖有六四比近畜之,不能止也。進不利於行,故曰案:九三比近六四,故有夫妻之象。過剛不能自制其

六四,有孚,血去惕出,无咎。

道也。 以小包大,能無憂乎? 誠以應之,則可以感之矣。 四苟欲以力畜之,則一柔敵衆剛,必見傷害,惟盡其孚 從其畜也。 時,處近君之位,畜君者也,若内有孚誠,則五志信之, 咎」宜矣。 中異體,二陽助之,是有孚而「血去惕出」之象也,「无 蓋有孚信以感之也。」集説 如此則可以无咎,不然則不免乎害矣。 合志,不可爲也。」 去而出之,以免於咎。 本義以一陰畜衆陽,本有傷害憂懼,以其柔順得正,虚 以人君之威嚴,而微細之臣,有能畜止其欲者, 故戒占者亦有其德則无咎也。 **卦獨一陰,畜衆陽者也。** 臣之畜君,必信而後濟,非與上 獨恃與五有孚,故 故其傷害遠,其危懼免也。 項氏安世日: 諸陽之志係於四 此以柔畜剛之 能離其 程傳四於畜 以 陰 (血惕) 畜陽

而不中,止於陰而不得進也。

説輹可復進,説輻則不可

九五,有孚攣如,富以其鄰。 能左右之也。占者「有孚」,則能如是也。 力而以其鄰之象。「以」猶《春秋》「以某師」之「以」,言 處尊,勢能有爲,以兼乎上下,故爲有孚攣固,用富厚之 爲羣邪所厄,則在下者必攀挽於上,期於同進,在上者 富者推其財力,與鄰比共之也。 挽,與之相濟,是「富以其鄰」也。 其類皆應之矣,故曰「攣如」。 謂牽連相從也。 五必援 衆陽爲陰所畜之時也。 本義異體三爻,同力畜乾,「鄰」之象也。 下之助以成其力耳。 必援引於下,與之戮力,非獨推己力以及人也,固資在 爻,有在陰爻。伊川謂:「中虚信之本,中實信之質。」」 集説《朱子語類》云:「孚有在陽 五以中正居尊位而有孚信,則 君子爲小人所困,正人 五以居尊位之勢,如 程傳小畜 而九五居中

> 上九,既雨既處,尚德載,婦貞厲,月幾朢,君 四也。 也」,以誠感誠之謂也。 能用其鄰,則其鄰亦以誠應之矣。故《象傳》曰「不獨富 「臣哉、鄰哉」,是也。 富者積誠之滿也,積誠之滿,至於 「不富以其鄰」。 相交,故曰「富以其鄰」。 四與 五相近,故曰「鄰」。 所取象者本於陽實陰虚,而其義一也。 大抵上下之閒,不實心則 不虚心則亦不能相交,故曰 又鄰即臣也,《書》曰 不 能

子征凶。

矣。 止也。 尊尚陰德,至於積滿而然也。 陰而畜陽, 積滿也,《詩》云「厥聲載路」。 「婦貞厲」,「婦」謂陰,以 剛,非一朝一夕能成,由積累而至,可不戒乎?「載」, 「尚德載」,四用柔巽之德,積滿而至於成也。 從畜而止者也,爲四所止也。 爲戒深矣。 然陰既盛而抗陽,則君子亦不可以有行矣。 其占如此 本義畜極而成,陰陽和矣,故爲「既雨既處」之象。 大畜,畜之大,故極而散; 陰之畜陽,不和則不能止,既和而止,畜之道成 以 程傳九以巽順之極,居卦之上,處畜之終 柔而制剛,婦若貞固守此,危厲之道也 「既雨」,和也。「既處」, 陰加於陽,故雖正亦厲。 小畜、畜之小、故極而成。 陰柔之畜 驁

八五

矣。

故四曰「上合志」者,指五也。

五日

「以其鄰」者,指

御纂周易折中卷二

受臣下之畜者也。

四曰「有孚」,是積誠以格其君。

五 成

亦曰「有孚」,是推誠以待其下,上下相孚而後畜道

案:此爻之義,從來未明。

今以卦意推之,則六四者近

九五者君位也,能畜其德以

君之位也,所謂小畜者也。

安有婦制其夫、臣制其君而

能安者乎?

月朢則

與

日

敵

「幾朢」,言其盛將敵也。

陰已能畜陽而云幾朢,何

也 ?

此以柔巽畜其志也,非力能制也,然不已則將

盛

於陽而凶矣。於「幾朢」而爲之戒曰:

婦將敵矣,君子動

則凶

也。

「君子」謂陽。

「征」,動也。

「幾朢」,將

盈之

案:此爻亦以畜道既成言之耳,楊氏説最完善。

■ 乾兑 上下

倬 見卑順説應之義。 也,藉也。 義,理之當也,禮之本也,常履之道也,故爲履。履,踐 卦天上澤下,天而在上,澤而處下,上下之分,尊卑之 有禮,履所以繼畜也。 之聚,則有大小之别,高下之等,美惡之分,是物畜然後 程傳履、《序卦》: 故《易》中惟言柔乘剛,不言剛乘柔也。 不曰剛履柔, 履物爲踐,履於物爲藉,以柔藉剛,故爲履 而曰柔履剛者,剛乘柔,常理不足道 「物畜然後有禮,故受之以履。」夫物 履,禮也。禮,人之所履也。 言履藉於剛,乃 爲

履虎尾,不咥人,亨。

上下各得其義,事之至順,理之至當也。人之履行如履,人所履之道也。天在上而澤處下,以柔履藉於剛,和説以躡剛强之後,有履虎尾而不見傷之象,故其卦爲和説以躡剛强之後,有履虎尾而不見傷之象,故其卦爲本義兑亦三畫卦之名,一陰見於二陽之上,故其德爲本

常之事也。

行,則爲凶。

王氏應麟曰:

「月幾朢」則无咎,陰從陽也。」

《歸妹》六五「月幾朢」則「吉」,陰應陽也。

《中孚》六四

於上,其德積而成載,則所畜大矣。然以小畜大,非可矣。《彖》之所謂「亨」,於是見之。「載」者,積也。畜至已成,昔之不雨者,今「既雨」矣,昔之尚往者,今「既處」

婦道貞此而不變,則爲危,君子過此而復

「《小畜》上九「月幾望」則「凶」,陰疑陽也。蓋月朢則昃,陰極則消,自然之理也。」〇

明者也,朢則與日敵。

故幾朢則不可過。

君 月 子 遡 至 日

此

日以帰以

爲正。雖畜而至於雨,以是爲正則厲矣。

至上九則往極矣,故「既處」。

夫陰陽和則雨,而

「三陽下進,一陰畜之不能固,故「密雲不雨,尚

往

也。

時,若已朢則陽已消矣,尚何戒乎?

集説楊氏時日:

猶征焉,則凶之道也。

畜以陰畜陽爲主,其極必

疑而爲順

陽,故戒之如此。」〇項氏安世曰:「上九居畜之極,畜道

尾」。 所以 以陰躡陽,是隨後躡他,如踏他脚跡相似,所以云「履虎 此,雖履至危之地,亦无所害,故履虎尾而不見其咥嚙, 不見傷,「禮之用和爲貴」,其是之謂乎。」 〇胡氏炳文 ○李氏簡曰:「履,禮也。 虎、《本義》從程《傳》以乾爲虎、本夫子《彖傳》意也 所躡而進」,以前後論也,於尾字爲切。諸家多以兑爲 曰:「程《傳》訓履爲踐爲藉,以上下論也。《本義》云「有 是故其辭危。」危莫危於履虎尾之辭矣,故九卦處憂患, 見所履。《大傳》曰:「易之興也,其當文王與紂之事邪 耳。 陽,虎之象也。上爲虎之首,則四爲虎之尾。兑履乾之 踐行其天理者,故履爲禮也。 以履爲首。」○梁氏寅曰:「履者,踐履也。人之於禮,亦 「不咥人,亨」,大抵人之涉世,多是危機,不爲所傷,乃 清曰: 見咥而反致亨。以是觀之,人之踐履卑遜,何往而不 後,履虎尾之象也。虎,咥人者也,然以和説履之,則不 能「亨」也。 《兑》之《傳》曰「剛中而柔外」,此其道也。」〇蔡氏 卦之三、四爻,發虎尾義,便是陰去躡他陽後處。」 然和非阿容也,説非佞媚也,亦恭順而不失其正 「八卦惟兑爲至弱,惟乾爲至健。 集説《朱子語類》云:「履上乾下兑 行之以和,故能進退履衆剛而 夫虎,剛猛之獸。乾三 今以至弱者而 亨

傳》復取其德,而謂之「履虎尾,不咥人,亨」也。」雖於至健者之後,自是危機,故獨以「履」名卦,而《彖

初九,素履往,无咎。

也。 咎」與。」 欲有爲也。既得其進,驕溢必矣,故往則有咎。 於貧賤之素,則其進也,乃貪躁而動,求去乎貧賤耳,非 進,若安其卑下之素而往,則「无咎」矣。 夫人不能 行之義,初處至下,素在下者也。 本義以陽在下,居履之初,未爲物遷,率其「素履」者 爲而无不善,乃守其素履者也。 安履其素,其處也樂,其進也將有爲也,故得其進,則 白,文之極反而質也。「白賁无咎」,其即「素履往,无 也。履初言「素」,禮以質爲本也。 初,不爲物遷」,蔡氏則曰「素者,無文之謂」,蓋履,禮 初未交於物,有素象。 占者如是,則「往」而「无咎」也。 案《本義》與蔡氏皆曰「居履之 而陽剛之才,可以上 集説胡氏炳文曰: 賁,文也。 程傳履不處者, 賢者 費上言 自安 有 則

九二,履道坦坦,幽人貞吉。

本義剛中在下,无應於上,故爲履道平坦,幽獨守貞之

坦易之道,亦必幽静安恬之人處之,則能貞固 是履道而得其平坦者也。 於道路者,由中則平坦,從旁則崎險。 九二陽志上進,故有幽人之戒。 柔,寬裕得中,其所履坦坦然,平易之道也。 「幽人貞吉」。」 幽 人履 道 丽 遇其占,則 持身如是,不輕自售,故爲 貞而吉矣。 集説梁氏寅曰:「行 九二以剛居中, 程 傳 雖 而吉 所履 7九二居 也。 得

六三,眇能視,跛能履,履虎尾,咥人凶,武人

爲于大君。

不明; 象,如秦政、項籍,豈能久也。 率而已,非能順履而遠到也。 履非其正,以柔而務剛,其履如此,是履於危地,故曰 剛而體本陰柔,安能堅其所履? 故其象如此,而占者凶。 本義六三不中不正,柔而志剛,以此履乾,必見傷害, 履虎尾」。 「武人爲于大君」,如武暴之人而居人上,肆其躁 跛躄之履,其行不遠。才既不足,而又處不得中, 以不善履履危地,必及禍患,故曰「咥人 又爲剛武之人,得志而肆暴之 不中正而志剛,乃爲羣陽 程傳三以陰居陽,志欲 故如盲眇之視,其見

則可。 明,才弱而志剛者也,而又不中不正,故不自度量而 不能行耶,則又履乎剛,跛能履之象也。 陽,眇能視之象也。 所與,是 六三則曰「咥人」是也。卦書「不咥人」, 兑三爻說體, 自 如《屯》卦「利建侯」,而初爻亦「利建侯」。以卦上下體 象。」〇胡氏炳文曰:「凡卦辭以爻爲主,則爻辭與卦同 而言,則三爲兑之上畫也,兑口虛而開,故有「咥人」之 虎之首也。虎口實而合,有「不咥」之象。此專據一爻 言,所以不同。」〇吴氏澄曰:「象通指一卦而言,則上九 凶」,何也? 若不顧强弱,勇猛直前,惟武人用之以有爲于大君之事 於進,敢於蹈危而取禍,如「履虎尾」而受咥人之凶也 履剛,謂其明耶,則衆陽而獨陰,謂其不明耶,則又居 跛者也。 論,則爻辭與卦不同。 妹、履,皆兑下也。1〇王氏申子曰:「三以陰居陽,以柔 「眇」。《履》六三不中又不正,故「跛」、「眇」兼焉。 「視欲正,視而不正,則眇者也。 然象亦主三而言,曰「不咥人,亨」,此曰「咥 以 故《歸妹》初九不中則爲「跛」,九二不正則 剛 蓋象總言一卦之體,爻則據其時與位 躁 蹈 危而 謂其能行耶,則衆剛而獨柔, 如此卦云「履虎尾,不咥人」,而 得凶 也 行欲中,行而不中,則 集説耿氏南仲 是體暗 謂 曰 丽 用 其

與乾三爻健體相應也。爻書「咥人」,六三一爻與上九

一爻獨相應,「履虎尾」而首應也。」

而無悔者,吾不與也。」即此句之意。位,且「爲于」兩字語氣亦不順也。子曰:「暴虎馮河,死案:「武人爲于大君」,王氏之説得之。蓋三非大君之

九四,履虎尾,愬愬,終吉。

過,故爲「履虎尾」。「愬愬」,畏懼之貌。若能畏懼,則 剛勝者也。 能戒懼而得「終吉」。 畏懼,則終免於危而獲吉也。 當「終吉」。 本義九四亦以不中不正,履九五之剛,然以剛居柔,故 復以恐懼自處,所謂「愬愬」也。 也。」〇王氏宗傳曰:「《經》曰「四多懼」,處多懼之地,而 然以陽居陰,以謙爲本,雖處危懼,終獲其志,故「終吉」 至尊,以陽承陽,處多懼之地,故曰「履虎尾,愬愬」也。 '履虎尾」。 「履虎尾,不咥人,亨。」其九四之謂乎。」○《朱子語 「履三爻正是躡他虎尾處,四上躡五,亦爲虎尾 無忘其「愬愬」之戒,故曰「終吉」。 蓋九雖剛而志柔,四雖近而不處,故能兢慎 在近君多懼之地,无相得之義,五復剛決之 程傳九四陽剛而乾體,雖居四, 集説王氏弼曰:「逼近 四處三陽之後,故亦曰 在 卦 德

「三多凶」,以柔居剛,其凶也宜。「四多懼」,以剛居柔,爲虎,而四在其後也。三、四皆不中正,而占有不同者,「履虎尾」則曰「亦以不中不正履九五之剛」,是以九五中不正以履乾」,是以乾爲虎而三在其後也。於四之之象。」○胡氏炳文曰:「《本義》於三之「履虎尾」曰「不之象。」○胡氏炳文曰:「《本義》於三之「履虎尾」曰「不

九五,夬履,貞厲。

所以「終吉」。」

《易》中云「貞厲」,義各不同,隨卦可見。 照,剛足以決,勢足以專,然而未嘗不盡天下之議,雖 則雖得正,猶危厲也。古之聖人居天下之尊,明足以 五以陽剛乾體,居至尊之位,任其剛決而行者也。 也,故其占爲雖正而危,爲戒深矣。 行,无所疑礙,故其象爲夬決其履,雖使得正,亦 也。 世曰:「六三於彖辭爲「亨」者,以下卦言之,有和説之德 有剛明之才,苟專自任,猶爲危道,況剛明不足者乎? 自任剛明,決行不顧,雖使得正,亦危道也,可固守乎? 蕘之微必取,乃其所以爲聖也,履帝位而光明者也。 本義九五以剛中正履帝位,而下以兑説應之,凡事必 於本爻爲凶者,資本陰柔,履位不正,宜其凶也。 程傳夬,剛決也。 集説項氏安 如此 危道 若 芻

也。 不然? 子曰:「履之卦義,履剛也。 履,謂決於行也。一於任剛,決行而不顧,則於中正之 事則危也。 九五於彖辭爲「不疚」者,以上卦言之,有剛健 案:凡《彖傳》中所贊美,則其爻辭無凶厲者,何獨此 道,豈能无咎乎? 五雖中正以履帝位,然以剛居剛,是一於尚剛者也。 以其有中正之德,故能常存危厲之心,則雖決於履,而 於本爻爲厲者,以剛行剛,志在夬決,其理雖正,其 蓋履道貴柔,九五以剛居剛,是決於履也。 凡彖多言卦德,凡爻多論爻位。]○王氏 若貞固守此,危道也,故曰「貞厲」。」 履剛之道,尚柔不尚剛也。 中 - 正之德 夬 然 爻 申

上九,視履考祥,其旋元吉。

厲」,當從此例也。

《夬》之「其危乃光」是也。

然則此之「貞厲」,兑五之「有

以「履帝位」而「不疾」也與。凡《易》中「貞厲」、「有厲」、

有以常存危懼之心爲義者,如《噬嗑》之「貞厲无咎」,

動可無過舉矣。《書》云「心之憂危,若蹈虎尾」,此其所

終視其所履行,以考其善惡禍福,若其旋則善且吉也。 者禍福視其所履而未定也。 程傳上處履之終,❶於其本義視履之終,以考其祥,周旋无虧,則得「元吉」,占

> 也。 履道大成,故「元吉」。」○梁氏寅曰:「上,履之終也。 其所履,善惡之多寡,吉凶之小大也。 是爻也,豈非動容周旋中禮而爲盛德之至與。」 之所履,觀之於始,則誠僞未可見,惟觀之於終,然後見 「視履」而「考祥」也。 曰:「禍福之祥,生乎所履。 終始周完无疾,善之至也,是以「元吉」。 旋」,謂周旋完備,无不至也。 故視其所履以考其善,若周旋无虧,則其吉大矣。 居極應說,高而不危,是其旋也 處履之極,履道成矣,故可 人之所履,考視其終,若 集説王氏 人之吉凶,係 弼

為制人之事。」〇又曰:「履之六爻,皆以履柔爲吉,故九為師,在五爲,在五爲此之主,陰在二爲同人之君子,在五爲師之將,在五爲此之主,陰在二爲同人之君子,在五爲,以剛行柔爲「勞謙」,在四則以剛制柔爲「由豫」,陰在三,則以柔行剛爲履,在四,則以柔制剛爲小畜,其義主於用事也。大抵用事之爻,在下者爲行己之事,在上者於用事也。大抵用事之爻,在下者爲行己之事,在上者於用事也。大抵用事之爻,在下者爲行己之事,在上者於用事也。大抵用事之爻,在下者爲行己之事,在上者於用事也。大抵用事之爻,在下者爲行己之事,在上者

■ 「上」,原漫漶不清,今據内府本補。

決,任剛而行者,後多可悔之事也。」 其恃勢位之正,而教之以謹其決。蓋剛者,喜動而好是故初則懼其失初心之正,而教之以保其素。五則懼所履皆正,然初僅能「无咎」,五不免於「厲」,皆履剛也。皆履柔也。六三卦辭本善,終以履剛爲凶。初九、九五皆履柔也。六三卦辭本善,終以履剛爲凶。初九、九五二爲「坦坦」,九四爲「愬愬,終吉」,上九爲「其旋元吉」,

■■ 申乾 上下

上,乾陽居下,天地陰陽之氣相交而和,則萬物生成,故得其所則舒泰,泰則安矣。泰所以次履也,爲卦坤陰在程傳泰,《序卦》:「履而泰,然後安,故受之以泰。」履

泰,小往大來,吉亨。

爲通泰。

氣上交也。陰陽和暢,則萬物生遂,天地之泰也。以人為之德,則「吉」而「亨」矣。程傳「小」謂陰,「大」謂陽。同,也。 占者有剛內。 又自歸妹來,則六往居四,九來居三也。 占者有剛內。 又自歸妹來,則六往居四,九來居三也。 占者有剛內。 又自歸妹來,則六往居四,九來居三也。 占者有剛內。 不養「泰」,通也。爲卦天地交而二氣通,故爲泰,正月本義「泰」,通也。爲卦天地交而二氣通,故爲泰,正月本。

亨則可包矣。 君子來處於內,小人往處於外,是君子得位,小人在下, 事言之,大則君上,小則臣下,君推誠以任下,臣盡誠以 地交而二氣通,則決然内陽而外陰矣。」 淑慝之分上取也。 上取也。卦辭曰「小往大來」,以内君子外小人而言,就 之,由内而之外爲往,由外而復内爲來。]○蔡氏清曰: 「元亨」者,時有汙隆,治有小大,雖泰豈一概哉。言吉 天下之泰也。泰之道,「吉」而且「亨」也。不云「元吉」、 事君,上下之志通,朝廷之泰也。陽爲君子,陰爲小人, 「卦名曰泰,以天地交而二氣通,就造化之本不可相無 集説劉氏牧曰:「往來者,以內外 然則泰有二乎? 曰:一也。 但是天 推言

初九,拔茅茹以其彙,征吉。

象。「彙」,類也。賢者以其類進,同志以行其道,是以也。占者陽剛,則其征吉矣。郭璞《洞林》讀至彙字絶也。占者陽剛,則其征吉矣。郭璞《洞林》讀至彙字絶也。占者陽剛,則其征吉矣。郭璞《洞林》讀至彙字絶也。占者陽剛,則其征吉矣。郭璞《洞林》讀至彙字絶也。古者陽剛,則其征吉矣。郭璞《洞林》讀至彙字絶也。古者陽剛,則其征吉矣。郭璞《洞林》讀至彙字絶

那時人已自恁地讀了。蓋「拔茅連茹」者,物象也,「以 尹,不仁者遠,而衆賢至類相致也。」〇《朱子語類》云: 其類俱進。 其黨勝而天下否矣。 協力,以成天下之泰。 之助者也。自古君子得位,則天下之賢萃於朝廷,同 善,實乃相賴以濟。故君子小人未有能獨立不賴朋 「吉」也。君子之進,必 拔而别茅之根與之相連也。」 相牽者。」以《本義》三陽在下,相連而進推之,乃别茅之 其彙」者,人也。」○林氏希元曰:「程《傳》曰:「茹,根之 曰:「賢人在上位,則引其類而聚之於朝,在下位則思 「「以其彙」屬上文,嘗見郭璞《洞林》亦如此作句,便是 ,非本茅之根也。 在上則引其類,在下則推其類,故湯用 蓋一陽進而二陽與之相連,猶 蓋各從其類也。 小人在位,則不肖者並進,然後 以其類,不惟 志 在相先,樂於 集説 劉 氏 一茅 與 與 伊 向 志 類

行。 九二,包荒,用馮河,不遐遺,朋亡,得尚于中

遠,而不昵朋比,則合乎此爻中行之道矣。 本義九二以剛居柔,在下之中,上有六五之應,主乎 而得中道者也。 占者能包容荒穢,而果斷剛決,不遺 程傳二以 遐 泰

河。 時也。 也。 而言。 時之既泰,則人習於安,其情肆而失節,將約而正之,非 之在僻陋,皆遐遠者也,時泰則固遺之矣。「朋亡」,夫 夫泰者,當周及庶事,雖遐遠不可遺,若事之微隱,賢才 則苟安逸而已,惡能復深思遠慮,及於遐遠之事哉。 用,乃聖賢之爲也。「不遐遺」,泰寧之時,人心狃於泰, 則是奮發改革,似相反也。 之君、英烈之輔,不能挺特奮發以革其弊也,故曰「用馮 世,必漸至於衰替,蓋由狃習安逸,因循而然,自非剛斷 常,惰於因循,憚於更變,非有馮河之勇,不能有爲於斯 荒」也。 之慮,有暴擾之患,深弊未去,而近患已生矣,故在「包 理,而人安之。若无含弘之度,有忿疾之心,則无深遠 之道,必有包含荒穢之量,則其施爲寬裕詳密,弊革 泰者也,所謂「上下交而其志同也」。 同德,是以剛中之才,爲上所專任,故二雖居臣位,主治 陽剛得中,上應於五,五以柔順得中,下應於二。 人情安肆,則政舒緩而 或疑上云「包荒」,則是包含寬容,此云「用馮河」, 「包荒,用馮河,不遐遺,朋亡」,四者處泰之道 「馮河」謂其剛果足以濟深越險也。自古泰治之 「用馮河」,泰寧之世,人情習於久安,安於守 不知以含容之量,施剛果之 法度廢弛,庶事无節,治之 故治泰之道,主二 君臣

事,牽於人情,卒不能行者多矣。若夫禁奢侈則害於近 絶去其朋與之私,則不能也,故云「朋亡」。 也。」 其朋,則天下之賢有不得進 故欲亡其朋類。 則欲其引類而進,九二大臣,所以進退天下之人才者, 也。 而或自私於吾之黨類,則易至偏重,非輕重不偏之中 包容荒穢,而又果斷剛決,則合乎中矣。雖不遺遐遠, 炳文曰:「若有包容而無斷别,非剛柔相濟之中也。 中行」,言能配合中行之義也。「尚」,配也。 治泰之道,有此四者,則能合於九二之德,故曰「得尚于 必行,則是牽於朋比也。 戚,限田 合乎中矣。《本義》兩而字當細玩。」○龔氏焕曰:「初九 「以其彙」,九二則欲其「朋亡」,何也? 惟不遺遐遠,而又不昵朋比,是不忘遠又不泄邇、 産則妨於貴家,如此之類,既不能斷以大公而 惟亡其朋類,則能用天下之賢,若獨私 治泰不能朋亡,則爲之難矣。 用者矣。 初九在下之賢 此其所以不同 自古立法制 集説胡氏 必

謂,故必斷以行之,明以周之,公以處之,然後用舍舉措天地之心,而盡君師之道矣。然「包荒」非混而無别之聖賢之心無棄物,堯舜之道欲並生,非包荒則不足以體案:此爻以夫子《象傳》觀之,須以「包荒」兩字爲主。蓋

九三,无平不陂,无往不復,艱貞无咎,勿恤也。四者以寬爲本,故曰「居上不寬,吾何以觀之哉」!無不合於中道。《魯論》所謂寬、信、敏、公者,意蓋相似

其孚,于食有福。

咎」。 善日積,則福禄日臻,德踰於禄,則雖盛 福」。 言「无」「不」者,明此皆天道之必至,而「有孚」者也。 「「无平不陂」爲三陽言之,「无往不復」爲三陰言之。 隆盛,未有不失道而喪敗者也。 福益也。 恤,得其所求也。不失所期爲孚。 敢安逸,常艱危其思慮,正固其施爲,如是則可以「无 陂,往者復,則爲否矣。 者,謂无常泰也。无常往而不返者,謂陰當復也。 泰之盛,與陽之將進,而爲之戒曰: 无常安平而不險陂 如循環,在下者必升,居上者必降。 本義將過乎中,泰將極而否欲來之時也。 「孚」,所期之信也。 戒占者艱難守貞,則「无咎」而「有 處泰之道,既能「艱貞」,則可常保其泰,不勞憂 程傳三居泰之中,在諸陽之上,泰之盛也。 禄食,謂福祉。善處泰者,其福可長也。 當知天理之必然,方泰之時,不 集説項氏安世日 如是,則於其禄食有 泰久而必否,故 而 非 恒, 滿。 平者 憂 自古 蓋德 物理 也。 兩 於

運 必至之孚,可以「勿恤」,我固有之福,可以長享矣。」○ 咎」,可以勿憂其孚矣。或曰:陰陽交運,否泰相仍,時 隙,艱則無怠之可乘,貞則無隙之可攻,如此則可以「无 徐氏直方曰:「小人所以勝君子者,非乘其怠,則攻其 能 交勝之理,處其交履其會者,必有變化持守之道,若 運之不能無,「艱貞」「勿恤」者,人事之所當盡。 天人有 勢然也,雖「艱貞」「勿恤」如之何? 諉之天運,以爲無預於人事,則聖人之《易》,可無作 知此 ,而操心之危如此,則舉動之際,必无過咎。 ,則當泰之極,不可不盡 人事以防之,撫極 曰:平陂往復者,天 然後 泰之 彼

六四,翩翩,不富以其鄰,不戒以孚。

> 交或散,理之常也。泰既過中,則將變矣,聖人於三,尚 戒,而能以之下孚乎陽也。」 其並居之隣,相從而下者,以三陰皆欲求陽,故不待教 陰虚陽實,凡言不富者皆陰爻。「隣」,指五、上,四能挾 氏楷曰:「此正陰陽交泰之爻也。「翩翩」,羣飛而下貌 貌。《易》以陰虚爲不富,六四陰爻,故曰「不富」。」〇何 卦之交,故發此義。」〇俞氏琰曰:「「翩翩」,降以相從之 三爻皆以剛直事其上,上三爻皆以謙虚接乎下,四當二 相孚,乃君臣之交泰也。君臣交泰,則天下泰矣。 地之交泰也。上以謙虚接乎下,下以剛直事乎上,上下 休休焉者也。」○李氏簡曰:「陰氣上升,陽氣下降,乃天 以隣,不戒而孚也。」○趙氏彦肅曰:「從六五下賢,其心 之位。三陽既進,樂與賢者共之,志同願得,是以不 復言處泰之義。 中矣,理必變也,故專言始終反復之道。 云「艱貞」則「有福」,蓋三爲將中,知戒則可保,四已過 戒告而誠意相合也。 物,居上乃失其實,其志皆欲下行,故不富而相從,不待 集説沈氏該曰:「四處上體,在近 夫陰陽之升降,乃時運之否泰,或 五,泰之主,則 故下 富 君

交而其志同」觀之,則四、五正當君相之位,下交之主,案:《傳》、《義》皆以此爻爲小人復來,然以《彖傳》「上下

不自滿足爾。沈氏、趙氏以下諸説,義皆可從。 兩爻《象傳》所謂「中心願也」,中以行願也,則正 志同」者也。 爻辭「不富」,與謙六五同,皆言其謙虚 所謂 而

六五,帝乙歸妹,以祉元吉。

道也。 則有祉而「元吉」矣。凡經以古人爲言,如高宗、箕子之 以陰柔居君位,下應於九二剛明之賢,五能倚任其賢臣 帝乙制王姬下嫁之禮法者也。 罔不明德恤祀。」稱「帝乙」者,未知誰是。 賢王也。後又有帝乙。《多士》曰:「自成湯至于帝乙, 類者,皆放此。 本義以陰居尊,爲泰之主,柔中虚己,下應九二,吉之 湯稱天乙,或者亦稱帝乙乎。」 而備。 之受祉,且元吉也。「元吉」,大吉而盡善者也。謂成治 而順從之,如帝乙之歸妹然,降其尊而順從於陽,則以 帝乙然後制爲禮法,使降其尊貴,以順從其夫也。 從陽,女之順夫,天下之義也。 泰之功也。 而「帝乙歸妹」之時,亦當占得此爻,占者如是、 湯嫁妹之辭曰:「無以天子之富而驕諸侯。」陰之 集説項氏安世曰:「帝女下嫁之禮,至湯 程傳史謂湯爲天乙,厥後有帝祖乙,亦 自古帝女雖皆下嫁,至 往事爾夫,必以禮義。 以爻義觀之, 六五

上六,城復于隍,勿用師,自邑告命,貞吝。 既不可用,方自其親近而告命之,雖使所告命者得 通矣。民心離散,不從其上,豈可用也。用之則亂。 之情通而心從也。今泰之將終,失泰之道,上下之情不 之,行將否矣。「勿用師」,君之所以能用其衆者,上下 否,如城土頹圮,復反于隍也。上,泰之終,六以小人處 積累以成城,如治道積累以成泰。 但可自守,雖得其貞,亦不免於羞吝也。 本義泰極而否,「城復于隍」之象。 戒占者不可力争, 道可也。二 此起。曰:「固是生於人心、履其運者,必有變化持守之 隍」。1曰:「此亦事勢之必然,治久必亂,亂久必治,天下 雖得正亦凶吝者,此不云「貞凶」而云「貞吝」者,將否而 始。凡「貞凶」「貞吝」有二義,有貞固守此則凶吝者,有 正,亦可羞吝。 「邑」,所居,謂親近,大率告命必自近 久則人心放肆,故亂因此生。 無久而不變之理。」子善遂言天下治亂,皆生於人心,治 類》:「問:「《泰》卦「无平不陂,无往不復」與「城復干 方告命,爲可羞吝,否不由於告命也。 亂極則人心恐懼,故治由 及泰之終,將反於 集説《朱子語 程傳掘隍土 衆 其

師。若守常而用師則吝,非以告邑爲可吝也。案:「貞」者,常也。爻義言當此之時,只可告邑,未可用

中也。」 尊貴以任夫臣,二言大臣盡其職任以答夫君。 如鳥之連翩,二與五相交,泰之中也,故五言人君降其 始也,故初言「以其彙」,如茅之連茹。 其志同,故六爻之中,相交之義重。 總論劉氏定之曰:「泰取天地交而萬物通,上下交而 哉。」〇吴氏日 以致泰也。 蓋君子進而小人退,所以致泰也。 相交,泰之終也,故三言平變而爲陂,上言城復而于隍。 三、上以時運言,二體之終也。二、五以主泰言,二體之 泰之意,隱然有不容不恐懼焉,則平陂城隍,其旨嚴 抑天運之循環,泰極而否,有必然者,而 慎 曰:「初、 四 以氣類言,二體之始也。 君委任而臣效忠,所 初與四相交,泰之 四言「以其鄰」, 三與 上 保

乾坤上下

地處下,是天地隔絶,不相交通,所以爲否也。以否。」夫物理往來,通泰之極則必否,否所以次泰也。以否。」夫物理往來,通泰之極則必否,否所以次泰也。

否之匪人,不利君子貞,大往小來。

時,小人道長,故云「匪人」。 主消耗,故稱小。」〇崔氏憬曰:「否,不通也。 往而陰氣來,故云「大往小來」。 者,由小人道長,君子道消,故不利君子爲正也。 之世,非是人道交通之時,故云匪人。「不利君子貞」 爲否也。 往小來」,陽往而陰來也。 反是,故「不利君子貞」。 否則泰矣。 夫上下交通,剛柔和會,君子之道也。 則復,否終則傾,无常而不變之理,人道豈能无也 曰「匪人」,謂非人道也。 者,皆人道也。 後三才備,人爲最靈,故爲萬物之首。 不特解其義,亦可見。 也。或疑「之匪人」二字衍文,由比六三而誤也。 外,坤來居内。 人」,謂非人道也。其占不利於君子之正道。 本義「否」,閉塞也。 集説孔氏穎達曰:「「否之匪人」者,言否閉 又自漸卦而來,則九往居四,六來居三 天地不交,則不生萬物,是无人道。 七月之卦也,正與泰反,故曰 程傳天地交而萬物生於中,然 君子正道,否塞不行也。 消長闔闢 小人道長,君子道消之象,故 君子道消,故「不利君子 陽主生息,故稱大,陰 ,相因而不息,泰極 凡生天地之中 蓋乾 於不通之 《傳》 陽氣 否則 往居 大 既 故 匪 也。」 勢既不相入,故大者往而小者來也。」〇喬氏中和曰: 心,同乎已者則利之,異乎己者則不利也。 夫惟彼已之 正道之在天下,不可以 正斯人也。 子人也。人非君子,則平時與君子如枘鑿之不相人者, 利乎君子之守正。」〇王氏宗傳曰:「「匪人」,所謂非君 貞」也。」○呂氏大臨曰:「否,閉塞而不交也。「否之匪 有,亦小人不利於君子之貞耳。 而不得行者,皆「否之匪人」,不利乎貞故也。蓋小人之 人,不利君子貞」,言否閉之世,非其人者,惡直醜正,不 而天地否矣。由否而之泰焉,天也。 「君子以正自居,隱見隨時,無人而不自得,何不利之 匪人得志,則君子之道,否塞而不行矣。 夫 1日無也。 於是而君子往小人來 今也君子之道,否塞 由泰而之否焉,人

初六,拔茅茹以其彙,貞吉亨。

之時,則以同貞爲「亨」。始以内小人外君子爲否之義,整而爲君子矣。程傳泰與否皆取茅爲象者,以羣陽羣惡則未形也,故戒其「貞」則「吉」而「亨」。蓋能如是,則惡則未形也,故戒其「貞」則「吉」而「亨」。蓋能如是,則

倬 同也。 爲,否之「貞吉」,潔其身以有待。」 伸道也。」〇王氏應麟曰:「泰之【征吉」,引其類以有 故無往而不吉,亦無往而不亨也,「吉」謂免禍,「亨」謂 求進,然後得其吉而獲亨也。○○王氏宗傳曰:「否之初 之時也。時既不可用,則必引類而退,守以正道,不可 亨」。」○胡氏瑷曰:「否之初,是小人道長,君子不可用 其節,則處否之吉,而其道之亨也。 常。否之時,在下者君子也。否之三陰,上皆有應。 上應之義,惟其以彙守吾正而已。「吉亨」,泰之時爲然 六雖有其應,然當此之時,上下隔絕而不通,故初六無 同道,皆不可進,故「拔茅茹以類」,「貞」而不諂則「吉 人也,君子則伸道免禍而已。 否隔之時,隔絶不相通,故无應義。初六能與其類貞固 復以初六否而在下爲君子之道。易隨時取義,變動无 初六以其類貞,而亦「吉」且「亨」者,詘身以伸道, 集説 王氏弼曰:「居否之時,動則入邪。 三陰 君子進退,未嘗不與其類 當否而能進者,小 在

《傳》及諸家作君子守道者近是。《傳》及諸家作君子守道者近是。

六二,包承,小人吉,大人否亨。

否,而後道亨。 本義陰柔而中正,小人而能包容、承順乎君子之象,小 若夫大人,則否而「亨」。」 否矣,小人順上之心,未嘗无也。 乃其道之亨也。 肯枉己屈道,承順於上? 惟自守其否而已。身之否, 否,爲身之利,小人之吉也。大人當否,則以道自處,豈 言,則方否於下,志所包畜者,在承順乎上,以求濟其 程傳六二其質則陰柔,其居則中正。 人之吉道也。 人者之事其上也,包而不敢露,承而不敢拂,故「吉」。 故占者小人如是則吉,大人則當安守其 蓋不可以彼包承於我,而自失其守也。 或曰上下不交,何所承乎? 集説楊氏簡曰:「小 以陰柔小人而 曰:正則

六三,包羞。

漫顯矣。當否之世而不去,忍恥冒處,故謂之「包羞」。」為「包羞」之象。然以其未發,故无凶咎之戒。 程傳三寫斯濫矣,極小人之情狀者也。其所包畜謀慮邪濫无躬濫矣,極小人之情狀者也。其所包畜謀慮邪濫无以陰柔不中不正而居否,又切近於上,非能守道安命,以陰柔不中不正而居否,又切近於上,非能守道安命,以陰柔不中不正而居否,又切近於上,非能守道安命,以陰柔不中不正而居否,又切近於上,非能守道安命,以陰柔不中正,小人志於傷善而未能也,故

羞」。是謂君子中之小人,自古此類良多。」 (邦無道,穀恥也。」其六三之謂與。」○楊氏簡曰:「六三「邦無道,穀恥也。」其六三之謂與。」○楊氏簡曰:「六三一,以,致,致,以,以,以,以,以,以,以,以,以

九四,有命无咎,疇離祉。

子補過之時也。 君子之福也。 使在我者无可咎之事,然後可以勿恤小人之孚,而自食 四於「无咎」之下言「疇離祉」者,二爻當天命之變,正君 説項氏安世曰:「泰九三於「无咎」之下言「有福」,否九 下之否,「疇離祉」也。 福祉。「離」,麗也。君子道行,則與其類同進,以 能使事皆出於君命,則可以濟時之否,其疇類皆附離其 動必出於君命,威柄一歸於上,則「无咎」,而其志行矣。 方否之時,處逼近之地,所惡在居功取忌而已,若能使 濟否之才,而得高位者也。 剛,故其占爲「有命无咎」,而疇類三陽,皆獲其福 本義否過中矣,將濟之時也。 命」,謂天命。 否之四,因其當變,能修人事以乘之,有 程傳四以陽剛健體,居近君之位,是有 泰之三,知其將變,能修人事以勝之, 小人之進,亦以其類同 足以輔上濟否。 九四以陽居陰,不極其 然當君 也 道

難,故於外卦始言之。」 「泰雖極治,以命亂而成否。否雖極亂,以有命而成曰:「泰雖極治,以命亂而成否。否雖極亂,以有命而成曰:「泰雖極治,以命亂而成否。否雖極亂,以有命而成時。世之治亂,豈非君耶。」○胡氏炳文曰:「否泰之變,泰。命者,天之所令,君之所造也。道之廢興,豈非天泰。命者,天之所令,君之所造也。道之廢興,豈非天泰。命者,天之所令,君之所造也。道之廢興,豈非天秦。命者,天之所令,君之所造也。道之廢興,豈非天秦。命者,天之所令,君之所。

九五,休否,大人吉,其亡其亡,繫于苞桑。 所云也。 故此爻之占,大人遇之則吉,然又當戒懼,如《繫辭傳》 本義陽剛中正,以居尊位,能休時之否,大人之事也。 下之否,以循致於泰。 下之否,「大人」之「吉」也。大人當位,能以其道休息天 辭》曰:「危者安其位者也,亡者保其存者也,亂者有其 矣。 其根深固。「苞」,謂叢生者,其固尤甚。 桑」,謂爲安固之道,如維繫于「苞桑」也。 「桑」之爲物 常虞否之復來,曰「其亡」矣,「其亡」矣。其「繫于苞 戒。否既休息,漸將反泰,不可便爲安肆,當深慮遠戒! 漢王允、唐李德裕不知此戒,所以致禍敗也。 程傳五以陽剛中正之德居尊位,故能休息天 猶未離於否也,故有「其亡」之 聖人之戒深 《繫

繫于苞桑,堅固不拔矣。如此說,則象占乃有收殺,非危亡之心,則便有苞桑繫固之象。蓋能戒懼危亡,則如「問:「九五「其亡其亡,繫于苞桑」如何?」曰:「有戒懼亂,是以身安而國家可保也。」集説《朱子語類》:

上九,傾否,先否後喜。

是「其亡其亡」而又「繋于苞桑」也。」」

通 極否也,後傾喜也。 否,否極則泰。上九否既極矣,故否道傾覆而變也。 喜」。程傳上九否之終也,物理極 傾,人力居多焉。」○胡氏炳文曰:「以陰柔處泰之終,故 否」也。否道未傾之時,是「先否」。已傾之後,其事 氏穎達曰:「處否之極,否道已終,能傾毀其否,故曰「傾 否,而否復爲泰。否泰反復,天乎? 人也。」〇何氏楷 不能保泰,而泰復爲否。 本義以陽剛居否極,能傾時之否者也,其占爲「先否後 與「其亡其亡」之君心相似。」 曰:「「先否後喜」,即先天下而憂,後天下而樂之意,正 ,故曰後有喜也。」〇王氏宗傳曰:「言傾否而不言否 否傾則泰矣,「後喜」也。 以陽剛處否之終,故卒能 而必反,故泰極則 集説 先 得 孔 傾

九九

■ 乾離 上下

同人于野,亨,利涉大川,利君子貞。

以離遇乾,火上同於天。 能如是則「亨」,而又可涉險,然必其所同合於君子之 遠而无私也,有亨道矣。 又卦惟一陰,而五陽同與之,故爲同人。「于野」,謂 文明而外剛健,六二中正而有應,則君子之道也。 爲麗,爲文明,其象爲火,爲日,爲電。 本義離,亦三畫卦之名。 以 六二得位得中,而上應九 健而行,故能涉川。 陰麗於二陽之閒,故其德 同人,與人同 爲卦内 占者 五 币 曠

道,乃 與人大同,亨道也,雖大川可涉。 文曰:「「同人于野」,其同也大,「利君子貞」,其同也正。 川」,與人和同,易涉邪僻,故「利君子貞」也。」〇胡氏炳 同於人,必須寬廣無所不同,用心無私,乃得亨通,故云 於人。「野」,是廣遠之處。 利在君子之貞正。 故其所同者,則爲阿黨,蓋其心不正也。 若合符節,推而行之,四海之廣,兆民之衆,莫不同。小 謂天下至公大同之道,故雖居千里之遠,生千歲之後! 野,止謂不在暱比。 艱危之不 可亨? 同,是天下皆同之也。天下皆同,何險阻之不可濟,何 乃至公大同之道,无遠不同也,其亨可知。 不以暱近情之所私,而於郊野曠遠之地,既不繫所私 之同者,以其私意所合,乃暱比之情耳。 人則惟用其私意,所比者雖非亦同,所惡者雖是亦異 夫同人者,以天下大同之道,則聖賢大公之心也。 「同人于野亨」。 (爲「利」 也。 與人同心,足以涉難,故曰「利涉大 故「利涉大川」,「利君子貞」。 上言于 程傳「野」,謂 集説孔氏穎達曰: 此復言宜以君子正道。君子之貞: 借其野名,喻其廣遠。 "曠野, 然有所同者大,而不 取遠與外之義。 同 故必于野,謂 故同人之道 能與天下大 人,謂 常人 言和 和同

00

涉哉!」」 此於正者,故又當以正爲本。」○蔡氏清曰:「大人之道, 出於正者,故又當以正爲本。」○蔡氏清曰:「大人之道, 是必人人而求與之同哉,亦惟以正而已。正也者,人心 是必人人而求與之同哉,亦惟以正而已。正也者,人心 也或不我同,則彼之悖矣,吾何計哉。然同我者已億 使或不我同,則彼之悖矣,吾何計哉。然同我者已億 世:「《序卦傳》曰:「與人同者,物必歸焉。」「同人于 曰:「《序卦傳》曰:「與人同者,物必歸焉。」「同人于 可,而不同者僅一二,亦不害其爲大同也。」○林氏希元 下,竟是私情之合,不足謂之「于野」,又何以致亨而利 涉哉!」

初九,同人于門,无咎。

「同人于門」也。出門同人,誰與爲咎?」〇王氏應麟應,是无偏私,同人之公者也,故爲出門同人。「出門」,應,是无偏私,同人之公者也,故爲出門同人。「出門」,應,是无偏私,同人之公者也,故爲出門同人。「出門」,應,是无偏私,同人之公者也,故爲出門同人。「出門」,應,是无偏私,同人之公者也,故爲出門同人之初,而无繫「无咎」,故其象占如此。程傳九居同人之初,而无繫「同人于門」也。出門同人,誰與爲咎?」〇王氏應麟,可以本義同人之初,未有私主,以剛在下,上无係應,可以

隨,皆易溺於私。隨必出門而後可以「有功」,同人必出門之初,則不苟同,不詭隨。」○胡氏炳文曰:「同人與曰:「《同人》之初曰「出門」,《隨》之初曰「出門」,謹於出

六二,同人于宗,吝。

門而後可以「无咎」。」

是其利于野也。」 見其利于野也。」 是其利于野也。」 是其利于野也。」

九三,伏戎于莽,升其高陵,三歲不興。

本義剛而不中,上无正應,欲同於一而非其正,懼九五

應,三以剛强居二、五之閒,欲奪而同之,然理不直,義 志,皆欲同之,三又與之比,然二以中正之道,與五 暴之人也。在同人之時,志在於同,卦惟 之見攻,故有此 不直,故又畏懼。 不勝,故不敢顯發,伏藏兵戎於林莽之中,懷惡而 于莽,升其高陵,如何?1曰:「只是伏於高陵之草莽中, 不敢發,故未至凶也。 久,終不敢興。 人』,三、四有争奪之象,非同者也。」 三歲不敢出。」」〇胡氏炳文曰:「卦惟 此爻深見小人之情狀,然不曰凶者,既 象 時升高陵以顧望,如此至於三歲之 程 集説《朱子語類》:「問:「伏戎 傳 三以 陽居 剛 三、四不言「同 膩 一陰,諸 不得中,是 陽之 内 負 相 剛

九四,乘其墉,弗克攻,吉。

不直而 限隔也。 之象。占者如是,則是能改過而得吉也。 隔,故爲乘墉以攻之象。 也。 不中正,其志欲同二,亦與五爲仇者也。 本義剛不中正,又无應與,亦欲同於六二,而爲三所 若肆其邪欲,不能反思義理,妄行攻奪,則其凶大 不克也,苟能自知義之不直而不攻,則爲「吉」 四切近於五,如隔墉耳。 然以居柔,故有自反而不克攻 乘其墉欲攻之,知義 「墉」,垣,所以 程傳四剛而

> 矣。 四,皆是物也。」 陰,故「不克訟」,「弗克攻」。 訟之九二、九四,同人之九 返底道理。《繋辭》云: 義。1日"「三以剛居剛,便迷而不返" 矣。 爻言不克者,皆陽居陰位。 各在事外,不相干涉,所以無争。」...〇項氏安世曰:「凡 有困而能反之義。 三以剛居剛,故終其强而不能反。 集説《朱子語類》:「問:「同人三、四皆有争奪之 能反則「吉」矣,畏義而能改,其吉 「近而不相得則凶。」如 惟其陽,故有訟有攻。 四以剛居柔,便 四 以剛居柔,故 初 上 其 則 有 宜

治。 似 敵相攻之象矣。 之所謂乘墉者,攻初也。蓋既非應則不同,不同則有 因其爻位爻德以取象。 則不勝其異矣。外體自異而同,故乘墉而弗克攻,大師 同而異,故「于門」、「于宗」,同也。 同極必異,異極乃復於同 案: 卦名同人,而三、四兩爻所以有乖争之象者,蓋 於同矣。 而 菲 克相遇,漸反其異也。 此人事分合之端,易道循環之理也。 :卦意也。 三四兩爻,正當同而異、異而同之際,故聖人 以爲争六二之應,而與九五相敵相 三之所謂 至上而有「于郊」之象,則復 ,正如治極則亂,亂極乃復於 敵剛者,敵 至三而有伏戎之象。 卦之内體 E 也。 人情 攻 自 相 四 歸

九五,同人先號咷而後笑,大師克相遇。

爲三、四所隔,不得其同。 之,乃得相遇也。云「大師」、云「克」者,見二陽之强也。 克相遇」,五與二正應,而二陽非理隔奪,必用大師克勝 然邪不勝正,雖爲所隔,終必得合,故「後笑」也。 陽所隔,五自以 勝之,然後得相遇也。 故有此象。 本 或語,二人同心,其利斷金」。 乎。五既於君道无取,故更不言君道,而明二人同心, 非大同之體也。二之在下,尚以同于宗爲[吝],況人君 於二,而失其中正之德,人君當與天下大同,而獨私 九五君位,而爻不取人君同人之義者,蓋五專以私暱應 其理至微,故聖人贊之曰「同心之言,其臭如蘭」,謂其 同,天下莫能閒也。 不可閒隔之義。 人,非君道也。 又先隔則號咷,後遇則笑,是私暱之情, 可以通金石,冒水火,无所不能入,故云「其利断金」。 **義**五剛中正,二以柔中正相應於下,同心者也。 然六二柔弱,而三、四剛强,故必用大師以 義直理勝,故不勝憤抑,至於「號咷 《繋辭》云:「君子之道,或出或處,或默 同者一也,一不可分,分乃二也 程傳九五同於二,而爲三、四二 然義理所同,物不得而閒之, 中誠所同,出處語默无不 「大師 而

> 哉? 與其中正而應,《本義》謂其義理所同,豈得以私暱病之 既遇而笑樂,非以其私也。 明大同之道也。 用此意,何也? 曰慎曰:「案程《傳》論九五,非人君大同之道、《本義》不 《旅》上九剛不中正而無應,故「先笑後號咷」。」〇吴氏 曰:「《同人》九五剛中正而有 而兵革爲小,克莫難於小人,而敵國爲小。」〇胡氏炳文 言意味深長也。 至五則取其中正而應,故未合而號眺 蓋六二爲同人之主,著于宗之吝,所以 集説 ·楊氏萬里曰:「師 故《象傳》明其中直、《彖傳》 應,故「先號咷而後笑」, 莫大於君心,

矣。亦論其理如此爾,説《易》者必欲求其爻以實之,則鑿亦論其理如此爾,説《易》者必欲求其爻以實之,則鑿閒隔之者,故此爻之「號咷」、《鼎》九二之「我仇有疾」,案:居尊位而欲下交,居下位而欲獲上,其中必多忌害

上九,同人于郊,无悔。

而无應,終无與同者也。始有同,則至終或有睽悔,處傳「郊」,在外而遠之地。求同者必相親相與,上九居外此。郊在野之内,未至於曠遠,但荒僻无與同耳。 程本義居外无應,物莫與同,然亦可以无悔,故其象占如

遠

終无所悔也 而无與,故雖无同亦无悔。 集説楊氏時 日 雖欲同之,志不遂,而 「同人于野,亨」,上九

其

也。 言「志未得」,蓋其所同者未能周於天下,是其志之未遂 猶未能極乎遠,故不能吉亨,止於「无悔」而已。 無所係應,而「同人于郊」,則所同者遠,亦無私矣。 在卦上,猶未出乎卦也,故止曰「郊」。」〇梁氏寅曰:「上 悔1而已。」〇蔡氏淵曰:「國外曰「郊」,郊外曰「野」,雖 不同乎人,人亦無同之者,則静而不通乎物也,故「无 則于野無曜比之私焉,故「亨」。 「同人于郊」,止於「无悔」而已,何也? 上九居卦之外而無應: 蓋以一卦言之, 《象傳》 然

之困,五有大師之患,是處同人之世,無大通之志,則必 則「无咎」,「于宗」則「吝」,「于郊」則「无悔」。「于宗」不 者,王氏《注》意,非止上九一爻,乃總論同人一卦之義。 總論孔氏穎達曰:「凡處同人而不泰焉,則必用師 若[于門],[于門]不若[于郊],[于郊]不若[于野],六 用師矣。」〇楊氏文焕曰:「「同人于野」則「亨」,「于門」 去初、上而言,二有同宗之吝,三有伏戎之禍,四有不克 爻有不能盡卦義者,同人是也。」○梁氏寅曰:「同人之 矣

> 外,初爲「同人于門」,至近也,二爲「同人于宗」,亦近 海爲一家,中國爲一人,而情無不孚,恩無不洽者,豈非 「无咎」、「无悔」、然終不若「于野」之「亨」也。 主,而不能大同,故其有應者,乃所以爲「吝」。 「同人于野」,豈非超出於家邑之外乎? 也,至上而「同人于郊」,則遠矣,然未如野之尤遠 而廓然大公,此其所以「亨」也。 於所近,無大吉者。 道,以大同而不私爲善,故卦之諸爻,或比或應,皆爲同 「同人于野」之意哉!」 象言「同人于野」,則 以一卦觀之,由内而 二爲同人之 能絶其私 聖人以四 初上雖 與 也。 至

■ 離乾 上下

也。 之所歸也。上下應之,爲大有之義。大有,盛大豐 見,爲大有之象。 卦火在天上,火之處高,其明及遠,萬物之衆,无不照 有。」夫與人同者,物之所歸也,大有所以次同人也。 程傳大有、《序卦》:「與人同者物必歸焉,故受之以大 又一柔居尊,衆陽並應,居尊執柔,物 爲 有

大有,元亨。

本義大有,所有之大也。 離居乾上,火在天上,无所不

亨也。 照。 者,如「師貞、丈人吉」、「同人于野,亨」是也,有以其卦 故能「元亨」也。 才而言者,「大有,元亨」是也。 有其義者,如比吉、謙亨是也。 健離明,居尊應天,有亨之道。 又六五一 程傳卦之才可以「元亨」也。凡卦德,有卦名自 陰居尊得中,而五陽應之,故爲大有。 集説鄭氏汝諧曰:「陽爲大、陰爲小、 占者有其德,則大善而 由剛健文明應天時行 有因其卦義便爲訓 乾 戒

大,故其亨亦大也。」 大,故其亨亦大也。」 大有,所以爲「元亨」。若直以大有爲富有盛大,則失爲大有,所以爲「元亨」。若直以大有爲富有盛大,則失爲大有,所以爲「元亨」。若直以大有爲富有盛大,則失爲大有,所以爲「元亨」。若直以大有爲富有盛大,則失一陰居尊,而爲五陽所歸,所有者大也。大非陰柔所能

此與鼎卦而已,皆以尚賢、養賢之故也。 者,五陰也,則民庶之象也。大有之應之者,五陽也,則 不中,雖不如比之剛中,而比之「吉」,「无咎」,則不如大不中,雖不如比之剛中,而比之「吉」,「无咎」,則不如大不 以 放 是哉? 故 大有之 以 以 九居五,視 大有之 六五爲優矣。然 比之應之

初九,无交害,匪咎,艱則无咎。

也。 下者乎! 爲「匪咎」而以易心處之,反有咎矣。「无交害」,大有之 陽在下,未與物接,所以未涉於害也,何咎之有? 盛,處卑无應與,未有驕盈之失,故「无交害」,未涉於害 咎」,戒占者宜如是也。 初如此,「艱則无咎」,大有自初至終皆當如此。」 處富有而不能思艱兢畏,則驕侈之心生矣,所以有咎 富有自爲咎耳。若能享富有而知難處,則自「无咎」也 也。大凡富有鮮不有害,以子貢之賢,未能盡免,況其 初,未涉乎害者也,何咎之有? 本義雖當大有之時,然以陽居下,上无係應,而 集説胡氏炳文曰:「當大有之時,反易有害。 「匪咎,艱則无咎」,言富有本匪有咎也,人因 程傳九居大有之初,未至於 然亦必艱以處之則「无 然以 在 初

九二,大車以載,有攸往,无咎。

勝,居柔則謙順,得中則无過,其才如此,所以能勝大有程傳九以陽剛居二,爲六五之君所倚任。剛健則才而如是,可「无咎」矣。 占者必有此德,乃應其占也。本義剛中在下,得應乎上,爲大車以載之象。 有所往

之任。 以往矣。 極,故以二之才,可「往」而「无咎」。 遠,故「有攸往」而「无咎」也。大有豐盛之時,有而未 如大車之材 集説王氏弼曰:「任重而不危。」 强 壯, 能勝 載 重物 至於盛極,則不可 也。 可以 任 重行

九三,公用亨于天子,小人弗克

天子」之象。占者有其德,則其占如是。小人无剛正之 之象。剛而得正,上有六五之君,虚中下賢,故爲「享于 享獻之享,烹飪之烹,皆作亨字。九三居下之上,公侯 德,則雖得此爻,不能當也。 程傳三居下體之上,在下 本義「亨」、《春秋傳》作享,謂朝獻也。 古者亨通之亨, 天子,謂以其有爲天子之有也,乃人臣之常義也。 故三當大有之時,居諸侯之位,有其富盛,必用亨通乎 凡土地之富,人民之衆,皆王者之有也,此理之正也。 下之尊,「率土之濱,莫非王臣」,在下者何敢專其有。 而居人上,諸侯人君之象也。 公侯上承天子,天子居天 是。」又曰:「亨、享二字,據《説文》本是一字,故《易》中 亨、享、烹並通用。 人處之,則專其富有以爲私,不知公以奉上之道,故曰 小人弗克」也。 集説《朱子語類》云:「古文無享字, 如「公用亨于天子」解作亨字便不 若小

> 牽補,而卒不得其大義,亦甚害事也。」 多不留意。 帝』之云也。 多互用,如「王用亨于岐山」,亦當爲享,如「王用享于 然不知此等處不理會,卻枉費了無限辭 字畫音韻是經中淺事,故先儒得其大者,

九四,匪其彭,无咎。

之義,故「无咎」也。」 驅》云「汶水湯湯,行人彭彭」,行人盛多之狀。《雅・大 明》云「駟騵彭彭」,言武王戎馬之盛也。 高位,荷處太盛則致凶咎。「彭」,盛多之貌。 咎」,謂能謙損,不處其太盛,則得「无咎」也。 過盛則凶咎所由生也,故處之之道,「匪其彭」則得「无 也,故有不極其盛之象而得「无咎」,戒占者宜如是也。 本義彰字音義未詳,程《傳》曰「盛貌」,理或當然。 曰:「以剛處柔,謙以自居,而懼以戒其盛,得明哲保身 程傳九四居大有之時,已過中矣,是大有之盛者也 五柔中之君,九四以剛近之,有僭逼之嫌,然以其處柔 集説沈氏該 《詩 四近君之 載 六

六五,厥孚交如,威如,吉。

賢,而上下歸之,是其孚信之交也。然君道貴剛,太柔 本義大有之世,柔順而中,以處尊位,虚己以應九二之

柔守中,而以孚信接於下,則下亦盡其信誠以事於上, 則廢,當以威濟之則吉,故其象占如此,亦戒辭也。 氏琰曰:「既有誠信以接下而人信之,又有威嚴以自 又有威嚴使之有畏,善處有者也,吉可知矣。 如」,有威嚴之謂也。 易,若專尚柔順,則陵慢生矣,故必「威如」則「吉」。 「威 上下孚信相交也。 傳六五當大有之時居君位,虚中爲孚信之象。 而人畏之,爲大有之君,而剛柔得宜如此,故「吉」。_ 以柔居尊位,當大有之時,人心安 既以柔和孚信接於下,衆志説從: 集説俞 人君執 程 重

上九,自天祐之,吉无不利。

降志以應之,爲尚賢崇善之義。其處如此,合道之至 孚信而履其上,爲蹈履誠信之義。 離之上,明之極也。 之終,居无位之地,是大有之極,而不居其有者也。 順而尚賢也。 本義大有之世,以剛居上,而能下從六五,是能履信思 也 ,自當享其福慶,「自天祐之」。 有極而不處,則无盈滿之災,能順乎理者也。 滿而不溢,故其占如此。 惟至明所以不居其有,不至於過極 行順乎天而獲天祐 五有文明之德,上能 程傳上九在 五之 處 桂

《易》之所謂尚者,上也,五尚上九之賢,故「自天之祐」, 《小畜》之上九曰「婦貞厲,月幾朢」,言六四之畜陽,至 德宜獲是福,於終可驗也。《易》之取義,若是者衆。 言五而繫之上,何也? 汝諧曰:「「履信」、「思順」又以「尚賢」,蓋言五也。 吉」,則知此吉大有之吉也,非止上九之吉也。」○鄭 九者,蓋言大有之吉,以此終也。 履信思乎順,又以尚賢也。」六五之君實盡此,而言於上 辭》曰:「祐者助也,天之所助者順也,人之所助者信也, 故所往皆[吉],无所不利也。 天,又莫大於尚賢也。]○胡氏炳文曰:「小畜上九,畜之 上九是也。祐之自天,「吉无不利」謂大有至此,愈有隆 九獨在五上,五能尚之,《繋辭傳》所謂「又以尚賢」,則 於上九見之。1〇王氏宗傳曰:「六五以一柔有五剛,上 求義,故以「履信」、「思順」、「尚賢」歸之於上九也。 上九陽也,不得爲婦與月。説《易》者,其失在於泥爻以 上而爲「貞厲」之婦,「幾朢」之月也。 若指上九而言,則 上,「尚賢」也。五獲天之祐,「吉无不利」,由其有是也。 而無替也。 「厥孚交如」,「履信」也。 居尊用柔,「思順」也。 上九在 然則當大有之極,莫大於得天。 五成卦之主,上其終也。 集 説 故《象》曰「大有上 郭氏雍曰: 而所以得 五之 「《繋 五 氏

[自天祐之,吉无不利]也。] 也。所以其終也,柔中思順也,尚上九之一陽,「尚賢」也。所以其終也如衆陽,故其終也如彼。大有一陰有衆陽,故其終也如是終也。其占[吉无不利],承六五言也。小畜一陰畜終也。其占曰[厲]曰[凶],承六四言也。大有上九,有

此獨從郭氏諸説,則亦未允於心故也。 此獨從郭氏諸説,則亦未允於心故也。 此獨從郭氏諸説,則亦未允於心故也。 以上爻爲王公也。蒙五爻而終其義爾,郭氏、鄭氏、王 以上爻爲王公也。蒙五爻而終其義爾,郭氏、鄭氏、王 以上爻爲王公也。蒙五爻而終其義爾,郭氏、鄭氏、王 以上爻爲王公也。蒙五爻而終其義爾,郭氏、鄭氏、王 以上爻爲五公也。蒙五爻而終其義爾,郭氏、鄭氏、王 以上爻終五爻之義者甚多,如《師》之「大

御纂周易折中卷二

御纂周易折中卷三

■■ 坤艮 上下

程傳謙、《序卦》:「有大者不可以盈,故受之以謙。」其程傳謙、《序卦》:「有大者不可以盈,故受之以謙也。爲卦坤上艮下,地中有山也。 地體卑下,山高大涼也。爲卦坤上艮下,地中有山也。 地體卑下,山高大下,謙之義也。

謙,亨,君子有終。

下者爲謙,自下而奮出乎上者爲豫。此觀畫立象之本三、四在二體之際,當六畫之中,故以其自上而退處於[一陽五陰之卦,其立象也,一陽在上下者爲剥、復,象亦不能安行而固守,不能有終也。 集説馮氏椅曰:亦不能安行而固守,不能有終也。 集説馮氏椅曰:

見爾。馮氏之説,可相補備。舉者,因周公爻辭與彖辭同,則三爲成卦之主,其義易由,在於九三,以豫卦反觀可見也。夫子《彖傳》所以不案:《傳》、《義》釋卦名,皆不取九三之義,實則成卦之

指也。」

初六,謙謙君子,用涉大川,吉。

也? 乃其常也,但見其謙之至,故爲「謙謙」,未見其失也。 與也,雖用涉險難,亦无患害,况居平易乎! 柔順處謙,又居一卦之下,爲自處卑下之至,謙而 往不濟? 集説荀氏爽曰:「初最在下,故曰「謙謙」也。」○胡氏 也,故曰「謙謙」。 本義以柔處下,謙之至也,君子之行也。 初處謙而以柔居下,得无過於謙乎? 故占者如是,則利以涉川也。 能如是者,君子也,自處至謙,衆所共 程傳初六以 以此涉難,何 曰:柔居下 何所不吉 又謙

御纂周易折中

以涉川,只是謙退居後而不争先,自然萬無一失,故 稱「君子有終」。初亦曰「君子」,何也? 三在下卦之 【吉」。」○胡氏炳文曰:「謙主九三,故三'爻辭與卦辭皆 濟患可也,况平居乎?」 可踰,皆所以爲君子之終也。 而又謙,在下之君子也。 上,「勞」而能「謙」,在上之君子也。 桂曰:「「涉川」貴於遲重,不貴於急速,用「謙謙」之道 在上者尊而光,在下者卑而不 「用涉大川,吉」,雖用以 初在下卦之下,謙

六二,鳴謙,貞吉。

鳴。 此。 於中,故發於外,見於聲音顏色,故曰「鳴謙」。居中 本義柔順中正,以謙有聞,正而且吉者也,故其占如 吉者,有爲得貞則吉者,六二之「貞吉」,所自有也。 正,有中正之德也,故云「貞吉」。凡「貞吉」,有爲貞且 説蘇氏軾曰:「雄鳴則雌應,故《易》以陰陽唱和寄之於 程傳二以柔順居中,是爲謙德積於中。 謙德充積 集 得

皆和之而鳴於謙。」 謙之所以爲謙者三,六二其鄰也,上九其配也,故

九三,勞謙,君子有終,吉。

上加一「勞」字,蓋謙非難,勞而能謙爲難。九三之勞 君子有終。」周公於三之爻辭以「吉」代「亨」字,「謙」之

可得也。惟君子安履謙順,乃其常行,故久而不變,乃 勉而爲之,若矜負之心不忘,則不能常久,欲其有終,不 牧,夔夔如畏然,可謂有勞而能謙矣。 周公是也。身當天下之大任,上奉幼弱之主,謙恭自 宗,履得其位,爲下之上,是上爲君所任,下爲衆所從, 如其應矣。程傳三以陽剛之德而居下體,爲衆陰所 勞而能謙,尤人所難,故「有終」而「吉」。 占者如 本義卦惟一陽,居下之上,剛而得正,上下所歸,有 而九三實當之。」〇胡氏炳文曰:「文王卦辭曰:「謙享, 傳曰:「謙之成卦,在此一爻。 先焉。上承下接,「勞謙」匪懈,是以「吉」也。」〇王氏宗 體之極,履得其位,上下無陽以分其民,衆陰所宗,尊莫 此爻之德最盛,故象辭特重。 所謂「有終」,有終則吉也。 時能謙,固已鮮矣,況有功勞可尊乎。雖使知謙之善, 須君子行之「有終」則「吉」。夫樂高喜勝,人之常情,平 有功勞而持謙德者也,故曰「勞謙」。古之人有當之者, 九三以剛居正、能終者也。 故卦之德曰[君子有終]: 集説 王氏弼曰:「處下 既能「勞謙」,又 是,則 功

 $\overline{\circ}$

明矣。」 明矣。」 明矣。」 明矣。」 一是氏曰慎曰:「諸儒皆以「君子有終」爲句,然 蓋所謂「勞」者,即乾之「終日乾乾」,而謙則又坤之「含 蓋所謂「勞」者,即乾之「終日乾乾」,而謙則又坤之「含 蓋所謂「勞」者,即乾之「終日乾乾」,而謙則又坤之「含 以「君子」稱,坤之三以「有終」言,謙之三兼乾坤之占辭。

六四,无不利撝謙。

畏以奉謙德之君,卑巽以讓勞謙之臣,動作施爲,无 程傳四居上體,切近君位,六五之君,又以謙柔自處 不利於「撝謙」也。 九三又有大功德,爲上所任,衆所宗,而己居其上,當恭 三之上,故戒以更當發揮其謙,以示不敢自安之意也。 本義柔而得正,上而能下,其占「无不利」矣。然居九 而 者矣。然或闇於事理,辭受失宜,無功而受其禄,無實 更當發揮其謙也。 矣,「无不利」矣。然處近君之地,在功臣之上,故戒以 集説梁氏寅曰:「六四柔而得正,上而能下,可謂 息進退,必施其謙,蓋居多懼之地,又在賢臣之上故也。 處其名,若是者失謙之道矣,不可以不戒也。」 世之人臣,固有執柔守正,不與物競 「撝」,施布之象,如人手之撝也。 謙 動 所

> 子《象傳》,則程説近是。 案:「无不利撝謙」,《本義》作兩句,程《傳》作一句,觀夫

六五,不富以其鄰,利用侵伐,无不利。

富者,六五虚中而能謙也,以其鄰者,衆莫不服五之謙 發之,六五一爻不言謙,而曰「利用侵伐」,何也? 不有其崇高富貴之勢,此一卦謙德之盛也。 宜,而无所不利也。蓋五之謙柔,當防於過,故發此義。 天下,故「利用」行「侵伐」也。 也。然君道不可專尚謙柔,必須威武相濟,然後能懷服 「不富」而得人之親也。爲人君而持謙順,天下所歸心 接於下、衆所歸也、故不富而能有其鄰也。「鄰」、近也 衆之所歸,唯財爲能聚人。五以君位之尊,而執謙 於他事亦无不利。人有是德,則如其占也。 鄰之象,蓋從之者衆矣。猶有未服者,則利以征之,而 本義以柔居尊,在上而能謙者也,故爲不富而 心,則其臣鄰翕然,焉往不利哉? 集説楊氏萬里曰:「五以君上之尊,體謙柔之德,飲然 也 大者。」○胡氏炳文曰:「謙之一字,自禹征有苗,而伯益 如此而猶有不服者,則征之固宜。」 威德並著,然後盡君道之 「利用侵伐」,姑舉其 程傳富者 推不富之 順以 以其

上六,鳴謙,利用行師,征邑國

治也。 説楊氏時曰:「君子行有不得,則反求諸己,故曰「利用 有。 甚,則反爲過矣,故利在以剛武自治。 然人之行己,必須剛柔相濟。上,謙之極也。 於聲色,故曰「鳴謙」。 得遂其謙之志,故至發於聲音。 之極,又處謙之極,極乎謙者也。 而无位,故可以征己之邑國而已。 本義謙極有聞,人之所與,故可用行 行師,征邑國」也。 「行師」, 不用剛克而能勝己之私者,未之有也。]〇朱氏 謂用剛武。 「邑國」,私於己者也。「征邑國」,自 雖居无位之地,非任天下之事, 「征邑國」,謂自治其私。 又柔處謙之極,亦必見 以極謙而反居高,未 程傳六以柔處柔順 師。 「邑國」,己之私 然以其質柔 至於太 集

毋敢侵伐,亦謙之象。」

此。 者,以謙爲主也。 所奪。是以六爻雖有失位無應乘剛,而皆無凶咎悔吝 居衆人之所惡,而爲動者所害,處不競之地,而爲争者 所起,興於利者也。 總論王氏弼曰:「夫「吉凶悔吝,生乎動者也」。 利而無害、《易》中吉利,罕有若是純全者,謙之效固 ○胡氏一桂曰:「謙一卦,下三、爻皆吉而無凶,上三爻皆 謙 故飲食必有訟,訟必有衆起,未 「尊而光」,卑而不可踰,信矣哉。」 動 加 有 之

■ 震坤 上下

二卦之義而爲次也。 程傳 奮發其聲,通暢和豫,故爲豫也 象言之,雷出於地上,陽始潛閉於地中,及其動而出 又承之以順,是以動而上下順應,故爲和豫之義。 順,是以豫也。 者,安和悦樂之義。 豫、《序卦》: 九四爲動之主,上下羣陰所共應也 「有大而能謙必豫,故受之以 爲卦震上坤下,順動之象,動 有既大而能謙 , 則 有豫樂 \豫。]承 也。 以二 而 地 坤 和 豫

則誠

,誠則物無不應。

有不應焉,誠未至也。」〇《朱子

震曰:「「征邑國」者,非侵伐也,克己之謂也。 君子自克

語

類》:

「問:謙是不與人争,如何五、上二爻皆言「利用

豫 ,利建侯行師 取小國,小國下大國,則取大國。」又言:「抗兵相加,哀 侵伐」、「利用行師」? 曰:《老子》言:「大國下小國,則

臨事而懼,皆是此意。」○何氏楷曰:「所征止於「邑國」, 者勝矣。」大抵謙自是用兵之道,只退處一步耳,如必也

下。 本義豫,和樂也。 者,取逸豫之義。 和悦不能使之服從也。 從而有功。 之義,所利在於「建侯行師」。 豫,而其占利以立君用師也。 上下應之。其志得行,又以坤遇震爲順以動 謂之豫也。 而下順,諸侯從王、師衆順令之象。君萬邦,聚大衆,非 侯」,此合震坤成卦,故兼之。」 而不言「行師」,謙有坤無震,則言「行師」而不言「建 「行師」也。」○丘氏富國曰: 諸侯和順,則萬民悦服,兵師之興,衆心和悦則順 故悦豫之道,利於「建侯行師」也。 動而衆悦,故「利建侯」。 以和順而動,動不違衆,衆皆悦豫,故 人心和樂,以應其上也。九四一 集説孔氏穎達曰:「謂之豫 「屯有震無坤,則言「建侯」 夫建侯樹屏,所以共安天 程傳豫,順而動也。 以順而動,故可以 ,故其卦爲 又上動 陽, 豫

初六,鳴豫,凶。

而應之,是不中正之小人,處豫而爲上所寵,其志意滿自鳴,凶之道也,故其占如此。卦之得名,本爲和樂,然卦辭爲衆樂之義,爻辭除九四與卦同外,皆爲自樂,所對辭爲衆樂之義,爻辭除九四與卦同外,皆爲自樂,所

自鳴。 者,心聲之發也。」〇襲氏焕曰:「豫之初六,即謙上六之 之甚也。」〇蘇氏軾曰:「所以爲豫者,四也,而初和之, 之相應,小人得志,必極其情欲以至於凶,形於聲鳴,豫 應九三,故「鳴其謙」。豫之初六應九四,故不勝其豫以 反對,故謙上六曰「鳴謙」,豫初六曰「鳴豫」。 謙之上六 ○王氏應麟曰:「鳴謙」則「吉」,「鳴豫」則「凶」。 故曰「鳴」。 己無以自樂,而恃其配以爲樂,不得不凶。」 極,不勝其豫,至發於聲音。 「鳴」,發於聲也。 謙而鳴則「吉」,豫而鳴則「凶」。」 集説石氏介曰:「四爲豫之主,初與 輕 淺如是,必至於凶 「鳴」 也。

六二,介于石,不終日,貞吉。

爻中而得正,是上下皆溺於豫,而獨能以中正自守,其 豫之道,放則失正,故豫之諸爻,多不得正,才與時合 日,而見凡事之幾微也。《大學》曰:「安而后能慮,慮而 時 也。 后能得。」意正如此。占者如是,則正而吉矣。 介如石也。 本義豫雖主樂,然易以溺人,溺則反而憂矣。 '獨能以中正自守'可謂特立之操,是其節介如石之 惟六二一爻處中正,又无應,爲自守之象。 其德安静 而堅確,故其思慮明審,不俟終 程傳逸 當豫之 桂 獨 此

堅 子因二之見幾,而極言知幾之道,曰: 可安且久也,久則溺矣。 其神妙矣乎。君子上交不至於諂,下交不至於瀆者,蓋 子知微知彰,知柔知剛,萬夫之望。」夫見事之幾微者 石,不終日,貞吉。1介如石焉,寧用終日,斷可識矣。 先見者也。君子見幾而作,不俟終日。《易》曰: 『介于 子上交不諂,下交不瀆,其知幾乎。 石,其去之速,不俟終日,故「貞」正而「吉」也。 故遲遲遂至於耽戀不能已也。二以中正自守,其介如 有凶也。 微,故不至於過也。 過則爲諂。交於下以和易,故過則爲瀆。君子見於幾 知幾也。 則知彰矣,見柔則知剛矣。 其判别可見矣。 既堅,則不惑而明,見幾而動,豈俟終日也? 端,可先見而未著者也。 逸豫之事,心焉悦之,必至於耽戀而不舍,何者? 之曰「萬夫之望」。 也。 「介于石」,其介如 不知幾,則至於過而不已。交於上以恭巽,故 君子明哲,見事之幾微,故能其介如石,其守 微與彰,柔與剛,相對者也,君子見微 所謂「幾」者,始動之微也,吉凶之 説王氏宗傳曰:「凡人之情,於 石也。 如二可謂見幾而作者也。夫 獨言吉者,見之於先,豈復至 知幾如是,衆所仰也,故贊 人之於豫樂,心悦之 幾者,動之微,吉之 「知幾其神乎,君 斷,别也 處豫不 有所 君

> 溺故也。 其所居得正,故動静之閒,不失其正,吉可知矣。」 守而「介于石」,及其動也,則見幾而作,不俟終日。 於衆陰之中,而無遲遲耽戀之意。 爲「悔」、爲「疾」。 吉,豫初應四,而三、五比四,皆有係者也,是以爲「凶」、 時而獲吉也。]〇丘氏富國曰:「豫諸爻以無所係應者爲 而識之,速而去之,又豈俟終日也哉。此其所以當豫之 惟知幾之君子,其視樂豫之事,如 獨六二陰静而中正,與四無係,特 方其静也,則確 將浼己,断 然自 立 蓋

六三,盱豫悔,遲有悔

日 悔吝。 爲四所取,故「有悔」也。 傳六三陰而居陽,不中不正之人也。 故六三上視於四,而下溺於豫,宜有悔者 制心,雖處豫時不失中正 動皆有悔。「盱」,上視也,上瞻望於四,則以不中 此,而其占爲事當速悔,若悔之遲,則必「有悔」也。 本義「盱」,上視也。 而不前,則見棄絶,亦有悔也。 「處豫之道,戒在不能自立而優游無斷,睢盱上 當如之何? 在正身而已。 陰不中正,而近於四,四爲卦主, 四,豫之主,與之切近 ,故无悔也。 蓋處身不正,進退皆有 君子處己有道 以不中正而 集説 也,故其 郭氏 ,苟遲遲 處豫, 以 視而 忠孝 ·正不 象 程 如 禮

可也,悔之遲則又必「有悔」矣。」 豫」與介石相反,「遲」與「不終日」相反,中正與不中正 也。」〇胡氏炳文曰:「二中而得正,三陰不中正。 悦之,非「介于石」者 六三雖柔,其位則陽,猶有能悔之意,然悔之速 也。 遲疑 而 有待,非『不終 故一盱 日一者

九四,由豫,大有得,勿疑,朋盍簪。

髮也。 至誠 四,大臣之位,六五之君順從之,以陽剛而任上之事,豫 豫者,由九四也,爲動之主,動而衆陰悦順,爲豫之義。 又因而戒之。「簪」,聚也,又速也。 爲「大有得」。然又當至誠不疑,則朋類合而從之矣,故 本義九四,卦之所由以爲豫者也,故其象如此,而其占 朋類自當盍聚。 无同德之助,所以疑也。 之君,而當天下之任,危疑之地也,獨當上之倚任,而下 天下之豫也。「勿疑,朋盍簪」,四居大臣之位,承柔弱 之所由也,故云「由豫」。「大有得」言得大行其志,以致 面 至誠求助,理 ,則何患乎其无助也。 或 曰: 卦唯 必得之。 夫欲上下之信,唯至誠而已。 陽,安得同德之助? 唯當盡其至誠,勿有疑 《姤》之九五日 「簪」,聚也,簪之名簪,取聚 程傳豫之所以爲 「有隕自天」是 ⊟. . 居上位 荷盡: 慮,則 其

> 正也。 也。 懷疑,故得羣物依歸,朋從大合,若以簪篸之固括也。」 之主、衆陰所宗、莫不由之、以得其逸。體剛心直、志不 者也,故唯戒以至誠勿疑。 而不然者,豫,和順之道也。 所謂「大有得」也。 而致也。處近君之地,以剛而能柔,衆陰之所順附,此 功者也。」〇梁氏寅曰:「「由豫」者,言人心之和豫,由 總衆髮以安其冠。 雷以豫,以爻言之,五陰莫不由陽以豫,是以「大有得. 服,故曰「勿疑,朋盍簪」。」○蔡氏清曰:「九四「由豫,大 待以曠大之度,不爲物我之私,然後有以致人心之皆 也。「大有得」而「勿疑」,乃能協衆力以安其上,猶簪之 ○耿氏南仲曰:「九四爲震之主,以象言之,萬物莫不由 而居元臣之任者,如舜則舉八元八凱,伊尹、周公,皆有 重,難以獨力,必得同德者以自輔。 有得1矣,又必戒以「勿疑,朋盍簪」者,誠以由豫任大青 四以陽剛迫近君位,而專主乎豫,聖人宜爲之戒, 如此而專主於豫,乃是任天下之事,而致時於豫 若自疑則衆斯睽矣,未聞疑事而 然人既樂從,則當開誠心,布公道: 集説侯氏行果曰:「爲豫 由和順之道,不失爲臣之 自古以聖哲之資 有 四

「簪」,聚也。簪之

俊乂吉人之助,諸葛孔明亦必開誠心以來諸賢之益,聖

人命辭之意深矣哉。]○何氏楷曰:

治水,遺簪不顧」,非簪而何?即弁服之笄是也。」名簪,取聚髮也。或謂古冠服無簪,按《鹽鐵論》「神禹

六五,貞疾,恒不死。

之臣也。 柔弱之君所能制也,乃柔弱不能自立之君,受制於專權 之所主,衆之所歸,皆在於四。 陰柔居君位,當豫之時,沈溺於豫,不能自立者也。 爲常不死之象。 衆不附而處勢危,故爲「貞疾」之象。 然以其得中,故又 本義當豫之時,以柔居尊,沈溺於豫,又乘九四之剛, 取義,故不同也。 强逼者,四本无失,故於四言大臣任天下之事之義,於 之道非一,而以豫爲多。 而有疾,常疾而不死,如漢魏末世之君也。 尊位,權雖失而位未亡也,故云「貞疾,恒不死」。 資之於人,宜也,耽豫而失之於人,危亡之道也。 得其人,安享其功,如太甲、成王也。蒙亦以陰居尊位, 五則言柔弱居尊、不能自立、威權去己之義,各據爻以 一以陽爲蒙之主,然彼吉而此疾者,時不同也。 居得君位、貞也、受制於下、有疾苦也。 即象而觀,占在其中矣。 若五不失君道,而四主於豫,乃是任 在四不言失正,而於五乃見其 四之陽剛得衆,非 程傳六五以 人君致危亡 童蒙而 言負 故蒙 六 耽 五. 惑 權

> 案:王氏、何氏説深得爻義。 常如疾病在身,乃得恒而不死,所謂生於憂患者也。」 曰:「六五以柔居尊,當豫之時,易於沈溺,必戰兢畏惕 此豫之六爻,惟六二、六五,所以不言豫焉。]○何氏楷 是也。當豫之時,而不得豫者,見正於人也,六五是也 死,宜也。夫當豫之時,而不爲豫者,以正自守也,六二 之時,不得以縱其所樂。 安樂也。」則六五之得九四,得法家拂士也。 出則無敵國外患者,國恒亡,然後知生於憂患,而死於 弼於己,故得恒不死也。《孟子》曰:「入則無法家拂士, 侈之欲,宜其死於安樂有餘也。 專歸於四也。 相 應 , 則 倚任 者也 集説 王氏宗傳曰:「當逸豫之時,恣驕 , 豫 相 逼,則失權者 唯不得以縱其所樂,則 然乘九四之剛,恃以 也。 又上下之心, 故雖當豫 (恒不 拂

上六,冥豫,成有渝,无咎。

斯時,亦當戒懼,況陰柔乎? 乃耽肆於豫,昏迷不知反正之德,以陰居上,不正也。而當豫極之時,以君子居而无咎,所以廣遷善之門也。 程傳上六陰柔,非有中又爲其事雖成,而能有渝之象。戒占者如是,則能補過本義以陰柔居豫極,爲昏冥於豫之象。以其動體,故

我也。在豫之終,故爲昏冥已成也。若能有渝變,則可以无咎矣。在豫之終,有變之義。人之失苟能自變,皆可以无咎。故冥豫雖已成,能變則善也。聖人發此義,所以勸善也。故更不言冥之凶,專言渝之无咎。 集説所以勸善也。故更不言冥之凶,專言渝之无咎。 集説升而勉其不息,回進善之機也。」

懼儆戒者,以其能改變爾。 常有疾也,故常能憂懼儆戒而得不死也。 使縱其欲而無病,則將一病不支,而亡也無日矣。 耽於逸樂,而不能節其飲食起居者,是致死之道也。 案:「貞疾」與「成有渝」兩爻之義,亦相爲首尾,如人之 悟,殆將習與性成矣。今乃一變所爲,而節飲食,慎 不言无咎,而於上言之,所以終卦義而垂至戒也。 居 ,則可以復得其性命之理,豈獨不死而已乎。 向也耽於逸樂,昏冥而 然所貴乎憂 故於五 惟 茍 起 其 不

計 兑震 上下

少女從長男,隨之義也。又震爲雷,兑爲澤,雷震於澤震爲動,説而動,動而說,皆隨之義。女,隨人者也。以道,物所隨也,隨所以次豫也。爲卦兑上震下,兑爲説,程傳隨、《序卦》:「豫必有隨,故受之以隨。」夫悅豫之

取爻義者,復有更取卦變之義者,如隨之取義,尤爲詳陰,陰必説隨,爲隨之義。凡成卦既取二體之義,又有坤之下,坤之初往居乾之上,陽來下於陰也。以陽下中,澤隨而動,隨之象也。又以卦變言之,乾之上來居

隨,元亨,利貞,无咎。

備。

之道 善,臣下之奉命,學者之徙義,臨事而從長,皆隨也。 隨,皆隨也,隨得其 義,然其下云云,深得占法之意。 德,隨而无咎,我皆无之,豈隨也哉....]今按四德雖非本 雖大亨而不免於有咎矣。《春秋傳》穆姜曰:「有是四 爲「元亨」。然必利於貞,乃得「无咎」。若所隨不正,則 隨。己能隨物,物來隨己,彼此相從,其通易矣,故其占 柔之義。以二體言之,爲此動而彼説,亦隨之義,故爲 自噬嗑九來居五,而自未濟來者,兼此二變,皆剛 本義「隨」,從也。以卦變言之,本自困卦九來居初,又 失其正則有咎矣,豈能亨乎? 大亨也。君子之道爲衆所隨,與己隨於人,及臨事擇所 ,利在於貞正。 道,則可以致大亨也。 隨得其正, 然後能大亨而「无咎」。 集説石氏介曰:「凡隨 程傳隨之道可以致 凡人君之從 來隨 隨

一八

非

之義,可隨 者,其義最大,故其辭曰「元亨」。又曰「利貞,无咎」者, 象則如以貴下賤,以多問於寡,乃堯舜所謂舍己從人 爻,六十四卦中惟此一卦,此卦名爲隨之第一義也。 所隨爲卦名之本義,則非矣。 主,在以己隨人,至於物來隨己,則其效也。 明所隨必得其正,所以終「元亨」之義也。 以二體言之,震剛下兑柔,以卦畫言之,剛爻下於柔 則隨。 若唯 隨之務,不以正道,安得亨乎?」 然則卦義所 若以爲物 其

初九,官有渝,貞吉,出門交有功。

居隨 而變其常矣,惟得其正則吉。 爲震之主,卦之所以爲隨者也。 本義卦以物隨爲義,爻以隨物爲義。初九以陽居下, 則見其是,惡之則見其非,故妻孥之言,雖失而多從,所 門交有功」,人心所從,多所親愛者也。 既有所隨,是其所主守有變易也,故曰「官有渝」。 隨 吉」,所隨得正則吉也。 憎之言,雖善爲惡也。 ,則有功也。 時 而震體,且動之主,有所隨者也。 故其象占如此,亦因以戒之。 苟以親愛而隨之,則是私情 有渝而不得正,乃過動也。 又當出門以交,不私 既有所隨,則有所偏 常人之情,愛之 「官」,主守也。 程 傳 二出 「貞 所 九 其 主

私暱。 門交有功」,官是主字之義,是一卦之主。首變得正 與,豈合正理? 人從之。」〇《朱子語類》:「問:「初九「官有渝,貞吉,出 介曰:「陽在二陰之下,以剛下柔,孰不從之,故出門則 獲其功。」○房氏喬曰:「出門有功,先擇後交。」○石氏 偏係,可隨則隨,是所執之志能渝變也。 曰:「人心所主謂之「官」。「渝」,變也。 「貞吉」也。所隨不以私,見善則往隨之,以此出門, 交不以私,故其隨當而有功。 故出 門 而 交, ,則有 功 也。 集説孔氏 初九無應,無所 唯正是從,故 一出門 穎 謂

何 ? 者,隨而攀戀不捨之義。六二、六三、上六,其性皆陰 乃成卦之主爻,主不可以隨人,故不言隨而言交。 雖貴乎有守,然處隨之時,不可守常而不知變也。 趨時從權,不以主自居也,故曰「官有渝」。 初九 變者

相隨,不取其應。

初九震體,震以剛爻爲主,官也。

則有功而無失矣。」〇俞氏琰曰:「隨之六爻,專取

相比

出門而交,即「同人于門」之意。

得隨之正而不牽於私

動,有所變易,不能保其無偏也,故必變而從正則吉。

之主。震,動也,官有渝,是主守有變動之象。

隨

「官」、主也。

「渝」,變也。

當隨之初,剛來下柔,爲震

吉,不正便凶。1日:「是如此。」」〇張

氏

清子

日

便

柔,而攀戀相隨不捨,故皆言係。」

隨,變而不失其正者也,故可以得吉,而「出門交有功」。今以剛而下柔,是其變也,故曰「官有渝」。然當隨而案:陽爲陰主,故曰「官」。夫陽爲主而陰隨之者,正也。

六二,係小子,失丈夫。

爲之戒也。 爲之戒也。 爲之戒也。 爲之戒也。 爲之戒也。 爲之戒也。 爲之戒也。 爲之戒也。 爲之戒也。 一樣小子」,則「失丈夫」也。初陽在下,小子也,五正應 作上,丈夫也。 二若志係於初,則失九五之正應,是「失 在上,丈夫也。 二若志係於初,則失九五之正應,是「失 在上,丈夫也。 二若志係於初,則失九五之正應,是「失 本義初陽在下而近,五陽正應而遂,二陰柔不能自守, 本義初陽在下而近,五陽正應而遠,二陰柔不能自守,

子」,初也。陽之在上者,丈夫也。居下者,小子也。三如此,而又戒以居貞也。程傳「丈夫」,九四也。「小來義「丈夫」,謂九四。「小子」亦謂初也。三近係四,不義「丈夫」,謂九四。「小子」亦謂初也。三近係四,不三,係 丈夫,失小子,隨有求得,利居貞。

失小子。」二〇陸氏希聲曰:「三非正而隨,其義可尚者 曰「隨有求得」也。應非其正,以係於人,何可以妄? 在丈夫。四俱無應,亦欲於己隨之,則得其所求矣,故 曰:「雖體下卦,二已據初,將何所附? 取愛説以遂所求,如此乃小人邪諂 凡所求者可得也,雖然,固不可非理枉道以隨於上,苟 善,上隨也。背是從非,舍明逐暗,下隨也。 從上,得隨之宜也。上隨則善也,如昏之隨明,事之從 自立,常親係於所近者。上係於四,故下失於初。舍初 雖與初同體而切近於四,故係於四也。 以承陽爲順也。」 故「利居貞」也。 上係於四,失初小子,故「係丈夫,失小子」。」○王氏弼 君子之隨也。 有求必得也。 无隨之者也。 ·利居貞」。自處於正,則所謂有求而必得者,乃正事, 人之隨於上而上與之,是得所求也。又 近得三之隨,必與之親善,故三之隨四: 集説 虞氏翻曰:「陰隨陽,三之上無應 初處己下,四處己上,故曰: 「係丈夫 趨利之爲也,故云 故舍初係四、志 大抵陰柔不能 四亦无應

本義九四以剛居上之下,與五同德,故其占隨而有獲。九四,隨有獲,貞凶,有孚在道,以明,何咎。

使恩威一出於上,衆心皆隨於君。若人心從己,危疑之 正亦凶。 下從之,可以无咎也。 然勢陵於五,故雖正而 賢則不能也。其次如唐之郭子儀,威震主而主不疑,亦 疑,位極而无逼上之嫌,勢重而无專權之過,非聖人大 故能如是「以明」也,復何過咎之有? 是「有孚」也。 之隨,所以成其君之功,致其國之安。其至誠存乎中 伊尹、周公、孔明是也。 合於道,以明哲處之,則又「何咎」? 古之人有行之者 道也,故「凶」。居此地者奈何? 傳九四以陽剛之才,處臣位之極,若於「隨有獲」,則雖 郭氏雍曰:「六三「隨有求得」,蓋隨人而有得者。 常義,心存公誠,著信在道,以明其功,何咎之有?」○ 虞氏翻曰: 由中有誠爭,而處无甚失也,非明哲能如是乎? 地,履非其位,以擅其民,失於臣道,故曰「貞凶」。 陰,三求係己,不距則獲,故曰「隨有獲」也。 「有獲」,謂得天下之心隨於己。 「謂獲三也。」〇王氏弼曰:「處説之初,下據 其所施爲无不中道,在道也。 XI, 占者當時之任,宜審此戒。 皆德及於民而民隨之,其得民 惟有孚在道而明 惟孚誠積於中,動爲 是以下信而上不 爲臣之道,當 惟其明哲 河則上 居於臣 集説 九四 雖違 一安而 程

> 陽相隨爲義,三、四皆無正應,相比而相 心所孚信在於道焉,以明自處,何咎之有?」 三上而從陽,理之正也。 三、九四,相比相從。三言「有得」者,得乎四也,四言 誠之道,足以使天下無疑焉,斯无咎。]〇徐氏幾曰:「六 君,又獲天下之隨,守此爲「貞」,則「凶」矣。 是必有 「有獲」者,獲乎三也。」○龔氏焕曰:「隨卦諸爻,皆以陰 「隨有獲」,蓋以得人之隨爲獲也。 九四下爲陰從,固守則 夫尊近之臣,勢疑於 隨者也。 凶 若

簡明也。

案:郭氏、徐氏、龔氏之説,皆與卦意、爻義相合,龔氏尤

九五,孚于嘉,吉。

治之原、、隨》之九五曰:「孚于嘉,吉。」信小人者,亂之 説楊氏萬里曰:「九五以陽剛居兑之中正,爲一卦説隨 吉,惟在隨善而已。 之主,此聖君至誠樂從天下之善者也,吉孰大焉。 善,其吉可知。「嘉」,善也。 吉宜矣。 本義陽剛中正,下應中正,是信于善也。 「孚」,誠也。 「嘉」,善也。」○王氏應麟曰:「信君子者. 程傳九五居尊得正而中實,是其中誠 下應二之正中,爲隨善之義。 自人君至於庶人,隨 占者如 在於隨 是,其 道之

機、《兑》之九五曰:「孚于剥,有厲。」」

上六,拘係之,乃從維之,王用亨于西山。 歸市。 誠意如是則吉也。 享之享。 可通神明,故其占爲「王用亨于西山」。「亨」亦當作祭 隨極,固爲太過,然在得民之隨,與隨善之固,如此乃爲 于西山。 于西山」,隨之極如是。昔者太王用此道亨王業于西 維之」,又從而維繫之也。 隨者也。「拘係之」,謂隨之極,如拘持縻係之。「乃從 本義居隨之極,隨之固結而不可解者也。誠意之極, 馬。」《白駒》詩:「繁之維之,以永今朝。」正合此爻。」○ 可解,隨之極者也。 善也,施於他則過矣。 山,太王避狄之難,去豳來岐,豳人老稚扶攜以隨 項氏安世曰"「《大有》九三「公用亨于天子」、《隨》上六 「王用亨于岐山」,四爻句法皆同。 古文「亨」即「享」字・ 「王用亨于西山」、《益》六二「王用亨于帝」,《升》六四 蓋其人心之隨,固結如此,用此故能享盛其王業 自周而言,岐山在西。凡筮祭山川者得之,其 「西山」,岐山也。 程傳上六以柔順而居隨之極,極乎 如《有客》詩:「言授之繁,以繁其 集説 吕氏祖謙曰:「拘係而 謂隨之固結如此。 周之王業,蓋興於此。上居 「王用 之如 不 亨

作「亨帝」也。」

《易》中五、上二爻,六五下上九,則有尚賢之義,大有 **豈遯乎世哉** 時則高尚而不事,各惟其宜而已矣。此豈縻於禄而 此爻與蠱上義正反對,當隨之時則拘係而不去,當蠱之 受之。又以見王者之克當天心,無有大於用賢者爾。 者,山川所生,上帝所簡,故使之主祭,則百神享之而天 者王也。凡《易》爻言「王用亨」者三、皆謂王用如此爻 而但曰「拘係之」,下乃云「王用亨于西山」,明乎其所係 于剥」也。於上六則不曰「係小子」,亦不曰「係丈夫」, 非不正也。故於九五曰「孚于嘉」,所以别於《兑》之「孚 亦兑體,而卦以剛下柔爲義,則九五、上六有相隨之義, 體取之者,爲其以相説而動,易入於不正也。 咸、夬、兑是也。 案:卦之初剛,下於二柔,則九五之剛,亦下於上柔也。 者之人,以亨于山川上帝也,非謂其爻爲王也。 大畜、頤、鼎是也, 九五近上六,則有比匪之義,大過 六二猶可,而於上六「拘係」,則說得全無根據矣。凡 而諸儒説兩爻義,皆不及此,故於九五「孚嘉」,以爲應 然九五、上六相比不正之私情,必於兑 獨此卦雖 蓋賢人

者也。」 之「有渝」,四之「有獲」,五之「孚于嘉」,此有所隨而無所 總論王氏宗傳曰:「隨之六爻,其半陰也,其半陽 係者也。以柔從之才,而當隨之時,則均不免於有所係 剛之才,則有所隨而無所係,初九、九四、九五是也。 六二、六三、、上六是也。 「係丈夫,失小子」,上則曰「拘係之」,此均不免於有所係 故二則 「係小子、失丈夫」、三則 也。 故初 陽

■ 艮巽 上下

事, 蠱乃有事也。爲卦山下有風, 風在山下, 遇山 无事則何喜何隨? 程傳蠱、《序卦》:「以喜隨人者必有事,故受之以蠱。」 倬 爲有事之象,故云「蠱者事也」。 長女下於少男,亂其情也。 之有蟲,蠱壞之義。《左氏傳》云:「風落山,女惑男。」以 則物亂,是爲蠱象。 承二卦之義以爲次也。夫喜説以隨於人者,必有事也 以卦之象言之,所以成蠱也。 蠱所以次隨也。蠱,事也。蠱非 蠱之義,壞亂也。 風遇山而 以卦之才言之,所以治蟲 既蠱 回,物皆撓亂,是 而治之,亦事也 在文爲蟲皿 丽 Ш. 回 訓

蠱,元亨,利涉大川。 先甲三日,後甲三日。

本義 下,自既濟來者。兼之,亦剛上而柔下,皆所以爲蠱也。 柔下,謂卦變自賁來者,初上二下,自井來者, 久。 自然也。 程傳既蠱則有復治之理,自古治必因亂,亂則開治,理 意,以監前事之失,而不使至於速壞,聖人之深戒也 而不使至於大壞,後事方始而尚新,然更當致其丁寧之 日」,丁也。 蠱壞之極,亂當復治,故其占爲「元亨」,而「利涉大川」。 上下不交,下卑巽而上苟止,故其卦爲蠱。 然,則知備之之方。 之深,推之遠也。 甲」謂後於此,慮其將然也。 救弊可久之道。 「先甲」謂先於此,究其所以然也。 之端也。 首,事之始也。 者,濟時之艱難險阻也,故曰「利涉大川」。「甲」,數之 ·甲」,日之始,事之端也。 「先甲三日」,辛也,「後甲三 此古之聖王,所以新天下而垂後世也。 蠱」, 治蠱之道,當思慮其先後三日,蓋推原先後爲 如卦之才以治蠱,則能致「元亨」也。 前事過中而將壞,則可自新以爲後事之端 **| 壞極而有事** 如辰之甲乙,甲第,甲令,皆謂首也,事 究其所以然,則知救之之道,慮其將 善救則前弊可革,善備則 也。 其 一日二日至於三日,言慮 ,卦艮剛居上,巽柔居下, 或曰: 後之治蠱 蠱之大 五上上 後利可 剛上 後

「先甲」「後甲」爲戒。
「先甲」「後甲」爲戒。
「先甲」「後甲」爲戒。「不可輕於動,故以「利涉大川」,第一義也。壞極則有復通之理,但當弘濟艱難而不可下不相接,則隔絶而百弊生,萬事隳矣,亦此卦名蠱之下不相接,則隔絶而百弊生,萬事隳矣,亦此卦名蠱之不相發,與隔對居上,陰對居下,六位則剛爻居上,柔爻案:二體則陽對居上,陰對居下,六位則剛爻居上,柔爻

初六,幹父之蠱,有子,考无咎,厲終吉。

甚小,故專言爲子幹蠱之道,必克濟則不累其父,能 无應而主幹,非有能濟之義,若以不克幹而言,則其義 尊事,自當兢畏,以六之才,雖能異順,體乃陰柔,在 不然,則爲父之累,故必惕厲則得「終吉」也。 知危而能戒,則「終吉」也。 能治蠱,而考得「无咎」,然亦危矣。 而振起矣。 考可[无咎]矣。 爲蠱之初,蠱猶未深,事猶易濟,故其占爲「有子」,則其 氏炳文曰:「爻辭有以時位言者,有以才質言者,如蠱初 非一日之故也,必世而後見,故爻皆以父子言之。」〇胡 生之謂之蠱,天下久安無爲而弊生之謂之蠱。蠱之災, 蘇氏軾曰:「器久不用而蟲生之謂之蠱,人久宴溺而疾 父蠱之道,能堪其事,則爲「有子」,而其考得「无咎」。 由之,有主之義,居内在下而爲主,子幹父蠱也。子幹 六以陰在下,所應又柔,才不足以治蠱。 以時言之,則 「厲」則可以「終吉」,乃備見爲子幹蠱之大法也。 人已壞之緒,故諸爻皆有父母之象,子能幹之,則飭 本義「幹」,如木之幹,枝葉之所附而立者也。 初六蠱未深而事易濟,故其占爲「有子」,則 然謂之蠱 ,則已危厲,不可以蠱未深而 程傳初六雖居最下,成 戒占者宜如是,又 處卑而尸 **盎者**,前 集説 桂

忽之也。故又戒占者知危而能戒,則「終吉」。」

九二,幹母之蠱,不可貞。

乎 ? 也。 臣,輔柔弱之君,義亦相近。二巽體而處柔,順義爲多, 幹夫在上陰柔之事也,故取子幹母蠱爲義。 之道也。 幹母之蠱之道也。夫子之於母,當以柔巽輔導之,使得 剛承柔而治其壞,故又戒以不可堅貞,言當巽以 本義九二剛中,上應六五,子幹母蠱而得中之象。 道則可矣,又安能使之大有爲乎? 爲甚高之事乎? 若於柔弱之君,盡誠竭忠,致之於中 不可貞固盡其剛直之道,如是乃中道也。又安能使之 意,巽順將承,使之身正事治而已,故曰「不可貞」。 然矯拂則傷恩,所害大矣,亦安能入乎? 於義,不順而致敗蠱,則子之罪也。從容將順,豈无道 而得中,是能巽順而得中道,合不可貞之義,得幹母 道則可矣,固不能使之爲羲、黄、堯、舜之事也。 二巽體 王,成王非甚柔弱也,然能使之爲成王而已,守成不失 程傳九二陽剛爲六五所應,是以陽剛之才在下而 以婦人言之,則陰柔可知。 集説蘇氏軾曰:「陰之爲性,安無事而惡有 若伸己剛陽之道,遽 且以周公之聖輔成 在乎屈己下 以剛陽之 入之 謂 以

九三,幹父之蠱,小有悔,无大咎。

柔,皆可幹蠱,不然與其爲六四之過於柔而吝,不若九 以剛柔相濟爲尚。 三之過於剛而悔,故曰「小有悔」。 初六、六五,柔而居剛,九二剛 若不足其過於剛, 丽 居

六四,裕父之蠱,往見吝。

之曰「无大咎」,猶幸其能剛也。」

説得悔吝二字最分明,九三有悔而无咎,由 而已。若往幹過常之事,則不勝而「見吝」也。 以處其父事者也。 程傳四以陰居陰,柔順之才也。 則蠱將日深,故「往」則「見吝」,戒占者不可如是 本義以陰居陰,不能有爲,寬裕以治蠱之象也。 氏彌邵曰:「强以立事爲幹,怠而委事爲裕。 也,六四雖目下無事,然卻終吝,由吉而趨凶也。]○劉 而 足以幹事」,今止者怠,柔者懦,怠且懦,皆增益其蠱者 之,弊益甚矣。蓋六四體艮之止而爻位俱柔,夫[貞固 无應助,往安能濟? 持是以往,各道也,安能治蠱耶?」 夫柔順之才而處正,僅能循常自守 集説《朱子語類》云:「此兩爻 所處得正,故爲寬裕 事弊而: 凶而趨 以陰柔 如 也 裕 吉 是

六五,幹父之蠱,用譽。

本義柔中居尊,而九二承之以德,以此幹蠱,可致 聞

> 譽」以幹之也,幹蠱之最善者。」 任剛賢,則可以爲善繼而成令譽也。 事,非剛明之才則不能。繼世之君,雖柔弱之資,苟能 事,承其舊業則可矣,故爲「幹父之蠱」。夫創業垂 譽,故其象占如此。 有幹蠱之名,則過歸於親,幹蠱而親不失於令名,是[用 名,使國人稱願曰:"幸哉有子矣。」○鄭氏維嶽曰:"「子 六五至於 [用譽],則不特幹其事之已壞,所謂立身揚 ○熊氏良輔曰:「諸爻稱幹蠱者,皆幹前人已壞之事。 柔之中,用以幹蠱,宜有休譽,「用譽」則蠱之亨可知。」 而「用譽」者也。 剛陽之賢而倚任之,然己實陰柔,故不能 君之幹,而下應於九二,是能任剛陽之臣也。 集説趙氏汝楳曰:「六五德位,適剛 程傳五居尊位,以陰柔之質,當人 太甲、成王皆以 爲創始開 雖能 一統之 下應 基 乏 臣

上九,不事王侯,高尚其事。

其中矣。 賢人君子,不偶於時而高潔自守,不累於世務者也,故 无所事之地也。 本義剛陽居上,在事之外,故爲此象,而占與戒,皆在 云「不事王侯,高尚其事」。 程傳上九居蠱之終,无係應於下,處事之外, 以剛明之才,无應援而處无事之地,是 古之人有行之者,伊尹、太

而已。 日 也。 曰: 身者。 而高潔自守者,有知止足之道,退而自保者,有量能度 得施設於天下,則自善其身,尊高敦尚其事,守其 公望之始,曾子、子思之徒是也。 《象》所謂 分,安於不求知者,有清介自守,不屑天下之事,獨潔其 ○張氏振淵曰: 力以幹焉而不爲汙,在事之外,潔身以退焉而不爲僻。」 事,君子有不可事者矣,是故君子之出處,在事之中,盡 義合也。子於父母,有不可自諉於事之外,若王侯之 猶子於父事也。 無事之時也。 故不曰無 王 一侯」。 「在卦之終,事成也。 「初至五皆以蠱言,不言君臣而言父子,臣於君事 在外卦而心不累於內,志之高者也。] 〇胡氏炳文 所處雖有得失小大之殊,皆自高尚其事者也。 士之自高尚,亦非一道:有懷抱道德,不偶 然當事者以幹蠱爲事,不當事者以高尚爲事 事 [志可則」者,進退合道者也。 , 而曰「高尚其事」。」 在蠱之外,則不當事之人也,故曰「不事 「陽剛非遺世不事事之人,居蠱之終,則 上九獨以「不事王侯」言者、蓋君臣 在卦之上而無所承,身退者 不 屈 道 集説石氏 以 徇 時,既 於時 (志節 以 介 不

> 事,凡所臨皆是。 地上有水則爲比,澤上有地則爲臨 乎水,故爲臨。 臨 康伯云: 大也。」「蠱者事也」,有事則可大矣,故受之以臨 程 也。 傳 臨《序卦》: 爲卦澤上有地,澤上之地,岸也,與水相際,臨 「可大之業,由事而生。」二陽方長而盛大,故爲 天下之物,密近相臨者,莫若地與水,故 「有事 而後可大,故受之以臨 也。 臨 者,臨 也。 臨 民 近 韓 臨 者

臨,元亨,利貞,至于八月有凶

在卦取自上臨下臨民之義

月」,則其道消矣,是「有凶」也。 下,陽道嚮盛之時,聖人豫爲之戒曰: 言也,臨之道,如卦之才,則大亨而正也。 二陰之月,陰長陽遯之時也。 月」當「有凶」也。 以剛居中,上應六五,故占者大亨而利於正,然「至于八 爲臨,十二月之卦也。 若既衰而後戒,則无及矣。 盛之時,方盛而慮衰,則可以防其滿極,而圖其永久。 卦爲觀,亦臨之反對也。 本義[臨],進而淩逼於物也。 二陽浸長以逼於陰,故 八月,謂自復卦 又其爲卦,下兑説,上坤順,九二 又因占而戒之。 自古天下安治,未有久而不 或曰八月謂夏正八月,於 大率聖人爲戒,必於方 一陽之月,至於遯 陽雖方長 程傳以卦オ 二陽方長於 「至于八 桂

川 坤 上 下

不知亂之至也。 集 説 張子曰:「《臨》言「有凶」者,驕侈生,樂舒肆則綱紀壞,忘禍亂則釁孽萌,是以浸淫亂者,蓋不能戒於盛也。 方其盛而不知戒,故狃安富則

爲遯; 過中之戒也。]〇《朱子語類》:「問:「臨不特上臨下之 《易》之於爻,變陽至二,便爲之戒,未過中已戒,猶「履 《復》所謂「七日」,其説有三:一謂卦氣起中孚,六日七 謂八月,其説有三:一云自丑至申爲否,一云自子至未 曰:「陽極於九,而少陰生於八,陰之義配月,陰極於六, 陽自下而進上,則凡相逼近者,皆爲臨也。」〇程氏迥 謂臨,凡進而逼近者,皆謂之臨否?1曰:「然。 此是二 霜堅冰」之義。及《泰》之三,曰「无平不陂,无往不復」, 而少陽復於七,陽之義配日。]〇王氏應麟曰:「《臨》所 下,不見剛臨柔之意。《本義》依「如臨深淵」之臨,謂進 説。」○胡氏炳文曰:「諸家臨字,訓近訓大,只見上臨 姤一陰生,至十一月一陽生。《本義》取自姤至復之 分之後爲復,一謂過坤六位,至復爲七日, 之極而陽初來也。 而迫於淵。 亨」而臨大「亨」。 云自寅至酉爲觀。《本義》兼取遯、觀二説。 此所謂臨者,剛進而迫於柔也。 復不言「利貞」者,復是初陽之萌,無 臨者,二陽皆來而迫於陰也。 一謂自五月 蓋復者,陰 故復

有不善。臨則二陽浸盛,易至放肆,故戒之也。」

初九,咸臨,貞吉。

也。 尤重。 澤上有地,初、二爻亦謂之咸者,陰陽之氣相感也。」 當位所信任,得行其志,獲乎上而得行其正道,是以吉 説李氏舜臣曰:「山澤通氣,故山上有澤,其卦爲咸,而 有得正則吉者,有貞固守之則吉者,各隨其事也。 臨則以初得位居正爲重。凡言「貞吉」,有既正且吉者, 長之時,感動於陰,四應於初,感之者也。 九剛而得正,故其占爲「貞吉」。 本義卦唯二陽,徧臨四陰,故二爻皆有「咸臨」之象,初 它卦初、上爻不言得位失位,蓋初終之義爲重也 四近君之位,初得正位,與四感應,是以 程傳「咸」,感也。 比它卦 正 道 相 集 陽 爲 應

九二,咸臨,吉,无不利。

利也。集説蔡氏清曰:「初九以剛得正而吉,九二以已然,如是故吉也,「无不利」者,將然於所施爲,无所不已然,如是故吉也,「无不利」者,將然於所施爲,无所不程傳二方陽長而漸盛,感動於六五中順之君,其交之程傳二方陽長而漸盛,感動於六五中順之君,其交之本義剛得中而勢上進,故其占「吉」而「无不利」也。

相

六三,甘臨,无攸利,既憂之,无咎。 剛中而吉。剛中則貞無待於言也,剛中最易之所善。]

謙守正,至誠以自處,則「无咎」也。 下,失德之甚,无所利也。 體,又處不中正,以甘説臨人者也。 爲教深矣。 占固无所利。 本義陰柔不中正,而居下之上,爲以甘説臨人之象,其 利」。憂者説之反,能憂而改,則「无咎」矣。 甘。」〇胡氏炳文曰:「彖唯取剛臨柔,爻則初、二外,皆 改之,復何咎乎? 方長而上進,故不安而益甘。 業之盛大,是此卦彖爻之意也。初二以德感人,故曰 案:臨卦本取勢之盛大爲義,因其勢之盛大,又欲其德 九五以中正爲甘,則吉,此以不中不正爲甘,故「无攸 上臨下。三兑體在二陽之上,爲以甘説臨人之象。 程傳三居下之上,臨人者也。陰柔而説 然能憂而改之,則「无咎」也。 集説蘇氏軾曰:「樂而受之謂之 兑性既説,又乘二陽之上,陽 既知危懼而憂之,若能持 邪説由己,能憂而 在上而以甘説 勉人遷善 節 臨

似,皆兑體也。位之非樂,而咎不長矣。此爻與節三「不節之嗟」正

六四,至臨,无咎。

本義處得其位,下應初九,相臨之至,宜「无咎」者也。臨道尚近,故以比爲至。四居正位,而下應於剛陽也。臨道尚近,故以比爲至。四居正位,而下應於剛陽也。臨道尚近,故以比爲至。四居正位,而下應於剛陽學」,所處當也。 集 説 王氏宗傳曰:「四以上臨下,其之初,處 當 也。」

六五,知臨,大君之宜,吉。

其知,則其知大矣。五順應於九二剛中之賢,任之以臨本義以柔居中,下應九二,不自用而任人,乃知之事。 本義以柔居中,下應九二,不自用而任人,乃知之事。本義以柔居中,下應九二,不自用而任人,乃知之事。

位,則何利之有哉?

然說極則有憂之理,既憂則知勢

説主德不中正,以勢爲樂,故曰「甘臨」。

夫恣情於勢

六三

咸」。以德感人者,蓋以盛大爲憂,而未嘗樂也。

爲「大君之宜」。 之德,任九二剛中之賢,不自用其知,而兼衆知,爲知之 睿知,足以有臨也。」故知臨爲大君之宜。 六五以柔中 説王氏申子曰:「《中庸》曰:「唯天下至聖,爲能 下,乃己以明知臨天下,大君之所宜也,其吉可知。 大,是宜爲君而獲吉也。」○胡氏炳文曰:「臨是以己臨 人,五虚中,下應九二,不任己而任人,所以爲知,所以 聰明 集

上六,敦臨,吉,无咎。 道也,故其象占如此。程傳上六坤之極,順之至也,而 子語類》云:「上六敦臨,自是積累至極處,有敦篤之義。 極,故止爲厚義,上无位之地,止以在上言。 順剛,是以吉而无咎。 下,尊賢取善,敦厚之至也,故曰「敦臨」,所以「吉」而 於陽,又其至順,故志在從乎二陽,尊而應卑,高而從 居臨之終,敦厚於臨也。與初二雖非正應,然大率陰求 本義居卦之上,處臨之終,敦厚於臨,「吉」而「无咎」之 五爻謂之『敦復』。」○楊氏啟新曰: (艮))上九亦謂之「敦艮」。復上六爻不好了,所以只於 无咎」。 陰柔在上,非能臨者,宜有咎也,以其敦厚於 六居臨之終而不取極義,臨无過 「處臨之終,有厚道 集説《朱

> 載,道久而化無不成。 焉,教思无窮,容保无疆 者 也。 如 是則德厚 而 物

> > 無

不

翼坤 上下

取觀見,隨時爲義也 下,陽剛居尊,爲羣下所觀仰,觀之義也。在諸爻則唯 風行地上, 偏觸萬類, 周觀之象也。 二陽在上, 四 道,下觀民俗,則爲觀。 則爲觀。 以觀。」觀所以次臨也。 程傳觀、《序卦》:「臨者大也,物大然後可觀,故受之 如樓觀謂之觀者,爲觀於下也。 人君上觀天 凡觀視於物則爲觀,爲觀於下 修德行政,爲民瞻仰,則 爲觀。 陰在

觀,盥而不薦,有孚顒若。

顒然可仰,戒占者宜如是也。或曰「有孚顒若」,謂在 尊敬之貌、言致其潔清而不輕自用、則其孚信在中, 陰仰之,又内順外巽,而九五以中正示天下,所以爲觀。 之人,信而仰之也。 本義「觀」者,有以示人,而爲人所仰也。九五居上,四 卦,而名卦繫辭,更取他義,亦扶陽抑陰之意。 盥」,將祭而潔手也。「薦」,奉酒食以祭也。「顒然」, 此卦四陰長而二陽消,正爲八月之 程傳承 ൬

盡 時也。「薦」謂獻腥獻熟之時也。 瞻仰之矣。「盥」謂祭祀之始,盤手酌鬱鬯於地,求神之 祭,始盥之時,不可如既薦之後,則下民盡其至誠 聞之胡翼之先生曰: 下民之觀,當莊嚴如始盥之初,勿使誠意少散,如既薦 心散,而精一 之後,則天下之人莫不盡 若云薦羞之後,誠意懈怠,則先王祭祀,只是灌鬯之初 同。」曰:「盥只是浣手,不是灌鬯。 精意懈怠。《本義》以爲致其潔清而不輕自用,其義不 自下觀上曰觀,故卦名之觀去聲,而六爻之觀皆平聲。」 祀之時,致其潔清 聖人在上,視聽言動,皆當爲天下法而不敢輕,亦猶祭 猶有誠意,及薦羞之後,皆不成禮矣。」問:「若爾,則是 ○「或問:「伊川以爲灌鬯之初,誠意猶存,至薦羞之後: 未用事之初。 云:「祭祀無不薦者,此是假設來説,薦是用事了,盥是 願」,仰望也。 ,做,則下觀仰而化也。」故爲天下之觀,當如宗廟 其精誠,嚴肅之至也。 不若始盥之時矣。 云「不薦」者,言常持得這誠敬,如盥之意 集説《朱子語類》云:「自上示下曰觀 而不敢 「君子居上,爲天下之表儀,必 至既薦之後,禮數繁縟,則人 輕用 其孚誠, 顒然 否?」曰:「然。」〇「又 居上者,正其表儀以爲 盥者事之始,人心方 伊川承先儒之誤 瞻仰之矣。 **颗** 極其 伙 之

何 ? 言。 常在。 清曰: 潔清而不輕自用,則孚信在中而顒然可仰。 梁氏寅曰:「「盤而不薦」,設辭以見其潔清之至,而不輕 壯而曰觀也,四陽之卦有曰大過,四陰之卦有曰小過者 在陽長之卦,固主於陽而言。 故取象於觀。」○龔氏焕曰:「《易》之名卦,以陽爲主。 爲定。」:〇馮氏椅曰:「卦疊艮之畫,有門闕重複之象, 矣。」□○「問:「「有孚顒若」,承上文「盥而不薦」,蓋致其 下民之望之也,其信從化服,自有不知其然矣。」〇蔡氏 而居中,小過之四陰,過而居外,亦崇陽抑陰之意。] 〇 「下觀而化」之義。」問"「前説似好。」曰"「當以《彖辭 人信而仰之。二説孰長?1曰:「從後説,則合得《彖辭 極,如臨大祭,而孚誠之念存於中,顒然之容見於外,故 未施之時,所以化民者,尤有不言之妙焉,蓋其篤恭之 人之御天下也,其政教之施,民固無不化矣。 不言不動也,而其敬其信,則尤在於未言動之時。 自用耳。 主於陽而言者,所以扶陽也。 陰可以言過而不可以言壯也。 若薦則是用出 「平菴項氏云: 猶《中庸》曰「不動而敬,不言而信」,聖人未嘗 用出 「此但以「盥而不薦」,象恭己無爲 則 在陰長之卦,亦主於陽 纔畢 一便過 此四陰之卦,不 然大過之四陽,過 了, `無復有. 而其 説下之 故聖 日 政 初 小 意 教 而

之意,則在言表。」

耳。」愚謂「恭己」二字則説得,「無爲二二字難通。無爲
其。」愚謂「恭己」二字則説得,「無爲二二字難通。無爲
五言表。」○林氏希元曰:「盥將以薦,豈有不薦之所謂無爲者。」○林氏希元曰:「盥將以薦,豈有不薦之所謂無爲者。」○林氏希元曰:「盥將以薦,豈有不薦之之意,則在言表。」○林氏希元曰:「盥將以薦,豈有不薦之之意,則在言表。」○本氏為別,其不輕自用意也,其。」悉謂「恭己」二字則説得,「無爲二二字難通。無爲

初六,童觀,小人无咎,君子吝。

所見爲美者也,故以近尊爲尚,遠之爲[吝]。」 本義,却以觀示爲義,據九五爲主也。爻以觀瞻爲義,以,小人之道。君子之羞也。故其占在小人則「无咎」,象,小人之道。君子之羞也。故其占在小人則「无咎」,象,小人之道。君子之羞也。故其占在小人則「无咎」,象,小人之道。君子之羞也。故其占在小人則「无咎」,是以觀見者淺近,如童稚然,故曰「童觀」。陽剛中正在上,聖賢之君也,近之則見其道德之盛,所觀深遠,初乃造之,所見不明,如童蒙之觀也。小人,下民也,所見昏遠之,所見不明,如童蒙之觀也。小人,下民也,所見昏人,不能識君子之道,乃常分也,不足謂之過咎,若君子遠之,所見不明,如童蒙之觀也。小人,下民也,所見昏人,初乃,而如是,則可鄙吝也。集說,至氏两曰:「觀之爲義,以而如是,則可鄙吝也。集說,至氏两曰:「觀之爲義,以而如是,則可鄙吝也。集說,至氏两曰:「觀之爲義,以而如是,則可鄙吝也。集說,故以此尊爲尚,遠之爲[吝]。」

六二,闚觀,利女貞。

六三,觀我生進退。

所生,謂動作施爲出於己者。觀其所生,而隨宜進退,者也。若居當其位,則无進退之義也。「觀我生」,我之審也。程傳三居非其位,處順之極,能順時以「進退」本義「我生」,我之所行也。六三居下之上,可進可退,本義「我生」,我之所行也。六三居下之上,可進可退,

所以處雖非 則不爲「童觀」,近則未爲觀國,居在進退之處,可以自 故 其言聽計從,治民則觀其政教可行,膏澤可下,可以見 ○《朱子語類》云:「六三、之「觀我生進退」者,事君則 劉氏牧曰:「自觀其道,應於時則進,不應於時則退。」 觀,時可則進,時不可則退,故曰「觀我生進退」也。」〇 極,是有可進之時。 最近,故可決於進。六三上下之閒,可進可退之地,故 遠近爲義,故如此。諸爻皆欲觀五,惟近者得之。六四 氏炳文曰:「他卦三不中,多不善,二居中,多善,而觀以 下,則時不待觀也,但觀吾之所有以爲進退可也。]○胡 今不觀乎時而觀我生者,蓋九五方以陽剛中正觀示天 之上,上之下,故有「進退」之象。君子進退常觀乎時。 自家所施之當否,而爲進退。」〇王氏申子曰:「三處下 不必觀五,但觀我所爲而爲之進退。《本義》謂占者 自審,蓋當進退之際,惟當自審其所爲何如耳。」 无悔咎以能順也。 正,而未至失道也。 又居上體之下,復是可退之地,遠 集説孔氏穎達曰:「三居下體之 隨時進 退,求不失道 觀 宜

六四,觀國之光,利用賓于王。

本義六四最近於五,故有此象,其占爲利於朝覲仕進

賓。 君也。 明,故曰「觀光賓王」。蓋諸爻皆就五取義也。 賢德之人,則人君賓禮之,故士之仕進於王朝,則謂之 從者也。 見矣。四雖陰柔,而異體居正,切近於五,觀見而 之盛德光輝也。不指君之身而云國者,在人君而言,豈 也。 五遠,所觀不明如女子。 天下。初居陽而去五遠,所觀不明如童子,二居陰而去 上輔於君,以施澤天下,故云「利用賓于王」也。 之德,國家之治,光華盛美,所宜賓于王朝,效其智力, 人,皆願進於朝廷,輔戴之以匡濟天下。 止觀其行一身乎。當觀天下之政化,則人君之道德 集説劉氏定之曰:「九五大君,觀己所爲以儀 程傳觀莫明於近,五以陽剛中正 四切近之,觀見其道,故云「觀國之光」,觀見國 「利用賓于王」,夫聖明在上,則懷抱才德之 惟四得正而去五近,所 居 四既觀見人君 尊位,聖賢之 古者有 觀 能 最 型 順 可

九五、觀我生、君子无咎。

之位,時之治亂,俗之美惡,係乎己而已。觀己之生,若陽剛中正亦如是焉,則得「无咎」也。程傳九五居人君子之象也。故戒居此位,得此占者,當觀己所行,必其本義九五陽剛中正以居尊位,其下四陰,仰而觀之,君本義九五陽剛中正以居尊位,其下四陰,仰而觀之,君

上九,觀其生,君子无咎。

商未君子,則何以使人觀仰矜式? 是其咎也。 集 説下所觀仰,故自觀其所生,若皆「君子」矣,則无過咎也。 程傳上九以陽剛之德處於上,爲下之所觀仰者也。「觀程傳上九以陽剛之德處於上,爲下之所觀仰者也。「觀程 傳上九以陽剛居尊位之上,雖不當事任,而亦爲下所觀仰者也。「觀不 數 其 班 辭 略與五同,但以我爲其小,有主賓之異耳。觀,故其戒辭略與五同,但以我爲其小,有主賓之異耳。

離震上下

近,則所見愈親切底意思。」」

程傳 以次觀也。 嗑,嗑者合也。」既有可觀,然後有來合之者也,噬嗑所 齧 而後合之也。 噬嗑、《序卦》:「可 「噬」,齧 **掛上下** 二 也。 觀 剛爻而中柔,外剛中虚, 嗑」,合也。 而後 有 所合,故受之以 口中有物閒之 人頤

=

害也。 閒也。 聖人以卦之象,推之於天下之事,在口則爲有物隔而不 口 天地之生,萬物之成,皆合而後能遂。 萬事,所以不和合者,皆由有閒也,无閒則合矣。 之,然後天下之治得成矣。 事不得合也。當用刑法,小則懲戒,大則誅戮,以除去 得合,在天下則爲有强梗或讒邪閒隔於其閒,故天下之 中有物,則隔其上下不得嗑,必齧之則得嗑,故爲噬 也。 邪閒於其閒也,除去之則和合矣。 明照而威震,乃用刑之象也。 隔而合之,則无不和且治矣。「噬嗑」者,治天下之大用 之象也。 去天下之閒,在任刑罰,故卦取用刑爲義。 若君臣父子親戚朋友之閒,有離貳怨隙者,蓋讒 聖人觀噬嗑之象,推之於天下萬事,皆使去其閒 中虚之中,又一剛爻,爲頤中有物之象。 凡天下至於一國一家,至於 故閒隔者,天下之大 凡未合者,皆有 在二體 以至 嗑 口

噬嗑,亨,利用獄。

閒故不通,齧之而合,則亨通矣。又三陰三陽剛柔中其中,必齧之而後合,故爲噬嗑。其占當得亨通者,有也。爲卦上下兩陽而中虚,頤口之象。九四一陽閒於本義,「噬」,齧也。「嗑」,合也。物有閒者,齧而合之

偽。 則亨通矣。「利用獄」,噬而嗑之之道,宜用刑獄也。天 半,下動上明,下雷上電,本自益卦六四之柔,上行以至 獄」者,卦有明照之象,利於察獄也。 下之閒,非刑獄何以去之。 也。天下之事,所以不得亨者,以有閒也。 蓋治獄之道,惟威與明,而得其中之爲貴,故筮得之者, 於五而得其中,是知以陰居陽,雖不當位,而「利用獄」。 集説李氏舜臣曰:「噬嗑,震下離上,天地生物,有爲 有其德則應其占也。 去天地之梗,刑獄以去天下之梗也。」 梗者,必用刑獄斷制之。 故噬嗑以去頤中之梗,雷電以 造物之梗者,必用雷電擊搏之。 得其情,則知爲閒之道,然後可以設防與致刑也 程傳「噬嗑亨」,卦自有「亨」義 不云「利用刑」而云 聖人治天下,有爲民之 獄 者所以究治情 噬而 嗑之, 利 用

初九,屨校滅趾,无咎。

始,罪小而刑輕。「校」,木械也,其過小,故屨之於足以初最下,无位者也。下民之象,爲受刑之人,當用刑之惡於初,故得「无咎」,占者小傷而无咎也。程傳九居縣,罪薄過小,又在卦下,故爲「屨校滅趾」之象。止土。

位者也。上處尊位之上,過於尊位,亦无位者也。 位,爲受刑之人,餘四爻皆爲用刑之人。初居最下,无 之福也。」言懲之於小與初,故得「无咎」也。 於惡矣,故得「无咎」。《繫辭》云:「小懲而大誡,此 滅傷其趾。 以爲无陰陽之位,陰陽係於奇偶,豈容无也? 之位,非陰陽之位也。 則以位爲正,若需上六云不當位,乾上九云无位,爵位 初、上不言當位、不當位者,蓋初終之義爲大,臨之初九 人有小過,校而滅其趾,則當懲懼,不敢 集説王氏兩曰:「居無位之地, 初與上 然諸 王弼 7小人 无 進 卦

咎」也。」○俞氏琰曰:「「校」,獄具也。初在下,趾象也。也。過而不改,乃謂之過。小懲大誠,乃得其福,故「无過輕戮薄,故「屨校滅趾」,桎其行也,足懲而已,故不重微,而後至於著。罰之所始,必始於薄,而後至於誅。以處刑初,受刑而非治刑者也。凡過之所始,必始於以處刑初,受刑而非治刑者也。凡過之所始,必始於

「无咎」。」〇姜氏寶曰:「「滅」,没也,言屨校於足而遮没曰「屢校滅趾」。懲之於小,戒之於初,則不進於惡,故「滅」,没而不見也。以剛物加於著屨之足而没其趾,故

六二,噬膚滅鼻,无咎。

其趾,非傷滅其趾之謂也。」

不相妨。 者。 是用刑於剛强之人。 刑得其中正也。 之位,用刑者也。 於傷滅其鼻。 故其所治如噬膚之易。 而「无咎」也。中正之道易以服人,與嚴刑以待剛强,義 本義祭有膚鼎,蓋肉之柔脆,噬而易嗑者。 取頤中有物之象也。 其理,故「无咎」。」○胡氏炳文曰:「噬而言膚腊胏肉者! 未盡順,噬過其分,故至「滅鼻」,言用刑太深 人至没其鼻也。二以中正之道,其刑易服。 始雖有傷,終可服也。」 中正,故所治如「噬膚」之易人,初剛未服,不能無傷,然 各爻自有此象,故其所噬者因而爲之象耳。 ·噬膚」爲象,噬齧人之肌膚爲易人也。「滅」,没也。 膚是柔脆之物,以喻服罪受刑之人也。 集説孔氏穎達曰:「六二處中得位,是用 占者雖傷而終「无咎」也。 用刑得其中正,則罪 四爻皆取噬爲義,二居中得正,是用 刑剛强之人,必須深痛,故至滅鼻 各爻雖取所噬之難易而言,然因 然以柔乘剛,故雖甚易,亦不免 惡者易服,故 程傳二應五 然乘初剛 六二中正 六二柔而 乘剛而 也。 刑中 深 刑 取 刑

六三,噬腊肉遇毒,小吝,无咎。

本義「腊肉」,謂獸腊、全體骨而爲之者,堅韌之物也。

物,而遇毒惡之味,反傷於口也。 之上,用刑者也。 陰柔不中正,治人而 居柔,故所噬象膚之柔。六三柔居剛,故所噬象「腊 胡氏炳文曰:「肉因六柔取象,腊因三剛取象。 不當也,故雖可吝而亦小,噬而嗑之,非有咎也。 雖其身處位不當,而强梗難服,至於遇毒。 怨傷,是可鄙吝也。 刑於人,則人不服,而怨懟悖犯之,如噬齧乾腊堅 吝』者,中正不中正之分也。」 小吝」,然時當噬嗑,於義爲「无咎」也。 柔中有剛,比之二難矣。二、三皆「无咎」而三「小 六居三、處不當位,自處不得其當 然當噬嗑之時,大要噬閒而 入不 服 爲 噬 用刑而 腊 遇毒」之象。 八不服 程傳三居 然用刑非爲 六二柔 集説 嗑之。 , 反致 韌之 占 丽 下 雖

九四,噬乾胏,得金矢,利艱貞,吉。 則吉。 **嗑之任者也**。 象。言所噬愈堅而得聽訟之宜也,然必利於艱難 金東矢而後聽之。」九四以剛居柔,得用刑之道,故 本義「胏」,肉之帶骨者,與胾通。 《周禮》: 云「噬乾胏」。 戒占者宜如是也 四已過中,是其閒愈大而用刑愈深也,故 肺,肉之有聯骨者。 程傳九四居近君之位,當噬 乾肉而兼骨,至堅 獄訟 有此 人鈞 Œ 固

善。 矜,威以懲其奸慝。 四之剛爲主,故曰「噬乾胏,得金矢,利艱貞,吉」。 吉之 利用獄也。」利用之言,獨歸之五,而他爻不與焉。 《彖》以五之柔爲主,故曰:「柔得中而上行,雖不當位 終得申其剛直也。」〇楊氏時曰:「九四合一卦言之,則 剛而不貞者有矣,凡失剛者,皆不貞也,在噬嗑 明則傷於果,故戒以知難,居柔則守不固,故戒以堅貞。 事,而貞固其守,則吉也。 陽德剛直,爲得剛直之道 難噬者 治獄之本。 言獨歸之四,而他爻謂之「无咎」也。 四剛直之才也,所以去强梗者也。 九四頤中之物也,所以爲强梗者也。 之取象不同,類如此。」〇王氏宗傳曰:「以一卦言之,則 爲閒者,以爻言則居近君之位,任除閒之責者也。 丘氏富國曰: 遇毒」,而四之於「乾胏」則無是患者,剛柔之才異也。」 ·脉』,而又乾焉,亦最難噬者也。 集説陸氏績曰:「「金矢」者,剛直也。 也。 主剛而言,以威爲治獄之用。 噬 至 堅 噬 而 剛柔迭用,畏愛兼施 嗑惟 得 ,雖用剛直之道 金 九四剛而明體,陽而居柔,剛 四 矢」,金 五 兩 然三之於[腊肉]則 取 爻能 主柔而言,以仁爲 以六爻言之,則 肉之附骨者謂 剛 盡 矢取 利在 ,治獄之道得 仁以寓其哀 治 噬 識之道 加姆難 直, **| 克艱其** 四 《易》 爻以 [最爲 九 之 四

難正固乃「无咎」。」

「得金矢」,其人服矣,然必艱骨連肉,剛中有柔,九四剛居柔,故所噬如之。 「乾胏」,肉藏骨,柔中有剛,六三柔居剛,故所噬如之。 「乾胏」,矣。」○胡氏炳文曰:「離爲乾卦,故爲「乾胏」。 「腊肉」,

六五,噬乾肉,得黄金,貞厲,无咎。

語類》: 也。 也,在卦將極矣,其爲閒甚大,非易嗑也,故爲「噬乾肉 之「乾胏」者,五居尊位,乘在上之勢以刑於下,其勢易 者之辭也。 本義「噬乾肉」,難於膚而易於腊胏者也。「黄」,中色。 體,故戒以必正固 道,處剛而四輔以剛,「得黄金」也。 固危懼之意,故皆爲戒占者之辭。]曰:「亦是爻中元自 而當噬嗑之時,豈可不貞固而懷危懼哉? 之位,得其助也。「貞厲无咎」,六五雖處中剛,然實柔 人无不服,故有此象。 然必「貞厲」乃得「无咎」,亦戒占 金」,亦謂鈞金。六五柔順而中,以居尊位,用刑於人, 「得黄金」,「黄」,中色,「金」,剛物。 「問:「九四「利艱貞」,六五「貞厲」,皆有艱難 程傳五在卦愈上而爲「噬乾肉」,反易於四 而懷危厲,則得无咎也。 五无應而四居大臣 五居中爲得中 集説《朱子 以柔居尊 Œ

> 也。 大。 厲惕其心,此獄既成之後,欽恤之仁,人君以好生爲德 也。五先「貞」而後「厲」者,雖出人無不得正,而猶以危 不得其正,此獄未成之前,詳審之法,人臣以執法爲道 曰:「四先「艱」而後「貞」者,先以艱難存心,而後出入罔 敢以聞,《書》所謂「罔攸兼于庶獄」是也。」.〇谷氏家杰 道也,何難之有? 乾肉」則易矣。 之公,以柔噬者,人君不忍之仁也。]〇胡氏炳文曰: 過曰:「九四以剛噬,六五以柔噬,以剛噬者,有司執法 時位卦德得用刑之宜,亦須以艱難正固處之。□○李氏 有此道理,大抵纔是治人,彼必爲敵,不是易事,故雖是 「噬膚」、「噬腊肉」、「噬乾胏」,一節難於一節,六五「噬 四於訟獄兼得,大小兼理之也。 五君位也,以柔居剛 訟則出矢,獄則出金。 ,柔而得中,用獄之 五君也,非大獄不 訟爲小,獄爲

上九,何校滅耳,凶。

所謂「惡積而不可揜,罪大而不可解」者也。故「何校」故爲受刑者。居卦之終,是其閒大,噬之極也。《繫辭》之道也,故其象占如此。程傳上過乎尊位,无位者也,本義「何」,負也。過極之陽,在卦之上,惡極罪大,凶

九小刑 没耳也。或以滅耳爲則,滅鼻爲劓,滅趾爲剕,《書》註 説郭氏雍曰: 丽 劓刵輕刑,《吕刑》剕辟爲重,故漢斬趾同於棄市。 三者言滅,皆非刑也。」 「屨校」,桎其足,桎大而滅趾。 「何校」,械其首,械大而 滅其耳,「凶」可知矣。 ,固不當斷 「初上「滅」字,或以爲刑, 趾,上九罪大,復不當輕刑。 「何」,負也。 謂在 獨 孔氏 頸 也。 以是知 訓 方初 没 集

之主。 總論李氏過曰:「以六爻之位言之,五君位也,爲治獄 治獄之吏。」 四大臣位 也,爲治獄之卿。三、二又其下也,爲

■ 艮離 上下

程 草木百物之所聚也,下有火則照見其上,草木品彙,皆 受之以賁,賁者飾也。」物之合則必有文,文乃飾也。 合則必有文也,賁所以次噬嗑也。 人之合聚,則有威儀上下。 「傳賁、《序卦》: 「嗑者合也,物不可以苟合而已,故 物之合聚,則有次序行列。 爲卦山下有火,山 者 如

賁亨,小利有攸往。 被其光彩,有實飾之象,故爲實也

往。 二上而文三。 往。 飾,雖欲其亨,亦安得而亨乎?」〇張氏振淵曰:「離德 已矣。世之不知本者,或忘其當務之急,而屑屑焉於文 變其實也。故文之過盛,非所利也。但小利於有 質者,無不待於文也,文則無不亨也。 倫序而亨焉,官府文之以教令而亨焉。 之以儀制而亨焉,賓主文之以禮貌而亨焉,家人文之以 者,文飾之道也。 文盛則實必衰,苟專尚文以往則流,故曰「小利有 能亨,質而有文以加飾之,則可「亨」,故曰「實亨」。 彩,故能小利於進也。 行,有實而加飾,則可以「亨」矣。 爲「亨」。以其剛上文柔,而艮止於外,故「小利有攸 爲賁。占者以其柔來文剛,陽得陰助 上而文上。又内離而外艮,有文明而各得其分之象,故 本義「賁」,飾也。 「小利有攸往」,何也? 小者,謂不可太過以滅其質也。」○梁氏寅曰:「實 程傳物有飾而後能亨,故曰无本不立,无文不 自既濟而來者,柔自上來而文五,剛 有質而加之文,斯可「亨」矣。 卦自損來者,柔自三來而文二,剛自 文飾之道,但加之文采耳,非能 集説王氏申子曰:「徒質則不 文飾之道,可增其光 ,而離明於内,故 然既亨矣,而 推之事物,凡有 朝廷文 往而 自五 攸 然

有所飾,不可務爲盡飾,以戕其本真,故曰「小利有攸德止而不過,又有不盡飾之象焉。故用文者,亦但可少文明莫掩,則無徑情直行之弊,行之可通,故「亨」。艮

初九, 實其趾, 舍車而徒。

所以行也。君子脩飾之道,正其所行,守節處義,其行 地,无所施於天下,唯自賁飾其所行而已。趾取在下而 而處下,君子有剛明之德而在下者也。 之象。占者自處,當如是也。 本義剛德明體,自賁於下,爲舍非道之車,而安於徒步 近與於二,而遠應於四,舍易而從難,如舍車而徒行也。 二而應四,應四正也,與二非正也。 子以爲賁也。「舍車而徒」之義,兼於比應取之。 不苟,義或不當,則舍車與而寧徒行,衆人之所羞,而 所貴,君子所賤。 守節義,君子之賁也。是故君子所賁,世俗所羞,世 以車徒爲言者,因趾與行爲義也。 程傳初九以陽剛居明 九之剛明守義,不 君子在无位之 初 俗 比 體 君

六二、實其須。

二附三而動,有賁須之象。占者宜從上之陽剛而動也。本義二以陰柔居中正,三以陽剛而得正,皆无應與,故

飾。周旋揖讓,進退低昂,皆隨面貌而動,使人儀舉者 **黄須之象。須於人身,無損益於軀體,但可爲儀** 動,故曰「賁其須」。」〇蔣氏悌生曰:「六以二居中,故有 從陽,非陽則不能自進。六二純柔,必待九三之動而後 以柔來文剛故亨。文當從質,非質則不能自飾。 曰:「二無應而比三,三亦無應而比二,故與之相賁,賁 夫文不虚生,須生於頤,須所以貫其頤也。」○俞氏琰 體,二在頤下,須之象。二三剛柔相實,「實其須」也 在頤曰「須」,在口曰「髭」,在頰曰「髯」。 三至上有頤 須之爲物,上附者也,故曰「賁其須」。」○朱氏震曰:「毛 位而無應,三亦無應,俱無應而 唯爲實飾,善惡則繫其質也。 也,動止唯繫於所附,猶善惡不由於實也。二之文明, 也,因其質而加飾耳,故取「須」義。「須」,隨頤而動者 賁之主也,故主言賁之道。 程傳卦之爲貫,雖由兩爻之變,而文明之義爲重,二實 附麗於陽,如須雖有美,必附麗於頤也。 文采容止可觀,故《象》曰:「與上興也。」」○何氏楷曰: 「須陰血之形,而柔所以文剛者。 飾於物者,不能大變其質 集説王氏弼曰:「得其 比焉,近 然陰柔不能自動,必 而 大抵剛爲質 相得者 陰必 表之 也

可見。」三,五必「賁于丘園」以從上。聖人右質左文之意,於此三,五必「賁于丘園」以從上。聖人右質左文之意,於此柔爲文。文不附質,焉得爲文? 故二必「賁其須」以從

九三,賁如濡如,永貞吉。

則有潤澤、、詩》云「麀鹿濯濯」。「永貞吉」,三與二、四 助 四二陰閒處相賁,賁之盛者也,故云「賁如」。「如」,辭 於我爲潤澤之濡,我於彼不爲陷溺之濡矣。」〇俞 濡尾,濡而陷者也。 説胡氏炳文曰:「互坎有濡義,亦有陷義,既未濟濡首 又下比於二,二柔文一剛,上下交賁,爲賁之盛也。 賁飾之事,難乎常也,故「永貞」則「吉」。 三與四相 非正應,相比而成相實,故戒以常永貞正。 於所安,故有「永貞」之戒。 本義一陽居二陰之閒,得其賁而潤澤者也。 有滅質之患,故有「永貞」之戒。」○何氏楷曰: 質喪,質喪則文弊,要當永久以剛正之德固守則「吉」。」 曰:「九三處六二、六四之閒,故曰「賁如濡如」。 文過則 ○潘氏士藻曰:「三本剛正,特慮其爲二陰所陷溺,未免 也。 賁飾之盛,光彩潤澤,故云「濡如」。 光彩之盛 九三非不貞也,能永其貞,則二陰 程傳三處文明之極,與二、 賁者,飾也 然不可溺 「以一剛 氏 集 賁 琰

> 所溺,則不至以文滅質矣。」 轡如濡」,謂所飾之文采鮮澤也。然受物之飾,恐爲物轡如濡」,謂所飾之文采鮮澤也。然受物之飾,恐爲物

六四,賁如皤如,白馬翰如,匪寇婚媾。

者也。 如。 如。 應初,上求下也,不可以緩。」〇俞氏琰曰:「髮白爲 所乘,與動於下者,馬之象也。 獲相費,故云「白馬」。 乃求婚媾耳,故其象如此。 往求之心,如飛翰之疾也。 與初相實者,乃爲九三所隔而不得遂,故「皤如」。 本義「皤」,白也。 「馬」,人所乘,人白則馬亦白矣。 ○胡氏炳文曰:「屯二應五,下求上也,不可以急。 如」,言此爻無所賁飾,其馬亦白也,言無飾之象如此。」 始爲其閒隔耳。 「皤」,馬白爲「翰」。《禮記》云:「商人尚白,戎事乘翰。」 匪爲九三之寇讎所隔 「皤」,白也,未獲賁也。 本當「賁如」,而爲三所隔,故不獲相 集説《朱子語類》云:「六四「白馬翰 其從正應之志如飛,故 ,則婚媾遂其相親矣。 然九三剛正,非爲寇者也 程傳四與初爲正應 「馬」,在下而動者也。 初四正應,終必獲親,第 賃而 ź 一相實 己之 賁四 而其 未 四

案:程《傳》沿《註疏》之説,《本義》又沿程《傳》之説,皆 己有「皤如」之心,故知「白馬翰如」而來者,「匪寇」也, 既外尚乎文飾,而下應初剛,又心崇乎質素,兩端未能 自實,又慮其見濡也。 如」者,欲進而未徑進也。此三爻「賁如濡如」者,得陰 案:《易》中凡重言「如」者,皆兩端不定之辭,故「屯如邅 儒,皆以皤白爲崇素返質之義,實於卦意爲合。 以爲初、四相賁而爲三所隔,故未得其賁而皤然也。 乃己之「婚媾」也。 自決、《象傳》謂之疑者此也。 宋子語類》以「無飾」言之,則已自改其説矣,故以後諸 凡言 此爻「賁如皤如」者,當賁之時、 「匪寇婚媾」,皆就上文所指之 「白馬翰如」,指初九也。 〇又 然

六五,賁于丘園,東帛戔戔,吝,終吉。 物而言。 屯二、睽上,與此正同。

賁於人,爲可吝耳。 不言吝者,蓋「童蒙」而賴於人,乃其宜也,非童幼而 制爲衣服,必剪裁分裂箋箋然。「東帛」,喻六五本質。 翦裁分裂之狀。帛未用則束之,故謂之「束帛」。 可吝少,然能從於人,成賁之功,終獲其占也。「戔戔」, 其裁制,如「東帛」而「戔戔」,則雖其柔弱不能 獲賁於外比之賢、「賁于丘園」也。 位,而陰柔之才不足自守,與上之剛陽相比而志從焉, 者。「丘園」,謂在外而近者,指上九也。 謂在外而近且高者。 **賁於上九也。** 於上九剛陽之賢,陰比於陽,復无所繫應,從之者也,受 禮奢寧儉,故得「終吉」。程傳六五以陰柔之質,密比 帛」,薄物,「戔戔」,淺小之意。人而如此,雖可羞吝,然 「丘園」之象。然陰性吝嗇,故有「束帛戔戔」之象。 本義六五柔中爲實之主,敦本尚實,得實之道,故有 「戔戔」,謂受人翦製而成用也。 其資於人與蒙同,而蒙 自古設險守國,故城壘多依丘坂。「丘」, 然享其功,終爲吉也。 園圃之地最近城邑,亦在外而近 若能受實於上九,受 六五雖 集説《朱子 白爲,爲 及其 居 「束 資 君

卻 則爲淺,從貝則爲賤,從金則爲錢。 農尚儉。 者,淺小之意,所以下文云「吝,終吉」。吝者雖不好看 意正要如此。 語 於九,漸漸到極處。 艮體,故安止於丘園,而不復外費之象。1曰:「亦是上 此敦本尚儉,便似吝嗇。 然終卻吉。」」○「又云:「「實于丘園,東帛戔戔」,是箇務 則六五乃上所費者,爻所謂「實于丘園」,猶曰受實飾於 剛而處外,乃賢人隱丘園之象。 於上九剛陽之賢,受賁於上九者也。 以成實之道,故有「實于丘園」之象。」○何氏楷曰:「比 園」,敦本也。 斂方得。□○胡氏炳文曰: 丘園也。 「東帛戔戔」,其儀文雖薄,然終與上合志而吉。」 五居中履尊,下無應與,而上比文柔之剛,得止之義, 類 》: 「終吉」,此在實卦有反本之意。」」○「問:「六五是在 「問:「「實于丘園」,安定作敦本 「戔戔」,是狹小不足之意。 按《昏禮》「納帛一東,東五兩」,注:十端爲東 「東帛戔戔」,尚實也。」○潘氏士藻曰 或以「戔戔」爲盛多之貌,非也。 若一向賁飾去,亦自不好,須是收 如衛文公、漢文帝雖是「吝」, 「不實於市朝,而「實于丘 據《彖》日 「丘園」指上,上陽 六五居尊位,卻 以字義考之,從水 説。上曰: 「剛上文柔」 「戔戔 「某之 比 如

遠矣。」 質。」〇胡氏炳文曰:「賁上卦言「白馬」,言「束帛戔戔」, 之主、居艮止之極、當實道之終、止文之流於終。 質白其實,則无過失之咎。 此。 本義 尚華飾,以質素爲實,甘受和,白受采,其賢於五采彰施 實,素以爲絢之意。上九處無位之地,「高尚其事」,不 矣。」〇蔣氏悌生曰:「六五、上九皆敦尚質素,以 終言「白賁」。《雜卦》曰:「賁无色也。」可謂一言以蔽之 因天下之質而飾之以文,終則反天下之文而歸之以 輔曰:「「白賁」」云者,終歸於無所飾也。 賁之取義,始則 返而質矣,故實道成而無弊,無弊故「无咎」。」○熊氏良 蓋皆賁極之象也。二〇王氏申子曰:「上以陽剛爲成卦 丘園,東帛戔戔」,至上九「白賁」則反本而復於無飾矣。 是實極反本之意。1日:「六五已有反本之漸,故曰「實于 説《朱子語類》:「問:「如《本義》説六五、上九兩爻,卻 其本真,所謂尚質素者,非无飾也,不使華没實耳。 程傳上九賁之極也,賁飾之極則失於華僞,唯 | 賁極反本,復於无色,「 「白」,素也。 善善 補 過 矣」,故 尚質素則不 以其象占 公白爲 終則 集 失 能 如

總論丘氏富國曰:「陰陽二物,有應者以應而

相

上九,白賁,无咎。

勝者以比而相實。四與初應,求實於初,故初「實趾」而 四「翰如」也。二比三而實乎上,故五「實丘園」而上「白賁」 也。初與四,應而相實者也。二與三,五與上,比而相 也。初與四,應而相實者也。二與三,五與上,比而相 也。如與四,應而相實者也。二與三,五與上,比而相 也。四之「任園」,上之「白賁」,皆質實而不事文華者 徒」,五之「丘園」,上之「白賁」,皆質實而不事文華者 他。四之「皤如」 實於初,二之「賁須」附於三,惟三之 「賁如濡如」,乃賁飾之盛,而即有「永貞」之戒者,懼其 爾於文也。如是則古人之所實者,未始事文華也。亦 務其本實而已。本實既立,文華不外焉。徒事文華, 務本實,非古人所謂賁。」

御纂周易折中卷三

御纂周易折中卷四

■ 艮坤 上下

祖高起地上,而反附著於地,頹剥之象也。 極,羣陰消剥於陽,故爲剥也。以二體言之,山附於地,終則剥也。 卦五陰而一陽,陰始自下生,漸長至於盛終則剥也。 卦五陰而一陽,陰始自下生,漸長至於盛終則剥也。 地則必反,故實

剥,不利有攸往。

初六,剥牀以足,蔑貞凶。

也。」 足也。 也。 宜順時而 牀而先以牀足滅於下之象。當此不利有攸往之時,唯 説俞氏琰曰:「陰之消陽,自下而進。 陽,柔變剛,是邪侵正,小人消君子,其「凶」可知。 所處也。 自下而剥,漸至於身也。 正,「凶」之道也。「蔑」,无也,謂消亡於正道也。 本義剥自下起,滅正則「凶」,故其占如 程傳陰之剥陽,自下而 剥始自下,故爲剥足。 止耳。 「貞凶」,戒占者固 Ę 陰自下進,漸消滅於貞 「剥牀以足」,剥牀之 以牀爲象者,取身之 執 初在下,故爲剥 而 此 不知變則 「蔑」,滅 陰剥 集 凶

下」看出。亦可備一説。案:俞氏之説,是以「蔑」字屬上句讀,蓋自《象傳》「滅

六二,剥牀以辨,蔑貞凶。

知變,則其「凶」必也。」
知變,則其「凶」必也。」
「凶」益甚矣。 集 説 俞氏琰曰:「既滅初之足於下,又者,牀之幹也。陰漸進而上,剥至於辨,愈滅於正也,本義「辨」,牀幹也,進而上矣。 程傳「辨」,分隔上下

御纂周易折中卷四

六三,剥之,无咎。

也? 也? 之道也。占者如是,則得「无咎」。 剥之時爲「无咎」者也。三之爲可謂善矣,不言吉何 時,而三獨居剛應剛,與上下之陰異矣。 志從於正,在 本義衆陰方剥陽,而己獨應之,去其黨而從正,「无咎」 咎」。」○王氏弼曰:「與上爲應,羣陰剥陽,我獨協焉,雖 荀氏爽曰:「衆皆剥陽,三獨應上,無剥害意,是以「无 孤弱,所應在无位之地,於斯時也,難乎免矣,安得吉 小人之事,小人中獨知有君子,不以「无咎」許之,無以 曰:復,君子之事,明道不計功,不以吉許之可也。 四。復六四不許以吉、《剥》六三許以「无咎」,何也? 處於剥,可以「无咎」。」○胡氏炳文曰:「剥之三,即復之 曰:方羣陰剥陽,衆小人害君子,三雖從正,其勢 其義爲无咎耳。言其「无咎」,所以勸也。 程傳衆陰剥陽之 集説 剥

咎者也。玩《本義》,似以「剥之」爲剥去其黨。案:王氏、程子皆以「剥之无咎」連讀,言此乃剥時之无

開其補過之門也。」

六四,剥牀以膚,凶。

本義陰禍切身,故不復言「蔑貞」,而直言「凶」也。程

傳始剥於牀足,漸至於「膚」。「膚」,身之外也。將滅其

身矣,其「凶」可知。陰長已盛,陽剥已甚,貞道以消,故

六五,貫魚,以宫人寵,无不利。

更不言「蔑貞」,直言「凶」也

此義。 凶可知,故更不言剥,而别設義以開小人遷善之門。 者如是,則「无不利」也。 本義「魚」,陰物。「宮人」,陰之美而受制於陽者也。 微,可制也,則告陽以制陰之道,曰「畜臣妾」, 剥陰長已 以順上爲「无不利」,三則以應上爲「无咎」,而上則有 曰:「卦本爲陰刺陽而陽凶,爻則以剥陽而見凶,故五則 上附於陽,反制羣陰,不使進逼,方得處剥之善。 且取獲寵愛之義。以一陽在上,衆陰有順從之道,故發 不利也。「宫人」,宫中之人。妻妾,侍使也。以陰言: 順序,如貫魚然,反獲寵愛於在上之陽,如宮人,則无所 五,羣陰之主也。「魚」,陰物,故以爲象。 五爲衆陰之長,當率其類,受制於陽,故有此象。 剥之之憂,上得陽功之庇,故曰「无不利」。」〇熊氏良輔 「碩果」「得輿」之象焉。」○張氏振淵曰:「遯陰長 集説張子曰:「陰陽之際,近必相比。 程傳剥及君位,剥之極也,其 五能使羣陰 六五能 而占 下無 而猶

上九,碩果不食,君子得輿,小人剥廬。極不可制矣,則教陰以從陽之道,曰「以宮人寵」。」

本義 亡也。 果」「得興」之象矣。取象既明,而君子小人,其占不同 陰所載,小人居之,則剥極於上,自失所覆,而无復「碩 間可容息也。 聖人之情,益可見矣。 配月,則坤當十月,以氣消息言,則陽剥爲坤,陽 變,則純陰矣。 身也。 之陽月,恐疑其无陽也。 復,陽未嘗盡也。 之終也。 子,「君子得輿」也。 極之時,其亂可 小人剥廬」,若小人則當剥之極,剥其廬矣,无所容其 爻尚存,如碩大之果不見食,將見復生之理。上九 廬取在上之象。或曰;陰陽之消,必待盡而後復生 或曰: 一陽在上,剥未盡而能復生。 更不論爻之陰陽,但言小人處剥極,則 理 既如是,在卦 剥盡則爲純坤,豈復有陽乎? 曰: 聖人發明此理,以見陽與君子之道,不可 然陽无可盡之理,變於上則生於下,无 知,亂 剥盡於上,則復生於下矣,故十月 《詩 極則自當思治,故衆心願 程傳諸陽削剥已盡,獨有上九 • 陰亦然,聖人不言耳。 亦衆陰宗陽,爲共載之象。 匪風》、《下泉》,所以居變風 君子在上,則爲衆 陰道盛 及其廬 載 來爲 以 於君 桂 亦

則生矣,中無間斷。 卻有復生之理乎? 者陽消陰,陰小人之道也。 之理,故明其有復生之義,見君子之道,不可亡也。 焉。「碩果」專以象言,「得輿」「剥廬」,兼占而言。 言「終有凶」? 曰:上九居剥之極,止有一陽,陽无可盡 於下,此在上便有復生之義,何也? 以伸此也。」○喬氏中和曰:「「碩果不食」,核也,仁也 欲害君子,亦豈小人之利哉。」○蔡氏清曰:「《易》固 在上之象也。」〇胡氏炳文曰:「乾爲木果,衆陽皆變而 文焕曰:「「貫魚」者,衆陰在下之象也。「碩果」者,一 以復也。」 生生之根也。 善類哉? 剥廬」之辭可見。 君子謀,然其爲君子謀者,亦所以爲小人謀也,觀「小 牀」,欲上失所安,今而「剥廬」,自失所安矣。 上之藉下以安者也。廬,下之藉上以安者也。 上獨存,有「碩果不食」象。 果中有仁,天地生生之心存 不然,人之類滅矣。 自古無不朽之株,有相傳之果,此剥之所 蓋道理自是如此,天地 「碩果不食」,則便爲復也。」○楊氏 集説程子曰:「息訓爲生者,蓋 故但言其消亡耳,何用更言 可見聖人非姑爲是抑彼 《夬》之上六,何以 間豈可 自古小人 始而[剥 日日 牀 陽 夬 息

善之義。 之道。 也。 陽剥極於上 之以復。」物无剥盡之理,故剥極則復來,陰極則陽生。 程傳復、《序卦》: 陰盛既極,冬至則一陽復生於地中,故爲復也。 爲卦一陽生於五陰之下,陰極而陽復也。 陽消極而復反,君子之道消極而復長也,故爲反 而復生於下,窮上而反下也,復所以次剥 「物不可 以終盡,剥窮上反下,故受 歲十月" 陽君子

復亨,出入无疾,朋來无咎,反復其道,七日

來復,利有攸往。

來復,故十有一月,其卦爲復。 而陽氣已生於下矣。積之踰月,然後一陽之體始成而 故其占又爲己之「出人」。既得「无疾」,朋類之來,亦得 有亨道。又内震外坤,有陽動於下,而以順上行之象: 本義「復」,陽復生於下也。 復,乃天運之自然,故其占又爲「反復其道」,至於「七 日」,當得「來復」。 ·无咎」。又自五月姤卦一陰始生,至此七爻而一陽來 又以剛德方長,故其占又爲「利有攸 剥盡則爲純坤,十月之卦. 以其陽既往而復反,故

至。 其理。 也。 也。 也。 朝暮,則可見矣。「出人无疾」,謂微陽生長,无害之者 漸以亨通,澤於天下,故復則有亨盛之理也。「出人无 陽氣復生於下,漸亨盛而生育萬物。 日」者,所占來復之期也。 往 復 能協力以勝之也。「反復其道」,謂消長之道,反復迭 道,既消而復,豈能便勝於小人? 三陽子丑寅之氣,生成萬物,衆陽之功也。 然後能成生物之功而无差忒,以 始生至微,固未能勝羣陰,而發生萬物,必待諸陽之來, 阻礙耳。而卦之才,有无疾之義,乃復道之善也。 氣至微,故多摧折。 「人」。物之始生,其氣至微,故多屯艱。 疾」,「出入」謂生長,復生於内,「入」也,長進於外,「出」 也。 `故云「七日」,謂七 陽之消,至七日而來復,姤陽之始消也,七變而成 先云出,語順耳。 所謂咎,在氣則爲差忒,在君子則爲抑塞,不得 既无害之,而其類漸進而來,則將亨盛,故「无咎. 陽之當復,雖使有疾之,固不能 「反復其道」,往而復來,來而復往之意。 春陽之發,爲陰寒所折,觀草木於 更也。 陽生非自外也,來於内,故謂之 程傳「復亨」,既復則亨 《臨》云「八月有凶 「朋來」而「无咎」也。 必待其朋類漸盛,則 君子之道既復,則 止其復也,但爲 陽之始生,其 若君子之 謂陽 一七 币 陽

四七

御纂周易折中卷四

長至於陰長,歷八月也。 陽長言七日。八者陰數,月者陰物,臨剛長以陰爲戒, 姤,明亂生於治乎! 進之意。」〇邵子曰:「復次剥,明治生於亂乎! 疾」,害之者,喜陽氣之復, 獨辦,君子有爲於天下,必與其類同心共濟,故《復》重 往來,其數如此。」〇林氏希元曰:「天下事非一人所能 道」,統言陰陽往來,其理如此。「七日來復」,專言一陽 故曰【八月】。」○《朱子語類》云:「七日,只取「七」義,猶 而不姤者。」〇鄭氏剛中曰:「七者陽數,日者陽物,故於 期,君子不可不善承之耳。」 道」,猶云反復計其程道也。 人道消,故「利有攸往」也。 「八月有凶」,只取「八」義。」○胡氏炳文曰:「「反復其 |朋來」而《泰》重「彙征」。」○張氏振淵曰:「「反復其 時哉時哉,未有剥而不復,未有夬 陽進則陰退,君子道長, 朋來无罪咎之者,欲衆陽漸 集説房氏喬曰:「出人无 此二句,正見天運自有定 夬次 則小

初九,不遠復,无祗悔,元吉。

故其象占如此。程傳復者,陽反來復也。陽,君子之初,失之未遠,能復於善,不抵於悔,大善而吉之道也。本義一陽復生於下,復之主也。「祗」,抵也。又居事

也。 有 ? 之始,方動即復,是不遠而復,復之最先者也,故不至於 之微也。「吉凶悔吝,生乎動者也」,未形而復,其復不 平也。顏子无形顯之過,夫子謂其庶幾,乃「无祗悔」 悔而「元吉」。」 遠矣,故不至於悔而「元吉」。」○俞氏琰曰:「初居震動 不知,既知未嘗不遽改,故不至於悔,乃不遠復也。 欲不踰矩,是有過也。然其明而剛,故一有不善,未嘗 悔」,不至於悔也。《坎》卦曰:「祗既平无咎」。 先者也,是不遠而復也。 道,故復爲反善之義。 並見衣部。 「祗」,陸德明音支,《玉篇》、《五經文字》、《羣經音辨》, `祗」,宜音柢,抵也,《玉篇》云「適也」,義亦同。 「无祗 過既未形而改,何悔之有? 既未能不勉而 惟失之不遠而復,則不至於悔,大善而吉也 集説楊氏時曰"「初九陽始生而未形,動 初剛陽來復,處卦之初,復之最 失而後有復,不失則何復之 謂至既 中,所

六二,休復,吉。

能下仁也,復之休美者也。復者,復於禮也。復禮則爲道也。程傳二雖陰爻,處中正而切比於初,志從於陽,本義柔順中正,近於初九,而能下之,復之休美,吉之

御纂周易折中卷四

親之,資其善以自益,則力不勞而學美矣,故曰「休復,集説《朱子語類》云:「學莫便於近乎仁,既得仁者而仁。初陽復,復於仁也。二比而下,之所以美而吉也。

六三,頻復,厲无咎。

无咎」。 道也。 屢復之象。 子能久於其道,其餘則日月至焉而已。 復貴安固,頻復頻失,不安於復也。 程傳三以陰躁處動之極,復之頻數,而不能 本義以陰居陽,不中不正,又處動極,復而不固,屢失 之危。」 出見紛華盛麗而悦,人聞夫子之道而樂,與夫回之爲 「三爲震動之極,故曰「頻」。 「厲」,危也,即「人心惟危 人,拳拳服膺而弗失之者,固有間矣。」〇趙氏汝楳曰: 過在失而不在復也。 聖人開遷善之道,與其復而危其屢失,故云「厲 不可以頻失而戒其復也。 屢失故危,復則「无咎」,故其占又如 集說郭氏忠孝曰:「唯君 頻失則爲危,屢復何 復善而屢失,危之 是以子夏之徒, 固者 此 也。

六四,中行獨復。

見之。 吉。 吉凶者,蓋四以柔居羣陰之間,初方甚微,不足以相援, 惟四在陰中有所專向,故發此義。」 中字。「獨」,即《中庸》「慎獨」之獨。 二陰,己獨應初,居在衆陰之中,故云[中行],獨自應 孔氏穎達曰:「「中行獨復」者,處於上卦之下,上下各有 柔弱之甚,雖有從陽之志,終不克濟,非无咎也。 无可濟之理,故聖人但稱其能獨復,而不欲言其獨從道 獨能復,自處於正,下應於陽剛,其志可謂善矣。 其義不謀其利,明其道不計其功。」於剥之六三及此爻 從善之象。當此之時,陽氣甚微,未足以有爲,故不言 以爲復、全在初爻、猶人之初念也。 於獨知之中,憬然自覺,所謂「復以自知」也。 初,故云「獨復」。」〇繆氏昌期曰:「「中」,即「中以自考」 而必凶也。 本義四處羣陰之中,而獨與初應,爲與衆俱行而 然理所當然,吉凶非所論也。 程傳此爻之義,最宜詳玩。 曰:然則不言无咎,何也? 董子曰:「仁人者,正 四行羣陰之中,而 五 四能以中而行,而 曰:以陰居陰: 陰皆復此而已 蓋復之所 集説 不言 獨 能

六五,敦復,无悔。

本義以中順居尊,而當復之時,「敦復」之象,「无悔」之

Б. О

팅 也 道 者五爻,初最在先,故爲「不遠」,五最在後,故爲「敦」。 復」者,復之上爻,迷而不復,故復至五而極也。 以上九爲「敦艮」,皆取積厚之極。《復》於五即言「敦 時,以柔居尊,下復无助,未能致亨吉也,能「无悔 氏簡曰: 係,而處位得中,能自厚於復者也,可以「无悔」。」〇李 ○蔡氏淵曰:「「敦」,厚也。 是以「无悔」。」○胡氏炳文曰:「「不遠復」者,善心之萌。 「无悔」矣。「不遠復」,人德之事也。 「敦復」者,厚之至也。不與初應,本當有悔,以其能復 「敦復」者,善行之固。 也。 與四是也,遠而非應者復之難,六五所以稱「敦復」。 故 集説項氏安世曰:「《臨》以上六爲「敦臨」、《艮》 「无悔」。 程傳六五以 「初九陽剛,君子之道也。 雖本善,戒亦在其中矣。 中 故初九「无祗悔」、「敦復」則可 ·順之德處君位,能敦篤於復善者 坤象復主初陽,五雖與初無 相應相比者復之易 「敦復」,其成德之 陽復方微之 卦中復 一而

以其國君凶,至于十年不克征 上六,迷復,凶。有災眚,用行師,終有大敗

事與。」

本 ·義以陰柔居復終,終迷不復之象,凶之道也,故其占

> 凶也。 災,自外來。「眚」,己過,由自作。 下,皆假象,以喻一 甚矣。言「迷復」,即昏迷而不知所復之謂。 其本心也。」〇何氏楷曰:「坤本先迷,今居其極,則迷之 也。」〇楊氏啟新曰:「心爲天君。 「上六位高而無下仁之美,剛遠而無遷善之機,厚 動皆過失,災禍亦自外而至,蓋所招也。 復者也。 有難開之蔽,柔終而無改過之勇,是昏迷而不 能 施而可,用以「行師」,則「終有大敗」,以之爲國 如 行。 此。 既迷於道,何時而可行也。 「十年」者,數之終。至于「十年不克征」,謂終不 以」,猶及也。 迷而不復,其 心不能 「凶」可知。 程傳以陰柔居復之終,終迷不 馭 衆動,徇物必 「以其國君」,言喪失 既迷不復善,在己則 有「災眚」,「災」,天 集説徐氏幾 迷道不復,无 至喪天 「行師」以 ,則君之 知 曰: 復 極 者 面

易,頻則屢易。 應初也。 總論胡氏炳文曰"「「迷復」與「不遠復」相反,初 而復,迷則遠 「十年不克征」,亦「七日來復」之反。」 而不復。 「獨復」與「休復」相似 「敦復」與 「頻復」相 ,休則比初 反,敦 不遠 無 則

也。」

■ 乾震 上下

妄,動以人欲則妄矣,无妄之義大矣哉!受之以无妄也。爲卦乾上震下,震,動也,動以天爲无者,反於道也。既復於道,則合正理而无妄,故復之後,程傳无妄,《序卦》:「復則不妄矣,故受之以无妄。」復

无妄,元亨,利貞,其匪正有眚,不利有攸往 所期望而有得焉者,其義亦通。 來而居於初,又爲震主,動而不妄者也,故爲「无妄」。 本義「无妄」,實理自然之謂。《史記》作「无望」,謂无 則妄也。 所謂「與天地合其德」也。 无妄有大亨之理,君子行无 妄者,至誠也。至誠者,天之道也。 利於正。若其不正,則有眚而不利有所往也。 程傳无 又二體震動而乾健,九五剛中而應六二,故其占大亨而 故有匪正,則爲過告。 无妄之道也。「利貞」,法无妄之道,利在貞正,失貞正 妄之道,則可以致大亨矣。无妄,天之道也,卦言人由 生不窮,各正其性命,乃无妄也。人能合无妄之道 常,然自家所守者,不可不利於正,不可以彼之無常,而 集説《朱子語類》云:「无妄一卦,雖云禍福之來也 雖无邪心,苟不合正理,則妄也,乃邪心也。 既已无妄,不宜有往,往則妄也。 爲卦自訟而變,九自一 天之化育萬物,生 則 無

> 理。 邪,何以不合正?」曰:「有人自是其心全無邪,而卻 吾之所守亦爲之無常也,故曰「无妄,元亨利貞,其匪 非所謂無望之災。 欲徼福,非所謂無望之福。 所以無望也。若其處心未免於妄,則無道以致福,而妄 有告」。」〇「問"「雖無邪心,苟不合正理,則妄也。 意。」 過告。 之謂。自然二字,已兼無所期望之意矣。]○胡氏居仁 妄也。若真實无妄之人,則純乎正理 合於正理。如賢者過之,其心豈曾有邪? 疾之來,亦守此无妄之實理,而不足憂。 之自然,無一豪私意造爲。故出乎實理无妄之外,則爲 曰:「无妄,誠也。誠,天理之實也。聖人只是循其實理 誠字,以爲真實无妄之謂,此解无妄,則以爲實理自 而無苟得倖免之心也。]○胡氏炳文曰:「朱子解《中庸》 佛氏亦豈有邪心者?」○丘氏富國曰:「惟其无妄" 循此實理无妄而行之,則吉無不利。 此皆未免容心於禍福間,非所謂无 有過以召災,而妄欲免災, ,禍福一付之天 卦辭爻辭皆此 卻不合正 不幸而 既無 不 災 然 正

初九,无妄,往吉。

本義以剛在內,誠之主也。如是而往,其「吉」可知。

不吉? 以剛實變柔而居内,中誠不妄者也。 故其象占如此。 反也,誠之主如此,妄自然无矣。如此而往,其吉固 无妄,不妄則「吉」。 无妄之初,當行者也,故「往」則有 也,過則妄矣。爻言往吉,謂以无妄之道而行則吉也 宜。1〇何氏楷曰:「此爻足蔽无妄全卦。震陽初動,誠 曰:「以剛在內,誠之主也。」主字最有力,蓋妄者,誠之 曰:「《彖》曰:「剛自外來而爲主於内。」《本義》於此 「吉」。无妄之終,當止者也,故行則有貴。」○胡氏炳文 集説蘭氏廷瑞曰:「初則當行,終則當止,行止適當則 未分,是之謂无妄。 卦辭言「不利有攸往」,謂既无妄,不可復有往 程傳九以陽剛爲主於內,无妄之象。 以此而往,動與天合,何不吉之 以无妄而往,何所

六二,不耕穫,不菑畬,則利有攸往。

非妄也。 本義柔順中正,因時 也。占者如是,則利有所往也。 不耕穫,不菑畬」之象。 六二居中得正,又應五之中正,居動體而柔順,爲 人所欲爲者,乃妄也,故以「耕穫」「菑畬」譬 順理,而 言其无所爲於前,无所冀於後 无私意期望之心,故有 程傳凡理之所然者

穫,菑則必有畬,非心造意作,則以耕穫菑畬爲非私意。

畬,謂不首造其事,則似以耕菑爲私意,中謂耕則必有

始謂不耕而穫,不菑而

可。」曰:「《易傳》爻象之辭,雖若相反,而意實相近,特 也。 此下語,故《易傳》中頗費言語。 氏墳曰:「伊川大意,只謂不爲穫而耕,不爲畬而菑,凡 辭有未足耳。爻辭言當循理,《象傳》言不計利。」」〇陳 於耕而計穫之利,如程子所解《象傳》,移之以解爻辭則 辭恐未明白。竊謂無不耕而穫,不菑而畬之理,只是不 作以利天下者,皆造端也,豈非妄乎? 農之始,穫,其成終也。 有所爲而爲者,皆計利之私心,即妄也。 作,合乎風氣之宜,未嘗先時而開之也。若不待時,則 如是則爲无妄,不妄則所往利而无害也。 穫,菑則必有畬,是事理之固然,非心意之所造作 然,則是順理應物,非妄也,獲與畬是也。 不耕而穫,不菑而畬,謂不首造其事,因其事理所當然 動能順乎中正,乃无妄者也,故極言无妄之義。 人隨時而爲也。 聖人足以盡爲矣,豈待累聖繼作也。 首造其事,則是人心所作爲,乃妄也。 集説《朱子語類》:「問:「程《傳》爻 田一歲日 「菑」,三歲曰「畬」。 曰:聖人隨時 時乃事之端,聖 但經文中不 或曰:聖人制 蓋耕則必 因事之當 也 制

る,リと以よりを含めなる。 これても 目目も言った人終謂既耕則必有穫,既菑則必成畬,非必以穫畬之富而

《本義》但據經文直說,謂無耕穫菑畬之私心。」○胡氏爲,則又似以穫畬爲私意。三説不免自相抵牾,所以

炳文曰:「「耕穫」者,種而斂之也。 「菑畬」者,墾而熟之

也。一歲之農,始於耕,終於穫。三歲之田,始於菑,終灼,日,一十未私,者,利而矣之七,,皆者,有,則所以

於畬。『不耕穫,不菑畬』,諸家以爲不耕而穫,不菑而

畬,惟《本義》以爲始終無所作爲之象,而必曰因時順理

故其占曰「利有攸往」。」〇林氏希元曰:「田必耕然後者,理本自然無所作爲,自始至終,絕無計功謀利之心,

畬。豈有不耕穫不菑畬之理。爲此語者,特以明自始穫,必菑然後畬。其耕也,正以望穫。其菑也,正以望

妄,在於期望。 『不耕穫』者,不方耕而即望有其穫也。至終,絶無營爲計較之心爲耳。」 〇何氏楷曰:「人之有

而必有事焉,當如此矣,故曰「則利有攸往」,言必如此「不菑畬」者,不方菑而即望成其畬也。 學者之除妄心

後獲之訓,則於理尤長。且《象傳》以未富釋之,正謂其案:何氏説與《傳》、《義》頗異,質諸夫子先事後得,先難

而後利也。」

六三,无妄之災,或繫之牛,行人之得,邑人無望穫之心,未必以耕爲可廢也。

之災。

日 災」。言如三之爲妄,乃无妄之災害也。設如有得,其 之得,則知其失必與稱也。故聖人因六三有妄之象,而 妄動,由 應於上,欲也,亦妄也。 之擾也。 占者,无故而有災,如行人牽牛以去,而居者反遭 以爲得也。人能知此,則不爲妄動矣。 得也。「行人」「邑人」,但言有得則有失,非以爲彼己 得馬,則行人失馬乃是災也。 言有得則有失,不足以爲 行人得之以爲有得,邑人失牛乃是災也。借使邑人繫 失隨至,如「或繫之牛」。「或」,謂設或也。 發明其理云「无妄之災,或繫之牛,行人之得,邑人之 利,其動而妄,失已大矣,況復凶悔隨之乎。 本義卦之六爻,皆无妄者也。 굸 屯。 也。妄得之福,災亦隨之,妄得之得,失亦稱之,固不足 「无妄而災者,災也。 「此卦六爻皆是无妄,但六三地頭不正,故有「无妄 運數適然,非己妄致,乃无妄之災。」○《朱子語類》 有欲也。 程傳三以陰柔而不中正,是爲妄者也。 妄動而得,亦必有失。 在无妄之道,爲災害也。 有妄而災,則其所也,非災之 六三處不得正,故遇其 集説關氏朗 雖使得其所 或繫得牛 知者見妄 人之 又志 詰 捕

災也。」其此之謂與。」 定有情,人自爲之也。无妄之災,天實爲之也。六爻皆正有情,人自爲之也。无妄之災,天實爲之也。六爻皆正有情,人自爲之也。无妄之災之象。」○胡氏炳文曰:「匪遭捕詰之擾,此正无妄之災之象。」○胡氏炳文曰:「匪

九四,可貞,无咎。

也。 爲之占也。 也。 矣,過則妄也。居四,无尚剛之志也。「可貞」與「利貞 九居陰得爲正乎? 曰,以陽居乾體,若復處剛,則爲過 本義陽剛乾體,下无應與,可固守而「无咎」,不可以 則訓正字而兼固字之義。 不同,「可貞」謂其所處可貞固守之,「利貞」謂利於貞 其所當止者也。」 往吉」,行乎其所當行者也。 自无妄者也。 其占不可有爲也。」〇何氏楷曰: 正字之義。 剛而无私,豈有妄乎? 集説胡氏炳文曰:「「貞」,正而固也。 九四陽剛健體,下無應與,可貞正守之,而 程傳四剛陽而居乾體,復无應與,无妄者 可 貞固守此,則「无咎」。 曰「不可貞」則專訓固字而 可貞固守此,自「无咎」也。 九四之「可貞,无咎」,止乎 「四剛陽而居乾體,本 初九之[无妄] 日「利貞」 無 有

九五,无妄之疾,勿藥有喜。

也。 之,則反害其正矣。故勿藥則有喜也。「有喜」謂 是渝其无妄而遷於妄也。五既處无妄之極,故惟 者,則當自如。 之管蔡,孔子之叔孫武叔是也。既已无妄,而有 從,化之而不革,以妄而爲无妄之疾。 亡也。无妄之所謂疾者,謂若治之而不治,率之而 妄,如其有疾,勿以藥治,則有喜也。 者也,其道无以加矣。「疾」,爲之病者也。 傳九以中正當尊位,下復以中正順應之,可謂无妄之至 動,動則妄矣。 石攻去其邪以養其正。若氣體平和,本无疾病,而攻治 本義乾剛中正,以居尊位,而下應亦中正,无妄之至 如是而有疾,勿藥而自愈矣。 无妄之疾,不足患也。 故其象占如此。 人之有疾,則以藥 舜之有苗,周公 若遂自攻治,乃 以九五之无 疾之 戒 疾 程 不 自

同。 案:勿者,禁止之辭。 凡《易》中言「勿」者皆同義。 災,則亦順其 自然而氣自復,勿復用藥以生他候。 然此曰「有喜」者,剛中正而居尊位 自然而 事自平,勿復用智以 言无妄矣而偶有疾,則亦 此爻之疾,與六三之災 如人有无妄之 ,德位固 生他 ,咎也。 不同 順 其

上九,无妄,行有眚,无攸利。也。

謂。 行,過於理也。 而无所利矣。 占如此。程傳上九居卦之終,无妄之極者也。 本義上九非有妄也,但以其窮極而不可行耳,故其象 楷曰:「彖所謂「匪正有眚、不利有攸往」者。」 理而動,則反爲妄矣,其有皆而不利也宜哉!」○何氏 循,所以爲无妄。上九居无妄之極,不可有行,若不循 亦聽之而已,守是理而不爲動者也。或動或静,惟理是 也,三「有災」,五「有疾」,不幸而遇無故非意之事,君子 往」,循是理而動者也,四「可貞无咎」,守是理而不動者 循是理則吉,拂是理則凶。 集説龔氏焕曰:「无妄者,實理自然之 過於理則妄也。 故上九而行,則有過告 初「往吉」,二「利有攸 極而復

上行「有眚」,時當静而静也。」

■ 艮乾 上下

義。 、又爲畜聚。止則聚矣。取天在山中之象,則爲藴 此,又爲畜聚。止則聚矣。取天在山中之象,則爲藴 計艮上乾下,天而在於山中,所畜至大之象。畜爲畜 對艮上乾下,天而在於山中,所畜至大之象。畜爲畜 對艮上乾下,天而在於山中,所畜至大之象。畜爲畜 養。」无妄則爲有實,故可畜聚,大畜所以次无妄也。爲

大畜,利貞,不家食吉,利涉大川。

道德充積於內,乃所畜之大也。凡所畜聚皆是,專言其乾剛健,外見篤實輝光,是以能日新其德,而爲畜之大能,故其占爲「利貞」,而「不家食吉」也。以卦變言,此卦自需而來,九自五而上。以卦體也。以卦變言,此卦自需而來,九自五而上。以卦體乾,爲應乎天,故其占又爲「利涉大川」也。「不家食」,乾,爲應乎天,故其占又爲「利涉大川」也。「不家食」,能,故其占爲「利貞」,而「不家食吉」也。又六五下應於能,故其占爲「利貞」,而「不家食」,也。以卦變言,此卦自需而來,九自五而上。以卦體也。以卦變言,此卦自需而來,九自五而上。以卦體之。以卦變言,此卦自需而來,九自五而上。以內本義「大」,陽也。以艮畜乾,又畜之大者也。又以內本義「大」,以則

則「吉」。 下之吉也。 在上位,以享天禄,施爲於天下,則不獨於一身之吉,天 學,所聚至多,而不正者固有矣。 大者,人之蕴畜,宜 義》,欲將文王卦辭,只大綱依文王本義略説,至其所以 隨宜,取明且近者。 以卦之才德而言,諸爻則惟有止畜之義。蓋《易》體道 畜之用也,故「利涉大川」。 可見孔子之意,但今未暇整頓耳。」〇胡氏炳文曰:「「不 發明,各有所主。爻象亦然。 而「吉」、「利」於「涉大川」。至於剛上尚賢等處,乃孔子 家食吉,利涉大川」,只是占得大畜者,爲「利貞不家食」 然之故,卻於孔子《彖傳》中發之。 畜 家食」,是賢者不畜於家而畜於朝。 不必泥而一之也。」 極而通之意。 所畜既大,宜施之於時,濟天下之艱險,乃大 若窮處而自食於家,道之否也,故「不家食」 要之兩利字, 得 集説《朱子語類》云:「某作《本 正 道,故云「利 此只據大畜之義而言,彖更 如此則不失文王本意,又 吉字,占辭自分爲三. 既道德充積於内, 且如「大畜,利貞,不 貞」。 『涉大川』,又似有 若夫異 端 宜 偏

初 允 ,有厲,利已。

本 義乾之三陽爲艮所止,故内外之卦各取其義。 初九

> 陽 則有危厲,故利在已而不進也。 中,能自止而不進者也,則以其所能言之曰「輿説輹」。 進,故戒之云進則「有属」,惟「利」於已也。 應,相援者也。 四在上,畜止於己,安能敵在上得位之勢? 爲六四所止,故其占往則有危,而利於止也。 止之義。 止之爲義。 畜,艮止畜乾也。 ,則爲合志。蓋陽皆上進之物,故有同志之象,而 集説蔡氏清曰:「初九不可進而未必能自 初以陽剛,又健體而居下,必上進者也。 在大畜,則相應乃爲相止畜。 故乾三爻皆取被止爲義,艮三爻皆 在他卦,則四與初爲正 若犯之而進 若九二之處 上與三皆 程 傳 无 相 六 取 大

九二,輿説輹

如車輿説去輪輹,謂不行也。 故進止无失。 在上之勢,豈可犯也? 有此象也。 本義九二亦爲六五所畜,以其處中,故能自 程傳二爲六五所畜止,勢不可進 雖志於進,度其勢之不可,則 二雖剛健之體,然其處得中 止 1止而不 也。 而不行 五 道 進

九三,良馬逐 本義三以陽居健極,上以陽居畜極,極而 ,利艱貞, 日 閑 輿 衛 , 利 通之時也。 有 放往。

也。 剛鋭進,故其占必戒以「艱貞」。 又皆陽爻,故不相畜而俱進,有「良馬逐」之象焉。 防。當自日常閑習其車與與其防衛,則「利有攸往」矣。 難其事,而由貞正之道。 速,不可恃其才之健與上之應,而忘備與慎也。故宜艱 合志而進,其進如良馬之馳逐,言其速也。 畜而志同,相應以進者也。 三以剛健之才,而在上者與 之陽,亦上進之物,又處畜之極而思變也。 失其貞也。 三乾體而居正,能貞者也,當其銳進,故戒以知難,與不 以剛居柔無勢,故爲「豶豕」,九三純乾,故爲「良馬」。」 「曰」,當爲日月之日。 集説項氏安世曰: 志既鋭於進,雖剛明有時而失,不得不戒 「初九在初,故稱「童牛」,九二 興者用行之物,衛者所以 程傳三剛健之極,而上九 「閑」習,乃利於有往 雖其進之勢 與三乃不相 然過 自

六四,童牛之牿,元吉。

畜初者也。初居最下,陽之微者,微而畜之則易制,猶之謂豫。」正此意也。程傳以位而言,則四下應於初,易,大善之吉也,故其象占如此。《學記》曰:「禁於未發觸、《詩》所謂「楅衡」者也。止之於未角之時,爲力則本義「童」者,未角之稱。「牿」,施横木於牛角以防其入了。

吉也。 傷。 可制,故亦「吉」,但不能如四之「元吉」耳。」 爲力易。五則陽已進而止之則難,以柔居尊,得其機會 不進,上卦取其能畜彼而不使進。 若童犢始角而加之以牿,使觝觸之性不發,則易而无 加牿,則「元吉」也。牛之性,觝觸以角,故牿以制之。 雖聖人治之,不能免刑戮。 惡既甚,則雖聖人救之,不能免違拂。下之惡既甚,則 惡,止於初則易,既盛而後禁,則扞格而難勝。 故上之 臣之任,上畜止人君之邪心,下畜止天下之惡人。人之 上位而得正,是以正德居大臣之位,當畜之任者也。 「童牛」而加牿,大善而吉也。 以況六四能畜止上下之惡於未發之前,則大善之 集説《朱子語類》云,「大畜下卦取其能自畜而 莫若止之於初,如「童牛」而 概論畜道,則四 然四能止之於初,故 艮體,居

六五,豶豕之牙,吉。

法嚴刑不能勝也。夫物有總攝,事有機會,聖人操得其夫以億兆之衆,發其邪欲之心,人君欲力以制之,雖密而不言「元」也。程傳六五居君位,止畜天下之邪惡。當尊位,是以得其機會而可制。故其象如此,占雖「吉」本義陽已進而止之,不若初之易矣。然以柔居中,而本

要,則視億兆之心猶一心,道之斯行,止之則戢,故不勞 利,若强制其牙,則用力勞而不能止其躁猛,雖繁之維 兆利欲之心乎? 利則動,苟不知教而迫於饑寒,雖刑殺日施,其能勝億 故不假刑法嚴峻而惡自止也。 之惡,不可以力制也,則察其機,持其要,塞絶其本原 止。其用如此,所以「吉」也。 之,不能使之變也。若豶去其勢,則牙雖存而 而治,其用若豶豕之牙也。「豕」,剛躁之物,而牙爲猛 也 彼,而修政於此,是猶患豕牙之利,不制其牙而豶其 矣。故止惡之道,在知其本,得其要而已。不嚴刑於 而修政教,使之有農桑之業,知廉恥之道,雖賞之不竊 聖人則知所以止之之道,不尚威刑, 君子法豶豕之義,知天下 且如止盜,民有欲心,見 剛躁自 勢

上九,何天之衢,亨。

散。極既當變,又陽性上行,故遂散也。天衢,天路也。下事」。小畜畜之小,故極而成。大畜畜之大,故極而之衢亨」,誤加何字。」事極則反,理之常也。故畜極而之衢亨」,誤加何字。」事極則反,理之常也。故畜極而通,豁本義「何天之衢」,言何其通達之甚也。畜極而通,豁力,何之之為

《大學章句》所謂「用力之久,一旦豁然貫通」者,亦是此 賢」,則上九是也。 非畜道之亨也。 謂其亨通曠濶,无有蔽阻也。 謂空虚之中,雲氣飛 不伸也。」 曰:「觀畜極而通之意,則知君子患屈之未至耳,不患其 意。多識前言往行以畜其德者,以之可也。1○蔡氏清 之極而通、豁達無礙,如天衢然。 行也。」○胡氏炳文曰:「隨畜隨發,不足爲大畜。 則散,止極則行。故上九雖艮體,至畜之終,則不止而 天之龍」。大畜者,一陽止於外,而三陽藏畜於内,畜極 何作荷。「何天之衢」,其辭猶《詩》言「何天之休」、「何 澄曰:「後漢王延壽《魯靈光殿賦》云「荷天衢以元亨」, 五所尚,主張賢路,賢者之得志,莫盛於斯也。]○吴氏 帝讀音賀』是也。言以身任天下之責,當畜賢之時,爲 者之道所以亨也。「何」,如何校之何。《釋文》曰「梁武 由己上進,故九三曰「良馬逐」。又曰「上合志也」,此賢 以有「何天之衢」之象。 謂勝其任。]〇王氏宗傳曰:「《彖傳》曰:「剛上而 集説張氏浚曰:「剛在上爲「何」,何 以陽德而居五之上,爲五所尚,此所 鳥往來,故謂之天衢。 天衢,通顯之地也。下之三陽, 在畜道則變矣,變而亨, 此不徒爲仕者之占、 天衢之亨, 惟 畜

「大畜時也。」正謂此也。吴氏引《商頌》之詩者,語意尤也。「荷天之衢」者,言其遇時之通也。《雜卦》云:應天止健,卦所謂「涉大川」者此已。故天衢者,喻其通歷天止健,卦所謂「亦家食」者此已。取艮主之義,則能賢路大通,卦所謂「亦家食」者此已。取艮主之義,則能察,上健,,以爲發語,而諸家案:「何」字,程《傳》以爲誤加、《本義》以爲發語,而諸家案:「何」字,程《傳》以爲誤加、《本義》以爲發語,而諸家

近。

佩曰: 牛始 畜極 與上居內外卦之極,畜極而通,不取止義。」○葉氏 卦受畜,以自止爲義。 總論胡氏炳文曰:「他 難而止者也。 義,六爻專取畜止義。 得其機會,故其象爲「豶豕之牙」,其占雖吉,然比之於 進 而 則 而 止者也。 角 鋭於進也。六四當大畜之任,能止惡於初,若童 而通之象,然猶以「艱貞」「閑習」爲戒者,慮 有 「卦《彖》兼取畜止、畜聚二義,《大象》專取 間矣。 ጢ 加之以牿,則大善之吉也。 九三與上合志,其進也如良馬之馳逐,此 或問: 九二處得中道,能「説輹」而不行,時 六四「元吉」、《傳》曰「有喜」,六 初九進則「有厲」,惟利於已,知 外卦能 卦取 陰陽相應,此取 畜,以止之爲義。 六五制惡有道 相畜。 ~其可 畜聚 獨 良 止 内

> 也。 四爲易,故曰「元吉」,論其功之廣狹,則五爲廣,故 五之吉,乃曰「有慶」,何也? 興衛」,故至於「何天之衢」,然後大道夷而險阻 至「良馬逐」則漸通矣。 象,「雲行雨施,天下平也」,其斯以爲道大行乎。」 「有慶」。上九之「亨」,畜極而大通也,故以天之衢爲 「有厲」「説輹」則猶「家食」者也,阻於「大川」者 「牿牛」「豶豕」則猶治不肖者也,弘濟艱難者也。 然猶防賢路之崎嶇,而 曰: 論爲力之難易,則 日 去 と世。 閑 曰

三 艮震 上下

卦爻義之相關者在此

畜也。 形、養德、養人,皆頤養之道也。 動,外實而中虚,人頤頷之象也。 既畜聚,則必有以養之,无養則不能存息,頭所以次大 以 飲食衣服,以養形也,威儀行義,以養德也, 於天地養育萬物,聖人養賢以及萬民,與人之養生、養 飲食,養人之身,故名爲頤。 程傳頭、《序卦》: 養人也 卦上艮下震,上下二陽爻,中含四陰,上止 「物畜然後可養,故受之以頤。」夫物 聖人設卦,推養之義,大至 動息節宣,以養生也, 頤,養也。 推己及物 人口 所以 而

頤,貞吉,觀頤,自求口實。

不正。 吉也。 以養其心,守聖道而不溺於虚無,崇聖學而不流於 子語類》云:「養須是正則「吉」。 「觀頗」,是觀其養德正 頤,與其自求口實之道,則善惡吉凶可見矣。 得其宜者,亦正而已矣。 本義「頤」,口旁也。 正則吉,不正則凶。」〇陳氏琛曰:「集義以養其氣,寡欲 道義而略口體,正也,急口體而輕道義,則不正矣。 道,正也,異端小道,則不正矣。又必自求其口實,如 身,二者皆不可不正。觀其所養之道,如《大學》聖賢之 處。」〇林氏希元曰:「人之所養有二,一是養性,一是養 養之道。「自求口實」,謂觀其所以養身之術,皆得正則 養之義。「貞吉」者,占者得正則吉。 素餐,不以貧賤飢渴害其心,不以聲色臭味汩其性,則 數,則所以養德者正矣。 人、養於人,皆以正道則吉也。 上下二陽,内含四陰,外實内虚,上止下動,爲頤之象 「自求口實」,是觀其養身正不正,未說到養人 程傳願之道,以正則吉也。 口食物以自養,故爲養義。 窮而不屑於嘑蹴,達而不至於 「觀頤,自求口實」,觀人之所 天地造化,養育萬物,各 人之養身、養德、養 「觀頤」,謂觀其所 集説《朱 爲卦 術 皆 重

> 善,「自求口實」,即於己取之而已矣。」 所以養身者正矣。」〇陸氏銓曰:「「觀頤」,即考其善不

傳》語意尤合也。 所養者身乎,則當自求其所以養身之方。與夫子《彖養而已,如所養者德乎,則當自求其所以養德之道,如秦、陸氏説與《傳》、《義》異,蓋云「觀其所養」者,以自求

初九,舍爾靈龜,觀我朵頤,凶。

解耳。 設。 所不至? 既動,則其自失必矣。 應於四,不能自守,志在上行,説所欲而朵頤者也。 是,然以陽居動體,而在頤之時。求頤,人所欲也。 不食、靈龜、喻其明智,而可以不求養於外也。 也。「舍爾」之「靈龜」,乃「觀我」而「朵頤」,我 也,爻乃主發蒙而言,頤之初九,亦假外而言。 貌。初九陽剛在下,足以不食,乃上應六四之陰,而 於欲,凶之道也,故其象占如此。 本義「靈龜」,不食之物。「朵」,垂也。「朵頤」,欲食之 初之所以「朵頤」者,四也。 九陽體剛明,其才智足以養正者也。 是以凶也。 「朵頤」爲朵動其頤頷,人見食而 迷欲而失己,以陽而從陰, 然非四謂之也,假設之 程傳蒙之初六,蒙者 龜 才雖 (對爾 能 爾謂 則何 咽息 心 上 如 丽 初 動

六

君子在上足以養人,在下足以自養。 甚焉。」○蘇氏軾曰:「養人者,陽也。 其德,而舍其「靈龜」之明兆,羨我「朵頤」而躁求,凶 則福至,求禄則辱來。居養賢之世,不能貞其所履以全 動而求養者也。 頤」者,嚼也。 欲之,則動頤垂涎,故以爲象。 也。 所致也,故凶。」○鄭氏汝諧曰:「頤之上體皆[吉],而 不能守之而觀於四,見其可欲,「朵頤」而慕之,爲陰之 於四陰之下,其德足以自養,而無待於物者,如龜也。 於口體之養。 頤』也。」○何氏楷曰: 體皆「凶」。 在下,初九之象也。 爲所養之主。 氏安世曰:「頤卦惟有二陽,上九在上,謂之「由 者,初爲動之主,上爲止之主,養道宜静故也。」附録 九爲卦之主,故稱「我」。 在下而動,求養於人者也。 上體止也,下體動也。 以 故雖以初之剛陽,未免於動其欲而觀 朵 初九在下,亦足爲自養之賢,靈龜伏息而 夫安身莫若不競,修己莫若自保,守道 陽處下,而爲動始,不能令物由己養, 「朵頤」在上而下垂,上九之象也。 「初與上陽剛之德同,而吉凶不同 羣陰從我而求養,固其所 集説王氏弼曰:「「朵 動而求養於人者,必累 在上而止,養人者 初九以一陽而伏 養於人者,陰也 頭」,固 莫 項

爲動之主,居養之初,故深戒之以明自養之道。」有貴而不自珍,宜其「凶」也。初九本靈本貴,聖人以其也。初九本無所求,乃亦仰而「觀我」,有靈而不自保,

六二,顛頤,拂經于丘頤,征凶。

案:項氏以「觀我朵頤」爲上九,亦備一説

者也。 賴司牧之養,皆以上養下,理之正也。二既不能自養, 從男,陰不能獨立,必從陽。二陰柔不能自養,待養於 得凶。丘,土之高者,上之象也。 顛則拂違經常,不可行也。 必求養於剛陽,若反下求於初,則爲顛倒 本義水養於初,則顛倒而違於常理,水養於上,則往而 則拂經,不獲其養爾,妄求於上,往則得凶也。今有人, 丘在外而高之物,謂上九也。 人者也。天子養天下,諸侯養 何 往求之,取辱得凶必矣。 才不足以自養,見在上者勢力足以養人,非其疾類,妄 初,若求頤於上九,往則有凶。 也? 上非其應而往求養、非道妄動、是以凶也。 曰 時然也。 陰柔既不足以自養,初上二爻,皆 六二中正,在他卦多吉,而凶 若求養于丘,則往必有凶。 卦止二陽,既不可顛頤於 在頤之時,相應則相 國,臣食君上之禄,民 程傳女不能自處,必 ,故云 · 顛頤 」。 顛頤 養

非其與,故往求則悖理 爻,與常經相悖,故皆爲「拂經」。 顛而吉。 四「顛頤」,固與初爲正應,然是賴初之養以養人,故 當爲句,「拂經于丘頤」爲句,「征凶」則其占辭也。六三 曰:「二五得位得中,而不能自養,反「由頤」於無位 ○黄氏幹曰:「頤之六爻,只是顛拂二字,求養於下則爲 人,所以居貞而亦吉。」 「拂頤」,雖與上爲正應,然是求於上以養己,故凶。 顛」,求養於上則爲「拂」。 六二比初而求上,故「顛頤 六五「拂經」,是比於上,然是賴上九之養以養 而得「凶」也。 上艮體,故爲于丘。」 集説項氏安世 六 雖

義矣。 失類也」,則曰初、上皆非其類也,則亦以「征凶」總承兩以「征凶」屬之「丘頤」,然至其解《象傳》「六二征凶,行案:項氏、黄氏説,深得文意,可從。《本義》雖從程《傳》

六三,拂頤,貞凶,十年勿用,无攸利。

者也。其養如此,拂違於頤之正道,是以凶也。得頤之陰柔之質,而處不中正,又在動之極,是柔邪不正而動正亦凶,故其象占如此。程傳與之道惟正則吉,三以本義陰柔不中正,以處動極,拂於頤矣。既拂於頤,雖

理,作《易》之本意也。」 用,无攸利」,戒之也,因其多欲妄動,示之以自反之 必無所不至,是謂拂於頤之正,凶之道也。「十年勿 之有?」〇鄭氏汝諧曰:「二應於上,若得所養,而 謂終不可用,无所往而利也。 莫甚於三,蓋不中不正而居動之極,所以求養於人者, 之極,拂頤之正也。「十年勿用」則終不可用矣。 故凶。」〇楊氏時曰:「頤正則吉,六三不中正而居動 動 德。三乃拂違正道,故戒以「十年勿用」。 Œ ,繫説於上,不但拂頤之經而已,害頤之正莫甚焉, ,則所養皆吉。 求養養人,則合於義。 集説張子曰:「履邪好 自養,則成其 十,數之終 何利 凶

求下之養,顛倒也,故曰「顛頤」。然己不勝其任,求在本義柔居上而得正,所應又正,而賴其養以施於下,故本義柔居上而得正,所應又正,而賴其養以施於下,故症。六以陰居之,陰柔不足以自養,况養天下乎? 初位。六以陰居之,陰柔不足以自養,况養天下乎? 初位。六以陰居之,陰柔不足以自養,况養天下乎? 初元,與頤居下,在下之賢也。與四爲應,四又柔順而九以剛陽居下,在下之賢也。與四爲應,四又柔順而九以剛陽居下,在下之賢也。與四爲應,四又柔順而九以剛陽居下,在下之賢也。與四爲應,四又柔順而九以剛陽居下,在下之賢也。以上養下則爲順,今反本義柔居上而得正,所應又正,而賴其後,次逐、无咎。

下之賢而順從之,以濟其事,則天下得其養,而己无 頤也。 也。 若取於人而无繼,則困窮矣。既有威嚴,又所施不窮, 敢易。 輕,故必養其威嚴,耽耽然如虎視,則能重其體貌,下不 順從剛陽,不廢厥職,然質本陰柔,賴人以濟,人之所 而人違,刑施而怨起,輕於陵犯,亂之由也。 民所尊畏,則事行而衆心服從。若或下易其上,則政出 敗之咎,故爲吉也。 下之志相應而施於民,何吉如之。自三以下,養口體者 四則居上位,以貴下賤,使在下之賢,由己以行其道,上 曰:二在上而反求養於下,下非其應類,故爲「拂經」。 故能无咎 則初之見養於四爲凶。自四言之,則四之得養初九爲 賴養於下,皆養德也。 資養於下,則於頤 吉。」○游氏酢曰:「以上養下,頤之正也。 若在上而反 「吉」,而二則「征凶」也。」○《朱子語類》:「問:「《音辯 其欲」謂所須用者,必逐逐相繼而不乏,則其事可濟。 四以上,養德義者也。 又從於人者必有常,若間或无繼,則其政敗矣。 然二之志在物,而四之志在道,故四 也。二「顛頤」則「拂經」,四則吉,何也? 爲倒置矣。 夫居上位者,必有才德威望,爲 集説蘇氏軾曰:「自初而言之, 以君而資養於臣,以上位而 此二與四所以俱爲「顛 六四雖 「顛頤」而 能 下 曠

六五,拂經,居貞吉,不可涉大川。

師傅。 者也。 賴人之養,是違拂於經常。 賢,故順從之,賴其養己以濟天下。 故戒以能居貞則吉。 輔翼其身,澤及天下,故吉也。 養,故其象占如此。 本義六五陰柔不正,居尊位而不能養人,反賴上九之 上,師傅之位 然其陰柔之質,才不足以養天下,上有剛陽之 也。 程傳六五,頤之時居君位,養天下 以陰柔之才,雖倚賴剛賢,能持循 必居守貞固,篤於委信,則 既以己之不足,而順從於賢 陰柔之質,无貞剛之性: 君者養人者也,反

得終信。故艱險之際,非剛明之主,不可恃也。不得已 公,況其下者乎! 不能濟,故「不可」。」 不用人而自用,則任大責重,終不能勝,如「涉大川」,終 養人,而賴賢者以養,亦正道也,故[居貞]而[吉]。若 九以養於人,故其象爲「拂經」,言反常也。 以頤由乎上也。」〇林氏希元曰:「不能養人,而反賴上 氏富國曰:「豫五不言豫,以豫由乎四也。 於上九則據爲臣致身盡忠之道言,故不同也。 而濟艱險者,則有矣。 以成王之才,不至甚柔弱也,當管蔡之亂,幾不保於周 於平時,不可處艱難變故之際,故云「不可 故《書》曰:「王亦未敢誚公。」賴二公 發此義者,所以深戒於爲君也 頤五不言頤: 然在己不能 涉大川 集説丘 也

上九,由頤,厲吉,利涉大川。

畏,故得終吉。夫以君之才不足,而倚賴於己,身當天在,必常懷危厲則吉也。如伊尹、周公,何嘗不憂勤兢之養,是當天下之任,天下由之以養也。以人臣而當是剛陽之德,居師傅之任,六五之君,柔順而從於己,賴己剛陽之德,居師傅之任,六五之君,柔順而從於己,賴己剛陽之德,居師傅之任,六五之君,柔順而從於己,賴己之養,必得終吉。夫以君之才不足,而倚賴於己,身當天上,必常被得終吉。夫以君之才不足,而倚賴於己,身當天上,必為為為,以為人,是物由上九以養也。位之之,以為

私。 總論吴氏曰慎曰:「養之爲道,以養人爲公,養己爲 而初陽亦求養者也,故直於上九一爻曰「由頤」焉。」 皆求養於陽者。 富國曰:「陽實陰虚,實者養人,虚者求人之養,故四陰 之迹。「由頤」在上,則過中而嫌於不安,故厲。」〇丘氏 以得其養。」○李氏舜臣曰:「《豫》九四曰「由豫」者,即 上,而履四陰,陰不能獨爲主,必宗於陽也,故莫不由之 顧慮,然惕厲則不可忘也。 天下艱危,何足稱委遇而謂之賢乎? 下大任,宜竭其才力,濟天下之艱危,成天下之治安,故 曰「利涉大川」。 【由頤」之謂也。 【由豫】在四,猶下於五也,而已有可疑 自養之道,以養德爲大,養體爲小。艮三爻皆養人 然養之權在上,是二陽爻又以上爲主 得君如此之專,受任如此之重,苟不濟 集説王氏弼曰:「以陽處 當盡誠竭力而不

貞 者也。

可不觀頤而自求其正耶?」公而大者吉,得頤之正也。

私而小者凶,失頤之

而小者也。六四、六五、上九皆養其德以養人,公而大者、震三爻皆養己者。初九、六二、六三皆自養口體,私

程傳大過,《序卦》曰:「頤者養也。不養則不可動,故

受之以大過。」凡物養而後能成,成則 見,故謂之大過於常也。 者,常事之大者耳,非有過於理也。 於中者則有之,如行過乎恭、喪過乎哀、用過乎儉是也。 道,非過於理也,其制事以天下之正理,矯時之用,小過 業大過於人,凡事之大過於常者,皆是也。 夫聖人盡人 陽過也,故爲大者過,過之大與大事過也。 澤者潤養於木,乃至滅没於木,爲大過之義。大過 大過所以次頤也。 之放伐,皆由道也。道无不中,无不常,以世人所不常 以其比常所見者大,故謂之大過,如堯舜之禪讓,湯武 蓋矯之小過,而後能及於中,乃求中之用也。 爲卦上兑下巽,澤在木上,滅木也。 惟其大,故不常見。 能 動,動 聖賢道德功 所謂大過 別有 者 過

大過,棟橈,利有攸往,亨。

中 程傳小過,陰過於上下。大過,陽過於中。 中,内巽外説 不勝其重,故有「棟橈」之象。 本義大,陽也。 而上下弱矣,故爲「棟橈」之象。 ·, 可 謂重矣。 ,有可行之道,故利有所 九三、九四皆取棟象,謂任 四陽居中過盛,故爲大過。 又以四陽雖過,而二五得 棟取其勝重,四陽聚於 往 而得 重也。 陽過於中 上下二陰 「亨」也。 橈, 取

事。 時中,特其事大勢重,不常見爾。」〇《朱子語類》: 然古今固有所謂非常之事者,以理而論,亦無非君子之 子盛而小人衰,故利有攸往而亨也。 其本末弱,中强 檁。 頤與大過對者也,何不名爲小過? 當其時合當如此作,便是合義。□○胡氏一桂曰:「或疑 節,小過自有小過時節。 「大過小過,先生與伊川之説不同。」曰:「然。 集説王氏宗傳曰:「天下之事,固有正理,豈可過耶? 四 下亦無不可爲之事,以占言也。]○何氏楷曰:「棟、《説 以卦象言也。利往而後亨,是不可無大有爲之才,而天 陰在外言,此是聖人内陽外陰之意。」〇胡氏炳文曰: 也,何不名爲大過? 論,正如以反經合道爲非相似,殊不知大過自有大過時 往,是以亨。 文》謂之極,《爾雅》謂之桴,其義皆訓中也,即屋之脊 「既曰「棟橈」,又曰「利有攸往,亨」,何也? 五言也。 處小過之時,則當爲小過之事。 惟《大過》是以「棟橈」,是以 《翼傳》乃字當玩。 爻辭專及三、四者,舉中樞也。」 (而本末弱,是以橈也。 蓋大過以四陽在中言,小過 處大過之時,則當爲大過之 卦辭言棟,概指二、三、 「利有攸往」,惟有 中孚與小過 在事雖是過 棟,今人謂之檁。 陰弱而陽强,君 曰:棟橈, 伊 問 然適 以 對 川 此 四 者

一 六 六

初六,藉用白茅,无咎。

爲物雖薄,而用可重者,以用之能成敬慎之道也。 柔巽體而處下,過於畏慎者也。 之爲物薄,而用可重也,慎斯術也以往,其无所失矣。」 諸地而可矣,藉之用茅,何咎之有? 斯術而行,豈有失乎? 象,不錯諸地而藉以茅,過於慎也,是以「无咎」。 者也,故其象占如此。 本義當大過之時,以陰柔居巽下,過於畏慎而 藉薦,則爲重慎之道,是用之重也。人之過於敬慎,爲 後可也。 苟於事始慎之如此,則可以立天下之大功,興 事至重,功業至大,尤不易於有爲,必當過分而慎重,然 輕易,必須恭慎,然後可以免咎。 於事,其无所失矣。 之非難,而可以保其安而无過。 言敬慎之至也。 薄而用重,過慎也。 天下之大利,又何咎之有哉!」〇朱氏震曰:"「茅之爲物 有 事焉,以任至大之事,過而「无咎」者,其惟過於慎 茅雖至薄之物,然用之可甚重。 集説胡氏瑗曰:「爲事之始,不可 過慎者,慎之至也。大過君子,將 白茅,物之潔者。 大過之用也。《繋辭》云:「苟錯 以柔在下,用茅藉物之 苟能慎斯道,推而行之 況居大過之時,是其 慎之至也。 程傅 ?初以陰 !!「无咎」 茅之 以之 慎守 夫茅

不可爲之事,身無過動,行無敗謀,何咎之有?」之以白茅焉。如是則視天下無可忽之事者,舉天下無過慎之心任事,謹始慮終,無所不至,如物措諸地,又藉其誰咎之?」○趙氏玉泉曰:「當過時而陰居巽下,是以其誰咎之?」○趙氏玉泉曰:「當過時而陰居巽下,是以乎! 過非正也,初六執柔處下,不犯乎剛,於此而過,乎! 過非正也,初六執柔處下,不犯乎剛,於此而過,

正對棟爲重物重任而言。茅藉於下。故《繫傳》云:「茅之爲物薄,而用可重也。」爻發義。任重大者,棟也,基細微者,茅也。棟支於上,多發義。任重大者,棟也,基細微者,茅也。棟支於上,事之卦也。自古任大事者,必以小心爲基,故聖人於初案:胡氏、朱氏、趙氏説,極於卦義相關。蓋大過者,大

九二,枯楊生稊,老夫得其女妻,无不利。

知。 榮於下者也。 則不能有所爲,九三是也。 密比而相與。 與五,皆有生象。九二當大過之初,得中而居柔,與初 猶能成生育之功也。 功,九二是也。 本義陽過之始,而比初陰,故其象占如此。 是剛過之人,而能以中自處,用柔相濟者也。 榮於下則生於上矣。 初既切比於二,二復无應於上,其相 楊者,陽氣易感之物,陽過則枯矣。 程傳陽之大過,比陰則合,故二 得中用柔,則能成大過之 夫雖老而得 稊,根也, 女妻, 與可 過 剛

二得中居柔而與初,故能復生稊,而无過極之失,无所 「老夫得女妻」之象。 吉,方言无所不利,未遽至吉也。 不利也。在大過陽爻居陰則善,二與四是也。 二不言 枯槁而復生稊,陽過而未至於極也。 者也。楊爲早凋,則木之弱者也。 剛,雖同爲木,然或爲楊,或爲棟。 吉,不以得位爲美。」○楊氏時曰:「聞之蜀僧云,四爻之 字,與稊同。 表》云「生繁華於枯荑」,謂枯根也。 於本,五近於末,故均爲木之弱也。1○項氏安世曰 濟之以柔,不可濟之以剛也。 雖過矣,九二處之得中,故「无不利」。」○胡氏炳文曰: 其相濟而有功也,如枯楊而生稊,如老夫得女妻。言陽 中,相濟而有功者也。 者爲善。 過則木枯也。]○王氏申子曰:「大過諸爻,以剛柔適中 「二、五皆濱於澤,楊,澤木也。當大過之時,故稱枯焉。 巽爲木,兑爲澤,楊近澤之木,故以取象。 · 稊,初在下象; 老夫,九象; 女妻,初柔在下象。 初以柔居剛,二以剛居柔而比之,是剛柔適 集説司馬氏光曰:「大過剛已過矣,止可 老夫而得女妻,則能成生育之功。 其陽過也,如楊之枯,如夫之老。 故大過之時,皆以居陰爲 稊,根也,劉琨《勸 此卦本末皆弱,二近 棟負衆榱,則木之强 鄭康成《易》亦作荑 九二陽過而與初, 枯楊,大過 九 進

之功。無他,以陽從陰,過而不過,生道也。」復生於上矣。老夫而得女妻,雖過以相與,終能成生育二陽雖過而下比於陰,如枯楊雖過於老,稊榮於下,則

九三,棟橈,凶。

應者謂志相從也,三方過剛,上能繫其志乎? 易。三居過而用剛,巽既終而且變,豈復有用柔之義。 用柔之象乎? 其无輔而不能勝重任也。 任,如棟之橈,傾敗其室,是以「凶」也。 於中和,而拂於衆心,安能當大過之任乎? 剛自居而不得中,剛過之甚者也。 人,當天下之大任,則可知矣。 九三以大過之陽,復以 能獨立,況大過之事乎! 不能也。 大過之功,立大過之事,非剛柔得中,取於人以自 不勝其重,故象橈而占「凶」。 本義三四二爻,居卦之中,棟之象也。 屬之。」○吴氏曰慎曰:「九三「棟橈」,自橈也,所謂太剛 氏琰曰:「卦有四剛爻,而九三過剛特甚,故以卦之棟橈 既過於剛强,則不能與人同。常常之功,尚不 曰:言《易》者貴乎識勢之重輕,時之變 或曰:三巽體而應於上,豈无 以聖人之才,雖小事必取於 程傳夫居大過之時,興 以過甚之剛,動則違 取棟爲象者,以 九三以剛 故不勝其 集説 輔,則 居 俞

九四,棟隆吉,有它吝。則折,故《彖》有取於「剛過而中,巽而説行」也。」

也。 它,謂更有他志。吝爲不足之義,謂可少也。 未至於大害,亦可吝也。蓋大過之時,動則過 柔得宜,而志復應陰,是有它也。 處柔爲得宜矣。 若又與初六之陰相應,則過也 隆起,取不下橈之義。 相濟,既不過剛,則能勝其任,如棟之隆起,是以吉也 程傳四居近君之位,當大過之任者也。居柔爲能用柔 應初六,以柔濟之,則過於柔矣,故又戒以有它則吝也。 本義以陽居陰,過而不過,故其象隆而占「吉」。 弱則上傾,故三居下卦之上,而曰「棟橈凶」,言下弱而 九既居四,剛柔得宜矣,復牽繫於陰以害其剛,則可吝 比於初、爲以柔相濟之義,四與初爲正應、志相繫者也。 比初則无不利,四若應初則爲吝,何也? 下而曰「棟隆吉」,言下實而不橈也。 無助也。 有應則有「它吝」。」〇李氏過曰: 集説劉氏牧曰:「大過之時,陽爻皆以居陰爲美, 上卦上弱而下實,下實則可載,故四居上卦之 大過之時,非陽剛不能濟,以剛 「下卦上實而下弱,下 有它則有累於剛 此二爻當分上下 曰:二得中而 或曰:二 也。 然下 既 雖 有 剛

也,三於下卦爲上實下虚,四於上卦爲下實上虚,三也,三於下卦爲上實下虚,四於上卦爲下實上虚,三日慎曰:「三、四居卦之中,皆有棟象。三橈而四隆者,曰慎曰:「三、四居卦之中,皆有棟象。三橈而四隆者,曰慎曰:「三、四居卦之中,皆有棟象。三橈而四隆者,曰慎曰:「屋以棟爲中,三視四則在下,體看。○胡氏炳文曰:「屋以棟爲中,三視四則在下,

九五,枯楊生華,老婦得其士夫,无咎无譽。

反。 不爲无益也。 方長,生華則洩且竭矣。二所與者初,初,本也,又巽之 上,近末也,「生華」之象也。」〇何氏楷曰:「生稊則生機 曰:「九二比於初,近本也,「生稊」之象也。 故云「无咎无譽」、《象》復言其「可醜也」。 於五无所賴也,故反稱婦得。 上六過極之陰,老婦也。 之陽,興成事功也。 者,如枯楊之生華。 應助,固不能成大過之功。 本義九五陽過之極,又比過極之陰,故其象占皆與二 程傳九五當大過之時,本以中正居尊位,然下无 以士夫而得老婦、雖无罪咎、殊非美也 枯楊下生根稊,則能復生,如大過 上生華秀,雖 五雖非少,比老婦則爲壯矣, 而上比過極之陰,其所相 過極之陰,得陽之相 有所發,无益於枯 集説沈氏該 九五承 也 於 濟

理無久生已。」 折,爲附決,皆非木之所宜,木已過而生華,又毁且折, 往亨之理。 主爻,爲木,爲長,爲高,木已過而復芽,又長且高,故有 五所與者上,上,末也,又兑之主爻,爲毀

上六,過涉滅頂,凶,无咎。

過極,是小人過常之極者也。小人之所謂大過,非能爲 蓋殺身成仁之事,故其象占如此。 之思也。」 不涉,即不得不過者,孔子所以觀卦象,而有獨立不懼 曰:「澤之滅木,上之所以滅頂也。雖至滅頂,然有不容 无所怨咎也。 自禍,蓋其宜也,復將何尤? 已,如過涉於水,至滅没其頂,其凶可知。 大過人之事也。 本義處過極之地,才弱不足以濟,然於義爲「无咎」矣。 因澤之象而取涉義。 直過常越理,不恤危亡,履險蹈禍而 故曰「无咎」,言自爲之, 程傳上六以陰柔處 集説錢氏志立 小人狂躁以

則 有一説,以爲大過之極,事無可爲者。 身成仁之君子。《本義》之説,固比程《傳》爲長。 案:此爻,程《傳》以爲履險蹈禍之小人,《本義》以爲殺 是能從容隨順,而不爲剛激以益重其勢,故雖處「過 上六柔爲説主: 然又

> 和順,如申屠蟠、郭泰者,君子弗非 足以推波助瀾,非救時之道,況上六居無位之地,委蛇 涉滅頂」之凶,而无咎也。 如東京之季,范李之徒,適 也。 此説 亦可 並

存。

同。 尤明。 居陰者皆吉,以陽居陽者皆凶,與大壯諸爻取義 過本爲陽過,若復以陽居陽,則愈過矣。故諸爻以陽 茅」之慎,上爲「過涉滅頂」之凶也。」○龔氏焕曰:「大 皆爲枯楊之象,上革下稊也,初與上對,初爲「藉用 爲象,非他卦相應之例也,頤、中孚、小過皆然,而此 總論馮氏椅曰:「《易》大抵上下畫停者,從中分反對 三與四對,皆爲棟象,上隆下橈也,二與五對, 白 卦

以 坎坎 上下

也。 義 陽實陰虚,上下无據,一陽陷於二陰之中,故爲坎陷之 其重險,險中復有險,其義大也。 者陷也。」理无過而不已,過極則必陷,坎所以次大過 程傳習坎,《序卦》:「物不可以終過,故受之以坎,坎 習,謂重習。 陽居陰中則爲陷,陰居陽中則爲麗。 他卦雖重,不加其名,獨坎加習者,見 卦中一陽,上下二陰 凡陽在上者

習坎,有孚,維心亨,行有尚。

亨通。 行。 孚心亨之象,以是而行,必有功矣,故其占如此。 坤主於順,若是之類,率皆一字可以盡其義。 其七卦皆 爲險難,故特加習名。」○胡氏瑗曰:「此卦在八純之數: 之名,皆於卦上不加其字。此坎卦之名特加習者,以坎 陷之名,習者便習之義。 陽實在中,爲中有孚信。「維心亨」,維其心誠一,故能 外虚而中實也。 本義習,重習也。 「行有尚」謂以誠 故須便習於坎,事乃得用,故云「習坎」也。 不行則常在險中矣。 至誠可以通金石,蹈水火,何險難之不可亨也 一字名,獨此加習字者,何 此卦上下皆坎,是爲重險。 一而行,則能出險,有可嘉尚,謂有功 坎,險陷也。其象爲水,陽陷陰中, 險難之事,非經便習,不可以 集説孔氏穎達曰:「坎是險 也? 蓋乾主於健 而此卦上 中實爲有 案諸卦 程傳

> 習,❶皆有重義。水雖至險,而習乎水者,雖出人乎水而 亨之象」,蓋他卦事之亨也,此心之亨也。 實者坎之用,中虚者離之用也。 李氏舜臣曰:「坎之中實是爲誠,離之中虚是爲明。 中,而寓誠明之用,古聖人之心學也。」〇胡氏炳文曰: 不能溺。 曰「習坎」,求以出險也。」○鄭氏汝諧 稱,習坎險可出矣。夫陽陷於陰,非出險則功無自 卦,蓋言用坎之人也。」〇張氏浚曰:「習,安行不息之 「他卦亨字,《本義》例以爲占,惟此則曰「中實爲有孚心 也。」〇薛氏温其曰: 故於坎也,獨以習坎爲名。 艮止,離明坎險,巽人兑説。 大臨曰:「「習坎」,更試乎至難也。 行於險,其不直曰「坎」而曰「習坎」,取於水也。」〇吕氏 氏軾曰:「坎,險也。水之所行,而非水也,惟水爲能習 之,然後可以濟其險阻,故聖人特加習字者此也。」〇蘇 下皆險,以是爲險難重疊之際。 然則習乎險難者,斯能無人而不自得也。」〇 「坎非用物,以習爲用,故名異它 更試重險,乃君子所有事 惟險非吉德,君子所不取 作《易》者,因坎離 君子之人,必當預 八卦乾健坤順,震動 日 陽實,「有孚 「服習、温 積 Ž 中 習

■ 「服」,内府本作「復」。

習坎,至矣哉。」

習坎,至矣哉。」

習坎,至矣哉。」

②章氏潢曰:「六十四卦,獨於一也。心之用,動而不息,如二陰中一陽之流行也。一中也。心之用,動而不息,如二陰中一陽之流行也。一中也。心之用,動而不息,如二陰中一陽之流行也。一中也。心之用,動而不息,如二陰中一陽之流行也。一時也。心之用,動而不息,如二陰中一陽之流行也。一時也。心之用,動而不息,如二陰中一陽之流行也。一時也。心之用,動而不息,如二陰中一陽之流行也。一時也。心之用,動而不息,如二陰中一陽之流行也。一時的。心之用,動而不息,如二陰中一陽之流行也。一時的,如為於二陰者所在之分限。流而不踰於二陰之,以為於二陰者所不之分限。流而不踰於二陰者所之之。

初六,習坎,入于坎窞,凶。

《傳》曰:「小人行險以僥倖」,初六之謂。」在「習坎」中,更入坎窞,其凶可知。集説張氏浚曰:在「習坎」中,更入坎窞,其凶可知。集説張氏浚曰:程傳初以陰柔居坎險之下,柔弱无援,而處不得當,非程數以陰柔居重險之下,其陷益深,故其象占如此。

九二,坎有險,求小得。禍轉深」者。

案:如張氏説,「習坎」兩字,纔不虛設,時俗所謂

「機深

然後爲流水也。」 楊氏時曰:「求者,自求也。 剛中之才,雖未能出乎險中,亦可小自濟,不至如初 時,陷上下二陰之中,乃至險之地,是「有險」也。 大也。涓涓不已,流爲江河,如掘地得泉,不待溢出外 者,剛中而已。 陷入於深險,是所「求小得」也。 而得中,故其占可以「求小得」也。 本義處重險之中,未能自出,故爲「有險」之象。 「求小得」。」○陳氏仁錫曰:「求其小,不求其大,原不在 剛則才足自衛,中則動不失宜。 外雖有險而心常亨,故曰 君子處險難而 程傳二當坎 能 集説 (險之 然其 然剛 自 益 保

始,如水雖涓涓而有源,乃行險之本也。案:楊氏、陳氏之説極是,凡人爲學作事,必自求小得

六三,來之坎坎,險且枕,入于坎窞,勿用。

進退皆險,而居亦險。枕,謂支倚,居險而支倚以處,不失之意。程傳,六三在坎險之時,以陰柔而居不中正,安之意。程傳,六三在坎險之時,以陰柔而居不中正,在處不善,進退與居皆不可者也。來下則人於險之中,本義以陰柔不中正,而履重險之閒,來往皆險,前險而

《朱子語類》云:「「險且枕」,只是前後皆險。 「來之」自 安之甚也。 者息而未安之義。 退皆險,則寧於可止之地而暫息焉。 也。」〇王氏中子曰:「下卦之險已終,上卦之險又至,進 是兩字,謂下來亦坎,上往亦坎。之,往也,進退皆險 止之之辭也。」 坎窞之中也。 如三所處之道,不可用也,故戒「勿用」。 所處如此,唯 其進而入,則陷益深,爲不可用。勿者 能如此,雖未離乎險,亦不至深入于 益 入於深險耳,故云「人于坎 且者聊爾之辭,枕 集説

處險者順聽之意,似與需之六四,義足相發。 案:「險且枕」、《傳》、《義》與王氏分爲三説,王氏以爲戒

六四,樽酒簋,貮用缶,納約自牖,終无咎。 本義晁氏云:「先儒讀「樽酒簋」爲一句,「貮用缶」爲

六四近之,在險之時,剛柔相際,故有但用薄禮,益以誠 心,進結「自牖」之象。 牖非所由之正,而室之所以受明 始雖艱阻,終得无咎,故其占如此。 程傳六四陰

職》「左執虚豆,右執挾匕,周旋而貳」是也。

九五尊位

句,今從之。」貳,益之也。《周禮》「大祭三貳」、《弟子

柔而下无助,非能濟天下之險者,以其在高位,故言爲

重之,此其不蔽之明心也,故因其所明而及其事,則悟

如此,又須納約自牖。「納約」,謂進結於君之道。 之篤信,唯當盡其質實而已。 臣處險之道。 如篪。」毛公訓「牖」爲「道」,亦開通之謂。 人臣以 通明之處,以況君心所明處。《詩》云:「天之牖民,如 禮,故以燕享喻之。言當不尚浮飾,唯以質實,所用 固而不可閒,又能開明君心,則可保「无咎」矣。 大臣當險難之時,唯至誠見信於君,其交

厚明辯者,其説多行。 不明也,如其蔽而不察何? 其所蔽也。 羣臣争之者多矣,嫡庶之義,長幼之序,非 未有不因其所明者也。 故計直强勁者,率多取忤,而温 蔽之事,推而及之,則能悟其心矣。 雖艱險之時,終得无咎也。 處而告之,求信則易也。故云「納約自牖」。 有所通。所蔽者,暗處也,所通者,明處也。 善道結於君心,必自其所明處乃能入也。 開通之義。室之暗也,故設牖所以通明。「自牖」言自 樽之酒,二簋之食,復以瓦缶爲器,質之至也。其質實 也故爾,雖力詆其荒樂之非,如其不省何? 且如漢祖愛戚姬,將易太子,是 且如君心蔽於荒樂,唯其蔽 四老者,高祖素知其賢 多儀而尚飾,莫如燕享之 自古能諫其君者 人心有所蔽 能如是,則 當就 必於所不 夫欲上 忠信 其 牖, 鈅

士 ? 也。 之如反手。且四老人之力,孰與張良羣公卿及天下之 應,以相承比,明信顯著,不存外飾,處坎以斯,雖復 得其位。以承於五,五亦得位。 之所明而入,然後推及其餘,孟子所謂「成德達才」是 然。夫教必就人之所長,所長者,心之所明也。從其心 富貴者,其心之所明也,故左師觸聾因其明而導之以長 之雖强,既曰蔽矣,其能聽乎? 愛其子而欲使之長 少子長安君,不肯使質於齊,此其蔽於私愛也。 此者,由攻其蔽與就其明之異耳。 也。 酒,二簋之食,瓦缶之器,至微物也。 之德,君子行險而不失其信,所以法其德也。一樽之 誠,進其忠信,則終「无咎」也。」〇郭氏雍曰:「有孚者坎 曰:「於重險之時,居多懼之地。 可羞之於王公,薦之於宗廟,故終「无咎」也。」○崔氏憬 樽之酒,二簋之食,瓦缶之器,納此至約,自進於牖,乃 久之計,故其聽也如響。 通交際之道,君子不以爲失禮,所謂能用有孚之道者 《傳》曰「苟有明信,蘋蘩蕰藻之菜,筐筥錡釜之器, 集説王氏弼曰: 其言之切,孰與周昌、叔孫通? 「處重險而履正,以柔居柔,履 非惟告於君者如此,爲教者亦 剛柔各得其所,皆無餘 比五而承陽,修其潔 又如趙王太后愛其 苟能虚中盡誠,以 然而不從彼而 大臣 久 從

> 國樽棜簋副是也。」 ○潘氏夢旂曰:「「樽酒簋,、黄三自間道而通於君也。 與《睽》之「遇主于巷」同意,皆言自間道而通於君也。 與《睽》之「遇主于巷」同意,皆言自間道而通於君也。 用享」同意,皆言不事多儀而尚誠實也。「納約自牖」, 用字」同意,皆言不事多儀而尚誠實也。「納約自牖」, 用。」, 所然「无咎」,惟睽、坎之時爲然。」 ○何氏楷曰:「貳, 知、而終「无咎」,惟睽、坎之時爲然。」 ○何氏楷曰:「貳, 知、而終「无咎」,惟睽、坎之時爲然。」 ○何氏楷曰:「貳, 知、而終「五。 以,而終「五。 以,而終「五。 以,而終「五。」

九五,坎不盈,祗既平,无咎。案:簋貳之説,何氏得之。

本義九五雖在坎中,然以陽剛中正居尊位,而時亦將出矣,故其象占如此。程傳九五在坎之中,是「不盈」出矣,故其象占如此。程傳九五在坎之中,是「不盈」的在險中,未得「无咎」也。以九五剛中之才居尊位,宜可以濟於險,然下无助也。二陷於險中未能出,餘皆陰柔无濟險之才。人君雖才,安能獨濟天下之險? 居君柔无濟險之才。人君雖才,安能獨濟天下之險? 居君在而不能致天下出於險,則爲有咎,必「祗既平」乃得位而不能致天下出於險,則爲有咎,必「祗既平」乃得位而不能致天下出於險,則爲有咎,必「祗既平」,祗

所謂「水流而不盈」也。」
「「祗」、適也。猶言適足也。言適於平而已、即《彖傳》曰:「「坎不盈」、以其流也。《彖傳》云「水流而不盈」是曰:「「坎不盈」,以其流也。《彖傳》云「水流而不盈」是字他無説處,看來只得作抵字解,復卦亦然。」○俞氏琰字他無説處,看來只得作抵字解,復卦亦然。」○俞氏琰

盈也。 整"如程《傳》說,則「不盈」爲未能盈科出險之義,與《象學》異指矣,須以俞氏、何氏之説爲是。蓋「不盈」,水德傳》異指矣,須以俞氏、何氏之説爲是。蓋「不盈」,水德察,如程《傳》說,則「不盈」爲未能盈科出險之義,與《象案"如程《傳》說,則「不盈」爲未能盈科出險之義,與《象

上六,係用徽纆,寘于叢棘,三歲不得,凶 喻 日 柔而居險之極,其陷之深者也。 三歲,乃可以求復,故曰「三歲不得,凶」。」○吴氏 凶可知。 之深,其不能出矣。 本義以陰柔居險極,故其象占如此。 舍,其不能改而出圜土者,殺。」三歲不得,其罪大而 ,如係縛之以「徽纆」,囚「寘于叢棘」之中,陰柔而陷 「《周官・司圜》: 集説王氏弼曰:「囚執寘於思過之地,自修 故云至於三歲之久,不得免也,其 「收教罷民、能改者、上罪三年 以其陷之深,取牢獄 程傳上六以陰 不 而 澄 爲

能改者與。」

習於險者,雖罪罟已成,而猶不忍棄絶者如此。則其困苦幽囚,止於三歲矣。聖人之教人動心忍性以案:不得者,不能得其道也。如悔罪思愆,是謂得道。

得」,則陰之陷反爲甚。《易》卦爻取義不同多如此。」陽之陷爲可出,初與三之「人于坎窞」,上之「三歲不皆陷,不以陽陷於陰爲義矣。二「小得」,五「既平」,是總論龔氏焕曰:「坎卦本以陽陷爲義,至爻辭則陰陽

■ 離離 上下

火體虚,麗於物而明者也。又爲日,亦以虚明之象。之陽,則爲附麗之義。取其中虚,則爲明義。離爲火,也,離所以次坎也。離,麗也,明也。取其陰麗於上下離,離者麗也。」陷於險難之中,則必有所附麗,理自然程傳離、《序卦》:「坎者陷也,陷必有所麗,故受之以程傳離、《原卦》:「坎者陷也,陷必有所麗,故受之以

離,利貞,亨,畜牝牛,吉。

正則亨,而「畜牝牛」則吉也。程傳離,麗也。萬物莫物之所麗,貴乎得正。「牝牛」,柔順之物也,故占者能本義離,麗也。陰麗於陽,其象爲火,體陰而用陽也。

順德,由養以成,既麗於正,當養習以成其順德也。集順於正道,如牝牛則吉也。「畜牝牛」謂養其順德,人之時其正,則可以亨通。故曰「離,利貞,亨」。「畜牝牛,由之道,所主之事,皆其所麗也。人之所麗,利於貞正,由之道,所主之事,皆其所麗也。人之所麗,利於貞正,不皆有所麗,有形則有麗矣。在人則爲所親附之人,所不皆有所麗,有形則有麗矣。在人則爲所親附之人,所

牝馬,坤爲牛,離爲牝牛,象之宜也。」○《朱子語類 物,而吉於「畜牝牛」也。 〇郭氏忠孝曰:「乾爲馬,坤爲 柔處於内而履 説王氏弼曰:「離之爲卦,以柔爲正,故必貞而後乃亨。 之物。」曰"「然。」」〇吴氏澄曰"「牛、牝皆坤象,離中畫 在内,以剛健而行之於外。離之明在外,當柔順以養之 炎,忿之類也。 離性炎上,炎之盛則「突如焚如」。 於中。1〇吴氏曰慎曰:「坎性就下,下不已則入坎窞。 牛」,以中順則不突。 問: 陰,坤之中畫也,故象牝牛。」〇胡氏炳文曰:「坎之明 離之爲體,以柔順爲主者也。故不可以畜剛猛之 「離卦是陽包陰,占「利畜牝牛」,便也是宜畜柔順 正中,牝之善也。 坎「維心亨」,以剛中則不陷。 外强而内順, 牛之善 坎陷,欲之類也。 離「畜牝 離

案:「畜牝牛」,胡氏、吴氏之説爲切。蓋離明也,高明柔

初九,履錯然,敬之无咎。

克,則用明而不傷矣

明其身之進退,乃所麗之道也。其志既動,不能敬慎, 象,「敬之」則「无咎」矣。戒占者宜如是也。 得免其咎。]〇馮氏當可曰: 之初生,於事之初,則當常錯然警懼,以進德修業,所以 咎。」〇王氏昭素曰:「處萬物相見之初,履錯雜之時。」 「身處離初,故其所履踐,恒錯然敬慎,不敢自寧, 則妄動,是不明所麗,乃有咎也。 知其義而敬慎之,則不至於咎矣。 已動矣,動則失居下之分而有咎也。 上麗,幾於躁動。 好動,又居下而離體。 本義以剛居下而處明體,志欲上進,故有「履錯然」之 ○胡氏瑗曰:「「錯然」者,敬之之貌也。 幾微,每萌於初動之時,故戒其初。」○趙氏彦肅曰:「能 「履錯然,敬之无咎」。 若能如此恭敬,則得避其禍而无 履錯然」,動之始也。 其「履錯然」,謂交錯也。 於其始而加敬,則終必吉。 陽居下則欲進,離性炎上,志 「日方出,人夙興之晨也、 集説孔氏穎達曰: 初在下,无位者也。 然其剛明之才,若 居離之初,如 雖未進 程傳陽固 禍福 故云 丽 跡 在 Ħ

不能敬則反是。」
事物紛錯之意,能敬則心有主宰,酬應不亂,可免於咎。矣。日出而作,故發此象。」○胡氏一桂曰:「「錯然」是故,則動與物交,皆天理也。不能敬,則役於物而生咎

明,不敬則昏。於應物之初而知敬,其即於咎者鮮矣。應物之初也。敬者,養明德之本也。人心之德,敬則案:「履錯然」,王氏、馮氏、胡氏之説爲是,蓋錯雜者,處

六二,黄離,元吉。

『黄離』。」「「畜牝牛」而「利貞」,六二得之,明而不失其中正,故曰「「畜牝牛」而「利貞」,六二得之,明而不失其中正,故曰:比他爻爲最吉。六二蓋離之主爻也。」○楊氏啟新曰:此他爻爲最吉。六二蓋離之主爻也。」○楊氏啟新曰:故

凶。 九三,日昃之離,不鼓缶而歌,則大耋之嗟,

之終盡,達者則知其常理,樂天而已。 是,則以大耋爲嗟憂,乃爲凶也。 以理言之、盛必有衰、始必有終、常道也。 易也,故爲「日昃之離」,日下昃之明也。昃則將没矣。 之終,是前明將盡,後明當繼之時。人之始終,時之革 皆止,兑彼已相説,而離之義在人事最大。 九三居下體 震相繼,巽上下順隨,坎重險相習,離二明繼照,艮內外 八純卦皆有二體之義,乾内外皆健,坤上下皆順,震威 以自樂,則不能自處而凶矣。戒占者宜如是也。 本義重離之間,前明將盡,故有「日昃」之象。 缶,常用之器也。「鼓缶而歌」,樂其常也。 「大耋」,傾没也。人 遇常皆樂,●如鼓 達者順理爲 不能 不安常 程 傳 如

● 「遇」,内府本作「于」。

其凶 也。 缶 子值此之時,則思患之心與樂天之誠,並 矣,故「不鼓 中正之君子不能。三處日之夕,而過剛不中,其志荒 曰:「三居下離之終,乃「日昃」之時也。夫持滿定傾,非 氏爽曰:「初爲日出,二爲日中,三爲日昃。」○梁氏寅 固不暇於歌矣,而亦何至於嗟乎?」 丽 也。 歌。 其嗟也,哀之失常也。 不達者則恐怛有將盡之悲,乃「大耋之嗟」,爲 此處死生之道也。「耋」,與「昳」同。 缶而歌,則大耋之嗟」。 哀樂失常,能 其歌也,樂之失常 行而不悖,是 無凶乎? 集説 君 荀

境之變也。案:梁氏之説,獨得爻義。蓋「日昃」者,喻心之昏,非喻案:梁氏之説,獨得爻義。蓋「日昃」者,喻心之昏,非喻

九四,突如其來如 之君 不中正,且重剛以不正 繼者也。 在上而近君,繼承之地 程傳九四 本義後明將繼之時,而九四以剛迫之,故其象如 今 四 ,其剛盛陵爍之勢,氣焰如焚然,故 夫善繼者,必有巽讓之誠,順承之道,若舜、啟 「突如其來」,失善繼之道也。 離下體而升上體,繼明之初,故言繼承之義。 ,焚如,死如,棄如 也。 ,而剛盛之勢,「突如」而來,非善 以陽居離體 而處四 又承六五陰柔 曰 「焚如 ,剛躁而 此 四

> 害若此。」〇何氏楷曰:「二'處下 四處上卦之始,似火之驟烈。」 能害人,顧用之何如耳。 之於人,猶火之於木。火宿於木而能焚木,明本於人而 死棄,禍之極矣,故不假言凶也。 義,承上之道,皆逆德也,衆所棄絶,故云「棄如」。 之所行不善如此,必 被禍害,故曰 九四不中不正,剛氣燥暴,其 卦之盡,似日之過中。 集説章氏潢曰: 「死如」。 失繼 至於 紹之 「明

也。 案: 者、故程《傳》用説九四爻義、於經意似遠。 謂燥暴驟烈者得之,不能以順德養其明之過也 離,明德也。 與繼世之義,全無交涉,因 纖明者,所謂有緝熙于光明,其明不息 先儒有 苡 明 章氏、 兩 爲 何氏 繼 世

六五,出涕沱若,戚嗟若,吉。

陽,故憂懼如 懼之深耳 其明也,故能畏懼之深,至於「出涕」,憂慮之深,至於 居上,在下无助,獨附麗於剛强之間,危懼之勢也。 傳六五居尊位而守中,有文明之德,可謂善矣。 本義以陰居尊,柔麗乎中,然不得其正而迫於上下之 戚嗟」,所以 , 時 武 當 能保其吉也。 然也。 然後得「吉」。 居尊 位 「出涕」、「戚嗟」,極言其憂 而 戒占者宜 文明, 知憂畏如此,故 如 是 也。 然以柔 程 唯

而然也。」

「大田野山之、高明柔克也。二、五同歸於古、以柔者陰險之卦、惟剛足以濟之、沈潛剛克也。離者陽躁之離二當位而五不當位、故二爲勝。」○劉氏定之曰:「坎離二當位而五不當位、故二爲勝。」○劉氏定之曰:「坎離二當位而五不當位,故二爲勝。」○劉氏定之曰:「坎離二當位而五不當位,故二爲勝。」○劉氏定之曰:「坎離二當位而五不當位,故五爲勝。」○劉氏定之曰:「坎、離之用在中,

三之嗟,樂過而悲也。五之嗟,自怨自艾也。之心乎。五有中德,又適昏極將明之候,故取象如此。昏而性情蕩,忿慾仍而災患至矣。能返之者,其惟哀悔案:惟六二爲得明德之正,三之歌嗟,四之突來,則明德

去天下之惡,若盡究其漸染詿誤,則何可勝誅? 所傷機不照,斷極則无所寬宥,不約之以中,則傷於嚴察矣。如此。程傳九以陽居上,在離之終,剛明之極者也。如此。程傳九以陽居上,在離之終,剛明之極者也。如此。程傳九以陽居上,在離之終,剛明之極者也。上九,王用出征,有嘉折首,獲匪其醜,无咎。上九,王用出征,有嘉折首,獲匪其醜,无咎。

云:「如火烈烈,則莫我敢遏。苞有三、蘖,莫遂莫達。」此己而盡其根株,在國家則爲除亂而去其元惡。《詩》案:上九承四、五之後,有重明之象。故在人心則爲克則无殘暴之咎也。《書》曰:「殲厥渠魁,脅從罔治。」

御纂周易折中卷四

爻之義也。

御纂周易折中卷五

也。

男先以誠感,則女説而應也。

集説丘氏富國曰:

周 易 下 經

父子,然後有君臣,有君臣,然後有上下,有上下,然後 夫婦之義。 咸,感也,以説爲主。恒,常也,以正爲本。 爲天地之道,男女交合而成夫婦,故咸與恒皆二體合爲 禮義有所錯。」天地,萬物之本。夫婦,人倫之始。 有男女,有男女,然後有夫婦,有夫婦,然後有父子,有 程傳咸,《序卦》:「有天地,然後有萬物,有萬物,然後 感之深,莫如少者,故二少爲咸也。 應,說也。 而説之道自有正也,正之道固有説焉。 上經首乾坤,下經首咸繼以恒也。 慤之義。 男志篤實以下交,女心説而上應,男感之先 咸之爲卦,兑上艮下,少女少男也。 天地二物,故二卦分 艮體篤實,止爲誠 巽而動,剛柔皆 男女相 所以

下經所以不首損益而首咸恒與。」「經所以不首損益而首咸恒與。」「則恒久之義悖。此志之義微。益雖二長,而女居男上,則恒久之義悖。此下於男,居室之倫正矣。損雖二少,而男不下女,則咸下故爲象。男下於女,婚姻之道成矣。恒二長相承者,不過二少相交者,夫婦之始也,所以論交感之情,故以男

咸,亨,利貞,取女吉。

之道。 有亨之理也。 親戚朋友皆情意相感,則和順而亨通,事物皆然。 之道通。上下能相感,則上下之志通。 如男女,而少復甚焉。凡君臣上下以至萬物,皆有相感 也。不曰感者,咸有皆義,男女交相感也。 理,然不以貞,則失其亨而所爲皆凶矣。 咸,其占「亨」而「利貞」,「取女」則「吉」。 蓋感有必通之 之少女,男先於女,得男女之正,婚姻之時,故其卦爲 又艮止則感之專,兑説則應之至。又艮以少男下於兑 本義咸,交感也。 物之相感,則有亨通之理。 利 貞,相感之道,利 兑柔在上,艮剛在下,而交相感應。 在於正也,不以正 君臣能相感,則君臣 以至父子夫婦 程傳咸,感 物之相感莫 故咸 則

一七九

如此。「取女吉」,專言取女者當如是也。」 有柔上剛下,二氣感應相與,止而說,男下女」之義,以 也。不曰感而曰咸,咸,皆也,無心之感也。無心於感 此義取女,則得正而吉也。 集説胡氏炳文曰:「咸,感 此義取女,則得正而吉也。 集説胡氏炳文曰:「咸,感 此。不可感而曰咸,咸,皆也,無心之感也。無心於感 以,然,皆也,無心之感也。無心於感

初六,咸其拇。

動。 深輕重之異。 下,與四相感,以微處初,其感未深,豈能動於人。 於感,然六爻皆宜静而不宜動也。 之象也。感之尚淺、欲進未能、故不言吉凶。 本義拇,足大指也。 《朱子語類》:「問:「咸内卦艮止 曰:「《本義》云:「此卦雖主於感,然六爻皆宜静而不宜 「「咸其拇」,辭意若曰「感以其拇也」。 曰:「艮雖是止,然咸有交感之義,都是要動,所以都説 人拇之動,未足以進也。 卦體雖 説動,然才動便不吉。」〇蔡氏清 識其時勢,則所處不失其宜矣。 咸以人身取象,感於最下,「咸拇 拇,足大指。人之相感,有 程傳初六在下卦之 也,何以皆説動?」 諸爻皆同。」〇又 此卦雖主 集説 故 日 淺 如

「無心之感」者,皆謂此也。」周子所謂「主静」,朱子所謂「鑑空衡平」,及先儒所謂遂通天下之故。」程子曰:「廓然而大公,物來而順應。」動。」此即以虚受人之理。《大傳》曰:「寂然不動,感而動。」此即以虚受人之理。《大傳》曰:「寂然不動,感而

六二,咸其腓,凶,居吉。

二以陰在下,與五爲應,故設咸腓之戒。 本義腓,足肚也。 之求,而如腓之動,則躁妄自失,所以凶也。 則先動,足乃舉之,非如腓之自動也。二若不守道待上 正之德,能居其所,故其占動「凶」而静「吉」也。 也。二當其處,又以陰柔不能固守,故取其象。 凶,居則「吉」矣。處不乘剛,故可以居而獲吉。」 升腓,腓體動躁者也。 分不自動,則吉也。 人,以其在咸而應五,故爲此戒。 不動,以待上之求,則得進退之道而吉也。二中正之 欲行則先自動,躁妄而不能 集説王氏弼曰:「咸道轉進,離拇 感物以躁,「凶」之道也。 復云「居占」,若安其 腓,足肚。 安其居 然有 固 由 程 守 |躁故 傳 行 而 中

九三,咸其股,執其隨,往吝。

意。下二爻皆欲動者,三亦不能自守而隨之,「往」則本義股,隨足而動,不能自專者也。執者,主當持守之

感而從之。股者,在身之下,足之上,不能自由,隨身而 物,而乃應於上六,陽好上而説陰,上居感說之極,故三 之才,而爲主於内。居下之上,是宜自得於正道以感於 動者也,故以爲象。言九三不能自主,隨物而動 之,如此而往,可羞吝也。 其所執守者,隨於物也。 程傳九三以陽居剛,有剛陽 集説王氏宗傳曰:「九三處 剛陽之才,感於所説而 如 隨 股

在上,非能止也,故曰「咸其股」。 夫股隨上體而 案:「執其隨」、《本義》以爲隨下二爻,程《傳》以爲隨 上體而動焉,則躁動而失正矣,故曰「往吝」。」 也,以剛過之才,不能爲主於内,而其所秉執者,在於隨 動 Ē, 者 下體之上,所謂股也。三雖艮體,然以陽居陽,又有

應

也,心動則形隨之,而三直股位,與四相近而相承,故 之隨卦,初剛隨二柔,五剛隨上柔可見也。 然隨之爲義,取於鴈行相從,則以三爲隨四者近是。 詭 形輒隨之,亦非制外養中之道。 亦曰「不拯其隨」可見也。 夫心固身之主也,然心動 成其股,執其隨」之象。 隨容順皆是也。 以三之德不中正,故如此。 證之艮卦,以三爲心位,六二 推之人事,則如臣子之 蓋四者心位 證 有 m

九四,貞吉悔亡,憧憧往來,朋從爾思。

·吝」矣,故其象占如此。

通乎? 也。 有能感而動,所不及者不能感也,是其朋 不通。若往來憧憧然,用其私心以感物,則思之所及者 无我之謂也。 寒暑雨暘,无不通,无不應者,亦貞而已矣。 貞者,虚中 所私係,則害於感通,乃有悔也。 四説體,居陰而應初,故戒於貞。 而言感之道,貞正則吉而悔亡,感不以正則有悔也。又 心,感乃心也。 動,股取其隨。 之動也,故皆就人身取象。 私感,則但其朋類從之,不復能及遠矣。 而固,則吉而「悔亡」。 以陽居陰,爲失其正而不能固,故因占設戒,以爲能正 咸之主也。心之感物,當正而固,乃得其理。 本義九四居股之上,脢之下,又當三陽之中,心之象, 以有係之私心,既主於一隅一 致而百慮,天下何思何慮。」 夫子因咸極論 《繋辭》曰:「天下何思何慮? 「憧憧往來,朋從爾思」,夫貞一則所感无 四在中而居上,當心之位,故爲感之主 九四无所取,直言感之道。 若「憧憧往來」,不能正固而累於 拇取在下而動之微,腓取先 感之道无所不通,有 聖人感天下之心,如 事,豈能 程傳感者,人 天下同歸而殊 類則從其思 廓然无所不 不言咸其 今九四乃 感通之

纂周易折中

道。 應也。 信也。 應,凡有動皆爲感 以往來屈 歲成焉。 相推而明生焉。 心,豈能无所不感也。 下无不感通焉,故曰「天下何思何慮」。 事有萬變,統之以 塗雖殊而其歸則同,慮雖百而其致則 用安身,以崇德也」,承上文致用而言,利其施用,安處 潛心精微,積也。 身,而後能奮迅也。 屈 此以往、未之或知也。」前云屈信之理矣,復取物以 存身也,精義入神,以致用也,利用安身,以崇德也。 應,所以不已也。「尺蠖之屈,以求信也,龍蛇之蟄 而成,故曰「屈信相感而利生焉」。 ,觀尺蠖則知感應之理矣。 尺蠖之行,先屈 夫以思慮之私 故日月相推 君子潛心精微之義,入於神妙,所以致其用 往者屈也、來者信也、屈信相感而利生焉。」此 信明感 寒往則暑來,暑往則寒來,寒暑相 應之理,屈則有信,信則有屈,所謂 致用,施也。 一,則无能 ,感則必 而明生,寒暑相推而歲成,功用 心感物,所 不蟄則不能奮矣,動息相感 而後信,蓋不屈 「日往則月來,月往則日 有 違也。 感狹矣。 應,所應復爲感,感復 龍蛇之藏,所以 積與施乃屈 感,動 則 故貞其意,則 一。雖物有萬 无信,信 天下之理 用其思慮之私 也。 信也。 有感必 來 存 而 乃 日 日 息其 後 窮天 由 推 利 以以 殊 也 也 過 屈 明 是 有 有 有 感 而 月

往來,猶言往來於懷否?」曰:「非也。」又問:「是憧 若是義理,卻不可不思。」○「問:「「往來」是心中憧憧然 憧,這便是私了。 憧往來,朋從爾思」,聖人未 又欲他父母道我好,這便是憧憧之病。」□○又云:「「憧 欲計其功。又如赤子入井之時,此心方怵惕要去救他 他,一心又欲他來應。 心否?」曰:「「往來」固是感應,「憧憧」是一心方欲 「「憧憧往來,朋從爾思」,莫是此感彼應,憧憧是添 似敬。」曰:「蓋嘗有此語,曰:敬,心之貞也。」」〇「問 也。」〇《朱子語類》:「問:「咸九四傳,説虚心貞一處全 股之上,心之位也。 亡,憧憧往來,朋從爾思」。」〇楊氏時曰:「九四脢之下, 子之學,莫若廓然而大公,物來 萬物而無心。 也,无加於此矣。 以此語終之、云窮極至神之妙、知化育之道、德之至盛 神知化,德之盛也」。 聖人能事盡於此矣,故云「過此以往,未之或知也。 其身,所以崇大其德業也。 聖人之常,以其情順萬事而無情。 感應自 集説程子曰: 不言心,心無不該,不可以位言 既云「過此以往」,「未之或知」,更 如正其義便欲謀其利,明其道 有箇 肵 嘗不教人思,只是不 自然底道 爲 而順應,故曰 合理 「天地之常,以其心普 則 理,何必 事 正 「貞吉悔 而 思 身安, . 可 故君 他 窮 憧 便 感 筃

用。 忙。」」○「問:「「憧憧往來」,如霸者以私心感人,便要人 理。方往時又便要來,方來時又便要往,只是 來」底說,那 於往來之閒否?」曰: 好底往來,「憧憧」只是加一箇忙迫底心,不能順自然之 有?「憧憧往來」,私矣。」〇林氏希元曰:「以「憧 胡氏炳文曰:「「寂然不動」,心之體。 「感而遂通」,心之 者,則以我爲恩,不被我之惠者,則不以我爲恩矣。』.〇 曰: 「也是以私而應,如我以私惠及人,少閒被我之惠 心而應,周徧公溥,無所私係。1曰:「也是如此。」又問: 之道,而人之應與否,皆所不計也,此便是正而固。 來」反觀九四之貞,只是往來付之無心爾。 天下之故? 應者亦感,其不應者亦感,無一人之不感,亦無一人之 感,不必人之應也。 憧往來」,是把箇往來放在心上,切切然不能放下,故 ·此以私而感,彼非以私而應,只是應之者有限量否?! ·何思何慮」,言其不消如此。」○又曰:「「貞」者,施己之 自然往來,如王者我感之也無心而感,其應我也無 「憧憧往來」已失其寂然不動之體,安能感而遂通 個是自然之往來,此 「貞吉悔亡」,無心之感也,何思 惟不必人之應,則不私己之感,其 小亦 非 也。 憧憧 只是對那 |者是加私 蓋盡吾所感 日日 何慮之 往 憧往 意不 「憧 則 箇 日 月

及者,以其思之所及,故從而目之曰朋,猶云朋黨也。」矣,故「朋從爾思」。蓋「憧憧往來」,思也,朋則思之所者則不感,而其應之,亦惟其感者即應,不感者則不應人之應也。惟必人之應,則私己之感,應者則感,不應不應,故「吉」而「悔亡」。「憧憧往來」者,施己之感,必不應,故「吉」而「悔亡」。「憧憧往來」者,施己之感,必

九五、咸其脢、无悔。

融云: 非人君之道,豈能感天下乎? 誠感天下,而應二比上。 能感物,而亦可以「无悔」也。 在背而夾脊。 人君感天下之正而「无悔」也。 九五適當其處,故取其象,而戒占者以能如是,則雖 本義脢,背肉。在心上而相背,不能感物,而 背其心之所向,則無親狎之悔矣。」 曰:「上六處咸之末,以口舌爲容悦之道,五或以其近己 而所不見也。言能背其私心,感非其所見而説者,則 ,比而説之。「脢」,背肉也,與心相背者也。 脢,背也。鄭康成云: 諸説不同,大體皆在心上。]〇王氏宗傳 若係二而說上,則 脢,脊肉也。 程傳九居尊位,當以 集説孔氏穎達曰: 脢,背肉 也。 王肅云: 偏私淺狹 與 无私 戒之使 心 相 脢 「馬 係 得 背 至 木

上六,咸其輔頰舌。

之主。 舌,故其象如此,凶咎可知。 居説之終,處咸之極,感人以言,而无其實。 本義「輔頗舌」,皆所以言者,而在身之上。 輔頰舌」,則滕口説也。 説王氏弼曰: 過日唇吻,日頰舌也。 動於人乎? 誠感物,而發見於口舌之閒,小人女子之常態也,豈 咸艮二卦言之爲詳,而其成終有特異,豈非咸極於説 口 艮終於止耶? "薄可知也。」○郭氏忠孝曰:「《易》稱「近取諸身」,獨 又居感之極,是其欲感物之極也。 不直云口,而云「輔頗舌」,亦猶今人謂 「「輔頰舌」者,所以爲語之具也。 觀「艮其輔」,言有序爲可知矣。 「輔頰舌」,皆所用以言也。 「憧憧往來」,猶未光大,況在滕 程傳上陰柔而說體,爲說 故不能 又兑爲 Ł 六以 「咸 以 集 其 口 口 能 陰 至

> 少。」 咸感艮止,感者動而止者静,故咸諸爻不如艮吉多而 序也。」○龔氏焕曰:「咸以人身取象,與艮卦相類。 在上體之中爲「脢」,上在上體之上爲口,此上卦三爻之 爲「股」,此下卦三爻之序也。 下體之下爲「拇」,二在下體之中爲「腓」,三在下體之上 曰:「咸六爻以身取象,上卦象上體,下卦象下體。 閒,其位在心,故不言咸 也。 所感出於心,故皆以「咸」字明 而言所感之道。」〇丘氏富國 四在上體之下爲「心」,五 \hat{z}_{\circ} 九 四在上下之 初在 但

誤震異上

恒,亨,无咎,利貞,利有攸往。

亨通,恒而能亨,乃「无咎」也。恒而不可以亨,非可恒道,而利有所往也。程傳恒者,常久也。恒之道可以應,四者皆理之常,故爲恒。其占爲能久於其道,則應,四者皆理之常,故爲恒。其占爲能久於其道,則風,二物相與,巽順震動,爲巽而動,二體六爻陰陽相風,二物相與,巽順震動,爲巽而動,二體六爻陰陽相風,二物相與,巽順震動,爲巽而動,二體六爻陰陽相

之道也,爲有咎矣。如君子之恒於善,可恒之道也。 能常矣。 變也,故「利於有往」。 云「利貞」。 夫所謂恒,謂可恒久之道,非守一隅而不知 人恒於惡,失可恒之道也。 幾曰:「恒有二義,有不易之恒,有不已之恒。 之乃常道也,倚於一偏,則非道矣。」〇林氏希元曰: 者,不易之恒也。「利有攸往」者,不已之恒也。合而言 **瓲,其説象一隻船,兩頭靠岸,可見徹頭徹尾。」○徐氏** 云:「「恒」是箇一條物事,徹頭徹尾不是尋常字,古字作 又常久之道,何往不利? 惟 其有往,故能恒也,一定則不 恒所以能亨,由貞正也,故 集説《朱子語類》 「利貞」 惟 小

初六,浚恒,貞凶,无攸利。

其不易,所以不已。」

本義初與四爲正應,理之常也。然初居下,而在初未

傳初居下而四爲正應,柔暗之人能守常而不能度勢。 所隔,應初之意,異乎常矣。 可以深有所求。 氏希聲曰:「常之爲義,貴久於其道日以浸深,初爲 深,微與盛之地也,在下而求深,亦不知時矣。 柔微而不恒安其處,亦致凶之道。 常如此,无所往而利矣。世之責望故素而致悔咎者,皆 常而不度勢,求望於上之深,堅固守此,凶之道也。 不知變也。「浚」,深之也。「浚恒」,謂求恒之深也。 隔,應初之志,異乎常矣。 四震體而陽性,以剛居高,志上而不下,又爲二、三所 恒」之象也。 陰居巽下,爲巽之主,其性務人,故深以常理求之,「浚 始,宜以漸爲常,而體巽性躁,遽求深入,是失久於其道 學既久,則道業可成,聖賢可到, 事,必皆有漸,在乎積日累久,而後能成其功。 之義,不可以爲常,故「貞凶」。」〇胡氏瑗曰:「天下之 行,堯舜可至。 若是之類莫不由積日累久而後至,固非 |後恒||者也。 占者如此,則雖正亦凶 志既上求之深,是不能恒安其處者也。 四震體而陽性,上而不下,又爲二、三 而初乃求望之深,是知常而 初之柔暗不能度勢,又以 爲治既久,則教化 凡 ,而无所利矣。 卦之初終,淺與 集説 是故爲 程 泥 守 可 常 陸

之主也。當恒之初而以深人爲恒,故曰「浚恒」。猶之 利,孔子曰「欲速則不達」是也。」〇王氏宗傳曰:「初,巽 貞正之道,見其凶也。「无攸利」者,以此而往,必無所 始,欲化及於堯舜,不能積久其事,而求常道之深,故於 道,永遠之效,是猶爲學之始,欲亟至於周孔,爲治之 驟而及也。 達,處恒之初,是方爲可久之計者,而遽焉求深,故 氏申子曰:「恒,久也。天下可久之事,豈一朝夕所能 太遽,俱不免於無成而已,故「凶」而「无攸利」也。」○王 所成,爲學而欲其有所造,固所當然,然望之太深,責之 也、未嘗有一日之功、而遽求其造道。 造事也,未嘗有一日之勞,而遽求其事成。猶之爲學 ·浚恒」。 非急暴而不能恒,則必苟且而不可恒矣。 初六質柔而志剛,質柔故昧於遠見,志剛故欲速不 初六居下 卦之初,爲事之始,責其長久之 夫造事而欲其有 貞 日 致

矣。孟子所謂「其進鋭者,其退速」也 義尤爲精切,可從。 案:此爻義,陸氏、胡氏、二王氏俱與《傳》、《義》異,於卦 蓋凡事漸則能久,不漸則不能 久

固守此以爲恒,取凶之道也,何所利哉!!

九二,悔亡。

《易》矣。 集説 程氏迥曰:「大壯九二,解初六,及此 勝也,足以「亡」其「悔」矣。 人能識重輕之勢,則可以言 則正矣,正不必中也。九二以剛中之德而應於中,德之 恒久於中也。 五,五復居中,以中而應中,其處與動,皆得中也,是能 常理也。處非其常,本當有悔,而九二以中德而應於 傳在恒之義,居得其正,則常道也。 本義以陽居陰,本當有悔,以其久中,故得亡也 能恒久於中,則不失正矣。中重於正,中 九陽爻,居陰位,非 程

案: 恒者,常也。 爻,皆不著其所以然,蓋以爻明之也。」 中則常矣,卦惟此爻以剛居中。大壯

故直繫以吉占而辭可略也。 處後也,而卦惟初六爲最後。 之壯戒於太過,而四陽爻惟二得中。《解》「利西南」,貴 此皆合乎卦義而甚明者

九三,不恒其德,或承之羞,貞吝。

程傳三陽爻,居陽位,處得其位,是其常處也。 來也。「貞吝」者,正而不恒,爲可羞吝,申戒占者之辭。 何人之辭。承,奉也,言人皆得奉而進之,不知其所自 所,故爲「不恒其德,或承之羞」之象。 「或」者,不知其 本義位雖得正,然過剛不中,志從於上,不能 乃志從 人於其

中矣,且以剛居剛,而處巽之極。過剛則躁,巽則不果, 亡。以不中者用之,無常之人也,故九三「不恒其德」。」 集説蘇氏軾曰:「咸恒無完爻,以中者用之,可以 時而至也。「貞吝」,固守不恒以爲恒,豈不可羞吝乎? 之人也。其德不恒,則羞辱或承之矣。「或承之」,謂 於上六,不惟陰陽相應,風復從雷,於恒處而不處,不恒 是無恒者也。」 ○王氏申子曰:「人之爲德,過乎中則不能恒。 三過乎 悔 有

復、中孚之類是也。 睽、歸妹之類是也。 案:《易》所最重者中,故卦德之不善者,過乎中則愈甚 有失其中而能常者也。三上之爲不恒、振恒者以此。 况恒者、庸也、常也、惟中故庸、未 卦德之善者,過乎中則不能守矣.

九四,田无禽。

使恒久如田獵 處非其所,雖常何益? 説胡氏瑗曰: 不得其道則雖久何益? 而凡事亦不得其所求也。 本義以陽居陰,久非其位,故爲此象。 占者田无所獲 丽 常久之道,必本於中正。 无禽獸之獲,謂 人之所爲,得其道則久而成功, 故以田爲喻,言九之居四,雖 程傳以陽居陰,處非其位 徒用力而 无功也。 九 四四 以陽居

集

不能下,是猶田獵而「无禽」可獲也。」 之人也。以不常之人爲治則教化不能行,撫民則膏澤 陰,是不正也。 位不及中,是不中也。 不中不正,不常

魚之詩,即此「田无禽」之喻也。 漸也。「田无禽」者,如學不衷於聖而失其方,治不準於 案"「浚恒」者,如爲學太鋭而不以序,求治太速而不以 王而乖其術也。 如此則雖久何益哉! 韓愈與侯生釣

六五,恒其德貞,婦人吉,夫子凶

婦人之道,非夫子之義。」曰:「固是如此,然須看得象占 順爲恒也? 君位而應剛,未爲失也,在恒故不可耳。 失其剛陽之正,乃「凶」也。 五君位而不以君道言者,如 婦人則爲「貞」,故「吉」。若丈夫而以順從於人爲恒,則 恒久其德,則爲貞也。 二,以陰柔而應陽剛,居中而所應又中,陰柔之正也,故 人吉,夫子凶」,德指六,謂常其柔順之德固貞矣。 然此 六五之義,在丈夫猶凶,况人君之道乎! 人之道,非夫子之宜也,故其象占如此。 程傳 本義以柔中而應剛中,常久不易,正而固矣。 集説《朱子語類》:「問:『「恒其德貞,婦 夫以順從爲恒者,婦人之道,在 君道豈可以柔 在它卦六居 五應於 然乃婦

此六五所以有從婦之凶。」
此六五所以有從婦之凶。」
此六五所以有從婦之凶。」
是關人之道,非夫子所尚,以可。」」〇丘氏富國曰:「二以陽居陰,五以陰居陽,皆凶耳。」」〇丘氏富國曰:「二以陽居陰,五以陰居陽,皆以者非爻之能吉凶,爻有此象而占者視其德而有吉以者,能常者也。以柔爲常,則是婦人之道,非夫子所則,於謂「吉」,夫分明。六五有「恒其德貞」之象,占者若婦人則「吉」,夫分明。六五有「恒其德貞」之象,占者若婦人則「吉」,夫分明。六五有「恒其德貞」之象,占者若婦人則「吉」,夫分明。六五有「恒其德貞」之象,占者若婦人則「吉」,夫分明。六五有「恒其德貞」之象,占者若婦人則「吉」,夫分明。六五有「恒其德貞」之象,占者若婦人則「吉」,夫

上六:振恒,凶。

故安者,上之所處也, 爲「振恒」,以振爲恒也。 之極,在震之終。 安,故有「振恒」之象,而其占則「凶」也。 則不常,震終則過動。 動之極,以此爲恒,無施而得也。」〇王氏申子曰: 振書,抖擻運 上,非其安處,又陰柔不能堅固其守,皆不常之義也,故 本義振者,動之速也。上六居恒之極,處震之終,恒 凶」宜矣。 集説王氏弼曰:「夫静爲躁君,安爲動主。 動之意。 恒極則不常,震終則動極。 静者,可久之道也。處卦之上,居 在上而其動无節,以此爲恒,其 又陰柔不能固守,居上非其所 振者,動之速也。 程傳六居恒 如振衣,如 以 陰 振 居 極

動無恒,其「凶」宜矣。」不能恒,震極則動而不能止,故有「振恒」之象。 在上而者,運動而無常也。 居恒之終,處震之極,恒終則變而

二卦其象甚善,而六爻之義,鮮有全吉者,蓋以爻而 亡1而已。恒之道,豈易言哉!」〇李氏舜臣曰: 剛中爲恒,而居位不當,亦不能盡守常之義,故特言「悔 爲恒,故不能制義,而但爲婦人之吉。二位柔爻剛,以 恒矣。 六位,則陰陽得失,承乘逆順之理,又各不同故也。」 五得上下體之中,知恒之義者,而五位剛爻柔,以 故好變而不知常,是以三「不恒」而上「振恒」也。 禽」也。 三在下體之上,上在上體之上,皆已過乎恒者 未及乎恒者,故泥常而不知變,是以初「浚恒」,四「田无 焉,則恒之義見矣。 初在下體之下,四在上體之下,皆 總論丘氏富國曰:「恒,中道也,中則能恒,不中則不 恒卦六爻,無上下相應之義,惟 以二體 而 「咸 公柔中 惟二 取 恒

■ 乾艮 上下

以繼恒也。遯,退也,避也,去之之謂也。爲卦天下有受之以遯,遯者退也。」夫久則有去,相須之理也,遯所程傳遯,《序卦》:「恒者久也,物不可以久居其所,故

將盛,陽消而退,小人漸盛,君子退而避之,故爲遯也。而上去,是相違遯,故爲遯去之義。 二陰生於下,陰長乃止物,有上陵之象而止不進,天乃上進而去之,下陵山,天在上之物,陽性上進,山高起之物,形雖高起,體

遯,亨,小利貞。

守正,不可以浸長之故,而遂侵迫於陽也。「小」謂陰柔 不遯,故其占爲君子能遯則身雖退而道亨,小人則利於 之應,若猶可以有爲。 遯,六月之卦也。 者,陰長陽消,君子遯藏之時也。君子退藏以伸其道 小人也。此卦之占,與否之初二兩爻相類。 本義「遯」,退避也。 往 也。 盛,君子尚有遲遲致力之道,不可大貞而尚利小貞也。 有不齊,與時消息,无必同也。 而亨者,雖小人道長之時,君子知幾退避固善也。 道不屈則爲亨,故遯所以有「亨」也。 集説朱子《易説》: 與「小貞吉」之類,皆大小之小耳。」曰:「經文固無此 案《易》中「小」字,未有以爲小人者,如「小利有攸 陽雖當遯,然九五當位,而下有六二 「問:「遯「小利貞」、《本義》謂小人 爲卦二陰浸長,陽當退避,故爲 但二陰浸長於下,則其勢不可以 陰柔方長而未至於甚 在事亦有由 程 傳 然事 遯避 遯

傳耳。J」例,以《彖傳》推之,則是指小人而言,今當且依經而例,以《彖傳》推之,則是指小人而言,今當且依經而

存

成其勢,故曰「小利貞」也。矣。遯猶未至於否,但當遜避以善處之,不可過甚以激矣。遯猶未至於否,但當遜避以善處之,不可過甚以激《傳》説爲長。蓋至於三陰之否,則直曰「不利君子貞」案:「小利貞」之義,《傳》、《義》説各不同,據《易》例則似案:「小利貞」之義,《傳》、《義》説各不同,據《易》例則似

初六,遯尾厲,勿用有攸往。

不可往也,往則危矣。微者易於晦藏,往既有危,不若 往遯也,在前者先進,故初乃爲尾,尾在後之物也。 往,但晦處静俟,可免災耳。 尾厲]也。 初在其後,故曰『遯尾』也。 不往之無災也。 而在後,不及者也,是以危也。 本義遯而在後,尾之象,危之道也。 〇《朱子語類》: 内,應出外以避之。 「厲」,往則與災難會,故「勿用有攸往」。」〇孔氏 「「遯尾厲」者爲遯之尾,最在後遯者也。 危厲既至,則當危行言遜,勿用更有所往。」 問: 集説陸氏績曰:「陰氣已至於二,而 而最在卦内,是遯之爲後,故曰「遯 「「遯尾厲,勿用有攸往」者,言不 程傳它卦以下爲初,遯者 避難當在前,而 初以柔處微,既已後矣, 占者不可以 小人長於 在 有所 穎 後 遯 故 達

一八九

則發遯義也。」

則發遯義也。」

則發遯義也。」

則發遯義也。既已處為,然位居卑下,不往即遯也,作不可往,謂不可去也,言遯已後矣。不可往,往則危。作不可往,謂不可去也,言遯已後矣。不可往,往則危。相。」」○王氏申子曰:「遯,往遯也,故遯以初爲後,在前明。」」○王氏申子曰:「遯,往遯也,故遯以初爲後,在前時。」○秦氏此,則「危厲」之象也。既已處後,然位居卑下,不往即遯也,中以二陰爲小人,至爻中則均退避之君子,蓋皆遯爻,中以二陰爲小人,至爻中則均退避之君子,蓋皆遯爻,中以二陰爲小人,至爻中則均退避之君子,蓋皆遯爻,中以二陰爲小人,至爻中則均退避之君子,蓋皆遯爻,可有所往,但當晦處静俟耳。此意如何?」曰:「程《傳》可有所往,但當晦處静俟耳。此意如何?」曰:「程《傳》可有所往,但當晦處静俟耳。此意如何?」曰:「程《傳》

相反也。 思,而六五當內難也,如是則初又爲最遠,與遯之義正問,而六五當內難也,如是所,何以爲先幾乎? 曰: 者乎? 或曰:明夷之初九居內,何以爲先幾乎? 曰: 者乎? 或曰:明夷之初九居內,何以爲先幾乎? 曰: 是,而六五當內難也,如是則初又爲最內,豈非在後 者,遠出之義也,故以外卦爲善。初居最內,豈非在後 案:《易》例多取初爻爲居先,何獨遯而取在後之義?

六二,執之用黄牛之革,莫之勝説。

本義以中順自守,人莫能解,必遯之志也。占者固守,

也。 以中 已,此之謂中順。」附録孔氏穎達曰:「處中居内,非 何以執固留之? 之人也。既非遯之人,便爲所遯之主,物皆棄己而遯。 德,不形於外,不危言激論,不矯矯伸節,惟知自 有執用黄牛之革之象。 不言者,二上與五應,雖當遯時,固結而不可遯者也,故 吴氏綺曰:「六二居人臣之位,任國家之責,不當遯者 其交之固,不可勝言也。 亦當如是。 ○蔡氏清曰:「就隱遯上説,如何見是中順? 也,故六二不言遯。」〇襲氏焕曰:「五爻皆言遯,惟六二 正順道相與,其固如執係之以牛革也。「莫之勝説」,謂 「黄」,中色。 「牛」,順物。 「革」,堅固之物。 二、五以中 能用此道,則無能勝己解脱而去。」 正順 應於五,五 程傳二與五爲正應,雖在相違遯之時,二 惟有中和厚順之道,可以 以中 謂其有必遯之志,似未必然。」 在遯之時,故極言之。 正親合於二,其交自 固 蓋收斂其 而安之 集説 守 固。 遯 而

中順之道,如所謂危行言遜者,亦與不惡而嚴之義合。「我不顧行遯」是也。蔡氏則申《本義》之説,謂處遯以説,謂六二爲五正應,如肺腑之臣,義不可去,箕子所謂案:此爻《傳》、《義》説亦不同,吴氏、龔氏則暢程《傳》之

自恰合也,故並存其説。《雅》詩「執我仇仇」之「執」,於經文「執之」兩字語氣亦至孔氏則别爲一説,謂其能羈縻善類而不使去,「執」如

九三、係遯、有疾厲、畜臣妾、吉。

遠也。 切比係乎二者也。遯貴速而遠,有所係累,則安能速且 其賢而可畜耳,故其占如此。 然以「畜臣妾」則「吉」,蓋君子之於小人,惟臣妾則不必 也。「臣妾」,小人女子,懷恩而不知義,親愛之則忠其 本義下比二陰,當遯而有所係之象,有疾而危之道也。 下,施之於人,畜養臣妾則可矣,大事則凶,故曰「畜臣 既係於陰,即是有疾憊而致危厲也。親於所近,係在於 遯之世而意有所係,故曰「係遯」。 遯之爲義宜遠小人, 係不得爲有疾,蜀先主之不忍棄士民是也,雖危爲无咎 二非正應,以暱比相親,非待君子之道。若以正,則雖 得其心爲吉也。 上,係戀之私恩,懷小人女子之道也,故以畜養臣妾,則 妾,吉」。」○胡氏瑗曰: 集説孔氏穎達曰:「九三無應於上,與二相比,處 害於遯矣、故爲「有疾」也。遯而不速、是以危 然君子之待小人,亦不如是也。三與 「爲遯之道,在乎遠去。 程傳陽志說陰,三與二 九三居

> 臣妾之法以畜之,庶可以免疾憊而吉耳。」 危厲者也。「畜臣妾吉」者,言九三既不能遠遯,然畜羣 心以臣妾之道,即得其吉。蓋臣妾至賤者也,可以遠則 小人之易親,如臣妾之易以惑人,畜之法,止有不惡而 小人之易親,如臣妾之易以惑人,畜之法,止有不惡而 小人之易親,如臣妾之易以惑人,畜之法,止有不惡而 小人之易親,如臣妾之易以惑人,畜之法,止有不惡而 小人之易親,如臣妾之易以惑人,畜之法,止有不惡而 以之,可以近則近之,如此則吉可獲也。」〇蘇氏濬曰: 意之,可以近則近之,如此則吉可獲也。」〇蘇氏濬曰: 以上,切比六二之陰,不能超然遠遯,是有疾病而 因妻之法以畜之,庶可以免疾憊而吉耳。」

則可矣。胡氏、蘇氏説明白。故當遯之時,有所係而未得去者,待小人以畜臣妾之道之則怨。」然則不遠不近之間,豈非不惡而嚴之義乎?案:孔子曰:「惟女子與小人爲難養也,近之則不遜,遠

九四,好遯,君子吉,小人否。

也。君子雖有所好愛,義苟當遯,則去而不疑,所謂克則吉,而小人否也。程傳四與初爲正應,是所好愛者象也。❶惟自克之君子能之,而小人不能。故占者君子本義下應初六,而乾體剛健,有所好而能絶之以遯之

❶ 「所」,原誤作「情」,據內府本改。

己復禮,以道制欲,是以「吉」也。 張子曰:「有應於陰,不惡而嚴,故曰「好遯」。 小人暗於 其處陰而有係,故設小人之戒,恐其失於正也。 暱於所好,牽於所私,至於陷辱其身而不能已,故在小 所係,故陳小人之戒,以佐君子之決。」 者,情之所好也,君子剛決,以義斷之,舍所好而去,故 事幾,不忿怒成仇,則私溺爲慮矣。」○朱氏震曰:「「好」 人則「否」也。「否」,不善也。 「占」。「否」者,不能然也。此爻與初六相應,處陰而有 四乾體 小人則不能以義 能剛斷者,聖人以 集説 處

哉?. 怒悻悻然見於其面。」正好遯之義也。「小人否 遯,而不爲忿戾之行。孟子曰:「予豈若是小丈夫然 案:「好」者,惡之反也。「好遯」,言其不惡也。 者,即孟子所謂「小丈夫」者也。○又案:「君子吉,小人 剥廬」之指正同,蓋《易》雖不爲小人謀,而未嘗不爲小 者,非小人之泰,乃小人之否也。此義與《剥》上「小人 子之遯者,非君子之凶,乃君子之吉。 義,謂「好遯」者身退道亨,在君子固吉矣,然豈小人之 否。」若以小人與君子相敵者言之,則否字解如泰否之 人戒也。《本義》以「小利貞」爲戒小人之辭,似與此意 自古君子退避,則小人亦不旋踵而覆敗,是君 而致君子之遯 從容以

> 九 五,嘉遯,貞吉。 亦合

本義剛陽中正,下應六二,亦柔順而中正,遯之嘉美者

爲貞正而「吉」。九五非无係應,然與二皆以中正自處, 美者也。處得中正之道,時止時行,乃所謂嘉美也,故 也。占者如是而正則[吉]矣。 遯,貞吉」,即《彖傳》所謂「遯而 所避遠乃遯也,亦在中正而已。 處遯言之。遯非人君之事,故不主君位言。 貞」,尚有濟遯之意。 「嘉」也。 是其心志及乎動止莫非中正,而无私係之失,所以 在《彖》則概言遯時,故云「與時行」、「小利 於爻至五,遯將極矣,故惟以 程傳九五中正,遯之嘉 集説 冀氏焕曰: 亨也」。 五當位而應 然人君之 中正 爲

「與時偕行」者也。」

豈非遯之嘉美者乎! 成身退者,人臣之道,故伊尹曰:「臣罔以寵利居成功。 案:此爻雖不主君位,然居尊則亦臣之位高者也。 「嘉」之義,比「好」又優矣 凡功

上九,肥遯,无不利

本義以剛陽居卦外,下无係應,遯之遠而處之裕者也,

氏寶曰:「四之「好」不如五之「嘉」,五之「嘉」不如上之者,充大寬裕之意。「遯」者,惟飄然遠逝,无所係,是遯為善。上九乾體剛斷,在卦之外矣。又下无所係,是遯也,善處則爲「肥」矣。其遯如此,何所不利。 集説 王也,善處則爲「肥」矣。其遯如此,何所不利。 集説 王也,善處則爲「肥」矣。其遯如此,何所不利。 集説 王也,善處則爲「肥」矣。其遯如此,何所不利。 集説 王也,善處則爲「肥」矣。其遯如此,何所不利。 集説 王故其象占如此。「肥」者,寬裕自得之意。程傳「肥」故其象占如此。「肥」者,寬裕自得之意。程傳「肥」故其象占如此。「肥」者,寬裕自得之意。程傳「肥」

「好遯」,爲「嘉遯」,爲「肥遯」也。」往」,爲「執革」,爲「係遯」。 上三爻乾也,主於行,故爲總論項氏安世曰:「下三爻艮也,主於止,故爲「不

■ 震乾 上下

故既遯則必壯,大壯所以次遯也。爲卦震上乾下,乾剛而陽遯也。大壯,陽之壯盛也。衰則必盛,消息相須,之以大壯。」遯爲違去之義,壯爲進盛之義。遯者,陰長程傳大壯,《序卦》:「遯者退也,物不可以終遯,故受

中矣。大者壯盛也,又雷之威震而在天上,亦大壯之義而震動,以剛而動,大壯之義也。剛陽大也,陽長已過

大壯,利貞。

也

君子之道壯盛也。大壯而不得其正,强猛之爲耳,非勝之道利於貞正也。大壯而不得其正,强猛之爲耳,非陽壯,則占者吉亨不假言,但利在正固而已。程傳大本義「大」謂陽也。四陽盛長,故爲大壯,二月之卦也。

初九,壯于趾,征凶,有孚。

肥。

上與二陰無應無係,故「肥」。「肥」者,疾憊之反

也 故曰[壯于趾]也。 **壯往則得「凶」可必也。** 行,况在下乎? 九在下用壯而不得其中。 也。在下而用壯,「壯于趾」 故其占又如此。 壯於進者也,故有此象。 本義「趾」在下而進,動之物也。 ,故曰「征凶有孚」。」〇王氏申子曰 故征則其凶。 程傳初陽剛乾體而處下,壯於進者 居下而用剛壯,以斯而進,窮凶可必 集説 王氏弼曰:「在下而壯 居下而壯於進,其「凶」必矣。 夫以剛處壯,雖居上猶不可 也。 「有孚」,孚,信也,謂以 趾在下而 剛陽處下而當壯時 「卦雖以 進,動之物。 剛壯爲

也。 義,然爻義皆貴於用柔,蓋以剛而動,剛不可過 在下而主於行,初乾體 在上猶爲過,況在下乎? 而居 剛用剛 其[凶]必矣。 ,是壯於行而 也。 不顧者 趾

則

九二,貞吉。

中,是剛柔得中,不過於壯,得貞正而[吉]也。 因以不失其正。故戒占者,使因中以求正,然後可 不正之戒。 剛健體,當大壯之時,處得中道,无不正也。 「吉」也。 本義以陽居陰,已不得其正矣。然所處得中,則猶可 吉,蓋慮其陽剛之過於壯也,故二與四皆言「貞吉」。」 説王氏弼曰:「居得中位,以陽居陰,履謙不亢,是以 「貞吉」。」○易氏祓曰:「爻貴得位,大壯則以陽居陰爲 「貞」非以九居二爲戒乎? 程傳二雖以陽剛當大壯之時,然居柔 人能識時義之輕重,則可以學《易》矣。 曰:《易》取所勝爲義,以陽 在四則 或日: 不而處 以 集 有 得

九三,小人用壯,君子用罔,貞厲,羝羊觸藩, 羸其角。 本義過剛不中,當壯之時,是「小人用壯」而君子則 戸用

罔也。

罔,无也。

視有如无,君子之過於勇者也,如此

小人乘此,則必恃剛强陵犯於人,雖至壯極而不已,是

下卦之上,當乾健之極,以陽居陽,是强壯之人也。

德而不用壯,若固其壯,則危矣。」○胡氏瑗曰:「九三處

之,君子有而不用。」〇劉氏牧曰:「「罔」,不也。 者,則曰「厲」也。 致凶,而方言其危,故未及於凶也。 壯甚,如此而不至凶,何也? 羸困其角矣。 藩籬,以藩籬當其前也。 者觸,蹄者踶,羊壯於首,羝爲喜觸,故取爲象。 與,貞固守此,則危道也。 於天下而无不宜。苟剛之太過,則无和順之德,多傷莫 以其至剛, 蔑視於事而无所忌憚也。 用其壯勇。 在小人則爲「用壯」,在君子則爲「用罔」。 居陽而處壯,又當乾體之終,壯之極者也。 言,如君子有勇而无義爲亂,剛柔得中,則不折不屈,施 羸」,困也。 雖正亦危矣。 君子志剛,故「用罔」。罔,无也,猶云蔑也 「貞厲」之占,其象如此。 猶人尚剛壯,所當必用,必至摧困也。 「羝羊」,剛壯喜觸之物。 集説京氏房曰:「壯一也,小 蓋所當必觸,喜用壯如 凡物莫不用其壯,齒者齧,角 曰: 如三之爲,其往足 凡可以致凶而未至 君子小人,以 程傳九三以剛 小人尚力,故 「藩」,籬 極壯如 羊喜觸 君子尚 (此,必 入用 也。 = 地

正也。」 也。 其角1,凶之道也。」○郭氏雍曰:「剛至三而壯矣,小 用壯者也。 壯爲用也。 於外也。 務勝人,故喜壯而用之。君子務勝己之私,是以勿用 顧,是猶剛狠之羊,雖藩在前,亦觸突而進,以至反「羸 而不用其壯也。 曰「貞厲,羝羊觸藩,羸其角」者,恐人以用剛居剛爲得 曰:「既曰「小人用壯」,又曰「君子用罔」,勸戒備矣。 又 觸藩羸角,用壯而厲也。 以用壯爲正,則危矣。羊狠喜觸,用壯之象 君子則不然,雖 先儒或爲羅網之罔,失之矣。]○項氏安世 小人居强壯之時,動則過中,進則 壯 [君子用罔]者,君子罔以 而不矜,雖大而不伐,罔 壯 不

《小象》文意參之,諸説近是。案:京氏以下諸家説「用罔」,與《傳》、《義》異,以夫子

九四,貞吉悔亡,藩決不羸,壯于大輿之輹。 文而言 壯 陽居陰,不極其剛 陰,則「藩決」矣。 本義「貞吉悔亡」,與咸九四同占。 已過中,壯之甚也。 也。 決,開 「壯于大輿之輹」,亦可進之象也。 也。 ,故其象占如此。 三前有四,猶有瀋焉。 然 居四 爲不正,方君子道 「藩決不羸」,承上 程 傳四陽剛長 四 長之 前 以 盛

六五,喪羊于易,无悔。 故「不羸」。 而受羸。 亡』。三以九四之剛在前,如 琰曰:「爻剛位柔,不極其壯,故因占設戒曰 [貞吉悔 進,非如九二前有三、四二 陽居陰,不極其剛,而前遇二陰,有藩決之象。 「貞吉」只是自守而不進,九四卻是有可進之象。 羣陽並進,非二陰之所能止,「藩決不羸」,其道通也。 諧曰:「居四陽之終,其壯易過,故必[正吉]則[悔亡]。 而能全其壯者也,故陽爻皆以居陰位爲美。] ()鄭氏汝 於進也。 車之敗,常在折輹,輹壯則車强矣。 行之利可知,故云「壯于大輿之輹」。 藩籬決開,不復羸困其壯也。 剛而居柔,未必不爲善也,大過是也。 長之時,小失則害亨進之勢,是有悔也。 時,豈可有不正也? 「壯于大輿之輹」,其行健也。」〇《朱子語類》云:「九二 四以六五之柔在前,如藩 **輹與輻同。** 曰 「藩決不羸」而不及羊,承九三之辭也。」 故戒以貞則吉而 集説 王氏弼曰:「未有違謙越禮 |陽隔之,不得進也。|○俞氏 藩籬之障而不能進,故觸 高大之車,輪輹强壯,其 籬剖破而無俟乎觸 云「壯于輹」, 輹,輪之要處也。 「悔亡」。 藩所以限隔 若在他卦,重 所以爲 蓋 蓋以 謂壯 方道 也

九五

如此。 本 之場,亦通。《漢・食貨志》「場」作「易」。 柔居中,不能抵觸,雖失其壯,然亦无所悔矣,故其象占 无所用其剛,是喪其壯於和易也,如此則可以「无悔」。 上,若以力制,則難勝 而喜觸,以象諸陽並進。 不若作「疆場」之「易」。《漢・食貨志》「疆場」之「場」正 雖壯无所用也。 五以位言則正,以德言則中,故能用和易之道,使羣陽 義卦體似兑有羊象焉,外柔而内剛者也。 「易」,容易之易,言忽然不覺其亡也。 集説《朱子語類》云:「「喪羊于易」, 而有悔。 四陽方長而並進,五以柔居 惟和易以待之,則羣陽 程傳羊羣行 或作疆場 獨六五以

不覺失其所謂剛,自失其壯,故爻獨不言壯。」其所謂順。此曰「喪羊于易」,羊性剛,六五以柔居中,《旅》上九「喪牛于易」,牛性順,上九以剛居極,不覺失注,只是從前所説如此,只且仍舊耳。」〇胡氏炳文曰:

作「易」,蓋後面有「喪牛于易」亦同此義。今《本義》所

矣,故雖「喪羊」而「无悔」。 也。至六五則壯已過矣,又以柔處中,則無所用其壯忠。至六五則壯已過矣,又以柔處中,則無所用其壯案:壯之道貴乎得中,九二方壯之時,以剛處中,壯之正

上六、羝羊觸藩、不能退、不能遂、无攸利、艱

一則吉。

也。 進退皆不可也。 羊」但取其用壯,故陰爻亦稱之。 其不剛,故能「艱」以處則尚可以得「吉」也。 故又「不能遂」其進也。 集説《朱子語類》云:「上六取喻甚巧,蓋壯終動極,無 其壯則反得柔弱之分矣,是「艱」則得「吉」也。 能退」也。 極,其過可知。 本義出終動極,故「觸: 吉」,此《易》之所以備勸戒也。」 衆爻之上。「不能遂」者,亢而不可前進也。 無滯礙而亦言觸藩者,處一卦之窮也。「不能退」者,在 前有四,故爲「觸藩」,四前遇陰,故爲「藩決」。 者,畢竟有可進之理,但必艱始吉耳。]〇易氏祓曰:「三 可去處,如羝羊之角掛於藩上,不能退遂。 不利,知艱而處柔則吉也。 有摧必縮,是「不能遂」也。 陰柔處壯,不能固其守,若遇艱困,必失其壯。 陰柔之人,雖極用壯之心,然必不能終其壯, 如羝羊之觸藩籬,進則礙身,退則妨角, 才本陰柔,故不能勝己以就義,是「不 藩 其象如此,其占可 |而「不: 其所爲如此,无所往而 居壯之終,有變之義 能退」。 六以陰處震終而當 然其質本柔、 知。 然「艱則吉」 然能[艱則 程傳「羝 然猶 用壯 上六前 也 失 幸 則 利

可進則進,不可進則退,《雜卦》謂「大壯則止」是也。而已。「艱則吉」者,知其難而不敢輕易以處之也。故觸也以角,卦似兑,有羊象,而上六適當角位,故雖陰爻觸也以角,卦似兑,有羊象,而上六適當角位,故雖陰爻案:五與上皆陰爻,而當陽壯已過之時,五猶曰「喪羊」案:五與上皆陰爻,而當陽壯已過之時,五猶曰「喪羊」

総論項氏安世曰:「有以事理得中爲正者,有以陰陽 問曰「九二貞吉」,以中也」,明正吉以中而不以位也, 即曰「九二貞吉」,以中也」,明正吉以中而不以位也, 正也。大壯之時義,其所謂「利貞」者,利守事理之正, 正也。大壯之時義,其所謂「利貞」者,利守事理之正, 正也。大壯之時義,其所謂「利貞」者,利守事理之正, 正也。大壯之時義,其所謂「利貞」者,利守事理之正, 「貞厲」。聖人猶恐其未明也,又以《小象》釋之,於九二 「貞厲」。聖人猶恐其未明也,又以《小象》釋之,於九二 「貞厲」。聖人猶恐其未明也,又以《小象》釋之,於九二 「貞厲」。聖人猶恐其未明也,以以《小象》釋之,於九二 「貞厲」。聖人猶恐其未明也,以《小象》釋之,於九二 「貞厲」。聖人猶恐其未明也,以《小象》釋之,於九二

離坤上下

〈易》之時義屢遷如此。」

程傳晉,《序卦》:「物不可以終壯,故受之以晉,晉者

壯也。 明,故爲晉。 「亨」,順乎大明,无用戒正也。 見。晉之盛而无德者,无用有也。 宜也。乾坤之外,云「元亨」者,固有也。 進,故《彖》云:「晉,進也。」卦有有德者,有无德者,隨 進也。」物无壯而終止之理,既盛壯則必進,晉所以繼大 所不足而可以有功也。 爲卦離在坤上,明出地上也。 晉,進 而光明盛大之意也。 有不同者,革、漸是也,隨卦可 晉之明盛,故更不言 日出於地,升 云「利貞」者、 凡物漸 盛 而 其 爲 益

晉,康侯用錫馬蕃庶,晝日三接。

下坤,有日出地上之象,順而麗乎大明之德。 日三接」,言多受大賜,而顯被親禮也。 三接,言寵遇之至也。 庶」,衆多也。 也,故受其寵數,錫之馬衆多也。 者,治安之侯也。 而下體順附,諸侯承王之象也,故爲「康侯」。「康侯 者,則亦當有是寵也。 觀而來,爲六四之柔,進而上行以至於五。 占者有是三 本義晉,進也。 不惟錫與之厚,又見親禮,晝日之中至於 「康侯」,安國之侯也。 上之大明而能同德以順附,治安之侯 晉,進盛之時,上明下順,君臣相 程傳晉爲進盛之時,大明在上 車馬,重賜也,「蕃 蓋其爲卦,上 「錫馬蕃 又其變自 1庶,晝 離

也。以人臣之進,獨備一卦之義,則臣之道至大者,非略相類。大有,火在天上,君道也,晉,明出地上,臣道其光寵也。 集説 郭氏雍曰:「晉卦取名之義,與大有其、在上而言,則進於明盛,在臣而言,則進升高顯,受

之既生,而以漸高大,其義又次之。觀其彖辭皆可見之方出,其義最優,升如木之方生,其義次之,漸如木案;《易》有晉、升、漸三卦,皆同爲進義而有别。晉如日

康侯安足以當之?」

初六,晉如,摧如,貞吉,罔孚,裕无咎。

悻以傷於義矣,皆有咎也。故裕則「无咎」,君子處進退咎」也。「摧如」,抑退也。於始進而言遂其進,不遂其進,也。「摧如」,抑退也。於始進而言遂其進,不遂其進,也。「摧如」,抑退也。於始進而言遂其進,不遂其進,他得正則「吉」也。「罔孚」者,在下而始進,豈遽能深見惟得正則「吉」也。「罔孚」者,在下而始進,豈遽能深見惟得正則「吉」也。於始進而言遂其進,不遂其進,也。「稽如」,抑退也。於始進而言遂其進,不遂其進,在、義以陰居下,應不中正,欲進見推之象。占者如是本義以陰居下,應不中正,欲進見推之象。占者如是

之道也。

集説王氏安石曰:「初六以柔進,君子也,度

禮義以進退者也。常人不見孚,則或急於進以求有爲,禮義以進退者也。常人不見孚,則或急於進則數上之不知。孔子曰:「我待價者也。」此或急於退則數上之不知。孔子曰:「我待價者也。」此或急於退則數上之不知。孔子曰:「我待價者也。」此或急於退則數上之不知。孔子曰:「我待價者也。」此禮義以進退者也。常人不見孚,則或急於進以求有爲,

六二,晉如愁如,貞吉,受兹介福,于其王 能守正則吉,而受福于王母也。「王母」,指六五。 于王母也。 故云「晉如愁如,貞吉」。「王母」,祖母也,謂陰之至尊 進爲可憂愁,謂其進之難也。 先妣之吉占,而凡以陰居尊者,皆其類也。 六五大明之君,與之同德,必當求之,加之寵禄,受介福 自進、然其中正之德、久而必彰、上之人自當求之。 者,指六五也。二以中正之道自守,雖上无應援,不能 在下,上无應援,以中正柔和之德,非强於進者也,故於 本義六二中正,上无應援,故欲進而愁。 占者如 人,而吾不可以不裕。「貞」與「裕」皆戒辭也。」 介,大也。 集説胡氏炳文曰:「《小過》六 然守其貞正,則當得吉, 程傳六二 蓋享 是而 母。

九四,晉如鼫

鼠,貞厲。

二曰「遇其妣」,彼言「祖妣」,即此言「王母」也。」

穆相配、《易》爻以相配喻相應也。 者,禮重昭穆,故孫袝於祖,則孫婦袝於祖姑。 案:二、五相應者也。 應之,故有受福之義 過只言「妣」,蒙上過其祖之文爾。 以陰應陰,則有妣婦之象。不曰「母」而曰「王母」 以陰應陽,以陽應陰,則有君臣之 〇六五卦之主,而二 此明其爲王母,而小 蓋以 昭

六三,衆允,悔亡。

也。 至當也,况順上之大明,豈有不善也? 曰:不由中正而與衆同,得爲善乎? 上者也,是三之順上,與衆同志,衆所允從,其悔所以亡 宜有悔咎。而三在順體之上,順之極者也。三陰皆順 以爲衆所信而「悔亡」也。 信也。信於下斯信於上,故弗信乎友,弗獲於上矣。」 蓋亡其不中正之失矣。古人曰:「謀從衆則合天心。」 本義:不中正,宜有悔者,以其與下二陰皆欲上進,是 集説吴氏曰慎曰:「初「罔孚」,未信也,三「衆允」,見 有順上向明之志,而衆允從之,何所不利? 程傳以六居三,不得中 曰:衆所允者,必 是以「悔亡」。 Æ 或

> 遂。」 乎順者也。 雖已進乎上,以其失柔順之道,故如「鼫鼠」之窮而不得 世曰:「晉之道,以順而麗乎大明,以柔進而上行,皆主 下,勢必上進,故其心畏忌之。 其危可知。 云「晉如鼫鼠」。 位,既非所安,而又與上同德,順麗於上,三陰皆在己 四,非其位也。 本義不中不正,以竊高位,貪而畏人,蓋危道也,故爲 「鼫鼠」之象。 三雖不正,以其能順,故得其志而上行。 言「貞厲」者,開有改之道也。 占者如是,雖正亦危也。 非其位而居之,貪據其位者也。 貪於非據,而存畏忌之心,貞固守此, 貪而畏人者,鼫鼠也,故 程傳 集説項氏安 貪處高 以 九居

位也。 保位爲常,而不知進退之義也 節、貪而畏人、則非鼫鼠而何? 與時義相反。當晉時,居高位而失静正之道,乖退 案:此卦以彖辭觀之,則九四以一陽而近君,「康侯」之 參之爻義,反不然者,蓋卦義所主在柔,則剛 「貞厲」者,戒其以 5.持禄 讓之 Ē

六五,悔亡,失得勿恤,往吉无不利

故占者得之,則其「悔亡」。 本義以陰居陽,宜有悔矣。 又一切去其計功謀利之心, 以大明在上,而下皆順從,

一九九

恤也。 其悔得亡也。下既同德順附,當推誠委任,盡衆人之 程傳六以柔居尊位,本當有悔,以大明而下皆順附,故 則「往吉」而「无不利」也。 私也。」 患其用明之過,至於察察,失委任之道,故戒以「失得勿 則吉而「无不利」也。 才,通天下之志,勿復自任其明,恤其失得,如此而往 三、五陽位,以陰居之,能節其動,故爻辭不稱晉,而皆 用私察也? 是,曾不以介意小人患得患失,恤也。]○胡氏炳文曰: 曰「悔亡」。」〇石氏介曰" 大明在上,用其明於所當爲,不當用其明於計功謀利之 當晉之時、易有患得患失之心、才柔又易有失得之累。 「事有不必憂者,「勿恤」,寬之之辭也。 「勿恤」,戒之之辭也。 此曰 「失得勿恤」,戒辭明矣。 蓋 夫私意偏任不察則有蔽,盡天下之公,豈當復 集説劉氏牧曰"「陽爲躁動,陰爲静止。 六五大明之主,不患其不能明照 「以道自任,得之自是,失之自 然亦必有其德,乃應其占耳。 有不當憂者

其合於彖辭者是也。九四高位而爻辭不善如此,則彖人之意,以此爻當康侯而爲卦主明矣。蓋凡卦皆有主,案:彖辭言康侯之被遇,而《傳》以柔進上行釋之,則聖

失,鄙夫之行也。「失得勿恤」者,竭誠盡忠,君子之志辭之義,誠非六五不足以當之。「晉如鼫鼠」者,患得患

也。

上九,晉其角,維用伐邑,厲吉无咎,貞吝。 咎」也。 愈速。 物。 伐四方者,治外也。伐其居邑者,治内也。 則有躁急之失。以剛而極於進,失中之甚也。无所用 之而以伐其私邑,則雖危而[吉]且[无咎]。然以 子則知止也。」〇王氏宗傳曰:「晉之上九,晉至於「角」。 「貞吝」以盡其義,極於剛進,雖自治有功,然非中和 謂内自治也。人之自治,剛極則守道愈固,進極則遷善 而可,維獨用於「伐邑」,則雖「厲」而「吉」且「无咎」也 極也。在晉之上,進之極也。 治小邑,雖得其正,亦可「吝」矣。 本義角,剛而居上,上九剛進之極,有其象矣。 占者得 德,故以貞正之道爲可「吝」也,不失中正爲「貞」。 説張子曰:「無可進而進,惟「伐邑」於内則可矣,如君 上九以剛居卦之極,故取角爲象。 如上九者以之自治,則雖傷於「厲」而「吉」且「无 嚴厲非安和之道,而於自治則有功也。 剛極則有强猛之過,進極 程傳角,剛而居上之 以陽居上,剛之 言「伐邑」 復云 極剛 集 之

「當晉之時,聖人最喜用柔而不用剛,故四陰「吉」、「悔不真」。」 「責吝」、「吝」不在克治,正以其克治之難,而言其合下「貞吝」、「吝」不在克治,正以其克治之難,而言其合下「貞吝」、「真吝」之義,只云貞固守此則吝,不應於此獨云於正道爲吝也。」」〇項氏安世曰:「晉好柔而惡剛,不應於此,上九皆以「厲」言之。四進而非其道,故爲「虧」。上已窮而猶晉,故爲「晉其角」。」〇樣朱子語類》: 無所復進矣。惟能自反自克而內自治焉,則知危厲自無所復進矣。惟能自反自克而內自治焉,則知危厲自

亡」,二陽「厲」且「吝」也。」

三爻皆柔順而坤體,故初二「吉」、三「悔亡」。四上以陽以剛間之,故有「晉如鼫鼠」之象。」○趙氏汝騰曰:「下者也,故「往吉无不利」。下坤三柔,皆欲進者,而九四主柔進爲義。 六爻四柔二剛,六五一柔自四而升,已進總論丘氏富國曰:「晉,進也,柔進而上行也,故卦專

其亦以柔爲主與。」 其亦以柔爲主與。」 其亦以柔爲主與。」 其亦以柔爲主,而屬多「厲」者,晉以柔順爲善,剛强則躁矣, 被《彖傳》曰:「順而麗乎大明,柔進而上行。」卦之得名, 被《彖傳》曰:「順而麗乎大明,柔進而上行。」卦之得名, 故《彖傳》曰:「順而麗乎大明,柔進而上行。」卦之得名, 故《彖傳》曰:「順而麗乎大明,柔進而上行。」卦之得名,

■ 坤離 上下

之時也。日入於地中,明傷而昏暗也,故爲明夷。以明夷,夷者傷也。」夫進之不已,必有所傷,理自然也,以明夷,夷者傷也。」夫進之不已,必有所傷,理自然也,以明夷,夷者傷也。」夫進之不已,必有所傷,理自然也,

明夷,利艱貞。

時,利在知艱難而不失其貞正也。在昏暗艱難之時,而利於艱難以守正,而自晦其明也。程傳君子當明夷之象,故爲明夷。又其上六爲暗之主,六五近之,故占者本義夷,傷也。爲卦下離上坤,日人地中,明而見傷之本

故《本義》從《彖傳》以「利艱貞」爲五。」 故《本義》從《彖傳》以「利艱貞」爲五。」 故《本義》從《彖傳》以「利艱貞」爲五。」 故《本義》從《彖傳》以「利艱貞」爲義者。 此蓋覩君子之明傷爲可懼,而危辭以戒之,其時可知此蓋覩君子之明傷爲可懼,而危辭以戒之,其時可知此蓋覩君子之明傷爲可懼,而危辭以「利艱貞」爲義者。 此蓋覩君子之明傷爲可懼,而危辭以戒之,其時可知此蓋覩君子之明傷爲可懼,而危辭以不規與」。 其正之能不失其正,所以爲明君子也。集説孔氏穎達曰:

食,有攸往,主人有言。初九,明夷于飛,垂其翼,君子于行,三日不

言也。 於食故也。」〇俞氏琰曰:「居明夷之初,不敢高飛,遂 翼,非也。 傷也。「夷于左股」,言已傷也。 禍,見幾先遯。」〇項氏安世曰:「「垂其翼」,不言夷,未 以爲狂生,卒免黨錮之禍。 黨事未起之前,名德之士方鋒起,而獨潛身土室,故人 鉗我於市」,雖二儒者亦以爲過甚之言也。又如袁閎於 傷其所以飛爾,其事則未顯也。 得衆人猶未識也? 雄所以不獲其去也。或曰:傷至於垂翼,傷已明矣,何 君子知幾,義當速去,蓋可以不食,而不可以不去,去重 曰:「初體離明,去上最遠,見傷即避,有飛而垂翼之象。 集説蘭氏廷瑞曰:「陽剛之君子,居明夷之始,戢翼避 知穆生之去,避胥靡之禍也。當其言曰「不去,楚人將 公、白公且非之,況世俗之人乎! 世俗之人未能見也,故異而非之。 顯而去之,則世俗孰不疑怪。 君子之獨見,非衆人所能識也。 人盡識,則傷已及而不能去矣。 然君子不以世俗之見怪而遲疑其行也,若俟衆 斂翼而下飛者,避禍之象也。」○丘氏富國 曰:初,傷之始也。云「垂其翼」謂 所往而人有言,何足怪也。 故有所往適,則「主人有 此薛方所以爲明,而揚 故明夷之始,其見傷未 君子見幾,故亟去之。 説者以「垂其翼」爲傷 但譏其責小禮,而不 如穆生之去楚,申

知幾而早去,此君子獨見,主人固不識也,豈得無言?」斂其翼以向下,此見幾之明,不待難作而蚤避者也。夫

專下二以至用之广,导中正可豐頂,頁時目處,這之三本義傷而未切,救之速則免矣,故其象占如此。 程

六二,明夷,夷于左股,用拯馬壯,吉。

切也。 善也。 甚。 免爲其所傷。 説 王氏宗傳曰: 速而吉也。 用左,蓋右立爲本也。「夷于左股」,謂傷害其行而不甚 不甚切。左又非便用者。手足之用以右爲便,惟蹶張 違避之耳。足者所以行也,股在脛足之上,於行之用爲 傳六二以至明之才,得中正而體順,順時自處,處之至 ·吉」者,得免傷害而已,非謂可以有爲於斯時也。 故云「馬壯」則「吉」也。二以明居陰闇之下,所謂 自拯有道,故獲免之疾。 雖然,亦必自免有道,拯用壯健之馬,則獲免之 雖君子自處之善,然當陰闇小人傷明之時,亦不 君子爲陰闇所傷,其自處有道,故其傷不 但君子自處有道,故不能深相傷害,終能 「六二文明之主也,以六居二,柔順之 用拯之道不壯,則被傷深 集

而不復明也。兩卦皆以上六爲昏之主,六二爲明之主。案:明夷與豐卦略相似,然豐者明中之昏,明夷則昏極

至,文王以之。」

右肱」,則猶有可爲之理也。 與《豐》之「有乎發若」同也。蓋未至於《豐》三之「折其者,與《豐》二之「往得疑疾」同也,此之「用拯馬壯」者,既爲明之主,豈可不以救昏爲急? 故此之「夷于左股」

九三,明夷于南狩,得其大首,不可疾貞。

於羑里,正合此爻之義,而小事亦有然者。以亟也,故有「不可疾貞」之戒。成湯起於夏臺,文王興上六闇主爲應,故有向明除害,得其首惡之象。然不可上六闇主爲應,故有向明除害,得其首惡之象。然不可本義以剛居剛,又在明體之上,而屈於至闇之下,正與

殷之迪諸臣惟工,乃湎于酒,勿庸殺之,姑惟教之。」至 必有其漸, 革之遽,則駭懼而不安。 象。「不可疾貞」,謂誅其元惡。 之事乎! 於既久,尚曰「餘風未殄」,是漸瀆之俗,不可以遽革也 謂暗之魁首,上六也。 極之地,正相敵應,將以明去暗者也。 上,暗之極也。至明居下而爲下之上,至暗在上而處窮 程傳九三離之上,明之極也。 南狩」,謂前進而除害也。當克獲「其大首」。「大首」・ 南在前而明方也。「狩」,畋而去害之事也。 三與上正相應,爲至明克至暗之 又處剛而進,上六坤之 舊染污俗,未能遽革, 故《酒誥》云:「惟 斯義也,其湯武

「不可疾貞」之戒。」 炳文曰:「二之救難可速也,三之除害不可速也,故有居上而暗之極,故爲暗之主,謂之「大首」。 集説 胡氏故曰「不可疾貞」,正之不可急也。上六雖非君位,以其

六四,人于左腹,獲明夷之心,于出門庭。

明。 其自處當如是也。 之心,于出門庭」者,得意於遠去之義。言筮而得此者 本義此爻之義未詳。 主也。 則極乎闇矣,故爲自傷其明以至於闇,而又足以傷人之 柔中居闇地而已迫,故爲内難正志以晦其明之象。上 四以柔正居闇地而尚淺,故猶可以得意於遠去。 五以 地,下三爻明在闇外,故隨其遠近高下而處之不同。 用,故爲明顯之所,左不當用,故爲隱僻之所。人之手 有由顯明以道合者也,必以隱僻之道自結於上。 右當 居高位,以柔邪順於君者也。六五明夷之君位,傷明之 四以陰居陰,而在陰柔之體,處近君之位,是陰邪小人 足皆以右爲用,世謂僻所爲僻左,是左者隱僻之所也。 蓋下五爻皆爲君子,獨上一爻爲闇君也。 四以柔邪順從之,以固其交。夫小人之事君,未 蓋離體爲至明之德,坤體爲至闇之 竊疑左腹者幽隱之處,「獲明夷 程傳 六 六

> 其心而後能行於外。 遠去。「獲明夷之心」者,微子之自靖。 「于出門庭」者 居闇地尚淺、猶可以得意而遠去。故雖人於幽隱之處 明夷是好底,何獨此爻卻作不好説? 以意觀之,六四 奸邪之臣,先蠱惑其君心,而後肆行於外。下三爻皆説 既信之於心,而後行之於外也。 皆由奪其心也。不奪其心,能无悟乎?「于出門庭」, 交深也。其交之深,故得其心。 四由隱僻之道深人其君,故云「人于左腹」。人腹,謂其 微子之行遯也。」 四則將入暗中。 合下已是不明。]○胡氏炳文曰:「初、二、三在暗外,至 猶能獲明夷之心,「于出門庭」也。上六「不明晦」,則是 求仁而得仁也,此微子之明夷也。」〇《朱子語類》云: 體之下,故曰「左腹」,尊右故也。「獲明夷之心」,所謂 "明夷下三爻皆説明夷是明而見傷者,六四説者卻以爲 然比之六五,則四尚淺也,猶可得意於 集説楊氏時曰:「腹,坤象也,坤 凡奸邪之見信於其君 邪臣之事暗君,必先蠱

六五,箕子之明夷,利貞。

也,貞之至也。「利貞」,以戒占者。程傳五爲君位,乃本義居至闇之地,近至闇之君,而能正其志,箕子之象

害。 矣。 以免於難。箕子,商之舊臣而同姓之親,可謂切近於紂 若顯其明,則見傷害必矣。故當如箕子之自晦藏,則可 夷之極,陰暗傷明之極者也。 常也。然《易》之取義,變動隨時。 言,義亦如是。 所以謂之仁與明也。 陰暗,傷明之極,故以爲明夷之主。 切近至暗之人,以見處之之義,故不專以君位言。 其志也。 故爲之戒云「利貞」,謂宜如箕子之貞固也。 雖晦藏其明,而内守其正,所謂 若不自晦其明,被禍可必也,故佯狂爲奴以免於 人君有當含晦之時,亦外晦其明而内正 若箕子可謂「貞」矣。 五切近之,聖人因以五爲 上六處坤之上,而 五切近傷明之主. 内難而能正其志 以五陰柔 若以君道 上六 明

晦,所以五爻之明,皆爲其所夷也。」

上六,不明晦,初登于天,後入于地。

于天」也,乃夷傷其明而昏暗,「後入于地」也。上,明夷夷傷,故不明而反昏晦也。本居於高,明當及遠,「初登占亦在其中矣。程傳上居卦之終,爲明夷之主,❶又以傷人之明,終必至於自傷而墜厥命。故其象如此,而以傷人之明,終必至於自傷而墜厥命。故其象如此,而以傷人之明,終必至於自傷而墜厥命。故則處高位本義以陰居坤之極,不明其德以至於晦。始則處高位

中。上六不曰「明夷」而曰「不明晦」,蓋惟上六不明而文曰:「下三爻以「明夷」爲句首,四、五「明夷」之辭在句也。若上六不明而晦者也,故曰「不明晦」。」○胡氏炳也。若上六不明而晦者也,故曰「不明晦」。」○胡氏炳

腹獲心、「于出門庭」、而遠者則行不及食也。」 其身而不失其正。初九、六四無責於斯世、故近者則人 也。君子居明夷之世、有責必有以塞之、無責必有以全 也。君子居明夷之世、有責必有以塞之、無責必有以全 也。君子居明夷之世、有責必有以塞之、無責必有以全 也。君子居明夷之世、有責必有以塞之、無責必有以全 也。君子居明夷之世、有責必有以塞之、無責必有以全 也。君子居明夷之世、有責必有以塞之、無責必有以全

里 異離 上下

明夷也。家人者,家内之道,父子之親,夫婦之義,尊卑故受之以家人。」夫傷困於外,則必反於内,家人所以次程傳家人,《序卦》:「夷者傷也,傷於外者必反於家,

❶ 「明夷」,原誤乙,今據文義乙正。

耳。 乎巽」,言萬物潔齊於巽方,非巽有齊義 外,爲家人之道。 内而出,由家而及於外之象。二與五,正男女之位於內 爲風自火出。火熾則風生,風生自火,自内而出也。 長幼之序,正倫理,篤恩義,家人之道也。 乾」,乾非有戰義也。 以明内齊外爲義,占今善之,非取象之意也。 天下治。治天下之道,蓋治家之道也,推而行之於外 有諸身者,則能 故取自内而出之象,爲家人之義也。《文中子》書 施於家。 明於内而巽於外,處家之道也。夫人 行於家者,則能施於國,至於 也。 卦外巽内離 所謂「齊 如 「戰乎 自

家人,利女貞。

家道之本也。」〇林氏希元曰:「所正雖在女,所以正之 刑于二女,文王刑于寡妻,至于兄弟。「利女貞」者,言 氏時曰:「家人者,治家人之道也。齊家自夫婦始,舜觀 正也,女正者,家正也。 矣。夫夫、婦婦而家道正,獨云「利女貞」者,夫正者,身 无不正矣。 正,故爲家人。「利女貞」者,欲先正乎内也。 本義家人者,一家之人,卦之九五、六二,外内各得其 程傳家人之道,利在女正,女正則家道 女正則男正可知矣。 内正則 集説楊 Œ 外

> 初九,閑有家,悔亡。 者則在夫,蓋主家之人也。」

亡也。 悔矣。 推曰:「教子嬰孩,教婦初來。」」 也。」〇胡氏炳文曰:「初之時當閑,九之剛能閑。 處家人之初,爲家人之始,故必「閑有家」,然後 在初而法在始,家瀆而後嚴之,志變而後治之,則悔矣。 羣居必有悔,以能閑故亡耳。 倫理,无所不至。能以法度閉之於始,則无是矣,故「悔 放,必至於有悔,失長幼之序,亂男女之別,傷恩義,害 法度也。 戒占者當如是也。 程傳初,家道之始也。 本義初九以剛陽處有家之始,能防閉之,其「悔亡」矣。 治家者治乎衆人也,苟不閑之以法度,則人情流 九剛明之才,能閑其家者也。不云「无悔」者, 治其有家之始,能以法度爲之防閑,則不至於 集説 王氏弼曰:「凡教 閑,謂 「悔亡」 顔之 防閑

六二,无攸遂,在中饋,貞吉。

此。程傳人之處家,在骨肉父子之閒,大率以情勝 以恩奪義,惟剛立之人,則能不以私愛失其正理,故家 本義六二柔順中正,女之正位乎内者也,故其象占如 禮

事也。 專也。 其正也。 而居柔,不能治於家者也,故「无攸遂」,无所爲而可也 祀,爲不失職,采蘋以供祭祀,爲能循法度。推而上之, 中饋,貞吉。」〇王氏宗傳曰:「「无攸遂」,示不敢有所 於家中饋食供祭而已。 之義也。婦人之道,巽順爲常,無所必遂,其所職主,在 集説,孔氏穎達曰:「六二履中居位,以陰應陽,盡婦人 得其正而「吉」也。 人,其能勝妻子之情乎? 夫以英雄之才,尚有溺情愛而不能自守者,況柔弱之 人卦大要以剛爲善,初、三、上是也。 六二以陰柔之才 易氏峳曰:「六二柔順得位,與九五相應,女正位乎内者 推而下之,其職守莫不皆然,是之謂「貞」而「吉」也。」〇 此爻正所以發明「利女貞」之義。」 《詩》曰:「無非無儀,惟酒食是議。」采蘩以供祭 婦人之職,不過奉祭祀、饋飲食而已,此外無他 以柔順處中正,婦人之道也。故在「中饋」則 婦人居中而主饋者也,故云「中饋」。 得婦人之正,故曰:『无攸遂,在 如二之才,若爲婦人之道,則

之象。如是則雖有「悔厲」而「吉」也。「嘻嘻」者,嗚嗚本義以剛居剛而不中,過乎剛者也,故有「嗚嗚」嚴厲九三,家人嗚嗚,悔厲吉,婦子嘻嘻,終吝。

凶也。 吝也。 也。 「「嗃嗝」,以義勝情,雖「悔厲」而「吉」。 篤恩義,篤恩義而不失倫理方可。」○胡氏炳文曰: 篤恩義,又有乖於倫理。 道,在於正倫理,篤恩義。 家之凶。但云「吝」者,可吝之甚,則至於凶,故未遽言 廢,倫理之所由亂,安能保其家乎? 倫理正,乃恩義之所存也。 也。嘻嘻,笑樂无節也。 嘻」之象,蓋對「嗃嗃」而言,謂與其失於放肆,寧過於嚴 厲,未得寬猛之中,然而家道齊肅,人心祗畏,猶爲家之 傷,故必悔於嚴厲,骨肉恩勝,嚴過故悔也。 剛,則傷於嚴急,故「家人嗃嗃」然。 相類,又若急束之意。 傳「嗃嗃」,未詳字義,然以文義及音意觀之,與「嗷嗷」 之反,吝之道也。占者各以其德爲應,故兩言之。 「吉」也。若「婦子嘻嘻」,則終至羞吝矣。在卦非有「嘻 以陽居剛而不中,雖得正而過乎剛者也。 蓋嚴謹之過,雖於人情不能无傷,然苟法度立 集説《朱子語類》:「問:「《易傳》云:正家之 九三在内卦之上,主治乎内者 如何?』曰:「須是於正倫理處 自恣无節,則終至敗家,可羞 今欲正倫理,則有傷恩義, 若嘻嘻无度,乃法度之所由 治家過嚴,不能无 嘻嘻之甚,則致敗 「嘻嘻」,以情勝 雖悔於嚴 治内過 程 欲

三其在吉凶之閒乎! 故悔吝之占兩言之。」剛,若能嚴於家人者, 比乎二柔,又若易昵於婦子者。義,「終吝」。悔自凶而吉,吝自吉而凶。九三以剛居

六四,富家大吉。

其家也,吉孰大焉。 本義陽主義,陰主利,以陰居陰而在上位,能富其家者 心。程傳六以巽順之體而居四,得其正位,居得其正, 爲安處之義。巽順於事而由正道,能保有其富者也。 爲安處之義。巽順於事而由正道,能保有其富者也。 富者,於家而言。高位,家之尊也。能有其富者也。

矣。也。自二之「在中饋」,進而至於四之「富家」,則内職舉故一家者也,婦主養一家者也,老子所謂教父、食母是案:四在他卦,臣道也。在家人卦,則亦妻道也。夫主案:四在他卦,臣道也。在家人卦,則亦妻道也。夫主

九五,王假有家,勿恤吉。

占。而凡有是德者,遇之皆吉也。 程傳九五男而在於其家,則勿用憂恤而「吉」可必矣。蓋聘納后妃之吉也。九五剛健中正,下應六二之柔順中正,王者以是至本義「假」,至也,如假于大廟之假。「有家」,猶言有國

失。 也。五恭己於外,二正家於内,内外同德,可謂至矣。 有家之道既至,則不憂勞而天下治矣,「勿恤」而「吉」 正而天下治矣。自古聖王未有不以恭己正家爲本,故 至也,極乎有家之道也。 正至善者也。「王假有家」,五君位,故以王言。「假」, 外,剛而處陽,居尊而中正,又其應順正於內,治家之至 格于文祖」、「公假于太廟」、格、假互用可證。 身範既 憂恤而自吉也。蓋初之「閉有家」,是以法度防閑之,至 故以相愛言之。]〇龔氏焕曰:「假與格同,猶「奏假無 正家之義也,愛以情言,假家之義也。 彖以嚴正爲吉,五以相愛爲義,何也? 不化,可以勿憂恤而「吉」也。或曰:治家之道尚嚴,在 主治家者也。三剛而不中,失之過嚴,未免有悔厲之 家」,則假之於其終也。」〇丘氏富國曰:「三、五陽剛,皆 集説楊氏文焕曰:「「閑有家」,閑之於其始。 「假有 「王假有家」,則躬行有以感化之矣。」○何氏楷曰: 心者至矣。王者家大人衆,其心難一,有未假者,勿用 居尊位,爲「有家」之主,盛德至善,所以感格乎家人之 言」、「昭假烈祖」之「假」,謂感格也。 五剛而得中,威而能愛,盡乎治家之道者,故人無 夫王者之道,修身以齊家,家 九五以陽剛中 假有感格之義, 曰:嚴以分言. 正

端,故能感格其家,使父父子子,兄兄弟弟,夫夫婦婦 之義,「王假有廟」,其義同也。」 各得其所,以相敦睦,正家而天下定,故不待憂恤 「吉」也。」○游氏曰:「九五尊位,故以王言。 假者,感格 而

《象傳》之義,尤爲浹洽也。 「假」字訓感格,諸説皆有明證可從。 何氏之説,於

上九,有孚威如,終吉。

也。 道之成也。故極言治家之本。治家之道,非至誠不能 言之。 孚」爲本。治家者,在妻孥情愛之閒,慈過則无嚴,恩勝 占者必有誠信嚴威則「終吉」也。 嚴,少忘恭順,而家不亂者,未之有也,故必有威嚴則能 則掩義,故家之患,常在禮法不足而瀆慢生也。 至誠,己且不能常守也,况欲使人乎! 本義上九以剛居上,在卦之終,故言正家久遠之道。 氏軾曰:「凡言終者,其始未必然也。 終吉」。保家之終在「有孚威如」二者而已,故於卦終 故必中有孚信,則能常久,而衆人自化。爲善不由 集説王氏弼曰"「家道可終,惟信與威。」○蘇 威如之吉,其始苦之。」〇王氏申子曰:「家人之 程傳上,卦之終,家 『婦子嘻嘻』,其始 故治家以「有 長失尊

> 爲本,以嚴爲用。不誠則上下相欺,衆事不立。不嚴則 家人之終,以孚、威二者言之,是二者保家道之「終吉」 禮法不存,瀆慢易生。 終,家道成也,故極言齊家久遠之道。 行有恒」相表裹。」 義,故於此爻足其意。 者也。」〇何氏楷曰:「治家觀於身,下五爻未及正身之 如此而家道齊者,未之有也。 蓋探本之論,與《大象》「言有物 齊家之道,以誠 故

二、四《象傳》皆曰「順」,婦人之道也。 嚴也、嚴而恭也。」 順爲正。初曰「閑」,三曰「厲」,上曰「威」,男子之道也。 總論吴氏曰慎曰:「家人之道,男以剛嚴爲正,女以柔 五剛而中,非不

離兑上下

違,睽之義也。又中少二女,雖同居而所歸各異,是其 以睽也。爲卦上離下兑,離火炎上,兑澤潤下,二體相 也。」家道窮則睽乖離散,理必然也,故家人之後,受之 志不同行也,亦爲睽義 程傳睽,《序卦》:「家道窮必乖,故受之以睽,睽者乖

睽,小事吉。

也。 吉」者,止是方睽之時,猶足以致小事之吉,不成終睽而 之善,雖處睽時而「小事吉」也。 女,志不同歸, 本義「睽」,乖異也。 心驅迫之也。 作内之時乎。」〇何氏楷曰:「業已睽矣,不可以忿疾之 中,有以善處之,則亦吉也。 適然,聖人自有御時之方。 已,須有濟睽之道。」○趙氏汝楳曰:「睽蓋人情事勢之 九二之剛,是以其占不可大事,而「小事」尚有「吉」之道 五,自家人來者兼之。 也,故曰「小事吉」。 卦變言之,則自離來者柔進居三,自中孚來者柔進居 程傳「睽」者,睽乖離散之時,非吉道也。 惟不爲已甚,徐徐轉移,此合睽之善術 故 爲睽。 小事,猶言以柔爲事,非大事不古, 爲卦上火下澤,性相違異,中女少 以卦體言之,則六五得中而下應 然以卦德言之,内説而外 「小事吉」者、就其睽異之 其屯之「小貞」、《洪範》之 集説程子曰:「小 以卦才 明 事

案:「小事吉」之義,以爻義見「惡人」、「遇巷」、「噬膚」之 者爲之,皆「小事吉」之義 類觀之,則趙氏、何氏之説是 也。 蓋周旋委曲 ,就其易

而小事吉之謂。」

子乎? 也。 可 知。 也。 聖王,所以能化奸凶爲善良,革仇敵爲臣民者,由 異者也。「見」者,與相通也。 與之合則能行矣,是勿逐而馬復得也。 陽,上行者也。 自然同類相合,同是陽爻,同居下,又當相應之位,二陽 居卦初,睽之始也。 復」,安静以俟之也。 以俟之,寬裕以容之,睽斯合矣。「喪馬勿逐」,久則「自 不善而使之合乎? 與,然小人乖異者至衆,若棄絶之,不幾盡天下以 初與四雖非應,而同德相與,故相遇。 本非相應者,以在睽故合也。 本義上无正應,有「悔」也。 ·惡人」,然後可以辟咎,如孔子之於陽貨也。 悔亡」矣,故有「喪馬勿逐」而「自復」之象。 在睽諸爻皆有應,夫合則有睽,本異則何睽? 集説鄭氏汝諧曰: 所以得「亡」者,九四在上,亦以剛陽睽離无與, 如此則失含弘之義,致凶咎之道也,又安能化 睽獨无與則不能行,是喪其馬也。 故必「見惡人」則「无咎」也。 在睽乖之時,以剛動於下, 睽而無應,無非戾於己者,拒絕之 「居睽之初,在卦之下,必安静 而居睽之時,同德相 當睽之時,雖同德 上下相與,故能亡其 馬者,所以行 「惡人」,與己乖 然亦必 程傳九 有「悔 應,其 古之 者相 一 弗絶 四 仇 也。 趸 既 惟 悔

初九,悔亡,喪馬勿逐自復,見惡人无咎。

復」,見之而可以免咎也。 馬之失也未遠,惡人睽閒之情未甚也。失馬逐之,則愈 咎」,來者不拒也。 氏安世曰: 則愈戾,故寬裕以容之也。合睽之道,莫善於斯。」○項 睽者是也。與六五「悔亡」,詞同而義異。 此爻「悔亡」,乃因無應。 此道爲宜耳。立此心以爲之本,然後隨所處而變通也。 不立異,故「見惡人」。然惟居初處下,其睽未甚者,用 案:此爻所謂不立同異者也,不求同,「故喪馬勿逐」。 泊然若不見其睽者,夫惟不見其睽,而後睽可合。」 然,睽終於睽矣。」〇何氏楷曰:「静以俟之,遜以接之, 逐愈遠。 「見」,與迫斯可見之見同,非往見之也。 若往見,則違 .勿逐」之戒矣。」○王氏申子曰:「方睽之時,其睽未深, 惡人激之,則愈激愈睽。故「勿逐」而聽其「自 「「喪馬勿逐自復」,往者不追也。「見惡人无 此君子在下無應之時,處睽之道也。 程子所謂合則有睽,本異則 處睽之初,其道當如此。 不 何

九二,遇主于巷,无咎。

五正應,爲相與者也。然在睽乖之時,陰陽相應之道求而得會遇,乃爲「无咎」,故其象占如此。程傳二與本義二、五陰陽正應,居睽之時,乖戾不合,必委曲相

《小象》釋六三亦曰 《彖》所謂「得中而 轉將就使合而已,非枉己屈道也。 曲相求,期於會遇,與之合也。 在禮雖簡,而於情則甚切至。」 曰:「初九與九四同德相遇,二與五爲正應,亦曰 矣。「巷」者,委曲之途也。「遇」者,會逢之謂也。 故曰「遇主于巷」,必能合而後无咎。 睽離之時,其交非固,二當委曲求於相遇,覬其得合也 下,上應六五之君,道合則志行,成濟睽之功矣。 故二、五雖正應,當委曲以 衰,而剛柔相戾之意勝。學《易》者識此,則知變通矣。 在睽之時,惟九二獨遇六五之主,故曰「遇主于巷」, 應乎剛」者,指此爻也。」〇蔣氏悌生 『遇剛』,蓋當乖離之時,相 相求也。 所謂委曲者,以善道宛 集説張氏清子曰 君臣睽離,其咎大 二以剛中之德居 求相合 一遇。 當委 丽 居

事吉」之意也。 循牆而走,則謙卑之義也。謙遜謹密,巽以入之,亦「小見,皆由庭以升堂。「巷」者,近宫垣之小逕,故占人謂卦皆言「遇」,「小事吉」之意也。又《禮》,君臣賓主相案:《春秋》之法,備禮則曰「會」,禮不備則曰「遇」。睽案:《春秋》之法,備禮則曰「會」,禮不備則曰「遇」。睽

六三,見輿曳,其牛掣,其人天且劓,无初有

終。

之傷。 鼻也。 也。」 剛之閒,處不得其所安,其見侵陵可知矣。三以正應在 陰柔於平時,且不足以自立,況當睽離之際乎。 三居二 前爲四所掣。 本義,六三、上九正應,而三居二陽之閒,後爲二所曳, 故力進以犯之,是以傷也。「天」而又「劓」,言重傷也。 爲四所傷也。「其人天且劓」,「天」,髡首也。「劓」,截 後者牽曳之矣,當前者進者之所力犯也,故重傷於上, 行之具也。 上,欲進與上合志,而四阻於前,二牽於後。 而。 也。 无初也。 三不合於二與四,睽之時自无合義,適合居剛守正之道 人傳寫之誤也。 其於正應,則睽極有終合之理。 集説胡氏瑗曰:「「天」當作「而」字,古文相類,後 三從正應,而四隔止之,三雖陰柔,處剛而志行, 然邪不勝正,終必得合,故其象占如此。 又《周禮》「梓人爲筍簾」作「而」,亦謂髠其鬢髮 後必得合,是有終也。 「輿曳」,牽於後也。「牛掣」,阻於前也。 而當睽之時,上九猜很方深,故又有髡劓 然謂「而」者,在漢法,有罪髠其鬢髮曰 掣從制從手,執止之義 始爲二陽所戹,是 車牛,所以 程傳 在

九四,睽孤,遇元夫,交孚,厲无咎。

咎」也。 孔氏穎達曰:「「元夫」,謂 時之不能行? 與。「交孚」,各有孚誠也。 援,自然同德相親,故會遇也。 皆以陽處一卦之下,居相應之位,當睽乖之時,各無 善士也。 而亡睽之悔,處睽之至善者也。 孤立无與,必以氣類相求而 陰之閒,是睽離孤處者也。 亦如是也。 謂同德相信。 本義「睽孤」,謂无應。 然當睽之時,必危「厲」以處之乃得「无咎」。」 初九同德君子與之相遇 「元」。」○王氏申子曰:「四居近臣之位,獨立无與,幸有 |咎||也。 夫」,陽稱。 當睽離之時,孤居二陰之閒,處不當位,危且有 以「遇元夫」而「交孚」,故得「无咎」也。 四則過中,爲睽已甚,不若初之善也。 程傳九四當睽時,居非所安,无應而在二 「元」,善也。 然當睽時,故必危「厲」乃得「无咎」,占者 何危之不能濟? 「遇元夫」,謂得初九。「交孚」, 如能交之以 初九當睽之初,遂能 上下二陽以至誠相合,則 以剛陽之德,當睽離之時 初 九 合,是以「遇元夫」也。 同德相遇,必須至誠 故目之爲[元夫],猶 也, 故雖處危「厲」而「无 處於卦 誠,則 睽不孤矣 始,故 四與 與同 集説 何 相 初 德

法正,趨尚不同而以公義相取者是也。 雖遇之而「交孚」,不害其爲淡然而寡合。史稱諸葛亮、宜,故以睽孤爲「无咎」。若「元夫」則非其所親厚者,故案、四亦無應者也,然居大臣之位則孤立無黨,乃正其

六五,悔亡,厥宗噬膚,往何咎。

也。 以輔翼之,故得「悔亡」。「厥宗」,其黨也,謂九二正應 位,有「悔」可知。 故其象占如是。 孔氏穎達曰:「宗,主也,謂二也。」〇王氏申子曰:「睽 之幼穉而興盛王之治,以劉禪之昏弱而有中興之勢,蓋 道而深入之,則可往而有慶,復何過咎之有? 本義以陰居陽,「悔」 有?」○龔氏焕曰:「睽與同人所謂「宗」,皆以其應言 淺, 噬則合之深, 君臣之合如此, 可以往而有爲, 何咎之 之諸爻皆言「睽」,獨二、五不言「睽」而言合。 膚者睽之 由任聖賢之輔,而姬公、孔明所以人之者深也。 人之者深,豈能合也? ·厥宗」,指九二。「噬膚」,言易合。 噬膚」,噬齧其肌膚,而深入之也。 然而下有九二剛陽之賢,與之爲應 程傳六以陰柔當睽離之時,而居尊 也。 五雖陰柔之才,二輔以陽剛之 居中得應,故能「亡」之。 六五有柔中之德: 當睽之時,非 以周成 集説

> 情親下也。主,尊之也,下當以分嚴上也。」情親下也。主,尊之也,下當以分嚴上也。」○胡氏炳文裕其合,不可以無正應,時義有不同也。」○胡氏炳文問,睽二變即噬嗑也。或曰:二至上有噬嗑象,二、五屬1,睽二變即噬嗑也。或曰:二至上有噬嗑象,二、五屬1,睽二變即噬嗑也。或曰:二至上有噬嗑象,二、五屬1,睽二變即噬嗑也。或曰:二至上有噬嗑象,二、五以五爲主,其合也有「于巷」之遭。宗,親之也,上當以五爲一人之世則欲其公,不可以有私應,處睽之世則以五爲主,其合也有「于巷」之遭。宗,親之也,上當以 付親下也。主,尊之也,下當以分嚴上也。」

不睽矣。此其所以「悔亡」也,何咎之有?二遇我乎巷,是「厥宗」之來「噬膚」也。我往合之,睽者易通也。如食物然,齧其體骨則難,而噬其膚則易。九案:睽之時「小事吉」者,逕情直行則難合,委曲巽入則

後説之弧,匪寇婚媾,往遇雨則吉。上九,睽孤,見豕負塗,載鬼一車,先張之弧,

吉」,疑盡釋而睽合也。上九之與六三,先睽後合,故其稍釋也。「匪寇婚媾」,知其非寇而實親也。「往遇雨則「載鬼一車」,以无爲有也。張孤,欲射之也。説弧,疑極之地,又自猜很而乖離也。「見豕負塗」,見其污也。

四

疑。 剛之極也。 古。 理。 理 也。 而常孤獨也。 雖有親黨,而多自疑猜,妄生乖離,雖處骨肉親黨之閒 三之正應,實不孤,而其才性如此,自「睽孤」也。 合,剛極則躁暴而不詳,明極則過察而多疑。 象占如此。 則 則殊也。 寇讐,乃「婚媾」也。 欲射之也。疑之者妄也,妄安能常? 睽乖既極,三之所處者正理,大凡失道既極,則必 如升高,高極矣,動則下也,既極則動而必反也。 本 三實无惡,故後説弧而弗射。 極而必反,以近明之,如人適東,東極矣,動則西 無形,而見載之一車,言其以无爲有,妄之極也。 不 故上於三,始疑而終必合也。 既惡之甚,則猜成其罪惡,如見載鬼滿一車也。 其見三如豕之污穢,而又背負泥塗,見其可惡之甚 疑 「往」者,自此以往也,謂既合而益和則吉也。 而 陰陽交而 合,陰陽合 在離之上,用明之極也。 程傳 上之與三,雖爲正應,然居睽極,无所不 上居卦之終,睽之極也。 和暢則爲雨,上於三始疑而睽,睽 此 而 「匪寇婚媾」之語,與他卦同 益 和則爲雨 睽極而反,故與三非復爲 先張之弧,始疑惡而 い, 故 睽極 故終必復於正。 云「往 則 陽 咈 上九有六 剛居上, 遇 戾 上之 如人 而義 反正 雨 而 也。 集 鬼 難 極 物 則

> 鬼滿於一 向之疑心羣起者,至此盡冰釋而亡矣。」 知其非爲寇讐,乃我之婚媾 上睽疑而未敢親近乎三,如見豕背之負泥塗。 也。 通,睽極則和也。」〇丘氏富國曰:「上本與三應,不孤 曰「既雨既處」、《睽》之上九曰「往遇雨則吉」者,畜極 然後睽,睽則愈疑。」○《朱子語類》云:「《小畜》之上 説耿氏南仲曰: 睽極而疑生,故亦曰「睽孤」。 車之中,始焉致疑則張弧,終焉釋疑則説弧, 「凡物之情,信然後合。 也。 自 此以 豕、鬼,皆指三也。 往,陰陽和暢 合則愈信,疑 又如載 則 九

二委曲以求遇,至五【往何咎」,而二、五合矣。 必合矣。 於推誠守正,委曲 終」,即上之張弧 之「遇主于巷」,即五之「厥宗噬膚」也,三之「无 象,初之「喪馬」、「自復」,即四之「睽孤,遇元夫」也。 未有終睽也。」〇吴氏曰慎曰:「六爻皆取先睽後合之 曳」、「牛掣」、至上「遇雨」、而三上合矣。天下之理、固 有所應。 總論馮氏當可曰: 初「喪馬勿逐」,至四「遇元夫」,而初、四合矣。 「遇雨」也。 含弘,而 「内卦皆睽而有所待,外 無私意猜疑之蔽 合六爻處睽之道而 ,則雖 卦皆反 初 睽 在

有

而

丽

蹇者,難也。」睽乖之時,必有蹇難,蹇所以次睽也。 故爲蹇也 險阻之義,故爲蹇難。 程傳蹇,《序卦》:「睽者乖也,乖必有難,故受之以蹇, 也。 險在 前而止,不能進也。 爲卦坎上艮下。 前有險陷,後有峻 坎,險也。 蹇, 阻 艮

蹇,利西南,不利 東北 ,利見大人,貞吉。

方也。 有大人之象。 也,故其占又曰「利見大人,貞吉」。 而「不利東北」。 往居五而得中,退則人於艮而不進,故其占曰「利西南 上,見險而止,故爲蹇。「西南」平易,「東北」險阻,又艮 本義「蹇」,難也。 程傳「西南」,坤 止,而又不可終於止,處險者利於進,而不可失其正也。 又必守正,然後得「吉」。 方在蹇中,不宜走險。又卦自小過而來,陽進則 自二以上五爻,皆得正位,則又貞之義 方。 當蹇之時,必見「大人」,然後可以濟 足不能進,行之難也。爲卦艮下坎 坤, 地也,體順 而卦之九五,剛 圃 蓋見險者貴於能 易。 「東北」,艮 健中 Ė

> 也。」 則動乎險中,難可圖也。 則難解,之山則道窮。」〇范氏仲淹曰:「蹇與屯近,然屯 應以濟外,餘皆不宜往而宜止。 ○龔氏焕曰:「蹇以見險而能止得名,故爻辭除二、五 集説王氏弼曰:「「西南」,地也。 守,人於邪濫,雖使苟免,亦惡德也,知義命者不爲也 難不解,不失正德,是以「吉」也。 守,故「貞」則「吉」也。 故「利見大人」也。 益甚矣。蹇難之時,必有聖賢之人,則能濟天下 之地,不利止於危險也。 「利西南」、「利見大人」,以濟蹇難,而諸爻皆無 濟難者,必以大正之道,而堅 凡處難者,必在乎守貞正。 蹇則止乎險中,難未可犯也。」 處順易則難可舒,止於險則 然事無終止之理,故 「東北」,山也。 若遇難而不能 之難 之平 固 凶 設 固 其 咎 其 相 使

北方。 安者也。 者宜來而不宜往者也。 辭申焉。 觀之,所謂「西南」者,西方、南方,所謂「 之,故謂西南屬地而平易,東北屬山而險阻。 案:《易》「西南」、「東北」之義,先儒皆以坤、艮二卦 非指兩隅而言也。 參之諸卦大義 然則 「西南」當爲退後之位,「東北」當爲進前 解或可以有往,而終以來復 ,則坤者宜後而不宜先者也,蹇 此義自坤 卦發端,而蹇解象 東北」者,東方、 然以文意 爲 釋

方。

艮,山

也

體

止

而 險。

在

蹇難之時,利於順處乎易

御纂周易折中卷五

之方。 也。 陽居「東北」,陰居「西 然曰「利西南」者,終以退復自治爲安也。 喪朋」。 ,似非險易之説也 難既解矣,或可以有進往,故無「不利東北」之文。 坤在後之地,則 蹇當退而居後,不可進而居先,此兩卦之義 南」,陽先陰後,陽進陰退,大分如 可 以「得 朋」,在先之地 蓋文王之卦 則 利 於

初六,往蹇來譽。

其蹇可知。 則益人於蹇,「往蹇」也。 上進則爲「往」,不進則爲「來」,説得極好。今人或謂六 語類》: 以待其時,故「往」則遇「蹇」,「來」則得「譽」。」○《朱子 王氏弼曰: 止而不進,是有見幾知時之美,來則有「譽」也。 本義「往」遇險,「來」得譽。 好,只是不往爲佳耳。1.1〇何氏楷曰:「此卦中言「來 六「往蹇來碩」是來就五,亦説得通。 四「往蹇來連」是來就三,九三「往蹇來反」是來就二,上 居最下,無可來之地,其説不得通矣。 「問:「往蹇來譽。」曰:「來往二字,惟程《傳》言 來者對往之辭,上進則爲往,不進則爲來。 「處難之始,居止之初,獨見前識,覩險而 當蹇之時,以陰柔无援而進, 程傳六居蹇之初,往進 但初六「來譽」,則 故不若程《傳 集説 止

> (1)(1)(1)([](系]系](E)(另之)女。 去險最遠,其止最先,獨見前識,正《傳》之所謂智也。」 者,皆就本爻言,謂來而止於本位也。對往之辭,初六

六二,王臣蹇蹇,匪躬之故。

於蹇也。 故也。 《蹇》之六二則曰「王臣蹇蹇,匪躬之故」,所居之時 其才不足以濟蹇也,小可濟,則聖人當盛稱以爲勸矣。 蹇也。二雖中正,以陰柔之才,豈易勝其任? 中正之君所信任,故謂之「王臣」。 德居艮體,止於中正者也。 匪躬之節,蹇之六二在王臣之位而高不事之心,則冒進 集説王氏弼曰:「處難之時,當位居中,以應乎五,執 在大蹇之中,致力於蹇難之時,其艱蹇至甚,故爲蹇於 力而已,至於成敗利鈍則非所論也。 濟之,非以其身之故也。 本義柔順中正,正應在上而在險中,故蹇而又蹇,以 ○韓氏愈曰:『《易・蠱》之上九『不事王侯,高尚其事』, 心不違,志匡王室者也。 ,而所蹈之德不同也。 雖使不勝、志義可嘉、故稱其忠蓋不爲己也。 志在濟君於蹇難之中,其「蹇蹇」者,非爲身之 故曰「王臣蹇蹇,匪躬之故」。」 不言吉凶者,占者但當鞠躬 若蠱之上九居無用之地 與五相應,是中正之人,爲 雖上下同德,而 程傳二以中正之 所以 一而致 Б. 不

濟,而誰當任乎?」 一定,所謂自己,與與,志不可則,而尤不終無矣。」○蘇 之辭者,二爲王者之大臣,五履大君之正位,復不往以 之辭者,二爲王者之大臣,五履大君之正位,復不往以 之辭者,二爲王者之大臣,五履大君之正位,復不往以 之辭者,二爲王者之大臣,五履大君之正位,復不往以 之辭者,二爲王者之大臣,五履大君之正位,復不往以 之辭者,二爲王者之大臣,五履大君之正位,復不往以 之辭者,二爲王者之大臣,五履大君之正位,復不往以 之辭者,二爲王者之大臣,五履大君之正位,復不往以 之辭者,而誰當任乎?」

九三,往蹇來反。

主,所謂「見險而能止」者,故來而能反,止於其所。」主,所謂「見險而能止」者,故來而能反,止於三,是爲下所下體之上,當蹇之時,在下者皆柔,必依於三,是爲下所下體之上,當蹇之時,在下者皆柔,必依於三,是爲下所下體之上,當蹇之時,在下者皆柔,必依於三,是爲下所下體之,故平爲反其所也,稍安之地也。 集説孔氏二陰所喜,故來爲反其所也,稍安之地也。 集説孔氏二陰所喜,故來爲反其所安。 程傳九三以剛居正,處本義反就二陰,得其所安。 程傳九三以剛居正,處本義反就二陰,得其所安。 程傳九三以剛居正,處本義反就二陰,得其所安。 程傳九三以剛居正,處本義反就二陰,得其所安。 程傳九三以剛居正,處本

於其所」。以孔子《象傳》觀之,則《傳》、《義》理長,蓋三案:《傳》、《義》以反爲「反就二陰」,孔氏、吴氏則謂「止

六四,往蹇來連。

本義連於九三,合力以濟。程傳往則益人於坎險之本義連於九三,合力以濟。程傳往則益人於坎險之 完所從附也,故曰「來連」。來則與在下之衆相連合也, 是與下同志, 相比相親者也。二與初同類,相與者也。是與下同志, 相比相親者也。二與初同類,相與者也。是與下同志, 相此相親者也。二與初同類,相與者也。是與下同志, 是與下同志, 是與下同志, 是與下同志, 是與下同志, 是與下同志, 是與下同志, 是與下同志, 是與下同志, 是與下同志, 是與下同志,

與四並論也。

平! 若三則於五無承應之義,而爲内卦之主,固不當承九五,無不著其美於爻象者,況蹇有「利見大人」之文案:荀氏以「來連」爲承五,極爲得之。《易》例,凡六四案:荀氏以「來連」爲承五,極爲得之。《易》例,凡六四

九五,大蹇朋來。

也。當蹇而又在險中,亦爲「大蹇」。大蹇之時而二在矣。程傳五居君位而在蹇難之中,是天下之「大蹇」正之德,必有朋來而助之者。占者有是德,則有是助本義「大蹇」者,非常之蹇也。九五居尊,而有剛健中

能也。 下以中正 也。 也。 之李晟是也。 濟大難者,則有矣,劉禪之孔明,唐肅宗之郭子儀,德宗 助者,湯、武得伊、吕是也。 之中正,固有助矣。 中,非得剛陽中正之臣相輔之,不能濟天下之蹇也。 曰:未足以 正之臣相輔,其助豈小也? 助之而已,故不能成大功也。 類是也。 蹇、聖人又慮天下皆不往、蹇無由出矣。二、五君臣 蹇,只是 之中,而當五位,故曰「大蹇」。」〇《朱子語類》: 羣力,乃可濟也。」□○胡氏炳文曰:「諸爻皆以「往」爲 蹇」,所謂遺大投艱于朕身。 來」之義。 蹇九五何故爲「大蹇」?」曰:「五是爲蹇主。 蓋臣賢於君,則 故凡六居五、九居二者,則多由助而有功,蒙、泰之 自古聖王濟天下之蹇,未有不由聖賢之臣爲之 一事,至大蹇須人主當之。」〇「又問「大蹇朋 |相應,是其朋助之來也。 九居五,六居二,則其功多不足,屯、否之類是 曰:「處九五尊位,而居蹇之中,所以爲「大 濟蹇也。 雖賢明之君,苟无其臣,則不能濟於難 欲以陰柔之助,濟天下之難,非 「輔君以君所不能,臣不及君,則 以剛陽中正之君,而方在大蹇之 中常之君得剛明之臣,而 人君當此,則須屈羣策,用 得「朋來」而无吉,何 集説干氏寶曰:「在 方天下之蹇,而 凡人臣之 間 也? 得 復 險 誊 所 能 中

> 不往, 誰 當 往 乎? 是以 於二曰 「蹇 蹇」, 於五日「大

蹇」。」

五相爲賓主之例也。 子之忠貞,而益廣其「朋來」之助。 艱難,而益致其匪躬之節。 稱「朋來」者,指二也。 之應,莫重於二、五,故二之稱「王臣」者,指五也,五之 以應五,而固其不遯之志也。 不得辭,而於義無所避。 案:二、五獨無「往」「來」之文,蓋君臣相與濟蹇者,其責 推之蒙、師諸卦、無不皆然 如在下者占得五,則當念國事之 猶之遯卦諸爻皆「遯」,六二獨 如在上者占得二,則當諒臣 胡氏之説得之。凡《易》 正如朱子説乾卦二、

上六,往蹇來碩,吉,利見大人。

紓矣。 也。 矣。 剛陽之助,可以紓蹇而已。 道,阨塞窮蹙。「碩」,大也,寬裕之稱。 不往而來,從五求三,得剛陽之助,是以「碩 濟蹇,則有碩大之功。「大人」,指九五。 本義已在卦極,往无所之,益以蹇耳。 非剛陽中正,豈能出乎蹇也? 程傳六以陰柔居蹇之極,冒極險而往,所以蹇也。 蹇之極有出蹇之道,上六以陰柔,故不得出,得 在蹇極之時,得舒則爲「吉 「利見大人」,蹇極 來則寬大,其蹇 來就九五,與之 曉占者宜 也。 蹇之 一如是

類是也。

惟是卦有「利見大人」之文,而以九五爲義者」

其濟蹇之功,而上六利見之,何也? 曰: 之時,見大德之人,則能有濟於蹇也。「大人」,謂五,以 以其居坎險之中,无剛陽之助,故无能濟蹇之義。在上 相比發此義,五剛陽中正而居君位,大人也。 然皆未能出於蹇,故未足爲吉。惟上處蹇極而得寬裕, 爻皆不言「吉」,上獨言「吉」者,諸爻皆得正,各有所善, 義不同,如屯初九之志正,而於六二則目之爲寇也。諸 六蹇極,而見大德之人則能濟於蹇,故爲利也。各爻取 以不來爲「往」耳。 蹇極有可濟之理。1○項氏安世曰:「上六本無所往,特 乃爲「吉」也。 一吉」,蓋未離乎蹇中也。 集 説《朱子語類》云"「諸爻皆不言 初六本無所來,特以不往爲「來」 至上六『往蹇來碩、吉』,卻是 在五不言, 在五不言

多。蓋以漸染於陰,爲剛中正之累,大過、咸、夬、兑之來下柔故耳。至於以上六遇九五,吉者絶少,而凶吝者是也。然隨以九五遇上六,亦取下賢之義,則以卦義剛賢之義,則必六五遇上九乃可,大有、大畜、頤、鼎之類賢之義,則必六五遇上九乃可,大有、大畜、頤、鼎之類案:《易》卦上與五雖相比,然無隨從之義者,位在其上,案:《易》卦上與五雖相比,然無隨從之義者,位在其上,

人」者,惟此而已。

人」者,惟此而已。

本書、「大人」矣。而上九以剛遇剛,則不相從也。《升》象亦言「用見大人」矣,而卦無九五,故言用見以別之。獨蹇、萃之象,以九五爲「大人」,而遇之者上六也。以柔蹇、萃之象,以九五爲「大人」,而遇之者上六也。以柔為」,難極則解也。乾卦二、五而外,爻辭言「利見大人」矣,而上九以剛遇剛,則不相從也。《升》象亦則散,難極則解也。乾卦二、五而外,爻辭言「利見大人」者,惟此而已。

御纂周易折中卷五

二九

御纂周易折中卷六

震坎上下

解散之時也。 解。」物无終難之理,難極則必散。解者,天下患難險也,故爲患難解散之象。又震爲雷,坎爲雨,雷雨之也。爲卦震上坎下,震,動也,坎,險也,動於險外,出乎解。」物无終難之理,難極則必散。解者散也,所以次蹇程傳解,《序卦》:「蹇者難也,物不可以終難,故受之以程傳解,《序卦》:「蹇者難也,物不可以終難,故受之以

解,利西南,无所往,其來復吉,有攸往,夙

吉。

安静。若尚有所往,則宜早往早復,不可久煩擾也。故利於西南平易之地。若「无所往」,則宜來復其所而其卦自升來,三往居四,人於坤體,二居其所而又得中,其卦自升來,三往居四,人於坤體,二居其所而又得中,其十十二

氏穎達曰:

「褚氏云:

世

有

無事求

功,

故

誡

以無

難

生。 也。 程傳 爲吉也。 難而濟厄者也。 大,故「夙」則「吉」也。 未盡者,不早去則將復盛。 往,夙吉」,謂尚有當解之事,則早爲之乃吉也。 維持而已,故不能成善治,蓋不知來復之義也。「有攸 久可 繼之治。 自古聖王救難定亂,其始未暇遽爲也。 當脩復治道,正紀綱,明法度,進復先代明王之治,是 當解之事也。夫天下國家,必紀綱法度廢亂,而後禍患 往」謂天下之難已解散,无所爲也。「有攸往」謂尚有所 從寬易也。「无所往,其來復吉,有攸往,夙吉。」「无所 大簡易,乃其宜也。 方解,人始離艱苦,不可復以煩苛嚴急治之,當濟以寬 來復」也,謂反正理也,天下之「吉」也。 聖人既解其難,而平安无事矣。 湯除桀之虐而以寬治,武王誅紂之暴而反商政,皆 「西南」, 無難則能復其中,有難則能 自漢以下,亂既除,則不復有爲,姑隨時 坤 以解來復則不失中,有難而往 方。 如是則人心懷而安之,故利於西 坤 集説王氏弼曰: 之體, 事之復生者,不早爲則將漸 廣大平易。 是「无所往」也,則 濟其厄也。」〇孔 既安定,則爲可 「解之爲義,解 其,發語 當天下之難 一則以 當解而 南 速

皆可見矣。 皆可見矣。 皆可見矣。 皆可見矣。 皆可見矣。

初六,无咎。

意。 卦義矣。義明故辭寡。 案: 彖「利西南」者,處後也。 以柔在下,則能安静而不生事以自擾,何咎之有?」 字,其言甚簡,象在爻中,不復言也。」〇蔡氏清曰:「初六 亡』、《大壯》九二『貞吉』、《解》初六『无咎』,三爻之占只二 之宜。患難既解,安寧无事,唯自處得宜 剛,以陰應陽,柔而能剛之義,既无患難,而自處得剛柔 故其占如此。 吉』之義,故「无咎」也。」○胡氏炳文曰:「《恒》九二「悔 矣。方解之初,宜安静以休息之。爻之辭寡,所以 本義難既解矣,以柔在下,上有正應,何「咎」之有? 集説郭氏雍曰: 程傳六居解初,患難既解之時,以柔居 「處解之初,得「无所往,其來復 初應剛承剛而處其後,得 ,則爲「无咎 示

九二,田獲三狐,得黄矢,貞吉。

天下小人常衆,剛明之君在上,則明足以照之,威足以傳九二以陽剛得中之才,上應六五之君,用於時者也。爲去邪媚而得中直之象。能守其正,則无不吉矣。 程為去邪媚而得中直之象。能守其正,則无不吉矣。 程

邪。 哉 ! **⊟** 之事,「狐」者邪媚之獸,「三、狐」指卦之三、陰,時之小人 戒,慮其 懼 无由行矣。桓敬之不去,武三思是也。 「黄矢」,謂中直也。 直之道,乃「貞」正而「吉」也。「黄」,中色。「矢」,直物。 也。「獲」謂能變化除去之,如田之獲狐也,獲之則得中 去小人,則可以正君心,而行其剛中之道。 蔽,其威易犯,其斷不果而易惑,小人一近之,則移其心 能 以處小人然後可。然非柔者所能辦,又非剛而過者所 楷曰:「天下之難,率自小人始。 勝君子之介、《詩》曰:「有兔爰爰,雉離于羅。」」○何氏 人君亦何利於天下之多難,而樂於近小人以疏君子 而去「小人」之象居其五。 「解拇」,五欲其退『小人』,六欲其「射隼」。 一卦六爻, 之,剛 脱辦也。 況難方解而治之初,其變尚易。二既當用,必須能 「當解之時,此爻欲其獲狐,三戒其「致寇」,四欲其 《易》曰:「田獲三狐,得黄矢。」世之亂也,小人以狡 」○王氏應麟曰:「世之治也,君子以直勝小人之 有 足以斷之,故 九二以陽居陰,秉剛中之德,果而不激,故有 閒 而害正也。 羣邪不去,君心一入,則中直之道: 小 人不 六五以陰柔居尊位,其明易 然則召天下多難者 敢 欲解天下之難者,必有 用 其情。 集説楊氏萬里 「田」者去害 然 猶 1誰乎? 常 存 警

得矣。」『田獲三狐』之象。「黄矢」所以取狐,狐獲則「黄矢」亦

六三,負且乘,致寇至,貞吝。

致寇奪之至。雖使所爲得正,亦可鄙吝也。 非其位,猶小人宜在下以負荷,而且乘車,非其據也,必 唯避而去之,爲可免耳。 而與之,以至爲衆人所奪而致寇戎之害也。」 然而小人得在高位者,蓋在上之人慢其名器,不辨賢否 之。」〇胡氏瑗曰:「六三以不正之質,居至貴之地,是小 之上而負物也。 君子之器也,「負」者小人之事也。 下之上,猶小人宜負而反乘,當致寇奪也。 若能之,則是化爲君子矣。三陰柔小人,宜在下而反處 「吝」也。若能大正則如何? 盛位,雖勉爲正事,而氣質卑下,本非在上之物,終可 而小人竊位,復致寇矣。 本義《繁辭》備矣。「貞吝」,言雖以正得之,亦可羞也。 人在君子之位也。 故寇盜知其非己所有,於是競 故致寇盜之至,爲害於己而奪取之。 程傳六三陰柔居下之上,處 集説孔氏穎達 曰"大正非陰柔所能 施之於人,即 曰:「「乘」者 難解之時 小人而 在 欲 車 也 騎 竊 奪

案:《繫辭傳》釋此爻云「盜斯奪之」者,奪負乘之人也。

六五,君子維有解,吉,有孚于小人。

家也。 下肆其貪竊,則是下暴,如「冶容」之「誨淫」。 夫是以賊 又云「盜斯伐之」者,非伐負乘之人,乃伐上慢下暴之國 蓋上褻其名器,則是上慢,如「慢藏」之「誨盜」。

九四,解而拇,朋至斯孚。

民興而國家受其害,難又將何時而解乎?

卦也。 君子之朋至而相信矣。 本義「拇」,指 謂遠之爲解。 矣。斥去小人,則君子之黨進而誠相得也。 而微者,謂初也。居上位而親小人,則賢人正士遠 承六五之君,大臣也。而下與初六之陰爲應,「拇」在下 以正者也。 不解,則君子之朋雖至,彼必肆其離閒之術矣。」 之下而應於己,故曰「拇」。」〇何氏楷曰:「解,去小人之 小人,則己之誠未至,安能得人之孚也? 初六之陰柔,則陽剛君子之朋來至而誠合矣。 不解去 「拇」,足大指也。 卦惟二、四兩陽爻,皆任解之責者。 『而』,汝也。 然四陽初陰,其類不同,若能解而去之,則 初。 集説劉氏牧曰:「「拇」謂初也。 九四居近君之位,苟暱近比之小人而 初與四皆不得其位而相應,應之不 程傳九四以陽剛之才,居上位 初六其應,故 四能解 居下體 去 退

也。 則枉者直,而不仁者遠矣。 惡。往往國家有舉錯而小人未革心者,未信之也。信 亦信之也。君子信,故樂於爲善。小人信,故化而不爲 蓋「朋至斯孚」者,君子信之也。「有孚于小人」者,小人 案:鄭氏説「有孚于小人」與《傳》、《義》異,而其理尤精。 可以來「君子」。五能解「小人」,亦可驗其能爲君子。」 意。」〇胡氏炳文曰:「卦惟四五言「解」,四能解「小人」, 猶有覬幸之心也。 慮,不復有投隙抵巇之望。惟未孚於小人,此小人所以 信上之所用者必君子,而所解者必小人,則必改心易 矣,吉孰大焉。「有孚」者,世云見驗也。可驗之於小 子通言之、君子所親比者、必君子也。 自進,正道自行,天下不足治也。 人,小人之黨去,則是君子能有解也。 人」也,故「君子維有解」則「吉」也。 去之則「吉」也。 本義卦凡四陰,而六五當君位,與三陰同類者,必解 ·益之戒曰:「任賢勿貳,去邪勿疑。」如使世之小人,皆 程傳六五居尊位,爲解之主,人君之解也。 孚,驗也。 五,解之主也。以其陰柔,故有戒 君子有解,以小人之退爲驗 集説鄭氏汝諧曰: 小人去,則君子進 所解去者,必「小 小人去,則君子 以 君 而

上六,公用射隼于高墉之上,獲之,无不利 之。既獲之,則天下之患,解已盡矣,何所不利? 强者也。 之時也。若出墉外,則是无害矣,復何所解? 之小人。「墉」、墙、内外之限也。害若在内、則是未 故曰「公」,但據解終而言也。「隼」,鷙害之物,象爲害 本義《繋辭》備矣。 曰 不括,是以出而有獲,語成器而動者也。」鶯害之物在 於《繫辭》復伸其義曰:「隼者禽也,弓矢者器也,射之者 上,離乎内而未去也。 於此發明藏器待時之義。夫行一身至於天下之事,苟 而動,故无括結,發而无不利矣。 上,苟无其器,與不待時而發,則安能獲之? 所以解 人也。君子藏器於身,待時而動,何不利之有? 有爲而无成功,或顛覆者,皆由是也。 无其器,與不以時而動,小則括塞,大則喪敗。 之道,器也。 上」,解之極也。 「隼之爲物,果於悖害者也。「墉」,所以衛内而限 上居解極,解道已至,器已成也,故能射而獲 事之當解,與已解之之道至者時也。 解極之時,而獨有未解者,乃害之堅 程傳上六尊高之地,而非君位 云「高」,見防限之嚴而未去者。 括結,謂阻礙。 集説沈氏 故在墉 自古喜 聖人 夫子 如 動 解 外 該 是 之 墉 而

> 也。 也。 謂「其來復吉」,此爻所謂 外攘之具,所謂「藏器於身,待時而動」者也。 之强猛,乘高墉以射之,動而有功矣。 城社,在内之奸也。「隼」者,鷙而翔於坰野,化外之悍 終言之,而不指隼之爲誰,亦可。 本爻之位當王公也。 案:此言「公用」乃《隨》上、《離》上「王用」之例,皆非以 高者。解之既極,尚何俟乎,故「獲之,无不利」。」 「隼」。上以陰柔處震之極,而居一卦之上,是陰鷙而居 氏申子曰:「「隼」指上,以其柔邪謂之狐,以其陰鷙謂之 外卦之上,射于高墉之象也。]○鄭氏汝諧曰:「所 射之,則擬而後動,「動而不括」,「獲之,无不利」矣。 能及。「高墉之上」,在内外之間,據衛限之勢,於此而 「隼」,指上之陰而言也。 「墉」,指上之位而言也。」〇王 「公」者,非上六也。 自二至五,所以解内難者備矣。於是而猶有外來 害在内,小人在君側也。 鄭氏、王氏之説似可從。 言公於此爻,當用射隼之道 有攸往 出乎墉之外,則非射之所 ,夙吉」也 蓋「狐」者,邪 何 則 ? 前四爻所 内脩者 而穴於 或以解 也 在 謂

而免乎險也。」總論徐氏幾曰:「下三爻不言解,上三爻言解,所謂動

乎 ? 益上也。又下爲兑説,三爻皆上應,是説以奉上,亦損下 之義。又澤在山下,其氣上通,潤及草木百物,是損下而 艮上兑下,山體高,澤體深,下深則上益高,爲損下益 損。」縱緩則必有所失,失則損也。 程傳損,《序卦》:「解者緩也,緩必有所失,故受之以 譬諸壘土,損於上以培厚其基本,則上下安固矣,豈非益 在人上者,施其澤以及下則益也,取其下以自厚則損也。 自上九之變也,三本剛而成柔,上本柔而成剛,亦損下益 益上之義。 又下兑之成兑,由六二之變也,上艮之成艮 上之義。損上而益於下則爲益,取下而益於上則爲損。 損者,損下益上之義,益則反是。 取於下以增上之高,則危墜至矣,豈非損乎? 損所以繼解也。 爲卦 故 上

損,有孚,元吉,无咎,可貞,利有攸往

則其占當有此下四者之應矣。 外,剥民奉君之象,所以爲損也。 畫之陰。損兑澤之深,益艮山之高。損下益上,損内益 本義「損」,減省也。爲卦損下卦上畫之陽,益上卦上 程傳「損」,減損也。凡 損所當損,而有孚信

御纂周易折中卷六

損抑其過以就義理,皆損之道也。 損之道必有孚誠,謂 事乎?」 名,其卦辭「有孚,元吉,无咎,可貞,利有攸往」,只承損 差,「可貞」固常行,而利有所往也。 至誠順於理也。 也。《益》卦「利有攸往,利涉大川」亦然,豈專爲益下之 字泛説。言損所當損,人人皆可用,不專指上之損下 有攸往』。」〇蔡氏清曰:「剥民奉君之義,只可用之卦 則損,時益則益,苟當其時,無往而不可,故損益皆「利 曰:「損之道不可以爲正,當損之時,故曰「可貞」。 吉而有咎,非「可貞」之道,不可行也。 不及,或不常,皆不合正理,非有孚也。 損而 順理,則大善而「吉」,所損无過 人之所損,或過或 集説吕氏大臨 非「有孚」則 時 揁 无

曷之用,二簋可用享。

則爲僞矣。 誠敬爲本,多儀備物,所以將飾其誠敬之心,飾過其誠 就中,損浮末而就本實也。 本義言當損時,則至薄无害。 享」。「二簋」之約,可用享祭,言在乎誠而已,誠爲本 損發明其義。 損飾所以存誠也,故云「曷之用,二簋可用 以享祀言之,享祀之禮,其文最繁,然以 聖人以寧儉爲禮之本,故爲 程 傳「損」者,損 過 丽

不在於豐,「二簋」至約,可用享祭。」 曰:「「曷之用,二簋可用享」者,明行損之禮,貴夫誠信, 遠則爲害矣。先王制其本者天理也,後人流於末者人 立則爲害矣。先王制其本者天理也,後人流於末者人 之,本於征討。凡人欲之過者,皆本於奉養,其流之 之。天下之害,无不由末之勝也。峻字雕牆,本於宫 也。天下之害,无不由末之勝也。峻字雕牆,本於宫

孚而行損,程《傳》則因損以致孚,略有不同也。 以致孝乎鬼神,而推之凡事之當損者視此矣。卦義以 甚」薄祭,固因乎時而節損者也。然能積誠盡禮,則可 且可以爲常道而利有所往矣。舉一端以明之,則如「二 且可以爲常道而利有所往矣。舉一端以明之,則如「二 是」薄祭,固因乎時而節損者也。然能積誠盡禮,則可 之、蓋損益者時也,時在當損,不得不損,惟以 案:彖辭自「有孚」以下,泛説損所當損之義,蔡氏之説

初九,已事遄往,无咎,酌損之。

柔,損下益上也。初以陽剛應於四,四以陰柔居上位,下而益上,亦當斟酌其淺深也。程傳損之義,損剛益事而速往以益之,「无咎」之道也,故其象占如此。然居本義初九當損下益上之時,上應六四之陰,輟所爲之本

也。」 損之者,以剛奉柔,初未見親也,故須酌 掌,若廢事而往,咎莫大焉。竟事速往,乃得无咎。 以益之,過與不及,皆不可也。 四之陰柔,賴初者也,故聽於初,初當酌度其宜而損己 享其成功之美,非損己益上也,於爲下之道爲有咎矣。 之爲道,損下益上,如人臣欲自損己奉上。 賴初之益者也。 ○《朱子語類》云:「『酌損之』,在損之初下,猶可 益於上者,事既已則速去之,不居其功,乃无咎也。 下之益上,當損己而 集説孔氏穎達曰:「損 不自以爲功。 而減損之。」 然各有職 以斟 酌 若 所 酌

案: 孔氏説已事之義,謂如學優而後從政之類,於理亦

九二,利貞,征凶,弗損益之。

精。

「凶」矣,守其中乃「貞」也。「弗損益之」,不自損其剛所利在貞正也。「征」,行也。離乎中,則失其貞正而應六五陰柔之君,以柔説應上,則失其剛中之德,故戒益上也。程傳二以剛中當損剛之時,居柔而説體,上益上也。程傳二以剛中當損剛之時,居柔而説體,上本義九二剛中,志在自守,不肯妄進,故占者「利貞」,本義九二剛中,志在自守,不肯妄進,故占者「利貞」,

度,則能益其上,乃益之也。若失其剛貞,而用柔説,適 人,而唯知竭力順上爲忠者,蓋不知弗損益之之義也。 一,而唯知竭力順上爲忠者,蓋不知弗損益之之義也。 也,故占者利於守貞。若征行,則是變其所守而得[凶] 也,故占者利於守貞。若征行,則是變其所守而得[凶] 也,故占者利於守貞。若征行,則是變其所守而得[凶] 也,故占者利於守貞。若征行,則是變其所守而得[凶] 少,是弗損乃所以益之也。桐江一絲,繁漢九鼎,清風 少,是弗損乃所以益之也。桐江一絲,繁漢九鼎,清風 少,是弗損乃所以益之也。 若失其剛貞,而用柔説,適 百百,故事上居,打害比於入後。

升降,而一卦皆成,兩相與也。初、二二陽,四、五二陰, 不義下卦本乾,而損上爻以益坤,「三人行」而「損一 本義下卦本乾,而損上爻以益坤,「三人行」而「損一 相與則專,三則雜而亂,卦有此象,故戒占者當致一也。 相與則專,三則雜而亂,卦有此象,故戒占者當致一也。兩 程傳「損」者,損有餘也。「益」者,益不足也。「三人」, 程傳「損」者,損有餘也。「益」者,益不足也。「三人」, 剛而謂之損,但言其減一耳。上與三雖本相應,由二爻 剛而謂之損,但言其減一耳。上與三雖本相應,由二爻 別而謂之損,但言其減一耳。上與三雖本相應,由二爻 別而謂之損,但言其減一耳。上與三雖本相應,由二爻 別而謂之損,但言其減一耳。上與三雖本相應,由二爻 別而謂之損,但言其減一耳。上與三雖本相應,由二爻 別而謂之損,但言其減一耳。上與三雖本相應,由二爻 以至,則損,一人,一人行,則得其友。

> 也。 也 以不損也。苟精神相孚,意氣相貫,則二人同 乎一也。 精一也。男女精氣交構,則化生萬物。 氣,相交而密,則生萬物之化醇。醇,謂醲厚。醲厚,猶 男女構精,萬物化生,《易》曰:「三人行則損一人,一人 則損一人,一人則得其友。 貫,則羣黨比周固三也,即一人之異亦三也,是皆不可 之爻,乃卦之所以爲損者,故於此言之。]○楊氏啓新 説林氏希元曰:「此爻之辭,兼舉六爻,以三正是當損 以能生也。 行則得其友。]言致一也。」「絪緼」,交密之狀。 天地之 也。夫子又於《繫辭》盡其義曰:「天地絪縕,萬物化醇、 對待,生生之本也。三則餘而當損矣,此損益之大義 同德相比,三與上應,皆兩相與,則其志專,皆爲得其友 曰:「人之相與,惟其心之同而已。 苟精神不孚,意氣不 ,即千百其朋亦兩也,是皆不可以不得者也。」 三雖與四相比,然異體而應上,非同行者也。三人 天地之間,當損益之明且大者,莫過此也。」集 陰一陽,豈可二也,故三則當損,言專致 蓋天下无不二者,一與二相 惟精醇專一,所 心 兩

六四,損其疾,使遄有喜,无咎。

本義以初九之陽剛益己,而損其陰柔之疾,唯速則善,

戒占者如是,則「无咎」也。 也。 其位,以柔納剛,能損其疾也。 使之遗速,則「有喜」而「无咎」。 人之損過,唯患不速! 也,故曰「損其疾」。疾,謂疾病,不善也。損於不善,唯 善以從善也。 之剛陽相應,在損時而應剛,能自損以從剛陽也,損 事而速於益四,四損其陰柔之疾,惟速則「有喜」。不 使之也。」〇胡氏炳文曰:「六四與初九爲應,初方已其 喜」,有喜乃「无咎」也。」○蘇氏軾曰:「「遄」者,初九也 速則不致於深過,爲可喜也。 然,彼方汲汲,此乃悠悠,非受益之道。]〇又曰:「下損 曰:「六四以柔居柔,得初九之陽以爲應,「損其疾」者 己以益上,當使下亦速有所喜,乃「无咎」。」 「損其疾」,則初之從我也易,故『遄有喜』。」○楊氏萬里 初言「遄往」,四言「使遄」,蓋初之「遄」,實四有以 初之益四,損其柔而益之以剛,損其不善 程傳四以陰柔居上,與 集説王氏弼曰"「履得 疾何可久,故速乃『有 初 不

也。兩龜爲朋,十朋之龜,大實也。或以此益之而不能本義柔順虚中,以居尊位,當損之時,受天下之益者六五,或益之,十朋之龜弗克違,元吉。

案,蘇氏、楊氏説,於「使」字語氣亦近是。

辭 之,故「龜筮協從」。」 曰:「汝則從,龜從筮從,卿土從,庶民從,是之謂大同。」 已,雖元龜之靈弗能違,此其所以[元吉]也。 龜,弗克違,元吉。二〇郭氏雍曰:「益之至,豈獨人事而 況於鬼神乎? 宜其益之者至矣,故曰:「或益之十朋之 而下人,則謙受益。時乃天道,天且不違,況於人乎? 益之可必,信然不疑也。」○楊氏時曰:「柔得尊位,虚己 理,雖龜筴不能違也,如此可謂大善之吉矣。古人曰: 衆辭。「龜」者,決是非吉凶之物。 己自盡以益之,故或有益之之事,則十朋助之矣。十, 能虚中自損,以順從在下之賢也。 於損時以中順居尊位,虚其中以應乎二之剛陽,是 六五之「元吉」,猶《洪範》之「大同」也。」○楊氏简曰: 「謀從衆則合天心。」集説 張子曰:「「龜弗能違」,言受 「十朋之龜」,皆從而弗違,天與鬼神祐之也。 「「或」者,不一之辭。 「益之」者,不一也,人心歸之也。 ,其吉可知。 占者有是德,則獲其應也。 衆人之公論,必合正 能如是,天下孰不損 程傳六五 《洪範 鬼神祐 入君

无家。 上九,弗損益之,无咎,貞吉,利有攸往,得臣 所歸

,雖曰 『得臣』,非己所有,蓋以四海爲家。」○《朱子

待損己,然後可以益人也。能如是則「无咎」,然亦必以自損以益人也。然居上而益下,有所謂惠而不費者,不本義上九當損下益上之時,居卦之上,受益之極,而欲

「得臣无家」。 以益於人也,行損道以損於人也。損己從人,徙於義 正則「吉」,而利有所往。 道,其咎大矣。若不行其損,變而以剛陽之道益於下, 者也。上九則取不行其損爲義,九居損之終,損極而當 各因其時。取大者言之,四、五二爻取損己從人,下體 也, 自損益人,及於物也, 行損道以損於人, 行其義也 服之衆,无有内外也,故曰「得臣无家」。 有益矣。 則「无咎」而得其正且「吉」也。 變者也。 三爻取自損以益人,損時之用,行損道以損天下之當損 萬方一軌 曰:「處損之極,損極則益,故曰不「損益之」。「得臣」則 心歸服,「无家」謂无有遠近内外之限也。 在上能不損其下而益之,天下孰不服從? 以剛陽居上,若用剛以損削於下,非爲上之 ,故「无家」也。」○句氏微曰:「上九剛德,爲物 程傳凡損之義有三,損己從人也,自損 惠而不費,其惠廣矣,故又曰 如是則宜有所往,往則 「得臣」謂得人 集説王氏肅 從

語類》云:「「得臣」有家,其所得也小矣。「无家」則可見

其大。」

是。 益。 之規模,與夫獲益之氣象。 仁義之俗成,則其有遺親後君者鮮矣,其爲益孰大於 孚,元吉」者,弗損於下而有益於己,此非有至誠仁愛之 損中有益也。六爻之辭,其以上下體分損益,則根乎 指異者,卦義損下益上,故在下卦爲自損,在上卦爲受 人。此爻之「弗損」,謂損人,「益之」,謂益己。 説,以終其義也。 九二之 「弗損」,謂損己,「益之」謂益 不視爲私屬,皆所謂「得臣无家」,王道之至也。蓋五、 下君而不自利於己, 自其得益之量而言之, 莫匪王臣而 卦義有孚元善之德也。「得臣无家」,則又極言「弗損 心者不能也。蓋黎民之生厚,則所以固本寧邦者至矣。 故「无咎,可貞,利有攸往」之辭,皆與卦同。 案: 卦以損三益上成義,則上者受益之極,卦之主也。 名,其言損所當損而損中有益,則又根乎卦辭! 吉」,則彖所謂「有孚,元吉」者已備。 上二爻,相蒙爲義。五之虚中,既已格乎鬼神而獲「元 然其不損於下者,乃所以自損於己也,此所以合乎 ○卦名以損下益上爲義,卦辭則泛論損所當損 自其弗損之心而言之,爲天 故於此爻,遂究其 其不言「有 辭同 丽 而

■ 異震 上下

理傳益、《序卦》:「損而不已必益,故受之以益。」盛衰程傳益、《序卦》:「損而不已必益,故受之以益。」 」 是上震下,雷風二物,相益者也。 風烈則雷迅,雷激則風器,兩相助益,所以爲益,此以象言也。 異震二卦,皆由器,兩相助益,所以爲益,此以象言也。 異震二卦,皆由器,兩相助益,所以爲益,此以象言也。 吳妻程傳益、《序卦》:「損而不已必益,故受之以益。」盛衰程傳益、《序卦》:「損而不已必益,故受之以益。」盛衰

益,利有攸往,利涉大川。

下。 得名皆就下而不據上者。 説孔氏穎達曰: 畫之陰,自上卦而下於下卦之下,故爲益。卦之九五, 益下曰益,損下益上曰損。 往,而「利涉大川」也。 六二,皆得中正,下震上巽,皆木之象,故其占利有所 本義「益」,增益也。 「利有攸往」。 故取下謂之損,與下謂之益。」」○陸氏贊曰:「損上 益之道可以 「損卦則損下益上,益卦則損上益 爲卦損上卦初畫之陽,益下卦初 程傳益者,益於天下之道也,故 向秀云:"明王之道,志在惠 濟險難,「利涉大川」也。 約己而裕於人,人必悦而奉 下, 集

利」,故利以圖大事而濟大難,天下事有動而後獲益者,案:彖辭與損同,亦不專主損己惠下爲義。蓋「益以興

初九,利用爲大作,元吉,无咎。

不可坐以需時也。

其志,必須所爲大善而吉則无過咎。不能「元吉」,則不 性然无所報效,故「利用爲大作」,必「元吉」,然後得「无 性然无所報效,故「利用爲大作」,必「元吉」,然後得「无 性然无所報效,故「利用爲大作」,必「元吉」,然後得「无 性有爲也,得在上者應從之,則宜以其道輔於上,作大 能有爲也,得在上者應從之,則宜以其道輔於上,作大 能有爲也,得在上者應從之,則宜以其道輔於上,作大 之。 是一之,以 是一之,,以 是一之,,以 是一之,,以 是一之,,以 是一之,,,其 之。 本義初雖居下,然當益下之時,受上之益者也。不可 本義初雖居下,然當益下之時,受上之益者也。不可

必盡善而後「无咎」。若所作不盡善,未免有咎也。」說《朱子語類》云:「初九在下,爲四所任而「大作」者,任,小善不足以稱也,故必「元吉」然後得「无咎」。 集惟在已有咎乃累乎上,爲上之「咎」也。在至下而當大

及此爻,與萃四之辭爲尤著。 「吉无咎」者,皆謂得「吉」而後可以免「咎」。而損彖辭益。非然,則受大益者,乃所以爲大損矣。凡《易》中言往,利涉大川」也。必大爲益人之事,然後可以自受其其辭亦與卦同。「利用爲大作」者,即彖所謂「利有攸案:卦以損四益初爲義,則初亦受益之極,卦之主也,故案:卦以損四益初爲義,則初亦受益之極,卦之主也,故

用享于帝,吉。六二,或益之,十朋之龜弗克違,永貞吉,王

之益,故又爲卜郊之吉占。程傳六二處中正而體柔同。然爻位皆陰,故以「永貞」爲戒。以其居下而受上本義六二當益下之時,虚中處下,故其象占與損六五

則來物,理自然也。故或有可益之事,則衆朋助而益四海之內,皆將輕千里而來告之以善。」夫滿則不受,虛順從,天下孰不願告而益之? 孟子曰:「夫苟好善,則順,有虛中之象。人處中正之道,虛其中以求益,而能

也。 享于帝,吉」,猶言使之主祭而百神享之也。」○鄭氏維 帝。」〇郭氏雍曰:「「或益之」,人益之也。 「十朋之龜弗 求益於人,有不應乎。 祭天,天子之事,故云「王用」 用以享上帝,猶當獲吉,況與人接物其意有不通乎? 有剛陽之應,而以柔居柔,疑益之未固也,故戒能常永 爲固守、求益之至善,故「元吉」也。六二虚中求益,亦 者,蓋居尊自損,應下之剛,以柔而居剛,柔爲虚受,剛 道,非永貞則安能守也? 也。然而質本陰柔,故戒在常永貞固則吉也。 之。「十」者,衆辭。衆人所是,理之至當也。「龜」者, 克享天心,又曰籲俊尊上帝。」 嶽曰:「「王用享帝」,言王用六二以享帝也。古人一德 而享天心,太戊用伊陟而格上帝。]〇李氏簡曰:「『王用 柔順,受益之臣,王用之可以享帝獲吉。 克違」,鬼神益之也。 「王用享于帝,吉」,天益之也。 貞固則吉也。「王用享于帝吉」,如二之虚中而能永貞, 吉」,就六二之才而言。 二中正虚中,能得衆人之益者 占吉凶,辨是非之物。 「天且弗違,況於人與鬼神乎!」□○蘭氏廷瑞曰:「六二 集説 王氏逢曰:「爲臣若是,王者用之,可享上 言其至是,龜不能違也。「永貞 損之六五,十朋之則「元吉 如成湯用伊尹 求益之

龜也。

圭。 六三,益之用凶事,无咎,有孚中行,告公用

信也。 專自任,上必忌疾,雖當凶 乃危地也,故獨爲「益之」以「凶事」之象。 《書》言「用降我凶德、嘉績于朕邦」。」〇蔡氏淵曰:「「凶 危,滿而溢矣。」〇《朱子語類》云:「「益之用凶事」,猶 凶其吉也。 三居下體之上,當震之極,不用凶 也。」〇游氏酢曰:「益則吉矣,而「用凶事」者,所謂吉人 中行,則不獨「无咎」,可以成功。 「圭」者所以 義,故不論其本質也。 剛果於行也。 居陽乃自處以剛也。 陰柔,何得反以剛果任事爲義? 曰:三質雖本陰,然其 圭玉也,其孚能通達於上矣。 圭而使,所以申信也。凡祭祀朝聘用圭玉,所以通達誠 爲不合中行,亦不可也。 圭者通信之物,《禮》云大夫執 專爲而无爲上愛民之至誠,固不可也。 誠,而所爲合於中道,則誠意通於上,而上信與之矣。 行」。」〇蔡氏清曰:「當益之時,概當得益,而居下之上: 事」,困心衡慮之事,在一卦之中,故三、四皆曰「中 「有孚中行」。 有誠孚而得中道,則能使上信之,是猶告公上用 又三陰爻而不中,故發此義。 以此行益,非剛果而何? 應剛乃志在乎剛也。居動之極 集説王氏安石曰:「以至誠而 難,以義 在下而有爲之道,固 在可爲,然必有其孚 雖有誠意,而所 《易》以所勝爲 雖益之而以 或曰:三乃 事則高而 告 成功

「告公」而「用圭」以通信者然。」

爲受益之地。 爲受益之地。 爲受益之地。 與此交與損之六四相反對,損四受下之益者,此交受 就在損四則宜速以改過,在此交則宜緩以通誠,乃有以 就在損四則宜速以改過,在此交則宜緩以通誠,乃有以 然在損四則宜速以改過,在此交則宜緩以通誠,乃益也。 以上之恩榮爲益,而試之諸艱,投之以多難者,乃益也。 以上之恩榮爲益,而試之諸艱,投之以多難者,乃益也。 以上之恩榮爲益,而試之諸艱,投之以多難者,乃益也。 以上之恩榮爲益,而試之諸艱,投之以多難者,乃益也。 以上之恩榮爲益,而試之諸艱,投之以多難者,乃益也。 以上之恩榮爲益,而試之諸艱,投之以多難者,乃益也。 以上之恩榮爲益,而試之諸艱,投之以多難者,乃益也。 以上之恩榮爲益,而試之諸艱,投之以多難者,乃益也。

六四,中行,告公從,利用爲依遷國。

下爲心而合於「中行」,則「告公」而見「從」矣。《傳》本義三、四皆不得中,故皆以「中行」爲戒。此言以益

矣。 」 之剛陽,如是可以益於上也。 時,處近君之位,居得其正,以柔巽輔上,而下順 國者,順下而動也。 下而動也。上依剛中之君而致其益,下順剛陽之才以 依,然後能立。 曰:「周之東遷,晉鄭焉依。」蓋古者遷國以益下,必有所 下者,然非君位,不敢自專,必告於公也,「中行」則見從 行其事,利用如是也。 故「利用爲依遷國」。 上,告於上而獲信從矣。 不中,是不足於中也。 此爻又爲遷國之吉占也。 集説吴氏曰慎曰:「四正主於益 「爲依」,依附於上也。 故云若行得中道,則可以 自古國邑,民不安其居則遷。 以柔巽之體,非有剛特之操, 唯處不得其中,而所應又 程傳四當益 「遷國」,順 **公益於君** 應於初 遷

九五,有孚惠心,勿問,元吉,有孚惠我德。

之象也。 得致之位,操可致之權,苟至誠益於天下,天下受其大 中 而 福,其「元吉」不假言也。「有孚惠我德」,人君至誠益於 物,其至善大吉,不問可知,故云「勿問,元吉」。 本義上有信以惠於下,則下亦有信以惠於上矣,不問 先問民之感不感,是計功利,非誠心惠民者也,安能使 如此然後「元吉」,民皆交孚而惠君之德也。 也。」〇吕氏祖謙曰:「人君但誠心惠民,不須問民之感 問而[元吉]。 焉,惠而不費。惠心者也,信以惠心,盡物之願,固不待 大,莫大於信。 爲惠之大,莫大於心。 集説王氏弼曰:「得位履尊,爲益之主者也。 爲益之 天下,天下之人,无不至誠愛戴,以君之德澤爲恩惠也。 之,則爲德矣,實非有二也。」○鄭氏維繳曰:「損之六 民之樂應乎?」〇蔡氏清曰: 「有孚」之施於下者,在我只爲心,自下之受此施者目 惠我德」,下惠我之德也,而皆「有孚」,上感而下應也 正相應,以行其益,何所不利? 「元吉」可知。 以九五之德之才之位,而中心至誠在惠益於 以誠惠物,物亦應之,故曰「有孚惠我德. 程傳五剛陽中正居尊位,又得六二之 「惠心」,惠下之心也, 以陽實在中,「有孚」 因民所利而利之 苟惠民而 人君居

[王道本於誠意。]] [王道本於誠意。]] [王道本於誠意。]] [三道本於誠意。]] [三道本於誠意。]]

上九,莫益之,或擊之,立心勿恒,凶。

案:「勿問」二字,呂氏説是,觀孔子《象傳》可見。

仇怨。 「立心勿恒」,戒之也。 之」也。 過甚者也。 當速改也。 共惡,故无益之者,而或攻擊之矣。 「立心勿恒,凶」,聖 奪不饜」,聖賢之深戒也。 大矣。欲之甚,則昏蔽而忘義理。求之極,則侵奪而致 取善自益者也。利者,衆人所同欲也。 人者也。以剛處益之極,求益之甚者也。 人戒人存心不可專利。 本義以陽居益之極,求益不已,故「莫益」而「或擊之」。 故夫子曰「放於利而行多怨」,孟子謂「先利則不 「勿」猶無也。 求益無厭,怨者非 集説孔氏穎達曰:「上九處益之極,益之 求益無已、是「立心無恒」者也 程傳上居无位之地,非行益於 云「勿恒」如是,「凶」之道也,所 九以剛而求益之極,衆人所 一,故曰「莫益之,或擊 專欲益己,其害 所應者陰,非

無恒之人,必凶咎之所集。」

義。《書》云「滿招損,謙受益」,兩爻之意相備也。而得益爲義。此爻以處益之終,自益之極,而得損爲莫大焉,不得云受損矣。故損上以處損之終,自損之極克己利下亦可,而爻義不然者,蓋能克已利下,則受益案:卦義損上益下,則上者受損之極者也。若以受損爲

之對,後天序易,其微意蓋可識矣。」と經十一卦,而損居下經十一卦。泰否、損益爲上下經否,否而不泰,亦未有損而不益,益而不損者。故泰居損自泰來者也,益自否來者也。天下之理,未有泰而不損自泰來者也,益自否來者也。

夬,揚于王庭,孚號有厲,告自邑,不利即戎

利有攸往。

備,則有不虞之悔。是尚有危理,必有戒懼之心,則无 辭。程傳小人方盛之時,君子之道未勝,安能顯然以 號其衆,相與合力。然亦尚有危厲,不可安肆,又當先 陰,決之而已。然其決之也,必正名其罪,而盡 過,太過乃如《蒙》上九之「爲寇」也。 衆陽之盛,決於一陰,力固有餘。 之敷文德是也。「邑」,私邑。「告自邑」,先自治也。以 也,必以己之善道勝革之。故聖人誅亂,必先脩己,舜 患也,聖人設戒之意深矣。 使知尚有危道。 辭。君子之道雖長盛,而不敢忘戒備,故至誠以命衆 衰微,君子道盛,當顯行之於公朝,使人明知善惡,故云 正道決去之。故含晦俟時,漸圖消之之道。 治其私,而不可專尚 本義「夬」,決也,陽決陰也,三月之卦也。 「不利即戎」,謂不宜尚壯武也。 「揚于王庭」。孚,信之在中,誠意也。「號」者,命衆之 雖以此之甚盛,決彼之甚衰,若易而无 威 武,則利有所往也。 君子之治小人,以其不善 「即」,從 然不可極其剛至於太 戏兵者强武之事 也。 以五陽去一 今既小人 皆戒之之 從戎,尚 誠以 呼

武也。 也。 曰:「「揚于王庭」,誦言于上也。「孚號」,誕告于下也。 也,不尚剛武而其道益進,乃夬之善也。 去,是小人尚有存者,君子之道有未至也。 事威武也,有自治之道焉。 忘戒懼也。」 窮或爲敵,君子固無時不戒懼,尤不可於小人道衰之時 小人之衰而遂安肆也。 小人之罪明。 「告自邑」,自近而及遠也。」○胡氏炳文曰:「以五陽去 陰,而彖爲警戒危懼之辭不一。蓋必「揚于王庭」,使 夬利往,往而爲乾也。 「利有攸往」,陽雖盛,未極乎上,陰 以至誠呼號其衆,使君子之類合,不可以 有危道焉,不可以君子之盛 復利往,往而爲臨爲泰爲夬 蓋陰之勢雖微,蔓或可滋 集説游氏 雖 故宜進 微, 猶 而 有 往 丽 未

危也。 剛,而 也? 案:以《彖傳》觀之,則「揚于王庭」者,聲罪正辭也。 意 於武斷矣。 號有厲」者,警戒危懼也。 終「孚號有厲」之意,「利有攸往」,是終「揚于王庭」之 神武則存乎不殺也。 曰:雖宣告者衆,而其本則在于自脩。 夫既曰「揚于王庭」矣,則所宣告者衆,而治之務 而又曰「告自邑不利即戎」,意似相反,何 有厲,不指時事,謂其心之憂 蓋 「告自邑,不利即戎」,是 雖治之貴 **「**

初九,壯于前趾,往不勝,爲咎。

咎,不計彼也。 決也,故以勝負言。九居初而壯於進,躁於動者也,故 過也。故「往」而「不勝」,則「爲咎」也。夬之時而往,往 乃在下而居決時, 壯于前進者也。 故其象占如此。 咎」,明非時勢不利也。」 于前趾」,與大壯初爻同。 央之初九,與大壯之初九無異。」〇《朱子語類》云:「「**壯** 有不勝之戒。 之決於行也。 本 畫。」○蔡氏清曰:「其「不勝」者,自爲不勝也,故曰「爲 義「前」,猶進 行而宜,則其決爲是。 陰雖將盡,而己之躁動,自宜有不 集説蘇氏軾曰:「大壯之長則爲夬,故 也。 程傳九陽爻而乾體,剛健在上之物, 當決之時,居下任壯,不勝宜矣。 此卦大率似大壯,只争一 「前趾」,謂進 往而不宜,則決之 行,人 勝 之

九二,惕號,莫夜有戎,勿恤。

極之時,而二處中居柔,不爲過剛。能知戒備,處夬之者,陽決陰,君子決小人之時,不可忘戒備也。陽長將呼以自戒備。而「莫夜有戌」,亦可无患也。程傳夬本義九二當決之時,剛而居柔,又得中道,故能憂惕號

可「勿恤」矣。 集説張子曰:「警懼申號,能「孚號」而至善也。內懷兢惕,而外嚴誠號,雖「莫夜」有兵戎,亦

者也,雖「莫夜有戎」而無憂。」 者也,雖「莫夜有戎」而無憂。」 者也,雖「莫夜有戎」而無憂。」 一三、以必勝之剛,決至危之柔,能自危厲,雖有 成何恤。」 一一知戒懼,故亦「惕號」。蓋必如是而後可免 小人乘閒抵隙之憂,故雖莫夜陰伏之時有兵戎,亦不足 小人乘閒抵隙之憂,故雖莫夜陰伏之時有兵戎,亦不足 小人乘閒抵隙之憂,故雖莫夜陰伏之時有兵戎,亦不足 小人乘閒抵隙之憂,故雖莫夜陰伏之時有兵戎,亦不足 小人乘閒抵隙之憂,故雖莫夜陰伏之時有兵戎,亦不足 。 一一、以必勝之剛,決至危之柔,能自危厲,雖有 其也,雖「莫夜有戎」而無憂。」

也。

也。 事類此。 則能「夬夬」。 小人之時,而己獨與之和,其非可知。 雨」。《易》中言雨者,皆謂陰陽和也。 之,故不與衆同而獨行,則與上六陰陽和合,故云「遇 三與上六爲正應,方羣陽共決一陰之時,己若以私應 任其剛決,「壯于頄」者也,有凶之道也。 者也。三居下體之上,雖在上而未爲最上,上有君而自 之極,剛果於決者也。 愠,无咎。」夬決尚剛健之時,三居下體之上,又處健體 順有凶,獨行遇雨,若濡有愠,君子夬夬,无咎。」亦未安 愠,然終必能決去小人而无所咎也。 雖合於上六,如「獨行遇雨」,至於「若濡」,而爲君子所 衆陽之中,獨與上六爲應,若能果決其決,不係私愛,則 決小人,而剛壯見於面目也。 本義「頄」, 顴也。 當云:「壯于頄有凶,獨行遇雨,君子夬夬,若濡有 程傳爻辭差錯,安定胡公移其文曰:「壯于 謂夬其夬,果決其斷 九三當決之時,以剛而過乎中,是欲 「頄」,顴骨也,在上而未極於上 如是則有凶道矣。 也。 温嶠之於王敦,其 唯君子處斯時 君子道長,決去 雖其私與,當遠 「獨行遇 雨」, 然在

咎」也。 也。 **絶之。若見濡污,「有愠」,惡之色,如此則无過咎** 有。」〇郭氏雍曰:「夬與大壯内卦三爻相類,故初九、九 則「有愠」之者矣。 污也,故曰「若濡」。君子之所爲,衆人固不識。「若濡 順」者也。『夬夬』者,必乎夬之辭也。應乎上六,疑於 焉。」〇王氏安石曰:「九三乾體之上,剛亢外見,「壯于 有沾污之累,内有愠恨之心,然後獲「无咎」者,志有 所以交錯者,由有「遇雨」字,又有「濡」字,故誤以爲連 三健體而處正,非必有是失也,因此義以爲教耳。 云:「君子之去小人,不必悻悻然見於面目。至於「遇 唯君子明「夬夬」之義,則終无咎矣。」○《朱子語類》 用壯言之,則知「壯于順」者,小人之事也,是以「凶」也。 用罔」,而此曰「壯于煩有凶,君子夬夬」是也。 九三皆具君子小人二義,故《大壯》曰「小人用壯,君子 三言「壯」。壯者,小人用剛之事,非大者之壯也。二卦 ○蔡氏清曰:「大意爲君子之去小人,顧其本心何如耳。 雨」而爲所濡濕,雖爲衆陽所愠,然志在决陰,故得「无 故「壯于順」則「有凶」,而和柔以去之乃「无咎」。」 集説陸氏希聲曰:「當君子之世而應小人,故外 蓋九三雖與上六爲應,而以剛居剛,有能決之 和而不同,有「夬夬」之志焉,何咎之 以小人 爻文 也。 存

本心果是要決小人,則雖暫與之合而爲善類之愠,終必本心果是要決小人,則雖暫與之合而爲善類之愠,終必也,故稱「潤」。以其適值而非本心也,故稱「遇」。本非濡也,而迹類之,故稱「若」。或觀其跡而不察其心也,故稱「有愠」。」

九四,臀无膚,其行次且,牽羊悔亡,聞言不

信。

安也。 既處柔,必不能也。 進不前也。「次且」,進難之狀。 則可以行矣。 言若能自强而牽挽以從羣行,則可以「亡」其「悔」。 也。「牽羊悔亡」,羊者,羣行之物。 足,欲止則衆陽並進於下,勢不得安,猶臀傷而居不能 吉矣。「牽羊」者,當其前則不進,縱之使前而隨其後· 之時,志在上進,必不能也。占者聞言而信,則 與衆陽競進而安出其後,則可以「亡」其「悔」。 本義以陽居陰,不中不正,居則不安,行則不進,若不 欲行則居柔失其剛壯,不能强進,故「其行次且」 程傳「臀无膚」,居不安也。「行次且」, 雖使聞是言,亦必不能信用也。 九四以陽居陰,剛決不 牽者,挽拽之義。 然當決 轉 凶 夫 丽

羊使前而隨其後,則羊乃衆君子之象。若就兑羊之象大矣。 集説方氏應祥曰:「「牽羊」之説、《木義》謂讓在它卦九居四,其失未至如此之甚。在夬而居柔,其害過而能改,聞善而能用,克己以從義,唯剛明者能之。

教以自牽其羊,抑其很性,則可以亡悔矣,是亦「壯頄有言之,則羊還是九四。羊性善觸,不至羸角不已。聖人

凶]之意。

九五,莧陸夬夬,中行无咎。 能安坐也。 之可也。 而相背,故皆以「臀」爲象。 案:「臀」者,與陰相背之物也。 則恐犯衆議,是以聞言而多不信也。 則受警戒也易。 聖人於占戒之外,又設爲反辭者,凡人有所憂畏瞻慮 能自制其剛壯故也。 「亡」其「悔」。 若臀有膚,則能安坐矣。「臀无膚」,喻四之不 不能安坐,故「次且」而欲進。 特恐當此時也、聞持重之言而不信耳。 時之可爲,勢之可乘,一則恐失事機,一 苟能制其剛壯,如「牽羊」然,則可 夫相背則勢猶相遠,緩以處 夬四姤三,皆與陰連 「牽羊」,方氏説善。 所以然者,不 體

時,爲決之主,而切近上六之陰,如「莧陸」然,若決而決本義「莧陸」,今馬齒莧,感陰氣之多者。 九五當決之

謂之「遇雨」,五謂之「莧陸」,皆與陰俱行者也。 比於陰 應之,五比之,嫌其不能夬也,故皆以「夬夬」明之。三 項氏安世曰:「「夬夬」者,重夬也。當夬者,上六也。三 氣多之物。藥中用商陸治水腫,其物難乾,其子紅。」〇 是兩物,莧者,馬齒莧。 復生。」小人之類難絶如此。」〇《朱子語類》云:「「莧陸 《本草》云:「一名「商陸」,其根至蔓,雖盡取之,而旁根 陸爲易斷,故取爲象。 行」无過咎矣。不然,則失其中正也。 陸」,今所謂馬齒莧是也,曝之難乾,感陰氣之多者也。 於其「中行」之德爲「无咎」也。「中行」,中道也。 主,而反比之,其咎大矣。 當如是也。 之,而又不爲過暴,合於「中行」,則「无咎」矣。 而能自決以保其中,故可免咎。」 而脆易折,五若如莧陸,雖感於陰而決斷之易,則於「中 六。上六説體,而卦獨一陰,陽之所比也。 程傳五雖剛陽中正居尊位,然切近於上 陸者,章陸,❶一名商陸,皆感陰 集説鄭氏汝諧曰:「「莧陸」, 故必決其決,如「莧陸」然,則 感陰多之物,莧 五爲決陰之 戒占者 一見

■ 「章」,原誤作「草」,今據《朱子語類》改。

行」,柔之用兼濟也。然其包之也以杞,剛之體不失也。其決之也,以「中然其包之也以杞,剛之體不失也。其決之也,以「中喻小人也。時當「含章」則包之,時當「揚庭」則決之。案:此言「莧陸夬夬」,猶《姤》言「包瓜」,皆以細草陰類

上六,无號,終有凶。

衆君子得時,決去危極之小人也。 必「有凶」也。占者有君子之德,則其敵當之,不然反 本義陰柔小人,居窮極之時,黨類已盡,无所號呼,終 曰 號」者,不警也。陽不警,則有以乘之矣。」〇楊氏 无用號咷畏懼,終必「有凶」也。 戒則放逸,逸則失道矣,失道者終於凶。」○蔣氏悌 不戒,不警號,則亦終有凶。 曰:「柔已決去,剛道已長,然不可不敬戒。 苟忽焉不敬 《傳》、《義》說,似爲小人謀,恐只依卦辭「爭號有厲」之 總論徐氏幾曰:「夬,決也。 養禍,則其終必致凶。聖人之情,何嘗慮小人有凶也。」 意,言雖是五陽決去,一陰尚存。 爲君子之計,苟或默然 「《易》爲君子謀,不爲小人謀。 程傳陽長將極,陰消將盡,獨一陰處窮極之地,是 雖未必凶遂至,而既不警 以盛進之五剛,決衰退之 集説蘇氏軾曰:「「无 其勢必須消盡,故 詳味此爻,若 如 簡 生 云

已矣。」

已矣。」

完本,其勢若甚易。然而聖人不敢以易而忽之,故於夬之一卦,丁寧深切,所以周防戒備者,無所不至。」〇襲大趾甚矣。聖人慮其夬決之過,故於爻皆致戒,而以陽居此甚矣。聖人慮其夬決之過,故於爻皆致戒,而以陽居以甚矣。聖人慮其夬決之過,故於爻皆致戒,而以陽居以其之。至人慮其之,故於之。然而聖人不敢以易而忽之,故於夬之矣。」

危懼之心同也。 寒"央之與壯前三爻全相類是已,後三爻先儒未詳説, 事,故《壯》五之「喪羊」,即《夬》四之「牽羊」也。若《壯》 上之「艱」、《夬》上之「號」,則《夬》四之「牽羊」也。若《壯》 上之「艱」、《夬》上之「號」,則戒之始終不忘危懼而已。 上之「艱」、《夬》上之「號」,則戒之始終不忘危懼而已。 等,故《壯》五之「喪羊」,即《夬》四之「牽羊」也。若《壯》 上之「艱」、《夬》五之「夬夬」。若壯之六五,則壯已過而 是之「艱」、《夬》上之「號」,則戒之始終不忘危懼而已。 第知壯之當前者四也,夬之當前者五也,故《壯》四之 案"夬之與壯前三爻全相類是已,後三爻先儒未詳説,

■ 乾巽 上下

姤所以次夬也。爲卦乾上巽下,以二體言之,風行天下。姤,遇也。」決,判也。物之決判則有遇合,本合則何遇,程傳姤,《序卦》:「夬,決也。決必有遇,故受之以姤。

始生於下,陰與陽遇也,故爲姤 天之下者,萬物也,風之行无不經觸,乃遇之象,又 陰

姤,女壯,勿用取女。

遇五剛 如此。 陰可見,而爲五月之卦,以其本非所望,而卒然值之,如 本義姤,遇也。 長壯也。 女德不貞而壯之甚也。 不期而遇者,故爲遇。 氏雍曰:「陽至四、五而後言壯,姤一陰方長即爲壯者 壯至甚。 以戒也。 進之陰,漸壯而敵陽者,是以不可取也。 是之女。「取女」者,欲其柔和順從以成家道。 亦見君子小人之情不同也。」○馮氏椅曰:「古文姤作 女之正,家道敗矣。 文爲姤,《雜卦》猶是古文,鄭本同。] 〇 遘,遇也,亦婚媾也,以女遇男爲象。 程傳一陰始生,自是而長,漸以盛大,是女之將 ,故名爲姤。 陰長則陽消,「女壯」則男弱,故戒「勿用取 故戒之曰"此女壯甚,「勿用取」此女也。」○郭 集説孔氏穎達曰:「姤,遇也。 決盡則爲純乾四月之卦。至姤然後 姤雖一陰甚微,然有漸壯之道,所 施之於人,則是一女而遇五男,爲 遇已非正,又一陰而遇五陽,則 取以自配,必害乎陽,故其象占 王洙《易》改爲今 胡氏炳文曰 女漸壯則失男 此卦一柔而 姤乃方 加

> 「「女壯」,諸家皆以爲一陰有將盛之漸。 本義》以爲

獨當五陽爲壯,蓋卦以陰爲主,陰而爲主,即是壯也。 案"「女壯」之義,非以一陰始生於下爲壯,亦非以一 陰當五陽,已有女壯之象。」

陰

初六,繫于金柅,貞吉,有攸往,見凶,羸豕孚

蹢躅。

得進 卦, 也。 豕,雖未能强猛,然其中心在乎「蹢躅」。「蹢躅」, 甚微,不可忽也。「豕」,陰躁之物,故以爲況。 陽,是見凶也。「羸豕孚蹢躅」,聖人重爲之戒,言陰雖 躅」曉君子,使深爲之備云。 子,則有吉而无凶。 生,静正則吉,往進則凶,故以二義戒小人,使不害於君 也。 之至也。止之以金柅,而又繫之,止之固也。 之當於其微而未盛之時。柅,止車之物,金爲之,堅强 本義「柅」,所以 陰微而在下,可謂「羸 君子小人異道,小人雖微弱之時,未嘗无害君子之 ,則陽剛貞正之道吉也。 陰生,則長而漸盛,陰長則陽消,小人道長也。 止車,以金爲之,其剛可 然其勢不可止也,故以「羸豕」、「蹢 矣。 程傳姤陰始生而將長之 使之進往,則漸盛 然其中心常在乎消陽 知。 固止使不 羸弱之 而害於 跳 陰 制 躑 始

四

可畏也,羸不可忽也。」
可畏也,羸不可忽也。」
「象總一卦而言,則以一陰而當五陽,故於豕爲羸。 壯曰:「彖總一卦而言,則以一陰而當五陽,故於女爲壯。道何所牽制而不敢進,繫之所以防之也。」○胡氏炳文以爲姤者在此一爻,一陰始生,非以「金柅」繫之,則柔以爲姤者在此一爻,一陰始生,非以「金柅」繫之,則柔以爲姤者在此一爻,一陰始生,非以「金柅」繫之,則柔

防其後,能防其後,即所以察於先也。於先之辭也。陰陽消息,循環無端。能察於先,即所以於先之辭也。一陰伏於下,衆未覺其凶矣,而曰「見凶」,察案:一陰窮於上,衆以爲無凶矣,而曰「終有凶」,防其後

九二,包有魚,无咎,不利賓。

重。 害廣矣。故其象占如此。 之在己,故猶可以 其誠心,遇道之乖也。「包」者, 苴裹也。 之陰柔,羣陽在上,而又有所應者,其志所求 比,相遇者也。 本義「魚」,陰物。 之質,鮮克貞固。一之於初,難得其誠心矣。 相遇之道,主於專一。 在他卦則 「无咎」。 二與初遇,爲「包有魚」之象。 初正應於四,在姤則以 程傳「姤」,遇也。 二之剛中,遇固以 若不制而使遇於衆,則 「魚」,陰物之 所遇不 二與初密 誠。 也。 然初 遇 陰 然 其 ·得 柔 爲 爲 制

> 人也。 容,其何咎焉。」 直以兼容之量包之,既不邇之使近,亦不激之使無所 往君子激之也。二曰「包有魚」,則不視小人爲異類,而 字與「繫豕」、「包瓜」同意,古之小人所以亂天下者,往 之於內,而制之使不得逸於外也。]〇何氏楷曰:「[包] 皆能制陰者也。」〇胡氏炳文曰:「「包」,如包苴之包,容 於外。□○李氏開曰:「《剥》之『貫魚』,《姤》之『包有魚』, 者也。「不利賓」,包苴之魚,豈能及賓,謂不可更及外 畜之,如包苴之有魚,則於遇爲「无咎」矣。「賓」,外來 美者,陽之於陰,其所悅美,故取魚象。 「不正之陰,與剛中之二相比,能 遇道當專一,二則雜矣。 包而有之,使其邪不及 集説陸氏希聲曰: 二於初,若能固

乎「不利賓」之戒,未嘗不以陰邪之漸馴爲諄諄也。者,陰陽主卦,皆以近比者爲親切,而處之又有中有不其。然(復),六四之「獨復」,亦不如六二「休復」之爲中焉。故《復),六四之「獨復」,亦不如六二「休復」之爲中焉。故《復),六四之「獨復」,亦不如六二「休復」之爲字。。《夬》五近上,則有「莧陸」之嫌,姤二比初,獨不其。《夬》五近上,則有「莧陸」之嫌,姤二比初,獨不其。《夬》五近上,則有「莧陸」之嫌,姤二比初,獨不其。《夬》五近上,則有「莧陸」之嫌,姤三次相比

《詩》云:「敝笱在梁,其魚魴鰥,齊子歸止,其從如雲。」

此。

程傳包者,所裹畜也。

魚,所美也。

四

與

(初爲正

是不能制之而使及賓之驗矣。

九三、臀无膚、其行次且、厲、无大咎。

本義九三過剛不中,下不遇於初,上无應於上,居則不

之傷,故雖危「厲」而「无大咎」也。程傳二與初既相安,行則不進,故其象占如此。然既无所遇,則无陰邪

遇,三説初而密比於二,非所安也。又爲二所忌惡,其

之時,志求乎遇,一陰在下,是所欲也。故處雖不安,而居不安,若臀之无膚也。處既不安,則當去之。而居姤

「其行」則又「次且」也。「次且」,進難之狀,謂不能遽舍

危懼,不敢妄動,則可以「无大咎」也。非義求遇,固已也。然三剛正而處巽,有不終迷之義,若知其不正而懷

有咎矣,知危而止,則不至於大也。 集 説李氏簡曰:

居則臀在下,故《困》初六言「臀」,行則臀在中,故

《夬》、《姤》三、四言「臀」。」

也。非其位任而欲制之,有危道焉,然於義則无咎。案:「臀无膚」之義,與夬四同。「其行次且」,志欲制陰

九四,包无魚,起凶。

本義初六正應,已遇於二,而不及於己,故其象占如

蓋初六本其正應,當遇而不遇故也。」 下離,必有凶變。 民主夫婦朋友皆在焉。 **豈四之罪乎? 曰:在四而言,義當有咎,不能保其下,** 不中正而失其民,所以凶也。 下,下之離,由己之失德也。 上九以不遇陰而「无咎」,四則「包无魚起凶」, 由失道也,豈有上不失道而下離者乎? 遇之道,君臣 應,當相遇者也。 「无魚」,亡其所有也。 集説吴氏曰慎曰:「九三以不遇陰而 [无大咎], 丽 起者,將生之謂,民心既離,難將作 初已遇於二矣,失其所遇,猶包之 四以下睽,故主民而言,爲上而 四當姤遇之時,居上位而失其 曰: 初之從二,以比近也, 四之失者,不中正 何也 也。 以

魚之所由分也。 (包无魚」之象,何也? 曰:「爾無忿疾于頑。」是包有魚、无陰之任,而德非中正。故一則剛壯而懷愠怒,一則疾惡高犯卦義取女之戒,則其起凶宜矣。《書》曰:「寬而有高犯卦義取女之戒,則其起凶宜矣。《書》曰:「寬而有高犯卦義取女之戒,則其起凶宜矣。《書》曰:「寬而有為之所由分也。

二四三

九五,以杞包瓜,含章,有隕自天。

實之木也。 五以陽剛中正主卦於上,而下防始生必 葉大,處高體大而可以包物者杞也。 倏有之象也。 美,静以制之,則可以回造化矣。「有隕自天」,本无 之陰,其象如此。然陰陽迭勝,時運之常,若能含晦 本義「瓜」,陰物之在下者,甘美而善潰。 屑也。故必含蓄章美,内積至誠,則「有隕自天」矣。 屈如此。 下求賢才,以至高而求至下,猶以杞葉而包瓜,能 也,美而居下者,側微之賢之象也。 之道,故終必有遇。夫上下之遇,由相求也。 瓜皆陰物,二與初遇,故「包有魚」。 无有不遇所求者也。 王遇於漁釣,皆由是道也。 之道,求天下之賢,未有不遇者也。 云自天而降, 言必得之也。 潰,九五陽剛中正,能含晦章美,静以待之,是雖陰陽消 道,猶以高大之杞,而包在地之瓜也。 又其内藴中正之德,充實章美。 程傳九五下亦无應,非有遇也,然得 雖屈己求賢,若其德不正,賢者不 自古人君至誠降屈,以中正 集説 胡氏炳文曰:「魚與 高宗感於夢寐,文 九五尊居君位,而 五與初 美實之在下者瓜 然瓜雖始生而 人君如是,則 「杞」,高大堅 無 杞高木 相 自降 遇 猶 之 而 遇 Щ 章 潰 必

> 聲色,而自有以消患於方萌也。」 林氏希元曰:「「含章」不是全無所事,是用意周密,不動旦瓜熟蒂脱,自杞墜地,故曰「含章」,「有隕自天」。」〇復乎。」〇俞氏琰曰:「「含」即包之謂,其初含蓄不露,一長,時運之常,而造化未有不可回者,姤其將可轉而爲

脩德回天之道。 夫與陰雖無比應,而爲卦主,則有制陰之任焉,故極言案:五爲卦主,而與陰無比應,得卦「勿用取女」之義也。

上九,姤其角,吝,无咎。

與之? 也。 之上,於初陰亦不得其遇,故雖「吝」而亦「无咎」。 不必遇也。」○胡氏炳文曰:「九三以剛居下卦之上,於 非他人之罪也。 相從,和順以相接,故能合也。上九高亢而剛極,人誰 其遇,故其象占與九三類。 本義「角」,剛乎上者也。上九以剛居上而无位,不得 初陰無所遇,故雖「厲」而「无大咎」。 上九以剛居上卦 曰:「上九處姤之窮,與初無遇,雖「吝」,然亦「无咎」,陰 九以剛居上,故以「角」爲象。 以此求遇,固可「吝」也。己則如是,人之遠之, 由己致之,故无所歸咎。 程傳至剛而在最上者,角 人之相遇,由降屈以 集説徐氏幾

此如避

兑上坤下,澤上於地,水之聚也,故爲萃。 萃,萃者聚也。」物相會遇則成羣,萃所以次姤也。 而云「澤上於地」,則爲方聚之義也 程傳萃、《序卦》:「姤者遇也,物相遇而後聚,故受之以 不言澤在地上 爲卦

萃,亨,王假有廟,利見大人,亨,利貞,用大

牲吉,利有攸往。

神,又人必能聚己之精神,則可以至於廟而承祖考也。 假有廟」,言王者可以至乎宗廟之中,王者卜祭之吉占 澤上於地,萬物萃聚之象,故爲萃。「亨」字衍文。「王 本義「萃」,聚也。 物既聚,則必「見大人」而 也。《祭義》曰「公假于太廟」是也。 正,所聚不正,則亦不 坤順兑説,九五剛中而二應之,又爲 能 亨也。 後可以得「亨」。 大牲必聚而後有,聚則 廟所以聚祖考之精 然又必利於

之道,至於「有廟」極也,羣生至衆也 事奠重於祭,故以祭享而言。 萃以不正,則人聚爲苟合,財聚爲悖人,安得亨乎? 之至也。祭祀之報,本於人心。聖人制禮以成其德耳, 莫過於宗廟。故王者萃天下之道,至於「有廟」則萃道 能致其來格,天下萃合人心總攝衆志之道非一,其至大 可以有所往,皆占吉而有戒之辭。 義,彖辭甚明。天下之聚,必得大人以治之,人聚則亂, 故豺獺能祭,其性然也。「萃」下有「亨」字,羨文也。 心莫知其鄉也。 爲之時,萃而後用,是動而有裕,天理然也。 也,當萃之時,故「利有攸往」。大凡興工立事,貴得可 而行,故《彖》云「順天命也」。夫不能有爲者,力之不足 享其豐美,天下莫之與而悔吝生矣。蓋隨時之宜,順理 也,天下莫不同其富樂矣。 若時之厚而交物以薄,乃不 用莫不皆然。當萃之時,而交物以厚,則是享豐富之吉 物聚則争,事聚則紊,非大人治之,則萃所以致争亂 「亨」字自在下,與涣不同。 ·利貞」。 萃者豐厚之時也,其用宜稱,故「用大牲吉」。 而能致其誠敬,鬼神之不可度也。 涣則先言卦才,萃乃先言卦 上交鬼神,下接民物,百 程傳王者萃聚天下 ,而可一其歸仰,人 集説程子 也 故 而

御纂周易折中卷六

二四六

戒

從

應

티: 言。 氏汝騰曰:「陽居五而五陰從之爲比,陽居五與四而四 神,感格祖考之精神,所以爲萃也。」〇何氏楷曰:「「用 昭假烈祖之假,謂感格也。 同德,萬物盛多之時也。」〇龔氏焕曰:「「假」字,疑當作 而萬物覩之時也。 陰從之爲萃,二卦相似。 王肅本有,王弼遂用其説,孔子彖辭初不及此字。」○趙 故立此以收之。」○項氏安世曰:「卦名下元無亨字,獨 大牲吉」承「王假有廟」言,「利有攸往」承「利見大人」 「萃、涣皆立廟,因其精神之萃而形於此,爲其涣散 萃者二陽相比,羣陰萃而歸之,君臣 然比者衆陰始附之初,聖人作 王者致祭於宗廟,以己之精

也。 於神也。「利有攸往」,廣言所行,由見大人而推之,皆 「王假有廟」者,神人之聚也。 以《彖傳》觀之,「利見大人,亨,利貞」爲一事無疑。 「用大牲吉」,廣言羣祀,由假廟而推之,皆所以聚 「利見大人」者,上下之聚

初六,有孚不終,乃亂乃萃,若號,一握爲笑,

所以聚於人也

勿恤往无咎。

本義初六上應九四,而隔於二陰,當萃之時,不能自

呼號以往從之,則正應可合,而無妄萃之咎矣。」○錢氏

亂」而「乃萃」矣,萃其可亂乎哉!

若念有孚之當終,而

自相孚。但孚須有終爲善,如「有孚」而「不終」,則「乃

勉之曰「往无咎」。」○姚氏舜牧曰:「初四相應,此心本

號咷而爲笑樂矣,謂得其所萃也。

故戒之曰「勿恤」,又

握之頃,變

志立曰:「萃與比同,所異者多九四一陽耳。比初無應

也。 笑也。 時,上下相求,若號焉,四必説而應之,則一 曰:「初之於四,相信之志,疑亂而不一也。 有號咷之怨,終得與四萃聚而有懽笑也。]〇王氏宗傳 然,則入小人之羣矣。 正應,則一握笑之矣。「一握」,俗語一團也,謂衆以爲 也。「乃萃」,與其同類聚也。 者也。然當萃時,三陰聚處,柔无守正之節。 占者當如是也。 則衆以爲笑。但 守,是「有孚」而「不終」,志亂 而從其類,乃「有孚」而「不終」也。「乃亂」,惑亂其心 萃聚之世,必上下相求和會,然後必有所濟,故 若能 「勿恤」而 「勿恤」而往從正應,則 程傳初與四爲正應,本「有孚」以相 往從剛陽之正應,則 集説胡氏瑗曰:「「號」,謂 初若守正不從,號呼以 而妄聚也。 「无咎」矣。 若呼號正應, 无過咎。 然居萃之 若捨正 號咷

求

384

始

不

以破涕爲笑,《同人》「先號咷而後笑」者是也。」者,有二陽焉,「不終」於四也。及此時而號以求萃,可曰「有孚」者,一於五也。《萃》初與四應,曰「有孚不終」

轉移之閒,必有和合之喜,故曰「若號,一握爲笑」。中「號」「笑」二字每每相對也。兩「乃」字不同,上「乃」字,處字也,下「乃」字,猶汝也。言「有孚不終」則必亂汝之所萃也。其所以亂之故,則錢氏得之矣。則必亂汝之所萃也。其所以亂之故,則錢氏得之矣。」以亂,是於之義甚合,蓋《易》案:胡氏、王氏、姚氏、錢氏諸説,皆於文義甚合,蓋《易》

六二,引吉,无咎,孚乃利用禴。

矣。 之辭關得失二端者,爲法爲 誠實而下交,故卜祭者有其孚誠,則雖薄物亦可以 本義二應五而雜於二陰之閒,必牽引以萃,乃「吉」而 則 而爲之戒。二雖陰柔而得中正,故雖戒而微辭。 「无咎」。又二中正柔順,虚中以上應。 引吉,无咎」,引者,相牽也。 程傳初陰柔,又非中正,恐不能終其孚,故因其 |與五爲正應,當萃者也。 戒,亦各隨其 人之交,相求則合,相 而相遠,又在羣陰之 九五剛健中正 才 丽 設 凡爻 也 待 オ 祭

誠之謂也。 二與五不相引則過矣。「孚乃利用禴」,孚,信之在中, 豈可量也,是以「吉」而「无咎」也。 閒,必相牽引,則得其萃矣。 著,心志既通,則可以不煩外飾,其道得行矣。 孚信中 進,必在乎誠信相交,心志相接。 得「吉」而「无咎」也。孚,信也。 九五中正之君,必待其君援引於己,然後往之,此所以 子進用,必須有道。六二以陰居陰,履得其中,又上應 不可自媒。以苟媚其君,而幸其時之寵榮也。 凡天下之聚,在誠而已。 外,「用禴」之義也。孚信者,萃之本也,不獨君臣之聚, 飾,專以至誠交於上也。 以誠意交於神明也。「孚乃」者,謂有其孚,則可不用文 亦以中正之道,往與之萃,乃君臣和合也。 牲1爲「吉」,而六二以 誠素著白於幽明之際。]〇王氏宗傳曰: 持不變,引而後往,「吉」乃「无咎」。 立,則雖禴之薄祭,亦可通於神明也。」○張子曰:「能 上下相聚而尚飾焉,是未誠也。 禴,祭之簡薄者也,菲薄而祭,不尚備物,直 「用禴」爲利, 集説 胡氏瑗曰:「君子之進」 以「禴」言者,謂薦其誠而已 五居尊位,有中正之德,二 蓋其中實者,不假飾於 禴,薄祭也。 「无咎者善補過也」, 當萃聚之時,誠信 何也 凡言「利用禴」,皆 「《彖》以「用大 其所共致 備物者,王 君子之 是故君 既

也。 其引而從之,乃「吉」而「无咎」。 蓋聚而不正,則不亨 之,得見大人之義矣。然見大人者,聚必以正,故必待 案:《彖》言「利見大人」,九五者,卦之大人也。 者所以隨其時。 《易》曰:「可用汲,王明並受其福。」《傳》曰: 不援上。」此引字是汲引之引,非援引之引 信,雖用禴可祭矣,況大牲乎! 「孚乃利用禴」者,言相聚之道,以誠爲本,苟有明 「有孚」者,人臣所以 亦根卦義而反其辭也。 通乎上。」 「在下位、 六二應

六三,萃如嗟如,无攸利,往无咎,小吝。

得,故「嗟如」而无所利。 本義六三陰柔,不中不正,上无應與,欲求萃於近而不 咎」也。 戒占者當近捨不正之强援,而遠結正應之窮交,則「无 不得其萃,困然後往,復得陰極无位之爻,亦小可羞矣。 與二則二自以 與,求四則非其正應,又非其類,是以不正爲四所棄也。 咎」也。 下皆不與,无所利也。 欲「萃如」則爲人棄絶而「嗟如」,不獲萃而嗟恨 程傳三陰柔不中正之人也,求萃於人,而人莫 三與上雖非陰陽正應,然萃之時,以類相從,皆 中正應五,是以不正爲二所不與也。 唯往而從上六,則得其萃,爲「无 唯往從於上,可以「无咎」。 也。 故 然 上

> 以柔居 也。 集説吴氏澄曰:「與二陰萃於下,而上無應,故嗟歎不 之,然而「小吝」何也? 三始求萃於四與二,不獲而 之極,故得其萃而「无咎」也。 第無正應,而近比於四,所聚非正,有此小疵耳。」 矣。既曰「无攸利」,又曰「往无咎」,三與四比,則其往 非應非比,而不得其萃,未免有嗟歎之聲,則「无攸利」 可「无咎」。」〇俞氏琰曰:「萃之時「利見大人」,三與五 得志。雖無應而比近九四之陽,苟能往而上求九四,則 往從上六。人之動爲如此,雖得所求,亦可小羞吝也 **捨四可乎?** 三之從四,四亦異而受之,故「无咎」。 體之上,又皆无與,居相 易道變動 應之地, 无常,在 上復 處 人識 説 後 順

三咸三是也。皆因九四有主卦之義者故然 「係丈夫」及此爻是也。其不正而亦以時義相從者,豫 隔體,無相從之義,然亦有以時義而相從者,《隨》三之 案:以《象傳》觀之,吳氏、俞氏之說是也。《易》例三四

九四,大吉,无咎。

萃之時,上比九五之君,得君臣之聚也。 正,故戒占者必「大吉」,然後得「无咎」也。 本義上比九五,下比衆陰,得其萃矣。 下比下 程 傳 體羣 四當

然以陽居陰不

咎」也。 然得爲「大吉」乎,得爲「无咎」乎,故九四必能「大吉」, 道 正,則爲「大吉」,大吉則无咎也。 居陰,非正也。 陰,得下民之聚也。得上下之聚,可謂善矣。然四以陽 然後爲「无咎」也。 由正道而得者,非理枉道而得君者,自古多矣。 吉」安能「无咎」?」 皆比五之一陽,萃四陰皆聚歸五與四之二陽。五曰 [萃 後可以「无咎」。如《益》之初九,在下位而任厚事,亦必 也。」〇項氏安世曰:「無尊位而得衆心,故必「大吉」而 瘁,始終無玷,可免專民之咎。 有位」,以見四之萃非有位也。無尊位而得衆心,非「大 「元吉」而後可以「无咎」也。」○胡氏炳文曰:「比卦五陰 而得民者,蓋亦有焉。 大爲周遍之義,无所不周,然後爲大,无所不 雖得上下之聚,必得「大吉」,然後爲「无 集説房氏喬曰:「「大吉」謂匪躬盡 如齊之陳恒,魯之季氏是也。 有謂立大功可免咎者非 夫上下之聚,固 非理枉 |有不

者當如是也。程傳九五居天下之尊,萃天下之衆,而若有未信,則亦脩其「元永貞」之德而「悔亡」矣。戒占本義九五剛陽中正,當萃之時而居尊,固「无咎」矣。九五,萃有位,无咎,匪孚,元永貞,悔亡。

之。 也。 服,而「悔亡」矣。「元永貞」者,君之德,民所歸也。 爲有其位矣,得中正之道,无過「咎」也。 君臨之,當正其位,脩其德,以陽剛居尊位稱其「位」矣。 乃无匪孚而其[悔亡]也。 「首出庶物」、君長羣生、有尊大之義焉、有主統之義焉。 遠近昏明之異,故其歸有先後。 位,又有其德,中正无過咎,而天下尚有未信服歸附者: 比天下之道,與萃天下之道,皆在此三者。 至也。故必「元永貞」而後「悔亡」。」○《朱孒語類》: 之人,容有言曰:"上之人但以位而萃我也,而其道則未 是道,則天下不我信者,亦衆矣,故曰「匪孚」。 萃之主,莫大於有其位,尤莫大於有其道。 而又恒永貞固,則通於神明,光於四海,无思不服矣。 也。所謂德,「元永貞」之道也。 蓋其道未光大也,「元永貞」之道未至也,在脩德以 而未歸者,則當自反以脩其「元永貞」之德,則无思不 ·問:「九五以陽剛中正,當萃之時,而居尊位,安得又有 匪孚」?』曰: 如苗民逆命,帝乃誕敷文德。 集説 王氏宗傳曰:「五,萃之主也。當萃之時,爲 「此言有位而無德,則 所謂悔,志之未光,心之未慊 元,首也,長也,爲君德 既有未歸,則當脩 舜德非不至也,蓋 雖萃 如是而有不信 有是位而無 王者既有其 而不能使人 謂天下 故 德 有 來

也。」」信,故人有不信,當脩其「元永貞」之德,而後「悔亡」

悔亡」,即所謂「原筮,元永貞,无咎」也。與比象亦略同也。故其「元永貞」之辭亦同。「元永貞、案:萃九五居尊以萃羣陰,與比略同。卦象澤上於地、

上六,齎咨涕洟,无咎。

四字,乃極言怨艾求萃之情,故終得萃而「无咎」。」 萃極將散,而不得所萃,乃不得於君親者。「齎咨涕洟. 謂孤臣孽子也。] 〇黄氏淳耀曰:「上乃孤孽之臣子也 六,亦以萃之最後而有未安者。故其憂懼若此,此正所 照「後夫凶」看,比之上六,以比之最後而凶。 至嗟涕,真小人之情狀也。 至於「齎咨」而「涕洟」也。 説高位而處之,天下孰肯與也。 此,而後可以「无咎」也。 本義處萃之終,陰柔无位,求萃不得,故戒占者必 由己自取,又將誰咎。爲人惡絕,不知所爲,則隕獲而 程傳六,說之主。陰柔小人, 「齎咨」,咨嗟也。人之絶之, 集説方氏應祥曰:「此爻 求萃而人莫之與,其窮 萃之上 如

同例,故尚有積誠求萃之理也。故遂以上六當之。此彖有「利見大人」之辭,正與蹇卦此則「齎咨涕洟」而「无咎」者,《比》彖有「後夫凶」之辭,

員 坤巽 上下

中,長而益高,爲升之象也。

举也。爲卦坤上巽下,木在地下,爲地中生木,木生地以升。」物之積聚而益高大,聚而上也,故爲升,所以次於以升。」物之積聚而益高大,聚而上者謂之升,故受之程傳升、《序卦》:「萃者聚也,聚而上者謂之升,故受之

升,元亨,用見大人,勿恤,南征吉。

也。 進則「吉」也。「南征」,前進 之善,故「元亨」也。 順,九二剛中而五應之,是以其占如此。 本義「升」,進而上也。 程傳升者,進而上也。 用此道以見「大人」,不假憂恤,前 卦自解來,柔上居四,内巽外 也。 升進則有亨義,而 集説代氏淵曰: 「南征」,前 以 卦 才 進

爻無此人,故不云「利見」。」

比相似。然所比者陰也,民也。所有者陽也,賢也。鼎而非戒辭者,升也。歷選《易》卦,惟此三者,蓋大有與案:卦直言「元亨」而無他辭者,大有、鼎也。雖有他辭

之倫也。

方氏以比上相照亦是。

然《比》上直曰「凶」,

案: 方氏、黄氏之説得之、蓋不止孤臣孽子,乃放臣屏子

案:

此「允升」允字,當與《晉》之「衆允」同義。

蓋不獲上

也。不曰「利見大人」而曰「用見」,代氏之説得之。得時之卦莫盛於此三者,故其象皆曰「元亨」,而無戒辭者,賢之無所阻礙而登者也。易道莫大於尚賢,而賢人也。升與漸相似,然漸者,賢之有所需待而進者也。升與井相似,然「往來井井」者,民也。「大烹以養」者,賢與井相似,然「往來井井」者,民也。「大烹以養」者,賢

初六,允升,大吉。

本義初以柔順居下,異之主也。當升之時,異於二陽, 大焉。 集説 王氏申子曰:「以柔而升,乃「大吉」也。 一次之下,又巽之主。上承於九二之剛,巽之至者也。二以 一次之至,唯信從於二,信二而從之同升,乃「大吉」也。 一次之之,此應於君,當升之任者也。「允」者,信從也。 一次之之,此應於君,當升之任者也。「允」者,信從也。 一次之業異,唯信從於二,信二而從之同升,乃「大吉」也。 一次之業異,唯信從於二,信二而從之同升,乃「大吉」也。 以柔居下,即木之升言之,乃木之根,故信其升之必達, 根也。而得地氣以滋之,其升也允矣。所以爲升者異 根也。而得地氣以滋之,其升也允矣。所以爲升者異 也,所以爲異者初也,「大吉」執如之。」

「允升」,則王氏、何氏巽主木根之説是也。信友,不可以升進也。然《晉》三言「衆允」、《升》初遂言

九二,孚乃利用禴,无咎。

也。 指此爻也。」 亦利,故二爻皆曰「孚乃利用禴」。《彖》言「剛中而應」, 中虚爲「孚」,而與九五應。 相交,其能免於咎乎? 咎」。以剛强之臣,而事柔弱之君,又當升之時,非誠意 孚乃宜不用文飾,專以其誠感通於上也,如是則得「无 不爲矯飾者也。「禴」,祭之簡質者也。云「孚乃」,謂既 用禴」,謂尚誠敬也。 誠,不假文飾於外,誠積於中,則自不事外飾,故曰「利 五雖陰柔,然居尊位,二雖剛陽,事上者也。當内存至 也。上下之交不以誠,其可以久乎? 上,夫以剛而事柔,以陽而從陰,雖有時而然,非 本義義見萃卦。 六五應。二爻虚實雖殊,其孚則一也。 以暗而臨明,以剛而事弱,若黽勉於事勢,非誠服 程傳二陽剛而在下,五陰柔而居 自古剛强之臣,事柔弱之君,未有 集説張氏清子曰:「萃六二以 升九二以中實爲「孚」,而與 其可以有爲乎? 孚則雖用禴而 :順道

案:升、晉之時,以柔爲善,二剛而亦利者,以其中也。

言也。六四則兼之。 以君子得時之遇言也。二言「无咎」,以君子進身之道剛中有應,是見大人者也,故亦爲升之利。初言「占」,

九三,升虚邑。

邑,孰禦哉! 正而且巽,上皆順之,復有援應,以是而升,如人無人之時,而進臨於坤,故其象占如此。程傳,以陽剛之才,時,而進臨於坤,故其象占如此。程傳,以陽剛當升本義陽實陰虚,而坤有國邑之象。九三以陽剛當升

六四,王用亨于岐山,吉,无咎。

「亨」而「吉」且「无咎」矣。四之才固自善矣,復有「无位,至德如此,周之王業用是而亨也。四能如是,則道,下順天下之賢而使之升進,己則柔順謙恭,不出其所也。昔者文王之居岐山之下,上順天子而欲致之有順下之進,己則止其所焉。以陰居柔,陰而在下,止其本義義見隨卦。程傳四柔順之才,上順君之升,下本義義見隨卦。程傳四柔順之才,上順君之升,下

唯文王乎! 唯文王乎! 中文王明「吉」而「无咎」也。然處大臣之位,不得无事於 文王則「吉」而「无咎」也。然處大臣之位,不得无事於 文王則「吉」而「无咎」也。然處大臣之位,不得无事於 文王則「吉」而「无咎」也。然處大臣之位,不得无事於 文正則「吉」而「无咎」也。然處大臣之位,不得无事於 文正則「吉」而「无咎」也。然處大臣之位,不得无事於 其之前,下升天下之賢,已則止其分焉。

先儒或言岐山在周西南。 山川也。不曰「西山」而曰「岐山」,避彖辭「南征」之文。以享神明則宜。與隨上之義同,皆言王用此人,以享於裁者也。在已者,用之以見大人則吉。爲大人者,用之以享神明則宜。與隨上之義同,皆言王用此人,以享於秦:卦義柔以時升,六四初交上體,又位在巽坤之閒,有

六五,貞吉,升階。

吉也。 有由而易也。 階所由而升也,任剛中之賢,輔之而升,猶登進自階,言 應,故能居尊位而吉。 而升階矣。「階」,升之易者。 本義以陰居陽,當升而居尊位,必能 若不能貞固,則信賢不篤,任賢不終,安能吉也 指言九二正應,然在下之賢,皆用升之階 然質本陰柔,必守貞固,乃得其 程傳 正固 五以下 則 有剛中之 可 以得

也。 也。」〇王氏宗傳曰:「《彖傳》柔以時升,蓋謂五也。」〇 升階」,升而有序,故以階言之,謂賓主以揖遜而升者 能用賢,則彙升矣。 集説李氏元量曰:「「貞吉、

熊氏良輔曰:「以順而升,如歷階然。」

之主也。不取君象,但爲臣位之極者,與晉、漸之五同 案:升至五而極,居坤地之中,亦有「南征」之象焉,乃卦 也。升階,須從李氏、熊氏之説。蓋古者賓主三揖三讓 戒不在貞字之外,乃發明貞吉之意爾。 以禮者也。升、晉之所以必貴於柔順者以此。 而後升階,將上堂矣而猶退遜如此,以況君子始終之進 升階之

上六,冥升,利于不息之貞。

程傳六以陰居升之極,昏冥於升,知進而不知止者也, 利,但可反其不已於外之心,施之於不息之正而已。 本義以陰居升極,昏冥不已者也。 當不息之事,則爲宜矣。君子於貞正之德,「終日 其爲不明甚矣。然求升不已之心,有時而用於貞正 乾」、「自彊不息」。如上六不已之心,用之於此,則 集説石氏介曰:「已在升極,是昧於升進之理。 若能 以小人貪求无已之心、移於進德、則何善如之。 占者遇此,无適而 利 乾 而

> 知時消息,但自消退,不更求進,乃利也。」〇徐氏之祥 曰:「豫上樂極,故「冥豫」。 升上進極,故「冥升」。」

貞」,其戒亦與「維用伐邑」之義同,皆勤於自治,不敢以 其剛也,故曰「角」,以其柔也,故曰「冥」。「利于不息之 案:「冥升」與「晉其角」之義同,皆進而不能退者也。以 盛滿自居者也。 日「不息之貞」。 以其剛也,故曰「伐邑」,以其柔也,故

美 兑坎 上下

而九二陷於二陰之中,皆陰柔揜於陽剛,所以爲困也。 之義。又兑以陰在上,坎以陽居下,與上六在二陽之上, 澤上,則澤中有水也,乃在澤下,枯涸无水之象,爲困乏 受之以困也。困者、憊乏之義。爲卦兑上而坎下。水居 自下而上,自下升上,以力進也,不己必困矣,故升之後 程傳困,《序卦》:「升而不已必困,故受之以困。」升者:

困、亨、貞、大人吉、无咎、有言不信。

君子爲小人所揜蔽,窮困之時也。

兑說,處險而說,是身雖困而道則「亨」也。 九二爲二陰所揜,四、五爲上六所揜,所以爲困。 本義(困」者,窮而不能自振之義。 坎剛爲兑柔所揜 二、五剛中 坎險

又有「大人」之象。 不能當也。 其孰能之? 有裕乎! 其道自吉,樂天安命,乃不失其吉也。 大人處困之道也,故能「吉」而「无咎」。 益取窮困。 之以「有言不信」也。」 於正身脩德,若巧言飾辭,人所不信,則其道彌窮,故誠 困而能 不改其操、處困而不失其自通之道、故曰『困、亨』。 濟,故名爲困。小人遭困,則窮斯濫矣。 氏穎達曰:「【困」者,窮厄委頓之名,道窮力竭,不能 「吉」而 「无咎」,故曰 「貞,大人吉,无咎」。 處困求濟,在 自通,必 「有言不信」,當困而言,人誰信之。 「有言不信」,又戒以當務晦默,不可尚口 故曰「貞」。又曰「大人」者,明不正之小人 程傳如卦之才,則困而能亨,且得貞正,乃 是履正體大之人。能 占者處困能亨,則得其正矣,非大人 濟於困,然後得 況隨時善處,復 大人處困,不唯 君子遇之,則 集説i 處 孔 自

「有言不信」,信字疑當作伸字解,蓋有言而動見沮抑,小人之所能乎? 困者,君子道屈之時也,屈則不伸矣。外之心,忍人之性,因屈以致伸,有必通之理也。然惟入之心,忍人之性,因屈以致伸,有必通之理也。然惟案:「困亨」者,非謂處困而能亨也。蓋困窮者,所以動

窮字,則信字當爲屈伸之伸。 不行己之言也。而夫子以「尚口乃窮」解之,以信字對字對聰字,則信字當爲疑信之信。此卦「有言不信」,人字對聰字,則信字當爲疑信之信。此卦「有言不信」,人 乃是困厄之極,不特人疑之而不信也。《夬》卦「聞言不

初六、臀困于株木、人于幽谷、三歲不覿。 既不能免於困,則益迷暗妄動,入於深困。 安則非困也。「入于幽谷」,陰柔之人,非能安其所遇, 所以居也。「臀困于株木」,謂无所庇而不得安其居,居 卦不爲无助,以居困而不能庇物,故爲「株木」。「臀」, 覆於物。「株木」,無枝葉之木也。 困於陰揜,是惡能濟人之困? 四爲正應,九四以陽而居陰爲不正,失剛而不中,又方 覿 暗之所也。方益人於困,无自出之勢,故至於「三歲不 也,必得在上剛明之人爲援助,則可以濟其困矣。 傳六以陰柔處於至卑,又居坎險之下,在困不能自濟者 初六以陰柔處困之底,居暗之甚,故其象占如此。 本義「臀」,物之底也。 「困于株木」,傷而不能 」,終困者也。 不觀,不遇其所亨也。 猶「株木」之下,不能蔭 四,近君之位,在 集説項氏安世 「幽谷」,深 安 初 也。 程 他 與

初六困而不行,此坐困之象也。」也。」〇張氏清子曰:「人之體行則趾爲下,坐則臀爲下,也。」「初六在坎下,故爲「入于幽谷」,即坎初爻入于坎窞

者。言「臀」者,況其坐而不遷也。 困之最下,故其象如此。在人則卑暗窮陋而不能自拔木,而惟坐困株木之下,則有愈入于幽谷而已。陰柔處案:《詩》云:「出于幽谷,遷于喬木。」初不能自遷于喬

九二,困于酒食,朱紱方來,利用亨祀,征凶,

无咎。

大人君子懷其道而困於下,必得有道之君,求而用之, 本義「困于酒食」,厭飫苦惱之意。酒食人之所欲,然 本義「困于酒食」,厭飫苦惱之意。酒食人之所欲,然 本義「困于酒食」,厭飫苦惱之意。酒食人之所欲,然 本義「困于酒食」,厭飫苦惱之意。酒食人之所欲,然 本義「困于酒食」,厭飫苦惱之意。酒食人之所欲,然

> 乎? 中之君,道同德合,必來相求,故云「朱紱方來」。方來、 然後能施其所藴。二以剛中之德困於下,上有九五剛 服,謂可衣朱紱而享宗廟也。「征凶」,既在險中, 所畜,困陽爲陰所揜也。 古,唯小畜與困,乃戹於陰,故同道相求。 之德,自取凶悔,何所怨咎? 處以俟命,往而求之,則犯難得凶,乃自取也,將誰 自守至誠而已。 困之時,利用至誠,如享祀然。 以蔽膝言之。「利用享祀」,享祀,以至誠通神明也。 方且來也。朱紱,王者之服,蔽膝也。 自昔賢哲困於幽遠,而德卒升聞,道卒爲用者,唯 不度時而征,乃不安其所,爲困所動也。 「征凶,无咎」,方困之時,若不至誠安 集説石氏介曰:「「朱紱」,祭 諸卦二五以陰陽相 其德至誠,❶自能感通於 以行來爲義,故 小畜陽爲陰 失剛中 應而 咎

「紱」服榮於躬,四則「金車」寵於行。然而道之不通,則謂君子也,所困者,非身之窮,乃道之窮也。故二、五則案:小人以身窮爲困,君子以道窮爲困。卦之三陽,所

以行? 「无咎」,以其居陽明之德,可以「无咎」。」

❶ 「至」,内府本作「既」。

曰:「予不敢宿,則禋于文王、武王。」意義相近。 是。故雖當困之時,「征行」必「凶」,而其要「无咎」也。 矣。故雖當困之時,「征行」必「凶」,而其要「无咎」也。 矣。故雖當困之時,「征行」必「凶」,而其要「无咎」也。 其榮寵也,適以爲困而已矣。然榮寵亦非無故而來,神其榮寵也,適以爲困而已矣。然榮寵亦非無故而來,神

六三,困于石,據于蒺藜,入于其宫,不見其

之物。 陽在上,力不能勝,堅不可犯,益自困耳,「困于石」也。 剛,居陽用剛也,不善處困之甚者也。「石」,堅重難 辭》備矣。 四,「蒺藜」指二,「宮」謂三,而「妻」則六也。 其義則《繋 本義陰柔而不中正,故有此象,而其占則凶。「石」指 其居,則失其所安矣。 居所安也。「妻」,所安之主也。 以不善之德,居九二剛中之上,其不安猶藉刺,「據于蒺 凶可知。 藜」也。進退既皆益困,欲安其所,益不能矣。 「宫」,其 「蒺藜」,刺不可據之物。 《繋辭》曰: 程傳六三以陰柔不中正之質,處險極而 「非所困而困焉,名必辱; 進退與處皆不可,唯死 三以剛險而上進 知進退之不可,而欲 而已,其 非所據 則二 安 勝 用

> 邪?」二陽不可犯也,而犯之以取困,是非所困 案:三陰皆非能處困者,初在下,坐而困者也, 下之,則无害矣。 歸,甚言妄行取困,其極如此 退之際,行而困者也。 據蒺藜也。 名辱,其事惡也。 而 據焉,身必危。 如是,死期將至,所安之主,可得而見乎? 乃用剛險以乘之,則不安而取困, 三在二上,固爲據之,然苟能 既辱且危,死 傷於外者,必反其家,而 期 將至, 妻其 而 三居 пJ 又 謙 困 柔以 無 得 所 進 如 見

困。 矣。「金」,剛也。 四與初爲正應,然四以不中正處困,其才不足以濟人之 困之道,必由援助。 象未詳,疑坎有輪象也。 正,故其占雖爲可「吝」,而必有終也。「金車」爲九二, 初六方困於下,又爲九二所隔,故其象如此。 本義初六、九四之正應,九四處位不當,不能 故謂之「金車」。 ·徐徐」,是「困于金車」也。 初比二,二有剛中之才,足以拯困,則宜爲初所從 四 「車」,載物者 一欲從初 當困之時,上下相求,理當然也。 程傳唯力不足,故「困」。 而阻於二,故其「來」遲疑而 己之所應,疑其少己而之 也。 二以剛在下載己 然邪不 濟物,而 亨 勝

九四,來徐徐,困于金車,吝,有終。

柔之宜也。 集説 胡氏瑗曰:「「徐徐」者,舒緩不敢決者,事之所歸者正也。初四正應,終必相從也。寒士之妻,弱國之臣,各安其正而已。 苟擇勢而從,則惡之大妻,弱國之臣,各安其正而已。 苟擇勢而從,則惡之大妻,不容於世矣。 二與四皆以陽居陰,而二以剛中之之,則猶豫不敢遽前,豈不可羞吝乎?「有終」

道。近九五之剛中正,乃卦所謂大人者,與之同德,終有亨斯」者,招我以車,不容不來也,如是則可羞吝矣。然上案:「來徐徐」者,喻君子當困時,不欲上進也。「困于金案:「來徐徐」者,喻君子當困時,不欲上進也。「困于金

進也。」

九五 與 害,「劓刖」之象也。 也。 中,又利用祭祀,久當獲福。 有此象。 而反爲困矣。 本 也。 義 ,劓刖, 去足爲「刖」,傷於下也。 「劓刖」者,傷於上下。 赤紱,臣下之服,取行來之義,故以紱言。 然剛中而說體,故能遲久而有說也。 困 九五當困之時,上爲陰揜,下則乘剛,故 于赤紱,乃徐有説 五,君位也。 程傳載鼻曰「劓」,傷於上 上下既傷, 上下皆揜於陰,爲其傷 人君之困,由上下无 利 則赤紱无所用 用祭祀 占具 人君 象

> 鬼。 骨肉分定也。 下无與,何也? 則能致天下之賢,濟天下之困矣。 時,宜念天下之困,求天下之賢,若祭祀然。 用祭祀」,祭祀之事,必致其誠敬而後受福。 困,而有剛中之德,下有九二剛中之賢,道同德合,徐必 享,泛言之則可通。 下之與? 求而後合者也,如君臣朋友義合也。 相應而來,共濟天下之困,是始困 之困,以天下不來也。 祀」,五云「祭祀」,大意則宜用至誠乃受福也。 五君位言祭,二在下言享,各以其所當用也。 有與則非 五與二皆陽爻,以剛中之德同 曰:陰陽相應者,自然相應也,如夫婦 困,故 分而言之,祭天神,祀地示,享人 天下皆來,則 徐合而後有説也。二云「享 五與二同德,而云上 而徐有喜説 方其始困,安有上 非 困 也。 而相 致其誠敬 人君在 也。 祭與祀 五 應,相 雖 「利 集 困 在

「惟乖於時,乃與天通。」不求人知而求天知,處困之道獨知之乎?」愚謂孔子云:「知我者其天乎!」韓子云:説王氏應麟曰:「《困》九五曰「利用祭祀」,李公晦謂:

案"九五不取君象,但取位高而益困者耳。 其象與九二

也。」

同,但一 也。 「乃徐有説」者,五兑體,故能從容以處之而有餘裕 「利用祭祀」之義,亦與二同 二則 「朱紱」 一方將 來 Ŧī. 則 高 位 丽 린 困 于 赤 紱

吉。上六,困于葛藟,于臲卼,曰動悔,有悔,征上六,困于葛藟,于臲卼,曰動悔,有悔,征

之象。 與 悔,當變前之所爲有悔也; 理當變矣。 順進,可以離乎困也。 之道也。 剛險,故凶。上以柔居説,唯爲困極耳,困 居一卦之上而无凶,何也? 征 悔」,咎前之失也。 處困之極,爲困所纏束,而居最高危之地,「困于葛藟」 如」、《困》則「有悔征吉」,屯險極而困説體 本義以陰柔處困極,故有「困于葛藟,于臲應,曰 征」而「吉」矣。 ,則出於困矣,故「吉」。 「臲卼」也。 然物窮則變,故其占曰: 若能「有悔」,則可 困與屯之上皆以无應居卦終,《屯》則「泣 「葛藟」,纏束之物。 「動悔」,動輒有悔,无所不困也。 程傳物極則反,事極則變,困既極矣, 「曰」,自謂也。 集説項氏安世曰:「此《彖》所 三以陰在下卦之上而凶,上 能悔則往而得吉也; 티 : 三居剛而處險 臲卼」,危動之狀。 若能曰:如是動皆得 故 極則有變困 也。 困 困 動 以 血 而 極 「有 悔 六 漣 以 説 用 而

> 深察乎此,則處困之道異宜而各得矣。」 致者,則當變其所爲,以免於困也,其道主於悔。 困而不失其所亨也,其道主於貞。 出困而 「征吉」,困窮而通,其謂是夫。」○吴氏曰慎曰: 氏幾曰:「「震无咎者存乎悔」,困已極矣。 「有悔」則可 居,行而去之,「占」孰加焉。」○易氏峳曰:「陽剛不可終 謂 [吉』者,困極則變,如否之有泰,雖險而終濟也。」○徐 困 困非自己致而時勢適逢者,則當守其剛中之德,是謂 ,而二、四、五皆不言吉,陰柔未免乎困,而 「尚口乃窮也」,若能斷「葛藟」而不牽 若困由己之柔暗 一解脆 **脆」而** 上 學者 一獨言 而 不

御纂周易折中卷六

基 坎巽 上下

程傳井、《序卦》:「困乎上者必反下,故受之以井。」承世。物之在下者莫如井,井所以次困也。爲卦坎上巽也。物之在下者莫如井,井所以次困也。爲卦坎上巽也。物之在下者莫如井,井所以次困也。爲卦坎上巽之象,木入於水下而上乎水,汲井之象也。

亦未繘井,羸其瓶,凶。井,改邑不改井,无喪无得,往來井井,汔至,

也。程傳井之爲物,常而不可改也。邑可改而之他,也。其占爲事仍舊无得喪而又當敬勉,不可幾成而敗也。「羸」,敗也。汲井幾至,未盡綆而敗其瓶,則「凶」也。「羸」,敗也。汲井幾至,未盡綆而敗其瓶,則「凶」也。其占爲事仍舊无得喪而又當敬勉,不可幾成而敗上出其水,故爲井。「改邑不改井」,故「无喪无得」,而本義「井」者,穴地出水之處,以巽木入乎坎水之下,而本義「井」者,穴地出水之處,以巽木入乎坎水之下,而

井之事。」 井」,未及於用也。 井」,井之用也。 井」,井之體也。「无喪无得」,井之德也。「往來井 養天下,惠澤無窮也。」〇丘氏富國曰:「「改邑 鄭氏康成曰:「井以汲水,●水無空竭,猶人君 瓶而失之,其用喪矣,是以「凶」也。羸,毀敗也。 泉猶爲棄井。有濟物之用而未及物,猶无有也,羸敗其 道貴乎有成,所以五穀不熟不如荑稗,掘井九仞而不及 用爲功,幾至而未及用,亦與未下繘於井同也。 也,周也,井之道也。「汔」,幾也。「繘」,綆也。 「无喪无得」,其德也常。「往來井井」,其用也周。 不盈,「无喪无得」也。 井不可遷也,故曰「改邑不改井」。 汲之而不竭,存之而 此三句言井之事。「汔至、亦未繘 「羸其瓶」,失其用也。 至者皆得其用,「往來井井」也。 此二句言汲 以 君子之 井以濟 集説 不改 政教 常

者,以喻王道之行,國不異政,家不殊俗也。「无喪无邑,其井皆無異製。如諸葛孔明行軍之處,千井齊甃案,「改邑不改井」句,解説多錯。文意蓋言所在之案

■「水」,内府本及《周易集解》均作「人」。

二五九

得 養民,而行之者人。 王者養民之政是也。 所及者多,以喻道之可大。 王者之澤不能下究。 」則言井 無 盈涸 以以 無器則水之功不能上行,無人則 然井能澤物,而汲之者器。 故「汔至」以下,又以汲井之事言 喻道之可久。 此三句皆言井,在 往來井井」則 政能 事 則 言

初六,井泥不食,舊井无禽。

矣。 象。蓋井不泉而泥,則人所「不食」,而禽鳥亦莫之顧 本義 井以陽剛爲泉,上出爲功,初六以陰居下,故爲此 不復上,則禽鳥亦不復往矣,蓋无以濟物也。 用,以其水之養人也,无水則舍置不用矣。井水之上, 井之不可食,以泥汙也。在井之下,有「泥」之象。 上无應援,无上水之象,不能濟物,乃井之不可食也。 應,沈滯滓穢,故曰「井泥不食」也。 物、爲時所舍也。 食,以「泥 之物,六以陰居下,无上水之象,故爲「不食」。 井之不 人獲其用,禽鳥亦就而求焉。 程傳井與鼎皆物也,就物以爲義,六以陰柔居下, 也。 猶人當濟物之時,而才弱无援,不能及 集説王氏弼曰:「最在井底,上又無 舊廢之井,人既不食,水 井泥而不可食,則 井本濟人 井之

> 下,故爲「不食」,爲「无禽」。」 故爲「井泥」,爲「舊井」。 井以上出爲功,而初六則居人乎。」○蔡氏清曰:「井以陽剛爲泉,而初六則陰柔也,是久井不見渫治者也。 久井不見渫治,禽所不嚮,而況

九二,井谷射鮒,甕敝漏。

物耳。 乃井而如谷也。井上出,則養人而濟物。今乃下就污 澗谷之水,則旁出而就下。二居井而就下,失井之道, 无應而比於初,不上而下之象也。 不上行,故其象如此。 處中非過也,不能上由无援,非以比初也。 本可爲用,乃破敝而漏之,不爲用也。 援,故不能上而就下,是以无濟用之功。 泥,注於鮒而已。 本義九二剛中,有泉之象,然上无正應,下比初六,功 振淵曰:「以井言,則爲井谷之泉,僅下注於鮒。 如甕之破漏也。陽剛之才,本可以養人濟物,而上无應 而不能成用,非悔咎乎? 而不言悔咎,何也? 「射」,注也,如谷之下流注於鮒也。 「鮒」,或以爲蝦,或以爲蟇,井泥中微 曰:失則有悔,過則爲咎,无應援 程傳二雖剛陽之才而居下,上 居二比初,豈非過乎? 井之道,上行者也。 井之初 二无功, 如水之在甕 「甕敝漏 集説 以汲井 티: 張氏

言,則爲敝壞之甕,水反漏於下也。」

土,汲之者喻進用之君。上體以井喻德位之君,汲之者政,以汲之者喻行政之人。在爻則下體以井喻材德之之敝漏然,則不能自濟於人用也決矣。在卦則以井喻井也。而其功僅足以射「鮒」者,上無汲引之人,如瓶甕案:「井谷」者,井中出水之穴竅也。井能出水,則非泥案:「井谷」者,井中出水之穴竅也。井能出水,則非泥

九三,并渫不食,爲我心惻,可用汲,王明,並

喻被澤之衆。三義相因而取喻不同。

受其福。

明,則吾儕「並受其福」矣。 案:不曰「明王」而曰「王明」,乃惻者祈禱之辭。 言王若

六四,井甃,无咎。

於廢可也。 四雖陰柔而處正,上承九五之君,才不足以廣施利物 无及物之功,故其象爲「井甃」,而占則「无咎」。 本義以六居四,雖得其正,然陰柔不泉,則但能脩治而 不廢其事,亦可以免咎也。 其咎大矣。 居高位而得剛陽中正之君,但能處正承上, 謂脩治也。 亦可自守者也。 自脩治,則雖无及物之功,而亦可以「无咎」矣。 内卦,渫井内以致其潔。 若不能脩治,廢其養人之功,則失井之道 四雖才弱不能廣濟物之功,脩治其事,不至 故能脩治則得「无咎」。「甃」,砌累也 四在外卦, 甃井外以禦其污。 集説丘氏富國曰:「三在 占者能 程傳

蓋不渫則污者不潔,不甃則潔者易污。]〇來氏知 九五之「寒泉」者也。占者能脩治臣下之職,則可以 曰:「六四陰柔得正,近九五之君,蓋脩治其井,以 瀦 因 蓄 德

九五,井洌寒泉食。

君而成井養之功,斯「无咎」矣。.

爲至善也。 其才其德、盡善盡美、「井洌寒泉食」也。「洌」謂甘 曰:「三與五皆泉之潔者,三居甃下,未汲之泉也,故 上、未及用也、故至上而後言「元吉」。 也。井泉以寒爲美,甘潔之寒泉,可爲人食也,於井 者有其德,則契其象也。 本義「洌」,潔也。 陽剛中正,功及於物,故爲此象。 占 「不食」。 五出乎甃,已汲之泉也,故言「食」。」 然而不言吉者,井以上出爲成功,未至於 程傳五以陽剛中正居尊位, 集説易氏 潔 曰 峳 道

上六,井收勿幕,有孚元吉。 如此。 井以上出爲功,而坎口不揜,故上六雖非陽剛,而其象 亦通。「幕」,蔽覆也。「有孚」,謂其出有源而不窮也。 本義「收」,汲取也。晁氏云:「「收」,鹿盧收繘者也。」 然占者應之,必「有孚」乃「元吉」也。 程傳井以

> 爲變,唯井與鼎,終乃爲成功,是以吉也 體井之用,博施而有常,非大人孰能? 它卦之終,爲極 上出爲用,居井之上,井道之成也。 有孚」,有常而不變也。 幕」,蔽覆也。 取而不蔽,其利无窮,井之施廣矣大矣。 博施而有常,大善之吉也。 「收」,汲取也。 夫

之義者,「巽乎水而上水」,至此爻則上之極也。 孚」,謂有源不窮,所謂「无喪无得」者也。此爻得備卦 案:「勿幕」,謂取之無禁,所謂「往來井井」者也。「有

也。 收,非井之象乎。 以卦序而言,則二之「射」,始達之泉 上之「收」,則已汲之井矣。又以二爻爲一例,則初、二 四言「井甃无咎」,上六言「井收勿幕」,曰泥,曰甃,曰 射,曰渫,曰洌,非泉之象乎? 初六言「井泥不食」,六 谷射鮒」,九三言「井渫不食」,九五言「井洌寒泉」。 以三陽爲泉,三陰爲井,陽實陰虛之象也。九二言「井 幕」,功始及物,而井道大成矣。」○丘氏富國曰:「先儒 甃,井道全矣。 故五 「井洌」而泉寒,上 「井收」而 「勿 總論李氏過曰:「初「井泥」,二「井谷」,皆廢井也。二 「井渫」則渫初之泥。四「井甃」則甃二之谷。 三之「渫」,已潔之泉也。五之「洌」,則可食之泉 初之「泥」,方掘之井也。 四之「甃」、已修之井也。 既渫且

井上,而已見於用矣,故五言「食」而上言「收」也。」在井中,將見於用,故三爲「渫」而四爲「甃」,五、上皆在皆在井下,不見於用,故初爲「泥」而二爲「谷」,三、四皆

居,而其歸各異,其志不同,爲不相得也,故爲革也。居,而其歸各異,其志不同,爲不相得也,故爲革也。又二女同也,水火相息之物,水滅火,火涸水,相變革者也。火之也,水之性下,若相違行,則睽而已,乃火在下,水在性上,水之性下,若相違行,則睽而已,乃火在下,水在性上,水之性下,若相違行,則睽而已,乃火在下,水在性上,水之性下,若相違行,則睽而已,乃火在下,水在程傳革、《序卦》:「井道不可不革,故受之以革。」井之程傳革、《序卦》:「井道不可不革,故受之以革。」井之

革,巳日乃孚,元亨,利貞,悔亡。

革之「悔亡」也。一有不正,則所革不信不通,而反有悔故其占爲有所更革,皆大亨而得其正。所革皆當,而所日」而後信。又以其內有文明之德,而外有和説之氣,日」而後信。又以其內有文明之德,而外有和説之氣,也其占爲有所更革,皆大亨而得其正。所革皆當,而所本義、革」,變革也。 兑澤在上,離火在下,火然則水本義、革」,變革也。 兑澤在上,離火在下,火然則水

矣。 云「革而當,其悔乃亡」也。」 交,正改命之時,故「悔亡」獨於九四見之。 意。上三爻,則故者已革而爲新矣。九四當上下卦之 辭也。下三爻,方欲革故而爲新,故有謹重不輕革之 者,變革天下之事,不當輕遽,乃能孚信於人。「乃」,難 孚」也。「悔亡」,即九四所謂「悔亡」也。所以云「巳日」 所謂[巳日]也。[乃孚],即九三、九四、九五所謂[有 正也,正則其[悔亡]矣。]○何氏楷曰:「「巳日」,即六二 [元亨利貞]者,謂窮則變,固有大通之道,而利於不失 之時也。先時而革,則人疑而罔孚,故「巳日乃孚」。 所以重改作也。 故必「巳日」,然後人心信從。「元亨利貞,悔亡」,弊壞 之而利於正道,則可久,而得去故之義,无變動之悔,乃 而後革之,革之所以致其通也,故革之而可以大亨。革 "悔亡」也。 革而无甚益,猶可悔也,況反害乎! 古人 程傳「革」者,變其故也。 集説李氏簡曰:「「巳日」者, 巳可革 變其故,則人未能遽信! 即《彖傳》所

案"「巳日乃孚」,李氏、何氏之説爲長。

蓋卦辭爻辭不

初九,鞏用黄牛之革。

可也。 悔。 本 順物。 皆速於動也,其才如此,有爲則凶咎至矣。 之象,以位則下也,无時无援而動於下,則有僭妄之咎, 必有其時,有其位,有其才,審慮而慎動,而後可以无 取卦名而義不同也。 「鞏」,固也。「黄」,中色。 固,則不革而已,安得便有吉凶乎? 也。 體躁,所不足者,中與順也,當以中順自固而无妄動則 而无體勢之重,以才則離體而陽也,離性上而剛體健, 下無位,比於六二,上無正應,雖有剛德,不當自任,惟 道,而不敢有革也。」〇吕氏大臨曰:「初九當革之初,居 牧曰:「下非可革之位,初非可革之時,要在固守中順之 結六二以自固,故「鞏用黄牛之革」。六二居中柔順,故 在革之初,未可以動,故曰「鞏用黄牛之革」。」○劉氏 九以時則初也,動於事初,則无審慎之意而有躁易 聖人之於變革,其謹如此。 不云吉凶,何也? 「鞏用黄牛之革」,謂以中順之道自固,不妄動 「鞏」,局東也,革所以包束。「黄」,中色。「牛」, 當 革 時 居 其占爲當堅確固守,而不可 初 曰:妄動則有凶咎,以中順自 无 「牛」,順物。 應, 未可 程傳變革,事之大也, 有 集説干氏寶曰: 革所以固物,亦 爲, 蓋剛不中而 故 爲 此 以 象 有

而意實相類。」
 華之初九,在下無應,當革而不可革者也。 所指雖殊,之革」者二,遯之六二,居中有應,欲遯而不可遯者也,之革」者二,遯之六二,居中有應,欲遯而不可遯者也,

之裏物則密,故《革》初之「鞏用」者似之。以者也。以之繫物則固,故《遯》二之「執用」者似之。以六爻取象於牛虎豹者以此。牛之皮至堅韌,難以更革更四時則皮毛改换,《堯典》「希革」、「毛毨」之類是也。鳥獸案:更改之義,有取於革者。「革」,鳥獸之皮也。鳥獸

六二,巳日乃革之,征吉,无咎。

本義六二柔順中正,而爲文明之主,有應於上,於是可本義六二柔順中正,而爲文明之主,有應於上,於是可以革矣。然必「巳日」然後革之,則「征吉」而「无咎」,戒以革矣。然必「巳日」然後革之,則「征吉」而「无咎」,戒以革矣。然必「巳日」然後革之,則「征吉」而「无咎」,戒以革矣。然必「巳日」然後革之,則「征吉」而「无咎」,戒以革矣。然必「巳日」然後革之,則「征吉」而「无咎」,而以革矣。然必「巳日」然後革之,則「征吉」而「无咎」,而以革矣。然必「巳日」然後革之,則「征吉」而「无咎」也。不進則以革矣。然必「巳日」然後革之,則「征吉」而「无咎」也。不進則以革矣。然必「巳日」然後革之,則「征吉」而「无咎」也。不進則以革矣。然必「巳日」然後革之,則「征吉」而「无咎」也。不進則以革矣。然必「巳日」然後革之,則「征吉」而「无咎」也。不進則以革矣。然必「巳日」、則「征吉」而「无咎」也。不進則以革矣。然必「已日」、則「征善」而「无咎」中。不進則以其之,則「征言」而「无咎」中。不進則以其之。

咎」。」○熊氏良輔曰:「六二爲内卦之主,故卦辭之「已失,當位則其處固。變革者事之大,故有此戒。二得其義耳,使賢才不失可爲之時也。 集説王氏宗傳曰:其義耳,使賢才不失可爲之時也。 集説王氏宗傳曰:「六二以中正之德,上應九五中正之君,當革之時,卦德「六二以中正之德,上應九五中正之君,當革之時,為不以與,而明之賦,當位則其處固。變革者事之大,故有此戒。二得失可爲之時,爲有咎也。以二體柔而處當位,體柔則其失可爲之時,爲有咎也。以二體柔而處當位,體柔則其失可爲之時,爲有咎也。以二體柔而處當位,體柔則其

九三,征凶,貞厲,革言三就,有孚。。呼而後革也。」

日」,見之於此卦曰「巳日乃孚」。爻曰「巳日乃革」者)

爲也。 居離之上而不得中,躁動於革者也。在下而躁於變革, 則亦「有孚」而可革也。 以是而行,則有凶也。 本義過剛不中,居離之極,躁動於革者也,故其占有 革之言,至於三而皆合,則可信也。 是,則必得至當乃「有孚」也。 ·征凶貞厲」之戒。然其時則當革,故至於「革言三就」, 「革言」,猶當革之論。「就」,成也,合也。 在乎守貞正而懷危懼,順從公論,則可行之不 然居下之上,事苟當革,豈可不 程傳九三以剛陽爲下之上,又 己可信而衆所信也,如 言重慎之至能 審察當 如 此

九四,悔亡,有孚改命,吉。

孚」而可革矣。」

水火之際,革之勢也。得近君之位,革之任也。下无係之時,而剛柔不偏,又革之用也,是以「悔亡」。然又必之時,而剛柔不偏,又革之用也,是以「悔亡」。然又必之時,而剛柔不偏,又革之用也,是以「悔亡」。然又必之時,而剛柔不偏,又革之用也,是以「悔亡」。然又必之時,而剛柔不偏,又革之用也,是以「悔亡」。然又必本義以陽居陰故有「悔」,然卦已過中,水火之際,乃革本

在

大

中

應,革之志也。 牧曰:「成革之體,在斯一爻,且自初至三,則革道已成 爲物所信,則命令不便於民者,可改易而獲吉。」○劉氏 也,隨時而已。 逼,順承中正之君,乃中正之人也。《易》之取義无常 而至善,何也? 而弊革,行之以誠,上信而下順,其吉可知。 當,其「悔」乃「亡」也。 革之既當,唯在處之以至誠,故 具此,可謂當革之時也。 也。 變而爲新事矣。]曰: 爻,有謹重難改之意,上三爻則革而善,蓋事有新故,下 有孚改命,吉』也。」〇《朱子語類》: 故下三爻皆以革字著於爻辭。至於四,則惟曰「悔亡, 而行之謂之命。]○陸氏希聲曰:「革而當,故「悔亡」也。 言「有孚」,三議革而後孚,四「有孚」而後改,深淺之序 革,也是到這處方變。」□○胡氏炳文曰:「自三至五,皆 三爻則故事也。 有孚」則「改命吉」。 改命,改爲也,謂革之也。 五「未占」而「有孚」,積孚之素也。」 以 集説 虞氏翻曰:「將革而謀謂之言,革 未變之時,必當謹審於其先,上三爻則 曰:唯其處柔也,故剛而不過,近而 九居四 **「**然。 事之可悔而後革之,革之而 剛柔相 乾卦到九四爻,謂乾道 際,革之用也。 問: 四非中 「革下三 既事當 四 乃 不 正 既

> 九五,大人虎變,未占有孚。 理炳著,如虎之文采,故云「虎變」。龍虎,大人之象也。 之道、革天下之事、无不當也、无不時也、所過變化、事 九五以陽剛之才,中正之德,居尊位,大人也。 自其未占之時,人已信其如此,乃足以當之耳。 正爲革之主,故有此象。 本義「虎」,大人之象。「變」,謂 人則自新新民之極,順天應人之時也。 占而得此,則有此應,然亦必 "希革而 九五以陽剛 毛选 也。 以大人 程傳

以復加矣。」 皆以孚爲言,至五之「未占有孚」,則「不言而信」,而無 變之謂也。」〇襲氏焕曰:「革以孚信爲主,故彖與三、四 見於天下,道德之威,望而可信,若卜筮罔不是孚。虎 道久而後信,五與上,其革之成乎。 占決,知其至當而信之也。 决,知其至當,而天下必信也。天下蒙大人之革,不待 而説體,盡革之美,是以「未占」而「有孚」也。 集説鄭氏汝諧曰:「革之 五陽剛中正,居尊 其文曉然

上六,君子豹變,小人革面,征凶,居貞吉。

之變也。以大人中正之道變革之,炳然昭著,不待占

變者,事物之變。 曰虎,何也? 曰:大人變之,乃大人

不可以往 傳革之終,革道之成也。 以過,而上六之才,亦不可以有行也,故占者如之。 本義革道已成,君子如豹之變,小人亦革面以聽從矣。 道可以爲成也。 以聖繼聖,百有餘年,天下被化可謂深且久矣,而有苗 可以變化,然有下愚,雖聖人不能移者。 象,故「大人」云「虎」,「君子」云「豹」也。 雖未能心化,亦革其面以從上之教令也。 革而變,其著見若豹之彬蔚也。「小人」,昏愚難遷者, 則「吉」也。 乎難革,已革則患乎不能守也,故革之終,戒以「居貞. 也,故至革之終而又征則凶也。 有象,其來格烝又,蓋亦革面 則皆善也,語其才則有下愚之不移。 愚之至,皆可漸 在其中矣。人性本善,有不可革者,何也? 曰:語其性 自暴也,自棄也。 ,而不守以貞,則所革隨復變矣。 ,而居正則「占」。變革之事,非得已者,不可 居貞非爲六戒乎? 摩而 苟更從而深治之,則爲已甚,已甚非 人苟以 進 也。 「君子」,謂善人。 善自治,則无不可移者,雖昏 唯 而已。 自暴者拒之以不信 當貞固以自守,革至於 曰:爲革終言也,莫不 天下之事,始則 小人既革其外,革 所謂下愚有二焉' 人性本善,皆 以堯舜爲君、 龍虎,大人之 良善則已從 ,自棄 程 道 患 也 ? 耳目 深邃遒密耳。

極

謂下愚也。 則必堯、舜、湯、武乃足以當之。 上六特承其重熙累治之後,治定功成之日耳。若九五 ○楊氏啟新曰:「革道已成,非上六革之,有革之者也。 守,故[居貞]則[吉]。三革道未成,上革道已成故也。」 變也。三當革而未革,故守「貞」則「厲」,上已革而當 戒其不可妄動也。上之「征凶」,謂事之已革者,不可復 曰「征凶」,而有「貞厲」、「貞吉」之殊者。三之「征凶」, 「凶」,居而守正則「吉」。」○襲氏焕曰:「九三與上六皆 色順上而已。 故曰「君子豹變」也。 命創制,如虎文之彪炳,然亦潤色鴻業,如豹文之蔚縟 曰:「居革之終,變道已成,君子處之,雖不能同九五革 唯其有與人同,所以知其非性之罪也。 之下愚,然考其歸則誠愚也。 戾而才力有過人者,商辛是也。 者絶之以不爲,雖聖人與居,不能化而 曰:心雖絶於善道,其畏威而寡罪,則與人同 新,若混沌初闢,其文疏朗濶大,繼體之後,則漸 然天下自棄自暴者,非必皆昏愚也,往 革道已成,宜安静守正,更有所「征」則 「小人革面」者,但能變其顏面 既曰下愚,其能革面,何 聖人以其自絶於善,謂 首創之君,開 集説孔氏穎達 人也,仲 大型 尼之所 往强 也。

周之頑民,既

歷三紀

,世變風移,則

(革面

之謂。 也。 案: 五、上兩爻相承,虎豹兩物相似。 被王化之人,似不如孔氏、楊氏以爲繼體守成之爲安 則仁義成俗,而心亦無不革矣。 類,皆革其面 禽獸取義,凡禽獸之有靈性而近於人者,如猩猩猿猴之 謂「革面」者,亦非但革其面而不能革心之謂。 爲詳且備也。 繁密者乎? 然者乎? 患其不能革,既革患其不能守也。 如文、武開基,肇造維新,豈非若虎之變而文采焕 革而不守以 成、康繼世,禮明樂脩,豈非若豹之變而文理 言君子雖稍别於大人,然革道必至此而後 ,故以此爲民風丕變之喻爾。 至「小人革面」,方以被王化者言之。 貞 則 所 變 者 不然,何以爲必世後仁 隨 復變 故戒以[居貞]。] 程《傳》以君子爲 矣。 王道之行: 天下 此卦 事 所 以 未

言「君子豹變,小人革面」,則天下爲之丕變,而革道大則事革矣。五言「大人虎變」,則爲聖人之神化矣。上審以爲革者也。皆革道之未成也。四言「有孚改命」,謹之語與氏煥曰:「初言「鞏用黄牛」,未可有革者也。總論龔氏煥曰:「初言「鞏用黄牛」,未可有革者也。

乎!

製 離異 上下

以次革也。 程傳 器取其象也,乃象器以爲卦乎? 足以承之,亦鼎之象也。取其義則木從火也,巽,人也 可同處也。 爲用,所以革物也。 象,卦復用器以爲義也 爲自然也,在井亦然。 固人爲也,然烹飪可以成物,形制如是則可用,此非人 後,不害於義也。 象,以衆人之不能知象也,故設卦以示之。 存乎卦,而卦不必先器。 不假器,故取烹象而爲鼎。 順從之義,以木從火,爲然之象。 鉉也,鼎之象也。 實爲腹,受物在中之象,對峙於上者耳也,横亙乎上者 其義焉。 鼎、《序卦》: 取其象者有二,以全體言之,則下植爲足,中 能使相合爲用而不相害,是能革物也,鼎所 爲卦上離下巽,所以爲鼎,則取其象焉,取 或疑鼎非自然之象,乃人爲也。 以上下二體言之,則中虚在上,下有 「革物者莫若鼎,故受之以鼎。」鼎之 變腥 器 而爲熟,易堅而爲柔,水火不 雖 聖 以木巽火,烹飪之象也。 人制 在卦先,而所取者乃卦之 曰:制器取於象也,象 器,不待見卦 火之用惟燔與烹,燔 卦器之先 前 曰 後 制 知

鼎,元吉亨。

成矣。」

與鼎。」 也。 居五,而下應九二之陽,故其占曰「元亨」。 「吉」,衍文 目而五爲耳,有内巽順而外聰明之象。卦自巽來,陰進 而致烹飪,鼎之用也。 腹,五陰爲耳。 本義「鼎」,烹飪之器,爲卦下陰爲足,二、三、四 井以木巽水、鼎以木巽火、二卦以養人爲義、故皆以 曰:「《易》之諸卦皆言象取諸物以名卦者,鼎與井而已。 元吉也。彖復止云「元亨」,其羨明矣。 止當云「元亨」,文羨「吉」字,卦才可以致元亨,未便有 象明之。」○胡氏一桂曰:「自「元亨」外無餘辭,唯大有 程傳以卦才言也,如卦之才,可以致「元亨」也。 上陽爲鉉,有鼎之象。又以巽木入離 故其卦爲鼎,下巽,巽也,上離爲 集説易氏祓 陽 實 爲 火

井在邑里之間,往來行汲,養民之象也, 鼎在朝廟之中, 案: 上經頤卦言養道,曰「聖人養賢以及萬民」,然則 其辭直曰「元亨」,與大有同 賢,則與之食天禄,治天職,而所以養民者,在是矣,故 燕饗則用之,養賢之象也。 者之所當養,此兩端而已。下經井言養,鼎亦言養,然 人,是其得失未可知也,故井之彖猶多戒辭。 養民者存乎政,行政者存乎 至於能養 王

> 初六、鼎顛趾、利出否、得妾以其子、无咎 本義居鼎之下,鼎趾之象也。上應九四則「顛」矣。

也。 取、故云「得妾」、言得其人則如是也。 子」,致其主於无咎也。 无咎」,六陰而卑,故爲妾。「得妾」,謂得其人也。若得 能用下之善,下能輔上之爲,可以成事功,乃善道。 位,初在下之人而相應,乃上求於下,下從其上也。 故「顛趾」利在於「出否」,「否」,惡也。 也。然有當顛之時,謂傾出敗惡以致潔取新 程傳六在鼎下,「趾」之象也。 如此,而其占「无咎」,蓋因敗以爲功,因賤以致貴也。 之,則爲利矣。得妾而因得其子,亦由是也。 當卦初,鼎未有實,而舊有否惡之積焉。 穢不能留,反以顛爲利也。 曰:「「鼎顛趾」,鼎之未用而傾仆也。 良妾,則能輔助其主,使無過咎也。「子」,主也。 鼎之「顛趾」,有當顛之時,未爲悖理也。「得妾以其子, 顛」之象也。 以六上應四爲「顛趾」而發此義,初六本無才德可 鼎覆則趾 六陰居下,而卑巽從陽,妾之象 | 顛,趾顛則覆其實矣,非順道 若九四之折足,則覆敗而凶 上應於四,趾 未用而傾仆,則污 集説熊氏良輔 四近君大臣之 因其顛而 判則可 此爻之象 而向上 「以其 也。 上 然 出 如

凶咎者,則有之矣。「鳴豫」、「咸拇」之類是也。 之卑,應四有援上之嫌,故於義無可取者。 案:《易》例初六應九四,無亨吉之義,蓋以初六乃材德 子之路者,此也,故觀《易》者知時義之爲要 得去污穢以自濯於潔清。 材微品所不遺焉。 下,上之養下也,大賢固養之矣。 則居卑處初,未能自達者宜也。 六、九四之應,容有取焉。 上進之義,萃有萃上之義,鼎有得養之義,此三者則初 嗣 《萃》初則「乃亂乃萃」,蓋主於在下者之求進求萃而言。 續以薦身於嬪御。 當此之時,雖其就上也如顛趾 盛世所以無棄才,而人入於 雖其媒鬻也如妾,而因得 然《晉》初則「晉 惟鼎之義,主於上之養 及其使人也,器之薄 其動於應而 1如推 惟 而 如, 士 晉 君 廣 因 有

九二,鼎有實,我仇有疾,不我能即,吉。

則初雖近,不能以就之矣。是以其象如此,而其占爲如相求而非正,則相陷於惡而爲仇矣。二能以剛中自守,本義以剛居中,「鼎有實」之象也。「我仇」謂初。陰陽、「,見不質」,有人不多,之,有自民,言

對也。 剛中自守。故「吉」。」 爲實。井二無應,故其功終不上行。鼎二有應,而能以 炳文曰:「鼎諸爻與井相似。 守以正,則不正不能就之矣,所以「吉」也。 有「疾」也。 二當以正自守,使之不能來就己。 彼必相求,故戒能遠之,使不來即我,則 陰從陽者也。 應,上從六五之君,則得正而其道可亨。 鼎之有實,上出則爲用。二陽剛有濟用之才,與五相 是則 「吉」也。 陰陽相對之物,謂初也。 九二居中而應中,不至失正,己雖自守, 程 傳二以 剛 實居 井以陽剛爲泉,鼎以陽剛 相從則非正而害義,是 中,鼎 中「有實」之象。 「吉」也。 然與初· 集説 人能自 仇 密比 胡氏

定指一爻爲我仇也。 院之可乘也。此只據九二剛中能自守而取此象,不必 愛以伺其隙,故必不惡而嚴,使之「不我能即」,而後無 愛以伺其隙,故必不惡而嚴,使之「不我能即」,而後無 經,則相遠而不相即矣。然小人之害人也,必託爲親 案:此「疾」字是妬害之義,所謂「人朝見疾」是也。夫相

悔,終吉。 九三,鼎耳革,其行塞,雉膏不食,方雨,虧

本義以陽居鼎腹之中,本有美實者也。

然以

過剛失

腹

得「吉」也。 得以爲人之食。 中,越五應上,又居下之極,爲變革之時,故爲鼎耳方革 指五也,有文明之德,故謂之雉。 得其任,无以施其用。「膏」,甘美之物,象禄位。 五異而不合也。「其行塞」,不能亨也。不合於君,則不 不得於君,則其道何由而行。「革」,變革爲異也,三與 同、五中而非正、三正而非中不同也,未得於君者也。 居巽之上,剛而能巽,其才足以濟務。 陰陽將和而失其悔矣。 而不可舉移。 巽正,終必相得,故吉也。 而不偶,故有不足之悔。 和合。「虧悔終吉」,謂不足之悔,終當獲吉也。三懷才 物,陰陽交暢則雨。「方雨」,且將雨也,言五與三方將 彰,守其道,其終必亨。五有聰明之象,而三終上進之 五之禄位,是不得「雉膏」食之也。 之失,若過剛則豈能 ,有實者也。 程傳「鼎耳」,六五也,爲鼎之主。三以陽 雖承上爻文明之腴,有「雉膏」之美,而 [耳]謂六五,正所以運其腹中所容者, 然以陽居陽,爲得其正,苟能自守,則 「終吉」。 占者如是,則初雖不利,而 然其有陽剛之德,上聰明而 三雖不中,以異體故无過 集説易氏被曰: [三鼎 三有才用,而不得六 君子藴其德,久而必 然與五非應而 「雉」, 終 剛 下 不 不

《井》三所謂「王明並受其福」者,亦猶是也。」 陽和而爲雨,始雖有不遇之悔,終當有相遇之吉。 上承文明之腴,以剛正自守,五終當求之。 方變革而不可舉移,故其行不通。 食,不能使人必食,六五鼎耳,三與五不相遇,如鼎 鼎三如鼎中有雉膏而不得以爲人食。 三,皆居下而未爲時用。 其始之悔,而終必獲吉也。」〇胡氏炳文曰:「井、鼎九 塞。及其終也,陰陽相濟,有至和將雨之兆,此所以 享之。然君子處心,要使美實備於我,而不計 惟上無應,塞而不行。 實在其中,美如「雉膏」,誰 井三如清潔之泉而不見食: 然五文明之主,三 然君子能爲可 方且如陰 行 之通 得而 耳 虧

九四,鼎折足,覆公餗,其形渥,凶。

下 勞而致也。 當求天下之賢智,與之協力,得其人,則天下之治可不 位,任天下之事者也。 任矣。故其象如此,而其占[凶]也。 從之。九四居上任重者也,而下應初六之陰,則不勝其 本義晁氏曰:「「形渥」,諸本作「刑剭」,謂重刑也。」今 應於初,初陰柔小人,不可用者也。 用非其人,則敗國家之事,貽天下之患。 天下之事,豈一人所能獨任,必 程傳四,大臣之 而四用之,其不

七二

貌也。 餗。 勝 渥」,謂赧汗也,其凶可知。《繋辭》曰:「德薄而位尊,知 非人,至於覆敗,乃不勝其任,可羞愧之甚也。「其形 其至辱,災及其身,故曰「其形渥,凶」也。」○胡氏 於所私 小而謀大,力少而任重,鮮不及矣。 文曰: 四,其上則耳矣。受實必有餘量,以爲溢地也,溢則 其才分,則有墮官之謗矣。」○蘇氏軾曰:「鼎之量極 有覆餗之凶。君子之人雖有才德,亦有分量,若職事 曰:「夫鼎之實必有齊量,不可以盈溢。若遇其盈溢,則 已過於溢,而又以陽剛之才,下應於初,初趾已顛,故有 濡其體也。」○易氏峳曰:「四亦鼎腹有實,在二陽之上, 矣。」〇朱氏震曰:「『其形渥』,羞赧之象。 澤流被面,沾 實,故「折足」而「覆餗」。」 ·折足」之象。「覆公餗」,四近君,爲公之象。」〇胡氏炳 任而敗事,猶鼎之折足也。 「餗」,鼎實也。 「初未有鼎實,故因」 既「覆公餗」,體爲沾濡,知小謀大,不堪其任,受 ,德薄知小也。 居大臣之位,當天下之任,而所用 集説王氏弼曰:「[渥],沾濡之 「顛趾」而「出否」。 「鼎 折足」,則傾覆公上之 言不勝其任也。J蔽 四已有鼎 於 過 瑗 覆

> 爾貌言之,愧生於中,則顏發赤也。 形渥」,從王氏説爲是。《詩》曰「渥赭」、曰「渥丹」,皆以《大過》之「不橈乎下」,《解》之「解而拇」,皆是也。「其足覆餗」之象。凡《易》例,九四應初六,皆有損而無助,

六五,鼎黄耳金鉉,利貞。

乎耳,耳不虚中,則鼎雖有鉉而無所措。 色,謂五之中也。 耳以舉鼎者鉉也,上九之象也。」〇王氏申子曰:「黄,中 之上,受鉉以舉鼎者耳也,六五之象也。 陰柔,故戒以貞固於中也。 所利在貞固而已,六五居中,應中,不至於失正,而質本 應剛,二剛中巽體而上應,才无不足也,相應至善矣。 中之德,陽體剛,中色黄,故爲「金鉉」。 鼎之舉措在耳,爲鼎之主也。 鉉」以上九而言,更詳之。 剛,故其象如此。 之物。「鉉」,貫耳以舉鼎者也。 本義五於象爲耳,而有中德,故云「黄耳」。 「金」,堅剛 鉉」,加耳者也。 二應於五,來從於耳者鉉也。 金,剛德,謂上之陽也。 而其占則利在 程傳五在鼎上,耳之象也 集説王氏宗傳曰:「在鼎 Ŧī. 五虚中以應九二之堅 有中德,故云「黄耳」。 一貞固 而已。 五文明得中而 在鼎之外,貫 耳而無鉉,則 主一 或曰「金 二有剛 鼎者在

其盈也,盈則有傾覆之象矣。又應初爲無輔,故有「折

案:四之得凶,諸家之説備矣。

蓋三陽爲實,而四

適當

九爻取,玉象以爻位剛柔相濟取。」 對不可用,或説爲優。然上九又自謂「玉鉉」者,金象以傳之助,而後一鼎之實,得以利及天下,猶「鼎黄耳」得《本義》從之。然猶舉或曰之説,謂「金鉉」以上九言,竊《本義》從之。然猶舉或曰之説,謂「金鉉」以上九言,竊《本義》從之。然猶舉或曰之説,謂「金鉉」以上九言,竊以,而後一鼎之實,得以利及天下,猶「鼎黄耳」得鼎雖有實而無所施。故鼎之六五,虚其中以納上九陽

上九,鼎玉鉉,大吉,无不利。

占也。 在上鉉之象,剛而温 本義上於象爲「鉉」,而以陽居陰,剛而能温,故有 至上而後爲「元吉」,鼎至上而後爲「大吉」,皆所以全養 説易氏祓曰:「鼎與井,其用在五,而其功皆在上。 雖居无位之地,實當用也。 適宜,動静不過,則爲「大吉」,无所不利矣。 不極剛而能温者也。 鉉」之象。 人之利者也。] 〇胡氏炳文曰: 程傳井與鼎以上出爲用,處終,鼎功之成也 而其占爲「大吉无不利」,蓋有是德,則如其 者玉也。 居成功之道,唯善處 與它卦異矣,井亦然。 九雖剛陽,而居陰履柔, 一上九一陽横瓦乎鼎耳之 而已。 在上爲鉉 剛柔 玉 集 井

而出鼎爲用也。」「井、鼎皆以上爻爲「吉」,蓋水以汲而出井爲用,食以烹而又下得六五之柔,則以爲「玉鉉」。」○熊氏良輔曰:剛,則以爲「金鉉」。「玉」具剛柔之體,上九以剛居柔,上,有「鉉」象。「金」,剛物。 自六五之柔而視上九之上,有「鉉」象。「金」,剛物。 自六五之柔而視上九之

《大有》上爻曰「吉无不利」,他爻所無也,惟《鼎》上爻亦 休也。 爲賢,六五尊而尚之,是尚賢也。 之彖辭直曰「元亨」,他卦所無也,惟《鼎》亦曰「元亨」, 案:此卦與大有只争初六一爻耳,餘爻皆同也。《大有》 爻見之。即彖所謂「元亨」者也。又《易》中《大象》言天 實、大畜、頤之類,其義皆善,其《彖傳》亦多發「尚賢」、 曰「大吉无不利」,以其皆爲尚賢之卦故也。 以凝命,所謂「君正莫不正」者,用能協於上下,以承天 天之命也。 《書》曰「天命有德,五服五章哉」,故退不肖而進賢者: 卦義之盛,重於此兩爻之相得,故「吉无不利」,皆於上 命者,亦惟此兩卦,一曰「順天休命」,一曰「正位凝命」。 養賢」之義。 大有以遏惡揚善爲順天,此則推本於正位 然以卦義言之,則大有與鼎獨爲盛 在他卦有此象者,如 上九剛 也

總論丘氏富國曰:「初爲足,故曰「顛趾」。二、三、四

爲腹,故曰「有實」,曰「雉膏」,曰「公餗」。 革」之象。」 五日耳,而三 上 初曰趾,四亦曰足者,以四應乎初,而四之足即 黄耳」,上爲鉉,故曰「玉鉉」,此豈非全鼎之象乎! 曰鉉,而五亦曰 一亦曰 [耳者, 鉉 者,以 則以三無應乎 五附乎上,五之鉉即上也。 五,而有「鼎耳 五爲耳,故 初 也。 然 日

■ 震震 上下

爲長男,其象則爲雷,其義則爲動,雷有震奮之象,動爲發震驚之義。乾坤之交,一索而成震,生物之長也,故學國家繼位號者也,故爲主器之主。《序卦》取其一義之大者,爲相繼之義。震之爲卦,一陽生於二陰之下,之大者,爲相繼之義。震之爲卦,一陽生於二陰之下,之大者,爲相繼之義。震之爲卦,一陽生於二陰之下,之大者,爲相繼之義。震之爲卦,一陽生於二陰之下,故爰之以震。」鼎程傳震,《序卦》:「主器者莫若長子,故受之以震。」鼎程傳震,《序卦》:「主器者莫若長子,故受之以震。」鼎程傳震,《序卦》:「主器者莫若長子,故受之以震。」鼎

震,亨,震來虩虩,笑言啞啞,震驚百里,不喪

驚懼之義

本義「震」,動也。一陽始生於二陰之下,震而動也。

匕鬯。

卦才无取,故但言處震之道。 其誠敬之心,則雖雷震之威,不能使之懼 俎,鬯以灌地而降神,方其酌裸以求神,薦牲而祈享,盡 喪失。 失。雷聲所及百里也,唯宗廟祭祀執匕鬯者,則不致於 雷,故以雷言。雷之震動驚及百里之遠,人无不懼而 鬯」,言震動之大而處之之道。動之大者,莫若雷,震爲 周環顧慮不自寧也。 虩」然也。 有「亨」。 發,動而進,懼而脩,有主而保大,皆可以致亨,故震則 進,有「亨」之義。 懼則致福,而不失其所主之重。 神者也。「不喪匕鬯」,以長子言也。 「匕」,所以舉鼎實,「鬯」,以秬黍酒和鬱金,所以灌 時也。 大震懼,能安而不自失者,唯誠敬而已,此處震之道也 言啞啞」。「啞啞」,言笑和適之貌。「震驚百里,不喪匕 其象爲雷,其屬爲長子。 人之致其誠敬,莫如祭祀,匕以 「虩虩」,恐懼驚顧之貌。 當震動之來,則恐懼不敢自寧,旋顧周慮,「號 虩虩,顧慮不安之貌。 又震爲動,爲恐懼,爲有主。 處震如是,則能保其安裕,故「笑 震有亨道,「震來」,當震之來 集 「震驚百里」,以雷言。 程傳陽生於下而 説干氏寶曰: 蠅虎謂之虩者,以其 此卦之占,爲能 載 而失守,故臨 鼎實升之於 震而 祭禮 地降 自 奮 上

我也。 薦陳甚多,而經獨言「不喪匕鬯」者,匕牲體,薦鬯酒,人 震來而後虩虩也。 象。「不喪匕鬯」,以長子主器取象。「震亨」,謂震有亨 調鬯之氣。」〇胡氏炳文曰:「「震驚百里」,以震爲雷取 君所自親也。」〇胡氏瑗曰:「「百里」,雷聲之所及也 便是震來也。 鄰」,此説非惟昧卦辭「震來」之義,亦失卦名震字之義 自外來也,故爻云「震來厲」。又云「震不于其躬于其 言,謂事之可懼而吾懼之也。 釋亨字。1○蔡氏清曰:「「震來」,當震之來時也。 之道。又自以「震來虩虩」釋震字,以「笑言啞啞」以下 鼎之實而升於俎也。「鬯」者,以鬱金草和酒,而有芬芳 懼。」〇余氏本曰:「「震驚百里」,只是足「笑言啞啞」 一 福而不失其所主之重。」〇又曰:「「震來虩虩」以心言, 卦辭旨同。至於「震不於其躬」、《本義》分明有「恐懼 「匕」者,宗廟之器,以棘木爲之,似畢而無兩岐,所以舉 「震驚百里」以事言。「不喪匕鬯」,不懼也,不懼由於能 「脩省」字,其與卦辭同益明矣。凡有所事者皆當懼,懼 蓋震之來,來猶至也,固亦有其事,然震之至則 六二「震來厲」,謂當震之來而危厲,此震來正與 君子之心,常存敬畏,執事便敬,所以致 虩虩,所以狀其震來也。或曰:來者 其震懼之也「虩虩」然,非 以心 在

句意,大意謂人平時若能恐懼,則可以致福。雖卒然過

變之來,亦無可畏也。」

案:「震來」之義,蔡氏得之矣。

初九、震來虩虩、後笑言啞啞、吉。

重震之初。又最下者,所以爲震之主也。」本義成震之主,處震之初,故其占如此。程傳初九本義成震之主,強震者也。在卦之下,處震之初也。知震之成震之主,致震者也。在卦之下,處震之初也。知震之成震之主,致震者也。在卦之下,處震之初也。知震之水,當震之始,若能以爲恐懼而周旋顧慮,「虩虩」然不來,當震之始,若能以爲恐懼而周旋顧慮,「虩虩」然不來,當震之初。又最下者,所以爲震之主也。」 程傳初九本義成震之主,處震之初,故其占如此。程傳初九本義成震之主,處震之初,故其占如此。程傳初九本

六二,震來厲,億喪貝,躋于九陵,勿逐七日

足以自守,故不求而自獲也。此爻占具象中,但「九陵」未詳,又當喪其貨貝,而升於九陵之上。然柔順中正,本義六二乘初九之剛,故當震之來而危厲也。「億」字得。

七日」之象,則未詳耳。

程

傳六二居中得正,善處震

者也,而乘初九之剛。 之大方也。 岡陵之重,高之至也。「九」,重之多也,如九天九地 當,而必喪其所有,則升至高以避之也。「九」,言其重。 陵之高也。 能禦之。「厲」,猛也,危也。 也。以己即物,失其守矣,故戒「勿逐」,避遠自守,處 以自守,過則復其常矣,是勿逐而自得也。「逐」,即 勢巽避,當守其中正,无自失也。 來,然時過事已,則復其常,故云「七日得」。 乃更始,事既終,時既易也,不失其守,雖一時不能禦其 處,故「億喪貝」。往而「躋于九陵」,雖今未得,至於歷 所謂安利也。」○楊氏簡曰:「六二乘初九之剛,不可 之險而升之,避害以自全,靜退以觀變,事定則必得 汝諧曰: 日興周焉,此象也。」○蔣氏悌生曰:「「億」,度也,事未 太王既不可禦狄,不可安處,去而邑於岐山之下,而他 七日,則時當得矣,勿用逐也。 勿逐七日得」,二之所貴者中正也。 億」,度也。 「「億」,度也,度實貨之可喪而喪之,不憚九陵 如二者當危懼而善處者也。 「逐」,往追也。 「貝」,所有之資也。「躋」,升也。 九,震之主。 以「震來」之「厲」,度不能 彼來既猛,則己處危矣。 避難曲折有如此者,昔 億之必喪也,故遠 震 遇震懼之來,雖 剛動 卦位有六,七 集説鄭氏 而 「九陵」 Ë 奮 币 孰 其 安 震 避 量 物

> 久而獲矣。」 者,利耳。遠利而自處於高,豈惟無厲,所喪者可以不者,利耳。遠利而自處於高,豈惟無厲,所喪者可以不之也。「躋于九陵」,飄然遠舉之意。 人之所以常蹈禍至未著而先謀度之謂億。」○楊氏啟新曰:「「喪」,自喪

六三,震蘇蘇,震行无眚。

省也。」 可以「无眚」矣。 新曰: 則持身無妄動,應事有成規,又何眚之有?」○楊氏啟 患有憂懼之時,而患無脩省之功。 時而懼益甚,精神涣散,故爲「震蘇蘇」之象。 不正而處震懼,有眚可知。 以就正爲善,故二「勿逐」則自得,三能行則「无眚」。 正,則可以无過。「眚」,過也。 故其震懼而「蘇蘇」然。若因震懼而能行,去不正而 以陰居陽不正,處不正,於平時且不能安,況處震乎! 不正,是以如此。 本義「蘇蘇」,緩散自失之狀。 「震而不行,徒震耳,行者改圖也,此恐懼所以脩 程傳「蘇蘇」,神氣緩散自失之狀。 占者若因懼而能 集 説 趙氏光大曰: 三行則至四,正也。 以陰居陽,當震時 若能因此懼 行,以去其不正, 然天下不 心而行 「當震 而 以 刾 居 就 \equiv 動

九四、震遂泥。

六五,震往來厲,億无喪有事。

本義以六居五而處震時,无時而不危也。 以其得中,

德,陷溺於重陰之閒,不能自震奮者也,故云「遂泥 震動之時,不中不正,處柔失剛健之道,居四无中正 (震動則: **L.免於泥** 安 四 自 世 爲 而 與 莫 之 居 震 也。 以中爲貴也。 主,則能亨矣。 苟不失中,雖有危不至於凶也。 故當億度无喪失其所有之事而已。 往來皆危也。 見。五之動,上往則柔不可居動之極,下來則犯剛,是 正,正不必中也。天下之理,莫善於中,於六二、六五可 雖當位,或以不中爲過,中常重於正也。 居剛又得中,乃有中德者也。 喪」矣。 故无所喪而能 五所以危,由非剛陽而无助,若以剛陽有助爲動之 程傳六五雖以陰居陽不當位爲不正,然以柔 當君位爲動之主,隨宜應變,在中而已, 諸卦二、五雖不當位,多以中爲美,三、四 「有事」也。 往來皆危,時則甚難,但期於不失中,則 占者不失其中,則雖危「无 不失中則不違於正矣,所 億度,謂圖慮求不失中 所有之事,謂中德 蓋中則不違於

乎?

遂,无反之意,處震懼則莫能守

也。

欲

集説項氏

能奮也,

卦辭合。

泥,滯

鴻也。

以不正之陽,而上下重陰,安能

也。

遂」者,无反之意,

「泥」,滯溺也。

程

傳

九

本

·義以剛處柔,不中不正,陷於二陰之閒,不能

稱「往來」。「億」,度也。二、五之「厲」,即震之恐懼也。 氏安世曰:「二居下震之上,故稱來。五居重震之上,故 可自守,以柔主動,固不能 曰:「可以守宗廟社稷爲祭主,故「无喪有事」也。」○項 亦「厲」,「來」亦「厲」,皆以危懼待之,故能「无喪有事」, 蓋不失其所有也。 二、五之「億」,即震之脩省也。」〇熊氏良輔曰:「震「往」 此 |卦辭所謂「不喪匕鬯」,能主器以 致亨濟也。 集説虞氏翻

而不能

發達

「水雷

也。」
也。」
一定表表的,而「无喪有事」乃歸之五,五乃震之君震之主爻在初,而「无喪有事」,謂有事於宗廟社稷也。 震往而復來之時也。「有事」,謂有事於宗廟社稷也。 以五視初,則初之始震爲既往,四之洊震爲復來,五蓋 以五視初,則初之始震爲既往,四之洊震爲復來,五蓋

守乎?故二以「喪貝」爲中,五以「无喪有事」爲中。尊,所守者則宗廟社稷也。貝可喪也,宗廟社稷可以失「喪貝」而五「无喪」者,二居下位,所有者貝耳。五居二、五之震同,其有中德而能億度於事理者亦同。然二案:《春秋》凡祭祀皆曰「有事」,故此「有事」謂祭也。案:《春秋》凡祭祀皆曰「有事」,故此「有事」謂祭也。

其鄰,无咎,婚媾有言。上六,震索索,視矍矍,征凶,震不于其躬于

也。 如是。 柔不中正之質而處震動之極,故「征」則「凶 者當如是也。 則可以「无咎」,而亦不能免於「婚媾」之「有言」。 而行,其凶必矣。 本義以陰柔處震極,故爲「索索」、「矍矍」之象。 「矍矍」,不安定貌。 六以陰柔居震動之極,其驚懼之甚,志氣 程傳「索索」,消索不存之狀,謂其志 然能及其震未及身之時,恐懼脩 志氣索索,則視瞻徊徨。 也。 戒占 震之 殫 以 以 省, 索 陰 氣 是

> 矣。」 舉動之際,覩事之未然而知戒,亦聖人之所許也。」○趙 時,恐懼脩省,豫爲之圖,則自無「索索」、「矍矍」之「咎」 以然者,以不能圖之於早也。 徬徨,驚懼之甚也。 以是而行,其志先亂,「凶」也。 氏光大曰: 卦之上,其中無所得,不能自安,故「震索索」而氣不充 有言」也。 之首,今乃畏鄰戒而不敢進,與諸處震者異矣,故「婚媾 動者。「有言」,有怨咎之言也。 示人知懼能改之義,爲勸深矣。「婚媾」,所親也,謂同 變,柔不固守,故有畏鄰戒而能變之義。聖人於震終: 矣,故得「无咎」。 者,近於身者也。 及身,乃于其躬也。 「視矍矍」而神不固。 集説鄭氏汝諧曰:「上以陰柔之資,而居 「陰處震極,故當震之來,志氣消沮,瞻視 苟未至於極,尚有可改之道。 能震懼於未及身之前,則不至於極 「不于其躬」, 人之過於恐懼者,固無足取,若能 若震未及身而方及鄰之 六居震之上,始爲衆動 謂未及身也。 震終當 鄰 所

與儆戒於未然乎?之未至,則相誘以晏安而已爾,安能爲人深謀長慮而相外,反言以決之之辭也。瑣瑣姻婭,見識凡近,當禍患案:此「婚媾有言」,與《夬》四「聞言不信」同,皆占戒之

夏 艮艮 上下

受之以艮,艮者止也。」動静相因,動則有静,静則有 交,三素而成艮,一陽居二陰之上,陽動而上進之物,既 艮山之象,有安重堅實之意,非止義可盡也。 物无常動之理,艮所以次震也。 也。艮止者,安止之義,止其所也 則與畜止之義何異? 至於上則止矣,陰者静也,上止而下静,故爲艮也。 程傳艮、《序卦》:「震者動也,物不可以終動,止之,故 曰:畜止者,制畜之義,力止之 艮者止也,不曰止者, 乾坤之 動 然

艮其背,不獲其身,行其庭,不見其人,无咎。

身而動矣,是不有其身也。 地,而亦不見其人矣。蓋「艮其背」而「不獲其身」者,止 止,「艮其背」,則止於所當止也。 庭」而「不見其人」,乃「无咎」也。 不進之意也。其占則必能止於背而不有「其身」,「行其 而止也。其象爲山,取坤地而隆其上之狀,亦止於極 本義「艮」,止也。 丽 止也。 「行其庭」而「不見其人」者,行而 一陽止於二陰之上,陽自下升,極上 如是則雖行於庭除有人之 止於所當止,則不 蓋身動物也,唯背爲 止 也。 動 隨 而 静

云 其身」,止其止矣。『不見其人』,止於行矣。 外物不接,内欲不萌,如是而止,乃得止之道,於止爲 則止矣,不能无我,无可止之道。「行其庭,不見其人」, 乃背之,是所不見也。 不可得也。 之所以不能安其止者,動於欲也。 各止其所,而皆主夫静焉,所以得 惟背不動,取止之義。 語類》云:「「艮其背」,只是言止也。 樂之未發,謂之中。」艮之爲止,其在兹時乎。○○《朱子 故人欲滅而天理固存。孟子曰「養心莫善於寡欲」,其 不動,則外境不人,是以「行其庭,不見其人」也。「不獲 曰:「人之耳目口鼻皆有欲也,至於背則無欲也。 則止,止非爲也。爲不止矣,其道也深乎。」○郭氏忠孝 「无咎」也。 庭除之閒至近也。 而止乃安。「不獲其身」,不見其身也,謂忘我也。 「艮其背」之謂乎。]○郭氏雍曰:《中庸》曰:「喜怒哀 「「艮其背」便「不獲其身」,「不獲其身」便「不見其 故艮之道,當「艮其背」,所見者在前,而背 集説周子曰:「「艮其背」,背非見也。 在背則雖至近不見,謂不交於物也 止於所不見,則无欲以亂其心, 止其所,則廓然而大公。]〇又 「无咎」也。 欲牽於前而求其止 人之四體皆能動 内外兼止 程 傳人 无我 内欲 静

二七九

御纂周易折中卷七

人。 不道動都是妄,然而動斯妄矣,不動自无妄。]〇又云: 不見有我,只見所當止也。」〇「問:「伊川云:「内欲不 好,便是「不獲其身」,「行其庭,不見其人」,不見有物, 道云:「與其非外而是内,不若内外之兩忘也。」 説得最 庭,不見其人」,只是見道理,不見箇人也。」〇又云:「明 「「艮其背,不獲其身」,只是見道理,不見自家。 「行其 萌,外物不接,如是而止,乃得其正。」似只説得静中之 身」,行時自「不見其人」,此三句乃「艮其背」之效驗。」」 其背」是止之時當其所而止矣,所以止時自「不獲其 爲静之止,「行其庭,不見其人」爲動之止。 止否?」曰:「然。 不用; 見有人,所見者何物?1日"「只是此理。」」〇陸氏九淵 庭,不見其人。」曰:「不見有人也。」曰:「不見有身,不 〇「問:「艮其背,不獲其身。」曰:「不見有身也。」「行其 處不穩故也。」〇蔡氏清曰:「「艮其背」、《本義》云: 無物。」〇許氏衡曰:「人平地行不困,沙行便困,爲其立 曰:「「艮其背,不獲其身」,無我。 「行其庭,不見其人」, 「背者,止之所也。」夫天有四時,冬不用, 地有四方,北 「行其庭」對「艮其背」,只是對 人有四體,背不用,一理也。 此段分作兩截,「艮其背,不獲其身」 蓋體立而後用有以 得 輕。 總説,則「艮 身是動 物,

> 「「背」者北也。人之一心,静之所養有淺深,則發之所 慎曰:「程子「廓然而大公,物來而順應」,即其義。 中有多寡,而於静全無得者,一步不可行也。」〇吴氏曰 行,此理若充得盡,即是定之以中正仁義而主静。] 〇又 其人。動静各止其所,斯能内外兩忘。」 也不見有人,故云此四句只略對。] 〇陳氏 在「艮其背」上、人多將「行其庭」對此句説,便不是了。 曰:「四句只略對、「艮其背」一句是腦、故《彖傳》中言 然大公,則忘我而不獲其身, 「行其庭」只輕帶過,緣「艮其背」了,則自然不見有己, 「是以「不獲其身,行其庭,不見其人」」。 物來順應,則 此段功夫,全 忘物 琛 而 日 不 見 廓

初六,艮其趾,无咎,利永貞。

此爻隨字與咸三同,咸三謂隨四,此爻謂隨三也。

也。故戒以「利永貞」,欲常久而貞固也。」終,而況不能止於始者乎。初六陰柔,懼其始之不能終於其始而止之,乃可「无咎」。止於始,猶懼不能止於

六二,艮其腓,不拯其隨,其心不快。

也。 此。 不獲其君矣。三居下之上,成止之主,主乎止者也,乃 往而拯之,是以其心不快也。此爻占在象中,下爻放 雖有中正之德,不能從也。二之行止係乎所主,非得自 剛而失中,不得止之宜,剛止於上,非能降而下求。二 本義六二居中得正,既止其腓矣。三爲限,則腓所隨 也。 不聽,道不行也,故其心不快,不得行其志也。士之處 之,不能拯而唯隨也。雖咎不在己,然豈其所欲哉。 也。二既不得以中正之道,拯救三之不中,則必勉而 由,故爲「腓」之象。 之不得而後隨。 高位,則有拯而无隨,在下位,則有當拯,有當隨,有拯 而過剛不中,以止乎上,二雖中正,而體柔弱,不能 上行而不見拯,不得不隨而動,故「心不快」。」 程傳六二居中得正,得止之道者也。上无應援, 集説 股動則腓隨,動止在股而不 ,楊氏簡曰:「「腓」,隨上而動者 在 言 腓 隨

> 不能拯其隨爲不快於心,與咸三之志在隨人異矣。 「無中,而九四尤中之中,故以四爲心也。此卦惟九三一例以相近之下位爲隨,故咸三艮二皆言隨也。兩卦直心位者,皆德非中正,若一以隨爲道,則隨之者亦失其正矣,故《咸》三則「執其隨」而「往吝」,此爻則「不拯其正矣,故《咸》三則「執其隨」而「往吝」,此爻則「不拯其不能拯其隨爲不快於心,與咸三之志在隨人異矣。

九三,艮其限,列其夤,厲薰心。

之上,而隔上下之限,皆爲止義,故爲「艮其限」,是確乎 限,則不得屈伸,而上下判隔,如「列其夤」矣。危厲薰 腓,則不進而已。九三以過剛不中,當限之處,而艮其 堅也。止道貴乎得宜,行止不能以時而定於一,其堅强 以剛居剛而不中,爲成艮之主,決止之極也。已在下體 心,不安之甚也。 本義「限」,身上下之際,即腰胯也。「貪」,膂也。 如 上下之際也。 止而不復能進退者也。在人身如「列其夤」。夤,膂也, 此 ,則處世乖戾,與物睽絶,其危甚矣。 列絕其夤,則上下不相從屬,言止於下之 程傳「限」,分隔也,謂上下之際。三 人之固止一 止 於

隅, 之理? 夤」之象,故不如上之吉。蓋寂然不動者心之體,如之 象,故不如初之吉。艮所主在上,上九,上之最上者也。 下者也。 焉,則截然不相關屬,而所謂心者,其能獨寧乎? 如意,而心得以夷然居中。今也「艮其限」,而有所 氣,必也周流會通,曾無上下之間,故能屈伸俯仰,無不 之地也,故曰:限夫人之身,雖有體節程度,然其脉絡 氏宗傳曰:「九三下體之終也,以上下二體觀之,則交際 絶物則物終不可絕,而心終不可静矣。) 屬,時止而止,時行而行,則事應於心而心常泰然,有意 是惡動以爲静,而反至於動心者,蓋心之與物本 者也,惟見其危【厲薰心」而已。」○楊氏啟新曰:「此 過剛不中,確乎止而不能進退,以至上下隔絶,是絶物 何可以徇物,感而遂通者心之用,如之何可以絶物。 九三雖亦艮所主,然界乎四柔之中,有限之象,有「列其 「厲薰心」。」○胡氏炳文曰:「震所主在下,初九,下之最 ,而舉 「厲薰心」,謂不安之勢,薰爍其中也。 世莫與宜者,則艱蹇忿畏,焚撓其中,豈有安裕 九四雖亦震所主,而溺於四柔之中,有泥之 集説 故曰 相 \equiv 爻 聯 ιĿ 血 E

> 之德故如此。 之德故如此。 之德故如此。 之德故如此。 之德故如此。 之之,此爻則止之偏,皆因失中正光明通泰之象也。震之九四,不當動而動,此爻則不當揚之則明,遏之則薰矣。危薰心者,言其堙鬱昏塞,無者,安得不危而薰心哉? 心猶火也,可揚而不可遏也。其庭,而與物酬酢也。此之列夤,由於艮限,則因腰之其庭,而與物酬酢也。此之列夤,由於艮限,則因腰之人之坐尸立齊,而揖讓俯仰之用則未嘗廢,此所以能行人之坐尸立齊,而揖讓俯仰之用則未嘗廢,此所以能行

六四,艮其身,无咎。

咎,則見其不能止物,施於政則有咎矣。 以陰柔而不遇剛陽之君,故不能止物。 也。」〇吴氏曰慎曰:「視聽言動,身之用也。 自止其身,今能止之得其道,使四肢不妄動,故「无咎」 四出下體之上,在上體之下,是身之象也。 言之,則謂之一身。分而言之,則腰足而上謂之身。 善其身,无取之甚也。 可「无咎」,所以能「无咎」者,以止於正也。 「无咎」也。 本義以陰居陰,時止而止,故爲「艮其身」之象,而占得 程傳四,大臣之位,止天下之當止 集説胡氏瑷曰:「人之體,統 唯自止其身,則 在上位而僅 夫人患不能 言止其身无 非禮勿視 者 也 六 能 mi

骨,而不得爲艮背之象者,蓋艮背者,能動

而止

也。

如

案:「夤」爲夾脊骨,正與心相對。

「列」,峙也。

峙其脊

一於止,是猶絶視聽言動,而以寂滅爲道者矣。」聽言動,「艮其身」也,時止而止,故「无咎」。若艮限則

家:《咸》五居心上,故「咸其脢」者背也。此爻亦居心案:《咸》五居心上,故「咸其脢」者背也。此爻亦居心案:《咸》五居心上,故「咸其静」,則能止而未能忘也。 《不獲其身」者忘也,若「艮其身」,則能止而未能忘也。 《不獲其身」者忘也,若「艮其身」,則能止而未能忘也。 《不獲其身」者忘也,若「艮其背」則「不獲其身」矣。 然止者忘之路,故其占亦曰「无咎」。正猶《同人》之卦然止者忘之路,故其占亦曰「无咎」。正猶《同人》之卦然止者忘之路,故其占亦曰「无咎」。正猶《同人》之卦案:《咸》五居心上,故「咸其脢」者背也。此爻亦居心案:《咸》五居心上,故「咸其脢」者背也。此爻亦居心

六五,艮其輔,言有序,悔亡。

也。 者也。 悔,謂以陰居陽。 言之。人之所當慎而止者,惟言行也。五在上,故以 本義六五當輔之處,故其象如此,而其占「悔亡」也。 「有序」,中節有次序也。 言輕發而无序,則有悔。 「輔」,言之所由出也。 而陰柔之才,不足以當此義,故止以在上取輔 程傳五君位,艮之主也,主天下之止 輔與頰舌,皆言所 艮於輔,則不妄出而 止之於輔,則 由 悔亡也。 出 一, 而 有 序 輔 義 輔

> 在中、「艮其輔」、謂止於中也。 集説蘇氏軾曰:「口欲在中、「艮其輔」、非不言也、言而有序、所以爲艮也。」○ 台、家杰曰:「止在言前、非出口方思止也。然「有序」 谷氏家杰曰:「止在言前、非出口方思止也。然「有序」 谷氏家杰曰:「止在言前、非出口方思止也。然「有序」 為此、止亦非緘默之謂也。」

上九,敦艮,吉。

也。 氏炳文曰: 艮,君子以思不出其位。」惟上九一爻足以當之。] 〇胡 其人,无咎」。惟六四一爻足以當之。《象》曰:「兼山 『吉』。」○又曰:「彖曰「艮其背,不獲其身,行其庭,不見 可止而止,故「危」。 九與三相類,皆一卦之主也。 所同患也。 於久終,故節或移於晚,守或失於終,事或廢於久,人之 實居上,而又成艮之主。在艮之終,止之至堅篤者也, 本義以陽剛居止之極,敦厚於止者也。 程傳九以剛 敦」,篤實也。 六爻之德,唯此爲「吉」。 「敦臨」、「敦復」,皆取坤土象,艮山乃坤土而 上九能敦厚於終,止道之至善,所以「吉」 居止之極,故不過而爲「敦」。人之止難 上九當全卦之極,時可止而止,故 然九三當上下之交,時不 集説項氏安世曰:「上

隆其上 艮之在上體者凡八,而皆吉。」 者 也。 其 厚 也 彌 固, 故 其 象 爲「敦」, 其 占 曰

爲「背」,故五爲「輔」,《咸》四爲「心」,故五爲背肉。上差一位。」○項氏安世曰:「咸、艮二卦取象相類,《艮》四總論《朱子語類》云:「咸、艮皆以人身爲象,但艮卦又

爲輔,又上兑爲口,則輔宜在上也。」

「隨」。 緣心而變者也。二之腓兼股爲一象,故與咸三俱言而上爲口。艮以三爲心,故四爲背而五爲口。其位皆案:咸、艮之象,所以差一位者,咸以四爲心,故五爲背

異艮上

程傳漸、《序卦》:「艮者止也,物不可以終止,故受之程傳漸、《序卦》:「艮者止也,所以緩也。爲卦上巽今人以緩進爲漸,進以序不越次,所以緩也。爲卦上巽今人以緩進爲漸,進以序不越次,所以緩也。此之所以漸,漸者進也。」止必有進,屈伸消息之理也。止之所以漸,不可以終止,故受之程傳漸、《序卦》:「艮者止也,物不可以終止,故受之

漸,女歸吉,利貞。因,乃其進有序也,所以爲漸也。

歸。 位。 先也。 男女各得其正,亦得位也。 本義 爲之戒者,有其事必貞乃得其宜者,有言所以利者以其 則陵節犯義,凶咎隨之。 占爲「女歸吉」,而又戒以「利貞」也。 義,非漸進之義也。 非設戒也。 是也,言女歸之所以吉,利於如此貞正也。 是也、言所畜利於貞也。有言所以利者以其有貞者,漸 處陰居說,故戒以宜貞也。有其事必貞乃得宜者,大畜 有貞也。所謂涉不正之疑而爲之戒者,損之九二是也. 之從人,最爲大也,故以「女歸」爲義。 如是之正則「吉」也。天下之事,進必以漸者,莫如「女 體而言,中二爻交也。 義而言也,乾、坤之變爲巽、艮,巽、艮重而爲漸。 之義,有「女歸」之象焉。 初、終二爻,雖不當位,亦陽上陰下,得尊卑之正。 臣之進於朝,人之進於事,固當有序。不以其序, 「漸」, 諸卦多有利貞而所施或不同,有涉不正之疑而 漸之義宜能 漸進也。 集説胡氏瑗曰:「天下萬事,莫不 爲 由二爻之交,然後男女各得正 卦 亨而不云亨者,蓋亨者通達之 然以義之輕重,廉恥之道,女 又自二至五,位皆得正,故其 止於下而巽於上,爲不 與歸妹正相對,女之歸,能 程傳以卦才兼 且男女,萬事之 蓋其固有 在 遽 漸 進

有漸。 内,必須男子之家問名納采請期以至於親迎,其 巽,則其進也以正,是爲女歸之吉。」 之占也,《漸》「女歸吉」,嫁者之占也,然皆以貞艮爲主。 守之,无不利也。」〇胡氏炳文曰: 《咸》【取女吉』,取者 進,如女歸之漸,無不吉也。「利貞」者,女歸之道,正固 則爲歸,速則爲奔,故「女歸」以漸爲「吉」。凡天下之 曰:「進之漸者,無若女之歸,「女歸」不以漸則奔也。 媚以希高位,皆由漸而致之,乃獲其「吉」也。」〇郭氏雍 不可以干時邀君,急於求進,處於下位者,不可諂諛 備,然後乃成其禮,而正夫婦之道。君子之人,處窮賤 艮止也,止而説,則其感也以正,是爲取女之吉, 然於女子,尤須有漸,何則? 女子處於閨門之 止 禮 漸 而 佞 畢

本義鴻之行有序而進有漸。「干」,水涯也。始進初六,鴻漸于干,小子厲,有言,无咎。

於

進可謂漸矣。行而以時,乃所謂漸,進不失漸,得其宜爲漸也。「干」,水湄。水鳥止於水之湄,水至近也,其皆取鴻象,鴻之爲物,至有時而羣有序,不失其時序,乃皆取鴻象,鴻之爲物,至有時而羣有序,不失其時序,乃

陽鳥,喻女從夫。卦明漸義,爻皆稱焉。」○楊氏簡曰 以此而進、常情之所憂也。 矣。 於女歸之義爲切也。」 先後有序,於漸之義爲切也。 木、陵爲象。」○何氏楷曰:「六爻皆取鴻象,往來有時 義,不能進而有咎必矣。 也,於義自「无咎」也。 知在下所以有進也,用柔所以不躁也,无應所以能 事,從衆人之知,非能燭理也,故危懼而「有言」。蓋不 所安,時事之所宜,處之不疑。小人幼子唯能見已然之 進欲其知時,故鴻爲象。 六居初,至下也。陰之才,至弱也。 若漸之初而用剛急進,則失漸之 集説李氏鼎祚曰:「鴻」,隨 君子則深識遠照,知義理之 進欲其漸,故以干、磐、陸 昏禮用鴈,取不再偶,又 而上无 應 援,

不同也。

不同也。

不同也。

不同也。

不同也。

不同也。

六二,鴻漸于磐,飲食衎衎,吉。

平易莫加焉。 應 衎」,和樂意。 本 漸進也。二與九五之君,以中正之道相應,其進之安固 安平者,江河之濱所有。 應於五,進之安裕者也,但居漸故進不速。「磐」,石之 在二則柔順中正,而上有九五之應也。」 衆,「飲食衎衎」和鳴。 集説胡氏炳文曰:「艮爲石,故有「磐」象。 二「飲食衎衎」,安且樂矣,時使之然也。 ,故其象如此,而占則「吉」也。 , 大石也。 故其「飲食」和樂「衎衎」然,「吉」可知也。 六二柔順中正,進以其漸,而上有九五 漸遠於水,進於干而益安矣。 初之「小子厲,有言」,危而傷 象進之安,自「干」之「磐」,又 程傳二居中得正,上 在初則无應 鴻食則呼 「衎 也。

九三,鴻漸于陸,夫征不復,婦孕不育,凶,利

故其象如此。而其占「夫征」則「不復」,「婦孕」則「不本義「鴻」,水鳥,陸非所安也。九三過剛不中而无應,吳完

進者也。

居漸之時、志將漸進、而上无應援、當守正以

高曰「陸」,平原也。

三在下卦之上,進至於陸也,陽上

育」,凶莫甚焉。

然以其過剛也,故「利禦寇」。

程傳

平

凶,言不可進也。 則自失而凶矣。 而至者寇也。守正以閑邪,所謂「禦寇」也。不能禦寇, 其道也,如是則「凶」也。 二之所利,在於「禦寇」,非 比則 也。 牽,志有所就,則失漸之道。 當漸進之時,懼其進而犯難也, 吉」,故以夫婦爲言。」○程氏敬承曰:「三以過剛之資: 義理。「婦」謂四,若以不正而合,則雖孕而不育,蓋非 不知復。 俟時,安處平地 夫」,陽也。 三陽在下而相親,陰所從也。二爻相比而无應,相 相親而易合、无應則无適 「征」,行也。「復」,反也。 夫謂三,三若不守正而)則得 利在「禦寇」,言可 集 説 漸之道。 郭氏 四 雍 故 若或不 陰在上 曰:「以 丽 有戒辭焉。 止也。」 「不復」,謂不反顧 相 與四合,是知征 而密比,陽所説 能自守,欲有所 求,故爲之戒。 桂 辭言 女婦 征、孕皆 理 而

征 有讒邪閒於其閒,所謂寇也。 下交,而下又失順勤之道,於義則凶矣。上下不交,必 孕而不能養育,不恤其子也。 高,則不止於厲而已。 之「厲」者無應也,二之安者有應也,三亦無應,而 案: 此卦以「女歸」爲義,則必陰陽相應,乃與義合,故 |而「不復」,不顧其家也。 上九在卦外,不與三應,如「夫 三剛質失柔道,如婦 惟能謹慎自守,使寇無所 以士君子之進言之,上不 有産 位 愈 初

乘,則可以救其過剛之失而利。

六四,鴻漸于木,或得其桷,无咎。

也。 枝,故不木棲。「桷」,横平之柯,唯平柯之上,乃能 于木也。 本義鴻不木棲。 勁直之桷,可容網足而安棲,謂上附於五,故[无咎]。] 義 而巽順,宜「无咎」者也。 如鴻之於木本不安,或得平柯而處之,則安也。四居正 處。謂四之處本危,或能自得安寧之道,則「无咎」也。 上進,豈能安處陰柔之下,故四之處非安地,如鴻之進 ○胡氏炳文曰:「巽爲木,而處艮山之上,鴻漸於此,則 居陰得正,如於木之中,或得平柯而處之,則亦安矣,故 愈高矣。 |无咎]。| 也。 六四乘剛而順巽,故其象如此,占者如之則「无咎. 程傳當漸之時,四以陰柔進據剛陽之上,陽剛 集説房氏喬曰:「進而漸于木,失所也。 木漸 鴻之掌不能握木,木雖高,非鴻所安也。 高矣,而有不安之象。 「桷」,平柯也,或得平柯,則可以 必以得失言者,因得失以明其 鴻趾連,不能 然陰 或得 安 而 安 握

陽、合於「女歸」之義矣。順以事上、高而不危、故有集案:六四亦無應者也、然六四承九五例皆吉者、以陰承

木得桷之象。

九五,鴻漸于陵,婦三歲不孕,終莫之勝,吉。 非遽。 敵中正,一時之爲耳,久其能勝乎? 之」能「勝」。但其合有漸耳,終得其「吉」也。 然中正之道,有必亨之理,不正豈能隔害之,故「終莫 二,四比五,皆隔其交者也。 處也,象君之位。 如是則「吉」也。 三、四所隔。然終不能奪其正也,故其象如此,而占者 本義「陵」,高阜也。 與二爲正應,而中正之德同,乃隔於三、四,三比 程傳「陵」,高阜也。 雖得尊位,然漸之時,其道之行,固 九五居尊,六二正應在下,而爲 未能即合,故「三歲不孕」。 鴻之所止,最高 以不正而 亦

有中正之德,故無戒辭,而直以「終莫之勝」決之,勝字。先儒見三、五兩陽爻皆言婦,故於三則以婦指四,應者也。五雖有應而反其類者也。既取婦象而所應者陰,是之謂反類,其失卦義,又有甚於無應者矣。故三陰,是之謂反類,其失卦義,又有甚於無應者矣。故三陰,是之謂反類,其失卦義,又有甚於無應者矣。故三陰,是之謂反類,其失卦義,又有甚於無應者矣。故三之甚者也。三過剛,故戒以「禦寇」,恐其不能慎也。五進八學」也,但「不育」耳。五則「三歲不孕」,蓋不相和合之甚者也。三過剛,故戒以「禦寇」,恐其不能慎也。五進八學,是

战? 謂可以正邦者。當漸之時,有終吉之理,豈讒邪所能勝所以不能和合而通者,寇勝之也。然如九五之德,則所

上九,鴻漸于陸,其羽可用爲儀,吉。

韻讀之良是。「儀」,羽旄旌纛之飾也。上九至高,出 之逵」,逵,通達无阻蔽之義也。上九在至高之位,又益 用之象,故其占爲如是則「吉」也。 人位之外,而其羽毛可用以爲儀飾,蓋雖極高而不爲无 本義胡氏、程氏皆云「陸」當作「達」,謂雲路也。 之高致也,故可用爲儀法而吉也。 則超逸乎常事之外者也。進至於是而不失其漸,賢 巽之極,必有其序。 上進,是出乎位之外,在它時則爲過矣。於漸之時,居 吉」者,居無位之地,是不累於位者也。 陸」爲「逵」,逵,雲路也,謂虚空之中。《爾雅》「九達謂 是進處高潔,故曰「鴻漸于陸」也。 「上九與三,皆處卦上,故並稱「陸」。 以其進之用,況上九進之道也。 如鴻之離所止,而飛於雲空,在 「羽」,鴻之所用 程傳安定胡公以 「其羽可用爲儀 集説孔氏穎 處高而能不以 上九最 今以 居上 達 達 乎 進 人

安石曰:「其進也,以漸而不失時。其翔也,以羣而不失位自累,則其羽可用爲物之儀表,可貴可法也。」〇王氏

序,所謂進退可法者也。」

阿 古讀 作「逵」字以叶韻。 老,超然於進退之外者也。「陸」字與九三重,故先儒改 與進之義,則反以無應爲宜。 可以「无咎」。上、卦之終也、進之極也。 「三歲不孕」而不和也。 二,陰陽相求者也。然以二爲女,則歸於陽爲正耦,故 以陽應陽,皆不合「女歸」之義,故各有凶厲之辭。 亦時以臣道妻道言,各隨其卦義而已。 位,又爲陽爻,疑其無婦象也。 者。既在卦義之外,則亦不必言也。 則女之已老而非歸者。 其爲臣道、妻道不必言也。 上九又處卦上,以爲妻道: 案,六爻皆有「女歸」之義,獨於三、五言「婦」者,陰爻則 陸」乃「阿」字之誤。 飲食衎衎」而和也。 既見君子,樂且有儀。」 正與 「阿」叶。《詩》云:「菁菁者莪,在彼中 然「逵」、「儀」古韻實非叶也。 阿,大陵也,進於陵則阿矣。 以五爲女,則歸於二爲反類,故 以爲臣道,則臣之已退而非進 四則雖無應而承五,亦得所歸 蓋在家爲保姆,在國爲黎 故稱「婦」焉,蓋雖五位 惟三與五,既居高 初以陰應陰,三 既無所取於歸 五應 意者

盟 震兑 上下

也。 程傳 歸妹也。 下,以少女從長男也,男動而女說,又以說而動,皆男說 以歸妹。」進則必有所至,故漸有歸義,歸妹所以 説,男女之情相感之象。 道。 有漸,男女配合得其道也。 歸之得其正也,男下女而各得正位,止静而巽順,其進 動,陰陽皆相應,是男女居室,夫婦唱隨之常道。漸,女 女,女從男之義。 義,備於是矣。 恒 止 下,陰在上,亦不當位也,與漸正相對。 得其正矣,故位皆不當。 下,女從男也,而有說少之義,以説而動,動以說,則不 一巽而 也。 而説,歸妹動於説,皆以説也。 歸妹者,女之歸也。 漸、歸妹,女歸之義。 歸妹、《序卦》: 動,漸止而異,皆以異順也。 物之隨動莫如水,男動於上而女從之,嫁歸從男 咸,男女之相感也,男下女,二氣感應,止 歸妹爲卦澤上有雷,雷震而澤動,從之 卦有男女配合之義者四、咸、恒、漸、 「漸者進也、進必 初與上雖當陰陽之位,而陽在 妹,少女之稱。爲卦震 恒,常也,男上女下,巽順 咸與歸妹,男女之情也。 歸妹,女之嫁歸也,男上女 恒與漸,夫婦之義也。 男女之道,夫婦之 有所歸, 咸、恒,夫婦之 故受之 上 繼 咸 兑 漸 丽 而

> 之象。 男説少女之義,故爲歸妹也, 説也,人之所説者少女,故云妹,爲女歸之象。 震長男,兑少女,少女從長男,以説而動, 又有 動 ൬ 長 相

歸 妹,征凶,无攸利。

妹。 清曰:「不曰妹歸而 也。 動而不當,故「凶」。 柔乘剛,故其占「征凶」而无所利也。 震之長男,而其情又爲以説而動,皆非正也,故卦爲歸 情以説而動,是其情勝而不計乎匹偶之宜者,故爲「歸 本義婦人謂嫁曰「歸」。 「女歸」矣。」○張氏振淵曰:「妹乃少女而從長男,又其 而卦之諸爻,自二至五,皆不得正。 如卦之義,不獨女歸,无所往而利也。 所歸在妹,不正可知,故[凶]而无所利也。」 曰 「歸妹」,歸者在妹也,如漸 不當,位不當也。 「妹」,少女也。 程傳以說而動 「征凶」,動 兑以少女而從 三、五又皆以 集説 崱 蔡氏 則 曰

反也。 相 非其人來取物也。 案:歸妹文意,如《春秋》歸 自歸,失昏姻之禮,以卦象女先於男,與咸之男下女相 反也。 故不曰 則以少女歸長男,失昏姻之時,與咸兩少之交 「妹歸」而 歸妹所以失者有二,一則不待取 曰「歸妹」,以 地、歸田之例,以物歸於人 明其失禮。 不

二八九

纂周易折中卷七

之醜行也。利」,蓋尊賢育才者,人君之盛節也,自媒自薦者,士女利」,蓋尊賢育才者,人君之盛節也,自媒自薦者,士女而無他戒者,大有、鼎直曰「元亨」,此直曰「征凶,无攸曰「歸女」而曰「歸妹」,以見其失時。凡彖辭直著吉凶曰「歸女」而曰「歸妹」,以見其失時。凡彖辭直著吉凶曰「歸女」而曰「歸妹」,以見其失時。

初九,歸妹以娣,跛能履,征吉。

下而无正應,「娣」之象也。 爲賢正之德,但爲娣之賤,僅能承助其君而已,故又爲 之偏也。 之能履,言不能及遠也。 雖賢何所能爲,不過自善其身,以承助其君而已。 處卑順,娣之賢正者也。 本義初九居下而无正應,故爲「娣」象。 妻而行則凶,爲娣而行則吉。」○胡氏瑗曰:「「跛」者,足 吉也。 跛能履」之象。 姪娣非正配,而能盡其道,以配君子,猶足之 集説孔氏穎達曰"「「征吉」者,少長非偶,爲 而其占則「征吉」也。 然在其分爲善,故以是而行則 處説居下爲順義,娣之卑下, 剛陽在婦人爲賢貞之德,而 程傳女之歸,居 然陽剛在女子 如跛

時,惟娣可以待年,而不嫌於失時,是卦義雖凶,而於初禮。惟娣可以從歸,而不嫌於失禮。少長非偶者爲失案:初在下,「娣」之象。凡女之歸,不待六禮備者,爲失

雖偏,而能履地而行,不至於廢也。」

九二,眇能視,利幽人之貞。則無嫌,故變「征凶」而爲「征吉」也

賢女也。 貞,非不足而爲之戒也。 視而已,言不能及遠也。男女之際,當以正禮。 成其内助之功,適可以善其身而小施之。 動於説者也。 剛而得中,女之賢正者也。 大成内助之功,故爲「眇能視」之象。 貞」。」〇胡氏一桂曰: 静之人也。二之才如是,而言利貞者,利言宜於如是之 正,二自守其幽静貞正,乃所利也。 之貞」也,幽人,亦抱道守正而不偶者也。 也。上有正應,而反陰柔不正,乃女賢而配不良,不能 本義「眇能視」,承上爻而言。九二陽剛得中,女之賢 亦兑體,故取象同。」 守其幽獨之操,不奪其志,故曰「利 乃女賢而配不良,故二雖賢,不能自遂以 初二跛眇,兑毁折象,履卦六三 集説郭氏雍曰: 上有正應,而反陰柔之質, 二有剛正之德,幽 而其占則「利幽人 程傳九二陽 如眇者之能 「九二剛中 幽人之 五雖不

有應而反其類,比之無應者加甚矣,乃女之有配而失配陰應陰以陽應陽者,女之無配者也。若以陽應陰,則雖案:此卦與漸相似,凡以陰應陽者,女之有配者也。以

望,而其志炯然,故曰「能視」。 幽人雖失所仰雖屈於偏側,而猶能佐理,故曰「能履」。 幽人雖失所仰以兩而成,跛者一正而一偏也,眇者一昏而一明也。娣谓「幽人之貞」乎? 凡足以兩而行,目以兩而明,夫婦皆自執其志,如石之不移,至於之死而矢靡他,豈非所皆自執其志,如石之不移,至於之死而矢靡他,豈非所皆自執其志,如石之不移,至於之死而矢靡他,豈非所者也。《衞》詩曰「汎彼栢舟,亦汎其流」,則配之不良者者也。《衞》詩曰「汎彼栢舟,亦汎其流」,則配之不良者

六三,歸妹以須,反歸以娣。

莫之取者也。故爲未得所適,而反歸爲娣之象。或曰 應,无受之者也。 剛,行不順也。爲説之主,以説求歸,動非禮也。上无 者,未有所適也。 而无正應,故爲欲有歸而未得其歸。「須」,待也。 本義六三陰柔而不中正,又爲説之主。女之不正,人 也。 以不正而失其所也。 誰取之,不可以爲人配矣。 女爲貴,須女爲賤。」〇胡氏炳文曰:「初九居下,「娣」 須」,女之賤者。 六三居下之上,非娣也。 程傳三居下之上,本非賤者,以失德 无所適,故須也。 六居三不當位,德不正也。 集説陸氏希聲曰:「在天文,織 當反歸而求爲娣媵則可也。 陰柔而不中正,又爲兑説 女子之處如是,人 柔而 待 尚

之主,無德之女也。無德之女,人無取之者,故本宜須

而「反歸以娣」也。」

九四、歸妹愆期、遲歸有時。

義。 也 禮之全備。俟其年之長大,然後歸於君子,斯得其時 氏瑗曰:「以剛陽之質,居陰柔之位,不爲躁進,故待其 四雖不當位,而處柔乃婦人之道,以无應故爲「愆期」之 時」。蓋自有待,非不售也,待得佳配而後行也。 高之地,有賢明之資,人情所願取,故其「愆期」乃爲「有 正應,未得其歸也。 四上體,地之高也。 期」以待所歸之象,正與六三相反。 本義九四以陽居上體而无正應,賢女不輕從人而「您 而聖人推理,以女賢而愆期,蓋有待也。 「遲」,待也。」 過時未歸,故云「愆期」。女子居貴 陽剛在女子爲正德,賢明者也。无 程傳九以陽居四 集説胡 九居

良,月幾朢,吉。六五,帝乙歸妹,其君之袂,不如其娣之袂

也。 歸,唯謙降以從禮,乃尊高之德也,不事容飾以説於人 陰尊而謙降者,則曰「帝乙歸妹」,泰六五是也。貴女之 雖至貴之女,不得失柔巽之道、有貴驕之志,故《易》中 嫁,自古而然。 也。「良」,美好也。「月朢」,陰之盈也,盈則敵陽矣。 位,妹之貴高者也。下應於二,爲下嫁之象。王姬下 「月幾朢」之象,而占者如之則「吉」也。 女下嫁而服不盛之象。然女德之盛,无以加此,故又爲 本義六五柔中居尊,下應九二,尚德而不貴飾,故爲帝 亢其夫,乃爲吉也,女之處尊貴之道也。 「幾朢」,未至於盈也。五之貴高,常不至於盈極,則不 六五尊貴之女,尚禮而不尚飾,故其袂不及其娣之袂良 娣媵者,以容飾爲事者也。 至帝乙而後正昏姻之禮,明男女之分. 衣袂,所以爲容飾 程傳六五居尊 集説薛氏温 也

在他人則爲越禮犯義而凶,在天子則爲降尊屈貴而吉然惟天子之女,則必求於夫家而自歸焉。是歸妹之義,案:女不待夫家之求而自歸,非正也,卦之所以凶也。

其曰:「至尊之妹,必歸於夫,人倫之正。」

上六,女承筐无實,士刲羊无血,无攸利。 也。 是夫婦之无終者也,何所往而利哉。 无終、《本義》以爲約婚而不終,蓋曰上曰女,未成夫婦 也,謂不可以承祭祀也。 祀,乃夫不能承祭祀也。 侯之祭親割牲,卿士大夫皆然。 職所供也。古者房中之俎,葅歌之類,后夫人職之。 奉祭祀。不能奉祭祀,則不可以爲婦矣。 之終而无應,女歸之无終者也。「婦」者,所以承先祖 有「承筐无實」、「刲羊无血」之象。 曰:「震有虚筐之象,兑羊象,上與三皆陰虚而無應,故 以祭,謂不能奉祭祀也。夫婦共承宗廟,婦不能奉祭 云"「血祭盛氣也。」女當承事筐篚而「无實」,无實則无 也,故其象如此,而於占爲无所利也。 本義上六以陰柔居歸妹之終而无應,約婚而不終者 先女而後士、罪在女也、故「无攸利」之占、與卦 故「封羊」而「无血」,亦无以祭 婦不能奉祭祀,則當離絶矣。 割,取血以祭。《禮 程《傳》以爲女歸之 集説 程傳上六女歸 筐篚之實,婦 胡氏炳文 諸

≣ 震離 上下

大也。 在傳費、《序卦》:「得其所歸者必大,故受之以豐。」物程傳費、《序卦》:「得其所歸者必大,故受之以豐也。豐,盛大天,故歸妹之後受之以豐也。豐,盛大程傳豐、《序卦》:「得其所歸者必大,故受之以豐。」物

豐,亨,王假之,勿憂,宜日中。

乎 ! 也。 爲可憂慮,宜如日中之盛明廣照,无所不及,然後无憂 尊,四海之富,羣生之衆,王道之大,極豐之道其唯王者 極天下之光大者,唯王者能至之。「假」,至也。 天位之 以「勿憂,宜日中」也。 本義「豐」,大也。 忠孝曰: 人以爲徒憂无益,但能守常,不至於過盛則可矣,故戒 亨」道焉。然王者至此,盛極當衰,則又有憂道焉。 集説張子曰:「「宜日中」,不宜過中也。」○郭氏 豐之時,人民之繁庶,事物之殷盛,治之豈易周? 「豐者盛大之名,盛大所以「亨」。 以明而動,盛大之勢也,故其占有 程傳豐爲盛大,其義自「亨」。 然物極盛大 聖

> 者,憂必將至,日過中則昃,豐過盛則衰,聖人欲持滿以 中,故言「宜日中」。」○項氏安世曰:「豐卦皆以明爲主, 中,故言「宜日中」。」○項氏安世曰:「豐卦皆以明爲主, 中,故言「宜日中」。」○項氏安世曰:「豐卦皆以明爲主, 即可憂也。不必過於憂,如日之中斯可矣。泰、晉、夬、 則可憂也。不必過於憂,如日之中斯可矣。泰、晉、夬、 則可憂也。不必過於憂,如日之中斯可矣。泰、晉、夬、 則可憂也。不必過於憂,如日之中斯可矣。泰、晉、夬、 京人、升皆曰「勿恤」,此曰「勿憂」,皆當極盛之時,常人 家人、升皆曰「勿恤」,此曰「勿憂」,皆當極盛之時,常人 家人、升皆曰「勿恤」,此曰「勿憂」,皆當極盛之時,常人 亦,即保豐之道。何以致豐,離明主之,而震動將之也。 本,即保豐之道。何以致豐,離明主之,而震動將之也。 本,即保豐之方中,使其明無所不及,則幽隱畢照,斯可 本,即保豐之方中,使其明無所不及,則幽隱畢照,斯可 本,即保豐之方中,使其明無所不及,則幽隱畢照,斯可 本,即保豐之方中,使其明無所不及,則幽隱畢照,斯可 本,即保豐之方中,使其明無所不及,則為一。

初九,遇其配主,雖旬无咎,往有尚。

初九明之初,九四動之初,宜相須以成其用,故雖旬而非明无以照,非動无以行,相須猶形影,相資猶表裏。也。程傳雷電皆至,成豐之象。明動相資,致豐之道。時,明動相資,故初九之遇九四,雖皆陽剛,而其占如此本義「配主」,謂四。「旬」,均也,謂皆陽也。當豐之本義「配主」,謂四。「旬」,均也,謂皆陽也。當豐之

一九三

滿也。 於四云「配」,四於初云「夷」也。 「雖旬无咎」,旬,均也。 應則相成,故雖均是陽剛,相從而无過咎也。 附上,敵則安肯相從? 天下之相應者,常非均敵,如陰之應陽,柔之從剛,下之 成其豐,故云「有尚」,有可嘉尚也。在它卦則不相下而 動无所之,非動則明无所用,相資而成用,同舟則胡 皆以明闇爲吉凶也。初九、六二、九三三者皆離也,而 離隙矣。 一心,共難則仇怨協力,事勢使然也。 言豐,初未至豐也。五亦不言豐者,陰虚歉然方賴在下 曰「配主」。」○項氏安世曰:「初以四爲配,四以初爲夷, 離,火也,日也。以下升上,其性也。 有明德者也。 人知生於憂患,而愚生於安佚。豐之患常在於闇 上下異辭也,自下並上曰「配」。」〇胡氏炳文曰:「初不 故三離皆上適於震。 配雖匹稱,然就之者也,如配天以配君子,故初 言初與四其德相符,雖居盈滿盛大之時,可 位則相應,用 以此而往,則行有所尚也。」〇蘇氏軾曰: 集説胡氏瑗曰:「「旬」者,十日也,謂數之盈 九四、六五、上六,則所謂豐而 則相 唯豐之初、四,其用則相資,其 資,故初謂 初九適四,其配之所在 四爲「配主」,己所 以明發閣,其 往而相從,則 蓋非明 闍 者 ,故爻 也,故 凡 也。 以 能 越 魝 德

豐,以一月論,已一旬也,正豐之時也。」豐,以一月論,已一旬也,正豐之時也。」○來氏知德曰:「因「宜日中」句,爻辭皆以日言,敵,往而從之,非特「无咎」,且「有尚」矣。或曰十日爲敵,往而從之,非特「无咎」,且「有尚」矣。或曰十日爲敵,以十日象之,故曰「雖同无咎」。十日爲旬,言初之數,不知有其豐也。凡卦爻取剛柔相應,豐則取明動之助,不知有其豐也。凡卦爻取剛柔相應,豐則取明動之助,不知有其豐也。凡卦爻取剛柔相應,豐則取明動

六二,豐其蔀,日中見斗,往得疑疾,有孚發

若,吉。

唯在積其誠意以感發之則吉,戒占者宜如是也。 蔽,故日中而昏也。 見斗」,二至明之才,以所應不足與,而不能成其豐,喪 之地。五才不足,既其應之才不足資,則獨明不 非能動者。二、五雖皆陰,而在明動相資之時,居相 又得中正,可謂明者也。 有孚之象。 五之柔暗,故爲豐蔀見斗之象。「蔀」,障蔽也,大其障 本義六二居豐之時,爲離之主,至明者也。而上應六 既不能成豐,則喪其明功,故爲「豐其蔀」。 程傳明動相資,乃能成豐。二爲明之主, 往而從之、則昏暗之主必反見疑。 而五在正應之地,陰柔不正 日日 虚 能 中, 中 成 應

猶豐大之時,乃遇柔弱之主。斗以昏見,言「見斗」,則 其明功,无明功則爲昏暗,故云「見斗」。 上也。 事庸君常主,而克行其道者,己之誠意上達,而君見信 雖昏蒙可開也,雖柔弱可輔也,雖不正可正也。 其心,則盡其至誠以感發其志意而已。苟誠意能動,則 之君,既不能下求於己,若往求之,則反得疑猜忌疾,暗 是明喪而暗矣。二雖至明中正之才,所遇乃柔暗不正 主運平,象五以陰柔而當君位。 蔀 之,則二爲中。 則動無不吉。]〇徐氏幾曰: 闇,「往得疑疾」,乃其宜也。 闇之象也。天下之理明則無疑,闇則疑,六二用明投 之中,而有豐蔀之闍者,以陰居陰,上非正應,所以有從 所應亦陰,故往增「疑疾」。」○郭氏雍曰:「六二爲離明 曰:「日中而昏也。」〇張子曰:「凡言「往」者,皆進而之 誠信發其志意,則得行其道,乃爲吉也。 之篤耳。管仲之相桓公,孔明之輔後主是也。 主如是也。 ,周匝之義,用障蔽之物,掩晦於明者也。 初進而上,則遇陽而「有尚」,二既以陰居陰,又 然則如之何而可? 以 一卦言之,則三、四爲中,故二、三、四 「卦言「宜日中」,以下體言 然任其中正,「有孚」而發 夫君子之事上也,不得 日中盛明之時乃見斗 斗,昏見者也。 集説服氏虔 斗屬陰而 古人之 若能 以

暗,故二應五爲「往得疑疾」也。」皆言「日中」。剛生明,故初應四則爲「往有尚」。柔生

九三,豐其沛,日中見沬,折其右肱,无咎。

則不能而已,更復何言,无所歸咎也 咎,曰由是故致是,若欲動而无右肱,欲爲而上无所賴 智之才遇明君,則能有爲於天下。 則止矣。不能動者也。 資而成。三應於上,上陰柔,又无位而處震之終,既 能有爲,如人之折其右肱也。 者也。「右肱」,人之所用,乃折矣,其无能爲可知。 明體之上,陽剛得正,本能明者也。 於蔀也。二明體而反暗於四者,所應陰暗故也。 幔,則是斾也。 「見沬」,暗之甚也。 豐之時而遇上六,「日中」而「見沬」 三无上之應,則不能成豐。「沬」,星之微小无名數者。 其象占如此。 小星也。三處明極,而應上六,雖不可用,而非咎也,故 本義「沛」,`作斾,謂幡幔也。 程傳沛字古本有作斾字者,王弼以爲幡 幡幔圍蔽於内者,「豐其沛」,其暗更甚 它卦至終則極,震至終則止矣。 人之爲有所失,則有所歸 其蔽甚於蔀矣。「沬」, 上无可賴之主,則不 豐之道,必明動 賢 終 相 居

案: 九三之蔽,又甚於二、四者,爻取日中爲昏義。二、

折。 三四 衆無尤也。○又案:《易》中所取者雖虚象,然必天地閒 過中處極之陰,其蔽安得不甚哉! 五,爲柔中之主。 之,則如太陽食時是也。 沫」,所取喻者,固謂至昏伏於至明之中,然以實象求 有此實事,非憑虚造設也。「日中見斗」,甚而至於「見 人昏昏,故九三雖以剛明之才,爲之股肱,而不免於毀 星亦見矣。 亦與《彖傳》「日中則昃,月盈則食」相發 蔀」、「豐其沛」者,乃蔽日之物,非蔽人之物也。 然於義爲「无咎」者,守其剛正以事上,反已無怍而 在一 卦之中,而九三又在三爻之中 所以然者,陰氣蔽障之故,故所謂 四應初,爲同德之助。三所應者,乃 食限多則大星見,食限甚則小 上六以其昏昏,使 也。 且此義 且二 豐其 應

香暗也。「夷主」,其等夷也,相應故謂之主。初、四皆本義象與六二同。「夷」,等夷也,謂初九也。其占爲動之主,又得大臣之位,然以不中正,遇陰暗柔弱之善,豈能致豐大也,故爲「豐其蔀」。 蔀,周圍掩蔽之物,當豐而遇暗主,下就同德則「吉」也。 程傳四雖陽剛,立四,豐其蔀,日中見斗,遇其夷主,吉。

豐也。 乎? 曰:在下者上有當位爲之與,在上者下有賢才爲 之助,豈无益乎? 陽而居初,是其德同。❶ 二爻之義相類,故其辭同而皆終之以吉。 見斗,非中正也。 陽,故云「夷主」。」〇郭氏雍曰:「二之豐蔀見斗,以 下雖多賢,亦將何爲? 而後能也。五陰柔居尊而震體,无虚中巽順下賢之象, 故「吉」也。 大臣之位,而得在下之賢,同德相輔,其助豈小也哉! 以爲主,動者知求明以爲主故也。」○鄭氏汝諧 主」。迭稱主者,明動相須,莫適爲主。 動必相濟,然後有成,故初謂四爲「配主」,四謂初爲「夷 而非正應也。 主』也。」○張子曰:「近比於五,故亦云「見斗」,正應亦 曰「遇其配主」。 集説孔氏穎達曰:「據初適四,則以四爲主,故 如四之才,得在下之賢爲之助,則能致豐 而「有孚發若吉」者、中正也。 自四之初,則以初爲主,故曰 而「遇其夷主吉」者,應初而有遇也。 故「吉」也。然而致天下之豐,有君 蓋非陽剛中正,不能致天下之 又居相應之地,故爲夷主。 惟明者知 有爲之時,明 四之豐蔀 「遇其 曰 (重陰 求 居 大 初 動

❶ 「德同」,原倒作「同德」,今據内府本乙正。

視四爲「配」,以下偶上也,四視初爲「夷」,降上就下

六五,來章,有慶譽,吉。

得美譽,所謂「吉」也。六二文明中正,章美之才也。爲 其豐大。 若能來致在下章美之才而用之,則有福慶,復 「吉」矣。蓋因其柔暗,而設此以開之。占者能如是,則 如其占矣。 資之時,有相爲用之義,五若能來章,則「有慶譽」而 德,大賢之在下者也。 五與二雖非陰陽正應,在明動 陽剛之才,五能用賢則彙征矣。二雖陰,有文明中正 美,故「吉」也。章美之才,主二而言。然初與三、四,皆 五者誠能致之在位而委任之,可以致豐大之慶,名譽之 本義質雖柔暗,若能來致天下之明,則有「慶譽」而 之象。]〇胡氏炳文曰:「三、爻稱「日中」,皆有所蔽。 而暗也。六五以二爲「章」,在下而明也。」〇陳氏曰 合,章明之象。]〇項氏安世曰:「六二以五爲「蔀」,在 「五陰暗則往而疑,二文明則來而章。章者,離體文明 一吉」也。然六五无虚己下賢之義,聖人設此義以爲教 集説馮氏當可曰:「六二言往,六五言來,往來交 程傳五以陰柔之才,爲豐之主,固不能成 六 之 上 相

五不稱日中,蓋「宜日中」,無蔽也。」

上六,豐其屋,蔀其家,闚其户,闃其无人,三自助,則卦義所謂「勿憂,宜日中」者,實與此爻義合。下應六二爲文明之主,而五有柔中之德,能資其章明以下應六二爲文明之主,而五有柔中之德,能資其章明以案:五,君位也。 彖辭所謂「王假之」者,即此位,則五乃案:五,君位也。 彖辭所謂「王假之」者,即此位,則五乃

歲不覿,凶。

之? 故「闚其户,闋其无人」也。至於三歲之久,而不 之終,其滿假躁動甚矣。處豐大之時,宜乎謙屈,而 龔氏焕曰: 六居卦終,有變之義,而不能遷,是其才不能也。 知變,其「凶」宜矣。「不覿」,謂尚不見人,蓋不變也。 豐大,而在无位之地,乃高亢昏暗,自絶於人,人誰與 「豐其屋」,處太高也。「蔀其家」,居不明也。以陰柔居 在乎得時,而不當位。 極高,致豐大之功,在乎剛健,而體陰柔,當豐大之任 其「凶」甚矣。 程傳六以陰柔之質,而居豐之極,處動 大其屋,而反以自蔽之象。无人不覿,亦言障蔽之深, 本義以陰柔居豐極,處動終,明極而反暗者也,故爲豐 「豐卦與明夷相似,唯變九 如上六者,處無一當,其凶可 四一爻,豐其蔀 集説 知。

御纂周易折中卷七

御纂周易折中卷八

離艮上下

之以旅。」豐盛至於窮極,則必失其所安,旅所以 程傳旅,《序卦》:「豐,大也。 不處之象,故爲旅也。 也。爲卦離上艮下,山止而不遷,火行而不居,違去而 又麗乎外,亦旅之象 窮大者必失其居,故 次 豐 受

旅,小亨,旅貞吉。

之才,可以「小亨」,得旅之「貞」正而「吉」也。 無不在,大亨固利於貞,不可以亨之小而失其貞也,正 氏炳文曰:「在旅而「亨」,亨之小者也。然事有小大,道 故自有其正,不可須臾離也。 旅之「貞」則「吉」。旅非常居,若可苟者,然道無不在, 而不處之象,故爲旅。以六五得中於外,而順乎上下之 本義「旅」,羈旅也,山止於下,火炎於上,爲去其所止 二陽,艮止而離麗於明,故其占可以「小亨」,而能守其 程傳以卦才言也。 集説 如卦 胡

道果可須臾離哉!」

初六、旅瑣瑣、斯其所取災。

也。 合作「燍」。愚案《後漢・ 其所取災」,王輔嗣注云「爲斯賤之役」,唐郭京謂「斯. 大臣之位者異矣。 猥細之狀。當旅困之時,才質如是,上雖有援,无能爲 瑣細,无所不至,乃其所以致侮辱,取災咎也。 而在卑賤,所存污下者也。 傳六以陰柔在旅之時,處於卑下,是柔弱之人。 本義當旅之時,以陰柔居下位,故其象占如此。 四陽性而離體,亦非就下者也。又在旅,與他卦爲 集説王氏應麟曰:「《旅》初六「斯 左雄傳》「職斯禄薄」,注云: 志卑之人,既處旅困,鄙猥 「瑣瑣」, 處旅困 程

「斯,賤也。」不必改燍字。」

王氏之説是也。 案:《易》中初爻,多取童稚小子之象,在旅則童僕之象,

六二,旅即次,懷其資,得童僕貞

占如此。 欺而有賴,旅之最吉者也。二有柔順中正之德,故其象 本義「即次」則安,「懷資」則裕,得其童僕之貞信,則无 程傳二有柔順中正之德,柔順則衆與之,中

若五有文明之德,上下之助,亦處旅之善者也。 中不能無賴乎童僕之用,亦多不免乎童僕之欺,惟得其 之際,得免於災厲,則已善矣。 外之心,在旅所親比者,「童僕」也。 下者「童」也,强壯處外者「僕」也。二柔順中正,故得内 舍,懷蓄其資財,又得童僕之貞良,旅之善也。 旅所安也。財貨,旅所資也。 正 者,自二視之,則爲「童僕」之「貞」者,義不相害也 得其資斧者異矣。下有初广比之,故曰「得童僕」,與九 案"二得位得中,故曰「即次」「懷資」,與九四之旅處而 柔順中正之德,則内不失己,而己無不安,外不失人而 貞信者,則無欺而有賴。」〇趙氏玉泉曰:「二處旅而有 人無不與。凡旅之所恃以不可無者,皆有以全之也。」 三之「喪其童僕」者異矣。在初則爲「童僕」之「瑣瑣、 則 處不失當,故能 保其所 有 童僕,旅所賴也。 集説胡氏炳文曰:「旅 童 僕 不云「吉」者,旅寓 亦 盡 其忠信. 柔弱在 得就次 次舍, 雖 不

九三,旅焚其次,喪其童僕貞,厲。

處旅之道,以柔順謙下爲先。三剛而不中,又居下體之僕」,則不止於失其心矣,故「貞」字連下句爲義。 程傳本義過剛不中,居下之上,故其象占如此。「喪其童

旂曰: 剛豈處旅之道哉!」 貞信,謂失其心也。如此則危厲之道也。 也。 次」而三「焚」,二「得童僕」而三「喪」,二之「貞」无尤而 焚次喪僕,固其宜也。 之道也。 三之「貞」則「厲」者,二柔順得中,三過剛不中故也。 愈深矣。]〇丘氏富國曰:「九三爻辭全與二反。二「即 上九以剛居上體之上,則焚巢。 上,與艮之上,有自高之象。 上離爲焚象,過剛則暴下,故下離而「喪其童僕」之 「居剛而用剛,平時猶不可,况旅乎! 自高則不順於上,故上不與而焚其次,失所安 九三以剛居下體之上,則焚次。 在 旅 位愈高,剛愈亢,則禍 而 過 剛 集説潘氏夢 自高,致 以此與下, 困 過 災

六爻惟二、三言「次」,得位故也。案:三得位,故亦有「即次」象。以其過剛,故焚之也。

九四,旅于處,得其資斧,我心不快。

所與,爲初所應,在旅之善者也。然四非正位,故雖得有所不快也。程傳四陽剛雖不居中,而處柔在上體之不,有用柔能下之象,得旅之宜也。以剛明之才,爲五本義以陽居陰,處上之下,用柔能下,故其象占如此。

身而已,豈得盡遂其志。」身而已,豈得盡遂其志。」身而已,豈得盡遂其志。」
以之,上九最凶,三次之。九四雖得其處,姑足以安其以之,乃旅而得貨財之資、器用之利也。雖在旅爲善,然與,乃旅而得貨財之資、器用之利也。雖在旅爲善,然與,乃旅而得貨財之資、器用之利也。雖在旅爲善,然與,乃旅而得貨財之資、器用之利也。雖在旅爲善,然與,乃旅而得貨財之資、器用之利也。雖在旅爲善,然與,乃旅而得貨財之資、器用之利也。雖在於爲善,然與,乃旅而得貨財之資、器用之利也。雖在於爲善,然與,乃於而得貨財之資、器則以之才,爲上下所其處止,不若二之就次舍也。有剛明之才,爲上下所其處止,不若二之就次舍也。有剛明之才,爲上下所其處止,不若二之就次舍也。有剛明之才,爲上下所其處止,不若二之就次舍也。

衛,其未忘戒心可知,安得快然而安樂乎?「多懼」之地,故雖得資與六二同,而未免加斧以自防案:四居位非正,故不曰「即次」而曰「于處」。在旅而處

六五,射雉,一矢亡,終以譽命。

也。 中道、爲離之主、故得此爻者、爲「射雉」之象。 本義「雉」,文明之物,離之象也。 六五柔順文明,又得 雉,文明之物,「射 動而或失,則困辱隨之。 有文明柔順之德,處得中道而上下與之,處旅之至善者 ·亡矢」之費,而所喪不多,終有「譽命」也。 人之處旅,能合文明之道,可謂善矣。羈旅之人, 雉 仁謂 取 動而无失,然後爲善。離爲 則於文明之道 而必合。 程傳六五 雖不无 如

而有階之象也。信於友則有「譽」,獲乎上則有「命」。夫出疆則以贄行,而士執雉以相見,射雉而得,是進身案:五在旅卦,不取君義,程《傳》之説是也。古者士大

易,凶。上九,鳥焚其巢,旅人先笑後號咷,喪牛于

在離上爲焚象,陽剛自處於至高,始快其意,故「先笑」,矣。「巢」,鳥所安止。「焚其巢」,失其所安,无所止也。也,故其象占如此。程傳「鳥」,飛騰處高者也。上九也,故其象占如此。程傳「鳥」,飛騰處高者也。上九也,故其象占如此。程傳「鳥」,飛騰處高者也。上九本義上九過剛,處旅之上,離之極,驕而不順,凶之道本

既 亢者上九也。」 也。」〇徐氏幾曰: 道以柔順謙下爲本。上九喪其至順之德,此所以「凶」 物上也,「後號咷」謂巢焚之故也。夫「牛」,順物也,旅 必危,離火有焚象也,故曰「鳥焚其巢」。「先笑」謂喜居 諸危地者,鳥之巢是也。故旅之上取以爲象。夫高 「上九之視九三,尤爲剛亢者也。 字,不云「旅人」,則是鳥笑哭也。 火性上,爲躁易之象,上承「鳥焚其巢」,故更加「旅人」 而失安莫與,故 「牛」,順物,「喪牛于易」,謂忽易以失其順也。 「旅貴柔順中正,三陽爻皆失之,而最 「號咷」,輕易以 凡物棲高處亢,而寄 集説 王氏宗傳曰: 喪其 順德,所 以 凶 離 極

二懷「資」而五「譽命」,柔而不失其中者也。」卑以自辱者也。三焚「次」而上焚「巢」,高而見疾者也。則自辱,高則見疾,能執其中,可謂智矣。故初「瑣瑣」,則自辱,高則見疾,能執其中,可謂智矣。故初「瑣瑣」,總論范氏仲淹曰:「内止而不動於心,外明而弗迷其總論

買 異異 上下

也。」羈旅親寡,非巽順何所取容。苟能巽順,雖旅困之程傳巽、《序卦》:「旅而无所容,故受之以巽,巽者入

下,巽順於陽,所以爲巽也。中,何往而不能人,巽所以次旅也。爲卦一陰在二陽之

巽,小亨,利有攸往,利見大人。

德之制也。1又曰:「巽,稱而隱。」未嘗只以順字當之 字與順字有辨矣。《大傳》曰:「巽,入也。」又曰:「巽, 下,二陽巽之於上,卦以剛爻得名,陰生而陽巽之。]〇 語類》云:「巽有人之義,巽爲風,如風之人物,只爲巽便 也。其象爲風,亦取入義。陰爲主,故其占爲「小亨」。 蔡氏清曰:「順字解巽字不盡,潛心懇到方爲巽也。 能人,義理之中,無細不入。」○趙氏汝楳曰:「一陰生於 攸往」,故『利見大人』,是亦沈潛剛克之意與。」○《朱子 兑柔在外,用柔也。巽柔在内,性柔也,巽之「亨」所以 而兑則亨,異乃小亨者,兑,陽之爲也,異,陰之爲也。 往」、「利見大人」也。巽與兑皆剛中正、巽説義亦相類、 曰「利見大人」也。程傳卦之才,可以「小亨」,「利有攸 以陰從陽,故又利有所往。然必知所從乃得其正,故又 本義「巽」,入也。一陰伏於二陽之下,其性能巽以入 《傳》只説順,然孔子不曰順,而每仍卦名曰巽,是必巽 「小」也。 集説郭氏雍曰"「【異」,人也,能人故「利有

所謂申命乃陽事也,有陽以巽之於上,故「小亨」。」也。」○何氏楷曰:「凡巽之所以致「亨」,皆陽之爲也。

初六,進退,利武人之貞。

恐畏之失矣。 集説 王氏弼曰:「處令之初,未能服令若能用武人剛貞之志,則爲宜也。 勉爲剛貞,則无過卑剛,過於卑巽者也。 陰柔之人,卑巽太過,則志意恐畏剛,過於卑巽者也。 陰柔之人,卑巽太過,則志意恐畏果之象。 若以「武人之貞」處之,則有以濟其所不及,而果之象。若以「武人之貞」處之,則有以濟其所不及,而果之象。若以「武人之貞」處之,則有以濟其所不及,而果之後。 集説 王氏弼曰:「處令之初,未能服令本義初以陰居下,爲巽之主,卑巽之過,故爲「進退」不本義初以陰居下,爲巽之主,卑巽之過,故爲「進退」不

之,則「貞固足以幹事」矣,故曰「利武人之貞」。」 表也,故「進退」也。成命齊邪,莫善武人,故「利武人處養田,務在必行,豈宜或進或退? 初六卑巽而不中,後可獲其吉也。」○俞氏琰曰:「贺六以陰柔之質,復在一卦也。以整之。」○胡氏瑗曰:「初六以陰柔之質,復在一卦者也,故「進退」也。成命齊邪,莫善武人,故「利武人之者也,故「進退」也。成命齊邪,莫善武人,故「利武人之者也,故「進退」也。成命齊邪,莫善武人,故「利武人之

九二,巽在牀下,用史巫紛若,吉,无咎。

「无咎」,謂其誠足以動人也。人不察其誠意,則以過異不厭其卑。而二又居中,不至已甚。故其占爲能過於不厭其卑。而二又居中,不至已甚。故其占爲能過於不厭其卑。而二又居中,不至已甚。故其占爲能過於不厭其卑。而二又居中,不至已甚。故其占爲能過於不厭其卑。而二又居中,不至已甚。故其占爲能過於邪心也。恭異之過,雖非正禮,可以遠恥辱,絶怨咎,亦不心也。恭異之過,雖非正禮,可以遠恥辱,絶怨咎,亦者也。「史巫」者,通誠意於神明者也。「紛若」,多世。苟至誠安於謙異,能使通其誠意者多,則「吉」而行咎」,謂其誠足以動人也。人不察其誠意,則以過異之時,本義二以陽處陰而居下,有不安之意。然當異之時,本義二以陽處陰而居下,有不安之意。然當異之時,

者,卦之主也。故能盡「申命行事」之道如此。 、上筮所以占其吉凶,被禳所以除其裁害。」 、無能爲害矣。「紛若」者,以喻「申命」之頻煩,而「行怪,無能爲害矣。「紛若」者,以喻「申命」之頻煩,而「行怪,無能爲害矣。「紛若」者,以喻「申命」之頻煩,而「行怪,無能爲害矣。「紛若」者,以喻「申命」之頻煩,而「行格」之纖悉也。二與五,皆所謂「剛巽乎中正而志行」。 、與語矣。集説馮氏椅曰:「《周官》史掌卜筮,巫掌被爲諂矣。集説馮氏椅曰:「《周官》史掌卜筮,巫掌被爲諂矣。集説馮氏椅曰:「《周官》史掌卜筮,巫掌被爲諂矣。集説馮氏椅曰:「《周官》史掌卜筮,巫掌被爲諂矣。集説馮氏椅曰:「《周官》史掌卜筮,巫掌被爲諂矣。

九三,頻巽,吝。

巽得乎! 故頻失而「頻巽」,是可「吝」也。 集説 趙氏巽,又四以柔順相親,所乘者剛,而上復有重剛,雖欲不中,又在下體之上,以剛亢之質,而居巽順之時,非能巽中,又在下體之上,以剛亢之質,而居巽順之時,非能巽本,義過剛不中,居下之上,非能巽者,勉爲屢失,「吝」本義過剛不中,居下之上,非能巽者,勉爲屢失,「吝」

九、皆過於中、則是蓄疑以敗謀、多思而少斷。然三未又害之也。夫子曰「再思可矣」、言事貴斷也。九三、上人之深者、徒足使弊益以滋、而奸無所畏、非惟無益而案:「巽」者、人也。然又曰「德之制」、若不能斷制、則其

汝楳曰:「「頻巽」者,既巽復巽,猶「頻復」也。」

六四,悔亡,田獲三品。如上九之甚也,故但爲「頻巽」之象,而占曰「吝」。

功也。 也。 御。 於進,無初六之疑,則「悔亡」矣。是以有「田獲三品」之 [三品],有功之盛者也。]○郭氏雍曰:「六四近君,志決 獲三品。」○王氏安石曰:「「田」者,興事之大者也。 遠不仁者也。獲而有益,莫善「三品」,故曰:「悔亡,田 曰:「雖以柔遇剛,而依尊履正,以斯行命,必能獲强暴, 天下之事,苟善處,則悔或可以爲功也。 田獵之獲分三品,一爲乾豆,一供賓客與充庖,一頒徒 亡」,以如田之「獲三品」也。 臨下,巽於下也。 在上體之下,居上而能下也,居上之下,巽於上也,以巽 而承乘皆剛,宜有「悔」也。 者,一爲乾豆,一爲賓客,一以充庖。 處上之下故得「悔亡」,而又爲卜田之吉占也。 本義陰柔无應,承乘皆剛,宜有「悔」也,而以陰居陰: 四之地本有悔,以處之至善,故「悔亡」而復有功。 四能巽於上下之陽,如田之「獲三品」,謂遍及上下 六四至柔,不當有「田獲」之功。而此以順乎剛 善處如此,故得「悔亡」。 所以得「悔 而四以陰居陰,得巽之正: 田獲三品,及於上下也 程傳陰柔无援 集説王氏弼 三品

用武而有功者也。」
用武而有功者也。」
「稱」,得禽也。行君之令而致之民,將以興利除害也。沈氏該曰:「田獲三品」,令行而功著,是以「田獲三品」也。」〇胡氏炳「獲」,得禽也。行君之令而致之民,將以興利除害也。沈氏該曰:「田獲三品」,令行之效也。「田」,除害也。得之,由是觀之,則巽之爲道,豈柔弱畏懦之謂哉?」〇

也。 案:以卦義論,則初與四皆伏陰也。 狐也。 不同矣。 猶有「進退」之疑。 柔,而能以剛克,則所謂柔而立者也。 義論,則初與四能順乎剛,是皆有行事之責者。 悉去,《解》「獲三狐」,而此「獲三品」,所獲者多,不止於 有以制之,則柔順乎剛,而在内者無陰慝矣。 故在初「利武人之貞」,四則載續武功,而 至四則居高當位,上承九五,視初又 陽所人而制之者 初居重巽之下, 蓋質雖 以爻 田 害

九五,貞吉悔亡,无不利,无初有終,先庚三

日

,後庚三日,吉。

「亡」之是「有終」也。「庚」,更也,事之變也。「先庚三「吉」也,故得亡其悔而「无不利」。有「悔」是「无初」也,本義九五剛健中正,而居巽體,故有「悔」,以有「貞」而

出也。 前。 其幾。 三日,吉。」出命更改之道,當如是也。 也。 亡」,无所不利。貞,正中也。 貞,非五之不足,在異當戒也。 如是則「吉」也。 日」,丁也。「後庚三日」,癸也。丁,所以丁寧於其變之 行,弗惟反故也。 先後三日而申命之者,慎之至也。 而人於蠱矣。」〇郭氏雍曰:「慎乃出令,君人之道也。 矣。「庚」有制變之義,當以剛德爲主,不然其弊將淪溺 貞? 「先庚」「後庚」,巽之貞也。 先三日,蓋慎始 如是則「吉」也。 庚者,變更之始也。十干戊己爲中,過中則變,故謂之 有所變更也。「无初」,始未善也。「有終」,更之始善 吉。柔巽而不貞則有悔,安能无所不利也。命令之出 事之改更,當「原始要終」,如「先甲」、「後甲」之義。 若己善,則何用命也,何用更也。「先庚二日,後庚 癸,所以揆度於其變之後。 處得中正,盡 後三日,蓋思終而考其成。慎始思終,權斯 解在疊卦。 程傳五居尊位,爲巽之主,命令之所 命令之出,有必可行之善,而無不可 巽之善,然巽者柔順之道,所利在 集説張氏浚曰:「巽孰爲 處巽出令,皆以中正爲 有所變更而得此占者, 既「貞」則「吉」而 慎之至者,令出 甲者、事之端也。 圃 惟 行 圖

也。 炳文曰:「蠱者事之壞,「先甲」、「後甲」者,飭之使復興 先庚謂「申命」,後庚謂出令之後而「行事」也。」〇胡氏 行復反之失,是以「吉」也。 之,故取諸甲,以更事言之,故取諸庚,《易》於甲庚皆曰 謂之「无初有終」。 况巽九五乃蠱六五之變,以造事言 ○張氏清子曰:「「甲」者,十千之首,事之端也,故謂之 維嶽曰:「九五一爻,正所謂「剛巽乎中正而志行」者,五 制,其多思者乃其所以爲累者也,曷足貴乎?」○鄭氏 者深,而見於行者决,巽之道然後爲盡矣。不然優游牽 先後三日者,蓋聖人謹其始終之意也。」〇梁氏寅曰: 所變,必丁寧揆度而後行事,則入於事理,順於人心,以 三,即是「申命行事」,即是貞處。」〇吴氏曰慎曰:「苟有 號更命,得其貞正,故「吉悔亡」而「无不利」。 先三後 居巽體,有蠱壞之病,故「有悔」。 「終則有始」。「庚」者,十干之過中,事之當更者也,故 '五居尊位',乃命令之所自出也。巽之義爲人',人於理 重巽之中,盡權宜之制,是以「吉」也。」 下曰「吉」,蓋命令以是爲吉也。「庚」,即命令也 巽者事之權、「先庚」、「後庚」者、行之使適變通。」 上曰「貞吉」,九五之「貞吉. 而以剛中正之道,渙

> 斷也。 善於斷割。 所以斷,故曰「喪其資斧」。」○胡氏瑗曰:「『斧』,斤 所有也。「斧」,以斷也。 本義 其事,故[凶]也。」 故曰「巽在牀下」也。「斧」,所以斷者也。 正道爲凶也。 断,失其所有,「喪資斧」也。 居上而過巽,至於自失,在 下」,過所安之義也。九居巽之極,過於巽者也。 之德,故其象占如此。 如是則雖 「巽在牀下」,過於巽者也。 處無位之地,無剛明之才,不能斷割以自决 集説王氏弼曰:「處巽之極,極巽過甚 「貞」亦「凶」矣。 程傳「牀」,人所安也。 陽剛本有斷,以過巽而失其剛 居巽之極,失其陽剛 喪其資斧」,失所以 過巽失正,喪 '「在牀 「資」,

也。《傳》曰:「巽以行權。」」也。《傳》曰:「巽以行權。」」、「後庚」、不以爲煩口於迂徐漸次之功,以濟其因循悠緩之習已耶? 是故口於迂徐漸次之功,以濟其因循悠緩之習已耶? 是故口於迂徐漸次之功,以濟其因循悠緩之習已耶? 是故也。《萬卦》:「齊乎巽。」齊斧者,所以齊物之斧也。也。《傳》曰:「巽以行權。」」

案:「資斧」古本作「齊斧」爲是,蓋因承旅卦同音

而

誤

三 兑兑 上下

上九,巽在牀下,喪其資斧,貞凶。

以兑,兑者,説也。」物相人則相說,相説則相人,兑所以程傳兑、《序卦》:「巽者,人也。 人而後説之,故受之

,

次巽也。

兑,亨,利貞。

也。 此。 「貞」。 卦體剛中而柔外,剛中故 其象爲「澤」,取其説萬物,又取坎水而塞,其下流之象。 本義「兑」,説也。 陰,則陰非爲主,但爲陽之用耳。」 竑曰:「人有喜說必見而在外,蓋陽假陰之和柔以爲用 莫不説而與之,足以致亨。 然爲説之道,利於貞正,非 喜説非由於陰也,故二陰一陽,則陽爲之主。二陽一 道求説則爲邪諂而有悔咎,故戒「利貞」也。 又柔外故爲「説亨」,剛中故「利」於「貞」,亦一義 程傳「兑」,說也。 蓋説有亨道,而其妄説不可以不戒,故其占 一陰進乎二陽之上,喜之見乎外也 説,致亨之道也。能説於物,物 「説」而「亨」,柔外故 集説焦氏 「利」於 如

失正而入於邪矣,故「利貞」。用陰者陽也。人有柔和之質,而非以忠直之心行之,則則腴敷於色,此兑爲澤爲説之義,蓋説雖緣陰,而所以以,地有積濕,春氣至則潤升於上。人身有血,陽氣盛

初九,和兑,吉。

此。 卑下和順以爲説,而无所偏私者也。 其所説者無乖戾之私,皆性情之正,道義之公也。」 知德曰:「「和」,與《中庸》「發而皆中節謂之和」同。 節而無乖戾,「和兑」之象,如是則説得其正矣。」○來氏 無上求之念,無應又無私係之累,其説也不諂不凟,中 曰「和」。」〇趙氏玉泉曰: 「吉」。」○吴氏澄曰:「六畫唯初不比陰柔,説道之善,故 曰:「爻位皆剛,不比於柔,得説之正,和而不流者也,故 和,无應則不偏,處說如是,所以「吉」也。 偏私,説之正也。 本義以陽爻居説體而處最下,又无係應,故其象占 程傳初雖陽爻,居説體而在最下,无所係應,是 陽剛則不卑,居下則能異,處説則 「陽剛則無邪媚之嫌,居下則 以和爲説,而 集説蔡氏淵 无 謂 能 所 如

九二、孚兑、吉、悔亡。

守不失。「君子和而不同」,説而不失剛中,故「吉」而説之則當有「悔」,二剛中之德,孚信内充,雖比小人,自則「吉」而「悔亡」矣。程傳二承比陰柔,陰柔小人也。本義剛中爲「孚」,居陰爲「悔」。占者以「孚」而「説」,

「吉」也。」 「吉」也。」 ○龔氏焕曰:「九二陽剛得中,當説之,所以 正於内,故雖與三同體,而無失己之嫌,此其「悔」所以 足於内,故雖與三同體,而無失己之嫌,此其「悔」所以 正以之,疑於有「悔」矣。然二以剛居中,誠實之德充 正氏宗傳曰:「六三、陰柔而不正,所謂非道以説者也。 任為,也。 己以孚信爲「説」,人不得而妄説之,所以 「古」也。」 ○龔氏焕曰:「九二陽剛得中,當説之時,以孚 「亡」也。」 ○冀氏焕曰:「九二陽剛得中,當説之時,以孚 「亡」也。」 ○其、以爲自守而亡也。 集説

六三,來兑,凶。

本義陰柔不中正,爲兑之主。上无所應,而反來就二本義陰柔不中正,爲兑之主。上无所應,而反來就二樣,所以「凶」也。之內爲來,上下陽,枉己非道,就以求說,所以「凶」也。之內爲來,上下陽,枉己非道,就以求說,所以「凶」也。之內爲來,上下陽,不已非道,就以求說,所以「凶」也。之內爲來,上下樣來,故曰「來兑」。夫以不正之才,居兩兑之閒,一之既盡,一兑集說王氏宗傳曰:「六三居兩兑之閒,一兑既盡,一兑集說王氏宗傳曰:「六三居兩兑之閒,一兑既盡,一之人,不養陰柔不中正,爲兑之主。上无所應,而反來就二本義陰柔不中正,爲兑之主。上无所應,而反來就二

説之主。志在於説,凡外物之可説者,皆感之而來也。案:三居内體,故曰「來」,然非來説於下二陽之謂也,爲

九四,商兑未寧,介疾有喜。

深矣。 邪也。 也。 戰於胸中而[未寧]。聖人於是勉之曰:介然疾惡小人 之小人,心知其非,而實樂其柔媚,故商度所說,去取交 所從耳。 然守正而疾遠邪惡,則「有喜」也。從五,正也。 謂擬議所從而未决,未能有定也。 陽而處非正。三陰柔陽所説也,故不能决而商度未寧, 正,而疾惡柔邪也。 决。而商度所説,未能有定,然質本陽剛,故能介然守 本義四上承九五之中正,而下比六三之柔邪,故不能 則「有喜」。」 行道,福慶及物,爲「有喜」也。 地之界則加田義乃同也,故人有節守謂之介,若介 四近君之位,若剛介守正,疾遠邪惡,將得君以 程傳四上承中正之五,而下比柔邪之三,雖剛 集説楊氏簡曰:「九剛四柔,近比六三諛 如此則「有喜」矣。 象占如此,爲戒 若四者得失未有定,繫 兩閒謂之介,分限 佞

介於邪害之閒也。若安而溺焉,則其爲鴆毒大矣,惟能謂疾病也,喜者謂病去也。四比於三,故曰「介疾」,言有喜」,又曰「損其疾,使遄有喜」。以此爻例之,則疾者案:《易》中「疾」字,皆與「喜」對,故曰「无妄之疾,勿藥

其「商兑」之謂乎?《論語》曰「君子易事而難説也」,説之不以道不説也。商度所説而不以可説者爲安,則雖「介疾」而「有喜」矣。

九五、孚于剥、有厲。

惡也。 當戒而已,雖聖賢在上,天下未嘗无小人,然不敢肆其 有危也。 之極,能妄説以剥陽者也。 之時而居尊位,密近上六。上六陰柔,爲説之主,處説 本義「剥」,謂陰能剥陽者也。 也。 聖人非不知其終惡也,取其畏罪而强仁耳。 五若誠心 知聖賢之可說 而聖人復設有厲之戒,蓋堯舜之盛,未嘗无戒也。 聖,且畏「巧言令色」,安得不戒也? 信小人之假善爲實善,而不知其包藏,則危道也。 可懼也如此。 消陽之名,陰消陽者也。 者,備之不至則害於善,聖人爲戒之意深矣。「剥」者 以五在説之時而密比於上六,故爲之戒。雖舜之 聖人亦説,其能勉而革面也。彼小人者,未嘗不 程傳九五得尊位而處中正,盡説道之善矣。 也。 集説王氏弼曰"「比於上六,而與相得 如四 凶處堯朝,隱惡而 蓋指上六,故「孚于剥」則危 故其占但戒以信於上六則 九五陽剛中正,然當説 説之惑人,易入而 |順命是 小人 戒所 也。

> 也。 者也。 危也。 辭。 親信上六柔媚不正之小人,故曰「孚于剥」。剥之爲卦, 《夬》「有厲」正同,皆以九五比近上六,所謂「其危乃光」 案"《易》中凡言「厲」者,皆兼内外而言,蓋事可危而吾 夬, 兑五説,不覺其入之易,危在孚,故皆「有厲」之象。」 畏「巧言令色」,况凡爲君子者乎!」〇錢氏一本曰:「兑 之者將以剥之也。况爲君者,易狃於所説,故雖聖人且 危厲之道也。」○胡氏炳文曰:「説之感人,最爲可懼! 小人剥君子,又剥喪其國家,故謂小人爲剥。信小人, 處尊正之位,不説信乎陽,而説信乎陰,「孚于剥」之義 比上六,故亦因 不疾」者,故能因夬履而常危。 危之也。履五爻及此爻,皆以剛中正居尊位,而 五說體,與履五健體不同。履五健,恐其和之難,危在 「剥」之爲義,小人道長之謂。」○楊氏簡曰:「九五 夫子又皆以位正當釋之,是其危也以剛中正 履卦有危懼之義,而九五居尊,所謂 「孚于剥」而 心有危也。 兑有説義,九五居尊,又 此 履 「有厲」與 帝 位 故 有 能 面 厲

上六,引兑。

本義上六成説之主,以陰居説之極,引下二陽相與爲

説之主,居説之極,説不知已者也。 凶 説,六三則承乘皆非正,是以有凶。 未見其所説善惡也。 而長之,然而不至悔咎,何也? 説,而不能必其從也。 程傳他卦 至極則變,兑爲説,極則愈説。 又下乘九五之中正,无所施其邪 故 九五當戒,而此爻不言其 티 : 故説既極矣,又引 集説劉氏牧曰: 方言其説不知 上 一六成 吉

案:三與上,皆以陰柔爲説主。「來兑」者,物感我而來,故曰「引」。」

執德不固,見誘則從,故稱「引兑」。」○毛氏璞曰:「所

引,此人心動乎欲之淺深也。《孟子》所謂「蔽於物」、《樂記》所謂「物至而人化物」者也。始於來,終於已矣、《樂記》所謂「蔽於物」、《樂記》所謂「物交物則引之」而《孟子》所謂「蔽於物」、《樂記》所謂「感於物而動」者也。案:三與上,皆以陰柔爲説主。「來兑」者,物感我而來,案:三與上,皆以陰柔爲説主。「來兑」者,物感我而來,

爻,皆以剛陽而得吉。三、上二爻,皆以陰柔而致凶。」説之時,剛則有節,柔則無度,故此卦初、二及四、五四則其見於外者,斯得其正而吉矣。」○蔣氏悌生曰:「當之義,皆不取説之徇乎外者,人之所説,苟能不徇乎外,總論 龔氏焕曰:「兑本以説之見乎外而得名,然六爻

工 巽坎 上下

水遇風則涣散,所以爲涣也。有散義,涣所以繼兑也。爲卦巽上坎下,風行於水上,涣。」説則舒散也。人之氣,憂則結聚,説則舒散,故説程傳涣、《序卦》:「兑者,説也,説而後散之,故受之以程傳為、《序卦》:「兑者,説也,説而後散之,故受之以

涣,亨,王假有廟,利涉大川,利貞

深戒也。 固 也,故卦之義皆主於中。 離則散矣。 水,舟楫之象,故「利涉大川」。 考之精神既散,故王者當至於廟以聚之。又以巽木 居三,得九之位,而 之象,故爲涣。其變則本自漸卦九來居二而得中,六 本義「涣」、散也。 也。 程傳「涣」,離散也。 治乎散亦本 爲卦下坎上巽,風行水上,離披 上同於四,故其占可「亨」。又以 於中,能收拾人心,則 「利貞」,合涣散之道,在乎 其曰「利貞」,則占者之 人之離散由乎中,人心 散 解 叮 正 坎 聚 往 散

案: 無有不應。 川 」者,所以聚人力之不齊也。 涣與萃對。 秦越而共舟,則心力無有不同。 「假廟」者,所以聚鬼神之既散 蓋 盡 誠 以感 格 此二者,涣 也。 , 則 幽 涉 明

而求聚之大端也。 然不以正行之,則必有黷神犯 難之

能「亡」其「悔」者也。

故其象占如此,蓋九

角而二

机

也。

初六,用拯馬壯,吉。

事,故曰「利貞」。

一也。 馬以致遠,必有濟矣,故「吉」也。 散之勢,辨之宜早,方始而拯之,則不至於涣也,爲教深 「换」,初獨不言者,救之尚早,可不至於涣也。」 得矣,故必馬壯而後「吉」。」○胡氏炳文曰:「五爻皆言 至於涣也。 時之順也。 比相求,初之柔順,而託於剛中之才以拯其涣。 而拯之,又得馬壯,所以吉也。 有壯馬,其吉可知。 本義居卦之初,涣之始也。 二,故其象占如此。 「馬」,人之所託也。 二有剛中之才,初陰柔順,兩皆无應,无應則 當此之時,順此之勢而亟救之,則用拯之道 集説 王氏宗傳曰:「居涣散之初,則時未 程傳六居卦之初,涣之始也,始涣 初六非有濟涣之才,但能順乎九 託於壯馬,故能拯涣。 始涣而拯之,爲力既易,又 六爻獨初不云涣者,離 涣拯於始,爲力則易, 如得壯 馬,謂 親

九二,涣奔其机,悔亡。

本義九而居二,宜有「悔」也。 然當涣之時,來而不窮.

> 也。 机」,以人事言之,是來就安處。」 傳》所以言不窮也。」○《朱子語類》云:「「九二涣奔其 危就安之義,故有「奔其机」之象。 能同,則成濟涣之功當大,豈止「悔亡」而已。 儒皆以五爲机,非也。 急就於初以爲安,則能亡其悔矣。 比相求,則相賴者也。 二與初雖非正應,而當涣離之時兩皆無與。 險中,其有「悔」可知。 程傳諸爻皆云「涣」,謂涣之時也。 机」者,俯憑以爲安者也。 也。 集説郭氏雍曰:「九二之剛,自外來而得中,得 或疑初之柔微何足賴,蓋涣之時,合力爲勝。 方涣離之時,二陽豈能同 故二目初爲机,初謂二爲馬。 若能奔就所安,則得「悔亡」也 俯, 就下也。 初雖坎體,而不在 惟 在涣離之時,而 得中就安,故《彖 奔,急往也。 机謂 以陰陽親 也。 俯 去 若 先 險 就 處

中

窮矣。 者,所以憑而坐也,有所憑依而安居,然後可以 案:聚涣者,先固其本,以剛中居内,固本之象也。 動 机 ൬

六三,涣其躬,无悔

本義陰柔而不中正,有私於己之象也。 然居得陽位,

此上四爻,皆因涣以濟涣者也。 居无位之地,豈能拯時之涣而及人也。 志 集説王氏申子曰:「自此以上四爻,皆因涣以拯涣者 「无悔」而已。 應與,无渙散之悔也。 在濟時,能 散其 上加 私,以 涣字,在涣之時,躬无涣之悔也。 然以陰柔之質,不中正之才,上 得 「无悔」。 程傳三在涣時,獨有 故其占. 止於其身可以 [如此, 大率

謂涣其所當涣,則不當涣者聚矣。」

六四,涣其羣,元吉。涣有丘,匪夷所思。

也。 中而正,居君位,君臣合力,剛柔相濟,以拯天下之涣者 《彖》故曰「上同」也。 思慮之所及也。 言能散其小羣以成大羣,使所散者聚而若丘,則非常人 與,爲能散其朋黨之象。 本義居陰得正,上承九 方涣散之時,用剛則不能使之懷附,用柔則不足爲 程傳涣四、五二爻義相須,故通言之, 四巽順而正,居大臣之位。 占者如是,則大善而「吉」。 五、當濟涣之任者也。 下无 五剛 又 應

「涣有丘,匪夷所思。」語氣蓋云,常人徒知散之爲散,不

之依歸。 而勢合于一,如丘陵之高矣,所謂散小羣以成大羣也 多由人心叛上而各締其私也。 道,此所以「元吉」也。」〇陳氏琛曰:「天下之所以涣者」 孰能如是。 集説 胡氏瑷曰:「天下之涣,起於衆心乖 用至妙。夷,平常也。 案:孔安國《書序》云「「丘」,聚也」。 然此必才識之高邁者乃能之,非常人思慮所及也。」 黨,不能混一。惟六四能涣小人之私羣,成天下之公 者也。」此説雖程《傳》有所不及。如程《傳》之說,則是 天下之心不至於乖散而兼得以萃聚,故得盡善,元大之 正,下無私應,是大臣秉大公之道,使天下之黨盡散,則 離,人自爲羣。六四上承九五,當濟涣之任,而居陰 大也。方涣散而能致其大聚,其功甚大,其事甚難,其 所以能濟涣也。天下涣散而能使之羣聚,可謂大善之 曰:「涣其羣,元吉。」夫羣者,聖人之所欲涣以混一天下 「吉」也。」○《朱子語類》云、「老蘇云、「《涣》之六四 「羣其涣」,非「涣其羣」也。 「吉」也。 「涣有丘,匪夷所思」,贊美之辭也。 四以巽順之正道 非平常之見所能思及也,非賢智 蓋當人心涣散之時,各相朋 ,輔剛中正之君,君臣同 私黨既散,則公道大行。 則丘字即訓 丘,聚之 功, 得

此所謂散中之聚,人臣體國者之所當知也。惟無私者,公道足以服人。惟無邪者,正理可以動衆。耳,非真聚也。及其散也,相背相傾,乃甚於不聚者矣。耳,非真聚也。及其散也,相背相傾,乃甚於不聚者矣。如散之爲聚也。散中有聚,豈常人思慮之所及乎? 世知散之爲聚也。散中有聚,豈常人思慮之所及乎? 世

九五,涣汗其大號,涣,王居,无咎。

與四君臣合德,以剛中正巽順之道治涣,得其道矣。 其居積,則可以濟涣而「无咎」矣。 故其象占如此。 本義陽剛中正,以居尊位,當涣之時,能散其號令,與 之汗,浹於四體 在浹洽於人心,則順從也。 五巽體,有號令之象。 臣同功合力,其能濟乎? 涣之四、五通言者, 涣以離散爲害, 拯之使合也。 處涣如是則无咎也。 之大命、救涣之大政。再云「涣」者,上謂涣之時,下謂 涣,居王位爲稱而「无咎」。 「大號」,大政令也。 胡氏瑗曰: 涣王居」,如陸贊所謂散小儲而成大儲之意。 「「汗」者,膚腠之所出,出則宣人之壅滯,愈 ,則信服而從矣。 如是則可以濟天下之 在四已言元吉,五惟言稱其位也。 「汗」,謂如汗之出而不反也。 爻義相須,時之宜也。 當使號令給於民心,如人身 程傳 謂新民 集説 非君 惟 九 五

> 透,則羣邪之鬱積盡涣,而天下之險難,亦庶乎可解 爲和風,以潤則爲甘雨。 可。凡大命令之下,大政事之布,大財用之發,以散則 爲一身,欲涣周身之汗,其必有大號以與天下更始而後 「王居」,謂王者所居之位。」○何氏楷曰:「王者以天下 使之愈者,汗也。散天下之難而使之愈者,號令也 汗,出乎中而浹於四體也。]〇俞氏琰曰:「散人之疾而 近而遠,雖至幽至遠之處無不被而及之,亦猶人身之 無意。蓋人君之號令當出乎人君之中心,由中而外,由 〇《朱子語類》云:「聖人就人身上說一汗字爲象,不爲 使天下之人皆信於上,咸有所歸,所以居位而无悔咎。」 中,能出其號令,布其德澤,宣天下壅滯,發天下堙鬱 者。九五居至尊之位,爲涣散之主。 人之疾。猶上有教令,釋天下之難,使天下各得 如人之汗,從心而液,無不霑 居得其正,履得其 !其所

涣之時,而以王者居之,必得「无咎」矣。如涣汗然,足以通上下之壅塞,回周身之元氣,則雖當發號施令也。「涣,王居」涣字,當一讀,言其大號也。人則是哀痛迫切,寫情輸心也。在王者則是至誠懇惻,案:凡《易》中「號」字,皆當作平聲,爲呼號之號。在常

上九,涣其血去,逖出,无咎。

惕。 咎」也。 爲能巽順於事理,故云若能使其血去,其惕出,則「无 從於彼,則不能出於涣也。 應,亦涣離之象,惟上應於三。三居險陷之極,上若下 其血」則「去」,涣其惕則出也。 本 律之,「涣其血」,句也。 曰:「「逖」,遠也。「去逖出」,一本作「去惕出」。然《象》 遠出者也。散患於遠害之地,誰將咎之哉!!〇朱氏震 氏弼曰:「「逖」,遠也。 之極,有係而臨險,故以能出涣遠害爲善也。 又遠,何咎之有。」 傷害,故其象爲「涣其血」,其占曰「无咎」。」○錢氏 曰:「當依爻傳作「涣其血」,上居涣終,去坎甚遠,而 曰「遠害」,當從「逖」矣。」〇王氏申子曰:「以諸爻文法 曰:「去不復來,逖不復近,出不復人。其於坎血,遠 血」,謂傷害。「逖」,當作「惕」,與小畜六四同。 義上九以陽居涣極,能出乎涣。 然九以陽剛處涣之外,有出涣之象。又居巽之極 其者,所有也。涣之時,以能合爲功,獨九居 最遠於害,不近侵克,散其憂傷 **涣其所傷而免於難。」○俞氏琰** 險有傷害畏懼之象,故云血 程傳涣之諸爻皆无係 故其象占如 集説 言「涣 一本 此 王 圃 涣 無

子,不潔身以亂倫,亦不濡首以蹈禍,各惟其時而已矣。害,離去以避咎者,亦樂天之智,安土之仁也。古之君命之正,人心之安也。涣以離爲義,故至卦終而遂遠案:萃以聚爲義,故至卦終而猶齎咨涕洟以求萃者,天

Ⅲ 坎兑 上下

秦,故爲節。 程傳節,《序卦》:「涣者離也,物不可以終離,故受之程傳節,《序卦》:「涣者離也,物不可以終離,故受之

節,亨,苦節不可貞。

乃亨,故曰「節亨」。節須得中,爲節過苦,傷於刻薄,物 穎達曰:「「節」者,制度之名,節止之義,制事有節,其道 能常也? 通,故節有「亨」義。 又戒以不可守以爲貞也。 而二、五皆陽,故其占得「亨」。 容有限,故爲節,節固自有亨道矣。 本義「節」,有限而止也,爲卦下兑上坎,澤上有水,其 不可固守以爲常,「不可貞」也。 節貴適中,過則苦矣,節至於苦,豈 程傳事既有節,則 然至於太甚則苦矣,故 又其體陰陽各半, 集説孔氏 能 致亨

所不堪不可復正,故曰『苦節不可貞』也。」 〇薛氏温其 曰:「節以禮其道乃「亨」,過苦傷陋,不可以爲正也。」

初九,不出户庭,无咎。

庭」,則「无咎」也。 非能節者也,又當節之初,故戒之謹守,至於「不出户 外之庭。「門庭」,門内之庭。初以陽在下,上復有應 本義「户庭」,户外之庭也。陽剛得正,居節之初,未可 庭」,以極其慎密爲不出,此其所以「无咎」。 流。户以節人之出入,澤以節水之出入。初「不出户 故謹言謹行,至於不出户外之庭,是知節而能止者,故 曰:「陽剛在下,居得其正。當節之初,知其時未可行, 能有卒? 以行,能節而止者也,故其象占如此。 「无咎」。」○徐氏在漢曰:「坎變下一畫爲兑,象止坎下 故於節之初爲戒甚嚴也。 初能固守,終或渝之,不謹於初,安 程傳「户庭」,户 集説王氏申子

九二,不出門庭,凶。

不正。 傳二雖剛中之質,然處陰居説而承柔。 本義「門庭」,門内之庭也。 上无應與,知節而 不知通,故其象占如此。 九二當可行之時,而失剛 程

處陰,不正也。

其節矣。」 水漸盛則啟其實以洩之,九二是也,二與初同道,則失 「澤所以鍾水也,水始至則增其防以瀦之,初九是也。 是初爻之象,「門庭」是第二爻之象。」○錢氏志立曰: 於用、懦節於行是也。 節,如懲忿窒慾、損過益有餘是也。不正之節,如嗇節 是以「凶」也。不合於五,乃不正之節也。 若以剛中之道相合,則可以成節之功。 於外也,謂不從於五也。二、五非陰陽正應,故不相從。 失其剛中之德,與九五剛中正異矣。「不出門庭」,不之 居説,失剛也。承柔,近邪也。節之道當以剛中正。二 集説《朱子語類》云:「「户庭」 惟其失德失時, 以剛中正爲

哉! 時不應塞而 者也。時應塞而塞,則爲慎密不出,雖足不窺户可也。 兑則爲下流之塞,二適當之,故六爻之失時,未有如二 也。兑本坎體,中爻其主也。有坎之德可以流行,而變 不出宜也,在澤中則當有蓄洩之道,不可閉塞而不出 初、二兩爻,一在澤底,一在澤中。 雖以止爲義,然必可以通行而不窮,乃爲節之「亨」也。 案: 節卦六爻皆以澤水二體取義,澤者止,水者行。節 塞,則爲絶物自廢,所謂出門同人者安在 在澤底者水之方瀦,

三五

六三,不節若,則嗟若,无咎。

致,无所歸咎也。集説張子曰:「處非其位,失節也。以咎必至,可傷嗟也。故「不節若,則嗟若」。己所自順而和説,若能自節而順於義,則可以无過。不然,則此。程傳六三不中正,乘剛而臨險,固宜有咎。然柔此。程傳六三不中正,以當節時,非能節者,故其象占如本義陰柔而不中正,以當節時,非能節者,故其象占如

不節 咎」,又别立一例,只舊例亦可推行,但能嗟其不節,有 若」,皆得「无咎」,《易》以補過爲善者也。」○鄭氏汝諧 三失臨之道而「既憂之」、《節》之六三失節之道而「嗟 補過之心,則亦「无咎」也。」〇李氏彦章曰:「《臨》之六 然能嗟其不節,則亦「无咎」矣。」○又曰:「王弼於此「无 當變,故發此義。」〇豐氏寅初曰:「處兑之極,水溢 曰:「進乘二陽,處澤之溢,過乎中而不節者三也。 悲歎,能悔則有改過之幾,是猶可以「无咎」也。」 上 ,說於驕侈,不知謹節,以致窮困。 ,而能傷嗟以自悔,其誰咎之哉! 然其心痛悔,形 下體之極,極 知其 於 澤 則

六四,安節,亨。

本義柔順得正,上承九五,自然有節者也,故其象占如

此。 失位而處兑澤之極,是乃溢而不節, 强節之,安於節者也,故能致「亨」。 坎體水也,水上溢爲无節,就下有節也。 以陰居陰、安於正也、當位爲有節之象。 五之君,故爲「安節」。」 而不安則不能常,豈能亨也。 程 傳 四 順 承 九 五剛 中 正之道 集説俞氏琰曰:「六三 節以 ,是以 六四當位而順承 下應於初,四 安爲善,强 如 中正 四之義,非 爲節 也。 九 守

象居坎之下,水之下流也,柔正爲水流平地安瀾之象。制節謹度,皆循乎成法而安行,非勉强以爲節者也。於案:六四以柔正承五,故曰「安節」。安與勉對,蓋凡其

九五,甘節,吉,往有尚。

而何? 程傳九五剛中正居尊位,爲節之主。 本義所謂當位以節,中正以 便對那苦,甘節與「禮之用,和爲貴」相似。」〇趙氏汝楳 不失其中,不傷財,不害民之謂也。 嘉「尚」也。 也 中正以通者也。 **,**其「吉」可知。 術斯以往,「往有尚」也。」○《朱子語類》云:「甘 集説 王氏弼曰:「當位居中,爲節之主。 在己則安行,天下則説從,節之甘美者 以此而行,其功大矣,故「往」則有可 通 者 也,故 爲節而不苦,非甘 所 其 謂當位以 象占 如 節

節之「吉」也。」節味之偏而適其中。行之以甘,人不吾病,而事以成,时:「鹹苦酸辛,味之偏。甘,味之中也。甘受和,和者

在節爲甘,取其不苦也。是也。五爲坎主,水之源也。在井爲冽,取其不泥也。案:水之止者苦,積澤爲鹵是也。其流者甘,山下出泉

亡。

上六,苦節,貞凶,悔亡。

謂也。 也。 者也。 爲苦義,固守則「凶」,「悔」則凶「亡」。悔,損過從中之 不免於「凶」。然禮奢寧儉,故雖有「悔」而終得「亡」之 本義居節之極,故爲「苦節」。 是正道之凶; 不能甘,以至於苦,故曰「苦節」也。若以苦節施人,則 集説干氏實曰:「彖稱「苦節不可貞」,在此爻也,故曰 悔。」〇吕氏大臨曰:「上六居節之極,其節已甚,「苦節. 『貞凶』。」○孔氏穎達曰:「上六處節之極,過節之中,節 「貞凶」。 程傳上六居節之極,節之苦者也。居險之極,亦 節之「悔亡」,與他卦之悔亡,辭同而義異也。 用過乎節,物所不堪,守是不變,物窮必乖,故曰 禮奢寧儉、未害乎義,故曰「悔亡」。」○胡氏炳 若以苦節脩身、則儉約無妄,可得亡 既處過極,故雖得正 ጢ

德曰:「無甘節之吉,故「貞凶」,無不節之嗟,故「悔「節亨」,五以之,曰「苦節不可貞」,上以之。」○來氏知文曰:「五位中,故爲「甘」。 上位極,故爲「苦」。 彖曰

之矣。 溢也。上卦爲水爲流,故四曰「安」而五曰「甘」。 案:下卦爲澤爲止,故初、二皆曰「不出」,三則澤之止而 苦,塞極必潰,故三受焉,甘失反苦,故上受焉。」 字,上卦甘苦二字,可以知節道矣。 五與上比,五得中則爲節之「甘」,上過中則爲節之 正則爲「安節」,三柔不正則爲「不節」,三反乎四者也。 [不出門庭]則[凶],二反乎初者也。三與四比,四柔得 各相比而相反。初與二比,初「不出户庭」則「无咎」,二 當位爲善,不當位爲不善。 總論丘氏富國曰:「《彖傳》當位以節,故節之六爻以 水之流而竭也,通塞甘苦,皆從澤水取義。 『苦』,上反乎五者也。」○陸氏振奇曰:「觀下卦通塞二 若以兩爻相比者觀之,則又 通處味甘,塞處味 陸氏之説得 上則

455

三 巽兑 上下

程傳中孚、《序卦》:「節而信之,故受之以中孚。」節

之本,中實信之質。 之本,中實信之質。 之本,中實信之質。 之本,中實信之質。 之本,中實信之質。 之一、五皆陽中 其一,而感於水中,爲中孚之象。 感,謂感而 有風,風行澤上,而感於水中,爲中孚之象。 感,謂感而 有風,風行澤上,而感於水中,爲中孚之象。 感,謂感而 以,與行澤上,而感於水中,爲中孚之象。 以二、五皆陽中 以,與一寶信之也,中孚所以次節也。 爲卦澤上

中孚,豚魚吉,利涉大川,利貞。

川乎! 也。 舟楫之象。 孚義。「豚魚」,无知之物。 實,皆孚信之象也。又下説以應上,上巽以順下,亦爲 故占者能致豚魚之應則吉,而「利涉大川」,又必利于貞 之陽,皆得其中。以一卦言之爲中虚,以二體言之爲中 本義「孚」,信也。爲卦二陰在内,四陽在外,而二、五 信、光被萬物,以 之微賤。 穎達曰: ,則无不至矣,所以「吉」也。 程傳豚躁,魚冥,物之難感者也。 孚信能感於豚 守信之道,在乎堅正,故利於貞也。 「信發於中,謂之中孚。魚者蟲之幽隱,豚者獸 内有誠信,則雖微隱之物信皆及矣。 至信可感豚魚、涉險難、而不可以失其貞。 斯涉難, 何往不通? 又木在澤上,外實內虚,皆 忠信可以蹈水火,况 故曰 集説 一利 既有 涉 孔氏 大 誠 涉

清曰: 낀。 日 承中孚,故《彖傳》曰:「豚魚吉,信及豚魚也。」」○吴氏 不然,乃爲豚魚之吉,而不爲中孚者之吉矣。「豚魚」是 也,人爲之僞,非天理之正,故又戒以[利貞]。]○蔡氏 相私,士夫死黨,小人出肺肝相示,而遂背之,其爲孚 惟信足以濟之。然信而或失其正,則如盜賊相羣,男女 曰:「「豚魚」至愚無知,惟信足以感之。 大川至險不測 虚,事皆不妄,便謂之實,不是兩件事。]○胡氏炳文 所以曰中實。』〇又云:「一念之間,中無私主,便謂之 事時虚而無物,故曰中虚。 質,如何?」曰:「只看虚實字,便見本質之異,中虚是無 有物,所以人自信之」。」〇「問:「中虚信之本,中實信之 説得極好。1因舉《字説》孚字從爪從子,如鳥抱子之象。 恐亦有别。」曰:「伊川云,「存於中爲孚,見於事爲信」, 孚也。」○《朱子語類》:「問:「「中孚」「孚」字與「信」字 諸中而後能化也。 軾曰:「中孚,信也。 「今之乳字一邊從孚,蓋中所抱者,實有物也。 慎曰:「「中孚豚魚吉」、卦辭連卦名爲義、猶「同人于 信而不 「「豚魚吉」,承中孚云也。 Ē <u>以</u> 内無陽不生,故必剛得中,然後爲中 邪 而謂之「中孚」者,如羽蟲之孚,有 之道 自中虚中發出來皆是實理 故「利」在 中孚便有以孚於物矣 「貞」也。」○蘇氏 中間實

野」、「履虎尾」、「艮其背」之例、言人中心能孚信於豚

魚,則無所不感矣,故吉也。」

初九,虞吉,有他不燕。

復有他焉,則失其所以度之之正,而不得其所安矣,戒 本義當中孚之初,上應六四,能度其可信而信之則吉。 占者之辭也。 程傳九當中孚之初,故戒在審其所信。

虞」,度也,度其可信而後從也。

雖有至信,若不得其

應,四巽體而居正,无不善也。 他」,志不定也。人志不定,則惑而不安,初與四爲正 誠一,若「有他」,則不得其燕安矣。「燕」,安裕也。「有 所,則有悔咎。 取相應之義,若用應則非虞也。 故虞度而後信則吉也。既得所信,則當 爻以謀始之義大,故不 集 説 荀氏爽曰:

於外也。 項氏安世曰:「中孚六爻,皆不取外應。 孚在其中,無持 曰「虞吉」也,有意於四則不安,故曰「有他不燕」也。」○ 「「虞」,安也。 初九安處於下,不假他求,何吉如之。 荷變其 初應於四,宜自安虞,無意於四則吉,故

應六四,義無所取。 案:荀氏、項氏説於《易》例、卦義皆合。 如《屯》之「磐桓」、《賁》之「賁趾」、 蓋《易》例初九 志,動而求孚於四,則失其安也。」

皆不取 下應初六爲「有他」,初九上應六四,亦爲「有他」也 矣。「有他不燕」,正與《大過》九四「有他吝」同。 祭,亦安之義也。「燕」,亦安也。虞則燕,不虞則不燕 者凶。初之「虞吉」者,謂其有以自守自安也。 之義,主於中有實德,不願乎外,故六爻無應者吉,有應 惟損益之初,則適當益上報上之卦,時義不同 應四爲義。《頤》之「朵頤」,則反以應四 也。 禮有虞 爲 此卦 九 四

九二,鳴鶴在陰,其子和之。我有好爵,吾與

爾靡之。

鶴鳴子和、我爵爾靡之象。 本義九二中孚之實,而九五亦以中孚之實應之,故有 鶴在陰,謂九居二。「好

通之理,知道者爲能識之。 千里之外應之,不善則千里違之。]言誠通也。 誠同故也。至誠无遠近幽深之間,故《繫辭》云:「善則 彼亦係慕,説「好爵」之意同也。有孚於中,物无不應, 也,而其子相應和,中心之願相通也。 孚之至者也, 孚至則能感通。 雖我之所獨有,而彼亦繫戀之也。 爵」,謂得中。「靡」,與縻同,言懿德人之所好。 集説孔氏穎達曰:「九二 鶴鳴於幽隱之處,不聞 程傳二剛實於中, 「好爵」我有,而 至誠感 故好爵

體 則 與爾靡之。二〇王氏安石曰:「君子之言行,至誠而善。 好爵」,願與爾賢者分散而共之。故曰:「我有好爵,吾 所和也。「靡」,散也。 不私權利,惟德是與。 若 「我有 聞於外,爲同類之所應焉。 不徇於外,自任其真者也。 也。」〇蘇氏軾曰:「中孚必正而一,静而久,而初九、六 耀者其實喪,自晦者其德章。 二處二陰下爲在陰、「其子和之」謂初。」○鄭氏汝 者也。惟九二端慤無求,而物自應焉。]○張氏浚曰: 四,六三、上九,有應而相求,皆非所謂正而一,静而久 之下,蓋静晦而無求者,無求而物自應,故鶴鳴在陰,而 者,至誠之道也。二以剛履柔,其居得中,且伏於二陰 曰:「二獨無應,若未信於人,而爻之最吉莫二若也。 『其子和之』者,感以天也。』 ·剛,處於卦内,又在三、 、雖在幽遠,爲己類者亦以至誠從而應之,中孚之至 四 如鶴之鳴於幽遠,則爲其子 處於幽昧而行不失信,則聲 重 無心於感物,而物無不感 一陰之下,而 履不失中,是 自 諧

鳴子和、好爵爾靡之象。言父子,明不出户庭也。言爾九二有剛中之實德,無應於上,而初與之同德,故有鹤子和之」爲初者,近是。「好爵」謂旨酒也,「靡」謂醉也。案:《易》例凡言「子」言「童」者,皆初之象,故張氏以「其

乎」,然後推廣而極言之。 行,不務於遠而脩於邇,故《繋辭傳》兩言「况其 聞可知。 則居爽塏之地,而聲及遠矣。 我,明不踰同 矣。「吾與爾靡」,則惟二人同心而已。君子之實德 又曰「我有旨酒,嘉賓式燕以衎」,則同樂者衆 類 也。 《詩》云「鶴 處於陰而子和,則不求遠 鳴于 九 皐,聲聞于天」, 邇 者 實

六三,得敵,或鼓,或罷,或泣,或歌 得敵,以其有私係之心也。」 足,故言行之間,變動不常如此。」〇李氏簡曰:「六三之 然非明達君子之所爲也。 樂,動息憂樂皆繫乎所信也。 有所係,惟所信是從。 從上,三不中失正,故「得敵」以累志。 虚中爲成孚之主,然所處則異。 説極,而與之爲應,故不能自主,而其象如此。 本義「敵」,謂上九信之窮者。六三陰柔不中正,以居 敵」、對敵也、謂所交孚者、正應上九是也。三、四皆以 或鼓張,或罷廢,或悲泣,或歌 集説劉氏牧曰:「人惟信不 惟係所信,故未知吉凶, 四得位居正,故亡匹 以柔説之質,既 程 傳 以

心動於外,則憂樂皆係於物,鼓罷泣歌,喻其不能坦然案: 諸爻獨三上有應,有應者動於外也,非中孚也。人

自安,蓋初九虞燕之反也。

六四,月幾朢,馬匹亡,无咎。 敗必至,故以幾朢爲至盛。「馬匹亡」,四與初爲正應, 也,如月之幾朢盛之至也。 主、居近君之位、處得其正、而上信之至、當孚之任者 匹亡」之象,占者如是則「无咎」也。 匹」,謂初與己爲匹。四乃絶之而上以信於五,故爲「馬 孚道在一,四既從五,若復下係於初,則不一而害於孚, 匹也,古者駕車用四馬,不能備純色,則兩服兩驂各 本義六四居陰得正,位近於君,爲「月幾朢」之象。 「馬 初,是亡其匹也,係初則不進,不能成孚之功也。 集説 爲有咎矣。故「馬匹亡」則「无咎」也。上從五而不繫於 也。初、上應四,而四亦進從五,皆上行,故以馬爲象。 色,又小大必相稱,故兩馬爲匹,謂對也。 馬者,行物 也。《彖傳》言「柔在内」,而爻則其道相反,蓋卦爻取義 郭氏雍曰:「「匹」,亦敵之類也。 有不得而同者也。」 已朢則敵矣,臣而敵君,禍 得敵匹亡,其道相 程傳四爲成孚之 反

者也。如六四遇九五,則以從上爲義,而應非所論。案:《易》中六四應初九,而義有取焉者,皆上不遇九五

孚之四當之矣。 《易》例皆然,而此爻尤明,蓋孚不容於有二,况居大臣《易》例皆然,而此爻尤明,蓋孚不容於有二,况居大臣

九五,有孚攣如,无咎。

本義九五剛健中正,中孚之實而居尊位,爲孚之主者本義九五剛健中正,中孚之實而居尊位,爲孚之主者本義九五剛健中正,中孚之實而居尊位,爲孚之主者本義九五剛健中正,與之同德,故其象占如此。程傳五居固結如是,則億兆之心,安能保其不離乎。集説王氏問結如是,則億兆之心,安能保其不離乎。集説王氏問結如是,則億兆之心,安能保其不離乎。集説王氏問結如是,則億兆之心,安能保其不離乎。集説王氏所,以學天下之心,是有至誠至信之心,發之於内而泛於下,以學天下之心,上下內外,皆以誠信相通,是得於下,以學天下之心,上下內外,皆以誠信相通,是得於下,以學天下之心,上下內外,皆以誠信相通,是得於下,以學天下之心,上下內外,皆以誠信相通,是得於下,以學天下之心,上下內外,皆以誠信相通,是得為,此五君位,足以感通天下,又無私應之累,故直曰 有孚學如」而已。」〇胡氏炳文曰:「六爻不言「孚」,惟

九五言之,九五孚之主也。」

者亦即「馬匹亡」之意也。 と義亦同,但彼主於君臣相畜,而此主于君臣相孚爾,也。此爻義與小畜之九五同,其爲臣者,「月幾朢」之義亦同,但彼主於君臣相畜,而此主于君臣相孚爾,之義亦同,但彼主於君臣相畜,而此主于君臣相孚爾,之義亦同,但彼主於君臣相畜,而此主于君臣相孚爾,不遷於外而已。人君之孚,與在案:此爻是《彖》所謂「孚乃化邦」者也。人君之孚,與在案:此爻是《彖》所謂「孚乃化邦」者也。人君之孚,與在

上九,翰音登于天,貞凶。

孚於上進而不知止者也,其極至于羽翰之音,登聞于 終則衰,忠篤内喪,華美外颺,故云「翰音登天」,正亦滅 猶是也。 天」,雞非登天之物而欲登天,信非所信,而不知變,亦 象占如此。 本義居信之極,而不知變,雖得其貞,亦凶道也,故其 學,其蔽也賊」,固守而不通之謂也。 天,貞固於此而不知變,凶 「「翰」,高飛也。 陽性上進,風 程傳「翰音」者,音飛而實不從,處信之終,信 雞曰翰音,乃巽之象。居巽之極,爲「登 飛音者,音飛而實不從之謂也。 體飛颺。 可知矣。 九居中孚之時,處於最上, 夫子曰 集説王氏弼曰 「好信不好 居卦 于

> 聲,「翰音」也。」〇鄭氏汝諧曰:「「翰音」登天者,聲聞過 也。 上爲巽風,故曰「于天」。孚於中也,則鳴鶴自有子和。 情,君子耻之。」〇章氏潢曰:「二居兑澤,故曰「在陰」。 也,柔其毛也。「翰」,羽翮也。 登天,其道蓋相反也。」○朱氏震曰:「巽爲雞,剛其 也,故曰「翰音登于天」。九二在陰而子和,上九飛鳴 天,徒聞其虚聲而已。」〇蘇氏軾曰:「「翰音」,飛且鳴者 實之道,徒務其虚聲外飾,以矯僞爲尚。 也。上九在一卦之上,居窮極之地,是無純誠之心,篤 「翰音登於天」也。」○胡氏瑗曰:「「翰」者,鳥羽之高飛 之上,處信之終,信終則衰,忠篤内喪,華美外揚,故曰 處外而居上,非中孚之道,飛而求顯,鳴而 ,則翰音徒登于天。 然則中孚可以人僞爲之 雞振其羽翮 如鳥之飛登于 而後 成求信者 出 於 翰 而

震艮上下

哉?

居尊位,陽失位而不中,小者過其常也。蓋爲小者過,爲卦山上有雷,雷振於高,其聲過常,故爲小過。又陰過。」人之所信則必行,行則過也,小過所以繼中孚也。程傳小過、《序卦》:「有其信者必行之,故受之以小程傳小過、《

又爲小事過,又爲過之小。

音,不宜上宜下,大吉。小過,亨,利貞,可小事不可大事,飛鳥遺之

也。 也。 遺音之應,則「宜下」而「大吉」,亦「不可大事」之類也。 貞,則又不可以不戒也。 陽,小者過也。既過於陽,可以「亨」矣。 本義「小」,謂陰也。爲卦四陰在外,二陽在内,陰多於 正,過所以求就中也,所過者「小事」也,事之大者,豈可 程傳「過」者,過其常也。 卦體內實外虚,如鳥之飛,其聲下而不上,故能致飛鳥 安,愈上則愈窮,莫若飛鳥也。]〇孔氏穎達曰:「過之 曰:「飛鳥遺其音」,聲哀以求處上,愈無所適,下則 之,蓋順理也。 「可小事」。三、四皆以剛失位而不中,故「不可大事」。 「小事」謂之小過,即行過乎恭,喪過乎哀之例是也。 亨」義。「利貞」者,過之道,利於貞也不失時宜之謂 事有時而當然,有待過而後能亨者,故小過自 「不宜上宜下」,謂宜順也。 於大過論之詳矣。「飛鳥遺之音」,謂過之不遠 過而順理,其吉必大。 卦之二、五,皆以柔而得中,故 若矯枉而過正,過所以就 順則「大吉」,過以 集説王氏 然必利於守 褚 得 弼 就 有 正

於小而不可過於大,可以小過而不可以甚過。1又曰: 類言。觀《大象》本義曰:「三者之過,皆小者之過,可過 可過也。」〇林氏希元曰:「小過不當以人類言,當以事 俞氏琰曰:「小過之時,可過者「小事」而已,「大事」則不 用過乎儉」。皆是過於小,退後一步,自貶底意思。」〇 其大不及,小過以濟其小不及者,濟所以「亨」也。「飛 時,爲過矯之行,順則執卑守下,逆則犯君陵上,故以順 亨」。「利貞」者、矯世勵俗、利在歸正也。 小過是小事過,又是過於小,如「行過乎恭,喪過乎哀 云:「小過是過於慈惠之類,大過則是剛嚴果毅底氣象 不宜上也。過恭過儉則吉,宜下也。]〇《朱子語 鳥」「不宜上宜下」,上窮而下有止也。 過奢過慢則凶 君子之道,皆以濟其不及,然後可以會於中。 逆類鳥之上下也。」○吕氏大臨曰:「小過,過於小者也 過上則愈無所適,過下則不失其安,譬君子處過差之 大事」者,小有過差,惟可矯以小事,不可正以大事。 如晏子狐裘之比也。 氏云: 謂小人之行,小有過差,君子爲過厚之行以矯之, 「彖所謂 「飛鳥遺之音,不宜上宜下,大吉」者,飛鳥聲哀以求處 「可小事」而「宜下」。」其意可見矣。「小過亨」 過爲小事,道乃可通,故曰「小過 『可小事不可 大過以濟

之意,理所當過,即是時中。」

北京,不宜上宜下」,又是申利貞之意。」〇陸氏事不可大事,不宜上宜下」,又是申利貞之意。」〇陸氏事不可大事,不宜上宜下」,又是申利貞之意。」〇陸氏者,小事過而亨也。曰「利貞」,深戒占者之辭。「可小

關繫天下國家之事。「小事」,謂日用常行之事。 可以通行,故有「亨」道而利於正也。 貴中,而有時而過者,過所以爲中也。 案:大過者,大事過也。小過者,小事過也。「大事」,謂 遺之音」者,卦有飛鳥之象,卦示以兆,如飛鳥之遺以音 事」,是申小過之義。 事則高亢者失正而遠於理,卑約者得正而近乎情,是以 云「不宜上宜下」,在飛鳥則上無止戾,下有棲宿,在 施於大事。「不宜上宜下」,又是申「利貞」之義。「飛鳥 「大吉」也 上下二字是借鳥飛之上下,以切人事。 言此卦之義,可以施於小事,不可 「可小事不可 當過而過,然 飛鳥 道雖 相 呼 大 後

初六,飛鳥以凶。

飛鳥遺音,「不宜上宜下」,故其象占如此。郭璞《洞本義初六陰柔,上應九四,又居過時,上而不下者也。

末。 應助,於所當過必至過甚,况不當過而過乎。 林 以凶」。上六居震之極,其飛已高則麗於網罟,故曰「飛 鳥以凶』。」○胡氏瑗曰:「小過之時「不宜上」,位在下而 而初應在上卦,進而之逆,同於飛鳥無所錯足,故曰「飛 鳥之迅疾,所以凶也。 小人之象。 以鳥言。 鳥離之凶」。」○襲氏焕曰:「大過卦辭以棟爲象,而三、 而不得中,是以「凶」也。以卦象觀之,二爻皆當鳥翅之 志愈上,故獲『凶』也。」〇項氏安世曰:「初上二爻,陰過 止莫及也。 案: 大過象棟者兩爻,小過象飛鳥者亦兩爻,然大過宜 之用在翼,故於初、上言之。然初、二、五、上皆翼也,獨 榜象,棟之用在中,故於三、四言之。 過於外,初、上又陰之外也。」○胡氏炳文曰:「大過有棟 四兩爻亦以棟言。 初上言之何耶? 初六在艮之下,當止而反飛,以飛致凶,故曰「飛 占得 大過陽過於中,而三、四又陽之中也。 此者,或致羽蟲之孽。 又上應於四,四復動體,小人躁易,而上有 集説孔氏穎達曰:「小過之義,上逆下順 鳥飛不在翼而在翰,初、上其翰也。」 小過卦辭以鳥爲象,而初、上兩爻亦 躁疾如是,所以過之速且遠,救 程傳初六陰柔在下, 小過有飛鳥象,鳥 其過如飛 小過陰

宿者,乃不能自禁而飛,其凶也。豈非自取乎?皆當之也。初於時則未過,於位則處下,如鳥之正當棲惟一而已,四之象獨當之,鳥之翼則有兩,初與上之象下不宜上,初居下應吉而反凶者,何也? 蓋屋之中棟,隆不宜橈,則四居上吉,三居下凶,宜矣。小過之鳥宜

六二,過其祖,遇其妣,不及其君,遇其臣,无

也。 則陰陽相求,過之時必過其常,故異也。 其祖」也。 同有柔中之德,志不從於三、四,故過四而遇五,是「過 者祖之象。 適遇其臣也。 反遇陰也。 本義六二柔順中正,進則過三、四而遇六五,是過陽而 二從五亦戒其過。 及,皆適當其時與分,而 分,則其咎可知 及於君,適當臣道,則「无咎」也。 故其象占如此。 五陰而尊,祖妣之象,與二同德相應,在他卦 四在三上,故爲「祖」。二與五居相應之地 如此則不及六五而自得其分,是不及君,而 皆遇而不過,守正得中之意,「无咎」之道 集説 王氏宗傳曰:「六二或過或不 「不及其君,遇其臣」,謂上進而 程傳陽之在上者父之象,尊於父 不愆于中焉,此在過之道爲無 「遇」,當也。 无所不過,故 過臣之 不陵

無過不及之偏矣。」

無過不及之。

其君」。「遇其臣」,象言「可小事不可大事,不宜上宜其君」。「遇其臣」,象言「可小事不可大事,不宜上宜於君,適當臣道之常矣。「不及其君,遇其臣」,宜下宜於君,適當臣道之常矣。「不及其君,遇其臣」,宜下宜於君,適當臣道之常矣。「不及其君,遇其臣」,宜下宜於君,適當臣道之常矣。「不及其君,遇其臣」,宜下宜於君,適當臣道之常矣。「不及其君,遇其臣」,宜下宜於君,適當臣道之常矣。「不及其君,遇其臣」,宜下宜於君,遇此而過於祖,雖過過也,故曰「无咎」。」

《晉》之王母,此爻之妣,皆謂祖姑也。 案 體 不失也。 無應於君者,不敢仰干于君之象。 妣婦之配、無君臣之交、故取遇妣、不及其君爲義。 爲夫婦,取其耦配也。 妣婦相配之象。凡《易》之義,陰陽有應者,則爲君臣: 行而附於祖列,疑其過矣。 或爲嫡媵,或爲妣婦,取其同類也。此爻二、五皆柔,有 古者重昭穆,故孫則祔於祖,孫 事之必不可過者,不及而安於名分之常。 以人事類之,則事之可過者,過而得其恭順之 無應者,則或爲父子,或爲等夷, 然禮所當然是適得其分也 然守柔居下,是臣節 婦則祔 兩陰 [相應,故取 於 夫子之 祖 姑

過不及而得其中,於六爻爲最善。 道也,臣道也。二當其位,而有中正之德,故能權 言麻冕拜下,意正如此 也。 小過之義主於過恭過 儉 衡於 妻

九三,弗過防之,從或戕之,凶

或從而戕害之矣,如是則「凶」也。 三於陰過之時,以陽 忌惡。故有當過者,在過防於小人,若「弗過防之」,則 過陽失位之時,三獨居正,然在下无所能爲,而爲陰所 占如此。若占者能過防之,則可以免矣。 衆陰所欲害者也。 小人之道,正己爲先。三不失正,故无必凶之義,能過 居剛,過於剛也。 本義小過之時,事每當過,然後得中。 防則免矣。三居下之上,居上爲下,皆如是也。 既戒之過防,則過剛亦在所戒矣。 而自恃其剛,不肯過爲之備,故其象 九三以剛居正, 程傳小過陰 集説 防

之象。《傳》曰:「君子能勤小物,故無大患。」此爻之義 九三過剛 案:小過者,小事過也。 ,違於斯義矣。 故爲不過於周防,而或遇戕害 小事過者,敬小慎微之義也。

楊氏啟新曰:「言當過於防,而九三不知時也。」

九四,无咎,弗過遇之,往厲必戒,勿用永貞。

也

當戒懼也。往去柔而以剛進也,「勿用永貞」,陽性堅 之時,以剛處柔,剛不過也,是以「无咎」。 則君子當隨時順處,不可固守其常也。 剛,故戒以隨宜不可固守也。 其宜矣,故云「遇之」,謂得其道也。 過防之義。未詳孰是,當闕以俟知者。 以六二爻例,則當如此説,若依九三爻例,則過遇當 貞」,言當隨時之宜,不可固守也。 矣,故有「厲」而當戒。 意待之也,與九三「弗過防之」文體正同。」 本義當過之時,以剛處柔,過乎恭矣,「无咎」之道! 上下之交,雖比五應初,方陰過之時,彼豈肯從陽也,故 「往」則有「厲」。 , 弗過遇之」, 言弗過於剛, 而適合其宜也。 「往 集説《朱子語類》云: 陽性堅剛,故又戒以「勿用永 方陰過之時,陽剛失位, 或曰「弗過遇之」,若 若「往」則有危,必 四居高位,而 程傳四當小 「過遇 既弗過 猶言 川則 則 過 如 无 合 過

有危。 朱子所謂加意待之者是也。 戒以當過遇之爲善。 案:《彖傳》三、四皆剛失位而不中,然九三 آ ا ا 九四居柔,故有「无咎」之義。 所當以爲戒,而不可固執而不變者,是小過之時 「遇」者,合人情 若不能過遇之,則 然質本剛也 :,就事 理。 純 「往」 而 過遇 剛,故

六五,密雲不雨,自我西郊,公弋取彼在穴。 豈能成功,如 不能濟大事可知。 本義以陰居尊,又當陰過之時,不能有爲。 耳。 雨 取、雖得之、兩陰豈能濟大事乎? 應,乃弋而取之,五當位,故云公,謂公上也。 之空,中虚乃空也。在穴,指六二也。五與二本非 在穴」、弋、射取之也。射止是射、弋有取義。穴、山 二以爲助,故有此象。「在穴」,陰物也。兩陰相得,其 雖過行其事,意在矯下也。」○姚氏舜牧曰:「時值小過, 所以隱伏而在下也。公以弋繳而取穴中之物,猶聖賢 在穴」。」〇胡氏瑗曰:「「弋」者,所以射高也。 『穴』者, 爲輔,乃可也。 挾勢自亢,澤不下究,雲雖密而「不雨」,「自我西郊」故 西郊」故也。 「宜下不宜上」,陰至於五,過甚矣,其所居者尊位也。 當此之時,欲沛膏澤於生民,必須下求巖穴之士以 集説張子曰"「小過有飛鳥之象,故因曰「取彼 「密雲」而不能成雨。 陰不能成雨,小畜卦中已解。「公弋取 故又戒之以求助,抑之以下賢。」○錢氏 程傳五以陰柔居尊位,雖欲過爲: 猶「密雲」之不能 所以不能成雨,自 而弋取六 同類 成 彼 相 相 中

「不宜上」而「宜下」者也,故公弋取以爲助。」志立曰:「小過所惡者,飛鳥也。 鳥「在穴」而不飛,所謂

安: 小過有飛鳥之象,而所惡者飛。蓋飛則上而不下, 室而「不雨」,則膏澤不下於民矣。以其虚中也,故能降 位,當小過之時,上而未下者也,故取「密雲不雨」爲象。 位,當小過之時,上而未下者也,故取「密雲不雨」爲象。 心以從道,抑志以下交。如弋鳥然,不弋其飛者,而弋 心以從道,抑志以下交。如弋鳥然,不弋其飛者,而弋 心以從道,抑志以下交。如弋鳥然,不弋其飛者,而弋 以此道,抑志以下交。如弋鳥然,不弋其飛者,而弋 以此道,抑志以下交。如弋鳥然,不弋其飛者,不崇 朝而爲雨之潤矣。此爻變鳥之象而爲雲者,以居尊位 也。

上六,弗遇過之,飛鳥離之,凶,是謂災眚。 也。 遠者也,故其象占如此。或曰:「遇過」,恐亦只當作「過 以「凶」也。「離」,過之遠也,是謂「災眚」,是當有災眚 遇」,義同九四。 本義六以陰居動體之上,處陰過之極,過之已高而 極,不與理遇,動皆過之,其違理過常如飛鳥之迅速,所 亦至,其「凶」可知,天理人事皆然也 災者天殃, 眚者人爲。 未知是否。 既過之極,豈惟人告,天災 程傳六陰而動體,處過之 説 王 一氏弼 甚

御纂周易折中卷八

情,亢己而行,故外來之災,自招之損,皆有之也。」〇余 曰:「上六過而不已,若鳥之高翔,不知所止,以至窮極, 離之,凶」也。 遇,必遭羅網。 其猶鳥飛而無託,必離繒繳,故曰1飛 致,復何言哉!」〇孔氏穎達曰:「以小人之身,過 至於亢,將何所遇? 日 如飛鳥離於繒繳,不亦凶乎! 氏芑舒曰:「飛鳥離之,如鴻則離之之離。」〇俞氏 而離於凶禍不能反於下以圖其所安。猶人之不近 曰:「彖辭言【不宜上」,而上乃震動之體,動極而忘返: :「小人之過,遂至上極。 過亢離凶,是謂自災而致眚。」○胡氏瑗 飛而 不已,將何所託? 過 而不知限,至於亢也。 是天災也,亦人眚也,故 災自 丽 琰 人 鳥 己 弗 過

是謂災貴」,辭意不同。 案:《復》之上曰「迷復凶,有災眚」,此曰「飛鳥離之,凶 凶而致災眚者也。 飛以致凶者稍别。 極,不能自守,而徇 此則「凶」即其「災眚」也、蓋時當過 俗以至於此,與初六當時未過而 凶由己作,災告外至,迷復則因 自

日

「飛鳥離之,凶,是謂災眚」。」

肖坎,故上經以頤、大過附坎、離,下經以中孚、小過附 終於坎、離,下經終於既、未濟。 總 論項氏安世曰: 「坎、離者,乾、 頤、中孚肖離,大小過 坤之用也。 故 £ 經

> 不下,是以與上六同爲「飛鳥」之象也。」 也,故无咎。 以其柔中也。六二柔順中正而承乎陽,所謂「下順」者 「上逆」者也,曰「已上」,曰「已亢」,然上凶而五不然者, 柔能下,故「无咎」。 五、上皆以陰乘陽上,《彖傳》所謂 陽言,九三過剛居上,不能自下,故「或戕之」。 離之爲麗,坎之爲陷,意亦類此。」〇吴氏曰慎曰:「以二 孚,二陰函四陽則謂之大過,四陰函二陽則謂之小過 既、 、未濟。 二陽 初以柔居下而 函四陰則謂之頤,四 凶者,位雖卑, 陽 函二陰則謂之中 丽 志則上而 九四居

訓 坎離 上下 卦水在火上,水火相交,則爲用矣。 能過於物,必可以 程傳既濟,《序卦》:「有過物者必濟,故受之以既濟。」 濟,故小過之後,受之以既濟 各當其用,故爲既 也。 爲

既濟,亨小,利貞,初吉終亂

濟,天下萬事已濟之時也!

本義「既濟」,事之既成也。爲卦水火相交,各得其用, 大抵此卦及六爻占辭,皆有警戒之意,時當然也。 六爻之位,各得其正,故爲既 濟。 「亨小」當爲「小亨」

傳既濟之時,大者既已享矣,小者尚有未亨也。雖既濟

立,水火交則用行,體立用行,所以爲既濟也。」 本,則為東之。」〇谷氏家杰曰:「不曰小亨而曰「亨 一,則為尊之小也。「利貞」處既濟之時,類極則反也。 「初吉」,方濟之時也。「終亂」,濟極則反也。 「與八十章、一,方濟之時也。「終亂」,濟極則反也。 「則為尊之小也。「利貞」處既濟之時,利在貞固以 中」,言所亨者其小事也。」〇吴氏曰慎曰:「剛柔正則體 本,則危亂及之。」〇谷氏家杰曰:「不曰小亨而曰「亨 本,則危亂及之。」〇谷氏家杰曰:「不曰小亨而曰「亨 本,則危亂及之。」〇谷氏家杰曰:「不曰小亨而曰「亨 本,則為之。」〇谷氏家杰曰:「不曰小亨而曰「亨 本,則為之。」〇谷氏家杰曰:「不曰小亨而曰「亨 本,則為東之。」〇谷氏家杰曰:「不曰小亨而曰「亨 本,則為東之。」〇谷氏家杰曰:「不曰小亨而曰「亨 本,則為東之。」〇谷氏家杰曰:「不曰小亨而曰「亨 本,則為東京、一,治國東西、「 本,則為東京、「 本,則,之。 本,則。 本,

際也。 未濟。 也。 否之後。 案:天地交爲泰,不交則爲否,水火交爲既濟,不交則爲 心 未濟之義優於否者,爲其否而將泰也。 西是其交際也。 辭曰「汔濟、濡其尾,无攸利」,即《否》「其亡,其亡」之 辭曰「初吉終亂」,即《泰》「城復于隍」之戒。《未濟》象 故先天之圖、乾、坤居南北是其兩端也、離、坎居東 既濟當在泰之後而否之先,未濟當在泰之先 以治亂之運推之、泰、否其兩端也、既、未濟其交 泰猶夏也,否猶冬也,未濟猶春也,既濟猶秋 既濟之義不如泰者,爲其泰而將否也。 是以《既濟》彖 面

初九,曳其輪,濡其尾,无咎。

集説李氏簡曰:「既濟之初,以濡尾而曳輪,見其用力度之初,能止其進,乃得「无咎」。無所以行,倒曳之使不進之志鋭也。然時既濟矣,進不已則及於悔咎,故「曳進之志鋭也。然時既濟矣,進不已則及於悔咎,故「曳地。 獸之涉水,必揭其尾,「濡其尾」則不能濟。方既濟之初,能止其進,乃得「无咎」。 輪所以行,倒曳之使不其輪」,「濡其尾」,乃得「无咎」。 報則軍不前,濡尾集說李氏簡曰:「既濟之初,以濡尾而曳輪,見其用力集說李氏簡曰:「既濟之初,以濡尾而曳輪,見其用力集說李氏簡曰:「既濟之初,以濡尾而曳輪,見其用力集。

之難也。雖「濡其尾」,於義何咎?」

濡尾之患。惟能「曳其輪」,則雖「濡其尾」而可及止也。濡尾者,非有心於濡之也。當濟之時,衆皆競濟,故有案:爻之文意,李氏得之。蓋曳輪者,有心於曳之也。

六二,婦喪其茀,勿逐,七日得。

觀夫子《象傳》可知。

也。然中正之道,不可終廢,時過則行矣,故又有「勿二有「婦喪其茀」之象。茀,婦車之蔽,言失其所以行得行其志。而九五居既濟之時,不能下賢以行其道,故本義二以文明中正之德,上應九五剛陽中正之君,宜

《易》矣。二,陰也,故以「婦」言。「茀」,婦人出門 深矣。 剛陽中正之君,宜得行其志也。 逐」而自得之戒。 變矣,「七日得」謂時變也。 則行矣。 不得行,如婦之喪茀也。 蔽者也。 反爲中滿,坎、離乃爲相戾矣,人能識時知變則可以 宗之用賢,尚怠於終,况其下者乎! 故二不得遂其行也,自古既濟而能用人者鮮矣,以唐太 濟,无復進而有爲矣。 无終廢之理,不得行於今,必行於異時也,聖人之勸戒 自守不失,則「七日」當復得也。 集説胡氏炳文曰:「喪特失其在外者,逐則失 「逐」者,從物也。 「喪其茀」,則不可行矣。二不爲五之求用,則 程 傳二以文明中正之德,上應九 則於在下賢才,豈有求用之意. 然中正之道,豈可廢也,時 雖不爲上所用,中正之道 從物則失其素守,故戒「勿 然五既得尊位,時已既 於斯時也,則剛 卦有六位,七則 以 中 過 自 言 五

不苟於行,苟「喪其弗」,亦不行也。夫義路也,禮門也,初之時,未可以行也,故曰「曳其輪」。二可以行矣,而「輪」者,車之所以行路也。「弗」者,車之所以蔽門也。案:初二居下位,故皆取君子欲濟時而未得濟爲義。

其在我者矣。」

「喪其茀」者,既、未濟卦義以上下體之交爲濟,二猶居義不可則不行,禮不備則亦不苟於行也。 二有應而曰

下體之中故也

九三,高宗伐鬼方,三年克之,小人勿用。 事已濟矣。 「三年」,言其濟之難。 「小人勿用」,欲保其 亂,怠於終也。 也。 則莫肯爲也。「三年克之」,見其勞憊之甚,聖人因九三 故戒不可用小人。小人爲之,則以貪忿私意也,非貪忿 之君則可、若騁威武、忿不服、貪土地、則殘民肆欲 之事。高宗必商之高宗。天下之事既濟,而遠伐暴亂 勿用」,占法與師上六同。 戒,是以「小人勿用」也。」〇龔氏煥曰:「三言克鬼方則 人預於其閒,貪功逞欲,憊民不息 當既濟而用剛,發此義以示人爲法爲戒,豈淺見所能及 也。威武可及,而以救民爲心,乃王者之事也。 居剛,用剛之至也。 年克之」,言其久而後克,戒占者不可輕動之意。「小人 本義既濟之時,以剛居剛,「高宗伐鬼方」之象也。 集説沈氏該曰:「既濟初吉,鋭於始也。 中興之業既就,遠方之伐既成,而使小 既濟而用剛如是,乃「高宗伐鬼方」 程傳九三當既濟之時,以剛 **,則必以亂終,不可不** 終 惟聖賢 止 也 則

防之,故「小人勿用」,與師之戒同。 、是所以一人勿用」,與師之戒同。 、與一一之者,對爲未濟,則至外對之初,方圖濟也, 、其濟於四言之者,對爲未濟,則至外對之初,方圖濟也, 、其濟於四言之者,對爲未濟,則至外對之初,方圖濟也, 、其濟於三言之者,對爲既濟, 、其濟於三言之者,對爲既濟,

六四,繻有衣袽,終日戒。

漏 如此。 當作「濡」,謂滲漏也。 位,當其任者也,當既濟之時,以防患慮變爲急。「繻」 本義既濟之時,以柔居柔,能豫備而戒懼者也,故其象 多懼之地,是以有「繻有衣袽」之戒。 故取於舟。」○郭氏忠孝曰:「既濟思患豫防,而四又居 集説蘇氏軾曰:「「衣袽」所以備舟隙也,卦以濟爲事, 吉,方免於患也。 袽」以備濡漏。 程傳四在 程子曰: 「終日」者、言無怠時也。」〇 又終日戒懼不怠,慮患當如是也。不言 「繻」當作「濡」,「衣袽」所以 濟卦而水體,故取舟爲義。 既濟之時,免患則足矣,豈復有加也。 舟有罅漏則塞以「衣袽」,「有衣 勿以既 胡氏炳文曰: 濟而忘· 四近君之 塞舟之罅 未

常若坐敝舟而水驟至焉,斯可以免覆溺之患。」也,故取漏舟爲戒。「終日戒」者,自朝至夕,不忘戒備,遂恝然不知戒。水浸至而不知,則雖有衣袽,不及備,遂恝然不知戒。水浸至而不知,則雖有衣袽,不及情,遂恝然不知戒。 水浸至而不知,則雖有衣袽,不及信乘舟者不可以無繻而忘「衣袽」,亦不可謂「衣袽」已

九五,東鄰殺牛,不如西鄰之禴祭,實受其

福。

鄰」,陰也,謂二。「殺牛」,盛祭也。 楊氏簡曰: 於極,雖善處无如之何矣,故爻象惟言其時也。 中正守之,苟未至於反耳,理无極而終不反者也。 濟下,尚有進也,故受福。 不如薄者,時不同也。一、五皆有孚誠中正之德,二在 中,誠也。 彖辭「初吉終亂」亦此意也。 下而始得時也。 本義東陽西陰,言九五居尊而 故皆取祭祀爲義。 「既濟盛極則衰至,君子當思患豫防,持盈以 又當文王與紂之事,故其象占如 五處濟極,无所進矣,以至 程傳五中實,孚也。二處 「東鄰」,陽也,謂丘。 時已過,不如六二之在 「禴」,薄祭也。 已至 西西 此 盛

御纂周易折中卷八

鄰以爲訓。 曰:「五以陽剛中正,當物大豐盛之時,故借東鄰祭禮以 虚,保益以 以實不以文,此蓋教之以祈天保命之道。」 檢祭者之「實受其福」,信乎享神者在誠不在物,保治者 其薄也! 時,享治平之盛,驕奢易萌,而誠敬必不足,故聖人借兩 之詞,不以五與二對言。」〇姚氏舜牧曰:「人君當既濟 祭,實受其福」,在於合時,不在物豐也。 薦,明信昭而沼毛可羞,是以「東鄰殺牛,不如西鄰之禴 示警懼。夫祭,時爲大,時苟得矣,則明德馨而黍稷可 「西鄰」之時,守以損約,故終受福。」○潘 損。 然神無常享,享於克誠。 若曰:「東鄰殺牛」何其盛也! 六四已有「終日」之「戒」矣,而 彼殺牛者,反不如 東西者,彼此 西鄰禴祭何 氏士藻 况於 \mathcal{H}

《泰》三「于食有福」同,皆就本爻設戒爾。若以西鄰爲而能行恭敬撙節退讓明禮之事,此其所以受福也。與案:潘氏、姚氏之説皆是,當受報收功,極熾而豐之時,

上六,濡其首,厲。

六二,則受福爲六二受福,《易》無此例。

「濡其首」之象。占者不戒,危之道也。程傳既濟之本義既濟之極,險體之上,而以陰柔處之,爲狐涉水而

極也。 爲尾爲後。 爲始爲本,上爲終爲末。 危可知,歷險而不虞患,故曰:「亂者有其治者也。」《既 首」者,不慮前也。恃以爲濟,遂至陷没,没而至首,其 也。」〇薛氏温其曰:「「濡其尾」者,有後顧之義。「濡其 終,其道窮極,至於衰亂,如涉險而濡溺其首,是危厲之 曰:「物盛則衰,治極必亂,理之常也。 終,而小人處之,其敗壞可立而 極,固不安而危也。 濟》「終亂」,其義見矣。」〇朱氏震曰:「以畫卦言之,初 水,濟亦取水義,故言其窮至於濡首危可知也。既濟之 皆由治不思亂,安不慮危,以至窮極而反於未濟 又陰柔處之,而 以成卦言之,上爲首爲前,初 待 也。 在險 上六處既濟之 集説 體之上,坎爲 胡氏 瑗

離坎上下

程,停未濟、《序卦》:「物不可窮也、故受之以未濟、終焉。」既濟矣、物之窮也。物窮而不變、則无不已之理。爲者、變易而不窮也、故既濟之後、受之以未濟而終焉。 居。」既濟矣、物之窮也。物窮而不變、則无不已之理。

未濟,亨,小狐汔濟,濡其尾,无攸利。

本義「未濟」,事未成之時也。水火不交,不相爲用。

濡尾,猶未濟也。占者如此,何所利哉! 程傳未濟之卦之六爻,皆失其位,故爲未濟。「汔」,幾也。幾濟而

而忘敬慎也。要之,是戒人敬慎之意。自始濟以至於將濟,不可一息案:「小狐」當從程《傳》之解,「汔濟」當從《本義》之解。

「未濟亨」。」

初六,濡其尾,吝。

居,有應則志行於上。然已既陰柔,而四非中正之才,此。程傳六以陰柔在下,處險而應四,處險則不安其本義以陰居下,當未濟之初,未能自進,故其象占如

正指此爻。新進喜事,急於求濟,而反不能濟,可吝孰濟,可羞吝也。 集説 張氏振淵曰:「卦辭所謂「小狐」濟。「濡其尾」言不能濟也。不度其才力而進,終不能不能援之以濟也。獸之濟水,必揭其尾,尾濡則不能

九二,曳其輪,貞吉。

甚焉。」

也。 處君位,而二乃剛陽之才,而居相應之地,當用者也。 明事上恭順之道。未濟者,君道艱難之時也。五以柔 柔得中,无過剛之義也。於未濟聖人深取卦象以爲戒 爲下之正也,故其象占如此。程傳在他卦九居二爲居 臣耳。尤當盡恭順之道,故戒「曳其輪」,則得正而「吉」 剛有陵柔之義,水有勝火之象。方艱難之時,所賴者才 本義以九二應六五,而居柔得中,爲能自止而不進,得 順,盡臣道之正,盡上下之道也。 五則言其「貞吉」光輝,盡君道之善。 於九 二則戒其恭 之時,能極其恭順,所以爲得正而能保其終吉也。 過則好犯上而順不足,唐之郭子儀、李晟,當艱危未濟 九二剛中,力足以濟者也。然身在坎中,未可以大用 倒「曳其輪」,殺其勢,緩其進,戒用剛之過也。 集 説潘氏夢旂曰: 於六 剛

度力,而勇於赴難,適以敗事矣。」故曳其車輪,不敢輕進,待時而動,乃爲占也。不量時

知既濟之初,所謂「濡其尾」者,非自止不進之謂也。此初、二兩爻,「濡其尾」則「吝」,而「曳其輪」則「吉」,可此爻曳輪之戒,與既濟同。而差一位者,時不同也。觀案:既濟之時,初、二兩爻,猶未敢輕濟,况未濟乎? 故

六三、未濟、征凶、利涉大川。

者可以水浮,而不可以陸走也。或疑利字上當有不字。 柔乘剛,將出乎坎,有「利涉」之象,故其占如此。 豈 險而往從之,則濟矣,故「利涉大川」也。 濟,未有可濟之道、出險之用,而征所以凶也。 出險而後可征。三以陰柔不中正之才而居險,不足以 程傳未濟「征凶」,謂居險无出險之用,而行則凶也,必 本義陰柔不中正,居未濟之時,以 濟者,故明言「未濟,征凶」。」 也。」〇胡氏炳文曰:「六三居坎上,可以出險,陰柔非能 曰:「三居未濟之終,過此則近於濟矣,故特表以卦名 有可濟之道,險終有出險之理,上有剛陽之應,若能涉 一能出險而往,非時不可,才不能也。 「征」則「凶」。 集説趙氏汝楳 然三之陰柔 然未濟 蓋行 然以

> 失時,而又欲人審於赴時也如此。 案:此爻之義,最爲難明。蓋上下卦之交,有濟之義。 案:此爻之義,最爲難明。蓋上下卦之交,有濟之義。 既濟之三,剛也,故能濟。未濟之三,柔也,故未能濟。 於之既濟、未濟者時也,順時以處之而已。此爻時可濟 爻之既濟、未濟者時也,順時以處之而已。此爻時可濟 於之既濟、未濟者時也,順時以處之而已。此爻時可濟 於一未濟濟之才,故於征則凶,有畏慎之心,故於「涉大 時也。無濟之才,故於征則凶,有畏慎之心,故於「涉大 時也。無濟之才,故於於則凶,有畏慎之心,故於「涉大 時也。無濟之才,故於於則凶,有畏慎之心,故於「涉大 以則利,蓋涉大川不可以輕進,未濟無傷也,聖人之戒 失時,而又欲人審於赴時也如此。

九四,貞吉,悔亡,震用伐鬼方,三年有賞于

大國。

本義以九居四,不正而有「悔」也。能勉而貞,則「悔本義以九居四,不正而有「悔」也。能勉而貞,則「悔亡」之才不能也,故爲「伐鬼方」三年而受賞之象。程傳九四久不能也,故爲「伐鬼方」三年而受賞之象。程傳九四久不能也,九雖陽而居四,故戒以貞固則吉而「悔亡」。之才不能也,九雖陽而居四,故戒以貞固則吉而「悔亡」。之才不能也,九雖陽而居四,故戒以貞遇則十之之才不能也,九雖陽而居四,故戒以貞遇則吉而「悔亡」。之才不能也,九雖陽而居四,故戒以貞遇則吉而「悔亡」。之才不能也,九雖陽而居四,故戒以貞遇則言與「悔之」。 之甚者,「伐鬼方」也。故以爲義,力勤而遠伐,至於三年,之甚者,「伐鬼方」也。故以爲真,則「悔之」。

道,當貞固如是。四居柔,故設此戒。 集説 俞氏琰曰:然後成功,而行大國之賞,必如是乃能濟也。濟天下之

云:「薄言震之,莫不震疊。」與此震同。」「震用伐鬼方」者,震動而使之驚畏也。《詩・時邁》

時義論之也。 時義論之也。 「震用伐鬼方」,是方伐也。「三年克 賞也。與《師》之「王三錫命」同,不與《師》之「大君有 賞也。與《師》之「王三錫命」同,不與《師》之「大君有 賞也。與《師》之「王三錫命」同,不與《師》之「大君有 賞也。與《師》之「王三錫命」同,不與《師》之「大君有 於艱貞,革之論變革之道而宜於改命,皆以上下卦之交 於艱貞,革之論變革之道而宜於改命,皆以上下卦之交 於艱貞,革之論變革之道而宜於改命,皆以上下卦之交 於艱貞,革之論變革之道而宜於改命,皆以上下卦之交 於東貞,華之論變革之道而宜於改命,皆以上下卦之交 於東貞,華之論變革之道而宜於改命,皆以上下卦之交 於東貞,華之論變革之道而宜於改命,皆以上下卦之交 於東貞,華之論變革之道而宜於改命,皆以上下卦之交 於東貞,華之論變革之道而宜於改命,皆以上下卦之交 於東貞,華之論變革之道而宜於改命,皆以上下卦之交 於東貞,華之論變革之道而宜於改命,皆以上下卦之交

六五,貞吉,无悔,君子之光,有孚,吉。

悔」。貞其固有,非戒也。以此而濟,无不濟也。五文本義以六居五,亦非正也。然文明之主,居中應剛,虚人盛,信實而不妄,吉而又吉也。程傳五文明之主,居剛而應剛,其處得中,虚其心而陽爲之輔。雖以柔居剛而應剛,其處得中,虚其心而陽爲之輔。雖以柔居剛而應剛,其處得中,虚其心而陽爲之輔。雖以柔居剛而應剛,其處得中,虚其心而以此而濟,无不濟也。五文學,處之至正至善,无不足也。既得貞正,故「青」而「光」之一。

之盛,又何疑焉。」
立整,次之在夜,宿之彌熾。六五變未濟爲既濟,文明古,以功也,既光而有孚,時可濟也。 集説 楊氏萬里曰:「六五逢未濟之世而光輝,何也? 日之在夏,噎之曰:「六五逢未濟之世而光輝,何也。 集説 楊氏萬里子」也。上云吉,以貞也。柔而能貞,德之吉也。下云明之主,故稱其光。君子德輝之盛,而功實稱之,「有明之主,故稱其光。君子德輝之盛,而功實稱之,「有

山色,可見矣。

山色,可見矣。

山色,可見矣。

山色,可見矣。

「无悔之義,進於悔亡也。此卦自下卦而上卦,事已過
即成、大壯及此卦是也。此卦自下卦而上卦,事已過
即成、大壯及此卦是也。此卦自下卦而上卦,事已過
曹元其嘉靖殷邦之候乎。凡自晦而明,自剥而生,自亂
不知,不知及此卦是也。此卦自下卦而上卦,事已過

是。上九,有孚,于飲酒,无咎,濡其首,有孚,失

上,剛之極也。居明之上,明之極也。剛極而能明,則「濡其首」,則過於自信而失其義矣。程傳九以剛在以俟命,「无咎」之道也。若縱而不反,如狐之涉水而以俟命,「无咎」之道也。若縱而不反,如狐之涉水而以矣爲,而自信自養

也。 樂也。不樂其處,則忿躁隕穫,人於凶咎矣。 之極,至誠安於義命而自樂,則可「无咎」。「飲酒」,自 有傾,時之變也。 得濟之位,无可濟之理,則當樂天順命而已。 不爲躁而爲決。 信於中也。「失是」,失其宜也。 **眈肆過禮,至「濡其首」,亦非能安其處也。「有孚」,自** 咎」,復言飲酒濡首之失,何也? 此,此戒之之辭也。]〇丘氏富國曰:「既言「飲酒」之「无 樂。若樂而不知節,復「濡其首」,則雖「有孚」,必失於 内「有孚」也。 孚于飲酒,无咎」。□○石氏介曰:「上九以剛明之德,是 命者哉! 人之處患難,知其无可奈何,而放意不反者,豈安於義 始,其要无咎,此之謂易之道也。」 曰:「未濟之終,甫及既濟,而復以濡首戒之。「懼以終 至於濡首,則昔之「有孚」者,今失於是矣。」〇李氏簡 故「濡其首、厲」。未濟以剛居上、窮則通矣、故「有 集説劉氏牧曰: 在未濟之終,終又反於既濟,故得飲酒自 明 未濟則无極而自濟之理,故止爲未濟 能 燭 理, 剛能 「既濟以柔居上,止則亂 如是則於有孚爲失也。 斷 蓋飲酒可也,耽飲而 義。 居未濟之極,非 若從樂而 若否終則

> 之明。 吉。 未濟者,否泰變更之漸也。」〇吴氏曰慎曰:「易之爲義 辭多吉,以其趨於泰也。 咎」,則未濟爲既濟矣。」〇萬氏善曰:「泰之變爲既濟, 未濟,交易變易者也。 不易也,交易也,變易也。乾坤之純,不易者也。 泰者也。故既濟爻辭無吉者,以其趨於否也。 「伐鬼方」有賞,五言「君子之光,有孚」,上言「飲 位不當之戒,皆未濟之事也。外三爻,離明也。 爻,坎險也。 濟於終,天之道、物之理固然也。」〇丘氏富國曰:「内三 否之變爲未濟,蓋既濟自泰而趨否者也,未濟自否而 以卦之體言之,既濟則出明而之險,未濟則出險而 以卦之義言之,濟於始者必亂於終,亂於始者必 初言濡尾之吝,二言曳輪之貞,三有征 以是始終,易之大義。」 否、泰者,治亂對待之理,既 未濟爻 酒 既 四言 濟 趨 无 凶

御暴周易折中卷八

總論鄭氏汝諧曰:

「既濟「初吉終亂」,未濟則初亂終

御纂周易折中卷九

象 上 傳

爲不一。有直據卦名而論其理者,有雜取卦象卦德 其釋名則雜取諸卦象卦德卦體,有兼取者,有但取其 案:《彖傳》者,孔子所以釋文王之意。先釋名,後釋辭。 之,一則所以盡名中之緼,以見辭義之有所從來。 理者正也。 體者,蓋辭生於名。就文王本文觀之,則據卦名而 而難生」,蒙則「山下有險」,皆第一義也。釋辭之體,尤 二者,要皆以傳中首一句之義爲重。 名,文王無改於伏羲之舊,而其德其象,相傳已久,不待 惟乾、坤、 以爲二體六爻吉凶之斷例,而見辭義之無所不包也。 傳」者,孔子所以釋經之辭也。後凡言傳者放此。 坎、離、震、艮、巽、兑八卦 然名既根於卦,則辭亦不離乎卦,雜而 不釋名者,八卦之 如屯則「剛柔始交 一則 論 取 其 桂

大哉乾元,萬物資始,乃統天。

本義「彖」,即文王所繫之辭。「上」者,經之上篇。

「利貞」誠之復。其體用固有在矣,以用言,則「元」爲 整資之以爲始也。「乾元」,天德之大始,故萬物之生, 「元」,大也,始也。「乾元」,天德之大始,故萬物之生, 皆資之以爲始也。又爲四德之首,而貫乎天德之始終, 故曰「統天」。集説《九家易》曰:「乾者纯陽,天之象 也。觀乾之始,以知天德。惟天爲大,故曰「大哉」。元 不是兩箇物事。」〇又云:「「元」者,用之端,而「亨利貞」 不是兩箇物事。」〇又云:「「元」者,用之端,而「亨利貞」 一元」之所以包四德也。若分而言之,則「元亨」誠之通, 「利貞」誠之復。其體用固有在矣,以用言,則「元」之爲耳,此 「元」之所以包四德也。若分而言之,則「元」之爲耳,此 「元」之所以包四德也。若分而言之,則「元亨」誠之通, 如『乾元』之大,亦於「萬物資始」處見也。」 如『乾元』之大,亦於「萬物資始」處見也。」 如『乾元』之大,亦於「萬物資始」一一、故兼言之。 如『乾元』之大,亦於「萬物資始」一一、故兼言之。 之端倪也。「元」者生意,在「亨」則生意之長,在「利」則 之端倪也。「元」者生意之成。若言仁便是這意思,仁 生之後,當然之序亦如此。 表辭「元」字只訓大者,以本 生之後,當然之序亦如此。 彖辭「元」字只訓大者,以本 生之後,當然之序亦如此。 彖辭「元」字只訓大者,以本 生之後,當然之序亦如此。 彖辭「元」字只訓大者,以本 生之後,當然之序亦如此。 彖辭「元」字只訓大者,以本 生之後,當然之序亦如此。 彖辭「元」字只訓大者,以本 中「乾元」之大,亦於「萬物資始」處見也。」

雲行雨施,品物流形。

御車之御。」

未可區別,故總謂之萬。「亨」則流動形見,而洪纖高物」,此言「品物」。萬與品,同與異與。元爲稟氣之始,亨也,「品物流形」即形之亨也。」○俞氏琰曰:「前言「萬下元」、「利貞」,而獨不言「亨」者,蓋「雲行雨施」即氣之本義此釋乾之「亨」也。 集 説楊氏萬里曰:「彖言本義此釋乾之「亨」也。 集 説楊氏萬里曰:「彖言本義此釋乾之「亨」也。

大明終始,六位時成,時乘六龍以御天。

下,各有區别,故特謂之品。」

亨」也。 喻。 便是「乘六龍」,便是「御天」。聖人便是天,天便是聖 德之流行也。」○又云:「「六龍」只是六爻,「龍」只是譬 其時而成,如「潛」、「見」、「飛」、「躍」,皆以時耳,然皆四 則无以爲元也。 人。」〇蔡氏清曰: 無以爲元。 六爻之立,由此而立耳。 也。「始」則元、「終」則貞、蓋不終則無以爲始、不貞則 六位,各以時成,而乘此六陽以行天道,是乃聖人之「元 本義「始」,即元也。 明此六爻之義,「潛」、「見」、「飛」、「躍」,以時而 集説《朱子語類》云:「乾道「終始」,即四德 此言聖人大明乾道之終始,則見卦之 「謂之『乘」者,因龍字生也。御者,如 「終」謂貞也。 不終則无始,不貞 以時成者,言各以

亨時雖正了,然未成形質,到這裏方成,如百穀堅實了,本義變者化之漸,化者變之成。物所受爲性,天所賦於有生之初。「保合」者,全於已生之後,此言「乾道變於有生之初。「保合」者,全於已生之後,此言「乾道變於有生之初。「保合」者,全於已生之後,此言「乾道變乾道變化,各正性命,保合大和,乃利貞。

也。

方唤作正性命。」〇又云:「「乾道變化,各正性命」,總 後,則萬物各自保合其生理,不保合則無物矣。」〇又 乃天地保合此生物之理。造化不息,及其萬物化生之 又云:「「保合大和」,即是保合此生理也。「天地氤氲」, 箇完全,又將這百粒去種,又各成百粒,生生只管不已. 花,花便結實,又成粟還復本形。 所以爲大也。」○胡氏炳文曰:「以二氣之分言,則變者 交際之間,乃萬化之機軸。 而生於「貞」,蓋天地之化,不翕聚則不能發散也。仁智 能成始而成終,猶[元]爲四德之長,然[元]不生於[元] 萬物便是小底天地。」〇又云:「仁爲四德之首,而智則 云"「【保合大和」,天地萬物皆然。天地便是大底萬物 初間只是這一粒分去,物物各有理,總只是一箇理。」〇 萬物之出機、「元亨」是也。 之,則曰 「乾元」。 極其變化言之,則曰 「乾道」。 始乎 不貞則無以爲「元」也。」○項氏安世曰:「推其本統言 流形」,後言「各正性命」。 「乾元」,終乎「大和」。 萬物出於元,人於元,此「元」之 箇理。 以一氣之運言,則變者其漸,化者其成,先言「品 此理處處相渾淪,如一 物有此形,即有此性,皆天所 化者萬物之人機、「利貞」是 此理循環不窮,脗合無間 一穗有百粒,每粒 粒粟生爲苗,苗便生 物 籄 只 易。

是

命也。 之成,實理具備,隨在各足1,非即此之保合大和乎! 得宜,不相妨害。』非即此之各正性命乎! 變化,各正性命」,誠斯立焉,道之用也,一本之所以 之理,固在其中矣。」〇薛氏瑄曰:「「大哉乾元,萬物資 「保合』矣。」 生意凝畜而不渗漏,化機内蕴而不外見,則「大和」於是 法象,各成形質,而性命於是乎各正。 「貞」,向之「資始」於「元」,「流形」於「亨」者,今則各效 ○林氏希元曰:「「各正性命」是「利」,「保合大和」是 也,保合者貞也。《文言》本義云:「利者生物之遂,物各 正」、「保合」,雖合爲乾之「利貞」,然細分之,各正者利 殊也。然凡言體用,不可分而爲二。」○蔡氏清曰:「「各 始」,誠之源也,道之體也,萬殊之所以一本也。「乾道 已。蓋「大和」者,陰陽會合沖和之氣,而「乾元」「資始」 謂之「保合」,則性之存也,又命之所以 謂之各正,則命之稟也,乃性之所以一 既而愈斂愈固 『貞者生物 流 定 行 而不 而不 萬

首出庶物,萬國 一咸 寧。

各得其所而「咸寧」,猶萬物之「各正性命」,而「保合大 本義聖人在上,高出於物,猶乾道之變化也。 「萬國」

偏言則 行,初无間斷,此「元」之所以包四德而統天也。 此四德之所以循環而无端也。 實之成也。 時成。 下之辭爲「彖」,夫子從而釋之,通謂之「彖」,彖者,言 各以其意求之,則並行而不悖也。 而致太平之占也。 人而言,則孔子之意,蓋以此 物之始生,「亨」者物之暢茂,「利」則向於實也,「貞」則 於天也。 元],贊乾元始萬物之道大也。 卦之義,故「知者觀其彖辭,則思過半矣」。「大哉乾 所受爲性,「保合大和」乃 洪纖高下,各以其類,「各正性命」也。 生育萬物也。 元」也。 山。 和。 「以御天」,謂以 卦之初終,乃天道終始,乘此六爻之時,乃天運 「保合大和」,是以「利」且 此言聖人之「利貞」也。 「雲行雨施、品物流形」,言亨也。 「乾元」,統言天之道也。 事,專言則包四者。 實之既成,則其根 「大明」天道之終始,則見卦之六位,各以 雖其文義有非 當天運。 利 卦爲聖人得天位,行天道 「乾道變化」,生育萬物 蔕脱落 「萬物資始乃統天」,言 四德之元,猶五常之仁。 然 蓋 貞 坤卦放此。 文王之舊者,然讀 而四者之間,生氣 天道始萬物,物資始 嘗 保, 統 也。 ,可復種 謂 天所賦爲命,物 而 論之,「元 常 天地之道,常 天道運行 存。 程傅 而生 其以 合,謂 矣。 住 者 流 者

類》云: 從。 明乾義。 自有箇小小「元亨利貞」。」○林氏希元曰:「伏羲所畫 昨日亥時。 時之運。 歲之運,一月有一月之運,一日有一日之運,一 亥子丑便實,及至寅又生,他這箇只管運轉, 此物雖存猶未動在 便是收斂。 是成其形。 宗,乾道「首出庶物」而萬彙亨,君道尊臨 久而不已者,保 桂 德上見得。」

」

〇又曰: 義,以天道明乾義,他無所見,只在析[元亨利貞]爲 只是箇占辭。 卦,其義所該者廣,不止天道。 曰:「「元亨利貞」無斷處,貞了又元。 生」,那「元」字便是生物之仁,「資始」是得其氣、「資生 般。 王者體天之道,則 「「大哉乾元,萬物資始」,「至哉坤 又將「元亨利貞」之辭,分爲四德,以 雖 至吾夫子分爲四德, 物有夏秋冬生底,是到這裏方感得生氣, 收斂既無形迹,又須復生,至如夜半子時 到得「亨」便是他彰著,「利」便是結聚,「貞 一息之微,亦 原無他意,夫子贊《易》,則專以天道來 合大和 ,到寅卯便生,巳午便著,申酉便結 「一元亨利貞」本旨在 也。 「萬國咸寧」也。 有 天爲萬物之祖,王爲萬邦之 四 而後世之言天道者因之 文王[元亨利貞]之繫 [箇段子 今日子時 恁地 集説《朱子 桂 天位 元,萬物 解 運 前,便 者,與 歲有 發 時 而 轉。」又 明 有 四 箵 語 乾 海 是

則成矣。故曰「利」則向於實也,「貞」則實之成也。」事雖未成,而勢不能已也。」則知遂是方向成之勢,而貞遂與成,如何分别?《論語》「遂事不諫」,註云:「遂謂於世。」〇又曰:「「利」者生物之遂,「貞」者生物之成。於世。」〇又曰:「利」者生物之遂,「貞」者生物之成。以此至教,仁道始行以夫子所以爲道德之宗也。又如仁字首見於《尚書》,

發明之。以卦象明之者,乾之象莫大於天也。 以爲人事之占而已。失子作《彖傳》,乃推卦象卦位以 案:乾者,健也。彖辭但言至健之道,大通而宜於正固 明之者,乾之位莫尊於五也。以天之「元亨」言之,其以 龍」者,蓋以切「飛龍在天」之義。言四德之終始,寓於 元矣,澤流萬民是亦天之亨矣。 其言「六位」,又言「六 以君之「元亨」言之,九五以一位統六位之德,是亦天之 卦之主。上下五陽與之同德,如大君在上,萬民各得其 者,「利貞」之候也。 也。又以天之「利貞」言之,萬物成遂,性命正而大和洽 六龍以御於天路,則能行雲施雨,與天之「雲行雨施 六爻之中,而獨九五備衆爻之德,處在天之位。 時統四時之德者莫如「元」,至於澤流萬物則「亨」也。 命之理,以休養於大和之化,是亦天之「利貞」矣。 以君之「利貞」言之,九五一爻,爲 以卦位 如乘駕 同 其

矣。乾之爲義,無所不包,夫子舉其大者,故以天道君「萬國」。「首出」則爲物所覩,至於「咸寧」,而臻乎上治位之所統言之,則曰「庶物」。以功化之所及言之,則曰言「庶物」、言「萬國」者,又以切「利見大人」之義。以德

至哉坤元,萬物資生,乃順承天。

道盡之。

之。不然,乾有乾四德,坤有坤四德,而名實混矣。」之。不然,乾有乾四德,坤有坤四德,而名實混矣。」之義,而乾坤之合德,以共成生物之功者,亦於此乎見之義,而乾坤之合德,以共成生物之功者,亦於此乎見之義,而乾坤之合德,以共成生物之功者,亦於此乎見之義,而乾坤之合德,以共成生物之功者,亦於此乎見之義,而乾坤之合德,以共成生物之功者,亦於此乎見之。不然,乾有乾四德,坤有坤四德,而名實混矣。」之。不然,乾有乾四德,坤有坤四德,而名實混矣。」之。不然,乾有乾四德,坤有坤四德,而名實混矣。」之。不然,乾有乾四德,坤有坤四德,而名實混矣。」之。不然,乾有乾四德,坤有坤四德,而名實混矣。」之。不然,乾有乾四德,坤有坤四德,而名實混矣。」之。不然,乾有乾四德,坤有坤四德,而名實混矣。」之。不然,乾有乾四德,坤有坤四德,而名實混矣。」

本義言「亨」也、「德合无疆」、謂配乾也。集説崔氏坤厚載物、德合无疆、含弘光大、品物咸亨。

品者,與乾「雲行雨施,品物流形」一般。」 也,可見其弘。無所不達,可見其大。「含弘光大」,神也闢」,故曰「光大」。「光」言無所不著,「大」言無所不有。「其動性,故曰「光大」。「光」言無所不著,「大」言無所不被。此所以「德合无疆」也。」○林氏希元曰:「無所不被。此所以「德合无疆」也。」○林氏希元曰:「其静也翕」,故性,故曰「鬼动咸亨」也。」○游氏酢曰:「其静也翕」,故情曰:「含育萬物爲「弘」,光華萬物爲「大」,動植各遂其憬曰:「含育萬物爲「弘」,光華萬物爲「大」,動植各遂其

牝馬地類,行地无疆,柔順利貞,君子攸行。 其功。 德也。 物,而 道 弘光大」 物資乾以始,資坤以生,父母之道也。 緩,不若「大」之盛也,聖人於尊卑之辨,謹嚴如 本 「柔順利貞」,坤之德也。 含」,包容也。 ,可謂大矣。乾既稱「大」,故坤稱「至」。 義言「利貞」也。 馬又行地之物也。「行地无疆」, 坤之厚德,持載萬物,合於乾之无疆 所行如是,則其占如下文所云也。 四 者 形 「弘」,寬裕也。 「光」,昭明也。 「大」,博 容 坤 「馬」,乾之象,而以爲地類者,牝 道,猶乾之剛健 君子攸行,人之所行,如坤之 順承天施,以 中正 則 程傳資生之 順 也。 「至」義 一純粹 而 此。 以 健 也。 含 矣。 萬 成 差

清曰:

也。」〇熊氏良輔曰:「「君子攸行」,合聯下文「先迷」之

上,不必以韻爲拘,當時夫子只是從頭説下來。」○蔡氏

「以象言則爲「牝馬地類,行地无疆」,以義言則爲

乾 ? 疆」,謂健也。 厚也。 以 類,行地无疆,柔順利貞。」此亦「先迷後得」之意。 已,故曰「至哉坤元」,「乃順承天」。又曰「德合无疆 若不是他健後,如何配乾,只是健得來順。」〇龔氏 且如乾施物、坤不應、則不能生物。 在此。」〇又云:「程《傳》云「未有乾行而坤止」,此説是。 順利貞」。「君子攸行」本連下面,緣他趁押韻後,故説 者,以卑順行之故也。 道,合坤德也。 「柔順」而 牝馬爲象者,以其柔順 「品物咸亨」。 坤之 「利貞」,乃坤之德,故曰: 『牝馬 曰:「坤「先迷後得」而亦有「元亨」者,坤之元亨,承 ○《朱子語類》云:「「牝馬地類,行地无疆」,便是那「柔 能承乾之「元亨」以爲「元亨」者,以其「柔順利 未有乾行而坤 有此四者,故能成承天之功,品 「利貞」,乃坤德也,君子之所行也。 乾健坤 集説王氏弼曰:「地之所以得「无疆. 止 乾以龍 順 也。 坤 而健,行地之類也。「行地 其動也剛,不害其爲柔也。 亦健乎? 「御天」,坤以馬「行地」。」 既會生物,便是動 日: 物 成得亨遂。 非健何 君子之 坤所 乾 以 貞 而 地 无 取 配

「利牝馬之貞」,本無四德,夫子以四德解,故爲之説如「柔順」也。承天生物,直至於有終,「利貞」也。彖辭此即坤德之順健云爾。不敢自主,承天之施以生萬物,此即坤德之順健云爾。不敢自主,承天之施以生萬物,原

先迷失道,後順得常。西南得朋,乃與類行。

東北喪朋,乃終有慶。

乎君,婦之從乎夫,皆「喪朋」之「慶」也。○○丘 後「乃終有慶」也。」○項氏安世曰:「「東北喪朋,乃終有 減於乾之半也。 從乾而動,則順而得其常。 慶」者,所以發文王言外之意也。 有慶」矣。 往東北則必「喪朋」。」〇王氏申子曰: 故往西南則「與類行」。「東北」爲先,於坤爲不得地,故 曰:「坤道主成,成在後,故先乾而動,則迷而失其道 本義陽大陰小,陽得兼陰,陰不得兼陽。故坤之德,常 集説程子曰: 「東北喪朋」,陰必從陽,然 「東北」雖「喪朋」,然反之「西南」,則「終 「西南」爲後,於坤爲得地 地之交乎天,臣之事 「馬而非牝 氏富國 ,則不

> 无成也。」 羣陰以從陽,後代終也。 陽爲主,陰承之,此天地不易之常理也。 陽,故迷而失道。 辭「君子有攸往」也。君子之行,以陽剛爲主,以陰抗 何氏楷曰:「「君子攸行」,雖趁上韻,然意連下文,釋卦 《泰》之『朋亡』。舍其朋而從陽,則有得主之「慶」。」○ 居後爲順,故得其常道也。」○金氏實亨曰:「「喪朋」,猶 道解先迷。 從陽,然後有慶。]〇林氏希元曰:「「先迷失道」,是以失 迷而失,後乎陽則順 此坤之「柔順利貞」」也。 順而非地之類。 「後順得常」,是以順解得常。 蓋陰本居後,今居先是失道,故「迷」也。 牝而非馬,則不能配乾而 以陰順陽,故得所主而不失其常。 而得。 故君子行坤之道者,先乎陽則 「喪朋」者,斂羣陰以避陽,先 以陰從陰,猶與類行,以陰 蓋陰本居後、居先爲逆、 「得朋」者,合 行地 无疆」, 蓋

安貞之吉,應地无疆。

後和則順而得其常理。西南陰方,從其類「得朋」也。之功。「先迷後得」以下,言陰道也。先唱則迷失陰道,坤之用,陰之爲也。形而上曰天地之道,形而下曰陰陽本義安而且貞,地之德也。程傳乾之用,陽之爲也。

疆也。 也。 東北陽方,離其類「喪朋 疆」,蓋不同也。「德合无疆」,天之不已也。 天。 初,故云「資始」。 氏穎達曰:「「萬物資生」者,言萬物資地而生。 疆」,地之无窮也。 物之功,終有吉慶也。 以其柔順,故云「地類」。 无疆也。自此已上,論「坤元」之德也。包含弘厚,光著 疆」。凡言[无疆]者有二義,一是廣博无疆,二是長久 者,乾是剛健,能統領於天,坤是陰柔,以和順承奉於 以陰在物之先,失其爲陰之道。 子之所行,兼釋前文「君子有攸往」也。 「先迷失道」 是也。「柔順利貞,君子攸行」者,重釋利貞之義。 不復窮已。 盛大,故品類之物,皆得亨通。 陰而造坤位,是乃與類行。 物之後,陽唱而陰和,是後順得常。 陰體柔躁,故從於陽,則能安貞而吉,應地道之无 以其廣厚, 陰而不安貞,豈能應地之道?《彖》有三「无 此二句釋「利貞」。故上文云「利牝馬之貞」 故 坤據成形,故云「資生」。「乃順承天」 「行地无疆」,馬之健行也。 能 載物。 「與類行」者本 也。 以柔順爲體,故「行地无疆 「乃終有慶」者,以陰而 有此 離 此二句釋「亨」也。 「後順得常」者,以陰在 其 生長之德,合會「无 類 「乃與類行」者,以 而從陽 也,從於陽 , 則 應地 集説 乾本氣 能 是君 牝馬 者 成 一者 用 孔 无 生 詣

> 合地之无疆也。」 貞正。地體安静而貞正,人若静而能正,即得其吉,應陽,初雖離羣,乃終久有慶善也。「安」謂安静,「貞」謂

屯,剛柔始交而難生。

而承上接下之辭,所以合震坎之義,而釋其爲屯也。」曰:「乾坤之後,一索得震爲「始交」,再索得坎爲「難生」。 交」也。 坎險難,「剛柔始交而難生」也。」○張氏清子交」也。 坎險難,「剛柔始交而難生」也。」○張氏清子交」也。 坎險難,「剛柔始交」謂震,「難生」謂坎。 集本義以二體釋卦名義,「始交」謂震,「難生」謂坎。 集

動乎險中,大亨貞。

險中,大亨貞」,是用文王本意釋之也。」 利於正,初非謂四德也。 以亨,而在險則宜守正。 即非也。 方作四德説,後人不知,將謂文王作《易》,便作四德説 貞」,用文王本意」,何也?」曰:「「乾元亨利貞」,至孔子 集説《朱子語類》:「問:「《本義》云「此以下釋「元亨利 之地也。 本義以二體之德釋卦辭。 如《屯》卦所謂「元亨利貞」者,以其能動 自此以下,釋「元亨利貞」,乃用文王本意。 故筮得之者,其占爲「大亨」而 故孔子釋此彖辭,只曰 「動」,震之爲也。 「險」,坎 難可

於

撫

萬

雨 交而雷雨作,雜亂晦冥,塞乎兩間。 「天造」,猶言天運。 本義以二體之象釋卦辭。「雷」,震象。「雨」,坎 之動 滿盈,天造草 「草」,雜亂。 味,宜 「昧」,晦冥也。 建侯 天下未定,名分未 而 不 寧。 陰陽 象。

明,宜立君以統治

`而未可遽謂安寧之時也。

不取初一

九

爻義者,取義多端,姑舉其一也。

雷

盈 也。 之,則「剛柔始交」也。 險中爲艱屯之義,所謂「大亨」而「貞」者,「雷雨之動滿 也。 剛柔始交,未能通暢則艱屯,故云「難生」。又動於 陰陽始交,則艱屯未能通暢。 以坎震二體言之,「動乎險中」 程傳以雲雷二象言 及其和洽,則成

屯,有致大亨之道,亦在夫貞固也。 所以能大亨,由夫「貞」也。 言天地生物之義,此言時事。 非貞固安能出屯? 「天造」謂時運也。「草」, 「天造草昧」,上文 人之處 雷雨滿盈於天地之間,生物乃遂。

屯有「大亨」之道也,

助 草亂無倫序。「昧」,冥昧不明。 ,則可以濟屯。 雖建侯自輔,又當憂勤兢畏,不遑 當此時運,所宜建立輔 寧

也。 處 '昧」謂冥昧。 ,聖人之深戒也。 **从此草昧** 言天造萬物於草創之始,如在 之時 集説孔氏穎達曰:「「草」謂草創, 王者宜建 立 諸 侯, 以 恤 冥昧之時 方之

> 二體之德釋卦辭。「雷雨之動滿盈,天造草昧,宜建 難生」,是以二體釋卦名義。 「動乎險中大亨貞」,是以 謂 要屯之終而爲言也。]〇《朱子語類》:「 乎險中」也,此雲雷之時也,故曰「雲雷,屯」。 物,而不得安居無事。]〇王氏安石曰: 之類皆是也。 坎始交於中,如何?1曰:「剛柔始交」,只指震言。 「雷雨之動滿盈」,然後能免乎險而屯難解,「大亨貞」, 所以爲屯。 楷曰:「震之未動,坎氣爲雲,雲上雷下鬱結而未成雨 云名分未明。名分不獨謂君臣上下,如父子夫婦昆弟 亂則不定矣,故下云天下未定。 來說者交雜混了,故覺語 而不寧」,是以二體之象釋卦辭。 而難生」,程《傳》以雲雷之象爲「始交」,謂震始交於下, 「震一索而得男」也。 動則雲化爲雨、雷上雨下,屯之鬱結者變而 立君統治者,君臣,人道之綱也。]○何氏 此三句各有所指,「剛柔始交而 意重複。」」〇蔡氏清曰: 昧晦冥則不明矣,故下 只如此看甚明,緣後 「問:「「剛柔始交 「難生」也,「動 卒 草 至於 所 侯

丽 釋「建侯」。程《傳》則以「動乎險中」屬上句,總釋卦名。 案:《本義》以 以「雷 雨之動滿盈」 「動乎險中」釋「大亨貞」,「雷雨之動」以下 句 '釋「大亨貞」。 今觀屯稱「雲

爲解,而未亨者果「大亨」矣。」

三四 丘

故王氏、何氏同 綑鰛以滿盈其氣,又足以見貞固之義。 動也,而屯之「元亨」可知矣。 亨」之義,故變「雲雷」言「雷雨」,以見屯之必解,則觀 雷」,解 稱「雷雨」, 則 **心屯之時** 猶 然動者亨之機爾,其醖 未 解 也。 程《傳》説可從 夫子欲 明 三 其 釀

蒙,山下有險,險而止,蒙。

本義以卦象、卦德釋卦名,有兩義。

則不告,瀆蒙也。蒙以養正,聖功也。我,志應也。初筮告,以剛中也。再三瀆,瀆蒙,亨,以亨行時中也。匪我求童蒙,童蒙求

二,其志自相應也。 可也。「志應」者,二剛明,五柔暗,故二不求五 昏蒙之義。 傳山下有險,内險不可處,外止莫能進,未知所爲,故爲 有節也。 而又得其時之中,謂如下文所指之事,皆以亨行而當其 本義以卦體釋卦辭也。 蒙以養正」,乃作聖之功,所以釋「利貞」之義也。 「瀆」,筮者二三,則問者固瀆,而告者亦瀆矣。 「蒙亨」,以亨行時中也。 「以剛中」者,以剛而中,故能 九二以可亨之道,發人之蒙, 蒙之能亨,以亨道 丽 告而 Ŧī. 程 求

蒙者也。 蒙,學之至善也。蒙之六爻,二陽爲治蒙者,四陰皆 矣。 道。 君 ? **豈無可亨之道,但恐亨之不得乎時之中耳。《本義》謂** 聖之功,若蒙昧之中,已自不正,他日何由會有聖功。」 蓋言蒙昧之時,先自養教正當了,到那開發時,便有作 行也。 「九二以可亨之道,發人之蒙,而又得其時之中」。 ○胡氏炳文曰:「程《傳》云「亨道即時中」也,《本義》謂 正,乃作聖之功也。發而後禁,則扞格 實養蒙之道也。 不能信受,徒爲煩瀆,故曰「瀆蒙」也,求者告者皆煩瀆 來筮之意煩數,不能誠一,則瀆慢矣,不當告也,告之必 其蒙,則當以剛中之道,告而開發之。 「再三」,煩數也。 人君致敬盡禮而後往者,非欲自爲尊大,蓋其尊德 於五,蓋五之志應於二也。賢者在下,豈可自進以求於 應也。二二以剛明之賢處於下,五以童蒙居上,非是二求 謂處得其中,得中則時也。 卦辭曰「利貞」,象復伸其義,以明不止爲戒於二, 不如是,不足與有爲也。「初筮」謂誠一而來,求決 苟自求之,必無能信用之理。古之人,所以必待 所謂亨道,時中 集説《朱子語類》云:「「蒙以養正,聖功也」, 未發之謂蒙,以純一未發之蒙而養其 也。 「匪我求童蒙,童蒙求我,志 「時」,謂 得君之應。 而難勝,養正 中上, 於 處 樂

也。 則 也。 蒙原非二事,對前日之蒙言,則曰發,對後日之作聖言, 他日欲望其作聖,不可得矣。]〇林氏希元曰:「養蒙、發 全在「童蒙」之時。若「童蒙」之時,無所養而失其正,則 未散,粹然一出於正,所謂赤子之心是也。 者,不失其赤子之心而已。 養之,非時中也。」○俞氏琰曰:「聖者無所不通之謂 「如下文所指之事」,蓋謂 之例,非發蒙之後,又别出養蒙之義也。」 「童蒙」之時,便當以正道涵養其正性,是乃作聖之功 日 再三濱而亦告之,非時中也。 養。 古之人,含德之厚,比於赤子,大人之所以爲大人 「利貞」之語,實蒙上文,如《咸》、《恒》「利貞」 志 童蒙之時,情實未開,天真 未應而遽欲亨之,非時 蒙宜養正,過此而後 涵養正 性 中

需,須也,險在前也,剛健而不陷,其義不困

窮矣。

子贊之云:「其義不困窮矣。」集説、王氏申子曰:「需之人,其動必躁,乃能需待而動,處之至善者也。故夫能需待不輕動,故不陷於險,其義不至於困窮也。剛健,而險在於前,未可遽進,故需待而行也。以乾之剛健,而本義此以卦德釋卦名義。程傳「需」之義,須也。以本義此以卦德釋卦名義。程傳「需」之義,須也。以

需。 毅不苟,而能寧耐,所謂「乾天下之至健也,德行恒 險,而不遽進以陷於險者,蓋陰柔不能寧耐,乾剛 者,坎險在前,須 惟健則動不可禦,故能濟。」〇蔡氏清曰:「以 丽 後 進 也。 惟剛 則 内,有 所 主, 別則沈 一易以 剛 故 遇 能

利涉大川,往有功也。 需,有孚,光亨,貞吉,位乎天位,以正中也

知險」。」

也。 孚之象,而得其所需,亦爲「有孚」之義。 谷氏家杰曰:「此卦合坎乾成需。 者,以居天位而得正中也。 誠,故其德光明而能亨通,得貞正 言,故云「正中」。 本義以卦體及兩象釋卦辭。 「剛健」,曰「正中」。 需道之至善也,以乾剛而能需,何所不利。 既有孚而 見有天德者,能需也。」 居天位,指五,以正中, 貞正,雖涉險阻,往則 程傳五以剛實居中,爲 惟乾易而 而吉 也。 以 知險,故曰 所以 乾剛 兼一 有功 能 丽 然 至

訟,上剛下險,險而健,訟。

也。若健而不險,不生訟也。險而不健,不能訟也。險險而又健也。又爲險健相接,內險外健,皆所以爲訟本義以卦德釋卦名義。程傳訟之爲卦,上剛下險,

彼此言之,「險而健」,以一人言之。」而又健,是以訟也。 集説 毛氏璞曰:「「上剛下險」,以

訟不可成也。利見大人,尚中正也。不利涉訟,有孚窒,惕中吉,剛來而得中也。終凶,

大川,入于淵也。 之主也。 更取成卦之由爲義者,此是也。 外來而得中,爲以剛來訟而不過之義,是以吉也。 矣。又居險陷之中,亦爲窒塞惕懼之義。二以陽剛 時,雖有孚信,亦必艱阻窒塞而有惕懼,不窒則不成 是,又據卦才而言,九二以剛自外來而成訟,則二乃訟 其善,蓋卦辭取其有孚得中而言,乃善也。 更不言所變之爻也。 本義以卦變、卦體、卦象釋卦辭。 中正也,故 成,謂窮盡其事也。 極其事? 訟上爲義,所取不同 人,則或不得其中正 以剛處中,中實之象,故爲「有孚」。 極意於其事,則「凶」矣,故曰「不可成也」。 「利見大人」,以所尚者中正也。 也。 也。 訟者,求辯其是非也。 據卦辭,二乃善也。 中正大人,九五是也。 訟非善事,不得已也,安可終 卦義不取成卦之由,則 程傳訟之道固如 爻則以自下 而爻中不見 辯之當,乃 聽 處訟之 **地者非其** 與人訟 卦有 自 訟

> 也。 得不償失也,此豈君子之所樂成者哉! 稱「來」。若於爻辭之中,亦有從下卦向上卦稱「來」也。 離下艮上而稱柔來。 達曰:「「剛來而得中」,輔嗣必以爲九二者,凡上下二 者,必處其身於安平之地,若蹈危險,則陷其身矣,乃 成」,見其宜惕中也 損己之德也**,**增俗之偷也。又人己之間,俱廢其業,雖 曰:「「訟不可成」,以理言之,揚人之惡也,煩上之聽也 之才也。 「不利涉大川」,言一卦之才也。」 〇蔡氏清 「彖言乎其才也。《訟》「有孚,窒惕,中吉」,此言九二之 屈其性也。 曰:「「剛來」謂二也。 上六陰爻,陽來詣之,亦是非類而稱來也。]○劉氏牧 故《需》上六「有不速之客三人來」,謂下卦三陽。 象,在於下象者則稱來。 才也。「終凶」,此言上九之才也。「利見大人」,言九五 「人于深淵」也。卦中有中正險陷之象。 且凡云來者,皆據異類而來。 處中位,不失中道也。]〇王氏安石 今此云「剛來而得中」,故知九二 性本剛,好勝而訟也。 故《賁》卦云「柔來而文剛」,是 九二在二陰之中,故 集説孔氏穎 謂之「不可 來居柔,能 然需 E

因此而卦變之説紛然,然觀《泰》、《否》卦下「小往大案:《彖傳》中有言「剛柔往來上下」者,皆處象也。 先儒

象者近是。 卦而來乎? 亦云有其象而已耳,故依王、孔註疏作虚卦而來乎? 亦云有其象而已耳,故依王、孔註疏作虚來」、「大往小來」云者,文王之辭也。 果從何卦而往,何

者之師矣。程傳能使衆人皆正,可以王天下矣。得衆一陽在下之中,而五陰皆爲所以也。「能以衆正」,則王本義此以卦體釋「師貞」之義。「以」,謂能左右之也。師,衆也。貞,正也。能以衆正,可以王矣。

剛中而應,行險而順,以此毒天下而民從之,

心服從而歸正,王道止於是也。

吉又何咎矣。

也。 也。 也。 謂九二。「應」,謂六五應之。「行險」,謂行危道。 順動,所謂義兵,王者之師也。 民悦而從之也。 本義又以卦體、卦德釋「丈人吉,无咎」之義。「剛中」, 「順」,謂順人心。 六五之君爲正應,信任之專也。 師旅之興,不无害於天下,然以其有是才德,是以 旅之興,不无傷財害人,毒害天下,然而民心從 程傳言二也。 此非有老成之德者不能也。「毒」,害 以剛處中,剛而得中道 上順下險,「行險 雖「行險」道,而以 丽 順

> 乎 ? 從欲。 義也。 以正天下之不正也,故師謂之征。己則不正,其能正人 矣」,其義故无咎也。 「吉」而无咎。 之者,以其義動也。古者東征西怨,民心從也。 藥之攻病,非有沈痾堅癥,不輕用也。其指深矣。」 曰:「「毒」之一字,見得王者之師,不得已而用之。 知其欲正己而已,天下孰不趨於正哉!」〇胡氏炳文 「剛中而應」,任將之道也。「行險而順」,興師之 興師之順如此,故能以衆正。以衆正之,則人皆 仰順乎天,無違天以干時。 吉,謂必克。 集説游氏酢曰:「用師之道,將 无咎,謂合義。 「又何 俯順乎人,無咈 如是 如毒 入以 咎 放

比,吉也。

本義此三字疑衍文。

比,輔也,下順從也。

尊位,羣下順從以親輔之,所以爲比也。 集説孔氏穎者相親附也,●下順從也。解卦所以爲比也。五以陽居道也。物相親比,乃吉道也。「比輔也」,釋比之義,比本義此以卦體釋卦名義。 程傳「比吉也」,比者吉之本義此以卦體釋卦名義。 程傳「比吉也」,比者吉之

❶ 「附」,内府本作「輔」。

三四九

達 寧方來」則曰「上下應」,前是尊上之辭,後是舉衆之 ○《朱子語類》云:「「比吉也」,也字羨,當云:「比吉。 釋比所以得吉。 上下衆陰,不曰上下而曰下者,以九五爲主也。 『吉」字。」○楊氏啟新曰:「「下順從」以卦體言 比輔也,下順從也。」「比輔也」解「比」字,「下順從也」解 百 「【比吉也」者,言相親比而得吉也。 「下順從」者,謂衆陰順從九五也。」 「比輔 ,實則 也 至『不 者 兼

原筮元永貞,无咎,以剛 中也,不寧方來,上

下應也,後夫凶,其道窮也

保民以爲安。 求附比。 道之善者 程傳推「原筮」決相比之道,得「元永貞」而後可以「无 本義亦以卦體釋卦辭。 公言之,固至誠求天下之比,以安民也。 九 正 五以剛處中正是也。 ,能永而貞 所謂「元永貞」,如五是也。 民不能自保,故戴君以求寧。 也。 也。 不寧而來比者,上下相應也。 以 陽剛當尊位,爲君 卦辭本泛言比道,彖言「元永貞」者、 人之生不能保其安寧,方且來 「剛中」謂五,「上下」謂五 以陽剛居中正,盡 德,元 君不能獨立,故 以後王之私言 也。 以聖人之 居 中得 陰 比

> 也。 應五,君之分嚴也。」 陰,師之應,謂五應二,將之任專也。 謂上下五陰應乎五之剛,又一例也。 雖夫亦凶矣。 也。 説胡氏炳文曰: 比而能遂者也。若相從之志,不疾而後,則不能成比 之,不求下民之附,則危亡至矣。 在卦言之,上下羣陰比於五,五比其衆,乃上下應 衆必相比,而後能遂其生。天地之間,未有不 无所親比,困 「凡 「應」字,多謂剛柔兩爻相 屈以 致凶 故上下之志,必 比之應,則謂 ,窮之道 師、 比 皆 應,此 匝 陽五 上下 相 相 集 則 應

小畜,柔得位而上下應之,曰小畜。 陽皆應之,是小者能畜矣。 二義,六四以一陰得位,體無二陰以分其應,故上下五 義,而加[曰]字者,皆重卦名,文勢當然。單名卦惟 謂五陽。 有「曰」字,亦文勢然也。 畜五陽,能係而不能固,是以爲小畜也。《彖》解成卦之 本義以卦體釋卦名義,「柔得位」,指六居四。 「上下」, 「柔得位」也。 程傳言成卦之義也。 上下五陽皆應之,爲所畜 集説胡氏瑗曰: 三陽在下而並 以陰居四、又處上位、 也。 進,四以 「小畜: 以一 陰而 卦

有

革

獨當其路,是小有所畜也。

此二義也。」

陰

進,一

陰體巽

而

上行,九

五剛得中,與之合志,則志行

卦之主,而上下應之,以陰畜陽也。

陽大而陰小,小者

此以六四一爻言之也,合一卦之才,則三陽健而

健而巽,剛中而志行,乃亨。

本義以卦德、卦體而言,陽猶可亨也。程傳以卦才本義以卦德、卦體而言,陽猶可亨也。 程傳以卦才亦以對之義言,則爲陰畜陽。以卦才言,則陽爲剛中。以中,又爲中剛,言畜陽則以柔巽,言能亨則由剛中。以中,又爲中剛,言畜陽則以柔巽,言能亨則由剛中。以中,又爲中剛,言畜陽則以柔巽,言能亨則由剛中。以本義以卦德、卦體而言,陽猶可亨也。程傳以卦才本

本義「尚往」,言畜之未極,其氣猶上進也。程傳畜密雲不雨,尚往也。自我西郊,施未行也。

「陰,則一陰爲之主。四以陰居陰,「柔得位」也。爲一以不雨,西郊陰地臣之類也。」○楊氏時曰:「卦五陽而成雨,二氣不和,陽尚往而上,故不成雨。蓋自我陰而成雨,二氣不和,陽尚往而上,故不成雨。蓋自我陰而成雨,二氣不和,陽尚往而上,故不成雨。蓋自我陰道不能成大,如「密雲」而不成雨。陰陽交而和則相固道不能成大,如「密雲」而不成雨。陰陽交而和則相固

字。 皆言所畜之小。然謂之「尚往」,則非不往,謂之未行。 之極、則陽氣蒸而成雨。「密雲不雨」者,陰方上往,未 爲小畜。以二卦言之,健而能巽,不激不亢,其勢必通。 之,一柔得位,五陽應之。 畜之小者,雖未遽亨,及其成也,終有亨理。 以既雨既處來照看。 感悟之象。」〇蔡氏清曰:「《本義》「其氣猶上進也」,當 則非不行,亨固在其中矣。 至於極也。「自我西郊」者,方起於此,未至於彼也。此 二、五皆剛中,同心同德,其志必行,故有亨理。凡陰閉 矣,是以亨也。」〇項氏安世曰:「陰陽之理,畜極 此句全就雲雨説,不然,用不得氣 能係其情,未能全制之也,故 此於人事爲以臣畜君,終當 以六爻言 三則亨。

履,柔履剛也。

體之剛,非指六三以柔而履剛也。」
胡氏炳文曰:「《本義》謂二體,見得是以兑體之柔,履乾三成卦,三之象下迫於二陽之進,上躡乎三陽之剛。」〇三成卦,三之象下迫於二陽之進,上躡乎三陽之剛。」〇

説而應乎乾,是以履虎尾不咥人,亨。案"王氏、胡氏二説不同,然當兼用,其義乃備。

三五

説游氏酢曰:「卦以一柔進退履衆剛,故有「履虎尾」之 陰承乎陽,天下之正理也。 本 柔順而説 無忤。履雖危而不傷,莊周曰:「虎媚養己者順也。」惟 無虞矣。」〇項氏安世曰:「以兑説而「應乎乾」,則所行 和,何事不行? 君子之所履,苟在於是,則雖暴人之前 「履虎尾」,亦不見傷害。 體之乾。 ○胡氏炳文曰:「「説而應乎乾」,亦是以下體之兑,應上 柔履剛」也。 .相應。比、小畜上下應,是一爻爲主,而衆爻應之。」 義以卦德釋彖辭。 然而「不咥人亨」者、「説而應乎乾」故也。 若蒙曰「志應」,師曰 ,則「履虎尾」而「不咥人」,且有能「亨」之理。」 兑以説順應乎乾剛而履藉之,下順乎 程 以此履行,其「亨」可知。 傳兑以陰柔履藉乾之陽 所履如此,至順至當。 「剛中而應」,是剛柔兩爻 夫敬以 Ŀ 剛 集 雖

剛中正,履帝位而不疚,光明也。

说張氏浚曰:「九五履乾正位,曰「剛中正」,剛健不息,「疚」謂疵病,夬、履是也。「光明」,德盛而輝光也。 集正,尊「履帝位」,苟無疾病,得履道之至善光明者也。本義又以卦體明之,指九五也。 程傳九五以陽剛中

冰」是也。」
 然下。穆王命君牙曰「心之憂危,若蹈虎尾,涉於春履一不正,而蹈於非禮,則政令紀綱弛於上,讒賊寇攘臨天下者,其可危爲大。蓋人君以一身撫馭海内,使所體大中至正之道,以君臨天下,「履帝位而不疚」也。君

消也。而外順,内君子而外小人,君子道長,小人道也,上下交而其志同也。内陽而外陰,内健泰,小往大來,吉亨,則是天地交而萬物通

也。 子在内,小人在外,是「君子道長,小人道消」,所以爲泰 健在内,坤順在外,爲「内健而外順」,君子之道也。 其志意同也。陽來居内,陰往居外,陽進而陰退也。 相交,而萬物得遂其通泰也。 據其象,「内健」、「外順」明其性,此就卦爻釋「小往大 交而其志同」,以人事象天地之交也。 [内陽]、 [外陰 子之道長也。 程傳「小往大來」,陰往而陽來也。 由天地氣交,而生養萬物,物得大通 既取陰陽交和,又取「君子道長」,陰陽交和,乃君 集説孔氏穎達曰:「所以得名爲泰者、 在人則上下之情交通, 則是天地陰陽之氣 ,故云泰也。「上下 乾 君 而

道消」,非消小人也,化小人爲君子也。」」○喬氏中和 舜、湯舉皋、伊而不仁者遠。玉泉喻氏云:「《泰》「小人

曰:「有陽必有陰,有君子必有小人。

必欲絶而去之,有

同

善養身者,化痰邪爲氣血,善治國者,化盗賊爲

良民而已矣。」

大往小來,則

是天

上下不交,

而

天下

消」,更就人事之中,釋「小往大來,吉亨」也。」○項氏安 陰陽有所抑揚矣,第三段以六爻消長爲義,至此則全是 外爲義,雖在内在外,各得其所,要是重内輕外,則已於 陰陽二氣,無所抑揚,但貴其交而已,第二段以卦體内 世曰:「泰、否彖皆具三義:第一段以重卦上下爲義,於 來,吉亨」也。 「内君子而外小人,君子道長,小人道 而 无邦也。 地不交,而萬物不通也。 否之匪人,不利君子貞。

之。 《彖》依此推之,大抵諸卦皆然。 以兩卦言之。 好陽而惡陰,以陽長陰消爲福,則不止於抑揚而已。 富國曰:「天地之形不可交而以氣交,氣交而物通者,天 而上下應之」,是統論六爻五陽一 言。『内外』釋「往來」之義。 人事之泰也。 地之泰也。上下之分不可交而以心交,心交而志同者, 「小大」之義。」〇王氏應麟曰: 故《彖》之義無所不備,不可以一説通也。」〇丘氏 陰陽以氣言,健順以德言,君子小人以類 「剛中而志行」,又以九二、九五兩爻言 陰陽、健順、君子、小人,釋 「君子道盛,小人自化,故 如小畜之《彖》「柔得位 陰也。「健而巽」,卻 否

> 外君子,小人道長,君子道消 内陰而外陽,内 柔 丽 外剛 也 内

人,柔得位得中而應乎乾,曰同 體也。《語》曰:「色厲而内荏。」外有嚴厲之色,内有柔 之時也。 下不交」,是天下无邦國之道也。 不交,則天下无邦國之道。 卦,獨乾、坤、泰、否四卦言陰陽。 反其類」,故否之辭皆與泰反。」〇吴氏綺曰:「六十四 在之心,此所以反君子之道也。」○李氏過曰:「「否、泰 君子往居於外,小人來處於內,「小人道長,君子道消 以治民,民戴君而從命,上下相交,所以治安也。 程傳夫天地之氣不交,則萬物无生成之理。 泰、否二卦,内外皆得乾、坤之全體,故亦以陰陽言也。」 集説胡氏瑗曰:「「内柔而外剛」者,小人之 建邦國所以爲治也,上施 陰柔在内,陽剛在外 乾、坤、陰陽也。 上下之義 今「上 惟 政

本義以卦體釋卦名義,「柔」謂六二,「乾」謂九五。 程

同人。五,乾之主,故云「應乎乾」。象取天火之象,而中正,而二以柔順中正應之,「得中而應乎乾」也。五剛健五中正而二以中正應之,「得中而應乎乾」也。五剛健傳言成卦之義,「柔得位」,謂二以陰居陰,得其正位也。

彖專以二言。

集説項氏安世曰:「同人以一柔爲主

此卦是也

畜如大有是也。

若在下體,則但言應而已,蒙、師、履及

同人曰:

「稱「同人曰」,猶言同人卦曰也。」 本義衍文。程傳此三字羨文。集説孔氏穎達曰:

健,中正而應,君子正也,唯君子爲能通天下同人于野,亨,利涉大川,乾行也。文明以

之志。

有中正在於後,而所與無不當。 克己、故能盡大同之道、然後能「中正」合乎「乾行也」。 理而已。文明則能燭理,故能明大同之義。剛健則 理,故能通天下之志。聖人視億兆之心猶一心者,通 又以二體言其義有文明之德而剛健,以中正之道相應, 然,則是私情之合而已,何以致「亨」而「利涉」哉? 主於無私而已。 之義也。下釋「利貞」,則兼取明健中正之義,蓋健德但 案:上專以「乾行」釋「于野」、「涉川」者,但取剛健無私 乃君子之正道也。 傳至誠无私,可以蹈險難者,乾之行也。 本義以卦德、卦體釋卦辭,通天下之志,乃爲大同。 必也有文明在於先,而所知無不明。 天下之志萬殊,理則 然後可以盡無私之義 也。 无私,天德 君子明 币 程 不 能 於

而爲君子之貞也。

大有,柔得尊位大中,而上下應之,曰大有。

以 明 在上,人同乎我,爲我所有者也,故名曰大有。《彖》於 有,我有其大之辭也。」〇項氏安世曰:「一陰在下,勢不 曰:「同人大有,一柔五剛均也。柔在下者,曰「得位」, 共惟帝臣。 忠孝曰:「【柔得尊位大中」,謙以居之,不自滿假者也。 氏軾曰:「謂五也,大者皆見有於五,故曰大有。」○郭氏 大中之德,故上下同志應之,所以爲大有也。 之」也。 位」也。 程傳言卦之所以爲大有也。 本義以卦體釋卦名義,「柔」謂六五,「上下」謂五陽。 同人曰「應乎乾」,明我應之也。 足以有衆,能推所有以同乎人者也,故名曰同人。 柔在上者,曰「尊位」,曰「大中」,曰「上下應」,而爲大 曰「得中」,曰「應乎乾」,而爲同人,我同乎彼之辭也。 人應我也。 柔而應五剛,所謂所賓惟賢,光天之下,萬邦黎獻 夫居尊執柔,固衆之所歸也。 處中,得「大中」之道也。爲諸陽所宗,「上下應 不如是,不足以爲尚賢也。]○楊氏萬里 履卦柔在下亦曰「應乎乾」,小畜柔在上 五以陰居君位,「柔得尊 於大有曰「上下應之」, 而又有虚中文明 集説 陰 蘇

> 五陽,其勢順而易。」 欲畜上下五陽,其勢逆而難。離之一陰在五,而有上下此主離之一陰,則曰「大」,何也? 曰:巽之一陰在四,「或曰:小畜亦五陽一陰之卦,主巽之一陰,則曰「小」。亦曰「上下應之」,此可以推卦例矣。」○胡氏炳文曰:亦曰「上下應之」,此可以推卦例矣。」○胡氏炳文曰:

其德剛健而文明,應乎天而時行,是以元亨。 二。五之性柔順而明,能順應乎二。二,乾之主也,是 「大亨」。曰:諸卦之元與乾不同,何也? 貞」,則釋爲「元亨」,盡元義也。 得大有乎? 乾,爲元始之義,爲「首出庶物」之義。 者四卦,大有、蠱、升、鼎也。 貞」,則彖皆釋爲「大亨」,恐疑與乾、坤同也。 亨」,大有而不善者與不能亨者有矣。 成大有之義,非大有之義便有「元亨」,由其才故得「元 行」。其德如此,「是以元亨」也。王弼云:「不大通何由 應乎乾也。 卦之德,内「剛健」而外「文明」。 本義以卦德、卦體釋卦辭。 順應乾行,順乎天時也,故曰「應乎天而 大有則必「元亨」矣。」此不識卦義,離、乾 惟升之《彖》誤随他卦作 應天,指六五也。 元有大善之義,有元亨 六五之君,應於乾之九 他卦則不能有此 諸卦具「元亨利 曰:元之在 不兼 程傳 利

義,爲善爲大而已。 下之事莫不皆然,必善爲先,故《文言》曰二元者,善之長 而後有失,非得則何以有失也。 有敗,敗非先成者也。 乾」。大畜艮在上,曰「應乎天」,亦卦例也。」 爻爲主,而以乾爲應者也。 曰「應乎天而時行」者,應其命也。 曰「應乎乾」者,應其德也。 「元亨」。」○項氏安世曰:「同人、大有兩卦,皆以離之中 「剛健」不滯,「文明」不犯,應天則大,時行無違,是以 元者物之先也,物之先豈有不善者乎? 集説王氏弼曰"「德應於天,則行不失時矣。 티. 興而後有衰,衰固後於興 元之爲大可矣。 大有離在上,以位爲主,故 同人離在下,以德爲主,故 至於善惡治亂是非,天 履兑在下,曰「應乎 爲善 事 也。 成而 何 也 得 後

名之中也。程《傳》謂卦名未足以致「元亨」,由卦才而哉!《彖傳》又推卦德卦體以盡其緼,其實皆不出乎卦是虚心下賢之君,而衆君子皆爲之用,其亨孰大於是案:卦辭未有不根卦名而繫者,况柔中居尊,能有衆陽,

本義言謙之必「亨」。程傳濟當爲際,此明謙而能謙,亨,天道下濟而光明,地道卑而上行。

得「元亨」者,恐非《易》之通例。」

也。 也。 《彖》曰「其道光明」,謂艮陽止乎上,陰不得而掩之,故 剛則不能謙矣,三有剛而不用,此其所以爲謙也。] 〇蔡 剛言,復曰「剛反」,豫曰「剛應」,師、比曰「剛中」,剥 謙之必有後福。 謙下,終必高明,是有終也。 與「卑」,皆釋「謙」字。「光明」與「上行」,皆釋「亨」字。 道,勢處至卑,而升在上卦,是「卑而上行」也。 「下濟. 光明。「下際」,謂下交也。地之道以其處卑,所以其氣 氏淵曰:「「下濟而光明」,艮也。艮有光明之象,故艮之 也。」〇丘氏富國曰:「凡卦以一陽爲主者、《彖傳》皆以 自人事言之,尊者行之則有光,即「天道下濟而光明」 「「天道下際而光明,地道卑而上行。」 此以卦體釋卦辭 上行交於天,皆以卑降而「亨」也。 「變剛」。謙主九三,而彖不言剛者,謙無用於剛也。 「光明」。「卑而上行」,坤 亨」之義。 九三乾也,降在下卦,是『下濟而光明』也。 卑者行之則不可踰,即「地道卑而上行」也。 天之道,以其氣下際,故 質之於天地神人之心,以明有終之義 也。」 自天道虧盈以下,皆 集説項氏安世日 能 化 育萬物 始雖 坤地 [極言 其 用 道 日

天道虧盈而益謙,地道變盈而流謙,鬼神害

盈 而 福謙,人道惡盈 而 好謙。 謙,尊而光,卑

而 不可踰,君子之終也。

有終也。 居尊者,其德愈光,其居卑者,人亦莫能過,此君子所以 本義「變」,謂傾壞。「流」,謂聚而歸之。 注而益增也。 陰陽是也。 程傳以天行而言,盈者則虧,謙者則益,日 以地勢而言,盈滿者傾變而反陷,卑下者流 「鬼神」,謂造化之迹。 盈滿者禍害之,謙 人能謙, 則 月 其

惡於盈滿,而好與於謙巽也。 而光顯,自處雖 人詳言,所以戒盈而勸謙也。 卑屈,而其德實高不可 謙爲卑巽也,而其道尊大 「謙」者,人之至德,故聖 加尚,是「不可

損者福祐之。

凡過而損,不足而益者,皆是也。人情疾

踰也。 集説崔氏憬曰: 君子至 誠於謙,恒而不變,有終也,故尊光。 高岸爲谷,深谷爲陵,是爲[變盈而 「若日中則昃,月滿則虧,損有餘以補 流

謙」,地之道也。 不足,天之道也。 朱門之家,鬼闞其室,黍稷非馨 明明 德

惟馨,是其義矣。

滿招損,謙受益,人之道也。」○劉氏

牧曰:「降卑接下,名譽益隆,故其道光顯。 辭貌卑遜

而志行剛正,故雖卑退 「天道是就寒暑往來上說,地道是就地形高下上説 而「不可踰」。」〇《朱子 語類》

> 也。 其德不可踰。 卑而不可踰」,以尊而行謙,則其道光。 生萬物而不言所利,可見矣。」二〇又云:「謙,尊而光 鬼神言害福,是有些造化之柄,各自主一事 好惡哉? 中而昃,月晦而弦,盈而蝕之類,天非有意於虧之益之 卦引此一句,看來大綱説。」○蔡氏清曰: 曰:「太極中本無物,若事業功勞,於我何有? 〇「問"「謙之爲義,不知天地人鬼,何以皆好尚之?」 若論至無心處,則雖人道惡盈好謙,初亦何容心於 在我者有以感召其好惡耳,可不慎哉!」 尊對卑言,伊川以謙對卑説非是,聖人九 以卑而行謙,則 「如日没而升 而言耳。」 觀天地

豫 ,剛應而志行,順以動,豫。

下順從,其志得行 樂而從,不可也,故二者皆繫之豫。」 氏炳文曰:「建萬國,聚大衆,非順理而 而順理,順理而動,又爲動而衆順,所以豫也。 羣陰所應,剛得衆應也。 本義以卦體、卦德釋卦名義。 也。 「順以動豫」,震動 「志行」,謂陽志上行, 程傳 動,使人心皆和 剛應」, 而 坤 順,爲 集説 動 謂 丽 四 爲 胡 動 上

不同。 案:《彖傳》中凡稱卦德,皆先内而後外,而其文義又各 其曰「而」者,兩字並重。 如 訟之「險而健」,既險

字。 又健 法,如復卦「動而以順行」之類。 動」,重在「順」字。 文明」,既剛健而又文明也。 也。 如同人「文明以健」, 小畜之「健而巽」,既 其或以下一字爲重者,則又變其文 重在 其曰「以」者,則重 健又巽 「文明」字。 也。 大有 此卦「順以 剛 在 健 上 袻

豫順以動,故天地如之,而況建侯行師乎。

道 其民者、得其心也、故豫「利建侯」。 謂行其所無事也。 者,亦順乎理而已。 如之」而弗違。 本 ,萬物之理,惟至順而已。 義以卦德釋卦辭。 「況建侯行師」,豈有不順乎? 「天地如之」,猶云「天且弗違」。 集説吴氏曰慎曰:「「順以動」,所 程傳以「豫順 大人所以先天後天而不違 多助之至,天下 而動」,則「天地 天地之 順 得

天地以 人以 順 動 順 動,故日 ,則刑罰清而民 月不 過 服 一, 而 四 豫之時義大矣 時 不忒。 聖

之,故豫利「行師」。」

哉。

地之運,以其順動,所以日月之度不過差,四時之行不本義極言之而贊其大也。程傳復詳言順動之道,天

義,各就所切而言。」 日: 之也。 愆忒。 時,則義與用在其中矣。 有,不止豫等諸卦耳。 重在用字。」○蔡氏清曰:「「時」之一字,貫六十四卦 事大變也,故曰「時大矣哉」,欲人之謹之也。」○吴氏澄 旅,皆若淺事而有深意,故曰「時義大矣哉」,欲人之思 各以其大者也。 姤、旅言時義,坎、睽、蹇言時用,頤、大過、解、革言時 用大者,皆贊其「大矣哉」,豫以下十一卦是也。 優柔涵泳而識之也。 餘也,故復贊之云「豫之時義大矣哉!」欲人研味其理 民服也。 「時用大矣哉」,欲人之别之也。 「專言「時」者,重在時字,「時義」重在義字,「時用、 坎、睽、蹇,皆非美事,而聖人有時而用之,故曰 聖人以 既言豫順之道矣,然其旨味淵永,言盡 順動 集説 7,故經 時義謂豫之時義。 有時則有義,有義則有用。 項氏安世 正 言義未嘗無用,言 而 民興於善 頤、大過、解、革,皆大 曰:「豫、隨、 刑 諸卦之時與義 罰清簡 用 未嘗 逐、姤、 豫、遯 而 單言 意 而 無 有 萬

隨,剛來而下柔,動而説,隨。

「「剛」謂震也,「柔」謂兑也。震處兑下,是「剛來」「下本義以卦變、卦德釋卦名義。 集 説 孔氏穎達曰:

柔」。 也。 曰: 罰號令一出於上,則民皆説而隨於下也。」○王氏逢 剛之德,至尊之位,至貴之勢,接於臣而下於民。 以貴下賤者也,物安得不隨之乎?「動而説」,此有所 今震在兑下,是「剛來」而下於柔也。 也。」〇胡氏瑗曰:「震以動,其性剛。 去。上 當言動而說,不當言說而動。 謂:「説而動,動而説,皆隨之義。」《朱子語録》云:「但 所謂内外上下往來之義乎?」○蔣氏悌生曰:「程《傳》 上下往來之義,已備乎其中。 世儒惑於卦變,殊不知「八卦成列,因而重之」,而内外 動 之物也,今也得隨之義,來下於陰柔,則是能以上下下, 曰:「上能下下,下之所以隨上。 ,而彼無不説之謂也。 易家以隨自否來, 蠱自泰來, 其義如 隨之義,剛下柔也。」〇王氏宗傳曰:「陽剛非在 乾、坤重而爲泰、否,故隨、蠱無自泰、否而來之理。 震動而兑説,既能下人,動則喜說,所以物皆隨 彼無不説,則亦無不隨矣。或 自八卦既重之後,又烏有 凡卦體卦德,皆從内說出 貴能下賤,賤之所以 猶聖賢君子,以 兑以説,其性柔。 /i 何 ? 曰: 非 故賞 隨 至 下 從

大亨,貞无咎,而天下隨時。 案:王氏説,最足以破卦變之支離,得易象之本旨。

哉? 時。 下隨之。 賤,能如是,物之所説隨也。又下動而上説,動而可 説,此大亨之正道 咎」,而以邪 柔,動而説」也。謂乾之上九,來居坤之下。 能使天下隨之乎? 天下所隨者時也,故云「天下 正,則爲「无咎」。不能「亨」,不得正,則非可隨之道,豈 也,所以隨也。 往居乾之上。以陽剛來下於陰柔,是以上下下,以貴下 是,則天下之所從也。 本義王肅本「時」作「之」,今當從之。 剛下柔而陽隨陰。 集説孔氏穎達曰:「大亨貞正,無有咎害,而 以正道相隨,故隨之者廣。 解相隨 如是則可「大亨」而得正,能大亨而得 也。 , 則 以 我隨物,則物自隨我,而 程傳卦所以爲隨,以 天下不從也。」〇喬氏中 人同 此心,天下有不隨 若不以『大亨貞无 釋卦 坤之初六, 辭,言能 「剛來而下 -和 曰 動 之者 習不 説 天 隨 如

隨時之義大矣哉。

義大矣哉。」凡贊之者欲人知其義之大,玩而識之也。之深,知幾能權者,不能與於此也,故贊之曰:「隨時之子之道,隨時而動,從宜適變,「不可爲典要」。非造道本義王肅本「時」字在「之」字下,今當從之。程傳君本

蠱,剛上而柔下,巽而止,蠱。

也。 下者也,今來居於下。 下」,謂乾之初九,上而爲上九。 於蠱矣。 本義以卦體、卦變、卦德釋卦名義,蓋如此則積弊而至 異順也,以巽順之道治蠱,是以「元亨」也。 變而爲艮、巽。 尊卑得正,上下順理,治蠱之道也。 言當柔順而止,不可堅正,非惟不成道理,且非《易》象 非治蠱之道。10又云,「龜山説「巽而止」乃治蠱之道, 語類》云:「「剛上」「柔下」、「巽而止」、此是言致蠱之由 曰 健行之才,於是事事因循。 蠱,惟其巽而止,所以蠱也。 ○俞氏琰曰: 「「巽而止」者,巽而不爲,因循至壞者也。」〇《朱子 陽剛,尊而在上者也,今往居於上。 巽而止蠱,猶順以動 程傳以卦變及二體之義而言,「剛 「巽固 艮,止也。 進退不決,苟非艮之止,亦未至於 男雖少而居上,女雖長而在下, 巽,順也。 (豫,動而説隨,皆言卦義。」 苟且積弊,而至於蟲,故 巽則無奮迅之志,止則 坤之上六,下而爲初六 由剛之上,柔之下、 下巽而上止,止於 陰柔,卑而在 集説集氏 上 丽 柔 日 無

蠱 先甲三日,後甲三日,终則有始,天行也。 ,元享而天下治也。 事也。 夫有始則必有終,既終則必有始,天之道 之義正,在下者巽順,在上者能止齊安定之,事皆止 亂之終,治之始,天運然也。 也。 然,「先甲」「後甲」而爲之慮,所以能治蠱而致「元亨」 矣。方天下壞亂之際,宜涉艱險以往而濟之,是往有 順,則何蠱之不治也,其道大善而亨也,如此則天下治 才,則「元亨」而天下治矣。夫治亂者,苟能使尊卑上下 本義釋卦辭,治蠱至於[元亨],則亂而復治之象也。 不自飭,不植不立,不振不起,故利於濟大難,「往有事」 治」,何也? 人知終始之道,故能原始而究其所以然,要終而備其 已治,不可以無事視之也。 如此,必須是大善亨通而後天下治。] 〇胡氏炳文曰: 也。」〇《朱子語類》云:「「蠱元亨而天下治」,言蠱之時 「巽而止蠱」。 諸卦皆言往有功、蠱獨曰 集説楊氏萬里曰: 蓋亂爲治根,蟲爲飭源,雖然亂不自治,蟲 蓋以卦德言致蠱之由,非飭蠱之道也。」 「蠱,壞矣。 利涉大川,往有事也。 「往有事」。 前事過中而將壞,即當爲自 程傳治蠱之道,如卦之 而曰「元亨而天下 **疊者事也** 也。 事雖 聖 所 於 將

矣。 爲无初有終也。 可以不更。庚者事之變,故《巽》爻辭以「先庚」、「後庚」 傳》以「先甲」、「後甲」爲終則有始也。 庚』。事壞而至蠱,則當復始。 「《蠱》卦辭言「先甲」、「後甲」、《巽》卦辭言「先庚」、「後 而治之始,雖天運然也,亦人事致然也。」〇龔氏焕曰: 新之圖。 之弊事也。」〇俞氏琰曰:「「往有事」者,當蠱壞之時,宜 君,新一代之法度也。 事之弊而革之,是謂无初有終。 則病生。蠱之時,止而不動,則天下之事,終於蠱而 也。」大抵器欲常用,久不用則蠢生。 云:「流水之不腐,以其逝故也。 涉艱險而往有攸濟,不可處之於無事之域也。 故勉之使往,不宜坐視其弊而弗救也。」 後事方始而尚新,即當致丁寧之意。 夫事之壞而新之,是謂「終則有始」。 无初有終,如中興之主,革前朝 甲者事之始,故《蠱·彖 户樞之不蠹,以其運故 終則有始,如 體欲常動,久不 事久而有弊,不 亂之極 創 文子 業之 已 動

臨,剛浸而長。

而長」,遯曰「浸而長也」,自臨而長爲泰,自遯而長爲云:「天地之道浸,故陰陽勝。」愚嘗讀《易》之臨曰「剛浸本義以卦體釋卦名。 集説王氏應麟曰:「《陰符經》

「柔浸而長」,而止曰「小利貞,浸而長」,《易》不爲小人者臨之反也,《臨・彖》曰「剛浸而長」,《遯・彖》不曰一陽生,積而至臨,則二陽長矣,故曰「剛浸而長」。遯否。浸者漸也,聖人之戒深矣。」○張氏清子曰:「自復

説而順,剛中而應。

謀也。」

本義又以卦德、卦體言卦之善。

陵逼小人之義,則於卦爻之辭多有所難通者。 以有臨也。此亦如泰之取義,兼交泰與消長兩意,見正以有臨也。此亦如泰之取義,兼交泰與消長兩意,見正以有臨也。此亦如泰之取義,兼交泰與消長兩意,見正以有臨也。此亦如泰之取義,兼交泰與消長兩意,見正以有臨也。此亦如泰之取義,兼交泰與消長兩意,見正以有臨也。此亦如泰之取義,兼交泰與消長兩意,見四人之義,則於計及之辭多有所難通者。

大亨以正,天之道也。

浸,漸也。 剛 道,剛正而和順,「天之道也」。化育之功所以不息者, 順 本義當剛長之時,又有此善,故其占如此 正和 也,剛得中道 順而已。 二陽長於下而漸進也。 而有應助,是以能大亨而得正,合天之 以此 臨 人臨 事臨 天下,莫不大亨而得 下兑,上坤, 也。 和説 程 傅 耐

正也。兑爲説,説乃和也,《夬・彖》云「決而和」。

至于八月有凶,消不久也。

循環,不可易也。 備之,常不至於滿極,則无凶也。 方君子道長之時,聖人爲之誠,使知極則有凶之理而虞 陽消矣,故云「消不久也」。 生於復,自復至遯凡八月,自建子至建未也。 「至于八月」,則消而凶矣。 陽生,陽方漸盛之時,故聖人爲之戒云。 本義言雖天運之當然,然君子宜知所戒。 以人事言之,則陽爲君子,陰爲小人。 在陰陽之氣言之,則消長如 八月,謂陽生之八月。 集説孔氏穎達 陽雖方長, 程傳臨二 二陰長而 陽始 日 然

「八月」,言陽來之期曰「七日」。」象。八,少陰之數。七,少陽之數。故言陰來之期曰卦,至其終末皆有凶也。」○陸氏振奇曰:「日陽象,月陰大之義,故於此卦特戒之耳。若以類言之,則陽長之「陽長之卦,每卦皆應「八月有凶」。但此卦名臨,是盛「陽長之卦,每卦皆應「八月有凶」。但此卦名臨,是盛

氣月候之配,則《震》、《既濟》之「七日」,與夫三日、三而生少陽之七,七八者陰陽始生之數也。若拘拘於卦蓋陽數窮於九,則退而生少陰之八,陰數窮於六,則進案:「八月」、「七日」,説者多鑿。陸氏之説,最爲得之。

大觀在上,順而巽,中正以觀天下。年、十年之類,皆多不可通者矣。

屯。 也。 日: 下坤而上巽,是能順而巽也。五居中正,以巽順中 統謂二陽。『中正以觀天下』,獨舉九五。』〇楊 德,爲觀於天下也。 陽中正之德,爲下所觀,其德甚大,故曰「大觀在 本義以卦體、卦德釋卦名義。 「順以宅心,堯舜之温恭克讓,文王之徽柔懿恭 「巽,德之制也」,非巽何以使萬事各得其宜?」 巽以制事,通人情,酌物理,隨物付物,因 集説趙氏彦肅曰:「「大觀在 程傳五居尊位,以 [時制 氏啟 正之 Ē Ŀ, 宜 剛 是 者 新

觀,盥而不薦,有孚顯若,下觀而化也。

薦熟,謂之薦。 得之灌地而祭,謂之裸。 尸人廟,天子涚手而後酌酒,涚謂之盥。 卬,如圭如璋。1君德之義也。」○朱氏震曰:「祭之初,迎 觀,進退可度,則下觀其德而順其化。《詩》曰:「顒顒卬 集説虞氏翻曰:「「孚」,信。「顒」,有威容貌。 下民至誠瞻仰而從化也。 本義釋卦辭。 「盥」者,未裸之時,精神 程傳爲觀之道,嚴敬如始盥之時,則 裸之後,三 「不薦」,謂不使誠意少散也。 獻 而薦 專 酌 腥,五獻 酒 獻尸,戶 誠意 容止 未 可 而

不從化,蓋有不動而敬、不言而信之妙。」下之道,其誠意精一。常如始盥之時,則觀感之下,莫觀而化,莫不有敬順之心也。」○王氏申子曰:「觀示天散,不言之信,發而爲敬順之貌。「顒」,顒如也。故下

觀天之神道,而四时不忒,聖人以神道設教,

而天下服矣。

聖人見天道之神、體神道以設教,故天下莫不服也。 下之人,涵泳其德而不知其功,鼓舞其化而莫測其用. 道,莫可名言,唯聖人默契,體其妙用,設爲政教,故天 天道至神,故運行四時,化育萬物,无有差忒。 曰「神道」。觀天之運行,四時无有差忒,則見其神妙。 本義極言觀之道也。「四時不忒」,天之所以爲觀 氏 物,而以觀感化物。 天下服」矣。」〇王氏弼曰:「統説觀之爲道,不以刑制使 説 虞氏翻曰:「聖人退藏於密,以神明其德,故「設教而 自然仰觀而戴服,故曰「以神道設教而天下服矣」。 而「四時不忒」,不見聖人使百姓,而百姓自服也。」〇楊 ·神道設教」,聖人之所以爲觀也。 (時日: 「古人所以交神而接人,其道一主於誠,故曰明 神則無形者也,不見天之使四時, 程傳天道至神,故 至神之 也。 集 夫

> 所能測者,故曰「神道設教」。」 無聲無臭者同 設教,則有形迹。聖人妙天道於不測,其應捷如影響, 則有禮樂,幽則有鬼神。 教、誠於此、動於彼、不顯之德、篤恭之妙、與上天之載 蓋所存者神,故所過者化也。」○楊氏啟新曰:「聖人設 感處。」〇吴氏澄曰:「常人以言設教,則有聲音", 底道理,四時自然不忒,聖人神道,亦是有教人自然觀 天德也。」〇《朱子語類》云:「聖人「以神道設教」,即 「盥而不薦」之義。」〇又云:「天之神道,只是自然運 聖人「以神道殺教」,所謂神道,誠意而已。 一機,而其動物之妙,丕變之感,有非人 幽明本無二理,故所以感之者 誠意, 以身 行 是

頤中有物,曰噬嗑。

諸身」也。」 本義以卦體釋卦名義。 集説王氏宗傳曰:「《易》之本義以卦體釋卦名義。 集説王氏宗傳曰:「《易》之本義以卦體釋卦名義。 集説王氏宗傳曰:「《易》之

得中而上行,雖不當位,利用獄也。噬嗑而亨,剛柔分,動而明,雷電合而章,柔

道也。 閒,剛柔分而不相雜,爲明辨之象。 分,動而明,雷電合而章」,以卦才言也。 嗑之,則其害亡,乃亨通也,故云「噬嗑而亨」。 本 獄之宜也。 剛居柔爲利否? 剛則傷於嚴暴,過柔則失於寬縱。 謂以柔居五爲不當。 象言其動而明,故復言威照並用之意。 震而電耀,相 處剛而得中,得用獄之宜也。 爲用「柔得中」之義。 則言「上行」,剛則言「來」。柔下剛上,定體也。 者,當用刑去之,故言「利用獄」。」〇石氏介曰:「大凡柔 齧 如 ,動而明」,下震上離,其動而明也。 頭中有物」,故爲「噬嗑」。 、訟、无妄、渙等,剛體本在 而合,乃得其「亨」焉。 義又以卦名、卦 能照則无所隱情,有威則莫敢不畏。上既以二 集説崔氏憬曰: 須並見,合而章也。 曰: 體 「上行」,謂居尊位。「雖不當位」, 而「利」於「用獄」者,治獄之道,全 剛柔,質也。 卦德、二 以喻人於上下之閒,有亂羣 有物間於頤中則爲害,噬而 上而來下。「上行」,如晉、 以柔居剛爲「利用獄」,以 「物在頤中,隔其上下,因 夕象 外卦變釋 照與威並行,用獄之 五爲用獄之主,以柔 居,用也。 明辨,察獄之本也。 「雷電合而章」,雷 六五以柔居中, 剛爻與柔爻相 生 辭 用柔非治 「剛柔 剛來, 程 傳

> 爲利。 睽、鼎 則不嗑,不嗑則不亨也。 得而合,故噬已則嗑,嗑 噬而自可合。今有物焉,則窒塞矣。 動,實無震,故不得爲噬嗑也。 雖柔,於獄則利。」○俞氏琰曰: 柔,其哀矜惟良之義乎! 彖言「利用獄」,疑當以剛能斷制,而聖人歸之六五之 明清善聽。 ○趙氏汝楳曰:「體卦之畫,則寬嚴胥濟。 經」、曾子「哀矜而勿喜」之言觀之,則不在明斷審矣。」 震曰:「六五柔中,「不當位」也。 曰「噬嗑亨」。 「頤中有物」之象。而以爲實,何耶? 蓋人君止於仁,不以明斷稱。 噬 嗑等,柔體 體卦之象,則獄不淹宿。 孔子添一 本 ·在下,今居五位爲上行。]〇朱氏 而字,蓋謂噬而嗑之則亨,不 則窒者去而上下亨通,故文王 大君在上,三宥而後制刑,德 夫頤而中虚,則無事 噬 施於用獄,無若柔中之 苟不以齒決之,烏 **嗑倒轉爲賁,亦** 噬以 以臯陶「寧失不 曰:凡噬者必 剛動而能 體卦之德,則 嗑 於 下 有

賁,亨。

來而文剛,故意本義「亨」字疑衍。

有攸往,天文也。 柔來而文剛,故享。分剛上而文柔,故小利

也。 其 獨爲賁也哉! 凡《易》之所謂剛柔往來相易者,皆本諸乾坤也。 從變,曰泰變爲賁,此大惑也。 説,而其最著者,賁之《彖傳》也。 本義以卦變釋卦 行焉,故「亨」。 楷曰:「剛爲質,柔爲文。「柔來文剛」是本先立矣而文 則陽爲陰之主,而止於外,是知皆以剛爲主也。]○何氏 陰下而爲離,則陰爲陽之助而明於内。 剛,則曰陽得陰助,於剛文柔,而不曰 曰:「「柔來而文剛」,是以剛爲主也。 也,而坤來化之。非是卦也,則無是言也。」○胡氏炳文 來者,明此本坤也,而乾來化之。 剛畫居上,而柔始得成其文。 「分剛上而文柔」者,亦以剛爲主也。 陽於坤,以化其一陰,而生三子,凡三子之卦有言剛 陽,而生三女,凡三女之卦有言柔來者,明此本乾 集説蘇氏軾曰: 先儒説「天文」上當有「剛柔交錯」四字,理 徒知泰之爲賁,又烏知賁之不爲泰乎? 「分剛上而文柔」者,非以剛爲文也。 辭。 「《易》有剛柔往來,上下相易之 剛柔之交,自然之象,故曰 不然,無質之文非文已。」 一卦之變爲六十二,豈 故學者沿是争推其所 坤施一陰於乾,以化 故《本義》於柔文 陰得陽助。 剛往文柔,必曰 陽上而爲艮 乾施 蓋 或然 二天 分

之。「剛上文柔」,是當文勝之後,而以質救之,二者皆○張氏振淵曰:「「柔來文剛」,是當質勝之餘,而以文濟

以質爲主。」

故曰「分」也。 我一个人就實,以爲節文之則,乃是由中而分出者, 民、張氏質文之説極明。○又案:「剛上文柔」而曰「分」 者,見柔當以剛節之,而柔之道不可純用以行也。何 者,見柔當以剛節之,而柔之道不可純用以行也。何 案:「亨」與「小利有攸往」,皆指文而言之。故「柔來而

文明以止,人文也。

實由飾而能亨也。「分剛上而文柔,故小利有攸往」,分 行,「故小利有攸往」。 乾之中爻,往文於艮之上也。 剛,而成文明之象,文明所以爲賁也。 行,故費則能「亨」也。「柔來而文剛,故亨」,柔來文於 乃爲山下有火,止於文明而成賁也。 柔來文其中而爲離。 實飾之象,以上下二體剛柔交相爲文飾也。 本義又以卦德言之。「止」,謂各得其分。 夫往而能 上體本坤、剛往文其上而爲艮。 事由飾 利者,以有本也。 天下之事,无飾不 而加盛,由 賁之道能致亨, 下體本乾 程傳卦爲 飾 賁飾 丽 能

下。

艮也。 以止,人文也」,此承上文言陰陽剛柔相文者,天之文 者,蓋離明足以致亨,文柔又能小進也。「天文也,文明 也。 之道,非能增 有下,有此則有彼,有質則有文。一不獨立,二則爲文, 也,止於文明者,人之文也。「止」,謂處於文明也。 故爲「小利有攸往」。 賁爲文。 則卦中離明而艮止者也。」〇王氏應麟曰:「大畜爲學, 以相接者,文之明也,截然有分以相守者,文之止也,是 ○胡氏允曰:「君臣、父子、兄弟、夫婦、朋友,粲然有禮 之道也。 非知道者孰能識之?「天文」,天之理也。「人文」,人 必 文之一止之而文成,禮以節文爲訓,即此意。」 不足以明理。」〇何氏楷曰:「止者,限而不過之謂。 文者,篤實而已。不以篤實爲本,則學不足以成德,文 有文,自然之理,理必有對待,生生之本也。 二卦之變,共成賁義。 用此文明之道,裁止於人,是人之文,德之教。」 能止健而後可以爲學,文明以止而後可以爲 集説孔氏穎達曰"「「文明」,離也。 「以止」, 其實也, 「亨」者,亨通也。「往」者, 但加之文彩耳。 而象分言上下,各主 事 由 文而 有上則 顯 加進 事 盛 質

觀乎天文,以察時變,觀乎人文,以化成天

曰噬 也。 謂就卦中升降也。 下,謂剛居上,柔在下,損於上,益於下,據成卦而言,非 者,「巽乎水而上水,井」,「木上有火,鼎」是也 變爲義者,「風雷,益」兼取「損上益下」,「山下有澤,損」 之,日大有」是也。 得位而上下應之,日小畜」,「柔得尊位大中而上下 錯列,寒暑陰陽之代變。 卦形爲象。 者,夬之「剛決柔」,姤之「柔遇剛」是也。 兼取「損下益上」是也。 地中,復」,「山附於地,剥」是也。 有取二象兼取二爻交 下險」與天水違行是也。 及一象而成者,如屯取「動乎險中」與雲雷,訟取「上剛 取卦變「柔來文剛」、「剛上文柔」。 其禮俗,乃聖人用賁之道也。 本義極言賁道之大也。 「人文」,人理之倫序,觀人文以教化天下,天下成 嗑 是 也。 有以形爲象者,「山下有雷,頤」,「頤中有物 此成卦之義也。 如訟、无妄云「剛來」,豈自上 有取二體,又取消長之義者,「雷 有既以二象成卦,復取爻之義 有取一爻者,成卦之由也,「柔 觀其運行,以察四 程傳「天文」謂 賁之象,取山下有火,又 如剛 凡卦有以二體之義 上柔下, 有以用成卦 日 月星 時之遷 鼎 一體而 損 上 辰 應 益 在 改 之

也? 乃居尊位,是進而上也,非謂自下體而上也。卦之變皆 本坤,上爻變而成艮。 泰,又由泰而變之理? 自乾坤,先儒不達,故謂資本自泰卦,豈有乾坤重而 而爲六十四,皆由乾坤之變也, 剛上。 凡以柔居五者,皆云「柔進而上行」,柔居下者 非自下體而 上也。 離在内故云「柔來」,艮在上故云 下離本乾中爻,變而成離,上 乾坤變而爲六子,八 卦 也, 重 艮 爲

剥,剥也。柔變剛也。

之情狀皦然矣。」 之情狀皦然矣。」 之情狀皦然矣。」 之情狀皦然矣。」 之情狀皦然矣。」 之者之去小人,聲其罪與天下共棄之,名此,何也? 君子之去小人,聲其罪與天下共棄之,名此,何也? 君子之去小人,聲其罪與天下共棄之,名必萋斐浸潤以侵蝕之,故曰「變」。 一字之閒,君子小人必養表別封體釋卦名義,言柔進于陽,變剛爲柔也。 集本義以卦體釋卦名義,言柔進于陽,變剛爲柔也。 集

不利有攸往,小人長也。順而止之,觀象也。

君子尚消息盈虚,天行也。

一陰長則一陽消,至於建戌,則極而成剥,是陰柔變剛落也。柔變剛也,柔長而剛變也。夏至一陰生而漸長,本義以卦體、卦德釋卦辭。程傳「剥」,剥也。謂刺

長,有盈滿,有虛損,順之則占,逆之則凶。君子隨時敦有所往也。君子當剥之時,知不可有所往,順時而止,有所往也。君子當剥之時,知不可有所往,順時而止,是。「君子尚消息盈虚,天行也」,君子存心消息盈虚之理而能順之,乃合乎天行也」,君子存心消息。陰,小人之道,方長盛而剥消於陽,故君子不利陽也。陰,小人之道,方長盛而剥消於陽,故君子不利陽也。陰,小人之道,方長盛而剥消於陽,故君子不利

復,亨,剛反。

尚,所以事天也。

本義剛反則亨。

子處道消之極,至道長之初,未嘗一豪之不以順也。」之理。」〇潘氏夢旂曰:「剥以順而止,復以順而行。君者,既上釋「復亨」之義,又下釋「出入无疾,朋來无咎」楊復則亨,故以亨連復而釋之也。「剛反,動而以順行」本義以卦德而言。 集説孔氏穎達曰:「復亨」者,以本義以卦德而言。 集説孔氏穎達曰:「復亨」者,以

反復其道,七日來復,天行也。

往,陰陽升復,凡歷七月,故曰「七日來復」,此天之運行天行至午,陰升也。十一月天行至子,陽升也。天地運本義陰陽消息,天運然也。集説侯氏行果曰:「五月本

動而以順行,是以出入无疾,朋來无咎。

__

日明矣。」周之正月也。「二之日」,周之二月也。則古人呼月爲思之正月也。「二之日」,周之二月也。則古人呼月爲也。《豳詩》曰:「一之日」,

利有攸往,剛長也。

本義以卦體而言,既生則漸長矣。集説項氏安世本義以卦體而言,既生則漸長矣。集説項氏安世 後。」

復,其見天地之心乎。

至哉言也,學者宜盡心焉。程傳「復亨」,謂剛反而亨玄酒味方淡,大音聲正希。此言如不信,更請問包羲。」冬至子之半,天心无改移。一陽初動處,萬物未生時。是而復,見之端也。程子論之詳矣,而邵子之詩亦曰:是而復,見之端也。程子論之詳矣,而邵子之詩亦曰:是而復,見之端也。程子論之詳矣,而邵子之詩亦曰:是不養積陰之下, 陽復生,天地生物之心幾於滅息,而本義積陰之下, 陽復生,天地生物之心幾於滅息,而

否? 皆以静爲見天地之心,蓋不知動之端乃天地之心也,非 所以然也。 也。 利貞1乃生物之心也。但其静而復,乃未發之體,動而 便是動也,安得謂之静? 自古儒者皆言静見天地之 心」,皆謂至静能見天地之心,非也。 知道者孰能識之? 行如是也。消長相因,天之理也,陽剛君子之道長,故 也,其道反復往來,迭消迭息,七日而來復者,天地之運 動,是以得「出入无疾,朋來而无咎」也。 「動而以順行,是以出入无疾,朋來无咎」,以卦才言其 造化發育之始。 通焉,則已發之用。 一 情發乎顯。]〇《朱子語類》云:「天地以生生爲德,I元亨 心,惟某言動而見天地之心。或曰: 莫是於動上求静 然動之機日長,而萬物莫不資始焉。 「見天地之心」,咸、恒、大壯言 「天地之情」。 心發乎微' 心」,一言以蔽之,天地以生物爲心。」○張子曰:「復言 「利有攸往」。一陽復於下,乃天地生物之心也。 陽剛消極而 曰:固是,然最難。」〇又曰:「「復,其見天地之 下動而上順,是動而以順行也,陽剛 天地生生不已之心,於是而可見也 來 集説程子曰:「「復,其見天地之 反, 陽來復,其始生甚微,固若静矣。 既來反,則 漸長 復之卦下面一畫, 此天命流 朋之來亦順動 盛而亨通矣。 行之初、 反 先 (而順

見處。 若其静而 溪就利貞上説復字,伊川就元字頭説復字。 溪就回來處說,伊川卻正就動處說。 其體爾。」〇又云:「伊川與濂溪説「復」字亦差不同 同。」〇胡氏炳文曰:「天地生物之心,即人之本心也,皆 卦爻之意推之,則伊川之説爲正。 謂天地生萬物之心也。天地生物之心,無乎不在。 於幾息而復萌之時見之。1○俞氏琰曰:「「天地之心」, 道理只一般,只是所指地 仁也,故曰「復其見天地之心乎」。」 心」,非也。 息,非謂惟復卦「見天地之心」也。 人於剥反爲復,静極動初,見天地生物之心,未嘗一日 曰慎曰:「天地以生物爲心,所謂仁也。 復之一陽初動 此 程子所以 未發,則 或又謂動爲「天地之心」,亦非也。」○吴氏 此 以 心之體,雖 動之端爲天地之心,亦舉用以 頭不同。 無所 然濂溪、伊川之説, 或謂静爲「天地 王弼之説,與濂溪 如「元亨利貞」,濂 不在,然卻 以《周易》 有 未 濂 聖 發 之 該

之者此 精也; 道心流行,而微者著矣。 案: 「天地之心」,在人則爲道心也。 復,小而辨於物。」於是而惟精以察之,惟一以守之,則 也。 「知之未嘗復行」,是其一也。 惟 精惟 者, 顔子「有不善未嘗不知」,是其 `所以執中而已矣。二、五 夫子以初爻之義當 道心甚微,故 **日**: 皆

> 之外,惟此兩爻最善。三則 著也,然皆能自求其心者也。至於上六,則不獨 中,故二則「休復」而「吉」,五則「敦復」而 相傳之心學,皆於復卦見之。 君者,不能以自主矣,故夫子咎之曰「反君道也」。 「迷」,不獨危而且「敗」,「迷」而以至於「敗」,則所謂天 危而難安也。 四之「中行」而「獨」者,所謂道心微而 「頻復」而「厲」者,所謂 「无悔」。 微 堯舜 入心 初爻 丽 且 難

行矣哉。不利有攸往,无妄之往,何之矣,天命不祐,而應。大亨以正,天之命也。其匪正有眚,而應。

Ě 初,正也。 爲以正去妄之象,又剛正爲主於内,无妄之義也。 自外而來也。 不可以有行也。 利有所往,欲何往哉? 「大亨」,而利於正,乃天命之當然也。 本義以卦變、卦德、卦體言卦之善如此,故其占當獲 動以天爲无妄,動而以 下 ·動而 震以初爻爲主,成卦由之,故初爲无妄之 程傳謂初九也。 上健,是其動剛健 蓋其逆天之命,而天不祐之,故 天,動爲主也。 坤初爻變而爲震,剛 也。 其有不正,則 剛健,无妄之 以 剛變柔 九居 不

體 更有往將何之矣,乃入於妄也。 若无妄而不往,何由有匪正乎? 小失於正,則爲有過,乃妄也。 初九之剛,實自乾來,故曰「剛自外來」。 不佑,可行乎哉? 「天命」謂天道也,所謂无妄也。 其所從來,即乾之初畫。 包中間也,不可泥文而失意。」〇何氏楷曰:「震初一剛, 以爲无妄而又往,《本義》只順上文本意解,舉首尾句而 ○胡氏炳文曰:「外卦爲乾,震之剛自乾來也。 曰:「「剛自外來」,寄象爾。其實天之所賦,我固有也。」 主,其在无妄則内體也,故曰「爲主於内」。」○趙氏彦肅 外卦乾體者信矣。 案"彖言剛來柔來,未有言自外來者,則王氏諸家謂指 剛初爻,以爲内卦之主,故曰「剛自外來而爲主於内」。」 「元亨利貞」與臨同。「命」,即道也。「无妄之往」,程子 心得天最初之理,此所以爲无妄也。 理而 也。 索於坤而得之,是以爲震,而无妄之外體又乾也。 不妄也。 剛 中而 應,五 故其道大亨通而貞正,乃天之命也。 在卦爲震得乾最初之畫 集説王氏宗傳曰:「初九之剛,乾 以 剛 无妄外乾内震,初九得外卦乾 居 中 所謂「匪正」,蓋由有往, 正 往則悖於天理,天道所 所謂「无妄」,正而已 「无妄」者,理之正也, 一復以 天理非 $\hat{+}$ 震以初爻爲 ,在人爲吾 正 由外鑠我 相 无妄釋 應,是 則

大畜,剛健篤實輝光,日新其德。 者,此特指卦象言之,見自乾來之意。趙氏之説是矣。

大者。故《彖傳》兼此三者言之。 養之大者。乾天下之至健,而四、五能 輝光,日新其德」,此藴畜之大者。 畜養言之,畜賢也。 説鄭氏汝諧曰:「畜有三義,以藴畜言之,畜德也。 充實而有「輝光」,畜之不已,則「其德」「日新」也。 體剛健,艮體篤實,人之才「剛健篤實」,則 本義以卦德釋卦名義。 以畜止言之,畜健也。 程傳以卦之才德而言也,乾 養賢以及萬民 畜之,此畜止之 剛 所畜能 健篤 ,此畜 大 集 實 以

剛上而尚賢,能止健,大正也。

尊尚賢德、能止至健、皆「大正」之道也。 陽剛居尊位之上,爲「尚賢」之義。 止,見得是艮來止這乾。 「剛上而尚賢」。」○《朱子語類》云:「能止健,不説健而 孝曰:「大有,有賢之卦也。 健」之義。 本義以卦變、卦體釋卦辭。 止乎健者,非大正則安能? 大畜,畜賢之卦也。 程傳「剛上」,陽居上也。 止居健上,爲 以剛陽在上,與 集説郭氏忠 能 故曰 止

不家食吉,養賢也。

其禮也。自「不家食」而言,則謂之「養賢」,所以重其禄亦取「尚賢」之象。自剛上而言,則謂之「尚賢」,所以盡本義亦取「尚賢」之象。集説梁氏寅曰:「「養賢」者,

利涉大川,應乎天也。

「闇」。雖至於達天德,而必有以固其聰明聖智,故「篤者、《論語》所謂「重」,《大學》所謂「静」,《中庸》所謂者,天德也。人欲畜其天德,非「篤實」則不能。「篤實」必以「剛健篤實」一句居首者,蓋莫大於天德。「剛健」案:「尚賢」、「止健」之義,六爻中皆可見。然夫子釋卦,

成始也」。此義最大,故首發之。寶」者,學之所以成始成終,如艮爲「萬物之所成終而所

頤,貞吉,養正則吉也。觀頤,觀其所養也。

自求口實,觀其自養也。

本義釋卦辭。程傳「貞吉」,所養者正則吉也。「所本義釋卦辭。程傳「貞吉」,所養者正則吉也。「自求口實」,謂其自求養」者觀之。夫重道義之養而略口體,此養之大者也,意口體之養而輕道義,此養之人,則必以其所「自觀人,每每觀其所養。而所養之大小,則必以其所「自觀人,每每觀其所養。而所養之大小,則必以其所「自觀人,養其小體則爲小人。天之賦予,初無小大之別,而人之所養各殊,則其所成就者亦異。」○谷氏家杰口:「「觀頤」者,當於所養觀之,又當於所養中「自養」處觀之。」

天地養萬物,聖人養賢以及萬民,頤之時大案:李氏、谷氏説,皆得孟子。考其善不善」之意。

矣哉。

本義極言養道而贊之。程傳聖人極言頤之道而贊

之政。 其大,天地之道,則 道,輔相天地之宜,以養天下,至於鳥獸草木皆有養之 天地之中,品物之衆,非養則不生。 於天下,養賢以及萬民也。「養賢」,所以養萬民也。 則仁恩自及於百姓矣。」 集說趙氏汝楳曰:「聖人之於萬民,豈能家與之粟而 功,曰「頤之時大矣哉」。或云「義」,或云「用」,或止云 人與之衣? 一時」,以其大者也。 聖人作養賢才,與之共天位,使之食天禄,俾 其道配天地,故夫子推頤之道,贊天地與聖人之 其急先務者,亦曰養賢而已。 養育萬物。 萬物之生與養時爲大,故云「時」。 養育萬物之道 聖人裁成天地之 賢得所養 īE. 施澤 而 夫 已

之養以養人,故曰「聖人養賢以及萬民」也。有、大畜、頤、鼎是也。此卦頤爲養義,而六五又賴上九案:卦有曰「尚賢」、「養賢」者,皆是六五、上九相遇,大

大過,大者過也。

大者皆是,非一端也。」
「大過,謂陽之過也。在人事則泛言萬事大者之過,凡在事爲事之大者過,與其過之大。 集説,俞氏琰曰:本義以卦體釋卦名義。程傳「大者過」,謂陽過也。

棟橈,本末弱也。

「剛過始致本末之弱,本末既弱,剛亦不能獨支。本末過。在小過則曰小者過,陰過也。 集説,何氏楷曰:陰柔。程傳謂上下二陰衰弱,陽盛則陰衰,故爲大者本義復以卦體釋卦解。「本」謂初,「末」謂上。「弱」謂本

剛過而中,巽而説行,利有攸往乃亨。

弱,即大過之象,乃棟所由橈也。」

中也。 中。大過之時,君子過越常分以濟弱,能達乎時中矣。」 曰:「剛過而中,所謂時中也。 剛雖過而二、五皆得中,是處不失中道也。 有攸往亨」,以六爻之才言之,中四爻剛雖大過,而得時 强,初、上二爻弱,有棟橈之象,此禍變之大者也。 ○項氏安世曰:「「棟橈」二字,以六爻之象言之,中四爻 治微疾之道視之,則謂之過。 而行,故「利有攸往」,乃所以能「亨」也。 是以巽順和説之道而行也。 本義又以卦體、卦德釋卦辭。 猶之治疾,疾勢沈痼,必攻之以瞑眩之藥。 在大過之時,以中道異説 自藥病相對言之,則謂之 過,非過於理也,以 程傳言卦才之善也。 集説朱氏震 下巽上兑, 自其 過 「利 爲

行。 措之中。初上二爻,又能巽而説,不失人心,故利於有 利自利也。今先言「利有攸往」,後言「亨」者,明亨因於 也。」〇又曰:「先言「亨」,後言「利有攸往」者,亨自亨、 説」之下加「行」字者,能以巽説而行,是以「利有攸往」 不亨也。」 往也。故《彖》曰「利有攸往乃亨」。言往乃亨,不往則 雖遇大變而可以「亨」,此才略之大者也。「巽而

大過之時大矣哉。

時不可過,有其時無其才,愈不可過。」○蔡氏清曰:「大 過之事也。 集説 胡氏炳文曰:「大過之事甚大,無其 如立非常之大事,興不世之大功,成絕俗之大德,皆大 大。程傳大過之時,其事甚大,故贊之曰「大矣哉」。 本義大過之時,非有大過人之材,不能濟也,故歎其 大過也。其理正小過所謂「過以利貞,與時行」者也。 過之時,非時大過也。人當大過之時也,以其時事宜於 「大過」二字屬人。」

習坎,重險也。

本義釋卦名義。 「險」,難也。 若險難不重,不須便習。 集説孔氏穎達曰:「釋「習坎」之義。 今險難既重,是

> 險之甚者。若不便習,不可濟也。 故注云:習坎者,習

水流而不盈,行險而不失其信。

重險也。」

也。 傳「習坎」者,謂重險也。上下皆坎,兩險相重也。 迂迴曲折,不知更歷幾險,而終至於海,兹非「行險而不 者,釋卦解「有孚」之義也。」〇俞氏琰曰:「坎水,流水 險而不失其信」兩句,皆指水言。以水之内實行有常 盈是滿出來。」○胡氏炳文曰:「水字當讀「流而不盈,行 有孚也。 中,行險而不失其信者也。坎中實,水就下,皆爲信義 則出乎坎矣。「行險而不失其信」,陽剛中實,居險之 於險中而未出於險,乃水性之流行,而未盈於坎,既盈 云「坎窞」,是坎中之坎,重險也。 「水流而不盈」,陽動 本義以卦象釋「有孚」之義、言內實而行有常也。 失其信1者乎?]〇梁氏寅曰:「「流而不盈」,「時止則 能行爲功,時止時行,其君子處險之道與。」 止1也。盈而後進,「時行則行」也。 坎以能止爲信,以 晝夜常流,流則不盈,故曰「水流而不盈」。 水之流 集説《朱子語類》云:「坎水只是平,不解滿. 初六 程

維心亨,乃以剛中也。 行有尚,往有功也。

以 天險不可升也,地險山 (守其國,險之時用大矣哉 孚」之象,至 可嘉尚。 可以濟險難 程傳維其心可以亨通者,乃以其剛中也。中實爲「有 本 義以剛在中,「心亨」之象。 若止而不行,則常在險中矣。 而亨通也。 誠之道,何所不通? 以其剛中之才而往,則有功,故 川丘陵也,王公設險 如 是而 以剛中之道 坎以能行爲功。 往,必「有 而行,則 功也。

鄭懼 用也。 也。 等威,異物采,凡所以杜絕陵僭限隔上下者,皆體險之 河城池,設險之大端也。 民人。是有用險之時,其用甚大,故贊其「大矣哉」。 險之不可陵也。 也。 本義極言之而贊其大也。 其國。』二〇俞氏琰曰:「「時用」謂有時乎用 山川丘陵,地之險也。王公,君人者,觀坎之象,知 ,西河失而魏蹙,大峴度而燕危,故曰: 集説 王氏應麟曰"「下陽舉而號亡,虎牢城而 故設爲城郭溝池之險,以守其國,保其 若夫尊卑之辨,貴賤之分,明 程傳高不可升者,天之險 ,而非用之常 「設險以守 山

者,練習於艱難之事而無所避,立身之大本也。用險案: 彖辭發「習險」之義、《彖傳》又發用險之義。「習險」

明以麗乎正,乃化成天下。離,麗也。日月麗乎天,百穀草木麗乎土,重

楊氏云「火無常形、麗物而有形」,最得本旨。 項氏安世曰、「「日月麗乎天」而成明、「百穀草木麗乎 皆有明德而處中正,可以化天下成文明之俗也。 離,重明也。 則能「亨」也。「重明以麗乎正」,以卦才言也。 土。而成文。 天地之中,无无麗之物。 月則麗於天,百穀草木則麗於土,萬物莫不各有所麗, 本義釋卦名義。 故離爲文,又爲明。」〇齊氏夢龍曰:「龜山 五二皆處中正、「麗乎正」也。 程傳「離」,麗也,謂附 在人當審其所麗,麗得其正, 麗也。 君臣上下, 上下皆 人之生 集説 如 H

神之發見而可見者也。」
也。天地,形之大者也。日月麗天,百穀草木麗土,其人分也,氣散而神泯於無。蓋精所以爲形,而神麗於形者也,得水爲精,得火爲神,其合也。氣聚而形成於有其人

非矣。惟張子《正蒙》之説得之。案:項氏、齊氏説,則是陽麗乎陰,而以爲陰麗乎陽者

柔麗乎中正故亨,是以畜牝牛吉也。 日: 本義以卦體釋卦辭。 也。 學者知時義而不失輕重,則可以言《易》矣。 吉也」。或曰:二則中正矣,五以陰居陽,得爲正乎? 以能「亨」。人能養其至順以麗中正,則吉,故曰「畜牝牛 古し。」 胡氏炳文曰:「坎之剛中,九五分數多,故九五曰 『坎不 安世曰:「「重明以麗乎正」,此統論一卦之義,以釋卦名 分數多,故卦辭曰「畜牝牛吉」,而六二爻辭亦曰「黄離元 盈」,卦辭釋「有孚」亦曰「水流而不盈」。 離主於所麗,五中正之位,六麗於正位,乃爲正也。 「柔麗乎中正」,此以二、五成卦之爻釋卦辭也。」〇 程傳二五以柔順麗於中正,所 離之中正,六二 集説項氏

御纂周易折中卷九

柔上而剛下,二氣感應以相與,止而說,男下

女,是以亨利貞,取女吉也

御纂周易折中卷十

象 下 傳

咸,感也。

應鱗曰:「咸之感無心,感以虚也。兑之説無言,説以誠傳》以「感」釋其義者,聖人之微旨,欲明感物之無心也。」○張子曰:「萬物本一,故一能合異,以其能合異,也,所以感者心也。無心者不能感,故「咸」加「心」而爲也,所以感者心也。無心者不能感,故「咸」加「心」而爲也,所以感者心也。無心者不能感,故「咸」加「心」而爲「感」。有心於感者,亦不能咸感,故「感」去「心」而爲「感」。咸、皆也。唯無容心於感,然後無所不感。聖人以咸名卦,而《彖》以感釋之,所以互明其旨也。」○王氏以咸名卦,而《彖》以感釋之,所以互明其旨也。」○王氏以咸名卦,而《彖》以感釋之,所以互明其旨也。」○王氏以咸名卦,而《彖》以感釋之,所以互明其旨也。」○王氏以咸名卦,而《彖》以感釋之,所以互明其旨也。」○王氏以咸名卦,而《彖》以感釋之,所以互明其旨也。」○王氏以咸名卦,而《彖》以感者,也以其能為其言,說以誠名,而《彖》以感者,也以其能合異,以其能合異,以其能合異,以其能合異,以其能合異,以其能為其。

也。」

通。 以禮感。男而下女,初婚之所以爲禮,取女之所以爲吉 感道利於正也。 亨通而得正。「取女」如是則「吉」也。 相應也。以男下女,和之至也。 爲堅慤之意。 二氣相感相應而和合,是「相與」也。 作爲,非感也,故六爻皆欲其静。]〇蔡氏清曰: 以爲「亨」。「止而説」,所以「利貞」。「男下女」,所以 也。」〇馮氏當可曰:「「柔上」「剛下」、「感應」「相與」,所 感之義。又兑女在上,艮男居下,亦柔上剛下也。 上變剛而成兑,剛下變柔而成艮。 「剛下」之義,曰咸自旅來,柔上居六,剛下居五也,亦 本義以卦體、卦德、卦象釋卦解。 卦德、卦象三段意、皆歸於「咸」之一字内。 動,而意氣自相和說,乃所謂 「取女吉」也。」〇王氏申子曰:「「止而説」者,謂艮止不 程傳「咸」之義感也,在卦則柔爻上而剛爻下,柔 艮止於下,篤誠相下也。 集説王氏肅曰:「山澤以氣通,男女 感。 相感之道如此,是以能 不止 陰陽相交,爲男女交 或以卦變言「柔上」、 「止而説」,止於説 卦才如此,大率 兑説於上,和説 呵 三動,則 而所謂「亨 是出 土 陰陽

利貞,取女吉」者,義蓋從此而出,故《本義》以通釋卦 名

卦辭。」

平。 天地感而萬物化生,聖人感人心而天下 化生萬物、聖人至誠以感億兆之心,而天下和平。 之心所以和平,由聖人感之也。觀天地交感化生萬物 極感道,以盡天地之理,聖人之用。 本義極言感通之理。 觀其所感,而天地萬物之情可見矣。 程傳既言男女相感之義,復推 天地 二氣交感,而 天下 和

萬物雖異位,其氣則一。聖人億兆雖異勢,其誠則 我,故和平天下,莫盛於感人心。]○鄭氏汝諧曰:「天地 後知感通之理。]〇張氏清子曰:「「寂然不動」,性也。 觀其所感,而其情可見者,感生於情也。 曰:「能通天下之志者,爲能感人心。聖人同乎人而 感通之理,知道者默而觀之可也。 情出於正,然 集説張子 無

見矣」。

之理,與聖人感人心致和平之道,則「天地萬物之情可

剛柔皆應,恒。 恒,久也。 剛上而柔下,雷風相與,巽而 動,

情」,可得而見矣。」

感而遂通」,情也。

於其所感而觀之,一而天地萬物之

通。 皆剛柔相應,咸不著其義,恒則曰「剛柔皆應」。 常久之道也。 巽而動。天地造化恒久不已者,順動而已。「巽而動」, 之義也。「剛上而柔下」,謂乾之初上居於四,坤之初下 相應,其私也。能識時義之變易,斯可言《易》矣。」 心,恒有位也。 之道也,卦所以爲恒也。 卦剛柔之爻皆相應。 云「相與」,乃其常也。「巽而動」,下巽順,上震動,爲以 也。「雷風相與」,雷震則風發,二者相須,交助其勢,故 上巽下,亦「剛上而柔下」也。 居於初,剛爻上而柔爻下也。二爻易處則成震、巽,震 本義以卦體、卦象、卦德釋卦名義,或以卦變言「剛上」 「柔下」之義,曰恒自豐來,剛上居二,柔下居初也,亦 程傳「恒」者,長久之義也。 動而不順,豈能常也? 有位而剛柔相應,其理也。 剛柔相應,理之常也。 集説鄭氏汝諧曰: 剛處上而柔居下,乃恒道 卦才有此四者,成恒 「剛柔皆應」,一 無心而 此四者恒 「咸與恒 咸 剛 無

恒亨无咎,利貞,久於其道也。天地之道,恒 久而不已也。

本義恒固能「亨」且「无咎」矣。 道,不正則久非其道矣。 天地之道,所以常久, 然必利於正,乃爲久於 亦以

地

於可恒之道,則合天地之理也。
亨而有咎也。天地之所以不已,蓋有恒久之道,人能恒道」,可恒之正道也。「不恒其德」,與恒於不正,皆不能得其正,失正則非可恒之道也,故曰「久於其道」。「其正而已矣。程傳恒之道可致「亨」而无過咎,但所恒宜

利有攸往,終則有始也。

也,故云「利有攸往」。 地所生之物,雖山嶽之堅厚,未有能不變者也。 動而能恒者也。 生,循環之理,然必静爲主也。 本義「久於其道」,終也。 常。」○趙氏汝楳曰: 往」。」〇《朱子語類》云:「恒非一定之謂,一定則不能 非一定而不變也,隨時變易,其恒不動,故「利有 集説朱氏震曰:「【《易》,窮則變,變則通,通則久。」 恒 一定之謂也,一定則不能恒矣。唯隨時變易,乃常道 不已,則終者復有始,所以體天地之道也 體之常,所以爲用之變。 動則終而復始,所以恒而不窮。 「所貴於攸往者,謂事雖有終,我行 明理之如是,懼人之泥於常也。 「利有攸往」,始也。 用之變,乃所以爲體 程傳天下之理,未有不 故恒 動 凡天 静 之 攸 非 恒 相

日月得天而能久照,四時變化而能久成,聖

萬物之情可見矣。 人久於其道而天下化成。觀其所恒,而天

也。 理。 物之情可見矣」。 變也。」○陳氏琛曰:「即其恒久之理而觀之,則「天地萬 變,盡變亦所以體常。 情可見」之義。」〇龔氏焕曰:「「利貞久於其道」,體常 只一般,常常恁地,這便是「觀其所恒」,而「天地萬物之 之情,性只是箇物事,情卻多般,或起或滅,然而 有箇情,有箇人在此。 曰:「非其至情者,久則厭矣。」○《朱子語類》云:「物各 道,天下常久之理,非知道者孰能識之? 觀日月之久照,四時之久成,聖人之道所以能常 道行之有常,而天下化之以成美俗也。「觀其所恒」,謂 化,生成萬物,亦以得天,故常久不已。 已。「得天」,順天理也。「四時」,陰陽之氣耳。 陽之精氣耳。唯其順天之道,往來盈縮,故能久照 本義極言恒久之道。 「利有攸往,終則有始」,盡變也。 觀此,則「天地萬物之情理可見矣」。 蓋大氣渾淪充塞,而太極爲之綱維主 天地萬物所以常久者,以 決定是有箇惻隱羞惡是非 程傳此極言常理。「日月」, 體常而後 聖人以常久之 集說蘇氏軾 天地常久之 女人 往來變 頭 能 解讓 面卻 久之 流不不 盡 盡 陰

易。少有變易,則爲怪異不祥矣。此可見天地萬物之特其聲色貌象常久如此,而其德性功用,亦亘萬古而不張。氣有參差,而理無不一,故天高地下,萬物散殊,不

情,皆有恒也。」 義,一而已矣。下文天地日月,即根此意 未嘗變也。 義並行,初不相悖。 案"釋「利貞」云「久於其道」,則居所不遷之謂也。 其情皆可見 成,此恒道之大者也。 日月之得天而久照,化天下而成之,如四時之變化而久 者日月之所爲,合之皆天地之道也。聖人久於其道,如 久成」者,終則有始也。 「日月得天而能久照」者,恒久不已也。「四時變化而能 利有攸往」云「終則有始」,則動静不窮之謂也 然則天地之道,恒久不已,與終則有始之 動 推而廣之,則凡在天地之閒者! 静雖不窮,而所謂居所不遷者 日月爲之體,四時爲之用,四 而申明之。 然 釋 時 兩

遯亨,遯而亨也。剛當位而應,與時行也。

遯之道。自「剛當位而應」以下,則論時與卦才,尚有可遯退,乃其道之亨也。君子遯藏,所以伸道也,此言處本義以九五一爻釋亨義。 程傳小人道長之時,君子

當位而應爲猶可亨,惟其當位而應,能 行。 亨,遯而亨也」,分明是説能遯便亨,更説剛當位而應: 行則行』,是爲遯之義也。」〇《朱子語類》: 動,所以遯而得亨。」〇郭氏忠孝曰:「聖人進退皆道,無 而當其位,有應於二,非爲否亢,遯不否亢,即是相 之義。小人之道方長,君子非遯不通,故曰 時行也」。 不至誠自盡以扶持其道,未必於遯藏而不爲,故曰「與 長之時,如卦之才,尚當隨時消息。 剛陽之德,處中正之位,又下與六二以中正相 爲之理也。 [亨]也。 方微,爲他剛當位而應,所以能知時而遯,是能 人而不自得,雖遯亦亨也。 也」。」〇又曰:「釋所以能遯而致亨之由,良由九五以 「與時行也」,是如何?」曰:『此其所以「遯而亨也」,陰 不然,便是與時背也。」〇吴氏曰慎曰:「非以 「與時行」,謂時當遯而遯。」 集説孔氏穎達曰:「此釋遯之所以得亨通 雖遯之時,君子處之,未有必遯之義。 『與時行』者,「時 苟可以致其力,无 順時 而遯 「問:『「遯 止則止,時 應。 逐 一,所 「與時 丽 五. 雖 時 以 剛 剛 亨 陰 以 侕

小利貞,浸而長也。

本義以下二陰釋「小利貞」。 集説 胡氏瑗曰:「君子

行。 之於否,不利君子貞,固有閒矣。 浸長,而小人之黨漸盛也。]〇朱氏震曰:「二陰浸長方 所以不得大有爲於世,而惟 貞」而已。 爲遯,遯者臨之反對也。臨之《彖》曰「剛浸而長」,遯之 者,豈能盡遯之時義。]〇張氏清子曰:「二陽爲臨,二陰 時而已。 〈彖》則不曰柔浸而長,而止曰「浸而長」。 蓋遯非疾世避俗,長往不反之謂也。 非不忘乎君,不離乎羣,消息盈虚,循天而 先儒謂居小官,幹小事,其害未甚,我志猶 小利於貞者,蓋以下之羣陰 然不可大貞,「利小 去留遲速,惟 行

遯之時義大矣哉。

深戒。 本義陰方浸長,處之爲難,故其時義爲尤大也。 進,圖其暫安,苟得爲之,孔孟之所屑爲也。 王允、謝安 貞」,扶持使未遂亡也。 以浸漸,未能遽盛,君子尚可小貞其道。 傳當陰長之時,不可大貞,而尚「小利貞」者,蓋陰長必 之於漢晉是也。 亂而不救,必區區致力於未極之閒,强此之衰,艱彼之 貞」之教。 聖賢之於天下,雖知道之將廢,豈肯坐視其 而聖人之意未便遽已也,故有「與時行」、「小 若有可變之道,可亨之理,更不假言 遯者陰之始長,君子知微 所謂 「小 , 故 程 利 當 利

焉。」
「一個」「一個」」、「小事」」者、有大用存入或速其義皆大也。集説郭氏雍曰:「《遯》之「小利久或速其義皆大也。集説郭氏雍曰:「《遯》之「小利也。此處遯時之道也,故聖人贊其「時義大矣哉」。或也。此處遯時之道也,故聖人贊其「時義大矣哉」。或

大壯,大者壯也。剛以動,故壯。

壯也。 名卦之義。 案:大者,謂陽也。大者壯,謂四陽盛長也。 欲所橈,故其動也壯,使以血氣而動,安得壯乎?」 者壯,與壯之大也。 者,謂大者壯也。 以卦德言,則乾剛震動,所以壯也。 本義釋卦名義。 下剛而上動,以乾之至剛而動,故爲大壯。 「剛以動故壯」一句,非正釋卦名,乃推明卦 陰爲小,陽爲大。 以卦 集説 項氏安世曰:「剛則不爲物 體 言, 則陽長過中,大者壯 陽長以盛,是大者 程傳所以名大壯 此句正釋 爲大

「明以動故豐」是也。 之善以起辭義耳。凡曰「故」者皆同義,「順以説故聚」、

大壯利貞,大者正也。正大而天地之情可見

矣。

爲一 情」?』曰:「「正大」便見得「天地之情」,天地只是正大, 之理,學者默識心通可也。 見矣」。天地之道,常久而不已者,至大至正也。 於貞正,正而大者道也。 本義釋「利貞」之義而極言之。 辭曰「復其見天地之心乎」。情則可見矣,故直書之。 未嘗有些子邪處。」」〇胡氏炳文曰:「心未易見,故疑其 大至剛。 孟子養氣之論,自此而出。 事也。 大者正也! 集説《朱子語類》:「問:「如何見「天地之 ,即是以直養而無害。」 極正大之理,則「天地之情 大者壯也,即是其爲氣也至 不云大正而云「正大」,恐疑 程傳大者既壯,則利 正大 可

晉,進也。

亦有進義,而無明盛之象。」 升、漸木之進不同。日出地上,其明進而盛。升、漸雖本義釋卦名義。集説俞氏琰曰:「晉以日之進言,與

康侯用錫馬蕃庶,晝日三接也。明出地上,順而麗乎大明,柔進而上行,是以

明進而盛也。明出於地,益進而盛,故爲晉。所以不謂本義以卦象、卦德、卦變釋卦辭。程傳「晉」,進也,

也。 之主,上能致王者之寵而「錫馬蕃庶,晝日三接」也。」〇 下者也。 侯」。是以享寵錫而見親禮,晝日之閒,三接見於天子 能 錫馬蕃庶,晝日三接」也,大明之君,安天下者也。 位,明而順麗,爲能待下寵遇親密之義,是以爲「康侯用 多云「柔進而上行」,噬嗑、睽、鼎是也。 明之君也。 坤上也,坤 之進者,進謂前進,不能包明盛之義。 在上六,例謂之上窮,皆不得爲 [上行]也。」〇王氏申子 行之,故謂之『上行』。巽在六四,例謂之上合上同,兑 項氏安世曰:「三女之卦,獨離柔在上爲得尊位,大中而 康侯之德也。 行1也。]〇郭氏雍曰: 崔氏憬曰:「雖一卦名晉,而五爻爲主,故言「柔進而 之」,晉則曰「柔進而上行」,是專以康侯之晉者,當此 者二,晉、大有也。 曰:「六十四卦,離上者八,專取六五一爻以爲成卦之主 順附天子之明德,是康民安國之侯也,故謂之「康 不曰「公卿」而曰「侯」,天子治於上者也,諸侯治於 在下而順附於大明之君,諸侯之象也。 麗於離 「柔進 其德柔順而明,故下能康一國之民而爲 以 |而上行」,凡卦離在上者,柔居 大有曰 順麗於大明,順德之臣,上附於大 「「順而麗乎大明,柔進而上行」, 「柔得尊位 明出地上,離 大中而上下 六五以柔居君 集説 君位, 應 侯 在 1

即以之釋卦辭,故用「是以」二字接下。」卦象數句,在卦名之下、卦辭之上,是既用以釋卦名,而卦之義矣。」○吴氏曰慎曰:「晉、咸《彖傳》,文意正同。

明入地中,明夷。

以釋卦名,此及晉卦,皆象、象同辭也。」本義以卦象釋卦名。 集説孔氏穎達曰:「此就二象

内文明而外柔順,以蒙大難,文王以之。 也。 之」。當紂之昏暗,乃明夷之時,而文王内有文明之德, 之德,而外能 者文明之象。 本義以卦德釋卦義。 程傳明入於地,其明滅也,故爲明夷。 柔 外卦坤,坤者柔順之象。爲人内有文明 順 也。 「蒙大難」,謂遭紂之亂而 昔 者文王如是,故曰「文王以 内卦離,離 見囚

利艱貞,晦其明也。内難而能正其志,箕子王氏申子曰:「明夷一卦,大抵主商之末造言之。」 集説遠禍患,此文王所用之道也,故曰「文王以之」。 集説外柔順以事紂,蒙犯大難,而內不失其明聖,而外足以

以之。

疇。 被禍患。 其國内,如六五之近於上六也。 大,民命之所寄,故曰「大難」。 「内難」,謂家難也。其 俞氏琰曰:「「大難」,謂羑里之囚也。 **上之德**。 象,兼文王發之。 説胡氏炳文曰:「六五爻辭曰「箕子之明夷,利貞」,釋 自守其正志,箕子所用之道也,故曰「箕子以之」。 國内,切近其難,故云「内難」。 處艱戹而不失其貞正,謂能晦藏其明也。 本義以六五一爻之義釋卦解,「內難」謂爲紂近親,在 時也,文王因而發伏羲之《易》,箕子因而發大禹之 聖賢之於患難,自繫斯文之會,蓋有天意存焉。」○ 佯狂受辱,處之極艱難,可見箕子之志。 不守其正,則非賢明。 蓋羑里演《易》,處之甚從容,可 然箕子能藏晦其明,而 箕子當紂之時,身處其 程傳明夷之時,利於 其難關繫天下之 不晦其明,則 然此 見文 集

難關繫一家之內,宗社之所寄也。箕子爲紂之近親,故

日「内難」。」

家人,女正位乎内,男正位乎外,男女正,天

地之大義也。

「利女貞」也。」 「和女貞」也。」 ○吴氏曰慎曰:「先言「女正位乎内」,釋 正位也。尊卑内外之道正,合天地陰陽之大義也。 集 正位也。尊卑内外之道正,合天地陰陽之大義也。 集 正位也。尊卑内外之道正,合天地陰陽之大義也。 集 正位也。尊卑内外之道正,合天地陰陽之大義也。 集 本義以卦體九五、六二釋「利女貞」之義。 程傳象以

家人有嚴君焉,父母之謂也。

故家人一卦,大要以剛嚴爲尚。」 本義亦謂二、五。程傳家人之道,必有所尊嚴,而君 長者謂父母也。雖一家之小,无尊嚴則孝敬衰,无君長 長者謂父母也。雖一家之小,无尊嚴則孝敬衰,无君長 長者謂父母也。雖一家之小,无尊嚴則孝敬衰,无君長 長者謂父母也。雖一家之小,无尊嚴則孝敬衰,无君長 長者謂父母也。雖一家之小,无尊嚴則孝敬衰,元君長

父父子子,兄兄弟弟,夫夫婦婦,而家道正,

御纂周易折中卷十

正家而天下定矣。

本義上父,初子,五、三夫,四、二婦,五兄三弟。以卦本義上父,初子,五、三夫,四、二婦,五兄三弟。以卦本義上父,初子,五、三夫,四、二婦,五兄三弟。以卦本義上父,初子,五、三夫,四、二婦,五兄三弟。以卦本義上父,初子,五、三夫,四、二婦,五兄三弟。以卦本義上父,初子,五、三夫,四、二婦,五兄三弟。以卦本義上父,初子,五、三夫,四、二婦,五兄三弟。以卦本義上父,初子,五、三夫,四、二婦,五兄三弟。以卦本義上父,初子,五、三夫,四、二婦,五兄三弟。以卦本義上父,初子,五、三夫,四、二婦,五兄三弟。以卦

三八三

睽,火動而上,澤動而下,二女同居,其志不

同行。

得,而至於乖異變易者,無長嫡而分不定之故爾。女也。凡家有長嫡,則有所統率而分定,其不同行不相案:二女同居之卦多矣,獨於睽、革言之者,以其皆非長

説而麗乎明,柔進而上行,得中而應乎剛,是

以小事吉。

以「小事吉」也。兑,說也。離,麗也,又爲明。故爲說本義以卦德、卦變、卦體釋卦辭。程傳卦才如此,所

乎柔主也,而獨離居外體者,每稱焉。 至誠協力,而後能合也。 二,而睽之時,相與之道未能深固,故二必「遇主于巷」, 上曰鼎,皆曰「柔進而上行,得中而應乎剛」。 坎下離上 下離上曰晉,曰「柔進而上行」。 兑下離上曰睽,巽下離 中正故亨』。 曰『柔得中乎外而順乎剛』。 有,曰「柔得尊位大中,而上下應之」。 下之睽,成天下之大事,亦可以小濟,是於「小事吉」也。 尊位,有説順麗明之善,又得中道 順 小心行柔道者、《彖》之所謂『小事吉』者,此耳。」 曰未濟,猶曰「柔得中也」。 五「噬膚」則无咎也。 天下睽散之時,必君臣剛陽中正, 五以明而應剛,不能致大吉,何也? 「柔進而上行」,晉、鼎是也。 而 附麗 於明。 震下離上日 凡離在 上而《彖》欲見柔居尊者 噬嗑,曰『柔得中而上行』。 集説何氏楷曰: 下卦兑説,上卦柔中, 離下離上曰離,曰「柔麗平 方睽乖之時,六五以柔 一而應剛. 曰:五陰柔,雖 艮下離上曰 乾下離上日 雖不 「《易》無樂 能 則 合天 旅 大 坤 應 居 曰

卦釋名辭之例,尤爲顯著也。今釋卦名而文意不斷,直義略斷,而特舉卦辭釋之,其與此卦之義相似者,則革卦但曰「小事占」者,當睽之時故也。凡釋卦名畢,則文案:此《彖》言卦之善,與鼎略同。《鼎》曰「元亨」,而此

吉」也。凡《彖傳》名辭之義不分者皆此類。以「小事吉」。亦惟因睽之時,故有此數善,而惟「小事連釋辭之義而總結之。蓋明乎當睽之時,有此數善,是

物睽而其事類也,睽之時用大矣哉。 天地睽而其事同也,男女睽而其志通也,萬

降陰升,相合而成化育之事則同也。 也。 也。 時用,乃聖人合睽之道也。 别。 楳曰: 時,合睽之用,其事至大,故云「大矣哉」。 之大,羣生之衆,睽散萬殊,而聖人爲能同之。 和,稟陰陽之氣,則 而 本義極言其理而贊之。 相求之志則通也。 聖人則明物理之本同,所以能同天下而和合萬類 以天地男女萬物明之,天高地下,其體睽也。 萬物不睽,則生化雜糅。 「天地不睽,則清濁淆瀆。 相 類也。 生物萬殊,睽也,然而得天地之 程傳推物理之同,以明睽之 物雖異 見同之爲同者,世俗之知 睽者其體,合者其用。」 男女不睽,則外 (而理 男女異質,睽也 集説趙氏汝 本同,故天下 處睽之 内 然陽 無

本義以卦德釋卦名義而贊其美。程傳「蹇」,難也。蹇,難也,險在前也。見險而能止,知矣哉。

蹇之爲難,如乾之爲健,若易之爲難,則義有未足。蹇本義以卦德釋卦名義而贊其美。程傳「蹇」,難也。

二外,皆以往爲失,來爲得也。 屯者,始難而未得通,困 有險阻之義,屯亦難也,困亦難也,同爲難 之事,故諸爻皆喜來而惡 也。 能止爲知也。 下止,「見險而 故爲蹇。見險而能 義,各不同也。 臣濟蹇者也。 與蹇之所以分也。」〇王氏申子曰:「冒險而進,豈知 險中」,濟難者也。 而止爲蒙,止於外也。 也。其不止者,濟蹇之事也。 止於外者,阻而不得進也。 此蒙與蹇之所以分也。 其可見險而遽止乎! 方蹇難之時,唯能止爲善,故諸爻除五與 能 「險在前也」,坎險在前,下止而不得進, 止地。 蹇者「止乎險中」,涉難者也。 止,以卦才言,處蹇之道也。 「見險而能 者,力之窮,蹇乃險阻 往。 犯險而 止於内者,有所見而不妄進 屯與蹇皆訓難,屯者「動乎 唯二與五不言來往,蓋君 集説項氏安世曰: 進,則有悔咎,故美其 止。爲智,止於内 其止者,處蹇之事 而 義 上險而 艱 則異。 此 難之 「 險 也。 者 屯

利見大人,往有功也。當位貞吉,以正邦也。蹇利西南,往得中也。不利東北,其道窮也。

本義以卦變、卦體釋卦辭,而贊其時用之大也。

蹇之時用大矣哉

二八五

程

西南坤方爲順易,東北艮方爲

吉也。 險阻。 爲利也。 傳蹇之時,利於處平易。 卦才而言,蹇之諸爻,除初外,餘皆當正位,故爲貞正 蹇,故利於見大人也。大人當位,則成濟蹇之功矣,往 也 而又止危險之地,則蹇益甚矣,故「不利東北,其道窮 五 用至大,故云「大矣哉」。 天下之難,豈易平也。 而 此時亦有可用者,故皆極言贊之。 也。」〇胡氏炳文曰:「坎、睽、蹇皆非順境,夫子以爲雖 乃得中也」。 解相循,覆視蹇卦則爲解。 道,由至正之理,乃蹇之時用也。 不能其用可謂大矣。 正道正其邦,可以濟於蹇矣。 「諸卦皆指内爲來,外爲往,則此「往得中」謂五也。 往而成坎,故但取往而得中,不取成坎之義也。 有功也。能濟天下之蹇者,唯大正之道。 夫子又取 謂蹇之極也。 九上居五而得中正之位,是往而得平易之地,故 初六雖以陰居陽而處下,亦陰之正也。 五居坎險之中,而謂之平易者,蓋卦本坤,由 往者得中,中在外也。 蹇難之時,非聖賢不能濟天下之 順 時而處,量險而行,從平易之 九二得中,則曰「其來復吉、 處蹇之時,濟蹇之道,其 集説 薛氏温其曰: 坎、睽釋卦辭後,復 來復得中,中 非聖賢 以如此 方蹇 在内 蹇 而

> 者也。」 已,蓋上文所謂「往得中」、「有功」、「正邦」即其用之大 從天地人物極言之,以贊其大。 蹇則釋卦辭以贊之而

之象求之,猶乎漢儒鑿智之餘也。 案:《彖傳》於蹇、解言『得中』者,但取其進退之合宜,不 躁動以犯難,爲「利西南」之義耳。 諸家必以坤、坎、艮

解,險以動,動而 免乎險解

乎險中」。 蹇之反。 也。不險則非難,不動則不能出難。 本義以卦德釋卦名義。 免乎險難」也,故爲解。 以卦觀之,屯之反。 屯「動乎險中」又不如解「動乎險外」也 集説何氏楷曰: 程 蹇止於險下,不如屯『動 傳坎險震動,「 動而 出於險外,是 以 險 畫觀之, 以 動

也。有攸往夙吉,往有功也。 解,利西南,往得衆也。 本義以卦變釋卦辭。 「得中」、「有功」,皆指九二。 坤爲衆,「得 程傳解難之道 其來復吉,乃得 衆」,謂九四 ,利在廣大 入坤 中

平易,以寬易而往濟解,則得衆心之歸也。

不云无所

往,省文爾。

救亂除難,一

時之事,未能成治道

也。

必

拆

,解之時大矣哉

也。 難已則來而復,所以保常。 害深矣。 待難解无所往,然後來復先王之治,乃得中道,謂合宜 於安静之域。 而來復,乃得中道,所謂「獲三狐」而「得黄矢」者也。 以吉。」○郭氏雍曰:「「其來復吉,乃得中」者,險難既解 自怠也。」 患難方平之際,既不欲人以多事自疲,又不欲人以無事 曰:「大抵處時方平者易緩,除惡不盡者易滋。 ○徐氏幾曰:「「乃得中」,指二也。 「有攸往夙吉,往有功」者,如「射隼于高墉之上」者也。」 有所爲,則「夙吉」也。 集説 王氏安石曰:「有難則往,所以濟 不事煩擾,以静而吉也。」〇丘氏 早則往而有功,緩則惡滋而 濟難以權,保常以中,此所 蓋禍亂已散,則復反 聖人於 (富國 難

天地 也。 即承此意言之,謂惟其 案:之東北爲進前,之西南爲退後,然則來復即「利西 南」之義也。 利」字之義,言能脩内固本,則得人心之歸也。 解 得衆」、「得中」,亦但論義理,似不必牽合卦象。 丽 雷 而以「得衆」、「得中」重釋之者,「得衆」釋 雨 作,雷 「利西南」,故必來復乃得中道 雨 作 丽 百果草木皆甲 「乃」字

> 德也。 動而免乎險,方可以爲解。蹇之既解,則宜安静而不可 申,解則「雷雨作而百果草木皆甲拆」。 險中」爲屯,動而出乎險之外爲解。 感散,「雷雨乃作」也。 恩惠,養育兆民,至於昆蟲草木,乃順解之時,與天地合 則成雷雨。雷雨作而萬物皆生發甲拆,天地之功由 地之解,以見解時之大。 久煩擾。故蹇解之時,聖人皆贊其大。」 木皆甲拆』。」○胡氏炳文曰:「解上下體易爲屯,「動乎 而成,故贊「解之時大矣哉」。 本義極言而贊其大也。 集説王氏弼曰:「天地否結則雷雨不作,交通 雷雨之作,否結則散,故「百果草 天地之氣,開散交感而 程傳既明處解之道,復言天 王者法天道,行寬宥, 屯象草穿地 當蹇之未解,必 和暢, 圃 未 解 施

損,損下益上,其道上行。

卦所以爲損也。」○林氏希元曰:「「損下益上」,下損則者,豈可謂之益乎? 集説蔡氏清曰:「「損下益上」,者,豈可謂之益乎? 集説蔡氏清曰:「「損下益上」,於下而益於上也。取下以益上,故云「其道上行」。 夫於下而益於上也。取下以益上,故云「其道上行」。 夫於下而益於上也。取下以益上,故云「其道上行」。 夫於以爲損者,以損本義以卦體釋卦名義。 程傳損之所以爲損者,以損本義以卦體釋卦名義。

不在於利,又難以道爲利。」註、《蒙引》俱作利歸於上説,愚謂卦以損下取名,所重上亦損,故曰『其道上行』。 道者,損之道也,程《傳》小

案 道卑而上行」之義同。 後上下交而志同,豈非「其道上行」乎? 「上行」與「地 主,百姓之服役奉公,皆損下益上之事也。 之義亦合。 下,則道大光矣。 蔡氏、林氏兩説、沿襲用之。今思之、於卦義 蓋説者但主取民財一事耳, 豈知如人臣之致身事 如此則道字方有意味,而於兩卦諸爻 下能益上,則道上行矣。 必如 上能 此,然 皆 未 益

時,損益盈虚,與時偕行。用,二簋可用享,二簋應有時,損剛益柔有損而有孚,元吉无咎可貞,利有攸往,曷之

釋「曷之用,二簋可用享」,卦辭 至誠,則有此「元吉」以下四者,損道之盡善也。 末,有實必有文,天下萬事无不然者。 恐後人不達,遂以爲文飾當盡去,故詳言之。 曰何所用哉,二簋可以享也。 本義此釋卦辭。 「時」,謂當損之時。 厚本 簡直 損 末之謂也。 ,謂當損去浮飾 程傳謂 无本不立,无文 有本必有 夫子特 明損而以 夫子

> 之儀。 不行。 字,義曉然矣。」○張氏清子曰: 幾曰:「卦辭曰「損有孚」、《彖傳》曰「損而有孚」,加 損剛益柔也。 甚,則非也。 泥言也,故復明之曰:二簋之質,用之當有時,非其所用 二簋足以薦其誠矣,謂當務實而損飾也。夫子恐人之 末之流,遠本喪實,乃當損之時也,故云「曷所用哉」? 采則无别,文之與實,相須而不可缺也。 益之,虧者盈之,實者虚之,「與時偕行」也。 或損或益,或盈或虚,唯隨時而已。 而用之,不可也。 而損,時也,不當損而損,則非時。」 禮讓存乎內,待威儀而後行。 父子主恩,必 損剛益柔有時,剛爲過,柔爲不足,損益皆 必順時而行,不當時而損益之,則非 謂文飾未過而損之,與損之至於過 有嚴順、 之體。 「當其可之謂時。 君 過者損之,不足者 臣主 尊卑有其序,非物 及夫文之勝、 一敬,必 集説 有 當損 徐氏 承 以 也 接 而

案: 時當節損。 喻二簋也。 「二簋」,喻節損之義。 之類耳,故曰「損而有孚」。 「有孚」行之。 程《傳》之義,施於實卦則可。 如家則稱貧富之有無,國則視凶 剛爲本,喻孚誠。 如祭 祀 然下云「損剛益柔」者,非以 雖不能 言時雖不得 備品 柔爲末,喻儀物。 此卦所謂損者 一; 而 以 已 至 誠 而損,而以 一豐爲 將 之也。 ,乃謂 / 孚誠 損剛 豐 儉

三,益也,涣也,中孚也,皆巽也。」

之有餘,補儀物之不足,則雖二簋而不嫌於簡矣。此

「損剛益柔」之義。

益,損上益下,民説无疆,自上下下,其道大

光。

集說胡氏炳文曰:「損「其道上行」以上兩句,皆釋損大光顯也。陽下居初,陰上居四,爲自上下下之義。之。「无疆」,爲无窮極也。自上而降已以下下,其道之之。」、其以其「損上益下」也。損於上而益下,則民説本義以卦體釋卦名義。程傳以卦義與卦才言也。本義以卦體釋對名義。程傳以卦義與卦才言也。

義。益「其道大光」以上四句,皆釋益義。」

「木道」,非也。集説朱氏震曰:「「利涉大川」,言木者在,一个、二復以中正應之,是以中正之道益天下,天下受其位,二復以中正應之,是以中正之道益天下,天下受其益強大行之時也。益誤作木,或以爲上巽下震,故云益道大行之時也。益誤作木,或以爲上巽下震,故云益道大行之時也。益誤作木,或以爲上巽下震,故云益道大行之時也。益誤作木,或以爲上巽下震,故云道道大行之時也。益誤作木,或以爲上巽下震,故云道之下,大下受其人,其以,其。

益動而巽,日進无疆,天施地生,其益无

凡益之道,與時偕行。

益也? 天下施,地上行,化所以不已,故「其益无方」。 象德曰:「既奮發,又沈潛,學所以日新,故「日進无疆」。 之道,應時順理,與天地合,「與時偕行」也。 窮際乎? 有限量,无方,謂廣大无窮極也。 正性命」,「其益」可謂「无方」矣。方,所也,有方所,則 也。天道資始,地道生物,「天施地生」,化育萬物,「各 其益日進,廣大无有疆限也。 動而上巽,「動而巽」也。 義,又以此極言贊益之大。 本義動異,二卦之德,乾下施,坤上生,亦上文卦體之 之自然者,故曰「凡益之道,與時偕行」。」 以天地之功,言益道之大,聖人體之以益天下 天地之益无窮者,理而已矣。聖人利益天下 爲益之道,其動巽順於理,則 程傳又以二體言,卦才下 動而不順於理,豈能成大 天地之益萬物,豈有 集説顧氏 此皆時

益也。人事也,造化也,非氣候之至,則不能强爲益也。行」者,時當損而損也。益之「與時偕行」者,時當益而命之象。雷者地生也,故解有甲拆之象。損之「與時偕案:動巽取卦德,施生取卦象。風者天施也,故姤有施

夬,決也,剛決柔也。健而説,決而和。

爲和。 獨恐其剥陽以爲世道累,則不容於不去耳,而矜惜之意 陽德之無所不及,其於小人,未嘗仇視而物畜之也。 健而上説,是健 未嘗不存,此和意也。」 上之一陰也。 本義釋卦名義而贊其德。 集説何氏楷曰"「君子以天下萬物爲一 「健而説,決而和」,以二體言卦才也。 而能説,決而能和,決之至善也。 程傳「夬」爲決義,五 體,如 兑説 陽 惟 下 決

《于王庭,柔乘五剛也。 孚號有厲,其危乃言「健而説,決而和」,起「揚于王庭」以下之意也。案:凡釋卦名之後,復有贊語者,皆以起釋辭之端。此

攸往,剛長乃終也。 光也。告自邑不利即戎,所尚乃窮也。利有揚于王庭,柔乘五剛也。孚號有厲,其危乃

於王朝大庭,使衆知善惡也。盡誠信以命其衆,而知有陰而乘陽,非理之甚,君子勢既足以去之,當顯揚其罪純乾。程傳柔雖消矣,然居五剛之上,猶爲乘陵之象。加於衆君子之上,是其罪也。「剛長乃終」,謂一變即爲本義此釋卦辭。「柔乘五剛」,以卦體言,謂以一小人

累。 危懼 故恐其止而曰「剛長乃終」也。」 慎曰:「《復》「利有攸往」,譬如平地之一簣,故喜其進而 猶足爲君子之憂。 《夬》「利有攸往」,「剛長乃終」也。小人有一人之未去 應。」〇胡氏炳文曰:《復》「利有攸往」,「剛長也」。 即戎」與「暮夜有戎」相應。 所以惟「告自邑不利即戎」者,只爲「所尚乃窮」故也。」 專尚剛武。 曰「剛長也」。《夬》「利有攸往」,譬如九仞之尚虧 ○項氏安世曰:「「其危乃光」與「中未光」相應。 孔氏穎達曰:「剛克之道,不可常行。 若專用威猛,以此 則君子之道純一而无害之者矣,乃剛長之終也。 謂剛武 「即戎」,則便爲尚力取勝,即是決而不和,其道窮矣。 必至於純陽爲乾,方爲「剛長乃終」也。」○吴氏曰 ,則君子之道,乃 也。 「即戎」,則所尚乃至窮極矣。 陽剛雖盛,長猶未終,尚有一 人欲有一分之未盡,猶足爲天理之 无虞而光大也。 「剛長乃終」與「終有凶」相 當先自治,不宜 陰,更當決去 夬之時所尚 不利 集説

姤,遇也,柔遇剛也。

遇剛也,一陰方生,始與陽相遇也。集說趙氏汝楳本義釋卦名。程傳「姤」之義遇也。卦之爲姤,以柔

《本義》是陽遇陰,依《彖傳》是陰遇陽。 義》以一陰而遇五陽意,蓋《彖傳》是爲下文「勿用取女, 曰:「「柔遇剛」者,明非剛遇柔也。」〇林氏希元曰: 《彖傳》乃《本 依

案:「柔遇剛」者,以柔爲主也。

不可與長」而設也。」

女」之義。 晨,得不謂壯乎? 故不復釋「女壯」,而直釋「勿用取 如臣之專制,如牝之司

勿用取女,不可與長也。

勝於陽,不可與之長久也。 是,故不可娶。」〇王氏肅曰:「女不可娶,以其不正,不 盛,何可與久也。 衰矣。「取女」者,欲長久而成家也。 本義釋卦辭。 謂也,故其女「不可與長」。」〇李氏舜臣曰:「以一陰遇 可與長久也。」○蘇氏軾曰:「姤者所遇而合,無適應之 康成曰:「一陰承五陽,苟相遇耳,非禮之正。 五陽,女下於男,有女不正之象,故曰 [勿用取女]。 〈蒙》之六三,以陰而先求陽,其行不順,故亦曰「勿用取 咸》所以「取女吉」者,以男下女,得婚姻正禮故也。 程傳一陰既生,漸長而盛,陰盛則陽 故戒「勿用取」如是之女。 凡女子小人夷狄,勢苟漸 此漸盛之陰,將消 集説鄭氏 女壯如 若

女**。**。

天地相遇,品物咸章也。

相遇」也。 化育庶類。「品物咸章」,萬物章明也。 本義以卦體言。 陰陽不相交遇,則萬物不生,「天地相遇」,則 程傳陰始生於下,與陽相遇,「天地

剛遇中正,天下大行也

中與正,以中正相遇也。 君,君臣以剛陽遇中正,其道可以大行於天下矣。 本義指九五。 程傳以卦才言也,五與二皆以陽剛 君得剛中之臣,臣遇中 ·正之 居

姤之時義大矣哉。

用不成。 治不興。 至大也。天地不相遇,則萬物不生。 此。」〇吴氏曰慎曰: 至「天下大行」也,而不好之漸,已生於微矣,故當謹 謹」,與伊川之説不同,何也?』曰:『上面説「天地相遇」 本義幾微之際,聖人所謹。 「問:「「姤之時義大矣哉」、《本義》云「幾微之際,聖人所 姤之時與義皆甚大也。 聖賢不相遇,則道德不亨。 「姤爲陰遇陽之卦,陰陽有當遇 程傳贊姤之時與姤之義 集説《朱子語類》: 事物不相 君臣不相 遇,則 遇 , 則 於 功 政

總承上文兩端而言可也。」

總承上文兩端而言可也。」

言。《本義》重「制」字,專以遇之不善者言。竊意此語立者。「時義大矣哉」,程《傳》重「遇」字,專以遇之善者立者。「時義大矣哉」,程《傳》重「遇」字,專以遇之善者,如「天地相遇」及君臣夫婦之類,是不能相無者。有

在天地爲伏陰,在國家爲隱慝,而有「女壯」之象矣。而有陰邪干於其間,君臣之相遇而有宵類介乎其側,則羣剛遇中正之君,然後「天下大行也」。 苟天地之相遇案:必如天地之相遇,而後「品物咸章」也。必如此卦以

萃,聚也。順以説,剛中而應,故聚也。

順說,又陽剛處中正之位,而下有應助,如此故能聚也。民,而順於人心。下説上之政令,而順從於上。既上下「順以説」,以卦才言也。上説而下順,爲上以説道使本義以卦德、卦體釋卦名義。 程 傳 萃之義聚也。

位,而上下應之,起「見大人有攸往」之意。感格,起「假廟」、「用牲」之意。「剛中而應」,是有德者居原所以聚者,以起釋辭之端也。蓋「順以説」,是以順道案:「順以説,剛中而應」,亦非正釋卦名,乃就卦德而推

欲天下之萃,才非如是不能

也

也。用大牲吉,利有攸往,順天命也。王假有廟,致孝享也。利見大人亨,聚以正

凡事莫不如是。 其能亨乎?「用大牲」,承上「有廟」之文,以享祀而言, 萃天下之心者, 无如孝享。 廟,所以致其孝享之誠也。 故云「順天命也」。 物聚而力瞻,乃可以有爲,故「利有攸往」,皆天理 「見大人」,則其聚以正道,得其正則亨矣。 萃不以正, 廟,則其極也。萃之時,見大人則能亨,蓋聚以正道也。 本義釋卦辭。 豐聚之時,交於物者當厚,稱其宜 程傳王者萃人心之道,至於建立宗 集説來氏知德曰:「盡志以致其 祭祀,人心之所自盡也,故 王者萃天下之道,至於有 也 也。

孝,盡物以致其享。」

觀其所聚而天地萬物之情可見矣。

聚,物以羣分」,情同而後乃聚,氣合而後乃羣。」○胡氏原物之情也。天地之化育,萬物之生成,凡有者皆聚萬物之情也。天地之化育,萬物之生成,凡有者皆聚萬物之情也。天地之化育,萬物之生成,凡有者皆聚

感通之理」,於所恒則曰「極言恒久之道」,於所聚亦曰可見者,皆此理之可見矣。故《本義》於所感則曰「極言萃之聚以正,所謂「順天命」,聚之理也。凡天地萬物之感,所以恒,所以聚,則皆有理存焉。如天地聖人之感,極文曰:「咸之情通,恒之情久,聚之情一。然其所以

「極言其理而贊之」。」

則天人之義已備,故言「順天命」而遂極贊之。 推言造化人事,而後終之以天地萬物之情可見。此卦乎祖,「方以類聚,物以羣分」,「聖人作而萬物覩」,是乃乎祖,「方以類聚,物以羣分」,「聖人作而萬物覩」,是乃疾, 「順天命」雖繫於「用大牲」、「利有攸往」之下,然連案:「順天命」雖繫於「用大牲」、「利有攸往」之下,然連

柔以時升。

變。故下文言「剛中而應」,亦謂二應五也。」本義以卦變釋卦名。 集説孔氏穎達曰:「升、晉二卦,皆以柔爲主。剛則有躁進之意。」○龔白:「升、晉二卦,皆以柔爲主。剛則有躁進之意。」○龔有、我以卦變釋卦名。 集説孔氏穎達曰:「升之爲義,本義以卦變釋卦名。

巽而順,剛中而應,是以大亨。

本義以卦德、卦體釋卦解。程傳以二體言,柔升,謂本義以卦德、卦體釋卦解。程傳以二體言,柔升,明時當升也。柔既上而成升,則下巽而上順,以巽也,謂時當升也。柔既上而成升,則下巽而上順,以巽也,謂時當升也。柔既上而成升,則下巽而上順,以巽也,謂時當升也。巽既體卑而就下,坤乃順時而上,升以時地之德應於二,能巽而以則,以明時而上,升以時地之德應於二,能異不大有卦。

也。「南」,人之所向。「南征」,謂前進也。前進則遂其他」,不愛其不遂也。遂其升,則己之福慶,而福慶及物則由聖賢。用巽順剛中之道以見大人,必遂其升。「勿用見大人勿恤,有慶也。南征吉,志行也。

升而得行其志,是以「吉」也。

自根而滋生,以至於枝葉繁盛,此謂升之義矣。此卦與有根。蓋巽乃陰生之始也,陰自下生以極於上,如木之居上體,而四、五得位言也。然惟巽爲下體,故其升也居上體,而四、五得位言也。然惟巽爲下體,故其升也以,而言。然卦之有六四、六五,及坤居上體者多矣,皆案:「柔以時升」之義,或主四言,或主五言,或主上體之

亨也 无妄反對,无妄者,陽爲主於内 九曰「吉」。此卦六爻亦惟初六曰「大吉」。 時升」云者,尤當以初六之義爲重。 曰:「柔以時升」,明陰道自下以達於上也。然則「柔以 陰爲主於内也,而其究爲順。 重者可知矣。 動而健,剛中 而爲主於内。」明剛德自内以 ·而應」之辭 其下云 「巽而順,剛中而應」,亦與无妄 相似,皆連釋名之義以釋「元 无妄之《彖》曰:「剛自外 也, 達 於外也。《升· 而其究爲健。 故无妄六爻,獨初 則二卦之所 升 彖》 者

困,剛揜也。

險以 也。 貞大人吉,以 本義以卦體釋卦名。 君子而爲陰柔小人所揜蔽,君子之道困窒之時也 揜蔽也。 が説,困 陷於下而揜於上,所以 而 剛中 不 失其 也。 程傳卦所以爲困 所,亨,其唯 有言不信,尚口 困也,陷 亦揜 君 ,以剛爲柔所 子 币 乃 平 剛 窮 ! 陽

樂天安義,自得其說樂也。時雖困也,處不失義,則其也,下險而上說,爲處險而能說。雖在困窮艱險之中,本義以卦德、卦體釋卦辭。程傳以卦才言處困之道

之 ? 亨者。 乎! 不能 以字與而字,義不同也。 所揜矣。「險以説」者,非處險而説也,險有致説之理 陽居上,兑陰居下,此困所以獨爲剛揜也。 剛中,皆爲陰揜者,惟困與節。 之,則合坎、兑而成也。 處困,故有「尚口」之戒。 之道也,五與二是也。 言。 亦相貫,水在澤上,非澤之所能揜也。 案:此卦所以爲剛揜者、《本義》備矣。 難,則不失其所亨。困而取説於人。「尚口乃窮」也。」 於中,九四、九五爲上六所揜,是以爲困。 困而言,人所不信,欲以口免困,乃所以致窮也。 子,大人通稱。 道 自亨, 「尚口乃窮」者,處困之極,務説於人,指上六言 因困而得亨。 下剛中之大人,即不失所亨之君子也,指二、五 然以小人處之,則困而困耳,不知其所爲亨,故 若時當困 困 而 不 困 失 而反亨,身雖亨,乃其道之困 而能貞,大人所以占也。 其 因 困 所 非剛中,則遇困而失其正矣。 坎,難也。 丽 亨 惟險有致説之理,故困有所爲 集説鄭氏汝諧曰:「九二陷 得其所亨者,非君子其 也。 然以二體言之,則節坎 能 兑,説也。 如 是 水在澤中,則 蓋諸卦之二、五 ~者,「其 此義與 以上下卦言 蓋其以 困 品而安於 唯 也。 孰 針 以説 剛 君 當 君 爲 象 中 子

巽乎水而上水,井,井養而不窮也。

改邑不改井,乃以剛中也。汔至亦未繘井,

未

有功也。

羸其瓶,是以凶

也。

有常也。 其水者,井也。 有功」而敗其瓶,所以「凶」也。 與「不改井」同,故不復出。 本義以卦體釋卦辭。 乃爲用,未出則何功也。 至,既未爲用,亦與「未繘井」同。 爻,剛中之德,其常乃如是,卦之才與義合也。 未嘗有得喪,繘井之爲功,羸瓶之爲凶,在汲者爾。」○ ,則不爲用矣,是以 邑可改,并不可遷,亦其德之常也。二、五之 井之養於物,不有窮已,取之而不竭,德 N 「无喪无得,往來井井」兩句,意 也。 瓶所以上水而致用也, 贏敗其 「剛中」,以二、五而言。 集説蘇氏軾曰: 程傳巽人於水下而上 井以濟用爲功,水出 雖使幾 「井井 「未

物。故言「改邑不改井」,足以包下二者。井」。王道惟有常,故其體則久而無弊,其用則廣而及案:井惟有常,故其體則「无喪无得」,其用則「往來井

革,水火相息,二女同居,其志不相得, 義。 雲,小畜之兑亦爲雲,坎爲川,大畜之兑亦爲川。 離火,而《彖》曰「水火」,何也? 爲革。 睽,相息而爲革也。「息」,滅息也,又爲生息之義,滅息 水,革、兑亦爲水。 者,澤之氣也。 水所鍾,無水則無澤矣。 而後生息也。 本義以卦象釋卦名義,大略與睽相似。 革之「相息」,謂止息也。 「息」爲止息,又爲生息,物止而後有生,故爲生 下爲雨,則澤萬物也。 程傳澤火相滅息,又二女志不相 坎陽兑陰,陰陽二 坎上爲雲,下爲雨。 集説朱氏震曰:「兑澤 티 : 坎、兑一也。 端 故屯、需之坎爲 然以相 ,其理則 上爲雲 曰 違 得,故 坎爲 澤者 革。 一而爲 知

二九五

炎上,故息。」○《朱子語類》云:「革之象不曰【澤在此始可言象矣。」○《朱子語類》云:「革之象不曰【澤在火上」,而曰【澤中有火」,蓋水在火上,則水滅了火,不於睽。不相得,則不免有相克之事,故至於革。」○胡氏於睽。不相得,則不免有相克之事,故至於革。」○胡氏於睽。不相得,則不免有相克之事,故至於革。」○胡氏於睽。不相得,則不免有相克之事,故至於革。」○胡氏於段。不相得,則不絕之義,澤中有火,則二物並在,有相息人。以上,故息。」

巳日乃孚,革而信之,文明以説,大亨以正,

革而當,其悔乃亡。

天下之事,革之不得其道,則反致弊害,故革有悔之道。在,必終日而後孚。在上者於改爲之際,當詳告申令。信,必終日而後孚。在上者於改爲之際,當詳告申令。也。先王政令,人心始以爲疑者有矣。然其久也必信,也。先王政令,人心始以爲疑者有矣。然其久也必信,也。先王政令,人心始以爲疑者有矣。然其久也必信,也。先王政令,人心始以爲疑者有矣。然其久也必信,也。先王政令,人心始以爲疑者有矣。然其久也必信,不察。説則人心和順,革而能照察事理。和順人心,可称,必以對德釋卦辭。程傳事之變革,人心豈能便本義以對德釋卦辭。程傳事之變革,人心豈能便本義以對德釋卦辭。程傳事之變革,人心豈能便本

蓋至明則事理周盡,故以此而順人心,有所更改,則無案:「文明以説,大亨以正」,兩「以」字,上句重在文明,真,則有不信,有不通,皆不當者也。」曰:「《彖》未有言「悔亡」者,唯革言之,革易有悔也。必曰:「《彖》未有言「悔亡」者,唯革言之,革易有悔也。必唯革之至當,則新舊之「悔」皆「亡」也。集説胡氏炳文唯革之至當,則新舊之「悔」皆「亡」也。集説胡氏炳文

「順以動」,及「動而以順行」,其義一也。順也。凡《彖傳》用「以」字者,文體正倒,皆可互用。如不宜也。下句重在正,蓋其大亨也,以正行之,則無不蓋至明則事理周盡,故以此而順人心,有所更改,則無

人,革之時大矣哉。 天地革而四時成,湯武革命,順乎天而應乎

緝,如錮露家事相似。若是更革,則須徹底從新鑄造一流,豈曰小補之哉! 小補之者,謂扶衰救弊,逐些補

番,非止補其罅漏而已。」

上帝,而大亨以養聖賢。鼎,象也。以木巽火,亨飪也。聖人亨以享

亨」。 象也。 誠,用犢而已。 於下。周圓内外,高卑厚薄,莫不有法而至正。至正然 古人訓方,方實正也。 也,重實也。 本義以卦體二象釋卦名義,因極其大而言之。享帝貴 其用之大,則「聖人亨以享上帝」,「大亨以養聖賢」。 「以木巽火」,以二體言鼎之用也。「以木巽火」,以木從 後成安重之象,故鼎者法象之器,卦之爲鼎,以其象也。 火,所以「亨飪」也。 鼎之爲器,生人所賴至切者也。 人,古之聖王。大,言其廣。 程傳卦之爲鼎,取鼎之象也。 有象而後有器,卦復用器而爲義也。「鼎」,大器 故其制作形模,法象尤嚴。 養賢則饔飱牢禮、當極其盛,故曰「大 以形言,則耳對植於上,足分峙 集説蔡氏淵曰"「祭之大 鼎之爲器,法卦之 鼎之名正也、 聖 極

案:釋名之後,繼以享帝、養賢兩句,指明卦義之所主者,無出於上帝。賓客之重者,無過於聖賢。」

主享帝養賢,而享帝之實,尤在於養賢也。也。與井「養而不窮也」對觀之便明。蓋彼主養民,此

巽而耳目聰明,柔進而上行,得中而應乎剛,

一是以元亨。

象。 以六五爲鼎耳而取也。」 乃能用賢也。柔得尊位,卑巽以下賢,是以致[元亨]。」 氏曰:「「得中而應乎剛」者,以柔居中,下應九二之剛 爲驕亢者也。「得中而應剛」,則能養聖賢者也。」〇劉 中道,其才如是,所以能「元亨」也。 剛」,能用剛陽之道也。 居尊位、「進而上行」也。 體異,爲異順於理,離明而中虛於上,爲「耳目聰明」之 用矣,復以卦才言人能如卦之才,可以致「元亨」也。 本義以卦象、卦變、卦體釋卦辭。 ○張氏清子曰:「上體離也,離爲目,而兼耳言之者,蓠 巽以養下,則達聰而明目者也。「柔進而上行」,則不 凡離在上者,皆云「柔進而上行」。柔在下之物,乃 五居中,而又以柔而應剛,爲 以明居尊而得中道,「應乎 程傳上既言鼎之 集説單氏瀬日 下 得

震亨。

本義震有亨道,不待言也。

震 來 爲安也。 之道也。 懼,而後自處有法則也。「有則」,則安而不懼矣,處震 慎 震自有亨之義,非由卦才。 本 恐懼而變也。」 過曰:「「有則」,謂君子所履,出處語默,皆有常則,不以 ,則可反致福吉也。 ·義「恐致福」,恐懼以致福也。 虩 虩 『有則』云者,見君子不以忽忘敬也。」○李氏 集説董氏曰: 恐致福也。 「笑言啞啞」,言自若也。 「「致福」云者,見君子常以 笑言啞啞,後有 「震來」而 「則」,法也。 能恐懼 則 由 自 程 能 脩 也 傳 危 恐 自

稷,以爲祭主也。 震驚百里,驚遠而戄邇也。 出可以守宗廟社

而可以守宗廟社稷爲祭主也。長子如是,而後可以守文用長子之義通解之,謂其誠敬能「不喪匕鬯」,則君出敬之至,威懼不能使之自失。彖以長子宜如是,因承上敬之至,威懼不能使之自失。彖以長子宜如是,本謂誠傳雷之震及於百里,遠者驚,邇者懼,言其威遠大也。本謂談人至,歲懼不能使之自失。彖以長子宜如是,西後可以守人之。之人,謂繼世而主祭也。或云「出」即「鬯」字之誤。程

也。 震者動而已矣,而曰 別也。」〇楊氏啟新曰:「乾者自 迷,可以出而嗣位矣。」○蔡氏清曰: 即《序卦》「主器莫若長子」之謂。 清子曰:「『出』者,即《説卦》「帝出乎震」之謂。「主」者, 遇之而動乎外。 【懼」者,惕然畏之而變於中。」○張 了,孔子又自説長子事。]〇丘氏富國曰: 世 「亨」、「震來虩虩」,是恐懼 「震驚百里」,便也「不喪匕鬯」。 祀 懼之爲動也,見懼之非驚恐也。」 承 國 家 也 集 二懼」。 説《朱子語 惕之爲强也,見惕之非惴懾 顧 慮, 强而 文王語已是解「震亨」 而後 若舜之烈風 類》云: 「懼深於驚,遠近之 已矣,而日 便「笑言啞啞」。 「「驚」者,卒然 震 雷雨 便 「惕」。 自 弗 氏 是

其時,其道光明。 艮,止也。 時止則止,時行則行。 動静不失

義,不失其時也,乃「其道」之「光明」也。 其時,則順理而合義。 爲止,止之道唯其時,行止動静不以時,則妄也。 故又有光明之義,大畜於艮亦以 「時止而止」,止也。「時行而行」,亦止 本義此釋卦名,艮之義則 在物爲理、處物爲義、動静 止也。 「輝光」言之。 然行止各有其 也。 君子所貴乎 艮 程 體 (時,故 篤 傳 不失 合 實, 艮 理

昧。 説程子曰"「「時止則止,時行則行」,時行對時止而 時,仲尼行 光發」是也。」 子曰:「艮一陽爲主於兩陰之上,各得其位,而其勢止 爲「光明」?」曰:「定則明。 然行而不失其理,乃所以爲止也。」○「問:「艮之象何以 亦「止其所也」,「動静不失其時」,皆「止其所也」。」〇張 ○《朱子語類》云:「「時止則止,時行則行」,行固非止. 《易》言「光明」者、多艮之象、著則明之義也。」 中有定止,則自然光明。《莊子》所謂「泰字定而天 止 久速是也。 艮體篤實,有光明之義。 凡人胷次煩擾,則愈見昏 言 集

所謂「行其庭不見其人也」。 則止」,則所謂「艮其背,不獲其身」也。「時行則行」,則案:釋名之下,先著此四句,亦所以爲釋辭之端。「時止

氏云:「「艮其止」,當依卦辭作「背」。」程傳「艮其止」,本義此釋卦辭、《易》背爲止,以明背即止也。背者,止之所也。以卦體言,內外之卦,陰陽敵應而「不相與之所也。以卦體言,內外之卦,陰陽敵應而「不相與是以不獲其身,行其庭,不見其人,无咎也。艮其止,止其所也。上下敵應,不相與也。

謂止之而止也。 子語類》云:「「艮其止,止其所也」,上句「止」字,便是 「「艮其止,止其所也」,此所以「不獲其身」也。「上下敵 峙而不應,與止義相協,故兼取以明之。]○蘇氏軾曰: 六爻不應,何獨於此言之? 通而相與,乃以其敵故不相與也。不相與則相背,爲 也。上下二體以敵相應,无相與之義。 作則也,唯止之各於其所而已。「上下敵應」,以卦才言 則安,失其所則悖。 止於仁,臣止於敬。 當止之所也。夫有物必有則,父止於慈,子止於孝,君 不得其所,則无可止之理。夫子曰「於止知其所止 應,不相與也」,此所以 相交與,故曰「上下敵應,不相與也」。然八純之卦,皆 凡應者一陰一陽,二體不敵,今上下之位,爻皆峙敵,不 [《易》背爲止,以明背者無見之物,即是可止之所也 「艮其背」,止之義也。 「背」字。 「艮其止」,是止其所止也,故曰「艮其止,止其所也」。 人」,是以能止,能止則「无咎」也。 故下文便繼之云 [是以不獲其身], 更不再言 止之而能 聖人所以能使天下順治,非能爲物 萬物庶事,莫不各有其所,得其 「行其庭、不見其人」也。」○《朱 相背故「不獲其身」、「不見其 止者,由止 謂此卦既止而不交,爻又 集説孔氏穎達曰: 得其所 陰陽相應,則情 也。 二,謂 止 所 而

則行」。]〇又云:「「艮其背」了,静時「不獲其身」,動時 弼以前,無「艮其止」之説。」今案古文「背」字爲北,有訛 庭,不見其人,无咎也。」周先生所以説「定之以仁義中 「不見其人」,所以《彖辭傳》中説:「是以不獲其身,行其 定,動亦定」也。」 皆從背説。背則自視「不獲其身」,「行其庭,則不見其 爲止字之理。]○胡氏炳文曰:「「不獲其身」以下三句, 正而主静」。」〇項氏安世曰:「卦辭爲「艮其背」,《傳》爲 「行其庭,不見其人」,是止於動。 人」。《本義》所謂「止而止,行而行」,即程子所謂「静亦 「艮其止」,晁氏説之曰:「《傳》亦當爲「艮其背」。 自王 艮其背」也。 背」字,蓋云止於所當止也。「艮其背」,是止於止。 下 句「止」字是解「艮」字。 故曰「時止則止,時行 「所」字 是 解

與」者,爲「不見其人」。孔氏所謂卦既止而不交,爻又背」,内兼此二義,故其止所者,爲「不獲其身」。「不相其所也」。以爻位言,陰陽無應,「不相與也」。「艮其案:此是以卦體爻位釋卦辭。以卦體言,陽上陰下,「止

漸之進也,女歸吉也。

峙而不應者,極爲得之。

本義之字疑衍,或是漸字。程傳如漸之義而進,乃

亦進,何也? 漸非進,以漸而進耳。」 集説郭氏雍曰:「《傳》言漸之進,如女之歸則吉,所以集説郭氏雍曰:「《傳》言漸之進,如女之歸則吉,所以集就郭氏雍曰:「《傳》言漸之進,如女之歸則吉,所以

進得位,往有功也。進以正,可以正邦也。案:曰「漸之進也」,以别於晉之進升之進也。

九進居三,自旅而來,九進居五,皆爲得位之正。 位」,以位言。「進以正」,以道言。」 以正道而進,可以正邦國至於天下也。 而得正位,三離下而爲上,遂得正位,亦爲進得位之義。 漸進之時,而陰陽各得正位,進而有功也。 二至五,陰陽各得正位,此所以進而 德,進於位,莫不皆當以正也。 本義以卦變釋「利貞」之意、蓋此卦之變,自涣而 集説梁氏寅曰: 有 凡進於事,進於 功 四復由上進 也。 程傳 「卦自 進 來。 得

濟曰「定也」,家人曰「正家而天下定矣」。蹇、漸皆曰「正邦」,亦只是申有功之意。《易》卦中四爻得位者,既以人事言。在卦爲「得位」者,在人事即是「得正」也。案:梁氏之説得之,蓋「進得位」,以卦位言。「進以正」,

「以正邦也」。蓋董子「正朝廷以正百官,正百官以正萬

民」之意也。

其位,剛得中也。

本義以卦體言,謂九五。程傳上云「進得位往有功本義以卦體言,謂九五。程傳上云「進得位往有功本,然言陰陽得位,是以進而有功。復云「其位剛得中也」,统言陰陽得位,是以進而有功。復云「其位剛得中也」,统言陰陽得位,是以進而有功。復云「其位剛得中也」,統言陰陽得位,是以進而有功。復云「進得位往有功本義以卦體言,謂九五。程傳上云「進得位往有功本

止而巽,動不窮也。

本義以卦德言,漸進之義。程傳內艮止,外巽順。上爲安静之象, 巽爲和順之義。人之進也,若以欲心止爲安静之象, 巽爲和順之義。人之進也,若以欲心止爲安静之象, 巽爲和順之義。人之進也,若以欲心止爲安静之象, 巽爲和順之義。 程 傳內艮止,外巽順。此,則終於止而事壞亂矣,故卦名爲蠱。 内外先後之此,則終於止而事壞亂矣,故卦名爲蠱。 內外先後之此,則終於止而事壞亂矣,故卦名爲蠱。 內外先後之辨,不可易也。」

德,申「女歸」「利貞」之義。節卦「説以行險」,「當位」案"「剛得中」,「止而巽」,又就中四爻内特舉九五與卦

「中正」同。

興,歸妹人之終始也。 歸妹,天地之大義也。天地不交而萬物不

本義釋卦名義也。「歸」者,女之終。生育者,人之始。本義釋卦名義也。「歸」者,女之終。生育者,人之始。本義釋卦名義也。「歸」者, 这是相續之道。男女交而後何從而生。 女之歸男,乃生生相續之道。男女交而後何從而生。 女之歸男,乃生生相續之道。男女交而後有生息,有生息而後其終不窮。前者有終,而後者有始。相續不窮,是「人之終始」也。 集説項氏安世曰:「「有男女然後有夫婦」,「天地之大義也」。「有夫婦然後有父子」,「人之終始也」。」

易之道也。 是,陰陽原不可以相無,而惟當慎之始以防其敝者,是之,陰陽原不可以相無,而惟當慎之始以防其敝者,是不以為則之失,而又推本於天地相遇之正也。由此言案:將言歸妹之凶,而先言其本「天地之大義」,猶姤言

説以動,所歸妹也。

本義又以卦德言之。集説鄭氏汝諧曰:「長男居上,

案" 卦德「説以動」,則與咸之「止而説」者異矣。 男,其所歸者妹,故以「征」則「凶」,且「无攸利」。」 少女居下,以女下男也。 禮義。此卦之所以凶乎。《本義》以卦德言之,實則 於義也。 乃妹也。 先於男,是所欲歸者妹也。又以少女從長男,是所歸者 「所歸妹」一句兼此二意,可見其失於禮,又愆 夫「説以動」,則徇乎情。 少女「説以 所歸妹,則不能 動」,而又先下 卦象女 止 於 兼 乎

征凶,位不當也。无攸利,柔乘剛也。

卦德卦象在内。

本 不當也,又有乘剛之過,三、五皆乘剛。男女有尊卑之 所以征則凶者,以諸爻皆不當位也。 感説而動者,少女之事,故以 卦,則不得其正也。 所往而利也。 其剛,婦 序,夫婦有唱隨之禮,此常理也,如恒是也。 而不凶? 正之道,徇情肆欲,唯説是動,則夫婦瀆亂,男牽欲而 義又以卦體釋卦辭。 (狃説而忘其順,如歸妹之乘剛是也,所以凶,无 大率以「説而動」,安有不失正者? 夫陰陽之配合,男女之交媾,理之常也。 程傳以二體釋歸妹之義。 男女之交,本皆正理。 「説而動」,所歸者妹 所處皆不正 苟不由 不唯 男女相 唯若此 何動 也。 失 位 常

> 而凶也。他卦有柔乘剛而義與歸妹不同者,義與卦變。 正,故睽以失位而乖; 家人、睽、漸、歸妹,皆言男女之道者也。 案"中四爻皆失正位者,除未濟外,惟睽、解及此卦,而 剛則不順,宜其「凶」也。 則恣情縱慾。 氏曰慎曰:「卦以少女從長男,則非其配偶。 「説以動」, 爻得正,故「女歸吉」。歸妹四爻失正,故「征凶」。」〇吴 「《易》以咸、恒爲夫婦之道,漸、歸妹爲夫婦之義。 **豈人理哉!** 然從欲而流放,不由義理,則淫邪无所不至,傷身敗德, 歸妹之所以「凶」也。 中爻不正,則陰陽皆失其常。三、五柔乘 漸以得位而吉,故歸妹以失位 然四者又以「説以動」爲重。」 集説陸氏希聲曰: 家人以得位 漸四 Щ

豐、大也。明以動、故豐。

本義以卦德釋卦名義。

程傳「豐」者,盛大之義。

離

剛而動,所以致壯,可見處壯者之必貞也。以順而說,同,「而」字有兩意,「以」字只是一意,重在首字。如以之故,以起釋辭之端,與壯、萃同。「以」字與「而」字不之故,以起釋辭之端,與壯、萃同。「以」字與「而」字不以明而動,故豐故亨。以昏而動,則反是矣。」明而震動,明動相資而成豐大也。 集説楊氏簡曰:明而震動,明動相資而成豐大也。 集説楊氏簡曰:

昏,故《傳》先發此義,以示玩辭之要。 豐,可見處豐者之必明也。卦爻之義,皆欲其明而防其所以致聚,可見處萃者之必順也。以明而動,所以致

王假之,尚大也。 明,普照天下,无所不至,則可勿憂矣。 其豐大。保有豐大,豈小才小知之所能也。 有既廣,所治既衆,當憂慮其不能周及。 其保之治之之道亦當大也,故王者之所尚至大也。 本義釋卦辭。 下」,日中時。『昃』,日中後。」 曰 天下之大也。故豐大之道,唯王者能致之。所有既大, 「慎曰:「所以「宜日中」者,恐「日中則昃」也。 「照天 程傳王者有四海之廣,兆民之衆,極 勿憂宜日中,宜照天下也 如是,然後能 宜如日中之盛 集説吴氏 所 保

故言「宜日中」者,謂能常明不昏,則能常中不昃。能謹小慮微。 而明有所不照,即昏之徵而衰之兆也。案:「尚大」,謂王者至此所尚者大也。 志意廣大,則不

而况於人乎,况於鬼神乎。日中則昃,月盈則食,天地盈虚,與時消息,

豐盛之至,復言其難常以爲誠也。日中盛極,則當昃本義此又發明卦辭外意,言不可過中也。程傳既言

卑也。 神指其功用之迹,似有人所爲者。」」〇毛氏璞曰:「豐, 之迹矣,而復言鬼神何耶?」曰:「天地舉全體而言,鬼 昳。 曰「發明卦辭外意」。言卦外之意也。 中」,所以然處未之及,此方言之以補卦辭之所未及,故 宜,則知日昃之可戒。」〇林氏希元曰: 大也,亦盈也。 了。」○「問:「鬼神者造化之迹,然天地盈虚,即是造化 月盈則食,天地盈虚,與時消息」數語上。這盛得極,常 子語類》云"「豐卦《彖》許多言語,其實只在「日中則昃 不至過盛。 况人與鬼神乎? 然實有此意,但辭不及耳。」 未嘗盈故不食。 須謹謹保守得日中時候方得。 食,因舉日月以對,然後并陳天地,作文之體也。]〇《朱 曰:「先陳天地,後言人鬼神者,欲以 物盛衰可見其消息也,於豐盛之時而爲此誠,欲其守 天地之運,亦隨時進退也。「鬼神」,謂造化之迹。 月既盈滿,則有虧缺。 日月先天地者,承上「宜日中」之文。 處豐之道, 豈易也哉! 惟有道者明德若不足,未嘗中故不昃, 日新則爲大,反是則爲盈。 「盈虚」,謂盛衰。 天地之盈虚,尚與時 不然,便是偃 消消 輕譬重,亦先尊後 集説孔氏穎 「卦辭「勿憂宜日 雖 息」,謂 日**解**外之意 知日中之 遂言其昃 仆 消 進 於萬 傾 退 息 壞 達

旅,小亨。柔得中乎外而順乎剛,止而麗乎案:林氏之説得之,朱子釋彖辭亦曰「盛極當衰也」。

明,是以小亨旅貞吉也。

乎外」也。 非 剛中正有助於下,不能致大亨也。 明,是以「小亨」。 麗,「止而麗於明」也。 柔順而得在外之中,所止能麗於 本義以卦體、卦德釋卦解。 得處旅之道。 五,得中位而屬外體,麗乎二剛之間,故曰「柔得中乎外 莫尚乎用柔。 而順乎剛」。」 揆,旅有旅之中也。 麗乎上下之剛,「順乎剛」 然柔不可過也,故莫尚乎得中。 集説王氏宗傳曰: 得旅之貞正而吉也。 止 麗於明,則不失時宜,然後 程傳六上居五,「柔得中 所謂得在外之中,中 「用剛非旅道也,故 也。 旅困之時,非陽 下艮止,上 以 六居 離

明也。然明不可以獨用,故必以止静爲本而明麗焉,與案:處旅之道,審幾度勢,貴於明也。待人接物,亦貴於

旅之時義大矣哉。

晉、睽之主於順説者同!

本義旅之時爲難處。程傳天下之事,當隨時各適其

宜,而旅爲難處,故稱其時義之大。集説俞氏琰曰:宜,而旅爲難處,旅之義不可不知。蓋其亨雖小,其「時義」則大。聖人小其亨而大其時義,非大旅也,大其處義」則大。聖人小其亨而大其時義,非大旅也,大其處於之道也。」○錢氏一本曰:「難處者,旅之時。雖盡者,旅之時。與此所以,其「時

重巽以申命。

巽」,故爲「申命」也。 也。 順道以出命,下奉命而順從,上下皆順,重巽之象 號令也,故巽爲命。 又重爲重複之義,君子體重巽之義,以 本義釋卦義也, 巽順而入, 必究乎下, 命令之象。 「重 爲風,在人君爲命。 髓,亦如風之動物也。二〇俞氏琰曰:「巽之取象,在天 之吹物,無處不入,無物不鼓動,詔令之人人,淪膚浹 曰:「非也,只是丁寧反復説,便是「申命」。巽風也,風 行也。」○《朱子語類》,「問:「申字是兩番降命令否?」 也,齊者申之以命令。」〇朱氏震曰:「巽爲風,風者天之 "申」,重復也,丁寧之謂也。 重巽之象,施之於「申命」。 先儒謂不違其令,命乃 内巽者命之始。 風者天之號令,其人物也,無不至 程傳「重巽」者,上下皆巽也。 集説石氏介曰:「巽者齊 外巽者申前之命 申復其命令。 也。 Ŀ.

命者人君之號令,其入人也,亦無不至。」

剛巽乎中正而志行,柔皆順乎剛,是以小亨。情之隱,而散其不善者,終乃人人心之深,而動其善者。告誡於上而行之切,此其所以「申命」也。蓋始則人民告誡於上而行之切,此其所以「申命」也。蓋始則人民案:頒發號令以象天之風聲是已,然須知巽者人也,王

利有攸往,利見大人。

以「小亨」也。巽順之道,无往不能入,故「利有攸往」。 正,巽順於中正之道也。 本義以卦體釋卦辭。「剛巽乎中正而志行」,指九五。 見大有德之人,以果斷而決白之,然後所申之命令,所 巽順不於大人,未必不爲過也。 利,故「利見大人」也。 巽順雖善道,必知所從,能巽順於陽剛中正之大人則爲 行也。又上下之柔,皆巽順於剛。其才如是,雖内柔可 「柔」,謂初四。 乎人心,是以志行乎上下。 行之事,施之於人,莫有不順之者。 有不人者也。」〇朱氏震曰: 程傳以卦才言也。 如 陽性上,其志在以中正之道上 五、二之陽剛中正,大人也。 「「剛巽乎中正」,則所施當 柔皆順乎剛」, 集説胡氏瑗曰:「利 如風之及於物,罔 陽剛居巽而 則物 得 無 中 違

> 下格而志可行。 其最近者也。「剛巽乎中正」,則不暴急以忤物,故命不 楷曰"「成卦之主,在初與四。 柔既已生,皆在二、五之下,有「順乎剛」之象。」〇何氏 乎剛」,是「利見大人」也。《彖》辭與旅相類,皆總陳 巽以申命」,是「小亨」也。 之,乃所以爲利也。]○項氏安世曰:「以卦體言之,「重 二、五以陽剛之畫,處中正之位,而初、四二陰出而順 巽之所以致亨者,不可得而見矣。「利見大人」者,蓋 順乎陽剛之象,陽畫在二、五之位,有巽乎中正之德 徒以一陰潛伏謂之爲巽,而不究乎陰畫在二陽之下,有 曰:「「柔順乎剛,剛巽乎中正」者,所以爲巽之體也。 者。大人者九五,「剛巽乎中正」者也。」〇李氏舜 所以教命得申,成「小亨」以下之義也。」 義,而用「是以」二字結之。」〇趙氏汝楳曰:「卦本乾體 志行」,是「利有攸往」也。 陰下生,剛有巽之之象。 初、四各處卦下,柔皆順剛,無有違逆 以九五言之,「剛異乎中正 以初六、六四言之,【柔皆 剛巽柔,居二、五中正之位。 陰始生而陽巽之,二、五 則 桂 順 從 若 臣 面

以中正之德爲巽,則能人而制之矣。至於柔皆順剛,則在内而陽人之者,將以制之也,制之者將以齊之也。剛案:卦義是陰在内而陽人之,非陽在外而陰人之也。陰

氏、項氏、何氏説皆合經意。 豈有不受其制而至於不齊者乎?《彖傳》詞義甚明,李

兑,説也。

而稱兑耳。」

文者無言之説,以説解兑,兑本爲説,特以其説不在言,人者無言之説,以説解兑,兑本爲説,特以其説不在言本義釋卦名義。集説張氏雨若曰:「此釋名義類咸。

其死。説之大,民勸矣哉。 人。説以先民,民忘其勞, 説以犯難,民忘剛中而柔外,説以利貞,是以順乎天而應乎

者也。 道。 道不順天,干譽非應人,苟取一時之説耳,非君子之正 能 中 本義以卦體釋卦辭而極言之。 服无斁,故以之先民,則民心説隨而忘其勞,率之以 正至善者也。若夫違道以干百姓之譽者,苟説之道,違 貞也。 陰居二陽之上,陰説於陽而爲陽所説也。 心誠實之象。 `則民心説服於義而不恤其死。 君子之道,其説於民,如天地之施,感於其心而 説而能貞,是以上順天理,下應人心,説道之至 「利貞」,説之道宜正也。 柔爻在外,接物和柔之象。 卦有剛中之德,能貞 説道之大,民莫不知 程傳兑之義說也。 陽剛居中, 故爲説而 犯 説

> 患難而不畏也。」 始見真説。聖人以此先之,故能使之任勞苦而不辭,赴 説,與處安平時而説,皆未足爲難,惟當勞苦患難而 勸。 故得「順乎天而應乎人」。」〇吕氏祖謙曰:「當適意時而 所助者順也,人之所助者信也1,柔外爲順,剛中爲信. 剛而違説則暴,「剛中而柔外」,所以 本,故聖人贊其大。 「剛中」故「利貞」,「柔外」故説亨。」○劉氏牧曰:「「天之 勸 謂 信之而勉 集説 王氏两曰: 力順從。 人君之道,以人心説服爲 一説以 「説而違剛則 利 貞」也。 説

涣,亨,剛來而不窮,柔得位乎外而上同。 弼曰:「二以剛來居内而不窮於險,四以「柔得位乎外而 是也。 以「亨」也。」〇孔氏穎達曰:「此就九二剛德居險,六四 與上同」。 時而守其中,則不至於離散,故能「亨」也。 臣之位,當涣而比,其義相通。 外,而上同於五之中。 來,則不窮極於下,而處得其中。柔之往,則 本義以卦變釋卦辭。 涣之成涣,由九來居二,六上居四也。 内剛而無險困之難,外順而無違逆之乖,是 巽順於五,乃上同 程傳涣之能「亨」者,以卦才 同五,乃從 也。 中也,當涣之 集説王氏 得 四 剛 正 **T**i. 位 陽 君 於 之 如

義》已定、《語録》雖謂未穩而未及更改。」 而上同九五。四、五同德,斯足以濟涣矣,故「亨」。《本曰:「「柔得位乎外而上同」,是六四之柔,得位乎外卦,第,即需「剛健不陷」、「義不困窮」之象。」○林氏希元以二、四往來明卦義,「不窮」、「上同」明「亨」。剛來不得位從上,釋所以能釋險難而致亨通。」○馮氏椅曰:

具。 者,致其用也。固本則保聚有其基,致用則聯屬有其案:「剛來而不窮」者,固其本也。「柔得位乎外而上同」

王假有廟,王乃在中也。

者,心之象。「剛來而不窮」,「柔得位而上同」,卦才之 是在其中也。 詳矣。天下離散之時,王者收合人心,至於「有廟」,乃 歸從也。 義,皆主於中也。王者拯涣之道,在得其中而已。 本義「中」,謂廟中。 在 之道極於此也。 曰:「得其民有道,得其心斯得民矣。」亨帝立廟,民心所 |廟中之謂。 歸人心之道无大於此,故云至於有廟。 王者之心,渾然在中。 在 集説何氏楷曰:「「王乃在中」者,非 中,謂求得其中,攝其心之謂 程傳「王假有廟」之義,在萃卦 則「不薦」之孚,直 也。 拯涣 孟子 中

有出於儀文之外者,宜其精神之與祖考相爲感格也。」

利涉大川,乘木有功也。

獨取諸涣,亦以此也。」 上巽木也,下坎水,大川也,利涉險以濟涣也。 有是義有是象也。 上,乘木之象。 程傳治涣之道,當濟於險難。 「乘木舟虚」,涣曰「乘木有功也」。 「利涉大川」者三,皆以木言。 乘木所以涉川 集説胡氏炳文曰:「《易》以巽言 益曰「木道乃行」,中孚 也,涉則有濟涣之功,卦 而 十三卦[舟楫之利], 卦有乘木濟川之象。 木在水 日

木有功」,謂木在水上,便含濟險有具之意。 案;「王乃在中」,謂九五居中,便含至誠感格之意。「乘

節,亨,剛柔分而剛得中。

不及,一損一 其稱也。 以爲節,所以能「亨」也。 則能亨也。又卦之才剛柔分處,「剛得中」而不過,亦 中,以「議德行」而進反皆中,此節之所以「亨」也。」 體,而剛柔適均,則剛以 本義以卦體釋卦解。 析觀二體,而二、五得中,則不失之過,不失之 益,惟其宜也。 程傳節之道自有亨義,事 濟柔,柔以濟剛, 集説趙氏玉泉曰:「 由是以「制數度」而隆殺皆 張 「統觀 弛,惟 有節 全 所

苦節不可貞,其道窮也。

和。 枯之極也。「剛得中」而能節、乃爲九五之甘。柔失中 爲正,則其道困窮。」〇吴氏應回曰:「中節則和,否則 守,其道已窮極也。 過思,皆謂之苦。 俞氏琰曰: 而 本義又以理言。 中,即「苦」即「窮」。苦與甘反,窮與亨反。」 也」。]〇黄氏淳耀曰: 過節,則爲上六之苦。 稼穡作甘,以得中央之土也。 「凡物過節則苦,味之過正,形之過勞,心之 節而苦,則非通行之道,故曰「其道窮 程傳節至於極而苦,則不可堅固常 集説孔氏穎達曰:「若以「苦節」 「合於中,即「甘」即「亨」。 故物得中則甘,失中則苦。」〇 火炎上則苦,亦以焦 失其 不

説以行險,當位以節,中正以通。

坎爲通。 則通,過則苦矣。 本義又以卦體、卦德言之,「當位」、「中正」,指五。 當位而以節,主節 人於所説則不知已,遇艱險則思止,方説而止,爲節之 「當位以節」,五居尊,當位也。 程傳以卦才言也,内兑外坎,「説以行險」也。 者也。 集説孔氏穎達曰: 處得中正,節 在澤上,有節 而 「更就二體及四、 能通 也 中 也 又 正

者得其中正,是可以通行於天下。」 氏希元曰:「九五陽剛居尊,當位以主節於上。而所節五當位,重釋行節得亨之義,以明[苦節]之窮也。]〇林

之,正與漸卦同例。 蓋上文既以全卦之善言之,此又專主九五及卦德以申當依孔氏爲總申彖辭之義。説則不苦,而通則不窮矣。當位則有節天下之權,中正則能通天下之志。此三句,當位則有節天下之權,中正則能通天下之志。此三句,當位則有節表下之權,中正則能通天下之志。此三句,當位則有節表下之權,中正則能通天下之志。此三句,案:「説以行險」,先儒説義未明。蓋節有阻塞難行之案:「説以行險」,先儒説義未明。蓋節有阻塞難行之

天地節而四時成,節以制度,不傷財,不害

民。

氏曰慎曰:「革曰「天地革而四時成」,此曰「天地節而四 成四時,无節則失序也。聖人立制度以爲節,故能不傷 財害民矣。集説、孔氏穎達曰:「天地以氣序爲節,使 財害民矣。集説、孔氏穎達曰:「天地以氣序爲節,使 財害民矣。集説、孔氏穎達曰:「天地以氣序爲節,使 財害民矣。集説、孔氏穎達曰:「天地以氣序爲節,使 財害民矣。集説、孔氏穎達曰:「天地以氣序爲節,被 財害民矣。集説、孔氏穎達曰:「天地以氣序爲節,被 財害民矣。集説、孔氏穎達曰:「天地有節,故能不傷

而革後。四時舉其大者言之,天地之化,刻刻相節,時時成」。限止之謂節,改易之謂革。節淺而革深,節先

中孚,柔在内而剛得中,説而巽,孚乃化邦

||相革。|

也。

爲誠之象。二剛得上下體之中,中實爲孚之象。 以爲中孚也。 覆乳者必剛外而柔内。 化天下乎? 其孚乃能化於邦國也。 説,爲上至誠以順巽於下,下有孚以説從其上。 本義以卦體、卦德釋卦名義。 累,害於信者也。 則爲中實,在全體則爲中虚。 中」而爲「孚」也。」〇王氏宗傳曰:「以成卦觀之,在二體 矣,故曰中孚。」 集説張子曰:「「孚」者,覆乳之象也。 「説而巽」,以二體言卦之用也。上巽下 中不實則無所主,無所主則又失其信 若人不説從,或違拂事理,豈 雖柔内,非陽則不生,故「剛 蓋中不虚則有所累,有所 程傳二柔在內,中虛 如是, 卦所 夫 能 得

也。

陽,故受天氣而生物。月至虚也,然惟水陰根陽,故受矣,非剛得中則中又不實矣。地至虚也,然惟陰中有案:「柔在内而剛得中」,其義甚精,非柔在内則中不虚

有物。 貴乎無謀望作爲之私,反是則有妄矣。 及此也。〇又案: 无妄天德也,天德實,實則虚矣,故 之名,所以取於乳卵者此也。老子亦曰:「髣兮髴 日光而發照。 孚矣。二卦之義,實相表裏。 中孚,言其實也。 无妄,言其虚也。 實也,故六爻之義,皆貴乎有誠心實德之積,反是則非 窈兮冥,其中有精。 真精之中,其中有信。」 蓋見 物之雌牝、受陽精而胎化者亦然。 惟无妄之主於虚也,故六爻之義,皆 中孚地德也,地德虚,虚則實矣,故 惟中孚之主於 , 其 此 杜 日 中

豚魚吉,信及豚魚也。利涉大川,乘木舟虚

象。]〇吴氏曰慎曰:「「豚魚吉」,蓋信及豚魚者之吉,非 曰:「木在澤上,既爲乘木之象。 石難誠也。 氏湘卿曰:「仁及草木,言草木難仁也。 説王氏弼曰:「用中孚以涉難,若「乘木舟虚也」。」〇鄭 虚舟也。 所以「吉」也。 本義以卦象言。 舟虚則无沈覆之患,卦虚中爲虚舟之象。 「信及豚魚」,言豚 以「中孚」涉險難,其利如乘木濟川 程傳信能 及於「豚魚」,信 魚難信也。」〇蔡氏清 外實内虚,又爲舟虚之 誠動金石,言金 道至矣 而以 集

也。」「中孚豚魚」爲讀。《彖傳》「信及豚魚」,即「中孚豚魚」豚魚吉也。故在卦辭不可以「豚魚吉」三字爲句,當以

中孚以利貞,乃應乎天也。

乎天」矣。天之道孚貞而已。 集説 蘇氏軾曰:「天道本義信而正,則「應乎天」矣。 程傳中孚而貞,則「應

小過,小者過而亨也。

不容僞。」

過也。 則其用不窮而亨矣,故曰「小者過而亨也」。」〇王氏宗 偏者反於中。謂之過者,比之常理則過也。過反於中, 曰:「順時矯俗,雖過而通。」〇朱氏震曰:「小過,小者 小小者與小事有時而當過,過之亦小,故爲小過。 位,剛失位而不中,是「小者過」也,故爲小事過。 過,安能亨哉? 傳曰:「言以過故亨也。 有待過而後能亨者,過之所以能亨也。 本義以卦體釋卦名義與其辭。 象》所謂「過乎恭」、「過乎哀」、「過乎儉」是也。 蓋事有失之於偏,矯其失,必待小有所過,然後 故曰「小者過而亨也」。」 天下固有越常救失之事,如 程傳陽大陰小,陰得 集説孔氏穎達 不有所 事固 過之

同也。而後亨。小過亦非得已之事,然必過而後亨,故其釋義而後亨。小過亦非得已之事,然必過而後亨,故其釋義案:此釋義,與「遯而亨也」同。 遯非得已之事,然必遯

過以利貞,與時行也。

過也,時之宜也,乃所謂正也。 行而不失其貞,則過非過矣。」 也,乃所以爲中也,故曰「過以 曰:「「與時行」,謂隨小過之時而用其正也。」〇襲 者,時而已,故曰「過以利貞,與時行也」。」〇蔡氏淵 也。」〇朱氏震曰:「君子制事,以天下之正理,所以 所謂「利貞」,即《象》之所謂過乎恭、儉與哀者,時當然 曰:「道貴得中,過非所尚,然隨時之宜,施當其可則過 程傳過而利於貞,謂「與時行也」。 利貞,與時行也」。 集説蘇氏軾曰:「彖之 時當過而過,乃非 與時 小過 氏 焕

柔得中,是以小事吉也

本義以二、五言。

剛失位而不中,是以不可大事也。

者,而《彖》以卦才言吉義。「柔得中」,二、五居中也。本義以三、四言。程傳小過之道,於小事有過則吉

陰柔得位,能致「小事吉」耳,不能 爲小過,是則事有當過者,而皆不可外乎中也。」 之枉者,以過爲正。 以小過之時,不可作大事也。」〇胡氏炳文曰:「矯天下 得中不能濟,失位則無所用其剛,不中則才過乎剛,是 有過而不失其正則吉,「柔得中」也。作大事非剛得 曰「小事吉也」。 曰:「柔順之人,能行小事。 事」,而卦才又不堪大事,與時合也。 不中,四失位,是以「不可大事」。小過之時,自「不可大 而不中」,是以不可大事,大事非剛陽之才不能濟。三 大不中時,故曰 『不可大事也』。」○朱氏震曰:「於小事 剛健之人,能行大事,失位不中,是行 然「剛過而中」爲大過。「柔得中」 柔而得中,是行小中時,故 濟大事也。 集説孔氏穎 剛失位 位 達

中」,則有行小事適時,而行大事則非其時之象。中者,適乎時之謂也。此卦「柔得中」,「剛失位而不肯柔,取其畏慎,爲能矜細勤小也。二者皆因乎時,得案:任大事貴剛,取其强毅,可以遺大投艱也。處小事

吉,上逆而下順也。 有飛鳥之象焉,飛鳥遺之音,不宜上宜下,大

本義以卦體言。程傳「有飛鳥之象焉」,此一句不類

日: 吉。 氏琰曰: 也,故「不宜上」,下順也,故「宜下」。小過之時,事有時 附人情,亦「宜下」而「不宜上」也。」〇朱氏震曰:「上逆 是下則順也。猶君子之人,過行其事以矯世勵俗,必下 在内,是内實外虚,故「有飛鳥之象」也。 而當過。 所依著,愈上則愈窮,是上則逆也。下附物則身可 於順,過更變而爲吉也。」〇胡氏瑗曰:「四陰在外,二陽 音宜順也。所以過者,爲順乎宜也。 上有雷,所以爲過也。 遺音,夫聲逆而上則難,順而下則易,故在高則大。 上宜下」,更就鳥音取宜順之義。 身不能甚遠於聲,事不可遠過其常,在得宜耳。「不宜 疾,聲出而身已過,然豈能相遠也,事之當過者亦如是。 則不可,所以在小過也。 從宜,然豈可甚過也。 《彖》體。 「聖人因此卦有飛鳥之象,遂即象以 卦有此象,故就 集説王氏弼曰:「施過於不順,凶莫大焉。 「遡風而上爲逆,隨風而下爲順。」○方氏時化 蓋解者之辭誤人《彖》中。 所以從宜,不可過越已甚,不然必凶也。」○俞 「飛鳥」爲義。 如 過之道,順行則吉,如飛鳥之遺 所過當如飛鳥之遺音,鳥飛迅 「過恭」、「過哀」、「過儉」,大過 過之道,當如飛鳥之 事有時而當過,所以 中 能順乎宜,所以大 剛 戒之曰飛鳥 飛鳥翔空, 外柔,飛鳥之 施 Ш 過

陽爲逆,承陽爲順,四陰分居上下,有逆順之象。」上焉,實爲二陽諷也。」○吴氏曰慎曰:「以卦體言,陰乘鳥上飛則逆,下飛則順,其大致也。今自謂宜下而不宜遺音云。遺音如何? 言【不宜上宜下,大吉】云耳。夫遺音云

象。 案: 謂之大過、小過。 羽儀。此二卦取象之意也。 必過而不失其中,乃歸於無過。 無立、輕而不戢、故宜就於下,不可屬於上也。 太重而橈,故宜隆於上,不可橈於下也。 彖》曰「柔得中」、「不宜上宜下」,斯爲柔之中矣。 四陽居中,則有棟梁之象,四陰居外,則有羽毛之 君子之任大事,則爲天下棟梁, 「剛過而中」,不橈乎下,斯爲剛之中矣。 事固有過以爲中者,無嫌於過也。 然以其陰陽皆過多也,故 故棟則惡其太剛而 脩細行,則爲天下 羽則惡其柔而 小過之 大過之 折 然

既濟,亨,小者亨也。

本義濟下疑脱小字。

集説陸氏銓曰:

「國家當極盛

脩,以爲小,而精神之運,心術之動,以爲大。故屯難之然特其小者爾,聖人之制治保邦也。制度之立,綱紀之案:亨小之義,陸氏説善。既濟之時,自然事事亨通。時,縱有好處,都只是尋常事,所以説「小者亨」。」

吉終亂」者以此,《象》所以言「思患」、「豫防」者亦以此。而亨小者,以其已安已治,四達不悖也。 象所以言「初時而大享者,以其「動乎險中」,不敢安寧也。 既濟之時

利貞,剛柔正而位當也。

已,故特費之也。」 程,做既濟之時,大者固已享矣,唯本義以卦體言。程,傳既濟矣,固宜貞固以守之,卦才剛柔正當其位,當位者其常也。乃正固之義,利於如是之貞也。陰陽各得正位,所以爲既濟也。集説俞氏琰曰:也。陰陽各得正位,所以爲既濟也。集説俞氏琰曰:也,故特費之也。」

初吉,柔得中也。

本義指六二。程傳二以柔順文明而得中,故能成既本義指六二。程傳二以柔順文明而得中,故能成既本義指六二。程傳二以柔順文明而得中,故能成既本。

濟以內卦爲主,至外卦則向乎未濟矣。未濟亦以內卦案:凡《易》義以剛中爲善,而既、未濟皆善柔中者。既

爲主,至外卦則向乎既濟矣。亦猶泰之善在二,而否之

終止則亂,其道窮也。

善在五

日: 才非不善也,時極道窮,理當必變也,聖人至此奈何? 止矣,无常止也。 而窮也。《乾鑿度》曰:「既濟、未濟者,所以明戒慎,全 也,故有終而无亂。 程傳天下之事,不進則退,无一定之理,濟之終不進而 《彖》曰「終止則亂」,非終之能亂也。於其終而有止心, 此聖人深戒之辭。]○張氏清子曰:「卦曰「終亂」,而 以久濟。苟止於逸樂,不自省懼,以爲終安,亂斯至矣, 墜,禍患不警,故持盈守成之道,當須至兢至慎,然後可 王 當知「終止則亂」,不止則不亂也。」 此亂之所由生也。」○俞氏琰曰:「人之常情,處無事則 止心生,止則怠,怠則有患而 道也。」」〇胡氏瑗曰:「天下久治,則人苟安,萬務易 唯聖人爲能通其變於未窮,不使至於極也,堯舜是 衰亂至矣,蓋其道已窮極也。 集説侯氏行果曰:「由止故物亂 不爲之防,此所以亂也。 九五之

未濟,亨,柔得中也。

本義指六五言。程傳以卦才言也。所以能「亨」者,

曰:「既濟之後必亂,故主在下卦而「亨」取二。未濟之也。剛柔得中,處未濟之時可以「亨」也。集説蔡氏淵以「柔得中」也。五以柔居尊位,居剛而應剛,得柔之中

終也。雖不當位,剛柔應也。小狐汔濟,未出中也。濡其尾无攸利,不續

後必濟,故主在上卦而[亨]取五。」

日: 无所往而利也。 也。其進鋭者其退速,始雖勇於濟,不能繼續而終之, 「小狐」也。既果於濟,故有「濡尾」之患,未能出於險中 程傳據二而言也。二以剛陽居險中,將濟者也。 利」以「不續終」,則克終難也。 中」,則敬慎勝也。 訓幾,與井卦同。 成都隱者。 云"「未濟,男之窮也。」謂三陽皆失位也。 「濡尾」也。 濟而有與,若能重慎,則有可濟之理。二以「汔濟」,故 應於五,險非可安之地。 「既濟之吉,以「柔得中」。 卦之諸爻皆不得位,故爲未濟。 集説《朱子語類》云:「「小狐汔濟」,汔字 雖陰陽不當位,然剛柔皆相應。 既曰幾,便是未出坎中。]○郭氏鵬海 既濟之「亂」以「終止」,未濟之「無攸 五有當從之理,故果於 未濟之「亨」,亦以「柔得 既濟之貞以「剛柔正」, 斯義也,聞之 《雜卦 當未 又上 濟 如

皆一念之怠爲之,君子是以貴「自强不息」。」

利,不續終也」。蓋事之既濟而生亂,與未濟而無終者,
既曰「不當位」,又著剛柔之應,可見得人無不可濟之
既曰「不當位」,又著剛柔之應,可見得人無不可濟之
既曰「不當位」,又著剛柔之應,可見得人無不可濟之

御纂周易折中卷十

御纂周易折中卷十一

象 上 傳

本義象者,卦之上下兩象,及兩象之六爻,周公所繫之

天行健,君子以自彊不息。

「至誠無息,「天行健」也,若文王之德之純是也。未能不義,天一而已。但言「天行」,則見其一日一周,而明日者,天一而已。但言「天行」,則見其一日一周,而明日為,解一卦之象。爻下象,解一爻之象。諸卦皆取象以象,解一卦之象。爻下象,解一爻之象。諸卦皆取象以及一周,若重複之象,非至健不能也。君子法之,不以又一周,若重複之象至大,非聖人莫能體,欲人皆可取為,解一卦之象。爻下象,解一爻之象。諸卦皆取象以以自彊不息」,法「天行」之「健」也。集説游氏酢曰:以自彊不息」,法「天行」之「健」也。集説游氏酢曰:以自彊不息」,法「天行」之「健」也。集説游氏酢曰:以自彊不息」,法「天行」之「健」也。集説游氏酢曰:以自彊不息」,法「天行」之「健」也。集説游氏酢曰:有一周,而明日者,天一而已。但言「天行健」也。其识游氏酢曰:

日 《文言》諸作矣。 雷」,艮曰「兼山」,巽曰「隨風」,兑曰「麗澤」,先用而後 「上經四卦,乾曰「天行」,坤曰「地勢」,坎曰「水洊至」, 昨日行,一天也。今日又行,亦一天也。其實一天而行 林氏希元曰:「夫子贊《易》,既釋卦名卦辭而有《彖傳》、 息」至「慎辨物居方」,皆聖人之蘊,因卦以發者也。」○ 窮。故自『天行健』至「火在水上未濟」,自「君子自彊不 以《大象》者,蓋卦名卦辭之説有限,而聖人胸中義理無 也。」〇蔡氏清曰:「孔子於釋卦名卦辭之後,而復加之 體也。乾坤不言重,異於六子也。 離曰「明兩作」,先體而後用也。 而周流不息矣。」又曰:「天運不息,非特四時爲然,雖 逐也。要學他如此不息,只是常存得此心,則天理常行 有重地之象,此所以爲「地勢坤」。」〇「問:「天運不息」 下皆坤,不可言兩地,地平則不見其順,必其高下層層 健不已,有重天之象。此所以爲「天行健」。坤重卦上 也。」〇《朱子語類》云:「乾重卦上下皆乾,不可言兩天。 無息而不息者,君子之自彊也,若顏子三月不違仁是 「君子以自彊不息」。1曰:「非是説天運不息,自家去趕 時,頃刻之閒,其運未嘗息也。」」〇胡氏炳文曰: 見得易理無窮,又合二體之象,作《傳》 稱健不稱乾,異於坤 下經四卦,震曰「洊

曰:主敬,君子莊敬日强。」□立下文,而推原之曰「不息則久」。自彊之法何如?學之爲法天事耳。始於不息,終於無息,故《中庸》於無學之爲法天事耳。始於不息,終於無息,故《中庸》於無以發明之。」○何氏楷曰:「健而無息之謂乾,《中庸》言以發明之。」○何氏楷曰:「健而無息之謂乾,《中庸》言

象傳》則專取兩象以立義,而德體不與焉。 又象下之 案:《彖傳》釋名,或舉卦象,或舉卦德,或舉卦體。《大 所謂先王大人后君子之事,固多與彖義相發明者。 辭,其於人事所以效動趨時者,既各有所指矣。《象傳》 言,而 若曰: 先聖立象以盡意,而意無窮也。 像,其義則無所不包,故推以制器,則有如《繫傳》之所 亦但如《説卦》所謂 條例詳密,疑皆至文王而始備。 辭、爻辭之傳,專釋文周之書。《大象》之傳,則所以示 有自立一義,而出於《彖傳》之外者,其故何也? 見其如此,是故象則本乎義,名則因乎周,義則斷 陳,施之卜筮,亦無往不可以類物情而該事理也。 人讀伏羲之《易》之凡也。蓋如卦體之定尊卑,分比應 (説卦))所謂天地山澤雷風水火之象而已。 言難盡也。 存乎學者之神而明之而已矣。 八卦 相錯者而已。 伏羲畫卦之初,但 其象則無所不 後聖繫辭以 因而重之, 티 : 以己。 夫子 此 亦 義 . 如 彖 盡

以讀文王之書。此夫子傳《大象》之意也。既立,然後學者知有伏羲之書。知有伏羲之書,然後可

潛龍勿用,陽在下也。

初曰「陰始疑」。扶陽抑陰之意,已見於言辭之表。」爻,揭陰陽二字以明《易》之大義。乾初曰「陽在下」,坤處微,未可用也。集説胡氏炳文曰:「夫子於乾坤初本義「陽」,謂九。「下」,謂潛。程傳陽氣在下,君子本義「陽」,謂九。「下」,謂潛。程傳陽氣在下,君子

見龍在田,德施普也。

德之施也。」 普」,正孟子所謂正己而物正者也。 希聲曰: 博施濟衆,乃謂之施乎? 教化漸於物。 程傳見於地上,德化及物,其施已普也。 「陽氣見於田,則生植利於民。聖人見於世,則 故曰「德施普也」。」○梁氏寅曰:「「德施 蓋聞其風 所謂 而興起者,無非 「徳施」,豈 集説 陸氏 其 必

終日乾乾,反復道也。

四以自試,故曰「進退」。」道也。 集説 項氏安世曰:「三以自脩,故曰「反復」。本義「反復」,重複踐行之意。 程傳進退動息,必以

或躍在淵,進无咎也。

躍在淵」言,非決其疑也。蓋曰如此而進,斯无咎耳。」无咎也。 集説 石氏介曰:「「進无咎也」一句,是承「或本義可以進而不必進也。 程傳量可而進,適其時則

飛龍在天,大人造也。

「飛」字。」在天,猶大人以作而居位。「大人」釋「龍」字,「造」釋集説徐氏幾曰:「「大人造」者,聖人作也。龍以飛而來義「造」,猶作也。程傳大人之爲,聖人之事也。

亢龍有悔,盈不可久也。

聖人深爲處盈者致戒。」以時勢言,處之者與時勢俱亢方謂之盈。『不可』二字,程傳盈則變,「有悔」也。 集説谷氏家杰曰:「亢不徒

用九,天德不可爲首也。

剛而好先,則過矣。集説谷氏家杰曰:「一歲首春,一象》。後放此。程傳「用九」,天德也。天德陽剛,復用以下,先儒謂之《大象》。「潛龍」以下,先儒謂之《小本義言陽剛不可爲物先,故六陽皆變而吉。○「天行」本義言陽剛不可爲物先,故六陽皆變而吉。○「天行」

之義。如所謂不可端倪,不可方物,亦此意也。 是全,要之莫知所終,引之烏有其始,更無可爲首也。若言恐用剛之太過,不可爲先,則「天德」兩字,是也。若言恐用剛之太過,不可爲先,則「天德」兩字,是也。若言恐用剛之太過,不可爲先,則「天德」兩字,是之謂,尚恐其用之太過而不可爲先,則「天德」兩字,是之義。如所謂不可端倪,不可方物,亦此意也。之義。如所謂不可端倪,不可方物,亦此意也。

地勢坤,君子以厚德載物。

厚之象,以深厚之德,容載庶物。 勢順傾,故取其順厚之象。 順,則見其高下相因之无窮,至順極厚,而无所不載也。 程傳坤道之大猶乾也,非聖人孰能體之? 本義地,坤之象,亦一而已。故不言重,而言其勢之 了,不能如此之無窮矣。 去,只見得他順,若是薄底物,高下只管相因,則傾陷 云:「高下相因只是順,然惟其厚,所以高下只管相 林氏希元曰: 「地勢坤」,言地勢順也。 君子體之,惟至厚爲能載物。」 而云「地勢坤」也,君子觀 集説《朱子語類》 於此就見其 地厚而其 因 坤

也。

履霜堅冰,陰始凝也。 盛。 也。 耳。 雖微,長則漸至於盛,故戒於初。 本義按《魏志》作「初六履霜」,今當從之。「馴」,順 曰:「上六曰「其道窮也」,由初六順習其道,以至於窮 明九六之爲陰陽,故於乾坤之初畫言之。」○胡氏炳文 微,慎終於始。」〇丘氏富國曰:「乾初九,《小象》釋之以 也、若鳥獸馴狎然。 陽在下」。 「堅冰」 也。 習,因循也。 兩「其道」字具載始末,經曰「堅冰至」,要其終也。 程傳「陰始凝」而爲霜,漸盛則至於「堅冰」。 坤初六、《小象》釋之以「陰始凝」。 於「履霜」而逆以「堅冰」爲戒、所以防漸 集説孔氏穎達曰:「「馴」,猶 言順其陰柔之道,習而不已,乃 馴致其道,至堅冰也。 「馴」,謂習,習而至於 聖 狎 小人 人欲 慮 至 順 꾑

《傳》曰「至堅冰」,原其始也。」

六二之動,直以方也。不習无不利,地道光

哉! 曰:「六二之動,直以方也」。 言坤動也剛,所以能直也 具坤德者。 无不利」,即「坤道其順乎,承天而時行」也。 「大」,即「後得主而有常,含萬物而化光也」。其「不習 即至柔而動剛也。 於二言坤之大用,而六五止言坤德之美。六二之[直], 於五言乾之大用,而九二止言乾德之美。 在天爻,二在地爻,正合乾坤之本位也。 六二爲主爻。蓋二卦之中,惟此二爻既中且正。 「地道光也」。」〇項氏安世曰:「乾以九五爲主爻,坤以 順德而處正位。 形而不易,是其「方」也。」〇王氏宗傳曰:「坤之六二,以 而後可見也。 之義,其大无窮。 程傳承天而動,「直以方」耳,「直方」則大矣。「直方」 集説 玉氏安石曰:「六二之動者,六二之德,動 孔子懼人不曉六二何由兼有乾直,故解之 因物之性而生之,是其「直」也。 六爻所謂盡地之道者,莫二若也,故曰 六二之(方),即至静而德方也。其 地 道光顯,其功順成,豈習而 乾主九五,故 坤主六二,故 六二蓋全 成物之 又五 後利

纔有

功

善,便無安著處。

雖强欲抑遏,終制不住

露者,蓋不曾去根本上理會,自己知未光大,胷中淺狹:

程傳夫子懼人之守文而不達義也,又從而明之,言爲含章可貞,以時發也。或從王事,知光大也。

以 然義所當爲者,則以時而發,不有其功耳,不失其宜,乃 臣處下之道,不當有其功善,必含晦其美,乃正而可常。 「或從王事」而能「无成有終」者,是其知之光大也。 「或從王事」,象只舉上句,解義則并及下文,它卦皆然。 其知之光大,故能含晦」,此極有意味。尋常人欲含晦 知,豈能「含章」也? 其知之光大,故能含晦。 者,多只去鋤治驕矜,深匿名迹。 以時也。 非含藏終不爲也,含而不爲,不盡忠者 集説吕氏祖謙曰:「《傳》云「唯 淺暗之人,有善唯恐人之不 然逾 鋤 逾生,逾匿逾 也。 唯

必其知之光大也。淺暗者有善唯恐人不知,豈能含晦發也,待時而後發也。「或從王事」而能「无成有終」者,泛溢,都不須閑費力。」○王氏申子曰:「含非含藏終不譬如瓶小水多,雖抑遏固閉,終必泛溢,若瓶大則自不

括囊无咎,慎不害也。

哉!

黄裳元吉,文在中也。

程傳能慎如此,則无害也。

本義文在中而見於外也。程傳黃中之文,在中不過無之文也,即美在其中意。」。文在中乃闇然之章,不問了黃中」,中見於外曰「黄裳」。文德實具於中故也。中具於内謂文豈由外襲者哉! 文德實具於中故也。中具於內謂文豈由外襲者哉! 文德實具於中故也。是說谷氏家杰顯之文也,即美在其中意。」

龍戰于野,其道窮也。

窮也」。乾至上而窮則災,坤至上而窮則戰,戰則不止曰:「乾曰「亢龍有悔,窮之災也」,坤曰「龍戰于野,其道程傳陰盛至於窮極,則必争而傷也。 集説 趙氏汝楳

於悔。」

用六永貞,以大終也。

則不能永終,故「用六」之道,利在盛大於終。 本義初陰後陽,故曰「大終」。 以貞爲主,所以「大終」。」○《朱子語類》云:「陽爲大,陰 終,乃「永貞」也。 同德,然乾重「元」,以元爲統。 也。」〇俞氏琰曰:「坤體本小,變爲乾則其用大,故曰 爲小,陰皆變爲陽,所謂「以大終也」,言始小而終大 妙固如此。」 「大終」。」○程氏迥曰:「乾以元爲本,所以「資始」。 『以大終』,是「无終也」。 ○程氏敬承曰:「陽之極不爲首,是「无首」也。 「以大終也」。」〇陸氏振奇曰:「「元亨利貞」,雖乾坤有 集説荀氏爽曰:「陽欲「无首」,陰以 終始循環,變化無端,造化之 坤重「貞」,以貞爲安。」 程傳陰既貞固不足, 能大於 陰之極 坤

雲雷屯,君子以經綸。

成雨,所以爲屯。君子觀屯之象,經綸天下之事,以濟程,傳坎不云雨而云「雲」者,雲爲雨而未成者也。未能事,經引之,綸理之也。屯難之世,君子有爲之時也。未義坎不言水而言雲者,未通之意。「經綸」,治絲之

焉。 於屯 必欲解其鬱結也。」 猶治絲者,既經之又綸之,所以解其結而使就條理也。」 雷方作而未有雨,有屯結之象。 曰:「經者立其規模,綸者糾合而成之,亦有艱難之象 以散屯。 下爲解,以雨澤既沛,無所不被也。 ○吴氏澄曰:「君子治世猶治絲,欲解其紛亂。 屯之時 曰:「坎在震上爲屯,以雲方上升,畜而未散也。 經以象雷之震,綸以象雲之合。]〇馮氏椅曰:「雲 難。 經 而雲雷方興,則屯難之始也。]〇項氏 緯、 綸、 緝, 謂 營爲 君子觀象以治世之屯 也。 故雷雨作 集 説李氏 者, 坎 安世 乃 在 舜 所 震 臣

雖磐桓,志行正也。以貴下賤,大得民也。

乎 ? ŧ, 能自處卑下,所以「大得民也」。 之時,陰柔不能自存,有 屯難之時,以陽而來居陰下,爲「以貴下賤」之象。 程傳賢人在下,時苟未利、「雖磐桓」,未能遂往濟時之 集説王氏弼曰:「不可以進,故「磐桓」也。 於不能,乃「以貴下賤」也,況陽之於陰,自爲貴乎! 然有濟屯之志,與濟屯之用,志在行其正也。 夫以剛明之才,而下於陰柔,以能濟屯之才,而下 一剛陽之才,衆所歸從也。 或疑方屯於下,何有貴 非爲宴安 方屯 九當 更

君,陰爲民,陰陽之義益嚴矣。」
君,陰爲民,陰陽之義益嚴矣。」
君,陰爲民,陰陽之義益嚴矣。」
一樣與「大傷民心,在上者果之以爲主。而初又能「以貴下賤」,而孔子言「行正」。」〇世建之以爲侯,則屯可濟矣,故利。」〇胡氏炳文曰:「乾能建之以爲侯,則屯可濟矣,故利。」〇胡氏炳文曰:「乾之以爲主。而初又能「以貴下賤」,而孔子言「行正」。」〇本,陰爲民,陰陽之義益嚴矣。」

六二之難,乘剛也。十年乃字,反常也。

合也。十,數之終也。難也。至於十年,則難久必通矣。乃得反其常,與正應程傳六二居屯之時,而又「乘剛」,爲剛陽所逼,是其患

平禽爲禽所蔽。雖无虞猶漫往,不省其不可也。動於禽也。當屯之時,不可動而動,猶「无虞」而「即鹿」,以禽也。當屯之時,不可動而動,猶「无虞」而「即鹿」,以貪配。當屯之時,不可動而動,猶「无虞」而「即鹿」,以貪即鹿无虞,以從禽也。君子舍之,往吝,窮也。即鹿无虞,以從禽也。君子舍之,往吝,窮也。

字,所謂禽荒者也,是以身徇物也。」 第也。」 ○蔡氏清曰:「從字重,是心貪乎禽也。 故著以利禄,不由道而漫往求者如之。 君子則舍之,往則吝則

是即起例處。餘卦放此。案"《象傳》有單字成文者,如此爻「窮」也,下爻「明」也

求而往,明也。

上爲「往」。」 是傳知己不足,求賢自輔而後往,可謂明矣。居得致 是傳知己不足,求賢自輔而後往,可謂明矣。居得致 是傳知己不足,求賢自輔而後往,可謂明矣。居得致 是傳知己不足,求賢自輔而後往,可謂明矣。居得致

通。例六四應初九,從九五,皆有吉義,故作從初從五俱可例六四應初九,從九五,皆有吉義,故作從初從五俱可求已而已往從之,於「求而往」三字語氣亦叶。又《易》案:《傳》、《義》皆謂已求人也,胡氏、俞氏、蔣氏,皆作人

屯其膏,施未光也。

程傳膏澤不下及,是以德施未能光大也。人君之屯

施,即「未光」,非謂得施而但未光也。」也。 集説谷氏家杰曰:「「施」字當「澤」字,澤屯而不

泣血漣如,何可長也。

此 之意,如楊氏之説 案:《象傳》凡言「何可長」者,皆言宜速反之,不可遲緩 事畢矣。 之,足以包括衆理。 長久乎 程傳屯難窮極,莫知所爲,故至泣血。 也。 非惟深憫之,亦覬其變也,變則庶乎通矣。」 ! 集説楊氏簡曰:「「何可長」者,言何可長如 夫卦者事也,爻者事之時也。 引而伸之,觸類而長之,天下之能 顛沛如此,其能 分三而 又兩

山下出泉,蒙,君子以果行育德。

「山下出泉」,静而清也。汩則亂,亂不決也。慎哉其惟行,如筮焉。筮,叩神也,再三則瀆矣,「瀆則不告」也。能通行,則以果決其所行,觀其始出而未有所向,則以能通行,則以果決其所行,觀其始出而未有所向,則以本義「泉」,水之始出者,必行而有漸也。程傳「山下本義「泉」,水之始出者,必行而有漸也。程傳「山下本義「泉」,水之始出者,必行而有漸也。程傳「山下本義「泉」,水之始出者,必行而有漸也。程傳「山下本義「泉」,水之始出者,必行而有漸也。程傳「山下本義」。

剛中,以決果其行而達之。蒙而未有所害也,必體艮之 是内外動静交相養之道。 静止,以養育其德而成之。」○蔡氏清曰:「「果行育德」, 水之有本。」〇徐氏幾曰:「蒙而未知所適也,必體坎之 有行也。君子觀蒙之象,果其行如水之必行,育其德 其德止也。 然使其源之不深,則其行雖果,而易以竭,艮之象山 真氏德秀曰:「泉之始出也 下出泉」云者,泉者水之源,所謂純一而不雜者矣。」○ 時中乎!1〇王氏宗傳曰:「不曰『山下有水』,而曰『山 遽達哉? 唯其果決必行,雖險不避,故終能流而成川。 山惟其静止,故泉源之出者無窮,有 養蒙之道,不外乎此。」 ,涓涓之微,壅於沙石,豈 1止而後 也 如

利用刑人,以正法也。

於小,所以脱之於大,此聖人用刑之本心也。 教而誅乎! 之,漸至於化也。 傳治蒙之始,立其防限,明其罪罰,正其法也。 法,非所以致刑也。 者,不復知教化在其中矣。 本義「發蒙」之初,法不可不正,懲戒所以正法也。 不知立法制刑,乃所以教也。 或疑 至其極也,用師擊之,猶爲禦而 「發蒙」之初,遽用刑人,无乃不 集説項氏安世曰: 蓋後之論刑 所以 使之由 「刑之 程 不 正

所以爲一卦之主也與。」 寇。蓋聖人之於蒙,哀矜之意常多。此九二之「包蒙」,

子克家,剛柔接也。

上下之情相接,則二雖剛中,安能尸其事乎? 柔之情相接,故得行其剛中之道,成「發蒙」之功,苟非任專也。二能主蒙之功者,五之信任專也。二與五剛任專也。二與五剛

勿用取女,行不順也。

三所行不順,故勿用取之。」
本義「順」當作慎,蓋「順」、「慎」古字通用。《荀子》「順本義「順」當作慎,蓋「順」、「慎」古字通用。《荀子》「順本義「順」當作慎,蓋「順」、「慎」古字通用。《荀子》「順本

困蒙之吝,獨遠實也。

不能親賢以致困,可吝之甚也。「實」,謂陽剛也。 集得明矣。故困於蒙可羞吝者,以其獨遠於賢明之人也。四陰柔而最遠於剛,乃愚蒙之人,而不比近賢者,无由本義實,叶韻去聲。 程傳蒙之時,陽剛爲「發蒙」者,

卦之中,獨不能近陽實之賢,故困於蒙而無由達也。」也」。」○王氏申子曰:「陽實陰虚,「獨遠實」者,謂於一五皆與陽應,惟六、四所比所應皆陰,故曰「獨遠實抵孔氏穎達曰:「陽主生息,故稱「實」,陰主消損,故不説孔氏穎達曰:「陽主生息,故稱「實」,陰主消損,故不

童蒙之吉,順以巽也。

優於天下矣。 集説 胡氏一桂曰:「「順」,以爻柔言。程傳舍己從人,順從也。降志下求,卑巽也。能如是,

利用禦寇,上下順也。

「巽」,以志應言。」

寇」,上下皆得其順也。上不爲過暴,下得擊去其蒙,本義「禦寇」以剛,上下皆得其道。 程傳「利用禦

雲上於天,需,君子以飲食宴樂。

「禦寇」之義也。

天,必待陰陽和治,然後成雨。雲方上於天,未成雨也,而已。一有所爲,則非需也。 程 傳 雲氣蒸而上升於事之當需者,亦不容更有所爲。但飲食宴樂,俟其自至本義「雲上於天」,无所復爲,待其陰陽之和而自雨爾。

其心志,所謂居易以俟命也。 其才德,而未施於用也。 故爲須待之義。 樂」者,所以寧神也。 見欲雨之義,故云「雲上於天」,是天之欲雨,待時而落, 言天上有雲,而言「雲上於天」者,若是天上有雲,無以 之象,懷其道德,安以待時,飲食以養其氣體,宴樂以和 無所謀慮也。「飲食」則素其位,而「宴樂」則不願乎外 吴氏澄曰:「宴者,身安而他無所營作。樂者,心愉而他 所爲,待之而已。 待之須有至時,學道者亦猶是也。」○ ○《朱子語類》云:「「需」,待也。 所以明需。」○胡氏瑗曰:「「飲食」者,所以養身也。 也。」〇谷氏家杰曰:「「雲上於天」而後可以待雨,君子 有爲於前而後可以待治,不然不幾於坐廢乎!」 陰陽之氣交感而未成 是亦樂天知命,居易俟時耳。」 君子觀「雲上於天,需」而爲雨 集説孔氏穎達曰:「不 「以飲食宴樂」,謂更無 雨澤, 猶 君子 「宴 畜

需于沙,衍在中也。

雖小有言,以吉終也。

呈專處贖遠者,不犯冒險難而行也。傷之爲物,剛建也。 也。 需于郊,不犯難行也。利用恒无咎,未失常

安處不失其常,則可以「无咎」矣。雖不進而志動者,不上進者也。初能需待於曠遠之地,不犯險難而進,復宜程傳處曠遠者,不犯冒險難而行也。陽之爲物,剛健

也。 犯難而不顧耳,所以不失常最難。 常主,或爲才能所使,或爲意氣所動,或爲事勢所激 「不犯難而行,便是常。 恬然若將終身焉,乃能用常也。 能安其常也。 若能不失常,更有何事。」 君子之需 不失常,便是恒德。 時 '也,安静自守,志雖 集説孫氏質卿 「飲食宴樂」,不失常 人惟中 有須,而 日 雖, 無

動其心,夫如是終吉,以九二得其道故也。」 本義「衍」,寬意。以寬居中,不急進也。程傳「衍」,不以小言 京綽也。二雖近險,而以寬裕居中,故「雖小有言語」及 東说楊氏簡曰"「衍在之,「終」得其「吉」,善處者也。集説楊氏簡曰"「衍在之,「終」得其「治」,不急進也。程傳「衍」,

需于泥,災在外也。 外也」。 慎,量宜而進,則无喪敗也。 寇」,由己進而迫之,故云「自我」。 示人之意切矣。 本義「外」,謂外卦。 災,患難之通稱,對 程傳三切逼 「敬慎不敗」,發明占外之占,聖人 自我致寇,敬慎不敗 · **眚**」而言則分也。 需之時,須而後進也。 上體之險難,故云「災在 寇自己致,若能 三之「致 也。 敬 其

耳。 喫跌,便是慎。 字細小,如人行路一直恁地去,便是敬,前面險處防有 義在相時 《象》以「自我」釋之,明致災之由,不在他人也。」 外,未嘗逼人。由人急於求進,自逼於險,以致禍敗。 是恁地思去,慮是怕不恁地底意思。」〇項氏安世曰: 無失,則雖與之逼,亦無敗理。]〇丘氏富國曰: 「寇雖在外,然亦不自至,我有以致之則至。 集説《朱子語類》: 而 動,非 慎是惟恐有失之之意。 戒 其不得進也,直使敬慎毋失其宜 「問:「敬慎。」曰:「敬字大,慎 如思慮兩字,思 我敬慎而 「坎險在

需于血,順以聽也。

道也。」 不敗,四 於九五也。」〇胡氏炳文曰:「三能敬,則 柔,故有順聽之象。1〇吳氏澄曰: 所不通,雖如四之人險而傷,其處之亦有道,六與四皆 不言吉凶,何也? 以不至於凶也。 蓋陰柔不能與時競,不能處則退。 程傳四以陰柔居於險難之中,不能固處,故退出自穴。]能順 ,則雖陷坎之險而可出,敬與順,固處險之 集説楊氏簡曰:「六四入險而傷,然 能需 而退聽故也。《易》之爲道,無 「謂六四柔順以聽從 是順從以聽於時,所 雖迫坎之險而

酒食貞吉,以中正也。

集説梁氏寅曰: 所以能需處。」 中正,所以需合於貞而得吉。 也。」〇張氏振淵曰: 程傳需于酒食而貞且吉者,以 「言以「中正」,見 「内多欲則有求治太急之患,德 中正,即孚貞意,是推 五得中 **儿其飲宴** 正 丽 盡 者 一其道 非 耽 也。 惟 原 樂

不速之客來,敬之終吉,雖不當位,未大失

也。

固不待言。至於餘四爻,如二則「小有言終吉」,如三之 不當位,謂以陰而在上也,爻以六居陰爲所安,《象》復 款曲停待,終是少錯。」○蔡氏清曰: 大失也。 以自處,則陽不能陵,終得其吉,「雖不當位」,而未至於 盡其義,明陰宜在下而居上,爲「不當位」也。 陰居險極,正與《困》上六「困於葛藟,未當也」一般。」 「有不速之客三人來,敬之終吉」。 象則曰「敬慎不敗」,四之象則曰「順以聽」也,上則 本義以陰居上,是爲當位,言「不當位」未詳。 集説 吕氏祖謙曰:「需初九、九五二爻之吉, 大抵天下之事,若 「雖不當位」,謂 然能敬慎 程 . 傳 其 能 曰

天與水違行、訟、君子以作事謀始。

謀始之義廣矣,若慎交結、明契券之類是也。 所作事,必謀其始,絕訟端於事之始,則訟无由生矣。 相 傳天上水下,相違而行,二體違戾,訟之由也。 謀之,看事理 始,作事不豫謀,此訟端之所由起也。 矣。」〇林氏希元曰:「訟不興於訟之日,而興於作事之 吉終凶」,然能謀於其始,則訟端既絶,中與終不必言 行」也。」○胡氏炳文曰:「凡事有始有中有終,《訟》「中 氏澄曰:「水行而下,天行而上,其行兩相背戾,是「違 本義天上水下,其行相違,作事謀始,訟端絶矣。 無自起矣。」 凡其事之不善而可以致訟者,皆杜絶之而不爲,則訟端 順,訟何由興? 有無違礙,人情有無違拂,終久有無禍患, 君子觀象,知人情有争訟之道,故凡 故君子於其始而 集説吴 若上下 程

不永所事,訟不可長也。雖小有言,其辯明

也。

則不勝而禍難及矣。又於「訟」之初,即戒訟非可長之程傳六以柔弱而訟於下,其義固不可長永也,永其訟

食舊德,從上吉也。

之通義,而不欲其成。 訟端,而不欲其長。」 子曰:「止訟於初者上也,故於「訟」之初,即以「訟不 長」爲戒。」○俞氏琰曰:「《彖傳》云「訟不可成」,蓋言訟 而不相得相訟者也,故二與五爲對敵也。 義,同位而相應相與者也,故初於四爲獲其辯明,同位 應,辯理之明,故終得其吉也,不然其能免乎? 有小災,故「小有言也」。 事 也。 柔弱居下,才不能 爻《傳》云「訟不可長」,蓋言初爲 既不永其事,又上有剛陽之正 訟 雖 不 永所事 既既 集説王氏申 訟 在訟之 矣,必 可

本義級,自取也。程傳義既不敵,故不能訟,歸而逋本義級,自取也。程傳義既不敵,故不能訟,歸而通愈,避去其所也。自下而訟其上,義乖勢屈,禍患之至,始拾掇而取之,言易得也。集説項氏安世曰:「上兩若不知自反,則禍患之至,如掇拾而取之矣。《彖》稱二若不知自反,則禍患之至,如掇拾而取之矣。《彖》稱二若不知自反,則禍患之至,如掇拾而取之矣。《彖》稱二,以而來而得中」,而爻義乃如此,蓋彖總言一卦之體,爻

不克訟,歸逋竄也。

自下訟上,患至

掇

也

本義從上吉,謂隨人則吉,明自主事則无成功也。程

斯猷,皆我后之德。從王事而无成,何以訟爲,故「從上吉也。 集説,喬氏中和曰:「二「食舊德」,其卒也,斯謀傳守其素分,雖從上之所爲非由己也,故无成而終得其

復即命渝,安貞,不失也。

古」。」

而四之貞所以爲「不失也」。」曰:「二沮於勢,四屈於理,此二之美所以止於「无眚」,程傳能如是則爲无失矣,所以吉也。 集説丘氏富國

訟元吉,以中正也。

下而聽不偏,因事求情而斷合理,此之謂大人也。」施而不「元吉」。 集説楊氏啟新曰:「中正,則虚心盡本義中則聽不偏,正則斷合理。 程傳中正之道,何テ言 じ 月 五 七

以訟受服,亦不足敬也。

九曰「莫益之」,偏辭也。」敬」,且據其以訟得服言也,況終必見褫乎! 猶《益》上惡,況又禍患隨至乎! 集説蔡氏清曰:「「亦不足惡,況又禍患隨至乎! 集説蔡氏清曰:「「亦不足程傳窮極訟事,設使受服命之寵,亦且不足敬而可賤

地中有水,師、君子以容民畜衆。

本義水不外於地,兵不外於民,故能養民則可以得衆矣。程傳地中有水,水聚於地中,爲衆聚之象,故爲師也。君子觀師之象,必容保其民,必畜其兵衆焉。蓋里, 君子觀地中有水,水聚於地中,爲衆聚之象,故爲師田以民分,兵以賦出,故當無事之時,必制田里,教樹苗,使比間族黨州鄉之民,無不各得其養,民既有養,則面以民分,兵以賦出,故當無事之時,必制田里,教樹苗,使比間族黨州鄉之民,無不各得其養,民既有養,則高於此矣,苟平時誨之無其方,則緩急誰復爲之用哉。」

師出以律,失律凶也。

集説蔡氏清曰:「不曰「否臧凶」,而曰「失律凶」者,明程傳師出當以律,失律則凶矣,雖幸而勝,亦凶道也。

「否臧」之爲「失律」也。」

以二專主其事,故發此義,與前所云世儒之見異矣。王人臣非君寵任之,則安得專征之權而有成功之吉? 象程 傳 在師中吉者,以其承天之寵任也。天,謂王也。在師中吉,承天寵也。 王三錫命,懷萬邦也。

當」,謂六三失位也。」

師或輿尸,大无功也。

程傳倚付二三,安能成功? 豈唯无功,所以致凶也。

之道也。衆所不一,必无成功,九二既作帥,六三居二

集説楊氏簡曰:「行師之法,權歸一將,使衆主之,凶

之上,有權不歸一之象。」

左次无咎,未失常也。

會,退而左次,未爲失常也。」

「以无咎。集説楊氏時曰:「師以右爲主,常也。左是以无咎。集説楊氏時曰:「師以右爲主,常也。左宜,乃其常也,故左次未爲失也。如四退次,乃得其宜,在義知難而退,師之常也。程傳行師之道,因時施

程傳長子,謂二。以中正之德合於上,而受任以行,若長子帥師,以中行也。弟子輿尸,使不當也。

集説孔氏穎達曰"「以中行」,是九二居中也。「使不復使其餘者衆尸其事,是任使之不當也,其凶宜矣。

大君有命,以正功也。小人勿用,必亂邦也。 用之,用之必亂邦,小人恃功而亂邦者,古有之矣。 者,以亂易亂,必不可。」〇胡氏炳文曰:「「王三錫命」, 國承家,則害及民,必亂邦也,去一害民者,又用一害民 正功,言賞必當功,不可差失也。「開國承家」之始,其 説楊氏簡曰"「師之終功成,「大君有命」,所以賞功也。 旅之功,師之終也。雖賞其功,小人則不可以有功 本義聖人之戒深矣。 程傳大君持恩賞之柄,以正 封,或封而不任,不任亦不用也。」 於師終。始無弟子,則終無小人,即使有之,或賞而 邦1,丈人小人之所以分,此固聖人之所深慮遠戒也。」 命於行師之始,「大君有命」,命於行師之終,「懷邦」「亂 始也。用小人爲將帥,幸而成功,則難於不賞,使之開 初不可用小人也,於此始言「勿用」者,因此賞功,原其 ○邵氏寶曰:「「弟子輿尸」,戒於師始。 「小人勿用」,戒 7而任 集

地上有水,比,先王以建萬國,親諸侯。

本義地上有水,水比於地,不容有閒。 建國親侯,亦先

往比人。 王所以比於天下而无閒者也。 彖意人來比我,此取 程傳夫物相親比而无閒者,莫如水在地上, 我

所以爲比也,先王觀比之象,「以建萬國,親諸侯」。 立萬國,所以比民 也。 親撫諸侯,所以比天下也。 集 建

説張氏浚曰"「水行地上,小大相比,率以歸東,先王法 之,「建萬國」以下比其民,「親諸侯」以上比其君,若身

使臂、臂使指、小大相維、順以聽命、制得其道 也。」

而比,故建諸侯使比民,而天子所親者諸侯而已,這便 〇《朱子語類》云:「伊川言建萬國以比民,民不可盡得

畎澮相比,以比於川,九川相比,以比於海,如萬國諸 是比天下之道。」〇馮氏當可曰:「地上之水,異源同流,

氏炳文曰:「師之「容民畜衆」,井田法也,可以使民自相 侯,大小相比,而方伯連帥,率之以比於天子也。] 〇胡

合而無閒,比之建國親侯,封建法也,可使君與民相 合

比之初六,有它吉也。

而無閒。」

終致有它之吉; 程傳言比之初六者,比之道在乎始也。 其始不誠,終焉得吉? 上六之凶,由 始能有孚,則

> 及「盈缶」等語,《象傳》皆略之,直舉初六爲言,可見比 无首也。 集説蔣氏悌生曰"「爻辭『有孚』凡兩更端,

明。」

之要道,在乎始先。

此義與卦解「後夫凶」之意相發

比之自内,不自失也。

體順,故有貞吉自失之戒,戒之自守,以待上之求,无乃 之求,乃不自失也。《易》之爲戒嚴密,二雖中正,質柔 本義得正則不自失矣。 程傳守己中正之道,以待上

涉後凶乎? 曰:士之脩己,乃求上之道,降志辱身,非 自重之道也,故伊尹、武侯救天下之心非不切,必待禮

至然後出也。 集説朱氏震曰:「六二柔也,恐其自失

也,二處乎内,待上之求,然後應之,「比之自内」者也

故曰「不自失也」。」

比之匪人,不亦傷乎。

程傳人之相比,求安吉也,乃比於匪人,必將反得悔

吝,其亦可傷矣,深戒失所比也。

外比於賢,以從上也。

程傳「外比」謂從五也。 五剛明中正之賢,又居君位

四比之,是比賢且「從上」,所以吉也。

顯比之吉,位正中也。舍逆取順,失前禽也。

邑人不誡,上使中也。

免矣。 是也。 中也,比與隨是也。 其所居之位得正中也,處正中之地,乃由正中之道也, 順」,謂取下四陰,陰以承陽爲順也,失上一陰,故曰 國曰:「「舍逆」,謂舍上一陰,陰以乘陽爲逆也。 『取 親近,上之使下,中平不偏,遠近如一也。 失者前去之禽也,言來者撫之,去者不追也,不期誡於 比以不偏爲善,故云「正中」。凡言「正中」者,其處正得 本義由上之德,使不偏也。 比之使中,誰使之,亦五也。」 前禽」。」○胡氏炳文曰:「師之使不當,誰使之,五也, 比以向背而言、謂去者爲逆、來者爲順也 禮取不用命者,乃是舍順取逆也,順命而去者皆 言「中正」者,得中與正也,訟 程傳顯比所以吉者,以 集説丘氏富 一故所 與需 失

比之无首,无所終也。

則爲无終,无首則无終矣。程傳比既「无首」,何所終本義以上下之象言之,則爲「无首」,以終始之象言之,

乎? 凶」之義。」 終,故曰『无所終』也。」○蔣氏悌生曰:「即卦辭『後夫 與,凶之道也。『首』,初也。 也誠,比不於其初,及終而始求比,不忠不信,人所 日「无所終」也。 相比有首,猶或終違,始不以道,終復何保? 集説楊氏簡曰: 有始則 一由初 有終,無始何以 而比之,其 故 不 比 能

風行天上,小畜,君子以懿文德。

本義風有氣而无質,能畜而不能久,故爲小畜之象。

也。 小也。 藝。 過後則旋復其舊,是能 之義、君子所蕴畜者、大則道德經綸之業、小則文章才 畜也。君子觀小畜之義,以懿美其文德。畜聚爲藴畜 之,然非能固制其剛健也,但柔順以擾係之耳,故爲 巽所畜,夫剛健之性,惟柔順爲能畜止之,雖可以 懿文德」,古未能厚積而遠施也。 君子觀小畜之象,以懿美其文德,文德方之道義爲 集説林氏希元曰"「大風一過,草木皆爲屈橈, 畜 而不能久也,有氣而無質故 程傳乾之剛健而爲 畜 小 止

復自道,其義吉也。

歸道,其行己必不悖於理,是能自畜者也,故曰『其義應,在畜時乃相畜者也。 集説 張氏浚曰:「能反身以程傳陽剛之才,由其道而復,其義吉也。初與四爲正

牽復在中,亦不自失也。

本義「亦」者,承上爻義。程傳二居中得正者也,剛本義「亦」者,承上爻義。程傳二居中得正者也,剛本義「亦」者,本上爻義。程傳二居中得正者也,剛不能不自失。既復矣,則「亦不自失也」,云「亦」者,能勉於復,故亦許其不自失。」○俞氏琰曰:「往而不復,則不能不自失。既復矣,則「亦不自失也」,云「亦」者,承上爻之義,以初九之不失而亦不失也。」

夫妻反目,不能正室也。

安世曰:「下卦三陽,皆爲巽所畜者也,初九止之於初,不使進,猶夫不能正其室家,故致反目也。 集説項氏目」,蓋由不能正其室家也,三自處不以道,故四得制之本義程子曰:「説輻反目,三自爲也。」程傳「夫妻反本義程子曰:「説輻反目,三自爲也。」程傳「夫妻反

之,故曰「不能正室也」。」

不施畜止而自復於道,無過可補,此畜之最美者也。九不施畜止而自復於道,無過可補,此畜之最美者也。九三剛已過中而後畜之,四當其上,其勢必至於相也。九三剛已過中而後畜之,四當其上,其勢必至於相也。九三剛已過中而後畜之,四當其上,其勢必至於相也。九三剛已過中而後畜之,與其之,故曰「不能正室也」。」

有孚惕出,上合志也。

程傳四既「有孚」,則五信任之,與之合志,所以得「惕程傳四既「有孚」,則五信任之,與之合志,所以得「惕程」則「血去」可知,臺萬恐懼猶氏宗傳曰:「但云「惕出」則「血去」可知,舉其輕者也。五出」而无咎也。「惕出」則「血去」可知,舉其輕者也。五年傳四既「有孚」,則五信任之,與之合志,所以得「惕

有孚攣如,不獨富也。

助,而能濟其衆也。君子之處艱厄,惟其至誠,故得衆力之不獨有其富也。君子之處艱厄,惟其至誠,故得衆力之程傳「有孚攣如」,蓋其鄰類皆牽攣而從之,與衆同欲,

既雨既處,德積載也。君子征凶,有所疑也。

也,坤上六曰「陰疑於陽」,亦此也,凶道也。」而又往致其畜則犯矣,非其道也。有所疑,疑其不順制之,則不至於凶矣。 集説楊氏簡曰:「既畜而通矣,害君子,安得不疑慮乎? 若前知疑慮而警懼,求所以害君子,安得不疑慮乎? 若前知疑慮而警懼,求所以程傳「既雨既處」,言畜道積滿而成也。陰將盛極,君

上天下澤,履,君子以辨上下,定民志。

象,以辨别上下之分,以定其民志。 終身居之,得其分也。位未稱德,則君舉而進之,士脩 不可得而治也。占之時,公卿大夫而下,位各稱其德: 後民志有定,民志定,然後可以言治。 理也,人之所履當如是,故取其象而爲履。君子觀履之 不亂難矣,此由上下无定志也。君子觀履之象,而分辨 億兆之心交騖於利,天下紛然,如之何其可一也。 自庶士至於公卿,日志於尊榮,農工商賈日志於富侈, 事,而所享有限,故皆有定志,而天下之心可一。 其學,學至而君求之,皆非有預於己也。 農工商賈勤其 本義程《傳》備矣。 上下,使各當其分,以定民之心志也。 程傳天在上,澤居下,上下之正 夫上下之分明,然 民志不定,天下 集説《朱子語 欲其 後世

> 卑之卑者。」 卑之卑者。」 卑之卑者。」 與》:「問:「履如何都作「禮」字説?」曰:「禮主卑下, 類》:「問:「履如何都作「禮」字説?」□:「禮主卑下, 類》:「問:「履如何都作「禮」字説?」□:「禮主卑下, 類》:「問:「履如何都作「禮」字説?」曰:「禮主卑下,

素履之往,獨行願也。

幽人貞吉,中不自亂也。

由於志之定也。」 素而曰「行願」,二之坦而曰「不亂」,可見其身之履,皆如安静,不以利欲自亂也。 集説谷氏家杰曰:「初之心安静,不以利欲自亂也。 集説谷氏家杰曰:「初之是傳履道在於安静,其中恬正,則所履安裕。 中若躁

君,志剛也。 行也。咥人之凶,位不當也。武人爲于大眇能視,不足以有明也。跛能履,不足以與

陽,才弱而志剛也。 務剛,所履如此,其能免於害乎? 以爲王事,於進以行其志之剛則可。 顧其位不當,勇於行而履危蹈禍。 不足以有爲,以當履之時,一陰爲主,適與時遇,是以不 人而爲大君也。 正,所以致禍害,被咥而凶也。 程傳陰柔之人,其才不足,視不能明,行不能遠,而乃 凶」後言之,用各有當也。」 集説王氏申子曰:「三質暗才弱,本 志剛則妄動,所履不由其道,如武 以武人爲喻者,以其 斯道也,唯武人用之 以柔居三,履非其 故爻辭於「咥人 處

愬愬終吉,志行也。

而志剛,勇於行而不知懼,四剛而志柔,謹於行而知所申子曰:「三與四皆履虎尾者,三凶而四吉何也? 三柔也,去危則獲吉矣。陽剛,能行者也,居柔,以順自處者也,去危則獲吉矣。陽剛,能行者也,居柔,以順自處者

六三相反,故其志行。」惟五爲虎,故九四亦有「履虎尾」之象,以九居四,正與也。」○沈氏一貫曰:「合而言之,則乾爲虎,離而言之,懼也。懼則能防,是以「終吉」,其吉者,上進之志行

夬履貞厲,位正當也。

使得正亦危道也。 也,居至尊之位,據能專之勢而自任剛決,不復畏懼,雖本義傷於所恃。 程傳戒「夬履」者,以其正當尊位

元吉在上,大有慶也。

是解所以「元吉」、「大有慶」是正解元吉。」人之所履善而吉、至其終周旋无虧、乃大有福慶之人人之所履善而吉、至其終周旋无虧、乃大有福慶之人人之所履善而吉、至其終周旋无虧、乃大有福慶之人本義若得元吉、則大有福慶也。程傳上、履之終也。

宜,以左右民。天地交,泰,后以裁成天地之道,輔相天地之

地交而陰陽和,則萬物茂遂,所以泰也。人君當體天地本義「裁成」以制其過,,輔相」以補其不及。程傳天

爲之方也。 右生民也。「裁成」,謂體天地交泰之道而裁制成其施 通泰之象,而以「裁成天地之道,輔相天地之宜」, 限 聖人與他截作春夏秋冬四時。」○蔡氏淵曰:「氣化流 化, 儱侗相續下來, 聖人便截作段子, 如氣化一年一周 輔翼之,乃得遂其生養,是「左右」之也。 法"、秋氣成實萬物,則爲收斂之法,乃輔相天地之宜,以 功,成其豐美之利也。 當秋而斂,高者種黍,下者種稻,此「輔相天地之宜 高黍下稻,亦地勢之所宜,聖人則輔相之,使當春而耕! 形廣邈,經緯交錯,聖人則爲之裁制以分東西南北之 行,儱侗相續,聖人則爲之裁制,以分春夏秋冬之節,地 類》云,「「裁成」是截作段子,「輔相」是佐助他。 左右輔助於民也。 人君體之而爲法制,使民用天時,因地利,輔助化育之 也。」〇王氏申子曰:「天地交而陰陽和,萬物遂,所以爲 ,此「裁成天地之道」也。 物之不泰也。」 人君象之,裁成其道,輔相其宜,此天地之間,所以 「輔相天地之宜」,天地通泰,則 民之生,必賴君上爲之法制,以教率 如 春氣發生萬物,則爲 春生秋殺,此時運之自然. 集説《朱子語 萬物茂遂 天地之 播 植之 以 左

拔茅征吉,志在外也。

程傳時將泰,則羣賢皆欲上進,三陽之志欲進

同

也,故

取茅茹彙征之象,志在外,上進也。 曰:「君子之志在天下,不在一身,故曰「志在外也」。」 集説 楊氏 萬 里

包荒得尚于中行,以光大也

程傳《象》舉「包荒」一句,而通解四者之義,言如 此 則

能配合中行之德,而其道光明顯大也

之本、然「包荒」而得合乎中道者,以其正大光明,明斷 案:《傳》只舉「包荒」,非省文以包下。 之公,以與「包荒」相濟,而中道無不合也 無私,是以有「馮河」之決,有「不遐遺」之照,有「朋亡」 蓋「包荒」是治道

无往不復,天地際也。

程傳「无往不復」,言天地之交際也,陽降於下,必復於

交際之道,明否泰不常之理,以爲戒也

上,陰升於上,必復於下,屈伸往來之常理

也。

因

天

地

案:「天地際」,只是言乾坤交接之際也。

自卦言之,外

卦爲陰往,自爻言之,外卦又爲陰來。

翩翩不富,皆失實也。不戒以孚,中心願也。

者時也。 之疾,不待富而鄰從者,以三陰在上,皆失其實故 意相與者,蓋其中心所願故也。 陰本在下之物,今乃居上,是「失實」也。 本義陰本居下,在上爲「失實」。 集説李氏簡曰:「爻言「不富」、《象》言「失 理當然者天也, 衆所同 程傳「翩翩」,下往 不待告戒而誠 也。

而其志同1也。」〇俞氏琰曰:「「失實」,與蒙六四「遠實」 以彙交於上,在上卦之初則明以鄰交於下,蓋「上下交 也。 謂五與上也,故四、五皆稱行願,在下卦之初則明 鄰,類

實」,是皆不以富貴驕人,而有虚中無我之意也。

其鄰從之者,以三爻皆不富而欲資於陽故也,不待期約 同,皆指陽爲實也。 心願也」。」〇何氏楷曰:「「失實」,即不富之謂。 不富而 志同」也,泰之時,上下不相疑忌,蓋出其本心,故曰『中 在外而失所依,故曰「皆失實也」。願者,「上下交而其 陰之從陽,猶貧之依富也,今三陰

案: 《易》中皆以陰陽分虚實,不因乎上下也,故凡陽爻爲實 「失實」,猶言實若虚也,四、五皆虚中以下交,其視勢位 爲富,陰爻爲虚爲不富,則 王弼以陰居上爲「失實」,而《傳》、《義》從之。 「失實」之爲解不富,明 矣。 考

而

.相孚,各出於其中心之所願欲也。」

所謂「忘勢」是也,李氏、俞氏、何氏之説,蓋合經指。 與才德,皆若無有然者,《大學》所謂「無他技」,《孟子》

以祉元吉,中以行願也。

祉福且元吉也,所謂「上下交而其志同」如此。」 行願』,謂以柔中之德,而行此志願以合乎下,故能受其 也,非其所欲,能從之乎? 願也,有中德,所以能任剛中之賢,所聽從者,皆其志願 程傳所以能獲祉福且元吉者,由其以中道合而行其志 集説王氏宗傳曰:「「中以

城復于隍,其命亂 也

矣,雖其命之亂,不可止也。 本義命亂故復否,告命所以治之也。 程傳城復于隍

天地不交,否,君子以儉德辟難,不可榮以

禄。

榮居禄位也。 子道消,當觀否塞之象,而以儉損其德,辟免禍難,不可 患必及其身,故宜晦處窮約也 位榮之。 本義收斂其德,不形於外,以辟小人之難,人不得以禄 程傳天地不相交通,故爲否。 否者小人得志之時,君子居顯榮之地,禍 否塞之時,君

拔茅貞吉,志在君也

瑗曰: 也。 天下也,其志常在得君而進,以康濟天下,故曰「志在君 獨善也,以其道方否不可進,故安之耳。 明以象君子之心,君子固守其節以處下者,非樂於不進 本義小人而變爲君子,則 時,引退守正,不苟務其進,俟時而後動者,亦志在致君 之? 故荷蓧之徒,聖人無取焉。]〇王氏宗傳曰:「時方 爲君子,伊川所謂隨時取義,變動無常也。 在外,否言志在君之意也。 堂之高,則憂其民,處江湖之遠,則憂其君」。蓋泰言志 澤民而已。]○郭氏雍曰:「先人曰:先大夫有言,[居廟 往而不在也。」 [志在君],以言行止雖繫於時,而君子之志於君,亦無 以彙征矣,故初九之《象》曰「志在外」,初六之《象》曰 否塞,故以彙守正於下,若反否而爲泰,則亦如初九之 君子儉德辟難,豈忘君者哉? 程傳爻以六自守於下,明君子處下之道,象復推 集説王氏弼曰:「志在於君,故不苟進。」○胡氏 「君子之志未嘗不在致君澤民也,雖當此否塞之 能以愛君爲念,而不計 卦象以内爲小人,而爻以初 君臣之義,如之何其廢 心固未嘗不在 志在君者. 其私

> 案: 也。 以報不報之恩,豈必進爲而撫世哉?」正此《象傳》之意 下之人,皆知道義之正而守之,以待上之使令,是亦所 亮書云:「就其不遇,獨善其身,以明大義於天下,使天 雖分别大小,而爻辭則皆繫以君子之義。朱子嘗答 此爻《本義》主小人説,故欲其以愛君爲念,然卦 陳 象

大人否亨,不亂羣也。

又豈務爲包承之事,以雜亂於羣流之中而不自知耶?」 常態也。乃若大人,則不以非道求合,身雖否而道亨, 上下不交之時,五雖正應,無由而通。 「否亨」。不以道而身亨,乃道之否也,不云君子而云大 正節,不雜亂於小人之羣類,身雖否而道之亨也,故 本義言不亂於小人之羣。 人,能如是則其道大也。 集説 王氏宗傳曰:「六二當 程 傳大人於否之時 「包承」,小人之 守其 日

包羞,位不當也。

以承其上,而位不當,所以「包羞」也。」 處不當位,所爲不以道也。 程傳陰柔居否,而不中不正,所爲可羞者處不當故 集説王氏弼曰:「用 小 道

有命无咎,志行也。

程傳有君命則得「无咎」,乃可以濟否,其志得行也。

大人之吉,位正當也。

之位,謂之「大寳」。 是以吉也。无其位,則雖有其道,將何爲乎? 故聖人程傳有大人之德,而得至尊之正位,故能休天下之否,

否終則傾,何可長也。

何可使長否也,正責成於人之意。」 任博否終則必傾,豈有長否之理? 極而必反,理之常否之上九則能傾否,屯之上六則不能變屯也。 集説 何否之上九則能傾否,屯之上六則不能變屯也。 集説 何也,然反危爲安,易亂爲治,必有剛陽之才而後能也,故也,然反危爲安,易亂爲治,必有剛陽之才而後能也,故

天與火,同人,君子以類族辨物。

辨物之同異也。若君子小人之黨,善惡是非之理,物情義。君子觀同人之象,而「以類族辨物」,各以其類族,天與火」者,天在上,火性炎上,火與天同,故爲同人之審異而致同也。程傳不云火在天下,天下有火,而云本義天在上而火炎上,其性同也。「類族辨物」,所以本義

御纂周易折中卷十

說。天下有不可皆同之理,故隨他頭項去分别。」不失其方也。 集 説 虞氏翻曰:「「方以類聚,物以羣不失其方也。 集 説 虞氏翻曰:「「方以類聚,物以羣之離合,事理之異同,凡異同者,君子能辨明之,故處物

出門同人,又誰咎也。

程傳「出門同人」於外,是其所同者廣,无所偏私,人之程傳「出門同人」於外,是其所同者廣,无所偏私,人之程傳「出門同人」於外,是其所同者廣,无所偏萬,是解之。」○何氏楷曰:「同人于門」,明于門爲出門也。言出門外去同人,無私之。」○何氏楷曰:「同人于門。常出門外去同人,無私之。」○何氏楷曰:「同人于門、《傳》以「出門同人」,是解之,加一出字而意愈明。」

同人于宗,吝道也。

人而已,此所以吝也。」 集 説 姜氏寶曰:「必出門然後无咎,若于宗,則門内之不取君義,蓋私比非人君之道,相同以私,爲可吝也。 程 傳諸卦以中正相應爲善,而在同人則爲可吝,故五

四二七

與五位相應,而因以發大公之義,各不相悖。 但在卦則通言應衆陽,而不專指九五之應,在爻則偏言正,則其道可吝,亦因占設戒之辭爾,非與卦義異也。 比之「不自失」、萃之「志未變」是也。在同人之卦,其應 比之「不自失」、萃之「志未變」是也。在同人之卦,其應

伏戎于莽,敵剛也。三歲不興,安行也。

乎? 故畏惲伏藏也。至於「三歲不興」矣,終安能行乎? 故畏惲伏藏也。至於「三歲不興」矣,終安能行本義言不能行。程傳所敵者五,既剛且正,其可奪

於法則也。二者,衆陽所同欲也,獨三、四有争奪之義本義「乘其墉」矣,則非其力之不足也,特以義之弗克以不乘其墉」而「弗克攻」之者,以其義之弗克也。以邪以「乘其墉」而「弗克攻」之者,以其義之弗克也。以郡以 乘其墉,義弗克也。其吉,則困而反則也。

者、二爻居二、五之間也、初終遠、故取義别。

相遇,亦以義理之同,物終不得而間之故也。」本義「直」謂理直。程傳先所以「號咷」者,以中誠理本義「直」謂理直。程傳先所以「號咷」者,以中誠理点,故不勝其忿切而然也,雖其敵剛强,至用「大師」,然竟直以之先,以中直也。大師相遇,言相克也。

同人于郊,志未得也。

後相遇者,因外卦以反異歸同取象,無他旁取也

案:《易》凡言「號」者,皆寫心抒誠之謂,故曰「中直」,言

至誠積於中也。當同人之時,二、五正應,必以相克而

志不得遂,雖无悔,非善處也。 集説 蔡氏淵曰:「未及程傳居遠莫同,故終无所悔,然而在同人之道,求同之

郊去野猶一間,而大同之志未得也。 孔子可謂善讀周案:卦外有野象,于野曰亨。 而此爻但曰「无悔」,則知

公之文矣。

乎野,非盡乎大同之道者也,故曰[志未得]。」

命。 火在天上,大有,君子以遏惡揚善,順天休

君子觀大有之象,以遏絶衆惡,揚明善類,以奉順天休一在天上,照見萬物之衆多,故爲大有。大有,繁庶之義。揚善,所以順天,反之於身,亦若是而已矣。程傳火高以治之,則釁櫱萌於其間矣。天命有善而无惡,故遏惡以治之,則釁櫱萌於其間矣。天命有善而无惡,故遏惡

善勸,所以順天命而安羣生也。集説王氏弼曰:「大當代天工治養庶類。治衆之道,在遏惡揚善而已,惡懲美之命。萬物衆多,則有善惡之殊,君子享大有之盛,

物之命。」〇司馬氏光曰:「火在天上,明之至也,至明則有,包容之象也。 故遏恶揚善,成物之美,順夫天德休

然後能保有四方,所以「順天休命」也。」〇楊氏萬里善惡無所逃。善則舉之,惡則抑之,慶賞刑威得其當,

吾何與焉。此舜禹有天下而不與也,故曰「順天休命」。曰:「天討有罪,吾遏之以天,天命有德,吾揚之以天,

上,而權由己出,故極於遏而揚。」

同人離在下,而權不敢專,故止於類而辨,

大有離在

大有初九,无交害也。

以不交涉於害也。集說陸氏振奇曰:「保終之道,慎程傳在大有之初,克念艱難,則驕溢之心无由生矣,所

害也。若過此而有交,則有害矣,安得不慎終如始而一耀曰:「「无交害」者,以九居初,是初心未變,无交故无初九」,上曰「大有上吉」,獨本末見大有焉。」〇黄氏淳於厥始,必有克艱於初,而後有天祐於終,故初曰「大有

大車以載,積中不敗也。

以艱處之也?」

程傳壯大之車,重積載於其中而不損敗,猶九二材力

之强,能勝大有之任也。 集説,郭氏雍曰"「道積於中,

「積中不敗,與《詩》言『不輸爾載』相似。」

無所往而不利,如大車之不可敗也。」〇吴氏曰慎

公用亨于天子,小人害也。

集説方氏應祥曰:「爻言「小人弗克」、《傳》言「小人韓。豐殖其財,以待上之徵賦。若小人處之,則不知爲啟。豐殖其財,以待上之徵賦。若小人處之,則不知爲臣奉上之道,以其爲己之私,民衆財豐,則反擅其富强,益爲不順。是小人大有則爲害,又大有爲小人之害也。 自古

害」。弗克則必至於害矣。」

四三九

E E

匪其彭、无咎,明辨皙也。

集説梁氏寅曰:「謂之「明辨」,而又謂之「哲」者,見其其方盛,則知咎之將至,故能損抑,不敢至於滿極也。有明辨之智也。皙,明智也。賢智之人,明辨物理,當本義「皙」,明貌。 程傳能不處其盛而得无咎者,蓋

明智之極也。」

厥孚交如,信以發志也。

本義一人之信,足以發上下之志也。

威如之吉,易而无備也。

威如者,以己不私於物,惟行簡易,無所防備,物自畏寒,從乎上者也,上以孚信接於下,則下亦以誠信事其志,從乎上者也,上以孚信接於下,則下亦以誠信事其志,從乎上者也,上以孚信接於下,則下亦以誠信事其志,從乎上者也,上以孚信接於下,則下亦以誠信事其志,從乎上者也,上以孚信接於下,則下亦以誠信事其志,從乎上者也,上以孚信接於下,則下亦以誠信事其志,從乎上者也,上以孚信接於下,則下亦以誠信事其志,從乎上者也,上以孚信接於下,則下亦以誠信事其志,從乎上者也,上以孚信接於下,則下亦以誠信事其志,從乎上者也,上以孚信接於下,則下亦以誠信事其志,從乎上者也,上以孚信接於下,則下亦以誠信事其志,從乎上者也,上以爭信接於下,則下亦以誠信事其志,從乎上者也,此為於物,惟行簡易,無所防備,物自畏與之交接也。「易而无備」者,釋「國如之市」以與其下。程傳下之本義太柔則人將易之,而无畏備之心。程傳下之本義太柔則人將易之,而无畏備之心。程傳下之本義太柔則人將易之,而无畏備之心。程傳下之本

地中有山,謙,君子以裒多益寡,稱物平施。

之,故云【易而无備」。_

有所戒備也。故申之曰「易而无備」,明乎「遏惡揚善」,順理而行,非故申之曰「易而无備」,明乎「遏惡揚善」,順理而行,非案:孔氏之説亦有理,蓋言「威如」,則疑於上下相防矣,

大有上吉,自天祐也。

此大有所以上吉也,君之大有,極於尊賢。」 六五,非謂上六爲大君也。」○趙氏彦肅曰:「五能尊上 此猶師之上六、論師之事、至此而終、其言「大君」、蓋指 曰: 『《象傳》曰「大有上吉」,明事關全卦,非止上爻也。 思順,故在上而得吉,蓋自天祐也。 其位,故初九「无咎」,上九「无不利」。 上九在上,履信 盈焉,非所宜也。 「尚賢」,謂志從於五。大有之世,不可以盈豐,而復處 「履信」,謂履五。五虚中,信也。「思順」,謂謙退不居。 信思乎順,又以尚賢也,是以自天祐之,吉无不利也。 辭》復申之云:「天之所助者順也,人之所助者信也,履 祐」助之,所以吉也。 程傳大有之上,有極當變。 六爻之中,皆樂據權位,惟初上不處 君子滿而不溢,乃「天祐」也。 由其所爲順天合道,故「天 集説 項氏 安世 《繫

地體卑下,山之高大而在地中,外卑下而内蕴高大之 宜而平其施,損高增卑,以趨於平,亦謙之意也。 本義以卑藴高,謙之象也。「裒多益寡」,所以稱物之 之,見抑高舉下,損過益不及之義,以施於事,則哀取多 施」,君子觀謙之象,山而在 不順,諸象皆然,觀文可見。「君子以裒多益寡,稱物平 下之中,藴其崇高也。 象,故爲謙也。 意。」〇蔡氏清曰:「以卑藴高,謙之象也。此與上《本 謙德之象,乃君子治一世使謙之象也。 彖與六爻無此 氏椅曰:「凡《大象》皆别立一意,使人知用《易》之理 恰好,不是一向低去。」曰:「大抵人多見得在己者高,在 集説《朱子語類》,「問:「「裒多益寡」是損高就低使教 者,增益寡者,稱物之多寡,以均其施與,使得其平也。 之所藴則高,内充而外飲也。」〇楊氏啟新曰:「人之常 謙者主山言,謂高而能下也,此主地言,謂地雖卑,而 義》「山至高而地至卑,乃屈而止於其下」不同。上所謂 人者卑,謙則抑己之高,而卑以下人,便是平也。二〇馮 「裒多益寡,稱物平施」,俾小大長短,各得其平,非君子 不云山在地中,而曰「地中有山」,言卑 若言崇高藴於卑下之中,則文理 地下,是高者下之,卑者上 程傳

君子之謙與。」
君子之謙與。」
君子之謙與。」
君子之謙與。」
君不使之寡,多者哀之,則自視不見其有餘,寡者益之,傲物之心,而多者不使之多,增其謙卑遜順之意。而寡傲物之心,而多者不使之多,增其謙卑遜順之意。而寡人太卑,而物我之閒,不得其平。故抑其輕世情,自高之心常多,下人之心常寡,不裒而益之,則自處

謙謙君子,卑以自牧也。 案:諸説皆説向謙本義上,惟馮氏以爲推説,亦可相備

以自牧」,如牧牛羊然,使之馴服,方可以言謙。 不卑矣,此自養之方也。」○張氏栻曰::「「謙謙君子,卑 德之地,未有不基於至卑之所,所養也至,則愈卑而 之下,謂謙謙乃君子之德,非君子則不能謙謙 琰曰:「爻辭「謙謙」句點,爻傳乃以「君子」綴於「謙謙」 往反以驕矜爲養氣,此特客氣,非浩然之氣也。]○俞氏 德也。」○王氏宗傳曰:「「謙」,卑德也。 曰:「「牧」,養也。解「謙謙君子」之義,恒以谦卑自養其 自牧,自處也,《詩》云「自牧歸荑」。 程傳「謙謙」,謙之至也,謂君子以謙卑之道自牧 集説孔氏穎 初,卑位也。 也。 今人往 也。 養 愈 達

鳴謙貞吉,中心得也。

由中心得之,以至於聲聞流傳於人,而獲至正之吉也。」言君子所作所爲皆得諸心,然後發之於外,故此謙謙皆自得也,非勉爲之也。 集說胡氏瑗曰:「「中心得」者,程傳二之謙德,由至誠積於中,所以發於聲音,中心所

勞謙君子,萬民服也。

也。 也。 所謂謙也。夫謙也者,謂「致恭以存其位」者也。存,守 恭」,以其德言之則至盛,以其自處之禮言之則至恭,此 也。 勞而不自矜伐,有功而不自以爲德,是其德弘厚之至 謙之道如此,如言爲善有令名,君子豈爲令名而爲善也 也,而言「存其位」者,蓋能「致恭」所以能「存其位」。 能終吉也。 夫君子履謙,乃其常行,非爲保其位而爲之 程傳能「勞謙」之君子,萬民所尊服 「勞謙」句點,爻傳又以君子二字屬之,言勞而能謙,乃 「「萬民服」,謂有終而吉也。」 〇俞氏琰曰: 「爻辭本以 勞而不伐,有功而不德,厚之至也。 德言盛,禮言恭。謙也者,致恭以存其位者也。」有 言以其功勞而自謙以下於人也。 致其恭巽以守其位,故高而不危,滿而不溢,是以 亦言其令名者,爲善之故也。 集説吴氏澄 語以其功下人者 也。 「德言盛,禮 《繋辭》云: 日

无不利撝謙,不違則也。
君子之德,非君子則不能如是也。」

過分事。」
程傳凡人之謙,有所宜施,不可過本義言不爲過。程傳凡人之謙,有所宜施,不可過本義言不爲過。程傳凡人之謙,有所宜施,不可過本義言不爲過。程傳凡人之謙,有所宜施,不可過本

利用侵伐,征不服也。

征之,正以釋征伐用謙之義。」 集説何氏楷曰:「「侵伐」非黷武,以其不服不得已而不用威武,何以平治天下? 非人君之中道,謙之過也。 程傳征其文德謙巽所不能服者也。 文德所不能服而

損謙益之意。」 損謙益之意。」 損謙益之意。」 「鳴謙」、《象》以「志」解之,《豫》之初六「鳴豫」、《象》 一下,不以上爲樂也。」○谷氏家杰曰:「上之「鳴謙」,外 在下,不以上爲樂也。」○谷氏家杰曰:「上之「鳴謙」,外 在下,不以上爲樂也。」○谷氏家杰曰:「上之「鳴謙」,外 在下,不以上爲樂也。」○谷氏家杰曰:「上之「鳴謙」,外 本有聲響,而其心則欲然不自滿足,志猶未得也。「志 未得」,正是謙處。」○何氏楷曰:「『志未得』者,上居謙 之極,方自視歉然,而猶以其謙爲未足,如益贊於禹滿 之極,方自視歉然,而猶以其謙爲未足,如益贊於禹滿 之極,方自視歉然,而猶以其謙爲未足,如益贊於禹滿

矣。谷氏、何氏之説,獨見大意。極乎大同之量矣,無謙之上之心,則未極乎謙德之虚大同之心,故亦欿然而未足也。無同人之上之心,則未終自治之意,亦猶同人之上,其志未得者。乃未能遂其為自滿足故也,是以雖可「用行師」,而但征其邑國,蓋始案:《象傳》意,言上六之「鳴謙」,由其中心之志,欿然不案:《象傳》意,言上六之「鳴謙」,由其中心之志,欿然不

帝,以配祖考。雷出地奮,豫,先王以作樂崇德,殷薦之上

取其義。殷,盛也。程傳雷者,陽氣奮發,陰陽相薄而本義「雷出地奮」,和之至也。先王作樂,既象其聲,又

之豫而節之,所以養其正而閑其邪,其和可以感鬼神, 聲之象,作聲樂以褒崇功德,其殷盛至於薦之上帝,推 人之和也。」 者,樂之聲法雷之聲。『又取其義』者,豫以和爲義。 堂以配上帝也。」」〇胡氏炳文曰:「《本義》云「象其聲 其功也,故《孝經》云: 「郊祀后稷以配天,宗祀文王於明 舞,各充其德而爲制,祀天帝以配祖考者,使與天同響 功成作樂,以文得之者作《籥》舞,以武得之者作《萬》 上,萬物乃豫也。人至樂則手欲鼓之,足欲舞之。 配祖考,盛之至也。 配之以祖考。「殷」,盛也。 中而發於聲,樂之象也。 成聲也。 所以發揚化功而鼓天地之和,樂所以發揚功德而 而况於人乎!」〇鄭氏康成曰:「「奮」,動也。 鬱,及奮發則通暢和豫,故爲豫也。 陽始潛閉地中,及其動,則 集説荀氏爽曰:「樂者,聖人因人 先王觀雷出 禮有殷奠,謂盛也,薦上帝, 出地奮震 坤 地而奮,和暢 順震發,和 雷動於地 也。 王者 發於 召 順 始 雷 神 閉 積

初六,鳴豫,志窮凶也。

志意窮極,不勝其豫,至於鳴也,必驕肆而致凶矣。集本義窮,謂滿極。程傳云初六,謂其以陰柔處下,而

説 此、是志已先窮、自取其凶者也。」 矣。」〇趙氏汝楳曰:「位方在初,時勢未窮,而競躁如 楊氏簡曰:「位之在下,未爲窮 也。 豫 而 鳴 其 志 窮

不終日貞吉,以中正也。

道,爲教之意深矣。 中正故其守堅而能辨之早,去之速,爻言六二處豫之 程傳能「不終日」而「貞」且「吉」者,以有中正之德也。 「介石」意,是推明所以「不終日」之故。」 集説黄氏淳耀曰:「「中正」,即

盱豫有悔,位不當也。

氏申子曰:「此爻與六二相反,「盱」則不能「介于石」, 程傳自處不當,失中正也,是以進退有悔。 [遲]則不能「不終日」,中正與不中正故也。」 集説王

由豫大有得,志大行也

大行也。 程傳由己而致天下於樂豫,故爲「大有得」,謂其志得 集説喬氏中和曰:「剛應而志行,蓋由四以

六五貞疾,乘剛 也。 恒不死,中未亡也

陽剛爲羣陰所應,故其志得以大行也。」

程 傳貞而疾,由乘剛爲剛所逼也。「恒不死」,中之尊

> 若人得一固疾,雖不快於己,亦足以久其生者,有戒心 憂患,而死於逸樂,以六五之中,僅得不死,然則初之 未免溺於豫矣,猶得不死者,「中未亡」也。人莫不生於 與五皆不言豫,二静晦,不爲豫也,五乘剛,不敢豫也, 亡,則不死於安樂矣,故「常不死」。」〇鄭氏汝諧曰:「二 之謂也,左右救正之故以正爲疾,雖未能執其中而中未 外患者,國常亡。」六五之乘剛,有法家拂士、敵國 逸於豫者也。孟子曰:「入則無法家拂士,出則無 「鳴」,三之「盱」,上之「冥」,其不中者,皆非生道矣。」 也,是以終未亡而常存。」〇胡氏炳文曰:「豫最易以溺 位未亡也。 人,六二柔中且正,能不終日而去之。六五陰柔不正, 集説楊氏時 曰 「居豫之時,無剛健之才, | 敵國 外 患

冥豫在上,何可長也。

過甚,至於情蕩性冥而不知所止,是「何可長」如此乎? 當速渝也。 言能渝變,則可以无咎也。」〇王氏申子曰:「豫至於上 極矣,極則不可以久,速渝可 程傳昏冥於豫,至於終極,災咎行及矣,其可長然乎? 集説 胡氏瑷曰"「「何可長」者,言其悦豫 也。」

澤中有雷,隨,君子以嚮晦入宴息。

震而動,爲隨之象。君子觀象,以隨時而動,隨時之宜,本義雷藏澤中,隨時休息。程傳雷震於澤中,澤隨

萬事皆然,取其最明且近者言之。 「君子以嚮晦

入宴

專一也。

不居外,隨時之道也。集說翟氏玄曰:「「晦」者冥也,以安其身,起居隨時,適其宜也。禮君子晝不居内,夜息」,君子晝則自强不息,及嚮昏晦,則人居於内,宴息

其卦震下兑上,乃雷人地中之象,雷隨時伏藏,故君子否?」曰:「既曰雷動,何不言君子以動作,卻言宴息,蓋語類》:「問:「程子云「澤隨雷動,君子當隨時宴息」,是己,日出視事,其將晦冥,退人宴寢而休息也。」○《朱子雷者陽氣,春夏用事,今在澤中,秋冬時也。故君子象雷者陽氣,春夏用事,今在澤中,秋冬時也。故君子象

程傳既有隨而變,必所從得正則吉也,所從不正,則有官有渝,從正吉也,出門交有功,不失也。

亦

「嚮晦入宴息」。」」

當隨人,而陽亦不當隨陰,然以正從正,則隨道之當然有功。集說俞氏琰曰:「卦以陽爻爲主,爲主者故不悔吝。出門而交,非牽於私,其交必正矣,正則无失而

係小子,弗兼與也。

理,二苟係初,則失五矣,弗能兼與也,所以戒人從正當程傳人之所隨,得正則遠邪,從非則失是,无兩從之

知其「弗兼與也」。因卦義而變,卦義以剛下柔,柔必係之,故推之爻義,而因卦義而變,卦義以剛下柔,柔必係之,故推之爻義,而「吝」,在隨則「係小子」,而吝亦可知矣。 所以然者,皆案:九五、六二之應同也,在比萃則「吉」,在同人則

係丈夫,志舍下也。

程傳既隨於上,則是其志舍下而不從也。舍下而從

「人之取舍係乎志,三志既係於四,則所舍必在於初矣。上,舍卑而從高也,於隨爲善矣。 集説 黄氏淳耀曰:

在二則因係以明其弗兼,在三則因舍以堅其所係。」

剛,於時義則不合,而不失乎陽唱陰隨之常理,故聖人剛矣,四近而初遠故也。 卦義以剛下柔,而此爻以柔從案:此爻何以知其志舍下,以無剛來下之,則必從上之

隨有獲,其義凶也。 有孚在道,明功也

猶嘉其志焉。

程傳居近君之位而有獲,其義固凶,能有孚而在道則

凶之理也,處得其道如下所云,則无咎矣。」 无咎,蓋明哲之功也。 集説 袁氏樞曰:「其義凶者,有

處近君之地,尤有招納之嫌,故曰「其義凶也」。案:義者,謂卦義也,卦義剛下於柔,而四剛爲柔隨,且

孚于嘉,吉,位正中也。

程傳處正中之位,由正中之道,孚誠所隨者正中也,所程傳處正中之位,由正中之道,孚誠所隨者正中也,所

拘係之,上窮也。

本義「窮」,極也。 程傳隨之固如「拘係」維持,隨道

之窮極也。

是也。卦之陰爻皆云「係」,至上六獨曰「拘係之」,故夫案:上窮則有高亢之意,在人如絶世離羣,往而不返者

山下有風,蠱,君子以振民育德。子發明其義,以爲因上六之不易係也。

本義「山下有風」,物壞而有事矣。 而事莫大於二者,

並無所阻,故皆言行。 其故習可也,猶風之撓物,適所以養之也。] 〇俞氏 育其德,「作新民」也。」 Ш 而不能條達,故不言行而言有。」〇沈氏一貫曰:「風遇 曰:「小畜之風在天上,觀之風在地上,涣之風在水上, 之象也。蠱之時,民德敗矣,敗而育之,必振動之,使離 風,育萬物者莫如山。」〇李氏簡曰:「「山下有風」,振物 故蒙亦曰「果行育徳」。」○楊氏文焕曰:「振萬物者莫如 德1者,猶艮山之養成材力也。《易》中育德多取於山, 須有以振起之。「振民」者,猶巽風之鼓爲號令也。 「育 於民,養育其德也。 則物皆散亂,故爲有事之象。 風」,則風落山之謂。 之所事,无大於此二者。 乃治己治人之道 而回,物皆擾亂,是爲有事之象,君子以振起民心 也。 在己則養德、於天下則濟民。 山木摧落,蠱敗之象。 程 蠱之風則止於山下,爲山所阻, 傳 集説李氏舜臣曰:「山下有 「山下有風」,風 君子觀有事之象,以 飭蠱者,必 遇 Щ 而 君子 振 回, 琰 而 濟

之「果行育德」,亦施於蒙者之事也。若漸之「居賢德善不同,考其文意似爲得之,蓋治己不應後於治人,而蒙案:諸家「以振民育德」,俱爲治人之事。與《傳》、《義》

俗」,爲治己治人,則語次先後判然,且「居」與「育」亦有

别。

幹父之蠱,意承考也。

程傳子幹父蠱之道,意在承當於父之事也,故祇敬其程傳子幹父蠱之道,意在承當於父之事也,故祇敬其理之無過之地也,此聖人以子之賢善,歸之於父,爲訓事,以置父於无咎之地,常懷惕厲,則終得其吉也,盡誠於父事,吉之道也。集説項氏安世曰:「幹父之蠱」,於父事,吉之道也。集説項氏安世曰:「幹父之蠱」,所以財承,其事則不可得而承矣,承其事則蠱不除,乃所以則承,其事則不可得而承矣,承其事則蠱不除,乃所以則承,其事則不可得而承矣,承其事則蠱不除,乃所以則承,其事則不可得而承矣,承其事則蠱不除,乃所以則承,其事則不可得而承矣,承其事則蠱不除,乃所以則承,其事則不可得而承矣,承其事則蠱不除,乃所以則承,其事則不可得而承矣,承其事則蠱不除,乃所以則承,其事則不可得而承矣,承其事則蠱不除,乃所以則承,其事則不可得而承矣,承其事則蠱不除,乃所以則承,其事則不可得而承矣,承其事則蠱不除,乃所以則承,其事則不可得而承矣,承其事則蠱不除,乃所以則承,其事則不可得而承矣,承其事則蠱不除,乃所以則承,其事則不可得而承矣,承其事則蠱不除,乃所以則承,其事則不可得而承矣,承其事則蠱不除,乃所以為強,其事則之為人以子之賢善,歸之於父,爲訓置之無過之地也,此聖人以子之賢善,歸之於父,爲訓書之無過之地也,此聖人以子之賢善,歸之於父,爲訓書之義大矣。」

案:「意承考」,釋「考」所以无咎,如楊氏之説。

幹母之蠱,得中道也。

氏曰慎曰:「爻曰「不可貞」,所以戒占者,《傳》曰:「得程傳二得中道而不過剛,幹母蠱之善者也。 集説 吴

御纂周易折中卷十

道矣。」

中道」,則是本爻象。

言其能不至於貞者也,貞則

非

中

幹父之蠱,終无咎也。

也,有進而勉之之意。」
 也,有進而勉之之意。」
 世,有進而勉之之意。」
 世,所以「終无咎也」。 集説 蔡剛斯能幹,不失正而有順,所以「終无咎也」。 集説 蔡程傳以三之才,幹父之蠱,雖小有悔,終无大咎也。蓋

裕父之蠱,往未得也。

幹父用譽,承以德也。

「既曰蠱矣,何德之可承,夫使人不曰承敝而承德,若不以德也」,言不以才幹,而以德幹也。」○鄭氏維嶽曰:大中,能以令名掩前人之蠱者也。故曰「幹父用譽,承大中,能以令名掩前人之蠱者也。故曰「幹父用譽,承

四四七

知其爲前人之蠱然者。」

不事王侯,志可則也。

爲法則也。 集説,陸氏銓曰:「士何事尚志,志可則也,進退以道,用舍隨時,非賢者能之乎? 其所存之志,可程傳如上九之處事外,不累於世務,不臣事於王侯,蓋

澤上有地,臨,君子以教思无窮,容保民无

正是「高尚其事」。」

疆

民,則有教導之意思也。「无窮」,至誠无斁也,觀含容也,水之際也。特之相臨與含容,无若水之在地,故澤也,水之際也。物之相臨與含容,无若水之在地,故澤上有地,容之无疆者坤也。 程傳澤之上有地,澤岸窮者兑也,容之无疆者坤也。 程傳澤之上有地,澤岸

吾同胞,以至鰥寡孤獨,皆吾弟兄之顛連無告者也,必 思也。 以淪浹之深,而漸被之廣者。 之義也。「教思无窮,容保无疆」,蓋言王澤之盛大,所 案:臨者,大也。「澤上有地」,澤之盛滿,將與地平,大 使皆樂其樂而利其利,可見君子之「容保民无疆」也。」 使自得之,又從而振德之,此可見君子教思之无窮。 下。」〇蔡氏清曰:「「教思」,謂其一段教育成就人底 高於澤,俯臨之也。」○胡氏炳文曰:「不徒曰教,而曰 是以「君子教思无窮,容保民无疆」。」〇劉氏牧曰: 臨之道,莫若悦順,不恃威制,得物之誠,故物無違也, 廣大之意,故爲无窮无疆之義。 之象,則有容保民之心,「无疆」,廣大无疆限也,含容有 爻之陰陽言,則爲大臨小,以象之地澤言,則爲上 民」,其度量如坤土之大。」〇俞氏琰曰:「臨有二義,以 「教思」,其意思如兑澤之深,不徒曰「保民」,而曰「容保 「教思」者。」○又曰:「勞之來之,匡之直之,輔之翼之, 教人以善謂之忠,味[忠]之一字,方見此之所謂 集説王氏弼曰:「相 「岸 民 臨 意

咸臨貞吉,志行正也。

程傳所謂貞吉,九之志在於行正也,以九居陽,又應四

之正,其志正也。 集説 吴氏曰慎曰:「有守正,有行

正,臨初正與屯同。」

咸臨吉无不利,未順命也。

本義未詳。程傳未者,非遽之辭。《孟子》:「或問:本義未詳。程傳未者,非遽之辭。《孟子》:「或問:「勸齊伐燕,有諸?」曰:「未也。」」又云:「仲子所食之思,伯夷之所樹與? 抑亦盜跖之所樹與? 是未可知 是,此。今人大率用對已字,故意似異,然實不殊也。 以史記》:「侯嬴曰:「人固未易知。」」占人用字之意 相感,非由順上之命也,是以「吉」而「无不利」。 五順體 相感,非由順上之命也,是以「吉」而「无不利」。 五順體 相感,非由順上之命也,是以「吉」而「无不利」。 五順體 相感,非由順上之命也,是以「吉」而「无不利」。 五順體 和感,非由順上之命也,是以「吉」而「无不利」。 五順體 不養未詳。 程傳未者,非遽之辭。《孟子》:「或問:本義未詳。

不可久,而進不可恃也。及其消也,則志不舍命,知物之命,消長焉而已,方其長也,則不順命,不受命,知盈長之主,即卦主也,故特發此義,以與彖意相應。凡天長之主,即卦主也,故特發此義,以與彖意相應。凡天長之主,即卦主也,故特發此義,以與彖意相應。凡天縣,消長焉而已,方其長也,則不順命,不受命,知盈若處,消長焉而也,然命不于常,故彖言「八月有案:君子道長,天之命也,然命不于常,故彖言「八月有案:君子道長,天之命也,然命不于常,故彖言「八月有

甘臨,位不當也。既憂之,咎不長也。

不可窮,而往之必復也。

《易》之大義,盡在於斯。

咎不長也。 集説 李氏簡曰:「六三不中不正,處不當處不當位也。既能知懼而憂之,則必强勉自改,故其過程傳陰柔之人,處不中正,而居下之上,復乘二陽,是

不當、《易》之例也。 宋二之爻位不當,而四之爻位當,故其德有善否。然 宗二之爻位不當,而四之爻位當,故其德有善否。然 宋二之爻位不當,而四之爻位當,故其德有善否。然

自改,則過咎不長也。」

位,雖甘説此位,亦安足以有臨乎?

能知而憂之,强勉

至臨无咎,位當也。

程傳居近君之位,爲得其任,以陰處四,爲得其正,與程傳居近君之位,爲得其任,以陰處四,爲得其正,與程原居近君之位,爲得其任,以陰處四,爲得其正,與

大君之宜,行中之謂也。

程傳君臣道合,蓋以氣類相求,五有中德,故能倚任剛

御纂周易折中卷十一

也。人君之於賢才,非道同德合,豈能用也。 集説 沈中之賢,得「大君之宜」,成「知臨」之功,蓋由行其中德

氏該曰:「能以其知行中者也。」

敦臨之吉,志在内也。

可知也。集説張氏振淵曰:「志在内,即萬物一體之程傳志在内,應乎初與二也。志順剛陽而敦篤,其吉

意。所以能敦,若將天下國家置在度外,雖有些小德

澤,終是淺薄。」

不忘民,可謂志在内矣。自任以天下之重,可謂志在外矣。堯舜耄期倦勤,而念也,自初言之則爲外,自上言之則爲内。伊尹躬耕,而案:此志在内,當與泰初「志在外」反觀,同是天下國家案:此志在内,當與泰初「志在外」反觀,同是天下國家

風行地上,觀,先王以省方觀民設教。

「省方」,觀民也。「設教」,爲民觀也。集說《九家易》民俗,設爲政教,如奢則約之以儉,儉則示之以禮是也。民俗,設爲政教,如奢則約之以儉,儉則示之以禮是也。,爲之禮,以觀民俗而設政教也。天子廵省四方,觀視本義「省方」以「觀民」、「設教」以爲「觀」。程傳「風本義「省方」以「觀民」、「設教」以爲「觀」。程傳「風

采萬國之聲詩,省察其俗,有不同者,教之使同。」而設其教也。○劉氏牧曰:「「風行地上」,無所不至,散曰:「風行地上」,萬根民俗,曰:「風行地上」,草木必偃,故以省察四方,觀視民俗,

初六,童觀,小人道也。

集説王氏申子曰:「卑下而無遠見,在凡民爲可恕,在程傳所觀不明如童稚,乃小人之分,故曰「小人道也」。

君子爲可羞。」

闚觀女貞,亦可醜也。

故《恒》卦曰:「婦人吉,夫子凶。」則知「利女貞」者,固爲「亦可羞醜也」。 集 説 郭氏忠孝曰:「男女吉凶不同,正之大道,而僅闚覘其彷彿,雖能順從,乃同女子之貞,本義在丈夫則爲醜也。 程 傳君子不能觀見剛陽中

觀我生進退,未失道也。

男之醜也。」

案:「道」,即進退之道,量而後人,則不失乎進退之道程,傳觀己之生,而進退以順乎宜,故未至於失道也。

矣。

一觀國之光,尚賓也。

程傳君子懷負才業,志在乎兼善天下,然有卷懷自守程,謂志尚,其志意願慕賓於王朝也。集説楊氏簡志願登進王朝,以行其道,故云:「觀國之光,尚賓也。」 太願登進王朝,以行其道,故云:「觀國之光,尚賓也。所以之。」既觀見國之盛德光華,古人所謂非常之遇也,所以之。」 既觀見國之盛德光華,古人所謂非常之遇也,所以之。」 既觀見國之盛德光華,古人所謂非常之遇也,所以之。」

觀我生,觀民也。

以知己政之得失也。」本義此夫子以義言之,明人君觀己所行,不但一身之本義此夫子以義言之,明人君觀己所行,不但一身之本。此時也。 生說 胡政化善也。 王弼云「觀民以察己之道」,是也。 集說 胡政化善也。 王弼云「觀民以察己之道」,是也。 集說 胡政化善也。 王弼云「觀民以察己之道」,是也。 集說 胡以知己政之得失也。」

觀其生,志未平也。

其所生,常不失於君子,則人不失所望而化之矣。 不可雖不在位,然以人觀其德,用爲儀法,故當自慎省。 觀本義 「志未平」,言雖不得位,未可忘戒懼也。 程傳

曰:「民之善惡,由我德化,其志未平,憂民之未化也。」也,故云「志未平」也。平,謂安寧也。 集説 陸氏希聲以不在於位,故安然放意无所事也,是其志意未得安

雷電,噬嗑,先王以明罰敕法。

畏。 티<u>.</u> 法令。 用 豐「折獄致刑」,以用法言,則曰「君子」矣。」○薛氏瑄 曰:「「先王以明罰敕法」,此以立法言,故曰「先王」", 異。」○張氏清子曰:「蔡邕石經本作「電雷」。」○蔡氏清 示民而使之知所避,「敕法」者,所以防民 而嗑,故曰「雷電噬嗑」。」〇徐氏幾曰:「「明罰」者,所以 世曰:「陰陽相噬而有聲則爲雷,有光則爲電,二物因 懷邪,故先王則之,明罰敕法,以示萬物也。]○項氏安 曰:「雷所以動物,電所以照物,雷電震照,則萬物不能 威,先王觀「雷電」之象,法其明與威,以明其刑罰 文互也。「雷電」相須並見之物,亦有嗑象,電明 本義「雷電」,當作「電雷」。 法貴乎明。 此先王忠厚之意也,未至折獄致刑處,故與豐象 噬嗑、黄、豐、 法者,明事理而爲之防者也。 噬 嗑、 旅四卦論用刑,皆離火之用,以是見 豐以火雷、 程傳象无倒置者, 雷火交互爲體,用 集説侯氏行果 而使之知 法貴 Щ 飭 疑 若 其 此 所 際 雷

乎威明並濟,賁、旅以山火、火山交互爲體,用法貴乎明

慎並用。」

屨校滅趾,不行也。

集説胡氏炳文曰:「下卦爲震,「滅趾」使其不敢如震制刑,有小罪則校其趾,蓋取禁止其行,使不進於惡也。傷其趾,則知懲誠而不敢長其惡,故云「不行也」。古人本義「滅趾」,又有不進於惡之象。程傳「屢校」而滅

噬膚滅鼻,乘剛也。

之動也,動則進於惡矣。」

故用刑深也。」
孔氏穎達曰:「乘剛者,釋「噬膚滅鼻」之義,以其乘剛,之人,不得不深嚴也,深嚴則得宜,乃所謂中也。 集説之人,不得不深嚴也,深嚴則得宜,乃所謂中也。 集説程傳深至滅鼻者,「乘剛」故也。「乘剛」乃用刑於剛强

遇毒,位不當也。

案:此亦借爻位之不當,以明其所處之難爾。非其所行服,而反毒之也。 程傳六三以陰居陽,處位不當,自處不當,故所刑者難

有不當也,若所行有不當,則施之刑獄,其失大矣,安得

无咎? 又豈獨「小吝」而已乎!

程傳凡言「未光」,其道未光大也。戒於「利艱貞」,蓋利艱貞吉,未光也。

貞厲无咎,得當也。

聽訟者之心有所未光,故以「利艱貞」爲戒。」

其所不足也,不得中正故也。

集説方氏應祥曰:

程傳所以能「无咎」者,以所爲得其當也。所謂「當」,不宜以解「貞厲无咎」矣。」以所爲得其當也。所謂「當」,如是得用刑之道,之當者也。」〇林氏希元曰:「得當」,即是得用刑之道,不就爻位説。若果是説位得中,當以解「貞厲无咎」矣。」

何校滅耳,聰不明也。

成其惡,故以校而滅傷其耳,誠「聰」之「不明」也。 集極。 古人制法,罪之大者,何之以校,爲其无所聞知,積則无此凶矣。 程傳人之聲暗不悟,積其罪惡以至於本義「滅耳」,蓋罪其聽之不聰也,若能審聽而早圖之,

並言,則「聰」又爲體而「明」爲用。」明也。」○林氏希元曰:「「聰」字單言則包「明」,與「明」説胡氏炳文曰:「上卦爲離,「滅耳」,言其不能如離之

Щ

乎 ? 下有火,賁,君子以明庶政,无敢折獄 獄」之義,折獄者專用情實,有文飾則没其情矣,故无敢 下有火,明照庶物,以用明爲戒。 也。 之象,以脩明其庶政,成文明之治,而无敢果於「折 類皆被其光明,爲實飾之象也。君子觀山下有火,明照 程傳山者,草木百物之所聚生也,火在其下而上照 用文以折獄也。 本義「山下有火」,明不及遠。「明庶政」,事之小 故明謹用 止在外,明在内,故明政而不敢折獄。 旅卦都説刑獄事,但争艮與離之在内外,故其説相反 〇《朱子語類》: 文明,不可以威刑,故「君子以明庶政,而无敢折獄」。」 折獄」,事之大者。 折獄者,人君之所致慎也,豈可恃其明而 乃聖人之用心也,爲戒深矣。 刑而 不敢留獄。 「問"「明庶政,无敢折獄。」曰"「此與 集説王氏弼曰"「處實之時,止 内離明而外艮止,故取象如 如 今州縣治獄,禁勘審覆,自 而賁亦自有「无敢 象之所取 止在 内,明 ,惟以 輕自用 在外, 物以 獄 者 此 庶 折 山

> 有許多節次,過乎此而不決,便是留獄,不及乎此而央,有許多節次,過乎此而不決,便是留獄,不及乎此而央,明象,政者治之具,所當文飾也。「无敢折獄」,艮止象,明象,政者治之具,所當文飾也。「无敢折獄」,艮止象,所獄,而照之以火,則光彩外著,賁之象也。「明庶政」,離析,而照之以火,則光彩外著,賁之象也。「明庶政」,離析,而照之以火,則光彩外著,賁之象也。「明庶政」,離析,而照之以火,則光彩外著,賁之象也。「明庶政」,離析,而照之以火,則光彩外著,賁之象也。「明庶政」,離析,而照之以火,則光彩外著,賁之象也。「明庶政」,離析,而照之以火,則光彩外著,賁之象也。「明庶政」,他須有許多 「《吕刑》曰:「非佞折獄,惟良折獄。」 荷特其明察,而緣 「《吕刑》曰:「非佞折獄,惟良折獄。」 荷特其明察,而緣 「《吕刑》曰:「非佞折獄,惟良折獄。」 荷特其明察,而緣 「《吕刑》曰:「非佞折獄,惟良折獄。」 荷特其明察,而緣 「《吕刑》曰:「非佞折獄,惟良折獄。」 荷特其明察,而緣 「《吕刑》曰:「非佞折獄,惟良折獄。」 荷特其明察,而緣 「《吕刑》曰:「非佞折獄,惟良折獄。」 荷特其明察,而緣

舍車而徒,義弗乘也。

義而已。 二之易,而從四之難,舍車而徒行也。君子之賁,守其二之易,而從四之難,舍車而徒行也。君子之賁,守其者,於義不可以乘也。初應四正也,從二非正也,近舍本義君子之取舍,決於義而已。程傳「舍車而徒行」

賁其須,與上興也。

集説侯氏行果曰:「自三至上,有頤之象,二在頤下,係所附也,猶加飾於物,因其質而賁之,善惡在其質也。程傳以須爲象者,謂其與上同興也,隨上而動,動止唯

「上無正應而從乎三,故曰「與上興」,貴從陽也。」立,下不能以自興也,得上而後興也。」○沈氏一貫曰:能以自明也,得陽而後明,柔不能以自立也,得剛而後能以自明也,得陽而後明,柔不能以自立也,得剛而後

永貞之吉,終莫之陵也。

濟之以艮止,故「吉」而「莫之陵」。」 皆取離義,至三而文明極矣,有溺質之象,惟「永貞」則終莫之陵侮,而不至陷溺也。」〇沈氏一貫曰:「下三爻終莫之陵侮,而不至陷溺也。」〇沈氏一貫曰:「下三爻終莫之陵侮,而不至陷溺也。」〇沈氏一貫曰:「下三爻終莫之陵侮。一能「永貞」,則二柔雖比己而「濡如」,然但。其實既常而正,誰能陵之乎? 集 説 蔡氏淵曰:杜傳飾而不常且非正,人所陵侮也,故戒能永正則吉

六四,當位疑也,匪寇婚媾,終无尤也。

尤也」。尤,怨也。終得相實,故无怨尤也。 集說朱氏親於婚媾,然其正應,理直義勝,終必得合,故云「終无於其閒,是所當之位爲可疑也。雖爲三寇讎所隔,未得於其閒,是所當之位爲可疑也。雖爲三寇讎所隔,未得於其閒,當位疑」,謂所當之位可疑也。「終无尤」,謂若本義「當位疑」,謂所當之位可疑也。「終无尤」,謂若

> 終何尤哉!」 也,以剛下柔而來,應匪寇也,婚媾之道也,四雖懷疑,也,以剛下柔而來,應匪寇也,婚媾之道也,四雖懷疑,丘園之實,虚已待物之象也。 初飾其趾而來,翰如之馬丘園之實,虚已待物之象也。 初飾其趾而來,翰如之馬震曰:「純白無僞,誰能閒之? 始疑而終合,故曰「終无震曰:「純白無僞,誰能閒之? 始疑而終合,故曰「終无

六五之吉,有喜也。

疾爲喜。若推其用,則化成天下,慶在其中矣。 就一身無過言爾。如无妄五、損四、兑四之例,皆以無察、《傳》,於五位多言「有慶」,慶大而喜小也。此爻居案、《傳》,於五位多言「有慶」,慶大而喜小也。此爻居案,《傳》,於五位多言「有慶」,慶大而喜小也。此爻居以方氏應祥曰:「於文勝之時,而爲丘園之賁,豈不甚之,是「有喜」也。集程傳能從人以成賁之功,享其吉美,是「有喜」也。集

白賁无咎,上得志也。

戒以質素則无咎,飾不可過也。 集説《朱子語類》:異矣,既在上而得志,處賁之極,將有華僞失實之咎,故居无位之地,而實尸賁之功,爲得志也。 與他卦居極者者,在上而文柔,成賁之功,六五之君,又受其賁,故雖程傳「白賁无咎」,以其在上而得志也。 上九爲得志

飾,而 也。」 采之先。文之既極,必以質終,則白又在衆采之後。 卦,二以上爲主,猶須以陽爲主也。 不盛,不足以實其須,故曰 文,故曰「實其須」,須之麗於身,最爲虚文也。 曰:「六二柔來而文剛,主内卦之文者也。 之與文、未嘗相悖、故言「无咎」、蓋行與時違、疑於有咎 其在卦之終,主賁之成,是以得遂其篤實之志,深明質 則白者,賁之所成終而所成始也,故曰「上得志也」。 本非所以爲文也,然文之初興,必自質始,則白固在 柔,主外卦之文者也,外卦以質爲文,故曰「白賁」。 相離,故不言吉凶,吉凶繁於質也。 問:「何謂得志?」曰:「居卦之上,在事之外,不假文 有自然之文,便是優游自得也。」]〇項氏安世 「與上興也」。二與上交而成 深明文之與質未嘗 上九分剛上而 内卦以文爲 然陽氣 白 是 以 衆 文

山附於地,剥,上以厚下安宅。案:項氏以「與上興」爲上九,不如指九三言爲當。

而厚固其下,以安其居也。下者上之本,未有基本固而於地,圮剥之象也。上,謂人君與居人上者,觀剥之象,程傳良重於坤,「山附於地」也。山高起於地而反附著

猶所謂本固邦寧也。」 猶所謂本固邦寧也。」 一、《書》曰:「民惟邦本,本固邦寧。」集説。真氏翻曰: 也、《書》曰:「民惟邦本,本固邦寧。」集説。真氏翻曰: 也、《書》曰:「民惟邦本,本固邦寧。」集説。真氏翻曰: 從得安其居。」○劉氏牧曰:「山以地爲基,厚其地,則山 後得安其居。」○劉氏牧曰:「山以地爲基,厚其地,則山 以自安其居也。」○《朱子語類》云:「惟其地厚,所以山 以自安其居也。」○《朱子語類》云:「惟其地厚,所以由 安其居而不摇,人君厚下以得民,以厚其本,乃所以安其居 能剥者也。故上之剥必自下,下剥則上危矣。爲人上

剥牀以足,以滅下也。

剥牀以辨,未有與也。

有與,則可以勝小人,不能爲害矣。唯其无與,所以被於剥辨者,以陽未有應與故也。小人侵剥君子,若君子本義言未大盛。程傳陰之侵剥於陽,得以益盛,至

優於二,故聖人以「未有與」失上下明之。案:崔氏、吴氏、龔氏之説,皆得文意,六三不中正而辭

不如二之中正而得无咎。」

剥之无咎,失上下也。

國曰:「上謂四五,下謂初二,違去四陰而獨從剛,故曰下各有二陰,而三獨應於陽,則「失上下」也。」〇丘氏富所處與上下諸陰不同,是與其同類相失,於處剥之道爲所處與上下諸陰不同,是與其同類相失,於處剥之道爲

剥牀以膚,切近災也。

「失上下也」。」

程傳五爲君位,剥已及四,在人則剥其膚矣。剥及其

以宫人寵,終无尤也。

膚,身垂於亡矣,「切近」於災禍也

首順序,反獲寵愛於陽,則終无過尤也。於剥之將終,程傳羣陰消剥於陽,以至於極,六五若能長率羣陰,駢

豈有妬害瀆亂以剥其君之尤哉?案:五以陰居尊,取后妃之象,而爲「貫魚以宫人寵」,則復發此義,聖人勸遷善之意,深切之至也。

君子得輿,民所載也。小人剥廬,終不可用

也。

用也。」」

雷在地中,復,先王以至日閉關,商旅不行,

后不省方。

微,安静而後能長,先王順天道,當至日陽之始生,安静 陽之所定。 也。 之象而順天道也,在一人之身亦然,當安静以養其陽 以養之,故閉關使商旅不得行,人君不省視四方。觀復 能發也。「雷在地中」,陽始復之時也,陽始生於下而甚 地之心乎」,王弼解云:「復者,反本之謂。天地以本爲 復,復來而天下昭融乎。」〇蘇氏舜欽曰:「「復,其見天 本義安静以養微陽也。《月令》是月齋戒,掩身以待陰 陽之復」,何冬夏陰陽之不辨耶?」○《朱子語類》: 以寂然至無爲復,斯失之矣。 也,今在地中,則是有陽動之象也,輔嗣昧舉卦之體,乃 動息耶?《象》曰:「雷在地中,復。」雷者陽物也,動物 曰「剛反」,又曰「剛長」,安得謂寂然至無耶? 矣。』予竊惑焉,夫復也者,以一陽始生而得名也,《彖》 心,寂然至無,是其本也。 集說劉氏蜕曰:「「雷在地中」,殷殷隆隆,陽來而 程傳雷者,陰陽相薄而成聲,當陽之微,未 故動息地中,乃天地之心見 又云1冬至陰之復,夏至 安得謂

不遠之復,以脩身也。

也。」
也,唯其知不善,則速改以從善而已。 集説 王氏无他也,唯其知不善,則速改以從善而已。 集説 王氏程傳不遠而復者,君子所以脩其身之道也。學問之道

休復之吉,以下仁也。

是降下於仁,所以吉也。」〇張氏栻曰:「《易》三百八十集,説孔氏穎達曰:「陽爲仁行,已在其上,附而順之,公,善之本也。 初復於仁,二能親而下之,是以吉也。程傳爲復之休美而吉者,以其能下仁也。仁者天下之

四五七

謂之仁,蓋道者舉其大凡,不若仁爲至切也。」○俞氏琰 應,能從初而復,所以爲下仁也。 四爻未嘗言仁,此獨言之,蓋有深旨。 爲仁矣。二之吉,蓋以親近初九而吉也。」 曰:「仁者心之德,善之本,初九脩身而反本復善,可以 克其私心,復其天理,所以爲仁。二去初未遠,上無係 至四但言從道,而不 克己復禮爲仁

頻復之厲,義无咎也

程傳頻復頻失,雖爲危厲,然復善之義則「无咎」也。

中行獨復,以從道也。

取其「失上下」以應乎陽,在復則取其「獨復以從道」。」 説郭氏雍曰:「剥六三乃復六四反對,其義相類。 程傳稱其「獨復」者,以其從陽剛君子之善道也。 在剥 集

敦復无悔,中以自考也。 悔 尊,處中而體 本義「考」,成也。 「二、四待初而復,故曰『下仁』,曰「從道」,五不待初而 能以中道自考,則動作不離於中。」〇丘氏富國 也。 自成,謂成其中順之德。 順,能敦篤其志,以中道自成,則可以「无 程傳以中道自成也。 集説王氏安石曰: 五以陰居

E

考」,言以其有中德,故能自考其善不善也。」 衷之性,則亦不能成此德也。」○梁氏寅曰:「「中以自 復,故曰「自考」。」〇李氏簡曰:「「中以自考」,非自有降

迷復之凶,反君道也。

者也。」 天君,惟君能役羣動,而反以羣動役,與心之道相 迷於復者,皆反道而凶也。 從天下之善,乃迷於復,反君之道也。 程傳復則合道,既迷於復,與 「以其國君凶」,謂其「反君道也」。 集説楊氏啟新曰:「心爲 道 人君居上而治衆,當 相 反也,其 非止人君 N N ;凡人 可 背 知。 馳

天下雷行,物與无妄,先王以茂對 言之比,「對時」,謂順合天時,天道生萬物,各正其性命 發生賦與之象,而以茂對天時,養育萬物,使各得其宜, 各正其性命,无有差妄,物與无妄也。先王觀天下雷行 如天與之无妄也。 於是驚蟄藏,振萌芽,發生萬物,其所賦與,洪纖高下, 不爲私焉。 而與之以无妄也。 本義「天下雷行」,震動發生,萬物各得其性命,是物物 程傳電行於天下,陰陽交和,相薄而成聲, 「茂」,盛也。 先王法此以對時育物,因其所性而 茂對之爲言,猶盛行 時育萬物。

下雷行」,陽氣普徧,無物不與,故曰「物與」也。○《朱 得其宜,乃對時育物之道也。 之説,蓋本於此。」〇蔡氏清曰:「「物與无妄」者,萬物各 之化育,可以贊天地之化育,則可以與天地參矣。」子思 庸》之所謂「誠」,即《易》之所謂「无妄」也。《中庸》云 耳,物有是生,先王非能損益之也,育而成之耳。《中 俞氏琰曰"「天有是時,先王非能先後之也,對而循之 「各正性命」之意」。」曰:「然。 子語類》:「問:「「物與无妄」,衆説不同。 文蔚曰:「是 而不妄,王者體天之道,養育人民,以至昆蟲草木,使各 盡物之性也。」 盡人之性,則能盡物之性,能盡物之性,則可以贊天地 正其性命也,對時育物者,因其所性而不爲私,乃聖人 「唯天下至誠爲能盡其性,能盡其性,則能盡人之性,能 一物與他一個无妄。」」〇 集説《九家易》曰:「天

无妄之往,得志也。

則人感而化,无所往而不得其志也。動,以之脩身則身正,以之治事則事得其理,以之臨人程傳以无妄而往,无不得其志也,蓋誠之於物,无不能

不耕穫,未富也。

本義「富」,如非富天下之富,言非計其利而爲之也。本義「富」,如非富天下之富,言非計其利而爲之也。不耕程傳「未」者,非必之辭。臨卦曰「未順命」是也。不耕於求穫畬,是以其富也,心有欲而爲者,則妄也。 集説於求穫畬,是以其富也,心有欲而爲者,則妄也。 集説於求穫畬,是以其富也,心有欲而爲者,則妄也。 不於力耕豐氏寅初曰:「「未」,猶非也。「富」,謂利也。不於力耕之際,遽有望穫之心,乃仁人不計功謀利,而天德全矣,之際,遽有望穫之心,乃仁人不計功謀利,而天德全矣,之際,遽有望穫之心,乃仁人不計功謀利,而天德全矣,之際,遽有望穫之心,乃仁人不計功謀利,而天德全矣,之際,遽有望穫之心,乃仁人不計功謀利,而天德全矣,

行人得牛,邑人災也。

福聽之於天,悉置度外也。」
是以,然無故被誣者,反己無怍,君子求其无妄而已,之災,然無故被誣者,反己無怍,君子求其无妄而已,

可貞无咎,固有之也。

有之也。因其固有而不失之,故曰「可貞无咎」。」也。」〇王氏宗傳曰:「正者人之性也,非外鑠我者,我固説蘇氏軾曰:「「固有之」者,生而性之,非外掠而取之,就蘇「有」,猶守也。程傳貞固守之,則无咎也。集

无妄之藥,不可試也。

本義既已无妄,而復藥之,則反爲妄而生疾矣。「試」, 「試」,暫用也,猶曰少嘗之也。 集説林氏希元曰:「既 一定矣,然則所處既當於理,豈可因非意之事而改圖 一生疾矣,然則所處既當於理,豈可因非意之藥,反爲妄 一生疾矣,然則所處既當於理,豈可因非意之事而改圖 一生疾矣,然則所處既當於理,豈可因非意之事而改圖 一生疾矣,然則所處既當於理,豈可因非意之藥,反爲妄 一生疾矣,然則所處既當於理,豈可因非意之藥,反爲妄 一生疾矣,然則所處既當於理,豈可因非意之事而改圖 一生疾矣,然則所處既當於理,豈可因非意之事而改圖 一些,此,不可試也」。

无妄之行,窮之災也。

故曰「眚」,以其時位使然,故曰「災」。」 也。 集説趙氏玉泉曰:「无妄之行,宜無災矣,但處時也。 集説趙氏玉泉曰:「无妄之行,宜無災矣,但處時也。 集説趙氏玉泉曰:「无妄之行,宜無災矣,但處時程傳无妄既極,而復加進,乃爲妄矣,是窮極而爲災害

天在山中,大畜,君子以多識前言往行,以畜

其德。

本義「天在山中」,不必實有是事,但以其象言之耳。本義「天在山中」,不必實有是事,但以其象言之耳。以大其藴畜,人之藴畜,由學而大,在多聞前古聖賢之以大其藴畜,人之藴畜,由學而大,在多聞前古聖賢之以大其藴畜,人之藴畜,由學而大,在多聞前古聖賢之改其德,乃大畜之義也。 集説楊氏時曰:「君子多識成其德,乃大畜之義也。 集説楊氏時曰:「君子多識成其德,乃大畜之義也。 集説楊氏時曰:「君子多識成其德,乃大畜之義也。 集説楊氏時曰:「君子多識成其德,乃大畜之義也。 集説楊氏時曰:「君子多識成其德,乃大畜之義也。 集説楊氏時曰:「君子多識成其德,乃大畜之義也。 集説楊氏時曰:「君子多識方之。世之學者,誇多鬭靡以資見聞而已,亦爲用學爲大矣。世之學者,誇多鬭靡以資見聞而已,亦爲用學爲大矣。世之學者,誇多鬭靡以資見聞而已,亦爲用學爲大矣。世之學者,誇多鬭靡以資見聞而已,亦爲用學爲大矣。世之學者,為多屬有是事,但以其象言之耳。本義「天在山中」,不必實有是事,但以其象言之耳。

有厲利已,不犯災也。

准,有災必矣。 程,傳有危則宜已,不可犯災危而行也。不度其勢而

興説輹,中无尤也。

程傳「輿説輹」而不行者,蓋其處得中道,動不失宜,故

二得中,進止自无過差,故但言「輿説輹」,謂其能不行 剛中,中而才也。 无 宜,見其不可,自説其輿輹而不行也,故曰「中无尤」。」 深識也。 與五,陰柔而能止,時之盛衰,勢之强弱,學《易》者所宜 也,不行則无尤矣。 過尤也。 集説 吕氏祖謙曰: 善莫善於剛中,柔中者,不至於過 初九處不得中,故戒以有 初與二,乾體剛健而不足以進,四 「二以剛而 居中,能度其 危 宜 柔 已 耳

利有攸往,上合志也。

陽敵爲不胥與,此則爲合。」
說趙氏汝楳曰:「他卦陰陽應爲得,此則爲畜,他卦陰性上進,且畜已極,故不下畜三,而與合志上進也。 集程傳所以「利有攸往」者,以與在上者合志也,上九陽

六四元吉,有喜也。

可喜也。四之畜初是也,上畜亦然。 刑誅,故畜止於微小之前,則大善而吉,不勞而无傷,故程傳天下之惡已盛而止之,則上勞於禁制,而下傷於

六五之吉,有慶也。

程傳在上者不知止惡之方,嚴刑以敵民欲,則其傷甚

蔡氏清曰:「五不如四所處之易者,時不同 喜及人。五居君位,故及人也,若論止物之道,則制之 氣,若豶豕然,其牙雖剛,莫之能暴,可以養畜而無虞, 牙,漸不可制。 駕而服,故有喜也。 居健之始,其健未著,若童牛然。 下之福慶也。 而无功。 五所濟之廣者,位不同也。」 於初,乃爲大善,故四爲「元吉」,五獨得「吉」而已。」〇 故『有慶也』。] 〇項氏安世曰: 及其長也,無所用其健,豈特不暴而已。 畜剛,止健者也。 若知其本,制之有道,則 集説 吕氏大臨曰:「六四、六五,皆以 六五居尊守中,能以柔道殺其剛暴之 牛之剛健在角,豕之剛健在牙。 九二居健之中,其健已具,若豕之 「喜者據己言之,慶則其 禁於未發,以牿閑之, 不勞无 安於馴柔,可 傷而俗革,天 也, 四 一不如 初九 柔

何天之衢,道大行也

之。 天衢非常語,故象特設問曰"「何謂天之衢?」以道路 程傳何以謂之天衢,以其无止礙,道路大通行 矣,故曰「何天之衢,亨」。 通行,取空豁之狀也。 集説游氏酢曰: 以《象》有「何」字,故爻下亦誤 「畜道之成,賢路自 《彖》曰 剛 E 丽 尚賢」,則大 [我而 也。 四 以 達 大 加

德而處上,止衆賢而聚王庭,以天衢之亨,爲己之任,畜 衢」,尚賢也。 賢,則道之大行,孰盛於此。」〇沈氏該曰:「「何天之 畜之義,主於上九也。 於身之謂德,達於世之謂道。 衢也,故曰【道行】,得時行道之謂也。」○何氏楷曰: 中,其畜可謂大矣,必佐湯以發其所蘊,是得時如天之 氏祖謙曰: 道至此,賢路不塞,其道盛矣,故曰「道大行也」。」〇吕 天下無家食之賢者,上九之任也。 天下至於無家食之 所謂「不家食吉」而「利涉大川」者此也。」 「畜極則散,如伊尹樂堯舜之道,居 武畝之 大畜之時,已獨居上,五以柔尚之,畜盛 崇俊 良以列庶位,推 道可大行,其亨可知,象 備 使

山下有富,頂,雪子以真言吾,節次食。

山下有雷,頤,君子以慎言語,節飲食。山下有雷,頤,君子以慎言語,以養其體,不唯就口為養之象。以上下之義言之,艮止而震動,上止下動,處養之象。以上下之義言之,艮止而震動,上止下動,處,頤口之象。以所言之,上下二陽,中含四陰,外實中處,頤口之象。以所言之,上下二陽,中含四陰,外實中處,頤口之象。以所之義言之,民止而震動,上止下動,處,頤口之象。以所以養身也,故君子觀其象以養其處,頤口之象。以所以養身也,故君子觀其象以養其處,與二體言之,山下

貨財賦稅之入於上者,皆所當節,而不可悖人。」 出於己者、皆所當慎、而不可悖出,充此飲食之類,則 曰『慎言語,節飲食』,充此言語之類,則凡號令政教之 之聲爲言語,山之養爲飲食,言語飲食出入乎頤者也。」 慎其所出,法山之止,以節其所入。」○趙氏汝楳曰: 之象,「慎言語,節飲食」。」」〇馮氏椅曰:「法雷之動,以 從口出,病從口入」,甚好。」曰:「此語前輩曾用以 則必當而无失。在身爲飲食,於天下則凡貨資財用,養 ○俞氏琰曰:「頤乃口頰之象,故取其切於頤者言之。 下,莫不然也。 於人者皆是,節之則適宜而无傷。 在身爲言語,於天下則凡命令政教出於身者皆是,慎 集説《朱子語類》:「或云:「諺有「禍 推養之道,養德養天 解 頤 Ź 凡

觀我朵頤,亦不足貴也。

乃内捨其大而外觀其小,豈不爲人所賤,故曰「亦不足之人,則人賤之矣。」今初九陽德之大,本有可貴之質,云:「養其大體爲大人,養其小體爲小人。」又云:「飲食

貴也」。」

六二征凶,行失類也。

類故也。往求而失其類,得凶宜矣。「行」,往也。本義初上皆非其類也。程傳征而從上則凶者,非其

十年勿用,道大悖也。

辭曰「頤貞吉」,三之爻辭曰「拂頤貞凶」,卦中惟此一爻集説項氏安世曰:「「拂頤貞」三字當連讀。《頤》之卦程傳所以戒終不可用,以其所由之道,大悖義理也。

與卦義相反,故曰「道大悖也」。」

顛頤之吉,上施光也。

氏家杰曰:「養逮於下,則上施光,是養賢及民也。」致己居上之德施,光明被於天下,吉孰大焉。 集説谷程傳顛倒求養而所以吉者,蓋得剛陽之應以濟其事,

居貞之吉,順以從上也。

程傳「居貞之吉」者,謂能堅固順從於上九之賢,以養

賢,賴之以養天下,真聖人養賢以及萬民之事也。」 天下也。 集 説 張氏清子曰:「五能柔順以從上九之

由頤厲吉,大有慶也。

有慶也」。」
有慶也」。」

「世界若上九之當大任如是,能兢畏如是,天下被其德理,是大有福慶也。 集説 王氏宗傳曰:「豫之九四,天下由之以豫,故曰「大有慶」。」〇項氏安世曰:「六五、上九二爻,皆當以《小象》解之,六五之「居貞」,非自守也,貞於從時。故曰「居貞之吉,順以從上也」。上九之「厲吉」,非能自吉也,得六五之委任而吉也,故曰「由頤厲吉,大程傳若上九之當大任如是,能兢畏如是,天下被其德

澤滅木,大過,君子以獨立不懼,遯世无悶。

悔,「遯世无悶」也。如此然後能自守,所以爲大過人也。天下非之而不顧,「獨立不懼」也,舉世不見知而不行。君子所以大過人者,以其能獨立不懼,遯世无悶過甚矣,故爲大過。君子觀大過之象,以立其大過人之過甚矣,故爲大過。君子觀大過之象,以立其大過人之本義「澤滅於木」,大過之象也。「不懼」、「无悶」,大過本義「澤滅於木」,大過之象也。「不懼」、「无悶」,大過

也,或退而窮居,則堅貞不移,「遯世无悶」可也,皆大過也,或退而窮居,則堅貞不移,「遯世无悶」可也,皆大過世无悶」。」〇趙氏汝楳曰:「「獨立」如巽木,「无悶」如兑世。 集説劉氏牧曰:「用之則「獨立不懼」,舍之則「遯也。 集説劉氏牧曰:「用之則「獨立不懼」,舍之則「遯

藉用白茅,柔在下也。

也。」
也。」
也。」

案:高以下爲基,剛以柔爲本,柔在下,對剛在上。

老夫女妻,過以相與也。

也。

功,則无不利也。」曰:「老夫而女妻,雖過乎常,然陰陽相與,以成生育之曰:「老夫而女妻,雖過乎常,然陰陽相與,以成生育之謂九二、初六陰陽相與之和過於常也。 集説 王氏申子程傳老夫之説少女,少女之順老夫,其相與過於常分,

棟橈之凶,不可以有輔也。

者也。 可以有輔也」。 中,獨此一爻爲過,故棟愈橈而不可輔也。」 二乃獨有之,蓋九二當剛過之時,獨能居柔而用中,在 可以有輔,此棟之所以橈也。」 〇項氏安世曰:「全卦有 「棟橈」折,不可支輔也。 程傳剛强之過,則不能取於人,人亦不能親輔之,如 太强而本末弱,是以爲「橈」,九三以剛居剛,在六爻之 六爻之中,獨此一爻不過,故[无不利]也。 「棟橈」之象,而九三乃獨有之,全卦有利往之象,而九 九三以剛居剛,過 集説楊氏時曰"「棟居中而衆材輔之 棟當室之中,不可加助,是「不 而不中也。 剛過 而不中 **針體本以中** 則不

棟隆之吉,不橈乎下也。

程傳「棟隆」起則吉,不橈曲以就下也,謂不下繫於初

氏軾曰:「稱」者,顛而復櫱,反其始也。「華」者,盈而而得士夫,豈能成生育之功? 亦爲可醜也。 集説蘇程傳枯楊不生根而生華,旋復枯矣,安能久乎? 老婦枯楊生華,何可久也。 老婦士夫,亦可醜也。

畢發,速其終也。」○項氏安世曰:「二、五皆無正應,而

之功,五以剛居剛,上以柔居柔,皆過者也。 理也。」○王氏申子曰:「木枯而華是速其枯,老婦士夫 與者上,上,末也,故爲華。 者,木根新生之芽也,過而復芽,故有往亨之理。 過以與陰者也。 故陰陽相比,祇以爲「醜」。 剛,此未甚過者也。 又生華以自秏竭,不能久矣。 是過乎常,而爲柔邪所惑。」〇何氏楷曰:「盛極將枯而 二所與者初,初,本也,故爲「稊」。 又在卦初,故過以 其相反如此。」 木已過而生華,故無久生之 二以剛居柔,初 相與,可成生育 又在卦終 以 .柔居 五所 稊

過涉之凶,不可咎也。

水洊至,習坎,君子以常德行,習教事。勢不可救而徒犯其害,故凶。然其義則「不可咎也」。」咎。集説蘇氏軾曰:「過涉至於「滅頂」,將有所救也,程傳過涉至溺,乃自爲之,不可以有咎也,言无所怨

久其德行。人之德行不常,則僞也,故當如水之有常,勢就下,信而有常,故君子觀坎水之象,取其有常,則常自涓滴,至於尋丈,至於江海,洊習而不驟者也。其因自涓滴,至於尋丈,至於江海,洊習而不驟者也。其因以,水流仍洊一至。兩坎相習,然後熟而安之。程傳坎本義治己治人,皆必重習,然後熟而安之。程傳坎

子平居,常其德行,故遇險而不變,習其教事,故遇險 常而不改。【習教事」,謂教事練習而不輟。」 不舍晝夜之功也。」〇俞氏琰曰:「「常德行」,謂德 晝夜之功也,君子德行貴其有常,而教事貴於習熟,此 能應。」○陸氏佃曰: 集説司馬氏光曰:「水之流也,習而不已,以成大川, 遽責其從,雖嚴刑以驅之不能也,故當如水之洊習。 使民熟於聞聽,然後能從,故三令五申之,若驟告未喻 取其狩習相受,則以習熟其教令之事。 坎,此孟子所謂「盈科而後進」也。 之科也,故以「水洊至」爲習坎之象,上坎既盈,至於下 而上者作也,趨而下者至也。]〇王氏宗傳曰:「坎者水 教事」。」○蘇氏軾曰:「事之待教而後能者,教事也。 人之學也,習而不止,以成大賢,故「君子以常德行,習 「離言「明兩作」,坎言「水洊至」, 盈科而後進,不舍其 夫發政行教,必 起 而 君

習坎入坎,失道凶也。

志立曰:「行險而不失其信,此是出險之道,若小人行險乃可出險。初六不正,不能出險,失道而凶也。」○錢氏乃不失道也。 集説,朱氏震曰:「君子處險,當以正道,程傳由習坎而更人坎窞,失道也,是以凶。能出於險,

以僥倖,則爲初六、上六失道之凶也。」

求小得,未出中也。

程傳方爲二陰所陷,在險之地,以剛中之才,不至陷於深險,是所求小得,然未能出坎中之險也。 集説郭氏孫險,是所求小得,然未能出坎中之險也。 集説郭氏孫院,是所求小得,然未能出坎中之險也。 集説郭氏孫其大得,君子第從其小者而求之,所謂「有孚」、「心求其大得,君子第從其小者而求之,所謂「有孚」、「心求其大得,君子第從其小者而求之,所謂「有孚」、「心求其大得,君子第從其小者而求之,所謂「有孚」、「心求其大得,君子第從其小者而求之,所謂「有孚」、「心家險,是所以,以剛中之才,不至陷於

來之坎坎,終无功也。

樽酒簋貳,剛柔際也。

傳象只舉首句,如此比多矣。「樽酒簋貳」,質實之至,本義晁氏曰:「陸氏《釋文》本无「貳」字,今從之。」程

爲句,則晁氏之説以「貳用缶」爲句者非矣。」之謂也。」○姜氏寶曰:「觀孔子《小象》,以「樽酒簋貳」交際也。 集説 王氏弼曰:「剛柔相比而相親焉,「際」交際也。 集説 王氏弼曰:「剛柔」,指四與五,謂君臣之 國而常者,在誠實而已。「剛柔」,指四與五,謂君臣之

坎不盈,中未大也。

《象》曰「未大」,以五有中德,故不侈然自大。「未大」, 仁錫曰: 則止,水盈則愈行,故坎有時而盈,水無時而盈也。」〇 乎? 五之道未大,以无臣也,人君之道,不能濟天下之 陸氏振奇曰:「知二之得小,則知五之未大矣。」〇陳氏 盈,謂不滿也。不止故有孚,不滿故「中未大」,凡物盈 也」。」〇項氏安世曰:「水流而不盈,謂不止也。 者高之義。「中未大」者,平則是得中,「不盈」是「 險難,則爲未大,不稱其位也。 剛中之道未光大也。 當濟天下之險難,而坎尚不盈,乃未能平乎險難,是 本義有中德而未大。 「水之爲物,其在坎只能平,自不能盈,故曰「不盈」。 「水流不盈,纔盈便横流泛溢。 險難之時,非君臣協力,其能濟 程傳九五剛中之才而得尊位, 集説《朱子語類》云: 五爻曰[不盈], 「未大 坎不 盈 其

上六失道,凶三歲也。

歲不興」、「十年乃字」是也。 歲」,久之極也,他卦以年數言者,亦各以其事也,如「三 言久有曰「十」,有曰「三」,隨其事也。 陷於獄,至於「三 出險之才、處險極之時、如人陷於狴犴之中、坐而省過、 至於「三歲」也。「三歲」之久而不得免焉,終凶之辭也 程傳以陰柔而自處極險之地,是其「失道」也,故其凶 三歲豈得出哉!」 雖上罪也,不過三歲得出矣,妄動求出,則陷之愈深,雖 集説朱氏震曰:「上六無

明兩作,離,大人以繼明照于四方。

明」之義,故云「明兩」,明而重兩,謂相繼也。「作離」, 本義作,起也。 王者,大人觀離明相繼之象,以世繼其明德,照臨于四方。 義,然離之義尤重也。「大人」,以德言則聖人,以位言則 也。」〇孔氏穎達曰: 大凡以明相繼,皆繼明也,舉其大者,故以世襲繼照言之。 集説王氏弼曰:「[繼],謂不絶也。 明兩」而爲離,「繼明」之義也。 程傳若云兩明,則是二明,不見「繼 「繼續其明,乃照于四方,若明不繼 震巽之類,亦取洊隨之 明照相繼,不絶曠

> 所以無處不照,是之謂明 不明也。「照于四方」者、無處不照也。 是一箇「明」,兩番作。」〇徐氏在漢曰:「「繼明」者,無時 言『水洊至』,今日明,來日又明,「明」字便是指日而言,只 續,則不得久爲照臨。」〇《朱子語類》云:「「明兩作」,猶 ,明德於天下也。」 惟其無時不明

履錯之敬,以辟咎也。

咎也。居明而剛,故知而能「辟」,不剛明則 遠,故曰「以辟咎也」。」 敬」是體坤之德,所謂「畜牝牛吉」者也。 集説徐氏在漢曰:「「敬以直内」,坤之德也。 程傳「履錯」然欲動,而知敬慎不敢進,所以求辟免過 咎不期遠而自 妄動矣。 「履錯之

黄離元吉,得中道也。

氏忠孝曰"「離之所以「亨」,柔麗乎中正,故「亨」也。 以中爲重,所以成文明由中也,正在其中矣。 程傳所以「元吉」者,以其「得中道也」,不云「正」者,離 『黄離』之所以「元吉」,文明而用中,故「元吉」也。 卦之美,其惟六二乎。」 集説 故盡 郭

日昃之離,何可久也。

御纂周易折中卷十

四六七

程傳日既傾昃,明能久乎? 明者知其然也,故求人以

繼其事,退處以休其身,安常處順,何足以爲凶也。

以久。 案:「日昃」,喻心德之昏也。 心德明則常繼,昏則不能

突如其來如,无所容也。

本義「无所容」,言「焚」、「死」、「棄」也。 程傳上陵其

君,不順所承,人惡衆棄,天下所不容也。

案:「突如其來如」、《書》所謂昏暴者是也。非人不容

六五之吉,離王公也。

之,自若无所容爾。

程傳六五之吉者,所麗得王公之正位也。 據在上之

勢,而明察事理,畏懼憂虞以持之,所以能占也。不然,

豈能安乎? 禍弭,又麗於尊位,故致「吉」也。」○蔡氏清曰:「味「離 王公也」之詞,則知諸卦之五,所謂尊位者,不必皆謂天 集説趙氏彦肅曰:「明極故憂深,憂深故

王用出征,以正邦也。

王,凡諸侯之各君其國者,亦足當五也。」

程傳王者用此上九之德,明照而剛斷,以察除天下之

惡,所以正治其邦國。 剛明,居上之道也

御纂周易折中卷十一

御纂周易折中卷十二

御纂周易折中卷十二

象 下 傳

山上有澤,咸,君子以虚受人。

不能虚故也。」〇胡氏炳文曰:「「以虚受人」,無心之感受潤,澤在山上,而其漸潤通徹,是二物之氣相感通也。 是,實則不能人矣。虚中者无我也,中无私主,則无能受,實則不能人矣。虚中者无我也,中无私主,則无能不通,以量而容之,擇合而受之,非聖人有感必通之感不通,以量而容之,擇合而受之,非聖人有感必通之能出雲而致雨者,山内虚而澤氣通也。故君子居物之上,物情交感者,亦「以虚受」也。」〇郭氏雍曰:「唯虚故受,受故能感,不能感者,以不能受故也,不能受者,以 不能虚故也。」〇胡氏炳文曰:「「以虚受人」,無心之感不能虚故也。」〇胡氏炳文曰:「以虚受人,夫人中虚則 是,物情交感者,亦「以虚受」也。」〇郭氏雍曰:「唯虚故 是,受故能感,不能感者,以不能受故也,不能受者,以 是,受故能感,不能感者,以不能受故也,不能受者,以

咸其拇,志在外也。

矣。」 程傳初志之動,感於四也,故曰「在外」。 志雖動而感程傳初志之動,悉足以進也。 集説 虞氏翻曰:「志在未深,如拇之動,未足以進也。 集説 虞氏翻曰:「志在是以,如拇之動,感於四也,故曰「在外」。 志雖動而感

雖凶居吉,順不害也。

程傳二居中得正,所應又中正,其才本善,以其在咸之程傳二居中得正,所應又中正,其才本善,以其在咸之程傳二居中得正,所應又中正,其才本善,以其在咸之程傳二居中得正,所應又中正,其才本善,以其在咸之已。」

咸其股,亦不處也。志在隨人,所執下也。已。」

不能自主,志反在於隨人,是所操執者卑下之甚也。 程傳, 五「亦」者, 因前二爻皆欲動而云也。二爻陰躁, 也。程傳, 五「亦」者, 蓋象辭本不與易相比, 自作一處, 也。程傳, 五「亦」者, 蓋象辭本不與易相比, 自作一處, 上云「咸其拇, 志在外也」, 「雖凶居吉, 順不害也」, 「咸其股, 亦不處也」。「不處」謂動也, 有陽剛之質, 而然, 故云「亦不處也」。「不處」謂動也, 有陽剛之質, 而不能自主, 志反在於隨人, 是所操執者卑下之甚也。 不能自主, 志反在於隨人, 是所操執者卑下之甚也。 不能自主, 志反在於隨人, 是所操執者卑下之甚也。

而悔亡,未爲私感所害也,係私應則害於感矣。「憧憧本義「感害」,言不正而感,則有害也。程傳貞則吉貞吉悔亡,未感害也。憧憧往來,未光大也。

在來」,以私心相感,感之道狹矣,故云「未光大也」。 在來」,以私心相感,感之道狹矣,故云「未光大也」, 在來」,以私心相感,感之道狹矣,故云「未光也」, 在來」,以私心相感,感之道狹矣,故云「未光也」, 在來」,以私心相感,感之道狹矣,故云「未光也」, 在來」,以私心相感,感之道狹矣,故云「未光大也」。 在來」,以私心相感,感之道狹矣,故云「未光大也」。

咸其脢,志末也。

本義「志末」謂不能感物。程傳戒使背其心而咸脢本義「高其存心淺末,係二而説上,感於私欲也。集説李者,爲其存心淺末,係二而説上,感於私欲也。集説李末」者,謂五志感於上也。」○朱氏震曰:「卦以初爲本,上爲末。」○王氏宗傳曰:「謂五有「咸其脢」之象者,以上爲末。」○王氏宗傳曰:「謂五有「咸其脢」之象者,以上爲末。」○王氏宗傳曰:「謂五有「咸其脢」之象者,以上爲末。」○王氏宗傳曰:「謂五有「咸其脢」之象者,以上爲末。」○一氏常曰:「謂五志在與上相感也。《繫辭》曰:「其初難知,其上易知,本末也。」大過《象傳》「本末弱」,末指上六可知矣。」

咸其輔頰舌,滕口説也。

曰:「咸道轉末,故在口舌言語而已。」 柔説騰揚於口舌言説,豈能感於人乎? 集説王氏弼柔説騰揚於口舌言説,豈能感於人乎? 集説王氏弼

雷風恒,君子以立不易方。

善體雷風者也。」 「雷風雖差非常,其所以相與則恒。」〇胡氏炳文曰:「雷风雖差非常,其所以相與則恒。」〇胡氏炳文曰:「雷大中常久之道,不變易其方所也。 集説 吕氏大臨曰:程傳君子觀雷風相與成恒之象,以常久其德,自立於

也。者,天地震動之氣也。「恐懼脩省」者,君子震動之心者,天地震動之氣也。「恐懼脩省」者,君子震動之心「立不易方」者,君子之歷萬變而不失其常也。「溶雷」烈必變,皆非也。「雷風」者,天地之變而不失其常也。案:説此象者,用烈風雷雨弗迷,説震象者,用迅雷風案:説此象者,用烈風雷雨弗迷,説震象者,用迅雷風

浚恒之凶,始求深也。

之甚也。所以「凶」,陰暗不得恒之宜也。集說朱氏震程傳居恒之始,而求望於上之深,是知常而不知度勢

御纂周易折中卷十二

九二悔亡,能久中也。

程傳所以得「悔亡」者,由其能恒久於中也,人能恒久

於中,豈止亡其悔,德之善也。 集説 胡氏炳文曰:「九

不恒其德,无所容也。

一獨提「能久中」,諸爻不中,故不久可見。」

所容,非人不容之也。 案:此「无所容」,與離四相似,皆謂德行無常度,自若無其據,豈能恒哉? 是不恒之人,无所容處其身也。

久非其位,安得禽也。

四七一

「安得禽」也。 集説 王氏弼曰:「恒「非其位」,雖勞無程傳處「非其位」,雖久何所得乎? 以田爲喻,故云

耳。謂所動而施爲者,不得其方也。案:爻既以田爲喻,則非處非其位也,乃所往者非其位

獲也。」

婦人貞吉,從一而終也。夫子制義,從婦凶

也。

添一「貞」字,明「恒其德,貞」爲婦人之貞也。」 也、父也、君也,而可乎? 婦人從夫則吉,夫子從婦則也、父也、君也,而可乎? 婦人從夫則吉,夫子從婦則常,故「悔亡」。 六五以柔中爲恒,在二可也,在五則夫以順爲德,當終守於從一。 夫子則以義制者也,從婦人以順爲一一之從,在婦人則爲正而吉,婦人以從爲正,程傳如五之從二,在婦人則爲正而吉,婦人以從爲正,

振恒在上,大无功也。

能有所成立,故曰「大无功也」。 集説 王氏安石曰:能有所成乎? 居上而不恒,其凶甚矣。《象》又言其不程。傳居上之道,必有恒德,乃能有功。若躁動不常,豈

於守恒之時,決無所成也。」 其好功生事之過乎! 矣。」〇王氏申子曰:「此所謂天下本無事,庸人自擾之。 「終乎動 以以 動 爲恒 者 也,以 故聖人折之曰「大无功」,言振擾 動 爲恒 丽 在 物上,其 害大

天下有山,遯,君子以遠小人,不惡而嚴 氏介曰:「「不惡而嚴」,外順而内正也,尚惡則小人憎 忿,惟在乎矜莊威嚴,使知敬畏,則自然遠矣。 遠乎小人。遠小人之道,若以惡聲厲色,適足以致其怨 乃止,天上進而相違,是遯避之象也,君子觀其象,以避 守之常,而小人自不能近。 畏小人之害,志在遠之而已。 下有山,其藏疾也無所拒,然亦終莫之陵也,此君子遠 不嚴則正道消。]〇張子曰:「「惡」讀爲憎惡之惡。 本義天體无窮,山高有限,遯之象也。「嚴」者,君子自 不疾矣。」〇俞氏琰曰:「君子觀象以遠小人,豈有他 小人不惡而嚴之象也。」○郭氏雍曰:「君子當遯之時 人而嚴其分是也。 「嚴」之爲言,敬小人而遠之之意也。」○楊氏時曰:「天 「遠小人」,不可示以惡也,惡則患及之,又焉能遠? 孔子曰:「疾之已甚,亂也。」不惡則 程傳天下有山,山 遠之之道何如? 集説石 不惡其 下起 뗀

也。危其行則有不可犯之嚴,不使之不遜也。此「君子哉! 不過危行言遜而已。遜其言則不惡,不使之怨

遠小人」之道也。」

蓋是此意。 人,而自不可攀躋,故有「不惡而嚴」之象。楊氏之説,「天下有山」,山之高峻極於天也,山之高峻者,未嘗絕案:「天下有山」,以山喻小人,以天喻君子,似未切。蓋

遯尾之厲,不往何災也。

微下,隱亂世,而不去者多矣。有危,不若不往而晦藏,可免於災,處危故也。古人處程傳見幾先遯,固爲善也,遯而爲尾,危之道也,往既

災,故朱子嘗欲劾韓侂胄,占得此爻而止。案:程《傳》以不遯爲免災,朱子以晦處勿有所行爲免

執用黄牛,固志也。

「不可榮以禄」也。」附録孔氏穎達曰:「「固志」者,堅説」,殷之父師,當此爻矣。」○蔡氏清曰:「謂自固其志,隨物遯,獨守中直,堅如革束。執此之志。「莫之勝牛革也。 集説侯氏行果曰:「上應貴主,志在輔時,不程傳上下以中順之道相固結,其心志甚堅,如執之以

固遯者之志,使不去己也。」

係遯之厲,有疾憊也。畜臣妾吉,不可大事

也。

程傳遯而有係累,必以困憊致危。其有疾乃憊也。蓋程傳遯而有係累,必以困憊致危。其有疾乃憊也。蓋是之道,然後獲吉,又豈可當大事乎? 集說,張氏清子曰:「當遯而係,故有疾而臣妾之道,然後獲吉,又豈可當大事乎?」 無說,而畜之以問,至於憊乏也。惟當以剛自守,止下二陰,而畜之以居,至於憊乏也。惟當以剛自守,止下二陰,而畜之以居,至於億乏也。其有疾乃憊也。蓋

君子好遯,小人否也。

程傳君子雖有好而能遯,不失於義,小人則不能勝其

私意,而至於不善也。

集説俞氏琰曰:「爻辭云:「好

亨,其吉不假言矣。」能「好遯」,小人則不能「好遯」也。既「好遯」,則遯而遯,君子吉,小人否。」爻傳不及「吉」字,蓋謂惟君子爲

嘉遯貞吉,以正志也。

程傳志正則動必由正,所以爲遯之嘉也。居中得正而

正其志而已矣。 集説張子曰:「居正處中,能正其志,應中正,是其志正也,所以爲吉。 人之遯也止也,唯在

故獲「貞吉」。」

也。案"君子之志不在寵利,故進以禮而退以義,所謂正志案"君子之志不在寵利,故進以禮而退以義,所謂正志

肥遯无不利,无所疑也。

程傳其遯之遠,无所疑滯也。蓋在外則已遠,无應則 程傳其遯之遠,无所疑滯也。蓋在外則已遠,无應則 程傳其遯之遠,无所疑滯也。蓋在外則已遠,无應則 程傳其遯之遠,无所疑滯也。蓋在外則已遠,无應則 程傳其遯之遠,无所疑滯也。蓋在外則已遠,无應則

雷在天上,大壯,君子以非禮弗履。

也,至於克己復禮,則非君子之大壯,不可能也,故云不倚」,皆曰「强哉矯」。赴湯火,蹈白刃,武夫之勇可能古人云「自勝之謂强」、《中庸》於「和而不流」、「中立而觀大壯之象以行其壯。君子之大壯者,莫若克己復禮。本義自勝者强。程傳雷震於天上,大而壯也,君子本

曰:「君子所以養其剛大者,亦曰「非禮勿履」而已。」克己,須是如雷在天上方能克去非禮。」○項氏安世盛焉。」○《朱子語類》云:「雷在天上,是甚生威嚴,人之盛焉子以非禮弗履」。 集説 張子曰:「克己反禮,壯莫

壯于趾,其孚窮也。

窮困而凶也。 集説 王氏申子曰:「居下而用壯,任剛本義言必窮困。 程傳在最下而用壯以行,可必信其

九二貞吉,以中也。

而決行,信乎其窮而凶也。」

況陽剛而乾體乎! 集説 孔氏穎達曰:「以其居中履程傳所以貞正而占者,以其得中道也。中則不失正,

而居中則爲處壯之貞,乃卦之主也,故《傳》言「以中」,案:卦言「大壯利貞」,惟九二剛德則爲大,健體則爲壯,

謙,行不違禮,故得正而吉也。」

小人用壯,君子罔也。

明大壯之「貞」在於中也。

其强壯之力,在君子則爲用罔,志氣剛强,蔑視於事,靡本義小人以壯敗,君子以罔困。 程傳在小人則爲用

「小人用壯,君子罔也」,全與「君子好遯,小人否也」句否」、「婦人吉,夫子凶」,皆是相反之辭。又《象辭》曰然觀爻辭之例,如「小人吉,大人否亨」、「君子吉,小人所顧憚也。集説項氏安世曰:「君子用罔,説者不同,

肚,君子之心未嘗以爲意焉,唯小人則自喜己勢之壯,❶字通用,皆禁止之義也。」○楊氏簡曰:「九三益進,勢雖法相類。《詩》、《書》中「罔」字與「弗」字、「勿」字、「毋」

龔氏焕曰:「大壯本以四陽盛長而得名,九三又以陽居用,異乎小人之用也,故曰「小人用壯,君子罔也」。」〇

而

益肆益壯、是謂小人用壯。

罔,無也。言君子之所

壯,君子罔也」,語意與遯九四「君子好遯,小人否也」而非君子之道,故曰「君子用罔」。《象》釋之曰「小人用陽而過剛,壯而又壯者也。 用壯如此,是小人之所爲,

人」並言。」〇俞氏琰曰:「孔子恐後世疑爻辭有兩「用」同。蓋遯之九四,即大壯九三之反對,皆『君子」、『小

字,以爲小人之「用」與君子同,故特去其一。」

藩決不羸,尚往也。

以至盛之陽,用壯而進,故莫有當之,藩決開而不羸困程傳剛陽之長,必至於極,四雖已盛,然其往未止也,

者,恐人以居柔爲不進也,故以「尚往」明之。」
「九四以剛居柔,有能正之吉,無過剛之悔,「貞吉」、「悔其力也。「尚往」,其進不已也。 集説 項氏安世曰:

喪羊于易,位不當也。

而處之以柔,能喪其很者也。」 正當而有咎凶,位不當而無悔者有矣。 治壯。故治壯之道,不可以剛也。 之人,不足謂之壯也,必人君之勢有所不足,然後謂 勢,不相侔也,苟君之權足以制乎下,則雖有强壯 羊于易」之義。 中正得尊位,則下无壯矣。以六五位不當也,故設「喪 程傳所以必用柔和者,以陰柔居尊位故也。 剛柔者所以立本,變通者所以趨時。 然大率治壯不可用剛。 集説 王氏安石曰: 方其趨時,則 大壯之時,得中 夫君 臣 若以陽 上下之 跋 位

不任剛壯而已,蓋謂四陽已過矣,則五所處非當壯之位時地之相當不相當也。此「位不當」,不止謂以陰居陽,案:「位當」、「位不當」,《易》例多借爻位以發明其德與

❶ 「喜」,内府本作「嘉」。

不能退不能遂,不詳也。與則吉,咎不長也。六之艱,不貴無過而貴改過也。」○俞氏琰曰:「人之處不能退不能遂,不詳也。 集説胡氏炳文曰:「臨六三,分,過咎不長,乃吉也。 集説胡氏炳文曰:「臨六三,分,過咎不長,乃吉也。 集説胡氏炳文曰:「臨六三,分,過咎不長,乃吉也。 集説胡氏炳文曰:「臨六三,分,過咎不長,乃吉也。 集説 明吉,咎不長也。

本義「昭」,明之也。程傳「昭」,明之也。《傳》曰:明出地上,晉,君子以自昭明德。 而致咎,今詳審而不輕率,則其「咎不長也」。」

事,以爲易則不詳審,以爲艱則詳審。

向也既以不詳審

息。知所以自明,則本然之明,如日之出地,而其昭著德於天下,昭明德於外也。明明德在己,故云「自昭」。 集説胡氏炳文曰:「至健莫如天,君子以之「自强」,至集説胡氏炳文曰:「至健莫如天,君子以之「自昭」。 集説胡氏炳文曰:「至健莫如天,君子以之「自强」,至集説胡氏炳文曰:「至健莫如天,君子以之「自昭」。 本義「昭」,明之也。 程傳「昭」,明之也。《傳》曰:本義「昭」,明之也。 程傳「昭」,明之也。《傳》曰:「明德」,

晉如摧如,獨行正也。裕无咎,未受命也。同旨。」 《大學》所謂「明明德」,所謂「自明」,與此初無增損也。《大學》所謂「明明德」,所謂「自明」,與此

正,正與爻互相發明。」 易合,直道難容,惟正所以見摧,然安可因摧而自失其 「「獨行正」,是原所以見摧之故。大凡君子處世,枉己 於正,不可以人之不見知而改其度。」〇張氏振淵曰: 久速唯時,亦容有爲之兆者。 官守,不信於上而失其職,一日不可居也,然事非一概 特云初六裕則无咎者,始進未受命當職任故也。 人恐後之人不達寬裕之義,居位者廢職失守以爲裕,故 君子之於進退,或遲或速,唯義所當,未嘗不裕也。 獨行正道也。 本義初居下位,未有官守之命。 寬裕則无咎者,始欲進而未當位故 集説劉氏曰:「君子之 程傳无進无抑,唯 若有 也 聖

則曰「未順命」,一則曰「未受命」。物,如忘其勢,當其進也,守道優游,若將終身然。故也。然君子無急於乘勢趨時之意,當其臨也,至誠感案:「未受命」,與臨九二同,臨、晉皆君子道長向用之卦

受兹介福,以中正也。

E°_

《詩》曰:「靖共爾位,好是正直,神之聽之,介爾景福。」 時曰:「六二以柔順處乎衆陰,而獨無應,是不見知也。 程傳「受兹介福,以中正」之道也,人能守中正之道,久 母。」《小過》六二「遇妣」,即此言「王母」,二、五德同位 此之謂也。」〇何氏楷曰"「《爾雅》云"「父之妣爲王 故「晉如愁如」,然居中守正,素位而行,鬼神其福之矣。 而必亨,況大明在上而同德,必受大福也。 應,二受「介福」,以其履中得正也。」 集説楊氏

衆允之,志上行也。

程傳「上行」,上順麗於大明也。 亡地。」 二之「愁如」,猶有悔也,三德孚於衆,進得所願而「悔 之所同也。 集説李氏過曰:「初之「罔孚」,衆未允也, 上從大明之君,衆志

鼫鼠貞厲,位不當也。

聲曰:「履非其位,固其寵禄,「鼫鼠」之志,竊食黍稷而 **貪而懼失則畏人,固處其地,危可知** 程傳賢者以正德宜在高位,不正而處高位,則爲非據, 也。 集説陸氏希

失得勿恤,往有慶也。

程傳以大明之德,得下之附,推誠委任,則可以成天下

維用伐邑,道未光也。

之大功,是往而有福慶也。

也。 獨行願之志,故必克治其私,然後高而不危,免於亢悔 道必未光也,如勢位重,則有居成功之嫌,爵禄羈,則失 案:「道未光」,乃推原所以伐邑之故。蓋進之極,則 其道未光大,故亦可吝。 則无不中正,安有過也。今以過剛自治,雖 其道未光大也。以正理言之,尤可吝也。 程傳「維用伐邑」,既得「吉」而「无咎」,復云「貞吝」者, 夬五之「中未光」同。 聖人言盡善之道。 夫道既光大**,** 有功矣,然 於

明人地中,明夷,君子以涖衆,用晦 所不察,則己不勝其忿疾,而无寬厚含容之德,人情睽 衆,衆親而安,是用晦乃所以爲明也。 象,於「涖衆」也,不極其明察而「用晦」,然後能容物和 察,太察則盡事而无含弘之度,故君子觀「明人地中」之 程傳明所以照,君子无所不照,然用明之過,則傷於 疑 而不安,失涖衆之道,適所以爲不明也。 若自任其明,无 而 古之聖人設 明。

道,惟明而用晦,則既不汶汶而暗,亦不察察而明,雖无 其明。蓋雖明而用晦,雖用晦而明也。 『用晦而明』,只 ○林氏希元曰:「「用晦而明」,不是以晦爲明,亦不是晦 晦,反得其明也。」〇張子曰:「不任察而不失其治也。」 明,顯其智慧,民即逃其密網,姦詐愈生。 前 晦,意實相發。」 ○何氏楷曰:「晦其明,謂藏明於晦,晦而明,謂生明於 所不照,而有不盡照者,此古先帝王所以涖衆之術也。」 是不盡用其明,蓋盡用其明,則傷於太察,而无含弘之 「冕旒垂目,黈纊塞耳,無爲清静,民化不欺。 旒屏樹者,不欲明之盡乎隱也。 集説孔氏穎 豈非藏明用 若運其聰 達 티:

君子于行,義不食也。

亦明矣,去之可不速乎? 此伯夷、太公之事。」集説王氏申子曰:「義所不食,則于飛攸往,義所當行當然也。唯義之當然,故安處而无悶,雖不食可也。本義唯義所在不食可也。程傳君子遯藏而困窮,義

六二之吉,順以則也。

正之道。能順而得中正,所以處明傷之時,而能保其吉程傳六二之得吉者,以其順處而有法則也。「則」謂中

王用明夷之道,其如是乎。」之之誠,上三爻惟六五無去之之心,皆中順之臣也。○之之誠,上三爻惟六五無去之之心,皆中順之臣也。○本説項氏安世曰:「明夷之下三爻,惟六二有救也。集説項氏安世曰:「明夷之下三爻,惟六二有救也。集説項氏安世曰:「明夷之下三爻,惟六二有救也。

南狩之志,乃大得也。

而大得其志矣。志苟不然,乃悖亂之事也。之湯武,豈有意於利天下乎?「得其大首」,是能去害程傳夫以下之明,除上之暗,其志在去害而已,如商周

入于左腹,獲心意也。

也。得其心,所以終不悟也。程傳「入于左腹」,謂以邪僻之道,人于君而得其心意

箕子之貞,明不可息也。

身可辱也,而「明不可息也」。」 身可辱也,而「明不可息也」。」 是也。古之人,如揚雄者是也。集説蘇氏軾曰"「六思之於上六,正之則勢不敵,救之則力不能,去之則義五之於上六,正之則勢不敵,救之則力不能,去之則義可減息也。若逼禍患,遂失其所守,則是亡其明,乃滅可減息也。若逼禍患,遂失其所守,則是亡其明,乃減

初登于天,照四國也。後入于地,失則也。

明,則當照及四方也,乃被傷而昏暗,是「後入于地」,失本義「照四國」,以位言。程傳「初登于天」,居高而

「「則」者,不可踰之理,失則所以爲紂,順則所以爲文

明之道也。「失則」,失其道也。

集説胡氏炳文曰:

王。」

言行之謹於内也,言慎行脩,則身正而家治矣。 集説 即事之由内而出,故所言必有物,所行必有恒也。 知事之由内而出,故所言必有物,所行必有恒也。 外事之由内而出,故所言必有物,所行必有恒也。 本義身脩則家治矣。程傳正家之本,在正其身,正風自火出,家人,君子以言有物而行有恒。

君子樞機,出身加人,發邇化遠,故舉言行以爲之誡。」必有常,即身無擇行。正家之義,脩於近小,言之與行,孔氏穎達曰:「物」,事也。言必有事,即口無擇言,行

身始,此風自火出,所以爲家人之象也。君子知風之外,自然薰蒸而成者也。」○俞氏琰曰:「齊家之道,自脩炳文曰:「風自火出,一家之化,自吾言行出,皆由内及炀氏時曰:「言忠信則有物,行篤敬則有常。」○胡氏

則有物,不誠實則無物也。「恒」,謂常度,行而常久則物而无妄,行必有恒而不改。「物」,謂事實,言而誠實自,於是齊家以脩身爲本,而脩身以言行爲先,言必有

閑有家,志未變也。

有恒,不常久則無恒也。」

本義志未變而豫防之。程傳閑之於始,家人志意未本義志未變而豫防之。程傳閑之於始,家人志意未失義,處家之善也,是以「悔亡」。志變而後治,則所傷失義,處家之善也,是以「悔亡」。志變而後治,則所傷失義,處家之善也,是以「悔亡」。志變而後治,則所傷失義,處家之善也,是以「悔亡」。未變而後治,則不傷恩,不養表,處家之善也,是以「悔亡」。

六二之吉,順以巽也。

而興矣。」

程傳二以陰柔居中正,能順從而卑巽者也,故爲婦人

之貞吉也。

案:六二、六四之爲順同,順者女之貞也。四位高,故曰

順在位,二位卑,故曰「順以巽」。

家人嗝嗝,未失也。婦子嘻嘻,失家節也。

四七九

「嗝嗝悔厲」,猶得其道,「婦子嘻嘻」,乃失其節也。」與其慢,寧過乎恭,家與其瀆,寧過乎嚴,是以家人雖陽處陽,剛嚴者也。處下體之極,爲一家之長者也。行是我傳雖「嗝嗝」於治家之道,未爲甚失,若「婦子嘻嘻」,

富家大吉,順在位也。

吉孰大焉。」 哉? 以順居之,則滿而不溢,可以保其家而長守其富,『父子篤,兄弟睦,夫婦和,家之肥也。』豈以多財爲吉『父子篤,兄弟睦,夫婦和,家之肥也。』豈以多財爲吉程傳以巽順而居正,位正而巽順,能保有其富者也,

王假有家,交相愛也。

婦婦,同大順而無逆焉者,「交相愛」之義也。」○龔氏焕合,夫愛其内助,婦愛其刑家,「交相愛」也。能如是者,文王之妃乎! 若身脩法立而家未化,未得爲「假有家」と道也。 集説郭氏雍曰:「父父子子,兄兄弟弟,夫夫正之妃乎! 若身脩法立而家未化,未得爲「假有家」本義程子曰:「夫愛其内助,婦愛其刑家。」程傳「王本義程子曰:「夫愛其内助,婦愛其刑家。」程傳「王

非特夫婦而已也。」曰:「「交相愛」則一家之父子兄弟夫婦長幼,莫不相愛,

威如之吉,反身之謂也。

謂「威如」者,非嚴厲以爲威,反求諸己而已。」 慮後世以爲威嚴有餘而親睦不足,故特釋之以「反身」。 汝楳曰:「爻於初言「閑」,三言「嗃嗃」,上言「威」,聖人 朱氏震曰:「威非外求,反諸身而已。反身則正,正 於身也。孟子所謂「身不行道,不行於妻子」也。 謂」者,家人之道,所以成始成終者,脩身而已。」○趙氏 氏雍曰:「《象》明「言有物而行有恒」,而此又言「反身之 不正而尚威怒,則父子相夷,愈不服矣,安得吉?」〇郭 誠,誠則不怒而威,後世不知所謂威嚴者正其身也,或 行於己,則人怨而不服,故云「威如」而「吉」者,能 當有威嚴,而夫子又復戒云當先嚴其身也。威嚴不先 治家之道,以正身爲本,故云「反身之謂」。爻辭謂 本義謂非作威也,反身自治,則人畏服之矣。 集説 程 自反 治家 傳 則

上火下澤,睽,君子以同而異。

之性違異,所以爲睽離之象。君子觀睽異之象,於大同本義二卦合體,而性不同。 程傳「上火下澤」,二物

子以同而異」也。」○項氏安世曰:「同象兑之「説」,異象化,不能獨異者,隨俗習非之人也。要在同而能異耳,也,不能獨異者,隨俗習非之人也。要在同而能異耳,也,不能獨異者,隨俗習非之人也。要在同而能異耳,也,不能獨異者,隨俗習非之人也。要在同而能異耳,之中,而知所當異也。夫聖賢之處世,在人理之常,莫之中,而知所當異也。夫聖賢之處世,在人理之常,莫之中,而知所當異也。夫聖賢之處世,在人理之常,莫

見惡人,以辟咎也。

離之「明」。」

道。 矣,故必見之,所以免避怨咎也。无怨咎則有可合之也。若以惡人而拒絶之,則將衆仇於君子,而禍咎至也。若以惡人而拒絶之,則將衆仇於君子,而禍咎至程傳睽離之時,人情乖違,求和合之,且病其不能得

遇主于巷,未失道也。

意,如是宛轉以求其合也。「遇」非枉道迎逢也,「巷」非動之,盡力以扶持之,明義理以致其知,杜蔽惑以誠其合,賢臣在下,竭力盡誠,期使之信合而已。至誠以感本義本其正應,非有邪也。 程傳當睽之時,君心未

睽離之時,不得不委曲以求合,故曰「未失道」,言於正非必也,非必謂失道也。 集説 王氏申子曰:「處上下邪僻由徑也,故夫子特云「遇主于巷,未失道也」。「未」

見輿曳,位不當也。 无初有終,遇剛也。

道未爲失也。」

六三所遇,得剛明之人也。」 一旦者,言初爲上之見疑,然終則知己之誠而與之應,是 與上九相遇而合,乃「遇剛也」。不正而合,未有久而不 與上九相遇而合,乃「遇剛也」。不正而合,未有久而不 與上九相遇而合,乃「遇剛也」。不正而合,未有久而不 與上九相遇而合,,自无終睽之理,故賢者順理而安行, 與上九相遇而合,,非正也。非正則不安,又在二陽之閒, 程傳以六居三,非正也。非正則不安,又在二陽之閒,

《易》例乘剛之危最甚。 ,以乘剛也,《困》三舉「據于蒺藜」,亦以乘剛也,案:爻有兩喻,而《象傳》偏舉者,舉其重者也。此舉「見

交孚无咎,志行也。

「无咎」,夫子又從而明之,云可以行其志,救時之睽也。協志同力,則其志可以行,不止无咎而已。 卦辭但言程傳初四皆陽剛君子,當睽乖之時,上下以至誠相交,

厥宗噬膚,往有慶也。

明其義,言人君雖己才不足,若能信任賢輔 膚」矣,往則有相合之慶,蓋決之也。」 陰陽正應,故其辭如此。]○何氏楷曰: 如膚之柔,噬之則入,豈獨「无咎」,又將「有慶」。二、五 親之、二、五以中道相應、當睽之時,其閒也微而易合、 道,『遇主于巷』,將以行道,非爲邪也。 安世曰: 「二以五爲主,而委曲以入之,巷雖曲而 深入於己,則可以有爲,是往而有福慶也。 程傳爻辭但言「厥宗噬膚」,則可以往而无咎,象復推 「「厥宗」既「噬 五以二爲宗而 集説 ",使以 通諸 項氏 其道

遇雨之吉,羣疑亡也。

程傳「雨」者,陰陽和也,始睽而能終和,故吉也。所以程傳「雨」者,陰陽和也,始睽也,无所不疑,故云「羣疑」,睽極而合,則皆亡也。集説孔氏穎達曰:「「羣疑疑」,睽極而合,則皆亡也。集説孔氏穎達曰:「「羣疑症」者,往與三合,如雨之和,向之「見豕」、「見鬼」、「張」、「是極」、所以程傳「雨」者,陰陽和也,始睽而能終和,故吉也。所以

合而和,所以吉也。」 申子曰:「孤生於睽,睽生於疑,今羣疑既亡,則睽而合: 疑亡,知此者,志怪之書可焚,無鬼之論可熄。」〇王氏 言之甚詳,故聖人斷之曰「疑」。 牽强。」○趙氏汝楳曰:「怪力亂神,聖人所不語,而此卦 於不明者乎! 非者、雖明猶疑、疑之已甚 上面許多,皆是狐惑可疑之事而已,到後人解説,便多 負塗」、「載鬼一車」之類,孔子只説「羣疑亡也」,便見得 非是白撰,但今不可考耳。 能無疑。」〇《朱子語類》云: 上九剛過中,用明而過者也,故其始不 ,則以 到孔子方不説象,如「見豕 「諸爻立象,聖人必有所據 蓋心疑則境見,心明 無爲有,無所不至,況 萴

山上有水、蹇、君子以反身脩德。

程傳山之峻阻,上復有水,坎水爲險陷之象,上下險程傳山之峻阻,水行不利,不得其地,故蹇也。水行子之遇艱阻,必反求諸己。」故遇艱蹇,必自省於身有失而致之乎,是反身也。有所未善則改之,无歉於心則加勉,乃乎,是反身也。有所未善則改之,无歉於心則加勉,乃乎,是反身也。君子觀蹇難之象,而以「反身脩德」,君阻,故爲褒也。君子觀蹇難之象,而以「反身脩德」,君阻,故爲廢陷之象,上下險

曰:「反身象艮之背,脩德象坎之勞。」 因」與「山上有水,蹇」二句,便全不同。」○項氏安世個,然猶可行,故教人以「反身脩德」。 只觀「澤无水,個」、類命遂志」、「反身脩德」亦一般。」殊不知不然。似,「致命遂志」、「反身脩德」亦一般。」殊不知不然。何以,致命遂志」、「反身脩德」亦一般。」殊不知不然。不得其地,猶君子之行不得於人,不得於人,反求諸己曰:「反身象艮之背,脩德象坎之勞。」

往蹇來譽,宜待也。

見險而即止、《彖傳》之所謂知也。」 易以俟之爲宜也。」○龔氏焕曰:「居止之初,去險尚遠, 上已有碩義。 集説 王氏申子曰:「往而行險,不如居 上已有碩義。 集説 王氏申子曰:「往而行險,不如居 上已有碩義。 集説 王氏申子曰:「往而行險,不如居 上已有碩義。 集説 王氏申子曰:「往而行險,不如居 上,以待時可行而後行也。諸爻皆蹇往而善來,然則无

王臣蹇蹇,終无尤也。

其志在濟君難,雖未能成功,然終无過尤也。 聖人取其本義事雖不濟,亦无可尤。 程傳雖艱戹於蹇時,然

也」。」
也」。」
生態於五,五在坎中,險而又險,志在匡弼,匪惜曰:「二上應於五,五在坎中,險而又險,志在匡弼,匪惜志義而謂其「无尤」,所以勸忠蓋也。 集説 侯氏行果

往蹇來反,内喜之也。

程傳「內」,在下之陰也。方蹇之時,陰柔不能自立,故程傳「內」,在下之陰也。方蹇之時,故以「來」爲「反」,猶也,處蹇而得下之心,可以求安,故以「來」爲「反」,猶也,處蹇而得下之心,可以求安,故以「來」爲「反」,猶也,為蹇而得下之心,可以求安,故以「來」爲「反」,猶以之。

往蹇來連,當位實也。

實,上下之交,主於誠實,用各有其所也。 集説荀氏爽以實也。處蹇難,非誠實何以濟? 當位不曰正而曰也,當同患之時,相交以實其合可知,故來而連者,當位也,當同患之時,相交以實其合可知,故來而連者,當位以得衆矣。 又以陰居陰,爲得其實,以誠實與下,故能程傳四當蹇之時,居上位,不往而來,與下同志,固足

以爲誠實之實,未然。」

・「處正承陽,故曰「當位實也」。」○沈氏該曰:「四當曰:「處正承陽,故曰「當位實也」。」○沈氏該曰:「四當曰:「處正承陽,故曰「當位實也」。」○沈氏該曰:「四當

宜著九五説,言當尊位者有實德也,如「敵剛也」之例。案:荀氏、沈氏、姜氏之説皆是,然如此,則「當位」兩字,

大蹇朋來,以中節也。

程傳「朋」者,其朋類也。五有中正之德,而二亦中正,程傳「朋」者,其朋類也。五有中正之德,而二亦中正,雖大蹇之時,不失其守,蹇於蹇以相應助,是以其中正雖大蹇之時,不失其守,蹇於蹇以相應助,是以其中正雖大蹇之時,不失其守,蹇於蹇以相應助,是以其中正程傳「朋」者,其朋類也。五有中正之德,而二亦中正,

失,可以濟難而不至於犯難矣。裴度云「朝廷處置得五雖不言往來,而《傳》明其爲「中節」,則進止之宜不案:蹇卦之義,在乎進止得宜,爻之往來,即進止也。九

程傳上六應三而從五,志在內也。蹇既極而有助,是往蹇來碩,志在內也。利見大人,以從貴也。

宜,有以服其心」,其「中節」之謂乎?

也。所以云「從貴」,恐人不知大人爲指五也。 集説蘇自然其志從附以求自濟,故「利見大人」,謂從九五之貴以碩而吉也。六以陰柔當蹇之極,密近剛陽中正之君,以碩而吉也。六以陰柔當蹇之極,密近剛陽中正之君,

雷雨作,解,君子以赦過宥罪。氏軾曰:「內與貴,皆五之謂。」

剛柔之際,義无咎也。

難必解矣,故曰「義无咎也」。」
蔡氏淵曰:「柔居解初,而承剛應剛,得剛柔交際之宜,察氏淵曰:「柔居解初,而承剛應剛,得剛柔交際之宜,建以明,與一樣,以四相應,是剛柔相際接也。剛柔相際,爲得其

人謂其一無所爲也,故以從陽補其義,在後之例,與遯案:初本以居最内最後得來復之義,故「无咎」。孔子恐

初同。

九二貞吉,得中道也。

程傳所謂「貞吉」者,得其中道也。除去邪惡,使其中

直之道得行,乃正而吉也。

道,正釋得「黄矢」之義。 直而不中,則有以嫉惡去邪,而激成禍亂者多矣。得中室,「黄」者中也,「矢」者直也。人臣之道固主乎直,然

負且乘,亦可醜也。自我致戎,又誰咎也。

者乘釁而至,苟无釁隙,則盗安能犯?「負者小人之於《繫辭》明其致寇之道,謂「作《易》者其知盗乎」! 盜不稱其器,則寇戎之致,乃己招取,將誰咎乎? 聖人又程 傳負荷之人,而且乘載,爲可醜惡也。處非其據,德

而輕慢其藏,是教誨乎盜使取之也,女子而夭冶其容,之矣。「伐」者,聲其罪也。「盜」,橫暴而至者也。貨財也,故滿假而陵慢其上,侵暴其下,盜則乘其過惡而伐也。故盜乘釁而奪之,小人而居君子之位,非其所能堪事,乘者君子之器」,以小人而乘君子之器,非其所能安

之也,皆自取之之謂也。 集説。雷氏思曰:「「負且乘」,是教誨淫者使暴之也,小人而乘君子之器,是招盜使奪

大則爲戎,任使非人,則變解而蹇,天下起戎矣。」小人自以爲榮,而君子所耻,故「可醜」。 寇小則爲盜,

「致戎」、《繋傳》所謂「盜斯伐之」,皆謂有國家者也。案:雷氏説,極得此《傳》及《繫傳》之意。此《傳》所謂

解而拇,未當位也。

之所附麗也。必解去之,然後孚於其朋。「朋」,剛陽之也。 集説鄭氏汝諧曰:「四之所自處者不當,宜小人處未當位也。「解」者,本合而離之也,必解拇而後朋處未當位也。「解」者,本合而離之也,必解拇而後朋則其失正必矣,故戒必「解其拇」,然後能來君子,以其程傳四雖陽剛,然居陰,於正疑不足,若復親比小人,

案:德非中正,而應初比三,故曰「未當位」。

類。

「拇」,在下之陰。」

君子有解,小人退也。

道行,是以吉也。 集説 吴氏曰慎曰:「君子能有解,則程傳君子之所解者,謂退去小人也,小人去,則君子之

四八丘

之,而回心易行,不待黜抑而自退矣。案:如鄭氏説,則須云:君子果能有解,則雖小人亦信之退,驗君子之解,雖不言有孚,而有孚之義明矣。」小人退矣。小人若未退,則是君子未能解也。以小人

公用射隼,以解悖也。

而難解矣,故解卦以去小人爲要義。」
小人作,羣比如拇,邪媚如狐,驚害如隼,解拇獲狐射隼也,解則天下平矣。 集説 吴氏曰慎曰:「天下之難,由程傳至解終而未解者,悖亂之大者也,射之所以解之

也。 也。在有虞則共驩者内亂也,三苗者外亂亂外亂之别也。在有虞則共驩者内亂也,三苗者外亂案:五以前所解者,但總名之爲小人耳,此則曰「悖」,内

山下有澤,損,君子以懲忿窒欲。

之説爲是,益象亦然。案:凡《大象》配兩體之德者,皆先內後外,故當以虞氏

已事遄往,尚合志也。

爲尚,初之所尚者,與上合志也。四賴於初,初益於四,本義「尚」、「上」通。程傳「尚」,上也。時之所崇用

與上合志也

蓋當損下益上之時故也。位不援上也。惟損初爻言「遄往」,而《傳》謂「上合志」,案:《易》例,初九與六四雖正應,卻無往從之之義,在下

九二利貞,中以爲志也。

過者? 二所謂「利貞」,謂以中爲志也,志存乎中,則自其中德,何有不善? 豈有中而不正者? 豈有中而有程傳九居二非正也,處説非剛也,而得中爲善。 若守

而守貞,不損益之,良由居中,以中爲志,故損益得其節則有益於上矣。 集説孔氏穎達曰:「言九二所以能居正矣。 大率中重於正,中則正矣,正不必中也,能守中

中以爲志,則在己者無失,而益上之實,亦無出諸此。」以道自守,乃所以益之,故曰九二「利貞,中以爲志也」。適也。」○王氏宗傳曰:「順從爲事,則在己者所損多矣。

一人行,三則疑也。

程傳一人行而得一人,乃得友也。若三人行,則疑所

與矣,理當損去其一人,損其餘也。

「三思」,南容「三復」之類。 案:自二以上,皆可以三概之,不必正三人也,季文子

損其疾,亦可喜也。

其忠,豈非可喜之事哉?」項氏安世曰:「能不吝其疾,自損以受之,使合志者得效程,傳損其所疾,固可喜也。云「亦」,發語辭。 集 説

主己身,乃主於使遄來而益我者有喜,故變文曰「可喜」案:《易》多言「有喜」,而此傳云「亦可喜也」,則此喜不

是。

集説王氏弼曰:「遷善改過,益莫大焉。」○胡氏

六五元吉,自上祐也。

者,他人之辭也

程傳所以得「元吉」者,以其能盡衆人之見,合天地之

理,故自上天降之福祐也。

故此「上祐」,亦是言天心克亨,人神不能違也。龜不違,下又云「享于帝,吉」。則帝者,又百神之主也,案:「自上祐」,以爲正釋龜筮弗違亦可,然觀益二言朋

弗損益之,大得志也。

程傳居上不損下而反益之,是君子大得行其志也。

君

風雷,益,君子以見善則遷,有過則改。子之志,唯在益於人而已。

本義風雷之勢,交相助益,遷善改過,益之大者,而其

相益亦猶是也。

程傳風烈則雷迅,雷激則風怒,二物

盡天下之善,有過能改,則无過矣,益於人者,无大於道,无若「見善則遷,有過則改」也。 見善能遷,則可以相益者也。君子觀風雷相益之象,而求益於己,爲益之

也。」〇蔣氏悌生曰:「風雷相益,迅速不遲,君子法之,決於改過,則善當益純,是遷善改過又自有相益之功炳文曰:「雷與風自有相益之勢,速於遷善則過當益寡,

四八七

益不實,遷善改過,益之又益,充實而成其爲恒。」又損,致虚以復其爲咸。恒言久,心之德凝於實也,不言速,心之德通於虚也。不損不虚,「懲忿窒欲」,損之見善則即遷,知過必速改,不可猶豫。」○何氏楷曰:「咸

案: 雷者動陽氣者也,故人心奮發而勇於善者如之。

風

者散陰氣者也,故人心蕩滌以消其惡者如之。

元吉无咎,下不厚事也。

无咎。能致「元吉」,則在上者任之爲知人,己當之爲勝 在上所任,所以當大事,必能濟大事,而致「元吉」,乃爲 傳在下者本不當處厚事。「厚事」,重大之事也。 本義下本不當任厚事,故不如是,不足以塞咎也。 者非以是而自私也,故《損》之上「利有攸往,得臣 任,不然,則上下皆有咎也。 僚屬之於官長,皆不可以踰分越職,縱可爲,亦須是盡 此推之、則凡居下者不當厚事、如子之於父、臣之於君、 子語類》云:「「利用大作」、《象》曰:「下不厚事也。」自 必「元吉」,然後「无咎」,以其位非厚事之地也。」○《朱 之事也。 家」、《益》之初「利用爲大作」。 「爲大作」者,當爲大益 然在下而爲大益之事,位未崇也,誠未孚也, 集説鄭氏汝諧曰:「得益 以爲 程 无

或益之,自外來也。善,方能無過,所以有「元吉无咎」之戒也。」

《損》六五之「或益之」,「自上祐也」,皆言本無求益之 虚中,天下孰不願益之? 矣。或曰:「自外來」,豈非謂五乎? 受天下之善而固守,則有有益之事,衆人自外來益之 而至也。」 意,而益自至也。 不召而至也。」○楊氏簡曰:「「或益之,自外來也」,亦猶 説孔氏穎達曰:「「自外來」者,明「益之」者從外而來, 本義「或」者,衆无定主之辭。 曰「自外來」,言非中心之所期,自外 五爲正應,固在其中矣。 程傳既中正 曰:如二之中正 虚中, 集 能

益用凶事,固有之也。

有者,非「自外來」也。」

告公從,以益志也。

苟在於益天下,上必信而從之。事君者不患上之不從, 明之曰「告公」而獲「從」者,告之以益天下之志也。 患其志之不誠也。 程傳爻辭但云得「中行」,則「告公」而獲「從」。《象》復 集説 龔氏焕曰:「六四之「告公」, 志

以益民爲志,故得見「從」也。」

有孚惠心,勿問之矣。惠我德,大得志也。 德,則我「大得志也」。」〇張氏振淵曰: 信而懷己德,故曰「有孚惠我德」。 君雖不言,人惠其 孚惠心,勿問」。問,猶言也。 己爲念,雖「有孚惠心」及下,終不言以彰己功,故曰「有 程傳人君有至誠惠益天下之心,其元吉不假言也,故 問焉。「大得志」,非以民之惠我爲「得志」,以我足以致 人君之志得矣。 云「勿問之矣」。 天下至誠懷吾德以爲惠,是其道大行, 集説崔氏憬曰:「損上之時,一以損 如是獲「元吉」,且爲下所 「惠出於心,又何

莫益之,偏辭也。 或擊之,自外來也

御纂周易折中卷十二

民惠我爲得志也。」

求益而「或益之」、「自外來也」、上求益而「或擊之」、亦 擊之,立心勿恒,凶。」」君子言動與求,皆以其道,乃完 動,則民不與也,懼以語,則民不應也,无交而求,則民 後語,定其交而後求。君子脩此三者,故全也。 之凶,由立心之「勿恒」,吉凶之道,未有不自心生者。」 善也,不然,則取傷而凶矣。 不與也, 莫之與,則傷之者至矣。《易》曰:「莫益之,或 而至是也。《繫辭》曰:「君子安其身而後動,易其心而 爲不善,則千里之外違之,上九求益之極,擊之者自外 里之外應之,六二中正虚己,益之者自外而至是也。 則人亦益之,何爲擊之乎? 既求益於人,至於甚極,則 於人,則人亦與之力争,故莫肯益之而有擊奪之者矣。 衆人所同欲,苟公其心,不失其正理,則與衆同利,无侵 『自外來也』,孰有以來之,五之吉,由中心之『有孚』,上 人皆惡而欲攻之,故擊之者「自外來也」。人爲善,則千 云「莫益之」者,非其偏己之辭也,苟不偏己,合於公道. 於人,人亦欲與之,若切於好利,蔽於自私,求自益以損 言之,則又有擊之者矣。 本義「莫益之」者,猶從其求益之偏辭而言也,若究而 程傳理者天下之至公,利者 集説胡氏炳文曰: 二二不 危以 苟

627

四八九

本義「澤上於天」,潰決之勢也。「施禄及下」,潰決之澤上於天,夬,君子以施禄及下,居德則忌。

天」,上於天,則意不安而有決潰之勢,云在天上,乃安慈也。「居德則忌」,未詳。程傳澤,水之聚也,而上於決潰之象,則以「施禄及下」,謂施其禄澤以及於下也,觀其之象,則以「施禄及下」,謂施其禄澤以及於下也,觀其之象,則以「施禄及下」,謂施其禄澤以及於下也,觀其之象,則以「施禄及下」,謂施其禄澤以及於下也,觀其之象,則以「施禄及下」,謂決之外也。「所忌」,亦通。不云「澤在天上」,而云「澤上於不道之象,則以「施禄及下」,謂決之外也。「施禄及下」,清決之本義「澤上於天」,清決之勢也。「施禄及下」,清決之本義「澤上於天」,清決之勢也。「施禄及下」,清決之本義「澤上於天」,清決之勢也。「施禄及下」,清決之本義「澤上於天」,清決之勢也。「施禄及下」,清決之本義「澤上於天」,清決之為。

躬。」夫如是,則何潰決之患之有?《禮》曰:「積而能散。」《書》曰:「敬忌而罔有擇言在畏忌,則滿而溢。故君子之居德也,則常存畏忌而已。財聚而不散則悖出,故「君子以施禄及下」。居身無所財聚而不散則悖出,故「君子以施禄及下」。居身無所案:「澤上於夭」,所謂「稽天之浸」也,必潰決無疑矣。

辭也。

不勝而往,咎也。

也。集説王氏申子曰:「謂非往之爲咎,不能度其可不能勝而且往,其咎可知。凡行而有咎者,皆決之過程傳人之行,必度其事可爲,然後決之,則无過矣。理

光,勝心不可有也,況不勝而往乎!」勝而後往之爲咎也。」〇谷氏家杰曰:「夬之道,其危乃

有戎勿恤,得中道也。

矣。與《大壯》九二「貞占」同,故皆稱其得中。」是。與《大壯》九二「貞占」同,故皆稱其得中。」是一旦,然非正,其爲至善,何也? 曰:陽決陰,之大方也。 集説張子曰:「能得中道,故剛而不暴。」之大方也。 集説張子曰:「能得中道,故剛而不暴。」之大方也。 集説張子曰:「能得中道,故剛而不暴。」之大方也。 集説張子曰:「能得中道,故剛而不暴。」之大方也。 集説張子曰:「能得中道,故剛而不暴。」

君子夬夬,終无咎也。

道。

案:「有戌勿恤」者,謂不輕於即戎也,此所以爲「得

程傳九處陰,位不當也。以陽居柔,失其剛決,故不能其行次且,位不當也。聞言不信,聰不明也。始言之,始雖「若濡有愠」,終必決去而「无咎」也。」程傳牽梏於私好,由无決也。君子義之與比,決於當程傳牽梏於私好,由无決也。君子義之與比,決於當

「不明」也。 豈復有明也? 故「聞言」而不能「信」者,蓋其「聰」聽之强進,「其行次且」。 剛然後能明,處柔則遷,失其正性,

任,而欲「次且」前進之非宜也。 案:四與陰尚隔,「位不當」者,借爻位以明四之未當事

中行无咎,中未光也。

本義程《傳》備矣。程傳卦解言「夬夬」,則於中行爲本義程《傳》備矣。程傳卦解言「夬夬」,則於中行爲太告矣。《象》復盡其義云「中未光也」。夫人心正意就,乃能極中正之道而充實光輝,五心有所比,以義之就,乃能極中正之道而充實光輝,五心有所比,以義之不能無累,故必正其行,然後免咎。」○趙氏汝楳曰:「他不能無累,故必正其行,然後免咎。」○趙氏汝楳曰:「他本義程《傳》備矣。程傳卦解言「夬夬」,則於中行爲本義程《傳》備矣。程傳卦解言「夬夬」,則於中行爲本義程《傳》備矣。程傳卦解言「夬夬」,則於中行爲

L 虎 こう,冬ご、丁 wy 17。 雖「中行」而猶「未光」也。 案:張子之説極是,蓋因「中未光」,故貴於「中行」,非謂

上而致然乎,故於中爲「未光」也。」

无號之凶,終不可長也。

程傳陽剛君子之道,進而益盛,小人之道,既已窮極,

小人之道亡也,道亡乃其凶也。

《四人之道亡也,道亡乃其凶也。

《四人之道亡也,道亡乃其凶也。

《四人之道亡也,道亡乃其凶也。

《四人之道亡也,道亡乃其凶也。

《四人之道亡也,道亡乃其凶也。

《四人之道亡也,道亡乃其凶也。

《四人之道亡也,道亡乃其凶也。

《四人之道亡也,道亡乃其凶也。

《四人之道亡也,道亡乃其凶也。

天下有風,姤,后以施命誥四方。

程傳風行天下,无所不周,爲君后者觀其周徧之象,以程傳風行天下,无所不周,爲君后者觀其周徧之象,以程傳風行天下,无所不周,爲君后者觀其周徧之象,以程傳風行天下,无所不周,爲君后者觀其周徧之象,以程傳風行天下,无所不周,爲君后者觀其周徧之象,以程傳風行天下,无所不周,爲君后者觀其周徧之象,以程傳風行天下,无所不周,爲君后者觀其周徧之象,以程傳風行天下,无所不周,爲君后者觀其周徧之象,以程傳風行天下,无所不周,爲君后者觀其周徧之象,以程傳風行天下,无所不周,爲君后者觀其周徧之象,以

歷徧覽,風行地上之象也。「誥」,自上而下,天下有風之象也。曰「省」曰「觀」,周曰「施命誥四方」,在觀則曰「省方觀民設教」,曰「施」曰

伏陰也。

也。「施命」、「申命」、所以消隱慝、除積弊、法風之吹散电。「施命」、「申命」、所以消隱慝、除積弊、法風之吹散與巽正同、蓋在三畫之卦爲巽者、在六畫之卦即爲姤案:巽之「申命」、因有積弊而振飭之也。 姤之「施命」,

繫于金柅,柔道牽也。

包有魚,義不及賓也。

包苴之魚,義不及於賓客也。集説吴氏曰慎曰:「九程傳二之遇初,不可使有二於外,當如包苴之有魚。

可近,不可下。」此之謂也。

遇於賓也,若不制而使遇於賓,則失其義矣。」二既「包有魚」,則當盡其防制之責,以義言之,不可使

其行次且,行未牽也

以至此。」

案:《易》中言「牽」者,自小畜至此,皆當爲牽制之義。

无魚之凶,遠民也。

本義民之去已,猶己遠之。程傳下之離,由己致之。本義民之去已,猶己遠之也,爲上者有以使之離也。集説余氏本曰:「言其使民失道,無以結民之心,致民之去己,由己之遠乎民也。」

「遠民」者,己遠之也,爲上者有以使之離也。集説余年之意,徒欲遠之而不能容之制之,此所以「包无魚」也。君子之於小人也,惟其能容之,是以能制之,不能容之,則彼自絶矣,欲以力制,不亦難乎!《書》曰:「民容之,則彼自絶矣,欲以力制,不亦難乎!《書》曰:「民容之,則彼自絶矣,欲以力制,不亦難乎!《書》曰:「民容之,則彼自絶矣,欲以力制,不亦難乎!《書》曰:「民容之,則彼自絶矣,欲以力制,不亦難乎!《書》曰:「民容之,則彼自絶矣,欲以力制,不亦難乎!《書》曰:「民容之,則彼自然之。

九五含章,中正也。有隕自天,志不舍命也。

章而有輝光。「命」,天理也。「舍」,違也。至誠中正,程傳所謂「含章」,謂其含藴中正之德也,德充實,則成

集説蘇氏軾曰:「陰長而消陽,天之命也,有以勝之,屈己求賢,存志合於天理,所以「有隕自天」,必得之矣。

天而隕者,言人之至者,天不能勝也。」〇楊氏啟新曰:人之志也,君子不以命廢志,故九五之志堅,則必有自

「陰陽迭勝,天運自然,而心心念念,不舍天命,以静制

之,此所以挽回造化也。」

天時既至而瓜隕也。雖天命之必然,亦由君子積誠脩案:《詩》云:「桑之落矣,其黄而隕。」故「有隕自天」,謂

姤其角,上窮吝也。

德,與之符會,故曰「志不舍命」。

程傳既處窮上,剛亦極矣,是上窮而致吝也。以剛極

居高而求遇,不亦難乎。

案:不與陰遇雖无咎,然君子終以不能濟時爲可羞,爲

其身在事外,所處之窮故爾。

澤上於地,萃,君子以除戎器,戒不虞。

御纂周易折中卷十二

乎? 隄防之勞,以隄防而聚澤,則有潰決之憂,故君子觀此 此。」〇王氏申子曰:「澤上有地,臨,則聚澤者地岸也, 中,今卻上於地上,是水盛有潰決奔突之憂,故取象如 凡物聚衆盛,處必有争,故當豫爲之備。又澤本當在地 氏弼曰:「聚而無防,則衆生心。」○《朱子語類》云:「大 聚之象,君子觀萃象,以除治戎器,用戒備於不虞。凡 象爲治世之防,除治其戎器,以爲不虞之戒。 澤上於地,萃,則聚澤者隄防也。 也,去弊惡也。 大率既聚則多故矣,故觀萃象而戒也。 物之萃,則有不虞度之事,故衆聚則有争,物聚則有奪, 本義「除」者,脩而聚之之謂。 而忘戰守之備,則是以舊防爲無用而壞之也,其可 除而聚之,所以「戒不虞」也。 程傳澤上於地,爲萃 以地岸而聚澤,則無 「除」,謂簡 若以治安 集説 治

乃亂乃萃,其志亂也。

「非其志惑亂,必無舍應亂萃之理。」其守,則爲小人所惑亂而失其正矣。 集説李氏簡曰:程傳其心志爲同類所惑亂,故乃萃於羣陰也,不能固

引吉无咎,中未變也。

四九三

蓋六二所守之中道,不以爲上所引而有所變也。 含其意以存戒也。 集 説 楊氏萬里曰:「「中未變」者: 柔之才,以其有中正之德,可覬其未至於變耳,故《象 之時,居其閒能自守不變,遠須正應,剛立者能之,二陰 變」,辭若不足,何也?」曰:「羣陰比處,乃其類聚,方萃 則不相引矣。或曰:「二既有中正之德,而《象》云 「未 而萃,則吉而无咎,以其有中正之德,未遽至改變也 五雖正應,然異處有閒,乃當萃而未合者也,故能 程傳萃之時以得 聚爲 吉,故九 四 爲 得上下之萃,二 相引 變 與

「不變塞焉」,孟子所謂「達不離道」者是也。 此「中未變」,與比二「不自失」之意同、《中庸》所謂

往无咎,上巽也。

也。 「无咎」。「上」非上六,謂在上之陽也。」

大吉无咎,位不當也。

我,三不以無應之故,能往歸於上,雖「小吝」而亦可以 攸利。雖然,當萃之時,下欲萃於上,上亦欲下之萃於 諧曰:「下一陰皆萃於陽矣,三獨無附,故咨嗟怨嘆而无 程傳上居柔説之極,三往而无咎者,上六巽順而受之 集説虞氏翻曰:「動之四,故「上巽」。」○鄭氏汝

> 有君萃之象,疑於有咎故也。」 四《象》曰「位不當」。「大吉无咎」者,上比於君,以臣 在上之萃也,九四在下之萃也,故九五曰「萃有位 近其君也。]〇熊氏良輔曰:「九四、九五皆萃之主,九五 凡言位不當,其義不一,此所謂不當者,爲其以剛陽迫 吉」,然後爲「无咎」也。 亦同,自非所爲至善,則其君病之,烏能无咎,戒之也 也1。」〇鄭氏汝諧曰:「其位近,其德同,其爲下之所歸 矣。」〇郭氏雍曰:「四得上下之聚而非君位,故言「不當 説蘇氏軾曰"「非其位而有聚物之權,非大吉,則有咎 程傳以其位之不當,疑其所爲未能 非盡善,安得爲大吉乎? 盡善,故云必得「大 一,而 集 丽

萃有位,志未光也。

借爻位之當不當,以發明其德與時位之當不當

案:鄭氏謂凡言「位不當」,其義不一者是已,然須知

是

之所以「未光也」。」〇胡氏炳文曰:「四必「大吉」而 焕曰:「五有其位者也,徒有其位,故人或「匪孚」,此 歸,若尚有「匪孚」,是其志之「未光」大也。 志,必欲誠信著於天下,有感必通,含生之類,莫不 本義「未光」,謂匪孚。 程 傳 象舉爻上句。 集説龔 王 者之 志 氏 懷

也」,然則欲當天下之萃者,不可無其位,有其位又不可。然則欲當天下之萃者,不可無其位,有其位又不可。

齎咨涕洟,未安上也。

無其德。」

程傳小人所處,常失其宜。既貪而從欲,不能自擇安程傳小人所處,常失其宜。既貪而從欲,不能自擇安起,至於困窮,則顛沛不知所爲,六之「涕洟」,蓋不安於地,至於困窮,則顛沛不知所爲,六之「涕洟」,蓋不安於此,至於困窮,則顛沛不知所爲,六之「涕洟」,蓋不安於此,至於困窮,則顛沛不知所爲,六之「涕洟」,蓋不安於此,至於困窮,則顛沛不知所爲,六之「涕洟」,蓋不安於此,至於困窮,則顛沛不知所爲,六之「涕洟」,蓋不安於然而已乎。」

周公之處東國,必號泣曉曉,求萃於君父而後已也。案:「上」,猶外也。雖在外而不敢自安,如舜之耕歷山,

地中生木,升,君子以順德,積小以高大。

地中,長而上升,爲升之象。君子觀升之象,以順脩其意尤明白,蓋古字通用也,説見上篇蒙卦。 程傳木生本義王肅本「順」作「慎」,今案他書引此,亦多作「慎」,

義也。 集説胡氏炳文曰:「木之生也,一日不長則枯,實,道德之崇高,皆由積累而至,積小所以成高大,升之之進,皆以順道也。「善不積不足以成名」,學業之充德,積累微小以至高大也。 順則可進,逆乃退也。 萬物

允升大吉,上合志也。

積小高大,當如木之升矣。」

德之進也,一息不慎則退,必念念謹審,事事謹審,其德

程傳與在上者,合志同升也。「上」,謂九二,從二而程傳與在上者,合志同升,衆之所允,無所不利,故上,雖處至下,志與三陰同升,衆之所允,無所不利,故上,雖處至下,志與三陰同升,衆之所允,無所不利,故上,雖處至下,志與三陰同升也。「上」,謂九二,從二而程傳與在上者,合志同升也。「上」,謂九二,從二而

九二之孚,有喜也。

案: 吕氏以上爲上體三陰者是。

喜」,蓋「梏」於「童」則易,又免强制之難,是有可喜也。又有可喜也。如《大畜》「童牛之梏,元吉」,《象》云「有慶」者,如是則有福慶及於物也,言「有喜」者,事既善而以行剛中之道,澤及天下,是「有喜也」。凡《象》言「有程傳二能以孚誠事上,則不唯爲臣之道无咎而已,可程傳二能以孚誠事上,則不唯爲臣之道无咎而已,可

升虚邑,无所疑也

程傳入无人之邑,其進无疑阻也。集説蘇氏軾曰: 宋:乾四曰:[「或」之者,疑之也,故无咎。]果於進而无 太:乾四曰:[「或」之者,疑之也,故曰「升虚邑,无所疑 也」。不言吉者,其爲禍福未可知也,存乎其人而已。」 秦:乾四曰:[「或」之者,疑之也,故无咎。]果於進而无 太所疑

王用亨于岐山,順事也。

案:用賢以享於神明,是順神明之心而事之者也。上順於上,下順乎下,已順處其義,故云「順事也」。柔居坤,順之至也。文王之亨于岐山,亦以順時而已。位。而當升時,得「占」而「无咎」者,以其有順德也。以本義以順而升,登祭於山之象。程傳四居近君之本義

貞吉升階,大得志也。

則猶自階而升也。 集説 何氏楷曰:「即《彖》所謂「有治,其志可大得也。君道之升,患无賢才之助爾,有助,程傳倚任賢才而能貞固,如是而升,可以致天下之大

案: 自初而升,至此而升極矣,故初曰「上合志」,此曰

澤下,水在澤下,困之象也。

處困而屈其志者小人也,

慶」、「志行」者也。」

「大得志」。

集説胡氏瑗曰:「上六既不達存亡之幾,以至於上位,也。「不富」,无復增益也。升既極,則有退而无進也。程傳昏冥於升極,上而不知己,唯有消亡,豈復有加益冥升在上,消不富也。

「冥升在上」者,以在上明其位勢之滿盛,故當以自消損案:胡氏之説善矣。然不曰「不息之貞」消不富也,而曰固當消虚自損,不爲尊大,以自至於富盛也。」

澤无水,困,君子以致命遂志。

爲貞也。

遂其爲善之志乎? 集説王氏弼曰:「澤无水,則水在授命,言持以與人而不之有也。能如是則雖困而享矣。 其防慮之道而不得免,則命也,當推致其命以遂其志。 其防慮之道而不得免,則命也,當推致其命以遂其志。 其防慮之道而不得免,則命也,當推致其命以遂其志。 其於處之道而不得免,則命也,當推致其命以遂其志。 以命之當然也,則窮塞禍患,不以動其心,行吾義而已。 以命之當然也,則窮塞禍患,不以動其心,行吾義而已。

也; 聽其自至焉,「致命」也。 遂,所謂從吾所好也。」○馮氏當可曰: 君子固窮,道可忘乎!」〇鄭氏汝諧曰:「知其不可求」 楷曰:「「致」,猶委也。 而已矣。 求幸免者,無不爲也,而卒不得免焉,則亦徒喪其所守 命在天而致之,志在我則遂之。 困而有不困者,志之遂也。若小人處之,則凡可以 體坎險以「致命」,體兑説而「遂志」。」○何氏 人不信其命,則死生禍福 在 命者不可求,在志者則 困而安於困者,命之致 「君子之處困也 一一一一 可 而

入于幽谷,幽不明也。

志者,夫且能以志立命。」

百端,居貞之志,何以自遂?

今

委之命,則不以

命貢

程傳「幽不明也」,謂益人昏暗,自陷於深困也,明則不

至於陷矣。

困于酒食,中有慶也。

之道亨,乃「有慶也」。 能致亨而有福慶也。雖使時未亨通,守其中德,亦君子程傳雖困於所欲,未能施惠於人,然守其剛中之德,必

據于蒺藜,乘剛也。入于其宫,不見其妻,不案:二有中德,故能以酒食亨祀而有福慶。

祥也

焉。」 「不祥」者,不善之徵,失其所安者不善之效,故云:「不 「不祥」者,不善之徵,失其所安者不善之效,故云:「不 「困于石」。 退乘二之剛,故「據于蒺藜」。 上其宫也,其 原可入,而以柔遇柔,謂乘九二之剛,不安,猶藉刺也。 程傳「據于蒺藜」,謂乘九二之剛,不安,猶藉刺也。

以其「乘剛」言之。剛」之義最重,故《睽》二「見輿曳」,此爻「據于蒺藜」,皆案:爻有衆喻,而《傳》偏舉一者,舉其重者也。《易》「乘

來徐徐、志在下也、雖不當位、有與也

曰「有終」。」○何氏楷曰:「五爲近比,則四之所與者。」然四、五合德,天下之事終以舒徐濟之,故曰「有與」,又除」、四曰「徐徐」。「志在下」者,四位雖上而心則下也。 徐」,四曰「徐徐」。「志在下」者,四位雖上而心則下也。 徐」,四曰「徐徐」。「志在下」者,四位雖上而心則下也。 程傳四應於初而隔於二,志在下求,故徐徐而來,雖居

德辨而明,中正道行,志則大遂,故「乃徐有説」也。」而有説,以中直之道,得在下之賢,共濟於困也。不曰而有説,以中直之道,得在下之賢,共濟於困也。不曰盡其誠意,如「祭祀」然。以求天下之賢,則能享天下之盡其誠意,如「祭祀」然。以求天下之賢,其濟於困也。不曰。。 一种正」與二合者,云「直」乃宜也。「直」比「正」意差緩, 一本。與一方不可以,以中直之道,得在下之賢,共濟於困也。不可以,所以中直之道,得在下之賢,共濟於困也。不曰

困于葛藟,未當也。動悔有悔吉,行也。

者,以能行而得之也,「行也」二字乃是解「征吉」之義。」有悔吉」是句,「行也」是句。「動悔有悔」之所以「吉」集,説陸氏希聲曰:「行而獲吉,故曰變乃通也。」田氏集,説陸氏希聲曰:「行而獲吉,故曰變乃通也。」田氏知動則得悔,遂有悔而去之,可出於困,是其行而吉也。知動則得悔,遂有悔而去之,可出於困,是其行而吉也。程傳爲困所纏而不能變,未得其道也,是處之未當也。

本義木上有水,津潤上行,井之象也。「勞民」者以木上有水,井,君子以勞民勸相。

養民,「勸相」者使民相養,皆取井養之義。

程傳水承

君

日 傳曰:「「勸相」,即相友相助相扶持之意。」 井底,卻能汲上來給人之食,故取象如此。]]○李氏 井之義與木上有水何預?」曰:「木上有水,便如水本在 水如珠顆,雖藏之密室亦然,非露水也。 至樹末,便是木上有水之義。 是井水上行之象。」〇又云:「草木之生,津潤皆上行,直 瓶自是瓦器,只是説水之津潤上行,至那木之杪,這 「「木上有水,井」,説者以爲木是汲器,則後面卻 性潤下,能上潤於物者,井之用也。」〇《朱子語類》云: 法井之用也。 之德,以勞徠其民,而勸勉以相助之道也。 水而上之,乃器汲水而 「養而不窮,莫若勞民而勸相也。」○楊氏繪曰:「水 勸民使相助,法井之施也。 出 井之象。 如菖蒲葉,每晨葉尾皆有 君子觀井之象,法井 問:「如此,則 集 勞徠其民 説 有 張子 瓶 便

井泥不食,下也。舊井无禽,時舍也。民」者,如巽風之布號令。「勸相」者,如坎水之相灌輸。「巽乎水而上水」,則鄭氏桔槔之説不妨並存也。「勞案:《大象》「木上有水」,須以朱子之説爲長。《彖傳》

也,无水而泥,人所不食也,人不食,則水不上,无以及本義言爲時所棄。程傳以陰而居井之下,泥之象

也,若能及禽鳥,是亦有所濟也。「舍」,上聲,與乾之 禽鳥,禽鳥亦不至矣。 見其不能濟物,爲時所舍置不用 ⁻時舍」音不同。 集説孔氏穎達曰:「「下也」者,以其

亦不向,是一時共棄舍也。」 最在井下,故爲「井泥」也。 「時舍也」者,人既不食,禽

井谷射鮒,无與也。

引而上,成井之功矣。 程傳并以上出爲功,二陽剛之才,本可濟用,以在下而 上無應援,是以下比而「射鮒」,若上有與之者,則當汲 集説谷氏家杰曰:「謂有泉而

井渫不食,行惻也。求王明,受福也。

「无與」,與無泉而時棄者,自不可同也。」

憂,賢者不以不遇而惻。「心惻」者,行人也,行汲之人, 福,志切於行也。 也。既以不得行爲「惻」,則豈免有求也,故求王明而受 治而不見食,乃人有才知而不見用,以不得行爲憂惻 知於上,則福被生民,猶井汲 爲之求王者之明也。 本義「行惻」者,行道之人,皆以爲惻。程傳「井渫」, 集説趙氏汝楳曰:「井不以不食爲 求王之明,豈朋比以干禄,爲其見 而出,然後利及於人也。」

> 以並受其福矣。」 之人亦爲之惻然矣。縱不求人之我用,人亦爲之求之, 〇王氏申子曰:「「井渫」而不爲人所食,縱不自惻,行道

井甃无咎,脩井也。

也。 也,并者泉之所寄也,静也虚也。 陽爲動爲實,陰爲靜爲虚,泉者所以爲井也,動也實 上六最上,故曰 【收」。 六四居其閒而不失正,故曰 至如是,如是則可咎矣。 治不廢也,故「无咎」,僅能免咎而已。 程傳発者,脩治於井也,雖不能大其濟物之功,亦能脩 「甃」。甃之於井,所以禦惡而潔井也,井待是而潔,故 以瓦甓壘井稱「甃」。] 〇蘇氏軾曰:「「脩」,潔也。 集説虞氏翻曰:「脩」,治 初六最下,故曰「泥」。 若在剛陽,自不

寒泉之食,中正也。

「无咎」。」

程傳「寒泉」而可食,井道之至善者也。 九五中正之

德,爲至善之義。

案:《詩》云:「泉之竭矣,不云自中。」蓋不中則源不常 流不逮下而不食也。 裕而不寒也。又云:「冽彼下泉,浸彼苞蕭。」蓋不正 則

四九九

元吉在上,大成也。

程傳以大善之吉在卦之上,井道之大成也。井以上爲

成功。

澤中有火,革,君子以治曆明時。

變革中,便有箇治曆明時底道理。」本義四時之變,革之大者。程傳水火相息爲革。本義四時之變,革之大者。程傳水火相息爲革。 一○《朱子語類》云:「治曆明時」,非謂曆當改革,蓋四時也。「天地革而四時成」,故「君子以治曆明時」也。」 也。「天地革而四時成」,故「君子以治曆明時」也。」 也。「天地革而四時成」,故「君子以治曆明時」也。」 ○《朱子語類》云:「治曆明時」,非謂曆當改革,蓋四時 一○《朱子語類》云:「治曆明時」,非謂曆當改革,蓋四時 一○《朱子語類》云:「治曆明時底道理。」

鞏用黄牛,不可以有爲也。

而人未必從,當革之始,遽革而人未必信,固執中順之中順,未可大有所爲。」○鄭氏汝諧曰:「居位之下,革之也。 民固即日而未孚,可遽革之乎? 故但可固守也。 集説胡氏瑗曰:「凡革之道,必須巳日,然後可以程傳以初九時位才皆不可以有爲,故當以中順自固程傳以初九時位才皆不可以有爲,故當以中順自固

巳日革之,行有嘉也。

革言三就,又何之矣。

改命之吉,信志也。

矣。革之道,以上下之信爲本,不當不孚則不信,當而程傳改命而吉,以上下信其志也。誠既至,則上下信

志」,即「有孚」之謂。 革以「有孚」爲本,信足以孚乎人不信,猶不可行也,况不當乎! 集説 龔氏焕曰:「「信

大人虎變,其文炳也。

心,則可以「改命」而得吉矣。」

君子豹變,其文蔚也。小人革面,順以從君

也。

草之暢茂而叢聚也。」〇俞氏琰曰:「小人居革之終,幡茂而成斑,其文炳然,如火之照而易辨也,其文蔚然,如人勉而假善,君子所容也,更往而治之,則凶矣。 集其外,以順從君上之教令,是革面也,至此革道成矣。 抗張子曰:「以柔爲德,不及九五剛中炳明,故但文章説張子曰:「以柔爲德,不及九五剛中炳明,故但文章説張子曰:「以柔爲德,不及九五剛中炳明,故但文章説張子曰:「以柔爲德,不及九五剛中炳明,故但文章就張子曰:「以柔爲德,不及九五剛中炳明,故但文章,就不够革道已成之時。 虎之文脩大而有理,豹之文密,以而成斑,其文炳然,如火之照而易辨也,其文蔚然,如是有人以,则亦不敢肆其恶。 革易

心不革,非也。」然響道,以順從君,無不心悦而誠服。或者乃謂面革

丽

木上有火,鼎,君子以正位凝命

曰: 耳,凡動爲皆當安重也。 之義,謂安重也。 其安重之象,則凝其命令,安重其命令也。「凝」,聚止 其體安重。取其端正之象,則以正其位,謂正其所居之 觀鼎之象,以「正位凝命」。鼎者,法象之器,其形端正, 以定命,知革而不知鼎,則天下之亂滋矣。]○項氏安世 位,君子所處必正,其小至於席不正不坐,毋跛毋倚,取 傳「木上有火」,以木巽火也,烹餁之象,故爲鼎。 不凝之凝,《傳》所謂「協于上下,以承天休」者也。 本義鼎,重器也,故有「正位凝命」之意。「凝」,猶 重,君子取其端正之象,以正其所居之位,使之愈久而 君所以凝天命。」〇王氏申子曰:「鼎,形端而正,體鎮而 水」,非井也,井之功也。]○鄭氏汝諧曰:「革以改命,鼎 元量曰:「「木上有火」,非鼎也,鼎之用也,猶之「木上有 至大至重,正位凝命,法其重大,不可遷移也。]〇李氏 「存神息氣,人所以凝壽命,中心無爲,以守至正 今世俗有「凝然」之語,以命令而 集説房氏喬曰:「鼎者神器, 君子 至道 程

實,君之位正,然後可凝其所受之命。」 固。」○胡氏炳文曰:「鼎之器正,然後可凝其所受之 愈安,取其鎮重之象,以凝其所受之命,使之愈 久而 愈

鼎顛趾,未悖也。 利出否,以從貴也

也。 之妾也,其可從上,以子也,子貴則母貴也。 氏汝諧曰:「初居下,乃鼎之趾,必顛趾者乃出否也。 貴,以其子故得貴焉,春秋之義,母以子貴是也。」〇鄭 覆之,悖也。於是出其惡,故雖覆未悖,猶妾至賤不當 上從於貴者也。 覆而趾顛,悖道也。 未爲悖也。「從貴」,謂應四,亦爲取新之意。 四,顛趾也,從貴也,柔而應於上,必有此義乃可。」 義,必捨惡而取善,捨賤而取貴,期合於義。初之應乎 本義鼎而「顛趾」,悖道也。 去故而納新,瀉惡而受美,從貴之義也。 集説陸氏希聲曰:「趾當承鼎,顛而 然非必爲悖者,蓋有傾出否惡之時 而因可「出否以從貴」,則 凡取新之 程傳鼎 應於四 猶

鼎有實,慎所之也。 本義有實而不謹其所往 言之簡而盡如此。 我仇有疾,終无尤也。 ,則爲仇所即而陷於惡矣。

案:《傳》於「得妾」之辭不釋,但以「從貴」之意包之,聖

之」不可不「慎」也。」 正,則彼不能即我,所以終无過尤也。 己者,謂初也,初比己而非正,是「有疾」也。既自守以 應,乃是慎所之也。 所往,則亦陷於非義。 「以陽居中故「有實」,實而與物競,則所喪多矣,故「所 程傳鼎之有實,乃人之有才業也。 「我仇有疾」,舉上文也,「我仇」對 二能不暱於初,而上從六五之正 當慎 集説張子曰: 所趨向,不 慎

矣。 雖我仇有疾害之心,无過尤之可指,而怨尤之念亦 案:「尤」者,己之過尤也,人之怨尤也,能慎其所行,則

鼎耳革,失其義也

之所行失義,蓋謂爻象無相應之義爾 失求合之道也。不中,非同志之象也。 案:《象傳》凡言「義」者,謂卦義也。 不通,然上明而下才,終必和合,故「方雨」而「吉」也 程傳始與鼎耳革異者,失其相求之義也。 此失其義,非謂己 是以其行塞 與五非應, 而

覆公餗,信如何也。

之治安,則不誤君上之所倚。下民之所望,與己致身任 本義言失信也。 程傳大臣當天下之任,必能成天下

稱,折足覆餗,失許國之信矣。」曰:「居大臣之位,是許國以大臣之事業也,而實則不之委任,得爲信乎? 故曰「信如何也」。 集説楊氏簡道之志,不失所期,乃所謂信也。不然,則失其職,誤上

鼎黄耳,中以爲實也。

之六五「美在其中」之道也。」
「「中以爲實」者,六五陰虚,以黄中之德爲實也。猶坤續曰:「得中承陽,故曰「中以爲實」。」○郭氏雍曰:續曰:「得中承陽,故曰「中以爲實」。」○郭氏雍曰:規應剛,爲鼎之主,得鼎之道,皆由得中也。 集説陸氏明應剛,爲鼎之主,得鼎之道,皆由得中也。 集説陸氏

玉鉉在上,剛柔節也。

良輔 博施有常之德,是以「元吉」。 而鼎不云「元吉」,何也? 中節,所以「大吉无不利」也。 成,德與井異,以「剛柔節」,故得「大吉」也。 程傳剛而温,乃有節也。 E 「上以剛居柔,故曰「剛柔節」,而比德於玉也。」 曰:井之功用皆在上出,又有 上居成功致用之地,而 井、鼎皆以 鼎以烹餁爲功,居上爲 上出爲成功, 集説 熊氏 剛柔

> 也。 省見於事。「脩」,克治之功。 脩省焉,껽在其中矣。」○胡氏炳文曰:「恐懼作於心,脩 不唯雷震,凡遇驚懼之事,皆當如是。 則威益盛,君子觀游雷威震之象,以恐懼自脩 程 曰:「恐懼脩省,所謂「洊」也。 傳「洊」,重襲也。 君子畏天之威,則脩正其身,思省其過咎而改之, 上下皆震,故爲「洊雷」。 『省」,審察之力。」 人能恐懼,則既震矣,又 集説項氏安世 雷 飭 循省 重仍

也。須從項氏。

案:「恐懼脩省」者,君子之「狩雷」也,非遇雷震而

恐懼

震來虩虩,恐致福也。

笑言啞啞,後有

則

也

程傳震來而能恐懼周顧,則无患矣,是能因恐懼而反

致福

也。

因恐懼而自脩省,不敢違於法度,是由

震

而

後

初九震來而致福,慎於始也。」 於道,懼於身也,進退不履於危,則百行弗罹於禍。故於道,懼於身也,進退不履於危,則百行弗罹於禍。故仲淹曰:「君子之懼於心也,思慮必慎其始,則百志弗違有法則,故能保其安吉,而「笑言啞啞」也。 集 说 范氏

震來厲,乘剛也。

程傳當震而乘剛,是以彼厲而己危,震剛之來,其可禦

震蘇蘇,位不當也。

程傳其恐懼自失「蘇蘇」然,由其所處不當故也。不中

不正,其能安乎?

震遂泥,未光也。

程傳陽者剛物,震者動義,以剛處動,本有光亨之道,

乃失其剛正而陷於重陰,以致「遂泥」,豈能光也。云

「未光」,見陽剛本能震也,以失德故「泥」耳。

遂,行拂亂其所爲耳。與噬嗑九四之「未光」同,皆謂所案"四有剛德,非失德者,此言「未光」,蓋志氣未能自

處者未能遂其所志,非兑上「未光」之比。

程傳往來皆厲,行則有危也。動皆有危,唯在无喪其震往來厲,危行也。其事在中,大无喪也。

也。 事而 以「來厲」而「喪貝」,則五之「往來」皆「厲」,宜其大有喪 喪」,禍至與不至皆懼,則无喪有事。」○郭氏雍曰:「二 猶云不失其所有也。 行,可以「大无喪」矣。」 「大无喪」,以无喪爲大也。 六五位雖不正而用中焉,其事既不失中道,雖 릲 其 (事」,謂 中 以其乘剛故「危」,以其在中故「无 也,能不失其 集説張子曰:「无喪有事, 中, 則 可 自 守 涉危 屯。

震索索,中未得也。雖凶无咎,畏鄰戒也。

本義「中」,謂中心。

程傳所以恐懼自失如此,以未

焕曰"「「中未得」者,處震之極,志氣消索,中無所主前,則「无咎」也。上六動之極,震極則有變義也。 集矣。極而復征則凶也,若能見鄰戒而知懼,變於未極之矣。極而復征則凶也,若能見鄰戒而知懼,變於未極之矣。極而復征則凶也,若能見鄰戒而知懼,變於未極之矣。極而復征則凶也,使之得中,則不至於「索索」

兼山,艮,君子以思不出其位。

也。

也,重艮之象也。君子觀艮止之象,而思安所止,「不出程傳上下皆山,故爲「兼山」。此而并彼爲兼,謂重復

御纂周易折中卷十二

出其位也,况踰分非據乎! 集説 董氏曰:「兩雷兩風所,則止而安,若當行而止,當速而久,或過或不及,皆其位」也。「位」者,所處之分也。 萬事各有其所,得其

而得所止矣。」

於出位者,以其不能思也,思則心有所悟,知其所當止來,此止之象也。」〇丘氏富國曰:「凡人所爲,所以易至兩火兩水兩澤,皆有相往來之理,惟兩山並立,不相往兩

學》云「安而后能慮」,蓋「思不出位」之説也。 雜擾之思,動於欲者也,通微之思,潛於理者也。《大 思」,而夫子以「何思何慮」明之,則此「思」字蓋不可略。 思」,而夫子以「何思何慮」明之,則此「思」字蓋不可略。 甚重。今觀《咸》卦云「貞占,悔亡,憧憧往來,朋從爾 甚重。今觀《咸》封云「貞占,悔亡,憧憧往來,朋從爾

艮其趾,未失正也。

《傳》言「未失正」者,止於動之先,未有失正之事也。」先於趾。 止於動之先則易,而止於既動之後則難。正,故「未失正也」。」○郭氏雍曰:「「趾」,初象也,動莫於始則易,而未至於失也。 集説 虞氏翻曰:「動而得於始則易,而未至於失也。 集説 虞氏翻曰:「動而得

甲基司易丁口会一二

不拯其隨,未退聽也。

拯之而唯隨者,在上者未能下從也。「退聽」,下從也。本義三止乎上,亦不肯退而聽乎二也。 程傳所以不

艮其限,危薰心也。

者,强制之謂也。」
「薰心也」。」〇何氏楷曰:「以强制,故「危薰心」。 艮限集説鄭氏汝諧曰:「三雖止而不與物交,而其危則實程傳謂其固止不能進退,危懼之慮,常薰爍其中心也。

艮其身,止諸躬也。

見面,朱文公詩云「反躬艮其背」。」

是傳不能爲天下之止,能止於其身而已,豈足稱大臣是傳不能爲天下之止,能止於其身而已,豈足稱大臣是傳不能爲天下之止,能止於其身而已,豈足稱大臣

源,自然而止」者略異矣。王氏解姑備一説。蓋易「其」字爲「諸」字,便見得是止之於躬與夫「正本清案"「止諸躬」,便是「艮其身」,但易「其」字爲「諸」字爾。

艮其輔,以中正也。

本義「正」字羨文,叶韻可見。程傳五之所善者,中

使不失中,乃得正也。 集説 余氏本曰:「言不妄發,發也。「艮其輔」,謂止於中也,言以得中爲正,止之於輔,

敦艮之吉,以厚終也。

必當理,唯有中德者能之。」

上之吉,以其能厚於終也。集說王氏申子曰:「德愈程傳天下之事,唯終守之爲難,能敦於止,有終者也。

厚而止愈安,是止之善終者也,其吉可知。」

彌盛,火宿則彌壯,厚其終,則萬事皆由此始。 凡人之心,惟患其養之不厚,不患其發之不光。 水蓄則案: 艮者,「萬物之所成終而所成始」,故於上言「厚終」。

山上有木,漸,君子以居賢德善俗。

所能成,故善俗必以漸也。 集説楊氏曰:「地中生木,本義二者皆當以漸而進。疑「賢」字符,或「善」下有脱本義二者皆當以漸而進。疑「賢」字符,或「善」下有脱本義二者皆當以漸而進。疑「賢」字符,或「善」下有脱本 義二者皆當以漸而進。疑「賢」字符,或「善」下有脱小之於人,不以漸其能人乎? 移風易俗,非一朝一夕 之 義二者皆當以漸而進。疑「賢」字符,或「善」下有脱小

德者止諸内也。外卦巽人,善俗者人於外也。體艮以「居」,積也。德以漸而積,俗以漸而善。内卦艮止,居

居德,體異以善俗。」

小子之厲,義无咎也。

程傳雖「小子」以爲危厲,在義理實「无咎」也

飲食衎衎,不素飽也。

集說真氏焕曰:「二以中正應五而得禄,非尸位素餐衙一處之安矣。程傳爻辭以其進之安平,故取飲食和飲而處之安矣。程傳爻辭以其進之安平,故取飲食和樂爲言。夫子恐後人之未喻,又釋之云:中正君子,遇樂爲言。夫子恐後人之未喻,又釋之云:中正君子,遇樂爲言。

案: 六爻以「鴻」取進象,自水涯以至山上,自遠而近,自

者比,故食之衎衎而樂也。」

以時而升。

山

上有木,其進以漸。]〇馮

氏當

一可曰:

爲時用,「漸于磐」矣,而不忘不素餐之義,所謂達不變《詩》曰:「置之河之干兮,彼君子兮,不素餐兮。」二雖進下而高也。「干」爲最遠,是士之將進而不苟進者,故在

夫征不復,離羣醜也。婦孕不育,失其道也。

塞者也。

利用禦寇,順相保也。

順道相保,禦止其惡,故曰「禦寇」。集説楊氏簡曰:唯君子自完其己而已乎,亦使小人得不陷於非義,是以寇」,謂以順道相保。君子之與小人比也,自守以正,豈羣類。「婦孕」不由其道,所以「不育」也。所利在「禦類,爲可醜也。卦之諸爻,皆无不善,若獨失正,是離其程傳「夫征不復」,則失漸之正,從欲而失正,離判其羣程傳「夫征不復」,則失漸之正,從欲而失正,離判其羣

相保矣。」〇熊氏良輔曰:「「順相保」,「順」、「慎」通用,能禦也,故教之「禦寇」,則我不失於正順,而夫婦可以正者足以害我,故曰「寇」。慮三之失道,或親於寇而不三失其所以爲婦也。三不中,有失道之象,故「凶」,非「夫征不復」,上九不應。「離羣醜也」,「婦孕不育」,九「「夫征不復」,上九不應。「離羣醜也」,「婦孕不育」,九

案:楊氏之説,爻義文意兩得之矣。君子之仕也,上雖

只是謹慎以相保守也。」

旦之爲周也,必使我君臣相安,而禍亂不作。」其順相保斯。」不可以不遇而遂棄其殷勤也。 王仲淹曰:「美哉公不交,而己必盡其道,故周公曰:「恩斯勤斯,育子之閔

或得其桷,順以巽也。

之謂乎?

正,其處卑巽,何處而不安,如四之順正而巽,乃得「桷」程傳「桷」者平安之處,求安之道,唯順與巽,若其義順

終莫之勝吉,得所願也

也。

程傳君臣以中正相交,其道當行,雖有閒其閒者,終豈

能勝哉? 徐必得其所願,乃漸之吉也。

其羽可用爲儀吉,不可亂也。

本義漸進愈高,而不爲无用,其志卓然,豈可得而亂本義漸進愈高,而不爲无用,其志卓然,豈可得而亂於,大其言,可用爲儀法者,以其有序而不可亂也。 集不失其言,可用爲儀法者,以其有序而不可亂也。 集不失其言,可用爲儀法者,以其有序而不可亂也。 集

爲儀」哉!」不足以累其心,故其志可則,使志可得而亂,又安「可用不足以累其心,故其志可則,使志可得而亂,又安「可用此當有取焉。」○張氏振淵曰:「志慮高潔,而功名富貴者,二志不在温飽,上志卓然不可亂,士大夫之出處,於

澤上有雷,歸妹,君子以永終知敝。

慎之。 妹。 敝也。「永終」謂生息嗣續永久其傳也。「知敝」謂知物 澤隨而動,陽動於上,陰説而從,女從男之象也,故爲歸 終之有敝也。 終也。天下之反目者,皆不能永終者也。不獨夫婦之 夫婦正而可常之道,久必敝壞,知其必敝,則當思永其 動,漸之止而巽也。少女之説,情之感動,動則失正,非 義。又夫婦之道,當常永有終,必知其有敝壞之理而戒 有敝壞而爲相繼之道也。 之始終也。 歸妹則當思永終之戒也。 道,天下之事,莫不有終有敝,莫不有可繼可久之道,觀 本義雷動澤隨,歸妹之象。 君子觀男女配合生息相續之象,而以永其終知有 敝壞謂離隙。 始則「征凶」,終則「无攸利」,故「君子以永 推之事物,莫不皆然。 歸妹説以動者也,異乎恒之巽而 女歸則有生息,故有永終之 集説崔氏憬曰:「歸妹,人 君子觀其合之不正,知其 程傳雷震於上,

取於陰氣先動,爲歸妹之義。案:澤上有雷,不當以澤從雷取象,當以澤感雷取象,蓋

歸妹以娣,以恒也。跛能履吉,相承也。

本義恒,謂有常久之德。程傳歸妹之義,以說而動,本義恒,謂有常久之德。程傳歸妹之義,以其佐小乃能以常者也。雖在下不能有所爲,如跛者之能履,然征而吉者,以其能相承助也,能助其君,娣之吉也。集其常也。娣媵不能成内助之功,雖有其德,如跛者之能履,然耳,跛者之履,雖不足以有行,然亦可以行者,以其佐小耳,跛者之履,雖不足以有行,然亦可以行者,以其佐小耳,跛者之履,雖不足以有行,然亦可以行者,以其佐小耳,跛者之履,雖不足以有行,然亦可以行者,以其佐小耳,跛者之履,雖不足以有行,然亦可以行者,以其佐小耳,跛者之履,雖不足以有行,然亦可以行者,以其佐小耳,跛者之履,雖不是以有行,然亦可以行者,以其佐小耳,跛者之履,雖不是人。」

利幽人之貞,未變常也。

也。案:

言以恒者,女而自歸非常,惟娣則從嫡而歸,乃其常

程傳守其幽貞,未失夫婦常正之道也。世人以媒狎爲

貞,則未變其常矣。」 官,則未變其常矣。」 自,則未變其常矣。」 自,則未變其常矣。」 自,則未變其常矣。」 自,則未變常,是亦女德之常,未爲變常也。」○來氏知德 以幽静自守,是亦女德之常,未爲變常也。」○來氏知德 以幽静自守,是亦女德之常,未爲變常也。此曰「未 非常,至「十年」之後而「乃字」,則返其常也。此曰「未 非常,至「十年」之後而「乃字」,則返其常也。此曰「未 非常,至「十年」之後而「乃字」,則返其常也。此曰「未 以幽静自守,是亦女德之常,未爲變常也。」 以此曰「未 以此」,則。其常也。 集説。氏

歸妹以須,未當也。

[未當也]。「未當」,故無取之者,「反歸以娣」也。」 起之者,所以「須」也。 集説、朱氏震曰:「六三居不當 取之者,所以「須」也。 集説、朱氏震曰:「六三居不當 取之者,所以「須」也。 集説、朱氏震曰:「六三居不當 取之者,所以「須」也。 集説、朱氏震曰:「六三居不當

愆期之志,有待而行也。

者之志,欲有所待而後乃行也。」○俞氏琰曰:「爻辭言説孔氏穎達曰:「嫁宜及時,今乃過期而遲歸者,此嫁以「愆期」。乃其志欲有所待,待得佳配而後行也。 集程傳所以「愆期」者,由己而不由彼,賢女人所願取,所

帝乙歸妹,不如其娣之袂良也。其位在中,

以貴行也。

中,故能以至貴而行其勤儉謙遜之道也。」中,故能以至貴而行其勤儉謙遜之道也。 程 傳以「帝本義以其有中德之貴而行,故不尚餙。 程 傳以「帝本義以其有中德之貴而行,故不尚餙。 程 傳以「帝本義以其有中德之貴而行,故不尚餙。 程 傳以「帝本義以其有中德之貴而行,故不尚餙。 程 傳以「帝

上六无實,承虚筐也。

无終者也。 集 説 王氏宗傳曰:「專取虚筐无實爲言以奉祭祀也。女不可以承祭祀,則離絶而已,是女歸之程傳「箧无實」,是空筐也。空筐可以祭乎? 言不可

者,上六女子也。」

雷電皆至,豐,君子以折獄

致刑

本義取其威照並行之象。程傳雷電皆至,明震並行

其情實,唯明克允。 明 也,二體相合,故云「皆至」。 之事,故爲制刑立法,以明在下而麗於威震,君子之用, 君子觀雷電明動之象,以 至於離與艮相遇,曰「无折獄」、「无留獄」,取其明以 曜,故《易》至於雷電相遇,則必及刑獄 刑」。」〇蘇氏軾曰: 若動而不明,則 刑」與「不留獄」,君子皆當然也。 故爲「折獄致刑」。 所以「致刑」。」○《朱子語類》:「問:「雷電噬嗑與 也。」〇朱氏震曰:「電明照也、所以「折獄」、雷威怒也 不然威動於上,必有過錯也,故云「折獄致刑」。」」 威在上,明在下,是用這法時,須是明見下情曲折方得 此,未有犯威 断決獄訟,須得虚實之情,致用刑罰,必得輕重之中。 筋法」,豐言君子「折獄」,以明在上而**麗於**威震。 包 |亦同。]曰:「噬嗑明在上,是明得事理,先立 ,照察之象。 人,留 淫濫斯及,故君子象於此卦 震,動也,威斷之象。 旅明在上而云「君子」者,旅取 待異 致刑者以 「《傳》曰爲刑罰威 時之用 「折獄致刑」也。 明 威於姦惡,唯斷乃成。 動 故 相 集説孔氏穎達曰: 굸 資 明 微,以 ,取其明以動 成豐之象。 「折獄」者 罰 噬嗑言先 而 飭 類天之震 法法」。 折 一這法 「慎用 王者 雷 獄 必 離 也。 豐 在 電 ıŁ. 致 Ŧ. 故 照

雖旬无咎,過旬災也。

《象》稱「過旬災也」。 旬災也」。 集説劉氏牧曰"「旬,數之極也,猶日之中也。 事,若懷先已之私,有加上之意,則患當至矣,故曰 无咎也。 然有雖敵而相資者,則相求也,初、四是也,所以雖 因時而處宜 天地日月説同。」 咎」,爻傳云「過旬災」,則戒其不可過也。 滿,則必有傾覆之災也。」〇俞氏琰曰:「爻辭云【雖旬无 ○胡氏瑗曰: 咎」者,謂初未至中,猶可進也。 本義戒占者不可求勝其配,亦爻辭外意。 與人同而力均者,在乎降己以相求,協力以 均而先己,是過旬 ,隨事而順理。 「言雖居豐盈之時,可以「无咎」,若過於盈 爻辭不言豐者,謂初未至豐 夫勢均則不相下者常 也,一 若進而過中,則災,故 求勝則不能 蓋與《彖傳》 程 傳 言元 同 理 也。 聖人 旬 矣。 也 過 從 丽

有孚發若,信以發志也。中,便將有災矣,其義相備也。中,便將有災矣,其義相備也。中,便將有災矣,其義相備也。案:「過旬災」,即「日中則昃,月盈則食」之意也。經意案:「過旬災」,即「日中則昃,月盈則食」之意也。經意

曰:「二虚中故「有孚」,五亦虚中故「可發」,言以誠相感汝楳曰:「疾得於境之疑,孚發於志之信。」○王氏申子能發,則其吉可知,雖柔暗有可發之道也。 集説 趙氏程傳「有孚發若」,謂以己之孚信,感發上之心志也,苟

豐其沛,不可大事也。折其右肱,終不可用

也。

也。

上六,无可發之明矣,不可用而不用,保身之哲也。」得中,猶可以大事,故六二發若之孚可施也。 九三所應集 説潘氏士藻曰:「六二雖當「豐蔀」之時,然五得位可共濟大事乎? 既无所賴,如右肱之折,終不可用矣。 程傳三應於上,上應而无位,陰柔无勢力而處既終,其

豐其蔀,位不當也。日中見斗,幽不明也。

也。

遇其夷主吉,行也。

之行也。下就於初,故云「行」,下求則爲吉也。集說而臣不中正故也。「遇其夷主吉,行也」,陽剛相遇,吉豐。「日中見斗,幽不明也」,謂幽暗不能光明,君陰柔程傳「位不當」謂以不中正居高位,所以闇而不能致

成,四爲「蔀」,故二見「斗」,二爻之象同,而所重在四備,《象傳》不釋,而獨九四致其詳者,蓋二象由九四而個吉。」○吴氏澄曰:「「豐蔀」、「見斗」,六二爻辭已關而得疑。九四之「蔀」與「斗」,皆自指也,故行則遇明項氏安世曰:「六二指六五爲「蔀」爲「斗」,故往則入於

六五之吉,有慶也。

点。

言慶則譽在其中矣。」
説何氏楷曰:「人君以天下常豐爲慶,慶以天下故吉,說何氏楷曰:「人君以天下常豐爲慶,慶以天下故吉,集 集 其所謂吉者,可以有慶福及於天下也。人君雖柔

豐其屋,天際翔也。闚其户,闃其无人,自藏

終自藏,皆聖人戒其過盛。子雲曰:「炎炎者滅,隆隆者若飛翔於天際,謂其高大之甚。闚其户而无人者,雖居若飛翔於天際,謂其高大之甚。闚其户而无人者,雖居本義藏,謂障蔽。程傳六處豐大之極,在上而自高,

御纂周易折中

動之末,故曰「天際翔也」。」〇《朱子語類》云:「『豐其 蔽之甚,窮大而失居者也。 家 絶,觀雷觀火,爲盈爲實。 屋,天際翔也」,似説如暈斯飛樣,言其屋高大到於天 ,鬼瞰其室。」正合此義。」○張子曰:「豐屋、蔀家,自 天收其聲,地藏其熱,高明之 處上之極,不交於下,而居

山 上有火,旅,君子以明慎用 刑 而不留獄

際,卻只是自蔽障得濶。」

集説孔氏穎達曰: 獄」,獄者不得已而設,民有罪而入,豈可留滯淹久也。 戒於慎。 照,君子觀明照之象,則「以明慎用刑」。 審慎用刑,而不稽留獄訟。]○項氏安世曰:「山 故爲旅象。又上下二體,艮止離明,故君子象此以明察 本義慎刑如山,不留如火。 爐,在山則野燒之暫,猶旅寓耳,故爲旅之象。 「不留獄」。」○趙氏汝楳曰:「火煬則宅於竈,冶則宅於 所留也,野燒延緣,過之而已,故名之曰旅,而象之以 蓋獄者人之所旅也,「不留獄」,不使久處其中也。 明」,艮止爲「謹」,君子體之,明謹於「用刑而不留獄」。 明而 止,亦慎象。 |火在山 觀火行不處之象,則 上,逐草而行,勢不久留 程傳火之在高,明无不 明不可恃,故 日非火之 離 示 用刑 虚爲 留

> 象於旅,正恐其「留獄」也。」 則無遁情, 延不決,雖明猶闇也,雖謹反害也。」○張氏清子曰: 固 ·貴於明,然明者未必謹,謹者或留獄,明 慎則 《無濫罰 ,明慎既 盡 断決隨之。 矣謹 矣而 聖人取 「明 淹

旅瑣瑣,志窮災也。

則謂災患耳。 志。」〇楊氏啟新曰:「「窮」不是困窮,局促猥陋之義。」 程傳志意窮迫,益自取災也。 集説谷氏家杰曰:「爻賤其行,象鄙其 災、告對言則有分,獨言

得童僕貞,終无尤也。

尤悔矣。 程傳羈旅之人,所賴者童僕也,既得童僕之忠貞,終无 集説 王氏弼曰: 「既得童僕,然後即次懷資

皆无所失,故「終无尤」。」

旅焚其次,亦以傷矣。 此,義當喪也。 旅焚失其次舍,亦以困傷矣。 本義以旅之時,而與下之道如此,義當喪也。 在 旅 Щ 以過 以旅與下,其義 剛 以旅之時,而與下之道 自高待下,必喪其忠貞, 段喪也。 程 傳 如

郭氏雍曰:「九三剛而不中,故不能安。

旅失其所安,亦

謂失其心也。

在旅而失其童僕之心,爲可危也。

集説

Τί. :

喪 可 乎下,則彼童僕也,亦必以旅視乎上矣,其能久留乎! 又喪其童僕焉,此暴厲之過也。 與下之事。」〇王氏宗傳曰"「既已有焚其次之傷矣,而 亦已傷而不安矣,況又喪其童僕乎! 與下」者,謂視童僕如旅人也。 故曰「其義喪也」。」○黄氏淳耀曰:「下,即童僕。 之所與者童僕而已爾,豈可以旅視之也? 其心力,義當喪也。 也,當旅時而與下之道,刻薄寡恩,直若旅人然,宜不得 傷矣。 也。 夫旅豈與人之道哉,君子自厚而已,故終無以 以剛暴之才,而以 將誰咎哉!」 旅道居童僕,宜其失衆心 焚次而失其身所依庇! 夫旅親寡之時也,朝 然非童僕之無良 九三以旅 「以旅 視 夕 旅 丽

旅于處,未得位也。得其資斧,心未快也。

位也」。 程 得「資斧」,於旅爲善,其心志未快也。 柔,旅之宜也。 故曰「心未快也」。」 曰:「「資斧」,防患之物。 .傳四以近君爲當位,在旅五不取君義,故四爲「未得 曰:然則以九居四不正爲有咎矣。 九以剛明之才,欲得時而行其志,故 「得其資斧」,不過有以自防, 集 説黄氏淳耀 티. 以 剛 雖 居

終以譽命,上逮也。

所謂柔得中乎外而順乎剛者也,柔順中正之德,爲上九而親寡則爲旅,不必在外也。 集説 胡氏瑗曰:「六五也。「終以譽命」,終當致譽命也。已譽命則非旅也,困下與之,所以致「譽命」也。「旅」者,困而未得所安之時下與之,所以致「譽命」也。「旅」者,困而未得所安之時不,爲下所上逮也,在旅而上與之,本義「上逮」,言其譽命聞於上也。程傳有文明柔順本

已高也。 於大夫士之載贊而獲乎名位者,故曰「上逮」,言其地望於大夫士之載贊而獲乎名位者,故曰「上逮」,言其地望也。蓋居高位便是上逮爾,此爻雖不以君位言,而亦主案:六五有位而上九無位,不必以六五爲上九所尊顯 所信,尊顯之命及之也。」

以旅在上,其義焚也。喪牛于易,終莫之聞

也。

動之象,而火復炎上,則又甚焉。 則不至於極 德於躁易,是終莫之聞,謂終不自聞 有焚巢之事。 程傳以旅在上,而以尊高自處,豈能保其居? 而號咷矣。 方以 極剛自高爲得志而笑,不知 陽剛不 中 集説 而 處 知也。 極 張子曰: 固 使自覺知, 有高亢躁 其義當 喪其順 「以陽

如寄寓然,其無敬慎之心可知,故曰「其義焚也」。旅在上」,則未有説,蓋以旅之道在上,則視所居之位,案:九三以旅與下,郭氏、王氏、黄氏之説美矣。惟「以

隨風,巽,君子以申命行事。

之,上下皆順,重巽之義也。 本義隨,相繼之義。 具 郭氏雍曰:「君子之德風也,有風之德而下無不從,然後 其命,行其事於天下,無有不至,而無有不順者也。] 〇 無所不順,故曰「隨風,巽」。 君子法此巽風之象,以申 胡氏瑗曰:「巽之體,上下皆巽,如風之人物,無所不至, 故[申命]也。 而民順從矣。 繼之義。 則「省方觀民設教」,姤則「施命誥四方」,皆主巽而 重巽之義。 隨與重,上下皆順也。上順下而出之,下順上而從 君子觀重異相繼以順之象,而以申命令,行 《易》於巽主教命,猶《詩》之言風也,故觀 法教百端,令行爲上,故曰「行事」也。」〇 集説荀氏爽曰:「巽爲號令,兩巽相隨 程傳兩風相重,隨風也。 命令政事,順理則合民心, 隨,相 言 政

> 行,不行則徒爲虚文耳。」 之從之也。亦如風之迅速也。大抵命令之出,務在必戒之,又丁寧之,使人聽信其説,然後見之「行事」,則民府事者,所以踐其言於申命之後。」○俞氏琰曰:「既告也。」○丘氏富國曰:「申命者,所以致其戒於行事之先。

進退,志疑也。利武人之貞,志治也。

定不亂之謂治。」○黄氏淳耀曰:「兩可不決之謂疑,二次楳曰:「治與疑對,志疑而不決,故進退靡定,志治而汝楳曰:「治與疑對,志疑而不決,故進退靡定,志治而以立其志,則其「志治也」。治,謂脩立也。 集説 趙氏

紛若之吉,得中也。

也。」 集説郭氏雍曰: 則人自當信之,以 衆多紛然,由得中也。 程傳二以居柔在下,爲過巽之象,而 以「无咎」也。」〇何氏楷曰:「「申命行事」,紛若而得 「二有剛中之德,能行巽之道,是其所 誠 意則非諂畏也,所以吉而无咎。 陽居中,爲中實之象,中既誠 能使通其 誠 意 實 中 者

頻巽之吝,志窮也。

程傳三之才質,本非能異,而上臨之以異,承重剛而履程傳三之才質,本非能異,而上臨之以異,承重剛而履之 集說蘇氏濬曰:「九三之「頻異」,非勉爲之而失,習爲之而過也。異而頻焉,則振作之氣不足,其而失,習爲之而過也。異而頻焉,則振作之氣不足,其心,對,對不可,本非能異,而上臨之以異,承重剛而履

田獲三品,有功也。

有功也。」 集説孔氏穎達曰:「有功者,田獵有獲,以喻行命也。 集説孔氏穎達曰:「有功者,田獵有獲,以喻行命程傳巽於上下,如田之獲三品而遍及上下,成巽之功

九五之吉,位正中也。

也。」
曰:「以九居五,位乎中正,此所以貞吉,而爲申命之主出命令,唯得中爲善,失中則悔也。 集説 丘氏富國出命令,唯得中爲善,失中則悔也。 集説 丘氏富國土命。「正中」謂不過无不及,正得其中也。處柔巽與程傳九五之吉,以處正中也,得正中之道則吉,而其悔

巽在牀下,上窮也。喪其資斧,正乎凶也。

御纂周易折中卷十二

其資斧」,是失所以斷矣,無斷則敗,可必其凶也。」「『巽在牀下」,居巽之極也。天下事惟斷乃成,今焉『喪氏,得爲正乎? 乃凶道也。巽本善行,故疑之曰「得爲處卦之上,巽至於窮極也。居上而過極於巽,至於自本義正乎凶,言必凶。程傳「巽在牀下」,過於巽也。

麗澤兑,君子以朋友講習。

講習道義,相説之盛,莫過於此也。」○程子曰:「天下之 習,固可説之大者,然當明相益之象。 傳麗澤,二澤相附麗也。 兑象。」○俞氏琰曰: 處。」〇蘇氏軾曰: 說不可極,惟朋友講習,雖過說無害,兑澤有相滋益 也。」〇孔氏穎達曰:「同門曰朋,同志曰友。 朋友聚居, 互相益也,先儒謂天下之可説,莫若朋友講習。 本義兩澤相麗,互相滋益,朋友講習,其象如此。 「講其所知,習其所行。」○蔡氏淵曰:「講,兑象。習,重 曰:「「學以聚之,問以辨之」,兑兩口對,故「朋友講習」 益之象,故君子觀其象,而「以朋友講習」。朋友講習: 「取其樂而不流者也。」〇朱氏震曰: 「講者講其所未明,講多則義理 兩澤相麗,交相浸潤,互有滋 集説虞氏翻 朋友講 程 明

五五五

説,以「有朋自遠方來」爲樂。」 所以爲有滋益,而如兩澤之相麗也。 陋而寡聞,故《論語》以學之不講爲憂,以 習者習其所未熟,習久則踐履熟矣。 若獨學無友,則孤 「學而時習」爲 此「朋友講習」

和兑之吉,行未疑也。

則推而盡之。 得中正,則无是言也。説以中正爲本,爻直陳其義,象 云「行未疑也」。其行未有可疑,謂未見其有失也。 以和而已,是以吉也。 而和,則涉於邪諂。 維嶽曰:「以陽剛居兑初,又不與陰比,故信心信理而 謂係於陰也。卦四陽惟初與陰無係,故未疑。」○鄭氏 有疑惑,若四比三,有「商兑」之疑矣。」○徐氏幾曰:「疑 本義居卦之初,其説也正,未有所疑也。 程傳有求 出,行之於外者,未與心疑,使有繫應,便不能自決矣。」 集説蔡氏淵曰:「初未牽於陰,所行未 初隨時順處,心无所係,无所爲也, 象又以其處説在下而非中正,故 若

孚兑之吉,信志也。

氏楷曰:「初去三遠,不特志可信,而行亦未涉於可疑。 志存誠信, 豈至説小人而自失乎, 是以吉也。 程傳心之所存爲「志」,二剛實居中,孚信存於中也。 集説何

二去三近,行雖不免於可疑,而志則可信。」

來兑之凶,位不當也。

兑」,蓋與六三相表裹。」 終,上兑又來,説而又說,不得其正者也。上六曰「引 熊氏良輔曰:「六三位不當,居上下二兑之閒,下兑方 程傳自處不中正,无與而妄求說,所以凶也。 集説

九四之喜,有慶也。

喜。 之際,不妄從説,知所擇者也,介然自守,故能全兑説之 而福慶及物也。 程傳所謂喜者,若守正而君說之,則得行其陽剛之道 喜非獨一身而已,終亦有及物之慶也。」 集説郭氏雍曰:「當兑之時,處上下

孚于剥,位正當也。

剥於陽必矣。」 集説王氏申子曰: 位,正當戒也。 本義與履九五同。 密比陰柔,有相説之道,故戒在信之也。 「謂正當尊位,若孚上之柔説 程傳戒「孚于剥」者,以五所處之 ,則消

上六引兑,未光也。

程傳説既極矣,又引而長之,雖説之之心不已,而事理

必能有光輝,謂不能光也。 其无意味甚矣,豈有光也。 已過,實无所說。 事之盛則有光輝,既極而强引之長, 未,非必之辭,象中多用,非 集説楊氏啓新曰"「來兑、

子以道德相引,其道爲光明,引而爲説,則心術曖昧 引兑皆小人也,在君子則當來而勿受,引而勿去也。 事邪僻甚矣,豈得爲光乎?」 行 君

風行水上,涣,先王以享于帝立 廟

形於此,爲其涣散,故立此以收之。」○吕氏大臨曰:「風 説程子曰:「萃、涣皆「享于帝立廟」,因其精神之聚 象,先王觀是象,救天下之涣散,至於享帝立廟也。 本義皆所以合其散。 散,莫若反其本,享帝立廟,所以明天人之本也。」 行水上,波瀾必作,振蕩離散不寧之時,王者求以合其 人心之所歸也。 合人心,无如宗廟,祭祀之報,出於其心,故享帝立 係人心,合離散之道,无大於此。 程傳「風行水上」,有涣散之 廟, 集 收 丽

初六之吉,順也

用拯,能順乎時也。 程傳初之所以吉者,以其能順從剛中之才也。 集説郭氏雍曰:「初六難之始也 始涣而

> 而易舉,故《傳》曰「初六之吉,順也」。」 方難之始而拯之,無不濟矣,天下之事,辦之於早,則

順

涣奔其机,得願也。

涣也。] 於上,而二奔其机於下,各得所安,此所以能合天下之 其机之象。 曰:「當涣之時,以陽剛來居二,二安静之位也,故有奔 也,賴之如机而亡其悔,乃得所願也。 程傳涣散之時,以合爲安。二居險中,急就於初,求安 夫惟安静,然後能一天下之動。 集説王氏宗傳 五奠王居

涣其躬,志在外也。

濟天下之涣,惟志在天下之涣,所以有躬之涣也。」 集説黄氏淳耀曰:「外指天下言。 而无悔。 程傳志應於上,在外也。與上相應,故其身得免於涣 「悔亡」者,本有而得亡,「无悔」者,本无 惟躬之涣,所以能 也。

涣其羣元吉,光大也。

在五而在四者,二爻之義通言也。 程傳稱「元吉」者,謂其功德「光大」也。元吉光大,不 言其成功,君臣之分也。 集説 來氏知德曰: 於四言其施用,於五 「凡樹私

大,自能「涣其羣」矣,故曰「光大也」。」 黨者,皆心之暗昧狹小 者 也。 惟 無 豪 之私 ,則光明 正

王居无咎,正位也。

與「萃有位」之義同。《本義》以「涣王居」爲「涣其居 散之時,須人君發號施令,正位乎上,使人心知所歸向 積」,然當涣散之時,必有爲涣之主者,所當從《小象》 而天下一矣,故曰「王居无咎」。 居尊位爲稱而「无咎」也。 程傳「王居」,謂正位,人君之尊位也。能如五之爲,則 「正位」之説。」 集説熊氏良輔曰:「天下涣 而《象》曰「正位也」,此

涣其血,遠害也

此。」〇又曰:「散其汗以去滯鬱,散其血以遠傷害。」〇 不容作「惕」矣。卦中惟上九一爻,去險最遠,故其辭如 韻叶,皆三字成句,不以「血」連「去」字也。《小畜》之 則无咎也。 則不然,蓋「血」字下脱「去」字,「血去惕出」,謂能遠 程傳若如《象》文爲「涣其血」,乃與「屯其膏」同也。 `逖」文義自殊,據《小象》言「遠害也」,則「逖」義甚明 ·血去惕出」與此不同,此血已散,不假更去。 集説項氏安世曰:「上九爻辭「血」與「出」 又[惕]與 害 義

> 血,捨之遠去,去坎險之害而得「无咎」也。」 以「遠」釋「逖」字。 陳氏友文曰: 「坎爲血卦。 上雖與三應,然超處涣上,故涣散 逖,遠也、《小象》「遠害」正是 其

澤上有水,節,君子以制數度,議德行。

也。 從之? 氏穎達曰:「數度,謂尊卑禮命之多少。德行,謂人才堪 中節。 以澤爲節也。」○郭氏雍曰:「澤无水則爲不足,澤上有 人之節,則「制數度」所以節於外,「議德行」所以節於內 水則爲有餘,不足則爲困,有餘則當節,理之常也。 氏震曰:「澤之容水,固有限量,虚則納之,滿則泄之,水 民。」蓋己之所不能行,與其所不可行,而强於人,誰其 德行之議自於己、《記》曰:「君子議道自己,而置法以 上有水,以隄防爲節。」〇張氏浚曰:「數度之制因乎人, 德行」者,存諸中爲德,發於外爲行,人之德行,當議則 質,皆有數度,所以爲節也。 子觀節之象,以制立數度,凡物之大小、輕重、高下、文 程傳澤之容水有限,過則盈溢,是有節,故爲節 爲國爲家至於一身,其內外制節皆一也。」附録孔 議,謂商度,求中節也。 一言盡節之道,中而已,中必自身始也。]〇朱 數,多寡。度,法制。「議 集説侯氏行果曰:「澤 也。 在 君

任之優劣。君子象節以制其禮數等差,皆使有度,議 人

之德行任用,皆使得宜。」

案:「議德行」,諸儒皆謂一身之德行,獨孔氏謂在人之 德行,於「議」字尤切,且得愛爵禄、慎名器之意。

不出户庭,知通塞也。

子貞而不諒。《繫辭》所解獨以言者,在人所節唯言與 當出則出矣,尾生之信,水至不去,不知通塞也。 咎也。《象》恐人之泥於言也,故復明之云:雖當謹守 也。二失時極,則但知塞而不知通矣。」 出户庭,知通塞也」,●而兼言知通者,見其非一於止者 氏曰慎曰: 君子乎。《繋辭》專以慎密言語說之,兑體故也。]〇吴 曰:「時有通塞,通則行,塞則止,當止即止,其知通塞之 行,節於言則行可知,言當在先也。 「不出户庭」,又必知時之通塞也。 程傳爻辭於節之初,戒之謹守,故云「不出户庭」則无 「節兼通塞言,猶艮之兼行止言也。 通則行,塞則止。義 集説王氏申子 初九一不 故君

不出門庭凶,失時極也。

暱之陰柔,是 程傳不能上從九五剛中正之道,成節之功,乃係於私 「失時」之至極,所以凶 也。 失時,失其所

> 宜也。 咎,不知通則有失時之凶矣。」 户庭1爲知塞,而二以「不出門庭」爲不知通,知塞故无 則失時而至於極。」〇郭氏雍曰:「初爲不當有事之地、 塞也、九二以「不出門庭」爲凶、言當通也、至是而不通 既至當通而不當塞,故初九以「不出户庭」爲无咎,言當 而二以剛中居有爲之位,其道不可同也。 集説蘇氏軾曰:「水之始至,澤當塞而不當通, 故初以「不出

不節之嗟,又誰咎也。

「无咎」字。」 「戚嗟若」之嗟同。「又誰咎」與「出門同人」之象同。」○ 以免過,而不能自節以致可嗟,將誰咎乎? 本義此无咎與諸爻異,言无所歸咎也。 何氏楷曰::「諸卦爻辭言「无咎」者九十有九,多補過之 貫曰:「王介甫、程沙隨謂能嗟怨自治亦无咎。 解三爻《傳》「又誰咎」,語雖與此同,然爻辭未嘗有 程傳節則可 集説沈氏 嗟與

安節之亨,承上道也。

程傳四能安節之義非一,象獨舉其重者,上承九五

0 通」,原脱,據《周易》節卦初九象辭補。

Ħ. 九

集説錢氏一本曰:「中正之通在五,四以近承,不以徒中正之道以爲節,足以亨矣,餘善亦不出於中正也。

止爲功,更以通行爲道,故曰「承上道也」。」

而布之者也。 五者水之源也,四者水之流也,水之通在流,承上之源案:《節》曰「亨」,爲九五中正以通也,而亨於四言之者,

甘節之吉,居位中也。

中,當位以節,無過無不及也。」
上六有「苦節」之凶。惟九五「甘節」而吉者,蓋居位之上六有「苦節」之凶。惟九五「甘節」而吉者,蓋居位之上,得中則正矣,正不能盡中也。 集説俞氏琰曰:「節費,得中則正矣,正不能盡中也。 集説俞氏琰曰:「節

苦節貞凶,其道窮也。

可貞」,惟其貞凶,是以不可貞也,故《彖》、《象傳》,皆以集説吴氏曰慎曰:「爻言「苦節貞凶」、《彖》言「苦節不程傳節既苦而貞固守之則凶。 蓋節之道至於窮極矣。

澤上有風,中孚,君子以議獄緩死。

「其道窮也」釋之。」

惻怛之意,見於謹刑如此。」 艮,而又兑以議之,巽以緩之。 然,威則有時當止。 噬嗑,旅次豐,離明不易,震皆反爲艮矣,蓋明貴無時不 言刑獄五卦:噬嗑、豐以其有離之明,震之威也。 輸而孚,在我者盡,故在人者無憾也。」○徐氏幾曰:「象 職聽,二旬而職聽,三月而上之,緩死也。故獄成而孚, 於人心。王聽之,司寇聽之,三公聽之,議獄也。 氏安世曰"「獄之將決則議之,其既決則又緩之,然後盡 獄者,求其入中之出,緩死者,求其死中之生也。]○項 潛,誠無象而能感人物,中孚之感莫大於好生不殺。 最其大者也。 緩,寬也。於天下之事,无所不盡其忠,而 盡其忠而已,於決死,極於惻而已,故誠意常求於緩 之象。君子觀其象,以議獄與緩死。 虚故物能感之。風之動乎澤,猶物之感於中,故爲中孚 本 程傳「澤上有風」,感於澤中,水體虛故風能入之,人心 義風感水受,中孚之象。 集説楊氏萬里曰:「風無形 至於中孚,則全體似離,互體有震 議 聖人即象垂教,其忠厚 微緩死」,中孚之意。 君子之於「議獄」, 「議獄緩死」, 丽 能鼓幽 賁次 旬而 議

案:風之人物也,不獨平地草木爲之披拂,巖谷竅穴爲

御纂周易折中卷十二

也,王者體察天下之情隱,至於「議獄緩死」,然後其至以爲至誠無所不人之象也。民之有獄,猶地之有重陰之吹吁,即積水重陰之下,亦因之而凍解冰釋焉。此所

初九虞吉,志未變也。

誠無所不入矣。

之不得其正矣。在初言求所信之道也。是以吉也。蓋其志未有變動,志有所從,則是變動,虞程傳當信之始,志未有所存,而虞度所信,則得其正,

案:「志未變」,言其實心不失也,志變則有他矣。

其子和之,中心願也。

曰「中心願」。願出於中,乃孚之至也。」氏敬承曰:「鶴之鳴,由中而發,子之和,亦根心而應,故朱氏震曰:「荀子所謂「同焉者合,類焉者應」也。」〇程程傳「中心願」,謂誠意所願也,故通而相應。 集 説

或鼓或罷,位不當也。

所主,故「或鼓或罷」而不定,若初九則不如是也。」所信有方矣。 集説。俞氏琰曰:「六三居不當位,心無程傳居不當位,故无所主,唯所信是從,所處得正,則

馬匹亡,絶類上也。

黨類,而上以信於五也。」趙氏玉泉曰:「「馬匹亡」者,四有柔正之德,故能絶初之文曰:「坤以喪朋爲有慶,中孚之四,以絶類爲无咎。」○程傳絶其類而上從五也。類,謂應也。 集説 胡氏炳

應上九者多凶,《易》例如此。 乎匹者,三不正而四正也。又六四承九五者多吉,六三同,其得應而有匹敵者亦同。然三心繫於敵,而四志絕案:三與四,皆卦所謂中虚者也。其居内以成中虚之象

有孚攣如,位正當也。

穎達曰:「以其正當尊位,故戒以繫信,乃得无咎。」擊之固,乃稱其位。人君之道,當如是也。 集説 孔氏程傳 五居君位之尊,由中正之道,能使天下信之,如拘

翰音登于天,何可長也。

實,虚華外揚,是翰音登天也。虚音登天,何可久也。」久長。」○侯氏行果曰:「窮上失位,信不由中,有聲無須,如是則凶也。 集説 孔氏穎達曰:「虚聲無實,何可程傳守孚至於窮極而不知變,豈可長久也。固守而不

哀,用過乎儉。 山上有雷,小過,君子以行過乎恭,喪過乎

牆; 乎儉」也。」○張子曰:「過恭、哀、儉,皆宜下之義。」○鼂 不當過而過則過矣。 恭,喪過乎哀,用過乎儉」是也。 小過。君子觀小過之象,事之宜過者則勉之,「行過乎 常,故爲小過。天下之事,有時當過,而不可過甚,故 謂「可小事而宜下」者也。 可過於小而不可過於大。 本義「山上有雷」,其聲小過。 三者之過,皆小者之過, 氏説之曰: 在慢易奢侈,故君子矯之以「行過乎恭,喪過乎哀,用過 反站之管仲,故晏子矯之以敝裘,雖非中行,亦足以矯 時有短喪之宰予,故高柴矯之以泣血,時有三歸 「時有舉趾,高之莫敖,故正考父矯之以循 集説孔氏穎達曰:「小人過差失 可以小過 程傳雷震於山上,其聲過 當過而過,乃其宜也, 而不可甚過,彖所 爲

> 故但可言小過,而不可言大過也。」 絶俗之行而過乎人? 但其所過者,以收斂卑下爲過,中。」○楊氏啟新曰:「過恭、過哀、過儉,此豈不爲高世時厲俗。」○趙氏彦肅曰:「恭、哀、儉多不及,過之而後

也。微,故有平地風雷大作而高山之上不覺者,此小過之義微,故有平地風雷大作而高山之上不覺者,此小過之義案:雷出地則聲方發達而大,及至山上則聲漸收斂而

飛鳥以凶,不可如何也。

者自納於凶也,孽由己作,可如何哉!」「不可如何」,无所用其力也。 集説 何氏楷曰:「以凶程傳其過之疾,如飛鳥之迅,豈容救止也,凶其宜矣。

不及其君,臣不可過也。

而可過,臣之於君,不可過也。」 在傳過之時,事无不過其常,故於上進,則戒及其君,程傳過之時,事无不過其常,故於上進,則戒及其君,

從或戕之,凶如何也。

程傳陰過之時,必害於陽,小人道盛,必害君子。當過

其甚也。爲之防,防之不至,則爲其所戕矣,故曰「凶如何也」,言

也。 位不當也。往厲必戒,終不可長

「不宜上」。」
「不宜上」。」
「不宜上」。」
「不宜上」。」
「正正」」,三「從或戕」,四「往必戒」,亦皆「不宜上」。」
「正正」」,正正正」,三「從或戕」,四「往必戒」,亦皆「不宜上」。」,此亦當闕。 程傳「位不當」,謂處柔,本義爻義未明,此亦當闕。 程傳「位不當」,謂處柔,本義爻義未明,此亦當闕。 程傳「位不當」,謂處柔,本義爻義未明,此亦當闕。 程傳「位不當」,謂處柔,本義爻義未明,此亦當闕。 程傳「位不當」,謂處柔,

知變乎?中,故戒以當過遇之,不然則有危矣,豈可長執此而不中,故戒以當過遇之,不然則有危矣,豈可長執此而不案:「位不當」,即所謂剛失位而不中者,惟剛失位而不

密雲不雨,已上也。

雨,陰已在上,雲雖密,豈能成雨乎? 陰過不能成大之本義 「已上」,太高也。 程傳陽降陰升,合則和而成

過乎陽而陰已上也,一爲陽之過,一爲陰之過,皆陰陽者,陰不足以畜陽而陽尚往也。小過謂其「已上」者,陰義也。 集説 龔氏焕曰:「密雲不雨,小畜謂其「尚往」

不和之象,所以不能爲雨也。」

意義不同爾。 自雨,此爻之義喻在上者,則「已上」者當下交而乃雨,非兩義也。但小畜卦義喻在下者,則尚往者當積厚而非兩義也。但小畜卦義喻在下者,則尚往者當積厚而案:兩卦「密雲不雨」,冀氏謂皆陰陽不和之象是已,然

弗遇過之,已亢也。

六又過甚,故曰已亢。」一、無説孔氏穎達曰:「六五曰已上,謂其已過也。上則極矣。」○俞氏琰曰:「六五曰已上,謂其已過也。上在亢極之地故也。」○趙氏汝楳曰:「已上未爲極,已亢在亢極之地故也。」○趙氏汝楳曰:「己上未爲極,已亢極,其凶宜之。與居,故曰已亢。」

水在火上,既濟,君子以思患而豫防之。

害之生,故思而豫防,使不至於患也。自古天下既濟而程傳水火既交,各得其用爲既濟。時當既濟,唯慮患

之」。能防在乎豫,能豫在乎思。」

三「既濟雖非有患之時,患每生於既濟之後。君子思此而豫防之,則可以保其初吉,而無終亂之憂矣。」○襲此而豫防之,則可以保其初吉,而無終亂之憂矣。」○襲水涸,相交之中,相害之機伏焉,故『君子思患而豫防」也。 集説 王氏申子致禍亂者,蓋不能「思患而豫防」也。 集説 王氏申子

曳其輪,義无咎也。

程傳既濟之初,而能止其進,則不至於極,其義自无咎 也。 集説徐氏在漢曰:「初當方濟之始,而曳其濟險也。 集説徐氏在漢曰:「初當方濟之始,而曳其濟險

七日得,以中道也。

其正應,故終必相孚也。」
正矣。 集説,何氏楷曰:「二居下卦之中,以中感中,得那七日當復得,謂自守其中,異時必行也,不失其中則群也日常復得,謂自守其中,異時必行也,不失其中則

三年克之,憊也。

程傳言「憊」以見其事之至難,在高宗爲之則可,无高

宗之心,則貪忿以殃民也

大病之根也。 之者,其元氣亦秏傷矣。苟無休養之方以復元氣,則又案;言「憊」以見成功之非易,如人之疾病而以毒藥攻去

終日戒,有所疑也。

慎如是也。 集説李氏簡曰:「「終日戒」,謂備患之心,程傳終日戒懼,常疑患之將至也。處既濟之時,當畏

東鄰殺牛,不如西鄰之時也。實受其福,吉

無時可忘也。」

大來也。

類聚』也。」

不如西鄰,牛不如禴。 後,唯恐過盛。以祭言之,於斯時也,豐不如約,故東鄰 蓋祭而得其時,雖禴之薄,實足

濡其首厲,何可久也。

以受其福,而吉之大來可知矣。」

氏瑗曰:「既濟之終,反於未濟,至於濡没其首,故當翻 程傳既濟之窮,危至於濡首,其能長久乎? 集説胡

然而警,惕然而改,何可久如此乎。」 濡首矣。凡《易》言「何可長」、「何可久」者,自屯上至此 案:厲未至於凶,特可危爾。 知其危而反之,則不至於

爻,皆惕以改悟而不可迷溺之意!

火在水上,未濟,君子以慎辨物居方。 傳水火不交,不相濟爲用,故爲未濟。火在水上,非其 下,各居其所,未濟也。 各居其方,謂止於其所也。 處也,君子觀其處不當之象,以慎處於事物,辨其所當 本義水火異物,各居其所,故君子觀象而審辨之。 曰:「「慎辨物」者、「物以羣分」也。「慎居方」者、「方以 有交,有未濟乃有既濟,而未濟含既濟之象。]○何氏楷 君子觀此慎辨萬物,有辨然後 集説朱氏震曰:「火上水 程

濡其尾,亦不知極也。

且闕之。 本義「極」字未詳考,上下韻亦不叶,或恐是「敬」字,今 集説張氏振淵曰: 程傳不度其才力而進,至於濡尾,是不知之

耳。 於終。 初所以致尾之濡,不是時不可爲,心不知敬慎故 極也。

「事必敬始,而後可善其用

九二貞吉,中以行正也。

本義九居二,本非正,以中故得正也。 程傳九二得

正而吉者,以「曳輪」而得中道乃正也。

正也,而多言「貞吉」者,以其中也,惟此《象傳》釋義最 案:程子言「正未必中,中無不正」,故凡九二、六五皆非

未濟征凶,位不當也。

明。

險之才也,若能涉險以從應則利矣。 故也。」○俞氏琰曰:「六爻皆位不當,而獨於六三曰『位 程傳三征則凶者,以「位不當也」,謂陰柔不中正,无濟 不當」,以六三才弱而處下體之上也。」 「未濟諸爻,皆位不當,而獨於六三言之,以未濟由六三 集説吴氏澄 三

貞吉悔亡,志行也。

三爲未濟,則九四其濟矣,是以其志行也。」悔亡,鬼方之伐,貞之至也。 集説,俞氏琰曰:「爻以六程,傳如四之才與時合,而加以貞固,則能行其志,吉而

君子之光,其暉吉也。

飲酒濡首,亦不知節也。

程傳「飲酒」至於「濡首」、「不知節」之甚也。所以至如程傳「飲酒」至於「濡首」、「不知節」之甚也。所以至如程,不能安義命也,能安則不失其常矣。 集 説 孔氏穎是,不能安義命也,能安則不失其常矣。 集 説 孔氏穎是,不能安義命也,能安則不失其常矣。 集 説 孔氏穎是,不能安義命也,能安則不失其常矣。 集 説 孔氏穎

御纂周易折中卷十二

御纂周易折中卷十三

繋辭上傳

天尊地卑,乾坤定矣。卑高以陳,貴賤位矣。 本義「繫辭」,本謂文王、周公所作之辭,繫於卦爻之下本義「繫辭」,本謂文王、周公所作之辭,繫於土下云。集論一經之大體凡例,故无經可附,而自分上下云。集說孔氏穎達曰:「夫子本作「十翼」,申説上下二篇經說孔氏穎達曰:「夫子本作「十翼」,申説上下二篇經於了,《繁辭》條貫義理,别自爲卷,總曰《繫辭》,分爲上下二篇。」〇《朱子語類》云"「熟讀六十四卦,則覺得《繫辭》之語,甚爲精密,是《易》之括例。」〇又云"「《繫辭》或言造化以及易,或言易以及造化,不出此理。」〇胡氏一桂曰:「其有稱「大傳」者,因太史公引「天下同歸而殊於」一種曰:「其有稱「大傳」者,因太史公引「天下同歸而殊於」一種曰:「其有稱「大傳」》,蓋太史公受易楊何,何之處,一種曰:「其有稱「大傳」》,五次,對於其之下之。其為以及造化,不出此理。」〇胡氏一種曰:「其有稱「大傳」》,五次,對於其一方。其類於其一方。

吉凶生矣。在天成象,在地成形,變化見矣。 動静有常,剛柔斷矣。 發於上者也。形者,象之體質留於下者也。人見其上 形,所在之不同,故在云者,明其一也。象者,形之精華 ○蘇氏軾曰:「天地一物也,陰陽一氣也,或爲象,或爲 以成昏明,「山澤通氣」而「雲行雨施」,故「變化見矣」。」 有異,有聚有分,順其所同則吉,乖其所趣則凶,故「吉 此之謂也。 陽之實體,爲卦爻之法象。莊周所謂「《易》以道陰陽」, 爻,陰變爲陽,陽化爲陰者也。此言聖人作《易》,因陰 屬。「形」者,山川動植之屬。「變化」者,《易》中蓍策卦 純陰純陽之卦名也。「卑高」者,天地萬物上下之位 下,直以爲兩矣,豈知其未嘗不一耶。 凶生矣」。象况日月星辰,形况山川草木也。 凶」者、《易》中卦爻占決之辭也。「象」者,日月星辰之 「方」,謂事情所向,言事物善惡,各以「類」分。 而 「吉 本義「天地」者,陰陽形氣之實體。「乾坤」者,《易》中 「静」者,陰之常。「剛柔」者,《易》中卦爻陰陽之稱也。 「貴賤」者,《易》中卦爻上下之位也。「動」者,陽之常。 集説韓氏伯曰:「方有類,物有羣,則有同 方以類聚,物以羣分, 由是觀之,世之 縣象運轉

明 有

亦 上

有

通

精

氣

所 易也。 便是貴賤,若把下面 截,皆説面前道理,下一截,是説《易》書。聖人作《易 體,而知《易》之書如此。」.〇又云:「「天尊地卑」上 之自然而著之於書,此是後來人説話,又是見天地之實 造化之自然以作《易》。1曰:「論其初,則聖人是因 也。」〇《朱子語類》: 有不可勝計者矣,故『在天成象,在地成形』,變化之始 從有《易》之後,而追論夫未有《易》之前,以見畫前之有 是從那有《易》後説來。」○蔡氏清曰:「此一節,是夫子 然可覩也。」 然不易也。 淆之意。」○又曰:「以天地言之,天尊地卑,其卑高固昭 模寫出耳。」○又曰:「「定」者,有尊卑各安其分之意。 物,要皆非聖人鑿空所爲,不過皆據六合中所自有者而 『與天地準』處如 [位]者,有卑高以序而列之意。 謂 變化者,未嘗不出 夫易有乾坤、有剛柔、有吉凶、有變化、然此等名 以萬物言之,如山川陵谷之類,其卑高亦昭 此。 問 如今看面前天地便是乾坤、卑高 於 句説作未畫之易也不妨,然聖人 「第一章第 丽 兩 於所在 「斷」者,有判然不相 節,蓋言聖人因 也。 自 兩以 |天理 往 混

案: 尊 ;地卑」是「天地定位」也,「卑高以陳」,則兼山 此節是説作《易》源頭 (總涵 乾坤 六子在内。 澤等皆 蓋「天

也。 言之。 是。 句,又因體及用,以起下文之意。 陽互根,則交易者也,其陰陽迭運則變易者也。 上皆言造化之體。至於「天」之「象」,「地」之「形」,其陰 别爲浮沈升降者是也。 度,則又兼雷風水火等皆是。 而無形質之物,其聚散作息亦 其生殺之氣,則以「類聚」,在地有物焉,高下燥濕 天動 在「天」有「方」焉、春秋冬夏、應乎南北東西者是 地 静 ,山静 水動 其清濁之品,則以 固 有常矣。 「類聚」、「羣分」,總 有時,其 然雖 流 止晦 至於 · 羣分」。

是故剛柔相摩,八卦相盪

初,以 了,團旋推盪那六十四 摩戛,「盪」則是園轉推盪將出 運化之推移。1〇《朱子語類》云:「「摩」是那兩個物事 集説韓氏伯 己,兩相摩而爲四 本義此言易卦之變化也。 「盪」是八卦以 剛二柔與第三畫之剛柔相摩而 剛 柔與第 E. 後爲六十四卦底事。 四四 「相切摩,言陰陽之交感。 畫 相摩而爲八、八相盪 1 世出 之剛柔相摩 六十四卦之初 來。」○吴氏澄 來, 爲八卦。 『摩』是八卦 「盪」是有那 而爲 而爲六十四。 ,剛柔兩畫 日 四 八卦既成 相 象。 以 推 畫 **湿,**言 前 又以 卦 八卦 事 之 相 而

此三

以

則又各以八悔封盪於一貞卦之上,而一卦爲八卦,八卦

爲六十四卦也。」

卦以體象之。 澤雷風無不交之類是也。惟天地之理如此,故聖人畫與水火山澤雷風無不交。地與天交矣,而亦與水火山與風交是也。「相盪」者,以一交八,如天與地交矣,而與風交是也。「相盪」者,以一交八,如天與地交矣,而與風交是也。「相盪」者,以一交八,如天與地交矣,而與風交是也。「相盪」者,以一交八,如天與地交矣,而與風交是也。「相」之,然是天地間自有此理。蓋「相案:此節雖切畫卦言之,然是天地間自有此理。蓋「相

鼓之以雷霆,潤之以風雨。日月運行,一寒

巽風坎雨。 推盪,各有功之所用也。 本義此變化之成象者。 體 賤」、「剛柔」、「吉凶」、「變化」言,是對待之陰陽,交易之 雨 澤也。」○張氏浚曰:「「鼓以雷霆」而有氣者作,「潤以風 不云乾、坤、艮、兑者,乾坤上下備言,雷電風雨亦出 「變化見矣」及「剛柔相摩,八卦相盪」之事。 也。 而有形者生。」〇丘氏富國曰:「前以「乾坤」、「貴 此以「摩」、「盪」、「鼓」、「潤」、「運行」言、是流行 離日坎月,運動而行,一節爲寒,一節爲暑。 鼓動之以震雷離電,滋潤之以 集説孔氏穎達曰:「重明 八卦既相 Ш E

《書》曰:「日月之行,有冬有夏。」」《書》曰:「日月之行,有冬有夏。」」(四月之行,有冬有夏。」(四月之行,而幾別之用也。至下文則言乾坤之德行,而繼以之陰陽,變易之用也。至下文則言乾坤之德行,而繼以之陰陽,變易之用也。至下文則言乾坤之德行,而繼以之陰陽,變易之用也。至下文則言乾坤之德行,而繼以之陰陽,變易之用也。至下文則言乾坤之德行,而繼以之陰陽,變易之用也。至下文則言乾坤之德行,而繼以之陰陽,變易之用也。至下文則言乾坤之德行,而繼以之陰陽,變易之用也。至下文則言乾坤之德行,而繼以之陰陽,變易之用也。至下文則言乾坤之德行,而繼以之陰陽,變易之用也。至下文則言乾坤之德行,而繼以之陰陽,變易之用也。至下文則言乾坤之德行,而繼以之陰陽,變易之用也。至下文則言乾坤之德行,而繼以之陰陽,變易之用也。至下文則言乾坤之德行,而繼以之陰陽,變易之用也。至下文則言乾坤之德行,而繼以之陰陽,變易之用也。至下文則言乾坤之德行,而繼以之陰陽,變易之用也。至下文則言乾坤之德行,而繼以之陰陽,變易之用也。至下文則言乾坤之德行,而繼以之陰陽,變易之用也。至下文則言乾坤之德行,而繼以之陰陽,變易之則言於明之。

乾道成男,坤道成女。

有牡麻,及竹有雌雄之類,皆離陰陽剛柔不得。」〇吴氏者,與上文相發明也。 集説《朱子語類》云:「天地父者,與上文相發明也。 集説《朱子語類》云:「天地父母,分明是一理。乾道成男,坤道成女,則凡天下之男母,分明是一理。乾道成男,坤道成女,則凡天下之男母,分明是一理。乾道成男,坤道成女,則凡天下之男母,分明是一理。乾道成男,坤道成女,則凡天下之男母,分明是一理。乾道成男,坤道成女,則凡天下之男母,分明是一理。乾道成男,坤道成女,則凡天下之男母,於官禮、本義此變化之「成形」者。此兩節,又明易之見於實體

楷曰: 澄 於變化,自「剛柔相摩」至「坤道成女」,是又因變化而遡 故以「乾道成男,坤道成女」二句,總之於後也。」○何氏 震,歷離歷兑而終於乾, 原於乾坤。」 Ħ. 「自「天尊地卑」至「變化見矣」,是因乾坤而推 「乾成男者,父道 也。 右起巽,歷坎歷艮以終於坤 坤 成女者,母 道 也。 左 極 起

乾知大始,坤作成物。

本義 爲之。 物,事可營爲,故乾言「知」而坤言「作」也。」○《朱子語 乾之生物,起於無形,未有營作,坤能承於天氣,已成之 有迹也。 女而言乾坤之理。 坤」,此又接「成男」、「成女」二句,而專言乾坤也。 坤實爲之。」○吴氏澄曰:「上言「八卦」而總之以「乾 氏中行曰:「一氣之動,則自有知覺,而生意所始,乾實 未有形,知之而已。 類》云:「「知」訓「管」字,不當解作「知見」之「知」。 大始 大抵陽先陰後,陽施陰受,陽之輕清未形,而陰之重濁 「知」,猶主也。 氣既感,則妙合而凝,其形乃著,有作成之意, 集説胡氏瑗曰:「乾言「知」、坤言「作」者,蓋 蓋凡物之屬乎陰陽者,莫不如此 「成物」乃流行之時,故有爲。」〇柴 乾主始物,而坤作成之,承上文男 乾男

也。「作」者,爲之而有迹也。」以其成物也。成,謂成其質也。「知」者,主之而無心爲父者,以其始物也。始,謂始其氣也。坤女爲母者,

易簡,自爲一段。 成之職,乾坤專生成之功也。下文則就功化而推原於案:自「鼓之以雷霆」至此二句,當總爲一段,六子分生

乾以易知,坤以簡能。

易」。」」〇「問:「「乾以易知,坤以簡能」,若以學者分上 難之謂。 簡」。」○楊氏萬里曰:「此贊乾坤之功,雖至溥而無際 著明」,坤陰陽動闢,「不習无不利,地道光也」。」〇韓氏 作,故爲以簡而能「成物」。 易而知「大始」。 言之,則廓然大公者「易」也,物來順應者「簡」也。 出 而乾坤之德,實至要而不繁也。」〇《朱子語類》:「問: 伯曰:「天地之道,不爲而善始,不勞而善成,故曰「易 本義乾健而動,即其所知,便能始物而无所難,故爲以 「如何是「易簡」?」曰: 一分,如何得 人有私意便難,「簡」只是順從而已,若外更生 「簡」? 坤順而静、凡其所能、皆從乎陽而不自 「他行健所以「易」,「易」是知阻 今人都是私意,所以不能「簡 集説虞氏翻曰:「乾「縣象 不知

乎甚難矣。 乾坤二卦象之者也。」〇張氏振淵曰:「「乾知大始」,似 陽而不造事,故簡而不繁。 易而不難。 者,乾之所知,然乾之性健,其知也,宰物而不勞心,故 也。」〇吴氏澄曰: 是否?」曰:「然。 皆用之動也,乾易坤簡皆體之静也。又四德坤承乎乾 以陰陽之分言,然「乾知大始」而事付於坤,則始動而 曰:「乾健體而動用,故易,坤順體而静用,故簡。 知」以「簡能」耳,所謂天地無心而成化也。」○昊氏曰 元亨皆動 坤從乎陽而作「成物」,則始静而終動。 ,利貞皆静,不可專以動屬乾,以静屬坤也。」 成物者,坤之所作,然坤之性順,其作也,從 「坤作成物」,似乎甚煩矣。 乾之易,知之事也, 「「易簡」者,以乾坤之理言。 此乾坤皆指天地,而《易》之 乃乾坤則以「易 坤之簡,行 又乾知坤 始 之事 動 静 慎 物 能 終

人之德,可大則賢人之業。有功。有親則可久,有功則可大。可久則賢易則易知,簡則易從。易知則有親,易從則

多,故「有親」。「易從」,則與之協力者衆,故「有功」。之簡,則其事要約而人易從。「易知」,則與之同心者本義人之所爲,如乾之易,則其心明白而人易知,如坤

簡能」。 易知」。 親。 能也。 都 乾坤之德也。 是言乾坤之德,「易則易知」以下是就人而言,言人兼體 不難。〕○《朱子語類》云:「「乾以易知,坤以簡能」,以上 者,一之謂也。一 業」者,功業既大,則是賢人事業。」○蘇氏軾曰:「簡易 有營作,故但云「知」也。 從」,故物法而有功也。」〇孔氏穎達曰:「初始無形,未 范氏長生曰:「以其「易知」,故物親而附之。 不同,此言人法乾坤之道至此,則可以爲賢矣。 有親則一於内,故 人之德1者,使物長久,是賢人之德。 「有功則可大」者,事業有功,則積漸可大。 「有親則可久」者,物既和親,無相殘害,故「可久」也。 作」也。 「德」,謂得於己者。 「業」,謂成於事者。 :無許多艱深險阻,故能以易而知「大始」。 「易從則有功」者,於事易從不有繁勞,其功易就 「易知則有親」者,性意易知,心無險難,則相和 若於物艱難,則不可以知,若於事繁勞,則不可 「簡」謂簡省,不須繁勞,以此爲能,故曰 「易」謂易略,無所造爲,以此爲知,故曰「乾以 「乾以易知」者,乾健不息,唯主於生物 故有信,信故物知之也易,而從之也 「可久」。 已成之物,事 有 功則 兼於外,故 「可大則賢人之 上言乾坤之德 可營爲,故云 「可久則賢 坤順承天, 以其[易 可 集 「坤以 え と 。 説

惟以成物,都無許多繁擾作爲,故能以 賢人之業,是就作事處言。蓋自乾以「易知」,便是指存 親可久,則爲賢人之德,是就存主處言,有功可大,則爲 天以成物,别無作爲,故其理至簡。 不是人來助我作事,是我能使人如此,便是我之功。」 之「易」,無煩擾而謂之「簡」。 孟子曰:「禹之行水也,行 所加,亦非於此理之内有所減也。 主處,坤以「簡能」,便是指作事處。」○林氏希元 知」則人皆同心親之,「易從」則人皆協力而有功矣。 自直,故人「易知」,順理而不繁擾,故人「易從」。 大抵陽施陰受,乾之生物,如瓶施水,其道至易,坤 其所無事也。 「【易簡」只是因此理而立心處事爾,固非於此理之外有 「易簡」之説也。」○趙氏光大曰:「「易從則有功」,有功 如智者亦行其所無事,則智亦大矣。」此 但以其無險阻 其在人則無艱 簡 而 作「成 曰 曰 ·唯承 物。 阻 而 「易 謂 有 而

易簡而天下之理得矣,天下之理得,而成位

乎其中矣。

第一章,以造化之實,明作經之理。又言乾坤之理,分此則體道之極功,聖人之能事,可以與天地參矣。○此本義「成位」,謂成人之位。「其中」,謂天地之中。至

以然者、則以我之易簡與乾坤之易簡同原故也。夫「易 同其悠久矣,「可大則賢人之業」與地同其廣大矣。 所 能,故「有功」。「有親」則有人傳繼其心,千百世上下, 職分之當爲,無一豪人欲之紛擾,豈不「易從」? 擾委曲。」○鄭氏維嶽曰:「「易簡」原是一理,依易之理 能行天地「易簡」之化,則天下萬事之理並得其宜矣。 總論程子曰:「「天尊地卑」,尊卑之位定,而乾坤之義 有是易, 地有是簡,吾亦有是簡,與天地參而爲三矣。」 得天下之公理,以成久大之德業,則是天有是易,吾亦 之所以爲人,一易簡之理焉盡之,所謂天下之公理也 簡而天下之理得矣」,天之所以爲天,地之所以爲地,人 弘道,非道弘人也,故「可大」。「可久則賢人之德」與天 心同理同也,故「可久」,「有功」則有人擴充其事,人能 知」則不遠人以爲道,故「有親」,「易從」則夫婦皆可與 之艱深,豈不「易知」? 之所知,如乾之易,則所知皆性分所固有,無一豪人欲 而作之,則爲「簡」。」○何氏楷曰:「乾坤一陰陽也,陰陽 ○《朱子語類》云:「「易簡」理得,是浄浄潔潔,無許多勢 見於天地,而 一太極也、「易簡」者、乾坤之所以知始而作成者也。 人兼體之也。 人之所能,如坤之簡,則所能 集説孔氏穎 達曰: 「聖人 一易

體

立則用必行焉,是故剛柔則

與

相

摩,八卦則

與

體,起《易》卦之定名,故自造化之體立,而卦之理具矣。

明矣。 功。 事則可以廣大,聖賢德業久大,得易簡之道也。 平易故人「易知」,簡直故人「易從」。「易知」則可親就 坤之道,「易簡」而已。 動之,風雨以潤之,日月運行,寒暑相推,而成造化 之迹見矣。 常,則剛柔判矣。 賢以與天地參耳。」○何氏楷曰: 之意,總是論《易》書之作,無非發明乾坤之理,要人爲聖 者求易於天地,又求天地之易於吾身,則易在是矣。 曰:「易道盡於乾坤,乾坤盡於「易簡」,易簡即在人身,學 理易簡而已,有理而後有象,成位在乎中也。」○張氏振淵 而 有羣,善惡分而吉凶生矣。 始乾坤之理,至第二章「設卦觀象」方言《易》。」 奉順,「易從」則可取法而成功。 得乾者成男,得坤者成女,乾當始物,坤當成物,乾 尊卑既判,貴賤之位分矣。 陰陽之交相摩軋,八方之氣相推盪 事有理也,物有形也,事則有類,形則 乾始物之道易,坤成物之能簡, 象見於天,形成於地,變化 「此一章,乃孔子首明易 親合則可以常久,成 陽動陰静,各 ,雷霆以 天下之 通章 有 之 其

> 爲《繫傳》之首章焉。 交易者也。「鼓以雷霆」至「坤作成物」,言變易者 故「天尊地卑」一節,言不易者也。「剛柔相摩」二句,言 諸儒言「易」有四義:不易也,交易也,變易也,易簡 惟「易簡」而已矣。設卦繋辭所以順性命之理者此也。 「易簡」而已矣,賢人之進德脩業,聖人之崇德廣業,亦 不貳,故易也,事順而無爲故簡也。 蓋象此也。 兑,「寒」以止物者艮,成男而職「大始」者乾,成女而 此也。「雷霆」者震、離、「風雨」者巽、坎、「暑」以説物 八相盪。 乾以易知」以下,言易簡者也。 「成物」者坤,造化之機,所以變而無窮也。 造化之情,所以交而不離也,畫卦之序,蓋 然而造化之理,則 易道之本原盡乎此,故 以「易簡」爲歸,心一而 天地之盛德大業, 建圖之位 也 也 者 職 象

聖人設卦觀象,繫辭焉而明吉凶。

諸象也。此「設卦觀象」,總爲下而言。卦象爻象,有吉一繫以辭也。 集 説 孔氏穎達曰:「設之卦象,則有吉而繫以辭也。 集 説 孔氏穎達曰:「設之卦象,則有吉本義象者,物之似也。此言聖人作《易》,觀卦爻之象,本義象者,物之似也。此言聖人作《易》,觀卦爻之象,

案:天地卑高、動静、方物、象形,造化之實體也。

貴賤、剛柔、吉凶、變化,《易》卦之定名也。

因造化之實

乾坤

孔子曰:「聖人設卦觀象,繫辭焉而明吉凶。」不是卜筮 之。」〇《朱子語類》云:「《易》當初只是爲卜筮而作,文 憂虞,舉吉凶則包之。」○朱氏震曰:「聖人設卦,本以觀 之下,而顯明此卦爻吉凶也。 有凶,若不繫辭,其理未顯,故繫屬吉凶之文辭於 已具,繫之辭而吉凶之象始明也。 立,象又以卦而見也。 觀是卦有如是之象,則繫之以如是之辭,蓋卦以 有卦,及八卦既設而象寓焉,及八重而六十四,聖人又 如何明吉凶?」〇王氏申子曰:「《易》之初也,有象而未 言、彖、象,卻是推説作義理上去,觀乾坤二卦便可見。 足以知此,於是繫之卦辭,又繫之爻辭,以吉凶 象,自伏羲至於文王一也。聖人憂患後世,懼觀者智不 繫之辭,吉凶明矣。」 ,順則吉,逆則凶,當則吉,否則 【明吉凶」者,有是象而吉凶 案吉凶之外,猶有悔吝! 凶 陰陽奇耦,相 因其順逆當否 交相 象而 「明告 之理 (卦爻 袻

剛柔相推而生變化。

張氏振淵曰:「剛柔相推」之中或當位,或失位,而吉凶人所以觀象而繫辭,衆人所以因蓍而求卦者也。 集説本義言卦爻陰陽迭相推盪,而陰或變陽,陽或化陰,聖

是故吉凶者,失得之象也。悔吝者,憂虞之明,明此也,蓋吉凶悔吝雖繫於醉,而其原實起於變。」悔吝之源正起於此。聖人之所觀,觀此也,聖人之所

象

也。

不已。 是剛,亦循環不已。」○又云:「悔」屬陽,「吝」屬陰。 出來,吝便是凶之漸矣。及至凶矣,又卻悔,只管循環 及至吉了,少閒便安意肆志,必至作出不好可羞吝底事 了便吉,吉了便吝,吝了便凶,凶 不入於「吉凶」,事有小大,故辭有緩急,各象其意也。」 則象「得」,「凶」則象「失」,「悔」則象「憂」,「吝」則 悔自凶而趨吉,吝自吉而向凶也。 以致悔而取羞矣。蓋「吉凶」相對,而「悔吝」居其中間 者,事之變也。 患、死於安樂相似,蓋憂苦患難中必悔,悔便是吉之漸 ○《朱子語類》云:「吉凶悔吝,四者循環,周而復始,悔 或有此象,則繫之以此辭也。 本義「吉凶」、「悔吝」者、《易》之辭也。「失得」、「憂虞」 「虞」也。」○干氏寶曰:「「憂虞」未至於「失得」,「悔吝. 正如剛柔變化,剛了化,化便是柔,柔了變,變便 得則吉,失則凶,憂虞雖未至凶,然已足 集説虞氏翻曰:「一吉」 了 故聖人觀卦爻之中 又悔,正如生於憂

六爻之動,三極之道也。 變化者,進退之象也。 剛柔者,晝夜之象也。

極,復爲剛柔,流行於一卦六爻之間,而占者得因所值三才各一太極也。此明剛柔相推以生變化,而變化之則夜而陰矣。六爻初、二爲地,三、四爲人,五、上爲天。則夜而陰矣。六爻初、二爲地,三、四爲人,五、上爲天。則 複 不 義柔變而趨於剛者,退極而進也。剛化而趨於柔本義柔變而趨於剛者,退極而進也。剛化而趨於柔

變化」者此也。」 之動」二句,推言變化之故。上文所謂「剛柔相推 之體。「三才之道」,言道之用。」○何氏楷曰:「「變化」、 之先,統體一太極也。」〇俞氏琰曰:「「三極之道」,言道 動之後,各具一太極,後曰「易有太極」者,則卦爻未生 地人之道也。」○胡氏炳文曰:「此曰「三極」,是卦爻已 乃太極之道也。「三極」,謂三才各具一太極也。 推動而生變化,是天地人三才至極之道。」〇蔡氏淵 類、「晝夜」亦「變化」之道。」〇孔氏穎達曰:「六爻遞相 化」,而下别明「悔吝」、「晝夜」者,「悔吝」則「吉凶」之 以斷吉凶也。 「「吉凶」、「悔吝」,象人事之「得失」,「憂虞」、「變化」、 曰:「「動」,變易也。「極」者,太極也。 「剛柔」,以卦畫言,「進退」、「晝夜」,以造化言。 「六爻 「剛柔」,象天地陰陽之「晝夜」,「進退」,是六爻兼有天 六爻,則一卦之體具,而三才之道備矣。」○吴氏澄曰: 集説韓氏伯曰:「始總言「吉凶」、「變 以其變易無常, 變至 而生

者,爻之辭也。是故君子所居而安者,易之序也,所樂而玩

本義「易之序」,謂卦爻所著事理當然之次第。「玩」

者,觀之詳。 言而信」,而與爻爲一矣。」○《朱子語類》:「問:「「所居 是非當否之有所命是也。 行不加,窮居不損,而與易爲一矣。所謂「爻之辭」者 居而安者,由觀易位之次序也。」〇王氏宗傳曰:「所謂 安在「勿用」,若居在乾之九三,而安在「乾乾」。是以所 膏。1曰:「然。」」○「問:「所居而安者,易之序也。」曰: 而安者,易之序也」,與「居則觀其象」之「居」不同,上 樂。』.〇俞氏琰曰:「「居」以位言,「安」謂安其分也 「「序」 是次序,謂卦爻之初終,如「潛」、「見」、「飛」、 「易之序」者,消息盈虚之有其時是也。 而循是理故「安」,觀爻之辭而達是理故「樂」。」 「居」字是總就身之所處而言,下「居」字則静對動而 「横渠謂每讀每有益,所以可樂,蓋有契於心,則自然 樂」以心言,「玩」謂繹之而不厭也。君子觀《易》之序 躍」,循其序則安。1又問:「所樂而玩者爻之辭。」曰: 集説孔氏穎達 樂之而玩,則「默而成之,不 日 「若居· 居之而安,則盛 在乾之初九,而

本義象解變已見上,凡單言「變」者,化在其中。「占」,而玩其占,是以自天祐之,吉无不利。是故君子居則觀其象而玩其辭,動則觀其變

《易》之事。此獨吉而無凶悔吝者,學《易》之功也。」〇 幾,故有不動,動無不吉也。」〇胡氏炳文曰:「天地閒剛 事,觀卦爻之象而玩其辭,則可以察吉凶悔吝之故。 用時便占。二〇蔡氏淵曰:「觀象玩辭,學《易》也,觀變 是理會不得,如何占得? 則觀其象玩其辭,動則觀其變玩其占」,如何?」曰:「若 占事知來,故「玩其占」也。」○《朱子語類》: 子學《易》之事。 謂其所值吉凶之決也。 觀之否」,晉侯「遇大有之睽」,謂之「遇」者是也。」 吉一而已,凶悔吝三焉。上文示人以吉凶悔吝者,作 柔變化,無一時閒。 動而應事,觀卦之變而玩其占,則可以決吉凶悔吝之 曰「自天祐之,吉无不利也」。」○王氏申子曰:「平居 盡乎一爻之時。居既盡乎天之理,動必合乎天之道,故 俞氏琰曰:「觀象玩辭,如蔡墨云「在乾之姤」,知莊子云 玩占,用《易》也。 「在師之臨」,謂之『在』者是也。 集説 虞氏翻曰:「「以動者尚其變」, 學《易》則無所不盡其理,用《易》則唯 人在大化中,吉凶悔吝,無一息停, ○此第二章,言聖人作《易》,君 必是閑常理會得此道理,到 觀變玩占,如陳侯[馮 「問:「居 及

總論孔氏穎達曰:「前章言天地「成象」、「成形」、「簡

爲作《易》之本。此章乃言作《易》之旨。」 爲作《易》之本。此章乃言作《易》之旨。」 爲作《易》之本。此章乃言作《易》之旨。」

身驗之,「樂而玩」者,以心體之。在平時則爲觀象玩辭自然之易書,故先儒以爲畫前之易者此也。此章乃備自然之易書,故先儒以爲畫前之易者此也。此章乃備自然之易書,故先儒以爲畫前之易者此也。此章乃備自然之易書,故先儒以爲畫前之易者此也。此章乃備自然之易書,故先儒以爲畫前之易者此也。此章乃備真於其中,此辭所由繫而占所由生也。「居而安」者,以具於其中,此辭所由繫而占所由生也。「居而安」者,以真談其中,此辭所由繫而占所由生也。「居而安」者,以具於其中,此辭所由繫而占所由生也。「居而安」者,以之事。所象者或爲人事之「失得」、「憂於」而爲後諸章之綱言然之易者此也。此章乃備之為之。在平時則爲觀象玩辭自然之為書,故先儒以爲者此也。任平時則爲觀象玩辭自然之事。

之效,至於如此。

旋,述天理而時措」者也。「自天祐之,吉无不利」,學易旋,述天理而時措」者也。「自天祐之,吉无不利」,學易之功,在臨事則爲觀變玩占之用,此所謂「奉明命以周

彖者,言乎象者也。爻者,言乎變者也。

疵也。无咎者,善補過也。 吉凶者,言乎其失得也。悔吝者,言乎其小

者何? 位有當否説。「小疵」兼兩意,向於得而未得,尚有「小 凶」、「悔吝」之辭、未嘗及「无咎」之辭、此章方及之、大 脩之則可免咎也。」○胡氏炳文曰:「前章言卦爻中「吉 之得失未分而能致得失者也。「善補過者」,先本有咎、 之斷辭也。「失得」者,事之已成著者也。「小疵」者,事 於改,而不能改,或不肯改,於是乎有吝。 疵」則悔,向於失而未失,已有「小疵」則吝。」 自新之意切矣。]○張氏振淵曰:「「失得」指時有消息 抵不貴無過而貴改過。「无咎者,善補過也」,聖人許人 有?」〇蔡氏淵曰:「「吉凶」、「悔吝」、「无咎」,即卦與爻 吾衣之破也,衣有破,補之斯全,身有過,補之斯還。 復之於善也。 補不善 而復之於善,何 吾身之過 咎之 還 猶

吉凶者存乎辭。 是故列貴賤者存乎位,齊小大者存乎卦,辨

固不同,而各以所遇之時爲正。陽得位則陽用事,陰得也」。○張氏浚曰:「卦之所設,本乎陰陽,陰小陽大,體陰卦小,卦列則「小大」分,故曰「齊小大者,存乎卦,」謂陽。 集説 王氏肅曰:「齊」,猶正也。陽卦大,本義「位」,謂六爻之位。「齊」,猶定也。「小」謂陰,本義「位」,謂六爻之位。「齊」,猶定也。「小」謂陰,

爻之吉凶者,「辭」也,故曰「辨吉凶者存乎辭」。」 存乎卦」。卦者,全卦之體也。『辨』,明也。 陽大陰小,陽卦多陰,則陽爲之主,陰卦多陽,則陰爲之 主,雖「小大」不齊,而得時爲主則均也,故曰「齊小大者 貴陰賤,上貴下賤,亦有貴而无位,有位而在下者,故曰 者,此所以爲貴也。二〇王氏申子曰:「列」,分也。 爲天子父,爲天子師,在他 位,然本是貴重,所謂「貴而无位,高而无民」,在人 賤,五、三則五貴而三賤,上、初則上貴而初賤。 位則陰用事,「小大」之理,至卦而齊。」○《朱子語類》: 「列貴賤者,存乎位」。 位者,六爻之位也。 「齊」,均 「問"「上下貴賤之位何也?」曰"二」、四則四貴而二 人則清高而在物外,不與事 辨一卦 上雖 (君則 也。 陽 無

憂悔吝者存乎介,震无咎者存乎悔。

王弼曰:「憂悔吝之時,其介不可慢也。」即「悔吝者,言善補過,故「存乎悔」也。」〇韓氏伯曰:「「介」,纖介也。以動其補過之心,而可以无咎矣。 集説 虞氏翻曰:以動其補過之心,而可以无咎矣。 集説 虞氏翻曰:於此憂之,則不至於「悔吝」矣。 震,動也。知悔,則有於此憂之,則不至於「悔吝」矣。 震,動也。知悔,則有本義「介」,謂辨别之端,蓋善惡已動而未形之時也。

震懼而得无咎者以此。」〇《朱子語類》:「問:「「憂悔吝 乎小疵也」。1〇程子曰:「以悔吝爲防,則存意於微小。 之微處,介又是悔吝之微處。「介」字如「界至」、「界限 者存乎介」,悔吝未至於吉凶,是乃初萌動,可以向吉凶 者動之微,而吉之先見者也」,併悔吝亦皆無矣。]〇吴 凶也。若又於悔吝之介憂之,則但有吉而已,所謂「幾 功,蓋人知悔,則以善補過而「无咎」,雖未至吉,亦不至 添入「无咎」説,既欲人於悔吝上著力,尤欲人於介上用 矣。1曰:「然。」」○丘氏富國曰:「此章就吉凶悔吝上, 之「界」,是善惡初分界處。於此憂之,則不至於悔吝 其介則趨於吉不趨於凶矣,覆説「言乎其小疵也」。震 爻之辭,覆説「言乎其失得也」。悔吝介乎吉凶之間,憂 小大者存乎卦」,覆説「象者言乎象」。分辨古凶存乎象 氏澄曰"「「列貴賤者存乎位」,覆説「爻者言乎變」。「齊 以无咎,覆説「善補過也」。」○趙氏玉泉曰:「「介」在事 者動心戒懼之謂,有咎而能戒懼,則能改悔所爲,而 前,「悔」在事後。」〇汪氏砥之曰:「《易》凡言 「悔」、 「吝」,即寓「介」之意,言「无咎」,即寓「悔」之意,「憂」、 「盱」、「豫」之悔,存乎遲速之「介」也。憂「即鹿」之 「吝」,存乎「往舍」之介也,震「甘臨」之「无咎」,存乎 可

「曼」而「悔」也,震「頻復」之「无咎」,存乎「厲」而「悔」

所之。

是故卦有小大,辭有險易。

辭也者,各指其

也。

説。 本義「小」險「大」易,各隨所向。 趨之所,以示乎人也。」○吴氏澄曰:「上文有「貴賤」、 别。辭者各指其所向,凶則指其可避之方,吉則指其可 難易,而命之辭,使人之知所適從也。」○潘氏夢旂曰: 以材言,卦各有主,主各有材,聖人隨其材之大小,時之 卦辭險,即此可見。」○項氏安世曰:「貴賤以位言,小大 不好底,所以謂「卦有小大,辭有險易」。大卦辭易,小 有如夬之類,盡是好底卦,如睽如困如小過之類,盡是 只是好底卦便是大,不好底卦便是小。 辭之通例。 集説《朱子語類》云:「「卦有小大」,看來 ○蔡氏清曰: 「卦有小有大,隨其消長而分,辭有險有易,因其安危而 「小大」,此獨再提「卦有小大」,蓋卦彖爲諸辭之總也。」 「據本章通例看,此條卦字辭字,皆兼爻 〇此第三章,釋卦爻 如復如泰如大

案:此章申第二章「吉凶者,失得之象也」一節之義。首

也。 《易》辭之教人也,於吉凶辨之而已。 之中有曰「吉,无咎」者,有曰「凶,无咎」者,有曰「吝,无 罪愆之名也。其道至大,而貫乎吉凶悔吝之間,故《易 悔」者,至也。衆人不貴无悔而貴能悔,爲其爲改過遷 不徒悔而補過,則可以无咎矣。 謹其幾也。 於安也,「凶」而能動於困也,「吝」而不包其羞也,是故 故直言其失得而已。 言彖爻者,吉凶悔吝之辭,彖爻皆有之也,吉凶則已著, 善之路也。 至四者之外,又有所謂「无咎」者,不圖吉利,求免 然其機皆在於「悔」,蓋惟能 憂之不已,又從而震之,曰誠能去吝而悔 故曰:「懼以終始,其要无咎,此之謂《易》之 悔吝則猶微,故必推言其「小疵 夫「不貳過」而 於悔吝也則憂之, 「悔」,則吉而不狃 「无祗

《易》與天地準,故能彌綸天地之道。

天,坤順以法地之類是也。」〇蘇氏軾曰:「「準」,符合集説韓氏伯曰:「作《易》以準天地。」〇孔氏穎達曰:集説韓氏伯曰:「作《易》以準天地。」〇孔氏穎達曰:「論」,有選擇條理之意。「論」,有選擇條理之意。

事物物各有條理。「彌」而非「綸」,則空疏無物,「綸」而 粲然有倫。」 中具有天地之道,本自與天地相等,故於天地之道, 也。」〇胡氏炳文曰:「此「易」字,指《易》書而言。 非「彌」,則判然不相干。 絲之綸,自有條理。 地之道」。 云"「凡天地間之物,無非天地之道,故《易》能「彌綸天 則爲「生死」,見於物變,則爲「鬼神」。」〇《朱子語類》 陽」是也。是道也,其在天地,則爲「幽明」,寓於始終, 也。」〇王氏宗傳曰:「天地之道,即下文所謂了一陰 者,以能「知幽明之故」,「死生之説」,「鬼神之情狀 也。 「彌」之則是合萬爲一,渾然無欠,「綸」之則一實萬分, 彌一, 「彌」如封彌之彌,糊合使無縫罅。 周 浹 也。 言雖是彌得外面無縫罅,而中 編」, 此二字,見得聖人下字甚 經緯 也。 所 以 與「天地 「綸」 書之 如 則 準し 綸 事

節冠首、第二第三節不言《易》者,蒙第一節文義。「與天地相似」、「範圍天地之化而不過」,此三句當爲三言易窮理盡性至命,即是言聖人也。「《易》與天地準」,故之。《易》是聖人窮理盡性至命之書,聖人全體易理,故

之故,原始反終,故知死生之説,精氣爲物,仰以觀於天文,俯以察於地理,是故知幽明

游魂爲變,是故知鬼神之情狀。

氣,聚 深。 地之道也。「天文」則有晝夜上下,「地理」則有南北高 者,陰陽而已,「幽明」、「死生」、「鬼神」皆陰陽之變,天 本義此窮理之事。 鬼。 之象,「死生」者,始終之數也。」○程子曰:「「原始」則 是原其始之理,將後面摺轉來看,便見得,以此之有,知 終,故知死生之説。1曰:「人未死,如何知得死之説,只 物。 如是而已矣。」〇蘇氏軾曰:「「鬼」常與體魄俱,故謂之 足以知其「終」、「反終」則足以知其「始」、「死生之説」、 其所謂。]子曰「氣也者,神之盛也。 宰我問,正説此理甚詳。 宰我曰:「吾聞鬼神之名,不知 彼之無。二〇又云: 鬼」之歸也。 「原」者,推之於前。「反」者,要之於後。 志氣爲魂,魂爲神。」〇《朱子語類》:「問:「原始反 而成物。 「神」無適而不可,故謂之「變」。 精氣爲魄,魄爲 集説韓氏伯曰:「「幽明」者,有形無形 「神」之伸也。 「魄爲鬼,魂爲神。《禮記》有孔子答 「以」者,聖人以《易》之書也。 魂游魄降,散而爲變 魄也者,鬼之盛也 陰精 易 陽

是這二五之氣,聽其自消化而已。 只緣受得許多道理,須知得盡得便自無愧,到死時亦只 而知所以死。 體,得天地之理以爲性。 亦可取。」○陳氏淳曰:「人生天地間,得天地之氣以爲 之聰明爲魄。」雜書云:「魂,人陽神也。 魂而言,鬼指魄而言。」○胡氏炳文曰:「《易》不曰「陽 陽,精則魄也,目之所以明,耳之所以聰。氣充乎體,凡 鬼。」〇真氏德秀曰:「人之生,精與氣合,精屬陰,氣屬 皆有陰陽,凡屬陽者皆爲魂爲神,凡屬陰者皆爲魄爲 以語默言,則語屬陽,默屬陰,及動静進退行止等,分屬 氣會在吾身之中爲鬼神,以寤寐言,則寤屬陽,寐屬陰 地同其變化,這個便是與造化爲徒。]〇又曰:「陰陽二 合鬼與神,教之至也。]註: 陽之謂也。 陰」而曰「陰陽」,此所謂「幽明」、「死生」、「鬼神」,即陰 人心之能思慮知識,身之能舉動勇決,此之謂魂。 狀」,其理皆在於《易》,故聖人用《易》以窮之也。 ○林氏希元曰:「「幽明之故」,「死生之説」,「鬼神之情 之説」,即散聚而「知鬼神之情狀」,皆「窮理」之事也。 即天地而「知幽明之故」,即始終而「知死生 古人謂得正而斃,謂「朝聞道夕死可矣」、 原其始而知所以生,則要其終 「氣,謂嘘吸出入者也。 所謂安死順生,與天 魄,人陰神也。」 神指 耳目 然亦

要見得爲聖人窮理 後「窮理盡性」也。」○鄭氏維嶽曰:「原人之所以始,全 而生之,即反其所以終,全而歸之。」 盡 性之書爾,非聖人真箇即《易》而

下,故不過。 旁行而不流,樂天知命,故不 與天地相似,故不違。 安土敦乎仁,故能愛。 知周乎萬物而道濟天

也。 此。 處皆安,而无一息之不仁,故能不忘其濟物之心,而仁 不過矣。「旁行」者,行權之知也。「不流」者,守正之仁 萬物者,天也,道濟天下者,地也。「知」且「仁」,則知而 安處,便只知有己,不知有物也。 相似」之事。」〇又云:「「安土」者,隨所寓而安,若自擇 語類》云:「「與天地相似故不違」,下數句是説與「天地 益篤。蓋仁者愛之理,愛者仁之用,故其相爲表裏如 本義此聖人盡性之事也。天地之道,知、仁而已,知周 非仁矣,所以能愛也。」〇胡氏炳文曰:「上文言「《易》與 者,不失其天地生物之心也。 能愛」。」〇又云:「「安土」者,隨寓而安也。「敦乎仁」 既樂天理而又知天命,故能无憂。 集説韓氏伯曰:「德合天地,故曰相似。」○《朱子 安土而敦乎仁,則無適而 此厚於仁者之事,故 而其知益深,隨

> 相似也。」 琰曰:「與天地相似者,《易》似天地,天地似《易》,彼此 知、仁所以「與天地相似而不違」,盡性之事也。」〇俞氏 仁似地,有周物之知,而實諸濟物之仁,則其知不過,有 命」,而知之迹已泯,安土敦仁,而仁之心益著。 行權之知,而本諸守正之仁,則其知不流,至於「樂天知 天地準」,此言「與天地相似」,「似」即「準」也。 知似天, 此 其

案: 深,達乎命而不憂,安於所處,故所行者益篤。 合德之至也。 若以旁行爲知亦可,但恐於行字稍礙 正之則而不流,仁合於義也。 過,義合於仁也, 旁行泛應,仁之熟也,然所行者皆合中 而能愛,所謂樂天之志,憂世之誠,並行不悖者,乃仁義 知周萬物、義之精也、然所知者皆濟天下之道而 樂玩天理,故所知 根於性 者益 不

乎晝夜之道而知,故神无方而易无體 萬物而不遺,通

範圍天地之化而不過,曲成

夜」,即幽明死生鬼神之謂,如此然後可見至神之妙,无 使過於中道,所謂「裁成」者也。 本義此聖人至命之事也。「範」,如鑄金之有模範。 圍」,匡郭也。 天地之化无窮,而聖人爲之「範圍 「通」,猶兼也。「書

之大,聖人用之如此。 化。」〇又曰:「凡无方无體,各有二義,一者神則不見其 適」,不可以一方一體明。」〇孔氏穎達曰:「1範」, 者,皆係於形器者也。 有方所,易之變化,无有形體也。 知其所以然。」〇又云:「「神无方而易无體」,「神」便是 由,是无形體也,二則隨變而往,无定在一體,亦是「无 是「无方」也。「无體」者,一是自然而變而不知變之所 處所云爲,是「无方」也,二則周游運動,不常在一處,亦 謂至命也。 性上來,乃窮理盡性之極致,非窮理盡性之外,他有 曰:「「神无方,易无體」獨係之至命一條,至命從窮理 陽,或爲陰,交錯代换,而不可以形體拘也。]○蔡氏清 在陰底又忽然在陽,在陽底又忽然在陰, [易]便是或爲 體」也。」〇邵子曰:「「神」者,易之主也,所以「无方」。 性』。」〇林氏希元曰:「「通乎晝夜之道而知」,只是通 「通乎晝夜之道 「易」者,神之用也,所以「无體」。」○《朱子語類》云: 夜之道,蓋幽明死 「圍」,謂周圍。言聖人所爲所作,模範周圍天地之 故獨係之至命,而自足以該乎「窮理 而知」,「通」字,只是兼乎晝夜之道 生鬼神, 神則「陰陽不測」,易則「惟變所 集説韓氏伯曰:「「方」、「體 其理 〇此第四章,言易道 相 爲循環,晝夜之道 謂模 知 盡 所 而 盡

> 成,上説知幽明死生鬼神,此則晝夜盡屬其通知。」 一之説」,知「鬼神之情狀」,而益深造,與之相默契,如所 世,晝夜之循環,皆有箇神易,[易」則模寫乎此理者也, 生鬼神之所以然,聖人通知之而有以深徹乎其藴,又 死生鬼神之所以然,聖人通知之而有以深徹乎其藴,又 死生鬼神之所以然,聖人通知之而有以深徹乎其藴,又 死生鬼神之所以然,聖人通知之而有以深徹乎其藴,又 死生鬼神之所以然,聖人通知之而有以深徹乎其藴,又 不但知有其故,知有其説,知有其情狀而已也。」〇江氏 四种可,「上説道濟天下敦仁能愛,此則萬物盡屬其曲 成,上説知幽明死生鬼神,此則晝夜盡屬其通知。」

化在易矣。 化在易矣。 化在易矣。 他在其規模之内,蓋一節深一節也。「萬物」者,天地之化 大地之化之機也。「通」、「知」者,洞見原本而隱 類貫爲一條也。「易」者化之運用,「神」者化之主宰。 類貫爲一條也。「易」者化之運用,「神」者化之主宰。 類貫爲一條也。「易」者化之運用,「神」者化之主宰。 類貫爲一條也。「易」者化之運用,「神」者化之主宰。 類貫爲一條也。「易」者化之運用,「神」者化之主宰。 類貫爲一條也。「易」者化之運用,「神」者化之主宰。 其之心之代之機也。「通」、「知」者,兩見原本而隱 與其為一體也。「書 之迹也。「範圍」則造化

陰一陽之謂道。

本義陰陽迭運者氣也,其理則所謂道。集説邵子

曰: 名。 則謂之器,其不形者則謂之道。 是形而上者。」〇《朱子語類》云:「理則 道,所以陰陽者是道也。 道不立、蓋陰陽亦器也,而所以陰陽者道也。 由是而生,由是而成者也。」〇程子曰:「離了陰陽便 陽,往來不息,而聖人指是以明道之全體也。」 「道無聲無形,不可 人之有行,必由乎道。 得而見者也,故假道路之道而 陰陽氣也,氣是形而下者,道 陰一陽,天地之道也,物 然而道非器不形,器非 一而已,其形者 是以 陰 無 爲

類是也,即前章所謂「變化」也。 之類是也,即前章所謂「剛柔」也, 迭運者,寒暑往來之案:一陰一陽,兼對立與迭運二義。 對立者,天地日月

繼之者善也,成之者性也。

善也,成之者性也。」大哉易也,性命之源乎!」〇楊氏、大章之功,陽之事也。「成」,言其具也。「性」,謂物之化育之功,陽之事也。「成」,言其具也。「性」,謂物之程子之書,言之備矣。 集説周子曰:「大哉乾元,萬程子之書,言之備矣。 集説周子曰:「大哉乾元,萬程子之書,言之備矣。 集説周子曰:「大哉乾元,萬程子之書,言之備矣。 集説周子曰:「大哉乾元,萬程子之書,言之備矣。 集説周子曰:「大哉乾元,萬本義道具於陰而行乎陽。「繼」,言其發也。「善」,謂本義道具於陰而行乎陽。「繼」,言其發也。「善」,謂

案: 閒雖 時日: 氏士藻曰:「善者性之原,性者善之實,善性皆天理,中 善者,元也,萬物之所同出也。 性」,則此理各自有箇安頓處,故爲人爲物,或昏或明, 者善」,方是天理 所稟受者,性之成也。率性之謂道,則性即道也。]○潘 萬物,善之繼也。「元者,善之長」,善即元也。 性、犬之性、牛之性。」〇熊氏良輔曰:「天道流行,發育 貞也,萬物之所各正也。『成之者性』,猶孟子言人之 見,或半見,或不見。」二〇項氏安世曰:「道之所生,無不 性。」曰:「性如實珠,氣質如水,水有清有汙,故珠或全 天則日命,在人則日 無有不善者,生物得來,方始名曰性。 人物之性得。]〇又云:「這箇理 方是定。 若是未有形質,則此性是天地之理,如何把作 接續不息之意,「成」是凝成有主之意。」〇又云:「「繼之 善」,各正其性命者,爲「成之者性」。」〇又云:「「繼」是 〇《朱子語類》云:「造化所以發育萬物者,爲「繼之者 聖人用「繼」字極精確,不可忽過。 有剛柔善惡中偏之不同,而天命之本然無不同。」 「繼之者善」,無 流 行之初,人物所資以始。「成之者 性 ,性便是善。]○「問:「成之者 閒 也。 善之所成,各一其性者, 「成之者性」,無 在天地閒時,只是善。 此「繼」字,猶人 只是這箇理,在 人物得 虧 也。

子所謂繼體,所謂繼志。蓋人者,天地之子也。 理,全付於人而人受之,猶《孝經》所謂「身體髮膚,受之 質者,亦本此也。夫子之言性與天道,不可得而聞也, 皆局於所受之偏而不能完其所付之全,故程朱之言氣 無不善,而其末流區以别矣。如下文所云仁知,百姓者 性善者本此也。然是理既具於人物之身,則其根原雖 善,則人之所以爲性者,亦豈有不善哉! 受兩義皆在其中矣。 主於人而言,惟謂之繼,則見得天人承接之意,而 父母」者是也。 惟《繋傳》此語,爲言性與天道之至,後之論性者,折中 於夫子,則可以息諸子之棼棼矣。 但謂之付,則主於天地而言,謂之受,則 天付於人而人受之,其理既無不 故孟子之道 天地之 付與

用而不知,故君子之道鮮矣。 仁者見之謂之仁,知者見之謂之知,百姓日

此以動静言。集説韓氏伯曰:「君子體道以爲用,仁屬乎天,仁屬乎地,與此不同,何也? 曰:彼以清濁言,又其每下者也。然亦莫不有是道焉。或曰:上章以知日爲全體也。「日用不知」,則莫不飲食,鮮能知味者,本義「仁」陽「知」陰,各得是道之一隅,故隨其所見而本。

質而言也。上章説聖人之知仁,知與仁合而爲一。 已不能不麗於氣質矣。「仁者」、「知者」、「百姓」,指氣 仁者只見得他發生流動處,便以爲仁,知者只見他貞静 限量使然爾。君子之道,烏得而不鮮與? 「仁者知者,鮮克全之。百姓之愚,鮮克知之。此豈在 此道則爲善也。成之在人,則謂之性也。 無始,非知道者孰能識之? 矣乎。」○程子曰:「道者,一 知則滯於所見,百姓則「日用而不知」,體斯道者不亦鮮 其有安上敦仁之理 説知者、仁者,仁與知分而爲二。」○保氏八曰:「仁者見 所以君子之道鮮矣。」○胡氏炳文曰:「在造物者、方發 處,便以爲知,下此一等百姓,日用之閒,習矣而不察, 物各具是性,但氣稟不同。各以其性之所近者窺之,故 具仁知之成名,得道之大全也。」〇《朱子語類》云:「萬 我之善有所不足,在我之性有所不同與? 之而不知,故君子之道,人鮮克知也。」〇王氏宗傳曰: 能識,隨其所知,故仁者謂之仁,知者謂之知,百姓 生,則謂之性。 而賦於物,其理無有不善。 其發者,是天命之性,其具者,天命之性 **,則止謂之爲仁,知者見其有知周天** 陰一陽也,動静無端,陰陽 在人物者,各具是理以有 動静相因而成變化,順繼 在衆人則不 **『君子』者** 非也,蓋在 則 此 由

而不知,故君子之道,知者鮮也。」下之理,則止謂之爲知,是局於一偏矣。百姓終日由之

顯諸仁,藏諸用,鼓萬物而不與聖人同憂,盛

德大業至矣哉!

成。 孔氏穎達曰:「「顯諸仁」者,顯見仁功,衣被萬物。 程子曰:「天地无心而成化,聖人有心而无爲。」集説 也。 皆成,仁功著也。不見所爲,藏諸用也。」〇程子曰: 諸用」者,潛藏功用,不使物知。」〇王氏凱沖曰:「萬物 也。「藏」,自外而内也。「用」,謂機緘之妙,業之本也。 本義「顯」,自内而外也。 處。及至結實,一核成一箇種子,此是「藏諸用」處。 類》云:「「顯諸仁」,德之所以盛,「藏諸用」,業之所以 行之迹,生育之功,「顯諸仁」也。神妙無方,變化無迹, 見,及至成那事時,一 〇又云: 生不已,所謂日新也。 「藏諸用」也。 譬如一樹 天地无心而成化,聖人有心而无爲。]〇《朱子語 「惻隱、羞惡、辭遜、是非,只是這箇惻隱隨事發 天地不與聖人同憂,天地不幸,聖人有心 一根,生許多枝葉花實,此是『顯諸仁! 事各成一仁,此便是「藏諸用」。 萬物無不具此理,所謂富有也。」 「仁」,謂造化之功,德之發 「藏 運 生

> 也。 其發見時,在這道理中發去,及至成 則曰仁與知,在造化者則曰仁與用。]〇俞氏琰曰:「仁 者流行不息,其藏者充塞無間,此所謂易簡之善,極其 於四時之閒,鼓動萬物而生長收閉之,天地無心 閉物之所藏者,收物之用也,故曰『藏諸用』。二氣運行 之元,由春生而爲夏長之亨,此仁顯見而發達於外,長 處,事未成時不得謂之業。」○吴氏澄曰:「「仁」者,生 箇道理,一事既各成一道理,此便是業,業是事之已成 用」,則自外而内,如秋冬之收成,所以藏春夏所顯之用 所以顯秋冬所藏之仁也。 本藏於內者也,「顯諸仁」,則自內而外,如春夏之發生! 至者,故贊之曰「至矣哉」。」○胡氏炳文曰:「在聖人者 而生長者,爲德之盛,用之藏而收閉者,爲業之大,其顯 自然,非如聖人之於民,有所憂而治之教之也。 物之利,由秋收而爲冬藏之貞,此用藏伏而歸復於内, 物之所顯者,生物之仁也,故曰「顯諸仁」。「用」者,收 「用」本顯於外者也,「藏諸 (這事 ·時,又只是這 仁之顯 一而造化

富有之謂大業,日新之謂盛德。

本義張子曰:「富有者,大而无外。 日新者,久而无

藏而愈有,則顯而愈新。」
「家之虧欠。「日新」者,無時不然,而無一息之閒斷,日長日盛,故曰「日新」。」○吴氏澄曰:「生物之仁,及夏而日長日盛,故曰「日新」。」○吴氏澄曰:「生物之仁,及夏而知,食,故曰「富有」。受明,其,以曰「富有」。受解。」集説王氏凱沖曰:「物無不備,故曰「富有」。變

生生之謂易。

本義陰生陽,陽生陰,其變无窮,理與書皆然也。

成象之謂乾,效法之謂坤。

説蔡氏淵曰:「乾主氣,故曰「成象」。 坤主形,故曰「效本義「效」,呈也。 「法」謂造化之詳密而可見者。 集

極數知來之謂占,通變之謂事。

通」、易也。「通其變,使民不倦」,聖人之用易也。」○張與。張忠定公言公事有陰陽,意蓋如此。 集説俞氏琰也。占之已決者,屬乎陰也。「極數知來」,所以通事之本義「占」,筮也。事之未定者,屬乎陽也。「事」,行事

也。 之變,是之謂「事」。」 之謂「乾」"效此一陰 時而不生生,是之謂「易」,成此 見天地閒無物而非陰陽之生生,舉占事,見日用間無事 氏振淵曰:「「成象」二條,本「生生之謂易」來,舉乾 陰一陽生生之數而知來,是之謂「占」, 通一陰一陽生生 通之「即成天下之事」。」○徐氏在漢曰:「一 來,占之義也,通數之變,亦易變也。 而非陰陽之生生。]〇谷氏家杰曰:「生生謂易,論其理 有理即有數,陰陽消息,易數也。 一陽生生之法,是之謂「坤」, 一陰一陽生生之象,是 變「不與時偕極」, 推 **操極之可** 陰 陽,無 以 知

イタープス語・書もし

陰陽不測之謂神。

事物之閒,如所謂陰陽屈信,往來上下,以至行乎什伯 千萬之中,無非 神」,横渠親註云:「兩在故不測。」只是這一物,卻周 用處。1日:「便是包括許多道理。 集説《朱子語類》: 體用不外乎陰陽,而其所以然者,則未當倚於陰陽也 丘 本義張子曰"「兩在故「不測」。」○此第五章,言道之 氏富國曰: 「上章言「易无體」,此言「生生之謂易」,唯 這 箇物事,所謂 「問:「「陰陽不測之謂神」,便是妙 横渠説得極好,「一故 「兩在故不測」。」」〇 行

其「生生」,所以「无體」。 坤繼之,「乾坤毁,則无以見易也」。」○梁氏寅曰:「陰陽 合也。 體」。「无方」者,即「不測」之謂也。「无體」者,即「生 孰使之然哉? 非神也,陰陽之不測者神也。 不測之謂神」,唯其「不測」,所以「無方」。 言易而以乾 之一,不一不爲兩在,不兩在不爲不測。 有時而窮矣。」〇蔡氏清曰:「合一不測爲神,不合不謂 生」之謂也。若爲有方,則非不測之神,而其生生者亦 神化非二物也,故曰「一物兩體也」。」 蓋神之所爲也。 上章言「神无方」,此言「陰陽 一陰一陽,變化不窮,果 惟「神无方」,故「易无 合者,兩者之

《為一種」,此則直指「陰陽之生生謂易」,「陰陽不測謂之道」,此則直指「一陰一陽之謂道」, 上言「神无方」、總論程氏敬承曰:「此章承上章説來,上言「彌綸天地

見通知畫夜、曲成萬物以作《易》者之有憂患也。 但合德者之全也,顯爲畫藏爲夜,鼓萬物而無憂,所以說「範圍天地之化」一節意。 見仁見知之偏,所以見知説「與天地相似」一節意。 顯仁藏用,盛德大業,即是申遺,及神易兩端而已,須知繼善成性,見仁見知,即是申案:程氏以此爲申説上章極是,然只舉其首尾天地之

> 邇則静而正,以言乎天地之閒則備矣。 夫《易》,廣矣大矣,以言乎遠則不禦,以言乎

本義「不禦」,言无盡。「静而正」,言即物而理存。

備」,言无所不有。

「静正」者,所謂相似也。「備」者,所謂範圍也。徹下,故曰「天地之閒」。「不禦」者,所謂「彌綸」也。「遠」。性具於一身,故曰「近」。命者,自天而人,徹上案:遠近是横説,天地之閒是直説。理極於無外,故曰

坤,其静也翕,其動也闢,是以廣生焉。夫乾,其静也專,其動也直,是以大生焉。夫

專」,若其運轉,則四時不忒,寒暑無差,剛而得正 孔氏穎達曰:「若氣不發動,則静而 氣常行乎地之中也。 别而動交也。 斂,故「其静也翕」; 虚,故以量言而曰「廣」。 本義乾坤各有動静,於其四德見之。 「其動也直」。 乾一而實,故以質言而曰 以其動静如此,故能「大生 動則開生萬物,故「其動也闢」。 《易》之所以廣大者以此。 蓋天之形雖包於地之外 專 一,故云[其静也 静體而動用,静 大 焉」。 坤二 閉藏 集 ,而其 故 以 翕 而 云

乾坤各有性氣,皆有動静。

乾之性氣,其静也專一而不

乾坤,萬物之父母也

希元曰:「此推易之所以廣大也。

兩之分,所以承乎乾之一,故以量言而曰「廣」。」〇林氏

直」,一者之達。「静」「翕」,兩者之合,「動」「闢」,兩者

一之達,所以行乎坤之兩,故以質言而曰「大」,

則不剛、「其静也專、其動也直」,不專一則不能 其如此,故能 「廣生」於物焉。」〇程子曰: 地雖一 「大生」是渾淪 「乾陽也,不動 塊物 直遂。 物 在 本文廣大作《易》書。」

坤陰也,不静則不柔,「其静也翕,其動也闢」,不翕聚 雖包乎地之外,而氣則迸出乎地之中。 則不能發散。」〇《朱子語類》云:「天是一箇渾淪底 闢則闢,此奇耦之形也。]〇又云:「乾静專動直而 無所不包。「廣生」是廣濶,能容受得那天之氣。「專」、 天之中,其中實虚,容得天之氣迸上來。 澄曰:「「翕」,謂合而氣之「專」者藏乎此。 「闢」,謂開而 直』,坤畫耦,便見得「其静也翕」,「其動也闢」。」○吴氏 髣髴似 生」,坤静翕動闢而「廣生」,這説陰陽體性如此,卦畫 施,坤惟順,故兩而承。「静」「專」,一者之存,「動」 氣之「直」者出乎此。」○胡氏炳文曰:「乾惟健,故一以 「直」則只是一物直去。「翕」、「闢」則是兩箇,翕則翕 恁地。 乾畫奇,便見得【其静也專」,「其 動 大 也 也

> 其廣矣,故曰「廣生焉」。 闢而無閉拒,則乾氣到處,坤皆有以承受之,而度量 洩,惟其翕合而不洩,則其動也開闢而無閉拒,惟 他,惟其專 生1皆就乾坤説。《易》書之廣大,則模寫乎此,不可 極其大矣,故曰「大生焉」。 坤之性氣,其静也翕合而不 而無屈撓,則其性氣之發,四方八表,無一不到 而不他,則 其動也直 乾坤即天地也,「大生」、「廣 遂 而無屈 撓, ¨; 而 惟 其 規模 直 開 遂

者。 盡。 見,開通而無阻塞之謂也,其本則從翕中來 見,坦白而無艱險之謂也,其本則從專中來。 案"此節是承上節「廣矣大矣」而推言天地之所以 結歸於易簡也。 静翕動闢,是豪無作爲,形容簡字最盡。 一由於易簡,故下節遂言《易》書「廣大配天地 静專動直,是豪無私 曲,形容易字最 易在 簡在闢處 直處 廣大

廣大配天地 一,變通 配 四時,陰陽之義配 日 戸,

易簡之善配至德。

曰: 配之天道人事則如此。 本義《易》之廣大變通,與其所言陰陽之説,易簡之德, 「初章,易爲「賢人之德」,簡爲「賢人之業」,今總云 〇此第六章。 集説孔氏穎達

「至德」者,對則德業別,散則業由德而來,俱爲德也。」「至德」者,對則德業別,散則業由德而來,俱爲德也。」「至德」者,對則德業別,散則業由德而來,俱爲德也。」「至德」者,對則德業別,散則業由德而來,俱爲德也。」

神化之事備,此《易》之藴也,既乃一一申明之。 進退畫夜之機也。次言《易》與天地相似,而所謂仁義 案:此上三章,申「變化者,進退之象」一節之義。 者皆是,而所謂神无方者,則陰陽不測之謂也。 智之謂也,所謂天地之化者,一顯一 進退晝夜之機,一以貫之矣。「窮理盡性以至於命」,則 以其贊天地之化育,而又知天地之化育,則三極之道, 之性,即三極之道也。又言《易》「能範圍天地之化」,蓋 《易》「能彌綸天地之道」,而所謂幽明死生神鬼之理,即 也,所謂《易》无體者,生生之謂也,著於乾坤,形乎占事 地之道者,一陰一陽之謂也,所謂天地之性者,一仁一 理、「静專」、「動直」,易也、「静翕」、「動闢」,簡也。 丽 正 ,其至命也,於天地之間備矣。 極贊之,謂《易》之窮理也。 遠不禦,其 又推原其根於易簡之 藏以鼓萬物之謂 金性 也, 終乃總 所謂天 首言 易簡 静 而

至德」也。
 文義配日月」也,「六爻之動,三極之道」,「易簡之善配退之象」,「變通配四時」也,「剛柔者,晝夜之象」,「陰陽退之象」,「廣大配天地」也,析而言之,「變化者,進之理,具於三極之道,而行乎進退晝夜之間。故《易》

御纂周易折中卷十三

御纂周易折中卷上四

御纂周易折中卷十四繁辭上傳下

崇德而廣業也。 子曰:《易》其至矣乎! 德,廣大其業。」〇《朱子語類》云:「知識貴乎高明,踐履 得。」○吴氏澄曰:「「崇德」者,立心之易,而所得日進 所以廣。」〇又云:「「禮卑」是卑順之意,卑便廣,地卑便 些不到處,便有所欠闕,業便不廣矣,惟極卑無所欠闕, 崇」者,德之所以崇,「禮卑」者,業之所以廣。 蓋禮纔有 費乎著實,知既高明,須放低著實作去。」○又云: [[知 也。」〇孔氏穎達曰: 而業廣。 人所加也。 本義「十翼」皆夫子所作,不應自著「子曰」字,疑皆後 新 廣,高則狹了。 極知之崇,象天高而統物,備禮之用,象地廣而載 「廣業」者,行事之簡,而所就日充日富也。 此其取類,又以清濁言也。 窮理則知崇如天而德崇,循理則禮卑如 人若只揀取高底作便狹,兩脚踏地作方 知崇禮卑,崇效天,卑法地。 「言易道至極,聖人用之以增崇其 夫《易》,聖人所以 集説韓氏伯 德之 日 日 物 地

故曰「卑法地」。」
故曰「卑法地」。」
一、而聖人之禮,亦不忽於纖悉細微之際,中者。 『禮』,即業之矩矱成於外者。 天運於萬物之上,中者。 『禮』,即業之矩矱成於外者。 天運於萬物之上,中者。 『禮」,即業之矩矱成於外者。 天運於萬物之上,東,平實如地。」〇張氏振淵曰:「「知」,即德之虚明炯於

義之門。 天地設位,而易行乎其中矣。 成性存存,道

則本成之性,存存不已,而道義從此出,故曰「道義之 陽變化,「而易行乎其中矣」。聖人知禮至於效天法地 崇禮卑,崇效天,卑法地」而言,意謂「天地設位」,則陰 非道,無所往而非義矣。]○林氏希元曰:「此承上文「知 無有不善者,更加以涵養功夫,存之又存,則無所往而 存存,道義之門。」二〇俞氏琰曰:「人之性,渾然天成,蓋 實於下,中閒便生生而不窮,故說:「易行乎其中,成性 此第七章。 性,本成之性也。存存,謂存而又存,不已之意也。〇 本義天地設位而變化行,猶知禮存性而道義出 蓋 道義之得於心者,日 集説《朱子語類》云"「識見高於上,所行 新月 盛, 則 德於是乎崇 也。 成

則性之德也,合內外之道也。 則性之德也,合內外之道也。 「門」字不可專以出說,須知兼出入兩意。「知崇」於 與萬行由此成,是義所從人之門也。若以四德配,則知 開、然非一心虚明,萬理畢照,則無以爲發用之源。義 屬冬,禮屬夏,道即仁也,屬春,義屬秋。仁主出而發 則萬行由此成,是義所從人之門也。若以四德配,則知 之地矣。此造化動静互根,顯諸仁藏諸用之妙,其在人 之地矣。此造化動静互根,顯諸仁藏諸用之妙,其在人 之地矣。此造化動静互根,顯諸仁藏諸用之妙,其在人 之地矣。此造化動静互根,顯諸仁藏諸用之妙,其在人 之地矣。此造化動静互根,顯諸仁藏諸用之妙,其在人 之地矣。此造化動静互根,顯諸仁藏諸用之妙,其在人 之地矣。此造化動静互根,顯諸仁藏諸用之妙,其在人 之地矣。此造化動静互根,顯諸仁藏諸用之妙,其在人

萬物也。道者義之體,智之所知也,義者道之用,禮之萬理之原,則乾之始萬物也,禮循萬理之則,則坤之成總論項氏安世曰:「此章言聖人體《易》於身也,知窮

物宜,是故謂之象。 聖人有以見天下之賾,而擬諸其形容,象其

所行也。」

本義「 之「噴」同,是口裏説話多雜亂底意思,所以下文説[不 而曰「宜」,不獨肖其形,兼欲盡其理。」 正畫卦之事。 諸形容」者,擬之陰陽也,在未畫卦之先。「象其物宜」, 維獄曰:「擬之在心,象之在畫。」○張氏振淵曰:「「擬 馬以至於爲金、爲玉、爲釜、爲布之類,皆象也。」○鄭氏 是爲奇耦之畫,畫則象也。 之已定,姑以乾坤二卦言之,未畫則擬陰陽之形容,於 之先,重卦之名謂之「象」,「象」先於「彖」,言「象」則 澄曰:「不以彖對爻言,而以象對爻言者,文王未繫彖辭 之不可惡? 『賾』 只是一箇雜亂冗閙底意思。」 〇吴氏 可惡」。先儒多以「賾」爲至妙之意,若如此説,何以謂 「噴」字。今從臣,亦是口之義。 集説《朱子語類》云: 「彖」在其中。」○胡氏炳文曰:「擬者象之未成,象者擬 「賾」, 雜亂 「擬」是擬其所象、「象」是象其所擬。 也。 「「賾」,雜亂也。 象」, 已畫又取象天地、首腹、牛 卦之象,如《説卦》所列者。 與《左傳》「嘖有繁言」 古無此字,只是

典禮,繫辭焉以斷其吉凶,是故謂之爻。聖人有以見天下之動,而觀其會通,以行其

本義「會」,謂理之所聚而不可遺處。「通」,謂理之可

事之所宜而言。 行而无所礙處,如庖丁解牛,會則其族,而 也。 是於會處都理會,其間卻自有箇通處。這「禮」字又説 閒,若不於會處理會,卻只見得一偏,便如何行得通,須 集説《朱子語類》云:「「會」以物之所聚而言,「通」以 通 ? 見理精審,則行事允當也。以處事之法爲辭,繫於各爻 澄曰:「會通,謂大中至正之理,非一偏一曲有所拘礙者 而不可行,通而不會,便不知許多曲直錯雜處。」〇吴氏 得濶,凡事物之常理皆是。」○又云:「會而不通,便窒塞 室礙,必於其中卻得箇通底道理,乃可行爾。 常是庸。」〇蔡氏清曰:「觀會通,行典禮,且就天下之動 凶也。」○胡氏炳文曰:「不會則於理有遺闕,如之何可 之下,使筮而遇此爻者,如此處事則吉,不如此處事則 禮者,理之可行者也。」〇何氏楷曰:「會,如省會之會」 爻。」〇趙氏光大曰:「「通」即會中之通,據事理而言則 爻辭之所以爲爻辭者,乃所以效天下之動也,故謂之 上説,未著在《易》,將此理係之於《易》,以斷其吉凶,是 曰「通」,據聖人立爲常法而言則曰「典禮」。 聖人見天下不一之動,而觀其極善之理以行其事, 不通則於理有窒礙,如之何可行? 「會」是衆理聚處,雖覺得有許多難易 通是時中,典 通則其虚 典,常也。 且如事理 也。

> 蓋確乎不可易也。」 礙者,聖人觀之,必有其通,非權宜之行,而典禮之行, 方方可達。」〇錢氏澄之曰:「事勢盤錯之會,人見爲有 自彼而來者,面面可至。 通,如通都之通,自此而往者,

不可亂也。言天下之至賾而不可惡也,言天下之至動而

本義「惡」,猶厭也。集説《朱子語類》云:「雜亂處人本義「惡」,猶厭也。集説《朱子語類》云:「雜亂處人之義,而名言宜稱,人所易知,則自不至厭惡其賾矣。之義,而名言宜稱,人所易知,則自不至厭惡其賾矣。之義,而名言宜稱,人所易知,則自不至厭惡其賾矣。三百八十四爻之辭,所以該載天下至多之事,而處決精當,人所易從,則自不至棼亂其動矣。」○潘氏士漢曰:當,人所易從,則自不至棼亂其動矣。」○潘氏士漢曰:當,人所易從,則自不至棼亂其動矣。」○潘氏士漢曰:當,人所易從,則自不至棼亂其動矣。」○潘氏士漢曰:當,人所易從,則自不至棼亂其動矣。」○潘氏士漢曰:「雜亂處人本義「惡」,猶厭也。集說《朱子語類》云:「雜亂處人本義「惡」,猶厭也。

言也。擬是而言,則言有物矣。「議之而後動」,議是爻何也。集說王氏宗傳曰:「擬之而後言」,擬是象而本義觀象玩辭,觀變玩占,而法行之。此下七爻,則其擬之而後言,議之而後動,擬議以成其變化。

《易》者如之何不擬之而後言? 聖人之於爻,必觀會通 丽 化、《易》之變化也,此言成其變化,學《易》者之變化 以行典禮,學《易》者如之何不議之而後動? 道之意。」○胡氏炳文曰:「聖人之於象,擬之而後成,學 云:「「擬議」只是裁度,自家言動,使合此理,變易以從 動 也。 議 是 而 動 二, 則 動 惟 厥 時 矣。」〇《朱子 前言變 語 類

之所以動天地也,可不慎乎? 之。子曰:君子居其室,出其言善,則千里之外應之,況其邇者乎? 居其室,出其言不之,應之,況其邇者乎? 言出乎善,則千里之外違之,況其邇者乎? 言出乎言 人樞機,樞機之發,榮辱之主也。言行,君子之樞機,樞機之發,榮辱之主也。言行,君子之樞機,樞機之發,榮辱之主也。言行,君子之脈以動天地也,可不慎乎。

心之言,其臭如蘭。

纖介,定失得者慎於樞機,是以君子擬議以動,慎其微乎? 千里或應,「況其邇者乎」? 故夫憂悔吝者存乎氣同則和。出言户庭,千里或應。出言猶然,況其大者本義釋中孚九二爻義。集説韓氏伯曰:「鶴鳴於陰,

獨以脩言行而進於誠也。」

獨以脩言行而進於誠也。」

「居室照在陰看中孚者,誠積於中。在陰居室,正當慎

「居室照在陰看中孚者,誠積於中。在陰居室,正當腹

「居室照在陰看中孚者,誠積於中。在陰居室,正當腹

「居室照在陰看中孚者,誠積於中。在陰居室,正當腹

「居室照在陰看中孚者,誠積於中。在陰居室,正當腹

或處,或默或語。二人同心,其利斷金。同同人先號咷而後笑。子曰:君子之道,或出

類》云:「同心之利,雖金石之堅,亦被他斷 終閒焉。 者,物或閒之,而其迹異也,迹雖異而心同,故物不得 異,道同則應。]〇耿氏南仲曰:「「或出或處,或默或語 集説韓氏伯曰:「君子出處默語,不違其中,其 實无閒。「斷金」、「如蘭」,言物莫能間,而其言有味 本義釋同人九五爻義。 「同心之言,其臭如蘭」,其相好之無斁也。」〇《朱子語 「其利斷 金」,則其閒除矣,閒除則合,故又曰 言君子之道,初若不同,而後 決將去。 (跡雖 也。 斷 衈

○錢氏志立曰:「「斷金」,言其心志之堅,物不得閒也。笑」之義。 「二人同心」、「斷金」、「臭蘭」,即相遇之義。」是斷作兩段。」○俞氏琰曰:「出處語默,即「先號咷後

「如蘭」,言其氣味之一,物不能雜也。」

茅之爲物薄而用可重也。慎斯術也以往,其可矣,藉之用茅,何咎之有? 慎之至也。夫初六,藉用白茅,无咎。子曰:苟錯諸地而

无所失矣。

重乎? 茅於地 成於慎而敗於忽,況當大過時,時事艱難,慎心不到,便 本義釋大過初六爻義。 任重而猶有橈之患,故當大事者,每憂其傾墜也。 有所失,故有取於慎之至,言寧過於畏慎也。」 ·棟」爲義者,任重者也。 「茅之爲物薄而用可重」,此句須對卦義看。 ,則雖重物而不憂於傾墜矣。 自古圖大事必以小心爲基,故大過之時義雖用 茅之視棟,爲物薄矣。 集説程氏敬承曰:「天下事 豈非物薄 然棟 而 若藉 用 桂 可 取

另謙,君子有終,吉。子曰:勞而不伐,有功

剛,而以初爻之柔爲基者此也

而不德,厚之至也。語以其功下人者也。德 意感,禮言恭,謙也者致恭以存其位者也。 本義釋謙九三爻義。「德言盛,禮言恭」,言德欲其盛, 禮欲其恭也。集説楊氏萬里曰:「人之謙與傲,係其 。 一人之謙與傲,係其 一人之謙與傲,係其 一人之謙與傲,係其

德,唯至厚者能之,其德愈盛,則其禮愈恭矣。」

不出户庭,无咎。子曰: 亂之所生也,則言

所以謙而有終,上九所以亢而有悔也。」

幾事不密則害成,是以君子慎密而不出也。語以爲階。君不密則失臣,臣不密則失身,

與行,節於言則行可知,言當在先也。」」本義釋節初九爻義。」○吴氏澄曰:「此爻辭所象慎動之即「不出户庭」之義。」○吴氏澄曰:「此爻辭所象慎動之不形,人之招禍,惟言爲甚,故言所當節也,密於言語,不形,人之招禍,惟言爲甚,故言所當節也,密於言語,不一義釋節初九爻義。集説蔡氏淵曰:「不言則是非本義釋節初九爻義。

亦爲盜之侵伐矣。蓋在上之人,不能選賢任能,遂使小之。」○胡氏瑗曰:「小人居君子之位,不惟盜之所奪,抑則乘此機危而害之,猶若財之不密,盜則乘此機危而竊説孔氏穎達曰:「此結上不密失身之事。事若不密,人本義釋解六三爻義。○此第八章,言卦爻之用。集本

暴之義,方與伐字相應。 藏」觀之,則當爲上褻慢其名器而在下之小人得肆其殘 案:「慢」、「暴」如陳氏説亦通,然以「慢」字對下文「慢 矣」。」〇趙氏光大曰:「强取曰「奪」,執辭曰「伐」。」 矣」,且小人在位,則慢上暴下,人所不堪,而 曰:「小人而乘君子之器,則處非其據,而「盜思 人乘時得勢而 至於高 位, 蓋奪者,禍止其身也。伐者: 非 小人之然也。」〇 「盜思伐之 陳 育之 氏 琛

也。」
存存用《易》,尊德性也,此章以擬議用《易》,道問學存存用《易》,尊德性也,此章以擬議用《易》,道問學總論谷氏家杰曰:「此章重「擬議成變化」句。 前章以

之。

之」。「冶容誨淫」,以喻

禍及國家也。

慢

藏誨盜」,以喻「上慢下暴,盜

伐

「小人而乘君子之器,盜

思思

乎 ! 化出焉者,聖人之事也,精義利用,擬議以成其變化者 之於至賾之中,得聖人所謂「擬諸形容」者,則 者,則確然不易而可以動矣。 而可以言矣,議之於至動之際,得聖人所謂觀 於心之謂德,成易理於事之謂 案: 此上二章申「君子所居而安者」一節之義。 是故不可以至蹟而惡也,不可以至動而 知禮成性,不待擬 業,聖 人 猶 然, 沛 亂 其 然無疑 況 得 也。 (會通 學 易 而 者 擬 理

學者之功也。《中孚》以下七爻舉例言之。

天一地二,天三地四,天五地六,天七地八,

天九地十。

少位於東南,其數則各以其類交錯於外也。 四象之位,次六七八九爲四象之數,二老位於西北,二 章而言之,則中五爲衍母,次十爲衍子,次一二三四爲 居下,二七居上,三八居左,四九居右,五十居中。 本義此簡本在第十章之首。 共 水,她以二生火,天以三生木,地以四生金,天以五 雍曰:「天數五,地數五者,此也。《漢志》言天以 此言天地之數,陽奇陰耦,即所謂河圖者也。 成數,雖有此五行之説,而於《易》無所見,故五行之説 甚明。」〇項氏安世曰: 論河圖五十五之數。今其文閒斷差錯,不相連接,舛誤 「大衍之數五十」至「再扐而後掛」,便接「乾之策二百 出於歷數之學,非《易》之道也。」○《朱子語類》云:「自 十有六1,至1可與祐神矣1爲一節,是論大衍之數。 「天一至地十」卻連「天數五至而行鬼神也」爲一節,是 故或謂天一至五爲五行生數,地六至地十爲五行 「姚大老云"「天一地二」至「天 程子曰宜在此,今從之。 集説郭氏 其位一六 就此 自 生 生

志》引此章「天一地二」至「行鬼神也」六十四字相連,則「天數五,地數五」之上。」○吴氏澄曰:「案《漢書・律曆九地十」,班固《律曆志》及衞元嵩《元包運蓍篇》皆在

是班固時此簡猶未錯也。」

此所以成變化而行鬼神也。十有五,地數三十,凡天地之數,五十有五,天數五,地數五,五位相得而各有合,天數二

耦也。 鬼神、謂凡奇耦生成之屈伸往來者。 成之,四化生金,而九變成之,五變生土,而十化成之。 之積也。三十者,五耦之積也。 三與八,四與九,五與十,皆兩相合。二十有五者,五奇 十,各以奇耦爲類而自相得。 之數五十有五,變化、鬼神皆不越於其閒。」〇龔氏焕 用。」〇程子曰:「數只是氣,變化、鬼神亦只是氣,天地 本義此簡本在「大衍」之後,今案宜在此。 天數五者, 曰:「言此陽奇陰耦之數,成就其變化,而宣行鬼神之 六化成之, 二化生火, 而七變成之, 三變生木, 而八化 一、三、、五、七、九皆奇也,地數五者,二、四、六、八、十皆 相得,謂一與二,三與四,五與六,七與八,九與 有合,謂一與六,二與七, 變化,謂一變生水,而 集説孔氏穎達

用,不若孔之的也。」居西,五、十居中而言,且一、二、三、四之相得不見其得」,則是指一、六居北,二、七居南,三、八居東,四、九曰:「「五位相得」之説,當從孔氏,蓋既謂之「五位相曰:「「五位相得」之説,當從孔氏,蓋既謂之「五位相

未明者矣。

得之。至用以筮,則又止用四十有九,蓋皆出於理勢之奇於扐以象閏。 五歲再閏,故再扐而後掛。 本義「大衍之數五十」,蓋以河圖中宫,天五乘地十而本義「大衍之數五十」,其用四十有九。 分而爲二以大衍之數五十,其用四十有九。 分而爲二以

別起 也。 也。 懸其一 十有一,少陰餘數十有七,合之亦爲三十有八,乘以 三,老陰餘數二十有五,合之爲三十有八,少陽餘數 **扐以象閏」,何也?** 月,在五歲之中,故五歲再閏。」○張氏浚曰:「「歸奇於 成閏也。「五歲再閏」者,凡前閏後閏,相去大畧三十二 揲之餘,歸此殘奇於扐而成數,以象天道歸殘聚餘分 皆以四四爲數,以象四時。 其一以象三才也。「揲之以四以象四時」者,分揲其蓍, 也。「掛一以象三」者,就兩儀之閒,於天數之中,分掛 四十九,合同未分。今以四十九分而爲二,以 穎達曰:「「分而爲二以象兩」者,五十之内去其一,餘 用以之通,非數而數以之成,斯易之太極也。」二〇孔 數者,五十也,其用四十有九,則其一不用 之後,左右各一揲而一 再成月,故五歲之中,凡有再閏,然後别起積分,如 自然,而非人之知力所能 閏,積月之餘日而成月者也。五歲之閒,再積日 奇,所撰四數之餘也。 一掛也。 於左手小指之閒也。 集説韓氏伯曰:「王弼曰:「演天地 大衍用四十有九,老陽餘 扐,故五者之中,凡有再扐 損 「歸奇於扐以象閏」者,謂 扐,勒於左手中三指之兩 三,三才也。 益也。 兩, 謂 揲,閒 天地 也。 也 象兩 不 數 而數之 + 甪 一掛 掛, 六 有 而 四 儀 有 氏 之 後 閒 而 Щ

月也。 之策也。皆以四數是象四時。奇,零也。 揲,數之也。 象地,是象兩儀也。 象太一也。以四十九策分置左右兩手,左手象天,右手 誤》曰:「五十之内去其一,但用四十九策,合同未分,是 爻之位,則二百二十有八也。 或三或四,左手者歸之於第四第三指之閒,右手者歸之 既四數兩手之策,則其四四之後,必有零數,或一或二, 數左手之策。又置左手之策,而以左手四四 策,懸於左手小指之閒,所以象人而配天地,是象三才。 十八爲求閏之法,蓋自然之紀如此。]〇朱子《蓍卦 之象。其閒凡兩扐以象閏,是五歲之中,凡有再閏,然 於第三第二指之閒而扐之也。 老少,而過揲之數,亦冥會焉, 約御繁,不以衆制寡,故先儒舊説,專以多少決陰陽之 繁,歸奇之數,雖後得之,然其數寡而約。 也。」〇又答郭雍曰:「過揲之數,雖先得之,然其數衆而 後置前掛扐之策,復以見存之策,分二掛一 **揲四歸奇之法,亦一變之閒,凡一掛兩揲兩扐爲五歲** 凡前後閏相去大畧三十二月,在五歲之中,此 謂先置右手之策於一處,而以右手四四而 掛,猶懸也。 凡術於筭者,率以二百二 象閏者,積餘分而成閏 初非有異説也。 於右手之中,取其一 扐,勒也。 紀數之法,以 而爲第 而數右手 然七、 謂 考 變 掛

> 其孫也。今自歸奇以上,皆棄不録,而獨以過揲四乘之 也。 書者,七、八、九、六之祖也。 於四象,其歸奇之數,亦因揲而得之耳。 再扐之後,又必從掛一而起也。」 ○胡氏炳文曰:「曆法再閏之後,又從積分而起,則筮 者四十有九,其數七七,蓋以一一爲體,七七爲用也。」 之一、數之所起,故大衍五十之數,虚其 數爲説,恐或未究象數之本原也。1○吴氏澄曰:「衍母 八、九、六所以爲陰陽之老少者,其説又本於圖、書。 歸奇之奇耦方圓者,其子也。 四象之形體次第者,其父 過揲而以四乘之者 大抵河圖 而不用 ,所用 洛 定 法

也。 曰五歲再閏,此歸奇必俟於再扐者,象閏之中閒再 扐,左右手四揲之餘也。 二,不三則四也。 附録虞氏翻 奇,象閏也。 揲之餘也。 也。」〇郭氏忠孝曰:「奇者,所掛之一也。 有再歲,故歸奇之後亦有再扐 「歸奇於扐以象閏也」。」○張子曰" 謂第二第三揲不掛也。 得左右兩 撰之餘 真於前,以 五歲再閏,非以再扐象再閏 曰:「奇所掛 取奇以歸扐,以閏月定四時成歲,故 再扐後掛者,每成一爻而後掛 一策, 扐所揲之餘, 不 閏嘗不及三歲而再至,故 也。 再 「奇, 所 扐 而 奇歸之也。 也,蓋閏之後 扐者,左右兩 後 掛之一也。 復掛, 掛而 歸 則 歲

數之餘也,如《禮》言祭用數之仂是也。 揲法多誤,至横渠先生而後奇扐復分。」○又曰: 復歸,則五歲再閏之義 變。 變而成一爻,是有三歲一閏之象。《正義》以每一揲左 横渠先生之説爲正。]〇又曰:「《繋辭》以兩扐一掛爲三 之合於扐掛之一處」,其説自相抵捂,莫知所從,惟當從 以奇爲扐,又誤以左右手揲爲再扐,如曰「最末之餘,歸 者非、《繁辭》言「歸奇於扐」,則奇與扐爲二事也。 則無變,所餘皆得五也。 右兩手之餘即爲再扐,是一變之中,再扐一掛皆具,則 「再扐而後掛」,則扐與奇亦二事也。由是知《正義》誤 歲一 第二第三揲雖不掛,亦有四八之變,蓋不必掛也。 閏之象也。 凡揲蓍第一變必掛一 矣。 惟掛一 自 唐 則所餘非五則九,故能 初 以 來,以 或謂指閒爲扐 者,謂不掛 奇爲 「扐者 勃, 又言 故

二歲,如初變有掛,又須更越二變以應再扐後掛之文說謂惟初變掛一而後二變不掛,故初歲有閏,又須更越張子、郭氏則以先掛一者爲奇,而歸之於扐以象閏。其張子、郭氏則以先掛一者爲奇,而歸之於扐以象閏。其據。朱子與之往復辨論,今附録於後以備參考。大約案:郭雍本其先人郭忠孝之説以爲蓍説,引張子之言爲案

故聖人必再扐後掛者以此。」

閏也,今折其中,則掛扐皆當併以象閏以天道論之,氣 可從。蓋疏義之意是以扐象閏也,張、郭之意是以 也。 處,以經文考之,曰「歸奇於扐」,又曰「再扐後掛」, 盈朔虚,必併爲一法,以筮儀論之,掛與扐必併在 「奇」與「扐」自是兩物而併歸 奇,則自虞翻已爲此説,且玩經文語氣,「歸奇於扐」, 不相應,故須以朱子之論爲確。 「象閏」者,當併掛與扐明矣。 如 郭氏説 則 「再閏」、「再 處爾。 扐 然以歸奇爲歸掛 兩 再 此義則郭氏之説 」字,各異 掛象 一之 義 則 而

乾之策二百一十有六,坤之策百四十有四,

凡三百有六十,當期之日。

連六。 揲蓍之法,則通計三變之餘,去其初掛之一。 連九,少陰居二而連八,少陽居三而連七,太陰居 策數,亦皆符會。 用其半,積而數之,則爲六、七、八、九。 四爲奇,凡八爲耦。 亦八,策亦四八三十二,是爲居二之少陰。 九三十六,是爲居一之太陽。 本義凡此策數,生於四象。 蓋餘三奇則九,而其撰亦 奇圓圍三,耦方圍四,三用其全,四 蓋河圖四面,太陽居 餘二奇一 耦則八,而 而第三變揲 二耦 九 , 策 其揲 亦 奇則 四 凡 四 丽 ጢ

以四

,已合四時之象,故總過

撰之數,又合四時成歲之

子諸卦者,或陽或陰,亦互有老少焉。]○胡氏炳文曰:

前則掛扐象月之閏,此則過揲之數象歲之周,蓋揲之

乾者未必皆老陽,其積而爲坤者未必皆老陰。

其爲六

百有六十。」其實六爻之爲陰陽者,老少錯雜,其積而爲 故曰:「乾之策二百一十有六,坤之策百四十有四,凡三

三耦則六,而其揲亦六,策亦四六二十四,是爲居四之 此獨以老陽老陰計乾坤六爻之策數,餘可推而知 所能爲也。少陰退而未極乎虚,少陽進而未極乎盈,故 老陰。是其變化往來進退離合之妙、皆出自然,非人之 七,而其揲亦七,策亦四七二十八,是爲居三之少陽。 也。

也。若坤之少陰,一爻有三十二,六爻則有一百九十 有二十八策,六爻則有一百六十八策,此經據老陽之策 節。」〇又答程大昌曰:「《大傳》專以六爻乘二老而言 十二律,亦積爲六十也。以此知天地之數,皆至六十爲 云:「大凡易數皆六十,三十六對二十四,三十二對二十 二,此經據坤之老陰,故百四十有四也。」○《朱子語類》 八,皆六十也。十甲十二辰,亦湊到六十也。 鐘律五聲

期,周一歲也。凡三百六十五日四分日之一,此特舉成 也。

象也。」

乾之策、坤之策,則以策數定七、八、九、六者似是 案:《大傳》不言乾之掛扐若干,坤之掛扐若干,而但 言

二篇之策,萬有一千五百二十,當萬物之數

此數。 百一十二策,陰爻百九十二,得四千六百八策,合之得 本義「二篇」,謂上下經。凡陽爻百九十二,得六千九

數而獎言之耳。

集説孔氏穎達曰:「乾之少陽,一爻

是故四營而成易,十有八變而 成卦

也。 第二第三俱得八也。 營也。」○孔氏穎達曰:「「營」,謂經營。謂四度經營蓍 績曰:「分而爲二以象兩,一營也。 謂一變也。三變成爻,十八變則成六爻也。 不四則八,是三變也。若三者俱多爲老陰,謂初得 策,乃成易之一變也。 九,是一變也。 本義「四營」,謂分二掛一 一第三俱得四也。 揲之以四以象四時,三營也。 第二揲不四則八,是二變也。 若兩少一多爲少陰,謂初與二三之 若三者俱少爲老陽,謂初得五,第 每一爻有三變,初一 **揲四歸奇也。「易」,變易也** 歸奇於扐以象閏,四 掛 一以象三,二營 集説陸氏 揲不 第三 一揲亦 Ħ. 九 則

八卦而小成。

大象畧盡,是易道「小成」。」曰:「八卦而小成者,象天、地、雷、風、日、月、山、澤,於本義謂九變而成三畫,得內卦也。 集説孔氏穎達

一卦可變而爲六十四卦,以定吉凶,凡四千九十六卦本義謂已成六爻,而視其爻之變與不變,以爲動静,則引而伸之,觸類而長之,天下之能事畢矣。

也。

生,或相反以相成,其變無窮,則義類亦無窮,故曰「觸今又就其變之所適而加一卦焉,彼此相觸,或相因以相伸之」。聖人設六十四卦,又繫以辭,則事類大畧已盡。伸之」。聖人設六十四卦,又繫以辭,則事類大畧已盡。有之 聖人設六十四卦,至於四千九十六卦,則六畫者案:六十四卦變爲四千九十六卦之法,即如八卦變爲六案:六十四卦變爲四千九十六卦之法,即如八卦變爲六

顯道神德行,是故可與酬 酢。 之德也。」〇項氏安世曰:「天道雖幽, 以終始,其要无咎之道也。 神故可與祐神。」〇又曰:「顯道者,危使平,易使傾,懼 求,助成神化之功也。 謂助神化之功。 宜,幽可以贊出鬼神之命。」 於萬化之感,而莫知爲之者也。受命如響,故可與酬 人吉凶,其道顯。 本義道因辭顯,行以數神。 人,人事雖顯,可推之以合乎天。 曲盡鬼謀,故可與祐神。 集説韓氏伯曰:「可以應對萬物之 陰陽不測,其德神。 『酬酢」,猶應對。」○張子曰: 神德行者,寂然不動 「酬酢」,謂應對。「祐神」, 「顯道神德行」,此言蓍龜 酢,可與 明可以 顯故可與酬酢, 可闡之以 祐神矣。 酬酢事物之 示乎 冥 示示 會

詳具於大卜筮人之官,而今不可考耳。其可推者,《啓本義變化之道,即上文數法是也,皆非人之所能爲,故本義變化之道,即上文數法是也,皆非人之所能爲,故子曰:知變化之道者,其知神之所爲乎!

爲能變化,以其一天下之動也。 蒙》備言之。 乎」。」〇龔氏焕曰:「此所謂「知變化之道者,其知神之 化爲陰,陰變爲陽者,變化也。所以變化者,道 化而知之矣。變化之閒,神無不在。]〇董氏銖曰:「陽 知神之所爲也。」〇蘇氏軾曰:「神之所爲不可知,觀變 然,故知變化之道者,則知神之所爲。」〇張子曰:「惟 爲,而神不離於變化,知道者必能知之。」○陸氏振奇 行鬼神,故知變化之道,則知神之所爲。變化者神之所 用也,故曰「知變化之道,其知神之所爲」,成變化所以 圖之數體也,故曰「所以成變化而行鬼神」。 所爲」,即承上文所謂「成變化而行鬼神」爲言也,蓋河 在,兩在故不測,故曰「知變化之道者,其 者本然之妙,變化者所乘之機,故陰變陽化而道 化爲神,非總承數法而並贊其神也。」 神,見其亦如天地之成變化而行鬼神也。 ○谷氏家杰曰:「神之所爲,是因圖數之神,以贊衍法之 曰:「神妙變化而爲言,故知鬼神之行,即在成變化處。」 集説韓氏伯曰:「變化之道,不爲 人能知變化之道 知神之所爲 指蓍法之變 大衍之數 也。 ,其必 無不 而 道 神 自

卦之法,乃所以寫變化之機,而陰陽合一不測之妙,行案:此節是承蓍卦而贊之,襲氏、谷氏之論爲得。蓋蓍

乎其閒也。下文象變辭占,即是變化之道,至精至變以

極於至神,即是神之所爲。

者尚其變,以制器者尚其象,以卜筮者尚其《易》有聖人之道四焉,以言者尚其辭,以動

占。

解」,謂以言求理者,則存意於辭也。「以動者尚其變」, 言也。 티 : 以吉凶,所以斷也。1於此可見尚辭尚占之别矣。1○又 者尚其占」,卜用龜亦使《易》占否?」曰:「不用,則是文 卜筮吉凶,當考乎占。」○《朱子語類》:「問:「以「卜筮 動則變也,順變而動,乃合道也。 行變動之狀。」○程子曰:「言所以述理,「以言者尚其 象之應,故四者之目,以辭與占始終焉。」○蔡氏清曰: 勢如此。二〇胡氏炳文曰:「辭以明變象之理,占以 曰:「「以言者尚其辭」,聖人之情見於辭,繫辭焉,以 本義四者皆變化之道,神之所爲者也。 「尚辭與尚占有别,後章云:「繋辭焉,所以告也, 策是筮之所用,并言卜者,卜雖龜之見兆,亦有陰陽五 「言動制器卜筮,不必俱以筮《易》言,「君子居則觀 動則玩其占,故尚其占者也。」〇孔氏穎達 制器作事,當體乎象, 集説虞氏翻 定之 断變 日 盡

象」、「玩辭」、「觀變」、「玩占」相應。」占」,亦可用易也。」〇何氏楷曰:「此章與第二章「觀其象而玩其辭」,亦可用《易》也,「動則觀其變而玩其

非天下之至精,其孰能與於此。其受命也如嚮。无有遠近幽深,遂知來物,是以君子將有爲也,將有行也,問焉而以言,

本義此尚辭尚占之事。「言人以蓍問《易》,求其卦爻本義此尚辭尚占之事。「言人以蓍問《易》,求其卦爻之解,而以之發言處事,則《易》受人之命而有以告之, 公禮》「筮日,宰自右贊命」是也。 集説《朱子語類》云:「「問焉而以言」,以上下文推之,「以言」卻是命筮之云:「問焉而以言」,以上下文推之,「以言」卻是命筮之云:「問焉而以言」,以上下文推之,以言」卻是命筮之云:「問焉而以言」,以上下文推之,以言」卻是命筮之之於身是有爲,措之事業是有行。」

參伍以變,錯綜其數。通其變,遂成天地之者,虚明鑒照,如水鏡之無纖翳也。謂「蓍之德」也。蓍以知來,故曰「遂知來物」。「至精」案:此節是釋「動則觀其變而玩其占」之意,又起下章所案:此節是釋「動則觀其變而玩其占」之意,又起下章所

變,其孰能與於此。 文,極其數,遂定天下之象。 非天下之至

覆,以 則遇三 朋黨之分, 偶参伍之驗,以責陳言之實。」又曰:「參之 伍」、「錯綜」皆古語,而「參伍」尤難曉。 按《荀子》云: 之畫,究七、八、九、六之數,以定卦爻動静之象也。 謂揲蓍求卦之事。 相考覈,以審其多寡之實也。 也,伍者五數之也。 類》云: 足以相發明矣。 曰:「參伍不失。」《漢書》曰:「參伍其賈,以類相準。」此 以比物,伍之以合參。」《史記》曰"「必參而伍之。」又 右之謂也。 本義此尚象之事。 爻之動,三極之道,故定天下吉凶之象也。」○《朱子語 故「成天地之文」,「物相雜故曰文也」。 「窺敵制變,欲伍以參。」《韓非》曰:「省同異之言,以知 不齊而要其齊。」〇又云:「參伍所以通之,其治之 一而會。 「紀數之法,以三數之,則遇五而齊, 綜者,總而挈之,一低一昂之謂也。 所謂「參伍以變」者,前後多寡,更相反 集説 蓋通三揲兩手之策,以成陰陽老少 既參以變,又伍以變,一 變則象之未定者也。 虞氏翻曰:「觀變陰陽始立卦 錯者,交而互之, 數六畫之數,六 參者三 先一 以五數之, 此亦皆 後,更 左一 一數之

也簡而疏。錯綜所以極之,其治之也繁而密。」

者,變動周流,如雲物之無定質也。 者,變動周流,如雲物之無定質也。 大、火、山、澤之象具,而天地之文成矣。定象,謂六天地之文」、「遂定天下之象」。成文,謂八卦也。雷、天地之文」、「遂定天下之象」。成文,謂八卦也。雷、謂「卦之德」、「亦爻之義」也。卦爻以藏往,故曰「遂成案:此節是釋「居則觀其象而玩其辭」之意,又起下章所案:此節是釋「居則觀其象而玩其辭」之意,又起下章所

之故,非天下之至神,其孰能與於此。易无思也,无爲也,寂然不動,感而遂通天下

精變之外別有神。」
「即曰「寂然不動,感而遂通天下之故」,是動静之理,如何通得。」〇林氏希元曰:「「感而遂通天下之故」,理,如何通得。」〇林氏希元曰:「「感而遂通天下之故」,即是上文「遂成天地之文」、「遂定天下之象」、「受命如即是上文「遂成天地之文」、「遂定天下之象」、「受命如即是上文「遂成天地之文」、「遂定天下之教」、「受命如即是上文「遂成天地之文」、「遂定天下之故」,是動静之理,下即曰「寂然不動,感而遂通天下之故」,是動静之理,下即曰「寂然不動,感而遂通天下之故」,是動静之理,

變之自然而然者與? 思,其成文定象非出於爲也。神不在精變之外,其即精者,以其皆感通於「寂然不動」之中,其知來物非出於上文「遂知來物」、「遂成天地之文」。而此謂之「至神」上文「遂知來物」、「遂成天地之文」。而此謂之「至神」

夫《易》,聖人之所以極深而研幾也。

以研幾者,至變也。 本義研,猶審也。幾,微也。 道弘大,故聖人用之,所以窮極 曰「深」,適動微之會則曰「幾」。」○孔氏穎達曰: 无有遠近幽 深」,是「極深」也。 集説韓氏伯曰:「極未形之理則 所以極深者,至精 幽深 多參 伍 丽 研 以 變,錯綜其 覆幾微也。 也。 「言易 所

至精。研幾,謂以《易》之至變,察天下之至變。」幾,細微而未著也。極深,謂以《易》之至精,窮天下之數」,是「研幾」也。」〇俞氏琰曰:「深,蘊奥而難見也。

天下之務。 唯深也,故能通天下之志。唯幾也,故能成 成天下之務」,謂卦也。「寂然不動,感而遂通」,故「不 也。」〇張氏浚曰: 後覺也,此所謂「感而遂通」,「不行而至」,「不疾而速」 通其變,遂成天地之文是也。」〇張子曰:「一故神,譬之 成天下之務」者,聖人用易道以研幾,故能知事之幾微 下之志意,即是「受命如嚮,遂知來物」。 之志」者、聖人用易道以極深、故聖人德深也。 行而至」者也。」○孔氏穎達曰:「「唯深也,故能通天下 「故通天下之志」,謂蓍也。 曰:「深,謂「幽贊神明」。「无有遠近幽深,遂知來物」, 本義所以通志而成務者,神之所爲也。 ○《朱子語類》云:「通天下之志,猶言開物,開通其閉塞 而可通,變之所該,萬象以定,天下之務於此而可成。」 人身四體皆一物,故能觸之而無不覺,不待心使至此而 唯神也,故不疾而速,不行而至。 「精之所燭,來物遂知,天下之志於此 務,事也。 謂《易》研幾,「故 「唯幾也,故能 集説虞氏翻 能通天

> 哉! 此變化之所以爲神之所爲也。」 非有寂然感通之神,則亦何以爲精爲變而成變化之道 可以見其精之至矣,玩辭觀象,可以見其變之至矣。然 可以見其精之至矣,玩辭觀象,可以見其變之至矣。然 道,莫非神之所爲也,故知變化之道,則知神之所爲矣。 也,故其下對「成務」。」○又《易精變神説》曰:「變化之

以明,當從此說。德」、「卦之德」、既相應,而第二章「觀」、「玩」之義,亦因居則觀象玩辭,動則觀變玩占而來。此與下章「蓍之事,而《易說》以至精爲變占,至變爲象辭,蓋本第二章案:《本義》以至精爲尚辭尚占之事,至變爲尚象尚變之案:《本義》以至精爲尚辭尚占之事,至變爲尚象尚變之

子曰:《易》有聖人之道四焉者,此之謂也。子曰:《易》有聖人之道四焉者,此之問言之耳,故本義此第十章,承上章之意,言《易》之用有此四者。

以通天下之志,以定天下之業,以斷天下之務,冒天下之道,如斯而已者也。是故聖人子曰: 夫《易》何爲者也? 夫《易》開物成

本 下之道」。」〇襲氏焕曰: 後可讀繫辭也。 又云:「讀《繋辭》者,須要就卦中一一見得許多道理,然 下事全未知識,故聖人立龜與之卜,作《易》與之筮,使 集説《朱子語類》云:「占時民淳俗朴,風氣未開,於天 道」,所以能「斷天下之疑」,苟其道有不備,又何足以斷 務」言,斷疑以「冒天下之道」言。 逐爻開示吉凶,將天下許多道理,包藏在其中,故「冒天 人物,「務」是事務,「冒」是單得天下許多道理在裏。」〇 人趨吉避害以成天下之事,故曰「開物成務」。 冒天下之道」,謂卦爻既設,而天下之道皆在其中。 義 開 物成務」,謂使人卜筮,以知吉凶而 蓋《易》之爲書,大抵皆是因卜筮以教, 「通志以 「開物」言,定業以「成 惟其能『冒天下之 成事業。 「物」是

女害とまる「日申・計と」ます、おいてくと、女多此一句者,以起下文著、卦、爻三事。上章「成務」。言「通志」、「成務」,則「斷疑」在其中矣,案:此「通志」,即是上章「通志」。「定業」、「斷疑」,則是

天下之疑也哉!」

義易以貢。聖人以此洗心退藏於密,吉凶與是故蓍之德圓而神,卦之德方以知,六爻之

御纂周易折中卷十四

此哉? 古之聰明睿知神武而不殺者夫。民同患。神以知來,知以藏往,其孰能與於

《易》後,不知『退藏於密』? 下之業,易貢故能斷天下之疑。」〇程子曰:「安有識得 也。」〇張子曰: 用也爻位有分,因之以藏往知事,是「卦之德方以知」 七四十九,象陽圓,其爲用變通不定,因之以知來物,是 易道,不用刑殺而威服之也。」〇崔氏憬曰:「蓍之數,七 氏穎達曰:「易道深遠,故古之聰明睿知神武之君,用此 象,以同民所憂患之事,故曰「吉凶與民同患」也。」〇孔 卦列爻分,各有其體,故曰「方」。」○又曰:「表吉凶之 不窮,方者止而有分,唯變所適,無數不周,故曰「圓」, 患」,謂作《易》者其有憂患也。」○韓氏伯曰:「圓者運 而不假其物之謂。 感而應,所謂无卜筮而知吉凶 累,无事則其心寂然,人莫能窺。 貢」,謂變易以告人。 本義圓神,謂變化无方。 「蓍之德圓而神」也。 「圓神故能通天下之志,方知故能定天 卦之數八八六十四,象陰方,其爲 集説 虞氏翻曰:「「吉凶與民 聖人體具三者之德,而無 方知,謂事 也。 密是用之源,聖人之妙 有事則神知之用,隨 「神武不殺」,得其 有定理。「易以 塵之 而 同 理

五六七

處。」〇二 仁曰"「「退藏於密」,只是其心湛然無事, 德圓,卦用八,其德方,爻用九六,其義易頁。」○胡氏居 許多道理,以盡見於用也。」〇項氏安世曰:「蓍用七,其 而未及使出來處,到下文「是興神物以前民用」,方發揮 應物,則憂以天下,而圓神方知者,各見於功用之實。 然物之未感,則寂然不動,而無朕兆之可名,及其出而 而爻之變易無窮,未畫之前,此理已具於聖人之心矣。 子語類》云:「此言聖人所以作《易》之本也。蓍動卦静 爲用也,酬酢萬物而不窮,樂以天下,憂以天下,故曰 謂寂然不動也。 能退藏於密,而不窮之用,默存於我焉,此即《易》之所 此蓍卦六爻,洗去夫心之累,則是心也,廓然而大公, 者,「感而遂通天下之故」也。」〇王氏宗傳曰:「聖人以 義不可爲典要。 善應。 「吉凶與民同患」,此即「感而遂通天下之故」也。」○《朱 「退藏於密」者,所以「无爲也」,以此「吉凶與民同患」 退藏」言體,「知來」、「藏往」言用,然亦只言體用具矣, 聰明睿知神武而不殺者」,言其體用之妙也。「洗心」、 卦者象也,象則示之以定體。 與氏原曰: 夫妙用之源,默存於聖人之心,則發而 以此「洗心」者、所以「无思也」,以 圓 者其 體 動 而 不 爻者變也,變則 · 窮 , 神 而衆理具在 ||者其 角 虚 用 此. 其 而

理,見在於此,一定而可知者曰往。」曰:「吉凶之幾,兆端已發,將至而未至者曰來, 吉凶之也。」○何氏楷曰:「德統而義析,故爻以義言。」○又

以前民用。聖人以此齊戒,以神明其德夫。 是以明於天之道,而察於民之故,是興神物 即聖人之德,聖人自有此理,又用蓍龜之理以神明之。」 之,則此心動與神明通,心在則神在矣。」 累,則此心静與神明一 此理就蓍龜上發明出來,使民亦得前知而用之也。德, 所慎齊、戰、疾之意也。」○又云:「聖人既具此理,又將 明其德夫」,言用《易》之事也。 〇丘氏富國曰:「心即神明之舍,人能洗之而無 語類》云:「此言作《易》之事也。 也。 此焉齊戒以考其占,使其心神明不測,如鬼神之能 用之不可不有以開其先。 之謂「戒」。 本義「神物」,謂蓍龜。 事而不敬。此特因卜筮而尤見其精誠之至,如 集説韓氏伯曰: 明天道,故知神物之可興,察民故,故知其 ,於揲蓍求卦之時,能 「洗心曰齊,防患曰戒。」○《朱子 湛然純一之謂「齊」,肅然警惕 是以作爲ト 齊戒,敬也,聖人無 「聖人以此齊戒,以神 筮以教人,而 以齊戒存 點之 孔 知 一時 子 來 於

爲君子之楷則也。 上,亦必如聖人之齊戒,然後可以見其幾。言聖人,以此齊戒」者,聖人用《易》之事也。在學者則動而觀變玩此齊戒」者,聖人用《易》之事也。在學者則動而觀變玩數象玩辭,亦必如聖人之洗心,然後可以得其理。「以案:「以此洗心」者,聖人體《易》之事也。在學者則居而

之謂之神。謂之器,制而用之謂之法,利用出入,民咸用之變,往來不窮謂之通。見乃謂之象,形乃之變,往來不窮謂之通。見乃謂之象,形乃是故闔户謂之坤,闢户謂之乾,一闔一闢謂

坤變通者,化育之功也。 爲器用者也。 集説荀氏爽曰:「見乃謂之象,謂日月星辰,光見在天 者,聖人脩道之所爲。 本義闔闢,動静之機也。 先言坤者,由静 用 剛柔相推而生變化也。]〇陸氏績曰:「聖人制器以周民 闢,開也,乾象晝,故以開 法。」〇虞氏翻曰: 而成象也。「形乃謂之器」,萬物生長,在地成形,可以 ,用之不遺,故曰 觀象於天,觀形於地 「闔,閉翕也。 「利用出入」也。 而神者,百姓自然之日用 見象形器者,生物之序也。 卢 也。 陽變闔陰,陰變闢陽 坤象夜,故以閉户也。 制 民皆用之而不知所 而用之,可以爲 而動 也。 也。 法 乾

人作《易》以模寫之。案:此節是説天道民故如此,「易有大極」一節,是説聖

是故易有大極,是生兩儀,兩儀生四象,四象

生八卦。

不假絲毫智力而 象」者,次爲二畫以分大少。「八卦」者,次爲三畫 極」者,其理也。 例、《啓蒙》。 才之象始備。 本義一每生二,自然之理也。 集説 此數言者實聖人作《易》自然之次第,有 「兩儀」者,始爲一畫以分陰陽。 成 者。 邵子曰:「太極何物也? 畫卦揲 「易」者,陰陽之變。 蓍,其序皆然,詳見序 而三 無爲 四四 大

桂 可以生地,立功之本,於斯爲極。曰:「四象生八卦」,八 地之祖也。 之本也。 〇又云:「「易有太極」,便是下面兩儀四象八卦 事物而觀之,則陰陽函太極,推其本,則太極生陰陽。」 裹,但言其次序,須有這實理,方始有陰陽也。 後方有。1〇又云:「若説其生則俱生,太極依舊在陰陽 具一箇善,若三百八十四爻中,有善有惡,皆陰陽變化 生也,而易之道備矣。」〇《朱子語類》云:「太極十全是 相盛衰,終始於其閒矣,因而重之,則六十四卦由是 形之極。 易之太極,如木之有根,浮圖之有頂。 四象,自四象總爲兩儀,自兩儀總爲 之頂,是有形之極,太極卻不是一物,無方所頓放,是 八十四爻總爲六十四,自六十四總爲八卦,自八卦總爲 太極之所以爲太極,卻不離乎兩儀四 二謂兩儀。 何謂也? 象謂陰陽剛 陽之謂道」,指 故周子曰「無極而太極」,是他説得有功處,然 太極生兩儀,兩儀天地之謂乎? 太極分而爲二,先得 **三**: 曰 : 柔。 謂乾、坤、離、坎、兑、艮、震、巽也。 「兩儀生四象」,四 陰 有陰陽然後可以生天,有剛柔然後 陽爲道則不可,然道不離乎 一爲一,復得一爲二, 太極。 象八卦。 象何物也? 但木之根,浮圖 티. 以物論之 如二 兩 自見在 ,自三百 强,天 日 迭 陰 陰 無 而

者 外此百家諸子,都説屬氣形去,如《漢志》謂太極函三爲 形氣言。 陽也。」〇陳氏淳曰: 中,乾體而有坎象,耦參奇中,坤體而有離象,故謂之四 以 也。」〇鄭氏維嶽曰:「《繋辭傳》中,乾坤多指奇耦 了,再改移不得。 理最大,無以復加,故曰「太極」。 之極至,更無二理也。」〇胡氏居仁曰: 極至,所以古今人物通行,惟古今人物通行,所以爲 以理之通行者而言,太極是以理之極至者而言,惟 極之先,則道與太極分爲二矣,不知道即是太極。 所謂太極,亦是指此渾淪未判者。 混成,先天地生」,正指此也。 中,各具一太極,而太極之妙,無不流行於三,才之中也 者,只是三才極至之理。 爲陰陽變化之理,則太極也。」又曰:「三極之道,三極云 言,三畫六畫,皆此二畫之所生,而坤又乾之所生。 ,乃是指天地人,氣形已具而渾淪未判,老子説 看物 其 而已, 神則謂之太極,以其兩化則謂之兩儀。 《傳》曰「易有太極」,易只是陰陽變化,其所以 者太極也。」〇徐氏在漢曰: 「太」是尊大之義、「極」是至當無以 「太極只是渾 其謂之三極者,以見三才之 莊子謂「道在太極之先」。 凡事到理上,便是 淪極 而道又別懸空在 「太極,理也。 至之理,非 同 乾坤 理之 道 可 也, 乾 理 是 加 極 道 太 畫 以

道之幽密,未來之吉凶,坐

亓觀

也,是蓍龜成天下之勉

,雖神

象。 則巽兑之形成矣,故謂之八卦。」 乾體而有坎象,則震艮之形成 矣; 坤 體而 有離

八卦定吉凶,吉凶生大業。

則有「以成天下之務」矣。」 而定吉凶,則足「以斷天下之疑」矣,吉凶定而生大業 本義有吉有凶,是生大業。 集説 俞氏琰曰:「八卦具

象形, 效民之故,故制爲典禮而推之生民之利用 案:聖人作《易》,準天之道,故陰陽互變而定爲八卦之

探賾索隱,鉤深致遠,以定天下之吉凶,成天 物致用,立成器以爲天下利,莫大乎聖人。 象著明,莫大乎日月。崇高莫大乎富貴,備 是故法象莫大乎天地,變通莫大乎四時,縣

下之亹亹者,莫大乎蓍龜 勉勉然願知之,然不能 曰:「亹,勉也。 本義「富貴」,謂有天下履帝位。「立」下疑有闕文。 亹亹」,猶勉勉也。 夫幽隱深遠之情, 古凶未兆之事物,皆 疑則怠,決故勉。 也。 及蓍成卦,龜成兆也 集説侯氏行果

> 氏玉泉曰:「八卦定吉凶而生大業,蓍龜定吉凶 者,又與「闔户」八句相應。」 生大業,言《易》之用。 慎曰:「上文「易有太極」四句,言作《易》之序。 亹,可見卦畫者蓍龜之體,蓍龜者卦畫之用。」○吴氏 鉤者曲而取之也。 亹者,卜筮成之也。」□○俞氏琰曰:「賾謂雜亂,探者抽 動有疑阻,既知其吉凶,自然勉勉住不得,則其所以 之亹亹。」曰:「人到疑而不能決處,便放倒了,不肯向 勉也。」〇《朱子語類》: 而出之也。 隱謂隱僻,索者尋而得之也。 遠謂難至,致者推而極之也。]○趙 此節贊蓍龜之大用,而先之以五 「問:「以定天下之吉凶,成天下 深謂不可測, 定吉凶 |而成 亹 前 曰 亹

著此一句,明前文「制而用之」者,是治世之聖人也。 器用之資,故上文「制而用之」,亦偏承形器而言也。 坤,四時即變通,日月即見象。 案:此節是合上文造化、《易》書而通贊之。 之功,與造物者同符,與治世者相配也。 畫卦生蓍,乃是作《易》之聖人。總而叙之,則見作《易》 成器」之文。蓋在天者,示人以象而已,在地者,則民 「備物致用,立成器」之聖人,非富貴則不能,故中閒 不言形器者,下文有「立 天地即 至 乾 又 此 生

是故天生神物,聖人則之。 天地變化,聖人

效之。天垂象,見吉凶,聖人象之。河出圖,

洛出書,聖人則之。

是也。 《啓蒙》。 集説孔氏穎達曰:「河出圖,洛出書」,如鄭 《易》之所以作,由於卜筮,故以天生神物始焉。」 因九疇而陳《洪範》,文王因八卦而演《周易》,其始則肇 「河出圖而後畫八卦,洛出書而定九疇,故河圖非卦也 化」,四時也。「天垂象,見吉凶」,日月也。 不通。」〇朱氏震曰:「「天生神物」,謂蓍龜也。 「天地 乎太極,則八卦分而無統。洛書昧乎皇極,則九疇滯而 書》有六篇。1孔安國以爲河圖則八卦是也,洛書則九疇 坤吐地符。 康成之義,則《春秋緯》云: 於河圖洛書,畫於八卦九疇,成於《周易》、《洪範》,其序 包犧畫而爲卦,洛書非字也,大禹書而爲字。 象數也。「則」者,彼有物而此則之也。」○郭氏雍曰: 本義此四者,聖人作《易》之所由也。 如此。」〇胡氏炳文曰:「四者言聖人作《易》之由,而 輔嗣之義,未知何從。」○劉氏子翬曰:「河圖昧 河龍圖發,洛龜書感,《河圖》有九篇,《洛 「河以通乾出天苞,洛以流 河圖、洛書,詳見 河圖洛書 亦猶箕子 變

一定之以吉凶,所以斷也。

也。此結上數節之意。」

也。此結上數節之意。」

「四象」,謂陰陽老少。「示」,謂示人以變化之道,即上文「以通天下之志」者也。「繫辭焉以盡其言」,故曰文「以通天下之志」者也。「繫辭焉以盡其言」,故曰「告」,即上文「以定天下之業」者也。「定之以吉凶」,則當避之機決矣,故曰「斷」,即上文「以失,故曰「斷」,,謂示人以所值之卦本義「四象」,謂陰陽老少。「示」,謂示人以所值之卦本義「四象」,謂陰陽老少。「示」,謂示人以所值之卦本義「四象」,謂陰陽老少。「示」,謂示人以所值之卦本義「四象」,謂陰陽老少。「示」,謂示人以所值之卦

藏於密,吉凶與民同患」也。 以藏往。 所以知來。 以其皆出於聖人之心也。蓍德圓神,至精也,即聖心之 无爲而感通萬故,故謂之至神。其所以爲聖人之道者, 於占,故其序如此。 故謂之至精。 先者,明學《易》從辭人也。 之源也。 河圖,次之以蓍策,遡《易》之所因起,是象變之本,辭占 案:此上三章,申「君子居則觀其象」一節之義。首之以 中閒遂備列四者,爲聖人之道,其又以辭爲之 **蓍卦之寂然感通,至神也,即聖心之所以「退** 卦德方知,爻義易頁,至變也,即聖心之所 以其錯綜萬象,故謂之至變。 辭、變、象、占四者,以其包含來物, 辭生於變,變出於象,象歸 以此洗心,則爲聖人之德: 以其无思

易有四象,所以示也。

繫辭焉,所以告也。

類是 《易》之道,於此盡矣,故復總言以結之。「天生神物」, 變化象形具矣。吉凶定,事業起,則制法利用寓矣。 天道,則變化象形之類是也。察於民故,則制法利用之 以此立教,斯爲聖人之道,故其《易》之所以作也。 形器之類也。「河出圖: 結大衍之數也。「天地變化」、「垂象」,結闔闢變通見象 備物成器之聖人,其道上下同流而未之有異也。 是託之蓍龜以前民用,蓋與天地四時日月,及崇高有位 辭也。「定吉凶」,占也。複説四者以起大有上爻之意, 龍馬之祥,故其序又如此。 蓍策而興,以仰觀俯察而作,而其發獨智者,則莫大於 而終「自天祐之,吉无不利」之指也 也。 因而寫之於《易》,其兩儀四象八卦之交錯,則 ,洛出書」,結河圖數也。 「四象」,兼象變。「繋辭」, 《易》以 明於 言 於

之,吉无不利」也。 履信思乎順,又以尚賢也,是以「自天祐者,助也。天之所助者順也,人之所助者信者,助也。天之所助者順也,人之所助者信人。 [自天祐之,吉无不利。]子曰:祐

宜在第八章之末。 集説 侯氏行果曰"「此引大有上九本義釋大有上九爻義。然在此无所屬,或恐是錯簡,

也。 ○柴氏中行曰:「聖人興《易》以示天下,欲「居則觀其象 利」。聖人明於天之道,而察於民之故,合天人者也。」 利1者也。1〇朱氏震曰:「「天之所助者順也,人之所助 能依四象所示,繫辭所告,則天及人皆共祐之,「吉无不 辭以證之也。《大有》上九履信思順,「自天祐之」,言人 利」也,與第二章「自天祐之」語遥應,非錯簡也。」 辭,深見人順道而行,自與吉會之意。」〇何氏楷曰:「取 矣,夫子於此再三舉之者,以「自天祐之,吉无不利」之 而已。六十四卦中如大有上九辭之順道而獲吉者 而玩其辭,動則觀其變而玩其占」,捨逆取順,避凶趨 天祐之, 吉无不利」。 者信也」,六五履信而思乎順,又自下以尚賢,是以「自 案:何氏説是。 而玩占」,則孜孜尚賢之意也。 大有上九爻辭以結上文。 [居則觀象而玩辭,動則觀變 然即是申釋第二章結語之意,非 言此明獲天人之理,然後「吉无不 是以「自天祐之、吉无不 遥 多 古 應

卦以盡情僞,繫辭焉以盡其言,變而通之以其不可見乎? 子曰:聖人立象以盡意,設子曰:書不盡言,言不盡意,然則聖人之意

盡利,鼓之舞之以盡神。

之理。 盡。 變化,无有窮盡,則可見矣。 盡得天下情僞。 爻之辭以繫伏羲立卦之象,象既盡意,故辭亦盡言也。」 卦」,謂因而重之爲六十四卦,情僞盡在其中矣。 曰:「言伏羲仰觀俯察而立八卦之象,以盡其意。 本義言之所傳者淺,象之所示者深,觀奇耦二畫,包含 便,如言「顯道神德行」,「成天下之亹亹」,皆是「鼓之」、 盡利」,此言占得此卦,陰陽老少交變,因其變便有通之 類》云:「「立象盡意」,是觀奇耦兩畫,包含變化,無有窮 ○蘇氏軾曰:「辭約而義廣,故能盡其言。」○《朱子語 「子曰」字宜衍其一,蓋「子曰」字皆後人所加,故 ·周子曰」字,其設問答處,正 「書不盡言,言不盡意」者非,蓋他不曾看「立象以盡意」 「舞之」意。」〇又云:「歐公説《繋辭》不是孔子作,所謂 句,惟其言不盡意,故立象以盡之。學者於言上會得 「設卦以盡情僞」,謂有一奇一耦,設之於卦,自是 如近世《通書》,乃周子所自作,亦爲後人每章加 「鼓之舞之以盡神」,既占則無所疑,自然行得順 「繋解焉」便斷其吉凶。「變而通之以 變通鼓舞,以事而言。 如 此 也。 集説 崔 作卦 氏憬 「 設 有 以 此 兩

> 中。 欲言者,又未嘗不盡於此。 而盡於立象,此聖人以象爲言也,因而繫辭。 象以盡意」。」○錢氏志立曰:「聖人之意,不能以言盡, 而已矣,而意之無窮,聖人故貴於象也,故特首之曰「立 非書可盡,而又謂「繋辭盡其言」,何也? 也。」〇梁氏寅曰:「意非言可盡,則立象以盡意矣。 立象之後,繫辭之前,蓋竟「盡意」之緒,啓「盡言」之端 也,又緊象辭、爻辭,則足以盡其言矣。 卦之象,設卦之名,以盡情僞。 爻,所以告者也。 四名,足以盡天下事物之情。 者也。「盡意」、謂雖無言而與民同患之意、悉具於其 爲也。」二〇吴氏澄曰:「「立象」,謂羲皇之卦畫,所以 明底意思否?」曰:「然。蓋提撕警覺,使人各爲其所 又言「鼓天下之動者存乎辭」、「鼓」、「舞」恐只是振揚發 者淺,於象上會得者深。」○ 「設卦」,謂文王設立重卦之名。「盡情僞」,謂六 羲皇之卦畫,足以盡意矣,文王又 「問:「一鼓之舞之以 「解」,謂文王、周公之彖 然卦雖有名,而 「設卦」一句 曰:言止於是 凡聖人所 未有 盡神」, 在 因 辭 + 示 當

著占筮説,然須知象辭之中,便已具變通鼓舞之妙,特象,似爲得之,崔氏説又較明也。變通鼓舞,《語類》俱案:立象,朱子謂指奇耦二畫,崔氏、吴氏則謂是八卦之

足以盡意,故因象繫辭足以盡言,但添一「焉」字而意自之變也。鼓舞,即是下文「鼓天下之動」意。○又案:象通」,皆是指象辭中之理,有變有通非專爲七、八、九、六因占而用爾。故下文「化而裁之存乎變,推而行之存乎

乾坤或幾乎息矣。中矣。乾坤毀,則无以見易。易不可見,則中矣。乾坤毀,則无以見易。易不可見,則乾坤,其易之緼邪? 乾坤成列,而易立乎其

明,聖筆之妙也。

行。 틴 易之體立矣。 本義「緼」,所包蓄者,猶衣之著也。 張子曰:「乾坤,天地也。 建立乎其中矣。 來,日月運行,皆由乾坤之所生,故乾坤成而易道 地設立、陰陽之端、萬物之理、萬事之情、以至寒暑往 故「乾坤毀則易不可見矣」。 「乾坤之於易,猶日之於歲也,除日而求歲,豈可得哉? ,則无以見乾坤之用,如是,「乾坤或幾乎息矣」。」〇 凡陽皆乾,凡陰皆坤。 集説胡氏瑷曰:「此言大易之道,本始於天地,天 乾坤毁,謂卦畫不立。 若乾坤毁棄,則无以見易之用, 易,造化也。] 〇蘇氏軾曰: 畫卦定位,則二者成列,而 易不可見,則乾爲獨陽 乾坤息,謂變化不 易之所有,陰陽而 易既 變化 坤

若「易不可見,則乾坤或幾乎息矣」。」物之出入,易與天地相爲無窮,必乾坤毀則无以見耳,位乎下,乾坤成列而易已立乎其中矣。 四德之循環,萬爲獨陰,生生之功息矣。」○葉氏良佩曰:「乾位乎上,坤

而裁之謂之變,推而行之謂之通,舉而錯之是故形而上者謂之道,形而下者謂之器,化方是說聖人立象、設卦、繁辭之事。

天下之民謂之事業。

形迹。 通。 本一 之器。 者,有方有體,所以顯是道也。道外無器,器外無道,其 氏宗傳曰"「道也者,无方无體,所以妙是器也"器 不相離,散而在天地萬物之閒者,其理莫不皆然。]〇王 形而上,神則妙之,器形而下,體則著之。 道之與器,本 元來只此是道 即形器之本體而離乎形器則謂之道,就形器而 器,有分别而不相離也。」」〇「問:「只是這一箇道理,但 事事物物皆有箇道理。 云:「「形而上者謂之道,形而下者謂之器」,道是道理 所以相生相養之道,故「謂之事業」。」○《朱子語類》 「推而行之」,則是變,無所凝滯,而運用不窮,故謂之 而裁之」,則是器。 則謂之通,舉而措之則謂之事業」。 只是上下之閒,分別得一箇界止分明。 無形言之,便是物與理相閒斷了,所以謂截得分明者: 『形而上下如何以形言。』曰:「此言最的當,設若以有形 「舉」是變通之用,而「措之天下之民」,使之各盡其 也,故「形而上者」與「形而下者」,皆謂之形。 有道 聖人因其自然,「化而裁之則謂之變,推 須有器,有器須有道,物必有則。」〇「問 ,要在人默 有所指别,而名體各異,故謂之變。 器是形迹,事事物物亦皆有箇 而 識之也。]〇張氏浚曰: 裁也,行也 器亦道,道亦 而行之 言則謂),措也 花 也 道

截矣。」
 截矣。」
 截矣。」
 一物,若舍此一字,專言上者下者,便分兩者,見得本此一物,若舍此一字,專言上者下者,便分兩故」字,承上乾坤來。「形而上」、「形而下」,所以俱言形故」字,承上乾坤來。「形而上」、「形而下」,所以俱言形故」字,承上乾坤來。「形而上」、「形而下」,所以俱言形故」字,承上乾坤來。「形而上」、「形而上,」(一方氏應祥曰:「此都只是裁行措這箇道。」曰:「是。」」○方氏應祥曰:「此都只是裁行措這箇道。」曰:「是。」」○方氏應祥曰:「此

以斷其吉凶,是故謂之爻。天下之動,而觀其會通,以行其典禮,繫辭焉形容,象其物宜,是故謂之象。聖人有以見是故夫象,聖人有以見天下之賾,而擬諸其

也。」本義重出以起下文。集説陸氏續曰:「此明説立象本義重出以起下文。集説陸氏續曰:「此明説立象

辭。 極天下之蹟者存乎卦, 鼓天下之動者存乎

「「極天下之賾者存乎卦」,謂卦體之中,備陰陽變易之本義,卦即象也,辭即爻也。 集説《朱子語類》云:

辭決,使天下樂於趨事赴功者,手舞足蹈而不能自已,象,則窮天下之至雜至亂,無有遺者,故曰「極」。 動以『鼓之』、「舞之」相似。」○俞氏琰曰:「賾以象著,卦有形容。「鼓天下之動者存乎辭」,是説出這天下之動,如

句。「鼓天下之動」,結「繋辭焉以盡其言」一句。案:「極天下之賾」,結「立象以盡意,設卦以盡情僞」兩

故曰「鼓」。」

行。明之存乎其人,默而成之,不言而信,存乎德明之存乎其人,默而成之,不言而信,存乎德化而裁之存乎變,推而行之存乎通,神而

變」、「存乎通」,化裁推行因變通而施也。」
變」、「存乎通」,化裁推行因變通而施也。」
一定,此之德行,即所謂「乾坤易簡」者乎。」○張氏振淵。一一,此之德行,即所謂「乾坤易簡」者乎。」○張氏振淵。一一,此之德行,即所謂「乾坤易簡」者乎。」○張氏振淵。一一,一謂之變,謂之通,變通者在人,人之所以能神而明之者在本義對爻所以變通者在人,人之所以能神而明之者在本義對爻所以變通者在人,人之所以能神而明之者在

*"「化而裁之」、「推而行之」,結「變而通之以盡利」|

信」,是其所以能神明處。 「謂之通」。此「化裁」、「推行」,是說《易》書中所具,故曰「存乎變」,「存乎通」。言就易道之變處,見得聖人化曰「存乎變」,「存乎通」。言就易道之變處,見得聖人化曰「存乎變」,「存乎通」。言就易道之變處,見得聖人化曰「存乎變」,「存乎通」。言就易道之變處,見得聖人化曰「,是以盡神,然必以人心之神,契合乎易之神,然後鼓舞足以盡神,然必以人心之神,契合乎易之神,然後鼓舞足以盡神,然必以人心之神,契合乎易之神,然後鼓舞足以盡神,然必以人心之神,契合乎易之神,然後鼓舞

「立象以盡意」,謂伏羲也。「書不盡言」,故因象而「繫 《易》果書言之所能盡哉? 解焉以盡其言」,謂文、周也。 易之存乎人者,蓋有存乎心身,而不徒存乎書言者矣。」 言,言不盡意」,蓋欲學者自得於書言之外也。 象爲虚倣之象 陳有限而象之該括無窮也。 案;此章蓋總上十一章之意而通論之。「言不盡意」,故 盡矣。末乃曰「默而成之,不言而信,存乎德行」,然則 盡意」至『鼓天下之動者存乎辭』,反覆《易》之書言可謂 總論胡氏炳文曰:「《上繫》凡十二章,末乃曰「書不盡 丽 該括 無 窮 則 得於心爲德,履於身爲行, 因象繫辭之足以盡言者, 象之足以盡意者,言之指 辭亦爲假託之辭而包 自立 涵

無盡也。變通盡利者,象所自具之理,而所以定吉凶。無盡也。變通盡利者,象所自具之理,而所以定害凶。其言乾神者,推象之所自來也。有天地故有變化,滯於形以觀之,亦器焉而已,超乎形以觀之,則道之宗也。因天地之,亦器焉而已,超乎形以觀之,則道之宗也。因天地之,則人事所由通也。自古聖人所以定天下之業者,此之,則人事所由通也。自古聖人所以定天下之業者,此之,則人事所由通也。自古聖人所以定天下之業者,此之,則人事所由通也。自古聖人所以定天下之業者,此之,則人事所由通也。自古聖人所以定天下之業者,此之,而已矣。是以作《易》之聖,觀乾坤之器而立象,推其變通之用而設辭,使天下後世,欲裁化而推行者,於是乎在,其功可謂盛矣。雖然,象足以盡意,而有畫前之易,在,其功可謂盛矣。雖然,象足以盡意,而有畫前之易,在,其功可謂盛矣。雖然,象足以盡意,而有畫前之易,在,其功可謂盛矣。雖然,象及以盡意,而有言外之意,故貴乎默而成之也。辭足以盡意,而有言外之意,故貴乎默而成之也。辭足以盡意,而有言外之意,故貴不以觀,謂「神而明之」,蓋學之不以觀之不以可謂之之。其言乾

御纂周易折中卷十四

御纂周易折中卷十五

御纂周易折中卷十五

繫 辭 下

八卦成列,象在其中矣。 因而重之,爻在其

於此。 坤八之類。「象」,謂卦之形體也。「因而重之」,謂各因 本義「成列」,謂乾一兑二,離三震四,異五坎六,艮七 之義,所存各異,故「爻在其中矣」。」〇《朱子語類》云: 之理而未極其變,故「因而重之」,以象其動用,則爻卦 重而後卦有六爻也。 亦是因八卦之已成,各就上面節次生出。若旋生逐爻, 才,遂以己意思維而連畫三爻以象之也。 八卦所以成列,乃是從太極兩儀四象漸次生出,以至 卦而以八卦次第加之爲六十四也。「爻」,六爻也,既 畫成之後,方見其有三才之象,非聖人因見三 集説韓氏伯曰:「夫八卦備天下 「因而重之」

> 便成六十四卦。雖有遲速之不同,然皆自漸次生出,各 則更加三變,方成六十四卦,若併生全卦,則只用一變, 其時有初終,其序有先後,而「爻在其中矣」。」 畫,未有爻也。 [因而重之],其體有上下,其位有內外. 氏中行曰"「「八卦成列」,則凡天下之象,舉在其中,不 有行列次第,畫成之後,然後見其可盡天下之變。]〇柴 止八物,如《説卦》中所列皆是。」○鄭氏曰:「卦始於三

剛柔相推,變在其中矣。繫辭焉而命之,動

在其中矣。

推而生變化」,故「變在其中矣」。繫、彖、象、九、六之 動之爻象,亦不出乎此矣。 聖人因其如此而皆繫之辭以命其吉凶,則占者所值 《易》卦中亦只是剛柔二者而已,非剛則柔,非柔則剛 故凡剛者皆柔之所推也,凡柔者皆剛之所推也。 理,人事物類,一剛一柔盡之矣,二者之外再無餘物也。 是變化之道,在剛柔相推之中。]〇蔡氏清曰:「天文地 孔氏穎達曰"「《上繫》第二章云「剛柔相推而生變化」, 辭,故「動在其中」,「鼓天下之動者,存乎辭」者也。」○ 本義「剛柔相推」,而卦爻之變,往來交錯,无不可見。 集説虞氏翻曰:「『剛柔相 丽 當

卦爻之謂也。」 此「動」字,與下文「生乎動」、「天下之動」,三「動」字俱 在其中」,虞翻謂「鼓天下之動者存乎辭」。此説極是。 在剛皆柔之所推,在柔皆剛之所推。]〇蘇氏濬曰: 『鼓天下之動存乎辭』。 《易》之辭,原是聖人見天下之動而繫之者,故曰 此即「動在其中」之説,非當動 「動

吉凶悔吝者,生乎動者也。

見。 賾存焉,爻者六位之變動也,故天下之動存焉。 紛紜雜亂也,凶與悔吝始生於其閒矣。 變而備於動,故吉凶悔吝生焉。」〇蘇氏濬曰:「《傳》曰 則「動在其中」矣。卦則兆於成列而備於重,爻則兆於 「繋解焉而命之」,所以明爻也,而辭者以鼓天下之動 推所以成爻也,而「爻者言乎變」,則「變在其中矣」。 本義吉凶悔吝,皆辭之所命也,然必因卦爻之動而後 無所謂吉,又何有於凶? 「寂然不動」,又曰「動之微,吉之先見」,當其不動也,尚 集説襲氏原曰:「象者一卦之成體也,故天下之 惟動而微也,吉斯見焉,動而 剛柔相

案: 吉凶悔吝,皆生於人事之動,故《易》中有吉凶悔吝之 此是覆説「繋辭焉而命,動在其中」之意。 凡天下之

> 辭 前 動在其中。

剛柔者,立本者也。 變通者,趣時者也。

清 曰: 變通者趣時,乃變易之用,即所謂往來不窮也。]○蔡氏 本」也。 變易而流行者。」 寅曰"「剛柔者立本,乃不易之體,即所謂闔户、闢户也。 之時,立本者天地之常經,趣時者古今之通義。]〇梁氏 只是其往來者。」〇胡氏炳文曰:「卦有卦之時,爻有爻 化者,進退之象」,所謂「趣時」。 用。」〇又云:「「剛柔者,晝夜之象」,所謂「立本」。 之定體,故謂之本,若剛變爲柔,柔變爲剛,便是變通之 類》云:「此兩句相對説。 者」,時中也。」〇張氏浚曰:「剛柔相推,往來進退 無常,而莫不因乎自然之時,故曰「趣時」。」〇《朱子語 説朱氏震曰"「爻有剛柔,不有兩則一不立,所以「立 本義一剛一柔,各有定位,自此而彼,變以從時。 「剛柔立本,所謂交易而對待者,變通趣時,所謂 剛柔相變,通其變以盡利者,趣時也。 剛柔者陰陽之質,是移易不得 剛柔兩箇是本,變通便 一趣 ,爲變 一時 集

理,兩者對待,斯不偏而可以立本,兩者迭用,斯不窮而 案: 此是覆説「剛柔相 推而生變化」之意。 凡天地閒之

可以趣時。故《易》中剛柔相推,而變在其中。

吉凶者,貞勝者也。

事,非吉則凶,非凶則吉,常相勝而不已也。本義貞,正也,常也。物以其所正爲常者也。天下之

天下之動,貞夫一者也。 天地之道,貞觀者也。日月之道,貞明者也。

子語類》云:「吉凶常相勝,不是吉勝凶,便是凶勝吉,二 化人事之正常,即吉凶之貞勝,豈可以二而求之哉?」 動 以不昃,盈不能以不食,而貞明之理常自若也。 而貞觀之理常自若也。 以易,地常示人以簡,雖陰不能以不愆,陽不能以不伏, 有一箇是底,故曰「貞夫一」。」〇高氏萃曰:「天常示人 常明。『天下之動,貞夫一者也」,天下之動雖不齊,常 者常相勝,故曰「貞勝」。 逆理則凶,則其所正而常者,亦一理而已矣。 危,同一揆也,惠迪之吉,從逆之凶,無二致也。 本義「觀」,示也。 天下之動,其變无窮,然順理則吉, ,進退存亡,不可以一 自「吉凶」、「貞勝」至此爲一節,又承「吉凶悔吝生乎 日明乎晝,月明乎夜,雖中不能 例測,然而順理則裕,從欲惟 天地之道則常示,日月之道則 集説《朱 天下之 是則造

> 天下之動,豈不常歸於一理乎! 思迪吉,從逆凶,乃理之常,故當以常者爲勝,如天地則勝。蓋天下容有善而遇凶,惡而獲吉者,然非其常也。勝。蓋天下容有善而遇凶,惡而獲吉者,然非其常也。 勝。蓋天下容有善而遇凶,惡而獲吉者,然非其常也。 以常者觀示,日月則以常者開勝,今玩文義當爲以常爲 正爲勝,朱子以爲二者常相勝,今玩文義當爲以常爲 動」之意,而明其理之一也。「貞勝」之義,張子以爲以

集説韓氏伯曰"「確,剛貌也。隤,柔貌也。乾坤皆恒本義「確然」,健貌,「隤然」,順貌,所謂貞觀者也。夫乾,確然示人易矣。 夫坤,隤然示人簡矣。

道,厥類維彰」,萬古不易者也。矣,然其所以立本者,一歸於易簡之理,所謂「天有顯矣,然其所以立本者,一歸於易簡之理,所謂「天有顯一也。乾坤者,剛柔之宗也。乾坤定位,而變化不窮案:此節又承「剛柔立本,變通趣時」之意,而明其理之

本義「此」,謂上文乾坤所示之理。爻之奇耦,卦之消爻也者,效此者也。象也者,像此者也。

之意。「象也者像此」,是結剛柔變通而歸於易簡之意。案:「爻也者效此」,是結「吉凶悔吝生乎動」而「貞夫一」

息,所以效而像之。

其德,故簡易也。」

之情見乎辭。 爻象動乎内,吉凶見乎外,功業見乎變,聖人

曰「外」,非專以蓍筮言也。」案:「爻象者動而無形,故曰「内」,,吉凶者顯而有迹,故

曰義。位曰仁,何以聚人曰財,理財正辭,禁民爲非、因之大德曰生,聖人之大寶曰位。何以守

業。集説陸氏續曰:「人非財不聚,故聖人觀象制器,「非衆罔與守邦」。〇此第一章,言卦爻吉凶,造化功本義「曰人」之「人」,今本作「仁」。吕氏從占,蓋所謂

義」。」○王氏宗傳曰:「聖人所以配天地而王天下者,亦 不改也。此三者皆資於義,以此行之,得其宜也,故知 以義正之,則必有辱也。 所貪愛,不以義理之,則必有敗也。 乘之大位,謂以道濟天下爲實,是其大寶也。 氏憬曰:「言聖人行易之道,當須法天地之大德。 備物盡利,以業萬民而聚之也,蓋取聚人之本矣。」○崔 神農氏、黄帝、堯、舜氏實之、皆聖人之富貴者也。 裏面。」○項氏安世曰:「聖人之仁,即天地之生。 云"「「正辭」便只是分别是非。」又曰"「教化便在 以待暴客,剡矢弦弧以威天下」是也。」○《朱子語類》 以治,萬民以察」是也。 交易之類是也。 財,如所謂作網罟以佃漁,作耒耜以耕耨,致民聚 有仁義而已矣。仁,德之用也。義,所以輔仁也。 天地。義所以爲仁,非二本也,故曰「立人之道曰仁與 於下,故先叙天地生物。1〇朱氏震曰:「天地之大德 仁義,聖人寳位之所要也。」〇張子曰:「將陳理財 曰位,即「崇高莫大乎富貴」也。 生者,仁也,聖人成位乎兩閒者仁而已,不仁不足以 「正辭」,如所謂「易結繩以書契,百官 「禁民爲非」,如所謂「重門擊柝 百姓有非,不以義禁之,則必 自此以下,以包犧氏 言辭人之樞要,不 夫財貨人 財 大寳 貨以 寳萬 正辭 養物 參 理 曰

此。 所謂 案:此章與上傳第二章相應,故上傳第三章以後,皆申 也。 説第二章之意。下傳則自第二章之後,皆申説此章之 之象,蓋傳本爲繁辭而作,而下傳尤詳焉,故其立言如 作《易》之序也。下文又由辭之吉凶悔吝而推本於剛柔 意也。「八卦成列」,「因而重之」,即所謂「設卦觀象 吉凶悔吝,由 因爻象中剛柔相推之變,而繫之吉凶悔吝之辭,即 「繋辭焉而明吉凶」也。 動 而 生者,蓋以剛柔迭運,變 此四句,由象以及於辭者、 而 從時

爻剛柔吉凶悔吝之事,更具而詳之。」

説可從也。 説可從也。 前、蓋下章所取十三卦、無非理財、正辭、禁非之事、其 其。一節、《本義》原屬此章、然諸儒多言宜爲下章之 世得故也。「爻象動乎内」四句、又總而結言之。「天地 理得故也。「爻象動乎内」四句、又總而結言之。「天地 動可一者,以剛柔變化、不離乾坤、乾易坤簡、而天下之 故也。 吉凶之遇、參差不齊、然以常理爲勝、而天下之

德,以類萬物之情。身,遠取諸物,於是始作八卦,以通神明之身,遠取諸物,於是始作八卦,以通神明之則觀法於地,觀鳥獸之文與地之宜,近取諸古者包犧氏之王天下也,仰則觀象於天,俯

○蔡氏清曰:「「以通神明之德,以類萬物之情」二句,一條仰遠近所取不一,然不過以驗陰陽消息兩端而已。 「神明之德」,如健順動止之性。「萬物之情」,如雷風山壓,畫八卦以前民用,後之聖人相繼而作,制爲相生相極,畫八卦以前民用,後之聖人相繼而作,制爲相生相極,畫八卦以前民用,後之聖人相繼而作,制爲相生相極,畫八卦以前民用,後之聖人相繼而作,制爲相生相極,畫八卦以前民用,後之聖人相繼而作,制爲相生相極,畫八卦以前民用,後之聖人相繼而作,制爲相生相極,畫八卦以前民用,後之聖人相繼而作,制爲相生相極,畫八卦以前民用,後之聖人相繼而作,制爲相生相極,畫八卦以前民用,後之聖人相繼而作,制爲相生相極,畫八卦以前民間,以類萬物之情」二句,一

是精, 之象,一皆出此。」 是粗; 一是性情, 一是形體。 其下十三卦所 尚

説蔡氏淵曰:

「耜, 耒首也, 斷木之鋭而爲之。 耒, 耜

柄

作結繩而爲網罟,以佃以漁,蓋取諸 離

日 準擬此卦而後成之,故曰[蓋取]。] 而成之。蓋聖人作事立器,自然符合於此之卦象也,非 取名也。 因以制器。案《上繫》云「以制器者尚其象」,則取象不 儒象卦制器,皆取卦之爻象之體,韓氏之意,直取卦名 本義兩目相承而物麗焉。 「「蓋」者,疑之辭也。言聖人創立其事,不必觀此卦 韓氏乃取名不取象,於義未善。]○胡氏 集説孔氏穎達曰:「案諸 瑗

案: 卦名。經大蓋取之云,雖曰假託,不必拘泥,然亦不應 離,上下網羅之象 之設,鴻則離之。」又曰:「有兔爰爰,雉離于羅。」二體皆 大段疏脱也。○古者網羅所致曰 包犧之時,但有八卦名象而已,黄、農、堯、舜,不應便取 孔氏所議韓氏是也。 且六十四卦名,是文王所命。 「離」。《詩》曰:「魚網

耒 包犧氏没,神農氏作,斲木爲耜,揉木爲耒,

· 耨之利,以教天下,蓋取諸益 **義二體皆木**,上入下動,天下之益,莫大於此。 集 帝、堯、舜垂衣裳而天下治,蓋取諸乾、坤。

本

退,各得其所,蓋取諸噬嗑 日中爲市,致天下之民,聚天下之貨,交易而 之自地上而人,下震一陽,象耜之在地下而動也。」 也,揉木使曲而爲之。」〇吴氏澄曰:「益上巽二陽,象末

貨者,生民之本也。」 卿曰:「十三卦始離次益次噬嗑,所取者食貨而已。 民,聚天下之貨」,使遷其有無,則得其所矣。」○鄭氏東 者,萬物相見之時也。 所散,則利不布,養不均矣,於是「日中爲市」焉。 爲「合」也。 禽魚,有禽魚者,或不足乎菽粟。 本義日中爲市,上明而下動。 又借「噬」爲「市」,「嗑」 集説耿氏南仲曰: 當萬物相見之時,而「致天下之 「有菽粟者,或不足乎 罄者無所取,積者無 日 中 食

倦,神而化之,使民宜之。 神農氏没,黄帝、堯、舜氏作,通其變使民不 通,通則久,是以「自天祐之,吉无不利」。 黄 案:離爲日中,震爲動出,當日中而動出,市集之象。 易窮則變,變則

通則久」,易之道然也。」〇吴氏澄曰:「風氣漸開,不可 不知,凡此者非聖人喜新而惡舊也。「窮則變,變則通 氏作,通其變」,使民由之而不倦,神其化,使民宜之而 滋,若復守其樸畧,則非變而通之之道,故「黄帝、堯、舜 食貨而已,此聚人之本也。 簡而已。」〇王氏申子曰:「神農以上,民用未滋,所急者 天下治」,無爲而治也。 本義乾坤變化而无爲。 其迹,便於民而民皆宜利之故爾。]〇俞氏琰曰:「時當 使民喜樂不倦者,以其通之之道,神妙不測,變而不見 如樸畧之世,此窮而當變也,變之則通而不窮矣。其能 因其自然之變,而以自然之理處之,是謂神而化之也。 民不倦。 聖人不强行,夫唯其數窮而時將變,聖人因而通之,則 之所以趣時也,民之所未厭,聖人不强去,民之所未安, 變則變,不變則窮,於是乎有變而通之之道焉。變而通 變神化, 神而化,即其變通之妙於無爲也。」〇蘇氏濬曰:「言通 然其所以變通之者,非聖人强用其智慮作爲於其間也 言之中者,化也。」○蔡氏清曰:「時之當變也而通其變, 而獨詳於黄帝、堯、舜,言黄帝、堯、舜而獨取諸 由之而莫知其所以然者,神也,以漸相忘於不 無爲而治者無他焉,法乾坤易 集説郭氏雍曰:「垂衣裳而 及黄帝、堯、舜之世,民用日

中天之運至此而開,洪荒之俗至此而變,此所以爲善發乾坤,乾坤諸卦之宗也。 黄帝、堯、舜,千古人文之始,

羲皇之精藴也。」

不倦者,化也;趨於新使民咸宜者,神而化之也。案:守舊則倦,更新則不。宜凡事之情也,變其舊使民

致遠以利天下,蓋取諸涣。

刳木爲舟,剣木爲楫,舟楫之利,以濟不通,

大川」、《彖傳》曰「乘木有功」。」本義、木在水上也。「致遠以利天下」,疑衍。 集説本義、木在水上也。「致遠以利天下」,疑衍。 集説本義、木在水上也。「致遠以利天下」,疑衍。 集説

車,載物之多者,則服牛以引重,田車、兵車、乘車之小本義下動上說。集説董氏真卿曰:「平地任載之大服牛乘馬,引重致遠,以利天下,蓋取諸隨。

重門擊柝,以待暴客,蓋取諸豫。 案:外説內動,象牛馬之奔於前而車動於後也

車,載人而輕者,則乘馬以致遠。]

五八五

本義「豫」,備之意。集説楊氏文焕曰:「川途既通,本義「豫」,備之意。集説楊氏文焕曰:「川爲闔户,重門則暴客至矣,又不可無禦之之術,重門以禦之,擊柝以本義「豫」,備之意。集説楊氏文焕曰:「川途既通,

斷木爲杵,掘地爲臼,臼杵之利,萬民以濟,

本義下止上

象。」爲木,下艮爲土。震木上動,艮土下止,杵臼治米之爲木,下艮爲土。震木上動,艮土下止,杵臼治米之本義下止上動。集説丘氏富國曰:「以象言之,上震

弦木爲弧,剡木爲矢,弧矢之利,以威天下,

蓋取諸睽。

門擊柝不足以待之,故必有弧矢以威之。」教之以「弧矢之利」。」〇徐氏幾曰:「其害之大者,以重利,知門柝而不知「弧矢之利」,則威天下者有未盡,故而不知杵臼之利,則利天下者有未盡,故政以肝白之利,則利天下者有未盡,故以形之。 集説朱氏震曰:「知耒耜

案:離,威也。 兑,説也。 威而以説行之,所謂「説以犯

難,民忘其死」。

棟下宇,以待風雨,蓋取諸大壯。上古穴居而野處,後世聖人易之以宫室

本義「壯」,固之意。集説司馬氏光曰:「風雨」,動本義「壯」,固之意。集説司馬氏光曰:「風雨」,敢曰「上棟」。宇兩垂而下,故曰「下宇」。」○俞氏琰曰:「聖人之於物,有爲之者,有易之者,古未有是而民利之也,人之於物,有爲之者,有易之者,古未有是而民利之也,今則爲之,所以貽於後也,古有是而民厭之也,今則爲之,所以革於前也。」

樹,喪期无數,後世聖人易之以棺槨,蓋取諸古之葬者,厚衣之以薪,葬之中野,不封不

大過。

本義送死大事,而過於厚。

後説之。 案:棺槨者,取木在澤中也。又死者以土爲安,故人而

以治,萬民以察,蓋取諸夬。

上古結繩

而治,後世聖人易之以書契,百官

本義明決之意。〇此第二章,言聖人制器尚象之事。

用,今將後用而代前用,故本之云「上古」及「古」者。」不言「上古」也。以下三事皆是未造此物之前,別有所「古」,與上不同者,蓋未造此器之前,更無餘物之用,故集説耿氏南仲曰:「已前不云「上古」,已下三事或言

也。

可以堅彼此之信,契之象也。

而終,蓋萬世文字之祖,肇於畫卦而備於書契也。」總論吴氏澄曰:「十三卦之制作,自畫卦而始,至書契

通,則趣時之用不窮,然其神而化之,無爲而民安焉,則耒耜至於書契,莫非易理之所有也。觀其窮而變,變而成於堯舜,故自八卦既畫,而可以周萬事之理。凡網罟風氣之宜而通其變,則其所以趣時者也。法始於伏羲, 風氣之宜而通其變,則其所以趣時者也。法始於伏羲,

取諸乾坤者,取諸其易簡也。

易簡之理惟一。

故其取諸諸卦者,取諸其趣時也,而其

是故易者象也,象也者像也。

故」,又總結上義也。」〇崔氏憬曰:「上明取象以制器之本義易,卦之形,理之似也。 集説 干氏實曰:「言「是

皆器物之象,象者像似之義,聖人制器,皆與卦象合包犧至書契,言制作之事,而以「是故」總結之,謂易卦也。」○吴氏澄曰:「此章之首第一節,總叙以起下文,自義,故以此重釋於象。 言易者象於萬物,象者形像之象

也。諸儒以此句爲上章結語者,似是。案:凡章首不用「是故」字,曰「是故」者,承上結上之辭

彖者,材也。

本義「彖」,言一卦之材。 集説韓氏伯曰:「彖,言成

卦之材,以統卦義也。」

衆義以立辭,故《本義》謂「彖言一卦之材」。 案:「材」者,構屋之木也。 聚衆材而成室,彖亦聚卦之

爻也者,效天下之動者也。

情僞,物理之是非,皆在六爻之中,所以象天下之動得失,變而合於道者爲得,動而乖於理者爲失。人事之本義「效」,放也。 集説胡氏瑗曰:「爻有變動,位有

也。」

是故吉凶生而悔吝著也。

本義「悔吝」本微,因此而著。○此第三章。 集説保

吝,要其終而言,則悔吝著而爲吉凶也。」 之意,至於凶則吝之著也。原其始而言,吉凶生於悔了著」。悔有改過之意,至於吉則悔之著也。吝有文過曰:「吉凶在事本顯,故曰「生」。悔吝在心尚微,故曰曰:「吉凶在事本顯,故曰「生」。悔吝在心尚微,故曰氏者,言一爻之動,所以斷一爻之吉凶悔吝。」○何氏楷氏八曰:「彖者,言一卦之材,所以斷一卦之吉凶悔吝。

陽卦多陰,陰卦多陽。

本義震、坎、艮爲陽卦,皆一陽二陰。巽、離、兑爲陰

卦,皆一陰二陽。

其故何也? 陽卦奇,陰卦耦。

陰卦。故曰「陽卦多陰,陰卦多陽」。」一奇,即奇爲主,是爲陽卦,二奇一耦,即耦爲主,是爲爲之君,陰卦二陽,故耦爲之主。」○陳氏埴曰:「二耦爲之君,陰卦二陽,故耦爲之主。」○陳氏埴曰:「二耦丹、「夫少者多之所宗,一者衆之所歸。陽卦二陰,故奇本義凡陽卦皆五畫,凡陰卦皆四畫。 集説 韓氏伯本義

案:「陽卦奇,陰卦耦」,言陽卦主奇,陰卦主耦也。 須如

韓氏、陳氏之説,乃與下文相應。

陰二君而一民,小人之道也。 其德行何也? 陽一君而二民,君子之道也。

> 常尊也。」 吴氏曰慎曰: 民共事二君,二君共争一民,二也,故爲小人之道。]〇 體二民,二民共事一 震曰:「陰陽二卦,其德行不同,何也? 本義君,謂 陽。 「陽卦固主陽也,而陰卦亦主陽,可見陽有 民,謂 君,一也,故爲君子之道。 陰。 0 此 第 四四 章。 陽卦一君而 集 説 陰卦 朱 氏 徧

復、師、 乎 ? 故曰「小人之道」。古今言《易》者,曰陽爲君子,陰爲小 君之權出於二,反若民爲主也,民爲主則小人之道行。 卦始成而分陰分陽,一奇則爲陽卦者,以其一君二民, 履、夬一陰爲主,皆「小人之道」也。 畫之卦,而已具此象矣,以此例而推之六畫之卦, 若君之道二而多門,則民之卑各行其私,豈非小人之道 道,一而有統,則民之衆,翕然從令,豈非君子之道乎? 有君不可以無民,烏有善惡淑慝之分哉! 故曰「君子之道」。 是君之權出於一,君爲主也。 案:此章是釋「彖者材也」之義,而原其理於一也。 人,蓋以爲善惡淑慝之稱焉,豈知陰陽不可以相無,如 善惡淑慝由此而生, 吉凶治亂由此而起。 蓋自三 謙 豫、比、剥 一耦則爲陰卦者,以其二君一民,是 一陽爲主,皆「君子之道」也,姤、 君爲主,則君子之道行, 惟同人之二,大有 惟其君之 萴 自八 如

之五、不以爲小人者,以其居中,能同乎陽,有乎陽 取 陰卦居内而先陽者邪,隨、蠱、 亂,泰、否、損、益之類是也。 類是也。 之類是也。凡陰之居内而得時者,皆爲主也,遯、否之 陽者爲主而已,凡陽之居内而得時者,皆爲主也,臨、泰 之以陽爲主也。又以其義例變而通之,則不特一陰 發凡,使人於六十四卦之義推而通之也。 應陽爲美,要之其尊陽之意,則一而已矣。 倡隨,或以陰爲臣道而能順陽爲善,或以陰爲君道 小畜之四,亦不以爲小人者,以其得位,能畜乎陽也,究 有二,故曰「理之一」。 材,而彖之所取,故曰「彖者材也」。 内外而取上下以爲貴賤,或不取先後而取尊卑以爲 凡陽卦居内而爲主者治,陰卦居内而爲主者 凡陽卦居内而先陰者正 漸、歸妹之類是也。 其歸則陽道不可 夫子以· 此即一 卦之 八八卦 或不 一而能 也。 以

慮,天下何思何慮? 下何思何慮? 天下同歸而殊塗,一致而百《易》曰:「憧憧往來,朋從爾思。」子曰:天

利

生焉。

慮,莫非自然,何以思慮爲哉? 必思而從,則所從者亦本義引咸九四爻辭而釋之。 言理本无二,而殊塗百

狹矣。 已矣,天下何思何慮!」 少容心於其間者,吾之應事接物,一 歸則同,是其此感彼應之理,一出於自然而然,而不必 下感應之理,本一致也,但所接之事物不 慮,亦因之有百耳。夫慮雖百而其致則一,塗雖殊 理,本同歸也,但事物則千形萬狀. 當有,而局於朋從則狹矣。」○蔡氏清曰: 朋,未能一也,一以感物,不思而至。]〇孔氏穎達 無,而加之憧憧則私矣。 之道也。」〇徐氏幾曰:「塗雖 一此一之爲道爲可尚,結成前文陽卦以一爲君,是君子 集説韓氏伯曰: 慮雖百 「天下之動,必歸於 殊而歸同,則往來自不容 「而致一 ,而其塗各殊耳。 惟順其自然之理而 , 則 「天下感應之 ,而所發之 思亦人心所 一,思 而其 以求 旦 天

焉。 歲成焉。 日往則月來,月往則 寒往則暑來,暑往則寒來, 往者屈也,來者信也,屈信相 日 來,日月 寒 相 暑 推 相 而 感 推 明 生 而 而

人於私矣,所以必思而後有從也。 集説 張子曰:「屈本義言往、來、屈、信,皆感應自然之常理,加憧憧焉則

可。 信 也。」〇《朱子語類》云: 憧 相感而利生,感以 懂往來」而言,往來皆人之所不能 誠 也。 「「日往則月來」一段,乃承上文 情僞 相 感 而 無,但憧 利害 生,雜 憧 |則不 之僞

天地則 則 ? 來。 案: 夫子引此爻,是發明貞一之理,故亦從天地 信,而歸於生利,順 往來,而歸於成歲,所謂貞觀者也。 傳》首章皆不以四時先日月也 日月有往來,而歸於生明,所謂貞明者也。 四時者,日月之所爲也,觀、 應在日月之前, 理則 言寒暑則 利也,所謂 豫、恒、《彖傳》及《繫 應在日月之後。 「貞夫 天下之動,有屈 一者也」。 寒暑有 **地日月説** 何 言 有

精 尺蠖之屈,以求信也。 義 致用之本,利其施用,无適不安,信之極也。 也。 穎達曰: 爲入而崇德之資,内外交相養,互相發也。 本義因言屈信往來之理,而又推以言學亦有自然之機 入神,以致用也。 精研其義,至於入神,屈之至也。 「覆明上往來相感,屈信相須。 龍蛇之蟄,以存身也 利用安身,以崇德也 然乃所以爲出 尺蠖之蟲,初行 集説 然乃 孔氏 所以 而

> 養静以 言動 利用以行言,利用故安身,若其用有不利,則 德1内也,即外以養内,亦猶「龍蛇之蟄以存身也」。」〇 達外,猶「尺蠖之屈以求信也」。「利用安身」外也,「崇 爲崇德之資也。「精義入神」内也,「致用」外也,自内而 騐。」○俞氏琰曰: 己之用,安静其身,可以增崇其德,此亦先静後動 不用,乃能致其所用。 故以「尺蠖」、「龍蛇」明之。專言屈之利以示人,正欲人 ○吴氏一源曰:「人皆知信之利,而不知屈之所以利也 在皆安而泰然處之矣。 言,義者,事理之宜也,人神,只謂到那不容言之妙處 解將去,則胸中所得益深,所造亦遠矣。 蔡氏清曰:「利用如何以崇其德,蓋外邊事事都能 妙,所以致之於用也。 何不思? 由静而來也。」〇《朱子語類》云:「且如「精義入神」, 必 因静 一動,無感以待感也。」 那致用的卻不必思,致用的是事功,是效 也。 聖人用精 「精研義理,無毫釐之差,而深造於神 先静後動,是動因静而來也。 見於用而利,施於身而安,所以 蓋躬行 粹 微妙之義,入於神化 心得,自是相關之理。」 精義以致 亦不能 動亦 迎刃 寂 知 如 利 在 然

過此以往,未之或知也。窮神知化,德之盛

必

屈,言信必須屈

也。

龍

蛇初蟄,是静

也。

以此存身,

也。

窮神,是窮盡其神也。

不測爲神。

化」,乃德盛仁熟而自致耳,然不知者往而屈也,自致者 來而信也,是亦感應自然之理而已。 不能已,自是以上,則亦无所用其力矣。 本義下學之事,盡力於精義利用,而交養互發之機, 子未或致知也。」〇又曰:「氣有陰陽,推行有漸爲化,合 利吾外也。「利用安身」,素豫吾外,致養吾内也。 則微妙不可知,窮極微妙之神,曉知變化之道,乃是聖 利用安身以崇德」,此二者皆人理之極,過此二者以往, 陽,推行有漸爲化,合一不測爲神。」 神知化」,乃養盛自致,非思勉之能强,故崇德而外,君 人德之盛極也。」〇張子曰:「「精義人神」,事豫吾内,求 化,德之盛」,這「德」字只是上面「崇德」之「德」,德盛後 德盛者,窮神則知不足道,知化則義不足云。]○又曰: 似。」〇又云:「「窮神知化」,化是逐些子挨將去底, 便能「窮神知化」,便如聰明睿知皆由此出,自誠而明相 如自外而入,義固有淺深。」〇《朱子語類》云:「「窮神知 其在人也,知義用利 集説孔氏穎達曰:「「精義人神以致用」 入神,是僅能 ,則神化之事備矣。 此上四節,皆以釋 張子曰:「氣有陰 人於神也。 至於 「窮神知 言人 一窮 自 日 陽時,全體在陽,都只是這一物,兩處都在不可測,故 復一日,一月復 之外哉! 崇德乎内。只是如此作將去,雖至於窮神知化地位,亦 内,乃所以致用乎外。「利用安身」,求利乎外,乃所以 不信也。今之爲學,亦只是如此。「精義入神」,用力於 龍蛇之屈信,皆是自然底道理,不往則不來,不屈則 説「天下何思何慮」,謂何用如此「憧憧往來」? 便先打破那箇思字,卻說「同歸殊塗,一致百慮」,又再 測」,這說得甚分曉。」〇又云:「「天下何思何慮」一句: 神。 就窮神知化上贊他德之盛,惟德盛方能 造到神化地位,不過精義利用,漸進漸熟耳。 者,神化功夫正在精義利用作 待於思爲,則曰「窮神知化」,所造有淺深,理則 主處言,化以運用處言,其神化者,亦豈出 「「未之或知」者,不容於有思,不容於有爲也。 只是德盛仁熟之所致,何思何慮之有。」○蔡氏清 也。」〇張氏振淵曰:「未有下學功夫不到而頓能 箇物事,或在 横渠言「一故神,兩故化」,又注云「兩在故 其始有待於思爲,則曰「精義利用」,其終無 彼,或在 月,節 一此,當其在陰時,全體在陰,在 節 挨將去,便 起,此正實落下手處,即

咸九四爻義。

成

年。

一神

是

不

五九一

「窮神知化」。」

德盛不是

尺蠖、

亦

]於精義

利用

無

精

粗

上達

神以

存

曰

焉。 **案**: 與造化爲徒者也,至命之事也。 以 其心者一也。 爲親切。 〇又案: 此章是釋「爻者效天下之動」之義,而原其理於 力,至命則無所用其力矣,故曰「窮理盡性以致於命」。 神,其心與神明相契者也。 身」,則所行者純熟,盡性之事也。 也。 有二也。 「精義入神」,則所 自此以下十一爻皆是發明此意,而此爻之義,尤 蓋感應者動也,不可逐物憧憧,而惟貴於貞固 故首以此爻,而以「致一」、「恒心」兩爻終 所以然者,此心此理,一致同歸,本不容 知者 「知化」則不止於利用,其事 精深,窮 窮理盡性,學者所當用 理之事 「窮神」則不 也。 利 止 一於人 用安

者也。

期將至,妻其可得見邪?辱,非所據而據焉,身必危。既辱且危,死見其妻,凶。」子曰:非所困而困焉,名必見其妻,凶。」子曰:非所困而困焉,名必《易》曰:「困于石,據于蒺藜,入于其宫,不

家無能,便是辱了名。」 本義釋困六三爻義。集説《朱子語類》云:「有著力本

《易》曰:「公用射隼于高墉之上,獲之无不

有 ? 人也。 利。」子曰: 動而 君子藏器於身,待時 不括,是以出而有獲 隼者禽也, 弓 矢者 丽 動 器 ,語成器 一; 何 也, 不 射 之者 利 而 動

本義「括」、結礙也。此釋解上六爻義。集説韓氏伯本義「括」、結礙也。此釋解上六爻義。集説與民稿曰:「不以不好」、小人不耻不仁、不畏不義、不見利不子曰:小人不耻不仁、不畏不義、不見利不不。以不成不懲、小懲而大誠、此小人之福也。本義此釋噬嗑初九爻義。集説與氏伯本義「括」、結礙也。此釋解上六爻義。集説韓氏伯本義「括」、結礙也。此釋解上六爻義。集説韓氏伯本義「括」、結礙也。此釋解上六爻義。集説韓氏伯本義「括」、結礙也。此釋解上六爻義。集説韓氏伯本義「括」、結礙也。此釋解上六爻義。集説韓氏伯本義「括」、結礙也。此釋解上六爻義。集説韓氏伯本義「括」、結礙也。此釋解上六爻義。

《易》曰:「何校滅耳,凶。」而弗去也,故惡積而不可掩,罪大而不可解。小人以小善爲无益而弗爲也,以小惡爲无傷善不積,不足以成名。惡不積,不足以滅身。

本義此釋噬嗑上九爻義。 集説 董氏仲舒曰:「積善

御纂周易折中卷十五

而人不見也。」〇吴氏曰慎曰:「思」,以己之所行者言。在身,猶長日加益而人不知也。 積惡在身,猶火之銷膏

「罪」,以法之所麗者言。」

家可保也。《易》曰:「其亡其亡,繫于包危,存而不忘亡,治而不忘亂,是以身安而國也。亂者,有其治者也。是故君子安而不忘子曰:危者,安其位者也。亡者,保其存者

曰存,綱舉目張曰治。」 曰存,綱舉目張曰治。」 曰存,綱舉目張曰治。」 曰存,綱舉目張曰治。」 曰存,綱舉目張曰治。」 ○谷氏家杰曰:「養尊處優曰安,宗社鞏固 桑」之固也。」 ○谷氏家杰曰:「養尊處優曰安,宗社鞏固 桑」之固也。」 ○谷氏家杰曰:「養尊處優曰安,宗社鞏固 桑」之固也。」 ○谷氏家杰曰:「養尊處優曰安,宗社鞏固 秦」之固也。」 ○谷氏家杰曰:「養尊處優曰安,宗社鞏固 秦」之固也。」 ○谷氏家杰曰:「養尊處優曰安,於今致滅 一方,綱舉目張曰治。」

子曰"德薄而位尊,知小而謀大,力小而任

其形渥,凶。」言不勝其任也。重,鮮不及矣。《易》曰:「鼎折足,覆公餗,

本義此釋鼎九四爻義。集説張氏浚曰:「自昔居台本義此釋鼎九四爻義。集説張氏浚曰:「自昔居台本義,此釋鼎九四爻義。集説張氏浚曰:「自昔居台本義,此釋鼎九四爻義。集説張氏浚曰:「自昔居台本義,此釋鼎九四爻義。集説張氏浚曰:「自昔居台本義,此釋鼎九四爻義。集説張氏浚曰:「自昔居台本義,此釋鼎九四爻義。集説張氏浚曰:「自昔居台本義,此釋鼎九四爻義。

本義此釋豫六二爻義。《漢書》「吉」、「之」之間有「凶」

字。 皆向吉而背凶,違凶而就吉,無復有凶,故特云「吉」也。 云「動之微」也。 時,其理未著,唯纖微而已。 断可知矣。」○張子曰:「「知幾」者,爲能以屈爲信。」 守志不移,雖暫豫樂,以其見微而不終日,則能「貞吉」, 得位於中,於豫之時,能順以動而防於豫,如石之耿介, 諸本或有「凶」字者,其定本則無。」○崔氏憬曰:「此爻 未動之先,又寂然頓無,幾是離無人有,在有無之際,故 子以「不諂」、「不瀆」明之、此真所謂「知幾者」矣。 微處理會。]〇項氏安世曰: 處,便怎生奈何得? 欲動未動之間,便有善惡,便須就這處理會,若到發出 近,只争些子便至於流也。1○又云:「「幾者動之微」,是 交貴於和易,和則便近於瀆。 ○《朱子語類》云:「上交貴於恭遜,恭則便近於諂。下 此道、唯存察之密、疆界素明者能之、此所以必歸之於 「介於石」也。 「介如石」者與。」○何氏楷曰:「「知微知彰」,微而能彰: ,瀆者本以交驩而怨常起於瀆。 集説 孔氏類 「知柔知剛」,柔而能剛,「不終日」也。」 直云「吉」,不云「凶」者,凡豫前知幾, 達 所以聖賢説謹獨,便都是要就 目 動, 「諂者本以求福 已著之後,則 蓋恭與諂相近,和與瀆相 謂 《易》言「知幾」,而 心 動,事 心事顯露,若 動。 而禍常基 初 欲進 動 孔 於 幾 之

復,无祗悔,元吉。」
嘗不知,知之未嘗復行也。《易》曰:「不遠学曰:顔氏之子,其殆庶幾乎! 有不善未

《左傳》與《孟子》「庶幾」兩字,都只作「近」字説。」〇又 九爻義。 在豫貴守之固,故曰「貞吉」。在復貴覺之早,故曰「元 之神,由介石來也。 與上爻文意相關。1〇陸氏振奇曰:「誠則明者,「知幾. 之。此章内十一爻,雖各爲一段,而意皆相貫,此爻尤 而吾固已瞭然而見之,可謂「柔」矣,而吾已斬然而絶 子始。毫釐絲忽之過,一萌於方寸之間,可謂「微」矣, 由用心之精,燭理之明,是以至此。 處。」〇項氏安世曰:「於微而知其彰,於柔而知其剛,蓋 知之「未嘗復行」爲難,殊不知「有不善未嘗不知」是難 云:「顔子「有不善未嘗不知,知之未嘗復行」,今人只知 ○《朱子語類》云:「或以「幾」爲因上文「幾」字而言,但 行果曰:「失在未形,故有不善,知則速改,故無大過。」 顔子不遷怒,不貳過,克己復禮,天下歸仁也。」○侯氏 本義「殆」,危也。「庶幾」,近意,言近道也。 集説虞氏翻曰:「「復以自知」,自知者明,謂 明則誠者,不遠之復,由真知得也。 欲進此者,當自顔 此釋復初

友。」言致一也。《易》曰:「三人行則損一人,一人行則得其天地絪緼,萬物化醇,男女構精,萬物化生。

凶。」 凶。」 凶。」 凶。」 以言,是不與也。莫之與,則傷之者至 動,則民不與也。懼以語,則民不應也。无 動,則民不與也。懼以語,則民不應也。 是其交而後求,君子脩此三者故全也。 危以 子曰:君子安其身而後動,易其心而後語,

不與」,取與之與也。」〇又曰:「以「易」對「懼」,其義可世曰:「后以動則民不與」,黨與之與,「无交而求則民本義此釋益上九爻義。〇此第五章。 集説 項氏安

御纂周易折中卷十五

素乎,爲无交而求。」動。心知非理,自覺惶恐,爲懼以語。 恩非素結,信非動。心知非理,自覺惶恐,爲懼以語。 恩非素結,信非其直也。」○郭氏鵬海曰:「事不順理,從欲惟危,爲危以見,直者其語「易」,曲者其語「懼」,乾之所以「易」者,以

屈信之義以取凶耳。」 作,不遠而復; 之一致,則能危以保其安,知顯微之一致,則能見幾而 藏器而時動,知小大之一致,則能謹小以无咎, 化,推之事事物物,莫不皆然。故知動静之一致 來屈信無二致也。 困而困,非所任而任,忽小而惡積,求益而或擊,皆昧於 總論葉氏良佩曰:「下十爻皆承咸九四而言。」○吴氏 源曰:「咸後十爻,皆發明理之貞一而不必憧憧耳,往 知損益之一致,則能損而得友。 天地,所以成造化,聖人所以 彼非所 知安危 則能 臻 造

五九五

爲主,則所以專其事於主者一矣。 陽爲君,則所以歸其權於君者一矣。 故曰「天下之動貞夫一」。 統於咸之四,故爲舉爻效動之例也。 反 也; 豫二、 復初相 似 也, 損三、益上 何則? 動静 夫陰陽並 相 反也。 相循 理一故 ,而以 行,而以 其 義 也, 静 皆

地之撰,以通神明之德。坤,陰物也。陰陽合德而剛柔有體,以體天坤,陰物也。陰陽合德而剛柔有體,以體天子曰:乾坤,其《易》之門邪。乾,陽物也。

德」承「陰陽合德」言,兩「德」字相應。「通神明之地之撰」承「剛柔有體」言,兩「體」字相應。「通神明之地之撰」承「剛柔有體」言,兩「體」字相應。「通」。「體天思、出於乾坤,故曰「門」。」○葉氏良佩曰:「此章論文王思,此於乾坤,故曰「門」。」○葉氏良佩曰:「此章論文王是,故首即柔之體,皆以乾坤合德而成,故曰「乾坤,本義諸卦剛柔之體,皆以乾坤合德而成,故曰「乾坤,

其稱名也,雜而不越,於稽其類,其衰世之意

本義萬物雖多,无不出於陰陽之變,故卦爻之義,雖雜邪。

歷。 世之意邪」,伏羲畫卦時,這般事都已有了,只是未曾 名,後又舉九卦説,看來只是謂卦名。」〇又云:「I其 指繫辭而言,是指卦名而言?』曰: 指也。」○《朱子語類》:「問:「「其稱名也雜而不越」,是 非淳古之時也,故云衰世之意耳。言「邪」,示疑不欲切 ○侯氏行果曰:「易象考其事類,但以吉凶得失爲主,則 「名,謂卦名。 世之意、蓋指文王與紂之時也。 出 而不差繆,然非上古淳質之時思慮所及也,故以爲衰 經歷這崎嶇萬變過來,所以説出那卦辭。」 到文王時,世變不好,古來未曾有底事都有了,他 陰陽雖錯,而卦象各有次序,不相踰越。」 集 「他下面兩三 説《九家易》曰: 番 經 衰 説

名辨物,正言斷辭則備矣。 夫《易》,彰往而察來,而微顯闡幽。 開而當

有誤。 神德行」相似。」〇又云:「「微顯闡幽」,是將道來事上 者便就上面尋其不可見底,教人知得。」又曰:「如「顯道 云:「「微顯闡幽」,幽者不可見,便就這顯處説出 言,彖辭也。 本義「而微顯」,恐當作「微顯而」,「開而」之「而」,亦 集説郭氏雍曰:「當名,卦 斷 辭,繫之以吉凶者也。」〇《朱子 也。 辨 物,象 來。 也。 語 類》 顯 正 疑

事。 理。 日: 《易》書有以微之。 看,言那箇雖是粗的,然皆出於道義之藴。「微顯」所以 道,所以微其顯。 道至幽也,《易》書有以闡之。 用之於人事,所以闡其幽。」〇蔡氏清曰:「人事粗迹也, 「闡幽」,「闡幽」所以「微顯」,只是一個物事。」〇吴氏澄 「「彰往」,即藏往也,謂明於天之道,而彰明已往之 「察來」,即知來也, 「微顯」,即神德行也,謂以人事之顯,而本之於天 「闡幽」,即顯道也,謂以天道之幽,而 蓋於至著之中,寓至微之理也。 謂察於民之故,而察知未來之 蓋以至微之理,寓於至著 天

斷其占,則所謂彖也。文王因卦畫而爲之名辭,故曰越」也。命名之後,又復辨卦中所具之物,以繫之辭而即所謂「通神明之德」。「當名」者,即所謂「稱名雜而不也。「彰往察來」即所謂「體天地之撰」。「微顯闡幽」,名辨物」、「正言斷辭」,承次節文王卦名言,而因及乎辭名辨物」、「正言斷辭」,承次節文王卦名言,而因及乎辭案:「彰往察來」、「微顯闡幽」,承首節伏羲卦畫言。「當

其言曲而中,其事肆而隱,因貳以濟民行,以其稱名也小,其取類也大,其旨遠,其辭文,

開

而。

有畫無文,易道未開也。

明失得之報。

本義「肆」,陳也。「貳」,疑也。○此第六章,多闕文疑本義「肆」,陳也。「貳」,明失得之報,則天下夫一而民貳之,有失得故「貳」也。明失得之報,則天下夫一而民貳之,有失得故「貳」也。明失得之報,則天下

類大則義理包涵,故隱也。而隱」,又申名小類大之意。名小則事物畢具,故肆也。則多隱約,故曲也。辭文則有條理,故中也。「其事肆以彖辭言。「其言曲而中」,又申旨遠辭文之意。旨遠案:「稱名小」、「取類大」,以卦名言。「旨遠」、「辭文」,

之象也。」

所以作也。」斷辭,即彖辭也。 爲世衰道微,與民同患,不得已而盡言之耳,此斷辭之類,千彙萬狀,大要不越於二者,而其所以繫辭之意,則坤二畫,乾坤即陰陽剛柔也。凡《易》之辭,其稱名取坤二畫,乾坤即陰陽剛柔也。凡《易》之彖辭。易不過乾總論項氏安世曰:「此章專論《易》之彖辭。易不過乾

憂患乎。《易》之興也,其於中古乎? 作《易》者,其有

五九七

教。 也。 以示於後,以防憂患之事。」○吴氏澄曰:「義皇之《易》, 起於中古。 在上古伏羲之時,但其時理尚質素,直觀其象,足以垂 易道復興。 本義夏商之末,易道中微。 **羑里時,故云「其有憂患乎」,蓋於名卦而知其有憂患** 卦名及辭,皆前此所未有,故不云述而云作。 始名六畫之卦,而繫之以辭,易道幾微,至此而復興也。 有畫而已,三畫之卦雖有名,而六畫之卦未有名,文王 者,憂患天下之迷復也。 故《易》皆處憂患之道。」〇何氏楷曰:「聖人之「憂患」 未通,務未成,聖人切切然爲天下憂患之,於是作《易》, 曰:「「憂患」二字,以憂患天下言,乃吉凶同患意。 故《易》者,所以憂患天下之憂患也。」 中古之時,事漸澆浮,非象可以爲教,故爻卦之辭 下文舉九卦之名,以見其憂患之意。」〇谷氏家杰 此之所論,謂《周易》也,身既憂患,須垂法 集説孔氏穎 乃其處困,又何憂患焉? 達 |日:「《易》之爻卦之象,則 作《易》在 民志 是

本也。 之裕也。 是故履,德之基也。 恒,德之固也。損,德之脩也。 困,德之辨也。 謙,德之柄也。復,德之 井,德之地也。巽, 益,德

德之制也。

文王拘於羑里而繫彖辭

曰 : 順而能人之義,是人細直徹到底,不只是到皮子上,如 資斧,巽多作斷制之象,蓋「巽」字之義,非順所能盡,乃 變其所,然後能異順於理以制事變也。 者心不外而善端存,「恒」者守不變而常且久,懲忿窒慾 患之事也,而有序焉。[基]所以立,「柄」所以持。 者之所當執持而不可失者也。 後其德有以爲基而立也。 之心,則德乃日積,故曰「德之柄」。既能謙,然後能復 也。 九淵曰:「上天下澤,尊卑之義,禮之本也。 此方能斷得殺,若不見得盡,如何可以行權。」」〇陸氏 〇《朱子語類》: 别也。」〇干氏寶曰: 以脩身,遷善改過以長善。 「困」以自驗其力,「井」以不 本義「履」,禮 有而不居爲謙,謙者不盈也,盈則其德喪矣。 曲禮三千,皆本諸此。 「辨,别也。 基,始也。 也。 德,自行而進也。不行則德何 遭困之時,君子固窮,小人則濫,德於是 「問"「巽何以爲德之制?」曰"「巽爲 上天下澤,定分不易,必 「柄所以持物,謙所以持禮者也。」 「履,德之基」,謂以行爲德之基 「謙」者,自卑而尊人,又爲禮 九卦皆反身脩德以處憂 集説鄭氏康成 經禮三百 [謹乎 常執不盈 由 而 此, 「復」 積? 然

也。 復者陽復,爲復善之義。 裕,故曰[益,德之裕也]。不臨患難難處之地,未足以 德者,則德日進矣,故曰「損,德之脩也」。 必失之」,故曰「恒,德之固也」。 知復則内外合矣,然而不常則其德不固,所謂「雖得之, 吾 辨。」〇盧氏曰:「「基」與「地」有別,基小而地大,基是初 得寸守寸、得尺守尺、「德之地」則全體不窮矣,亦要有 積行上説,「德之本」就心裏説,要當有辨。 「德之固」是 是已,故曰「巽,德之制也」。」○陳氏琛曰: 非盛德之事也。 爲,有爲者常順時制宜,不順時制宜者,一方一曲之士 子之德亦猶是也,故曰「井,德之地也」。 見其德,故曰「困,德之辨也」。 起脚跟,積累可由此而上,地是凝成全體,施用之妙,皆 固 [有而進德,則沛然無他適矣,故曰[復,德之本也]。 知物之爲害而能自反,則知善者乃吾性之固有,循 順 時制宜,非隨俗合汙,如禹、稷、顔子 人性本善,其不善者遷於物 井以 君子之脩德,必去其害 養人利物爲事,君 「「德之基」就 夫然可以有 善日積則寬

履 恒 一,雜 不, 和 而 而 不厭 至。 謙,尊 損,先 而 難 光。 m 後易。 復,小 而 益 辨於物。 ,長裕而

由此而出

也。」

不設。困,窮而通。井,居其所而遷。巽,稱

而隱。

也。 賤之,自耀則德喪 隱」,是巽順恰好底道理,有隱而不能稱量者,有能稱 理之至極不可易,故「至」。 設是撰造也,撰造則爲僞也。」○《朱子語類》云:「「稱 子曰:「「益長裕而不設」,謂固有此理而就上充長 爲以益於物,故曰「長裕」,因物興務,不虚設也。」○ 韓氏伯曰:「和而不至,從物者也。 道亨,井不動 而至」。「謙,尊而光」,不謙則必自尊自耀,自尊則人必 而至」,兑以柔悦承乾之剛健,故和。 也」、「巽以行權」、都是此意。」〇陸氏九淵曰:「「履、和 而不能隱伏不露形迹者,皆非巽之道也。 損以脩身,故先難也,身脩而無患,故後易也。 厭,損欲先難、習熟則易,益但充長而不造作,困 自卑而尊且光,復陽微而不亂於羣陰,恒 本義此如《書》之九德,禮非强世,然事皆至極。 微而辨之,不遠復也。 而及物,異稱物之宜而潛隱 能謙則自卑自晦,自卑則人尊之,自 君子所行,體履之義,故「和 「雜而不厭」,是以 和 天在上,澤處下, 而 一處雜 不露 能 「巽,德之制 至,故可 能 而 有所 恒。 身困 常 集 謙以 德 也 説 稈 履 量 而 興 刻 而 不

五九九

其所」。 益通。 者,遇窮困則隕穫喪亡而已,君子遇窮困則德益 乎本心,故後易。 凡抑損其過必逆乎情,故先難。 而不厭。 悔咎矣。 「恒,雜而不厭」,人之生,動用酬 微,念慮之隱,必察其爲物所誘與否,不辨於小,則將致 見,故「隱」。」 隱」,異順於理,故動稱宜 實之意,如是則非所以爲益也。 之德,故其德長進 則 ,人情於此多至厭倦,是不恒其德者也,能恒者 德益光顯。 「井、居其所而遷」,如君子不以道徇人,故曰「居 而博施濟衆,無有不及,故曰「遷」。 「損,先難而後易」,人情逆之則難 「復,小 「益,長裕而不設」,益者遷善以 而寬裕。 而辨於物」,復貴不遠,言 ,其所以稱宜者,非有形 設者,侈張也,有侈大不 既損抑以歸於善, 「困、窮而通」,不 ,順之則易 下。事 「巽, 進 `迹可 1雖雜 /變非 稱 益 萴 動 , 道 誠 丽 德 ᆫ 順 之

然朱子之義爲精。 案:「復,小而辨於物」,陸氏蓋用韓氏之説,與朱子異,

履以 損 以 和行, 遠 害 益 謙 以 以 興 制 利 禮 一,復以 困 以 寡怨,井以 自知,恒 闪 辨 德, 義

巽

以行權

一,時乃日新。

「損以

日 行有不和,以不由禮故也,能由 顯然地作,卻不成行權。」〇陸氏九淵曰: 行權」。」〇又云:「兑見而巽伏,權是隱然作底事物,若 理精熟後,於物之精微委曲處,無處不入,所以説「巽以 是人物否?」曰: 豈止一身之益哉,天下有蒙其利矣。」○《朱子語 慾者,豈止一身之損哉,天下有被其害矣,遷善而改過 子之自損,忿慾耳,自益,遷善而改過耳。 此第七章,三陳九卦,以明處憂患之道。 德」,不常則二三,常則一,終始惟 禮」,自尊大則不 人,義理之中,無細不人。]又問: 然。 問 |自知||也。 本義「寡怨」, 「復以自知」,自 「君子者天下係焉,一身之損益,天下之利害也。 「禮,和爲貴,故「以和行」也。 「「巽以行權」,權是逶迤曲 巽有人之義,巽爲風,如 恒立不易方,故「一德」也。」〇歐陽氏 謂 克乃能 能 少所怨尤。 「隱便是不見處。」」〇又云: 由 禮,卑以 復善, 「辨義」, 自 他 風之人物,只爲巽便 禮, 牧,乃 人 折以順理 有不善未嘗不知,故 「異稱而 無 則和 謂安而能慮。 與 能 「履以和行」, 爲。 矣。 集説 自 然而肆其 節 否?」日 隱 一謙以 「見得 恒 制 隱 虞氏 以 以 亦 能 君 0

己也。 損其害德者,則吾身之害,固有可遠之道,特君子不 遠害」,如 足言者。 遷善則福慶之利固有自致之理,在君子無加損焉,有 於己者莫如善,君子觀易之象而遷善,故曰「興利」。 必乎此也。 理也。 井之養人,可以明君子之義。「巽以行權」,巽順於理, 未嘗有所怨也。 吾遂吾之志,何怨之有? 氏楷曰:「以,用也。履者,禮也。 然後見天地之心,有不善未嘗不知,自知之明也。」○ 也,故詳復贊之。」〇王氏應麟曰"「復以自知」,必自知 如權之於物,隨輕重 之品節也,然惟讓爲禮之實,不讓不爲禮,故用「謙以 始和,此履所以爲「德之基」也。 之」,此謙所以爲「德之柄」也。」 凡道有所不可行,皆困也,君子於此,自反而已, 九卦之列,君子脩身之要,其序如此,缺一不可 「困以寡怨」,君子於困厄之時,必推致其命, 忿慾之類,爲德之害,損者損其害德而已, 「益以興利」,有益於已者爲利,天下之有益 「井以辨義」,君子之義,在於濟物,於 而 應,則動静稱宜,不以一 推困之義,不必窮厄患難及 所貴乎禮者以 用禮以約之,而制 定而 其 (爲 能 不 取 能 制 德 作 何 悖

釋卦名,次言兩卦之體,末推卦用,故此章之序亦然,以總論項氏安世曰:「此章亦論彖辭,凡彖辭之體,皆先

葉氏良佩曰:「此章三陳九卦,專言卦也。 濟亦八卦,復爲上經之乾。 卦,上經自復而後八卦而爲下經之恒, 至困、井亦五卦; 卦,下經自恒至損、益亦九卦,上經履至謙五卦,下經 爲觀彖者之法也。」○胡氏炳文曰: 上經謙至復又九卦,下經井至巽又 上下經對待,非偶然者。」〇 「上經自乾至履。 下 「易道屢遷」 經自巽 껪 未 九 九

章,專言爻也。」

以 中,名小類大,故事雖肆 其藴也,故寓意深遠而 矣。「名雜而不越」,故所稱者小而義則大。 來」、「通神明之德」而有以 而吉凶之辭可斷。 命名可以理推,名當則卦爻之物可辨。 以其所取事類觀之,知其非上古淳質時所有,則爲文王 伏羲所命,或曰文王所命,蓋自夫子之時而已疑也。 之以辭,於是吉凶之義昭然見矣。 微妙之德,是所謂「動乎内者」也。 卦之象,皆以乾坤交錯而成,中涵 案:此上二章,申象之動乎内而吉凶見乎外也。 濟其行,故非 探蹟索隱 向之「體天地之撰」而 一辭則 而 無以 「微顯闡幽」者,至是 隱。 文。 盡其變也; 蓋 指遠辭文,故言雖 六十四卦之名,或曰 天地變化之道,鬼神 及聖人命之以名,繁 由於世衰民疑,而將 因正言其是非 有以 非周事 彖所以 彰 而大備 六 ,體物 往察 + 曲 發 但 四 丽

遂言聖人之所處,以示觀象之例。無以悟其心也。夫吉凶者,失得之報而已矣,故下九卦

典要,唯變所適。居,周流六虚,上下无常,剛柔相易,不可爲居,周流六虚,上下无常,剛柔相易,不可爲《易》之爲書也不可遠,爲道也屢遷,變動不

六位。 書也。 因爻始見,故稱虚也。」○邵子曰:「六虚者,六位也,虚 此總言爲書爲道,以起下文之意也。自「變動不居」至 謂爲道變通 底",有有應而吉底,有有應而凶底,是【不可爲典要」之 陽爻而吉底,又有凶底,有陰居陰爻而吉底,又有凶 又自分輕重,凶之中又自分輕重。《易》卻不然,有陽居 贊當畫,三百五十四贊當夜。晝底吉,夜底凶。 要,《易》不是確定硬本子,楊雄《太玄》排定三百五十四 以待變動之事也。」〇《朱子語類》云:「《易》不可爲典 「不可遠」也。」○孔氏穎達曰: 本義「遠」,猶忘也。「周流六虚」,謂陰陽流行於卦之 唯變所適」,言易道之屢遷也。不居,猶不止也。 是有那許多變,所以如此。]〇蔡氏淵曰: 集説 侯氏行果曰:「居則觀象,動則玩占,故 而不滯乎物。 自「《易》之爲書」至「屢遷」, 「六位言虚者,位本無體 吉之中 屢遷 六

> 也。 常也。柔來文剛,分剛上而文柔,剛柔相易也。 常,理有定也。 已。」〇吴氏曰慎曰:「不可爲典要,變無方也。 來如寄,故以虚言。 虚,六位也。 要,約也。 位 其屢變无常,不可爲典要,唯變所適 故曰:「易者,變易也,不易也。」」 一未有 或自上而降,或由下而升,上下无 爻曰 虚 , 卦 雖 六位,而 剛柔爻畫 既有 典,常 典 m 往

其出人以度,外内使知懼。

本義此句未詳,疑有脱誤。集説韓氏伯曰:「明出入本義此句未詳,疑有脱誤。集説韓氏伯曰:「明出入本義此句未詳,疑有脱誤。集説韓氏伯曰:「明出入本義此句未詳,疑有脱誤。集説韓氏伯曰:「明出入本義此句未詳,疑有脱誤。集説韓氏伯曰:「明出入本義此句未詳,疑有脱誤。集説韓氏伯曰:「明出入本義此句未詳,疑有脱誤。集説韓氏伯曰:「明出入本義此句未詳,疑有脱誤。集説韓氏伯曰:「明出入本義此句未詳,疑有脱誤。集説韓氏伯曰:「明出入本義此句未詳,疑有脱誤。集説韓氏伯曰:「明出入本義此句未詳,疑有脱誤。集説韓氏伯曰:「明出入本義此句未詳,疑有限以度。」

之志而怠,故《易》明憂患,又明其所以致之之故。」○朱故。」○蘇氏軾曰:「憂患之來,苟不明其故,則人有苟免虞氏翻曰:「神以知來,故明憂患,知以藏往,故知事虞氏翻曰:「神以知來,故明憂患,知以藏往,故知事

又明於憂患與故,无有師保,如臨父母。

之無所不周,故訓之無所不切也。」 如師保之提命,且直如父母之儼臨,愛之無所不至,慮與所以致憂患之故,諄諄然與民同患,與民同憂,不止之情也。」〇趙氏振芳曰:「不特使人知懼,又明於憂患之情也。」〇趙氏振芳曰:「不特使人知懼,又明於憂患人民震曰:「又明於己之所當憂患與所以致憂患之故。无氏震曰:「又明於己之所當憂患與所以致憂患之故。无

也,人之意中「无有師保」也。無有者,非無師保其慈愛,此聖人之情,所以爲至也。無有者,非無師保示人憂患之故,懇切周盡,使聞之者,不知嚴憚而但感文言「出入以度」,則人知畏懼,嚴憚之如師保,及觀其案:「无有師保,如臨父母」,朱氏、趙氏之説甚善。蓋上

初率其辭,而揆其方,既有典常,苟非其人,

道不虚行。

其初,要結其終,皆唯變所適,是其常典也。」○邵子曰:「雖千變萬化,不可爲典要,然循其辭,度其義,原尋翻曰:「「其出入有度」,故有典常。「神而明之,存乎其翻曰:「其出入有度」,故有典常。「神而明之,存乎其翻曰:「其出入有度」,故有典常。「神而明之,存乎其不。集説。氏之,之。以,道也。始由辭以度其理,則見其有典常矣,

柔變易之中也。」
□:「「既有典常」,常也。「不可爲典要」,變也。」○龔氏
以卦爻一定而不可易,而一定不易之理,未嘗不行於剛
典要」者,以剛柔之變易無常者言也。「既有典常」,「不可爲
典要」者,以剛柔之變易無常者言也。「既有典常」,「不可爲

總論項氏安世曰:「此章專論《易》之爻辭。【《易》之總論項氏安世曰:「此章專論《易》之爻辭。【《易》之鄉論項氏安世曰:「此章專論《易》之爻辭。【《易》之總論項氏安世曰:「此章專論《易》之爻辭。【《易》之總論項氏安世曰:「此章專論《易》之爻辭。【《易》之總論項氏安世曰:「此章專論《易》之爻辭。【《易》之總論項氏安世曰:「此章專論《易》之爻辭。【《易》之總論項氏安世曰:「此章專論《易》之爻辭。【《易》之

相雜,唯其時物也。《易》之爲書也,原始要終,以爲質也。六爻

也。」〇孔氏穎達曰:「物,事也。 一卦之中,六爻交相雜物而已。 集説 韓氏伯曰:「質,體也。卦兼始終之義本義質謂卦體,卦必舉其始終而後成體,爻則唯其時

質,文王原卦義之始,要卦義之終,以爲卦之體質,各名 錯 其始,要約其終,彌綸全卦之理,如物之有體質,至於繫 法,莫備於此。《易》之爲書,綱紀在卦,卦必合爻之全 杰曰:「此章雖兼卦、爻,實以卦引起爻,專重在爻上。」 爻,而六爻統於彖,故先言彖,乃説六爻也。]〇谷氏家 錯,唯其六爻之時,各因其義而繫爻辭也。 其卦而繫彖辭也。爻之爲言交也。 像,然其大指要不過推演彖辭之意。」 爻則惟相其六位之時而導之宜,因其陰陽之物而立之 ○何氏楷曰:「此章統論爻畫,而歸重於彖辭,説易之 而後成卦,一畫不似,便成他局。聖人之繫卦爲之推原 ",唯 各會其時,各主其事。」〇吴氏澄曰: 周公觀六位之交 「質謂卦之體 此章言六

其初難知,其上易知,本末也。初辭擬之,卒

成之終。

也,言「上」是事之卒了,而成就終竟,故易知也。」○吴議其始,故難知也。「卒成之終」者,覆釋「其上易知」 故難知。卒,終成之,故易知。本末勢然也。」○孔氏穎故難知。卒,終成之,故易知。本末勢然也。」○孔氏穎

句文法,顛倒相互。」氏澄曰:「「初」與「終」爲對,「擬之」與「卒成之」爲對,兩

當屬學《易》者說。 哉。故「初辭擬之」、「卒成之終」兩句,是申上兩句,皆者,然聖人作《易》,六爻之條理,渾成於心,豈有難易案:講家以難知、易知屬學《易》者,擬之、卒成屬作《易》案:講家以難知、易知屬學《易》者,擬之、卒成屬作《易》

若夫雜物撰德,辨是與非,則非其中爻不備。

本義此謂卦中四爻。

之於辭也。 也,德位分而是非判矣。辨者,剖别之於象,以考驗德也,德位分而是非判矣。辨者,剖别之於象,以考驗者,參錯其貴賤上下之位也。撰者,體察其剛柔健順之案:「雜」字、「撰」字、「辨」字,亦當屬學《易》者。 說雜

彖辭,則思過半矣。 噫,亦要存亡吉凶,則居可知矣。知者觀其

本義家統論 '卦六爻之體。集説蘇氏軾曰:「象者,常論其用事之爻,故觀其象則其餘皆象爻之所用者也。」○吴氏澄曰:「章首第一句言象,第二句總言六爻,也。」○吴氏澄曰:「章首第一句言象,第二句總言六爻,相始終。」

指其要而切言之。讀《易》之法,莫先於此。 告於卦義者吉,不合於卦義者凶,故象辭爲綱領而爻其 自也,彖辭爲權衡,則物之輕重可見。夫子《彖傳》,既 可知,審之於權衡,則物之輕重可見。夫子《彖傳》,既 自也,彖辭爲權衡而爻其物也。總之於綱,則目之先後 自也,彖辭爲權衡而爻其物也。總之於綱,則目之先後 多錯六爻之義以釋辭,示人卦爻之不相離矣,於此又特 參錯六爻之義以釋辭,所則以二爲將,比則以五爲君,其 案:彖辭之繫,文王蓋統觀六爻以立義者。如屯則以初

多懼,近也。柔之爲道,不利遠者,其要无二與四,同功而異位,其善不同,二多譽,四

咎,其用柔中也。

【《易》以六居五,以九居二,爲卦十有六,雖爲時不同, 遠近不同,四近君,故「多懼」。柔不利遠,而二一多譽」 遠近不同,四近君,故「多懼」。柔不利遠,而二一多譽」 位所宜也。二、四皆陰位,陰之爲道,近比承陽,故不利 位所宜也。二、四皆陰位,陰之爲道,近比承陽,故不利 之。二遠陽,雖則不利,其要或有无咎者,以柔居中, 之。二遠陽,雖則不利,其要或有无咎者,以柔居中, 之。二之善宜蓍,四之善宜隱。」○程氏迥曰: 其則懼矣,故二之善宜蓍,四之善宜隱。」○程氏迥曰: 以其柔中也。 集説 崔氏憬曰:「此重釋中四爻功 之。二、四皆陰位,陰之爲道,近比承陽,故不利 之。二、四皆陰位,陰之爲道,近此承陽,故不利 之。二、四皆陰位,陰之爲道,近此承陽,故不利 之。二、四皆陰位,陰之爲道,近此承陽,故不利 之。二、四皆陰位,陰之爲道,近此承陽,故不利 之。二、四皆陰位,陰之爲道,近此承陽,故不利 之。二、四皆陰位,陰之爲道,近,至爲此不同, 以其不可。」○程氏迥曰:

> 懼」之説也。」 譽」。柔不能自立,近者有所依倚,遠者宜若不利,二遠 字,釋「四多懼」,謂四之所以懼,不能如二之多譽者,蓋 迫而多懼。 異,而其善亦不同,遠者意氣舒展而多譽,近者勢分逼 五而言,二與五應爲遠,四與五比爲近。以位之遠近 然其位則有遠近之異。 五者一卦之尊位,故遠近皆 皆以柔居之,則六二、六四同是以柔居陰,故曰「同功」, 亦以剛中應之也。]○吴氏澄曰:「二與四同 其十有五皆吉,謂人君柔中虚己,而 ○何氏楷曰: 於五而其歸得以无咎者,以其用柔而居下卦之中也。」 迫近尊位不得自安故也。「柔之爲道」以下,釋「二多 多者,謂不盡然而若此者衆爾。 「月遠日則光滿,近則光微,此「多譽」、「多 任剛德之臣,其 是陰位 「近也」二 , 若 臣 有 自

尤善於六二;四既多懼,而九四尤甚於六四也。又言之言「柔之爲道,不利遠者」,則可見二雖多譽,而九二四之位言,不論剛柔居之,皆多图多功也。下以三、五之位言,亦不論剛柔居之,皆多譽多懼,以二、蓋聖人之言,舉其一隅則可以三隅反,多譽多懼,以二、蓋明人之言,舉其一隅則可以三隅反,多譽多懼,以二、之言「柔之爲道,不利遠者」,則可見之懼,專爲以柔居柔案:吳氏説亦詳密,但以二之譽,四之懼,專爲以柔居柔

在其中。此聖言之所以妙。中,其柔危,爲六三言,而九三在其中,併六五、九五亦中,其柔危,爲六三言,而九二在其中,併六四、九四皆在其六三,五雖多功,而六五猶讓於九五也。柔之爲道,不六三,五雖多功,而六五猶讓於

三與五,同功而異位。三多凶,五多功,貴賤

之等也。其柔危,其剛勝邪

陽位,陰柔處之則多凶危,剛正居之則勝其任。 則能勝之。〇此第九章。 多懼」之上有「其善不同」一句,而「三多凶,五多功」之 過 是陽位,若皆以剛居之,則九三、九五同是以剛居陽,故 濟物,廣被寰中,故「多功」也。」〇吴氏澄曰:「三與五同 含章之美,則必致凶。五既居中不偏,貴乘天位,以道 憬曰:「三處下卦之極,居上卦之下,而上承天子,若無 者,不定之辭也,或有柔居而吉者,得其時也。」〇崔氏 本義三、五同陽位而貴賤不同,然以柔居之則危,唯 上 曰 無之者,「譽」、「懼」雖不同,而皆可謂之善,凶則不可 而多凶。 同功。 然其位則有貴賤之異。 貴者,剛 居剛爲適 集説侯氏行果曰:「三、五 宜而多功。 賤者,剛居剛爲太 「二多譽,四 言邪 剛

也,而辨是與非,舉具其中矣。」也,而辨是與非,舉具其中矣。」也,而辨是與非,舉具其中矣。」。□立。○蔡氏清曰:「或遠或近,或貴或賤,此所謂「撰德」百也。」○蔡氏清曰:「或遠或近,或貴或賤,此所謂「爻言也。」○蔡氏清曰:「或遠或近,或貴或賤,此所謂「爻言也。」○蔡氏清曰:「或遠或近,或貴或賤,此所謂「爻言也。」○蔡氏清曰:「或遠或近,或貴或賤,此所謂「爻言也。」○蔡氏清曰:「或遠或近,或貴或賤,此所謂「爻言也。」○蔡氏清曰:「或遠或近,或貴或賤,此所謂「爻言也。」○蔡氏清曰:「或遠或近,或貴或賤,此所謂「撰德」

李懼,或多凶或多功,又或柔危而剛勝,此所謂「撰德」

也,而辨是與非,舉具其中矣。」

之,須分別融會,乃得經意。案:柔危、剛勝,吴氏以爲指五,胡氏以爲指三,侯氏兼

猶未敢輕言之,韋編三絕有以夫。」 求之而已。 以此例論。此章爲《易》之凡例,求卦爻之義者,執此 之地,故惟重在德行也。 者、蓋初、上非用事之地,故所重 總論何氏楷曰:「章末覆舉中爻,所以略初、上不 然僅曰「要」、曰「多」、曰「過半」,則雖聖人 若夫卦主在初、 在時位。 上者 中四 [爻用 則 不 可 言

「周流」者也。「唯變所適」,所謂「屢遷」者也。此則「爻屢遷」者,於「周流六虚」見之。「无常」、「相易」,所謂案:此上二章,申「爻之動乎内,而吉凶見乎外」也。「道

焉,有地道焉。兼三才而兩之,故六。六者 《易》之爲書也,廣大悉備,有天道焉,有人道 子孫者,又使人無有師保之嚴,但如臨父母之親而已。 開示人以憂患,與其所以致憂患之故,不啻父母之謀其 之間,各循乎法度而知懼,蓋凛乎師保之嚴矣。 之動乎内」者,及「繋辭而吉凶見」,則使人於日用出 爻則其趨時之物而已,故知者觀彖辭而爻義已大半得. 之位,玩辭者擬其初,竟其終,參合其物理,以辨其是非 雖無位,而爲事之始終,自二至五,則居中而正,爲用事 常,而欲體其道而行之,則所謂「不可遠」者,又存乎其 夫是以由其辭而揆之,則「不可爲典要」者,未嘗不有典 用事,則有譽有懼,有凶有功,非初、上無位而或在功過 此又學《易》之要也。又舉中四爻而申之,以見凡當位 而求其備,此學《易》之法也。然象者括始終以立體,而 人之不遠於道也。下文遂以辭之典常言之,大約初、上 之外者比也。聖人所謂明憂患與故者,於此尤諄諄焉。 再觀其 人

爻爲人,下二爻爲地。 集説 項氏安世曰:「言聖人所本義三畫已具三才,重之故六,而以上二爻爲天,中二

非它也,三才之道也

兩,不得而不六也。」以兼三才而兩之者,非以私意傳會三才之道,自各有

雜,故曰文,文不當,故吉凶生焉。道有變動,故曰爻,爻有等,故曰物,物

相

變,聖人設爻以效三者之變動,故謂之爻者也。」〇孔氏 差。「相雜」,謂剛柔之位相間。「不當」,謂爻不當位。 則吉凶不生。由文之不當,相與聚居不當於理,故吉凶 之類,故謂之物也。若相與聚居,閒雜成文,不相妨害, 曰爻也。物者,物類也。爻有陰陽貴賤等級以象萬物 穎達曰: 「三才之道,既有變化移動,故重畫以象之,而 變,地道有剛柔燥濕之變,人道有行止動静吉凶善惡之 〇此第十章。 畫曰爻。爻者,傚也,言六畫能傚天下之動也。爻有貴 而兩之,故三才之道皆有變動。 居陰位,六居陽位也。」〇李氏簡曰:「一則無變無動,兼 者,初、三、五與二、四、上,陰陽相間也。 安世曰:「爻有等者,初、二、三、四、五、上也。 生也。」○張子曰:「「故曰爻」,爻者交雜之義。」○項氏 本義「道有變動」,謂卦之一體。「等」,謂遠近貴賤之 集説 陸氏績曰:「天道有晝夜日月之 以其道有變動,故名其 文不當者,九 物 相 雜

位論。」 陽居陰位,陰居陽位也。 賤上下之等,故曰 吴氏曰慎曰: 情若慝,反以當位爲凶,要在隨時變易得其當而已。」〇 者,則吉凶於是而生矣。」〇何氏楷曰:「不當者,非專指 而位不當者,亦有以柔居柔、以剛 曰:「文既相雜,豈能皆當? 交錯之際,有當不當,吉凶由是生焉。]〇汪氏 「以時義之得爲當,時義之失爲不當,不以 物。 物有九六,雜居剛柔之位 卦情若淑,或以不當爲吉,卦 故有以剛居柔、以柔居剛 居剛而位未必皆當 則 成 池 成

始,其要无咎。此之謂《易》之道也。易者使傾。其道甚大,百物不廢。懼以終文王與紂之事邪,是故其辭危。危者使平,《易》之興也,其當殷之末世,周之盛德邪,當

也」、《易》中凡說有喜、有慶、吉、元吉,都是及於物處,此第十一章。 集說張氏杖曰:「既懼其始,使人防微此第十一章。 集說張氏杖曰:「既懼其始,使人防微此第十一章。 集說張氏杖曰:「既懼其始,使人防微此第十一章。 集說張氏杖曰:「既懼其始,使人防微本義危懼故得平安,慢易則必傾覆、《易》之道也。○

昏暴」,天之道也。」 「使者,天理之自然,若或使之也,所謂「殖有禮,覆 に《易》之道」,與「其道甚大」道字正相應。」○何氏楷 「《易》之道」,與「其道甚大」道字正相應。」○何氏楷 「使者,天理之自然,若或使之此,若有以使之也。 「使者,天理之自然,若或使之此,所謂「殖有禮,覆 」,與「與「其道甚大」道字正相應。」○何氏楷 「成易》之道」,與「其道甚大」道字正相應。」○何氏楷 「成易》之道」,與「其道甚大」道字正相應。」○何氏楷 「成易》之道」,與「其道甚大」道字正相應。」○何氏楷 「成易》之道」,與「其道甚大」道字正相應。」○何氏楷 「成易》之道」,與「其道甚大」道字正相應。」○何氏楷 「成易》之道」,與「其道甚大」道字正相應。」○何氏楷 「成易》之道」,與「其道甚大」道字正相應。」○何氏楷

上心如見焉,故曰「聖人之情見乎辭」。 而趨於平也。是所謂以身立教,反覆一編之中,千載之 之患,是故其因事設戒者,無非欲人戰戰兢兢,免於咎 焉,而辭未備也。 矣,故曰「功業見乎變」。 名爲文,相錯則有當有否,而吉凶於此生,大業於此 之位不同也。 所謂變者,生於三才之道,以兩而行,交合相濟,迭用 案"此上二章,申「功業見乎變,聖人之情見乎辭」也。 窮也,寫之於《易》,則以其兩相交也。 而名爲物,所以處是位者,又相錯也。 文王當殷商之衰,忘己之憂,而 雖然,上古之聖以是濟 而名爲爻,所處 民 惟 起 而 不 世 用

坤,天下之至順也,德行恒簡以知阻。夫乾,天下之至健也,德行恒易以知險。夫

本義至健則所行无難,故[易]。

至順則所行不繁,故

旦 也。 傾也。 軾曰:「已險而能知險,已阻而能知阻者,天下未嘗有 難以此之故。 其有憂患,則健者如自高臨下 下繁壅之機。]〇李氏簡曰: 照天下險巇之情。 見下之險,故不敢行。 道。」○《朱子語類》云:「險與阻不同。 者必見。 阻之所興,若不簡則爲阻難,故行簡以知阻也。] 〇蘇氏 知險也。 而又知阻 上而知其阻。 簡」。 天下之至阻者,至簡者也。」〇胡氏炳文曰:「前言乾 不能知險,知天下之至險者,至易者也,阻不能知阻,知 敢進。」〇項氏安世曰:「易與險相反,唯中心易直者能 「簡易然後 是故處下以傾高,則高者畢赴, 然其於事,皆有以 ,此言乾坤之所以爲易簡。 集説孔氏穎達曰:「乾之德行恒易畧,不有艱 易簡 坤之德行恒爲簡静,不有繁亂以此之故。 ,則不困於阻 能知險之所興,若不易則爲險,故行易以 蓋雖易而能知險,則不陷於險矣。 知險阻 以觀險 簡 與阻 阻是自下觀上,爲上所阻,故不 阻,則 矣。 ,簡易理得, 知其難而不敢易以處之,是以 相反,唯行事簡静者能 所以能 「兩險相疑,兩阻相持,則險 險阻 而知其險,順者如自下趨 無 危能懼,而无易者之 然後 蓋乾之德行所以 用晦以求明,則明 險是自上視下. 一以貫天下之 矣。」〇 既簡 察天 張 知 坤 恒

利貞」,此天下之至健者也,「安貞之吉,應地无疆」,此聖」相似,皆以人言。君子行此四德者,故曰「乾,元亨至健,天下之至順,猶《中庸》云「天下至誠」、「天下至至人不可也? 坤,天下之至順也。」○蔡氏清曰:「天下之易者,何也? 乾,天下之至健也。坤之德行所以恒衞

天下之亹亹者。 能説諸心,能研諸侯之慮,定天下之吉凶,成

天下之至順者也。」

了。 亹。 説諸心,能研諸 曰 : 日 也。 這事業。」〇張氏拭曰:「心之説也,不忤於理,慮之研 定天下之吉凶,是剖判得這事。 我所有,慮其不然,能無研乎?」〇《朱子語類》云: 有以定吉凶"「研諸慮」,故有以 本義「侯之」二字衍。 「簡易者我心之所固有,反而得之,能無説乎? 「易簡故能説諸心,知險阻故能研諸慮。」○朱氏震 「研諸慮」者,理因慮審,坤之事也。 於事上更審一 凡事見得通透了,自然歡說。 慮,方始能定天下之吉凶,成天下之亹 審,便是研諸慮。 「説諸心」者,心與理會, 成天下之亹亹,是作得 成亹亹。 既説諸 研是更去研磨。 「説諸心」,故 心,是理會得 集説張子 ,乾之事 能 以

「能」。見此理人人具有,唯聖人能説能研耳。」曰:「「能説諸心,能研諸慮」,二「能」字應下「成能」之勉於事功者,莫不弘之不息以成其功矣。」〇谷氏家杰也,不昧於事,則得者爲吉,失者爲凶。吉凶既定,則凡也,不昧於事,則得者爲吉,失者爲凶。吉凶既定,則凡

是故變化云爲,吉事有祥,象事知器,占事知

來。

本義「變化云爲」,故象事可以知器。「吉事有祥」,故本義「變化云爲」,故象事可以知器。「吉事有祥」,故本義「變化云爲」,故象事可以知器。「吉事有祥」,故本義「變化云爲」,故象事可以知器。「吉事有祥」,故本義「變化云爲」,故象事可以知器。「吉事有祥」,故本義「變化云爲」,故象事可以知器。「吉事有祥」,故本義「變化云爲」,故象事可以知器。「吉事有祥」,故

云"「天地設位」四句,説天人合處。「天地設位」使聖本義「天地設位」,而聖人作《易》以成其功,於是「人謀天地設位」,而聖人作《易》以成其功,於是「人謀天地設位,聖人成能。人謀鬼謀,百姓與能。

也。」 用。」〇胡氏炳文曰: 者,先須謀諸人,然後乃可問易,雖聖人亦然,故《洪範 得以與聖人所已成之能也。」○蔡氏清曰:「凡卜筮問易 能」與『與能」、雖大小不同、然亦是小小底造化之功 曰:『謀及卿士,謀及庶人,然後曰謀及卜筮。」又曰: 人成其功能,「人謀鬼謀」則 「朕志先定,詢謀僉同,然後鬼神其依,龜筮協從是 「聖人成天地所不能成之能 雖 百 姓 亦 可 與其 能 ,百姓 「成

八卦以象告,爻彖以情言,剛柔雜居而吉凶

可見矣。

憬 曰 : 繁辭,而假爻象以言,故曰「爻彖以情言」。 也。 推,而物雜居,得理則吉,失理則凶,故「吉凶可見」也。」 言,則吉凶可見矣。」 ○蔡氏清曰:「八卦以象告,則剛柔雜居矣。 本義「象」,謂卦畫。 「爻」謂爻下辭,「彖」謂卦下辭,皆是聖人之情見乎 「伏羲始畫八卦,因而重之,以備萬物 「爻彖」,謂卦、爻辭。 六爻剛柔相 集説 爻彖以情 而告於人 崔 氏

變動 吉凶生,遠近相取 以 利言,吉凶 而 以 悔吝生,情僞 情遷,是故 愛惡 相 感 相 而 攻 利 而

害生。凡《易》之情,近而不相得則凶,或害

之,悔且吝。

取遠應而舍近比,或取近比而舍遠應,由此遠近相取, 説崔氏憬曰: 吉凶、悔吝、利害之三、辭,分出於相攻! 下,皆言「吉凶以情遷」之事,而以六爻之情與辭明之。 所以生悔吝於繫辭矣。」○項氏安世曰:「「愛惡相攻」以 本義「不相得」,謂相惡也。 以利害言之。「相取」則有事矣,故以「悔吝」言之。「相 成也,故總而名之曰「吉凶」。「相感」者,情之始交,故 者,商畧其事有利有不利也,悔吝則有迹矣,吉凶則其 法,必各象其爻之情,故觀其辭可以知其情。 情,而總屬於相近之一情,此四者,爻之情也。 居皆有遠近,其行皆有情僞,其情皆有愛惡也,故總以 就淺深分之,若錯而綜之,則相攻、相取、相感之人,其 攻1則其事極矣,故以吉凶言之。 愛惡、遠近、情僞,姑 矣,以僞相感而害生矣,不以近相取而悔吝生矣,是則 「相近」一條明之。 「近而不相得」,則以惡相攻而凶 近之中,備此三條也。 「遠,謂應與不應。 凡爻有比爻,有應爻,有 凶害悔吝,皆由此生。 近,謂比與不比。 、相取、相感之三 「利害」 命辭之 集 或 掛 生

也。 取而悔吝。 不相得,情相得者,遠相取而悔吝。情不相得者,近 以情遷」,則皆該利害與悔吝矣。]〇林氏希元曰:[[近 末句先凶次害,又次悔吝,而凡曰「吉凶見乎外」、「吉凶 又有害而悔且吝矣。」〇又曰:「「吉」、「凶」、「悔」、「吝」、 爲貴,不相得而遠者亦無害,唯是近而不相得者則凶 等説,下文卻合言之曰:大抵凡《易》之情,近而相得者 其於害悔吝可知已。]○蔡氏清曰:「「愛惡相攻」三句平 初之以僞感,終至於惡而相攻,是以凶耳。 下,獨舉近者總言之,近而相取,其情乃不相得,此必其 悔、无咎從可知也。」〇胡氏一桂曰:「『凡《易》之情』以 澄曰:「害者,利之反,凡占曰「不利」、「无攸利」者,害 居之近者,其吉凶尤多,故聖人、槩以近者明之。」〇吴氏 之,反以三隅,則遠而爲應爲主者,亦必備此三條矣,但 之主爻,皆情之當相 者,舉近則遠者可以三隅反也。 攻」兩句亦解。 而不相得」,是解「遠近相取而悔吝生」一句,并「愛惡 「利」、「害」六字,大抵吉凶重於利害,利害重於悔吝,故 近而不相得則凶害悔吝,其相得則吉利、悔亡、无 但此意未明,故於此發之。只曰近不曰 蓋『遠近相取而悔吝生』,這裏分情 得者也。 今稱近者,止據比 夫「近而不相得則凶」, 既至於凶 爻言 相 遠 相 得

其近也,故曰是併解「愛惡相攻」兩句。」可見惡相攻而凶生者以其近也,僞相感而害生者亦以

案: 皆以近爲相比之爻,於《易》例未盡。 在 應皆近也。 四而言之,則有遠近之别,此就六爻而統論之,則比與 也,柔之爲道,不利遠者」,故必以相比爲近,然彼就二、 之應,地雖遠 之時則争,是「愛惡相攻」者,由於時也。 而生,若愛惡情僞則從何處生來? 爲近,乃爲完備。○《易》之情,其有遠近者,固從爻位 近之稱也。 爻,有曰婚媾者,有曰宗者,有曰主者,有曰類者,皆親 也,如雖無比而有應,亦不得謂之遠實矣。 異,位異則有遠近矣,如《比》之「内比」「外比」、《觀》之 有愛惡矣,如泰之時則交,否之時則隔,比之時則和 德别則有情僞矣,如《同人》五之「號咷」,《豫》二之「介 也,是「遠近相取」者,由於位也。 「觀光」者,近也,《蒙》之「困蒙」,《復》之「迷復」者,遠 「時」、「位」、「德」三字上取。 此條諸説相參,極詳密矣,然尚有須補備者。 觀蒙之六四曰「獨遠實也」,以其比應皆陰 「遠近相取」,須分無比應者爲遠,有比應者 而情則近也。 先儒蓋因上章「四多懼,近 時隨卦義而變,時變則 德由剛柔當否而 須知易爻吉凶,皆 應爻雖遠,然既謂 位逐六爻而 故《易》於應 諸 别 :訟 説

相取 也。 義莫備於此章矣。 者可以三隅反也。 如豫、萃之三,雖以近而從四,然以 僞之端者也,兑之介疾孚剥是也。 攻、以近相取、以僞相感,人事之險阻備矣。 而無以相感也,又其次也。 遠,則雖愛而不得相親也,不近而不能相取也,雖有 者、皆以比應言之、故下獨舉「近而不相得」以見例。 無所謂相取也,無所謂 彼已之交者,比也,應也 皆吉凶悔吝之根,然其發動皆因彼己之交而起。 應五字,又須知時、 者此也。《易》者教人知險知阻,故特舉此條以見例,餘 極其惡之情者也,同人三之敵剛是也。 丽 之變,位有貴賤上下之異,德有剛柔善惡之別, 不中正也,是「情僞相感」者,由於德也。時有消息盈 石」,以中正也;《同人》三之「伏戎」、《豫》三之盱豫,以 相得,相愛者也,相取者也,以 也 不相得者而遠,則雖惡而不能相攻也,不近 , 雖僞 而不與 故觀《易》者,須先知時 位、德之當否,皆於比應上發動,其 相 相感 感也,善之次 ,非因比應,則 惟近而不相得,則以惡 也,所謂 情相感者也,善之善者 輕者猶不免於悔吝 非同類而 也。 相 無所謂相 次者則害,防其 攻、相 宜 大者則 位、 相得 取、 日悔日 而不 此三 攻 所謂 相 者 此 凶 也 吝 相 得 近 情 而 感 虚

反,故「知險」,簡與阻反,故

知阻

」,以是「説諸心」,即

案:此章亦總上十一章之意而通論之。易簡即

上下傳

首章所謂乾坤之理,而聖人體之以立極者,故此即以乾

坤爲聖人之名稱,見易道之本,聖心所自具

也。

易與險

寡,躁人之辭多,誣善之人其辭游,失其守者將叛者其辭慙,中心疑者其辭枝,吉人之辭

其辭屈。

守者必見義不明而内無所主,故其「辭屈」。」〇吴氏澄 辭以情遷者,驗《易》之辭以情遷也。」 是爲一篇始終之脉絡云。」○張氏振淵曰:「此節即人之 之傳,蓋唯聖人之情,能知《易》之情而繫《易》之辭也。 道,而首末皆言彖爻之辭,末又本於《易》之情以終繫辭 辭,且以本於聖人之情。至此卒章凡三節,其中亦言四 曰:「此篇之首,泛言辭、變、象、占四道,而末句歸重於 誣善類者必深匿其跡而陰寓其忮,故其「辭游」。 見理直,故其「辭寡」。 疑於中者必泛其説,故「中心疑者其辭枝」。 氏申子曰:「歉於中者必愧於外,故「將叛者其辭慙」。 本義卦爻之辭,亦猶是也。 躁競之人急於售,故其「辭多」。 〇此第十二章。 吉德之人 集説王 失其

> 施者六,反切上章所謂有憂患者其辭危也。 於聖人之心矣。於是仰觀變化,俯察云爲,「知以藏往」 之功以成,百姓之行以濟也。「爻象動乎内」者以象告, 人之情見乎辭者」以情遷。時有順逆而愛惡生焉,位有人之情見乎辭者」以情遷。時有順逆而愛惡生焉,位有人之情見乎辭者」以情遷。時有順逆而愛惡生焉,位有人之情見乎辭者」以情遷。時有順逆而愛惡生焉,位有人之情見乎辭者」以情遷。時有順逆而愛惡生焉,位有人之情見乎辭者」以情遷。時有順逆而愛惡生焉,位有人之情見乎辭者」以情遷。時有順逆而愛惡生焉,反刺爲、以是「研諸慮」,凡天下所謂吉凶亹亹者,固已豫定取成以是「研諸慮」,凡天下所謂吉凶亹亹者,固已豫定取成以是「研諸慮」,凡天下所謂吉凶亹亹者,固已豫定取成以是「研諸慮」,凡天下所謂吉凶亹亹者,固已豫定取成

御纂周易折中卷十五

六一四

御纂周易折中卷十六

文言傳

本義此篇申《彖傳》、《象傳》之意,以盡乾坤二卦之藴,

元者,善之長也,亨者,嘉之會也;利者,義而餘卦之説,因可以例推云。

本義「元」者,生物之始,天地之德,莫先於此。故於時為春,於人則爲仁,而衆善之長也。「亨」者,生物之通,為春,於人則爲仁,而衆善之長也。「亨」者,生物之通,為春,於人則爲仁,而衆善之長也。「亨」者,生物之通,為春,於人則爲禮,而衆善之人也。「亨」者,生物之通,為春,於人則爲義,而得其分之和。「貞」者,生物之通,成,實理具備,隨在各足,故於時爲冬,於人則爲禮,而衆美成,實理具備,隨在各足,故於時爲冬,於人則爲智,而衆美、於人則爲者,生物之始,天地之德,莫先於此。故於時之和也,貞者,事之幹也。程

傳它卦,象、象而已,獨乾坤更設《文言》以發明其義,推

之。」〇項氏安世曰:「善也,嘉也,義也,皆善之異名也。 爲「事之幹」。」〇又云:「正字不能盡貞之義,須用連正 和,不和生於不義,義則無不和,和則無不利矣。二〇又 是當然便安否。」曰:「是。正好去解「利者義之和」句。 者義之和」,義,疑於不和矣,然處之而各得其所則和, 來湊會。嘉,只是好處,會,是期會也。二〇又云:「「利 者嘉之會」?」曰:「且以草木言之,發生到夏時,好處都 於義也。「貞」者,幹事之用也。集説《朱子語類》: 者、衆善之首也。「亨」者、嘉美之會也。「利」者、和合 乾之道施於人事。「元亨利貞」,乾之四德,在人則「元」 立爲事,此一理而四名也,故分而爲四,則曰[元者善之 者是如何? 固説,其義方全,正如孟子所謂「知斯二者弗去」是也 云:「「貞者事之幹」,知是那默運事變底一件物事,所以 義截然而不可犯,似不和,分别後萬物各止其所,卻是 義之和處便是利。」○「問:「程子曰「義安處便爲利」,只 在事之初爲善,善之衆盛爲嘉,衆得其宜爲義,義所成 「知斯」是正意,「弗去」是固意。 幹問:又有所謂不可貞 「元」乃爲四者之長,是善端初發見處也。」○「問:「「亨 問"「「元者善之長」。」曰:「「元亨利貞」皆善也,而 曰"也是這意思,只是不可以爲正而固守

之也。」
之也。」
之也。」
之也。」
之也。」
之中」,
如謂能順之也。「事之幹」,幹謂能立
我而爲一,則曰「乾始能以美利利天下,不言所利大矣
混而爲一,則曰「乾始能以美利利天下,不言所利大矣

以和義,貞固足以幹事。君子體仁足以長人,嘉會足以合禮,利物足

不和。 成,西 利物者乎? 非理安有亨乎? 得會通之嘉,乃合於禮也。 之道,足以長人也。 也,故足以爲事之幹。 本義以仁爲體,則无一物不在所愛之中,故「足以長 長,故能體仁,仁主春生,東方木也。 禮,禮主夏養,南方火也。 利爲物宜,足以和義,義主 「天運四時以生成萬物,君法五常以教化於人。 嘉其所會,則无不合禮,使物各得其所利,則義 方金也。 貞固者,知正之所在而固守之,所謂知而弗去者 貞固所以能幹事也。 貞爲事幹,以配於智,智主冬藏,北方水 和於義乃能利物,豈有不得其宜而 體仁,體元也。 程傳體法於乾之仁,乃爲君長 不合禮則非理,豈得爲嘉? 集説李氏鼎祚曰 通爲嘉會,足以 比而效之謂之體, 元爲 善 秋 合 能 无

體」者,猶言自家一箇身體,元來都是仁。] 〇又云: 我之體,我之體便都是仁也。」又曰:「《本義》云「以仁爲 乃 是嘉之會。嘉,美也。 於此,衆善百行皆統於此,故於時爲春,於人爲仁。 以下四句,説人事之當然。 之長」以下四句,説天德之自然,「君子體仁足以長人」 「嘉會」、「利物」似不同。」曰:「屬北方者,便著用兩字, 便植立不起,自然倒了。」「問:「「貞固」二字與「體仁」、 是與立箇骨子,所以爲事之幹。 之幹,事如木之枝葉,貞固者,正而固守之。 貞固在事 使之各得其宜,則其和也,孰大於是。]〇又云:「幹如木 臣恭於下,尊卑大小,截然不可犯,似若不和之甚,然能 正位乎外,女正位乎内,直是有内外之辨。君尊於上, 又云:「看來義之爲義,只是一箇宜。 此,故謂之嘉會。嘉其所會,便動容周旋無不中禮。]○ 木,非土不載。」○《朱子語類》云:「體仁,不是將仁來爲 也。不言信者,信主土,土居中宫,分王四季,水 方能盡之。』.○「問:【《文言》四德一段。」曰:「「元者善 「嘉,美也。會,是集齊底意思。 無 一物不暢茂,其在人則禮儀三百,威儀三千,事事 會,猶齊也。 元是善之長,萬物生理皆始 欲爲事而非此之貞固. 許多嘉美, 蓋 其初則甚嚴,如男 春方生育,至此 時鬭湊到 火 亨 金

幹」,萬物至此收斂成實,事理至此無不的正,故於時爲 夏,於人爲禮。 中。 和,知其正之所在,固守而不去,故足以爲事之幹。 使事物各得其宜,不相妨害,自無乖戾而各得其分之 美,當美其所會,蓋其厚薄親疏尊卑小大相接之體,各 我發出,故無物不在所愛,所以能長人。欲其所會之 冬,於人爲智。此天德之自然,其在君子所當從事於此 理至此無不得宜,故於時爲秋,於人爲義。「貞者事之 物 理以及用, 嘉會合禮, 利物和義, 則由用以及理也。」〇 嘉會則美見乎外,利物有以方乎外,而貞固 如版築之有楨幹。』」〇胡氏炳文曰:「體仁有以存諸中, 有節文,無不中節,即所會皆美,所以能合於禮也。 董氏真卿曰:「朱子謂「屬北方者,便著用兩字,方能 交接,四德爲貞,亦貞下起元,十二辰爲亥子,六十四卦 北方者皆兩,東西南三方者各一。 之義,故北字篆文,兩人相背,至於四端、五臟、四獸,屬 之」,幼時聞先君子之言曰: 北方,天氣之終始,有分別 物, 體者,以仁爲體,仁爲我之骨,我以之爲體,仁皆從 禮者仁之著,智者義之藏,體仁長人,貞固幹事,由 齊到恰好處,所謂 「利者,義之和」,萬物至此各遂其性,事 動容周旋 四時爲冬,亦與春爲 皆中禮,故於時 有以守於 幹 能 盡 爲

君子行此四德者,故曰乾元亨利貞。

類》: 又有不同。 辭,至孔子《彖傳》,乃有四德之説。 子。二〇蔡氏清曰:「「元亨利貞」四字,在文王只爲占 語甚穩當。」又曰:「「乾元亨利貞」,他把「乾」字當君 古語也。 下文別以「子曰」,表孔子之辭,蓋傳者欲以明此章之爲 不異,疑古者已有此語,穆姜稱之,而夫子亦有取焉,故 ○此第一節,申《彖傳》之意,與《春秋傳》所載穆姜之言 本義非君子之至健,无以行此,故曰「乾元亨利貞」。 「問:「「乾元亨利貞」,猶言性仁義禮智。」曰:「此 程傳行此四德乃合於乾也。 天之四德,自其生成萬物者言也,聖人之四 然其所謂四 集説《朱子語 [德者]

用也,四德無乎不在也,又見乾字所該者廣也。」一身所行而言也。一身所行者其體也,統治一世者其德,自其統治一世者言也,至此所謂四德,又只就君子

不見是而无悶,樂則行之,憂則違之,確乎其而隱者也,不易乎世,不成乎名,遯世无悶,初九曰「潛龍勿用」,何謂也? 子曰:龍德

不可拔,潛龍也

陽之微、「龍德」之潛隱,乃聖賢之在側陋也。守其道、 淺深也。 守。大抵乾卦六爻、《文言》皆以聖人明之,有隱顯而 雖逐物推移,心志守道,確乎堅實其不可拔。○○游氏酢 穎達曰:「心以爲樂,己則行之,心以爲憂,己則違之,身 動,知難而避,其守堅不可奪潛龍之德也。 不隨世而變,晦其行,不求知於時,自信自樂,見可而 本 在我,故「遯世无悶」。「不成乎名」者,非譽不在物,故 曰:「「龍德而隱」,故「不易乎世」。 「不見是而无悶」。」〇吴氏澄曰:「「樂則行之」釋上文 義「龍德」,聖人之德也,在下故隱。「易」,謂變其所 程傳自此以下言乾之用,用九之道也。 「不易乎世」者,用 集説孔氏 初九 舍 无

> [无悶]二句。「憂則違之」釋上文「不易」、「不成」二句。 「樂」者,謂无悶也。「行之」,謂爲之也。「憂」者,謂非 人者,此其所樂也,則爲之,易乎世、成乎名者,此非其 人者,此其所樂也,則爲之,易乎世、成乎名者,此非其 於也,故曰「樂則行之」,不用而隱遯者,非聖人之所 於此,故曰「樂則行之」,不用而隱遯者,非聖人之所 於此,故曰「樂則行之」,不用而隱遯者,非聖人之所 於此,故曰「樂則行之」,不用而隱遯者,非聖人之所 於一,故曰「樂則行之」,不用而隱遯者,非聖人之所 於一,故曰「樂則行之」,不用而隱遯者,非聖人之所 於一,故曰「樂則行之」,不用而隱遯者,非聖人之所 於一,故曰「樂則行之」,不用而隱遯者,非聖人之所 於一,故曰「樂則行之」,謂爲之也。「憂」者,謂非 其意必也,論龍德之隱,必至是而後盡。」

案:吴氏、蔣氏兩説不同,而皆可通。

應也者,釋「大人」之爲九二也。程傳以龍德而處正中謹,盛德之至也。「閑邪存其誠」,无數亦保之意,言君謹,閑邪存其誠,善世而不伐,德博而化。本義「正中」,不潛而未躍之時也。常言亦信,常行亦本義「正中」,不潛而未躍之時也。常言亦信,常行亦本義「正中」,不潛而未躍之時也。常言亦信,常行心。引起德而正中者也。庸言之信,庸行之九二曰「見龍在田,利見大人」,何謂也?子九二曰「見龍在田,利見大人」,何謂也?子

邪惡,自存誠實,爲善於世而不自伐其功,德能廣博 氏穎達曰:「庸,常也。 物正也。 矣。「善世而不伐」,不有其善也。「德博而化」,正己 於是也。 者 當保也。保者,持守之意。」〇又云:「「利見大人,君德 至,到這裏猶自閑邪存誠,便是無斁亦保,雖無厭斁,亦 於俗也。]〇《朱子語類》云:「「庸言」、「庸行」,盛德之 變化於世俗,初爻則全隱遯避世,二爻則漸見德行以 博而化者也。」○李氏舜臣曰:「乾畫」,實則誠,坤 陸氏九淵曰:「言行之信謹,二之所以成己者也。 『善世 也。」兩處說「君德」,卻是要發明「大人」即是九一。」〇 化」,德之及乎物者也。彼其所以閑而存者,乃其所以 所以不伐者也。「閑邪存其誠」,存諸己者也。「德博 而不伐了,二之所以成物者也。 中」者,一 包犧心畫 虚則生敬。 「中正」者,二事也,二五爲中,陰陽當位爲正。 也。 在卦之正中,爲得 既處无過之地,則唯在閑邪,邪既閑,則誠 皆大人之事,雖非君位,君之德也。 事也,但取其正得中位,非以當位言也。」〇又 ,而實天地自然之理也。」○項氏安世曰: 故乾九二言誠,坤六二言敬,誠敬二字始於 常言之信實,常行之謹慎,防 正中之義。 彼其所謂信謹者,乃其 庸 信 庸謹 集説 造次 稱「正 畫---閑 而 存 必 丽 化 而 孔

> Ľ 也; 曰: 物,無苟高也,惟其信,無擇言矣,行必有則,無苟 儒謂「誠敬者聖學之源」,皆出於此。」〇何氏楷曰:「道 二卦,又易學之宗也。子思、孟子言「誠者天之道」,先 龍位之中也。」○馮氏椅曰:「《易》者理學之宗,而乾坤 言》兩稱「君德」,明非君位也,此又稱「龍德」之中,明非 止於中,中寓於庸。 惟其謹 「以在下卦,又非 ,無擇行矣。 陽 庸者常也,平無奇之名。 位,故不 信謹,誠也,天德也,一實焉而 爲中 位 而 爲中德。 言必 灸文 難 有

九三曰「君子終日乾乾,夕惕若厲,无咎」,何也。 子曰:君子進德脩業,忠信所以進謂也? 子曰:君子進德脩業,忠信所以進出。 子曰:君子進德脩業,忠信所以進

而惕,雖危无咎矣。

誠,則无以居之。「知至至之」,進德之事。「知終終於事者,无一言之不實也。雖有忠信之心,然非脩辭立本義「忠信」,主於心者,无一念之不誠也。「脩辭」,見

於德有先見之明也。

行其實以稱之也。

居下之上,而君德已著,將何爲哉? 既知所終,則力進而終之,守之在後,故可與存義。 内積忠信,所以進德也,擇言篤志,所以居業也。 者,欲進益道德,脩營功業,故終日乾乾,匪懈也。 是,故知處上下之道而无驕憂,不懈而知懼,雖在 辭,正爲立己之誠意。]○吕氏大臨曰:「「忠信進德」,如 是要立誠,若只是脩飾言辭爲心,只是爲僞也。 終之1也,於分有當安之義也。1〇《朱子語類》云:「「德」 有諸己又知所以充實之也。「脩辭立其誠」,正名是事: 「終條理」者,聖之事也,此學之始終也。 所謂始條理者,知之事也。「知終終之」,力行也。 可上可下,不驕不憂,所謂「无咎」也。 集説孔氏穎達曰"「九三所以「終日乾乾」 求知所至而後至之,知之在先,故可與 脩業則知終,存義也。」○程子 所立卓爾而欲從之,「知至至之」也, 人不堪其憂,而不改其樂,「知終 而夕猶惕若者,以 言能脩省言辭,便 唯進德脩業而已。 君子之學如 程 脩其言 「知至 傳 Ė 進德 危地 所 此 誠」,誠依舊便是上面忠信。「脩辭」是言語照管得 有種子下在泥中,方會日見發生,若把箇空殼下在 信1只是實,若無實,如何會進? 實,「脩辭立其誠」是説處有真實底道理。」○又云: 是就心上説、「業」是就事上説、「忠信」是 誠」作「擇言篤志」, 説得來寬, 不如明道説云: 誠 作没緊要,容易説出來,若一一要實,這工夫自是大, 也?」曰:「人不誠處多在言語上。」又曰:「人多將言語 同。」〇「問:「「立誠」不就制 日,日振作似一日,不是外 裏面,亦須照管得到。「進德」是自覺得意思,日强似 日進一日,若不實,卻自無根了,如何會進?「立其 方始那孝之德日進一日,如弟須實是弟,方始那弟之德 口説過,濟甚事? 面,如何會發生? 綱説,所以「進德脩業」之道。 「知至」、「知終」,則又詳 辭,正爲立己之誠意。」] 〇又云:「「忠信」、「脩辭」,且大 亦被汨没動盪立不住了。」 〇又云:「伊川解 「忠信進德」便是見得「脩辭立誠」底許多道理,「脩辭立 」便要立得這忠信,若口不擇言,逢事便説,只這忠信 忠信所以爲實者,且如孝須實是孝, 道理須是實見得,若徒將耳聽過,將 面 行上説,而特指「脩辭」, 事, 如播種相似,須是實 只是自見得

謂

而无咎也。

則知至,將進也。

「「脩辭立其誠」,不可不子細理會。

至之」,致知也。

故也。

之」,居業之事。

所以

「終日乾乾」

自家心

中誠

二忠

裹

「脩其言 「脩辭立

到

那

意

思

何 不

其始終工夫之序如此。 見其道之極致,「終之」乃力行而期至於所歸宿之地也 其道之所止,「至之」乃行矣而驗其所知也。 「知終」則 之學所以爲内外兩進,而非判然二事也。 然藴於心者所以見於事,脩於事者所以養其心,此聖人 到,故其精微幾密,一齊在此,故曰「可與幾」。 「知終終 乾乾,又安有一息之閒哉?」〇又云:「「知至至之」者, 知而行,行而知,二者交相警發,而其道日益光明,終日 與「知終終之、可與存義」都是住底字、「進德」是日日 字貼著那「存」字、「終」字又貼著那「居」字。「幾」是心 故天下義理都無走失,故曰「可與存義」。」〇又云: 之1者,既知到極處,便力行到極處,此真實見於行事 言此心所知者,心真箇到那所知田 内,義以方外」分屬乾坤,蓋取健順二體。 新,「居業」是日日如此。」〇「問:「脩業居業之别。」曰: 上說,「義」是那業上底道理。」〇又云:「「忠信進德」與 「「進」字貼著那「幾」字、「至」字又貼著那「進」字、「居」 是守。」] 〇又云:「「忠信進德」、「脩辭立誠」與「敬以 二者只是一 知至至之,可與幾也」這幾句都是去底字,「脩辭立誠. 意。 居,守也。 「忠信」,心 逐日脩作是脩,常常 地,雖行未到而心已 也。 「脩業」,事 「知至」則知 忠信立誠自 如 也 直 此

誠 每應一 矣。 就初閒存主上説。「脩辭立誠」,就後來事到就緒上説 之見於外者脩矣。」〇又曰:「誠,即「忠信」也。「忠信」, 其所言,則是誠有所歸宿安頓處,是之謂「立誠」,而 心,無少間斷也。」○蔡氏清曰:「「忠信」所以「進德」也 時而惕」、「時」字正解爻辭「終日」之義、見聖人省察之 誠」,則無一言之不實也。」〇蔣氏悌生曰:「「乾乾因其 省,非脩飾也。 業」,業已成則居而守之也。「辭」,言辭也。「脩」,謂脩 事已成謂之業,「脩業」者,業未成則脩而成之也。 「居 之曰「立其誠」。誠即「忠信」。 意而不爲私意所汩 實,敬義便是箇處静,故曰「陽實陰虚」。」〇俞氏琰曰: 有剛健主立之體,敬義便 夫,故承之曰「存其誠」,脩辭之外,再無立誠工夫,故承 「脩辭」,方外之事。」〇又曰:「閑邪之外,再無存 「德與忠信,皆主於心者也。 ||者總是『敬以直内,義以方外」。 「忠信」,直内之事。 ,則德之在内者進矣。 君子閑邪存其誠,則無一念之不正也,「脩辭 件事,俱著一箇心爲之主,惟心之所主者一於 「誠」,即忠信也。「立其誠」, :撓也。若但以脩飾言辭爲心則僞 而其於事也,又處置恰好,如 有静 業與辭,皆見於事者也 向也誠存於心而今則見 順之體, 進 脩便是 謂立 誠 立 其 筃 業 其 誠 L 篤

誠 之也。 即「主忠信」也。 則真實是孝,弟則真實是弟,實心爲善,則善心日以充 此亦當知。」〇林氏希元曰:「「忠信」是此心真實,如孝 若於初二必不兼言居上位,若於九五必不兼言在下位, 身」。」〇又曰:「九三居下之上,是亦有位其上者,則九 脩業,總是《中庸》之「誠身」、《大學》之「誠意 於事,而誠有立矣。」〇又曰:「《中庸章句》云「反諸身不 若辭不脩,語孝弟俱是空言無實事,則此誠終於消散 長、善念日以彰著、此之謂「進德」。 三爲在下位矣。 則善心日長,神智日開,道之壼奧,理之玄妙,爲吾所當 夫也。」○又曰:「「忠信」所以「進德」,是「忠信」所以至 成箇孝、弟成箇弟、吾心之誠、集聚而不消散、故曰「立 是實事,無一句虚妄,乃「脩辭」也。「脩辭」則 言辭上,先行其言而後從之。 不聚集矣,何由立,又何績業可居? 謂反求諸身而其所存所發有未實也。 何也? 誠立則業脩而可居,非 時 雖 未能 凡有所進,將必有所至。 亦有位在下者,則九三又爲居上位矣。 所發之實,即脩辭立其誠也。 遽至,固 已先得之矣,故「可與幾」。 言必有物,凡吐口 立誠之外,又有居業工 實心爲善乃誠也 故工夫又在脩治 忠信以至之, 所存之實, 7.行成,孝 合進德 1言語皆 正 心 脩

> 不遷。」 則心無外馳,而得於己者,日進而不已。 則有可居矣,猶之屋然,脩者方在營構,既 事理之宜,吾所當守者也。」○鄭氏維嶽曰:「不曰「所以 也? 者,致其脩省而有實,則事皆實理,而體諸身者,安安而 也。」〇楊氏啓新曰:「心之存諸中者,純乎忠信而不妄, 脩業」,而曰「所以居業」,蓋 事理之宜,吾所當守者,可與存之而不失矣。「義」者: 以終之也。 「脩辭立其誠,所以居業」是脩辭立誠,所以終之也。 「居」是居止、「終」是終身。 脩辭立誠以終之,則踐履篤實,持守堅固 「脩辭立誠」即是脩矣,既 居 正 而不移,居之所 言之見於事 成 則 可居 脩 何

君子進德脩業,欲及時也。 上下无常,非爲邪也。進退无恒,非離羣也 九四曰「或躍在淵,无咎」,何謂也? 故云 業」,九三備矣。此則欲其及時而進也。 離羣類、「進德脩業、欲及時耳」。 處,「上下无常」。 本義内卦以「德學」言,外卦以「時位」言。 「或」。 深淵者,龍 或進或退,去就從宜。 之所安 也。 時行時 故无咎。 在 '止'不可恒 程傳或 非 一,謂 爲邪枉,非 「進德 子曰 躍就 躍或 也。 脩

安。 時 非 義。」○林氏希元曰:「可上而不上,疑於以隱爲高。 之義。「非爲邪」、「非離羣」、「欲及時」,以申進无咎之 字,「下」與「退」釋「在淵」之義,「无常」、「无恒」釋「或 故三厲而四猶疑之。」○俞氏琰曰:「「上」與「進」釋「躍 「欲及時」,是應「非爲邪、離羣」句。 「无咎」,得時也。」 道也。 ,隨時而未可必也。 而不進,疑於遯世離羣。 而 淵 動,所謂「自試」也。 在深而言 集説項氏安世曰:「進退上下,不敢自必,相 「躍」,但取 君子之順時,猶影之隨形,可 大抵上下之交,皆危疑之地 「及時」之時,上進之時 進就所安之義。「或」, 也 可 離 疑

本義「作」,起也。「物」,猶人也。「覩」,釋利見之意者親上,本乎地者親下,則各從其類也。雲從龍,風從虎,聖人作而萬物覩。本乎天雲。同聲相應,同氣相求。水流濕,火就燥,九五曰「飛龍在天,利見大人」,何謂也? 子

皆見之。程傳人之與聖人,類也。五以龍德升尊位,「各從其類」。「聖人」,人類之首也,故興起於上,則人也。「本乎天者」,謂動物。「本乎地者」,謂植物。物本義「作」,起也。「物」,猶人也。「覩」,釋利見之意

也。 下』,凡植物本向下,是親乎下,草木是也。 真箇龍虎,必生風致雲也。]〇又云:「「本乎天者親 是親附於下也。」〇《朱子語類》云:「天下所患無君,不 天者是動物,天體運動,含靈之物亦運動,是親附於上 之作而萬物瞻覩,以結之也。」〇又曰:「《周禮·大宗 曰:「因大人與衆物感應,故廣陳衆物相感應,以明聖人 草木。陰陽各從其類,人物莫不然也。 見後。「本乎天者」,如日月星辰。「本乎地者」,如蟲 聖人既出,上下相見,共成其事,所利者見大人也,言在 見大德中正之人,則其辨明,言在見前。乾之二、五,則 氣類,故聖人作而萬物皆覩,上既見下,下亦見上。 凡動物首向上,是親乎上,人類是也。「本乎地者親 有出來。「雲從龍,風從虎」,只怕不是真簡龍虎,若是 患無臣,有如是君,必有如是臣,雖使而今無,少閒 伯》有「天産地産」、《大司徒》云「動物植物」,本受氣於 人之類莫不歸 人」,其言則同,義則有異。如《訟》之「利見大人」,謂宜 人也。古語云「人物物論」,謂人也。《易》中「利見大 「同聲相應,同氣相求」也。 本受氣於地者是植物,地體凝滯,植物亦不移動 仰,况同德乎! 流濕就燥,從龍從虎,皆以 上應於下,下從於上, 集説孔氏穎 禽獸首多横 上, 他必 物 達

得我心之同然者,故爲「同聲」、「同氣」之義。聖人之於 生,所以無智。 人亦類也,故爲「各從其類」之義。」 此本康節説。」〇項氏安世曰:「聖人先

无位,高而无民,賢人在下位而无輔,是以 上九曰「亢龍有悔」,何謂也? 子曰: 貴 而 動

而有悔也。

程傳九居上而不當尊位,是以无民无輔,動則有悔也。 高志滿,不來輔助之也。 本義「賢人在下位」,謂九五以下。 「无輔」,以上九過 故「動而有悔」。」 又无民,賢人在下位而又无輔者何? 集説谷氏家杰曰:「以有位謂之「貴」,以有民謂之 「高」,以有輔謂之「賢人在下位」。,其貴而又无位,高而 〇此第二節,申《象傳》之意。 俱以亢失之也!

潛龍勿用,下也。

程傳此以「下」言乾之時,「勿用」,以在下未可用也。

見龍在田,時舍也。

本義言未爲時用也。 程 傳隨時而 止也。

終日乾乾,行事也。

御纂周易折中卷十六

事也。 當爲之事而不止息也。」 程傳進德脩業也。 前章之「進德脩業」是也。「終日乾乾」,日行其 集説林氏希元曰: 「事,所當爲之

或躍在淵,自試也。

是也。 「人見者淺,自見者真,必自家試之而後可決也。」 自試其所學,蓋欲自知其淺深也。」〇谷氏家杰曰 字,與《中庸》「日省月試」之試同。 今鳥雛習飛,必跳躍於巢,以自試其羽翰,四之躍亦猶 説趙氏汝楳曰:「凡飛者必先躍,所以作其飛冲之勢。 本義未遽有爲,姑試其可。 此以「試」釋「躍」。」〇俞氏琰曰:「「試」釋「躍」 程傳隨時 君子謹失時之戒,而 自用 也。 集

761

飛龍在天,上治也。

説蘇氏濬曰:「上治,猶言盛治,五帝三王皆治之上者 本義居上以治下。 程傳得位而行,上之治也。 集

亢龍有悔,窮之災也。

也。

乾元用九,天下治也。

程傳窮極而災至也。

便是天德。」」
「是天德。」」,「見與它對不同。君道剛而能柔,不知之。」,「則以為為,「問:「乾元用九,天下治也。」曰:「九是天德,健類》:「問:「乾元用九,天下治也。」曰:「九是天德,健類》:「問:「乾元用九」,見與它對不同。君道剛而能柔,本義言「乾元用九」,見與它對不同。君道剛而能柔,

潛龍勿用,陽氣潛藏。

厚,輕用則發洩無餘矣。」隱,未可用也。 集説 陸氏銓曰:「微陽潛藏,愈養則愈程, 未可用也。 集説 陸氏銓曰:「微陽潛藏,愈養則愈

見龍在田,天下文明。

地上,則天下見其文明而化之。 集説蘇氏軾曰:「以本義雖不在上位,然天下已被其化。程傳龍德見於

終日乾乾,與時偕行。

言行化物,故曰文明。]

本義時當然也。程傳隨時而進也。

無時不乾乾。 案"「與時偕行」,即上「乾乾因其時」之義,言終日之間,

或躍在淵,乾道乃革。

爲之説。」 而未果。爻下本義改革之際,正是取此。人都不察,妄 九四離下體而入上體,是「乾道」改革之時也,故「或躍」 也。」〇林氏希元曰:「此「道」字輕看,猶云陽道陰道。 日 上。 上下革矣。 本義離下而上,變革之時。 「革者變也,下乾以終,上乾方始,猶天道更端之時 卦革則道亦革,此專釋上下卦之交。」○俞氏 集説趙氏汝楳曰:「三爲下,至四 程傳離下 位 而 升 革 上位, 而 琰 爲

飛龍在天,乃位乎天德。

「飛龍在天,乃位乎天德」。」
曰:「雖有其位,苟無其德,可謂之位乎? 天位而已,名之。程傳正位乎上,位當天德矣。 集説 張氏振淵名之。程傳正位乎上,位當天德矣。 集説 張氏振淵

亢龍有悔,與時偕極。

○林氏栗曰:「此節上下卦相應,初、四爲始,初「潛藏」,息盈虚,「與時偕行」,則无悔,偕極則窮,故「有悔」也。」程傳時既極,則處時者亦極矣。 集説 朱氏震曰:「消

乾元者,始而亨者也。

偕行」,上「偕極」矣。」乃「天德」矣。言「德」,稱其位也。 二、上爲終,三「與時乃「天德」矣。 言「德」,稱其位也。 二、五爲中,二「文明」,五四乃「革矣」,革潛爲「躍」也。 二、五爲中,二「文明」,五

乾元用九,乃見天則。

問: 説 也。 程傳用九之道,天之則也。 本義剛而能柔,天之法也。 之所爲終始相因而无首也,故曰「乾元用九」,可見乾道 ○張氏振淵曰:「不曰「乾爻用九」,而曰「乾元用九」,統 中,天之則也。 變化之則。」○谷氏家杰曰"「「則」者,有準而不過之意。 六爻而歸之元也。 有其節?「用九」正天之準則不過處,故曰「乃見」。」 夏秋冬各有其限? 聖人不是變换,焉能使仁義禮智各 「用九」者,有變而無常之意。 ·蘇氏軾曰:「天以无首爲則。」〇吴氏澄曰: 乾之六爻,皆聖人之事乎? 得失,則吉凶存焉,豈特乾哉! 則者,理之有限節而無過無不及者也。」 亢而用變,正是貞之極而歸於元,乾 天之法則,謂天道也。 天道不是變换,焉能使春 〇此第四節,又申前 曰: 諸卦皆然也。 盡其道者,聖人 「剛柔適 意 集 或

> 其義。既始則必亨,不亨則息矣。 本義始則必亨,理勢然也。程傳又反覆詳說,以

盡

利貞者,性情也。

也。 類》: 焉。 性之用也。」○俞氏琰曰:「性言其静也,情言其動 情」,言性而不言命,非知性之本,言性而不言情 時,然受氣未足,便種不生,故須到冬方成。人只到秋 發生,到夏長茂條達,至秋結子,有箇收斂攝聚底意思。 體,「元亨」是發用處,「利貞」是收斂歸本體處。 既始而亨。 貞、「貞」下蓋有「元」繼焉。 來春動而發用之地,故曰「利貞者,性情也」。 元起於 物之動極而至於收斂而歸藏,則復其本體之象,又將爲 曰:「「性情」只是一健字,健者乾之性,而情其著見者 冬,疑若不見生意,不知都已收斂在内。二〇胡氏炳 但未堅實,至冬方成,在秋雖是已實,漸欲脱去其本之 本義收斂歸藏,乃見性情之實。 且性情並言昉於此釋。《彖》曰「性命」,此則曰 貞而元,静而 問: 「利貞者、性情也。」曰:「此「性情 非利 貞,其能 動,終而復始,則生生之道不窮。 不息乎? 動生於静,静中蓋 程傳乾之性情 集説《朱子 如如 一有動 如 非 言 春 也 知 文 時 存 本 語

乾始能以美利利天下,不言所利,大矣哉。起元,静中有動之意,而非生生不窮之道也。」但音性而不言情,則止乎貞、純乎静而已矣。不見貞下

哉」。 常久而不已者,貞也。 利」者,貞也。 本義「始」者,元而亨也。「利天下」者,利也。「不言所 必亨,亨則必利,利之極必復於元。「貞」者,元之復也 者,貞也。」〇《朱子語類》云:「明道説得好,『不有其功、 者、蓋无所不利、非可指名也、故贊其利之大、曰「大矣 始之道,能使庶類生成,天下蒙其美利,而「不言所利 言化育之無跡處爲「貞」」。」○項氏安世曰:「物既始則 將出爲元也,故爲萬物之所終始。 將入於貞也,故爲戰。坎則其貞也,故爲勞。 將利之也,故爲役。 見也,故爲齊。 故四德總以一言曰「乾元」,又曰「乾始」,而四德在其中 而八卦備矣,其乾之謂乎。」〇俞氏琰曰:「乾始」,即 以八卦言之、震其元也、故爲出。 集說程子曰:「亭毒化育,皆利也。不有其功, 或曰「坤利牝馬」,則言所利矣。 離則其亨也,故爲相見。 兑則其利也,故爲悦。 《詩》曰『維天之命,於穆不已』 合而言之曰 【太極」, 巽則既 坤則既 乾則既悦而 艮自貞而 出 程傳乾 而將相 相 見而

慰滿三農望,斂卻神功寂若無。」亦是此意。」
「乾元」也。」○林氏希元曰:「上既即物之生長收藏以釋四德,此則歸其功於乾始而贊其大,即《彖傳》「統天」之説也。」○林氏希元曰:「上既即物之生長收藏以釋四德,此則歸其功於乾始而贊其大,即《彖傳》「統天」之説也。由是而亨,就能以美利徧利乎天下,又收斂於內,不言由是而亨,就能以美利徧利乎天下,又收斂於內,不言由是而亨,就能以美利徧利乎天下,又收斂於內,不言謂乾元」也。元乃生物之始也,美即亨也,亨乃衆美之會「乾元」也。元乃生物之始也,美即亨也,亨乃衆美之會

大哉乾乎,剛健中正,純粹精也。

不然也。 精者又純粹之至極也。或疑乾剛无柔,不得言中正者, 於陰柔。「粹」者,不雜於邪惡。 及。「正」者,其立不偏。四者乾之德也。 之情也。」 「元亨利貞」,實以體之「剛健中正」也,一爻之情,六爻 「「剛」者元也,「健」者亨也,「中」者利也,「正」者貞也。 静分之,然後有陰陽剛柔之别也。 流行之統體而言,則但謂之乾而 本義「剛」以體言,「健 天地之間,本一氣之流行而有動静爾。 」兼用言。 蓋剛健中正之至極,而 无所不包矣。 「中」者,其行無過 集説喬氏中和 「純」者,不 以其 以其 ij 動 雜 不

也。」

形』繼之,則雲雨爲乾之雲雨。

此言[雲行雨施],而以

「天下平」繼之,則聖人之功即乾,而雲雨乃聖人之德澤

六爻發揮,旁通情也。

六龍1設矣,即《彖傳》「六位時成」也。」
 本義「旁通」、猶言「曲盡」。集説胡氏炳文曰:「曲靈本義「旁通」、猶言「曲盡」。集説胡氏炳文曰:「曲靈本義「旁通」、猶言「曲盡」。集説胡氏炳文曰:「曲靈本義「旁通」、猶言「曲盡」。集説胡氏炳文曰:「曲靈本義「旁通」、猶言「曲盡」。集説胡氏炳文曰:「曲靈本義「旁通」、猶言「曲盡」。集説胡氏炳文曰:「曲盡本義「旁通」、猶言「曲盡」。

本義言聖人「時乘六龍以御天」,則如天之「雲行雨施,時乘六龍,以御天也。雲行雨施,天下平也。

集説。張氏清子曰:『《彖》言『雲行雨施』,而以『品物流著矣,故見「雲行雨施」,陰陽溥暢,天下和平之道也。「粹」六者,形容乾道。「精」,謂六者之精極。以六爻發哉」,贊乾道之大也。以「剛」、「健」、「中」、「正」、「純」、而天下平也」。○此第五節,復申首章之意。 程傳「大而天下平也」。○此第五節,復申首章之意。 程傳「大

案: 發之也剛,其行之也健,其裁之也中,其處之也正,要以 臭之粗而至精焉。天道如此,王道亦然。 見其裁制而中焉,確守而正焉,於其一元之妙,心普萬 亨」也、見其動直而剛焉,不息而健焉。於其「利貞」也: 天」,而其德所以爲大也。 下,而所性無加焉,又何利之可言? 此[乾元]所以 亨也,是乾始能「以美利利天下」也。 散爲萬用之施,而萬理之宜歸於一性之德,故其始而必 成者,得其性情之正而已,而豈在外哉? 亨之理已具,不待亨而後知其亨也。 即體,未嘗二也,故復釋之曰「乾元者始也」。 旁通乎乾之情矣,而惟九五則兼統衆爻之德,以處崇高 驩虞之效也。 美玉而無疵,如太虚浮雲而無迹,非如霸者小補之功, 體天地生生之心,能使仁覆天下而莫知爲之者,如精金 物而無心也,見其不累於功利之雜駁而純粹,不滯於聲 龍而在天,有不興雲致雨而使下土平康者乎? 之位,其象爲「飛龍在天」者,蓋如「乘六龍以御天也」。 膏澤溥施,即乾之「美利利天下」也。 貞元爲體,亨利爲用,然即體即用,不相離也, 卦惟九五全備 由此觀之,乾之德,於其二元 斯德,故六爻發揮,固所以 利貞者成也,事之 及其終也,利及天 及乎蕩蕩平平,大 王者之道 蓋一心之發, 然即始 夫當其 即 一,其 「統 而 用

道,於是爲至。 化無跡,又非乾之不言所利者與。夫子之發明天德王

也,隱而未見,行而未成,是以君子弗用也。君子以成德爲行,日可見之行也。潛之爲言

見爾。 子弗用也。 【行而未成」,是以欲其弗用也。」○蔡氏清曰:「言君子 是事業未就。」□○吴氏澄曰:「「隱而未見」者,潛之象。 出來方見,這便是行。問:「行而未成如何?」曰:「只 以成德爲行」,言德則行在其中矣。 於用,初方潛隱未見,其行未成,未成,未著也,是以君 本義「成德」,已成之德也。 也。 德已成矣,則日可以見之行也。 之所以爲行者,以成德爲行也。 也,隱而未見,則行猶未成,是以君子亦當如之而勿用 又何以曰「勿用」? 程傳德之成,其事可見者行也。 集説《朱子語類》云:「德者行之本,「君子 蓋初九時乎「潛」也,「潛」之爲言 初九固成德,但其行未可 夫既以成德爲行,初九 夫既可以見之行矣,而 德者得之於心,行 德成而後可 施

君子學以聚之,問以辨之,寬以居之,仁以行

之。《易》曰:「見龍在田,利見大人。」君德

也。

既有以居之矣,心德渾全,存存不失,應事接物,皆踐其 得,故曰「寬以居之」。仁者,心德之全,天理之公也。 辨之」。寬,猶曾子所謂「弘」,張子所謂「大心」也。居, 曰:「學聚之,以知其理。仁行之,以行其事。問辨之, 所知,而所行無非天理之公,故曰「仁以行之」。」〇又 謂居業之居。問既辨矣,必有弘廣之量,以藏蓄其所 聚矣,必問於先知先覺之人,以剖决其是否,故曰「問以 理皆聚而無所闕遺,故曰「學以聚之」。 理有一未明,則心之所具有一未盡,必博學周知 以居之」。」○吴氏澄曰:「理具於心而散於事物,事物之 得當,且放頓寬大田地,待觸類自然有會合處,故曰 集説《朱子語類》云:「「學以聚之,問以辨之」,既探討 之耳。進居其位者,舜禹也。 居」、「仁行」,修業也。 位,則進德修業而已。 九二之爲「大人」也。 本義蓋由四者以成「大人」之德,再言「君德」,以深明 程傳聖人在下,雖已顯 君德已著,利見大人,而進以行 「學聚」、「問辨」,進德 進行其道者,伊傅 辨,剖决也。 也。 丽 , 俾 未 「寬 倬 既 萬 得

深時也,故亦屬之行。」是把義理放在胸中。詳玩深味,使透徹貫串,乃居安資之所辨者。」〇林氏希元曰:「學聚問辨是知工夫,寬居仁行之先。寬之所居,即學之所聚者。仁之所行,即問以審別所當行於學聚之後。寬居之,以存貯所已知於

乾乾因其時而惕,雖危无咎矣。 九三,重剛而不中,上不在天,下不在田,故

本義「重剛」,謂陽爻陽位。程傳「三重剛」,剛之盛本義「重剛」,謂陽爻陽位。程傳「三重剛」,剛之盛乾接乾,故「重剛」,位非二、五,故「不中」也。」○孔氏顆整乾,故「重剛」,位非二、五,故「不中」也。」○孔氏顆整乾,故「重剛」,位非二、五,故「不中」也。」○孔氏顆整乾,故「重剛」,心非二、五,故「不中」也。」○孔氏顆粒。居危之地,以乾乾夕惕,戒懼不息,得无咎也。」○祖氏流動中而居下之上,上未至於天,而下已離於田,危懼也,過中而居下之上,上未至於天,而下已離於田,危懼也,過中而居下之上,上未至於天,而下已離於田,危懼也,過中而居下之上,上未至於天,而下已離於田,危懼也,過中而居下之上,上未至於天,而下已離於田,危懼也,過中一一

不在人,故或之。或之者,疑之也,故无咎。九四,重剛而不中,上不在天,下不在田,中

耳。 字。 非得中,故曰「重剛而不中」也。」〇張氏振淵曰:「「或之 也。」〇李氏鼎祚曰:「三居下卦之上,四居上卦之下,俱 則陽德漸盛,去五彌近,前進稍易,故但疑惑,憂則 特云「中不在人」。「或之者疑之也」,此夫子釋經「或」 之與四俱爲人道。 本義 者」據其迹,「疑之者」指其心,疑非狐疑之疑,只是詳審 「疑」之也。 九三位卑近下,向上爲難,危惕憂深, 九四 正是人道。九四則上近於天,下遠於地,非人所處,故 或退,唯所安耳,所以无咎也。 者」,隨時而未定也。 上矣,危地也。「疑」者,未決之辭。處非可必也,或進 經稱「或」,是疑惑之辭,欲進欲退,猶豫不定,故 九四非重剛,「重」字疑衍。「在人」謂三。 人下近於地,上遠於天,九三近二, 程傳四不在天、不在田而出 集説孔氏穎達曰:「三 人之 「或 淺

況於鬼神乎。 違,後天而奉天時。天且弗違,而況於人乎,四時合其序,與鬼神合其吉凶。先天而天弗共大人者,與天地合其德,與日月合其明,與

與此合。 **紇謂郭子儀曰:「卜者言此行當見一大人而還。」其占蓋** 所爲,默與道契,後天奉天,謂知理如是,奉而行之。 道爲體,曾何彼此先後之可言哉! 當其位,乃可當之。 本義「大人」,即釋爻辭所「利見之大人」也。 若在天時之先行事,天乃在後不違,是天合大人也。 其明」,謂照臨也。 孔氏穎達曰:「「與天地合其德」,謂覆載也。 「與日月合 合於道而已。合於道,則人與鬼神豈能違也? 化之迹也。聖人先於天而天同之,後於天而能順天者, 鬼神合者,合乎道也。「天地」者,道也。「鬼神」者,造 我,亦可謂當時之大人矣。 程傳大人與天地日月四時 有我之私,是以牿於形體,而不能相通。 者尚不違,況小而近者可有違乎?」○程子曰:「若不一 在天時之後行事,能奉順上天,是大人合天也。 以秋冬之類也。 曰 本,則安能 [先天而天弗違,後天而奉天時] ?] 〇又 "「天且不違,況於鬼神乎? 若子儀者,雖未及乎夫子之所論,然其至公无 「與鬼神合其古凶」者,若福善禍淫也。 「與四時合其序」者,若賞以春夏 人與天地鬼神,本无二理,特蔽於 鬼神言其功用,天言其 先天不違,謂意之 大人无私,以 有是德而 尊而 集説 若 刑 回 遠

天。蓋大人即天也,天即大人也。」時1、時之既至,我則後乎天而奉之,而我亦不能違乎則先乎天而爲之,而天自不能違乎我。「後天而奉天主宰。」〇王氏宗傳曰:「「先天而天弗違」,時之未至,我主宰。」〇王氏宗傳曰:

知得而不知喪。 亢之爲言也,知進而不知退,知存而不知亡,

上位不至於亢也。」 本義所以動而有悔也。 集説孔氏穎達曰:「言上九本義所以動而有悔也。 集説孔氏穎達曰:「言上九

唯聖人乎。 其唯聖人乎,知進退存亡而不失其正者,其

聖人之迹各明其義。

又有似聖人之進退,故《文言》因潛見躍飛自然之文,而之至,若以義類推之,則爲聖人之象,而其六位之高下,

坤至柔而動也剛,至静而德方。

知反也。

萬物之理,進必有退,存必有亡,得必有

喪,

「亢」知一而不知二,故道窮而致災。

人固有知進退

方矣。 常。 承乾之施,陶冶萬類,各有定形,不可 又柔中之剛矣。 至,坤即能翕受而發生之,氣機一動,不可止遏屈撓,此 楷曰:「乾剛坤柔,定體也。 坤之六二不徒柔静而能剛方,故爲坤元之至。」○何氏 謂方也。乾之九五不徒剛健而能中正,故爲乾元之大。 之德普徧四周,無處欠缺,故曰「方」。方即六二爻辭所 乾運轉不已,而坤體隤然不動,故曰『至静』。 而出,莫能禦之,故曰「剛」。 故曰 [至柔]。 也。」二〇吴氏澄曰:「坤體中含乾陽,如人肺藏之藏氣, 有體。静言其體,則不可得見,方言其德,則是其 德則方,柔與剛相反,静與方疑相似。1曰:「静無形,方 此。」〇「問:「程《傳》云坤道至柔而動則剛 是承天,如一氣之施,坤則盡 本義「剛」、「方」,釋「牝馬之貞」也。 「方」,謂生物有 集説《朱子語類》云:「『坤至柔而動 柔静者體也,剛方者用也。」 然其氣機一動而闢之時,乾陽之氣直上 乾動坤静,定體也。 坤固至柔矣,然乾之施 1 剛即六二爻辭所謂直也。 能發生承載,非剛 移易,此又静中之 坤固至静矣,及其 ,坤體至静而 也剛」, 然其生物 安 能 坤只 著 加

然也。

深矣。」○陳氏琛曰:「進極必退,存極必亡,乃理勢之自乾之四德始於元,至此又論聖人之體乾而歸於正,其意

知其如是,則隨時變通,而處以是道之當然,有

張,有舍棄而無係吝,如此則不至於有

正,「其唯聖人乎」。「貞者正也」,乾元之用所歸宿也:

乎」,故兩言之。」〇胡氏炳文曰:「陽極則剥,乾上天地不相似,「知進退存亡而不失其正者,其唯聖亡者矣,其道詭於聖人,則未必得其正,不得其正,則

則人與存

·亢」,中不可過也。

知其時將過乎中,而處之不失其

收斂而無施。

也。

位説道理也。故乾六爻,自天子以至於庶人,自聖人以

至於愚不肖,筮或得之,義皆有取。

但純陽之德,剛

健

著本卦本爻之象,明吉凶之占當如此耳,非是就聖賢

地

總論朱子答萬正淳曰:「大抵《易》卦之辭,本只是各

常人則明不足以見幾,心不免於物累,故不能也。」

然此唯聖人能之,蓋聖人樂天知

命,達理而能

權悔

後得主而有常。

本義程《傳》曰:「「主」下當有「利」字。」集説趙氏汝本義程《傳》曰:「「主」下當有「利」字。」集説趙氏汝本義程《傳》曰:「程子以「主利」爲一句,朱子因之,故以《文言》「後得主」」爲闕文。然《彖傳》「後順得常」,與「後《文言》「後得主」爲闕文。然《彖傳》「後順得常」,與「後《文言》「後得主」爲闕文。然《彖傳》「後順得常」,與「後《文言》「後得主」爲闕文。然《彖傳》「後順得常」,與「後《文言》「後得主」爲闕文。然《彖傳》「先迷」也。 天先施而樣曰:「坤無乾以爲始,孰開其端,「先迷」也。 天先施而樣曰:「坤無乾以爲始,孰開其端,「先迷」也。 天先施而樣也。」集說趙氏汝本義程《傳》曰:「「主」下當有「利」字。」集說趙氏汝本義程《傳》曰:「「主」下當有「利」字。」集說趙氏汝

含萬物而化光。

「後得主而有常」,則申後順得常之義,「含萬物而化乎正,而順萬物性命之理。此坤之德所以能配天也。能德應乎乾,而成萬物化育之功。惟其德方,故能不拂非德應乎乾,而成萬物化育之功。惟其德方,故能不拂本義復明「亨」義。 集説 E氏宗傳曰:「惟其動剛,故本義復明「亨」義。

坤道其順乎,承天而時行。

光」,則申含弘光大,品物咸亨之義。」

本義復明順承天之意。○此以上申《彖傳》之意。程

其順乎,承天而時行」,即乃順承天之謂。」 氏琰曰:「「至柔而動也剛」,申「德合无疆」之義。 時行」,承天之施,行不違時,贊坤道之順也。 化光大也。 「含萬物而化光」,即含弘光大,品物咸亨之謂。 而德方」,釋「貞」義。「後得主而有常」,後順得常之謂。 居後爲得,而主利成萬物,坤之常也。 故應乾不違,德方故生物有常。 傳坤道至柔而其動則剛: 「主」字下脱「利」字。 ,坤體至静而其德則方。 陰之道,不唱而 「坤道其順乎,承天而 含容萬類,其功 集説 「至静 「坤道 和,故 動 剛

疆」者,以切東北。 四德,則所謂西南東北者,即四時也。 謂亨利之閒,致養萬物,其功盛大,釋「西南得朋」也。 其剛其方,乃是乾爲之主。 釋「利貞」也,形之完就而物成也。 案"「動剛」,釋「元亨」也,氣之發動而物生也。 曰「後得主而有常」,釋「先迷後得主」也。「含物化光」, 含弘光大」者,以切西南,又用所謂「乃順承天,行地无 東北喪朋」也。 ·承天時行」,謂順承於元,至貞不息,陰道終始於陽,釋 蓋孔子既以坤之「元亨利貞」,配乾爲 欲人知四方四德,初非兩義,此意 而坤順之以行止者,故繼之 柔静者,坤之本體 故用《彖傳》所謂 「德方」,

《参傳》未及,故於《文言》發之。○又案:乾爻惟九五 「剛健中正」,得乾道之純,故《彖傳》言「乘龍」、「御天」、 「御健中正」,得乾道之純,故《彖傳》言「乘龍」、「御天」、 爻惟六二柔順中正,得坤道之純,故《文言》言「動剛」、 爻惟六二柔順中正,得坤道之純,故《文言》言「動剛」、 爻惟六二柔順中正,得坤道之純,故《文言》言「動剛」、 「徳方」、「含物」、「承天」,即六二「直方大」之義也。 坤 「神道之純,故《文言》言「動剛」、 「神道之純,故《文言》言「動剛」、 「神道之純,故《文言》言「動剛」、 「神道之純,故《文言》言「動剛」、 「神道之純,故《文言》言「動剛」、 「神道之純,故《文言》言「動剛」、 「神道之純,故《文言》言「動剛」、 「神道之純,故《文言》音「動剛」、 「神道之純,故《文言》音「動剛」、 「神道之純,故《文言》音「動剛」、 「神道光」。

曰:「履霜堅冰至。」蓋言順也。 其所由來者漸矣,由辨之不早辨也。《易》殃。臣弑其君,子弑其父,非一朝一夕之故,殃。臣弑其君,子弑其父,非一朝一夕之故,

本義古字「順」、「慎」通用。案此當作「慎」,言當辨之本義古字「順」、「慎」通用。案此當作「慎」,言當辨之本義古字「順」、「慎」通用。案此當作「慎」,言當辨之本義古字「順」、「慎」通用。案此當作「慎」,言當辨之本義古字「順」、「慎」通用。案此當作「慎」,言當辨之本義古字「順」、「慎」通用。案此當作「慎」,言當辨之本義古字「順」、「慎」通用。案此當作「慎」,言當辨之本義古字「順」、「慎」通用。案此當作「慎」,言當辨之本義古字「順」、「慎」通用。案此當作「慎」,言當辨之本義古字「順」、「慎」通用。案此當作「慎」,言當辨之本義古字「順」、「慎」通用。案此當作「慎」,言當辨之

其逆之禍,立君父之大防也。」 雙反爲逆,故聖人深著其順之利,明臣子之大分,究極變反爲逆,故聖人深著其順之利,明臣子之大分,究極張氏振淵曰:「天道有陽必有陰,原相爲用,然陰之爲張氏振淵曰:「天道有陽必有陰,原相爲用,然陰之爲張氏振淵曰:「天道有陽必有陰,原相爲用,然陰之爲

利,則不疑其所行也。 方外,敬義立而德不孤。 直方大,不習无不直其正也,方其義也。 君子敬以直内,義以

乎 ? 正外物,言君子法地正直而生萬物,皆得所宜。」〇程子 也,用此恭敬以直内心。「義以方外」者,用此義事以方 外,非在外也。 内,守義以方其外,敬立而内直,義形而外方。 程傳「直」言其正也,「方」言其義也。 本義此以學言之也。「正」,謂本體。「義」,謂裁制 「不孤」,言大也。疑故習而後利,不疑則何假於習。 德不孤」也,无所用 敬」則本體之守也。「直内」、「方外」、程《傳》備矣。 集説孔氏穎達曰:「君子用「敬以直内」,内謂心 敬義既立,其德盛矣,不期大而 而不周,无所施而 君子主敬以直其 不利 義形於 孰爲疑 大矣。

事焉,須當集義。」又問:「義莫是中理否?」曰:「中理 之道不備者也。 曰:「一敬以直內,義以 敬,不知集義,卻是都無事也。」又問"「義只在事 道,義便知有是有非,順理而行是爲義也。若只守一箇 在事,義在心。」問:"敬義何别?」曰:"敬只是持己之 見處,但見了不肯就理。」〇《朱子語類》云、「「敬以 外」,便是窮理,釋氏卻以理爲障礙。然不可謂釋氏 曰:「釋氏所以不如吾儒,無「義以方外」一節。 「義以方 何。」曰:「内外一理,豈特事上求合義也。」」○謝氏良 乎中,義防於外,二者相夾持,要放下霎時也不得,只得 事皆合宜,截然不可得而移易之意。」○又云:「「敬義 直下,胸中無纖毫委曲,「方」是割截方正之意,是處此 内」是持守功夫,「義以方外」是講學功夫。「直」是直 處,上面只更有箇天德。」○「問: 直上去,故便達天德自此。表裏夾持更無東西走作 持,直上達天德自此」,最是下得「夾持」兩字好。 ·必有事焉當用敬否?」曰:「「敬」只是涵養一事,必有 宜。」」○又云:「《文言》將「敬」字解「直」字,「義」字解 義是心頭斷事底,心斷於內而外便方正,萬物各得其 敬義夾持,直上達天德自此。」○「問 方外」,合内外之道也。 「義形 而外方。」日 釋氏 敬主 内外 Ł 如 夾 上 直 無 佐

進? 先,張宣公謂「功夫並進,相須而相成也」。」○胡氏炳文 敬義固可以至於大,而所謂大者,乃德之日新而業之富 修夫德業,而所以進修者,乃用力於敬義之間,用力於 乾之業,必制之以坤之義。 而實相爲經緯也。 利也。」〇黄氏榦曰:「乾言德業,坤言敬義,雖若不同 親則悦於親,交朋友則信於朋友,皆不待習而無一之不 皆是孤也,須是敬義立方不孤,施之事君則忠於君,事 則作事出來必錯了。 集義之事。 是爲學之要,集義乃講學之功。」○薛氏瑄曰:「「敬以直 二《文言》發之,孟子以「集義」爲本,程子以「居敬」爲 有也。」〇王氏應麟曰:「丹書「敬義」之訓,夫子於坤六 曰:「「正」是無少邪曲,「義」是無少差謬。」〇又曰:「此 又曰:「「敬以直内」,戒慎恐懼之事。 「義以方外」,知言 内」,涵養未發之中。 曰:「乾九三,明誠並進也。坤六二,敬義偕立也。主敬 「正」、「義」二字,皆以見成之德言。 方。字,「敬 非義則外不方,業何由而修?『終日乾乾』,雖進 内外夾持,用力之要,莫切於此。]〇蔡氏清 義 立 而德不孤」,即 欲進乾之德,必本之以坤之敬,欲修 「義以方外」,省察中節之和。」〇 只義而無敬,則無本,何以爲義, 非敬則内不直,德何 解 「大」字。 然直不自直,必由 敬 前 無義 油而

雖有美含之,以從王事,弗敢成也。地道直即心無私,方即事當理,故「直内」以動者言爲當。」於敬,方不自方,必由於義。直即主忠信,方即徙義,

陰

也

,妻道也,臣道也,地道无成而代有終也 則主於天也。 以終其事而不敢有其成功也。 地日月一般,月之光乃日之光也,地中生物者皆天氣 終君事,婦終夫業,故曰「而代有終」也。」〇程子曰:「天 程傳爲下之道,不居其功,含晦其章美以從王事,代上 氏琰曰: 也,惟「无成而代有終」者,地之道也。」〇王氏申子 才美,含藏以從其上,不敢有所成名也。 終」,則并其終亦非坤之所敢有也。」〇何氏楷曰:「乾能 從王事者也。」〇谷氏家杰曰:「爻言「有終」,此言「代有 含章之道而從王事。「弗敢成也」,即是含章之道,用 終者,終乾之所未終也。」〇蔡氏清曰:「「以從王事」,以 乾能始物不能終物 而不居其成功,猶地代天生物而功則主於天也。」〇 「三非有美而不發,特不敢暴其美,惟知代上以終其事 「既曰 「地道无成」,而又曰 「代有終」,何 妻道亦然。 坤 ·繼其終而終之,則坤之所以爲有 集説宋氏衷曰:「臣子雖有 猶地道代天終物而成功 地終天功,臣 白 也? 於

始萬物而已,必賴坤以作成之,故曰「代有終」,正對「乾

之始」而言。」

曰:「括囊无咎无譽。」蓋言謹也。 天地變化,草木蕃,天地閉,賢人隱。《易》

也。 閉隔 之功,自是出也。「括囊」之慎,庸有害乎?」 閉,故孔子發「天地閉」之訓。 爲者也。漢儒乃以「括囊」爲譏,豈不陋 時,「括囊」晦藏,則雖无令譽,可得 地交感則變化萬物,草木蕃盛,君臣相 程傳四居上近君,而无相得之義,故爲隔絶之象。 ,則萬物不遂,君臣道絶,賢者隱遯。 集説張氏浚曰:「括囊」,蓋内充其德,待時而 夫閉於前而舒於後,生化 光光咎。 際 侕 哉! 言當謹 四於閉隔之 道 亨。 陽 舒 自 天地 夭 陰 有 守

君子黄中通理。

之,通理亦在内也。」本義「黄中」,言中德在内,釋「黄」字之義也。集説本義「黄中」,言中德在内,釋「黄」字之義也。集説本義「黄中」,言中德在内,釋「黄」字之義也。集説

正位居體。

本義雖在尊位而居下體。釋「裳」字之義也。

人,故爲釋「裳」字之義。 位居體」者,猶言以禮居身爾。禮以物躬,則自卑而尊案:孟子曰:「立天下之正位。」正位,即禮也。此言「正

美在其中,而暢於四支,發於事業,美之至

本義「美在其中」,復釋「黄中」。「暢於四支」,復釋「居也。

體」。

程傳「黄中」,「文在中」也。君子文中而達於理

盛也。集説《朱子語類》云:「二在下,方是就功夫上義。美積於中,而通暢於四體,發見於事業,德美之至居正位而不失爲下之體。五尊位,在坤則惟取中正之

也。」」〇蔡氏淵曰:「「黄中通理」釋「黄」義,「正位居體」說,所以云「美在其中,而暢於四支,發於事業,美之至説,如「不疑其所行」是也。 五得尊位,則是就他成就處

居下體而不僭。旨柔順之德形於外也。「美在其中」,柔順之德,藴於内也。「正位」,居在中之位。「居體」,釋「裳」義。「黄中」,正德在内。「通理」,文無不通。言

其力矣。」 夾持,兩致其力, 五之『黄中通理』,則內外通貫,無所容 體」也,則不失乎二之常。二之「直内」、「方外」,是内外 於直內方外,故其「正位」也,雖居乎五之尊,而其「居 之,無不合理,是即所以爲通理。 是即所以爲「黄中」。「義以方外」,則凡事之來,義以處 通理」之君子也。『敬以直内」,則胸中洞然表裹如一, 般。」附録胡氏炳文曰:「蓋直内方外之君子,即「黄中 《象傳》「文在中也」及「六二之動直以方也」,意思 處,故發「美在其中」一條,見得其所謂順,乃本於中,與 乎中者,惟有黄中之德,故能以下體自居。」○林氏希元 爲中,形於外爲順,理一而已。天下無有形於外而不本 之,則黄爲中,裳爲順,合而言之,則惟中故順,存於中 道之美,至此極矣。」○蔡氏清曰:「「黄裳」二字,分而言 所行而已。 也。二、五皆中,二居内卦之中,其發見於外者,不疑其 曰:「《文言》既分釋黄裳了,又恐人認爲二物,不知歸重 「黄中通理」也。 五外卦之中,其施於外,有事業之可觀。 「暢於四支、發於事業」、「正位居 五之【黄中通理』,本 體 坤

也"於九三則曰忠信以進德,修辭立誠以居業也。 坤爻案:乾爻之言學者二:於九二則曰言信行謹,閑邪存誠

也。 實者言也,乾二之「信謹」,即乾三之「修辭立誠」,皆以 坤二之『直内』,即坤五之『黄中』,皆以心之中直者言 進學言之、根於心而達於言行、見其交修不懈如此也。 行以窺其心,見其純亦不已如此也。 而言之,則乾二之「存誠」,即乾三之「忠信」,皆以心之 之言學者二:於六二則曰敬以直內,義以方外也, 多,虚心以順理,是坤之德也。 意多,實心以體物,是乾之德也。 於事業之美,此則兩爻所以異也。 方之極也。二居下位,不疑所行而已, 五居尊,又有發 之至也。二言『方』而五言 「正」,方則未有不正者,正 言也。二言「直」而五言「中」,直則未有不中者,中乃直 言行之實者言也。在二爲大人,則以成德言之,由其言 五,則曰黄中通理,正位居體也。 之則曰誠,自其虚者言之則曰敬,是皆一心之德而非兩 虚則不能實,人欲屏息,然後天理流行也。 體焉,非實則不能虚,天理爲主,然後人欲退聽也。 以分言之者,蓋乾陽主實,坤陰主虚。 未有敬而不誠者,乾、坤 坤二之「方外」,即坤五之「正位」,皆以行之方正 德也 而要之未有誠而不敬, ,誠、敬一心也。 分而言之則有四。 坤之兩爻,「敬」之意 在乾之兩爻,「誠」之 在三、爲君子,則以 人心之德,必兼 自其實者言 聖人所 於六 非 合 者 乃

之雜也,天玄而地黄。大玄黄者,天地猶未離其類也,故稱血焉。夫玄黄者,天地陰疑於陽必戰,爲其嫌於无陽也,故稱龍焉。疑於陽必戰,爲其嫌於无陽也,故稱龍焉。以與於陽必戰,爲其嫌於无陽也,故稱龍焉。

陰陽離則異氣,合則同功, 焉。「未離陰類」,故曰「血」。 剛,不堪陰盛,故曰『龍戰』。 氏寳曰:「陰在上六、十月之時也。 進不已,則戰矣,雖盛極不離陰類也,而與陽争,其傷 見其與陽戰也。「于野」,進不已而至於外也。 於陽也,不相從則必戰。 知,故稱「血」。 程傳陽大陰小,陰必從陽。 地之正色,言陰陽皆傷也。 未嘗无也。「血」,陰屬,蓋氣陽而 「其血玄黄」。 「玄黄」,天地之色,謂皆傷也。 本義「疑」,謂鈞敵而无小大之差也。 陰既盛極,至與陽争,雖陽不能无傷,故 卦雖純陰,恐疑无陽,故 君臣夫妻,其義一也。」〇蔡 戌亥,乾之都也,故『稱龍. ○此以上申《象傳》之意。 陰既盛極,與陽偕矣,是疑 陰陽色雜,故曰「玄黄」。 血陰也。「玄黄」,天 卦成於乾,乾體 坤雖无陽,然陽 集説 盛極 稱 干 пΓ Щ 龍

御纂周易折中卷十六

御纂周易折中卷十七

説卦傳

無說孔氏穎達曰:「孔子以伏羲畫八卦後重爲六十四集,以聚辭》中畧明八卦小成,引而伸之。又曰:「八卦成卦、《繫辭》中畧明八卦小成,引而伸之。又曰:「八卦成卦、《繫辭》中畧明八卦小成,引而伸之。又曰:「八卦成卦、《繫辭》中畧明八卦小成,引而伸之。又曰:「八卦成卦、《繫辭》中畧明八卦小成,引而伸之。又曰:「八卦成卦、《繫辭》中畧明八卦小成,引而伸之。又曰:「八卦成卦、《繫辭》中畧明八卦小成,引而伸之。又曰:「八卦成卦、《繫辭》中畧明八卦小成,引而伸之。又曰:「八卦成卦、系」

類達曰:「以此聖知,深知神明之道,而生用蓍求卦之和平,正道得,而蓍莖長文,其叢生滿百莖。」集説孔氏古者, 幽贊神明」,猶言贊化育。《龜筴傳》曰:「天下昔者聖人之作《易》也, 幽贊於神明而生蓍。

著」,當以生爻之例推之。」
一樣重計。」○母子曰:「四對於法,故曰:「始對於神明而生著」,用著以求卦,非謂有著而後畫卦。」○蘇氏較曰:「介紹以傳命謂之贊天地鬼神不能與人接也,此對。」
一人與實神明,即《大衍》所謂佑神也。」○與氏煥曰:「項之幽贊神明,即《大衍》所謂佑神也。」○與氏煥曰:「項之幽贊神明,即《大衍》所謂佑神也。」○與氏煥曰:「項之幽贊神明,即《大衍》所謂佑神也。」○蘇帝之,謂創立於其。
一人以為此,其謂有著而後畫卦。」○蘇法,故曰:「幽贊於神明而生著」,當以生爻之例推之。」

參天兩地而倚數。

布以爲卦,故以七、八、九、六當之。」依也。倚數在生蓍之後,立卦之前,蓋用蓍得數,而後明天有包地之德,陽有包陰之道。」○陸氏振奇曰:「倚,

觀

變於陰陽

而立

卦,發揮

於剛

柔

而生爻,

和

即成,凡方者錯置兩點,折角而矩之即成,統而言之皆 是,蓋以一乘一,以一 **筭言之,則孔氏所謂「兩爲耦數之始,三爲奇數之初」者** 「以一包兩」者是,蓋天能兼地,故一并二以成三也。 七、八、九、六者、蓋以理言之、則參兩之數、皆統之以 數也,故「參天兩地」者,數之原也。 於三與二也。 陰方,陽實陰虚,故惟七圓而實爲盛陽,惟八方而虚 方者以八而包一,實其中則九也,虚其中 凡圓者以六而包一,虚其中則六也,實其中則七也,凡 老,退者爲少,陰之退者爲老,進者爲少也。 於二、四,成於八、六,故以其成數紀陰陽,陽之進者爲 八也。以筭言之,奇數起於一、三,成於九、七,耦數起 三,故三三爲九,三二爲六,一三二二爲七,一二二二三爲 「參天兩地」,以方圓徑圍定之,亦其大致爾。 者不止圍三,非密率也。 九雖實而積方,則陽將變而爲陰矣,故爲老陽; 以象言之,凡圓者錯置三點,求心而規之 除一,皆不可變,故乘除之數,起 以理言之,則張氏所謂 其用於筮法,則爲 則 八 以象言之: 也。 陽圓 實 以 爲 則

> 皆自參兩中來,故曰「倚數」。 六雖虚而積圓,則陰將變而爲陽矣,故爲老陰也。其數

順 觀變之前也。」〇邵子曰: 「天使我有是之謂命,命之在 於道德而理於義,窮理盡性以至於命 是卦,及細别之,則有六爻。1又問"「陰陽剛柔一也,而 我之謂性,性之在物之謂理。]〇《朱子語類》:「問: 後,端策布爻,故先言生蓍,後言立卦,非是聖人幽贊 伏羲作《易》之初,故直言仰觀俯 倚數」,卦曰「觀變於陰陽」。」○孔氏穎達曰:「《繫辭 數,蓍極數以定象,卦備象以盡數,故蓍曰【參天兩 山澤通氣」,擬象陰陽變化之體,蓍則錯綜天地參兩之 説韓氏伯曰:「卦,象也。 事得其條理,析言之也。 有爻矣,先言卦而後言爻,何也?1曰:「方其立卦,只見 是就陰陽上觀,未用説到蓍數處。』」〇「問: 「觀變於陰陽而立卦」,是就蓍數上觀否?」曰:「恐只 合於天道,此聖人作《易》之極功也。 本義「和順」,從容,无所乖逆,統言之也。 「理」,謂 窮天下之理,盡 蓍,數也。 察,此則論其既 ○此第一章。 掛則 [雷 人物之性,而 『既有 風 相 重之 桂 地 隨 在 而

而

統言之,所謂和順也,就六爻而言之,所謂

理

也

卦

貞」則其德,爻之「潛」、「見」、「躍」、「飛」則其義,以

所有者。」〇徐氏幾曰: 天地人物公共底道理。

「如乾爲天道,而彖之「元亨利

在我底,乃是此理已具得

爲我

説,理乃是在物之理

別言之,何也?」曰:「「觀變於陰陽」,近於造化而言。 ○「問:「窮理盡性至於命。」曰:「此本是就易上説,易 理之極處,故云「盡」,命則性之所自來處,故云「至」。」」 類。□○「又云:「「和順於道德」,是默契本原處。 見得「小往大來」,陰陽消長之意。 「發揮剛柔」,近於人事而言。 命則爲陰陽之道,在人之性則爲仁義之德,在地之宜則 上盡具許多道理,直是窮得物理,盡得人性,到得那天 以至於幽,此所謂神德行也。」〇陳氏淳曰:「理與性 理盡性以至於命」,反覆互言也。 「道即命,德即性,義即理。」「和順於道德而理於義 「和順於道德而理於義」,自幽而言以至 「易者性命之原。」」○項氏 ,性乃是在我之理。 物物皆有理 「窮理 盡性以至於命」,自顯 且如泰卦,以卦言之,只 ,須一一推窮,性則是 爻裹面便有包荒之 易之奇耦 在物底 ,在天之 理於 安世 便 而 是 對 言 與 而本,蓋必「和 道

曰 :

命,所以《通書》説:

窮

爲剛柔之理。

於顯,此所謂顯道也。

義」,是應變合宜處。

觀《易》者,推爻義以窮天下之理,明卦德以 理義非二也,程子謂「在物爲理,處物爲義」是也。 理於義」,從合而分,「窮理盡性以至於命」,從分而 形矣,卦斯立焉,卦既立矣,爻斯生焉。 『和順於道 之爻,故曰「發揮於剛柔而生爻」。」〇何氏楷曰:「數既 就卦中剛柔兩畫,或上或下,微細闡發出來,而生變 乾坤等卦,故曰「觀變於陰陽而立卦」。 未用説到蓍數處是也。 作《易》上看,若作蓍數之變説,卻是用《易》了,朱子謂 性』而後能「至於命」也。」〇盧氏曰:「立卦生爻,在聖人 在我矣。」〇龔氏焕曰:「上句是自源而流,下句 性,窮理盡性,則進退存亡得喪之天道可以 逢其原,故盡性所以至命,只是一 窮則逢其原,故窮理所以盡性。 也。「窮」、「盡」、「至」、皆造極之意。性者,理之原,理 德非二也,子思謂「天命之謂性,率性之謂道」是 順於道德」而後能 聖人觀察天地變化之道 事。」 命者,性之原,性盡 「理於義」,必 既觀象立卦,又 知, 盡 「窮理 一己之 是 丽 **前** 性命 自 天 合 則 動 命 而 盡 末

備明天道人事妙極之理。」○何氏楷曰: 節將明聖人引伸因重之意,故先叙聖人本制蓍數卦爻, 總論孔氏穎達曰:「「昔者聖人」至「以至於命」,此 「此章統論蓍卦

此以知其總言之也。」養」,則自伏義時已用蓍矣。卦爻辭至文王、周公始繫。及爻辭。聖人,謂義、文、周公。《乾鑿度》曰『垂皇策者

室, 此章次第最明、《易》爲卜筮之書而又爲五經之原者,於此章可見矣。生蓍者,立蓍筮之法也。倚數者, 起蓍筮之數也。立卦生爻,則指畫卦繫辭言之。是二之德,而下周乎事物之宜也。「窮理盡性以至於命」,言 於辭既設,則有以窮盡乎事之理,人之性,而上達乎天 分辭既設,則有以窮盡乎事之理,人之性,而上達乎天 命之本也。夫《易》以卜筮爲教,而道德性命之與存焉, 命之本也。夫《易》以卜筮爲教,而道德性命之與存焉, 管《易》者,失教之意者也。

位而成章。 位而成章,分陰分陽,迭用柔剛,故《易》六立人之道曰仁與義。兼三才而兩之,故《易》以立天之道曰陰與陽,立地之道曰柔與剛,以立天之道曰陰與陽,立地之道曰柔與剛,

本義「兼三才而兩之」,總言六畫。 又細分之,則陰陽

之謂之命,自天地人觀之謂之理,三者一也。聖人「將 體,動於知覺者也。 克,高明柔克」。人稟天地,豈不兼仁義乎? 剛,亦有柔德,在地雖柔,亦有剛德,故《書》曰『沈潛 陽,地道又立剛柔,人道亦立仁義也。 收斂,仁卻主發舒,這也是陽中之陰,陰中之陽,互藏其 柔剛」,非謂立地之道柔剛也,言三才陰陽分爲六畫,迭 剛』。]〇郭氏雍曰:「「分陰分陽」,非謂立天之道 三才合而爲一, 之道,蓋互見也。《易》「兼三才而兩之」,六畫成卦,則 以順性命之理」,曰陰陽,曰柔剛,曰仁義,以立天地人 有氣。柔剛者,氣聚而有體。 兼之矣。」〇朱氏震曰:「『易有太極』,陰陽者,太虚 曰:「此明 之位,閒雜 仁若不是陽剛,如何作得許多造化? 云:「陰陽剛柔仁義,看來當曰:義與仁,當以仁對陽。 「六畫」,兼明九六柔剛而後謂之六位。」○《朱子語 以九六柔剛居之也。 也,言三才二道,皆一爲陰一爲陽,見於六位也。『迭用 而成文章也。 卦六爻,有三.才二體之義,故明天道既 然道有變動,故[分陰分陽,迭用 自萬物一源觀之謂之性,自稟賦 故三才二道,不兼九六言之,則 ○此第二章。 仁義根於太虚,見於氣 何則? 義雖剛 集説 所以 '卻主於 崔氏 在 陰陽 聚而 易 天 立 觀 道 剛 雖 柔 憬 曰

也。

位無質,故以「陰陽」名之,畫

有質,故以「柔剛」名

根之意。 之」,言重卦也。 屬陽,義屬陰處。」〇丘氏富國曰:「上言「窮理盡性至 去,若是刑殺時,便遲疑不肯果決,這見得陽舒陰斂,仁 柔謂六,剛謂九也。 自初至上,陰陽各半,故曰「分」。「迭用柔剛」,以爻言, 陽」,以位言,凡卦初、三、五位爲陽,二、四、上位爲陰。 而六,則天地人之道各兩,所謂六畫成卦也。 「分陰分 然所謂性命之理,即陰陽柔剛仁義是也。 命」,此言「順性命」,則《易》中所言之理,皆「性命」也 質有柔剛,人之德有仁義,道則主宰其氣質而爲是德者 之道也。 陰者,柔居之,剛亦居之,或柔 上爲陰位也。上文以柔剛爲地之道,下「柔剛」二字,則 則總言六位也。六位之中,分初、三、五爲陽位,二、四 也。」〇又曰:「上文以「陰陽」爲天之道,下「陰陽」二字: 有文,所謂「六位成章」也。」〇吴氏澄曰:「性之理,謂人 總言六畫也。 「迭」。分之以示其經,迭用以爲之緯,經緯錯綜,粲然 且如今人用賞罰,到賜與人自是無疑,便作將 命之理,謂天地之道也。 六畫之中,奇畫皆謂之剛,耦畫皆謂之柔 方卦之小成,三畫已具三才之道,至重 位之陽者,剛居之,柔亦居之,位之 或剛更相爲用, 天之氣有陰陽,地之 「兼三才而 故 日 兩 申其指。 之。 理。

用以居、《繁辭傳》所謂「物相雜曰 所謂「和順於道德而理於義,窮理盡性以至於命」者,以 其曰「迭用柔剛」者,剛柔之自迭用也,非有分之用之者 之立以陰陽也。其曰「分陰分陽」者,陰陽之自分 也。」〇蔡氏清曰:「「立天之道」,非有以立之也,謂天道 也。」〇胡氏炳文曰:「上章「和順於道德」,統言之也 成亹亹,則仁義之道固在其中矣。 義正所謂「性命之理」也。 也。」〇何氏楷曰:「此章言卦畫「順性命之理」,即上章 「分陰分陽」、「迭用柔剛」、「六位而成章」,又析言之 「理於義」,析言之也。 言蔽之也。 位之陰陽相閒,則分布一定, 性者人之理,命者天地之理,陰陽剛柔仁 此章「六畫而成卦」,統言之也, 分陰陽,用柔剛,以斷吉凶 畫之柔剛不同,則 文」,即此成章之謂 也 斦

義之用不窮,其於事物之宜也,不 性之德也,不亦和順矣乎! 理名焉,即 變於陰陽而立卦,和順於道德而理於義。」此章即 案:上章總論易道,此章以下,專明卦 六畫成卦,則與三極之道相似,其於天地之道,人 性,即 道德之散 德也。 而爲義者也 命,即 道也。 六位成章,則陰陽剛柔仁 ,故總之曰 亦 性 曲 也。 命流行於事 盡 上章云: 其理矣乎 性 命之 物 所 觀 以 丽

道而皆兩,此《易》所以六畫成卦也。三才之道,既以 句,先儒皆就《易》上説,細玩文義,當且就造化上說。 〇又案: 對而分,又以更迭而用,此《易》所以六位成章也。 兼」字、「分」字、「用」字、皆不是著力字。 「兼三才而兩之」, 及「分陰分陽,迭用 蔡氏説極貼 言合三才之 柔剛 如 =此 相

天地定位, 山 澤通 氣,雷風 相薄,水火不相

方於「故《易》」兩字語氣相合。

數往者順,知來者逆,是故《易》逆數

也

射,八卦相錯。

異處 達日: 天、地、 八卦 卦相交而成六十四卦,所謂先天之學也。1**集說**孔氏穎 西,兑居東南,震居東北,巽居西南,艮居西北。 備在爻卦之中矣。」○項氏安世曰:「八卦雖八,實則「陰 與天地等,性命之理,吉凶之數,既往之事,將來之幾, 不相入而相資。 定位」而合德,山澤異體而通氣,雷風各動而相薄,水火 本義邵子曰"「此伏羲八卦之位,乾南坤 ,相錯,乾、坤、震、巽,坎、離、艮、兑,莫不交互,以象 ,則庶類無生成之用,品物無變化之理,故云「天地 此 雷、風,水、火、山、澤,莫不交錯,則《易》之爻卦 一節就卦象明重卦之意,若使天地不交,水火 八卦之用,變化如此,故聖人重卦,令 밣 於是八 離 東 坎

> 之氣。 氣」、「相薄」、「不相射」以用言。 陽1二字而已,是故位 火,乾坤之大用。 厭,明本一物也。」〇龔氏焕曰:「「定位」以體言,「通 而水火之氣,又天地之氣也。」 山澤之氣,即水之氣,雷風之氣,即火 雖 一定而 氣則 天地,乾坤之定體; 通 ,勢雖相 薄 阿情 水 不

爲順,蓋與前逆數若相反,自夏至至冬至爲逆,蓋與前 第,雖似稍涉安排,然亦莫非自然之理。 意,若自乾一横排至坤八,此則全是自然,故《説卦》云 第三章。 乾、兑、離、震、巽、坎、艮、坤爲次,故皆「逆數」也。 以至於坤八,皆循序而生,一 於六十四,皆由此可以知彼,由今可以知來,故自乾 數」也,有一便有二,有二便有四,有四便有十六,以至 分,其初若有左右之勢爾。] 〇陳氏墳曰:「《易》本「逆 逆數者同。 【《易》逆數也」。 若如圓圖,則須如此方見陰陽消長次 而歷坎、艮,以至於坤,推未生之卦也。易之生卦, 本義起震而歷離、兑,以至於乾,數已生之卦也。 集説《朱子語類》云:「先天圖曲折,細詳圖 其左右與今天文家説左右不同,蓋從中而 如横圖之次。 自冬至至夏至 今欲以圓圖 〇此 別以 自 巽

逆。 羲以乾坤定上下之位,坎離列左右之門,艮、兑、震、巽 之卦,如今日復數昨日,故曰「數往者順」。 歷離震之閒爲春分,以至於乾爲純陽,是進而得其已生 皆相對而立,悉以陰陽相 象渾天之形,若一依此序,則乾坤相並,寒暑不分,故伏 《本義》發邵子之藴,則學者孰知此所謂先天之學哉?」 邵子,以「數往者順」一段爲指圓圖,而言卦氣之所以 序,與圓圖之右方而已,故曰「《易》逆數也。」○胡氏炳 進而推其未生之卦,如今日逆計來日,故曰 [知來者 生,起夏至節,歷艮兑之間爲秋分,以至於坤爲純陰,是 可並存。 逆、《易》主於前民用,故曰「《易》逆數也」。惟《本義》依 文曰:「諸儒訓釋,皆謂已往而易見爲順,未來而 方四卦數已生者爲順,右方四卦推未生者爲逆。 順,自一陰一陽,漸推至三陰三陽處爲逆。 案:此節順逆之義,朱子之意如此,然與邵子本意,各成 行,「易逆數」一段爲指横圖,而言卦畫之所以生。 地定位」| 然本《易》之所成,只是自乾一而坤八,如横圖之 蓋邵子本意,以三陰三陽,追數至一陰一陽處爲 而邵子之説,於此兩章文義,尤爲貫串。 節 ,自乾坤説到 配 |震巽,是「數往 自 陽始生,起冬至節, 也。 朱子則謂左 自一陰始 「雷以 前 兩説 知爲 天 非 動

> 也。諸説之詳,備《啓蒙》中。 見陰陽之運行,功用之先後,所重在逆數,如下節所推列是順數,順數者尊乾坤次六子也。若建圖之意,則欲上節以起下節,言圖象數往則順,知來則逆,如上節所之」一節,自震巽説到乾坤,是「知來」也。此三句,是承

雷以動之,風以散之,雨以潤之,日以

晅之。

艮以止之,兑以説之,乾以君之,坤以藏之。 勢均。 霆,陽在外者不得入,則周旋不舍而爲風。 散者也。 揚爲雲而升。 氏穎達曰:「上四舉象,下四舉卦者,王肅云互相備也。」 子語類》云:「「雷以動之」以下四句,取象義多,故以 子」而歸乾坤 寒暑正。」〇朱氏震曰: 而散則爲戾氣曀霾。 虚實,故雷風有大小暴緩,和而散則爲霜雪雨露, ○張子曰:「陰性凝聚,陽性發散,陰聚之陽必散之,其 本義此卦位相對,與上章同。 散陽爲陰累,則相持爲雨而降, 凡陰氣凝聚,陽在内者不得出,則奮擊而爲雷 ,終始循環,不見首尾,易之道也。」○《朱 故雲物班布太處者,陰爲風驅,斂聚而 陰常散緩,受交於陽 「前説乾坤以至「六子」,此説「六 ○此第四章。 陰爲陽得 (,則風 其聚有遠 集説孔 雨 則 不和 調 近 未

象也。 氏安世曰:「自【天地定位】至「八卦相錯」,言先天之順 言。 也。」〇胡氏炳文曰:「此章卦位相對與上章同,特上章 震之義,亦具其中矣。 乾,首震者其重在震,二章雖皆明先天卦序,而後天始 章始乾坤終坎離,此章始震巽終乾坤。首乾者其 功也。上以體言,此以功用言也。1〇吴氏曰慎曰: 「上章以天地居首,序尊卑也。 先之以乾坤,此章則終之以乾坤也。」〇金氏賁亨曰: 「艮以止之」以下四 自「雷以動之」至「坤以藏之」, 言先天之逆象 一句,取卦義多,故以卦言。」○項 此章以乾坤居後,總成 重 前 在

所謂 易焉盡之矣,「定位」、「通氣」、「相薄」、「不相射」以至於 案:此上二章,明伏羲卦位也。 中間以順逆爲説者,指明卦序也。 物,艮以止物,所謂「一寒一暑」。乾以君主,坤以藏載 相錯」即《繋傳》首章所謂 薄」、「不相射」即《繫傳》首章所謂「 「相錯」,所謂交易者也。「動」、「散」、「潤」、「晅」、「止」、 ·説」以統於君藏,所謂變易者也。 「定位」、「通氣」、「相 鼓之以雷霆」,右方異坎所謂 「乾道成男」而知大始,「坤道成女」而作成物 「相盪」者也。 「潤之以 天地萬物之理,交易變 先言天地以及六子, 「相摩」者也。「八卦 《風雨」。 左方震離所謂 兑以説 也

> 之也。 也。 《上傳》於雷霆風雨之下,亦曰「一寒一暑」而不言 夏大冬而言。大夏如下章所云「萬物皆相見」,「向明 故曰「兑以説之」。 又案: 艮兑不言山澤,則是指氣言也。 則無以立本,故《易》雖主於逆數,而必以順數先之。 意取用之序,邵子謂此一節直解圖意者是也。 爲知來,其理則《繫傳》雷霆風雨,終之以乾坤者也。 之以象形者也。先言六子以及天地,用之序也,於圖 體之序也,於圖 治」,是君之也。 氣,而「雨以潤之」,則於卦象皆切。 若雷以動積寒之氣,而「日以晅之」,風以散積暑 位 大冬如下章所云「萬物之所歸」, 爲數往,其理則《繫傳》天尊地卑,終 寒氣嚴凝收斂,故曰 乾君坤藏,亦主 「艮以 氣温熱發生 心止之」。 然非 是 山 圖 藏 Щ 之 體 位 大 凙

言乎兑,戰乎乾,勞乎坎,成言乎艮。帝出乎震,齊乎巽,相見乎離,致役乎坤,説

六子而自處於無爲之地。此大故無義理。雷風山澤之定,所謂後天之學也。」集說程子曰:「《易》八卦之位,定,所謂後天之學也。」集說程子曰:「《易》八卦之位,本義「帝」者,天之主宰。邵子曰:「此卦位乃文王所

而處綱紀之内,自東南至西皆陰,自西北至東皆陽,亦「三男震、坎、艮,以次綱紀於始終,三女巽、離、兑,以次也,豈可謂手足耳目皆用而身無爲乎?」○何氏楷曰:類,便是天地之用,如人身之有耳目手足,便是人之用

也。 萬物出乎震,震,東方也。 故 乾,西北之卦也,言陰陽相薄也。 也 也,萬物皆致養焉,故曰致役乎坤。 聽天下,嚮明而治,蓋取諸此也。 也,萬物皆相見,南方之卦也。聖人南面 終而所成始也,故曰成言乎艮。 也,正北方之卦也,勞卦也,萬物之所歸也, 曰 ,萬物之所説也,故曰説言乎兑。 最齊整,故坤蹇彖辭,有「西南」「東北」之語。」 勞乎坎。 齊也者,言萬物之潔齊也。 艮,東北之卦也,萬物之所成 齊乎巽,巽,東南 離也者,明 坤也者, 坎者,水 戰乎乾, 兑,正秋 地 丽

章,所推卦位之説,多未詳者。 集 説 鄭氏康成曰:本義上言帝,此言萬物之隨帝以出人也。〇此第五

西北。 人地。 「「萬物出乎震」,雷發聲以生之也,「齊乎巽」,風摇 帝言「致役」者、蓋坤臣 乾」,而乾位焉,戰勝 而陰氣盛矣,非至健莫能與争。 巽、離、兑方位夾乎坤者,坤統三女也。 長養之方也。 母道在養育萬物,萬物之生,盛於西南。 樵曰:「乾居西北,父道也。 大抵終始萬物盛乎艮,此儘神妙,須研窮此理。]○鄭氏 絶之理,故相攙掩過,如天將曉,復至陰黑,亦是理 生,每遇至後則倍寒,何也? 便生,不止則不生,此艮終始萬物。」〇又曰:「冬至 始,皆艮之用事也。」〇程子曰:「艮,止也,生也。 「萬物之所歸也」,萬物自春出生於地,冬氣閉藏,還皆 陰也,而乾以純陽臨之。坎,「勞卦也」,水性勞而不倦。 木皆老,猶以澤氣説成之。 「戰」,「言陰陽相薄」,西北 大,萬物皆致養,地氣含養,使秀實也。 齊之也。 「萬物之所成終而所成始」,言萬物陰氣終,陽氣 西北者,萬物成就之方也。 「潔」,猶 坎、艮、震方位次於乾者,乾統三男也 新 則陽氣起矣。」〇楊氏萬里 也。 也 【萬物皆相見」,日照之使 ,帝君也,君之於臣,役之而 父道尊嚴,嚴凝之氣,盛於 陰陽消長之際,無截然斷 故陰陽相薄,曰「戰乎 坤 居西 西北盛陰用事, 萬物之所說,草 西南者,萬物 南,母道 曰:「於 止 動以 也 陽 則

此四者分居四隅也。 陽金也,故乾居西北,亥之方也。 巽居東南,已之位也。 兑屬金,乾亦屬金,兑陰金也,乾 居正位也。 也 中氣,故離火居南,坎水居北也。震,動也,物生之初 序甚明。」○徐氏幾曰:「坎離,天地之大用也,得乾坤 乎陰。 兑陰金,故正西。 土,故在陽地。震陽木,故正東。 也。水火各一者,以氣王也。 冬春之交,爲東北方之卦。木、金、上各二者,以形王 故兑爲正秋,乾西北次之。坎水主冬,故爲北方之卦。 東南次之。離火主夏,故爲南方之卦。 兑乾二金主秋, 後,播五行於四時也。 戰于野」?」○項氏安世曰:「後天之序,據太極既分之 盛陽微之時,陰疑於陽也,不然則坤之上六,何以言「龍 艮陽土,坤居西南,艮居東北者,所以均王乎四時 土王四季,故坤土在夏秋之交,爲西南方之卦。艮土在 養之而已。 ,故居東。 於萬物言致養者、蓋坤母也、萬物子也、母之於子、 震屬木、巽亦屬木、震陽木也、巽陰木也、 至於他卦不言戰而乾言戰,乾西北之卦,陰 兑, 説也, 物成之後也, 故居西。 後天八卦以震、巽、離、坤、兑、乾、 震巽二木主春,故震在東方,巽 乾陽金,故近北而接乎陽。 坤陰土,故在陰地。 坤艮皆土也,坤陰土, 巽陰木,故近 此 乙四者各 南而 艮陽 也。 , 故 之 其 接

是也。」〇俞氏琰曰:「艮,止也,不言止而言成,蓋止則 所以爲春之生,生生克克,變化無窮,孰主宰之? 相克。上金順以相生,所以爲秋之克,木土逆以 也,水木之交,有艮土焉,木克土,土克水,生者又逆以 則火生土,土生金,克者又順以相生,冬而春,水生木者 以互見也。夏而秋,火克金者也,火金之交,有坤土焉, 水以象言,八卦之象可推,兑秋以時言,八卦之時可推 ○胡氏炳文曰:「離明以德言,八卦之德可推,坤地坎 火陰陽之正,木、金、土陰陽之交,正者一而交者二也。」 物之功,成始而成終者也。 養之終,成而終者又將於此而始,此上無不在,其於養 也,故又曰 成言乎艮」。 莫盛於此,故曰「致役乎坤」。非他時不養,而獨養乎此 於西南夏秋之交,物將成就之時,土氣正旺,致養之功 獨言致役乎坤,何也? 流行之序也。」〇龔氏焕曰:「土之於物,無時而不養,今 又生火,八卦之用,五行之生,循環無窮,此所以爲造化 之,水非土亦不能以生木,故艮次之。水土又生木,木 土,故坤次之,坤土生金,故兑乾次之,金生水,故坎次 坎、艮爲次者,震、巽屬木,木生火,故離 曰: 土之養物,雖無時不然,然 艮亦土也,養者成之漸,成者 水火一而木、金、土二者,水 次之,離火生 相克 日帝

是I。」○陳氏琛曰:「火氣極熱,物無由而成,水氣極寒, 治天下,皆要中和。」○張氏振淵曰:「成始只在成終内, 治天下,皆要中和。」○張氏振淵曰:「成始只在成終内, 治天下,皆要中和。」○張氏振淵曰:「成始只在成終内, 無兩截事。」○吴氏曰慎曰:「氣不翕聚則不能發散,物 無兩截事。」○吴氏曰慎曰:「氣不翕聚則不能發散,物 無兩截事。」○吴氏曰慎曰:「氣不翕聚則不能發散,物 無兩截事。」○吴氏曰慎曰:「氣不翕聚則不能發散,物 無兩截事。」○民氏曰慎曰:「氣不翕聚則不能發散,物 無兩截事。」○民氏曰慎曰:「氣不翕聚則不能發散,物 無兩截事。」○民氏曰慎曰:「氣不愈聚則不能發散,物

厲而風行者,造化之初,是故陽氣奮而物無不出,陰氣 案:此章明文王卦位也。 行,天地人物其理一也。」 物而物成矣。 於陽則養至矣。 順而物無不齊。 静不窮之義而司成焉。 休,故坎以習熟之義而司勞焉,動者於此止,故艮以 見其健而不已焉者,天之所以爲天也。 而化之而命斯行,自始至終,莫非天也。 交錯之妙,動静互根之機,則必合而觀之,然後造化之 盡。 孔子 雖然,天之道資陰而用之而功乃就克陰 所以釋文王之意者,如 陽氣盛,麗於陰則明極矣。 陽之和足於内,陰之滋足於外,則説乎 夫文之位變乎羲矣,而 震動而發散者,生機之始,雷 此而已。 由是役者於此 而終始之際: 陰精厚,順 諸儒 其體 或 用 動

> 坤艮之理,亦有未盡者,蓋吕《令》以上獨王未月而爲 後天列象交變之妙。 以獨爲上德之居也。 申,爲三陰三陽之卦 之寒,自酉至丑,陰多之卦是也。 熱,自卯至未,陽多之卦是也。 之間,陰陽二氣,皆互相勝,陽勝陰,則爲木之温,火之 金,水非土,必不能生木,則土之功於是爲著。 之生火,金之生水,無所藉於土,若火非土,必不 未,視《月令》則多其一,視京房則少其二,何也? 季,則土位有四也。 央,則土位惟 以 五行言之,説亦詳密,故備載以相參考。 也。 京房以土分王辰、戌、丑、未 ,則二氣適均,而爲中和之會,此所 今文王之卦,惟坤艮二土,位於丑 見《啓蒙附論》中。 其精義亦非諸術所及,尚有先天 陰勝陽,則爲金之凉,水 惟丑 接於寅,未接於 然諸 又 儒 丽 能 蓋 所言 直 成 木 四 中

也。 也。 也。 也。 也。 他,以,说其物者莫说乎澤,潤萬物者莫潤乎水, 好,说萬物者莫説乎澤,潤萬物者莫潤乎水, 好,说萬物者莫説乎澤,潤萬物者莫潤乎水, 學雷,燒萬物者莫淚乎風,燥萬物者莫熯乎 神也者,妙萬物而爲言者也。動萬物者莫疾

六四九

序亦用上章之説,未詳其義。 神也。 潤,莫不自然相與爲變化,故能萬物既成也。]〇崔氏憬 伯曰:「於此言「神」者,明八卦運動,變化推移,莫有使 本 山義則不然,故言卦 者,以動、燒、燥、潤,功是雷風水火,至於終始萬物,於 爲,故能成雷風等有爲之神妙也。 曰:「此言六卦之用,而不及乾坤者,以天地無爲而無不 之然者。 變化既成萬物,合則化,化則神。」〇項氏安世曰: 然不能以獨化,故必相逮也,不相悖也,通氣也,然後能 朱氏震曰: 也。 通氣變化,復據先天相合之位者,明五氣順布,四季分 有戾於先天之事也。]○又曰:「澤不爲潤而爲「説」者: 王之時,無極之真,二、五之精,所以妙合而凝者,未始 ·潤」者,氣之濕而在内者也。 、燥、説、潤、盛,皆據後天分治之序。 澤氣上浮而光溢於外,故説而可愛,若潤物之功, 此去乾坤而專言「六子」,以見神之所爲,然其 且 神無物,妙萬物而爲言,則雷疾風行,火炎水 動、燒、燥、説、潤、終始萬物者,孰若六子? 「張子云『一則神,兩則化』,妙萬物者,一則 而餘皆稱物,各取便而論也。]〇 〇此第六章。 「説」者,色之光而在外者 艮不言山,獨舉卦 而相逮不相悖、 集説 動、 韓氏 位 名

也; 燥者炎赫暴炙,離之相見 之所以説,水之所以潤,艮之所以終始,皆乾坤之神也。 言者也』。 室萬物之帝,行乎六子之中,所謂「神也者,妙萬物而 章文王卦位之後,而言六卦之用。 淫液而深長,則惟水足以當之。]○吴氏澄曰 説且潤矣,於是「艮以止之」,止則終,終則復始。 柔,火以燥之。及其長也,澤以説其外,水以潤其内, 之方萌、「雷以動之」。 合之妙如此,然後變化之妙亦如此。」○俞氏琰曰:「物 陰陽之交合,後天雷動風橈,以次五行之變化 天之所以變化者,實由先天而來。 雷之所以動,風之所以橈,以至艮之所以終所以 坤而專言六子,以見神之所爲,言神則乾坤在其中矣。 五章言後天,此第六章則由後天而推先天者也。 成也。」〇胡氏炳文曰:「以上第三章、第四章言先天,第 動者發萌啓蟄,震之出也, 橈者吹拂長養,巽之齊也, 神不離乎物也,即萬物之中而妙不可測者,神也,故 「妙萬物」。 潤者滋液歸根,坎之勞也,終始者貞下起元,艮之 萬物有迹可見,而神在其中,無迹可見。 雷之所以動,風之所以橈,火之所以燥,澤 萌而未舒,風以橈之。 也, 説者欣懌充實, 兑之説 先天水火相建,以次 不言乾坤者 「此承 惟 で、乾坤 舒 公始,後 此一六 去乾 而 其交 既 尚 Ħ 然 爲 主 上

子1各一其用,而其所以成萬物者如 化,畢成萬物 旦 帝之用,故主宰萬物者帝也,所以「妙萬物」者帝之神 物也」。」○梁氏寅曰:「神,即帝也。 也。 后所主宰,然後六職交舉而治功成矣。]〇葉氏爾瞻 蓋神如君后,「六子」則六官之分職也,六官所施行皆帝 於此蓋可以驗「合一不測」之義,「無在無不在」之意。 隅,不得謂之妙。 也。」〇蔡氏清曰:「如雷專於動,風專於燒,則滯於 成萬物處。然天地功用惟 六子之伸縮變化,皆天地之爲也,所以謂神當乾坤 之變化成萬物者,所謂兩者之化也。 「六子」各得其耦者,所謂兩也。 「橈」,曰「燥」,曰「説」,曰「潤」,曰「終始」,此正變化 「神非乾坤,乃乾坤之運「六子」而不測者,曰 就此兩化之合一不測處,乃所謂神。」 ,則又在乎兩相爲用,「然後能變化既 天地則役使六子,以造化乎萬物,而 一,故神非兩不化。 兩者,體之立也。 是也。 帝者神之體,神者 兩者之化,用之行 乃若能變能 先天之 動」, 成萬 後天 也

者也。交易者神也,所以變變化化,道並行而不相悖,「燒萬物」、「燥萬物」、「説萬物」、「潤萬物」、「終始萬物」著,而交易之理,先天爲明。變易者化也,「動萬物」、案:此章合義文卦位而總贊之。蓋變易之序,後天爲

天者也,故以其不測之機而謂之妙。也,故以其可見之功而謂之成。神者生物之心也,統使物並育而不相害者也。化者造物之迹也,統乎地

者

坎,陷也。 乾,健也。 雷。 天也。 天。 艮象山,山體静止,故爲止。 兑象澤,澤潤萬物,故 爲健。 達曰:「此一節説八卦名訓。 巽,人也,一陰人二陽之下,故天下之人莫如風。 如水。艮,止也,一陽於是而止也,故天下之止莫如 説。」○邵子曰:「乾,奇也,陽也,健也,故天下之健莫如 水,水處險陷,故爲陷。 萬物,故爲動。 本義此言八卦之性情。 莫如火,故又爲附麗之麗。 也,一陰麗於二陽,其卦錯然成文而華麗也。 坤、耦也、陰也、順也、故天下之順莫如地、所以 坎、陷也,一陽陷於二陰、陷、下也、故天下之下莫 震,起也,一 坤象地,地順承於天,故爲順。 坤,順也。 離,麗也。 巽象風,風行無所不入,故爲入。 陽起也,起,動也,故天下之動莫如 離象火,火必著於物,故爲麗。 艮,止也。兑,説也 〇此第七章。 震,動也。 兑,説也, 乾象天,天體運轉不息,故 震象雷,雷 陰出於外而説 集説孔氏 巽,入也。 天下之麗 離,題 坎 奮 Ш 爲 象 穎 順 動

也。 乾坤。 者始於人而終於説。 類萬物之情,盡於八卦,而震、巽、坎、離、艮、兑,又總於 附於陰爲火。1○又曰:「一陷溺而不得出爲坎,一 於物,故天下之説莫如澤。」〇張子 自 於得所說。]〇蔡氏清曰:「自震而艮者,陽之由動而 卦性情盡。」○項氏安世曰: 曰「麗」、曰「説」,皆順底意思,聖人下此八字,極狀得八 而不能去爲離。」〇《朱子語類》云:「以通神明之德,以 動而向於静也,離則自静而向於動也。」 自巽而兑者,陰之由静而動也。 曰「動」、曰「陷」、曰「止」,皆健底意思,曰「入」、 陽之動,志於得所止,陰之人,志 「健者始於動而終於止,順 Ė 坎離在中間,坎則 「陽陷 於陰爲 附麗 水 静

案: 附而散之,人與麗皆陽也,特以先有陰質爲主,故謂之 似未合經義。 得之,其説三陰卦,以巽爲陰人於陽,離爲陰附於陽 孔氏之説固不如邵子之説矣。 陰卦爾。 曰 物理之妙。 八卦以卦畫定名義在先,取象於雷風山澤等在後, 「陰在内,陽在外者不得人,則周旋不舍而爲風。」實 惟張子曰:「陽陷於陰爲水,附於陰爲火。」又 蓋陰在内,陽必人而散之,陰在中,陽必 然邵子説三陽卦,則既 則

爲 雉

,艮爲狗 ,兑爲羊。

馬。 陽,故牛疾則立。 坤陰物也,牛故蹄拆。 羊。」〇又曰:「《造化權輿》云:「乾陽物也,馬故蹄 而外明者爲雉,前剛而止物者爲狗,内狠而外説者 牛,善動者爲龍,善伏者爲雞,質躁而外污者爲豕,質野 順之畜,故爲羊也。」〇項氏安世曰: 濕,故爲豕。 龍。 曰:「此一節畧明遠取諸物也。 陰物,故起先後足,卧先前足。」」 本義遠取諸物如此。○此第八章。 能善守,禁止外人,故爲狗。 巽主號令,雞能知時,故爲雞。 坤象地,任重而順,故爲牛。震動象,龍動物故 離爲文明,雉有文章,故爲雉。 馬陽物,故起先前足,卧先後足。 陽病則陰,故馬疾則卧。 兑,説也。 乾象天,天行健,故 坎主水瀆,豕處 「健者爲馬,順者爲 集説 王廙云: 艮爲静止 孔氏類 陰病 羊者 圓 牛 則 爲 爲 污 爲 達

狗

爲目,艮爲手,兑爲口。 乾爲首,坤爲腹,震爲足,巽爲股,坎爲耳,離

坤 曰:「此一節畧明近取諸身也。乾尊而在上,故爲「首」。 本義近取諸身如此。 能包藏含容,故爲「腹」。 ○此第九章。 足能動用,故「震爲足」也。 集説 孔氏穎 達

乾爲馬,坤爲牛,震爲龍,巽爲雞,坎爲豕,離

得男,故謂之少男,兑三索而得女,故謂之男,離再索而得女,故謂之中女。艮三索而女,故謂之長女。坎再索而得男,故謂之中震一索而得男,故謂之長男,巽一索而得震一家而得男,故謂之長男,巽一索而得寒,张也,故稱乎父。坤,地也,故稱乎母。案:諸儒説殷義,惟余氏得之,蓋股者陰所伏也。

一陽之爻而言。○此第十章。 集説《朱子語類》云:本義素,求也,謂揲蓍以求爻也。 男、女,指卦中一陰

說,當從吴氏,《朱子語類》記録偶誤。 山、澤諸象者,爲前圖位中已具。○乾求坤、坤求乾之.以、説諸德,則名卦之義,易理之根也。不言雷、風、、、、說諸德,則名卦之義,易理之根也。不言雷、風、

乾爲天,爲圜,爲君,爲父,爲玉,爲金,爲寒,

爲冰,爲大赤,爲良馬,爲老馬,爲瘠馬, 爲駁

馬,爲木果。

本義《荀九家》此下有「爲龍,爲直,爲衣,爲言」。

也。 之善也。 之地也。 説孔氏穎達曰:「此一節廣明乾象。 曰:「木結實而種之,又成是木而結是實,木非舊木也, 甚,瘠馬,骨多也。駁馬有牙如鋸,能食虎豹,取其至健 爲玉爲金,取其剛之清明也。 轉,故爲圜。 此木之神不二也,此實生生之理也。]○郭氏雍曰:「果 爲木果,取其果實著木,有似星之著天也。」〇邵子 爲大赤,取其盛陽之色也。 老馬,取其行健之久也。 爲君,爲父,取其尊道而爲萬物之始 爲寒爲冰,取其西北寒冰 瘠馬,取其行健之 爲良馬,取其行健 乾既爲天,天動運 也。 集

凝也。 者木之始也。 德粹也。爲金,堅剛也。 迥曰:「爲圜,天之體也。 爲木果,以實承實也。」〇《朱子語類》云:「卦象 木以果爲始,猶物以乾爲始也。」○程氏 爲寒,位西北也。爲冰,寒之 爲君、居上而覆下也。爲玉

坤爲 子 母牛,爲大輿,爲文,爲衆,爲柄,其於地也 地 ,爲母,爲布,爲釜,爲吝嗇,爲均,爲

指文王卦言,所以乾言爲寒爲冰。」

爲黑。

本義《荀九家》有「爲牝,爲迷,爲方,爲囊,爲裳,爲黄,

坤既爲地,地受任生育,故爲母也。 爲帛,爲漿」。 集説孔氏穎達曰: 此一 爲布、取其廣載 節 廣 明坤 也

爲均,地道平均也。爲子母牛,取其多蕃育而順之也。 爲釜,取其化生成熟也。爲吝嗇,取其生物不轉移也。 爲大輿,取其載萬物也。爲文,取其萬物之色雜也。

爲本,故爲柄。」〇項氏安世曰:「吝嗇,其静之翕,均 取其極陰之色也。]〇崔氏憬曰: 衆,取其載物非 「坤爲布」。 地生萬物,不擇美惡,故爲均也。 也。 爲柄,取其生物之本也。 「徧布萬物於致養,故 萬物依之 爲黑 爲

子,爲決躁,爲蒼筤竹,爲萑葦。 震爲雷,爲龍,爲玄黄,爲旉,爲大塗,爲長 其於馬也,

其動之闢也。 乾質故坤文,乾一故坤衆。」

爲善鳴,爲馵足,爲作足,爲的 也,爲反生。 其究爲健,爲蕃鮮 顙。 其於稼

曰:「天玄地黄,震天地之雜,故爲玄黄。」○孔氏穎達 本義《荀九家》有「爲玉、爲鵠、爲鼓」。 集説 虞氏翻

也。 其剛動也。爲蒼筤竹,竹初生色蒼也。 取其萬物之所生也。 也。 後足白爲馵,取其動 爲旉,取其春時氣至,草木皆吐,旉布 巽,故「爲蕃鮮」。」○蔡氏清曰:「凡稼之始生,皆爲反 琰曰:「陽長而不已,則其究爲乾之健。 三爻俱變則爲 爲健也。爲蕃鮮,取其春時草木蕃育而鮮明。」○俞氏 爲反生,取其始生戴甲而 生,蓋以其初閒生意實從種子中出,而下著地以爲根 然後種中萌芽乃自舉。」 此 爲的顙,白額爲的顙,亦取動 其於馬也,爲善鳴,取雷聲之遠聞也。 節 廣明震象。 爲長子,震爲長子也。 而見 爲玄黄,取其相 出 也。 也。 爲作足,取其動而 其究爲健,極於震動則 而見也。 而生也 爲萑葦,竹之類 雜而成蒼色 爲馵足,馬 其於稼 爲決躁,取 爲大塗 行 也, 也。 健

倍,其究爲躁卦。也,爲寡髮,爲廣顙,爲多白眼,爲近利市三也,爲寡髮,爲廣顙,爲多白眼,爲近利市三爲長,爲高,爲進退,爲不果,爲臭。其於人巽爲木,爲風,爲長女,爲繩直,爲工,爲白,

繩直,上二陽共正一陰,使不得邪解,如繩之直也。」〇本義《荀九家》有「爲楊,爲鸛」。 集説 罹氏玄曰:「爲

也。 也。」 之勢極於躁急也。」〇項氏安世曰:「繩直其齊,白其潔 其木生蕃盛,於市則三倍之利也。 白也。 顙,額闊髮寡少之義。 爲不果,亦進退之義也。 取繩直之類。 直,巽順之謂也。 孔氏穎達 髮,風落樹之華葉,則在樹者稀疏,如人之少髮。 爲高,取其木生而上也。 爲近利,取躁人之情,多近於利也。 曰:「此 爲白,取 爲繩直,取其號 節 廣明異象。 爲多白眼,取躁人之眼,其色多 其潔也。 爲臭,取其風所發也。 爲進退,取其風性 爲長,取其風 令齊物 其究爲躁卦,取其風 異爲木,木 也。 市三倍,取 пſ 爲 行之遠 以 工,亦 前 爲 輮 卻。 寡 廣 曲

而眸子清明者,皆潔者也。案:寡髮,廣顙,多白眼,皆取潔義。今人之額闊少寒毛

月,爲盜。其於木也,爲堅多心。 爲薄蹄,爲曳。其於輿也,爲多眚,爲通,爲爲赤。其於馬也,爲美脊,爲亟心,爲下首,其於人也,爲加憂,爲心病,爲耳痛,爲血卦,

本義《荀九家》有「爲宮,爲律,爲可,爲棟,爲叢棘,爲

不通也。 狐,爲 其憂險難也。 在中央,馬脊之象也。」〇孔氏穎達曰: 水之精 爲亟心,亟,急也,取其中堅内動也。 爲赤,亦取血之色。 勞卦,聽勞則耳 弓者激矢如水激射也,輪者運行如水行也。爲加憂,取 爲矯,使直者曲爲輮,水流曲直,故爲矯輮也。爲弓輪 矯,直者更曲爲輮,水流有曲直,故爲矯輮。 也。 而 向下也。 光以爲光,故兼外影耳。 血卦。」○蔡氏清曰: 在内也。」〇鄭氏正夫曰:「血在形,如水在天地間,故 重 載也。 行也。 坎爲水,取其北方之行也。 爲盜,取水行潛竊也。 ,何獨外影? 其於輿 爲隱伏,取其水藏地中也。 爲薄蹄,取水流迫地而行也。 爲通,取其行有孔穴也。 爲桎 爲心病,憂險難故心病也。 痛也。 也,爲多眚,取其表裏有陰,力弱 一件。」 其於馬也,爲美脊,取其陽在中 「日火外影也,金水内影也,月是金 티 : 集説 爲血卦,人之有血,猶地有水也。 凡金與水得日之光,亦光輝外 月體 其於木也,爲堅多心,取剛 宋氏 亦内影,坎象也,得日之 爲溝瀆,取其水行 衷 爲月,月是水之精 爲下首,取其水流 **E** 爲矯輮,使 此一 爲曳,取水磨地 爲耳痛,坎爲 曲 爲美脊,陽 節 者 廣明 曲 更 者直 不 無所 直 也 爲 能 坎 爲

> 勞也。 也。 案: 坎 亟心、下首、薄蹄、曳者,馬之勞也。 以以習 凡馬勞極,則心亟而屢下其首,蹄薄而足曳,皆 險 取 勞 義 故 故 加 憂。 心 病 耳 痛者, 多皆者,車之 人之勞

離爲火,爲日,爲電,爲中

女,爲甲

胄,爲

戈

歷險之甚所致也。

兵。 爲嬴 精也。 蓋與坎之堅多心相反。」 也。」〇俞氏琰曰:「離中虚而外乾燥,故爲木之科上槁。 爲科上槁,科,空也,陰在内爲空,木既空中,上必枯 鼈,爲蟹,爲嬴 爲大腹,取其懷陰氣也。 取其剛在外也。 本義《荀九家》有「爲牝牛」。 節廣明離象。 其於人也,爲大腹,爲乾卦,爲鼈,爲蟹 ,爲蚌,爲龜。 爲電,火之類也。 ,爲蚌,爲龜,皆取剛 爲戈兵,取其以剛自捍也。 離爲火,取南方之行也。 其於木也,爲科上槁 爲中女,離爲中女。 爲乾卦,取其日所烜也。 集説孔氏穎達曰:「此 在外 倬 爲日,日是火 其於木也 其於人也 爲甲胄 爲 槁

 閱寺,爲指,爲狗,爲鼠,爲黔喙之屬。其於

 艮爲山,爲徑路,爲小石,爲門闕,爲果蓏,爲

射也。」

爲果,草實爲蓏,取其出於山谷之中也。 爲陽卦之小者也。 爲徑路,取其山 陽剛在上,故堅多節。」〇孔氏穎達曰:「此一節廣明艮 也。」〇虞氏翻曰:「爲山,故爲徑路也。 曰:「閽人主門,寺人主巷,艮爲止, 本義《荀九家》有「爲鼻,爲虎,爲狐」。 禁止人也。爲指,取其執止物也。爲狗,爲鼠,取其皆 之内人及女官之戒令,止物之不得出者。坎之剛在内 官》閹人掌王宫中門之禁,止物之不應入者。寺人掌王 藏能終而又能始,故於艮之象爲切。」○俞氏琰曰:「《周 旉,爲蕃鮮,草木之始也。艮爲果蓏,草木之終也。果 爲堅多節,取其堅凝,故多節也。」○項氏安世曰:「震爲 止人家也。爲黔喙之屬,取其山居之獸也。其於木也, 故爲木之堅多心,艮之剛在外,故爲木之堅多節。」 艮爲山,取陰在下爲止,陽在上爲高,故艮象山也。 路有澗道也。 爲門闕,取其崇高也。 爲小石,取其艮爲山,又 此職皆掌禁止者 艮手,故爲指 集説宋氏衷 爲閽寺,取其 爲果蓏,木實

> 停,則鹹鹵也。 其口舌之官也。爲口舌,取西方於五事而言也。 陰卦之小,地類卑也。 集説孔氏穎達曰:「此一 也,果蓏之屬則附决也。 折,爲附决,兑西方之卦,取秋物成熟,稟稈之屬則 八卦之象,其間多不可曉者,求之於經,亦不盡 本義《荀九家》有「爲常,爲輔頗」。 爲妾,取少女從姊爲娣也。」 爲少女,兑爲少女也。 其於地也,爲剛鹵, 節廣明兑象。 〇此第十一章。 兑爲澤,取 取水澤所 爲 巫、取 合也。 爲毀 殺折 廣 其

明。 也。 故於人爲大腹。艮爲閽寺,爲指,艮之止也, 兑爲巫,爲 陰,水與月則内明外暗,離內陰外陽,火與日則內暗外 之性也。震、異獨以「其究」言,剛柔之始也。 坤爲牛,此則爲子母牛。 者之决也。」〇胡氏炳文曰:「此章廣八卦之象,凡百 總論項氏安世曰:「此章推廣象類,使之明備 大興,載於下而方。 有二。其中有相對取象者,如乾爲天、坤爲地之類是 [舌,陰之説也。 坎中實,故於人爲加憂,爲心病,爲耳痛,離中虚, 上文乾爲馬,此則爲良馬,老馬,瘠馬,駁馬。 有相反取象者,震爲大塗,反而艮則 震爲决躁,巽爲進退,爲不果 乾爲木果,結於上而圓 坎内陽外 ,以資占 剛 ,坤爲 上文 柔

御纂周易折中卷十七

決。

其於地也,爲剛鹵。

爲妾,爲羊。

兑爲澤,爲少女,爲巫,爲口舌,爲毀折,爲附

下也。 的顙。 盗 ; 上槁。 爲徑路,巽爲長,爲高,反而兑則爲毀折。 心,艮上陽故於木爲堅多節,離中陰而虚,故於木爲科 蹄,曳。巽爲木,幹陽而根陰也,坎中陽,故於木爲堅多 者、乾爲馬、震得乾初之陽、故於馬爲善鳴、馵足、作足、 見陽之闢,均者,地之平也,以見天之高,離爲乾卦,以 爲口舌,因而爲巫。 乾爲馬,震坎得乾之陽皆言馬,而艮不言者,艮止也,止 也。 兑少女,爲妾,而巽離不言者,於陰之少者卑之也。 震之爲聲。 震爲長子,而坎艮不言者,於陽之長者尊之 見坎之爲濕, 坎爲血卦,以見離之爲氣, 異爲臭,以見 之爲臣,乾爲圜,以見坤之爲方,吝嗇者,陰之翕也,以 之性非馬也。他可觸類而通矣。」 巽爲繩直,因而爲工,艮爲門闕,因而爲閱寺, 乾爲木果,艮爲果蓏,果陽在上,果蓏陽上而陰 有一卦之中,自相因取象者,坎爲隱伏,因而爲 坎得乾中爻之陽,故於馬爲美脊,亟心,下首,薄 有不言而互見者,乾爲君,以見坤 有 相 因 取象 兑

則非廣也,意前爲歷代相傳,而此則《周易》義例與。案:此章雖廣八卦之象,然有前文所取,而此反不備者,

御纂周易折中卷十七

御纂周易折中卷十八

序卦傳

《易》之藴也,蓋因卦之次,托象以明義。」今驗六十 則變以對之,乾、坤、坎、離、大過、頤、中孚、小過之類是 屯、蒙、需、訟、師、比之類是也。 卦,二二相偶,非覆即變。 集説孔氏穎達曰:「韓康伯云:「《序卦》之所明,非 乎?」曰"「此沙隨程氏之説也。 虚矣。」○張子曰:「序卦相受,聖人作《易》,須有次序。」 覆即變,然則康伯所云 [因卦之次,托象以明義],蓋不 也。且聖人本定先後,若元用孔子序卦之意,則不應非 夾雜,都有在裏面。1問:「如何謂《易》之精。」曰:「如 分「精」與「藴」字甚分明、《序卦》卻正是《易》之藴,事事 某以爲非聖人之精則可,謂非《易》之藴則不可。 〇《朱子語類》:「問:「《序卦》或以爲非聖人之書,信 覆者,表裹視之,遂成兩卦; 變者反覆,惟成一卦 先儒以爲非聖人之蕴, 周子 四

須是自 《易》之精。」問:「如《序卦》中亦見消長進退之義,唤作 則十八也。其在下經,不變卦凡二,中孚、小過是也 其在上經,不變卦凡六,乾、坤、坎、離、頤、大過是也 二十八卦,以正對卦合反對卦觀之,總而爲三十六卦 其餘五十六卦,反對也。反對者皆變,故反覆觀之,共 [《易》上經三十卦,下經三十四卦,多寡不均,何也?] 不是精不得。」曰:「此正是事事夾雜有在裏面,正是藴 坤,但言天地,則乾坤可見否?」曰: 「然。」] 〇項氏安世 也?」曰:「夫婦之道即咸也。」問:「恐亦如上經不言乾 卦》中有一二不可曉處,如六十四卦獨不言咸卦,何 十八也。其多寡之數,則未嘗不均也。」〇「問: 【《序 自咸、恒而下三十二卦,反之則爲十六,以十六加二,亦 自屯、蒙而下二十四卦,反之則爲十二,以十二而加六: 小過八卦正對也。 曰:『卦有正對,有反對,乾、坤、坎、離、頤、大過、中孚、 篇之分,斷可知矣。 曰:「《易》之稱上下經者,未有考也,以《序卦》觀之,二 「易有太極,是生兩儀,兩儀生四象,四象生八卦」,這是 一箇生出來以 正對不變,故反覆觀之,止成八卦。 至於無窮,便是精。」〇「問:

案:卦之所以序者,必自有故,而孔子以義次之,就其所

可長,此義蓋《易》之旁通至極處也。 以周義理而極事變,故曰「天下之能事畢也」。孔子蓋以周義理而極事變,故曰「天下之能事畢也」。孔子蓋以周義理而極事變,故曰「天下之能事畢也」。孔子蓋以周義理而極事變,故曰「天下之能事畢也」。孔子蓋以周義理而極事變,故曰「天下之能事畢也」。孔子蓋則知易道之周流而趨時無定,且知筮法之變通而觸類可長,此義蓋《易》之旁通至極處也。

物,故受之以屯。屯者,盈也。有天地,然後萬物生焉。盈天地之間者唯萬

受之以需。需者,飲食之道也。飲食必有蒙者,蒙也,物之稺也。物稺不可不養也,故屯者,物之始生也。物生必蒙,故受之以蒙。

泰。

訟,故受之以訟

集説孔氏穎達曰:「上言『屯者盈也』,釋屯次乾坤,其言已畢,更言「屯者物之始生者」,開説下『物生必蒙」, 直取始生之意,非重釋屯之名也。」〇朱氏震曰:「蒙,冥 」以意,豕酒生禍,有血氣者,必有争心,故次之以訟。」 一、故,不酒生禍,有血氣者,必有争心,故次之以訟。」 一、故,不酒生禍,有血氣者,必有争心,故次之以訟。」 一、故,不不,故,有、以前。 師者,衆也。 衆 一、故,不,故,之以。」 一、故,不,故,之,以蒙。 一、故,不,故,之,以蒙。 一、故,不,故,之,以蒙。 一、故,之,以蒙。 一、故,之,以蒙。 一、故,之,以蒙。 一、故,之,以蒙。 一、故,之,以蒙。 一、故,之,以蒙。 一、故,之,以蒙。 一、故,之,以蒙。

義,比以相親爲主。」

卒旅師軍之名,比取比間族黨州鄉之名,師以衆正爲不旅師軍之名,比取比間族黨州鄉之名,師以衆正爲不後得寧。」○項氏安世曰:「師、比二卦相反,師取伍兩無說韓氏伯曰:「衆起而不比,則争無由息,必相親比

禮,故受之以履。履而泰,然後安,故受之以比必有所畜,故受之以小畜。物畜然後有

氏安世曰:「「履」不訓「禮」,人所履,未有外於禮者,外「安上治民,莫善於禮,有禮然後泰,泰然後安也。」〇項本義晁氏云:鄭无「而泰」二字。 集説 姚氏信曰:

之名分焉。]○胡氏一桂曰:「乾坤至履十變,陰陽之氣於禮則非所當履,故以履爲有禮也。 上天下澤,亦有禮

一周矣。」

集説郭氏雍曰:「以謙有大,則絶盈滿之累,故優游不

迫而暇豫也。」

大,故受之以臨。臨者,大也。事,故受之以蠱。蠱者,事也。有事而後可豫必有隨,故受之以隨。以喜隨人者必有

先。」○又曰:「臨不訓大,大者以上臨下,以大臨小,凡子事師,非樂於所事者,其肯隨乎。」○項氏安世曰:「蠱子事師,非樂於所事者,其肯隨乎。」○項氏安世曰:「蠱集説韓氏伯曰:「可大之業,由事而生。」○朱氏震

大矣。」〇吴氏澄曰:「因蠱之有事,而後有臨之盛大稱臨者,皆大者之事,故以大釋之,若豐者大也,則真訓

也。」

然後亨則盡矣,故受之以剥。剥者,剥也。苟合而已,故受之以賁。賁者,飾也。致飾合,故受之以噬嗑。嗑者,合也。物不可以物大然後可觀,故受之以觀。可觀而後有所

之太過則又滅其質而有所不通,故致飾則亨有所盡。」 ○ 大調之荷,禮以飾情謂之賁,苟則易合,易則相瀆,相瀆則易以離。 賁則難合,難合則相敬,相敬則能久,飾極則易以離。 賁則難合,難合則相敬,相敬則能久,飾極則易以離。 賁則難合,難合則相敬,相敬則能久,飾極則為以離、資之、人也。」○蘇集説崔氏憬曰:「言德業大者,可以觀於人也。」○蘇集說崔氏憬曰:「言德業大者,可以觀於人也。」○蘇集說崔氏憬曰:「言德業大者,可以觀於人也。」○蘇

復則不妄矣,故受之以无妄。有无妄然後可物不可以終盡,剥窮上反下,故受之以復。

畜,故受之以大畜。

矣。」〇周子曰:「不善之動,妄也。 妄復則无妄矣,无妄集説崔氏憬曰:「物復其本,則爲誠實,故言復則无妄

不養則不可動,故受之以大過。 過,故受之以坎。坎者,陷也。 物畜然後可養,故受之以頤。 則誠矣,故无妄次復。」○郭氏忠孝曰: 觀,可觀而合,合而飾,所謂忠信之薄而僞之始也,故 者在德,故曰大。」〇余氏芑舒曰:「自有事而大,大而 動於无妄也。」○閻氏彦升曰:「「无妄然後可畜」,所畜 能畜天德,則見於有爲者不能无妄,故天德止於大畜而 止健,畜天德也,故曰「剛健篤實輝光,日新其德」。 曰:「不妄與无妄當辨,由不妄然後能无妄也。」 變而爲剥,剥而復,則真實獨存而不妄矣。」○何氏楷 陷必有所麗 頤者,養也 「健爲天德,大畜 物不可以終 不 可

也,而後可以有爲」,即此理也。故受之以大過,大過即有養然後能動,不養則不可以動。孟子曰「人有不爲若所以應物,然君子處則中立,動則中行,豈求勝物希元曰:「不專一則不能直遂,不翕聚則不能發散,故必希元曰:「不專一則不能直遂,不翕聚則不能發散,故必為元曰:「不專一則不能直遂,不翕聚則不能發散,故必養元曰:「養事一則不能直遂,不為聚則不能發散,故必養元曰:「養而不用,其極必動,動而不已,其集説蘇氏軾曰:「養而不用,其極必動,動而不已,其

故受之以離。

離者,麗也。

也,故受之以恒。恒者,久也。 動而本於養也。」○姜氏寶曰:「無所養則其體不立,不 可舉動以應大事,惟養充而動,動必有大過人者矣。」 子然後有君臣,有君臣然後有上下,有上下 子然後有君臣,有君臣然後有上下,有上下 子然後有君臣,有君臣然後有上下,有上下 子然後有君臣,有君臣然後有上下,有之 一,故受之以恒。恒者,久也。

子語類》:「問:「「禮義有所錯」,「錯」字,陸氏兩音,如 風》之始,而《易》於咸、恒,備論禮義所由生也。」〇《朱 不婦不成,相須之至,王教之端,故《詩》以《關雎》爲《國 於咸、恒,人道之首也。《易》之興也,當殷之末世,有 取之於情者也。 下之位,則必禮以定其體,義以制其宜,明先王制作,蓋 則必有君臣之位。有君臣之位,故有上下之序。有上 血體相傳,則自然有父子之親。 有男女陰陽之性,則自然有夫婦配合之道。 集説 于氏寶曰:「此詳言人道三綱六紀有自來也。 己之禍,當周之盛德,有三母之功,以言天不地不生,夫 上經始於乾、坤,有生之本也。 以父立君,以子資臣, 陰陽化生 下經 人 妲 始

氏澄曰"「此言咸所以爲下經之首也。 何?」曰:「只是作「措」字,謂禮義有所設施耳。」」〇吴 言天地萬物男女者,有夫婦之所由也。後言父子君臣 不出卦名者,以其爲上下經之首卦,特别言之。」 禮義,所以分别尊卑貴賤之等。 由國而天下,雖非君臣,而上貴下賤之分,如君臣也。 由家而國,雖非父子也,而君尊臣卑之分,如父子也。 上下者,有夫婦之所致也。有夫婦,則其所生爲父子, 錯,猶置也。 夫婦謂咸卦,先 乾、坤、咸

也。 以終壯,故受之以晉。晉者,進也。 物不可以久居其所,故受之以遯。 遯者,退 者必反其家,故受之以家人。 所傷,故受之以明夷。夷者,傷也。傷於外 物不可以終遯,故受之以大壯。 進必有 物不可

딛 以利合者,迫窮禍患害相棄也, 消息盈虚,與時偕行,則傷之者至矣,故受之以明夷。 得於人,則反求諸己。」○閻氏彦升曰:「知進而已,不知 集説郭氏忠孝曰:「「傷乎外者必反其家」,蓋行有不 相收也。 「晉與漸皆進,進必 明夷之傷,豈得不反於家人乎?」○何氏楷 有歸者,先以艮, 以天屬者,迫窮禍患害 進必有傷者

先以壯也。」

以終難,故受之以解。 必有難,故受之以蹇。蹇者,難也。 家道窮必乖,故受之以睽。睽者,乖也。 解者,緩也 物不 乖 可

恐不是「遲緩」之「緩」,乃是懈怠之意,故曰解緩也。」 屯者,必以經綸濟之,遇蹇者,待其解緩而後前。」 險而止,但爲所阻難而不得前耳,非患難之難也。 卦皆有坎也。 ○項氏安世曰:「凡言屯者,皆以爲難,而蹇又稱難者. 曰:「[緩]是散漫意。]問:「如縱弛之類。]曰:「然。]」 女同居而志不同行也。」○《朱子語類》:「問:「「緩」字 集説周子曰:「家人離必起於婦人,故睽次家人,以二 然屯「動乎險中」,行乎患難者也。 蹇見 故居

故受之以益。 者,遇也。 夬者,決也。 緩必有所失,故受之以損。 損而不已必益, 決必有所遇,故受之以姤。 益而不已必決,故受之以

姤

次之以夬。] 〇胡氏一 集説朱氏震曰"「益久必盈,盈則必決,隄防是已,故 桂曰:「咸、恒十變爲損、益,亦猶

陵之意也,益之後繼以夬,高岸爲谷之意也。」滿盈,故必決,此乃理之常也。 損之後繼以益,深谷爲環然,損而不已,天道復還,故必益,益而不已,則所積乾、坤十變爲否、泰也。○俞氏琰曰:「損益盛衰,若循

以井。因,故受之以困。困乎上者必反下,故受之困,故受之以困。困乎上者必反下,故受之聚而上者謂之升,故受之以升。升而不已必物相遇而後聚,故受之以萃。萃者,聚也。

井道不可不革,故受之以革。

集説朱氏震曰:「井在下者也。井久則穢濁不食,治井

之道,革去其害井者而已。」

革物者莫若鼎,故受之以鼎。 主器者莫若長

所歸,故受之以歸妹。得其所歸者必大,故以終止,故受之以漸。漸者,進也。進必有動,止之,故受之以艮。艮者,止也。物不可好,故受之以震。震者,動也。物不可以終

受之以豐。豐者,大也。

大之道也。豐次歸妹者,致大之道也。」 大之道也。豐次歸妹者,致大之道也。」 大之道也。漸之所謂進者,漸進而已,烏有不得所歸進必有傷也。漸之所謂進者,漸進而已,烏有不得所歸進必有傷也。漸之所謂進者,漸進而已,烏有不得所歸進必有係傷。漸之所謂進者,漸進而已,此也,進必有所傷,漸者進失之道也。豐次歸妹者,致大之道也。

皆足以致事業之大。 歸焉者,人歸己也;此之得其所歸者,己歸人也。兩者之,臣得聖君而事之,皆得其所歸之謂。故同人之物必案:「得其所歸」,猶言得其所依歸也。婦得賢夫而配案:「得其所歸」,猶言得其所依歸也。婦得賢夫而配

容,牧受之以巽。巽者,人也。 窮大者必失其居,故受之以旅。 旅而无所

集説郭氏雍曰:「動極而止,止極復進,進極必傷,進容,故受之以巽。 巽者,人也。

氏琰曰:「大而能謙則豫,大而至於窮極,則必失其所也,惟巽然後得所入,故受之以巽,而巽者入也。」○俞以謙故也。」○張氏栻曰:「旅者「親寡」之時,「无所容」以漸則有歸,歸得其所則大,窮其大則必失,蓋非有大

而後散之,故受之以涣。涣者,離也。人而後説之,故受之以兑。兑者,説也。説

安,故豐後繼以旅。」

後説之。」 〇項氏安世曰:「人之情,相拒則怒,相入則説,故入而兑。惟説於道,故推而及人,説而後散,故受之以涣。」 集説張氏栻曰:「人於道故有見而説,故巽而受之以

受之以中孚。有其信者必行之,故受之以小物不可以終離,故受之以節。節而信之,故

過。

言以此自負而居有之也。自恃其信者,其行必果而過過也。」○項氏安世曰:「有其信,猶《書》所謂「有其善」,之,守其信者,則失貞而不諒之道,而以信爲過,故曰小集説韓氏伯曰:「孚,信也。既已有節,則宜信以守

能免於過乎?」 能免於過乎?」 能免於過乎?」 能免於過乎?」 能免於過乎?」 能免於過乎?」 能免於過乎。」 以中學。有其信者 以中學。有其信者 以中學。有其信者 以中學。有其信者 以行之,故受之以中學。有其信者 以行之,下之人當信而行之,故受之以中孚。有其信者 以行之,下之人當信而行之,故受之以中孚。有其信者 以行之,若果於自信,則於事不加詳審,而在所必行矣, 以行之,若果於自信,則於事不加詳審,而在所必行矣, 以行之,若果於自信,則於事不加詳審,而在所必行矣, 以行之,若果於自信,則於事不加詳審,而在所必行矣, 以行之,若果於自信,則於事不加詳審,而在所必行矣, 以行之,若果於自信,則於事不加詳審,而在所必行矣, 以行之,若果於自信,則於事不加詳審,而在所必行矣,

也,故受之以未濟。終焉。 有過物者必濟,故受之以既濟。物不可窮

集説韓氏伯曰:「行過乎恭,用過乎儉,可以矯世勵集,就韓氏伯曰:「行過乎恭,用過乎儉,可以矯世勵之交, 至於陷。小過或可濟事,故有濟而無陷也。坎離之交, 留之既濟,此生生不窮之所從出也,而聖人猶以爲有窮 也,又分之以爲未濟,此即咸感之後,繼之以恒久之義 也。蓋情之交者,不可以久而無弊,故必以分之正者終 之。」

守者可與存義矣。」」〇邵子曰:「乾、坤,天地之本,坎、相生也。達者可與幾矣。」至《雜卦》曰:「旁行而不流,總論王氏通《中説》:「讚《易》至《序卦》曰:「大哉時之

乎其用也。」〇又曰"「乾、坤、坎、離爲上篇之用,兑、艮、 既、未濟,而泰、否爲上經之中,咸、恒爲下經之首,皆 離,天地之用。 也。 質,故爲上篇之終。咸恒,夫婦之道,生育之本,故爲下 天地之道,陰陽之本,故爲上篇之首。 既濟、未濟,以人事也。」〇程子《上下篇義》曰:「乾坤 也。」〇又曰:「自乾、坤至坎、離,以天道也。 自咸、恒至 震、巽爲下篇之用也。 盛 陽盛者居上,陰盛者居下。 而後推其義以爲之次、《序卦》是也。 生物、陰陽之成功也、故爲下篇之終。二篇之卦既分、 篇之首。未濟,坎、離之合,既濟,坎、離之交,合而交則 則陽長而壯,以爻言,則陰盛於上,用各於其所,不 言,則陽極於上,又一陽爲衆陰主也。 卦與爻取義有不同,如剥以卦言,則陰長陽剥也。 泰、否、需、訟、小畜、 盛,夬陰極 乾者居上篇,有坤者居下篇。 `剥陽極,則雖有坤而居上", 乾父也、莫亢焉、坤母也、非乾無與爲敵也、故 , 則 雖有乾 是以《易》始於乾 履、同人、大有、无妄、大畜也。 而居下。 頤、中孚、大過、小過爲二篇之正 所謂盛者,或以卦,或以爻, 而復陽生,臨陽長,觀 姤陰生,遯陰長,大壯陰 其餘有乾者皆在上篇 坤、中於坎、離、終 卦之分則以陰陽 坎離,陰陽之成。 如大壯以卦言 以爻 ·相害 卦 言 於 有 陽 有

也,故一 是也。 下篇。 陰,中惟兩陽,然後爲勝,小過是也,大過、小過之名可 陽盛於中,上下之陰弱矣。 訟、大畜、无妄也。 陽上達矣,故爲盛。 震之上、艮之下無陽,坎則陽陷,皆非盛 震、坎、艮以卦言,則陽也,以爻言,則皆始變微也。 也,震也解也。 陽生於下而不達於上,又陰衆而陽寡復失正位,陽之弱 謂 下,謂震、坎在下,震生於下也,坎始於中也。達於上, 皆陽,陽之盛也,皆在上篇,屯、蒙、頤、習坎也。 一陽者,有坤則居下篇,小過雖無坤,陰過之卦也,亦在 已,非如一陽爲衆陰主也。 者,皆有乾也,又陽衆而盛也,雖衆陽説於一陰,説之而 餘有坤者皆在下篇,晉、明夷、萃、升也。 之主,故一陽之卦皆在上篇,師、 坤 丽 陽至上,或得正位,生於下而上達。 在上篇,皆 其餘二陽之卦,皆一陽生於下而達於上,又二體 陰居上下,不能主制於陽而反弱也,必上下各二 陰之卦皆在上篇,小畜、履、同人、大有也。 上有陽而下無陽。 陽之卦 無乾而爲盛者,大過也,離也。 卦二陰者,有乾則陽盛可 也。 陽居上下,則 王弼云了一陰爲之主了非 桂 謙、 £i. 陰 無本也,艮也,蹇也 、豫、比、 丽 也。 陽暢之盛也 綱紀於 陽 復、剥 卦一陰五 則 惟 陽生於 知,需 習坎則 陰,頤 也,其 陽爲 大過 而 桂 陽

見也。 皆陽盛也。 鼎、巽、兑、中孚也。 二陰之卦,二體俱陰,陰盛也,皆在下篇,家人、睽、革、 坎,反爲陽盛,何也? 節、 陰而居上,則爲勝,蠱少陽居長陰上,賁少男在中女上, 陰陽尊卑之義,男女長少之序,天地之大經也。 旅 在男上,陰之勝也,凡女居上者,皆在下篇,咸、益、 而陰反居尊,則弱也,故恒、損、歸妹、豐皆在下篇。 女 可謂盛矣。 男在女上,乃理之常,未爲盛也,若失正位 於陰也。二體皆坎,陽生於下而達於上,又二體皆陽, 重,陰盛也,故陰陽敵而 咸、益之類是也。 而上行」。長陽非少陰可敵,以長男下中少女,故爲下 也,故隨之《彖》曰『剛來而下柔」,噬嗑《彖》曰「柔得中 二少相感以相與,所以致陵也,故有「利貞」之戒。 女少於男,乃陽陷而 既 困、涣、未濟也。 若長少敵,勢力侔,則陰在上爲陵,陽在下爲弱, 濟、未濟 離則二體上下皆陽,陰實麗焉,陽之盛也。 坎雖陽卦, 也。 咸亦有下女之象,非以長下少 卦三陰三陽者,敵也,則以義爲勝。 爲陰揜 或 唯隨與噬嗑 E — 而陽爲陰所陷溺也,又與陰卦 有坎者皆在下篇,困、井、涣、 一體有坎,陽爲陰所陷,又重 無 體有坎,尚爲陽陷,二體皆 相下之義也。 ,則男下女,非女勝男 小過二陽 陽少於 也,乃 困雖 其 漸 餘

> 其中虚,故爲中孚,陰盛可知矣。」○項氏安世曰:「上經 也。 陽盛,何也? 咸恒,終於既濟未濟,言夫婦之道也。」〇蔡氏 言天地生萬物,以氣而流形,故始於乾坤,終於坎離,言 不爲虚乎? 居四陰之中,則爲陰盛,中孚二陰居四陽之中,而 也,相因者,其未至於極者也,總不出此二例。」 "《序卦》之義,有相反者,有相因者,相反者,極 氣化之本也,下經言萬物之相生,以形而傳氣,故始於 中孚二體皆陰卦,上下各二陽,不成本末之象,以 旦 티 : 頤二體皆陽卦,而本末皆陽,盛之至 陽體實,中孚中虚也。 然則頤中四 清 侕 變者 日 不 爲

雜卦傳

卦, 兑便是翻轉底巽, 震便是翻轉的艮。六十四卦, 只八卦。」○又云:「八卦便只是六卦, 乾、坤、坎、離是四正艮、兑、震、巽倒轉則爲中孚、頤、小過、大過, 其餘皆是對艮、兑、震、巽是對。乾、坤、坎、離倒轉也只是四卦,反,艮、兑、震、巽是對。乾、坤、坎、離倒轉也只是四卦,是、兑、震、巽是對。乾、坤、坎、離倒轉也只是四卦,

卦 《春秋傳》釋《繫辭》,所謂「屯固比人」,坤安震殺之屬。 也,邵子謂之暗卦。小成之卦八,即大成之卦六十四,八 卦以正卦八,加反卦二十有八,爲三十有六,六六三十六 箇厚畫底離。1〇又云:「三畫之卦,只是六卦,即六畫之 夫子存之爲經羽翼,非創作也。] 以一字斷卦義、往往古筮書多有之、《雜卦》此類是也。 八六十四也。三十六與六十四同。] 〇龍氏仁夫曰:「案 是正 〈夾底離,小過是箇雙夾的坎,大過是箇厚畫底坎,頤是 卦 ,餘便只二十四 卦 翻轉爲 五十六 卦。 中孚是箇

乾剛坤柔,比樂師憂。

憂樂以天下也。」 曰:「比得位而衆比之,故樂。 集説蘇氏軾曰:「有親則樂,動 師犯難而衆從之,故憂。 衆則憂。」○朱氏震

臨 、觀之義,或與或求。

臨、觀之道。」 二卦皆有與求之義。 有與求之義。 本義以我臨物曰「與」,物來觀我曰「求」。 或曰二卦互 集説郭氏雍曰: 或有與無求, 「臨與所臨 或 有求無與,皆非 ,觀與所觀

屯見而不失其居,蒙雜而著。

中,雖未有識別,而善理昭著。」 濟衆,不居則不足以爲主。]〇柴氏中行曰:「在蒙昧之 貞」,故曰「不失其居」。蒙以養正,「蒙正未分」,故 説蘇氏軾曰:「「君子以經綸」,故曰「見」。 「盤桓 坎幽昧,艮光明也。 一雜」。 本義屯震遇坎,震動故「見」,坎險不行 童明,故曰「著」。」○龔氏原曰:「不見則不足以 或曰: 屯以初言,蒙以二言。 也。 蒙坎遇艮, 利 集 日 居

震,起也。 艮,止也。 損、益,盛衰之始也

卦。」 《易》所最重者也。 始。 乾、坤外,自比、師至損、益十卦,自咸、恒至泰、否十 乾、坤至否、泰十二卦,自咸、恒至損、益十二卦。 則合舉之,以明盛衰之無常,反復之甚速也。 也。」〇俞氏琰曰:「損益蓋未至於盛衰,而盛衰自此 也。」〇錢氏志立曰:「損、益、否、泰,爲盛衰反復之介, 而入坤,則動者静。]○郭氏雍曰: 〇朱氏震曰:「陽起於坤而出震,則静者動,陽 集説虞氏翻曰:「震陽動行,故起。 益己必衰,故爲衰之始。 《雜卦》於他卦分舉,而損、 消長相循,在道常 「損己必盛,故爲盛之 艮陽終止,故止。」 、益、否、泰 《周易》自 心止於艮 此除 如是

始

大畜,時也。无妄,災也。

本義止健者,時有適然。无妄而災自外至。 集説郭本義止健者,時有適然。无妄而災自外至。 集説郭本義止健者,時有適然。无妄而災自外至。 集説郭本義止健者,時有適然。无妄而災自外至。 集説郭本義止健者,時有適然。无妄而災自外至。 集説郭本義止健者,時有適然。无妄而災自外至。 集説郭

萃聚而升不來也,謙輕而豫怠也。

曰:「萃有聚而尚往之義,升有往而不反之義。」 尊重,卑小之義,「豫」是悦之極,便放倒了,如上六「冥尊重,卑小之義,「豫」是悦之極,便放倒了,如上六「冥尊重,卑小之義,「豫」是悦之極,便放倒了,如上六「冥尊重,卑以君子貴知幾。」〇《朱子語類》云:「「輕」是不自意,是以君子貴知幾。」〇《朱子語類》云:「輕」是不自意,是以君子貴知幾。」〇《朱子語類》云:「輕」是不自意,是以君子貴知幾。」〇《朱子語類》云:「輕」是不自意,是以君子貴知幾。」〇《朱子語類》云:「輕」是不自意,是以君子貴知幾。」〇

噬嗑,食也。 賁,无色也。

色則質全,有天下之至賁存焉。」〇項氏安世曰:「物消本義白受采。 集説郭氏雍曰:「賁以白賁无咎,故无

曰「食」,噬者合,則强物消矣。」

美,則目迷五色,而非自然之文。 若飯於膏粱,則噬之不能合,而失飲食之正。若競於華案:此二語之義,即所謂食取其充腹,衣取其蔽體者也。

兑見而巽伏也。

而柔外,説以利貞」,蓋終主陽也云爾。」皆順乎剛」, 兑本以陰在上爲能説也、《彖傳》乃謂「剛中陰在下爲能巽也、《彖傳》乃爲「剛巽乎中正而志行,柔本義兑陰外見,巽陰内伏。 集説何氏楷曰:「巽本以

隨,无故也。 蠱,則飭也。

也。」 故舊,與革「去故」之「故」同。 隨人則忌舊,蠱則飭而新本義隨前无故,蠱後當飭。 集説俞氏琰曰:「「故」謂

剥,爛也。復,反也。

故堯舜舍己從人者无故也。

案:无故,猶《莊子》言去故。

人心有舊見,則不能隨人,

復之理也。」〇徐氏幾曰:「剥爛則陽窮於上,復反則陽仁生,物爛而蠱生,木葉爛而根生,糞壤爛而苗生,皆剥集説項氏安世曰:「剥,爛盡,復,反生也。凡果爛而

生於下,猶果之爛墜於下,則可種而生矣。」

睽,外也。

家人,内也。

否泰,反其類也

晉,晝也。明夷,誅也。

暮之象也,故言明出地上,明入地中。誅亦傷也。」也。明入地中,故「誅」也。」○郭氏雍曰:「晉與明夷,朝本義誅,傷也。集説虞氏翻曰:「離日在上,故「晝」

井通而困相遇也。

咸,速也。恒,久也。

速於感通者,故曰咸速。」 本義咸速,恒久。 集説蔡氏淵曰:「有感則應故速,本義咸速,恒久。 集説蔡氏淵曰:「有感則應故速,

涣,離也。節,止也。解,緩也。蹇,難也。

大有,衆也。

同人,親也。

革,去故也。

鼎,

爲内外也。」 氏在漢曰:「外,猶言外之也,非内外之外,以情之親 「涣、節皆有坎水,風以散之則離,澤以瀦之則止。」〇徐 曰:「睽者疏而外也,家人者親而内也。」○俞氏琰曰: 塞,困爲澤下之水,故塞之極而至於困也。」〇徐氏 井、困相反。井以木出水,故居塞而能通; 『見險而止」,故爲「難」。」○項氏安世曰:「涣、節正 張子曰:「天下之難既解,故安於佚樂,每失於緩。 木,故通之極而至於散也。節以澤上之水,故居通 集説虞氏翻曰"「涣散故「離」,節制度數故「止」。」○ | 換則以 蹇者 水 丽 疏 幾 浮 與 能

大壯則止,遯則退也。

本義止,謂不進。集説郭氏雍曰:「壯不知止,小人本義止,謂不進。集説郭氏雍曰:「壯不知此,以人以, 大壯之止,則克己之道。」○趙氏玉泉曰:「大壯以壯趾爲凶,用壯爲厲, 欲陽之知所止也。遯以嘉遯爲吉,肥遯爲利,欲陽之知所處也。」○何氏楷曰:「壯不可用,宜止不宜躁。遯與所處也。」○何氏楷曰:「壯不可用,宜止不宜躁。遯與所處也。」○何氏楷曰:「壯不可用,宜止不知止,小人本義止,謂不進。集説郭氏雍曰:「壯不知止,小人本義止,謂不進。集説郭氏雍曰:「壯不知止,小人本

違行,故「不親也」。」

取新也。小過,過也。中孚,信也。豐,多

故,親寡,旅也。

離上而坎下也。

本義火炎上,水潤下。

小畜,寡也。履,不處也。

本義不處,行進之義。 集説 龔氏原曰:「柔爲君,故

大有則衆。柔爲臣,故小畜則寡。」

陰不得位而行乎衆陽之中,不敢寧處也。」案:寡者,一陰雖得位而畜衆陽,其力寡也。不處者,

需,不進也。訟,不親也。

乾,故曰「同人親也」。 乾上坎下爲訟,水性就下,與乾集説李氏舜臣曰:「乾上離下爲同人,火性炎上而趨

女之終也。未濟,男之窮也。夬,決也,剛決待男行也。頤,養正也。既濟,定也。歸妹,大過,顛也。姤,退也,柔遇剛也。漸,女歸

柔也。君子道長,小人道憂也。

誤。」愚竊以爲「雜物撰德、非其中爻不備」,此蓋指 畏,自夬而乾,有終而復始之義也。」○又曰:「自大過 窮之理,教人以撥亂反正之法,是故原其亂之始生於 末俱弱,而在《雜卦》之終,聖人作《易》,示天下以無終 之以他卦,而必終之以夬者,蓋夬以五陽決一陰,決去 男而行,所以爲漸。」〇又云:「《雜卦》以乾爲首,不終 位,其道未濟,故曰「窮也」。」〇《朱子語類》云:「女待 之,又似非誤,未詳何義。 本義自大過以下,對不反對,或疑其錯簡,今以韻協 義》謂: 「自大過以下,或疑其錯簡,以韻協之,又似非 以下,特皆以男女爲言,至夬而明言之曰「君子」、「小 姤,而極其勢之上窮於夬,以示微之當防,盛之不足 人』,然則聖人之意,斷可識矣。」○胡氏炳文曰:《本 陰,則復爲純乾矣。」○項氏安世曰:「大過之象,本 爻互體而言也。 先天圖之左,互復、頤、既濟、家人、 集説韓氏伯曰: 剛 柔失

御纂周易折中卷十八戰馬馬馬動折中卷十八戰縣周易折中卷十八戰人,與一人對,此則於右取姤、大過、未濟、漸四卦,於左敗,以,與一人對,此則於右取姤、大過、未濟、漸四卦,於左於乾,終於夬,夬之一陰,決盡則爲乾也。」

御纂周易折中卷十九

易學啓蒙


焉爾。 吉凶悔吝之途,其功可謂盛矣。 聖人觀象以畫卦,揲蓍以命爻,使天下後 世之人,皆有以決嫌疑、定猶豫,而不迷於 著,其涉於象數者又皆牽合傅會,而或以 此,其專於文義者既支離散漫 法象,見於圖書者,有以啓於其心而假 慮之所得爲也哉? 特氣數之自然,形於 順,亦無往而不相值焉。 自不能已,其爲蓍也,分合進退,從横逆 也,自本而幹,自幹而枝,其勢若有所 近世學者,類喜談《易》而 是豈聖人心思智 然其 而 不 無 所根 察 迫 爲卦 乎 手 而


> 篇,以示初學,使毋疑於其説云。 予竊 爲 出於聖人心 病焉,因 與 思智 同志,頗輯 慮之所 爲也。 舊聞 淳熙] 爲 若 書 是 丙 者 四

午暮春既朢

《易》,則茫不知《啓蒙》、《本義》之所以作。」魏氏了翁曰:「朱文公《易》得於邵子爲多,蓋不讀邵

大七三





御纂周易折中卷十九

孔安國云:「河圖者,伏羲夭王天下,龍馬《易大傳》曰:「河出圖,洛出書,聖人則之。」

因而第之,以成九類。」 水時,神龜負文而列於背,有數至九,禹遂出河,遂則其文,以畫八卦。洛書者,禹治出安國云:「河圖者,伏羲氏王天下,龍馬

切處。 歐陽公以來,已有此說,然終無奈《顧命》、《繫辭》、《論 也。 初 有五之數,則固《易》之所自出也。「洛書」與《洪範》之 至如「河圖」與《易》之天一至地十者合,而載天地五十 戾,順數逆推,縱横曲直,皆有明法,不可得而破除也 語》皆有是言,而諸儒所傳二圖之數,雖有交互而 集説朱子答袁樞曰:「以「河圖」、「洛書」爲不足信,自 泛然氣象之所可得而擬也。 初未嘗有數也。至於「河圖」之出,然後五十有五之數! 聖人制作所由,初非一端,然其法象之規模,必有最親 觀俯察,遠求近取,安知「河圖」非其中一事耶? 奇耦生成,粲然可見,此其所以深發聖人之獨智,又非 一至次九者合,而具九疇之數,則固《洪範》之所自出 《繋辭》雖不言伏羲受「河圖」以作《易》,然所謂仰 如鴻荒之世,天地之間,陰陽之氣,雖各有象,然 是以仰觀俯察,遠求近取 大抵 無乖

也。」解》所論聖人作《易》之由者非一,而不害其得此而後決辭》所論聖人作《易》之由者非一,而不害其得此而後決至此而後兩儀四象八卦之陰陽奇耦可得而言,雖《繫

而陳之,九疇是也。『河圖」、『洛書』相爲畫之,八卦是也。禹治洪水,錫『洛書』,法劉歆云:「伏羲氏繼天而王,受『河圖』而

四前左,二前右,八後左,六後右。」九右。『洛書』之文,九前一後,三左七右,關子明云:「『河圖』之文,七前六後,八左

經緯,八卦九章相爲表裏。」

七J,巧亦甚矣。惟其甚巧,所以知其非古書也。」 一證甚明,其《明堂》篇有「二九四七五三六一八」之語,而鄭氏注云「法龜文也」,然則漢人固以九數者爲「洛一避甚明,其《明堂》篇有「二九四七五三六一八」之語,

以「洛書」爲「河圖」,故朱子疑其非古書。案:鄭注《大戴禮》是確證,至子華子,則位置雖明,但

邵子 是所謂 乎。 之世。 者「洛書」之文、故羲、文因之而造《易》, 井地之法,其倣於此乎。 以紀閏餘,是所謂「曆紀」也。 疇」,而九宫之數,戴九履一,左三右七,二四 授羲、「洛書」錫禹。 傳記,自孔安國、劉向父子、班固皆以爲 禹、箕敘之而作《範》也。 蔡元定曰:「古今 爲「河圖」,十爲「洛書」,託言出於希夷。 肩,六八爲足,正龜背之象也。 有五』之數,《洪範》又明言『天乃錫禹 其實天地之理,一而已矣。 圖、書,則《易》、《範》之數誠相 儒舊説不合,又引《大傳》以爲二者皆出於伏 『河圖』,九爲「洛書」。 曆法合二始以定剛柔,二中以定律曆,二終 其易置圖、書,並 畫州井地 「圓者星也,曆紀之數,其肇於此 也。 關子明、邵康節皆以十爲 蓋圓者『河圖』之數,方 蓋《大傳》既陳『天 無 明 雖時有古今先後之 州有九井九百畝 驗,但 方者土也,畫州 惟劉牧臆見以 表裹爲可 間伏 洪範 一河圖 羲 既 地 疑耳。 與諸 兼 $\bar{\Xi}$ 爲 羲 九 九 取

《範》,其原皆出於天之意。 《易》之陰陽策數多少自相配合皆為六十者,無 律吕有五聲十二律,而其相乘之數究於六十, 不同 之法乎? 亦言其理無二而已爾。」 洛出書,聖人則之」者,亦汎言聖人作《易》作 取於今日而作《易》乎? 世復有圖、書者出,其數亦必相符,可謂伏 不足道,然亦無不相 不合若符契也。 二者皆出於《易》之後,其起數又各不同。 名有十幹十二支,而其相乘之數亦究於六十。 誠以此理之外無復他理故也! 「河圖」而 矣,大禹但據「洛書」以作《範》,則亦不必追 圖」以作《易》,則不必豫見「洛書」而 占」與「莫大乎蓍龜」之類,《易》之書豈有龜與卜 而其理則不容於有二也,故伏羲但據「河 已暗 與之符矣。 下至運氣、參同、太乙之屬,雖 通,盖自然之理 《大傳》所謂「河 如言『以卜筮者尚其 其 所 然不特此 以 然者 也。 已逆與之合 假令今 何 出 然與 哉? 圖 日

天一地二,天三地四,天五地六,天七地八,

數五十有五,此所以成變化而行鬼神也。有合。天數二十有五,地數三十,凡天地之天九地十。天數五,地數五,五位相得而各

此 故 而 地 清 居乎中。 與七爲朋而居乎南,三與八同道 也。 各以 乎天,所謂天數五 位乎下者也,陽數奇,故一三五七九皆屬 陽,以兩其五行而已。 東,四與九爲友而居乎西,五與 十皆屬乎地 五行造化,萬物始終,無不管於是焉。 之閒,一氣而已,分而爲二,則爲陰 一節,夫子所以發明「河圖」之數也。 「河圖」之位,一與六共宗而居乎北 而位乎上者也。 類 天以 圃 蓋 相 一生水,而地以六成之,地以二 其所以爲數者,不過 求,所謂「 所 謂 也。 所謂地者,陰之重 地 陰數耦,故二 五 數 所謂天者,陽之輕 五也。 位 之相得」者然 天數 (十相₎ 吅 一四六 陰 守而 地 濁 居 陽, 天 數 乎 而

> 謂經緯表裏者可見矣。 其象其説已具於前,有以 也。至於「洛書」,則雖夫子之所未言,然 此「河圖」之全數,皆夫子之意而諸儒之説 天以五生土,而地以十成之。 以八成之"地以 生火,而天 五耦而爲三十,合是二者而爲五 「各有合」焉者也。 以 七成之,天以三生木,而 四 積五奇而爲二十五 生金,而天以九成之, 通之,則劉歆 此又其所謂 十有五 一,積 所 地

圖、書之精藴,不盡於諸儒之所云者爾。
於《啓蒙》、《本義》,因而仍之,他日又曰「河圖」「洛書」於《啓蒙》、《本義》,因而仍之,他日又曰「河圖」「洛書」於《啓蒙》、《本義》,因而仍之,他日又曰「河圖」「洛書」

不同, 成數而同處其方,蓋揭其全以 或曰:「 何也? 河圖」、「洛書」之位與數,其 曰:「河 .'圖 以 五. 示 生 人而 數 道 統 所 其 以 五

而各居其所,蓋主於陽以統陰而肇其變,常,數之體也。「洛書」以五奇數統四耦數

數之用也。 北。 二右行。三其一爲三而居東,三其三爲九而居南,三其 此其類也。 合一二,八九合三四,而十合五,奇耦胥對,陰陽有合 集説趙氏汝楳曰"「一對二,三對四,而五居中,六七 天數也。 而數之體以立。 居西北,二其十六爲三十二而二復居西南,上而億兆亦 四而居東南,二其四爲八而居東北,二其八爲十六而六 九爲二十七而七居西,三其二十七爲八十一而一 循環不窮,有以符天道左旋之義。 南,九而三之,三九二十七而居西,三其二十七爲八十 「參伍以變,錯綜其數」者,此其類也。」○鮑 以「洛書」變數推之,陽以三左行,天圓徑 而一復居於北。 等而上之,至於億兆,其餘數之位皆然。二其二爲 八位既列,五仍居中,而數之用以 一在北,一而三之,三在東,三其三爲九而居 體立矣不變則數不行,故陽以三左行,陰以 聖人所謂「陰陽合德而剛柔有體」者 北而東,東而南,南而西,西而復北 地方徑一圍四,兩其 通。 氏雲龍曰: 一圍三,三 聖人所謂 復居

> 三九七,陽居四正,二四八六,陰居四隅,左右旋轉,相 二也,蓋以地上之數起於二,而陰資以爲始,位在 對布,内外交錯,有不同爾。」 爲經緯,造化之妙如此。若以「河圖」推之亦然,但陰陽 西北而復西南,亦循環不窮有以協地道右行之説。 居西南本位。 北,二其八爲十 而右行,二而二之爲四而居東南,二而四之爲八而居 西南而東南,東南 六而居西北,二其十六爲三十二而二 而東北 東北 而西北 西 復 東 南

統陰。 數。 也。」 處其方者,自五以前爲方生之數,自五以後爲既 之法,故曰數之用。 數至十而始全,缺一則不全矣。 天地同流,而定分不易也。 奇數居之,四維之位,耦數居之。陰統於陽,地 未嘗相離也。 案:朱子此條,已盡圖書之大義。 自定者,惟趙氏、鮑氏之説爲能 陰生則陽成,陽生則陰成,陰陽二氣相爲終始,而 而肇其變者,始於一,終於九,所以 以奇數統耦數而各居其所者,四正之位 然生成之理則明矣,而 揭其全以示人,而道其常者 推明其意,諸家皆不及 故曰數之體主於陽以 蓋以生數統成數 起因乘歸 正維之位所 統於天、 成之 圃 同 除

曰:其皆以五居中者,何也? 曰:凡數

四。 之始,一陰 <u>=</u> 徑一而圍三; 以五爲中也 則爲五矣,此「河圖」、「洛書」之數,所以皆 一,是所謂「參天兩地」者也。 三二之合, 圍四者以二爲一,故兩其一陰而爲 圍三者以一爲一,故參其 一陽而已矣。 陰之象方,方者 陽之象 徑 陽 圓 丽 圓 丽 爲 韋 者

爲數之會而位之中與。 積,又五也;三三四四之積,又五之積也。此「五」所以案:三二之合,五也,一四之合,亦五也,一一二二之

象焉。其下一點,亦天一之象也。其左一者,亦具五生數之象也。「洛書」以奇數爲點,天三之象也。其上一點,地二之象也。其左一差,故其中之所以爲五者,亦具五生數之象也。其下一點,天一然「河圖」以生數爲主,故其中之所以爲五然「河圖」以生數爲主,故其中之所以爲五

象也。 數言之通乎一圖,由内及外,固各有積實 陽,固亦生之陰也。 點,則天九之象也。 點,亦天三之象也。 爲臣,亦各有條而不紊也 蓋中者爲主而外者爲客,正者爲君而側者 四六八者,又各因其類以附於奇數之側。 五而得數,以附於其生數之外。「洛書」之 其五象本方之外,而六七八九十者又各因 可紀之數矣。然「河圖」之一二三四 五數之象矣,然其爲數也,奈何? 曰: 二異。蓋陽不可易,而陰可易。 一三七九,亦各居其五象本方之外,而二 其右一點,則天七之象也。 其數與位,皆三同 其中一點,亦 曰:中央之五,既 成 其 天 各居 數 五. 上 以 之 爲 雖 而

曰慎曰:「陽始北而終西,一三陽尚微,故居内。七九陽合者耦。西南陰方,則主之以耦,而與合者奇。」〇吴氏集説翁氏泳曰:「「河圖」東北陽方,則主之以奇,而與

也。」 此「太和」之所以「保合」深固,而生機之所以充實於内 之生長。 也,必堅乎外而後能實其内,故十居中。 亦可見矣。」○「五,生數之終,十,成數之終,而藏於中, 始南而終東,二四陰尚微,故居内。 |而著於外也,必 自外而中,陰之收藏。 實其中而 後 能著乎外,故五居 觀於草木之枝葉果實 六八陰盛而凝於外 自中而外,陽 中。 陰

旋,則樞在四正,地之以方而奠位,則維在四隅,天尊 居四正而爲君,耦數居四側而爲臣,如天之以圓 爲客者也,此「河圖」之大義也。 晝夜進退,其自生而長者皆爲主者也,其自盛而衰者皆 案: 此段即與上「生數統成數,奇數統耦數」一段 翁氏、吴氏之論「河圖」,深得朱子内外賓主之意,其於 地卑之位也,陽主而陰輔之分也,此「洛書」之大義也。 而爲客。 洛書」雖未及,然前文趙氏、鮑氏之説足以通之矣。 以生數統成數者,生數常居內而爲主,成數常居外 知一歲之寒暑往來,一月之明魄死生,一日之 以奇數統耦數者,奇 而 相 而 運 數 發

主全,故極於十,而奇耦之位均,論其積曰:其多寡之不同,何也? 曰:「河圖」

二十而無偏耳。也。必皆虚其中也,然後陰陽之數,均於變,故極於九,而其位與實皆奇贏而耦乏實,然後見其耦贏而奇乏也。「洛書」主實,然後見其耦贏而奇乏也。「洛書」主

南。 究於南也。 東、次東南、次中、次西北、次西、次東北而 次東北也。合而言之,則首北、次西南、次 次,其陽數,則首北、次東、次中、次西、次 者,則陰居下左而陽居上右也。「洛書」之 陽居下左而陰居上右也。 周,而又始於東也。 之,則始東次南、次中、次西、次北,左旋 復於中,而又始於下也。 案:此段亦與上段數之體、數之用相發明。 生出之次言之,則始下次上、次左、次右 曰:其序之不同,何也? 曰:「河圖」以 其陰數,則首西南、次東南、次西北、 其運行,則水克火,火克金,金 其生數之在内者, 以運行之次言 其成數之在外 則

同,何也? 曰:「河圖」六七八九,既附於 是亦各有説矣。曰: 其七八九六之數不 克木,木克土,右 以成於一之外。七則九之自西而南者也。 生數二四之積也,故自南而西,自西而北, 而東,自東而西,以成於四之外。其六者, 也。其九者,生數一三五之積也,故自北 生數之外矣,此陰陽老少進退饒乏之正 爲妙也。 無適而不遇其合焉。此變化無窮之所以 九,二含八,三含七,四含六,則參伍錯綜, 七八九六,迭爲消長,虚五分十,而一含 互藏其宅之變也。「洛書」之縱横十五而 八則六之自北而東者也。此又陰陽老少 數二十、耦數二十者,兩儀也。 曰:則「河圖」者虚其中,則「洛書」者總其 也 「河圖」之虚五與十者,太極 曰:然則聖人之則之也,奈何? 旋一周,而土復克水也, 以 也。

惡之效,至是不可加矣。 以皇極居五。 是數如此。蓋皆以天道人事參互言之,五行最急,故第 宫以象太極,故周子 乃極至,言皇建此極也。]〇吴氏曰慎曰: 可以建極也。六三德,乃是權 政次之。 政既成,又驗之於天道,故五紀次之。 樣,但今無所考。 固云:「六十五字,皆「洛書」本文。」古字畫少,恐或有模 集説《朱子語類》云:「『洛書』本文,只四十五點。 班 其二爲五事,其三爲八政,其四爲五紀,其 矣,稽疑、庶徵繼之者,著其驗也。 爲庶徵,其九爲福極,其位與數尤曉然矣。 五爲皇極,其六爲三德,其七爲稽疑,其八 艮者,八卦也。 以爲乾坤離坎,補四隅之空,以爲兑震巽 四爲六七八九者, 五事又參之,故第二。身既脩,可推之於政,故八 蓋能推五行,正五事,用八政,脩五紀,乃 漢儒此說未是,恐只是以義起之,不 「洛書」之實,其一爲五行, 日 「無極而太極」。 四象 皇極非大中也,皇乃天子,極 衡 也。 此皇極者 又繼之以福極,則 析四方之合, 「洛書」主中五 「河圖」虚 也。 德既脩 又繼之

地 乾三陽,巽一陰至坤三陰,皆自内而外,内者爲主而漸 書」上三數象天,中三數象人,下三數象地。 長,外者爲客而漸消,此法象之不可易者也。」〇二洛 「河圖」生數始於内,成數終於外,先天圓圖,震一陽至 外而盡 爲皇極,故曰 ,攢化育,建中和,故歸重於五皇極焉。」 四時之寒暑相推,萬物之榮枯生死可見 「皇建其 有 極」。」○「陰陽皆 自 人能參天 内 始 生

圖」,語尤真切。聖人所謂則之者,爲其理之符契耳,豈 案"吴氏三條,於圖書卦疇,深有發明。 所緼之妙矣 《易》卦以八爲節 脩己治人之近,層累增高,至於上下同流而後已焉,皆 考之、蓋始於一二三、中於四五六、終於七八九、而各以 重者,似亦本於《大戴禮》子華子之説。然今以《洪範 數象天,四隅之兩數象地,中宫之合數象人,吴氏分三 必規規於點畫方位而求密合哉?「洛書」以四正之參 極」云者,則《易》、《範》之第一義也。 其根起於三才也 所謂得其理而 象天道,建主極,協民居,爲之先後次第,自日用飲食、 不規規於點畫方位以求密合者。 ,其根起於兩儀 知《易》、《範》所起之根,則知「圖書 也。 其以先天圖合「河 「範疇」以九爲節 所謂「無極有

《範》矣。且又安知「圖」之不爲「書」,「書」 《易》乃伏羲之所先得乎「圖」,而 之不爲「圖」也邪? 曰:是其時雖有先 之偏,以爲兑震巽艮,則亦八卦也。 則「洛書」四十有五 於「書」,《範》則大禹之所獨得乎「書」,而 後,數雖有多寡,然其爲理則一 書」固可以爲《易》,而「河圖」亦可以爲 九爲金,五十爲土,則固《洪範》之五 圖」之一六爲水,二七爲火,三八爲木,四 四象也。四方之正,以爲乾坤離坎, 八七六,縱橫十五而互爲七八九六, 各居二十,則亦兩儀也。 曰 : 十之數也。 未必追考於「圗」耳。且以「河圖」而虚十, 而五十有五者,又九疇之子目也,是則「洛 洛書」而 積五與十,則「洛書」縱横十五 虚其 中,則亦 之數也,虚五 一二三四而 大極· 而已。但 初無所 也。 則大衍五 含九 則 河河 四 奇 行。 待

則横 之數也。 十五,而 衍之數也。 書」,又豈有先後彼此之閒哉? 十,而通爲大衍之數矣。 斜曲直,無所不通,而「河圖」、「洛 通 以五乘十,以十乘五 爲「河圖」之數矣。 「洛書」之五,又自 積五與十,則得 苟明乎此, 含 則又皆大 五 而 得

原卦畫第二

畫》一篇,亦分兩義,伏羲在前,文王在後。」 生,然不推本伏羲作易畫卦之前。今新書《原卦主,然不推本伏羲作易畫卦之所由,則學者只從中半説主,然不推本伏羲作易畫卦之所由,則學者只從中半説主,然不推本伏羲作易畫卦之所由,則學者只從中半説主,然不推本伏羲作易畫對之所由,則學者只從中半説主,然不推本伏羲作易畫對之所由,則學者只從中半説表,不識向上根原矣。故「十翼」之中,如「八卦成列」, 「因而重之」,太極、兩儀、四象、八卦,而天、地、山、澤、 「因而重之」,太極、兩儀、四象、八卦,而天、地、山、澤、 「因而重之」,太極、兩儀、四象、八卦,而天、地、山、澤、 「因而重之」,太極、兩儀、四象、八卦,而天、地、山、澤、 「因而重之」,太極、兩儀、四象、八卦,而天、地、山、澤、 「因而重之」,太極、兩儀、四象、八卦,而天、地、山、澤、 其象數,而天地萬物之理,陰陽始終之變具焉。文王之 其象數,而天地萬物之理,陰陽始終之變具焉。文王之 其象數,而天地萬物之理,陰陽始終之變具焉。文王之 其象數,而天地萬物之理,陰陽始終之變具焉。文王之 其象數,而天地萬物之理,陰陽始終之變具焉。文王之 其象數,而天地萬物之理,陰陽始終之變具焉。文王之

德,以類萬物之情。身,遠取諸物,於是始作八卦,以通神明之身,遠取諸物,於是始作八卦,以通神明之則觀法於地。 觀鳥獸之文與地之宜,近取諸古者包羲氏之王天下也,仰則觀象於天,俯

卦。易有太極,是生兩儀,兩儀生四象,四象生八

《大傳》又言包羲畫卦所取 自兩 獨以「河圖」而作也。 象又爲兩儀矣。 十四卦之理,已粲然於其中。 自太極 兩儀之未分也,渾然太極,而 近取,固有以超然而默契於其心矣。 太極陰陽之妙,聖人於此,仰觀俯察,遠求 由 兩儀,則太極 而六十四,以至於百千萬億之無窮。 八 丽 儀而分四象,則兩儀又爲 十六,由十六而三十二,由三十二 固 太極也,兩 自是而推之,由四而八, 蓋盈天地之閒 如 儀 此,則《易》非 兩儀四象六 太極 固 兩 而 儀 故 而 也。 四

至謂凡卦之畫,必由蓍而後得,其誤益以中,而不容豪髮思慮作爲於其間也。程子中,而不容豪髮思慮作爲於其間也。程子中,而不容豪髮思慮作爲於其間也。程子中,而不容豪髮思慮作爲於其間也。程子已定之形,已成之勢,則固已具於渾然之已定之形,已成之勢,則固已具於渾然之見於摹畫者,若有先後而出於人爲,然其

明孔子之言,又可謂最切要矣。」敢容易輕説,其意非偶然也。明道以爲加一倍法,其

易有太極。

而太極。」邵子曰:「道爲 理已具之稱。形器已 理已具之稱。形器已 之象也。周子曰:「無極 之象也。周子曰:「無極

案:太極之在《易》書者雖無極。」此之謂也。

太極。]又曰:「心爲太

案:太極之在《易》書者雖無形,然乾即太極也。偏言之,則可以 與坤對,亦可以與「六子」並列。 專言之,則地亦天也,「六子」亦 一天也。故程子曰:「夫天,專言 之則道也。以形體言謂之天,以

陰 儀

根。

分陰分陽,兩

儀立

復動,一動一静,互爲其

而静,静而

生陰。

静

極

焉」,邵子所謂「一分爲

一者,皆謂此也。

陽 儀

是生兩儀。

之以發易理之宗。學者不可 作圖形者,始自周子,朱子蓋借

誤

云耳。

自此再變至第三畫,八

全 對

儀,匹也,如俗

語所謂一雙一

耦」,只此乾坤字便未穩當。

蓋

兩義,有日「乾之畫

高奇,坤

之畫

謂伏羲畫卦,真有是象也。

之名,其始於一畫者即是也

神,以性情言謂之乾。」其言可

集説

朱子答袁樞

日:

如

所

綸

雖然畫卦之初亦未有

乾

耦,而爲一畫者二,是爲 兩儀,其數則陽一而 太極之判,始生一奇一 陰

陽

太

奇耦是也。

周子所

謂

二,在「河圖」、「洛書」則

「太極動而生陽。

動

極

兩儀生四象。 兩儀」之上,各生一奇

之陰陽,未得謂之乾坤也。」

畫之時,方有一奇一耦,只可 已成,方有乾坤之名。當其爲一

謂

陰 四。 少陰八,少陽七,太陰 謂「四象」。其位則太陽 六。以「河圖」言之,則 一,少陰二,少陽三,太 一耦,而爲二畫者四,是 其數則太陽九,

六者 一而得於五者也,

七者二而得

於

五者也,

六八五

八者三而

得於五者

也,

少 陰

以「洛書」言之,則九者 九者四而 得於五者也。

分二之餘也,七者十分 十分一之餘也,八者十

之餘也。周子所謂「水 三之餘也, 六者十分四

火木金」,邵子所謂「二 分爲四」者,皆謂此也。

少陽三

初二相錯而成,則恐立言有未瑩 儀」爲乾坤初爻,「四象」爲乾坤 集説朱子答程迥曰:「所謂「兩

者。蓋方其爲「兩儀」,則未有 「四象」也,方其爲「四象」,則未

有八卦也,安得先有乾坤之名、

多,疑非所以得數之原。

因看 爲捷

「四象」次第,偶得其説,極

推起,雖亦脗合,然終覺曲折太 七八九六之數,向來只從揲蓍處 而已矣。」〇《語類》云:「《易》中

陰陽,「四象」方有太少之别。其 初二之辨哉?「兩儀」只可謂之

序以太陽、少陰、少陽、太陰爲

九,老陽位一便含九,少陰位二 徑,蓋因一二三四,便見六七八 太陰四

無不各有四者之象,不但此數者 推而廣之,縱横錯綜,凡是一物。 道言之,則剛柔又自有太、少矣。 者,專以天道而言也。若專以地 地而言也。其以陰陽太少分之 也。其以陰陽剛柔分之者,合天 之次也,七八九六者,其數之實 列者爲正。而一二三四者,其位 廣,大抵須以兩畫相重、四位成 袁樞曰:「「四象」之名,所包甚 六、艮七、坤八之序也。」 〇又答 乾一、兑二、離三、震四、巽五、坎 次,此序既定,遞升而倍之,適得

而已。」 義、先儒未曾發、但說中間進退 位四便含六,數不過十,惟此 便含八,少陽位三便含七,老 陰

兑 二

乾

四象生八卦。

「四象」之上,各生一

坎六

震

四

離

者,皆指此而言也。

坤

八

艮

七

方,兑震巽艮分居四

則乾坤離坎分居四

分居四虚。在「洛書」

巽五

八,於是三才畧具,而 奇一耦,而爲三畫者

則乾一兑二離三震四 有八卦之名矣。其位

巽五坎六艮七坤八。 分居四實,兑震巽艮 在「河圖」則乾坤離坎

子所謂「四分爲八」 所謂「八卦成列」,邵 經卦皆八」,《大傳》 《周禮》所謂三易

六八七

八卦之上,各生一奇

儀」也。 又爲八卦之上,各加「兩 爲十六」者是也。又爲 耦,而爲四畫者十六,於 「兩儀」之上,各加八卦, 經無見,邵子所謂「八分

四爻互之。或自初至四,或自三 而又至二,或自上而又至三, 至上,或自四而又至初,或自五 十四卦既成之後,以其自二至五 加四象也。於經雖無見,然及六 加「兩儀」,又爲「四象」之上,各 案:四畫十六者,爲八卦之上,各

濟、剥、

復、姤、夬、漸、歸妹、大

綜顛倒互之,皆得乾、坤、既、未

合十六之數,孔子於《雜卦》發其

過、頤、解、蹇、睽、家人諸卦,適

端矣。 此也。 失其指矣。 文天、地、否、泰十六卦當之, 四象相交者爾。 成十六事」,即以此四畫者,爲 邵子詩云「四象相交, 漢儒互卦之説,蓋本 學者誤以上

互卦者,如損、益皆互頤,頤象

十二之數。先儒亦有以是説

姤、頤、大過、屯、鼎、恒、益、此法錯綜顛倒互之,則得復、一卦。六十四卦既成之後,依可互一卦。自三至五,又可互案:五畫三十二者,自初至三,

夬、剥、乾、坤諸卦,亦適合三孚、小過、大壯、觀、大有、比、師、臨、遯、咸、損、節、旅、中

豐、涣、坎、離、蒙、革、同人、









需 大 大 夬 乾 小 泰 大 畜 壯 有 畜 之, 四, 爲 别,皆六十有四」,《大 《周禮》所謂「三易之 名立而易道大成矣。 五. 卦又各生一奇一耦,則 者是也。若於其上各 在其中矣」,邵子所謂 傳》所謂「因而重之,爻 亦周,於是六十四卦之 五 七畫之上又各生一奇 「三十二分爲六十四」 七畫者百二十八矣。 畫之上,各生 十六矣。八畫之上 耦,則爲八畫者二百 則「兼三才 껪 而八卦之乘 爲六畫者 八 而 奇 兩 臨 損 節 兑 履 中 歸 睽 孚 妹

九

畫之上又各生一奇

耦,則爲十畫者千一

九

畫

者

五.

百

十二矣。

又

各

生一奇一

耦,

則爲

奇一 見第 成 耦,累至二十四畫,則 以六十四乘六十四也 贛《易林》變卦之數,蓋 四千九十六矣。此 十一畫之上又各生一 各生一奇一耦,則爲十 十四矣。十畫之上又 二畫上又各生一奇一 今不復爲圖於此,而 千六百七十七萬 畫者二千四十八矣。 四篇 耦,則爲十二畫者 中。若自 畧 焦

六九一

同 革 既 家 豐 離 賁 明 人 人 濟 夷 無窮。 以見易道之無窮矣。 蓋未知其所終極也。 亦與此合。 千九十六自相乘,其數 千二百一十六變,以 子,所爲傳心之要者在此。 綴之以辭則鑿矣。邵、 六十四卦貞也,變卦悔也,《春 四卦變爲四千九十六言之,則 傳》「貞風悔山」是也。以六十 八卦貞也,重卦悔也、《春秋 夫以八卦變爲六十四言之,則 法。《洪範》占法「曰貞曰悔」。 案:《易林》之數,蓋古占筮之 雖未見其用處,然亦足 畫之生生無盡,故占筮之變化 秋傳》「貞屯悔豫」是也。 焦贛能知其法,而至各 引而伸之, 朱二 因 四 卦 復 屯 益 震 噬 隨 无 頤 妄 嗑



 升
 土
 土
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上
 上</



師 蒙 坎 涣 解 未 困 訟 濟



議 艮 蹇 漸 小 旅 咸 遯 過



坤 剥 比 觀 豫 晉 萃 否



多不同 學」也。 學」也。

';彼此

自

不相妨,不

可 執

而 廢

百

後以意交錯而成「六子」,又先畫八卦於内,復畫八卦 因而重之,亦不待用意推排,而與前之三分焉者,未 助,亦不容智力得以助於其閒也。及至卦成之後,逆 四卦全是天理自然挨排出來,聖人只是見得分明,便只 有兩畫時,漸次看起,以至生滿六畫之後,其先後多 作《易》根原直截分明,不如且看卷首横圖。自始初 外,以旋相加而爲六十四卦者,其出於天理之自然,與 縱横,都成義理,千般萬種,其妙無窮,卻在人看得 未有畫時,說到六畫滿處者,邵子所謂「先天之 先天後天既各自爲一義,而後天説中,取義又 比之并累三陽以爲乾,連疊三陰以爲坤,然 豪智力添助,蓋本不繁智力之 義推説,邵子所謂「後天之 「若要見得聖人 也。」〇《語 則 六十 出 分 也 於 如 順 寡 只 嘗 次 其 侕 康節時 友善,而未嘗有一言及先天之學。」邵伯温云: 不相通,此勿論也。 横二畫則爲七,蓋亦補凑之書也。」○黄氏瑞節曰:「先 似如今算位一般,其直一畫則五也,下横 之一,補得來,又卻多四分之三。如潛虚之數用五,只 揚雄《太玄》,便零星補凑得可笑,若不補,又卻欠四分 就他模底句上看《易》,也可畧見得《易》意思。]〇又 模倣《易》,他底用三數,易卻用四數,他本是模《易》,故 傳授。《參同契》中,亦有些意思相似,揚雄《太玄》,全 節,希夷以前元有,只是秘而不傳,次第是方士輩所相 生陰陽之象。」」〇又云:「先天圖直是精微,不起於康 而畫陽自午後又屬陰,夜陰自子後又屬陽,便是陰陽各 這血氣,血陰而氣陽也。 又自各有陰陽,如人之男女陰陽也,逐人身上,又各有 固容易見,就天地閒著實處,如何驗得?」曰:「一物上 之象,以圖言之,兩儀生四象,四 類》:「問:「自 天圖與太極圖同時 云:「自有《易》以來,只有邵子説得此圖如此 ,於先天之學非不問,不語之也。」即二先生之 陰 而出,周、邵二子不相 陳瑩中云: 陽 見 見 如晝夜之閒,晝陽而夜陰也 陰 「司馬文正與康節 象生八卦,節節推去 陽又各生 聞 畫則爲六 ,則二圖亦 齊整。 伊 陰 川在 同

依本畫出,元不曾用

何,而各因所見爲説,雖若各不相資,而實未嘗相

悖

蓋自初

卦成之後,各因一

既有次第,而位置分明,不費辭説,於此看得,方見

人爲之造作蓋不同矣。]○又答袁樞曰:

不脗合也。

爲十六,第五分而爲三十二,第六分而爲六十四 第,位置行列,不待安排而粲然有序,以至於第四 集説朱子答林栗曰:「太極、兩儀、四象、八卦,生

陽

時

如

又曰:「闡先聖之幽微,先天之顯,不在康節之書乎?」

天之學,以心爲本,其在《經世書》者,康節之餘事耳。」 論,則先天圖在當時,豈猶未甚著邪? 陳瑩中云:「先

然則朱子以前表章尊敬此圖者,了翁爲有見也。」

東離三

六九六

天 射,八卦相 地 定位 錯 山 ,數往者順,知來者逆,是故易 澤 通 氣, 雷 風 相 薄,水火 不 相

逆數也 艮以止之,兑以説之,乾以君之,坤 雷以動之,風以散之,雨以潤之,日以 成也。 桂 邵子曰:「此一節,明伏羲 逆」,若逆天而行,是右行也,皆未生之卦 已生之卦也,故云『數往』也。 中爲春分,以至於乾之末而交夏至焉,皆進 五、坎六、艮七、坤八亦以次而生焉,此易之所以 而後有離三,有離三而後 也。」以横圖觀之,有乾 也,故云『知來』也。夫易之數,由逆 『數往者順』,若順天 相錯』者,明交 此一節,直解圖意,若逆知四 而圓圖之左方,自震之初爲冬至,離兑之 相 一而後有兑二,有兑二 圃 錯 有震四,有震 行,是左旋 丽 成六十 八人卦 一知 以藏之。 也。 時 四而 四 也,皆 之謂 Ⅲ 來 而 也。 一八 者 成 得 巽

> 者逆」。 圖及圓圖右方之序而已,故曰「易逆數也」。 未生之卦,猶自今日而 爲秋分,以至於坤之末而交冬至焉,皆進而 往者順」。 其已生之卦,猶自今日 然本易之所以成,則其先後始終,如 其右方,自巽之初爲夏至,坎、艮之中 逆計 而 追數 來日也,故曰 昨 H 也,故曰 知知 得 二數

以至 往之順乎? 象,即上文之順象。]〇章氏潢曰:「自乾純陽,歷兑、 似稍涉安排,然亦莫非自然之理。」附 陽,離、兑二陽,乾三陽,巽一陰,坎、艮二陰 之卦,若如圓圖,則須如此,方見陰陽消長次第。 是自然,故《説卦》云『易逆數也』。 集説《朱子語類》云: 曰 「知來者逆」。 卦已成之後,對而數之,其序順而 曰:「「數往者順」,以指上文。 「知來者逆」,以指下文。 「是故易逆數也」,此一句以起下文八句也。 下文據八卦始畫之初,左右對畫,而上下逆生,故 陽之震,自坤純陰,歷艮、坎以至一 自震一 非聖人於順之外別爲逆象也,此之逆 陽,歷離、兑以至乾之純陽,自巽 「若自乾一横排至坤八,此則 皆自已生以得未 理明,故曰「數往 録 陰之巽,非 ,坤三陰,雖 項氏 上文據 安 離 數 世 生 全 者

生不窮,是以逆而數之。」爲「知來」,右旋則總爲「數往」,但易以「知來」爲主,生陰,歷坎、艮以至坤之純陰,非知來之逆乎? 左旋則總

一説,學者分別觀之。

錯,而後萬物生焉。是故一分爲二,二分 又曰:「太極既分,兩儀立矣。陽上交於 柔,柔交於剛,而 陰,陰交於陽,而 陰,陰下交於陽, 爲四,四分爲八,八分爲十六,十六分爲 幹,幹之有枝,愈大則愈小,愈細則愈繁。 三十二,三十二分爲六十四。 生地之四 生天之四 而 四 象生矣。 象。 象。 猶根 八 剛 陽 交於 交 卦 之有 於 相

> 卦時,先畫甚卦,此處便曉不得。」 隨他所見去。但程子説聖人始畫八卦,不知聖人畫 康節此意,不曾説與程子,程子亦不曾問之,故一 上疊成六畫,八卦上疊成六十四耳,與邵子說誠異。 六十四爲六畫,其説不同。1曰:「程子之意,只云三畫 三畫,聖人因而重之爲六畫,似與邵子一分爲二,而 六畫而成卦。」或疑此説卻是聖人始畫八卦,每 始畫八卦,二才之道備矣,因而重之,以盡天下之變,故 集説《朱子語類》: 問 **「程《易》乾辭下解云:**「]卦便 向 聖 蓋 只 人 至 是

父,故 坤定位也、震巽一交也,兑離坎艮 以消之。長則分,分則消,消則翕也。 是故乾以分之,坤以翕之,震以 後,陽分陰 又曰:「無極之前,陰含陽也。 多也,兑離陽浸多也,坎艮陰浸多也。」 也,故震陽少而陰尚多也,巽陰少 姤 ,是以陽起於復,陰起於姤 母 孕長 也。 男而 陰爲陽之母,陽 爲 復,父生長 也。」 長之, 有象之 女而 爲 而 陰之 再交 陽 巽 尚 乾

六九九

其本也,真而静。 三子之説,實相發明而不相悖也。 之時,乃本體之真之所以具,故周子亦言主静。程子言 固周流而無不在,然人生而静,天之性也,則沖漠無朕 静之樞紐言之,《中庸》所謂「未發之中」也。 天命之性: 《中庸》所謂「天命之性」也。 案:周子所謂「無極而太極」者,以陰陽之本體言之, 天之陰也,巽、艮在地之陽也,故震、兑上 生。兑,陽長也。 言之,故陰上而陽下,交泰之義也。 陰而下陽,巽、艮上陽而下陰。 天以 又曰:「震始交陰而陽生,巽始消陽 艮,陰長也。震、兑在 邵子所謂「無極」者,以動 地以 S始生 而 陰

既成言之,故陽上而陰下,尊卑之位也。既成言之,故陽上而陰下,尊卑之位也。既成言之,故陽上。「異始消陽而陰生」,是説圓圖震與坤接而一陽生也。「異始消陽而陰生」,是説圓圖震與地矣。」「震始交陰而陽生」,是説圓圖震與地矣。」「震始交陰而陽生」,是説圓圖異與地矣。」「震始交陰而陽生」,是説圓圖異與乾接而一陰生也。

子以巽爲地之少剛,艮爲地之太剛,惟其爲剛,故陽爻 能,故陰上陽下,而取交泰之義。 乾坤坎離四正之位。 集説邵子曰:「陽爻,晝數也。 而陽爻皆在下。 爲天之少陰,兑爲天之太陰,惟其爲陰,故陰爻皆在上, 也,至艮二陰則爲陰之長。震兑在天之陰者,邵子以震 至兑二陽,則爲陽之長。 氏方平曰:「此一節先論震巽艮兑四維之卦,而後及於 畫數多,夜數少。 秋冬,陰也,故畫數少,夜數多。」○胡 銜,陰陽相交,故晝夜相離,剛柔相錯。 天以生物爲主,始生之初,非交泰不 震始交陰而陽生,以震接坤言也, 異始消陽而陰生,以異接乾言 陰爻,夜數也。 巽艮在地之陽者,邵 春夏,陽也,故 天地 相

不胥此焉出,豈拘拘爻畫陰陽之閒哉!」也。歲而春夏秋冬,月而晦朔弦望,日而晝夜行度,莫位,天地之所闔闢也。坎離列左右之門,日月之所出入尊卑定,故陰下陽上,而取尊卑之位。乾坤定上下之皆在上,而陰爻皆在下。地以成物爲主,既成之後,則

凡八十陽,姤至坤凡百一十有二陰,復至又曰:「復至乾凡百一十有二陽,姤至坤此真至之理,案圖可見之矣。」此真至之理,案圖可見之矣。」又曰:「陽在陰中,陽逆行,陰在陽中,陰又曰:「陽在陰中,陽逆行,陰在陽中,陰

乾凡八十陰。」

當酉,但以坤爲子半可見矣。然用數不過乎中也。」此更宜思,離當卯,坎寅,坎當申,而數常踰之者,陰陽之溢也。又曰:「坎離者,陰陽之限也。故離當又曰:「坎離者,陰陽之限也。故離當


離卯坎酉之謂也。」 離卯坎酉之謂也。」 以坎離而言,離中當卯,坎中當酉,然離為陰爲陽也。以坎離而言,離中當卯,坎中當酉,然離為陰爲陽也。以坎離而言,離中當卯,坎中當酉,然離集說蔡氏元定曰:「此論陰陽往來,皆以馴致,不截然

萬化萬事,生於心也。」又曰:「先天學,心法也,故圖皆自中起,

儒傅會,非聖人本法也。至宋康節邵子,乃有所謂「先是,蓋天地萬物之理,盡在其中矣。」是,蓋天地萬物之理,盡在其中矣。」是,蓋天地萬物之理,盡在其中矣。」是,蓋天地萬物之理,盡在其中矣。」

天圖」 圓圖」中有「方圖」,又所以象天地之相函也。諸圖之 見其書,而括以「加倍」之一言,然則當時知邵子者,明 義,廣大高深,信非聖人不能造作。然當邵子之時,伊 「小圓圖」乾南、坤北、離東、坎西者是已,有六十四卦 後諸儒不能傳受,而使方外得之,故其流爲丹竈小術 復有爲異論者,而不能奪也。 朱子與蔡氏闡發表章,而邵學始顯明於世,五百年來雖 衆,雖象山陸氏,亦以爲先天圖非聖人作《易》本指。 道一人而已。 川程子則未之見,龜山楊氏見而未之信,惟明道程子稍 方位,則今之「大圓圖」始復、姤,終乾、坤者是已。 更、醉、廓,終於減、沈、成,則與先天始復終乾,始姤終 州,又重於二十七部,又重於八十一家,則與先天極儀 氣」之流,所爲始於震復者,與先天偶同爾,似未足爲先 六卦月候,蓋即「納甲」之法,其十二辟卦主歲,蓋即「卦 至康節然後返之於易道。今以《參同契》諸書觀之,其 象卦加倍之法相似也。 天傳受之據。 畫至六畫,一每分二者是已,有八卦方位,則今之 者,其説有六十四 惟揚雄作《太玄》,其法始於三方,重於九 南渡之後,如林栗、袁樞之徒,攻邵者尤 流行之序,始於中、羨、從,中於 [卦生出之序,則今之「横圖」自 顧朱子之意,以爲孔子之 「大 獨

> 後之學者,欲考先天之傳,不可以不知。 可見矣。」堯夫特因其門户而人者爾。 則非揚、陳之所能及也,故曰「堯夫之數,似《玄》而不 坤之序相似也。 同」。又曰:「穆、李皆得之希夷者,而其言與行事,概 之傳、揚雄之書,皆有取焉,而其淳一不雜,汪洋浩大, 矣。觀明道程子之意,蓋以爲康節能自得師,故於希夷 爲僭經,爲汩陰陽之敘,與邵書迥乎如蒼素之不相侔 心,蓋其學所啓發得力處也。 亦無自而依倣之,故康節深服《太玄》,以爲見天地之 悟作《易》之本與? 八,策用七七之數相似也。 首用九九,策用六六,則與先天卦用 然非揚雄之時、《易》傳未泯,則 意者康節讀揚雄之書而 然自邵書既出,則《太玄》 程子之言至當 心 八



雷,橈 秋也,萬物之所説也,故曰説言乎兑。 出乎震,震,東方也。 者,妙萬物而爲言者也。 所成終而所成始也,故曰成言乎艮。神也 也,故曰勞乎坎。艮,東北之卦也,萬物之 水也,正北方之卦也,勞卦也,萬物之所歸 乾,乾,西北之卦也,言陰陽相薄也。 坎者, 也,萬物皆致養焉,故曰致役乎坤。兑,正 天下, 嚮明而治, 蓋取諸此也。 萬物皆相見,南方之卦也。 齊也者,言萬物之潔齊也。 言乎兑, 戰乎乾, 勞乎坎, 成言乎艮。 帝出乎震,齊乎巽,相見乎離,致役乎坤,説 逮,雷風不相悖, 水,終萬 火, 説萬物者莫説乎澤, 潤萬物 萬物者莫疾乎風,燥萬物 .物始萬物者莫盛乎艮。 Щ 澤通氣, 齊乎巽,巽,東南也。 動萬物者莫 聖人南面而 離也者,明也, 然後 坤也者,地 者莫 者莫 故 能變 水 戰乎 萬物 熯 火 潤 化 疾 聽 既 相 乎 乎 乎

成萬物也。

用乎! 得位 邵子曰:「此 坤南 退 離終於申,以應天之時也。置乾於西北, 也。 所 伏羲卦圖之意也。 濟也。乾生於子,坤生於午,坎終於寅 事者發生於東方,巽代母者長養於東南也 故 而爲既濟矣。乾坤之交者,自其所已成,而 之法,文王也。其盡於是矣。」此言文王改易 曰:「至哉文王之作《易》也,其得天 乾坤既退 由 坤於西南,長子用事 邵子言「乾坤交而爲泰」者,釋先天變爲後天之指 生也。 **坎離之變者**,東自上而 而爲泰矣。 而兑艮爲耦,以 故乾坤交而爲泰,坎離交而 故再變則乾退乎西北 ,則離得乾位而坎 白離 節明文王八卦也。」〇又 蓋自乾南坤北而交,則乾 東坎西而交,則離 應地之方也。 而長女代母,坎離 西,西 7得坤 自下而東也。 ,坤退乎西 ·位也。 西 王者 爲既 地之 震 坎 反 用 其 南 東 北

財。 也。 之無非造化之所以流行而發育者。先儒有「乾坤不用 和風也,生萬物者也,故《薰風》之操曰「可以阜吾民之 卯,膏澤之潤雖暢於巳而收功於酉。 南,水雖始於西而盛於北,雷霆之氣雖動於寅而發 得朋」釋之,下至納甲星命淺術,亦以亥爲天門,未爲坤 已應於内,故曰應鐘。 眹兆胚胎之意。 中央,言土德於是王也。 胎,故古人以亥爲陽月,言天道於是始也。 成終而所成始也」。 也,成萬物者也,故《春秋傳》曰「風落山」。 始,疑皆本於後天以爲説也。 物將西成也。樂律黃鐘子爲天統,然自應鐘亥而陽氣 静,故功著於午,然至未而後育養蕃庶,故古人以未爲 曰:陽自静以之動,故氣肇於子,然自亥月而已朕兆胚 北乃亥而非子,坤在西南乃未而非午,其故 然邵子言乾生於子,坤生於午,今案圖攷之,則乾 先天之位,乾南坤北,今變爲乾北坤 在東北 艮在西北 ,則静極復動者也,故《大傳》曰「萬物之所 ,則動極而静者也,故《大傳》曰 未從日爲昧,言日於是始向昧谷,而萬 凡此皆先天後天相爲發明之妙,要 林鐘未爲地統,故班固引 亥字從草爲荄,從木爲核,皆 若乃火雖始於東而 風在西南 南,故曰 陰自動 在東南,則 艮 , 則 何 西西 交」。 (聲於 凉風 议之 在西 也? 以 南 於

用者哉? 此聖人精意,不可不表而出之者。克勝羣陰,而主宰天命。八卦之用,皆其用也,夫豈不莫大於是。至於乾曰「戰」,則又所以著剛健之體,有以之説,攷以孔子之言,則坤曰「致役」,曰「致養」,其爲用

也,故當不用之位也。」 也,故當不用之位也。 異、艮不交而陰陽者也,故當引中之偏。 乾、坤純陽純陰始交者也,故當朝夕之位。 坎、離交之極始交者也,故當朝夕之位。 埃、離交之極以曰:「易者,一陰一陽之謂也。 震、兑

乾極陽,坤極陰,是以不用也。」坎、震,得陰之多者也,是以爲天地用也。又曰:「兑、離、巽,得陽之多者也,艮、

方之正位,而爲用事之卦。然震、兑始而坎、離也。男北而女南者,互藏其宅也。四者皆當四位乎右也。坎北者,進之中也。離南者,退之中故以長爲先而位乎左,陰主退,故以少爲貴而故以長爲先而位乎左,陰主退,故以少爲貴而故以長爲先而位乎左,陰主退,故以少爲貴而以長之。

坤。 也。 云。」 男未就傅,女將有行,故巽稍 少男進之後而長女退之先,故亦皆不用 故坤猶半用而乾全不用也。 父母既老而 終,震、兑輕 居西者不復用也。 至其水火雷風山澤之相偶,則又用伏羲卦 四者皆居四隅不正之位,然居東者未 退 而坎、離 居不用之地 故下文歷舉「六子」而 重 也。 也。 乾 艮東北、巽東南者, 向用,而 西 然母 北 坤 親 艮 西 而 全未 也。 不 父尊, 南 用 者, 乾 然 用 而

集説邵子曰:「乾統三男於東北,坤統三女於西南。」 蓋兩義原不可以 播之以合歲序,則所謂「帝出乎震」者,仍以東方爲先。 天地心」者,仍以北方爲始。後天陽卦雖起於北,而其 先天陽卦雖起於東,而其重之以敘卦氣,則所謂 卦,皆居西北也。 陰方,故自陽儀而生之卦,皆居東南, 自陰儀而 彖辭,皆出於此也。大抵先天則以東南爲陽方,西北爲 案:邵子之言,可蔽圖之全義。《周易》坤、蹇、解 故凡屬陽之卦,皆居東北;屬陰之卦,皆居西南也。 偏廢,必也參而互之,則造化之妙,易 後天則以北東爲陽方,南西爲陰方. 「復見 生之 諸 桂

也。 終始歲功也。 閒,後天圖意主乎陽以統陰,故自震而坎而艮者,以 理之精,可得而識矣。歲始於東,終於北,而西南在 莫得其端,乃傳所謂「大始」者也,所謂「不可爲首」者 陽生,故值春生之令,以始爲始也。乾則以終爲始,而 代有終」者也。是故陽居終始,而陰在中閒,乃天地萬 終事,而不居其成,乃傳所謂「作成」者也,所謂「无成 生於華,子生於母,此陰佐陽之驗,然而實成,則爲來歲 華葉盛焉,始於有父,終於有子,而其閒嫡媵繁焉。 父子,陽也,妻妾,陰也。 物之至理。 其有得於後天之精意者與。 氏良佐論一起於震,發生也。 而元陽之生生不已,其首尾端倪,真不可得而窺矣。 之種矣,子生則爲他日之父矣,此又所謂以終爲始者, 兑陰成,故畢西成之事,陰功之終也。 坤則致役以 如草木之種實、陽也、華葉、陰也。 自巽而離而兑者,以陰佐陽於中也。 始於植種,終於成實,而其間 又曰一起於乾,探本也。 人類之 謝 震 實 陽 其 Щ

坎,陷也。離,麗也。艮,止也。兑,説也。乾,健也。坤,順也。震,動也。巽,入也。

程子曰:「凡陽在下者動之象,在中者陷

中者麗之象,在上説之象。」之象,在上止之象。陰在下者入之象,在

離爲雉,艮爲狗,兑爲羊。 乾爲馬,坤爲牛,震爲龍,巽爲雞,坎爲豕

此遠取諸物之象。

離爲目,艮爲手,兑爲口。乾爲首,坤爲腹,震爲足,巽爲股,坎爲耳

此近取諸身之象。

集説《朱子語類》云:「伏羲畫八卦,只此數畫該盡天下萬物之理。學者於言上會得者淺,於象上會得者深。不萬物之理。學者於言上會得者淺,於象上會得者深。外過爲飛鳥,亦有義理。但盡欲如此牽合傅會便疏脱,小過爲飛鳥,亦有義理。但盡欲如此牽合傅會便疏脱,小過爲飛鳥,亦有義理。但盡欲如此牽合傅會便疏脱,小過爲飛鳥,亦有義理。但盡欲如此牽合傅會便疏脱,小過爲飛鳥,亦有義理。但盡欲如此牽合傅會便疏脱,小過爲飛鳥,亦有義理。但盡欲如此牽合傅會便疏脱,小過爲飛鳥,亦有義理。但盡欲如此牽合傅會便疏脱,小過爲飛鳥,亦有義理。但盡欲如此率合傅會便疏脱,相資益,不爲無補。」

震一索而得男,故謂之長男。巽一索而得乾,天也,故稱乎父。坤,地也,故稱乎母。

而得男,故謂之少男。兑三索而得女,故謂男。離再索而得女,故謂之中女。艮三索女,故謂之長女。坎再索而得男,故謂之中

之少女。

三以爲兑,故曰「三索而得女」。 三以爲兑,故曰「三索而得毋」。 乾三术而得坤之六二以爲離,故曰「再索 乾三术而得坤之六二以爲離,故曰「再索 乾再求而得坤之六二以爲離,故曰「再索 で一索而得男」。 乾可「三索而得男」。 乾可「三索而得男」。 東京而得男」。 東京而得男」。

用之位者也。 未明之象以爲説,邵子所謂後天之學,人凡此數節,皆文王觀於已成之卦,而推其

乎震」以下爲後天之易,先羲後文,其序既可信,而先天案:邵子既以「天地定位」一章爲先天之易,因以「帝出

則 ? 圖易簡渾涵,得畫卦自然之妙,後天圖精深切至,於《周 即八卦之象求之,則惟坎水離火巽木坤土合於本象耳。 賢慎重之盛心矣。諸家以五行爲説者,亦有條理,然今 易》義例合者爲多,其理尤可信也。然後天所以改置先 天之意,朱子之説頗畧,其見於答袁樞書者,可以得先 其機而化其迹,惟天德之剛,故能制伏羣陰,使之退聽, 於是乎足也。乾者健也,故曰「戰」,陰功已成,則當斂 生也。兑者説也,帝之生意,於是乎充,萬物之生意亦 之,坤則以順而效其勞,自萬物言之,坤則以順而厚其 相見也。 離者明也,故曰「相見」,帝與物相見,而萬物亦於是乎 滯,陽能人而散之,則陰與陽齊,而萬物亦於是乎齊也。 是乎出也。巽者人也制也,陽動則陰亦動矣,陰氣凝 也。質以孔子之言,蓋不離乎八卦之德象而得之。 體,亦與五行生克邈不相涉,則疑文王之意不出乎 金之義也。况《易》之爲書,不言五行,而《説卦》解釋圖 而不足以盡震也。 金者乾之一象,而不足以盡乾也。蒼筤竹者震之一象 而不已之命,於是乎流行矣。 以德言之,則震者動也,陽氣動則出,而萬物亦於 坤者順也,故曰「致役」,又曰「致養」,自帝言 艮山之爲土,猶可假借,兑則絶無爲 坎有習險之義,故爲勤勞 此 何

之卦,習久則熟矣,故又爲休勞之卦。 之,動陽氣而出之者莫如雷,撓陰氣而散之者莫如風, 不行,不息則不生,故不惟成終而且成始也。 成而休,萬物之生,亦既成而息也。艮者止也,不止則 宰言謂之帝,「帝出乎震」是也。以妙用言謂之神,「神 之,則健也順也,可與八卦並敘。以象言之,則天也地 又固其氣。凡此者,皆統於乾而具於坤。乾坤以德言 其根,水既潤其本根矣,而至於生息之交,則艮德之厚, 澤既足其精液矣,而至於枯落之後,則有源之水,復潤 揚之以發其光燄者莫如火,滋之以足其精液者莫如澤。 妙萬物」是也,其實一天也。夫天專言之則道也,其實 地定位」是也。以性情言謂之乾,乾君坤藏是也。 也,不可與「六子」分職也。是故以形體言謂之天,「天 天,所以相爲經緯,異而同,二而一者也。 太極也。以乾爲主,而流行爲八卦之功用,此先天後 帝生物之勤, 以象言 以主 既

御纂周易折中卷十九

御纂周易折中卷二十啟蒙下

明蓍策第三

大衍之數五十。

「河圖」、「洛書」之中數皆五、衍之而各極「河圖」、「洛書」之中數皆五、衍之而各極其數以至於十、則合爲「五十」矣。「河圖」類出爲「五十」所因,而自無所因,故虚之則但爲「五十」。又五十五之中,其四十月八五十」矣。「洛書」積數四十五,而其四十十十矣。「洛書」積數四十五,而亦皆爲所爲,則又以五乘十,以十乘五,而亦皆爲所爲,則又以五乘十,以十乘五,而亦皆爲所爲,則又以五乘十,以十乘五,而亦皆爲所爲,則又以五乘十,以十乘五,而亦皆爲中而無所爲,則亦自含五數而并爲「五十」矣。「河圖」、「洛書」之中數皆五,衍之而各極

其用四十有九。

世。「蓍之用數、「掛一以象三」,其餘四十八則一卦之策之數者二,故揲蓍之法,取五十莖爲一握,之數者二,故揲蓍之法,取五十莖爲一握,是陽七七之數。蓍圓而神象天,卦方而智象地,陰陽之長陽七七之數。蓍圓而神象天,卦方而智象地,陰陽之長陽七七之數。蓍圓而神象天,卦方而智象地,陰陽之長陽七七之數。蓍圓而神象天,卦方而智象地,陰陽之長陽七七之數。蓍圓而神象天,卦方而智象地,陰陽之長陽七七之數。蓍圓而神象天,卦方而智象地,陰陽之長陽七七之數。蓍圓而神象天,卦方而智象地,陰陽之人。 一下「蓍之用數、「掛一以象三」,其餘四十八則一卦之策, 是陽七七之數。蓍圓而神象天,卦方而智象地,陰陽之 長陽七七之數。蓍圓而神象天,卦方而智象地,陰陽之 長陽七七之數。蓍圓而神象天,卦方而智象地,陰陽之 長陽七七之數。蓍圓而神象天,卦方而智象地,陰陽之 長陽七七之數。蓍圓而神象天,卦方而智象地,陰陽之 長陽七七之數。蓍圓而神象天,卦方而智象地,陰陽之 長陽七七之數。蓍圓而神象天,,其於四十八則一卦之策

矣。

於九而十不用,故去五十而用四十九也。」於九而十不用,故去五十而用四十九也。十二去元而用之策也。十二去六而用六,四六二十四,所去之策也,四八三十二,所去之策也,四七二十八,所用之策也。十二去六而用六,四六二十四,所去之策也,四八三十二,所去之策也,四七二十八,所用之策也。四其十二,所去之策也,四十六,所以四八三十二,所用之策也。四其十二爲四十八也,十二去三而用九,四三十也。四其十二爲四十八也,十二去三而用九,四三十也。四其十二爲四十八也,十二去三而用九,四三十也。四其十二爲四十八也,十二去三而用九,四三十也。四其十二爲四十八也,十二去三而用九,四三十

策,以象四時,而歸其餘數於左手第四指手小指之閒,以象三才,遂以四揲左手之指之兩閒也。蓍凡四十有九,信手中分,措之兩閒也。蓍凡四十有九,信手中分,措之兩閒也。蓍凡四十有九,信手中分,

故大衍之數,其虚一者,既以象太極之無爲,其掛一者,案,「河圖」之中宫,太極也。「洛書」之中宫,人極也。之象,掛一一也,揲左二也,扐左三也,揲右四之象,掛一一也,揲左二也,扐左三也,揲右四五即九。是謂一變。 其掛扐之數,不五即九。

數,所以爲酌河洛之中而兼體用之備者如此。故大衍之數,其虚一者,既以象太極之無爲,其掛一者,定時成歲,人事之綱也。分二掛一,則天地設位,而人定時成歲,人事之綱也。分二掛一,則天地設位,而人定時成歲,人事之綱也。分二掛一,則天地設位,而人定時成歲,人事之綱也。分二掛一,則天地設位,而人定時成歲,人事之綱也。分二掛一之備之,其掛一者,數,所以爲酌河洛之中而兼體用之備者如此。

扐 掛 扐 掛 扐 掛 得五者三,所 五除掛一即 四,以四約之 謂 奇 也。

爲一,故 公爲奇, 即兩 儀之

變例。

揲、歸 如前

法,是謂三變。

其掛扐者,如再

策,或四十,或三十六,或三十二,分、掛、

陽數也。

得九者一,所謂 耦 也。

左右

九除掛一 爲二,故爲耦,即兩儀之 即八,以四約之

陰數也

四十、或四十四、分、掛、揲、歸如前法,是 變之後,除前餘數,復合其見存之策,或

扐 掛 扐 掛 謂

再變。

其掛扐者,不四則八。

得四者二,所謂奇也。 去掛一,餘同前義 不

得八者二,所謂耦 去掛一,餘同前義 也。

不

再 變之後,除前 兩次餘數,復合其見存之

三變既畢,乃合三變,視其掛扐之奇耦,以

分所遇陰陽之老少,是謂一爻。

•	•••	•	• •	=
•••		•:	•	_
			•••	_
•••	•••	•••	•••	Ξ
<u>:.·</u>	•••	• •	•••	
::		::		
•••	•••	•••	•••	三
•••	•••	•••	•••	\equiv
• •	•	• •	•	

二而三其四也,九之母 掛扐除一,四分四十有八而 過揲之數三十有六,以四約之,亦得九焉。 分之,爲一者三。一奇象圓而圍三,故三 有三,除初掛之一爲十有二,以四約 右三奇爲老陽者,凡十有二。 一之中各復有三。而積三三之數則爲九, 也。 過 得其一也。一其十 揲之數四分四十 掛扐之數 而三

九之數也。皆徑一而圍三也。即四象太陽居一含也。皆徑一而圍三也。即四象太陽居一含八而得其三也。三其十二而九其四也,九之子

				•	• .:	•	• •	三
				•	•	• .:	• .	
				::		::	::	_
•••	••	: •	•:	::		::	: :	Ξ
	::	::		•	•••		•	=
		•	•	•	•	•	•••	_
•	•	• •	• :	::		::	:	Ξ
				••	•	•:	• :	=
				• •	::	::	::	_
•	•:	:.•	•:	::	::	: :	: :	三
		: :		:•	•	•:	• :	\equiv
• ;	• :	•	• :	• :	•	• :	•	

之數三十有二,以四約之,亦得八焉。掛有二焉。而積二三一二之數則爲八,過揲有三,二耦象方而用其半,故一二之中復一。一奇象圓而用其全,故二一之中各復一。一奇象圓而用其全,故二一之中各復有八。掛扐之數十有七,除初掛之一爲十右兩奇一耦,以耦爲主,爲少陰者凡二十

退四也,八之子也。即四象少陰居二含八之之母也。過揲之數,八其四也,自三其十二者而扐除一,四其四也,自一其十二者而進四也,八

數也。

••	-	•	:	•	•	:	1	:	:	į	:	:	1	֭֭֭֭֡֡֡֡֡֡֡֡֡	Ξ
•	•	:	į	3			•	•	• •	•	•	•	•	•	=
11	i.	į	:	•	8	•	•	•	****	•	•	į	•	•	
							•	•	•	•	:	:	3		Ξ
							•	:	*	•	:	į	:	•	=
							•	•	•	•	•	•	•	•	_
							2	:	3	:	:	•	3	į	Ξ
							:	•	:	•	:	•	:	į	=
							•	•	•	•	•	•	•	•	
						_	:	•	:	į	:	Ī	:	•	Ξ
				_			8	1		•	:		:	į	=
						_	•	:	•	:	•	:	•	:	

七之子也。即四象少陽居三含七之數也。過揲之數,七其四也,自兩其十二者而進四也,五其四也,自兩其十二者而退四也,七之母也。二十有八,以四約之亦得七焉。掛扐除一,

•	:	:	•	• • • •	:	•	•	Ξ
•	•	•	•	•		•	•	_
•	•	•	•	•	•	•	•	

掛劫除一、六之母也。過揲之數、六之子也。四揲之數亦二十有四、以四約之亦得六焉。之、爲二者三、二耦象方而用其半、故三二次,爲二者三、二耦象方而用其半、故三二分,以四約而三分。

也,皆圍四而用半也。即四象太陰居四含六分四十有八而各得其二也,兩其十二而六其四

之數也。

之象也,二八也。少陽少陰,六子之象也,六八也。 以陽二十,少陽二十。三十二爲陰,老陰四。其四十八則其十六則老陽老陰也,老陽十二,老陰四。其四十八則十二,少陽二十。三十二爲陰,老陰四,少陰二十八。 集説蔡氏元定曰:「蓍之奇數,老陽十二,老陰四,少 集説蔡氏元定曰:「蓍之奇數,老陽十二,老陰四,少

師。 分二掛 劉禹錫《辨易九六論》云畢中和之學,其傳原於 餘,又合於前所歸之扐而總扐之,是「再扐而後掛」也 拉,四 三指與第二指同。」此可以見二變皆掛矣。近世儒者 第二指餘一益二,餘二益一,餘三益四,餘四益三。 氏揲法,視疏義爲詳。 和有揲法,其言三揲皆掛,正合四營之義。 數,五歲而再閏」,蓋其衍法皆以再扐而後掛也。 掛扐之一處,是一扐 左手,地於右手,乃四四揲天之數,最末之餘,歸之合爲 再閏之歲也。 扐而當五歲,蓋一掛再揲,當其不閏之年,而再扐當其 掛也,謂第二第二揲不掛也。 掛,其載横渠先生之言曰「再扐而後掛」,每成一爻而 若郭雍所著《蓍卦辨疑》,專以 法"「第一指餘一益三,餘二益二,餘三益一,餘四益四。 疏之失。朱子辨之曰:「此説大誤,恐非横渠之言 再扐」者,一變之中,左右再揲而再扐也。 一行唐開元時所作《大衍曆·本議》云『綜盈虚 [營也。 一,以起後變之端也。 孔 「而後掛」者, 穎 達 也。 疏云[再扐而 顧彖之説未詳。 又以四四揲地之數,最末之 今日第一變掛,而第二第 且謂横渠之言,所以明 變既成,又合見存之策, 前 後掛」者、既分天於 變獨掛 禹錫又自 朱子亦謂 一掛再揲再 ,後二變不 行禪 畢中 [言 揲 币 第 注 後 畢 之

偏滯雖多,而其爲法尚無甚戾,獨此一義,所差雖小,而 豈 僅見第二第三變可以不掛之一端耳,而遂執以爲説,夫 以三變皆掛之法得之,而後兩變不掛則不得也。 八,可爲少陽者二十,雖多寡之不同而皆有法象,是亦 其可爲老陽者十二,可爲老陰者四. 變皆掛之法得之、後兩變不掛、則不得也。三變之後 陰者爲陰二而陽二,皆以圍四用半之術也。 八皆耦數。屬陽者爲陽三而陰一,皆圍三徑一之術,屬 子辨之曰: 「所以不可不掛者,有兩説,蓋三變之中,前 無文字,則其傳授之際,不無差舛,宜矣。』郭氏又云: 不重掛奇。]朱子辨之曰:『此説尤多可疑。然郭氏云本 者。」其載伊川先生之説曰"「再以左右手分而爲二,更 而不足乎成易之數,且於陰陽老少之數亦多有不合 以第二第三變爲再扐,又使第二第三變中,止有三營, 扐」、「象閏」者,全不相應矣。 扐,而當不閏之歲,則與《大傳》所云「掛一象三'」、「再 「第二第三揲雖不掛,亦有四八之變,蓋不必掛也。」 朱 變不掛,遂以當掛之變爲掛而象閏,以不掛之變爲 知其掛與不掛之爲得失,乃如此哉! 變屬陽,故其餘五九皆奇數,後二變屬陰,故其餘 且不數第一 ,可爲少陰者二十 大抵郭氏他說 變之再扐,而 是皆以三 郭氏 四

爲奇者三,爲耦者二,是天三地二自然之數。

蔡元定曰:「案五十之蓍,虚一分二,掛一揲

四

而

少者陽少而陰多,亦皆有自然之法象焉。半之義也。三變之後,老者陽饒而陰乏,之義也。餘四八者,四八皆二,亦圍四用之義也。餘四八者,五三而九一,亦圍三徑一後二變爲耦,奇故其餘五九,期故其餘四月用舊法,則三變之中,又以前一變爲奇,

用。 之數所以二十而少陰之數所以二十八也。 陽少陰之數本皆二十四,合之四十八。 此老陰之數所以 陰陽以老爲動,而陰性本静,故以四歸於老陽 三揲之變,老陽老陰之數本皆八,合之得十六。 四,不亦善乎。 陽得八,老陰得八,少陽得二十四,少陰得二十 西南可見,而北不可見。 者,陰陽之體,陽三陰一,一饒一乏者,陰 四約之,陽用其三,陰用其一,蓋一奇一耦對 老而不用少,故六十四變,所用者十六變,又以 少爲静,而 可見,而背不可見 而不取彼者,誠以陰陽之體數常均,用數則陽 而 陰一也。」 分二,掛一揲四,則爲奇者二,爲耦者二,而老 故四時春夏秋生物,而冬不生物。 陽性本動,故以 聖人之智,豈不及此,而其 四,老陽之數所以十二也。 也。 不然,則以 人之瞻視,亦前與左 四歸於少陰,此 四十 九 陰陽以 天地 陽之 陽用 取 陽 此 虚 待 右 東

集説蘇氏軾曰"「唐一行之學,以爲三變皆少,則乾之

三變而多者一,則巽、離、兑之象也。巽、離、兑所以爲 象 從來,得之自然,非意之所配也。凡歸餘之數,有多有 陽,八爲少陰,六爲老陰,其九、七、八、六之數,皆有所 陽少而陰多。沈氏《筆談》云:「易象九爲老陽,七爲少 老陰四,故曰陽饒而陰乏,少陽二十,少陰二十八,故曰 五九者,五三而九一。 ○《朱子文集》曰:「初一變得五者三,得九者一,故曰餘 是,而在乎三變之閒,八卦之象也。此唐一行之學也。」 者,因揲數以名陰陽,而陰陽之所以爲老、少者,不在乎 少陰,而四數其揲得八,故以八名之。故七、八、九、六 震、坎、艮所以爲少陽,而四數其揲得七,故以七名之。 六,故以六名之。三變而少者一,則震、坎、艮之象也 策二十有八。三多,坤也,故曰老陰,六揲而得之,故其 故 少,多爲陰,如爻之耦,少爲陽,如爻之奇。三少,乾也, 三變皆多,則坤之象也。 初爲震,中爲坎,末爲艮,皆七揲而得之,故其數七,其 也。 少,則一少爲之主,震、坎、艮也,故皆謂之少陽,少在 ·曰老陽,九揲而得之,故其數九,其策三十六。 餘四八者,四八皆二。三變之後,爲老陽者十有二, 乾所以爲老陽, 後二變得四者二,得八者二,故 而 坤所以爲老陰,而四數其揲得 一四數其揲得九,故以九名之。 兩多

> 科,老少一例,是體數,非用數也。」 常均,用數則陽饒而陰乏也,此正造化之妙,若陰陽同 耦各二,老陽老陰變數各八,少陰少陽變數各二十四: **揲四者,蓋謂虚一外,止用四十八。** 者,體數也,若天三地二衍而爲五十者,用數也,蓋體 合爲六十四,八卦各得八焉,然此乃奇耦對待加倍 不可不原其情也。 然,而出於人意耳。 三之屬,乃夢得立文太簡之誤,使讀者疑其不出於 於三指問爲小誤,然於其大數亦不差也。其言餘一 論三揲皆掛一,正合「四營」之義,惟以三揲之掛扐分措 疏義爲詳,柳子厚詆劉夢得以爲膚未於學者,誤矣。 不熟,故其言之易差,然其於大數亦不差也。 **蓍**説,惟《筆談》簡而盡,孔穎達非不曉揲法者,但 兑,皆八揲而得之,故其數八,其策三十有二。」諸 數六,其策二十 離、兑也,故皆謂之少陰,多在初謂之巽,中爲離 有 蔡氏所謂以四十九蓍虚一分二掛 过。 此與孔氏之説,不可不正,然恐 兩 少一 多,則 分掛揲之餘,爲奇 多爲之主,巽、 畢中和視 末爲 一爲之 家揲 而 益 畢 得 亦 自

一之義,而無復奇耦之分。三變之後,爲若用近世之法,則三變之餘,皆爲圍三徑

四

也

兩其

去

四

爲十二,以十二約之爲四。故其揲之一變 之所以然者,則請復得而通論之。 象,此足以見其説之誤矣。至於陰陽老 陰者一,又皆參差不齊,而 也,掛扐之數,一其四者爲奇,兩其四者爲 九策,除初掛之一 二,而過揲之數,九其四,三其十二者爲老 .其四也,一其十二而又進一四也,自其 其三變也,掛扐之數,三其四,一 掛扐過揲之數,皆六其四,兩其十二 少陰者皆二十七,爲少陽 四也,此 自老陽之掛扐而增 一四,則是 四, 7 自 所謂少陰者也。 而爲四十八,以 三而 其 則 過 是 五其 八其 進 揲 m 無復自然 四 四 四 增 也,兩 者 也 也 一四,則是), 三 其 十 四,則 ,此 九,爲老 自老陰 蓋 四約之 其十 所 其 之法 四 謂 是 + 办 極少。 則爲 陽居三而含七,故其掛扐二十爲稍多,而 閒 陽極少,老陰極多,而二少者一進一退 其掛扐二十四爲極多,而過揲亦二十四 過揲二十八爲稍少。 過揲,各至於三之一,則爲少陽。 少陽者也。 多爲貴者也。 虚,是以過揲之數,老陽極多,老陰極少, 交於中焉,此其以少爲貴者也。 **扐十六爲次少,而過揲三十二爲次多,** 三十六爲最多,少陰居二而含八,故 極而進其掛扐,退其過揲,各至於三之一, 而二少者亦一 一而含九,故其掛扐十二爲最少,而 ,相距之數凡十有二,而三分之,自陽之 少陰。 蓋陽奇而陰耦,是以掛扐之數,老 自陰之極,而退其掛扐,進 二老者,陰 進一退而交於中焉,此 凡此不唯陰之與陽,既

耦。

陽;

者爲老陰。

渦

揲

者

圃

損

一而

損

陽實

加

扮而

損

老陽

陽之極也,二極

之

老陽

其

其

掛

過 揲

老陰居四而含六

物 智所能取舍而有無者。 權 又各自爲一物而迭爲消長,其相與低昂如 乃欲廢置掛扐而獨以過揲之數爲斷,則是 九、六之委,其勢又有輕重之不同,而或者 七、八、九、六之原,而過揲之數,乃七、八、 也,豈不誤哉 舍本而取末,去約以就繁,而不知其不可 :衡,其相與判合如符契,固 而 迭爲消長,而其一物之中,此二端者 而况掛扐之數,乃 有非人之私

具於揲,則二奇一耦見於餘,不必反觀其在揲之數,而 揲,則三耦見於餘,七具於揲,則二耦一奇見於餘,八 集説歸氏有光曰:「九具於撰,則三奇見於餘,六具於 已舉其要矣。其曰「乾之策二百一十有六,坤之策百 日,而歸奇以象閏」。」〇何氏楷曰:「案《異》言「揲四以 揲而見者也,故曰「揲之以四以象四時」,又曰「當期之 七、八、九、六者,自揲之以四而取也,若掛扐之策,因過 雖舉其要,而七、八、九、六之數,仍以在揲之策爲正 十有四1,二篇之策萬有一千五百二十1,何也? 掛扐 四

並如前法。

數矣。」 之數也。」皆以七、八、九、六起數,明乎用正數而不用餘 六十,當期之日,二篇之策,萬有一千五百二十,當萬物 象四時,歸奇以象閏」。 「乾之策二百一十有六,坤之策百四十有四,凡三百有 四 時,正也。 閏,餘也。下文云

策,此之謂也。」一爻已成,再合四十九策, 十二也。九與八八,去掛一之數,則 邵子曰:「五與四四,去掛一之數,則 案:歸氏、何氏之説,亦可與朱子相參酌。 復分掛揲歸以成一變,每三變而成一爻, 三、四、五、六之數,以成九、八、七、六之 八,去掛一之數,則四四十六也。 故去其 之數,則四五二十也。九與四四,五 二十四也。五與八八,九與四八,去掛

凡三百有六十,當期之日。 乾之策二百一十有六,坤之策百四十有 四

「乾之策二百一十有六」者,積六爻之策各

與四

四

也。二篇之策,萬有一千五百二十,當萬物之數

九十二,每爻各三十六策,積之得六千九「二篇」者,上下經六十四掛也。其陽爻百

一千五百二十也。 一千五百二十也。若爲少陽,則每爻三十二策,凡五千三百七十六,少陰則每爻三十一千五百二十也。若爲少陽,則每爻二十一千五百二十也。若爲少陽,則每爻二十百一十二。陰爻百九十二,每爻二十四

矣。 大成,引而伸之,觸類而長之,天下之能事畢上故四營而成易,十有八變而成卦,八卦而

下之事,其吉凶悔吝,皆不越乎此矣。 問六爻見,而得乎六十四卦之一矣。然方 以之,又三十六營而九變也,已得三畫,而八卦 之,又三十六營九變以成三畫,而再得小之」,又三十六營九變以成三畫,而再得小之」,又三十六營九變以成三畫,而再得小之」,又三十六營而九變也,已得三畫,而八卦,以之卦者一,則外卦之爲悔者亦備矣。六人,至於積七十二營而成十有八變,者之一,至於積七十二營而成十有八變,

考變占第四

《乾》卦用九「見羣龍无首,吉」,《象》曰:「用 貞」、《象》曰:「用六永貞,以大終也。」 九,天德不可爲首也。」《坤》卦用六「利永 曰:乾爻七九,坤爻八六,九六變而七八無爲,易 歐陽子曰:「乾、坤之「用九」、「用六」,何謂 爲純陽純陰之卦也。聖人因繫以辭,使遇 變爲少陽,不用七、八,故少陽少陰不變。 永貞」則陰皆變陽之義也。 占之,蓋「羣龍无首」則陽皆變陰之象,「利 乾而六爻皆九,遇坤而六爻皆六者,即此 八。用九,故老陽變爲少陰,用六,故老陰 陽爻皆用九而不用七,陰爻皆用六而 「用九」、「用六」者,變卦之凡例也。 獨於乾坤二卦言之者,以其在諸卦之首,又 餘見六爻變例。 不用 言凡

道神德行,是故可與酬酢,可與祐神矣。

道因辭顯,行以數神,「酬酢」者,言幽明之

者三,爲耦者二」,蓋凡初揲,左手餘

一 餘

一餘三皆爲奇,餘四爲耦。

至再揲三揲,

則餘三者亦爲耦,故曰奇三而耦二也。

以祐助神化之功也。○卷内蔡氏説「爲奇

相應,如賓主之相交也。「祐神」者,言有

未到,最爲有功。其論七八多而九六少,又見當坤見之,則餘可知耳。」○愚案:此説發明先儒所也。及其筮也,七八常多,而九六常少,有無九六也。及其筮也,七八常多,而九六常少,有無九六道占其變,故以其所占者名爻,不謂六爻皆九六

時占法,三變皆掛,如一行説。

五變也。晉獻公遇歸妹之睽,上六變也。」陳敬仲遇觀之否,六四變也。南蒯遇坤之比,六人,九二變也。晉文公遇大有之睽,九三變也。曰:「畢萬遇屯之比,初九變也。蔡墨遇乾之同曰、後變,則以本卦變爻辭占。沙隨程氏

不特論一爻,兼取貞悔卦體,似可爲占者法也。觀陳宣辭占1,其下引畢萬所筮,以今觀之,未嘗不取之卦,且集説胡氏一桂曰:「《啟蒙》謂「一爻變,則以本卦變爻

公筮公子完之生,尤可見矣。」

爲主。經傳無文,今以例推之當如此。二爻變,則以本卦二變爻辭占,仍以上爻

集説胡氏一桂曰:「案陳摶爲宋太祖占,亦旁及諸

爻

與卦體。」

云皆八,而司空季子占之曰「皆利建侯」。」 用六變,其不變者二、三、上,在兩卦皆爲八,故 八,蓋初與四、五凡三爻變也,初與五用九變,四 沙隨程氏曰:「晉公子重耳筮得國遇貞屯悔豫 主悔。凡三爻變者,通二十卦,有圖 卦爲貞,之卦爲悔。 三爻變,則占本卦及之卦之彖辭, 前十卦主貞,後十 在 而 後。 以 挂 本 0 皆

生,養數也。八八,卦數也。」
□:「七、八皆不變爻,何以罕言七而專言八? 曰:七然以晉侯屯豫之占,則并占卦體可見。」○熊氏朋來
集説胡氏一桂曰:「案《啟蒙》但云占本卦之卦彖辭,

爲主。經傳亦無文,今以例推之當如此。四爻變,則以之卦二不變爻占,仍以下爻

卦前後者,從本卦起。	爻之辭。凡言初終上下者,據圖而言…言第幾			17 月二。 變正為三十二十人有義,這一十二一一名 三十二十二十二十二十二十二十二十二十二十二十二十二十二十二十二十二十二十二十二	而终,自上而下,导末卧者,自终而刃,自一一一		天下之能事畢矣」,豈不信哉! 今以六十	在其中矣。所謂「引而伸之,觸類而長之,	於是一卦可變六十四卦,而四千九十六卦	貞」,即乾之「不言所利」也。」	「羣龍无首」,即坤之「牝馬先迷」也。坤之「利永	蔡墨曰:「乾之坤曰「見羣龍无首、吉」是也。然	六爻變,則乾坤占二用,餘卦占之卦彖辭。	爲占,而史妄引隨之彖辭以對,則非也。	唯二得八,故不變也。法宜以「係小子,失丈夫」	筮遇艮之八,史曰「是謂艮之隨」,蓋五爻皆變,	五爻變,則以之卦不變爻占。穆姜往東宫,
	剥				觀觀						否	1			遯	姤	乾
	比比	頭頭	蒙蒙	艮	晉	₩ 損		益		□ 涣	漸	聖大畜皇需	■中孚 ■睽	无无妄	訟	三同人 三履	
	豫	草屯	坎	蹇	苯	節	貴	■ 噬嗑	蠱	開未濟 開困	旅		睽	五五安 三家人	野巽	履	
	謙	置震	解	計小過		■歸妹■	既濟	隨	井	困	咸	■ 大壯	兑	離離	鼎鼎	■小畜	
	師師	■ 明夷 ■ 臨	升			泰	豐		恒						大過	■大有 ■夬	
坤	1 復	温 臨														夬	

七.

	頭頭				益						五无妄				同人	乾乾	姤
	电电	剥	基	費	艦嗑	蒙蒙		觀觀		中乎	三家人	蠱	海	否	履	遯	
	農	世比	節	E 既濟	隨	坎	艮	晉	■大畜	睽	離離	井	開 未濟	漸	■小畜	訟	
	 問夷	豫	■歸妹	豐		解	蹇	萃	需	■ 兑	革	恒	困	旅	■大有	異	
	臨	謙	泰			升	計小過		量大壯					開	⊯ 夬	鼎	
 復	坤	師														⇒ 大過	

	蒙				涣						訟				姤	遯	一同人
	坎	■	剥	蠱	二 未濟	頭頭		中子		觀	異	貴	益	履	否	乾乾	
	解	節節	比比	井	困	車	■ 大畜	睽	艮	晉	鼎	既 濟	E	■小畜	漸	元 无妄	
	升	■歸妹	豫	恒恒		農	需	並	蹇	萃	大過	豐豐	隨	置大有	旅	三家人	
	坤	■泰	謙			■ 明夷	差 大壯		計小過					夬	講	調離	
師師	监监	復														革	

	艮			·	漸						遯				否	訟	履
	蹇	費	蠱	剥	旅	■大畜		三家人		異	觀觀	損	■小畜	同人	姤	■ 元 妄 ■ 乾	
	H 小過	三既濟	井	比比	開 咸	需	頭頭	離	算蒙	鼎	計音	節	■大有	益	海		
	坤	豐	恒	豫		■大壯	电电	革	坎	■ 大過	萃	■ 歸妹	夬	≌噬嗑	111未濟	■中孚	
	升	復	師			臨	農		解					隨	困	睽	
謙	題 明夷	基泰														兑	

	晉				否						觀				漸	異	■小畜
	萃	≌噬嗑	III未濟	旅	剥	睽		五无妄		監訟	遯	■大有	履	益	海	三 家人	
	坤	隨	困	咸	比比	兑	離離	頭頭	鼎	蒙	艮	夬	損	同人	姤	中平	
	₩小過	텔	師師	謙		臨	革	电电	大過	坎	蹇	泰	節	費	蠱	乾乾	
	解	豐	恒恒			量大壯	≌ 明夷		升					E 既濟	井	■大畜	
豫	農	■歸妹														需	

	坤				比比	_)	苯				■咸	大過	夬
	觀	獲	師	謙	豫	二 臨		电电		算 坎	蹇	泰	節	隨	困	革	
	晉	益	涣	漸	否	中平	■ 明夷	置震	升	解解	州小 過	■小畜	Li 歸妹	選 既 濟	井	差兑	
	艮	電 © ©	III 未濟	旅		睽	三家人	元 无妄	異	訟	遯	■大有	履	豐	恒	需需	
	蒙蒙	費	温			■大畜	離離		鼎					三同人	姤	■大壯■乾	
剥	頭	■ 損														乾	

	■ 損				中乎						履履				乾	同人	遯
	節節	蒙蒙	頭頭	■大畜	睽	剥		漢		益	■小畜	艮	觀	訟	无妄	翼 姤	
	■歸妹	算 坎	屯	需	兑	比比	III	三 未濟	三 費	■噬嗑	■大有	蹇	晉	異	三家人	否	
	泰	解解	農	■大壯		豫	井	困	三既濟	隨	夬	計小過	萃	鼎	離	漸	
	復	升	■ 明夷			謙	恒		豐					大過	革	旅	
臨臨	上師師	坤														■咸	

	貴				三家人				-		三同人				元 无妄	履	訟
	■ 既濟	艮	■大畜	頭頭	離	蠱		漸	-	■小畜	益	蒙蒙	異	遯	乾	否	
	豐	蹇	豐需	車	革	井	剥	旅	損	■大有	■噬嗑	坎	鼎	觀	中平	姤	
	腿	計小過	■大壯	農		恒	比比	咸	節	夬	隨	解	大過	晉	睽	海	
	■泰	坤	臨			師	豫	-	■歸妹					萃	兑	詳 未濟	
題 明夷	謙	升														困	

					五 无妄						益				三家人	■小畜	異異
	隨	晉	野睽	離離	頭頭	第 未濟		否		履	三同人	鼎	訟	觀	四中孚	漸漸	:
	腿	萃	基	革	电电	困	旅	剥	■大有	Ⅲ 損	EE 實	大過	蒙蒙	遯	乾乾	涣	
	豐	坤	臨臨	■ 明夷		師師	咸	比比	夬	節節	既濟	升	坎	艮	■大畜	姤	
	■歸妹	計小過	量大壯	_		恒	謙		泰					蹇	需	三	
農	豫	解														井	

	益				頭頭						噬嗑				離	量大有	鼎
	!!! 復	觀觀	中平	三 家人	五无妄	海		剥		損	費	異	蒙	晉	睽	旅	
	隨	坤	臨	H明 夷	置震	師師	漸	否	■小畜	履	一同人	升	訟	艮	■大畜	二 未濟	
	三既濟	苯	兑	革		困	謙	豫	基泰	■ 歸妹	豐	大過	解	遯	乾	蠱	
	節	蹇	需			井	咸		夬					端 小過	■大壯	姤	
屯	比比	坎)									恒	

	復				电电						隨				革	夬	大過
	益	坤	臨臨	 問夷	置震	師師		比比		節	既濟	升	坎	萃	兑	講	
	≌噬嗑	觀	■中孚	三家人	无无妄	涣	謙	豫	泰	■歸妹	豐	異	解	蹇	需	困	
	費	晉	睽	離		II 未濟	漸	否	三小畜	履	三同人	鼎	訟	Ħ 小過	■大壯	井	
	■損	見	■ 大畜			蠱	旅		■大有					遯	乾	量恒	
頭	剥	■蒙										:				声	

	_													·			
	蠱				異						姤				訟	否	无无妄
	井	■大畜	艮	蒙	鼎	貴		■小畜		漸	海	頭頭	三 家人	乾	遯	履	
	量恒	需	蹇	坎	■ 大過	既濟	損	■大有	剥	旅	第 未濟	草屯	離離	中平	觀	同人	,
	師師	■ 大壯	₩小過	解		豐	節	夬	比比	開 咸	困困	農	革	睽	晉	益	
	謙	山 臨	坤			担	歸妹		豫					兑	萃	■噬嗑	
升	泰	IJ 明夷														隨	

	涣				蒙						■未濟				鼎	施旅	離離
	師	中平	觀	異	訟	益		損		剥	蠱	国家人	頭頭	睽	晉	量大有	
	困	臨	坤	升	解	復	■小畜	履	漸	否	姤	■ 明夷	三 无妄	■大畜	艮	■噬嗑	
	井	差 兑	萃	■ 大過		隨	泰	■歸妹	謙	豫	恒恒	軍革	農	乾	遯	費	
	比比	需	蹇			題既濟	典		咸				_	■大壯	₩小過	一同人	
坎	■節	出中		_												豐豐	

七二九

|| 咸

美夬

随

H 既 濟

豐豐

■大過**■**苯

H 蹇

₩小過

遯

| | | | |

詳井

慢恒

■姤

■明夷 ■家人

離離

誰比

計豫

香

电电

H 震

无无妄

■ 脱 兑

温需

■大壯

載乾

蒙	損	頭														同人	
	旅				遯						漸				觀	真 涣	■中孚
	咸	離	鼎	晉	艮	量大有		三同人		姤	否	睽	乾	富家人	異異	益	一丁
	謙	革	■大過	萃	蹇	典	蹬噬嗑	費	二 未濟	蠱	剥	兑	■大畜	元 无妄	訟	■小畜	
	豫	闄明夷	升	坤		♣	隨	三 既濟	困	井	比比	臨	需	頭	蒙蒙	履	
	単恒	農	解			■歸妹	題		師師					屯	坎	損	
■小過	豐豐	■大壯					_								. -	節節	

訓師

真渙

H 未 濟

三

剥

… 臨

中平

睽

≌大畜

翼 坎

解解

訟

III 復

II 益

Ⅲ費

師節

■歸妹

履

謙

事漸

脈旅

■泰

■小畜

■大有

計升

異

■鼎

II 觀

晉晉

艮

	漸漸				艮						旅				晉	三 未濟	睽
	謙謙	三家人	異	觀	遯	■小畜		費		蠱	剥	中平	■大畜	温離	鼎	■噬嗑	
	開 成	題 明夷	升	坤	計小過	泰	益	一同人	涣	姤	否	臨	乾乾	頭頭	事蒙	量大有	
	比比	革	大過	苯		夬	具	豐	師師	恒恒	豫	兑	■大壯	■无妄 ■ 震	訟	損	
	井	車	坎			節	隨		困					農	解	履	
蹇	既濟	需														■歸妹	

	謙				蹇	_					咸				萃	困	■
	漸	₩ 明夷	升	坤	計小過	泰		題既濟		井	比比	臨	需	革	大過	隨	
	旅	豆家人	異	觀	遯	■小畜	担	豐	師師	恒	豫	■中孚	■大壯	屯	坎	夬	
	剥	離離	鼎	晉	-	量 大有	益	三同人	涣	姤	否	睽	乾	農	解	節	
	蠱	頭頭	蒙蒙			三 損	蹬噬		₩ 未濟					五无妄	訟	≌ 歸妹	
艮	費	■大畜														履	

	否				晉						剥				艮	蠱	■大畜
	豫	元 无妄	訟	遯	觀	履		■噬嗑		三 未濟	旅	乾乾	睽	頭頭	蒙蒙	置實	
	比比	置震	解	H 小過	坤	歸妹	一同人	益	姤	渙	漸	■大壯	■中孚	離離	鼎	損	
	■咸	电电	坎	蹇		節	豐	復	恒	師	謙	需	いい。	三家人	異異	建 大有	
	困	革	大過			夬	三既濟		井					壨明夷	升	■小畜 ■泰	
苯	隨	党														泰	

	豫				苯						間比				蹇	算 井	当需
	否	置震	解	計小過	坤	■歸妹		隨		困	咸	量大壯	基	屯	坎	三既濟	
	剥	元 无妄	訟	遯	觀觀	履	豐	担 復	恒恒	師師	謙	乾	臨	革	大過	節	
	旅	頭頭	蒙蒙	艮		損	一同人	益	姤	渙	漸	¥ 大畜	中平	 明夷	升	夬	
	非未濟	離	鼎			■ 大有	費		三					三家人	異	基泰	
晉	置 噬 嗑	睽								_						聖小畜	

	_																
	■大畜				■小畜						乾				履	元 无妄	否
	需	蠱	費	損	■大有	見	,	異		多人	■中孚	剥	漸	姤	一一一一人	訟	
	■大壯	井	既濟	節	夬	蹇	蒙蒙	鼎	頭頭	離離	睽	比比	旅	渙	益	遯	
	臨	恒	豐	歸妹		₩ 小過	坎	大過	电电	革	兑	豫	■咸	詳 未濟	≌ 噬嗑	觀觀	
	壨 明夷	師師	復			神	解		貴震					困	隨	置晉	
基泰	升	謙														芦萃	

	睽				履					-	中平				■小畜	家人	漸
	兑	二 未濟	■ 噬嗑	量大有	損	晉		訟		五无妄	乾乾	旅	否	海	益	異	
	臨	困	隨	夬	節節	苯	鼎	II 蒙	離離	頤	■大畜	咸	剥	姤	三同人	觀	
	量大壯	師師	具 復	泰		坤	一大過	坎	淵神	电电	需需	謙	比比	蠱	費	遯	
	置震	恒恒	豐豐			₩小過	升		里 明夷					井	三既濟	艮	
≌ 歸妹	解	豫												1		蹇	

			_							,							
	中平				望 損	;					睽				量大有	離	旅
	臨	海	益	■小畜	履	觀		蒙蒙		頭頭	■大畜	漸	剥	三 未濟	壁嘘	鼎	
	兑	師	復	基泰	歸妹	坤	異	訟	記家人	无安	乾乾	謙	否	蠱	貴	晉	
	需	困	隨	夬		萃	升	解	■ 明夷	農	量大壯	咸	豫	姤	同人	艮	
		井	三既濟			蹇	二 大過		革					恒	豐豐	遯	
節	算 坎	比比														₩小過	

	離離				同人						家人				益	中平	涣
	革	旅	■ 大有	這 噬嗑	員費	鼎		遯		乾	元 无妄	未濟	姤	漸	■小畜	觀	
	■ 明夷	■咸	夬	隨	既濟	■ 大過	晉	艮	睽	■大畜	頭頭	困	蠱	否	履	異	
	農	謙	■泰	調		升	萃	蹇	兑	需	电电	師師	井	剥	■ 損	訟	
	■大壯	豫	■歸妹			解	坤		臨					比比	節節	蒙蒙	
豐	計小過	恒恒														坎	

	三家人				寶						離離				噬嗑	睽	■未濟
	■明夷 ■革	漸	■小畜	益	三同人	異		艮		■大畜	頭頭	海	■蠱	旅	■ 大有	計晉	
		謙	■泰	11 復	豐	升	觀	遯	中平	乾	■ 无妄	師師		剥	型 損	鼎	,
	出出	成	픨 夬	隨		一 大過	坤	H 小過	臨	量大壯	置震	置困	恒恒	否	履	事蒙	
	需	比比	節			坎	苯		■					豫	■歸妹	訟	
既濟	蹇	井														解	

				, .		,								,		,	
	H明夷 田家				既濟		:				革				隨	兑	困
	人	謙	泰	復	豐	升		蹇		需	屯	師師	井	咸	夬	萃	
	離	漸	■小畜	益	一同人	異	坤	₩小過	温 臨	■大壯	農	涣	恒	比比	節	大過	
	頭頭	旅	■ 大有	置 噬 嗑		鼎	觀	遯	中平	乾	■ 无妄	二 未濟	姤	豫	■ 歸妹	坎	
	■大畜	剥	損			蒙	音		睽					否	履履	解	
貴	艮	三														訟	

	■ 无妄 ■ 震				■						頭頭				費	■大畜	三
	農	香	履	一同人	益	訟		音		睽	開離	三 姤	二 未濟	剥	■ 損	艮	:
	屯	計豫	闘 婦妹	豐豐	復	解	遯	觀觀	乾乾	中平	豆家人	恒恒	海	旅	■大有	蒙蒙	
	革	比比	節	題既濟		坎	計小過	坤	■大壯	臨臨	闘 明夷	井	師師	漸漸	■小畜	鼎	
	兑	■咸	夬			一大過	蹇		需					謙	泰	異異	
隨	萃	困														升	

	農				隨						屯				三既濟	需	井
	元 无妄	豫	■歸妹	豐豐	復	解		萃		単	革	恒恒	困	比比	節	蹇	,
	頭	否	履	員同人	益	訟	計小過	坤	■大壯	臨臨	闘明夷	姤	師師	■咸	夬	坎	
	離	剥	損	費		蒙	遯	觀	乾	聖中孚	多人	蠱	涣	謙	泰	大過	
	睽	旅	量大有			鼎	艮		■大畜			-		漸	■小畜	升	
置噬嗑	晉	■ 未濟														異	

	电电		ı		復						農				豐	量大壯	恒恒
	頭頭	比比	節	三既濟	隨	坎		坤		二二二二二二二二二二二二二二二二二二二二二二二二二二二二二二二二二二二二二二二	世明夷	井	訓師	豫	■歸妹	計小過	
	五无妄	剥	損	貢	壁噬嗑	蒙蒙	蹇	萃	警需	兑	革	量	##困	謙	■泰	解	
	■ 元 妄 ■ 家 人	否	履	同人		訟	艮	晉	■大畜	睽	離離	姤	#未濟	開	夬	升	
İ	中平	漸	■小畜			異	遯		乾					旅	■大有	三 大過 三 鼎	
益	觀	海														鼎	

以一卦爲主,而各具六十四卦,凡四千九 以上三十二圖,反復之則爲六十四圖,圖 屯以至既濟。 四卦,六十四卦通變四千九十六卦,而卦變之次,本之 集説胡氏一桂曰:「焦延壽卦變法,以一卦變爲六十 則有先儒所未發者,覽者詳之。 十六卦,與焦贛《易林》合,然其條理精密, 序,然後次第秩然,各得其所,雖出於焦,而比焦尤密。」 又以乾卦所變之次,引而伸之,爲六十四卦所變相承之 紫陽夫子以爻變多寡,順而列之,以定一卦所變之序。 文王序卦。且如以乾爲本卦,其變首坤,次屯、蒙以至 摘其非矣。攷之《春秋》内外傳,蓋無論變與不變,及變 七八者,諸書皆無明文,惟杜預以爲夏商用之,先儒已 今惟以經傳爲據而推之,則用九用六,經文甚明,而用 之先,則彖辭之用,有所不周也。三代筮法,既不盡傳, 之卦之不變爻占,則是兼用七八也。二曰: 周公未繫爻 案: 朱子三十二圖,其次第最爲詳密,而後學之疑義有 未濟。又如以末一卦未濟爲本卦,其變亦首乾,次坤, 一曰:筮法用九六,不用七八,今四爻五爻變者,用 每一卦變六十三卦,通本卦成六十四卦。

則但以專動者占,而初亦不離乎彖辭以爲斷也。惟其 辭,而亦必先以卦之體象與其彖辭爲主,則知古人占 之多寡、皆論卦之體象與其彖辭,即一爻變者,雖占爻 艮之八爲艮之隨,則五爻變者也。 則不變者也,一曰貞屯悔豫皆八,則三爻變者也,一曰 學者之疑可釋矣。至内外傳言得八者三,一曰泰之八, 者,專動則有占,雜動則無占,如是則傳記之文皆合,而 故卦之有變者,意主於生卦,不主於成爻。爻之有變 法,未有爻辭之先,即彖辭而已周於用,既有爻辭之後, 圖者,更須以《左傳》、《國語》諸書互相參考。 爻,攷之文意,似未符協。 卦,猶之爻以九、六成,則以九、六識爻云爾。 觀朱子之 無專動之爻,則其爲用卦一也。卦以八成,故以八識 卦可變爲六十四,則兩卦相參,而可以盡事物之理。 蓋三占者,雖變數不同,然皆 諸儒以八爲不動之

御纂周易折中卷二十

御纂周易折中卷二十一

啓 蒙 附 論

實以象數而作,又不可略焉而不講也。且 穿穴而不根,支離而無據,然《易》之爲書, 朱子之作《啓蒙》,蓋因以象數言《易》者多 篇以授學者,以爲欲知《易》之所以作者, 毁成法,師其獨智而訾先賢,故朱子述此 在當日言圖書卦畫蓍數者,皆創爲異論以 説 之所包藴,其錯綜變化之妙,足以 於此可得其門户矣。今摭圖書卦畫蓍數 未盡之意者凡數端,各爲圖表而 蓋所以見圖書爲天地之文章,立卦生 繫之以 發 朱子

> 世之紛紛撰擬,屑屑疑辨,皆可以熄矣。 於是乎權 蓍爲聖神之制作,萬理於是乎根本,萬法 輿,斷非 人力私 智之所能參,而

河圖 陽動 深陰静圖

四三

四几

五十 七六

八九

五十

七四〇

七四二


九 六 五 七 四 九 五


下也。 遷,則成「河圖」、「洛書」之位矣。 書」之一二三,四五六,七八九,本自上而 也,六七本在下也,八九本在左也。「洛 故「河圖」之一二本在上也,三四本在右 者也。若以陽動陰静而論,則數起於上, 《大戴禮》言「洛書」,曰二九四,曰七五三, 《大傳》言「河圖」,曰一二,曰三四,曰五 静陰動而論,則數起於下,故「河圖」之一 四五六,便有七八九,層而列之,以成四方 圖」之初,則有一便有二,有三便有四,至 而又居中。順而布之,以成五位者也。原 五而居中,有六便有七,有八便有九,至十 六,日七八,日九十,則是以 曰六一八,則是以三相從也。 洛書」之初,則有一二三,便有四五六,有 一本在下也,三四本在左也,六七本在上 於是陽數動而交易,陰數静 是故原「河 兩相從也。 如以 而 不 陽


出也。 静陰 者,如乾君而坤藏也,君令而臣從也,夫行 則有民 以三相從者,如有天地則有人也,有君臣 則有地也,有君則有臣也,有夫則有婦也 静而不遷,陰數動而交易,則又成「河圖」、 五六,七八九,本自下而上也。 也,八九本在 於此矣。 也,父安居而妻子勤職也,自内而外,以體 静相資,以播生成之化,造化人事之妙,窮 而婦順也,自上而下,以用而言者也。陽 而言者也。 洛書」之位矣。 動者,如乾主而坤役也,君逸而臣 也,有父母 先後天圖象之精藴,莫不於此乎 同本相從,以成合一之功,動 右也。「洛書」之一二三, 蓋其以兩相從者 則有子也。 陽動 於是陽數 ,如有天 陰 **四** 静 绺

以下,皆以爲法焉。何則? 三者天數也,自「洛書」以三三積數,爲數之原,而自四

不悉載。 四四四 四圖 動或 故「洛書」爲數之原,不易之論也。 下皆以三三圖爲根,自六六以下皆以 亦各成縱橫皆三十四之數矣。 圖,居中居四隅與居四方者,或動或静, 五之數矣。 故其象圓, 圖 爲根,而四 静,居中者一定不易。 如 左,以相證 如前 四者地數也,故其象方,如後 圖,居四方與居四 四圖又實以三三圖爲根, 明,其餘具數學中, 而各成縱横皆 自五 隅者,或 今附 五以 四







圖。 交易者,而其交易者即前之不易者。此第 縱横皆三十四之數。 此以十六數自右而左,自下而上列之,第一 二圖同前第三圖,此第三圖同前第二圖。 用前法變爲兩圖,第二圖,第三圖。 但其不易者即前之 蓋亦陰陽 並得

河圖加減之原

互爲動静之理云。

五十 九 四 六 九 之得七,以七減之得三。 若用一九相加亦爲十,以三減 用中兩率,三七相加爲十,以 減之得九,以九減之得一。

之得八,以八除之得四。

若用二與十六相乘,以四除

六除之得二。

七二

四

二減之得八,以八減之得二。 用中兩率,四六相加爲十,以

若用二八相加亦爲十,以四減

之得六,以六減之得四

五

九

二十七除之得一。

若用一與二十七相乘,以三

用中兩率,三九相乘爲二十

七,以一除之得二十七,以

除之得九,以九除之得三。

又曰:「參天兩地而倚數。」天數以三行, 少而多,多而復還於少,此加減之原也。 六,天七地八,天九地十。」天地之數,皆自 《大傳》曰:「天一地二,天三地四,天五地 地 數以二行,此乘除之原也。 是故「河 圖

洛書乘除之原

七四 Ħ. 二,以二除之得十六,以十 用中兩率,四八相乘爲三十

七四六

以一二爲數之體之始,「洛書」以三二爲 根,莫不寓乘除之法焉,而又皆以加減之 以參兩爲根也。實則諸數循環,互爲其 之用之始。然「洛書」之用、始於參兩者、 爲圖表以明之如左。 除之法十六,積方之法五,句股之法四,各 法爲之本。今推得「洛書」加減之法四,乘 數

洛書 加減四法

用奇數左旋相加,得相連之耦數。

加三爲四

三加九爲十二

九加七爲十六 七加一爲八

若用奇數減左旋相連之耦數,得右旋相連

之奇數。

三減四爲一

九減十二爲三

七減十六爲九

減八爲七

用耦數左旋相加,得相連之耦數。

二加六爲八

六加八爲十四

八加四爲十二

四加二爲六

若用耦數減左旋相連之耦數,得右旋相連

之耦數。

六減八爲二

八減十四爲六

四減十二爲八

二減六爲四

用奇數右旋加耦數,得相連之奇數。

一加六爲七

九加四爲十三

七加二爲九

三加八爲十一

若用奇數減相連之奇數,得相連之耦數

一減七爲六

七減九爲二

九減十三爲四

三減十一爲八

用耦數右旋加奇數,得相對之奇數。

二加九爲十一 八加一爲九

六加七爲十二 四加三爲七

九減十一爲二

一減九爲八

七減十三爲六

若用奇數減相對之奇數,得相連之耦數。

三減七爲四

用三左旋乘奇數,得相連之奇數。

三七二十一 三三如九 三一如三

三九二十七

用八左旋乘耦數,得相連之耦數。

八二一十六 八八六十四

八四三十二

八六四十八

用三左旋乘耦數,得相連之耦數。

三四一十二 三二如六

三六一十八

三八二十四

用八左旋乘奇數,得相連之耦數。

八三二十四 八九七十二

用二右旋乘耦數,得相連之耦數。

八七五十六

八一如八

二二如四

二四如八

用七右旋乘奇數,得相連之奇數。 二八一十六 二六一十二

七七四十九 七九六十三

御纂周易折中卷二十一

七三二十一

七 如七

用二右旋乘奇數,得隔二位之耦數。

二九一十八 二三如六

二如二

二七一十四

用七右旋乘耦數,得相連之耦數

七二一十四

七四二十八

七八五十六 七六四十二

用一乘奇數,得本位之奇數。

<u>一</u> 如

一九如九 一七如七

用六乘耦數,得本位之耦數。

六四二十四 六六三十六

六八四十八

六二一十二

用一乘耦數,得本位之耦數。

二如二 一四如四

用六乘奇數,得相連之耦數。 一六如六

一八如八

六九五十四

六一如六

六三一十八 六七四十二

七四七

一用四乘耦數,得相對之耦數。

四四一十六 四六二十四

四二如八 四八三十二

一用九乘奇數,得相對之奇數。

用四乘奇數,得隔二位之耦數。

四一如四 四三一十二 四七二十八

用九乘耦數,得相對之耦數。

九四三十六 九六五十四九二一十八 九八七十二

九四三十六 九六五十四

「洛書」乘除十六法,可約爲八法。何則?凡除法,除其所得之數,得其所乘之數。

加一爲六,六減五爲一,是六與一同根也。五者河洛之中數,自此以上,由五以生,五

也。三八、四九,其理如之。今用三與八五加二爲七,七減五爲二,是七與二同根

八,八與三同根,得八猶之得相連之三也,餘放此。 奇位同根之數,猶之乎相 奇數,得隔二位之耦數者,其所得 一與六乘,而皆得本位之奇耦,可以知 相連之奇耦,可以知七即二矣。 八即三矣。 左旋乘奇耦,而皆得相連之奇耦,可 用二與七右旋 連也,如二九 乘奇耦,而 内惟 即 相 以 二乘 皆 六 用 連 知

其所得即本位同根之數,猶之乎本位也。即一矣。內惟六乘奇數得相連之耦數者,

如六七四十二,七與二同根,得二猶之得本位之七也,餘

放此。用四與九乘而皆得對位之奇耦,可

之耦數者,其所得即對位同根之數,猶之以知九即四矣。內惟四乘奇數得隔二位

對位之一也,餘放此。其但得同根之數者何,凡乎對位也。如四九三十六,六與一同根,得六猶之得

一十二,八四亦三十二。奇乘奇,其得數爲奇,奇乘耦,耦乘耦,所得皆耦數而同。如三四

若耦 根,得四猶之得九也。 根之耦數 九,在「河圖」則四方之相配,在「洛書」則 正隅之相連,以其數之生於中五 乘 令,不 也。 ·能得· 如三三爲九,八三二十四,九與四 所以一六、二七、三八、 奇數 而 同,故但 而 得 同 其 四 根 同 同


也。

+ 相 數有合數,有對數,合數生於五,對數 者,六從一也,七從二也,八從三也,九 則合數相 後積方五法。 四 圖」則合數同 六,此對數也,皆相併 必 也。 減 也,八從二也,七從三也,六從四也。 同 一六、二七、三八、四九,此合數也,皆 而爲五者也。 如前乘除十六法。 乘耦 連,而 既 凡 同 方,而 以 數 合數共 ,乘奇則同 對 數 對數 一九、二八、三七、四 相對之相從者,九從 而爲十者也。在「河 相 乘一數,所得之數 和連。 對。 根 若各自乘焉 相合之相 在「洛 成 書 如 從 從 於

> 四 得九。二得四,八亦得四。 此 對數也。 七亦得九。 則 彼亦得對數也。 亦得自數 十一。若各自乘焉,則又必同 共乘一數,所得之數必對。 則又必合矣。 爲經,二七、三八居左右以爲緯者,此也。 而 自乘之數,相合之相從者,此得自數 一,九九亦八十一。二二得四,八八亦六十四。 齊焉。 九 得 彼 而「洛書」之位。 連數,則 亦得 故開平方之自乘數,止於一六、 如一得一,九亦得一。六得六,四亦 相對之相從者,此得自數則 也。 連 數 彼 如一得一,六得六。 如三三得九,八八六十 也。 亦 如四得六,九得一。此得 得 如三得九,八亦得 連 要皆會於一六、四九 一六、四九居上下以 數也。 如三三得九,七三二 此 矣。 如三得九,七亦 点 四 得 如一一得 對 以 , 則 彼 連 數 是 對 得六。 得 得 四 數 則 以 數 彼

七五〇

洛書對位成十互乘成百圖




室一,一定上,上定一,具百。 九自乘八十一, 一自一興九對成十。十自乘其積一

爲九,共十八, 合之一百。乘一, 一乘九,九乘一,俱

與十自乘積同。

二,,合之一百。八,八乘二,俱十六,共三十八,八乘二,俱十六,共三十二乘四, 二乘二與八對成十。 八自乘六二與八對成十。 八自乘六

十二, 合之一百。七,七乘三,俱二十一,共四十九, 三自乘九, 三乘




四乘十四十六,六八、,六

四十八, 合之一百。 四十八, 合之一百。 四十八, 四自乘十六, 四


中五含五成十。 五自乘二十五, 又五互乘各二十五, 共五

洛書句股圖



者,推之至於無窮,法皆視此。此「洛書」四隅合中、方,而寓四句股之法


河洛未分未變方圖



五,二者相交而成河洛數之兩三角形矣。積數五十有五,自一至九者積數四十有之,会數,爲斜界而中分之,則自一至十者五,合爲一百,此天地之全數也。以一百五,合爲一百,此天地之全數也。以一百五,合爲一百,此天地之全數也。以一百五,分爲

圖之根,實出於此。 方,以爲三角,其形不離乎此二者。下諸凡積數自少而多,必以三角而破百數之全

河洛未分未變三角圖



七五


點數應河圖十位

「河圖」之數自一至十、「洛書」之數自一至「河圖」之數自一至十、「洛書」之數自一至「河圖」之數自一至十、「洛書」之數自一至「河圖」之數自一至十、「洛書」之數自一至「河圖」之數自一至十、「洛書」之數自一至


五十四。〇若自上而下作三層亦如之。九一十八,外一重三九二十七,除中心,凡周圍三角,分三重,中一重九,次内一重二

七五二

幂形應洛書九位



凡三十六。〇若自上而下作三層亦如之。 二六一十二,外一重三六一十八,除中心, 中含六角,亦分三重,中一重六,次内一重



凡五十四。〇若自上而 十八,外一重五六三十, 中含六角,亦分三重,中 一重六,次内一重三六一

以上諸圖,本同一根,雖積數若異,而其爲 九六之變,則一也。九六可分爲内外中之

七五二

亦如之。

九四十五,凡八十一。

〇若自上而下作三層

九二十七,外一重五


|重九,次内|重三

周圍三角分三重,中

爲剛 既 外分者,其心惟一,所謂人者天地之心,三 所謂三極之道,三才各具一太極也。 天地人之極也。 又合而論之,則九六者,在天爲陰陽,在地 而 則外爲天,内爲地 天,心爲人而主乎天地。 義,主於人 衍策者此也。 柔之義,根於極 之妙者如此,故分而爲圖,則應乎陰陽剛 才統體一太極也。此圖之中,渾具理象數 層論之,則 易有太極,是生兩儀」。 建,彝倫攸敘,參天貳地,垂範作疇者此 論之,則上爲天,下爲地,而中爲人也。 柔,在人爲陰陽剛柔之會,而其心則 ,亦可分爲上下中之三層。 而成 九 爲天而包地,六爲 分而爲書,則應乎三才之 位 而 以上下分者,其心有三, [其中,「聖人則之」,皇極 [迭運不窮,「聖人則之」, ,而中爲人也。 統三重而論之, 陽九陰六,命爻 地 就每 統三層 丽 以内 涵 重 於 每

以識定位之妙矣。 則其定位者也。 定位者也。 爲兩 四、則其未變者也、乾南坤北、離東坎西、 五,五位相得,而各有合。」分而置之,此其 之,此其未變者也。 天五地六,天七地 言「河圖」也,曰:「天一地二,天三地四, 以爲有未變者,何與? 曰:《易大傳》之 矣。或曰:「河圖」、「洛書」有定位矣,今 不知圖書之本爲一者,則亦不知其所以二 立,非有九者以爲之緯,則十之用無以行, 也。 然之紀,而圖、書所以 涵 也 九,故數終於十,而位止於九,此天 非有十者以爲之經 象,今以 或曰: 如易卦 河圖」、「洛書」,出於兩時,分 圖 不知未變之根,則亦不足 八、天九地十。」順 括之可乎? 一每生二,以至六十有 又曰:「天數五,地 相經緯而 一, 則 九之體 未嘗 티 : 而 地 + 無 相 數 以 自

冪形爲算法之原



十一,則其冪積亦合自一至十七九層之數 其冪積合一三兩層而爲四,至於九自乘八 數遞加,而每層之冪積如之。右方注者,數遞加,而每層之冪積如之。右方注者, 數 號 加 一 自乘 一 , 其 冪 積 合 一 三 兩層而爲 四 , 至 於 八 加 九 而 爲 一 , 二 自 乘 四 , 此 閩 左 方 注 者 , 本 數 也 , 自 一 至 九 而 用 數 此 圖 左 方 注 者 , 本 數 也 , 自 一 至 九 而 用 數


爾。

七五五

七五六

圖形合洛書爲象法之原








0 $\overline{}$

000 0000 0000 00000 000000 0000000

地 方 圖



算之宗也。 者人象。 方圓,而測方圓者以三角,此句股所 凡有數則 有象,象不離乎數 何則? 天之道如環無端,故其 圓者天象,方者地象,三角形 也。 萬 象 起於 以 爲

象圓也。

地之道奠定有常,故其象方也。

人受性於天,受形於地,猶三角之形,其心

人爲天地心圖

00

0 0

0

 \circ \bigcirc

00

象,亦於圖形乎有合矣。

六角八角,爲有法之圓形。 其自十以後,三分之,則一者圓之根也,而十數之内,惟則圓之心,其邊則方之邊也。 今就九數而

以爲圓象之數也。二者方之根也,而十數角愈多以至於無角者視此矣,此一六八所

之内,惟四與九,可以積成方面。 其自十以爲圓第之數也 二者方之相也 而十數

四九所以爲方形之數也。以十數裁爲三

以後,積愈多而皆可成方者視此矣,此二

五其心也,自一至十,則七其心也,所謂三角,自一至四,則三其心也,自一至七,則

而皆可以求心者視此矣,此三五七所以爲角求心之法者如是。其自十以後,數愈多

三角形之數也。「洛書」之位,一六八居

上行,三五七居中,爲人道之中處,其數其下,爲天道之下濟,二四九居上,爲地道之

先後天陰陽卦圖

噩

陰


〓〓陽

卦也。 巽、坎、艮、坤。 陽爲主者,皆陽卦也,其以陰爲主者,皆陰 艮,其陰卦曰坤、巽、離、兑。 不同何也? 先天之陽卦 也。後天分陰陽卦,自爻畫以定之。其以 以生者,皆陽卦也,由陰儀以生者,皆陰卦 蓋先天分陰陽卦,自兩儀而分之。 天則卦之已成,觀其爻畫之多寡而命之 先天則因乎畫卦之序而中分之,後 曰震、離、兑、乾,其 後天之陽卦曰乾、震、坎、 陰 由 桂 陽儀 日

矣。 陽,蓋有由矣。 之幽暗寒肅 明,其爲陽也 法象之自然者如何? 陽 也 有陽 氣 遇陰者屬陽,先有陰而遇陽者屬陰。 成者也,然有感應先後之别焉。 火與澤從風而俱爲陰,水與山從雷 天之卦,陰陽之象之正也,其變而後天, 起,與地爲一 氣所驅,以滋潤 謂 Ш 在 卦,此所謂「立地之道曰柔與剛」也。 矣 。 氣在 其 理 有陽氣直 下將發 「立天之道 中 此皆主於陽而遇陰,所以皆爲陽 如 將 ,其爲陰也明矣。山者土之隆 而 何 ? 體者也,是亦陰也。 明矣。 騰 散 遇陰壓之,則奮 凡陰陽之氣,未有不 萬物者也,是亦陽也。 曰 而 而 陰 曰: 上 遇陰包之,則鬱而 澤者水之積濕,爲 與 丽 陽儀上 陽 曰:火之炎熱 遇陰承之,則止 也。 而爲 有陰卦 先有陽 陰 [而俱爲 是故 儀上 雷矣。 有陽 · 合 而 爲 丽 होत्र 而 先 光 則 陽 水 其 有 此

悖也。 陽。 爲陰; 也。 先天之象,著其用也,後天之象,探其 流,山根於陽之矗而起,故以體言之則陽。 固,故以用言之則陰,然水根於陽之嘘 陰之濕,故以體言之則陰。 以用言之則陽,然火根於陰之燥,澤根 生之始,亦不可變也。 陽,坤純陰,不可變也。 陽,所以皆爲陰卦也。 潤 也。 必附 陰霾 卦 盡 也 陰陽本一氣而 正如仁之發生爲陽,而其柔 而 丽 盡 有陰在外,陽氣必敷而散之,觀 義之收斂爲陰,而 有陰在 後澤竭可見也。 散之,觀之薪芻盡 而 後風 息可見也。 内,陽氣必 互根,故其理並行 火温煖,澤發散,故 總 雷陽動之始,風 其剛 此皆主於陰 入而 而論之,惟 有陰 丽 水寒凉,山 後火滅 決 散之,觀 在中,陽氣 亦 和 可 亦 而 以 乾 之 可 可 而 根 不 爲 以 加 凝 於 陰 純 遇 見

後天卦以天地水火爲體用圖




造化 桂 上交於天者也,雷即火之鬱於地中 吹嘘而下交於地者也,山即地形之隆起 有 所以爲造化者,天地水 而實 惟四,何則? 火而 風 即天氣之 已矣。 而 搏 而 墼

天綱。 者也。 以 四 艮相 天、《易》所謂「天在山 所謂「天下有風,姤也」。 火爲天地之用,故居四正以司時令也。 故散於秋,及水歸其根,則王於冬矣。 火播其氣,則王於夏矣。澤者水之未收, 天則以天地爲體,而居四維 體也,以東西爲緯,而水火居之用也。 四物也。故先天以南北爲經,而天地居之 風,西人言水火土氣,可見造化之不離 氣眹兆於西北,至東南而下交於地、《易》 奮發者也,澤即水之聚於地上而布散 而居四正。 生 維 以 成萬物,此先後天之妙也。 對而爲地紀。 道家言天地日月,釋氏言地 地功致役於西南,至東北而上交於 運 樞 雷者火之方發,故動於春,及 軸 也。 天地爲水火之體,故居 天地水火,體用互根, 中,大畜也」。 故乾巽相對而爲 ,以水火爲用, 若以卦畫 故坤 滋潤 水 天 水 後

七五九

地水火盡之矣。 地水火盡之矣。 地水火盡之矣。 地水火盡之矣。 是以六十四卦始乾坤,中 三於上則爲艮。是以六十四卦始乾坤,中 也,一陰行於下則爲巽。艮即坤也,一陽 此,一陽有於下則爲巽。艮即坤也,一陽

先天卦變後天卦圖



交而變爲離。水之體陽也,其用則陰,而陰也,其用則陽,而天用之,故乾中畫與坤此圖先天凡四變而爲後天也。蓋火之體

故離 氣自 地 地 是山者、雷與澤之上下相感者也、故震以 兑以上下畫與震交而變爲巽。風本天氣 畫與離交而變爲兑。陽感於陰則山出雲, 以上二爻與艮下二爻交而變爲坤。 也,因與山交而人其下,則下與地接 生風,是風者,澤與雷之上下相感者也,故 上下畫與兑交而變爲艮。 是 與火同人,是天以火爲用也,水與地比, 或曰:此於經書有徵乎? 故艮以下二爻與巽上二爻交而變爲乾。 地質也,因與風交而出其上,則上與天接, 曰 用之,故 中,陰氣自上壓之而奮出 地 上畫與坎交而變爲震。水聚地上,陽 下 以 電合而章」。 敷之而滋潤,則澤之説 水爲用也。 坤 中 畫 與乾交而 又曰: 離 爲火,亦爲電,《易》 「雷電皆至。」是 陰感於陽而 ,則雷之動也 變爲坎。 曰:在《易》天 也,故坎下 (,故巽 山本 火 在 水


也。

豈

偶然哉?

則變易 地氣 則多陰」。蓋西方積山,故多雲雷。今之 爲 雷 天」,是山與天氣相接也。 莊周云:「大塊噫氣,其名爲風。」是風 東方積澤,故多風颶,今之濱海者皆然也。 近嶂者皆然也。 不各得其位 一 陰 一 與火一 困,是澤與水一物也。 相 陽而已,其情則交易而 丽 接 氣也。 無定,故先天交變以 也。 而妙其化,各從其類而歸其根 《禮》登 又云: 澤有 水 山 「日東則多風。」蓋 則 《周禮》云「日 爲節, 夫天地水火者 以祭,「升 成 相 澤无水 後 通 ~,其體 天,莫 中 於 與 西 則


先天卦配河圖之象圖



天之巽坎艮坤,陰長而陽消也。蓋所以象陽長而陰消也。其右方,陰内陽外,即先屬之左方,陽内陰外,即先天之震離兑乾,

二氣之交運也。

後天卦配河圖之象圖



八爲木居東,即後天震巽之位也。二七爲圖之一六爲水居北,即後天之坎位也。三

七六二

先天卦配洛書之數圖

乾震坎艮 贷職諸典九八七六 回三二一


交也。蓋所以象五行之順布也。

即後天之坤艮周流四季,而偏旺於丑未之

西,即後天兑乾之位也。五十爲土居中,

火居南,即後天之離位也。

四九爲金居



卦。○陽上陰下,故九數爲乾,一數爲直列「洛書」九數,而虚其中,五以配八

七六三

配,而先天之位合矣。 三兑四,坤生三陰也。以八數與八卦相乾生三陽也。又自一而順數之,巽二離坤。因自九而逆數之,震八坎七艮六,

後天卦配洛書之數圖

離艮兑乾 話劉斯浜

燥土,故八次九而爲艮。

燥土生金,故七


火上水下,故九數爲離,一數爲坎。

火生

902

也。 也。 也。 也。 也,况天地之理,雖更萬年,豈不合契 供養之世,然皆不必深辨。 先聖後聖,其 樣一也,況天地之理,雖更萬年,豈不合契 以養之世,然皆不必深辨。 先聖後聖,其

先後天卦生序卦雜卦圖説



先天圖者,序卦之根也。

蒙以後,既、未濟以前五十六卦皆是也。孚、小過是也。有相對而翻覆可變者,屯、覆不可變者,乾、坤、坎、離、頤、大過、中覆,可變者,乾、坤、坎、離、頤、大過、中原卦之法,以兩卦相對爲義,有相對而翻

兑也。 也。 就 晉、明夷、既、未濟也。 者,亦皆交於乾、坤、坎、離者也。 三十二卦,則自屯、蒙至涣、節皆是也。 歸妹、巽、兑也。 其翻覆而止於一體易者 十二卦,隨、蠱、咸、恒、損、益、震、艮、漸 二卦,需、訟、師、比、泰、否、同人、大有 中孚、大過、小過,雖爲震、艮、巽、兑相交 艮、巽、兑相交之卦,則二體皆易焉。 又皆乾、坤、坎、離相交者也。 翻覆而不可變者,法八卦之乾、坤、坎、離 之附於坎、離、既、未濟,爲其具離、坎之象 象,大過、小過具坎之象也。 之卦,而翻覆不可變者,頤、中孚具離之 五. 翻覆而 十六卦之中 就翻覆可變之中,其二體不易者, 可變者,法八卦之震、艮、巽、 ', 則 翻 翻覆而二體皆易者 覆 而 故《序卦》以 其一體不易 體 不易者十 惟震、 頤、 蓋

> 《序卦》之用也。 則雖 也。 對。 乾與 離、既、未濟也 也,「水火不相射」,上下經所以 以始於乾坤、中於否泰也、「山澤通氣、 先 風相薄」,下經所以始於咸恒,中 之卦雜交,則易者半,不易者半,所 翻覆而其體遂易矣。若四正之卦與四維 天 然既相對,則必相交,四正之卦相交, 相對 坤 圖 翻 覆 對 八 而不 卦, 而其體不易,四維之卦相交,則 ,坎與離對,震與異對,艮與兑 兩 相變,所以定《序卦》之體 是故「天地定位」,上 兩 相 .對,《 序 卦》之根 ·於損 終於坎 以 也。 所 極

震≒下去一陽,上生一陽,復爲艮。坎≒下去一陰,上生一陰,則爲震。艮==下去一陰,上生一陰,則爲寒。

兑∭下去一陽,上生一陽,則爲離。乾∭下去一陽,上生一陽,仍爲乾。

離二下去一陰,上生一陽,則爲異。

理二下去一陰,上生一陰,仍爲坤。

以二下去一陰,上生一陰,仍爲坤。

以二下去一陰,上生一陰,仍爲坤。

以二下去一陽,上生一陽,爲難。

於二下去一陽,上生一陽,爲難。

於二下去一陽,下生一陰,爲,爲難。

於二下去一陽,下生一陰,爲,爲難。

於二下去一陽,下生一陰,爲,爲難。



雜卦,即互卦也。互卦之法,或上去一畫後天圖者,雜卦之根也。



過、蹇、解、家人、睽也。 其陽卦交陰卦,陰 兑,下去一陽,上生一陽,則變爲巽。艮 陽,上生一陽,則變爲艮。巽而上去一陽, 既、未濟也。以交互之法求之,乾而上去 其體遂變矣。 下去一陰,上生一陰,仍是坤矣。惟震而 仍是乾矣。坤而上去一陰,下生一陰,或 卦交陽卦者亦八,剥、復、夬、姤、漸、歸妹、 卦從陽卦、陰卦從陰卦者八,乾、坤、頤、大 而上去一陽,下生一陽,則變爲震;下去 則變爲艮,下去一陰,上生一陰,則變爲 陰,則變爲兑。坎而上去一陰,下生一陰, 下生一陽,則變爲離,下去一陰,上生一 上去一陰,下生一陰,則變爲坎,下去一 而 一陽,下生一陽,或下去一陽,上生一陽, 下生一畫,或下去一畫而上生一畫, 離而上去一陽,下生一陽,則變爲 互體所成,凡十六卦,其陽 則

坤。

艮;

上去 陰,下生一陰,則變爲巽,下去一陽,上生 也,風火家人也。 水山蹇也、雷水解也。 變則風火家人也,澤風大過也。 陰得陰卦,故乾之變則乾也,坤之變則坤 陽,上生一陰,則變爲兑。 則變爲兑,下去一陽,上生一陰,則變爲 陽,則變爲艮。震而上去一陰,下生一陽 下生一陽,則變爲震,下去一陰,上生一 陽,則 [蹇也。 陰,上生一陰,則變爲坎。 下 去 皆因其能相變,故能相合也。又乾 震之變則雷水解也,山雷頤也。 巽而上去一陽,下生一陰,則變爲 一陽,下生一陰,則變爲巽,下去一 ·變爲離。此八變者,皆陽得陽卦 兑之變則澤風大過也,火澤 一陰,上 艮之變則山 生 離之變則火澤睽 陽,則變爲乾。 坤而上去一陰, **兑而上去一** 一雷頤 坎之變則 也,水 巽之 睽 坎 而 止於十六也。

也。

Ш

也。

濟也。 則山 也。 變則雷澤歸妹也,地雷復也。巽之變則風 陰,下生一陽,則變爲乾,下去一陽,上生 陰,或下去一陽,上生一陰,皆變爲坎。 相合也。易互卦之法盡於此 也、雷澤歸妹也。 陰得陽卦,故乾之變則天風姤 山漸也,天風姤也。 而上去一陽,下生一陰,則變爲坤, 而上去一陰,下生一陽,或下去一陰,上生 一陰,則變爲震。此八變者,皆陽得陰卦, 一陰,上生一陽,則變爲巽。 兑而上去 陽,皆變爲離。 地剥也,風山 坤之變則地雷復也,山地剥也。震之 離之變則未濟也,既濟也。 離而 漸也。兑之變則澤天夬 亦皆因其能 坎之變則既 上去 一陽,下生 ,此其卦所以 相變,故 也,澤天夬 濟也,未 艮之變 下去 艮

後天圖八卦,陰陽上下畫互變, 雜卦 之根


者焉,有各得其對以相變者焉。 乾居 也。 陰,下生一陰,則爲艮。 者除乾坤純陽純 坤對,震與兑對,此各得其對者也。 從其類者也。 而三陽從之,坤居西南而三陰從之,此 也 艮而 爲巽。 上 陰,則復爲坎。 此三陽相次之序也。 巽而 生一陽,則爲震。 震而上去一陰,下生一 上去 下生一陰,則復爲巽。此三陰相次之序 一,何 陽,下生一陽,則爲兑。兑而上去一陰, 去一陽,下生一陽,則爲離。 上去一陽,下生一陰,則爲 對位四陰卦之序也。巽而下去一陰, 相對者,乾而上去一陽,下生一陰,則 一陰,下生一陽,則爲兑。 則 坎而上去一陰,下生一陽,則爲 後天之卦 乾與巽對,坎與 陰不變外,坎而上去一 有各從其 艮而 上去一陽,下 離對,艮 離而 此四 坤。 類 以 震而 相 陽卦 上去 西 相 各 從 與 北 變

四陽 坤而 巽而 離而 震。 上生 變爲 變爲 變爲巽矣。 之四陰也。 兑而上去一陰,下生一 中,震爲長,乾爲老。凡變者自少而老,故 爲長,坤 少而來。 然尋其對位相變之根,則又自父母男女長 則爲艮。兑而下去一陽,上生一陰,則爲 陰,則爲坎。 //坤矣。 離 上去 上去 上去 此四 、卦之變,自陰而來 陽 ·爲老; _ 陰 蓋四陰卦,兑爲最少,離爲中,巽 則 乾而 坎而 陽,下生 艮而 陽,下生 震 陰,下生一 桂 爲 而 變爲對 坤而下去一陰,上生一陽, 乾。 四陽卦,艮 下去 下去 下去 下去 離 一陽,上生 位 而 ,故又變而 陽,則 陽,則變爲乾矣。 陽, 陰, 上生 陰,則變爲艮矣。 陰,則變爲坎矣。 陰,上生 四陽卦之序也。 下 爲最少,坎 去 上 主 變爲震 陽, 一陰,則 爲對位 陽,則 陽,則 矣。 爲 則

變爲兑矣。四陰卦之變,自陽而來,故又


變而爲對位之四陽也。

大衍圓方之原



同徑兩周數。

大衍句股之原



是已。 用也。 形,亦惟以三、四爲率,則能得斜弦之整 數。徑七,固七也,句三股四之合亦七也, 以徑七爲率,則能得周圍之整數。句股之 蓍策之數,必以七爲用者,蓋方圓之形,惟 是故論方圓周圍之合數則五十,論句股弦 數,則蓍策之掛一者是已。惟老陽老陰之 方,則不盡一數,而止於四十九,此大衍之 之合積亦五十,此大衍之體也。因而開 數與此密合,故作圖以明之。 方面之中,函八句股,而又不盡一 開方而不盡一數,則蓍策之虚一者

老陽數合方法



中含大方六六三十六,

小角一一如一,一六互 乘爲十二,并成十三,爲

掛扐之數。

衍用合數,則一與六是也。 但「洛書」用對數,如一與九之類是也,大

910

此與前「洛書」以自乘互乘爲積方之法同,

而


以

中五

爲弦之法焉。

蓍策之數,二十五

老陰數合句股法



數,餘則不能也。蓋三三者「洛書」之數 十數之中,除一一不變,自二二至十十,皆 居其中矣,而其四 也,七七者蓍策之數也。 二十五數居其中,此二者爲能得天地之中 可成方。 然惟三三則五數居其中,七七則 方則 積,而多句股較一。 又成四句股之數, 「洛書」之數,五

大衍迎日推策法

與天地自然之文,其相爲經緯者如此。

言之而肖似者,有以數推之而密合者。 策」。考之後代,譚卦畫者多以曆法推配, 也。 理言而肖似者,孔子《大傳》所陳是也。 策之與曆法相表裏也,可見矣。 顧有以理 然孔子未嘗言也,惟於「大衍之數」,則曰 史稱黃帝迎日推策,所謂策者,蓋即神蓍 四十九算,排列成方,以句股之數求之,則 「象四時」、「象閏」,又曰「當期之日」,則蓍 推衍策數以候日月,故曰「迎 日 以

爲其用中五者同一根也。聖人因心之作 八,合乎「河圖」之四也,爲其虚五十者同 而即以二十五爲弦之實焉。 居其中矣,而其四方則又具 根也, 蓍數之七, 合乎「洛書」之三也, 四句股之積 是故卦數之

全方四十九。

也。 《大傳》所謂「掛一以象三」者,此零一之策 故「分二」以象天地,而「掛一」者象人之爲 零 之者 之策也。 天地心也。 則零一者歸於隅 則合氣盈朔虚而爲一者也。 扐之,然後以此掛一者歸之,而并以象閏, 以象氣盈耳。至於每揲之後,又得餘策而 節之理,據《顓頊》、《周髀》之制,以約略千 今以孔子之言爲宗,而 而大概相似,是孔子之説也。 至於以數推 二氣,而「掛 大衍命曆,以策數起歲分閏餘之算。 唐書・曆志》考之,其法蓋未密合也,故 者歸 所謂「歸奇於扐以象閏」者,亦此零一 ,自黄帝之法不傳,至唐僧一行始以 然當分二之初,此一之掛者,徒 於 中 以其歸於隅也,故「分二」以象 一」者象閏之爲一歲餘也。 而 而爲角。 爲 心 參以 以 開 以其歸於中也 一行之數,康 方之法求之, 此以理言之 然案

> 數。 分。 分,爲月數。 數二十五除之,得一千四百六十一分,爲 年三百六十五日 載 坐致之術 凡三萬六千五百二十五分。 又以地數三十除日數,得四十八零七 爲法, 是爲大衍用數 四分日之一。 表 以明之如左 每 以天 日 百

應、大傳》言蓍數,而以「河圖」之數首之。故《大傳》言蓍數,而以「河圖」之數首之。故《大傳》言蓍數,而以「河圖」之數首之。故《大傳》言蓍數,而以「河圖」之數首之。故

爲主。 一,應氣盈之餘數。五日四分日之一。○以初變半。爲期日歲月之經數。三百六十。○掛策

盈五日四分日之一,於日法爲十分弦之七。○掛策應氣日法十。○撰策應弦,每弦以十分爲率。○掛策應氣

十分日之八百二十七。○亦以初變爲主。四十八。○掛策一,應朔虚之餘數。十日九百四爲一歲之實數。三百五十四日九百四十分日之三百應十二朔,每朔二十九日九百四十分日之三百應十二朔,每朔二十九日九百四十分日之四百九十九。

九分朔之七。 應朔虚十日九百四十分日之八百二十七,於月法爲十唐朔虚十日九百四十分日之八百二十七,於月法爲十月法十九。○扐策應朔,每朔以十九分爲率。○掛策

一歲之朔虚,此合氣盈總算。有十日八百二四十八弦之整數,其「掛一」者以應朔虚十日八百二十七分也。據四分曆法,每日九百四十二十七分也。據四分曆法,每日九百四十二十七分也。據四分曆法,每日九百四十二十十分也。據四分曆法,與應氣盈以初變之撰策扮策計之,撰策四十八,以以初變之撰策扮策計之,撰策四十八,以

乎 ? 以七爲用,而掛一者用中之用,故其分數 八、八者體數也、蓍數七、七者用數也、蓍 其在蓍數,則何以見掛一之策爲餘七之算 法,一章之内,有七閏月者,法由兹起也 策之根也。積六十卦,直三百六十日,餘分之積,共四 每卦直六日,六八四十八,得四百八十分,又餘七分,歲 百二十分,以日法除之,爲五日四分日之一。 古今曆 而三除之,爲四百八十七,故四百八十七者,歲策也。 十分爲法也。蓋歲數三百六十五日四分日之一,四乘 日行十二度十九分度之七,故以十九爲法。 日月之 朔之七,則爲十日八百二十七分矣。 朔二十九日四百九十九分,如月法十九分 分弦之七,則爲五日二百三十五分矣。每 直六日,尚餘七分。 法不同,而其餘分皆七。故漢儒卦氣每卦 十七分,每弦七日四百七十分,如日法十 蓋亦以生蓍之法而知之爾。 每卦直六日七分者,日以八 卦數 月每

○凡萬有一千

陰爻百九十二,得四千六百零八。

五百二十,當閏終之總數。

亦 之後,然後其歸奇之掛一,乃得應十日八 掛一爲五日四分日之一之盈分,必待扐餘 參而用之者。 百二十七分之數而爲一歲之實閏也。 七日有半,以掛一爲實閏,而其數又餘 於《大傳》之先後次序,更爲吻合。 一弦之外,故今以弦爲七日半之經弦,以 止 於七也。 然一行以弦爲實弦,而 此皆以 一行之曆、康節之説 不足 於 似

策二十四,合六爻百四十有四。○凡三百有六十,過揲爲正策。乾策三十六,合六爻二百一十有六。坤

當一期之日數

十九者,朔法也。

十九者,朔法也。

一九八, 四五十。

一八八一百二十有八, 當一章五, 合六爻百五十。

八八一百二十有八, 當一章五, 合六爻百五十。

八二百二十有八, 當一章


二篇之策爲全策。陽爻百九十二,得六千九百一十

數也。 數萬有一千五百二十,當閏終之總數。 此因《大傳》之説而推備之者。 百二十,此則日月正餘會終,蓍卦齊同之 十,三十二年而閏一年,其日萬有 三十二月而閏一月,其辰萬有一千五百二 朔分齊而爲一章,故爲太陰所主也。其全 其餘數二百二十有八,當一章之月,蓋氣 日,蓋日周天而爲一期,故爲太陽所主也。 也。蓍策之正數三百有六十,當一期之 「以閏月定四時成歲」,此以太陰 永」、「日短」,此以太陽爲主者也; 故《堯典》始而殷正四時則曰「日中」、「日 也,太陽主之, 閏者,餘數也,太陰主之。 歲者,正數 終則 爲主者 一千五 曰

歷代之曆,歲分消長不同,故有五日四分

爲常法 不足者,然舉其中者以 司 日之一而有餘者,亦有 馬 遷 曆 ,故《顓頊 書述焉 香》、《 ,蓋古法也 周 五日四分日之一 該 髀經》皆用之, 其變者,則 四 而 分 丽

乾策坤 策圖



《大傳》曰:「乾坤之策,凡三百有六十,當 度,以 度,日 者六千九百一十二,其從陰者四千六百 故陽 八,生氣常盛則 以故萬物之數萬有一千五百二十,其從陽 候,則若邵子之説,開物於寅末,是亦先十 之體數也。 期之日。」故各一百八十者,寒暑晝夜並行 以 八日也" 閉物於戌 分推之,其自然之數如此。 度,餘一百四十有四,則坤之策之數也。 六,則乾之策之數也,以減夜漏一百八十 地平線分周天之度爲二,各一百 饒 加畫景 出 而陰乏,陽盈 入朦 然陽生而陰殺,陽明而陰暗, 景昏旦各十八度,共三 一百八十度,合二百一十有 初,是亦後十八日也 而陰虚,今以晝 若一 歲寒暑之 十 夜平 八


世

,其消息盈虚之理,亦若是而已矣。

爲豐年,善類常多則

爲

加倍變法圖



廉率。其法以左一爲方,右一爲隅,而位之二,併左右兩一成四,是倍二爲四也。第三層一位之二,併左右兩一成八,是倍四爲二各生第四層中位之三,併左右兩一成八,是倍四爲此圖用加一倍法,如第二層兩一,生第三層中

三,一陽二陰者三,方其爲四畫

也。

中

自 算,成卦之法,雖相加至於無窮,莫不 層爲立方,第五層、六層、七層爲三乘、四乘、五乘方。 中 者二,方其爲八卦也。 其餘則方其爲四象也。 每每相加而已,及卦成而分析觀之,則 根陰陽以定體。 法,雖相乘至於無窮,莫不依方隅以立 廉根於隅,而其長如方也。 六廉,三平廉根於方,而其厚如隅,三長 則生中間之六卦,如立方之方隅合而 生兩廉,其長如方,其廣如隅也。 則生中間之兩象。如平方之方隅合而 小,陽如方,陰如隅,分居兩端,陰陽合 於成卦之理,亦相肖合,何則? 間 之數則 畫至六畫,惟純陰純陽者常不動, (其廉: 然法也。 成卦之始,一陰一陽, 中間 第三層爲平方,第四 中間一 故開 陰二 一 陰 一 陽大陰 方之 陽者 又乘 陽 生

間一陰三陽者四,一陽三陰者四,二陰間一陰三陽者六,方其爲五畫也。中間一陰四間一陰五陽者六,一陽五陰者六,二陰三陽者二十,朱子卦變之圖,以此而定也。中間一陰五陽者十五,二陽四陰者十五,二陽四陰者十五,二陽四陰者十五,二陽四陰者十五,二陽四陰者十五,二陰三陽者一五,二陰三陽者二十,朱子卦變之圖,以此而定也。中間一陰三陽者四,一陽三陰者四,二陰數,則卦變用之。

御纂周易折中卷二十一

七八〇

御纂周易折中卷二十二

序卦雜卦明義

知也。 之雜之必有深意,亦必有略例。 卦之序也,雜也,皆出於文王也 指。 精,而夫子之見理至大,二者皆不可 義,以見易道之無窮。 之傳,乃因其次第而發明陰陽相生相對之 以 之書者,妄也。 子之意,又爲《上下篇義》以繹其未盡之 則不應卦皆反對,故程《傳》於卦下既 比、師,其次叙又與《序卦》無 至歐陽修諸人,直斥《序卦》爲非孔子 韓、孔諸儒,疑卦序若如夫子所言 若《雜卦》則乾、坤之後,繼 蓋文王之立 ,其所以 一同者,是 至夫子爲 述夫 以 法 序 不 至

> 序 卦程子有《上下篇義》,今祖其意而詳推之

者,目曰《明義》以附焉。

程、胡之説而詳推二篇之所以類序錯綜

胡氏於篇終微發其端,未竟其緒也。

今因

豈

無義

存焉?

而諸

儒皆莫之及,惟

元儒

之卦也。下篇,陰也,人事也,故凡人事之 陽爻之盛及陰陽長少先後有序者,皆上 艮、兑交之極也,皆正中之交,故爲陰。以 皆正中之正,故爲陽。 論,乾、坤陰陽之純也,坎、離陰陽之中也, 先後無序者,皆下篇之卦也。 交,陰卦陰爻之盛及陰陽交感雜亂 上篇,陽也,天道也,故凡天道之正 正也,故爲陽,咸、恒、損、益、既、未濟六 八卦之交而論,惟否、泰天地之交,交中之 震、巽陰陽始交也, 故以八卦 長 陽 而 桂

卦凡六,小畜、履、同人、大有皆五陽而一則陰過中,故雖陰卦而居陰也。坤交陰卦凡六,晉、敬雖陽卦而居陰也。坤交陰卦凡六,晉、故雖陽卦而居陰也。坤交陰卦凡六,晉、,觀以此,不,無、訟、无妄、大畜皆爲陽盛,惟以子之交,交中之交也,故爲陰。又乾交陽子之交,交中之交也,故爲陰。又乾交陽

陰而一陽,凡陽有主陰之義,陰雖多不爲坤交陽卦凡六,師、比、謙、豫、剥、復皆五亢,姤爲陰始生,故不得爲陽而爲陰也。

頤長少先後以序者也,故爲陽,蹇、解、小爲陰而爲陽也。又陽卦相交凡六,屯、蒙、

盛,而爲役陽雖少不爲衰,而爲主,故皆不

獨大過爲頤之對,又得其序,故亦爲陽,家過失序者也,故爲陰。又陰卦相交凡六,

人、睽、革、鼎、中孚皆陰也,革鼎得序,故

之分既定,其逐節逐卦次第先後,則以陰漸、歸妹、豐、旅、涣、節陰中之陰也。 二篇之陰,井、困爲陰中之陽, 其失序者六,宿二,其得序者六,隨、蠱、噬嗑、賁爲陽中猶爲陰中之陽也。 又陰陽相交之卦凡十

乾、坤、屯、蒙、需、訟、師、比、小畜、履。

陽盛衰消長之義次之,如後論

右陽卦第一節。

陰,陽之盛也,惟以爻畫參之,則夬爲陽已

示易小等 二節。泰、否、同人、大有、謙、豫。

右陽卦第二節。

隨、蠱、臨、觀、噬嗑、賁、剥、復。

无妄、大畜、頤、大過、坎、離右陽卦第三節。

右陽卦第四節

咸、恒、遯、大壯、晉、明夷、家人、睽、蹇、解。

右陰卦第一節。

損、益、夬、姤、萃、升。

七八

右陰卦第二節。

右陰卦第三節。

涣、節、中孚、小過、既濟、未濟。

右陰卦第四節。

陽卦第一節。

陽卦第二節。

此六者並爲陽盛之次也。 然陽爲卦主,故同師、比而亞於小畜、履。畜、履而亞於師、比。謙、豫義反小畜、履,有義反師、比,然以其陽多極盛,故同小然以其乾坤之交,故亞於乾、坤。同人、大泰、否者,乾、坤之合體,義同乾、坤者也,

陽卦第三節。

陽卦第四節。 陽卦第四節。 以上二節,除屯、蒙爲三男純卦,餘則皆有以上二節,除屯、蒙爲三男純卦,餘則皆有以上二節,除屯、蒙爲三男純卦,餘則皆有以上二節,除屯、蒙爲三男純卦,餘則皆有以上二節,除屯、蒙爲三男純卦,餘則皆有以上二節,除屯、蒙爲三男純卦,餘則皆有

二、五不皆陽爻,故亞於需、訟。 頤、大過无妄、大畜,乾與陽卦合體,義同需、訟,然

男女類,分長少先後,義同屯、蒙,然二卦 於乾、坤。此六卦者,顛倒與篇首六卦相 中氣,義同乾、坤,然六子之卦也,故又亞 不皆陽卦,故亞於屯、蒙。 坎、離得天地之

陰卦第一節。

對,並

爲陽復盛之卦也。

睽焉。 蒙,故四卦次遯、大壯。蹇、解本三陽之 爻,義反陽之需、訟。家人、睽三陰之卦 咸、恒。晉、明夷上下皆陰卦,二、五皆陰 次之。遯、大壯陰長陽過,陰之盛也,故次 之合,少則情專,老則誼篤,故咸爲首,恒 下篇主人事之交,故以夫婦之道始。男女 卦,而亦長少失序,義反屯、蒙,故從家人、 也,而又長少失序,陰道也,義反陽之屯、

陰卦第二節。

損、益二少二長之交,義同咸、恒。 夬、姤

> 陽極陰生,義同遯、大壯。萃、升坤與陰卦 交,義同晉、明夷,故六卦相繼,陰盛之次

也。


陰卦第三節。

豐、旅男女交而失序,與困、井、革、鼎反。 也。 而向乎陰矣。 巽、兑陰卦,與震、艮反。此六卦則又自陽 之從頤也。震、艮雖下經之主,然本陽卦 家人、睽,然長少以序,故從困、井,猶大過 嗑、賁,陰中之陽也。 革、鼎三陰之卦,同 困、井男女交而以序,義同陽之隨、蠱、噬 故此六卦並爲陰中之陽。漸、歸妹、

陰卦第四節

漸、歸妹、豐、旅、涣、節六卦,男女交 焉,則涣、節者變之窮,陰道之極也。 在焉,豐、旅有長男在焉,渙、節惟長女在 序,相類也。 然漸、歸妹兩卦,長男長女皆 而

序卦圓圖



推之

四象相交爲十六事圖

互成 乾 太陽交太陽

皆相對,蓋

乾與咸、恒對,履

與損、益對,

謙與困、井對,復與巽、兑對,每以下篇兩

卦,對上篇一卦,凡十二卦而二篇之數適

巽,德之制也。」先儒以其卦推配上下經

裕

也。

困,德之辨也。

井,德之地也。

恒,德之固也。

損,德之脩也。

益,德之

之基也。謙,德之柄也。

復,德之本也。

孔子《繫辭傳》敘上下篇九卦曰:「履,

互成夬

互成

睽

齊矣。

然十二卦之中,又止取九卦者

太陽交少陰

太陽交少陽

互成歸妹

太陽交太陰

少陰交太陽

其中閒之卦,以著陰陽消息盛衰之漸,故

消息盛衰之次,與此圖密合。

止於九。

○前所推上下篇各四節,陰

陽

互成家人

乾、咸其始也,兑其終也,略其終始而

取

少陰交少陰

互成既

濟

互成

頤

噩

互成

姤

少陽交太陽

互成

復

少陰交太陰

少陰交少陽

也;

互漸、歸妹、解、蹇、睽、家人、既、未

濟

者,皆中二爻爲

少陽少陰者也。

故

+

互成 互成 有此十六卦,故六十四卦成後 此 互 互 互 互 互成大過 成 一成坤 成 成 互卦之根也。 未 录 蹇 漸 解 濟 ~ = - = - = == 噩 惟其方成四畫時,所互 太陰交少 少陽交太陰 少陽交少陽 少陽交少陰 太陰交太陰 太陰交少陽 太陰交太陽 陰 ,以中爻互

六事歸於四象而已。

六十四卦中四爻互卦圖

以上八卦皆互乾坤

≣ 濟未

以上八卦皆互既未濟

以上八卦皆互剥復

以上八卦皆互姤夬

以上八卦皆互漸歸妹

其中二畫觀之,則互乾、坤、剥、復、大過、

頤、姤、夬者,皆中二爻爲太陽太陰

者

之,只此十六卦,即以六爻循環互之,亦

只此十六卦。

〇四畫互成十六卦,又以

以上八卦皆互大過頤

七八七

以上八卦皆互睽家人以上八卦皆互睽家人以上八卦皆互解蹇

十六卦互成四卦圖

蓋線 互表濟
蓋線 互表濟

三 互既濟

|||大過

互乾

Ⅲ頭

互坤

壨復

互坤

訓剥

互坤

■ 既濟 互未濟


■未濟 互既濟

互乾

互.乾

互而成者也,故十六卦又只成乾、坤、既、互乾、坤、既、未濟之十六卦,即諸卦之所

三疊之即乾,以太陰三疊之即坤,以少陰 未 卦》、《雜卦》皆以是終始焉。 乾、坤、既、未濟 三疊之即既濟,以少陽三疊之即 四象即乾、 濟 四 卦; 坤、既、未濟之具體,故以太陽 猶 十六事之歸 統乎易之道矣,故《序 於四 象 也。 未濟。 蓋



七八九

乾、坤,體 也。 爲主而統於既、未濟。故圖之外一層者 夬、大過、頤、睽、家人爲陰卦,皆以巽、兑 艮爲主而統於乾、坤, 剥、復、漸、歸妹、解、蹇爲陽卦,皆以震 者皆統於乾、坤、右方者皆統於既、未濟 既、未濟者居後。以其左右觀之,則左方 以其象限觀之,則皆互乾、坤者居前,互 也,又次内一層者十六卦所互之四卦也。 六十四卦也,次内一層者所互之十六卦 始之,既、未濟終之。 也,既、 未濟,用也。 中閒 右方六卦, 姤 則左方六卦 故以乾 坤

震、艮交於坤者也,漸、歸妹者,震、艮交故不在互卦之内也。陽卦六,剥、復者,擠,未濟互之得既濟,此四卦者不可變,,就互之得乾,坤互之得坤,既濟互之得未爲互卦之主不在互卦之内者十四卦。

《雜卦》中遇此數卦,皆從本卦取義,不用 以互體相 既、未濟也,故否、泰、乾、坤之交而爲既、 未濟之宗。此十卦亦不在互卦之内。 首。乾、坤之用在否、泰,猶坎、離之用在 姤陰生也,故夬、姤、象兑、巽而爲陰卦之 畫言之、剥陽極而復陽生也、故剥、復象 以三畫言之,艮陽極而震陽生也,以六 巽、兑交於震、艮者也,睽、家人者,巽、 互體,其餘自比、師以後,需、訟以前,悉 極而巽陰生也,以六畫言之,夬陰 艮、震而爲陽卦之首。 兑交於離者也,故巽、兑爲互陰卦之主。 夬者,巽、兑交於乾者也,大過、頤者, 也,故震、艮爲互陽卦之主。 於巽、兑者也; 次。 解、蹇者、震、艮交於坎者 以三畫言之,兑陰 陰卦六,姤 極 丽

互卦陰陽次第。

互剥、復、漸、歸妹、解、蹇。 凡上經之卦十八,而雜下自乾、坤至晉、明夷二十八卦,爲陽卦。皆

經十卦於其中。

經十卦於其中。 姤、夬、大過、頤、睽、家人。 凡下經之卦十八,而雜上自井、困至需、訟二十八卦,爲陰卦。皆互

自乾、坤至噬嗑、賁爲陽卦之正。首剥、復,

次漸、歸妹,次解、蹇。

自兑、巽至晉、明夷爲陽卦之變。首漸、歸

妹,次剥、復,次解、蹇。

自井、困至否、泰爲陰卦之變。 首睽、家人,

自大壯、遯至需、訟爲陰卦之正。首姤、夬:

次姤、夬,次大過、頤。

乾、坤首諸卦。

次大過、頭,次睽、家人。

坤、既、未濟四卦互之,仍得乾、坤、既、未《雜卦》皆不易焉。以互卦論之,惟乾、「乾剛坤柔」。〇《周易》首乾坤,故《序》、

先之以乾坤,然後别互卦之陰陽以次之。 无以見易」者,而變化何自 然非有不易者以爲之體,則所謂「乾坤毀 者也。《雜卦》者,事之相對,交易者也。 於變易交易。《序卦》者,時之相生,變易 坤,其體一定而不可變者也。易之道主 未濟猶變爲既濟,惟 濟,不與他卦 「相變。 然既 乾仍得乾,坤仍 濟猶 生 哉 變爲未濟, 是故

陽正卦首剥、復。

故次於損、益之前。上經之卦六,比、師一陽, 益獨爲下經之卦,震、艮亦下經之卦也, 是、艮陽卦之主,而剥、復之具體也。自 震、艮陽卦之主,而剥、復之具體也。自 震、艮陽卦之主,而剥、復之具體也。自 能爲剥、復,而雜震、艮二卦於其中,蓋 之類也。」○此八卦皆互 也。損、益,盛衰之始也。」○此八卦皆互 也。損、益,盛衰之始也。」○此八卦皆互

臨、觀、屯、蒙二陽。

次漸、歸妹。

萃、升。 上經居前,下經居後,故先大畜、无妄後也。」○此四卦皆互體爲漸、歸妹,陽卦以「大畜時也,无妄災也。 萃聚而升不來

次解、蹇。

也。」〇此四卦皆互體爲解、蹇。謙、豫一陽,「謙輕而豫怠也。噬嗑,食也, 賁,无色

噬嗑、賁三陽。

陽變卦首漸、歸妹。以上爲陽卦之正。

成漸、歸妹。下文將叙漸、歸妹,故以兑、「兑見而巽伏也。」○震、艮交於兑、巽,而

巽先之。

漸、歸妹。上首剥、復者,天行也,此首「隨无故也,蠱則飭也。」○此兩卦互體爲

漸、歸妹者,人事也。

次剥、復。

篇終言姤以終於夬,皆扶陽之意。體,但取剥、復之義。此言剥以歸於復,「剥,爛也。復,反也。」〇此兩卦,不用互

次解、蹇。

「晉,晝也。明夷,誅也。」〇此兩卦互體

爲解、蹇。

此,爲陽卦者二十八。
善各舉兩卦以見義而已。○自乾坤至,以上爲陽卦之變。○除篇終八卦自立以上爲陽卦之變。○除篇終八卦自立

陰變卦首睽、家人。

於睽、家人者,巽、兑交於離,陰中之陰交於巽、兑,陽中之陰也。陰卦之變,始家人,陽卦之變,首於漸、歸妹者,震、艮「井通而困相遇也。」〇此兩卦互體爲睽、「井通而困相遇也。」〇此兩卦互體爲睽、

也。陽主正,自天道而人事。陰主變,自

人事而天道。

次姤、夬。

「咸,速也。恒,久也。」〇此兩卦互體爲

姤、夬。

次大過、頤。

涣、節只互得頤,豐、旅只互得大過。者,如剥、復只互得坤,夬、姤只互得乾,頤。○六十四卦中,有兩卦只互得一卦項。○○十四卦中,有兩卦只互得一卦「涣,離也。節,止也。」○此兩卦互體爲

既、未濟統陰卦。

卦皆統於乾、坤,而尤以正卦爲主,故比、内也。否、泰不在互卦之内,而爲既、未濟 後。否、泰不在互卦之内,而爲既、未濟 後。否、泰不在互卦之内,而爲既、未濟 人皆互體爲既、未濟,故次於陰變卦之 人解、緩也。蹇,難也。睽,外也。家人,

以解、蹇、睽、家人、否、泰也。未濟,而尤以變卦爲主,故涣、節之後,系師之前首以乾、坤也。凡陰卦皆統於既、

以上爲陰卦之變。

陰正卦首姤、夬。

次大過、頤。

下經居先,離、坎在上經居後。皆互體爲大過、頤。小過、中孚、豐、旅在親寡,旅也。離上而坎下也。」〇此六卦「小過,過也, 中孚,信也。豐,多故,

次睽、家人。

訟,不親也。」〇此四卦皆互體爲睽、家 人。小畜、履一陰,需、訟二陰。 「小畜,寡也。履,不處也。 需,不進也。

以上爲陰卦之正。○自井、困至此爲 陰卦者,亦二十八。

循環互卦圖

四閥栽

大過

初姤

也。頤、養正也。

漸,女歸待男行 遇也,柔遇剛也。 大過, 顛也。 姤,

既濟,定也。歸

未濟,男之窮也。 妹,女之終也。

也。君子道長, 夬,决也,剛决柔

獨此八卦錯綜而不反對者,以見卦之有互, 以上五十六卦皆以兩相對,如《序卦》之例, 小人道憂也。

不獨中四爻可互,六爻循環皆可互也。卦

卦皆然,獨舉大過一卦者,中四爻以陽居

932

《雜卦》以是終篇,與《序卦》同。 《雜卦》以是終篇,與《序卦》同。 《雜卦》以是終篇,與《序卦》同。

御纂周易折中卷二十二

《儒藏》精華編惠蒙善助,共襄斯文,謹列如左,用伸謝忱。

本焕法師

智海企業集團董事長 馮建新先生

《精品購物指南》報社常務副總編 《優·NE·TIGER 時裝有限公司董事長 張

《優品》雜誌主編

壹佰萬元

壹佰萬元

贰拾萬元

王明亮先生

北京大學《儒藏》編纂與研究中心

本册責任編委 王豐先本册審稿人 郭 彧 孫通海

